

ভক্তি-সিদ্ধান্ত-গ্রন্থাবলী— ১

# শ্রী শ্রীগৌরসুন্দর

অর্থাৎ

শ্রীকৃষ্ণচৈতন্য মহাপ্রভুর  
চরিত ।

---

সিদ্ধান্তবাচস্পতি স্বধামগত বিষ্ণুপাদ

শ্রীশ্যামলাল-গোস্বামি-প্রভুকর্তৃক প্রণীত

ও

বৈষ্ণবাচার্য্য শ্রীপাদ গৌরসুন্দর ভাগবতদর্শনাচার্য্য কর্তৃক

টিপন্নীসমলঙ্কৃত ও সম্পাদিত ।

---

মূল্য ৪১ চারি টাকা ।

श्रीकाशीनाथ वेदान्तशास्त्री, वि.ए

७

श्रीकृष्णदेव भट्टाचार्य कर्तृक

प्रकाशित ।


प्रिण्टार—

श्रीजितेन्द्रनाथ दे,

श्रीकृष्ण प्रिण्टिंग ओयार्कस्,

२५२, अपार चिंपुर रोड, बागबाजार, कलिकाता

## প্রথম সংস্করণের বিজ্ঞাপন



শ্রী শ্রী রক্ষসৈন্য মহাপ্রভুর শ্রীচরণপ্রসাদে— শ্রী গুরুবৈষ্ণবের রূপায়, এই ক্ষুদ্রতর জীবের বহুদিনের শ্রম সফল হইল ;— শ্রীমন্নহাপ্রভু ও তদীয় পার্শ্বদ-বর্গের পরমপবিত্র চবিত্র-বর্ণনে পরিপূর্ণ শ্রীচৈতন্যভাগবত, শ্রীচৈতন্যমঙ্গল, শ্রীচৈতন্যচরিতামৃত, শ্রীচৈতন্যচরিতকাব্য ও ভক্তিরত্নাকর প্রভৃতি গ্রন্থ-সকল হইতে সংগৃহীত এই “শ্রী শ্রীগৌবন্দর” জনসমাজে প্রকাশিত হইলেন।

শ্রীমন্নহাপ্রভু চবিত্র-সম্বলিত অনেকানেক গ্রন্থ সুপ্রচলিত থাকিলেও, উহাদের কয়েকখানি সংস্কৃতভাষায় এবং কয়েকখানি ছন্দোবন্ধে রচিত হওয়ায়, একখানি বাঙ্গালা গদ্য-গ্রন্থের প্রয়োজনীয়তা বিবেচনা করিয়া বাঙ্গালা গদ্যে এই গ্রন্থখানি প্রকাশিত হইলেন। এইটি কিন্ত গ্রন্থপ্রকাশের গৌণ উদ্দেশ্য। মুখ্য উদ্দেশ্য—আত্মশোধন। শ্রীলগবানের লীলাকথার আলোচনায় আত্মা পবিত্র হয় বলিয়া এই লীলাময় গ্রন্থের রচনাচ্ছলে লীলাকথার আলোচনা। আলোচনায় প্রবৃত্ত হইয়া শ্রীমন্নহাপ্রভুর লীলাকথা যতদূর সংগ্রহ করিতে পারিয়াছি, গ্রন্থ-মধ্যে ততদূর সংগ্রহ করিয়াছি। বিশেষতঃ গ্রন্থ-মধ্যে বৈষ্ণব-সিদ্ধান্তের বিশুদ্ধ-সংরক্ষণে যথাসাধ্য যত্ন করিয়াছি। যদি কোনও স্থানে কোনরূপ ভ্রমপ্রমাদ ঘটিয়া থাকে, তাহা বিজ্ঞ পাঠকগণ সদয়জ্ঞদয়ে সংশোধন করিয়া লইবেন। ইতি

১৩ই পৌষ, ১২১ চৈতন্যক।

১১নং নিমুগোস্বামীর লেন,

কালকাতা।

) শ্রীশ্যামলাল গোস্বামি-

) সিদ্ধান্তবাচস্পতি।





বৈষ্ণবাচার্য

প্রভুপাদ শ্রীমানলাল গোস্বামী সিকান্দ্র বাচস্পতি



# প্রকাশকের নিবেদন

—\*—

পরম-করুণা-নিময় শ্রীমদ-নন্দনের কৃপায় দীর্ঘকাল পরে এই অমূল্য গ্রন্থ পুনঃ প্রকাশিত হইল। শ্রীমন্নিত্যানন্দবংশাবতংস স্বধামগত শ্রামলাল-গোস্বামি-সিদ্ধান্ত-বাচস্পতি মহাশয়ের তিরোধানের পর এই শ্রীগ্রন্থখানি ছুপ্রাপ্য হইয়া উঠে। এই ধর্ম-সঙ্কটের দিনে এইরূপ অমূল্যগ্রন্থের অভাবে গোড়ীয়-বৈষ্ণব-সমাজে মহাপ্রভু-প্রবর্তিত ধর্মের যথার্থ তাৎপর্য-গ্রহণে অনেকেই বঞ্চিত হইতেছেন। আমরা এই অভাব দূরীকরণার্থে স্বধামগত প্রভুপাদ গোস্বামীর প্রিয়-শিষ্য নিখিল-শাস্ত্র-নিষ্ণাত অশেষ-শাস্ত্রাধ্যাপক বৈষ্ণবাচার্য ঋষিকল্প শ্রীপাদ গৌরমুন্দর ভাগবতদর্শনাচার্যমহাশয়কে এই গ্রন্থখানি পুনঃ সঙ্কলন করিতে অনুরোধ করি। তিনি শারীরিক অসুস্থতাসত্ত্বেও আমাদের ও তদীয় কতিপয় শিষ্যের বিশেষ অনুরোধে বৈষ্ণব-সমাজের কল্যাণার্থ এই পুস্তকখানি সম্পাদন করিবার ভার গ্রহণ করেন। তিনি গ্রন্থের বহু স্থানে সূচিস্তিত ও পাণ্ডিত্যপূর্ণ বহু টিপ্সনীদ্বারা জটিল তত্ত্বসমূহ যথাসম্ভব সরলভাবে লিপিবদ্ধ করিয়া পুস্তকখানির গৌরববৃদ্ধি করিয়াছেন। পূর্ব-সংস্করণে যে সমস্ত সংস্কৃত শ্লোকের অনুবাদ ছিল না সর্বসাধারণের বোধার্থ এই সংস্করণের পাদ-টীকায় তাহাদের অনুবাদ প্রদত্ত হইয়াছে। রায়-রামানন্দ-সংবাদের বহুস্থলে টিপ্সনী দ্বারা নূতন তত্ত্ব সংযোগ করিয়া সম্পাদক মহাশয় ঐ অংশ সহজবোধ্য করিয়াছেন। শ্রীমন্নহাপ্রভু শিক্ষাষ্টকের “চেতোদর্পণমার্জ্জনং” ইত্যাদি শ্লোকে সামান্ত-ভাবে যে-নাম মাহাত্ম্য বর্ণনা করিয়াছেন সম্পাদক মহাশয় সেই নাম-মাহাত্ম্য-প্রসঙ্গে ভূরি ভূরি শাস্ত্রীয়বচন ও নব নব তথ্য সুবিস্তৃতভাবে নিবদ্ধ করিয়া গ্রন্থখানির প্রভূত গৌরব সাধন করিয়াছেন। শ্রীচৈতন্যলীলাতত্ত্বপ্রকাশক বহু কাব্যগ্রন্থ বর্তমান থাকিলেও এবং শ্রীচৈতন্যচরিতামৃতে ভক্তিশাস্ত্রের নিগূঢ় রহস্য উদ্ঘাটিত হইলেও সাধারণ শিক্ষিত ব্যক্তির পক্ষে উহা সুবোধ্য নহে। কিন্তু এই পুস্তকের মূলে ও টিপ্সনীতে শ্রীজীব গোস্বামী, শ্রীরূপ সনাতন প্রভৃতি মহাজনের অসাধারণ দার্শনিকতাপূর্ণ জটিল ভক্তিগ্রন্থ-সমূহের-সার ও সঙ্ক্ষেপে বৈষ্ণব-স্মৃতি নিবদ্ধ করা হইয়াছে। গণ্য-সাহিত্যে এই জাতীয় পুস্তক এই প্রথম। এই শ্রীগ্রন্থ-পাঠে তত্ত্ব ও তত্ত্ব-পিপাসুর আকাঙ্ক্ষা পরিতৃপ্ত হইবে সন্দেহ নাই।

বৈষ্ণব-সাহিত্যের অক্ষয় ভাণ্ডারের সমুজ্জ্বল রত্ন-স্বরূপ এই পুস্তকপাঠে ভব ও তত্ত্বপিপাসুগণ তৃপ্তিলাভ করুন এবং বাল্যমহার গৃহে গৃহে ত্রীমন্মহাপ্রভুর পুত্র অনুপম চরিত্রের আলোচনা হউক ও তৎপ্রবর্তিত অমল ভক্তিতত্ত্ব প্রচারিত হইয়া জগতের কল্যাণ-সাধন করুক—ইহাই প্রার্থনা।

এই পুস্তক মুদ্রণকার্যে শ্রীযুক্ত অমৃতলাল সিদ্ধান্তরত্ন, ব্যাকরণতীর্থ মহাশয় আমাদের সাহায্য দান করিয়াছেন বলিয়া আমরা তাঁহার নিকট ঋণী। গ্রন্থখানি ভক্ত ও সুধীগণের নিকট সমাদৃত হইলে আমাদের শ্রম সার্থক মনে করিব। ইতি

বিনয়ান্বিত—

শ্রীকাশীনাথ বেদান্তশাস্ত্রী, বি-এ

শ্রীকৃষ্ণদেব ভট্টাচার্য্য।



# সূচীপত্র ।

—•)•(•—

বিষয় ।		পত্রাঙ্ক
গৌড়ীয়-বৈষ্ণব-সম্প্রদায়	...	১
পূর্বাভাস	...	১০
অবতরণ	...	১৩
আবির্ভাব	...	১৬
বাল্যলীলা	...	২০
পোগণ্ডলীলা	...	৩২
কৈশোরলীলা	...	৩৯
যৌবনলীলা	...	৪১
দিগ্বিজয়ীর পরাজয়	...	৪৪
পূর্ববঙ্গযাত্রা	...	৪৮
বিষ্ণুপ্রিয়াপরিণয়	...	৪৯
হরিদাসঠাকুর	...	৫৩
গয়াধাম যাত্রা	...	৬১
ভাবাস্তর	...	৬৯
আত্মপ্রকাশ	...	৭২
শ্রীনিত্যানন্দ	...	৭৭
নিত্যানন্দসম্মিলন	...	৮৩
বাসুপুজার অধিবাস	...	৮৫
বাসুপূজা	...	৮৭
অষ্টমতমিলন	...	৮৮
পুণ্ডরীক বিধানিধি	...	৯০
শচীদেবের গৃহে নিত্যানন্দের ভিক্ষা	...	৯২
ভক্তসম্মিলন	...	৯৪
মহাপ্রকাশ	...	৯৮
নিত্যানন্দের চরিত্র	...	১০১

বিষয় ।		পত্রাঙ্ক ।
জগাই মাধাই উদ্ধার	...	১০২
সঙ্কীর্ণনে অহুন্মাস	...	১০২
চাপাল গোপাল	...	১১২
বিবিধ অদ্ভুত ঘটনা	...	১১৩
শুক্লাশ্বরের তণ্ডুলভোজন	...	১১৬
নাটকাভিনয়	...	১১৬
অধৈত্যাচার্যের অভিমান	...	১১৯
মুরারি গুপ্ত	...	১২২
দেবানন্দের দণ্ড	...	১২৪
শচীদেবীর বৈষ্ণবাপরাধ	...	১২৬
চাঁদকাজীর দমন	...	১২৭
শ্রীবাসপুত্রের মৃত্যু	...	১৩১
শুক্লাশ্বর ব্রহ্মচারীর অন্নভোজন	...	১৩২
সন্ন্যাসগ্রহণের সূচনা	...	১৩৩
শচীমাতার প্রবোধ	...	১৩৬
বিষ্ণুপ্রিয়াদেবীর প্রবোধ	...	১৩৭
গৃহত্যাগের পূর্বদিন	...	১৩৮
বিষ্ণুপ্রিয়া, শচীদেবী ও ভক্তগণ	...	১৪২
সন্ন্যাস	...	১৪৩
রাঢ়দেশ ভ্রমণ	...	১৫৫
শান্তিপুরাগমন	...	১৬০
নীলাচল যাত্রা	...	১৬৫
দণ্ডভঙ্গ	...	১৭০
শ্রীশ্রীজগন্নাথদর্শন	...	১৭১
সার্কভৌমমিলন	...	১৭২
বেদান্তব্যাখ্যান	...	১৮৩
সার্কভৌমের ভক্তি	...	২০৯
দক্ষিণ ভ্রমণ	...	২১৫
রামানন্দ মিলন	...	২১৮

সূচীপত্র

৥৩০

বিষয়			পত্রাঙ্ক
সেতুবন্ধ যাত্রা	...	...	২৬৫
নীলাচলে প্রত্যাগমন	...	...	২৭৪
বৈষ্ণব সম্মিলন	...	...	২৭৮
রাজা প্রতাপরুদ্র	...	...	২৮২
গৌড়ীয় ভক্তগণের আগমন	...	...	২৮৭
শুণ্ডিচামার্জন	...	...	২৯৩
রথযাত্রা	...	...	২৯৬
লক্ষ্মী বিজয়	...	...	৩০৭
গৌড়ীয় ভক্তগণের বিদায়	...	...	৩১৯
সার্কভৌমের নিমন্ত্রণ	...	...	৩২৩
অমোঘের প্রভুভক্তি	...	...	৩২৫
প্রভুর শ্রীবৃন্দাবনগমনাভিলাষ	...	...	৩২৬
প্রভুর গৌড়দেশ যাত্রা	...	...	৩২৮
সনাতন ও রূপ গোস্বামীর পূর্ববৃত্তান্ত	...	...	৩৩৩
প্রভুর সহিত সাক্ষাৎকার	...	...	৩৩৫
রঘুনাথ দাস	...	...	৩৪০
পুনঃ শ্রীবৃন্দাবন যাত্রা	...	...	৩৪৩
মথুবাগমন	...	...	৩৪৭
বনযাত্রা	...	...	৩৪৮
রূপগোস্বামীর গৃহত্যাগ	...	...	৩৫৬
সনাতনগোস্বামীর কারাবাস	...	...	৩৫৮
রূপগোস্বামীর প্রভুর সহিত মিলন	...	...	৩৬২
শ্রীরূপশিক্ষা	...	...	৩৬৫
সনাতনগোস্বামীর বারাণসী যাত্রা	...	...	৩৭৭
সনাতনগোস্বামীর প্রভুর সহিত মিলন	...	...	৩৭৯
সনাতন গোস্বামীর শিক্ষা	...	...	৩৮১
সম্বন্ধ তত্ত্ব	...	...	৩৯২
অভিধেয় তত্ত্ব	...	...	৪২৭
প্রয়োজনতত্ত্ব	...	...	৪৪৬

বিষয়			পত্রাঙ্ক
প্রেমের আলম্বন	...	...	৪৪৮
আত্মারাম শ্লোকের ব্যাখ্যা	...	..	৪৫৬
বৈষ্ণবস্মৃতি	...	...	৪৬১
প্রকাশানন্দের সহিত মিলন	...	...	৪৮০
শ্রুতির মুখার্থ	...	...	৪৮৩
মায়াবাদ খণ্ডন	...	...	৪৪৮
জীবই কি ব্রহ্ম ?	...	...	৪২২
পরিচ্ছেদ ও প্রতিবিশ্ব বাদ	...	...	৪২৫
ব্রহ্ম সগুণ না নিগুণ ?	...	...	৪২৯
পুরুষার্থ কি ?	...	...	৫০২
পুরুষার্থ লাভের উপায় কি ?	...	...	৫০৫
প্রকাশানন্দের পরিবর্তন	...	...	৫১১
চতুঃশ্লোকী ভাগবত	...	...	৫১৩
ভক্তসমাগম	...	...	৫১৭
শ্রীকৃপগোশ্বামীর নীলাচলে আগমন	...	...	৫১৮
প্রভুর আবেশ ও আবির্ভাব	...	...	৫২৪
ছোট হরিদাসের দণ্ড	...	...	৫২৬
দামোদরের নদীয়াগমন	..	...	৫২৭
কলিজীবের নিস্তারোপায়	...	...	৫২৮
সনাতনগোশ্বামীর নীলাচলে আগমন	...	...	৫২৯
প্রহ্লাদমিশ্র	...	...	৫৩৩
বঙ্গীয় কবি	...	...	৫৩৫
রঘুনাথ দাসের নীলাচলে আগমন	...	...	৫৩৬
বল্লভভট্ট	...	...	৫৪০
রামচন্দ্রপুরী	...	...	৫৪৪
গোপীনাথ পট্টনায়ক	...	...	৫৪৬
প্রভুর ভৃত্য ও ভক্ত	...	...	৫৪৯
হরিদাস ঠাকুরের নির্ধাণ	...	...	৫৫১
রথযাত্রায় গোড়ীর ভক্তগণ	...	...	৫৫৩
জগদানন্দ	...	...	৫৫৪
প্রভুর অদ্ভুত ভাবাবেশ ও রঘুনাথ ভট্ট	...	...	৫৫৭
মহাপ্রভুর প্রলাপ	...	...	৫৫৮
মহাপ্রভুর শিক্ষাষ্টক	...	...	৫৯৫



## मङ्गलाचरणम्

श्यामं वन्दे गुरुवरमथो भक्तिदेवीं च राधां  
श्रीगोविन्दं चितिसुखतनुं पार्षदं तस्य दिव्यम् ।  
श्रीब्रह्माणं परमशुभदं नारदं व्यासमूर्तिं  
श्रीगौराङ्गं स्वर्गसहितं तन्मतज्ञान् गुरुंशुच ॥

---



শ্রীপাদ গৌরসুন্দর ভাগবতদর্শনাচার্য্য ।

# শ্রীশ্রীগৌরসুন্দর

## আদি-লীলা

### গৌড়ীয়-বৈষ্ণব-সম্প্রদায়

শ্রীগৌরঙ্গ মহাপ্রভুর চুজের, চুপবেশ, গৃচরিতের অভ্যন্তরে প্রবেশাধিকার লাভ করিতে হইলে, তিনি যে সম্প্রদায়<sup>১</sup>-বিশেষের আরাধাদেবতা, সেই সম্প্রদায়-বিশেষের বিষয় অগ্রেই কিছু জানা আবশ্যিক! শ্রীগৌরঙ্গ মহাপ্রভু, তাঁহাতেই গতজীবন, গৌড়ীয়-বৈষ্ণব-সম্প্রদায়ের শরীর ও আত্মা। শ্রীগৌরঙ্গ-জ্ঞান-বিহীন গৌড়ীয়-বৈষ্ণব-সম্প্রদায়ই আকাশ-কুসুম। বৈদিক<sup>২</sup> সম্প্রদায়-বিশেষের নাগই

(১) শ্রীগুরুপরম্পরাগতসদুপদেশের নাম সম্প্রদায়। শাস্ত্রে উক্ত হইয়াছে যেহেতু সম্প্রদায়বিহীন মন্ত্র বা উপাসনা বিফল, এই হেতু কলিকালে জগন্মঙ্গলার্থ শ্রী, ব্রহ্ম, রুদ্র ও সনক নামে চারিটি বৈদিক বৈষ্ণবসম্প্রদায় আবির্ভূত হইবে। তন্মধ্যে শ্রীরামানুজাচার্য্য শ্রীপ্রবর্তিত বৈদিকবৈষ্ণব-সম্প্রদায়চার্য্য। শ্রীমধ্বাচার্য্য ব্রহ্মপ্রবর্তিত বৈদিকবৈষ্ণবসম্প্রদায়চার্য্য। শ্রীবিষ্ণুস্বামী রুদ্রপ্রবর্তিত বৈদিকবৈষ্ণবসম্প্রদায়চার্য্য এবং শ্রীনিম্বাদিত্যস্বামী চতুঃসনপ্রবর্তিত বৈদিকবৈষ্ণব সম্প্রদায়চার্য্য। যद्यপি প্রাচীন ব্রহ্মসম্প্রদায় বা মধ্বসম্প্রদায়ের সহিত শ্রীকৃষ্ণচৈতন্যসম্প্রদায়ের তত্ত্বাংশে বা সাধ্যসাধনাংশে বহু বৈলক্ষণ্য পরিদৃষ্ট হয় তথাপি শ্রীগুরুপ্রণালীর একত্বনিবন্ধন এতদুভয়সম্প্রদায়ই ব্রহ্ম-সম্প্রদায় বা মধ্বসম্প্রদায় নামে গোবিন্দ-ভাষ্যকারাদি পূর্বাচার্য্যগণ কর্তৃক অভিহিত হইয়া থাকে।

(২) বেদবোধিত বা বেদপ্রতিপাত্তই বৈদিক। সহজ উপলক্ষ্য নিমিত্ত বেদ ও বৈদিকত্বের লক্ষণ নির্দিষ্ট হইতেছে।—বেদশব্দ ঋগ্‌যজুর্‌সাদিরূপও পুরাণেতিহাসাদিরূপ পরতত্ত্বপ্রতিপাদক অনাদি অপৌরুষেয় শাস্ত্র। পৌরুষেয় ও অপৌরুষেয় ভেদে শাস্ত্র দ্বিবিধ। পুরুষপ্রণীত শাস্ত্রই পৌরুষেয় এবং পরমেশ্বরোক্ত শাস্ত্রই অপৌরুষেয় শাস্ত্র। ঋগাদিরূপবেদ পরমেশ্বরোক্ত বলিয়া অপৌরুষেয় এবং পুরাণেতিহাসাদিরূপ পঞ্চমবেদ ও ভগবান শ্রীকৃষ্ণদ্বৈপায়নোক্ত বলিয়া অপৌরুষেয়। একমাত্র ঐ অপৌরুষেয়বাক্য বেদ লৌকিক ও অলৌকিক সর্ব প্রকার জ্ঞানের নিদান। করুণা-ময় পরমেশ্বর কর্তৃক অজ্ঞজনের জন্ম উপদিষ্ট বেদশাস্ত্র কর্মকাণ্ড, উপাসনাকাণ্ড ও জ্ঞানকাণ্ড



গৌড়ীয়-বৈষ্ণব-সম্প্রদায়। ইদানীন্তন কোন কোন বিজ্ঞানজ্ঞ অজ্ঞলোক গৌড়ীয়-বৈষ্ণব-সম্প্রদায়কে যেরূপ বিবেচনা করেন, বস্তুতঃ গৌড়ীয়-বৈষ্ণব-সম্প্রদায় সেরূপ

এই কাণ্ডে বিভক্ত। কর্মকাণ্ডে কর্মসকল, উপাসনাকাণ্ডে শ্রীভগবদ্বিভূতিরূপ নানাদেবতার উপাসনা ও জ্ঞানকাণ্ডে ব্রহ্ম, পরমাত্মা ও ভগবৎপ্রতিপাদক জ্ঞান উপদিষ্ট হইয়াছে। ঐ জ্ঞান আবার বিদ্যাও বেদনভেদে দ্বিবিধ। তন্মধ্যে প্রথমটী ব্রহ্মজ্ঞান ও দ্বিতীয়টী শ্রীভগবদভক্তি। পরমাত্মজ্ঞান জ্ঞান ও ভক্তি এতদুভয়মিশ্রিত। কৌরববিশেষে পাণ্ডবশব্দের স্থায় হ্লাদিনীসার সমবেতজ্ঞানবিশেষে ভক্তিশব্দের প্রয়োগ হইয়াছে। কর্মকাণ্ডোপদিষ্ট কর্মসকল সকাম ও নিকাম ভেদে দ্বিবিধ। ভোগাভিলাষমূলক সকামকর্ম ঐহিক ও পারত্রিক ভেদে দ্বিবিধ। উহারা প্রত্যেকটী আবার তামস রাজস ও সাত্বিক ভেদে ত্রিবিধ। তন্মধ্যে ঐহিক ও পারত্রিক ভোগেচ্ছামূলক হিংসায়ুক্ত সকাম কর্ম তামস। আর ঐহিক ও পারত্রিক ভোগেচ্ছামূলক হিংসারহিত সকাম কর্ম রাজস। মোক্ষেচ্ছাজনক কর্ম সাত্বিক। ভগবদাজ্ঞাবোধে অনুষ্ঠীয়মান কর্মই নিকাম। শ্রীভগবদর্পিত নিকামকর্ম চিত্তশুদ্ধি ও সাধুসঙ্গকে দ্বার করিয়া জ্ঞান ও ভক্তির সহায়ক হয়। চিত্তশুদ্ধির অর্থ অন্ততাপর্യാত্যাগ বা ভোগাভিলাষত্যাগ। ভোগমাত্রই ক্ষয়শীল ও দুঃখপ্রদ এইরূপ বুদ্ধিবাতীরেকে ভোগাভিলাষ পরিত্যাগ হয় না। প্রথমতঃ জীব ঐহিক ও পারত্রিক সকামকর্মের অনুষ্ঠান করিতে করিতে ভোগমাত্রই বিনাশী ও পরিণামে দুঃখপ্রদ এইরূপ জ্ঞানের উদয়ে ভোগেচ্ছা পরিত্যাগ করে। অবশেষে ভগবদর্পিত নিকাম কর্ম দ্বারা চিত্তদর্পণ মার্জিত হইলে জীব মোক্ষাধিকারী হইয়েন। সাম্ ঋক্ যজুঃ ও অথর্ব এইরূপে বিভক্ত বেদ চতুষ্টয়ের প্রত্যেকটিরই আবার দুইটী অংশ আছে। এই দুই অংশের নাম মন্ত্র ও ব্রাহ্মণ। তন্মধ্যে বেদের যে অংশ কর্ম ও জ্ঞানাদির বিধায়ক তাহাই ব্রাহ্মণ। মন্ত্রসকলের যাগাদি ক্রিয়াতে প্রয়োগ হইয়া থাকে। পূর্বেক্ত ব্রাহ্মণ বেদভেদে বিভিন্ননামে অভিহিত হইয়া থাকে। তন্মধ্যে ঋগ্বেদে ঐতরের নামে একটী ব্রাহ্মণ, যজুর্বেদে তৈত্তিরীয় ও শতপথ নামে দুইটী ব্রাহ্মণ, সাম্বেদে তাণ্ড্য নামে একটী ব্রাহ্মণ এবং অথর্ববেদে গোপথ নামে একটী ব্রাহ্মণ আছে। বেদের ব্রাহ্মণভাগকে কেহ কেহ মন্ত্রেরই অর্থ বলিয়া থাকে। উপাসনাকাণ্ডে যে সকল দেবতার উল্লেখ আছে, ঋগ্বেদে ঐ দেবতাদিগকে প্রথমতঃ ত্রয়স্ত্রিংশৎ অর্থাৎ ৩৩টী সঙ্খ্যায় নির্দেশ করিয়াছেন। তন্মধ্যে দ্ব্যলোকে জ্যৈষ্ঠ, বরুণ, মিত্র, সূর্য্য, সাবিত্রী, পুষা, বিষ্ণু, বিবস্বান, আদিত্য, উষা, অশ্বিনীকুমার, এই ১১টী ও অন্তরিকালোকে ইন্দ্র, আপ্য, অপান্নপাৎ, মাতরিখা, অহিবুধ, অজৈকপাৎ, রুদ্র, মরুদগণ, বায়ুবাৎ, পর্জন্তু আপঃ এই ১১টী এবং ভুলোকে পৃথিবী, অগ্নি, বৃহস্পতি, সোম, সরস্বতী, শতক্র, পরশ্বি, বিপাশা, গঙ্গা, যমুনা, সরস্ব এই ১১টী, এতদ্ব্যতীত আরও বহু দেবতার নাম ঋগ্বেদাদিতে উল্লিখিত আছে। যথা—বিশ্বকর্মা, প্রজাপতি, ভৃষ্টা, অদিতি, মনু, শ্রাদ্ধদেবগণ, পিতৃদেবগণ, ঋভুগণ, গন্ধর্ভগণ, বাসুদেবগণ ইত্যাদি। মন্ত্রত্রয় ঋষিগণের পরিপূর্ণ-সর্বশক্তিবিশিষ্টপরমেশ্বর একমাত্র লক্ষ্য। উপাসনাকাণ্ডোক্ত দেবতাসকল উক্ত পরমেশ্বরেরই বিভূতি।

বেদের জ্ঞানকাণ্ডের নামান্তর উপনিষৎ। উপনিপূর্বক সদ্ধাতু কিপ্ প্রত্যয় করিয়া উপনিষৎ শব্দটী নিশ্চয় হইয়াছে। সদ্ ধাতুর অর্থ অবসাদন, গতিও বিশরণ। উপ-অর্থ সমীপে—সত্বর

একটি নিকৃষ্ট সম্প্রদায় নহেন। স্বয়ং ভগবান্ শ্রীকৃষ্ণ যে সম্প্রদায়ের আরাধ্য, তদীয় আবির্ভাব-বিশেষ শ্রীগৌরান্ মহাপ্রভু যে সম্প্রদায়ের প্রাণ, অনাদি বেদকল্পতরু

এবং নি—অর্থ নিশ্চয় ও নিঃশেষ। যাহা সমীপস্থ পরব্রহ্মের নিশ্চয় দ্বারা নিঃশেষে সংসারের সারত্ববুদ্ধি অবসন্ন অর্থাৎ শিথিল করে, যাহা সর্বশক্তিসমন্বিত অদ্বিতীয় পরব্রহ্মকে প্রাপ্ত করায়, যাহা জন্মমৃত্যুর কারণীভূত ও যাহা অবিদ্যার বিশরণ অর্থাৎ বিনাশ করে তাহাই উপনিষৎ শব্দবাচ্য। ব্রহ্মবিদ্যাই ঐ সকল কার্য সাধন করেন। অতএব ব্রহ্মবিদ্যাই উপনিষৎ শব্দের অর্থ। এস্থলে প্রশ্ন হইতে পারে যে লোকে ব্রহ্মবিদ্যাপ্রতিপাদক গ্রন্থকেও উপনিষৎ বলিয়া থাকে; তাহা কিরূপে সম্ভব হয়? তাহার উত্তরে বলিতে হয় যে যতপি সংসারের বীজ-ভূতা অবিদ্যাদিদোষসমূহের বিশরণ বা বিনাশ (প্রভৃতি যে সকল অর্থ উপনিষৎ শব্দে উক্ত হইয়াছে,) শুধু গ্রন্থে সম্ভব হয় না; পরন্তু ব্রহ্মবিদ্যাতেই সম্ভব হয়, তথাপি 'ঘৃতই-আয়ু' বলিলে যেমন আয়ুরকারণ বলিয়া ঘৃতকেই আয়ু বলা হয় সেইরূপ উপনিষৎগ্রন্থ ব্রহ্মবিদ্যা-বাচক বলিয়া গ্রন্থে বাচ্যবাচকসম্বন্ধে অভেদরূপে উপচারিক বা লক্ষণাদ্বারা উপনিষৎ শব্দের প্রয়োগ হইয়া থাকে। উক্ত উপনিষৎরূপ ব্রহ্মবিদ্যা ব্রহ্ম-প্রতিপাদিকা ও শ্রীভগবৎ-প্রতিপাদিকা ভেদে দ্বিবিধ। প্রথমটির নাম ব্রহ্মজ্ঞান ও দ্বিতীয়টির নাম ভগবদ্ভক্তি। এক অদ্বয় সচ্চিদানন্দ পরব্রহ্ম উপাসকের যোগ্যতানুসারে আবির্ভাবভেদে ব্রহ্ম, পরমাত্মা ও ভগবান্ এই ত্রিবিধ নামে অভিহিত হইয়া থাকেন। তন্মধ্যে শক্তি-বর্গরূপবিশেষণের প্রকাশরহিত সত্তামাত্র নির্বিশেষ আবির্ভাবের নাম ব্রহ্ম, মায়াশক্তিপ্রচুরচিচ্ছক্যংশবিশিষ্ট সর্বিশেষ আবির্ভাবের নাম পরমাত্মা। এবং পরিপূর্ণসর্বশক্তিবিশিষ্ট সর্বিশেষ আবির্ভাবের নাম ভগবান্। জ্ঞানযোগী ব্রহ্মের, অষ্টাঙ্গ-যোগী পরমাত্মার এবং ভক্তিয়োগী ভগবানের সাক্ষাৎকার লাভ করিয়া থাকেন। ব্রহ্ম, পরমাত্মা, ও ভগবান্ এই আবির্ভাবত্রয়ের মধ্যে শ্রীভগবদবির্ভাবেরই পরমোৎকর্ষ। শ্রীভগবান্ স্বয়ং শ্রীকৃষ্ণ। ব্রহ্ম, পরমাত্মাদি সমস্তই শ্রীকৃষ্ণের বিভূতি বা মহিমা। এক অদ্বয় শ্রীকৃষ্ণাখ্য পরব্রহ্ম, স্বীয় স্বাভাবিকী অচিন্ত্যশক্তিদ্বারা সর্বদা স্বরূপে, স্বরূপবিভূতিরূপে তটস্থ-বিভূতিরূপে ও মায়াবিভূতিরূপে চতুর্কা বিরাজিত। শ্রীকৃষ্ণের শক্তিসকল স্বরূপতঃ অনন্ত হইলেও তাহা অন্তরঙ্গা, বহিরঙ্গা ও তটস্থা এই ত্রিবিধভাবে বিভক্ত। নিত্যভগবৎসামুখ্যাবিশিষ্ট ভগবচ্ছক্তির নাম অন্তরঙ্গাশক্তি অথবা শ্রীকৃষ্ণের যে শক্তি স্বীয় স্বপ্রকাশতারূপবৃত্তিবিশেষদ্বারা শ্রীভগবৎস্বরূপকে, স্বরূপশক্তিবিন্যাসদিগকে বা স্বরূপবিন্যাসাদিদিগকে প্রকাশ করে, তাদৃশ শ্রীভগবৎস্বরূপনিষ্ঠ সচ্চিদানন্দরূপসামর্থ্যবিশেষেরই নাম অন্তরঙ্গাশক্তি বা স্বরূপশক্তি। কখনও ভগবৎসামুখ্যাবিশিষ্ট কখনও ভগবদ্বেমুখ্যাবিশিষ্ট ভগবচ্ছক্তির নাম তটস্থা বা জীবশক্তি। আর শ্রীকৃষ্ণের যে শক্তি ঐ ভগবদ্বেমুখ্য তটস্থাশক্তির বৈমুখ্যরূপছিন্নের আশ্রয়ে থাকিয়া উহার স্বরূপজ্ঞান আবরণ ও অস্বরূপদেহাদিতে আবেশ উৎপাদন করে তাহার নাম বহিরঙ্গা বা মায়াশক্তি। শ্রীকৃষ্ণ স্বীয় এই ত্রিবিধশক্তির মধ্যে অন্তরঙ্গাশক্তিদ্বারা তুরীয়স্বরূপে বা ত্রিপাদবিভূতিরূপে, বহিরঙ্গাশক্তির দ্বারা একপাদবিভূতি বা জড়বিভূতিরূপে এবং তটস্থাশক্তি দ্বারা জীববিভূতিরূপে নিত্য বিরাজিত। সাকল্যে পরিপূর্ণ সর্বশক্তিবিশিষ্ট স্বয়ং ভগবান্ শ্রীকৃষ্ণ। ঐ সশক্তিকপরব্রহ্ম স্বীয়শক্তিমত্তাপ্রাধাত্তে, কৃষ্ণ, বিষ্ণু

হইতে যাঁহার আবির্ভাব, শুক-নারদ-সনক-সনাতনাদি পরমহংস সকল যে সম্প্র-  
দায়ের প্রবর্তক, ব্রহ্ম-শিব-ঋষি-প্রহ্লাদাদি যাঁহার পথদর্শক এবং জগৎপূজ্য

প্রভৃতি সংজ্ঞায়, ও শক্তিপ্রাধাণ্যে রাধা, লক্ষ্মী প্রভৃতি সংজ্ঞায় অভিহিত হইয়াছেন। জীব  
সকল স্বরূপতঃ সচ্চিদানন্দস্বরূপ হইয়াও স্বীয় অণুত্বনিবন্ধন, অনাদি বিভূ পরতত্ত্ববিষয়ক  
অজ্ঞানবশতঃ পরতত্ত্ব হইতে বিমুখ থাকেন। জীবাশ্মার ভগবদ্বেমুখ্য অনাদি। ভগবদ্বিষয়িনী  
অজ্ঞতাই জীবাশ্মার ভগবদ্বেমুখ্য। ঐ বৈমুখ্যই জীবের অনর্থের ছিদ্র। ভগবানের মায়াশক্তি  
জীবাশ্মার ঐ ভগবদ্বেমুখ্য সহ করিতে না পারিয়া, তাঁহার স্বরূপভূতজ্ঞান আবরণপূর্বক  
অস্বরূপ দেহাদিতে আবেশ উৎপাদন করে। ঐ মায়াশক্তিই অবিজ্ঞা বা অজ্ঞান, তৎকৃত আবরণাদিই  
জীবাশ্মার বন্ধন। রক্তস্তমপ্রধান বন্ধনজনিকা মায়াবৃত্তির নাম অবিজ্ঞা। অবিজ্ঞার আবার দুইটি  
বৃত্তি ; একটির নাম আবরিকা, অপরটির নাম বিক্ষেপিকা। তন্মধ্যে আবরিকাবৃত্তি জীবমায়ার  
অন্তর্গতা এবং বিক্ষেপিকাবৃত্তি গুণমায়ার অন্তর্গতা। আবরিকাবৃত্তির দ্বারা জীবের স্বরূপাবরণ  
ও বিক্ষেপিকাবৃত্তির দ্বারা গুণাভিনিবেশকার্য্য সম্পাদিত হইয়া থাকে। কারণরূপা জীবমায়া  
জগতের উপাদান এবং কার্য্যরূপা গুণমায়াই বিচিত্র জগৎ। জীবের উপাধিত্রয় গুণমায়ারই পরিণাম।  
সত্ত্বগুণপ্রধান উপাধির নাম কারণশরীর। রজোগুণপ্রধান উপাধির নাম সূক্ষ্মশরীর এবং  
তমোগুণপ্রধান উপাধির নাম স্থূলশরীর। কারণশরীর সত্ত্বগুণপ্রধান বলিয়া সুসৃষ্টিকালে  
আনন্দপ্রদ। সূক্ষ্মশরীর রজোগুণপ্রধান ও জীবাশ্মার ভোগোপযোগী কর্ম্মের সাধন বলিয়া  
দুঃখজনক এবং স্থূলশরীর তমোগুণপ্রধান বলিয়া মোহজনক। উক্ত শরীরত্রয়ই জীবের সংসারবন্ধন।  
পরব্রহ্মের শরণাগত না হইয়া, তাঁহার কৃপায় আত্ম-সমর্পণ না করিয়া সংসারবন্ধন হইতে মুক্ত হওয়া  
যায় না। জীবাশ্মা চিন্ময়, শরীররূপ উপাধি জড়। যত্বপি চিন্ময় জীবাশ্মার জড়রূপউপাধিদ্বারা বন্ধন  
যথার্থ নহে, তথাপি বিনা সাধনে উহার নিবৃত্তি হয় না। ঐ সাধন আবার উপদেশসাপেক্ষ।  
অজ্ঞজীব সর্বজ্ঞপরমেশ্বরের উপদেশ ব্যতিরেকে প্রত্যক্ষ ও অনুমান দ্বারা প্রকৃত ইষ্ট ও অনিষ্ট  
পরিজ্ঞাত হইতে পারেন না। জীব স্বীয় প্রত্যক্ষও অনুমান দ্বারা যখন লৌকিক ইষ্টানিষ্ট  
সকল সময়ে অবধারণ করিতে পারেন না, তখন অলৌকিক ইষ্টানিষ্ট যে তদ্বারা অবধারিত  
হইতে পারে না তাহা বলা বাহুল্য। এই নিমিত্তই সর্বজ্ঞ পরমেশ্বরের অজ্ঞ-জীবের প্রতি করুণা  
করিয়া লৌকিক ও অলৌকিক সর্বজ্ঞানের নিদানভূত বেদশাস্ত্র উপদেশ করিয়াছেন। ঐ বেদশাস্ত্র  
ব্রহ্মাদিঋষিপরম্পরায় জগতে প্রকাশ পাইয়াছেন। উপদিষ্ট বেদ ও আবার যুগপৎ সর্ববাংশে  
গ্রহণযোগ্য নহে, পরন্তু অধিকারানুযায়ী ক্রমরীতিতে, অর্থাৎ প্রবল ভোগতৃষ্ণার অবস্থায় সকাম  
কর্ম্মপ্রতিপাদক বেদ, ক্ষয়িষ্ণুভোগে বিতৃষ্ণা জন্মিলে নিকামকর্ম্মপ্রতিপাদক বেদ, ঈশ্বরার্পিত নিকাম  
কর্ম্ম দ্বারা চিত্তশুদ্ধি জন্মিলে জ্ঞানপ্রতিপাদক বেদ,\* এবং তদনুশীলনদ্বারা মোক্ষচ্ছার ও  
ধিনিবৃত্তিতে জ্ঞানবিশেষকপভক্তিপ্রতিপাদক বেদ, স্ব স্ব অধিকার অনুসারে গ্রহণযোগ্য।  
অনধিকৃতবিষয়ে কাহারও অগ্রসর হওয়া কর্তব্য নহে। উক্ত গৌড়ীয়বৈষ্ণবসম্প্রদায় উপনিষৎ  
কাণ্ড বা জ্ঞানকাণ্ডপ্রতিপাত্ত জ্ঞানবিশেষরূপভক্তির সম্প্রদায়। তাঁহা যে উপনিষৎপ্রতিপাত্ত  
তদ্বিষয়ে \* প্রমাণস্বরূপ কতিপয় শ্রুতিবাক্য প্রদর্শিত হইল। “শ্রদ্ধাভক্তিধ্যানযোগাদবেহি

## আদি-লীলা

শ্রীকৃপাদিগোশ্বামিপাদগণ যে সম্প্রদায়ের আচার্য্য, সে সম্প্রদায়ের উৎকৃষ্টতা স্বতঃ-  
সিদ্ধা। ব্রজেন্দ্রনন্দন স্বয়ং ভগবান্ শ্রীকৃষ্ণ এই গোড়ীয়-বৈষ্ণব-সম্প্রদায়ের স্মরণীয়,  
ব্রজবধুবর্গকল্পিতা উপাসনাই এই সম্প্রদায়ের অনুসরণীয়। অমলঃ শ্রীভাগবত-  
শাস্ত্রই এই সম্প্রদায়ের প্রমাণ।

“পূর্বকালে মহর্ষিগণ ব্রহ্মচর্যাদিব্রত-ধারণপূর্বক নিরন্তর অপৌরুষেয়  
বেদার্থের সমালোচনা করিতেন। সাত্ত্বিকাদি-গুণ-গত অধিকারতারতম্য বশতঃ  
তঁাহাদিগের ব্রত ও সমালোচনার তারতম্যানুসারে শ্রুতিসমূহের যে অর্থগত  
তারতম্য হয়, সেই তারতম্যই আর্য্যসমাজের সম্প্রদায়-ভেদের প্রধানতম কারণ।

( কৈবল্য উঃ ১।২ ) “পৃথগাশ্রানাং প্রেরিতারঞ্চ মহা জুষ্টস্ততস্তেনামৃতত্বমেতি ( খেতাখ উঃ ১।৬ ) “বিজ্ঞায়  
প্রজ্ঞাংকুর্বাতি ( বৃহ উঃ ৪।৪।২ ) যমেবৈষ বৃণুতে তেন লভ্যস্তশ্চৈষ আত্মা বৃণুতে তনুং স্বাম্ ( কঠ উঃ ২।১৫ )  
বিজ্ঞানঘন আনন্দঘন সচ্চিদানন্দৈকরসে ভক্তিব্যোগে তিষ্ঠতি ( গোপালোত্তরতাপনী উঃ ৩৯ ) ভক্তিরেবৈনং  
নয়তি ভক্তিরেবৈনং দর্শয়তি ভক্তিবশঃ পুরুষো ভক্তিবুব ভূয়সী ( ভাগবতসন্দর্ভ প্রমাণিতশ্রুতি ) ইত্যাদি  
উপনিষৎবাক্য সমূহ হইতে—ভক্তিরূপ জ্ঞানবিশেষই যে শ্রীভগবৎসাক্ষাৎকাররূপ পরমপুরুষার্থের সাধন,  
তাহা সুস্পষ্টরূপে অবগত হওয়া যায়। অতএব গোড়ীয়বৈষ্ণবসম্প্রদায়ের ভক্তিতত্ত্ব যে বৈদিক ইহা  
সম্বাদিসম্মত।

( ৩ ) পরমলক্ষ্মীরূপা ব্রজবধুসমূহ আনন্দশক্তিরই বিলাস-বিগ্রহ। তঁাহারা শ্রীগোলোকীয়  
প্রকাশবিশেষ শ্রীবৃন্দাবনে প্রকটকালে যাদৃশ মধুররসের অভিনয় বা অনুশীলন করেন তাহাই  
ব্রজবধুবর্গকল্পিতা রাগাশ্রিত্য উপাসনা।

( ৪ ) অমল—কৈতবরহিত।

“আরাধো ভগবান্ ব্রজেশতনয়স্তুদ্ধাম বৃন্দাবনম্,  
রম্যা কাচিদুপাসনা ব্রজবধুবর্গেন যা কল্পিতা।  
শাস্ত্রং ভাগবতং প্রমাণমমলং প্রেমা পূমর্থো মহান্,  
শ্রীচৈতন্যমহাপ্রভোমর্তমিদং তত্রাদরো নঃ পরঃ ॥

( ৫ ) সত্ত্ব রজঃ ও তমঃ এই তিনটি প্রকৃতির গুণ। উক্ত প্রাকৃতিক গুণানুসারে বদ্ধ-  
জীবের মধ্যে পরস্পরের যে পার্থক্য পরিদৃষ্ট হয়, তাহা সহজে অবগতির জন্তু নিম্নে সাত্ত্বিক, রাজস  
ও তামস ব্যক্তির মনোভাব প্রদর্শিত হইল।

“আস্তিক্য ( শাস্ত্র প্রতিপাদ্য পরলোকাদ্যবিষয়ে যথার্থ জ্ঞান ) প্রবিভজ্যভোজন ( ভোজ্যভোজ্য  
বিচারপূর্বক ভোজন অথবা পোষ্যবর্গকে বিভাগ করিয়া ভোজন ) অক্রোধ. পরের হিতজনক  
সত্যবচন, মেধা, বুদ্ধি ( শাস্ত্রজ্ঞান ) ধৃতি ( কামক্রোধাদির বশীভূত না হওয়া ) ক্ষমা, জ্ঞান ( আত্ম-জ্ঞান )  
নির্দম্বতা, অনিন্দিত কর্ম, অস্পৃহ, বিনয় ও ধর্ম, এইগুলি সাত্ত্বিক ব্যক্তির মনের লক্ষণ।

“ক্রোধ, পরাধীনতা, কল্পনাকরিয়া নিজকে দুঃখী মনে করা। তীব্রবিষয়হুখেচ্ছা, দম্ব,  
কামুকতা, মিথ্যাকথন, অধীরতা, অহঙ্কার, ঐর্ষ্যাাদিতে অভিমানিতা, বিষয়ের প্রাপ্তিতে অতিশয়  
আনন্দ, অধিক পর্যটন। রজোগুণযুক্ত মনের এই সকল গুণ।

ত্রিগুণময়ী প্রকৃতির গুণসকল বাহ্যজগতের গ্রায় আন্তরজগতেও নিজ নিজ সামর্থ্য অভিব্যক্ত করিতেছে। গুণ হইতে প্রবৃত্তির ভেদ এবং তাহা হইতে অধিকার-ভেদ সজ্জাটিত হয়। সত্ত্বগুণ হইতে অনুকূলা, রজোগুণ হইতে তটস্থা এবং তমোগুণ হইতে প্রতিকূলা ও উদাসীনা প্রবৃত্তির প্রকাশ হয়। সাত্ত্বিক অনুরাগ হইতে প্রবৃত্তা, রোচনীয় প্রবৃত্তির নাম অনুকূলা প্রবৃত্তি। ঐ প্রবৃত্তির অভ্যুদয়ে জীব দেবতুল্য ও প্রেমিক হইয়েন এবং ভগবত্ত্বের উৎকৃষ্ট অধিকার লাভ করেন। রাজস অনুরাগ হইতে প্রবৃত্তা স্বরূপানুসন্ধানাত্মিকা প্রবৃত্তির নাম তটস্থা প্রবৃত্তি। ঐ প্রবৃত্তির অভ্যুদয়ে জীব প্রকৃত মনুষ্যত্ব লাভ করেন ও অনুসন্ধানপরায়ণ হইয়েন এবং পরমেশ্বরতত্ত্বে মধ্যমাধিকার লাভ করেন। তামস অনুরাগ হইতে প্রবৃত্তা দ্বেষময়ী প্রবৃত্তির নাম প্রতিকূলা প্রবৃত্তি। ঐ প্রবৃত্তির অভ্যুদয়ে জীব অহঙ্কৃত ও পশুতুল্য হইয়েন এবং ঈশ্বরতত্ত্বে অধম অধিকার লাভ করেন। এই অবস্থায় ঈশ্বর-তত্ত্বে বিশ্বাস জন্মিবার কথঞ্চিৎ সম্ভাবন' থাকে বলিয়াই তাদৃশ অধিকারীকে অধম অধিকারীর মধ্যেই নির্দেশ করা হয়। ঐ তমোগুণ অপর একটি মহান্ অপকার সাধন করিয়া থাকে। উহা যে জীবে সমধিক প্রাবল্য প্রাপ্ত হয়, তাঁহার নিকৃষ্টা

‘নাস্তিক্য, অতি বিষন্নতা, অতিশয় আলস্য, দুষ্টিমতি, নিন্দিতকর্মজগ্নমুখে সদাপ্রীতি, অহর্নিশ নিদ্রালুতা, সর্ববিষয়ে অজ্ঞানতা, সতত ক্রোধাক্রতা ও মূর্থতা, তমোগুণান্বিত মনের এই সকল গুণ।

( ৬ ) সাত্ত্বিক প্রবৃত্তি মিশ্রা ও শুদ্ধাভেদে দ্বিবিধ। তন্মধ্যে প্রথমটি মায়াশক্তিবৃত্তিরূপ সাত্ত্বিক প্রবৃত্তি; উহার উদয়ে জীব দেবতুল্য হন। দ্বিতীয়টি চিচ্ছক্তিবৃত্তিভূতশুদ্ধসত্ত্ব-প্রবৃত্তি; উহার অভ্যুদয়ে জীব প্রেমিক হইয়েন, ও ভগবত্ত্বের উৎকৃষ্ট অধিকার লাভ করেন। মায়িকসাত্ত্বিকবৃত্তির সহিত তাদাত্ম্য হইয়া বিশুদ্ধ সত্ত্বকপা স্বরূপশক্তির বৃত্তির অভিব্যক্তি হয়। এই অভিপ্ৰায়েই গ্রন্থকার শ্রীপ্রভুপাদ উভয়ের অভেদ উল্লেখ করিয়াছেন।

ইহ জগতে বস্তুমাত্রেরই ত্রিবিধ ভেদ দৃষ্ট হইয়া থাকে। যথা—সজাতীয়, বিজাতীয় ও স্বগত। তন্মধ্যে আত্মবৃক্ষের সহিত তৎসজাতীয় নিম্ববৃক্ষের যে ভেদ তাহাই সজাতীয় ভেদ। আত্ম বৃক্ষের সহিত বিজাতীয় প্রস্তরাদির যে ভেদ তাহাকেই বিজাতীয় ভেদ বলা হয়। আত্মবৃক্ষের সহিত তাহার অবয়ব-ভূতশাখাপল্লবাদির যে ভেদ তাহারই নাম স্বগতভেদ।

বৈদিক প্রত্যেক মন্ত্রই আধিভৌতিক, আধিদৈবিক ও আধ্যাত্মিক অর্থের বাচক। আধি-ভৌতিক অর্থ অনুষ্ঠানপর, আধিদৈবিক অর্থ দেবতাপর, আধ্যাত্মিক অর্থ ব্রহ্মপর, তন্মধ্যে আধ্যাত্মিক অর্থ মুখ্যার্থ, আধিদৈবিক অর্থ লক্ষ্যার্থ এবং আধিভৌতিক অর্থ গৌণার্থ। বেদের অগ্নিশব্দ ভৌতিক অগ্নি, অগ্ন্যভিমানিনীদেবতা ও পরব্রহ্ম তিনকেই বোধ করাইয়া থাকেন। ইন্দ্রাদি শব্দও ঐরূপ ত্রিবিধ অর্থের বোধক হইয়া থাকে, কারণ একই শব্দ বৃত্তিভেদে অনেকার্থের বোধক হইলে কোনরূপ দোষ হয় না। বিশেষতঃ অধিকারভেদে মন্ত্র সকলের অর্থ বিভিন্ন হওয়াই সম্ভব। অনাদিকাল হইতেই শ্রীগুরুপরম্পরায় নানার্থপ্রকাশক বেদের বিভিন্ন অর্থ অবলম্বনে বিভিন্ন সম্প্রদায়ের উৎপত্তি হইয়াছে।

প্রতিকূলা প্রবৃত্তিও দৃষ্ট হয় না। তিনি উপেক্ষাময়ী উদাসীনা প্রবৃত্তিতেই বিমূঢ় থাকেন। ঈশ্বরতত্ত্ব তাঁহার সম্বন্ধে প্রয়োজনীয় বলিয়াই বোধ হয় না। তিনি সর্বদাই তদ্বিষয়ে উদাসীন থাকিয়া নাস্তিক আখ্যায় সমাখ্যাত হইলেন। যিনি অতি দুর্ভাগ্য, তাঁহারই এই শোচনীয় দশার প্রাপ্তি হইয়া থাকে।”

“প্রথমোক্ত ত্রিবিধ অধিকারীই বেদের প্রামাণ্য স্বীকার করেন, অতএব বৈদিক সম্প্রদায়ের মধ্যেই গণ্য হইলেন। আর শেষোক্ত অধিকারী বেদের প্রামাণ্য স্বীকার করেন না, সুতরাং বৈদিক সম্প্রদায়ের মধ্যেও গণ্য হইলেন না। উক্ত সম্প্রদায় সকলের মধ্যে সজাতীয়, বিজাতীয় ও স্বগত, এই তিনটি অবাস্তুর ভেদও সুস্পষ্টরূপেই লক্ষিত হইয়া থাকে। বেদশব্দের অর্থভেদই উক্ত ভেদত্রয়ের একমাত্র কারণ। নানার্থসমুদগারিণী\* শ্রুতিকামধেয় স্বীয় সেবকবৃন্দের অভিলষিত অর্থনিচয় দোহন করিয়া থাকেন। ঋষিগণ নিজ নিজ অধিকার অনুসারে যিনি যে শ্রুতির যে অর্থ অবধারণ করিতেন, তাঁহার শিষ্যপরম্পরা সেই অর্থের গ্রাহক হইয়া সম্প্রদায়-ভেদের প্রবর্তক হইতেন। এইরূপেই বেদতরু বহুশাখায় বিভক্ত হইয়াছে। এই কারণেই স্মৃতি-পুরাণ-তন্ত্রগত মতভেদ সজ্ঘটিত হইয়াছে। এই কারণেই বিভিন্নমত বোধক বিভিন্ন দর্শনশাস্ত্রের উৎপত্তি হইয়াছে। এইরূপে বৈদিক শাস্ত্র-সমূহে আপাত-প্রতীয়মান সজাতীয় ও স্বগত মতভেদ উপস্থিত হইলেও, বিজাতীয় মতভেদের অভাববশতঃ উহাদিগের একটি অপরটির অত্যন্ত প্রতিকূল নহে। বৈদিকশাস্ত্র ও অবৈদিকশাস্ত্রের মধ্যে বিজাতীয় ভেদ থাকিতে উহারা যেরূপ একতর অন্ততরের উপমর্দক<sup>৭</sup> হয়, বৈদিক-শাস্ত্র-সমূহের মধ্যে সেরূপ পরম্পরের উপমর্দকতা নাই। তবে যে কখন কখন কোন কোন ব্যক্তির উক্তি বা ব্যাখ্যানে ঐরূপ আন্দোলন শ্রুতি-গোচর হয়, সে কেবল তাঁহাদিগের জিগীষা বা অজ্ঞতা প্রযুক্তই জানিতে হইবে। এক সম্প্রদায় জিগীষাপরবশ হইয়া অপর সম্প্রদায়ের প্রতি যে সকল বৃথা দোষারোপ করেন, তাহা কখনই বিজ্ঞানের গ্রাহ্য হইতে পারে না। যখন একটি বৈদিক সম্প্রদায়কে অবৈদিক বলিলে, চালনীয়ায়<sup>৮</sup> সকল বৈদিক সম্প্রদায়ই অবৈদিক হইয়া পড়িবেন, তখন ঐরূপ বলা কেবল নিজের অজ্ঞতার পরিচয় প্রদান করা মাত্র।”

“বৈদিক সম্প্রদায় হইতে অবৈদিক সম্প্রদায়ের পার্থক্যাববোধার্থ উভয়ের লক্ষণ নির্দিষ্ট হইতেছে। যাঁহারা বেদ ও বেদমূলক পুরাণাদি শাস্ত্রের অপৌরুষেয়ত্ব<sup>৯</sup>

\* যিনি অধিকারী ভেদে নানার্থ প্রকাশ করেন। (৭) পীড়াদায়ক।

(৮) যেমন চালুনী ঘুরাণ দ্বারা তণ্ডুলাদির স্থানান্তর পতন হয় তদ্রূপ।

(৯) পরমেশ্বর প্রণীতত্ব।

স্বীকার করেন ও তত্ত্ব-শাস্ত্রবাক্যে যাঁহাদের অচল বিশ্বাস, অলৌকিক তত্ত্বের স্বরূপনির্গম ও উপাসনাদি বিষয়ে একমাত্র বেদই যাঁহাদের মুখ্য প্রমাণ, লৌকিক প্রত্যক্ষাদি-প্রমাণ-নিচয়ের অত্যন্ত অবিষয় পরমতত্ত্বই যাঁহাদের আরাধ্য, কৰ্ম্ম জ্ঞান ও ভক্তি এই বৈদিকতত্ত্বত্রয়ে বা তাহাদের অন্ততমে যাঁহারা একান্ত পরি-  
নিষ্ঠিত, বৈদিক আচার্য্যের চরণাশ্রয়ই যাঁহারা তত্ত্বজ্ঞানলাভের প্রধান উপায় বলিয়া অবগত, বেদোক্ত আচারের অতিক্রমকে যাঁহারা প্রায়শ্চিত্তার্থে বোধ করেন, তাঁহারা এই বৈদিক সম্প্রদায় এবং তদ্বিপরীতলক্ষণাক্রান্ত জড়বিজ্ঞানাশ্রিত নাস্তিক সম্প্রদায়ই অবৈদিক সম্প্রদায়। কৰ্ম্ম-মীমাংসক ভগবান্ জৈমিনি, শ্রীয়া-  
চার্য্য ভগবান্ অক্ষপাদ, বৈশেষিকাচার্য্য ভগবান্ কণাদ, সাংখ্যাচার্য্য ভগবান্ কপিল, যোগাচার্য্য ভগবান্ পতঞ্জলি, নিগুণ-ব্রহ্ম-মীমাংসক ভগবান্ শঙ্করাচার্য্য, সগুণ-ব্রহ্ম-মীমাংসক ভগবান্ শাণ্ডিল্য, জ্ঞানাচার্য্য ভগবান্ বশিষ্ঠ, পাশুপতাচার্য্য ভগবান্ উপমন্যু এবং সাত্বতাচার্য্য ভগবান্ নারদ প্রভৃতি দেবযিগণ ও মহযিগণ এই বৈদিক সম্প্রদায়ের প্রবর্তক। ইহাদিগের শিষ্য-প্রশিষ্যাди-ক্রমেই বৈদিক সম্প্রদায় বহুশাখায় বিভক্ত হইয়াছেন। চার্ব্বাক,<sup>১০</sup> লোকায়ত<sup>১১</sup> ও বৌদ্ধাদি মত সকলই অবৈদিক সম্প্রদায়ের অন্তর্নিবিষ্ট। বৈদিক সম্প্রদায়ের মধ্যে সাংখ্যাচার্য্য ভগবান্ কপিল,<sup>১২</sup> স্বকল্পিত পুরুষতত্ত্ব হইতে অতিরিক্ত ঈশ্বরতত্ত্ব স্বীকার না

( ১০ ) চার্ব্বাক—স্থলদেহান্নবাদী নাস্তিকদর্শনের প্রবর্তক অসুরবিশেষ।

( ১১ ) যাঁহারা লৌকিক পরিদৃশ্যমান পদার্থভিন্ন অণু স্বর্গ নরকাদি স্বীকার করেন না তাহাদিগকে লোকায়ত বা নাস্তিক কহে।

( ১২ ) সাংখ্যদর্শন প্রণেতা কপিল দুইজন। তন্মধ্যে একজন বাসুদেবাংশে অপরজন অগ্নি-  
বংশজ ঋষি। ভগবদবতার কপিলদেব সত্যযুগে মহর্ষি কদ্দমের পুত্ররূপে স্বায়ম্ভুবমনুর কণ্ঠা  
দেবহুতির গর্ভে আবির্ভূত হইলেন। ইনিই ষড়্বিংশতিতত্ত্ববাদী সেখরসাংখ্যশাস্ত্রপ্রণেতা।  
ইহারই প্রণীত সাংখ্যমত শ্রীমদ্ভাগবতের তৃতীয় স্কন্ধে সুস্পষ্ট পাওয়া যায়। বর্তমানে প্রচলিত পঞ্চবিংশতি  
তত্ত্বাঙ্কনিরীশ্বরসাংখ্যদর্শন অগ্নিবংশজকপিলঋষিপ্রণীত। এই সাংখ্যদর্শনে স্বকল্পিত প্রকৃতি  
পুরুষতত্ত্ব হইতে অতিরিক্ত ঈশ্বরতত্ত্ব স্বীকৃত হয় নাই বলিয়া উহা সাধুসমাজে অনাদৃত হইয়াছে।  
মহামতিকপিলঋষি অসুরবুদ্ধিমোহনার্থে এইকপ বেদ-বিরুদ্ধ কোশল উদ্ভাবন করিয়াছেন।  
অতএব হংসকীর্ত্তনানু্যয়ে সাধুগণ উহার হেয়াংশ পরিত্যাগ করিয়া বেদানুগত উপাদেয়াংশ গ্রহণ  
করিবেন। সাংখ্যপ্রণেতা কপিল সেখর ও নিরীশ্বর ভেদে যে দুইজন, তদ্বিষয়ে ভাগবতামৃতধৃত পদ্ম-  
পুরাণের বচন প্রদর্শিত হইল যথা—

“কপিলো বাসুদেবাংশস্তত্ত্বং সাংখ্যাংজগাদহ।

ব্রহ্মাদিভ্যশ্চ দেবেভ্যো ভূত্বাদিভ্যস্তথৈবচ।

তথৈবাসুরয়ে সর্ববেদার্থৈরুপবৃংহিতম্ ॥

করিলেও নাস্তিকপদবাচ্য হয়েন নাই, এবং ভগবান্ জৈমিনি, কৰ্মফলাত্মক স্বৰ্গসুখের অতিরিক্ত পারমেশ্বরসুখ স্বীকার না করিলেও, নাস্তিক বলিয়া অভিহিত হয়েন নাই ; কারণ, বেদে দৃঢ়বিশ্বাসম্পন্ন সম্প্রদায় সকল বৈদিক যে কোন তত্ত্বে পরিনিষ্ঠিত থাকুন না কেন, সাধন-পরিপাক-কালে পরমকারুণিকী শ্রুতি প্রসন্ন হইয়া আপনার একদেশসেবী ব্যক্তিবৃন্দের চিত্তেও ক্রমে ক্রমে সৰ্বতত্ত্বের স্ফূর্তি করাইয়া দেন। কিন্তু অবৈদিক সম্প্রদায়ের মধ্যে যদি কেহ যুক্তি দ্বারা ঈশ্বরও তত্বপাসনাদি কল্পনা করেন এবং নিজের কাল্পনিক ঈশ্বরের কাল্পনিক উপাসনাদিতে নিরতও থাকেন, তথাপি তাঁহাকে নাস্তিক বলিয়াই জানিতে হইবে ; যেহেতু, বেদও বৈদিক গুরুর উপদেশ ব্যতীত প্রকৃত তত্ত্বের স্ফূর্তির উপায়ান্তর দেখা যায় না।

“বহিমুখজনগণকে বৈদিক তত্ত্বে প্রবেশ করাইবার নিমিত্ত পরম কারুণিক ঋষি-গণ যে বিজ্ঞানবাদ অঙ্কুরিত করেন, কলিযুগের দ্বিসহস্রাব্দ গত হইলে, বৌদ্ধদিগের ধারাবাহিক যুক্তিবারির সেচনে তাহাই বৃহশাখাসম্মিত, দিগন্তব্যাপী মহাবৃক্ষরূপে পরিণত হইয়া যে ভীষণ বিষময় ফল উৎপাদন করে, যাহা আশ্বাদন করিয়া ভূমণ্ডলবাসী অনেক মানবই অচৈতন্য অর্থাৎ বেদ-জ্ঞান-বিবর্জিত হইয়া পড়েন, তাহারই সংস্কারার্থ, সেই ভয়ঙ্কর ধর্মবিপ্লবের সময়ে, অখণ্ডিত-বেদব্রতপরায়ণ ১৩ নির্জনগিরিকন্দরবাসী সামগানতৎপর কতিপয় মহাত্মা ভারতের কল্যাণের নিমিত্ত স্বীয়-সাজীবা-রক্ষণ-সহকারে সমুদয় বেদই ধারণ করিয়াছিলেন। ঐহাদিগেব নিত্য-আহবনীয় অগ্নি হইতেই নৃপলাঞ্জনধারী ক্ষত্রিয়বীর সকল সমুৎপন্ন হইয়াছিলেন, সেই ব্রহ্মবর্চস্বী ব্রাহ্মণগণই উপযুক্তকালে বেদময় পরমপুরুষের প্রেরণাপরতন্ত্র হইয়া অচৈতন্য আধ্যাত্মানগণের চৈতন্যসম্পাদনার্থ শ্রীপুরুষসূক্ত, শ্রীঋদ্রসূক্ত, শ্রীদেবীসূক্ত, শ্রীবিনায়কসূক্ত ও শ্রীসূর্যাসূক্ত প্রভৃতি বৈদিকমন্ত্র দ্বারা তাঁহাদিগের শান্তিবিধান করেন। তৎকালে যে সূক্ত দ্বারা ঐহাচার শান্তি বিহিত হয়, তিনি সেই সূক্তের প্রতিপাত্ত পরদেবতার মূর্তি বিশেষের মন্ত্রে দীক্ষিত হইয়া

সর্ববেদবিরুদ্ধঞ্চ কপিলোহ্মো জগাদহ।

সাংখ্যাস্তরয়েহন্তস্মৈ কুতর্কপরিবৃংহিতম্ ॥

অর্থাৎ বাসুদেবাংশ কপিল ব্রহ্মাদিদেবগণ ভৃগু প্রভৃতি মহর্ষিগণ এবং আশুরিনামক ঋষিকে সর্ববেদার্থ দ্বারা বিস্পষ্টীকৃত সাংখ্যতত্ত্ব বলিয়াছিলেন। অতঃ অগ্নিবংশজ কপিল বেদবিরুদ্ধ ও কুতর্ক পরিপূর্ণ নিরীশ্বর সাংখ্যতত্ত্ব আশুরিগোত্রোৎপন্ন কোন ব্রাহ্মণকে বলিয়াছিলেন। এতদতিরিক্ত আরও একজন কপিল মহর্ষির নাম সাঙ্খ্যকারিকার গোড়পাদভাষ্যে পাওয়া যায় ইনি ব্রহ্মার পুত্র নিরীশ্বর সাঙ্খ্যদর্শনের প্রবর্তক।

১৩। নৈষ্ঠিক ব্রহ্মচারী, আজীবন ব্রহ্মচারী।



তাঁহারই উপাসনায় প্রবৃত্ত হইলেন। যিনি পুরুষসূক্তে অভিষিক্ত হইলেন, তিনি তৎপ্রতিপাদ্য পরমপুরুষ ভগবান্ বিষ্ণুর অংশী ও অংশাদি স্বরূপ শ্রীকৃষ্ণ শ্রীনারায়ণ, শ্রীরাম ও শ্রীনৃসিংহাদি মূর্ত্তিবেশেষের যথাশাস্ত্র মন্ত্রময়ী দীক্ষা গ্রহণ করিয়া শ্রীবৈষ্ণবনামে অভিহিত হইলেন। যিনি শ্রীকৃষ্ণসূক্তের অভিষেচনে প্রবুদ্ধ হইলেন, তিনি ভগবান্ শ্রীশিবের শ্রীমূর্ত্তিবেশেষের আগমোক্ত মন্ত্রে দীক্ষিত হইয়া তদুপাসনাতে প্রবৃত্ত ও শৈবাভিধান প্রাপ্ত হইলেন। যিনি শ্রীদেবীসূক্তানুসারে দুর্গা ও মহাবিद्या প্রভৃতি মূর্ত্তিবেশেষের তন্ত্রোক্ত মন্ত্রে দীক্ষিত হইয়া তদুপাসনায় প্রবৃত্ত হইলেন, তিনি শাক্তসংজ্ঞায় সংজ্ঞিত হইলেন। যিনি সর্কবিঘ্নবিনাশন সর্ককল্যাণগুণনির্লয়, শ্রীগণপতির মন্ত্রে দীক্ষিত হইয়া তদুপাসনায় নিযুক্ত হইলেন, তিনি গাণপত্য বলিয়া কথিত হইলেন। আর যিনি জগৎপ্রকাশক অংশুমালী শ্রীসূর্যোর মন্ত্রে দীক্ষিত হইয়া তদীয় উপাসনায় অনুরক্ত হইলেন, তিনি সৌরনামে অভিহিত হইলেন। অতএব বর্ত্তমান<sup>১</sup> পঞ্চ উপাসকসম্প্রদায়ই বৈদিকসম্প্রদায়-মধ্যে গণনীয় হইতেছেন।

### পূর্বাভাস

অধুনা যে স্থান নবদ্বীপনগর বলিয়া প্রসিদ্ধ, প্রাচীন নবদ্বীপনগর তাহার প্রায় এক ক্রোশ উত্তরপূর্ককোণে অবস্থিত ছিল। বহুদিন হইল, প্রাচীন নবদ্বীপনগর ভাগীরথীর গর্ভগত হইলেও, তাহার কিয়দংশ অত্যাচ্চ ভূমিরূপে অদ্যপি দৃষ্টিগোচর হইয়া থাকে। সেনবংশীয় প্রসিদ্ধ বল্লালসেনের প্রাসাদের ভগ্নাবশেষ ও তদীয় 'বল্লালদীঘি' নামী দীর্ঘিকার চিহ্ন এখনও দেদীপ্যমান রহিয়াছে। শ্রীগৌরান্দ মহাপ্রভু যে স্থানে জন্মগ্রহণ করেন এবং যে স্থানে তিনি কাজীর দর্প চূর্ণ করেন, সেই সকল স্থান এখনও পূর্কবস্থাতেই বর্ত্তমান রহিয়াছে। প্রাচীন নবদ্বীপের দক্ষিণে ও পশ্চিমে গঙ্গা এবং পূর্কদিকে খরবেগা খড়িয়া নদী প্রবাহিত হইত। ঐ দুই নদী নগরের দক্ষিণপশ্চিমকোণে, গোগেছে বা গোয়ালপাড়া নামক গ্রামের নিম্নভাগে আসিয়া মিলিত হইয়াছে। নদীদ্বয়ের সঙ্গম এখনও সেই স্থানেই আছে, কিন্তু উহা বর্ত্তমান নবদ্বীপের পূর্কদক্ষিণাংশে। গঙ্গা ও খড়িয়া উভয় নদীই বর্ত্তমান নবদ্বীপের পূর্কদিকে। গঙ্গার প্রবল স্রোতে প্রাচীন নবদ্বীপের উত্তরদিক্ ভগ্ন হইলে, অধিবাসিগণ ক্রমে দক্ষিণদিকে আসিয়া বাস করাতেই এই নূতন নবদ্বীপের সৃষ্টি হইয়াছে। সম্প্রতি গঙ্গা আবার নূতন নবদ্বীপকে ভাঙ্গিয়া নিজ গর্ভ হইতে প্রাচীন নবদ্বীপকে উদগীরণ করিতেছেন।

আমরা যে সময়ের বৃত্তান্ত লিপিবদ্ধ করিতেছি, ঐ সময়ে বাঙ্গালার স্বাধীনতা বিনুপ্তপ্রায় হইয়াছিল। যদিও সময়ে সময়ে হিন্দুরাজগণ তাৎকালিক গোড়েশ্বরের অধীনে বাঙ্গালার প্রদেশবিশেষের সিংহাসনে আরোহণ করিতেন, কিন্তু তাঁহারা নামমাত্র রাজা থাকিতেন, তাঁহাদিগকে সর্বতোভাবে গোড়েশ্বরের ও দিল্লীশ্বরের অধীনেই থাকিতে হইত। আবার তাঁহারা সাক্ষীগোপালস্বরূপেও অধিককাল রাজসিংহাসনে অধিষ্ঠিত থাকিতে পারিতেন না, তাঁহাদিগকে অতিসত্ত্বরই পদচ্যুত হইতে হইত। আর যিনি 'তুর্ভাগ্যবশতঃ' শীঘ্র পদত্যাগ হইতেন না, তাঁহাকে কোন না কোন কারণে মুসলমান হইয়া যাইতে হইত। এমন কি, তৎকালে ক্রমান্বয়ে তিন পুরুষ হিন্দুরাজার অধিকার দৃষ্ট হইত না। অগাদিগের বর্ণনীয় সময়ের অত্যল্পকাল পূর্বে সুবুদ্ধিরায় নামে একজন হিন্দু গোড়েশ্বর আলা উদ্দীনের অধীনস্থ রাজা ছিলেন। হোসেন খাঁ নামে তাঁহার একজন মুসলমান কর্মচারী ছিল। সে রাজধন আত্মসাৎ করিয়া তদপরাধে সুবুদ্ধিরায় কর্তৃক দণ্ডিত হয়। পরে তাহারই ষড়যন্ত্রে গোড়েশ্বর আলা উদ্দীনের পদচ্যুতি ঘটে। হোসেন খাঁ সুবুদ্ধিরায়ের সাহায্যে গোড়ের সিংহাসন লাভ করিয়া সাহ উপাধি ধারণপূর্বক রাজমহিবীর প্ররোচনার সুবুদ্ধিরায়কে মুসলমানের জলপান করাইয়া জাতিচ্যুত করিয়াছিল। সুবুদ্ধিরায় এইরূপে হোসেন সাহ কর্তৃক জাতিচ্যুত হইয়া রাজ্য পরিত্যাগ পূর্বক গোড়ীয় পণ্ডিতদিগের আশ্রয় গ্রহণ করিলে, তাঁহারা তাঁহাকে মরণাস্ত্র প্রায়শ্চিত্তের ব্যবস্থা প্রদান করিয়াছিলেন। তখন সুবুদ্ধিরায় অনন্তগতি হইয়া অপেক্ষাকৃত লঘু প্রায়শ্চিত্তব্যবস্থার আশায় বারানসীধামের পণ্ডিতদিগের শরণাপন্ন হইলেন। সেখানেও তাঁহার মনোরথ সিদ্ধ হয় 'নাই। কিন্তু সৌভাগ্যক্রমে সেই সময়ে শ্রীগোবিন্দের সহিত মিলন হইলে, তিনি কৃতার্থ হইয়াছিলেন। শ্রীগোবিন্দ সুবুদ্ধিরায়কে 'প্রাণত্যাগরূপ প্রায়শ্চিত্ত তমোধর্ম' বলিয়া শ্রীবৃন্দাবনে গমনপূর্বক সর্বপাপপ্রশমন শ্রীহরিনামের আশ্রয় গ্রহণ করিতে উপদেশ করিয়াছিলেন, এবং তদাশ্রয়েই সুবুদ্ধিরায় কৃতার্থতা লাভ করিয়াছিলেন। আলাউদ্দীনের পর হোসেন সাহ বা দ্বিতীয় আলাউদ্দীন নামমাত্র গোড়ের সিংহাসন অধিকার করিয়াছিলেন। তিনি নিজে রাজকাণ্ডের কিছুই করিতেন না। তাঁহার অধীনস্থ কাজী ও মন্ত্রী নামক রাজপুরুষগণ দ্বারাই সমস্ত রাজকাণ্ড নির্বাহ হইত। হোসেন সাহের অধীনে পানিহাটা গ্রামে রায়সাহেব, শ্রীনবদ্বীপে চাঁদ খাঁ ও শ্রীধাম শান্তিপুরে মুলুক নামক একজন কাজীর নামোল্লেখ দেখা যায়। কাজীরাও কাণ্ড কিছুই করিতেন না। হিন্দু রাজা বা জমীদারেরাই সকল

কার্য্য নিৰ্বাহ করিতেন। কাজীরা প্রায় কেবল সৈন্তসামন্তে পরিবেষ্টিত থাকিতেন এবং কর আদায় করিয়া কিছু গোড়েশ্বরের নিকট পাঠাইতেন ও কিছু স্বয়ং রাখিতেন। তবে যদি কখন কোন বিশেষ বিবাদ বা অভিযোগ উপস্থিত হইত, হিন্দু জমিদারদিগের সহিত পরামর্শ করিয়া উহার মীমাংসা করিয়া দিতেন। অতএব তৎকালে বাঙ্গালায় স্বাধীনতা লুপ্ত হইলেও, সম্পূর্ণ লোপ পায় নাই বলিতে হইবে। ঐ সময়ে শ্রীনবদ্বীপে বুদ্ধিমন্ত খাঁ, কালনার নিকট হরিপুর গ্রামে গোবর্দ্ধন দাস, রাজসাহীতে খেতুর গ্রামে কৃষ্ণানন্দ দত্ত এবং বর্দ্ধমানের নিকট কুলীন গ্রামে মালাধর বসুর বংশীয় পরাক্রান্ত কায়স্থ জমিদারগণের নাম শ্রবণ করা যায়।

বঙ্গদেশে অতি প্রাচীনকাল হইতেই চারিবর্ণের বাসস্থান ছিল। ব্রাহ্মণাদি চারিবর্ণই নিজ নিজ নির্দিষ্ট বৃত্তি দ্বারা জীবিকা নিৰ্বাহ করিতেন। ব্রাহ্মণদিগের শাস্ত্রানুশীলন ও ধর্ম্মানুশীলন, ক্ষত্রিয়দিগের যুদ্ধকর্ম্ম, বৈশ্যদিগের কৃষি ও বাণিজ্যাদি এবং শূদ্রদিগের দ্বিজসেবাই বৃত্তি ছিল। বর্ণসঙ্করসকল নিজ নিজ কুলক্রমাগত বৃত্তি দ্বারা সংসারযাত্রা নিৰ্বাহ করিতেন। বৈশ্যদিগের চিকিৎসাই বৃত্তি ছিল। দেশে শাস্ত্রের সম্মান থাকিলেও, ব্যাভিচারস্রোতে অন্তঃসলিলা নদীর ত্রায় ক্রমশঃ সমাজের অভ্যন্তরে প্রবেশ করায় ধর্ম্ম উচ্ছৃঙ্খল হইয়া পড়িতেছিল। কুতর্ক-কুশল পণ্ডিতগণ অন্তরে নাস্তিক ও বাহিরে আস্তিক হওয়াতে কেবল বাগ্জালে লোক সকলকে দমন করিতে অক্ষম হইয়া পড়িয়াছিলেন। কালধর্ম্মে পরস্পর-মত-সন্নিপাতে<sup>১৪</sup> পূর্বোক্ত পঞ্চ বৈদিক সম্প্রদায় পুনর্বার বিলুপ্তপ্রায় হইয়াছিল। তর্কিকদিগের তর্কের আঘাতে বেদ ও বৈদিক ঈশ্বর পর্য্যন্ত ছিন্ন ভিন্ন হইয়া গিয়াছিলেন। ধর্ম্মধ্বজিগণের অত্যাচারে বৈদিকসম্প্রদায় সম্যক্ কালুষ্য ধারণ করিয়াছিল। সন্ন্যাসিসকল জয়লাভার্থ তপোযুদ্ধ পরিত্যাগপূর্বক অস্ত্রযুদ্ধে প্রবৃত্ত হইয়াছিলেন। ধর্ম্মজিজ্ঞাসুগণ মায়ার জালে জড়ীভূত হইয়া বিতণ্ডা<sup>১৫</sup> সাগরে পড়িয়া নিজের আসন্নবিনাশ দর্শন করিতেছিলেন। দুই একজন মাত্র দেশের দুর্গতি ভাবিয়া সংগোপনে বিচরণ করিতেছিলেন। কাশী, কাঞ্চী, মথুরা ও অবন্তী প্রভৃতি পুরী সকল ও পুরী প্রভৃতি ধাম সকল ব্যাভিচারস্রোতে পড়িয়া নিজের তীর্থত্ব পরিত্যাগ করিতে বাধ্য হইয়াছিলেন। শুদ্ধবৈষ্ণবগণ সক্রমহৃদয়ে শ্রীভগবানের শরণাপন্ন হইয়া গোপনে ইষ্টগোষ্ঠী<sup>১৬</sup>

( ১৪ ) পরস্পরের বিভিন্নমতের মিশ্রণে।

( ১৫ ) স্বপক্ষস্থাপনহীন কথা বিশেষ।

( ১৬ ) অভিলষিত সভা।

করিতে প্রবৃত্ত হইয়াছিলেন। এই সময়ে ঐ বঙ্গদেশে এক একটি করিয়া মহাত্মা জন্মগ্রহণ করিতেছিলেন। শ্রীভগবানের আবির্ভাবের প্রাক্কালে এই প্রকার ঘটনা সকল ঘটয়া থাকে। তাঁহার আবির্ভাবের পূর্বে হইতেই তদীয় পার্শদ সকল গোপনে জন্মগ্রহণ করিতে থাকেন। তাঁহাদিগের আবির্ভাবের সঙ্গে সঙ্গেই দেশের অবস্থাও পরিবর্তিত হইতে থাকে। পার্শদবর্গের আবির্ভাবে বঙ্গদেশের অবস্থাপরিবর্তন আরম্ভ হইল।

### অবতরণ<sup>১৭</sup>

একদা দেবর্ষি নারদ বীণায়ন্ত্রে শ্রীহরিগুণ-গান-সহকারে ভূবনমণ্ডল পরিভ্রমণ করিতে করিতে শ্রীগোলোকধামে উপনীত হইয়া দেখিলেন, গোপীমণ্ডলমণ্ডিত শ্রীভগবান অকস্মাৎ এক অপূর্বরূপ ধারণ করিয়া রহিয়াছেন। শ্রীমন্নন্দনন্দন ও শ্রীমতী বৃষভানুন্দিনী একীভূত হইয়াছেন। নবীন-নীরদ-শ্যাম-সুন্দর-রূপ বৃষভানুন্দিনীর গৌরকান্তি দ্বারা সমাচ্ছন্ন হইয়াছে। গোপগোপীগণ শ্রীগৌরান্দ-পার্শদভাবে বিভাবিত হইয়া শ্রীহরিনামসঙ্কীর্ণনে প্রবৃত্ত হইয়াছেন। শ্রীরাসবিহারী হরি শ্রীহরিসঙ্কীর্ণনানন্দে বিভোর। তদর্শনে সুবিস্মিত ও সমাকুষ্ট দেবর্ষিও তাঁহাদিগের সহিত কীর্ণনানন্দে নিমগ্ন হইলেন। এইরূপে যে কতকাল অতিক্রান্ত হইল, তাহা দেবর্ষি বুঝিতে চেষ্টা করিয়াও বুঝিতে পারিলেন না। পরে যখন উক্ত সঙ্কীর্ণন নিবৃত্ত হইল এবং দেবর্ষি প্রকৃতিস্থ হইলেন, তখন তিনি সম্মুখবর্তী শ্রীশ্রীগৌরসুন্দরকে লক্ষ্য করিয়া বলিতে লাগিলেন,—“প্রভো, আপনার লীলা স্বভাবতঃ ছুরবগাহ হইলেও, এই লীলা আবার বিশেষতঃ ছুরবগাহ বলিয়াই বোধ হইতেছে। হে লীলাময়, আপনি কখন কোন্ লীলা কি অভিপ্রায়ে প্রকাশ করেন, তাহা আপনিই জানেন। শ্রীরাধাকৃষ্ণযুগলরূপ আজ এই অপূর্ব শ্রীগৌর-সুন্দররূপে শোভা পাইতেছে। আজ শ্রীরাসমণ্ডল সঙ্কীর্ণনমণ্ডলে পরিণত। এ অভূতপূর্ব ভাব কেন? আমি কি ভ্রান্ত হইয়াছি? অথবা যাহা দর্শন করিতেছি, তাহা সত্য?” দেবর্ষি নারদের এই বিস্ময়সূচক বাক্য শ্রবণ করিয়া শ্রীগৌরসুন্দর-মূর্ত্তিধারী শ্রীহরি হাশু সহকারে বলিতে লাগিলেন, “দেবর্ষে, তুমি যাহা দেখিতেছ, তাহা মিথ্যা নহে, পরস্তু সত্যই। এই ভাববিপর্যয়ের কারণ আছে।

( ১৭ ) শ্রীগোলোকবৈকুণ্ঠাদি চিদ্বিভূতি হইতে মায়া প্রপঞ্চে .আবির্ভাবকে অবতার বা অবতরণ কহে।

আমি শ্রীরাধার ঋণপরিশোধের নিমিত্ত তদীয় ভাব ও কান্তি দ্বারা সমাচ্ছন্ন এই আবির্ভাববিশেষ অঙ্গীকার করিয়াছি। আমি এই আবির্ভাবে শ্রীরাধার প্রেম-মাহাত্ম্য অনুভব, মদীয় মাধুরিমার আশ্বাদন ও তদাশ্বাদনে শ্রীরাধার যে সুখ হয় তাহার অনুভব, এই তিনটি বাসনা পূরণ করিব। অধিকন্তু যুগধর্ম্যপ্রবর্তনেরও কাল নিকটবর্তী। এই আবির্ভাব দ্বারাষ্ট যুগধর্ম্যও প্রবর্তন করিব। একবার এই ব্রহ্মাণ্ডের প্রতি লক্ষ্য কর, এই ভারতের গতি সন্দর্শন কর। কলির প্রারম্ভেই এই ভারতভূমিতে ধর্ম্যবিপর্যায় উপস্থিত হইয়াছে। এই দেখ, মহাবিশু শ্রীঅর্ধৈতরূপে ভারতে অবতরণ পূর্বক আমার অবতারের নিমিত্ত তপস্বী করিতেছেন। এই দেখ, স্বয়ং বলদেব শ্রীনিত্যানন্দরূপে অবতরণ করিয়া আমার নিমিত্ত অপেক্ষা করিতেছেন। এই দেখ, গুরুবর্গাদি পরিকরসকল ক্রমে ক্রমে ভারতে অবতরণ করিতেছেন। তুমি ঐ স্থানে অবতরণ কর। আমিও সত্বর নদীয়া নগরে অবতরণ করিতেছি।” এই কথা শুনিতে শুনিতেই দেবর্ষি ভারতবর্ষে অবতরণ করিলেন।

শ্রীহরিসঙ্কীর্তনই কলিযুগের ধর্ম্য। এই কলিযুগের প্রথম অবস্থাতেই শেষ কলির আচার উপস্থিত হইতে দেখিয়া, করুণাময় শ্রীভগবান্ শ্রীহরিসঙ্কীর্তনরূপ যুগধর্ম্যের প্রচারে মানস করিলেন। সত্যসঙ্কল্প শ্রীভগবানের সঙ্কল্পমাত্র তদীয় পরিকরসকল ক্রমে ক্রমে মনুষ্যলোকে মনুষ্যরূপে অবতরণ করিতে আরম্ভ করিলেন। কেহ নবদ্বীপে, কেহ চট্টগ্রামে, কেহ উড়িষ্যায়, কেহ শ্রীহট্টে, কেহ রাঢ়ে, কেহ পশ্চিমে, এইরূপ নানাস্থানে প্রভুর ভক্তগণ অবতরণ করিতে লাগিলেন। স্বয়ং বলরাম শ্রীনিত্যানন্দরূপে, মহাবিশু শ্রীঅর্ধৈতরূপে, শ্রীব্রহ্মা হরিদাসরূপে, সনাতন শ্রীসনাতনরূপে ও দেবর্ষি নারদ শ্রীবাসরূপে জন্মগ্রহণ করিলেন। ইহাদিগের অবতরণকালে শ্রীনবদ্বীপই ভারতের প্রধান স্থান ছিল। ভক্তগণ ক্রমে ক্রমে ঐ শ্রীনবদ্বীপেই আসিয়া মিলিত হইতে লাগিলেন। শ্রীনবদ্বীপ বিদ্যাগৌরবে অদ্বিতীয়। নব্য ত্রায় মিথিলা পরিত্যাগ করিয়া শ্রীনবদ্বীপকেই আশ্রয় করিয়াছিল। ভারতের ভিন্ন ভিন্ন প্রদেশ হইতে বিদ্যার্থীসকল আসিয়া শ্রীনবদ্বীপেই অবস্থান করিতে আরম্ভ করিয়াছিলেন। ঐ নবদ্বীপ বাঙ্গালার একটি প্রধান নগর বলিয়াও নানাশ্রেণীর লোকে সমাকীর্ণ হইয়াছিল। এক এক ঘাটে শত শত লোক স্নান করিতেন। অধ্যাপক, অধ্যাপনার স্থান ও অধ্যয়নার্থীর সংখ্যা হইত না। প্রত্যেক অধ্যাপকই ধর্ম্যশাস্ত্রের চর্চা করিতেন; প্রত্যেক বর্ণী ও আশ্রমী ধর্ম্যানুশীলন করিতেন; কিন্তু অনেকেই শাস্ত্রের বা ধর্ম্যের প্রকৃত মর্ম্ম

বুঝিতেন না। সাধারণ লোক বাহু পূজাকেই ধর্ম জানিতেন। অধ্যাপকসকল নামে শাস্ত্রজ্ঞ ও ধার্মিক, কার্যতঃ অজ্ঞ ও নাস্তিক হইয়াছিলেন। সন্ন্যাসিগণ মূর্তিধর দম্ভস্বরূপ হইয়াছিলেন। প্রকৃতশাস্ত্রজ্ঞ ও প্রকৃতধার্মিকের আদর ছিল না, বরং তাঁহারা জনসমাজে ঘৃণিত হইতেন। দেখিয়া শুনিয়া ভক্তগণ বিষাদে বিবিক্তসেবী হইয়াছিলেন। সময়ে সময়ে দুই চারি জন অন্তরঙ্গ একত্র মিলিত হইয়া গোপনে জগতের দুর্গতির বিষয় আলোচনা করিতেন। শ্রীহট্টপ্রদেশের অন্তর্গত নবগ্রাম নামক স্থানের অধিপতি রাজা দিব্যসিংহের মন্ত্রিতনয় অদ্বৈতাচার্য্য তাঁহাদিগের নেতা ছিলেন। তিনি বিষ্ণুভক্তিপরায়ণ ও তাপস ছিলেন। অদ্বৈতাচার্য্য আপনাদিগের পূর্ববাস শ্রীহট্ট পরিত্যাগ পূর্বক গঙ্গাতীরবর্তী শান্তিপুরে আসিয়া বাস করিয়াছিলেন। বাসস্থান শান্তিপুরে হইলেও, তাঁহার শ্রীনবদ্বীপে একটি সামান্য আবাস ছিল। নবদ্বীপস্থ ভক্তবৃন্দ ঐ স্থানেই সময়ে সময়ে সমবেত হইয়া ভক্তিশাস্ত্রাদির আলোচনা ও লোকের দুর্গতির বিষয় চিন্তা করিতেন। আমাদিগের বর্ণনীয় মহাপুরুষ শ্রীগৌরমুন্দরের জ্যেষ্ঠ ভ্রাতা বিশ্বরূপও অনেক সময় ঐ স্থানেই অতিবাহিত করিতেন। তৎকালে তান্ত্রিক বীরাচারের প্রভাব জনসাধারণের উপর আধিপত্য বিস্তার করিতে আরম্ভ করিয়াছিল। উহা ক্রমে ক্রমে সমগ্র ভারতবাসীকেই আক্রমণ করিবার উপক্রম করিতেছিল। উহা পঞ্চ উপাসকসম্প্রদায়ের মধ্যেই প্রবেশ করিয়াছিল। গৃহী ও সন্ন্যাসী প্রভৃতি সকল সম্প্রদায়ের লোকই উক্ত তান্ত্রিক বীরাচারের পক্ষপাতী হইয়া উঠিয়াছিলেন। দুই একজন বিশুদ্ধ অকিঞ্চন ভগবদ্ভক্তমাত্র উক্ত ব্যভিচারশ্রোত লক্ষ্য করিয়া বিষাদিত হইতেছিলেন। ঠিক এই সময়ে বীরাচারী পাষণ্ডদিগের অত্যাচারে শ্রীবাসপণ্ডিতের শ্রীনবদ্বীপে বাস করা নিতান্ত ভার হইয়া উঠে। এই কথা শ্রীঅদ্বৈতাচার্য্যের শ্রবণগোচর হয়। তিনি স্বভাবতঃ অতিশয় উচ্ছৃদয় ছিলেন। তাঁহার অন্তঃকরণ সাধারণ লোকের ত্রায় ছিল না। তিনি তাৎকালিক জীবের দুর্গতি, পণ্ডিতকুলের নাস্তিকতা ও জনসাধারণের আচারব্যবহার দর্শন করিয়া অতিশয় ব্যথিত হইয়াছিলেন। পরমসাধু শ্রীবাসপণ্ডিতের প্রতি অসাধু পাষণ্ডসকলের অত্যাচার তাঁহার সহ্য হইল না। অদ্বৈতাচার্য্য লোক-পরম্পরায় ঐ কথা শুনিয়া ক্রোধে অগ্নির ত্রায় জলিয়া উঠিলেন। তখনই শ্রীবাস পণ্ডিতকে ডাকাইয়া আনিলেন, এবং বলিলেন, “পণ্ডিত, তুমি নদীয়া ত্যাগ করিও না; পাষণ্ডগণ হইতে আর ভয় নাই; অচিরেই ভগবান্ অবতরণ করিয়া পাষণ্ডকুলের দলনপূর্বক লোকসকলের উদ্ধারসাধন করিবেন;

তঁাহার অবতারের আর অধিক বিলম্ব নাই।” অষ্টৈতাচার্য্য যে কেবল মুখেই শ্রীবাসপণ্ডিতকে আশ্বাস প্রদান করিলেন, তাহা নহে ; পরন্তু তিনি মনুষ্যশক্তিতে উপস্থিত দুর্গতি নিবারিত হইতে পারে না জানিয়া শ্রীভগবানের অবতারের নিমিত্ত সঙ্কল্প করিয়া যোরতর তপশ্চায় নিযুক্ত হইলেন। তিনি পরমকারুণিক পরমেশ্বরের করুণার উপর নির্ভর করিয়া অবতরণকামনায় শ্রীভগবানের আরাধনায় প্রবৃত্ত হইলেন। তঁাহারই আরাধনায় পরিতুষ্ট হইয়া শ্রীভগবান্ শ্রীধাম নবদ্বীপে অবতরণ পূর্বক দুর্গতিপ্রাপ্ত জীবগণের নিস্তারকার্য্য সম্পাদন করিলেন।

### আবির্ভাব

প্রত্নমিশ্ররচিত শ্রীকৃষ্ণচৈতন্যোদয়াবলী নামক গ্রন্থে এবং জগজ্জীবনমিশ্র-রচিত তদমুবাদে লিখিত আছে যে, তপোনিরত, জিতেন্দ্রিয় মধুকরমিশ্র নামক একজন পাশ্চাত্য বৈদিক ব্রাহ্মণ কোন কারণে শ্রীহট্টে আগমন করেন। তিনি কিছু ভূমিসম্পত্তি বরস্বরূপে লাভ করেন। ঐ ভূমি শেষে বরগঙ্গা বলিয়া বিখ্যাত হয়। তঁাহার সহধর্ম্মিণী চারিটি পুত্র ও একটি সর্প প্রসব করেন। ইহাদিগের অন্ততম মধ্যম পুত্র উপেন্দ্র মিশ্র সন্ন্যাস পরিত্যক্তের সন্নিকটে গুপ্তবন্দাবন নামক স্থানে গিয়া তপশ্চা করিতে থাকেন। তঁাহার তপোবনের পূর্বভাগে কালিন্দীসদৃশী ইক্ষুনদী প্রবাহিত। দক্ষিণদিকে বৃদ্ধ-গোপেশ্বর মহাদেব। উত্তর-দিকে একটি স্তূপ পবিত্র অমৃতময় কুণ্ড। ঐ স্থান সাধারণের অগম্য। উপেন্দ্র মিশ্র স্বদেশ পরিত্যাগপূর্বক ঐ স্থানে যাইয়া তপোনিরত হইলেন। তদবস্থাতেই তঁাহার সাতটি পুত্র জন্মে। উক্ত সপ্ত পুত্রের নাম যথা,—কংসারি, পরমানন্দ, জগন্নাথ, সর্কেশ্বর, পদ্মনাভ, জনার্দন ও ত্রিলোক। উপেন্দ্র মিশ্র জগন্নাথ নামক নিজ পুত্রকে ব্যাকরণাদি অধ্যয়ন করাইয়া নিজ পত্নীর সহিত স্বদেশ শ্রীহট্টে প্রেরণ করেন। কেহ কেহ বলেন, তিনি স্বয়ংও অপরাপর পুত্রগণের সহিত কিছুদিনের জন্য শ্রীহট্টে আগমন করেন। জগন্নাথ মিশ্র পরে অধ্যয়নের নিমিত্ত শ্রীহট্ট হইতে শ্রীনবদ্বীপে স্ত্রীভাগমন করেন। তিনি ঞ্চায়াদি বিবিধশাস্ত্রে পারদর্শী এবং সার্ক-ভৌম ভট্টাচার্য্যের পিতা মহেশ্বর বিশারদের সমসাময়িক অধ্যাপক হইলেন। তঁাহার শাস্ত্রীয় উপাধি পুরন্দর। তিনি নবদ্বীপেই শ্রীনীলাস্বর চক্রবর্তীর জ্যেষ্ঠা কন্যা শ্রীশচীদেবীর পাণিগ্রহণ করেন। নীলাস্বর চক্রবর্তী জগন্নাথ মিশ্রের বিজ্ঞাদি বিবিধ-গুণগ্রামে মুগ্ধ হইয়া স্বয়ং ইচ্ছাপূর্বক তঁাহাকে নিজ কন্যা সম্প্রদান করেন।

জগন্নাথ মিশ্র বিবাহের পর একবারের অধিক স্বদেশে গমন করেন নাই, তীর্থবাসোদ্দেশে শ্রীধাম নবদ্বীপের অন্তর্গত মায়াপুরে বাস করিয়াছিলেন। জগন্নাথ মিশ্র ও শচীদেবী উভয়েই ভগদ্বক্তিপরায়ণ ছিলেন। তাঁহারা স্ত্রীপুরুষে সর্বদা পরমেশ্বরচিন্তাতেই রত থাকিতেন। শ্রীগোরাঙ্গ শ্রীশচীদেবীর দশম গর্ভের সন্তান। শচীদেবী উপযুপরি আঁটটি কণ্ঠা প্রসব করেন। উঁহারা সকলেই অকালে কালকবলিত হইলেন। উঁহাদিগের মৃত্যুতে অনপত্যতানিবন্ধন মিশ্রপুরন্দর অতিশয় দুঃখিত হইয়া পুত্রলাভার্থ শ্রীমন্নারায়ণের আরাধনা করেন। তাঁহার প্রসাদে জগন্নাথ মিশ্রের একটি পুত্র জন্মে। ঐ পুত্রের নাম 'বিশ্বরূপ'। বিশ্বরূপ শ্রীবলদেবেরই প্রকাশ। এই বিশ্বরূপই শ্রীগোরাঙ্গের জ্যেষ্ঠ ভ্রাতা। উঁহার পরই শ্রীগোরাঙ্গের জন্ম হয়। জগন্নাথ মিশ্র বিশ্বরূপকে লইয়াই একবার শ্রীহটে গমন করেন। শচী দেবীও সঙ্গেই ছিলেন। স্বীয় জননীকে পুত্র দর্শন করানই মিশ্রের এই স্বদেশযাত্রার মুখ্য উদ্দেশ্য। শচীদেবী যখন শ্রীহটে, সেই সময়েই মিশ্রজননী একটি স্বপ্ন দর্শন করেন। শচীদেবীর গর্ভে শ্রীগোরসুন্দর জন্মগ্রহণ করিবেন, ইহাই ঐ স্বপ্ন। ঐ স্বপ্ন দর্শনকরিয়া মিশ্রজননী শচীদেবীকে বলেন, "তুমি এইবার যে পুত্র প্রসব করিবে, তাঁহাকে আমার দেখাইও।" তিনি নবদ্বীপ প্রত্যাগমনসময়ে নিজ পুত্রবধূকে এই কথা আবার বিশেষ করিয়া স্মরণ করাইয়া দেন। কথিত আছে, শ্রীগোরসুন্দর যে একবার শ্রীহটে গমন করেন, এই ঘটনাটি তাহার একটি প্রধান কারণ।

### সঙ্কীর্্তন

উদয় বৃন্দাবনচন্দ্র কি আনন্দ নদেপুরে,  
 পুরবাসী যত, প্রেমে পুলকিত, হরিক্ষনি করে,  
 দেবগণ নৃত্য করে গৌররূপ হেরে।  
 ( ও সেই ) পতিতপাবন, হরি ব্রহ্ম সনাতন,  
 এবে ভক্তবাঞ্ছা পুরাইতে শচীর নন্দন।  
 প্রেমানন্দে অর্ধিত নাচে বাছ তুলে,  
 ব্রহ্মার ছল'ভ ধন অবনীমণ্ডলে।  
 আজ কি আনন্দ নদেপুরে।  
 যতেক দেবতাগণ, করিবারে দরশন,  
 ও সেই গৌরচাঁদে দেখিবারে ধাইল রে।  
 হরিনাম সঙ্কীর্্তন হয় উচ্চস্বরে।



চৌদশত সাত শকের বিশেষ ফাল্গুন শুক্রবার সায়ংকালে সিংহলগ্ৰে রবির ক্ষেত্রে চন্দ্রের হোঁরায় বৃহস্পতির দ্বেক্কাণে রবির নবাংশে বৃহস্পতির দ্বাদশাংশে ও ত্রিংশাংশে গোড়ের একটি প্রধান নগর নবদ্বীপে শ্রীগৌরসুন্দর জন্মগ্রহণ করেন। তাঁহার জন্মসময়ে কেতু ও চন্দ্র সিংহরাশিতে, শনি বৃশ্চিকরাশিতে, বৃহস্পতি ও মঙ্গল ধনুরাশিতে এবং রবি, শুক্র, রাহু ও বুধ কুম্ভরাশিতে অবস্থান করিতেছিলেন। ঐ দিবস একে ফাল্গুনী পূর্ণিমা, তাহাতে আবার চন্দ্রগ্রহণ হয়; সুতরাং তদুপলক্ষে গঙ্গাস্নানের নিমিত্ত পূর্ববঙ্গের ও রাঢ় অঞ্চলের বহুসংখ্যক নরনারীর সমাগমে নবদ্বীপ নগর লোকে লোকারণ্য হইয়াছিল। স্নানষাত্রিগণের মুহুমুহু হরিনামধ্বনিতে এবং নবদ্বীপবাসিগণের গ্রহণোচিত মঙ্গলাচরণে শ্রীগৌরসুন্দরের জন্মদিবস বিশেষ একটি পূর্বদিবসের তুল্য অপূর্ব ভাব ধারণ করিয়াছিল। ভবিষ্যতে ঐ দিনটি সমগ্র বৈষ্ণবসমাজের নিকট শ্রীগৌরসুন্দরের জন্মোৎসবদিবস-স্বরূপে পূজিত হইবে বলিয়া, পূর্ব হইতেই যেন তাহার সূচনা হইয়া রহিল। মহাপুরুষ আবির্ভূত হইয়া জগতের সমক্ষে যে চিত্র প্রসারিত করিবেন, তদাজ্ঞানুবর্তিনী প্রকৃতি অগ্র হইতেই তাহা অঙ্কিত করিয়া রাখিলেন। ভবিষ্যতে যে মধুর শ্রীহরিনামে জগৎ মাতিয়া উঠিবে, তাঁহার আবির্ভাবের প্রাক্কালেই তাহা আবির্ভূত হইয়া রহিল। যে বৃক্ষ পল্লবিত হইয়া পরে সমগ্র ভূমণ্ডলের তাপিত জীবকে ছায়াদানে স্নশীতল করিবে, তাঁহার আবির্ভাবের সময়েই তাহা অঙ্কুরিত হইল। যে রিপুৰ আক্রমণকে জগতের জীবমাত্রই ভয় করিয়া থাকেন, আজ সেই শত্রুর উৎপীড়ন হইতে রক্ষার আশ্রয়ভূত সুদৃঢ় দুর্গের সূত্রপাত হইয়া রহিল। বস্তুতঃ এইসকল জানিতে পারিয়াই যেন লোকসকল ভবিষ্যতের জয়াশায় সমুৎসাহিত হইয়া উচ্চৈঃস্বরে হরিধ্বনি করিয়া ত্রিলোক বিকম্পিত করিতে লাগিল। চিদানন্দমূর্ত্তি অকলঙ্ক শ্রীগৌরচন্দ্রের আবির্ভাবে সকল অন্ধকার দূরীকৃত হইবে, অতএব, এই সকলক্ষ চন্দ্রে আর কি প্রয়োজন, এই ভাবিয়াই যেন মায়াময় ছায়াসুত রাহু প্রকৃত চন্দ্রকে গ্রাস করিতে লাগিল। শ্রীগৌরসুন্দরের আবির্ভাবে আনন্দিত হইয়া দেবতা সকল আকাশ হইতে ঘোরকলিজীবের নিস্তারের আশাপ্রদ পুষ্পবর্ষণ করিতে লাগিলেন। শ্রীহরিনামের ও শ্রীহরিনামময় কলির জয়সূচক দেবদুন্দুভিসকল ধ্বনিত হইতে লাগিল। অপরোগণ ও কিম্বরগণের নর্তন-কীর্তনে ত্রিদিবপুর' উৎসবময় হইয়া উঠিল। ব্রহ্মভবাদি দেবগণ এবং ব্রহ্মাণী ও

ভবানী প্রভৃতি দেবীগণ শ্রীগৌরসুন্দরের আবির্ভাবকে অভিনন্দন এবং তাঁহাকে সাক্ষাৎ দর্শন করিবার নিমিত্ত গুপ্তবেশে মিশ্রভবনে সমাগমন করিলেন।

নদীয়ারূপ উদয়াচলে শ্রীগৌরাজরূপ পূর্ণচন্দ্র সমুদ্ভিত হইলেন। তাঁহার উদয়ে পাপতাপরূপ তিমির বিনাশ প্রাপ্ত হইল। ত্রিজগৎ উল্লাসিত হইল। ত্রিজগৎ ভরিয়া জয়ধ্বনির সহিত হরিধ্বনি হইতে লাগিল। অদ্বৈতাচার্য্য নিজভবনে অকস্মাৎ উত্থিত হইয়া সানন্দাস্তরে নৃত্য করিতে লাগিলেন। তদর্শনে শ্রীহরিদাসও বিস্মিত হইয়া নাচিয়া উঠিলেন। সর্বত্রই ভক্তগণের এই দশা ঘটিতে লাগিল। পরে তাঁহারা গ্রহণ উপলক্ষ্য করিয়া স্নানদানে প্রবৃত্ত হইলেন। নানাবর্ণের নরনারী সকল বিবিধ উপহার লইয়া মিশ্রসদনে আগমনপূর্বক শ্রীগৌরসুন্দরের আবির্ভাবকে অভিনন্দন করিতে লাগিলেন। সাবিত্রী, গৌরী, সরস্বতী ও শচী প্রভৃতি দেবীসকল নারীবেশে আগমনপূর্বক শ্রীগৌরসুন্দরের আবির্ভাব দর্শন করিয়া চরিতার্থ হইলেন। ব্রহ্মাদি দেবগণও নরবেশে প্রচ্ছন্নভাবে আগমনপূর্বক শ্রীগৌরসুন্দরকে নয়নগোচর করিয়া সফলমনোরথ হইলেন। কতশত লোক গমনাগমন করিলেন, গ্রহণাকারে কেহই কাহারও লক্ষ্যমধ্যে পতিত হইলেন না। নর্তক, গায়ক, বাদক ও ভাট সকলে মিশ্রভবনে সমুপস্থিত হইয়া মিশ্রতনয়ের জন্মকালীন মঙ্গলাচরণে প্রবৃত্ত হইলেন। এই সময়ে চন্দ্রশেখর আচার্য্য এবং শ্রীবাস পণ্ডিত আসিয়া মিশ্রনন্দনের জাতকস্ম-সংস্কার করাইলেন। পরে সমাগত নর্তক প্রভৃতি বিগোপজীবীগণকে যথাযোগ্য বস্ত্রালঙ্কারাদি প্রদানপুরঃসর বিদায় করা হইল। অদ্বৈতাচার্য্য নিজপত্নী সীতাদেবীর সহিত মিশ্রের আশ্রয়ে আগমনপূর্বক জাত বালককে আশীর্বাদ করিলেন। শ্রীবাসপত্নী মালিনী প্রভৃতিও বিবিধ উপহার লইয়া শ্রীগৌরসুন্দরকে দর্শন করিলেন। শ্রীগৌরসুন্দরের অপরূপ রূপলাবণ্য সন্দর্শনে সমাগত সকল নরনারীরই নয়ন ও মন পরিতৃপ্ত হইল। শচীদেবীর পিতা নীলাম্বর চক্রবর্তী দোহিত্রের জন্মলগ্নাদি গণনা করিয়া অতীব বিস্মিত ও আনন্দিত হইলেন। পরে তিনি গোপনে জামাতাকেও নিজের অনুমান বিদিত করিলেন। তিনি বলিলেন, “গণনা দ্বারা যতদূর অনুমান করা যায়, কোন মহাপুরুষ আসিয়া তোমার পুত্ররূপে জন্মগ্রহণ করিলেন।” অনন্তর জাত বালকের অঙ্গপ্রত্যঙ্গের গঠন ও চিহ্ন সকল দর্শন করিয়া উক্ত অনুমানকে আরও দৃঢ়ীভূত করা হইল।

## বাল্যলীলা

শ্রীগৌরাজ মিশ্রগৃহে আবির্ভূত হইয়া সমুদিত শশিকলার ণ্মায় দিনে দিনে জনকজননীর আনন্দ বর্দ্ধন করিয়া বর্দ্ধিত হইতে লাগিলেন। শচীদেবী ও জগন্নাথ মিশ্র উভয়েই পুত্রমুখ নিরীক্ষণ করিয়া অক্ষুণ্ণ আনন্দসাগরে ভাসিতে লাগিলেন। বিশ্বরূপ ভ্রাতাকে দেখিলেই হাসিতে হাসিতে ক্রোড়ে লইয়া থাকেন। আত্মীয়-বর্গ সময় পাইলেই শ্রীগৌরাজকে দেখিতে আইসেন। প্রতিবেশিগণ দিবানিশি বালক শ্রীগৌরাজকে আবরণ করিয়া থাকেন। কেহ বিষুৱক্ষা, কেহ কেহ দেবীরক্ষা পাঠ করেন। কেহ কেহ মন্ত্রপাঠ করিয়া বালকের গৃহরক্ষা করেন। উপস্থিত নরনারীগণ হরিধ্বনি না করিলে, বালকের স্বভাবসুলভ রোদনের নিবৃত্তি হয় না। ক্রমে সকলেই এই পরম সঙ্কেত বুঝিতে পারিলেন। তদবধি বালক রোদনপরায়ণ হইলেই তাঁহারা হরিধ্বনি করিতে থাকেন। হরিধ্বনি শ্রবণ করিলেই বালকের রোদন নিবৃত্ত হয়। রহস্যপ্রিয় দেবতাসকল কৌতুক দেখিবার নিমিত্ত ছায়ার ণ্মায় অলক্ষিতভাবে বালকের বাসগৃহে প্রবেশ করেন। তদর্শনে উপস্থিত নরনারীসকল চোর বলিয়া অনুমান করিতে থাকেন। কিন্তু শেষে কাহাকেও না দেখিয়া অতিশয় বিস্ময়াবিষ্ট হইয়েন। কেহ সভয়ে 'নরসিংহ' 'নরসিংহ' ধ্বনি করিতে থাকেন। কেহ অপরাজিতার স্তোত্র পাঠ করিতে প্রবৃত্ত হইয়েন। কেহ বা বিবিধ মন্ত্রপাঠ সহকারে দশদিক বন্ধন করেন। জনকজননী গ্রহাশঙ্কায় মন্ত্রবিদগণদ্বারা বালকের রক্ষাবিধান করেন। আর দর্শনার্থ সমাগত দেবতারা অলক্ষে আসিয়া হাস্য করিতে থাকেন। এইরূপে একমাস অতিক্রান্ত হইলে শ্রীগৌরাজের অঙ্গপরিবর্তন উপলক্ষে উৎসবের আয়োজন হইতে লাগিল। নিমন্ত্রিতা নারীসকল শচীদেবীর সহিত গঙ্গান্নানে গমন করিলেন। বাগ্মীতাদি সহকারে ভাগীরথীর অর্চনার পর তাঁহারা ষষ্ঠীদেবীর স্থানে গমনপূর্বক বিবিধ উপহারে দেবীর পূজা করিলেন। তদনন্তর শচীদেবী খৈ, কলা, তৈল, সিন্দূব, সুপারি ও পান প্রভৃতি মাস্তুলিক দ্রব্যসামগ্রী দ্বারা সমাগত নারীবৃন্দের সম্মাননা করিলেন। তাহারাও বালককে আশীর্বাদ করিতে করিতে নিজ নিজ ভবনে প্রতিগমন করিলেন।

শ্রীগৌরাজ, বালগোপালের ণ্মায় গুপ্তভাবে, পিতৃগৃহে থাকিয়া নানাবিধ ক্রীড়া করিতে লাগিলেন। তিনি একদা শয্যা হইতে ভূতলে অবতরণপূর্বক গৃহসামগ্রীসকল ফেলিয়া ছড়াইয়া ক্রীড়া করিতে করিতে জননীর আগমন বুঝিতে

পারিয়া নিঃশব্দে ক্রীড়া পরিত্যাগপূর্বক পুনর্বার পূর্ববৎ শয়ন করিয়া রহিলেন। পরে জননী গৃহমধ্যে পদার্পণ করিলেই ক্রন্দন করিয়া উঠিলেন। শচীদেবী রোদনপরায়ণ পুত্রের সাস্বনার নিমিত্ত 'হরি হরি' ধ্বনি করিতে লাগিলেন। হরিধ্বনি শ্রবণে বালকের রোদন নিবৃত্ত হইল। তখন শচীদেবী দেখিলেন, গৃহসামগ্রীসকল গৃহের স্থানে স্থানে বিক্ষিপ্ত ও পতিত রহিয়াছে। গৃহমধ্যে চারিঘাসের শিশু। শিশু আবার শয্যাতে শয়ন করিয়া আছেন। গৃহসামগ্রী সকল কে ছড়াইল, বুঝিতে পারিলেন না, দেখিয়া বিস্ময়াপন্ন হইলেন। জগন্নাথ মিশ্রও গৃহের অবস্থা প্রত্যক্ষ করিলেন। গৃহমধ্যে ননুঘোর আগমনের চিহ্নমাত্রও দেখা গেল না। কেবল পুত্রের চরণচিহ্নের ছায় দুই একটি চরণচিহ্ন দৃষ্ট হইল। ক্রমে প্রতিবেশী দুই এক জনও ঐ স্থানে আসিয়া মিলিলেন। সকলে মিলিয়া অনেক তর্কবিতর্কের পর শিশুর লজ্বনার্থ কোন দানব গৃহমধ্যে প্রবেশ করিয়াছিল, ইহাই স্থির করিলেন। সকলেই ভাবিলেন, দানব আসিয়াছিল, কিন্তু রক্ষাবিধান হেতু বালকের অনিষ্টসাধন করিতে পারে নাই, শেষে সেই রাগে গৃহসামগ্রীসকল অপচয় করিয়া চলিয়া গিয়াছে। আর পদচিহ্নগুলি শালগ্রাম শিলাতে অধিষ্ঠিত বালগোপালেরই পদচিহ্ন বলিয়া অবধারিত হইল। এই প্রকারে পাঁচ মাস অতিবাহিত হইয়া গেল।

শ্রীগৌরাজের বয়স যখন ছয় মাস, নীলাম্বর চক্রবর্তী ও অপরাপর আত্মীয়বর্গ আসিয়া তাঁহার নামকরণের দিনস্থির করিলেন। বালকের জন্ম হইতেই মিশ্রসংসারের অবস্থার দিন দিনই উন্নতি হইতেছিল। মিশ্রবর বিশেষ সমারোহের সহিত পুত্রের অন্নপ্রাশনের আয়োজন করিলেন। ১৪০৮ শকের শ্রাবণ মাসে হস্তানক্ষত্রে বৃহস্পতিবারে উক্ত কার্যের দিন ধার্য হইল। ঐ দিন পিতৃদেবাদের অর্চনাস্ত্রে, চলিত প্রথা অনুসারে, বালক কোন্ বস্তুটি ধারণ করে দেখিবার নিমিত্ত, বালকের সম্মুখে ধাতু, রজত ও পুস্তক প্রভৃতি কয়েকটি মাস্তুলিক বস্তু স্থাপন করা হইল। বালক অল্প সকল বস্তু ছাড়িয়া শ্রীভাগবত পুস্তক আলিঙ্গন করিলেন। তদর্শনে উপস্থিত নরনারীসকল 'জয় জয়' ধ্বনি করিয়া উঠিলেন। বালক শ্রীগৌরাজ সময়ে পরম বৈষ্ণব ও পণ্ডিত হইবেন স্থির হইল। অনন্তর

(১) একাদশদিনে অর্থাৎ অশৌচান্তদিনে ব্রাহ্মণের নামকরণের মুখ্যকাল। ষষ্ঠমাস অন্নপ্রাশনের মুখ্যকাল। মুখ্যকালে নামকরণাদি সংস্কার না হইলে গোণকালে উক্ত সংস্কারাদি কর্তব্য করা কর্তব্য। শ্রীগৌরাজমহাপ্রভুর মুখ্যকালে নামকরণ সংস্কার করা হইয়াছিল না, এই নিমিত্তই ষষ্ঠমাসে মুখ্যকালে শ্রীগৌরাজের অন্নপ্রাশন ও তৎপূর্ব নামকরণ এই উভয় সংস্কারই একই সময়ে করা হইয়াছিল।

বিশেষ সমারোহের সহিত নামকরণোৎসব সমাহিত হইল। জন্মপত্রিকার গণনামুসারে বালকের নাম রাখা হইল, 'বিশ্বস্তর'। সকলেই একবাক্যে বলিতে লাগিলেন, "ইহার জন্মাবধি বিশ্ব সর্বপ্রকারে মঙ্গলময় হইয়াছে, অতএব বিশ্বস্তরই ইহার যোগ্য নাম হইয়াছে।" বর্ণ গৌর বলিয়া ইতিপূর্বেই বালককে 'গৌরাজ' 'গৌরসুন্দর' ও 'গৌরহরি' বলিয়া ডাকা হইত। শচীদেবীর অনেকগুলি সন্তান বিনষ্ট হইলে শ্রীগৌরাজ জন্মগ্রহণ করেন বলিয়া, প্রতিবেশিনীগণ তাঁহার 'নিমাই' নাম রাখিলেন। কেহ কেহ বলেন, শ্রীগৌরাজ নিম্ববৃক্ষের তলে ভূমিষ্ঠ হইয়াছিলেন বলিয়াই তাঁহার 'নিমাই' নাম হইয়াছিল। 'শ্রীকৃষ্ণচৈতন্য' তাঁহার সন্ন্যাসকালের নাম। নামকরণোৎসব সমাধা হইলে, তদুপলক্ষে সমাগত আত্মীয় কুটুম্ব সকল স্বস্বভবনে প্রত্যাগমন করিলেন।

শ্রীগৌরাজ ক্রমে রিজ্জণকাল (১) প্রাপ্ত হইলেন। প্রাচীন বৈষ্ণবগণ শ্রীগৌরাজের রিজ্জণলীলা এইপ্রকারে বর্ণনা করিয়া থাকেন ;—

“এক মুখে কি কহিব গৌরাটাদের লীলা ।

হামাগুড়ি যায় নানারঙ্গে শচীবালা ॥

লালে মুখ ঝর ঝর দেখিতে সুন্দর ।

পাকা বিশ্বফল জিনি সুন্দর অধর ॥

অঙ্গদ বলয় সাজে সুবাহুঘুগলে ।

চরণে নুপুর বাজে বাঘনথ গলে ॥

সোণার শিকলি শিরে পাটের খোপনা ।

বাসুদেব ঘোষে কহে নিছনি<sup>২</sup> আপনা ॥”

শ্রীগৌরাজ জাহুর উপর ভর দিয়া পরমসুন্দর হামাগুড়ি দেন। গমনকালে কটিদেশে কিঙ্কিণীর ও চরণঘুগলে নুপুরের ধ্বনি হইতে থাকে। তিনি নির্ভয়ে অঙ্গনে বিহার করেন। অগ্নি ও সর্পাদি যাহা দেখেন, তাহাই ধরিতে থাকেন। একদিন হামাগুড়ি দিয়া যাইতে যাইতে একটি সর্পের উপর শয়ন করিলেন। আত্মীয়স্বজন সকলে কাঁদিতে কাঁদিতে মনে মনে গরুড়াদি সর্পভয়নিবারক দেবতা-দিগকে স্মরণ করিতে লাগিলেন। সর্পভয়ে অনেকে শ্রীগৌরাজকে রাখিয়া পলায়ন করিল। শ্রীগৌরাজ পুনর্বার ঐ সর্পকে ধরিবার জন্ত গমন করিলেন। তদর্শনে

(১) হামাগুড়ি দেওয়ার সময়।

(২) উপমা

উপস্থিত, নরনারীগণ দৌড়িয়া যাইয়া তাঁহাকে ধরিয়া আনিলেন। জনকজননী মৃত্যুমুখ হইতে প্রমুক্ত বালককে ক্রোড়ে তুলিয়া লইয়া আনন্দমাগরে নিমগ্ন হইলেন।

ক্রমে শ্রীগৌরাজ পদচারণ আরম্ভ করিলেন। তাঁহার রূপলাবণ্য কোটি কন্দর্পকেও পরাজয় করিল। সুধাকরসদৃশ বদন, সুবলিত মস্তকে চাঁচর কেশদাম, সুদীর্ঘ কমলনয়ন, অরুণবর্ণ অধর, বিস্তৃত বক্ষঃস্থল, আজানুলম্বিত ভুজযুগল ও সুকোমল চরণকমল প্রভৃতি দর্শন করিয়া সকলেই মুগ্ধ হইতে লাগিলেন। পিতামাতার বিশ্বয়ের সীমা নাই। তাঁহারা বালকের রূপ, গুণ ও লীলাসকল দর্শন করিয়া মহাপুরুষজ্ঞানে সদাই মোহিত থাকেন। বালক লোকসকলের হস্তধারণ করিয়া চলিয়া বেড়ান। কখন ক্রভঙ্গি, কখন দস্তপ্রদর্শন প্রভৃতি বিবিধ কৌতুকের সহিত সমবেত নরনারী সকলের আনন্দবর্ধন করেন। কখন হাসেন। কখন আকাশের চাঁদ ধরিবার জন্য কাঁদিতে থাকেন। কখন মুকুরাদিতে নিজের প্রতিবিম্ব দর্শন করিয়া রোষ প্রকাশ করেন।

শ্রীগৌরাজ রোদনকালে হরিধ্বনি ব্যতিরেকে অন্য কিছুতেই প্রবোধ মানেন না। প্রাতঃকাল অবধি সকল সময়েই প্রতিবাসিগণ আসিয়া হাসিয়া হাসিয়া তাঁহাকে বেড়িয়া হরিধ্বনি করেন। তিনি কখন বা তাঁহাদিগের সহিত করতালি দিয়া মনোরম নৃত্য করিতে থাকেন, কখন বা ভূমিতলে গড়াগড়ি দিয়া ধূলায় ধূসরিতাজ হইয়েন। সময়ে সময়ে বাটীর বাহিরে যাইয়া থৈ কলা ও সন্দেশ প্রভৃতি আনিয়া সঙ্কীর্ণকারী নরনারীদিগকে প্রদান করেন। কখন বা অতিশয় চাপল্য প্রকাশ করিতে থাকেন। নিকটস্থ প্রতিবাসীদিগের গৃহে যাইয়া খাণ্ডসামগ্রী চুরি করিয়া ভোজন করেন। কখন বা তাঁহাদিগের দ্রব্য সকল অপচয় করেন। এই প্রকার বালচাপল্যের মধ্যে আবার গান্ধীর্ঘ্যও প্রকাশ করিয়া থাকেন। একদিন শচীদেবী তাঁহাকে থৈ ও সন্দেশ খাইতে দিয়া কার্য্যান্তরে চলিয়া গেলে, তিনি ঐ সকল খাণ্ডদ্রব্য ফেলিয়া দিয়া মৃত্তিকা ভক্ষণ করিতে আরম্ভ করিলেন। শচীদেবী আসিয়া দেখিলেন, পুত্র থৈ ও সন্দেশ ফেলিয়া দিয়া মৃত্তিকা ভক্ষণ করিতেছেন। তদর্শনে তিনি পুত্রের হস্ত হইতে মৃত্তিকা কাড়িয়া লইলেন এবং খাণ্ডদ্রব্য পরিত্যাগপূর্বক অখাণ্ড মৃত্তিকা ভক্ষণ করিবার কারণ জিজ্ঞাসা করিলেন। পুত্র বলিলেন, “মৃত্তিকা ভক্ষণে কি দোষ? থৈ এবং সন্দেশও যাহা, মৃত্তিকাও তাহাই; সকল দ্রব্যই মৃত্তিকার বিকার।” শচী দেবী পুত্রের মুখে দর্শন বিজ্ঞানের কথা শ্রবণ করিয়া অবাক হইয়া রহিলেন।

অনন্তর একদিন শ্রীগৌরাজ্ঞ নানালাকারে ভূষিত হইয়া গৃহ হইতে বহির্গত হইলেন। তিনি গৃহের বাহির হইয়াই অলঙ্কারলুক দুইটি চোরের নয়নপথে পতিত হইলেন। চোরদ্বয় অলঙ্কার লোভে তাঁহাকে ক্রোড়ে লইয়া আপনাদিগের অভিলষিত গন্তব্য স্থানের অভিযুখে গমন করিতে লাগিল। কিন্তু দেবমায়ায় বিমোহিত ও দিগ্‌ভ্রাস্ত হইয়া অভিপ্রেত স্থান না পাইয়া বহুক্ষণ ভ্রমণের পর পুনর্বার মিশ্রভাবেই আসিয়া উপস্থিত হইল। তখন তাহারা বালকের নিজ-ভাবেই ফিরিয়া আসিয়াছি বুঝিতে পারিয়া আপনাদের ছুরভিসন্ধির স্বরণে লোকভয়ে ভীত হইয়া অলক্ষিতে বালককে নামাইয়া দিয়া পলায়ন করিল। জনকজননী বহুক্ষণের পর অদৃশ্য পুত্রের প্রাপ্তিতে তাঁহার অদর্শনজনিত সগস্ত ক্লেশই বিস্মৃত হইয়া পরমানন্দে ভাসমান হইলেন। এদিকে শ্রীগৌরাজ্ঞের শ্রীগৌরাজ্ঞস্পর্শে দিব্যজ্ঞানের উদয় হওয়ায় চোরদ্বয় সেই দিন হইতেই চৌধ্যবৃত্তি পরিত্যাগ করিয়া সাধুগার্গ অরলম্বন করিল।

অতঃপর শচী দেবী পুত্রকে আর বাটী হইতে বাহির হইতে দেন না, ঘরে থাকিয়াই খেলা করিতে বলেন,—

“আরে মোর সোণার নিমাই।

আপনার ঘর ছাড়ি, না যাবে পরের বাড়ী,

বসিয়া খেলাবে এক ঠাই ॥

শিশুগণ খেলাইতে, আসিবে তোমার সাথে,

এথাই রাখিবে তা সবারে।

যখন যা চাও তুমি, তাহা আনি দিব আমি,

কিসের অভাব মোর ঘরে ॥

যদি কেহ কিছু কয়, তারে দেখাইও ভয়,

বাপের নিষেধ জানাইয়া।

চঞ্চল বালক মিলে, বাড়ীর বাহিরে গেলে,

মায়ে কি ধরিতে পারে হিয়া ॥

তিলেক আঁথের আড়ে, পরাণ না রহে ধড়ে,

নরহরি জানে মোর দুঃখ।

মায়ের বচন ধর, ঘরে বসি খেলা কর,

সদা যেন হেরি চাঁদমুখ ॥”

এইরূপে দিনের পর দিন যাইতে লাগিল। একদিবস মিশ্রমহাভাগ শ্রীগৌরাজকে সম্বোধন করিয়া বলিলেন, “বিশ্বস্তর? আগার পুথিখানি দাও তো।” শ্রীগৌরাজ পিতার আদেশ প্রাপ্তিমাত্র পুস্তক আনয়নের উদ্দেশ্যে গৃহমধ্যে গমন করিলেন। গমনকালে গৃহমধ্যে নুপুরধ্বনি শ্রুত হইতে লাগিল। শচীদেবীও ঐ ধ্বনি শ্রবণ করিলেন। শ্রীগৌরাজ পুথি লইয়া বাহিরে আসিলে দেখা গেল, পুত্রের চরণ শূন্যই রহিয়াছে, অথচ নুপুরের শব্দ হইতেছে। তখন তাঁহারা কি হইল, কোথা হইতে শব্দ আসিতেছে, তাহার কিছুই ভাবিয়া স্থির করিতে পারিলেন না। শেষে বিস্ময়ের সীমা রহিল না। কিন্তু জনকজননীর সেই ভাব স্থায়ী হইল না। তাঁহার পরক্ষণেই উহা ভুলিয়া গেলেন। ভাবিলেন, উহা তাঁহাদিগের গৃহদেবতা দামোদরশিলারই লীলা। সেই দিনেই তদুদ্দেশ্যে সম্বৃত পরমাঙ্গাদি ভোগ দেওয়া হইল। শ্রীগৌরাজ জনকজননীর ভাব বুঝিয়া মনে মনে হাসিতে লাগিলেন। তাঁহার নিজ ঐশ্বর্য প্রচার করিবার ইচ্ছা হইল, উক্ত ঘটনাটি অপ্রকাশিত থাকিল না, ক্রমে প্রতিবাসিগণ শুনিলেন, মিশ্রের ভবনে সদাই নুপুরের ধ্বনি হইতেছে। তদ্ব্যস্ত শ্রবণ করিয়া অনেকেই মিশ্রসদনে আগমন করিলেন। কেহ কেহ নুপুরধ্বনিও শ্রবণগোচর করিলেন। ভূতলে ধ্বজবজ্রাঙ্কুশাদি পদচিহ্ন সকলও দৃষ্টিগোচর হইল।

“সব গৃহে অপরূপ পদচিহ্ন।

ধ্বজ-বজ্রাঙ্কুশ-পতাকা-ভিন্ন ভিন্ন ॥”

দেখিয়া সকলেই বিস্ময়াবিষ্ট হইলেন। তাঁহারা সবিস্ময়ে শচীদেবীকে বলিলেন,—

“শচী মা, তোর গোপালভাবেতে,

উদয় বৃন্দাবনচন্দ্র গৌররূপেতে,

ঐ চেয়ে দেখ গো, ধ্বজ-বজ্রাঙ্কুশ-চিহ্ন আছে শ্রীচরণেতে ॥

জান না গো শচীরাগী, ( ওগো তোমার ) ঘরের নন্দের নীলমণি

( ওগো ) চেয়ে দেখ গো, ( ওগো ) ঐ দেখা যায়,

ধ্বজ-বজ্রাঙ্কুশ-চিহ্ন রাজ্য চরণে ঐ দেখা যায় ॥

কিবা শোভা আর অপরূপ গৌরচাঁদের নথরেতে চাঁদের উদয়,

শীতল কিরণ একি হেরিয়ে গো পরাণ জুড়ায়, ( চাঁদের উদয় ),

ঐ চেয়ে দেখ গো, ধ্বজবজ্রাঙ্কুশচিহ্ন আছে শ্রীচরণেতে ॥”

একদা শ্রীগৌরাজ কোন মতে নিদ্রা যাইতেছেন না। শচী দেবী স্ত্রীস্বভাবোচিত রীতি অনুসারে তাঁহাকে নানাবিধ উপকথা ও পৌরাণিক ইতিহাস সকল



শুনাইতেছেন। এইরূপে প্রসঙ্গক্রমে কংসবধবৃত্তান্ত উত্থাপন করিয়া কংসের সহিত শ্রীকৃষ্ণের ভীষণ যুদ্ধের বৃত্তান্ত শ্রবণ করাইতেছেন। ইচ্ছা—যদি শ্রীগৌরাজ এই সমস্ত লোমহর্ষণ যুদ্ধবৃত্তান্ত শ্রবণে ভীত হইয়া নিদ্রা যান। কিন্তু ফলে বিপরীত হইল, শ্রীগৌরাজ ক্রোধাবেশে হুঙ্কার করিয়া বলিলেন,—

“আর যে আছয়ে তারে করিমু সংহার।”

শচী দেবী শুনিয়া স্তম্ভিত হইলেন। আবার একদিন শ্রীগৌরাজ নিদ্রিতাবস্থায় স্বপ্নে বলিতে লাগিলেন,—

“ওহে শিব ব্রহ্মা চিন্তা না করিহ মনে।

জীব উদ্ধারিয়া মাতাইব সঙ্কীৰ্তনে ॥”

শচী দেবী পুত্রের পার্শ্বেই শয়ন করিয়াছিলেন। তিনি তাঁহার এইপ্রকার প্রলাপবাক্য শ্রবণ করিয়া মনে মনে শঙ্কিত হইলেন এবং পাছে বালক কোন অমঙ্গল হয় ভাবিয়া তাঁহার সর্বাঙ্গে মন্ত্র পড়িয়া রক্ষা বন্ধন করিতে লাগিলেন। অকস্মাৎ দেখা গেল, কতকগুলি জ্যোতির্ময়ী মূর্তি বালককে বেষ্টিত করিয়া কি যেন কহিতেছেন। এবার শচী দেবীর বস্তুতঃ ভয় হইল। তিনি আর পুত্রকে আপনার নিকট রাখিতে সাহস করিলেন না। পিতার নিকট থাকিলে পুত্রের কোনরূপ বিপদ ঘটে না ভাবিয়া শ্রীগৌরাজকে তাঁহার পিতার নিকটে পাঠাইয়া দিলেন। পুত্রকে পাঠাইয়াও নিজে স্থির থাকিতে পারিলেন না, উঠিয়া পুত্রের পশ্চাৎ পশ্চাৎ গমন করিলেন। পরে স্বামীকে ডাকিয়া বলিলেন, “নিমাইকে আপনার নিকট পাঠাইতেছি, অগ্রসর হইয়া লইয়া যান।” শ্রীগৌরাজ গমন করিতে লাগিলেন। গমনকালে চরণে নুপুরধ্বনি হইতে লাগিল। জগন্নাথ মিশ্র পুত্রকে লইয়া শয়ন করাইলেন। পুত্র নিদ্রা যাইলে, জনকজননী পুত্রের অলৌকিক কার্যসকল উল্লেখ সহকারে তাঁহার শরীরে গোপাল আছেন, ইহাই স্থির করিলেন।

রজনী প্রভাত হইলে, তাঁহারা বিধিবিধানে পুত্রের নিমিত্ত মাস্তুলিক কৰ্ম সকলের অনুষ্ঠান করিতে লাগিলেন। ঐ দিবস দামোদরের পূজার বিশেষ আয়োজন করা হইল। এদিকে শ্রীগৌরাজ অপরাপর দিনের ন্যায় শিশুগণপরিবেষ্টিত হইয়া অঙ্গনে নৃত্যারম্ভ করিলেন। তাৎকালিক পদকর্তা বাসুদেব ঘোষ বর্ণনা করিতেছেন,—

“নাচে গোরা শচীর ছলালিয়া।

চৌদিকে বালক মেলি, দেয় তারা করতালি,

হরিবোল হরিবোল বলিয়া ॥

মাথে শোভে দিব্য চূড়া গলায় সোণার কাঁঠি ।  
 সাধ করে পরায়েছে মায় ধড়া গাছি আঁটি ।  
 সুন্দর চাঁচর কেশ সুবলিত তনু ।  
 ভুবন মোহন কেশ ভুরু কামধনু ।  
 রজত কাঞ্চন, নানা আভরণ, অঙ্গে মনোহর সাজে ।  
 রাস্তা উৎপল, চরণযুগল, তুলিতে নূপুর বাজে ।  
 শচীর অঙ্গনে, নাচয়ে সঘনে, বোলে আধ আধ বাণী ।  
 বাসুদেব ঘোষ বলে, ধর ধর কর কোলে,  
 গোরা যেন পরাণের পরাণী ॥”

যে মায়ায়<sup>১</sup> বিশ্বসংসার বিমোহিত, সেই মায়ায় যে শচী দেবী মুগ্ধ হইবেন, ইহা অসম্ভব নয় । শচী দেবী দামোদরের পূজার আয়োজনে ব্যস্ত ছিলেন, কিন্তু শ্রীগোবিন্দের আকর্ষণে স্থির থাকিতে পারিলেন না, নৃত্যস্থলে আসিয়া উপস্থিত হইলেন । শ্রীগোবিন্দও জননীকে সমাগত দেখিয়া নৃত্য করিতে করিতে তাঁহার অঞ্চলে বদন আবৃত করিলেন ।

“শচীর অঙ্গনে নাচে বিশ্বস্তর রায় ।  
 হাসি হাসি ফিরি ফিরি মায়েরে লুকায় ।  
 বয়ানে বসন দিয়া বলে লুকাইনু ।  
 শচী বলে বিশ্বস্তর আমি না দেখিনু ।  
 মায়ের অঞ্চল ধরি চঞ্চল চরণে ।  
 নাচিয়া নাচিয়া যায় খঞ্জনগমনে ।  
 বাসুদেব ঘোষে কহে অপরূপ শোভা ।  
 শিশুরূপ দেখি হয় জগ-মন-লোভা ॥”

আর একদিন শ্রীগোবিন্দ নৃত্য করিতে করিতে হঠাৎ শ্রীকৃষ্ণবেশে আবিষ্ট হইলেন । তদবস্থায় তিনি শচীমাতাকে “মা ননী দাও, আমার বড় ক্ষুধা হই-

( ১ ) জগন্মোহিনী বহিরঙ্গা মায়া, অন্তরঙ্গা চিচ্ছক্তি সম্বলিতা হইয়া প্রপঞ্চাভিব্যক্ত নিত্যলীলার সহকারিণী হইয়াছেন । মায়াশব্দ বহিরঙ্গা জীবমায়া ও অন্তরঙ্গা যোগমায়া এই দুভয়েরই বাচক । তন্মধ্যে বহিরঙ্গা জীবমায়া তটস্থশক্তি জীবের সম্মোহনাদিকার্য্য সম্পাদন করে ও চিচ্ছক্তিরূপ যোগমায়া নিত্যলীলাপরিষ্কারের মোক্ষাদি সম্পাদন করে । নিত্য-মাতুরূপা শ্রীশচীদেবী শ্রীভূতির মোহ, নিত্যলীলা-সম্পাদিকা যোগমায়ারই বিলাস । এস্থলে মায়াশব্দে জীবমায়া ও যোগমায়ার মোহনত্বাদিগুণের সমতাবশতঃ গোণীবৃত্তিধারা অভেদে উভয় মায়ায় প্রয়োগ হইয়াছে ।

যাচ্ছে” ইত্যাদি বাক্যে বারংবার উত্কলিত করিতে লাগিলেন। শচীদেবী পুত্রের অকস্মাৎ এই প্রকার ভাবান্তর দর্শনে যুগপৎ বিস্মিত ও ভীত হইলেন। প্রাচীন সঙ্কীৰ্ত্তন যথা—

“বলে ননী দে মা যশোদে গৌর আমার কি ভাবে কাঁদে,  
প্রবোধিতে নারি আমি শিশু অবোধে ।  
তোরা দেখে যা গো নগরবাসী আমার গৌরাজ্ঞচাঁদে ॥  
ধরে আমার অঞ্চলে ননী দে মা দে মা বলে গো ।  
যশোদা জননী তোর কি দয়া নাই মা কোলে নে গো ॥  
( আমি ) নহি আহিরিনী, কোথা পাব ননী, এ বড় বিষম মোরে ।  
( আমি ) যাঁ শুনি পুরাণে, নন্দের ভবনে, সেই কি আমার ঘরে ॥  
ও গো গৌর কি সেই নন্দের কাহ্নু ।  
ও চাঁদবদন মলিন হেরে বুক বিদরে খেদে ॥”

শচীদেবীর কথা শুনিয়া উপস্থিত নারী সকল বলিতেছেন ;—

নন্দকিশোর নীলমণি পেয়েছ গো শচীরণী ।  
একি বাৎসল্যে ব্রহ্মগোপালে পেয়েছ কোলে,  
ব্রজের—গোকুলের চাঁদ তোমায় মা বলে ও গো গৌরাজ্ঞজননী,  
কত পুণ্যেতে মদনগোপালে, নাচাও যারে—  
হরি বোল হরি বোল বলিয়ে ।  
ব্রজের মাখনচোরা, তোমার হলেন গোরা, এ নদীয়া নগরে ।  
( বলে ) হে দে গো জননী, দে মা নবনী, বলে বারে বারে ।  
কত রূপ ধরে, কে চিনিতে পারে, তোমার গৌরাজ্ঞসুন্দরে ।  
ও যার দরশনে, জিহ্বায় কৃষ্ণ বলে, হেরে গৌর গুণমণি ॥

শ্রীগৌরাজ্ঞের চাপল্য দিন দিন বাড়িতে লাগিল। তিনি সমবয়স্ক বালক-দিগের সহিত প্রতিবেশিগণের গৃহে যাইয়া খাবার চুরি করেন, তাঁহাদিগের শিশু সন্তানদিগকে মারেন ও নানাবিধ উপদ্রব করেন। এই ঘটনা ক্রমে শচীদেবীর কর্ণগোচর হইল। তিনি পুত্রকে বলিলেন, “নিমাই, তুমি কেন পরের ঘরে গিয়া উপদ্রব কর, তোমার নিজের ঘরে কিসের অভাব আছে? অপরের শিশুসন্তানদিগকে প্রহারই বা কেন কর? তুমি এত দুষ্ট হইতেছ কেন?” মাতার কথা শুনিয়া শ্রীগৌরাজ্ঞ বলিলেন, “মা, ঐ সকল মিথ্যা কথা, আমি কিছুই করি নাই।” এই কথা বলিতে বলিতে তিনি মৃদুহস্তে জননীকে তাড়না করিলেন। সেই তাড়-

নাতেই শচীদেবী মূর্ছিত হইয়া ভূমিতলে পতিত হইলেন। তদর্শনে শ্রীগৌরাজ লজ্জায় ও ভয়ে কাঁদিতে লাগিলেন। উপস্থিত নারীসকল বলিলেন, “নিমাই, নারিকেল আনিয়া দাও, তাহা হইলেই তোমার জননী সুস্থ হইবেন।” শ্রীগৌরাজ তৎক্ষণাৎ গৃহ হইতে বহির্গত হইয়া দুইটি নারিকেল ফল আনিয়া উপস্থিত করিলেন। এই অদ্ভুত ব্যাপার প্রত্যক্ষ করিয়া সকলেই বিস্ময়াপন্ন হইলেন। শচীদেবী উথিত হইয়া পুত্রকে ক্রোড়ে ধারণ করিলেন।

একদিন শচীদেবী পুত্রকে অশ্রুত যাইতে নিষেধ করিয়া গঙ্গাস্নানে গমন করিলেন। আসিবার সময় কোন প্রতিবাসীর ভবনে শ্রীগৌরাজকে দেখিয়া বিরক্তি সহকারে সত্বর গৃহে আগমন করিলেন। গৃহে আসিয়া দেখিলেন, পুত্রকে যে অবস্থায় গৃহে রাখিয়া গিয়াছিলেন, তিনি তদবস্থাতেই রহিয়াছেন। তদর্শনে মনে হইল, তাঁহার দেখিবার ভ্রম হইয়াছে, প্রতিবাসীর ভবনে শ্রীগৌরাজকে দেখেন নাই, তাঁহার মত অশ্রু কোন বালককে দেখিয়া আসিয়াছেন। কিন্তু সংশয়ের নিবৃত্তি হইল না। শ্রীগৌরাজকে ক্রোড়ে লইয়া সেই প্রতিবাসীর ভবনে গমন করিলেন। দেখিলেন, সেই স্থলে অবিকল আর একটি শ্রীগৌরাজ অবস্থিত। শচীদেবী গৃহস্বামিনীকে জিজ্ঞাসা করিলেন, “মা, এ বালকটি কে?” প্রতিবেশিনী বিস্মিত হইয়া বলিলেন, “তাইত মা, এ বালকটি কে?” শচীদেবী সেই গৌরাজকেও ক্রোড়ে লইলেন। দুইটি গৌরাজ একটি হইয়া গেল। শচীদেবী ও প্রতিবেশিনী দৃষ্টিভ্রম বিবেচনা করিয়া কার্ধ্যান্তরে ব্যাপৃত হইলেন।

দৈবযোগে এক তীর্থভ্রমণকারী ব্রাহ্মণ আসিয়া মিশ্রভবনে আতিথ্য স্বীকার করিলেন। জগন্নাথ মিশ্র তাঁহাকে যথোচিত অভ্যর্থনা সহকারে আসন প্রদান করিলেন। পরে তিনি আসন গ্রহণ করিলে, পাদপ্রক্ষালনানন্তর তাঁহার অনুজ্ঞা লইয়া পাকের প্রয়োজন করিয়া দিলেন। ব্রাহ্মণ বালগোপালের উপাসক ছিলেন। পাক সমাধা হইলে, তিনি ষড়ক্ষর গোপালমন্ত্র উচ্চারণপূর্বক অন্নাদি নিজ ইষ্টদেবকে নিবেদন করিলেন। বালক শ্রীগৌরাজ ধূলাখেলা করিতে করিতে ঐস্থানে আসিয়া হাসিতে হাসিতে বিপ্রকর্তৃক নিবেদিত অন্ন হইতে এক গ্রাস তুলিয়া লইয়া ভোজন করিলেন। তদর্শনে বিপ্র “হায় হায়” করিয়া জগন্নাথ মিশ্রকে আহ্বান করিয়া তদীয় ষালকের চাঞ্চল্য দেখাইলেন। জগন্নাথ মিশ্র ক্রোধে বালককে প্রহার করিতে উদ্বৃত হইলেন। তৈরিক ব্রাহ্মণ, অজ্ঞান বালক সর্বথা ক্ষমার যোগ্য বলিয়া, তাঁহাকে পুত্রের তাড়নোত্তম হইতে নিবৃত্ত করিলেন। জগন্নাথ মিশ্র বালকের আচরণে অতিশয় দুঃখিত হইয়া বসিয়া পড়িলেন,

কিছুই বলিলেন না। তখন ঐ বিপ্র বলিলেন, “মিশ্রবর, দুঃখিত হইবেন না, গৃহে ফলমূলাদি যাহা থাকে, তাহাই দেন, আমি ভোজন করিতেছি। বিধাতা যে দিন যাহা লিখেন, সে দিন তাহাই ঘটে, অন্যথা হয় না।” তখন জগন্নাথ মিশ্র অনেক অনুরোধ করিয়া তাঁহাকে পুনর্বার পাক করাইলেন। শচীদেবী বালককে ক্রোড়ে লইয়া অত্র বাড়ীতে গমন করিলেন। প্রতিবেশিনীসকল বালকের ব্যবহার শুনিয়া বলিলেন, “নিমাই, তুমি এমন দুষ্ট বালক, যে অতিথি ব্রাহ্মণের ভোজন নষ্ট করিলে?” শ্রীগৌরাজ বলিলেন, “আমার কি দোষ, ব্রাহ্মণ আমাকে ডাকিল কেন?” তখন প্রতিবেশিনীরা বলিলেন, “যে ডাকিবে, তুমি কি তাহারই অন্ন খাইবে? যাহার তাহার অন্ন খাইলে, জাতি থাকে কি? তোমার জাতি গিয়াছে।” শ্রীগৌরাজ বলিলেন, “আমি সর্বকালেই ব্রাহ্মণের অন্ন খাইয়া থাকি। ব্রাহ্মণের অন্ন কি গোয়ালার জাতি যায়?” এইরূপ হাস্যপরিহাস হইতেছে, এমন সময়ে অতিথি ব্রাহ্মণ পূর্ববৎ অন্নাদি নিবেদন করিলেন। শ্রীগৌরাজ তখন সকলকে মোহিত করিয়া অলক্ষিতভাবে আগমনপূর্বক ধ্যাননিমীলিত-নয়ন ব্রাহ্মণের অন্ন পুনর্বার গ্রহণ করিলেন। ব্রাহ্মণ নয়ন উন্মীলন করিয়াই উহা দেখিতে পাইলেন। ক্রমে উক্ত ঘটনা জগন্নাথ মিশ্রেরও প্রত্যক্ষ হইল। তিনি ক্রোধে অধীর হইয়া পুত্রকে তাড়না করিতে উদ্বৃত হইলেন। ব্রাহ্মণ পূর্ববৎ তাঁহাকে নিবারণ করিলেন। মিশ্র ব্রাহ্মণের অনুরোধে পুত্রের তাড়না হইতে নিবৃত্ত হইলেন বটে, কিন্তু লজ্জায় অধোবদন হইয়া রহিলেন, কোন কথাই বলিতে পারিলেন না। অকস্মাৎ বিশ্বরূপ আসিয়া সেই স্থানে উপস্থিত হইলেন। তিনি উপস্থিত বৃত্তান্ত বিদিত হইবার পর অনেক অনুনয় বিনয় করিয়া ব্রাহ্মণকে পুনর্বার পাকের আয়োজন করিয়া দিলেন। ব্রাহ্মণ বিশ্বরূপের মুখ দেখিয়া সকল ভুলিয়া গেলেন, কোন কথাই বলিতে পারিলেন না, অগত্যা পাক করিতে বাধ্য হইলেন। এইবার দুষ্ট শ্রীগৌরাজকে লইয়া নারীগণ গৃহমধ্যে শয়ন করাইয়া রাখিলেন। গৃহের দ্বার বাহির হইতে আবদ্ধ করিয়া জগন্নাথ মিশ্র স্বয়ং ঐ দ্বার আঙুলিয়া বসিয়া থাকিলেন। পাক সমাধা হইল। ব্রাহ্মণ পূর্ববৎ অন্নাদি নিবেদন করিতে লাগিলেন। এই সময়ে কোথা হইতে শ্রীগৌরাজ আসিয়া দেখা দিলেন। জগন্নাথ মিশ্র ও গৃহস্থিত নারীগণ নিদ্রায় অচেতন, কিছুই জানিতে পারিলেন না। ব্রাহ্মণ দেখিলেন, সমস্ত সতর্কতাই ব্যর্থ হইয়াছে। বালক আসিয়া পূর্ববৎ অন্নগ্রহণে অগ্রসর হইয়াছেন। তিনি শ্রীগৌরাজকে দেখিয়াই ‘হায়’ ‘হায়’ করিয়া উঠিলেন। তখন শ্রীগৌরাজ বলিলেন,—“ব্রাহ্মণ, তুমি বিষাদিত হইতেছ

কেন? আমি তোমার আহ্বানেই নিদ্রা পরিত্যাগপূর্বক এই স্থানে আগমন করিয়াছি। তুমি দ্বাপরযুগের ত্রায় এবারও ভ্রাস্ত হইতেছ কেন?” এই কথা বলিতে বলিতেই তিনি ব্রাহ্মণকে কৃতার্থ করিবার নিমিত্ত দিব্য চক্ষু প্রদান করিয়া তাঁহাকে নিজ স্বরূপ প্রত্যক্ষ করাইলেন। তদর্শনে ব্রাহ্মণ পূর্ববৃত্তান্তের সহিত শ্রীগৌরান্দের তত্ত্ব বিদিত ও আনন্দে বিহ্বল হইয়া ভূমিতলে নিপতিত হইলেন। তখন করুণাবতার শ্রীগৌরান্দ্র শ্রীহস্তস্পর্শে ব্রাহ্মণকে প্রকৃতিস্থ করিলেন। ব্রাহ্মণ কাঁদিতে কাঁদিতে সম্মুখস্থ বালগোপালের প্রসাদায় ভক্ষণ ও সর্বাঙ্গে লেপন করিতে লাগিলেন। এতাবৎকাল মিশ্রভবনের সকলেই নিদ্রায় অচেতন ছিলেন। ব্রাহ্মণের নৃত্য গীত ও হুঙ্কারে তাঁহাদিগের নিদ্রাভঙ্গ হইল। তদর্শনে ব্রাহ্মণ আত্মভাব সংগোপনপূর্বক আচমন করিলেন। শ্রীগৌরান্দ্রও ব্রাহ্মণকে ইঙ্গিত করিয়া, ইতিমধ্যে পুনর্বার গৃহমধ্যে প্রবেশপূর্বক পূর্ববৎ-নিশ্চেষ্টভাবে শয্যায় শয়ন করিয়া রহিলেন। জগন্নাথ মিশ্র ব্রাহ্মণের নির্বিঘ্নে ভোজন সমাধা হইয়াছে বুঝিয়া সন্তুষ্ট হইলেন। ব্রাহ্মণও কৃতার্থ হইয়া তীর্থ-ভ্রমণের চেষ্টা পরিত্যাগপূর্বক নদীয়া নগরেই বাস করিতে লাগিলেন এবং ভিক্ষা দ্বারা জীবিকা নির্বাহ করিয়া প্রতিদিন নিজ প্রভুর শ্রীচরণ দর্শনে অন্তরাত্মাকে পরিতৃপ্ত করিতে লাগিলেন। তিনি শ্রীগৌরান্দের ইঙ্গিত বুঝিয়া এই বৃত্তান্ত আর কাহারও নিকট প্রকাশ করিলেন না।

এই সময়ে শ্রীগৌরান্দ্র যেমন চঞ্চল তেমনই অতিশয় দুঃখগ্রহ হইয়া উঠিলেন। তিনি যখন যাহা দেখেন, তাহাই চান। যাহা চান, তাহা না পাইলে, কাঁদিয়া আকুল হইলেন। একদিন অকারণে রোদন করিতে আরম্ভ করিলেন। জনক-জননীর ও প্রতিবেশিগণের অনেক সাস্তুনাবাক্যেও তাঁহার রোদনের অবসান হইল না। সকলে রোদনের কারণ জিজ্ঞাসা করায় বলিলেন, “জগদীশ পণ্ডিত ও হিরণ্য ভাগবত শ্রীহরিবাসর উপলক্ষ্যে বিবিধ উপহার আয়োজন করিয়াছেন, তাঁহাদিগের গৃহ হইতে ঐ সকল দ্রব্যসামগ্রী আনিয়া দাও, তবে আমার শান্তি হইবে।” জনকজননী পুত্রের এইপ্রকার অসম্ভব কথা শুনিয়া যার-পর-নাই ক্ষুব্ধ হইলেন। উক্ত পরম বৈষ্ণব বিপ্রহ্ময় লোকপরম্পরায় শ্রীগৌরান্দের কথা শুনিয়া, উহা শ্রীভগবানেরই ইচ্ছা মনে করিয়া, ভগবন্নিবেদিত যথাবস্থিত উপহার সকল মিশ্রবালকের নিমিত্ত লইয়া গেলেন এবং উহার কিয়দংশ তাঁহাকে ভোজন করাইয়া শ্রীভগবানের তৃপ্তি হইল ভাবিয়া আনন্দসাগরে মগ্ন হইলেন। ঘটনাস্থলে সমুপস্থিত

নরনারীবৃন্দ এই ইন্দ্রিয়ের অগোচর অচিন্ত্যনীয় অলৌকিক ব্যাপার অবলোকনে যৎপরোনাস্তি বিস্মিত হইলেন। এইরূপে মায়া-মমুজ-বালক<sup>১</sup> শ্রীগৌরাজের বাল্যলীলা সকল দর্শন ও শ্রবণ করিয়া নদীয়ার ও তন্নিকটবর্তী স্থানের লোকসকল আশ্চর্য্য বোধ করিতে লাগিলেন।

### পোগগুলীলা

শ্রীগৌরাজ ক্রমে পোগও বয়স প্রাপ্ত হইলেন। জগন্নাথমিশ্র পুত্রের বিদ্যারস্তুর কাল উপস্থিত বুঝিয়া, শুভদিনে যথাবিধি তাঁহার বিদ্যারম্ভ করাইলেন। শ্রীগৌরাজ সমবয়স্ক বালকদিগের সহিত পাঠশালায় যাইয়া লেখাপড়া করিতে লাগিলেন। অল্পদিনের মধ্যেই বর্ণমালাদি প্রথম পাঠ সকল শিক্ষা হইল। এই সময়েও কিন্তু তাঁহার স্বভাবের চাঞ্চল্য দূর হইল না। তিনি পাঠান্তে বালকদিগের সহিত গঙ্গাস্নানে যাইয়া বিশেষ চাঞ্চল্য প্রকাশ করিতে লাগিলেন। লিখিত আছে,—তিনি স্নানের সময় অতিশয় চাপল্য প্রকাশ করিয়া থাকেন; কখন স্নানকারী লোকদিগের গাত্রে জল নিক্ষেপ করেন; কখন তাঁহাদিগের বস্ত্রসকল পরিবর্তন করেন; কখন কাহার দ্রব্যাদি বলপূর্ব্বক হরণ করেন; কখন কোন বালককে কটুবাক্য বলেন; কখন কাহাকে প্রহার করেন; কখন কাহার সহিত অনর্থক বিবাদ করেন; কখন কাহাকে জলে ডুবাইয়া দেন; কখন স্বয়ং জলে মগ্ন হইয়া কাহার পা ধরিয়া টানেন; কখন কাহার স্কন্ধে আরোহণ করেন; কখন কাহার গায়ে ধূলিকর্দমাди প্রক্ষেপ করেন; কখন কোন বালিকাকে বিবাহ করিতে চান; কখন কাহার বস্ত্রহরণ করেন; এই সকল অত্যাচারে প্রতিবাসিগণ নিতান্ত উৎপীড়িত হইয়া যথেষ্ট তিরস্কার করেন ও নানাপ্রকার ভয় দেখান। কিন্তু তাহাতেও যখন তাঁহার দৌরাভ্যের নিবৃত্তি হইল না, তখন অগত্যা তাঁহারা ঐ সকল বৃত্তান্ত তাঁহার পিতামাতার কর্ণগোচর করিতে বাধ্য হইলেন। শুনিয়া শচীদেবী অভিযোগকারীদিগকে অনুন্নয় বিনয় করিয়াও পুত্রের শাসনবিষয়ে প্রতিজ্ঞা করিয়া বিদায় করিলেন। মিশ্রপুত্রের কিন্তু ঐরূপ অভিযোগ সকল শুনিতে শুনিতে অতিশয়

(১) জীবের প্রতি কৃপা করিয়া ধর্ম্ম সংস্থাপন ও অধর্ম্মের বিনাশের নিমিত্ত মমুজবালকাকারে অবতীর্ণ।

বিরক্ত ও ক্রুদ্ধ হইয়া শেষে একদিন বালকের শাসনার্থ স্বয়ং দণ্ডহস্তে গঙ্গা-তীরাভিমুখে গমন করিলেন। তদর্শনে অভিযোগকারিগণই আবার, ‘অবোধ বালকের কার্যে ক্রোধ করিতে নাই’ এইপ্রকার সাস্ত্রনাবাক্য বলিয়া, তাঁহাকে নিবৃত্ত করিবার চেষ্টা করিতে লাগিলেন; কারণ, তাঁহারা কৌতুক দেখিবার নিমিত্ত বাহ্যে অসন্তোষের ভাব প্রকাশ করিলেও, অন্তরে বালক শ্রীগৌরাজের প্রতি কিছুমাত্র বিরক্ত হন নাই, বরং অনুরক্তই ছিলেন, অতএব তাঁহাকে কোন-রূপ পীড়ন করা হয়, এরূপ তাঁহাদিগের অভিপ্রায় ছিল না। যাহা হউক, জগন্নাথমিশ্র যখন নিতান্তই রোষভরে পুত্রের শাসনার্থ চলিয়া গেলেন, তখন তাঁহারা অন্য পথ দিয়া সত্বর গঙ্গাতীরে উপস্থিত হইয়া শ্রীগৌরাজকে সতর্ক করিয়া দিলেন। পিতা ক্রুদ্ধ হইয়া আসিতেছেন শুনিয়া, শ্রীগৌরাজ নিকটবর্তী বালকদিগকে শিক্ষা দিয়া পূর্ববৎ পুস্তকাদি লইয়া ঐ স্থান হইতে প্রস্থান পূর্বক অন্য পথ অবলম্বনে গৃহে উপনীত হইলেন। এদিকে জগন্নাথমিশ্র পুত্রের শাসনার্থ গঙ্গাতীরে আসিয়া উপস্থিত হইলেন। তিনি জলে অপরাপর বালকদিগের মধ্যে শ্রীগৌরাজকে দেখিতে না পাইয়া উহাদিগকে তাঁহার কথা জিজ্ঞাসা করিলেন। তাহারা শিক্ষিত ছিল, জিজ্ঞাসামাত্রই বলিল, “নিমাই আজ এখনও স্নান করিতে আইসে নাই, পাঠপালা হইতে গৃহে গিয়াছে, আমরা তাহার অপেক্ষা করিতেছি।” বালকদিগের কথা শ্রবণ করিয়া জগন্নাথ মিশ্র গৃহে ফিরিয়া আসিলেন। আসিয়াই দেখিলেন, শ্রীগৌরাজ মলিন কলেবরে শুষ্ক বসনে তৈলপ্রার্থনায় জননীর নিকট দাঁড়াইয়া আছেন। দেখিয়া তিনি যার-পর-নাই বিস্ময়াবিষ্ট হইলেন। ভাবিলেন, যাহারা পুত্রের দৌরাভ্যের বৃত্তান্ত নিবেদন করিয়াছিলেন, নিশ্চয়ই মিথ্যা বলেন নাই, ইহা স্থির, অথচ পুত্রের অঙ্গে কিছুমাত্র স্নানচিহ্ন লক্ষিত হইতেছে না। মিশ্রবর ভাবিতে ভাবিতে আকুল হইলেন। তিনি মনে মনে পুত্রকে মহাপুরুষ বলিয়া বিবেচনা করিতে লাগিলেন। কিন্তু তাঁহার ঐ ভাবও স্থায়ী হইল না। শ্রীগৌরাজ তাঁহার ক্রোড়ে উঠিলেই তিনি বাৎসল্যরসের উদ্বেকে সকল ভুলিয়া গেলেন। তখন তিনি পুত্রকে বলিলেন,— “বিশ্বস্তর, তোমার এরূপ কুবুদ্ধি হইতেছে কেন? তুমি কি নিমিত্ত গঙ্গাতীরে যাইয়া লোকের প্রতি অত্যাচার কর? তুমি দেবতা ও ব্রাহ্মণ মান না, সকলের প্রতি অত্যাচার করিয়া থাক।” এই কথা শুনিয়া শ্রীগৌরাজ বলিলেন,— “আজ আমি স্নান করিতে যাই নাই। আপনি আমাকে বিনা অপরাধে অপরাধী বিবেচনা করিতেছেন। আজ যদি কাহারও প্রতি কোনরূপ অত্যাচার হইয়া



থাকে, সে অল্প বালকের কৃত, আমার কৃত নহে। আমি না থাকিলেও যদি আমার নামে দোষারূপ হয়, তবে সত্য সত্যই যথেষ্ট অত্যাচার করিব।” এই কথা বলিতে বলিতে তিনি পিতার ক্রোড় হইতে নামিয়া জননীর নিকট হইতে তৈল গ্রহণ পূর্বক গঙ্গাতীরে গমন করিলেন। জনক ও জননী উভয়েই অবাক হইয়া রহিলেন। ইতিমধ্যে শ্রীগৌরঙ্গ গঙ্গাতীরে আসিয়া পুনর্বার বয়স্শবর্গের সহিত মিলিত হইলেন এবং চাতুরীর কথা আলোচনা করিতে করিতে সকলে মিলিয়া হাস্য করিতে লাগিলেন।

শ্রীগৌরঙ্গের চাঞ্চল্য দেখিয়া ভগ্নাথ মিশ্র কোন কোন দিন তাঁহাকে কিছু কিছু তাড়ন-ভৎসনও করিয়া থাকেন। একদিন স্বপ্নযোগে এক অতিতেজস্বী ব্রাহ্মণ কিছু ক্রোধের সহিত বলিলেন,—“মিশ্র, তুমি কি তোমার পুত্রের তত্ত্ব জান না? তুমি উহাকে তাড়ন-ভৎসন কর কেন?” মিশ্র বলিলেন,—“পুত্রের তত্ত্ব আবার জানিব কি? সে দেব ঈশ্বর বা মুনি যেই হউক, সে আমার পুত্র। পুত্রকে শিক্ষা দেওয়া বা লালনপালন করা পিতার স্বধর্ম। আমি শিক্ষা না দিলে, সে শিথিলে কিরূপে?” মিশ্রের শুদ্ধবাসল্য দেখিয়া ব্রাহ্মণ হাসিতে হাসিতে অস্তূর্হিত হইলেন। মিশ্র জাগরিত হইয়া স্বপ্নবৃত্তান্ত ভাবিতে ভাবিতে বিস্ময়াবিষ্ট হইলেন।

শ্রীগৌরঙ্গ যতই কেন চাঞ্চল্য প্রকাশ করুন না, জ্যেষ্ঠ ভ্রাতা বিশ্বরূপকে দেখিলেই তাঁহার চাঞ্চল্য নিবৃত্ত হইত। বিশ্বরূপের প্রকৃতি অতি ধীর ছিল। তিনি আজন্ম বিরক্ত ও সর্বগুণের আকর ছিলেন। তাঁহার ভক্তিশাস্ত্রে বিশেষ অধিকার জন্মিয়াছিল। অদ্বৈতাচার্য্যাদি ভক্তগণ তাঁহাকে বিশেষ সমাদর করিতেন। বিশ্বরূপ অধিকাংশ সময়ই অদ্বৈতাচার্য্যের সভায় শাস্ত্রালাপে অতিবাহিত করিতেন। একদিন ভোজনের সময় হইলেও বিশ্বরূপ বাটী না আসায়, শচীদেবী তাঁহাকে ডাকিয়া আনিবার নিমিত্ত শ্রীগৌরঙ্গকে অদ্বৈতসভায় প্রেরণ করিলেন। তাঁহার অপকল্প রূপলাবণ্য দর্শন করিয়া অদ্বৈতসভাস্থ ভক্ত-বর্গের সকলেই স্তম্ভিত হইলেন। কাহারও মুখে কোন কথা নাই, সকলেই একদৃষ্টিতে মিশ্রতনয়ের সেই রূপ নিরীক্ষণ করিতে লাগিলেন। প্রতিদিন দেখেন বটে, কিন্তু সেদিন শ্রীগৌরঙ্গরূপ ভ্রাতা বিশ্বরূপেরও নয়নমন হরণ করিল। ক্ষণকাল পরে অদ্বৈতাচার্য্য সভার সেই নিস্তব্ধতা ভঙ্গ করিয়া বলিতে লাগিলেন,—“এই বালক কখনই প্রকৃত মনুষ্য বলিয়া বোধ হয় না; নিশ্চয়ই কোন মহাপুরুষ

মিশ্রের তনয় হইয়া জন্মগ্রহণ করিয়াছেন।” অপর সকলেও তাঁহার বাক্যের অনুমোদনপূর্বক বালক শ্রীগোরাঙ্গকে প্রশংসা করিতে লাগিলেন। দিগম্বর শ্রীগোরাঙ্গ জ্যেষ্ঠের হস্তধারণপূর্বক গৃহে আগমন করিলেন।

এই ঘটনার অত্যল্পকাল পরেই বিশ্বরূপ গৃহত্যাগ করেন। ঐ সময়ে তাঁহার বয়স ষোড়শ বৎসর হইয়াছিল। পূর্ব হইতেই বিশ্বরূপের সংসারত্যাগের বাসনা ছিল। তৎকালে জনকজননী তাঁহার বিবাহের উদ্যোগ করিতে লাগিলেন দেখিয়া, তিনি সত্বর গৃহত্যাগ করিয়া চলিয়া গেলেন। বিশ্বরূপ শ্রীনিত্যানন্দেরই প্রকাশমূর্তি। শুনা যায়, তিনি দাক্ষিণাত্যপ্রদেশ পরিভ্রমণকালে শ্রীনিত্যানন্দের কলেবরেই মিলিত হইয়াছিলেন। বিশ্বরূপের সন্ন্যাসাশ্রমের নাম শ্রীশঙ্করারণ্য।

বিশ্বরূপ সন্ন্যাসী হইয়া পিতানাতার নয়নের অন্তরালে গমন করিলেন। তাঁহার সন্ন্যাসসংবাদ জনকজননীর শ্রবণগোচর হইলে, তাঁহারা শোকে অতিশয় বিহ্বল হইলেন। আত্মীয়স্বজনগণ নানাপ্রকারে তাঁহাদিগের সাঙ্ঘন্য চেষ্টা করিতে লাগিলেন। পুত্রশোকাবেগ নিবারিত হইবার নহে, বাহিরে অপ্রকাশ হইলেও, তুষানলের ঞ্চায় অন্তর দগ্ধ করিতে লাগিল। বিশ্বরূপের শোকপ্রবাহ অন্তঃসলিলা নারীর ঞ্চায় জনকজননীর অন্তরে নিঃশব্দে প্রবাহিত হইতে লাগিল। বিশ্বরূপের সন্ন্যাসে নদীযানগরের অনেকেই দুঃখিত হইলেন। ভক্তসম্প্রদায়ের বিশেষ ক্ষতিবোধ হইল। অষ্টৈতাচার্য্যাদি ভক্তগণ বিশ্বরূপের গুণগ্রাম স্মরণ করিয়া প্রচুর বিলাপ করিলেন। জনকজননীর ত কথাই নাই। তাঁহাদের দুঃখ দেখিয়া পাষণ্ড বিগলিত হইতে লাগিল। সুখদুঃখ চিরস্থায়ী নহে, ক্রমে শ্রীগোরাঙ্গই জনকজননীর ও আত্মীয়স্বজনের বিশ্বরূপবিরহাক্রান্ত শোকাকুল হৃদয়ক্ষেত্র অধিকার করিয়া লইলেন। শ্রীগোরাঙ্গের বয়স তখন ছয় বৎসর। তদীয় মাধুর্য্যরশ্মি প্রকাশিত হইয়া লোক সকলের হৃদয়গুহানিহিত বিষাদতিমির বিদূরিত করিতে লাগিল। মিশ্রবর বাৎসল্যমোহে আচ্ছন্ন হইয়া, জ্ঞানই বিশ্বরূপের সন্ন্যাসের কারণ ভাবিয়া, শ্রীগোরাঙ্গের বিঘাত্যাস রহিত করিতে কৃতসঙ্কল্প হইলেন। পাছে জ্ঞানলাভের পর শ্রীগোরাঙ্গও জ্যেষ্ঠের ঞ্চায় সন্ন্যাসী হইয়া তাঁহাদিগকে অপার বিষাদসাগরে নিমজ্জিত করেন, এই ভাবিয়া, তিনি সহধর্ম্মিণী শচীদেবীর নিকট নিজের আন্তরিক অভিপ্রায় প্রকাশ করিয়া বলিলেন,—“পুত্রের মূর্ত্ত্যাজনিত দুঃখ তদ্বিরহজনিত শোকাপেক্ষা সহস্রগুণে ভাল। এক পুত্রের বিরহব্যথাই অসহ্য হইয়া উঠিয়াছে; আবার এই পুত্রটিও যদি সন্ন্যাসী হয় তাহা আমরা কিপ্রকারে সহ্য করিব? অতএব বিশ্বস্তরের বিঘাত্যাস স্থগিত হউক।”

এই কথা বলিয়া জগন্নাথ মিশ্র নিজের সঙ্কল্পটি কার্যে পরিণত করিলেন।  
শ্রীগৌরান্বয়ের বিদ্যাচর্চা রহিত করিয়া দেওয়া হইল।

এই সময়ে একদিন শ্রীগৌরান্বয় নৈবেদ্যের তাষুল ভক্ষণ করিয়া মূর্ছিত হইলেন। জনকজননী পুত্রের এইপ্রকার মূর্ছাবস্থা আরও অনেকবার প্রত্যক্ষ করিয়াছিলেন বলিয়া বিশেষ ভীত হইলেন না। কিয়ৎক্ষণ শুশ্রূষার পর শ্রীগৌরান্বয় সংজ্ঞালাভ করিয়া বলিলেন,—“মাতঃ একটি কথা শুনুন। দাদা আসিয়া আমাকে লইয়া গিয়া বলিলেন, তুমিও আমার মত সন্ন্যাসী হও। আমি বলিলাম, আমি বালক, এখন সন্ন্যাস করিলে কি হইবে? আমি গৃহে থাকিয়া পিতামাতার সেবা করিব, তাহা হইলে, লক্ষ্মীনারায়ণ আমার প্রতি সন্তুষ্ট থাকিবেন। এই কথা শুনিয়া দাদা বলিলেন,—তবে তুমি গৃহে যাও, গৃহে যাইয়া পিতামাতাকে আমার প্রণাম জানাইও।” পুত্রের বাক্য শ্রবণ করিয়া জনকজননী জ্যেষ্ঠপুত্রের সংবাদপ্রাপ্তিতে এবং পুত্র এখনও তাঁহাদিগকে ভুলেন নাই এই জ্ঞানে হর্ষান্বিত হইলেন। কিন্তু কালে শ্রীগৌরান্বয় পাছে সন্ন্যাসী হন ভাবিয়া তাঁহাদিগের হৃদয়ে ভয়েরও সঞ্চার হইল। শচীদেবী এই বিষয়টি শীঘ্রই তুলিয়া গেলেন; মিশ্র কিন্তু উহা ভুলিলেন না। পুত্রের বিদ্যাভ্যাস স্থগিত করার সম্বন্ধে তাঁহার মত আরও দৃঢ় হইল। তাঁহার মত এইরূপে দৃঢ়তর হইয়াও স্থায়ী হইতে পারিল না। তিনি অধিক দিন ঐ মত পোষণ করিতে পারিলেন না। বালকরূপী শ্রীহরি পিতার মত পরিবর্তনের অভিলাষে ছল করিয়া পুনর্ব্বার পূর্ব্বাপেক্ষা অধিকতর চাঞ্চল্য প্রকাশ করিতে আরম্ভ করিলেন। কখন গরু সাজিয়া গৃহস্থের গাছ-পালা নষ্ট করিয়া দিয়া, কখন কাহারও গৃহদ্বার বাহির হইতে রুদ্ধ করিয়া দিয়া পলায়ন করিতে লাগিলেন। তিনি এইরূপ বালস্বভাবমূলভ, লোকবেদবিরুদ্ধ কার্য সকল অমুষ্ঠান করিতে প্রবৃত্ত হইলেন।

একদিন তিনি উচ্ছিষ্টগর্ভে ত্যক্ত হাঁড়ির উপর আসন করিয়া বসিয়া রহিলেন। সন্ধ্যা হাঁড়ির কালি লাগিয়া গেল। শচীদেবী দেখিয়া তাঁহাকে ধরিয়া স্নান করাইয়া দিলেন এবং অম্পৃশ্য হাঁড়ি স্পর্শ করার নিমিত্ত অনেক তিরস্কার করিতে লাগিলেন। শ্রীগৌরান্বয় তখন ব্রহ্মজ্ঞানীর ঞ্চায় গম্ভীরভাবে বলিলেন,—“আমি কি অমুচিত কর্ম্ম করিয়াছি? এজগতে উচ্ছিষ্ট বা অমুচ্ছিষ্ট কিছুই নাই। ইহা পবিত্র, ইহা অপবিত্র, কেবল মনে। বস্তুতঃ পবিত্র বা অপবিত্র বলিয়া কোন সামগ্রী নাই। সকলই মায়ায়, সকলই একই প্রকৃতির বিকার। বিশেষতঃ এসংসারে এমন বস্তুই থাকিতে পারে না, যাহাতে

শ্রীভগবানের অধিষ্ঠান নাই। শ্রীভগবান সর্বতীর্থময় ; অতএব তদধিষ্ঠিত বস্তুমাত্রই পবিত্র, কিছুই অপবিত্র নহে।” শচীদেবী বালকের কথা শুনিয়া হাসিতে হাসিতে কৰ্ম্মাস্তরে নিযুক্ত হইলেন।

শ্রীগৌরাজ্জ কিম্ব অতিশয় দৃঢ়প্রতিজ্ঞ, ছাড়িবার নহে। এক এক দিন এক একটি নূতন নূতন অনাচার ও অত্যাচার করেন। পিতামাতা তাঁহার ঐ সকল অনাচার ও অত্যাচারে সময়ে সময়ে অত্যন্ত বিরক্ত হন, আবার সময়ে সময়ে ভগবানের মায়ায় মোহিত হইয়া সকলই ভুলিয়া যান। ফলে তাঁহাদের মতের পরিবর্তন হইল না, শ্রীগৌরাজ্জকে বিদ্যাশিক্ষার্থ বিদ্যালয়ে প্রেরণ করিবার নিমিত্ত কোন চেষ্টাই হইল না। ভাবগতি বুঝিয়া শ্রীগৌরাজ্জ তাঁহাদের মত পরিবর্তনের জন্য অপর এক অদ্ভুত কৌশল উদ্ভাবন করিলেন। তিনি মনে মনে স্থির করিলেন, শাস্ত্রমতে গঙ্গায় যাহার অস্থি পড়ে, সেই মুক্ত হয়, অতএব আমি সাধ্যমত মৃত প্রাণীর অস্থি সংগ্ৰহ করিয়া গঙ্গাজলে নিক্ষেপ করিব, এইরূপ করিলে, অনেক প্রাণীর উপকার করা হইবে, এবং তদ্বারা শ্রীভগবানেরও সেবা হইবে। এইটি নিশ্চয় হইলে, তিনি কর্তব্যসাধনে বদ্ধপরিকর হইলেন। সঙ্গী বালকদিগকে লইয়া নানাস্থান হইতে মৃত প্রাণী সকলের অস্থি সংগ্রহ করিয়া গঙ্গায় নিক্ষেপ করিতে লাগিলেন। কয়েক দিবসের মধ্যেই গঙ্গার জল অস্থিময় হইয়া উঠিল। অনেকেরই ঘাটে স্নান ও পূজাহ্নিকের বাধা জন্মিল। সকলেই তাঁহাকে ঐ প্রকার আচরণ করিতে নিষেধ করিলেন ; কিন্তু অচলপ্রতিজ্ঞ শ্রীগৌরাজ্জ কিছুতেই নিবৃত্ত হইলেন না। তখন তাঁহার উদ্ধত ব্যবহার গিশ্রের কর্ণগোচর করা হইল। জগন্নাথ মিশ্র মহাক্রোধভরে গঙ্গাতীরে আসিয়া স্বচক্ষে পুত্রের ব্যবহার দেখিয়া যারপর নাই বিস্মিত হইলেন। তিনি পুত্রকে যথেষ্ট তিরস্কার ও ভয় প্রদর্শন করিলেন। তখন শ্রীগৌরাজ্জ রোদন করিতে করিতে সকলের সমক্ষে নিজের মনের ভাব প্রকাশ করিয়া বলিলেন। বালকের এই গুরুতর উদ্দেশ্য শ্রবণ করিয়া সকলেই সুখী হইলেন। জগন্নাথ মিশ্র পুত্রের বিদ্যাশিক্ষার প্রয়োজনীয়তা বুঝিতে পারিয়া পূর্বপ্রতিজ্ঞা পরিত্যাগ পূর্বক পুত্রকে পুনর্বার বিদ্যাশিক্ষার্থ বিদ্যালয়ে প্রেরণ করিলেন।

দেখিতে দেখিতে শ্রীগৌরাজ্জের বয়স নয় বৎসর হইল। উপনয়নের কাল উপস্থিত। বৈশাখ মাসের অক্ষয়তৃতীয়ার দিন উপনয়নের দিন স্থির হইল। জগন্নাথ মিশ্র আত্মীয়স্বজনের সহিত বিহিতবিধানে পুত্রের উপনয়ন সংস্কার সম্পাদন করিলেন। যজ্ঞসূত্র ধারণ করিয়া স্বভাবসুন্দর শ্রীগৌরাজ্জ অপূর্ব

শোভায় শোভিত হইলেন। তাঁহার অদ্ভুত ব্রহ্মণ্যতেজ সন্দর্শনে সকলেই তাঁহাকে মহাপুরুষ বলিয়া বিবেচনা করিতে লাগিলেন। জগন্নাথ মিশ্রের মনের ভাব পূর্বেই কিছু পরিবর্তিত হইয়াছিল। শচীদেবীর অনুনয়ে পুনর্বার পুত্রকে বিছাভ্যাসে নিযুক্ত করিয়াছিলেন। এই সময়ে নদীয়ার গঙ্গাদাস নামে একজন ব্যাকরণশাস্ত্রবেত্তা পণ্ডিত ছিলেন। তাঁহার নিকটেই শ্রীগৌরাজের ব্যাকরণ অধ্যয়ন অবধারিত হইল। জগন্নাথ মিশ্র অন্নদিবসের মধ্যেই পুত্রকে গঙ্গাদাস পণ্ডিতের নিকট ব্যাকরণ অধ্যয়নে প্রবৃত্ত করিয়া দিলেন। শ্রীগৌরাজ অনতি-দীর্ঘকালমধ্যেই ব্যাকরণশাস্ত্রে বিশেষ ব্যুৎপত্তি লাভ করিলেন। সহাধ্যায়িগণ ও অপরাপর বৈয়াকরণ সকল তাঁহার সেই অভাবনীয় ব্যাকরণপাণ্ডিত্য দর্শনে আশ্চর্যান্বিত হইলেন। এমন কি, অধ্যাপক গঙ্গাদাস পণ্ডিতও নবীন শিষ্যের সেই অত্যন্তকালের মধ্যে তাদৃশ অসাধারণ পাণ্ডিত্য দেখিয়া বিস্মিত হইলেন।

এই সময়ে একদিন জগন্নাথ মিশ্র একটি অতি ভীষণ হৃদয়বিদারক স্বপ্ন দর্শনে ব্যথিত হইয়া পরমেশ্বরের নিকট পুত্রের গৃহবাস ভিক্ষা করিতে লাগিলেন। শচীদেবী অকস্মাৎ পতির সেই অভাবনীয় ভাবান্তর দেখিয়া বিস্ময় সহকারে জিজ্ঞাসা করিলেন, “আর্য্যপুত্র, আপনি হঠাৎ এরূপ বর প্রার্থনা করিতেছেন কেন? তখন জগন্নাথ মিশ্র পূর্বরাত্রির স্বপ্নের কথা ব্যক্ত করিয়া বলিতে লাগিলেন, “আমি গত নিশাতে দেখিলাম, আমার বিশ্বস্তরও বিশ্বরূপের ঞ্চায় সম্মাসী ও সর্বলোকের নমস্ হইয়াছে, এই নিমিত্তই এই প্রকার বর প্রার্থনা করিতেছি।” শচীদেবী বলিলেন,—“আপনি নিরন্তর বিশ্বরূপের বিষয় চিন্তা করিয়াই এইরূপ হুঃস্বপ্ন দেখিয়া থাকিবেন। নিমাই আমার নিতান্ত শাস্ত্রস্বভাব। বিশেষতঃ সে বিছাভ্যাসে যেরূপ নিবিষ্টচিত্ত, তাহাতে সে যে গৃহবাসী হইবে, ইহাই বুঝা যায়।”

এইরূপে কিছুদিন কাটিয়া গেল। একদিন শ্রীগৌরাজ জননীকে বলিলেন, “মাতঃ, তুমি শ্রীহরিবাসরে অন্ন ভোজন করিও না।” শচীদেবী বলিলেন,— “তাহাই হইবে।” ইহার পর হইতেই মিশ্রভবনে শ্রীহরিবাসরে অন্নভোজন রহিত হইল। এদিকে মহাপুরুষের ভাবী কার্য্য সম্পাদনের সময়ও ক্রমে নিকটবর্তী হইতে লাগিল। জগন্নাথ মিশ্র ইহলোক পরিত্যাগ করিলেন। তাঁহার লোকান্তরগমনে মিশ্রগৃহ ঈদৃশী অবস্থা প্রাপ্ত হইল যে, তাহা বর্ণনায় অতীত। শচীদেবী বালক পুত্রের সহিত সুগভীর শোকসাগরে নিমগ্ন হইলেন। তিনি

ভবতারণের আশ্রয়ে থাকিয়াও শ্রীভগবানের মায়ায় মোহিত হইয়া সংসারভাবনায় আকুল হইয়া পড়িলেন। মিশ্রের অভাবে কে সংসার প্রতিপালন করিবে, এই চিন্তাই তখন তাঁহার বলবতী হইয়া উঠিল। নিজের ভারভূত জীবন চিন্তার বিষয় না হইলেও, তিনি পুত্রের চিন্তা ত্যাগ করিতে পারিলেন না। জীবনের অভিলাষ না থাকিলেও, তিনি কেবল পুত্রের মুখ নিরীক্ষণ করিয়াই তাঁহার সেই শোকসন্তপ্ত শূন্য জীবন ও পতিবিরহানলে দন্ধপ্রায় অন্তঃসারবিরহিত দেহযষ্টি ধারণ করিতে লাগিলেন। শ্রীগৌরান্দ্র এখন সময় বুঝিয়া গম্ভীর ভাব ধারণ করিলেন। তাঁহার সেই বালচাপল্য অদৃশ্যপ্রায় হইল। তিনি সর্বদা নিকটে থাকিয়া শোক-চিন্তাতুরা জননীকে আশ্বাস প্রদান করিতে লাগিলেন।

### টেকশোয়লীলা

জগন্নাথ মিশ্রের লোকান্তর গমনের পর হইতেই শ্রীগৌরান্দ্রের বিদ্যাভ্যাস বন্ধ-প্রায় হইল। কিন্তু বয়স তখন দ্বাদশ বৎসর মাত্র। তিনি পুনর্বার বিদ্যার্জন-লীলা প্রচার করিতে অভিলাষী হইলেন। জননী শচীদেবী সংসার-ভার-বহনের কথা উত্থাপন পূর্বক পুত্রের উক্ত অভিলাষ নিরূপিত করিবার চেষ্টা করিলেন; কিন্তু তাঁহার ঐ চেষ্টা ফলবতী হইল না। একদা শ্রীগৌরান্দ্র স্নানার্থী হইয়া জননীকে গঙ্গাপূজার উপহার সকল প্রস্তুত করিতে বলিলেন। গৃহে দ্রব্যাব্যাবশ্যতঃ উপহার প্রস্তুতকরণে কিঞ্চিৎ বিলম্ব হইল। তিনি বিলম্বের কারণ বুঝিয়াও অকস্মাৎ ক্রোধে জলিয়া উঠিয়া গৃহসামগ্রী সকল ভাঙ্গিয়া অপচয় করিতে লাগিলেন। জননীকর্তৃক তাঁহার বিদ্যার্জন সম্বন্ধে বাধা প্রদানই উক্ত উপদ্রবের মূল কারণ। পুত্রের ভাবভঙ্গী ও কথাবার্তায় শচীদেবীও উহা বুঝিতে পারিলেন। তিনি পুত্রের অভিপ্রায় বুঝিতে পারিয়া তাঁহাকে আবার বিদ্যার্জন করিতে অনু-মতি দিলেন। তদবধি পুনর্বার বিদ্যার্জন আরম্ভ হইল। গৃহে কিন্তু সম্পূর্ণ অর্থাভাব। শচীদেবী ভয়প্রযুক্ত কিছুই বলিতে পারিলেন না। অন্তর্মামী শ্রীগৌরান্দ্র তাহা জানিতে পারিলেন। তিনি জননীর মন বুঝিয়া ব্যয়বিক্রমার্থ মধ্য মধ্য স্বর্ণমুদ্রাদি আনিয়া দিতে লাগিলেন। ঐ অর্থ কোথা হইতে আসিতেছে, শচীদেবী তাহা ভাবিয়া স্থির করিতে পারিলেন না। সময়ে সময়ে পুত্রকে জিজ্ঞাসা করেন। তাহাতে শ্রীগৌরান্দ্র উত্তর দেন, জগৎপিতা জগদীশ্বর দেন, এই পর্য্যন্ত। শচীদেবী স্তম্ভিতাও পুত্রবাৎসল্যে মোহিত হইয়া অবাক হইয়া থাকেন।

শ্রীগৌরসুন্দর যুগধর্মপ্রচারে কৃতসঙ্কল্প হইয়াও উপযুক্ত সময়ের প্রতীক্ষায় বিচারসে বিনোদলীলা করিতে লাগিলেন। রাত্রিদিন অবসর নাই, বিজ্ঞানোলোচনাতেই সময় অতিবাহিত হইতে লাগিল। তিনি প্রতিদিন প্রাতঃকালে সন্ধ্যাবন্দনাদি নিত্যকর্ম সকল সমাধা করিয়া গঙ্গাদাস পণ্ডিতের গৃহে যাইয়া সহাধ্যায়িগণের সহিত অধ্যয়ন করিতে লাগিলেন। আবার যথাকালে স্বগৃহে প্রত্যাগমন পূর্বক শাস্ত্রচিন্তাতেই নিবিষ্ট থাকিতে লাগিলেন। কি অধ্যাপক, কি সাহাধ্যায়িগণ, কি নবদ্বীপবাসী অপরাপর পণ্ডিত ও ছাত্র, সকলই তাঁহার অলৌকিকী প্রতিভা, অসাধারণ শাস্ত্রজ্ঞান ও অসামান্য সূক্ষ্মবুদ্ধি দর্শন করিয়া বিস্মিত হইতে লাগিলেন। এমন কি, ত্রায়শাস্ত্রের সর্বপ্রধান টীকাকার রঘুনাথ শিরোমণি ও স্মৃতিশাস্ত্রের সর্বপ্রধান সংগ্রহকার রঘুনন্দন ভট্টাচার্য্য পর্যন্ত পরাভবভয়ে তাঁহার সহিত শাস্ত্রালাপে মুকতা অবলম্বন করিতে বাধ্য হইলেন। কেহ কেহ বলেন, শ্রীগৌরসুন্দর ব্যাকরণসমাপ্তির পর সার্বভৌম ভট্টাচার্য্যের নিকট ত্রায়শাস্ত্রের পাঠ আরম্ভ করেন। কিন্তু উহার কোন লিখিত প্রমাণ প্রাপ্ত হওয়া যায় না। প্রামাণিক গ্রন্থকারদিগের মত এই যে, তিনি ব্যাকরণ অধ্যয়ন সমাপ্ত হইলেই, মুকুন্দসঞ্জয় নামক এক ধনাঢ্য ব্রাহ্মণের বাটীতে স্বয়ং টোল করিয়া অধ্যাপনা কার্য্য আরম্ভ করেন। শ্রীগৌরসুন্দর যদিও ব্যাকরণমাত্রই অধ্যয়ন করিয়াছিলেন, কিন্তু অধ্যাপনা সকল শাস্ত্রেরই চলিত। বহুশাস্ত্রের আলোচনা, বিশেষতঃ ত্রায়শাস্ত্রের আলোচনা, ফলও তিনি, অফল বলিয়াই, অনুচিত বোধ করিতেন, তথাপি, যে বিজ্ঞানগৌরবের কালে তাঁহার আবির্ভাব, সেই কালের উপযোগী বোধ করিয়া, সাধারণের বিজ্ঞানগর্ভ খর্ব করিবার নিমিত্ত, প্রথমতঃ সকল শাস্ত্রেরই আলোচনায় প্রবৃত্ত হইয়াছিলেন। ইহার একটি বিশেষ ফলও ফলিয়াছিল, সর্বশাস্ত্রে সুপণ্ডিত জানে শ্রীগৌরসুন্দরের নিকট কেহ কোনরূপ বিজ্ঞানগর্ভ প্রকাশ করিতে সাহসী হইতেন না; অধিকন্তু সকলেই আপনাকে তাঁহার নিকট বিজ্ঞানহীন বলিয়াই বোধ করিতেন।

এই সময়ে পতিবিরোগবিধুরা শচীদেবী সংসারমাগরের একমাত্র অনুজ্জল আশাদীপতুল্য পুত্রকে বয়স্ক দেখিয়া তাঁহার বিবাহের নিমিত্ত উদ্ভোগ করিতে লাগিলেন। অচিরেই নবদ্বীপনিবাসী বাল্লভাচার্য্যের কন্যা লক্ষ্মীস্বরূপা লক্ষ্মীদেবীর সহিত তাঁহার বিবাহের কথাবার্তা হইতে লাগিল। একদিন শ্রীগৌরসুন্দর স্নান করিতে করিতে দেখিলেন, একটা কুমারী অনিমেঘনয়নে তাঁহার অনুপম রূপমাধুরী পান করিতেছে। উভয়ের প্রতি উভয়ের দৃষ্টি পতিত হওয়ায়, উভয়েই নীরব, নিস্পন্দ,

যেন ছুইটি কনকপ্রতিমা স্থাপিত রহিয়াছে। অকস্মাৎ লক্ষ্মীদেবীর বদনমণ্ডল আর-  
ক্রিম ভাব ধারণ করিল। তাঁহার নয়নযুগল বাষ্পপরিপ্লুত হইয়া উঠিল। বায়ু-  
ভরে ঈষৎপ্রফুল্ল শতদলে রজনীসঞ্চিত নীহারবিন্দু পতনে যাদৃশী অবস্থা হয়,  
লক্ষ্মীদেবীর নয়নকমল তাদৃশী অবস্থা প্রাপ্ত হইল। তিনি সহসা সেই ভাব গোপন  
পূর্বক লজ্জাবনতবদনে দ্রুতপদসঞ্চারে অন্তর্হিত হইলেন। তীরস্থ পুষ্পবাটিকার  
মধ্য দিয়া প্রয়াগকালে বোধ হইল যেন জলদপটল ভেদ করিয়া সৌদামিনী ছুটিয়া  
গেল। শ্রীগৌরাজ তদর্শনে ঈষৎ হাস্য করিয়া স্নানাদি সমাপনান্তে গৃহে প্রতি-  
গমন করিলেন।

কয়েকদিনের মধ্যেই শচীদেবী বনগালী ঘটকের সাহায্যে শ্রীগৌরাজের বিবাহের  
সম্বন্ধ করিলেন। দিনস্থির হইল। শুভদিনে শুভলগ্নে লক্ষ্মীদেবীর সহিত শ্রীগৌরাজের  
পরিণয়কার্য সম্পন্ন হইয়া গেল। লক্ষ্মীদেবীর শুভাগমনে মিশ্রগৃহ অনির্বচনীয়  
শোভা ধারণ করিল। নদীয়াবাসীদিগের আনন্দের সীমা রহিল না। সকলে  
মিলিয়া মহানন্দে লক্ষ্মীনারায়ণের বৈবাহিক উৎসবব্যাপার সমাধা করিলেন।  
শচীদেবী পুত্রবধু গৃহে আনিয়া মিশ্রের বিরহসস্তাপ কিয়ৎপরিমাণে ভুলিলেন।

## যৌবন-লীলা

মুহূর্তের পর মুহূর্ত করিয়া খণ্ড খণ্ড কালসকল অথণ্ডকালের অভিমুখে  
প্রবাহিত হইতে থাকে। ঐ কালগতিতে জীবেরও বাল্যের পর যৌবন ও  
যৌবনের পর বার্দ্ধক্য উপস্থিত হয়। আত্মাদিগেব বর্ণনীয় মহাপুরুষ শ্রীগৌরসুন্দর  
কালের অতীত হইয়াও প্রাকৃতিক লীলারঞ্জে নরভাবে ক্রমে ক্রমে কৈশোর অতি-  
ক্রম করিয়া যৌবনে পদার্পণ করিলেন। তিনি যৌবনে পদার্পণ করিয়া নিজ  
ঐশ্বর্য সংগোপনপূর্বক নদীয়ানগরে বিহার করিতে লাগিলেন। তাঁহার অসা-  
ধারণ পাণ্ডিত্য ও অলৌকিক রূপলাবণ্য দর্শন করিয়া দর্শকমাত্রই বিস্মিত হইতে  
লাগিলেন। পণ্ডিতেরা তাঁহাকে বৃহস্পতির সমান এবং সাধারণ নরনারী  
কন্দর্পের সমান দেখিতে লাগিলেন। বৈষ্ণবসকল তাঁহাকে দর্শন করিয়া শচী  
দেবীর ভাগ্যের প্রশংসা সহকারে আশীর্ব্বাদ করিতে লাগিলেন। শ্রীগৌরাজের  
স্বাভাবিক চঞ্চলতার কিন্তু এই সময়েও নিবৃত্তি হইল না। তিনি যখন ষাহাকে  
সম্মুখে পান, তখনই তাহাকে একটি না একটি প্রশ্ন করিয়া পরাজয়ের চেষ্টা



করেন। কাহারও পরিহারের সামর্থ্য হয় না, পলায়নের চেষ্টা করিলেও ছাড়েন না, ডাকিয়া আনিয়া পরাজয় করিয়া থাকেন। অগত্যা মুকুন্দ ও গঙ্গাধর প্রভৃতি বৈষ্ণবসকল বৃথা তর্কের ভয়ে তাঁহার সম্মুখ দিয়া যাতায়াত পরিত্যাগ করিতে বাধ্য হইলেন। কিন্তু আশ্চর্যের বিষয় এই যে, প্রকৃত ভক্ত দেখিলে, শ্রীগৌরান্ধ স্বাভাবিক উদ্ধৃত্য পরিত্যাগপূর্বক তাঁহার যথেষ্ট সমাদর করিতেন। এমন কি, ভক্তের গৌরব রক্ষা করিবার জন্ত স্বয়ং পরাজয় স্বীকার করিতেও কুণ্ঠিত হইতেন না। বৈষ্ণব সন্ন্যাসী দেখিলে, তিনি তাঁহাকে আদর সহকারে নিজের গৃহে লইয়া ভিক্ষা করাইতেন।

দৈবযোগে ঈশ্বরপুরী নামক একজন বৈষ্ণবসন্ন্যাসী নদীয়ায় আগমন করিলেন। ঈশ্বরপুরীর পূর্বাধাস কুমারহট্ট, তিনি জাতিতে ব্রাহ্মণ। ঈশ্বরপুরী নদীয়ায় আগমন করিলে, অদ্বৈতাচার্যাদি বৈষ্ণবগণের সহিত তাঁহার বিশেষ পরিচয় হইল। শ্রীগৌরান্ধ এক দিবস তাঁহাকে লইয়া সমাদর সহকারে নিজ গৃহে ভিক্ষা করাইলেন। ঈশ্বরপুরী “শ্রীকৃষ্ণলীলা” নামক একখানি সংস্কৃত গ্রন্থ রচনা করিয়াছিলেন। নদীয়ায় গোপীনাথ আচার্যের গৃহে অবস্থানকালে একদিন তিনি শ্রীগৌরান্ধকে উক্ত গ্রন্থখানির দোষগুণ সমালোচনা করিতে অনুরোধ করিলেন। শ্রীগৌরান্ধ কিন্তু ভক্তের দোষানুসন্ধান বিষয়ে অসম্মতি প্রকাশ করিয়া বলিলেন,—“আপনি পরমভক্ত, আপনার কবিত্ব যেমনই হউক, উহা শ্রীভগবানের প্রীতিকর জানিবেন। শ্রীভগবান্ শ্রাবগ্রাহী, পাণ্ডিত্যের অনুসন্ধান করেন না।” যাহা হউক, একদিন নিতান্ত অনুরোধে পড়িয়া উক্ত গ্রন্থের কোন একটি কবিতায় একটি ধাতুর দোষারোপ করিলেন। কিন্তু যখন দেখিলেন, পুরীগোসাঁই স্বপক্ষসংস্থাপনের নিমিত্ত বিশেষ প্রয়াসী হইয়াছেন, তখন তিনি আর কোনরূপ তর্ক উত্থাপন না করিয়া ভক্তগৌরব রক্ষা করিলেন।

এই সময়ে শ্রীগৌরান্ধের অনেক চাপল্যের কথা শ্রীচৈতন্যভাগবতাদি গ্রন্থে লিখিত হইয়াছে। ঐ সকল গ্রন্থ পাঠে জানা যায়, যে শ্রীগৌরান্ধ বাজার করিতে গিয়া কখন তন্তুবায়ের সঙ্গে কখন তাম্বুলীর সঙ্গে কখন খোলাবিক্রেতা শ্রীধরের সঙ্গে বিবিধ আমোদজনক রহস্য করিতেন। ঐগুলি সর্বথা নির্দোষ ও মধুর। সাধারণের চক্ষুতে উহার কোনটি কিঞ্চিৎ বিরক্তিকর হইলেও হইতে পারে, কিন্তু শ্রীগৌরান্ধ ঐহাদের সহিত তাদৃশ ব্যবহার করিতেন, তাঁহাদের কেহ কখন কিছুমাত্র অসন্তুষ্ট না হইয়া বরং সন্তোষই প্রকাশ করিতেন। তাঁহারা যখন অসন্তুষ্ট হইতেন না, তখন তদ্বিষয়ে কিছুই বলিবার নাই।

একদিন শ্রীগোরাঙ্গ অকস্মাৎ বায়ুচ্ছলে কয়েকটি সাত্ত্বিক বিকার দর্শন করাইলেন। মুহূর্মুহু অশ্রু, কম্প, পুলক, স্তম্ভ ও মূর্ছাদি হইতে লাগিল। মুকুন্দসঞ্জয় প্রভৃতি প্রভুর নিজ জনসকল প্রভুর ঐ সকল বিকার দর্শন করিয়া বায়ুর কার্য বলিয়াই স্থির করিলেন। প্রভুর শ্রীঅঙ্গে তৈলাদি মর্দন করিবারও ব্যবস্থা হইল। ফলতঃ কয়েকদিবস এই ভাবে কাটাইয়া প্রভু নিজের ভাব নিজেই সম্বরণ করিলেন। আবার পূর্ববৎ অধ্যাপনাকার্য চলিতে লাগিল।

এই ঘটনার কিছুদিন পরে শ্রীগোরাঙ্গের সহিত একজন গণকের সাক্ষাৎ হইল। ঐ গণক সর্বজ্ঞ বলিয়া বিখ্যাত ছিলেন। শ্রীগোরাঙ্গ তাঁহাকে পূর্ববৃত্তান্ত গণনা করিতে বলিলেন। গণক গণনা দ্বারা তদীয় ঐশ্বর্য বিদিত হইলেন। তিনি প্রভুকে কখন মৎস্য, কখন কূর্ম্ম, কখন বরাহ, কখন বামন, প্রভৃতি বিবিধ অবতাররূপে দর্শন করিয়া মনে করিলেন, ইনি হয় কোন এক জন মহামন্ত্রবিৎ, না হয় কোন দেবতা। গণক অবাক হইয়া এইরূপ ভাবিতেছেন, প্রভু তাঁহাকে বলিলেন, “কি ভাবিতেছে? গণনা করিয়া আমার পূর্ববৃত্তান্ত কি বিদিত হইলে বল।” গণক বলিলেন, “আমি এখন কিছুই বলিতে পারিলাম না, অন্য এক সময় বলিব।” এই বলিয়া গণক বিদায় হইলেন, প্রভুও কস্মান্তরে ব্যাপৃত হইলেন।

একদিন শ্রীগোরাঙ্গ কয়েকটি ছাত্রের সহিত নগরভ্রমণ করিতেছিলেন। পথিমধ্যে পরমবৈষ্ণব শ্রীবাস পণ্ডিতের সহিত সাক্ষাৎ হইল। শ্রীবাস পণ্ডিত তাঁহার পিতৃবন্ধু ছিলেন, স্মতরাং তাঁহাকে বাৎসল্যভাবেই দেখিতেন এবং সময়ে সময়ে উপদেশাদিও প্রদান করিতেন। শ্রীগোরাঙ্গ শ্রীবাস পণ্ডিতকে দেখিয়া প্রণাম করিলেন। শ্রীবাস পণ্ডিত আশীর্ব্বাদ পুরঃসর বলিলেন,—“বিশ্বস্তর, তুমিও যথেষ্ট জ্ঞানোপার্জনই করিয়াছ; জ্ঞানের ফল তোমাতে না ফলিয়াছে, এরূপও নয়; কিন্তু একবার ভাবিয়া দেখ, ঐ ফল অকিঞ্চিৎকর কি না? উহা যদি অকিঞ্চিৎকরই হয়, তবে আর অধিক কাল উহাতে মগ্ন থাকায় ফল কি? এখন ঐ জ্ঞানগর্ভ হইতে উথিত হও। যাহা প্রকৃত জ্ঞান, যাহা জ্ঞানের সার, তাহাতেই নিবিষ্ট হও। তুমি ভক্তিরসে রসিক হও। শ্রীভগবানের পদপদ্ম ভজন করিয়া মনুষ্য-জীবনের সার্থকতা সম্পাদন কর।” পণ্ডিতের এই কথা শুনিয়া শ্রীগোরাঙ্গ বলিলেন, “পণ্ডিত, আরও কিছুদিন অপেক্ষা করুন। এখন আমাকে বালক ভাবিয়া কেহই গ্রাহ্য করিবেন না। আরও কিছুদিন পরে একজন উত্তম বৈষ্ণব অন্বেষণ করিয়া আমি এমনই বৈষ্ণব হইবে যে, তখন অজ্ঞ, ভব পর্য্যন্ত আমার দ্বারে আসিয়া উপস্থিত হইবেন।” এই কথা বলিয়াই শ্রীগোরাঙ্গ স্বীয় স্বভাবসিদ্ধ চাপল্য সহ-

কারে হাস্য করিতে লাগিলেন। তদর্শনে শ্রীবাস পণ্ডিতও হাসিতে লাগিলেন, এবং মনে মনে ভাবিলেন, আমি ভাল চপলকে উপদেশ প্রদানে প্রবৃত্ত হইয়াছি। পরে তিনি শ্রীগৌরাজের মুখের দিকে দৃষ্টি করিয়া বলিলেন, “নিমাই, তুমি কি দেবতাকেও মান না?” শ্রীগৌরাজ বলিলেন, “আমি স্বয়ং ভগবান্, আমি আবার কোন্ দেবতাকে মানিব?” তিনি এই কথা বলিতে বলিতেই গমন করিতে লাগিলেন। শ্রীবাস পণ্ডিতও বিষণ্ণমনে ভগ্নসঙ্কলে যথাভিলষিত পথে চলিয়া গেলেন।

### দিগ্বিজয়ীর পরাজয়

পশ্চিম প্রদেশ হইতে কেশব কাশ্মীর নামক একজন দিগ্বিজয়ী পণ্ডিত আসিয়া নদীয়ায় উপস্থিত হইলেন। তিনি 'নানা'দিগ্দেশের পণ্ডিতমণ্ডলীকে বিচাবে পরাস্ত করিয়া দিগ্বিজয়ী আখ্যা প্রাপ্ত হইয়াছিলেন। বঙ্গদেশের মধ্যে নদীয়া এখনকার ন্যায় তখনও শাস্ত্রচর্চার জন্ম সুবিখ্যাত ছিল। তখনকার দিগ্বিজয়ী পণ্ডিতসকল নবদ্বীপ জয় করিতে পারিলেই আপনাকে বিশেষ গৌরবান্বিত বোধ করিতেন। অতএব নদীয়ার পণ্ডিতসমাজকে পরাজয় করিবার উদ্দেশ্যে এই দিগ্বিজয়ী পণ্ডিতও নবদ্বীপে আগমন করিলেন। তাঁহার আগমন একপ্রকার সার্থকও হইল। তিনি নবদ্বীপে আসিয়া দুই এক জন বিখ্যাত পণ্ডিতকে বিচারে পরাজয় করিলে, অপর পণ্ডিত সকল ভয়ে কুণ্ঠিত হইয়া পড়িলেন, কেহই তাঁহার সহিত বিচারে অগ্রসর হইতে সাহসী হইলেন না। পরে সকলে মিলিয়া গোপনে পরামর্শ করিলেন, দিগ্বিজয়ী যেরূপ গবিত, তাঁহাকে নিমাই পণ্ডিতের নিকট পাঠাইলেই যথেষ্ট শাসন হইবে। বিশেষতঃ তাঁহাকে এইরূপে পরাজয় করিতে পারিলে নদীয়ার গৌরবও অক্ষুণ্ণ থাকিবে। এই প্রকার পরামর্শ স্থির হইলে, দিগ্বিজয়ীকে শ্রীগৌরাজের সহিত বিচার করিতে অনুরোধ করা হইল। দিগ্বিজয়ী তদনুসারে শ্রীগৌরাজের 'বাড়ীতে গমন করিলেন। কিন্তু সে দিন তাঁহার শ্রীগৌরাজের সহিত সাক্ষাৎ হইল না। দিগ্বিজয়ী লোকপরম্পরায় শুনিলেন, শ্রীগৌরাজ একজন সামান্ত ব্যাকরণের অধ্যাপকমাত্র। শুনিয়া দিগ্বিজয়ীর মনে নিতান্ত তাচ্ছিল্য ভাব হইল, কিন্তু নদীয়ার সমগ্র পণ্ডিতমণ্ডলীর আগ্রহাতিশয্য দেখিয়া তাঁহাকে পরাজয় না করিয়া নবদ্বীপ ত্যাগের অভিলাষ যুক্তিসঙ্গত বোধ করিলেন না।

এদিকে শ্রীগৌরাজ্ঞও লোকমুখে দিগ্‌বিজয়ীর আগমনবৃত্তান্ত অবগত হইয়া, তাঁহার পরাজয় দ্বারা গর্ভ চূর্ণ করা কর্তব্য বিবেচনা করিয়াও, পণ্ডিতমণ্ডলীর সমক্ষে তাঁহাকে অসম্মানিত করা সঙ্গত বোধ করিলেন না ; পরন্তু দিগ্‌বিজয়ীকে গোপনে পরাজয় করাই সুস্থির করিলেন । যিনি ব্রহ্মভবাদি দেবগণকে মোহিত করিয়া থাকেন, তাঁহার পক্ষে দিগ্‌বিজয়ীকে পরাজয় করা অতি তুচ্ছ ব্যাপার । কিন্তু তিনি মানবলীলা স্বীকার করিয়াছেন । তদবস্থায় দিগ্‌বিজয়ীকে সাধারণের সমক্ষে পরাস্ত করিলে তিনি নিতান্ত মর্সাহত হইবেন এই ভাবিয়া মহাপুরুষোচিত ছল অবলম্বন করিলেন । দিগ্‌বিজয়ীর সহিত দেখা করিলেন না ।

একদিন শ্রীগৌরাজ্ঞ শিষ্যবর্গে পরিবৃত্ত হইয়া সন্ধ্যার পর বিমল শশধরের কিরণে সমালোকিত গঙ্গাতটে বিগ্ণাপ্রসঙ্গে উপবিষ্ট আছেন, এগন সময়ে দিগ্‌বিজয়ী সেই স্থানে আসিয়া উপস্থিত হইলেন । তিনি স্বরচিত গঙ্গাবন্দনার আবৃত্তি সমাপন পূর্বক শ্রীগৌরাজ্ঞের সহিত মিলিত হইলেন । প্রথম মিলনেই দিগ্‌বিজয়ী শ্রীগৌরাজ্ঞকে সম্বোধন করিয়া বলিলেন,—“নিমাই পণ্ডিত, আমি এই নবদ্বীপে আসিয়া তোমার প্রচুর প্রশংসাবাদ শুনিতেছি । যদিও তুমি শিশুশাস্ত্র ব্যাকরণের ব্যবসা করিয়া থাক, তথাপি তোমার যাদৃশী প্রশংসা, তাহাতে আমি তোমার সহিত একবার সাক্ষাৎ না করিয়া নবদ্বীপ ত্যাগ করিতে পারিলাম না । তন্নিমিত্ত কয়েকদিবস অনুসন্ধানও করিয়াছিলাম, কিন্তু তোমার দেখা পাই নাই, আজ ভাগ্যক্রমে গঙ্গাতীরে তোমার সহিত সাক্ষাৎকার হইল ।” তখন তাঁহাকে আর কিছু বলিতে না দিয়া শ্রীগৌরাজ্ঞ বলিলেন,—“মহাশয়, আপনি সর্বশাস্ত্রজ্ঞ দিগ্‌বিজয়ী পণ্ডিত হইয়াও অযাচিতভাবে আমার ন্যায় একজন নবীন ব্যাকরণ ব্যবসায়ীকে দর্শন দিলেন, এ অতি ভাগ্যের কথা । যদি অনুগ্রহ করিয়া দর্শন দিলেন, তবে ইতিপূর্বে যে সকল শ্লোক দ্বারা গঙ্গার স্তব করিলেন, উহারই একটি শ্লোকের ব্যাখ্যা করিয়া আমাদিগকে তৃপ্ত করুন ।”

দিগ্‌বিজয়ী বলিলেন, “কোন্ শ্লোকের ব্যাখ্যা শ্রবণের অভিলাষ করিয়াছ, বিদিত হইলেই, তোমার অভিলাষ পূরণ করিতে পারি ।” শ্রীগৌরাজ্ঞ তনুহুর্ভেই,—

“মহত্ত্বং গঙ্গায়াঃ সততমিদমাভাতি নিতরাং

যদেষা শ্রীবিষ্ণোশ্চরণকমলোৎপত্তিসুভগা ।

দ্বিতীয়শ্রীলক্ষ্মীরিব সুরনরৈরচ্যাচরণা

ভবানীভর্তৃর্থা শিরসি বিভবত্যদ্ভুতগুণা ॥”

এই শ্লোকটি আবৃত্তি করিলেন । উপস্থিত শিষ্যমণ্ডলী ও স্বয়ং দিগ্‌বিজয়ী

পণ্ডিত প্রভৃতি সকলেই শ্রীগৌরসুন্দর এই অদ্ভুত শ্রুতিধরসদৃশ আচরণ দর্শনে বিস্ময়াবিষ্ট হইলেন। দিগ্‌বিজয়ীর রচিত অজ্ঞাত শ্লোক আবৃত্তিমাত্র কিরূপে তাঁহার অভ্যস্ত হইল তাবিয়া সকলেই আকুল হইলেন। দিগ্‌বিজয়ী সবিস্ময়ে বক্ষ্যমাণপ্রকারে উক্ত শ্লোকটির ব্যাখ্যা করিতে লাগিলেন।

“গঙ্গার ইহাই মহিমা সতত দেদীপ্যমান্ হইতেছে যে, ইনি শ্রীবিষ্ণুর চরণ-কমল হইতে উৎপন্ন হইয়া সৌভাগ্যশালিনী হইয়াছেন। ইনি দ্বিতীয় শ্রীলক্ষ্মীর ত্রায় সুরগণ ও নরগণ কর্তৃক অর্চিতচরণা। ইনি ভবানীভর্তা শ্রীমহাদেবের মস্তকে বিরাজ করেন, অতএব ইহার গুণও অতি অদ্ভুত।”

এই প্রকারে শ্লোকটি ব্যাখ্যাত হইলে, শ্রীগৌরসুন্দর বলিলেন,—“আপনি মহা-কবি, এই কবিতা হইতেই প্রকাশ পাইতেছে। এক্ষণে কবিতাটির দোষগুণের বিষয় কিছু ব্যাখ্যা করুন, আমরা শুনিয়া চরিতার্থ হইব।” দিগ্‌বিজয়ী শুনিয়া সগর্বে বলিলেন,—“তুমি অলঙ্কারশাস্ত্র বা তর্কশাস্ত্র অধ্যয়ন কর নাই বলিয়াই কবিতার দোষের কথা বলিতেছ; কবিতাটি সম্পূর্ণ নির্দোষ।” তখন শ্রীগৌরসুন্দর বলিলেন,—“আমি ব্যাকরণ ভিন্ন শাস্ত্রান্তর অধ্যয়ন করি নাই সত্য, কিন্তু যতদূর শুনিয়াছি, তাহাতে এই কবিতাটিতে পাঁচটি দোষ ও পাঁচটি গুণ দেখিতে পাইতেছি। আপনি যদি ক্ষুর ন! হন, তবে তাহা দেখাইতেও পারি।” দিগ্‌বিজয়ী সবিস্ময়ে বলিলেন, “কতি কি, তোমার যতদূর বিদ্যাবুদ্ধি, তাহার পরিচয় প্রদান করিতে পার।”

শ্রীগৌরসুন্দর বলিলেন,—“এই কবিতাটিতে ‘অবিমৃষ্টবিধেয়াংশ’ নামক দোষ দুইটি, ‘বিরুদ্ধমতিক্রম’ নামক দোষ একটি, ‘ভগ্নক্রম’ নামক দোষ একটি, এবং ‘সমাপ্তপুনরাত্ত’ নামক দোষ একটি, এইরূপে সর্বসমেত পাঁচটি দোষ আছে। আর ‘অনুপ্রাস’ ‘পুনরুক্তবদাতাস,’ ‘উপমা’, ‘বিরোধাতাস’ ও ‘অনুমান’ এই পাঁচটি অলঙ্কাররূপ পাঁচটি গুণ আছে। ‘ইনি শ্রীবিষ্ণুর চরণকমল হইতে উৎপন্ন হইয়া’, এই উদ্দেশ্য অংশটি ‘গঙ্গার ইহাই মহিমা’ এই বিধেয় অংশের পূর্বে উক্ত না হইয়া পরে উক্ত হওয়াতে, ‘অবিমৃষ্টবিধেয়াংশ’ নামক দোষ হইয়াছে। আবার শ্রীলক্ষ্মীর দ্বিতীয়ের ত্রায় না বলিয়া দ্বিতীয়-শ্রীলক্ষ্মীর ত্রায় বলাতে, উক্ত দ্বিতীয় শব্দ সমাসে লক্ষ্মীর বিশেষণ হইল, সুতরাং গঙ্গা যে দ্বিতীয় লক্ষ্মী, ইহা না বুঝাইয়া, তিনি অপর কোন দ্বিতীয় লক্ষ্মীর তুল্যা, ইহাই বুঝাইল, অতএব এস্থলেও পূর্বোক্ত দোষই ঘটিল। ভবানীভর্তা শব্দের প্রয়োগে, ভবানীস্বরূপ দ্বিতীয় ভর্তার জ্ঞান হইতেছে, সুতরাং বিরুদ্ধ বুদ্ধির উৎপাদন করিয়া ‘বিরুদ্ধ-

মতিক্ৰম' নামক দোষ হইল। বিভবতি ক্রিয়া দ্বারা বাক্য শেষ হইলেও, পুনশ্চ অল্পতত্ত্বা এই বিশেষণটির প্রয়োগে 'সমাপ্তপুনরাত্ত' নামক দোষ হইল। শ্লোকটির তিন চরণে অনুপ্রাস অলঙ্কার আছে। শ্রীলক্ষ্মী শব্দের প্রয়োগে পুনরুক্ত-বদাভাস অলঙ্কার হইয়াছে। দ্বিতীয় শ্রীলক্ষ্মীর ঞায় এই স্থলে উপমা অলঙ্কার হইয়াছে। শ্রীবিষ্ণুর চরণকমল হইতে গঙ্গার উৎপত্তিকথন দ্বারা বিরোধাভাস অলঙ্কার হইয়াছে। বিষ্ণুপাদোৎপত্তিরূপ সাধন দ্বারা গঙ্গার মহত্ত্বরূপ সাধ্যবস্তুর সাধনে অনুমান অলঙ্কার হইয়াছে। এইরূপে যদিও শ্লোকটিতে পাঁচটি অলঙ্কার দৃষ্ট হইতেছে, কিন্তু পূর্বোক্ত পাঁচটি দোষেই শ্লোকটিকে নষ্ট করিয়া ফেলিয়াছে। ভরতমুনি বলিয়াছেন,—

“রসালঙ্কারবৎ কাব্যং দোষযুক্তং চেদ্বিভূষিতম্।

শ্রাদ্বপুঃ সুন্দরমপি শ্বিত্রেণৈকেন দুর্ভগম্ ॥”

কাব্য যদি নানাঅঙ্কারে ভূষিত হইয়াও একটি দোষে দুষ্ট হয়, তবে সেই কাব্য নানাভূষণভূষিত সুন্দর শরীর কুষ্ঠরোগগ্রস্ত হইলে যে রূপ ঘৃণাই হয় তদ্রূপ ঘৃণাই হইয়া থাকে।

দিগ্বিজয়ী শ্রীগৌরাজের এই প্রকার বিচারনৈপুণ্য দর্শনে অতীব বিস্ময়াবিষ্ট হইলেন। নিজ গৌরব রক্ষার জন্য বিচারের ইচ্ছা করিলেন, কিন্তু তাঁহার মুখে আর কোনরূপ বাক্যস্ফূর্তি হইল না। তিনি ভাবিলেন, আজ সরস্বতী বালক-মুখে অধিষ্ঠিত হইয়া তাঁহার দর্পচূর্ণ করিলেন। অতীথ্য সমগ্র ভারতের পণ্ডিত-মণ্ডলীর নিকট জয়লাভের পর একজন ব্যাকরণ-মাত্র-ব্যবসায়ীর নিকট এইরূপ পরাজয় স্বীকার করিতে হইল কেন? তিনি মনে মনে এই প্রকার চিন্তা করিতে-ছেন, এমন সময়ে শ্রীগৌরাজ তাঁহাকে সবিনয় সাদরসম্ভাষণ সহকারে বিবিধ প্রশংসাবাক্য দ্বারা সন্তুষ্ট করিয়া সে দিবস বিদায় করিলেন। পরে স্বয়ংও শিষ্য-বর্গের সহিত গৃহে গমন করিলেন। ঐ রাত্রিতেই দিগ্বিজয়ী স্বপ্নাবেশে শ্রীগৌরাজের তত্ত্ব অবগত হইয়া পরদিন প্রত্যুষে বিনীতভাবে তাঁহার নিকট উপস্থিত হইলেন। তিনি প্রথম দর্শনেই শ্রীগৌরাজের চরণে আত্মসমর্পণ করিলেন। প্রভুও তাঁহাকে সংগোপনে কৃপা করিয়া বিদায় করিলেন। তিনি গোপনে কার্য্য সমাধা করিলেও তাঁহার শিষ্যপ্রশিষ্যাদিক্রমে লোকপরম্পরায় দিগ্বিজয়ীর পরাজয়সংবাদ সর্বত্র প্রচারিত হইয়া পড়িল। শ্রীগৌরাজ তদবধি শ্রীনবদ্বীপে অদ্বিতীয় পণ্ডিত বলিয়া পরিচিত হইলেন। এইরূপে জনসমাজে তাঁহার বিদ্যা-গৌরব বিখ্যাত হইলে, তিনি স্বয়ং নিজের স্বভাবসিদ্ধ বিনীতভাব পরিত্যাগ

করিলেন না । ফলতঃ এই অসাধারণ বিনয়ই আবার তাঁহার সমধিক যশোবর্দ্ধন করিতে লাগিল ।

### পূর্ববঙ্গযাত্রা

দিগ্বিজয়ীর পরাজয়ের পর শ্রীগৌরসুন্দর পূর্ববঙ্গের উদ্ধারবাসনায় পিতার জন্মভূমি সন্দর্শনচ্ছলে পদ্মাপার হইয়া শ্রীহট্টপ্রদেশ পর্য্যন্ত গমন করিলেন । তাঁহার আগমনে তৎপ্রদেশবাসী লোক সকল তাঁহাকে যথেষ্ট সম্মান প্রদর্শন করিতে লাগিলেন, এবং তাঁহার মুখে 'শ্রীহরিনামের মাহাত্ম্য শ্রবণ করিয়া অনেকেই কৃতার্থ হইলেন । লিখিত আছে,—তপন মিশ্র নামক একজন ব্রাহ্মণ নানাশাস্ত্র অধ্যয়ন করিয়াও সাধ্য-সাধন-তত্ত্বের অনিরূপণে অশান্তচিত্তে বিষাদের সহিত কালযাপন করিতেছিলেন । তিনি এক রাত্রিতে স্বপ্ন দেখিলেন যে, শ্রীগৌরসুন্দর তাঁহার মনের সকল অন্ধকার দূর করিবেন । ঐ সময় শ্রীগৌরসুন্দর ঐ প্রদেশেই উপস্থিত ছিলেন । তপন মিশ্র লোকপরম্পরায় ঐ কথা শুনিয়া নিজের বিছাগর্ভ পরিত্যাগপূর্বক শ্রীগৌরসুন্দরের চরণে শরণাপন্ন হইলেন । শ্রীগৌরসুন্দর কৃপা করিয়া তাঁহার অজ্ঞানান্ধকার নিবারণ পূর্বক তাঁহাকে বারাণসীধামে যাইয়া বাস করিতে আদেশ করলেন । তপন মিশ্র তদনুসারে বারাণসীতেই গমন করিলেন এবং ঐ স্থানেই শ্রীগৌরসুন্দরের সহিত পুনর্বার দেখা হইবে এই আশায় উৎসাহিত হইয়া তদন্ত উপদেশ হৃদয়ে ধারণ পূর্বক কালযাপন করিতে লাগিলেন ।

শ্রীগৌরসুন্দর এইরূপে পূর্ববঙ্গপ্রদেশ কৃতার্থ করিতে লাগিলেন । এদিকে লক্ষ্মীদেবী নবদ্বীপে লোকলীলা সম্বরণ করিলেন । শ্রীগৌরসুন্দর পূর্ববঙ্গে থাকিয়াই এই বৃত্তান্ত অবগত হইলেন । লক্ষ্মীদেবীর বিরহজন্ত সন্তাপ শচীদেবীর পক্ষে নিতান্ত অসহ হইল । বর্ষাকালের বারিদবিমুক্ত জলকণার আশায় বৃক্ষ সকল যেরূপ প্রথর রবিকর সহ করে, শচীদেবীও তদ্রূপ পুত্রের ভাবি স্নেহের আশায় অসহ পতিবিরোগতাপ সহ করিতেছিলেন । এই আকস্মিক পুত্রবধূবিরহ নবজলদনিক্ৰিপ্ত অশনির ঞ্চায় পতিত হইয়া তাঁহার অন্তরকে এককালে দগ্ধ করিয়া ফেলিল । শ্রীগৌরসুন্দর জননীর এই শোক-সন্তাপ নিবারণার্থ পূর্ববঙ্গ হইতে প্রচুর ধন-রত্ন লইয়া নবদ্বীপে প্রত্যাগত হইলেন । গৌরচন্দ্রের উদয়ে জননীর হৃদয় আবার শীতল হইল । শোকের পর শোক বিচ্ছিন্ন মেঘখণ্ডের ঞ্চায় তাঁহার সন্তপ্ত হৃদয়াকাশকে সময়ে সময়ে আবরণ করিলেও তনয়ের অকলঙ্ক

বদন-সুধাকর সন্দর্শনে আবার সকলই বিম্বিত হইলেন। শ্রীগৌরান্ধ তত্ত্বজ্ঞানের উপদেশ দ্বারা জননীর শোকসন্তাপ নিবারণ পূর্বক পূর্ববৎ বিচারসে নিমগ্ন হইলেন। তিনি বিচারসে নিমগ্ন হইলেও তাঁহার চাপল্যের নিবারণ হইল না। পূর্ববৎ হইতে প্রত্যাগমনের পর হইতেই শ্রীহট্টনিবাসী ব্যক্তিগণের প্রতি বিদ্রূপ প্রভৃতি পুত্রের বিবিধ চাপল্য দর্শন করিয়া শচীদেবী পুনর্বার তাঁহার বিবাহ দিবার মানস করিলেন। তিনি ভাবিলেন, পুত্রের বিবাহ দিলে, নববধূর মুখদর্শনে তিনি চাপল্য পরিত্যাগ পূর্বক শান্তভাব ধারণ করিবেন। স্ত্রীজাতি শ্রীভগবানের লীলারহস্ত কি বুঝিবেন? কি জন্ত যে নিমাই চঞ্চল কেমন করিয়াই বা জানিতে পারিবেন? সাধারণজ্ঞানে তিনি পুত্রের বিবাহের নিমিত্ত সমুৎসুক হইলেন।

### শ্রীবিষ্ণুপ্রিয়াপরিণয়

শচীদেবী প্রত্যহ গঙ্গাস্নানে যাইয়া দেখেন, একটি সর্বসুলক্ষণা পরমাসুন্দরী কন্যা তাঁহার আগমন প্রতীক্ষা করে এবং দেখা হইলেই বিনীতভাবে নমস্কার করে। কন্যাটি কেবল বাহ্য সৌন্দর্য্যেই বিভূষিত নহে, অতিশয় বিনয়শালিনী ও ভক্তিমতী; প্রত্যহ গঙ্গাস্নান করে এবং স্নানান্তে তীরে বসিয়া পূজাহিক করে। কন্যাটি যখন প্রণাম করে, শচীদেবীও প্রীতিসহকারে “কৃষ্ণ তোমার প্রতি প্রসন্ন হইয়া যোগ্য পতি সংঘটন করুন” বলিয়া আশীর্বাদ করিয়া থাকেন। কখন বা মনে মনে ইচ্ছা করেন, এইটি বা এইরূপ একটি কন্যা পাইলে পুত্রের সহিত বিবাহ দেন। কন্যাটির পবিচয় কিছুই জানেন না, একদিন আগ্রহ সহকারে জিজ্ঞাসা করিলেন, “বাছা, তোমার নাম কি? কুমারী উত্তর করিল, “আমার পিতার নাম সনাতন মিশ্র।” শচীদেবী পুনর্বার জিজ্ঞাসা করিলেন, “মা, তোমার নিজের নামটি কি?” উত্তর—“বিষ্ণুপ্রিয়া।”

সনাতন মিশ্র বৈদিক শ্রেণীর ব্রাহ্মণ এবং শচীদেবীর আদান প্রদানেব ঘর। তাঁহার বিষয় শ্রীচৈতন্যভাগবতে এইরূপ লিখিত আছে;

“সেই নবদ্বীপে বৈসে মহাভাগ্যবান্ ।  
দয়াশীল-স্বভাব শ্রীসনাতন নাম ॥  
অকৈতব, পরম-উদার, বিষ্ণুভক্ত ।  
অতিথিসেবন-পর-উপকারে রত ॥



সত্যবাদী, জিতেজিয় মহাবংশজাত ।  
 পদবী 'রাজপণ্ডিত' সর্বত্র বিখ্যাত ॥  
 ব্যবহারেও পরম সম্পন্ন একজন ।  
 অনায়াসে অনেকের করেন পোষণ ॥  
 তাঁর কণ্ঠা আছেন পরমসুচরিতা ।  
 মূর্ত্তিমতী-লক্ষ্মী-প্রায় সেই জগন্মাতা ॥

শচীদেবী সনাতন মিশ্রের সম্বন্ধে জানিবার কিছুই অপেক্ষা রাখিলেন না ; কারণ, তিনি রাজপণ্ডিত ও একজন সম্পন্ন সম্ভ্রান্ত ব্যক্তি ; অতএব অচিরেই কাশীমিশ্র নামক ঘটককে ডাকাইলেন এবং সনাতন মিশ্রের কণ্ঠার সহিত নিজ পুত্রের বিবাহের প্রস্তাব করিতে বলিলেন ।

সনাতন মিশ্র পূর্ক হইতেই এই সম্বন্ধের বিশেষ পক্ষপাতী ছিলেন । এক্ষণে কাশীমিশ্রের মুখে প্রস্তাবটি অবগত হইয়া আনন্দে অধীর হইলেন এবং আত্মীয় স্বজনকেও শুনাইলেন । লোকপরম্পরায় বিষ্ণুপ্রিয়া এই বিবাহপ্রস্তাব শ্রবণ করিলেন । তাঁহার সেই সময়ের অবস্থা বর্ণনার অতীত । তিনি নিশ্চয় জানিতেন, নিমাই পণ্ডিত তাঁহার পতি ; তিনি স্বয়ং মহালক্ষ্মীর সখী ভূশক্তিস্বরূপিণী । তাঁহার জ্ঞানবুদ্ধি সাধারণ বালিকার গ্ৰায় নহে, উহা তাঁহার ব্যবহার হইতেই জানা যায় । গঙ্গানানে লক্ষ লক্ষ লোক গমন করিত, তিনিই কেনই বা প্রত্যহ কেবল শচীদেবীকেই নমস্কার করিতেন ! বিষ্ণুপ্রিয়া এই বিবাহপ্রস্তাবে তাঁহার প্রাক্তন-পতি-লাভের উপযুক্ত কাল সমুপস্থিত ভাবিয়া নীরবে আনন্দসাগরে ভাসিতে লাগিলেন ।

এদিকে সনাতন মিশ্র শুভকার্য্যে কালবিলম্ব অনুচিত ভাবিয়া সত্বর বিবাহের দিন স্থির করিবার নিমিত্ত গণককে আনয়ন করিতে লোক পাঠাইলেন । গণক সংবাদ পাইয়া মিশ্রের ভবনে আগমন করিতেছেন, এমন সময়ে পশ্চিমধ্যে নিমাই পণ্ডিতের সহিত দেখা হইল । গণক নিমাই পণ্ডিতকে দেখিয়াই বলিলেন, “পণ্ডিত তুমি এক্ষণ চঞ্চলভাবে বেড়াইতেছ, আমি যে তোমার বিবাহের দিনস্থির করিতে যাইতেছি ।” নিমাই পণ্ডিত বলিলেন, “কৈ আমি ত বিবাহের কিছুই জানি না ।”

গণক শুনিয়া ভগ্ন মনে মিশ্রসদনে সমুপস্থিত হইলে, মিশ্র তাঁহাকে কণ্ঠার বিবাহের লগ্ন স্থির করিতে বলিতেন । গণক বলিলেন,—“আসিবার সময় নিমাই পণ্ডিতের সহিত আমার সাক্ষাৎ হইল, তিনি বলিলেন, তিনি এই বিবাহের কিছুই সমাচার রাখেন না । তাঁহার কথার ভাবে আমার বোধ হইল, তিনি বিবাহে

অনিচ্ছুক।” এই কথা শুনিয়া মিশ্রসংসারে ঘোরতর হাহাকার পড়িয়া গেল। সনাতন মিশ্র ভাবিলেন, নিমাই পণ্ডিত আজকাল নবদ্বীপের পণ্ডিতমণ্ডলীর শীর্ষ-স্থানীয়, অতএব, তিনি তাঁহার কন্যাকে বিবাহ করিবেন না। বিশেষতঃ এই বিবাহের কথাবার্তা শচীদেবীর সহিত হইতেছে। শচীদেবী স্বীলোক, নিমাই পণ্ডিতও বয়ঃপ্রাপ্ত হইয়াছেন, সুতরাং তিনি নিজের মতেই কাৰ্য্য করিবেন, জননীর মতে চলিবেন না। তাঁহারা এইপ্রকার আন্দোলন করিতে লাগিলেন। তাঁহাদের কাল অতিকষ্টেই অতিবাহিত হইতে লাগিল।

ক্রমে এই কথা শ্রীগৌরাজের শ্রুতিগোচর হইল। তিনি শুনিয়া বিশেষ ছঃখিত হইলেন এবং নিজের একজন সুহৃদকে ডাকাইয়া মিশ্রভাবে বিবাহের উদ্যোগ করিবার আদেশ করিয়া পাঠাইলেন! দুই বৎসর পরেই যাহাকে সংসারাশ্রম ত্যাগ করিতে হইবে, তিনি জানিয়া শুনিয়াও এরূপ কর্ম্ম হস্তক্ষেপ করেন কেন? শ্রীবিষ্ণুপ্রিয়াকে বিরহানলে দগ্ধ করিবার নিমিত্ত কি এই বিবাহ?—না, শ্রীবিষ্ণুপ্রিয়াকে ক্লেশ দিবার নিমিত্ত নহে, পরন্তু বিরহক্ষুণ্ণি দ্বারা শ্রীবিষ্ণুপ্রিয়ার প্রেমকে পরমদশান্ত প্রাপ্ত করাইবার নিমিত্ত। বিরহক্ষুণ্ণি ভিন্ন প্রেম যে পরমদশান্ত প্রাপ্ত হয় না, তাহা সাধারণের বুদ্ধিবেদ্য না হইলেও, ধ্রুব সত্য। সংসারী হইয়া সংসার-ত্যাগই প্রকৃত ত্যাগ, লোকসাধারণকে এই পর্য্যন্ত শিক্ষা দিবার নিমিত্ত, শ্রীগৌরাজ এই বিবাহের অনুমোদন করিলেন।

শ্রীগৌরাজের অনুমতি পাইয়া সনাতন মিশ্রের বাটীর সকলেই মহানন্দে নিমগ্ন হইলেন। বিবাহের সমস্ত উদ্যোগ আয়োজন হইতে লাগিল। এদিকে শ্রীগৌরাজের শিষ্যগণ এবং বন্ধুবান্ধবগণও আনন্দে উন্মত্তপ্রায় হইলেন। কায়স্থ জমীদার বুদ্ধিমন্ত খান এবং মুকুন্দসঞ্জয় প্রভৃতি প্রভুর ভক্তগণ বিবাহের সমস্ত ব্যয়ভার গ্রহণ করিলেন। তাঁহারা একজন সম্পত্তিশালী ব্যক্তির বিবাহের ঞায় শ্রীগৌরাজের বিবাহ দিবার মনস্থ করিলেন।

লিখিত আছে ;—

“বুদ্ধিমন্ত খান বোলে শুন সর্ব ভাই ।  
বামনিঞা মত এ বিবাহে কিছু নাই ॥  
এ বিবাহে পণ্ডিতের করাইব হেন ।  
রাজকুমারের মত লোকে দেখে যেন ॥”

অনন্তর সকলে মিলিয়া শুভদিনে শুভক্ষণে অধিবাসের লগ্ন করিলেন। স্থান পরিষ্কার করিয়া চন্দ্রাতপ দ্বারা আচ্ছাদন করা হইল। চতুর্দিকে কদলীবৃক্ষ রোপণ,

ফলপল্লবদির সহিত পূর্ণকুম্ভ স্থাপন প্রভৃতি মাসিক কার্য সকল সম্পাদন করা হইল। নদীয়ার ব্রাহ্মণবৈষ্ণব সকল নিমন্ত্রিত হইয়া অপরাহ্নে প্রভুর ভবনে শুভাগমন করিতে লাগিলেন। মৃদঙ্গাদি বিবিধ বাণ্ড সকল বাদিত হইতে লাগিল। ভাটগণ রায়বার পাঠ করিতে লাগিল। পতিব্রতাগণ মঙ্গলধ্বনি করিতে লাগিলেন। বিপ্রগণ বেদধ্বনি করিতে লাগিলেন। শ্রীগৌরসুন্দর সভার মধ্যস্থলে আসিয়া উপবেশন করিলেন। তদনন্তর সমাগত ব্রাহ্মণ সজ্জন সকলকেই মালাচন্দনাদি দ্বারা যথাযোগ্য পূজা করা হইল। এক এক জন শঠতা করিয়া দুই তিন বার পর্যন্ত মালাতাম্বুলাদি উপহার সকল গ্রহণ করিতে লাগিলেন। এইরূপে অধিবাস কার্য সমাপন হইল। সনাতন মিশ্র শ্রীগৌরসুন্দরের অধিবাসের পর গৃহে যাইয়া বিষ্ণুপ্রিয়ার অধিবাস করাইলেন।

পরদিবস প্রাতঃকালে যথাবিধি নান্দীমুখ কার্য করা হইল। পতিব্রতাগণ লোকাচারের অনুরূপ ষষ্ঠীপূজাদি সমাধা করিলেন। ভোজনাদির পর অপরাহ্নে বরযাত্রার আয়োজন হইতে লাগিল। কেহ শ্রীগৌরসুন্দরকে বিচিত্র বসনভূষণাদি দ্বারা সাজাইতে লাগিলেন। কেহ বা বাণ্ড, দীপ, পতাকা প্রভৃতি গমনোপযোগী সজ্জা সকল সাজাইতে লাগিলেন। প্রয়োজনীয় দ্রব্য সকল সুসজ্জিত হইলে, তাঁহারা শ্রীগৌরসুন্দরকে চতুর্দোলায় আরোহণ করাইয়া মিশ্রভবনাভিমুখে যাত্রা করিলেন। তাঁহারা কিয়ৎকাল নদীয়ার ওপথে ভ্রমণ করিয়া সন্ধ্যার সময়ে সনাতন মিশ্রের ভবনে সমাগত হইলেন। বরের আগমনে মিশ্রভবনে বিবিধ বাণ্ডের ধ্বনির সহিত ‘জয় জয়’ ধ্বনি হইতে লাগিল। সনাতন মিশ্র জামাতাকে লইয়া সভামধ্যে উপবেশন করাইলেন। পরে শুভক্ষণে কন্যা সম্প্রদান করিতে বসিলেন। যথাবিধি সবস্ত্রা সালঙ্কতা কন্যা শ্রীগৌরসুন্দরের করে সমর্পণ করা হইল। সনাতন মিশ্র নিজের বিভবানুরূপ বিবিধ-যৌতুক-সামগ্রীও প্রদান করিলেন। পরে আচারানুরূপ সমস্ত কার্যই সম্পাদিত হইল। এইরূপে বিবাহ সমাধা হইল।

পরদিন অপরাহ্নে প্রভু বিষ্ণুপ্রিয়াদেবীকে লইয়া দোলারোহণে পূর্ববৎ সমারোহের সহিত নিজভবনে আগমন করিলেন। শচীদেবী পতিব্রতাগণকে সঙ্গে লইয়া পরমানন্দে পুত্র ও পুত্রবধূকে গৃহে আনয়ন করিলেন। পরবর্তী ব্যাপার সকলও যথাবিধি আচারানুরূপই সম্পাদিত হইল। এইরূপে বিবাহোৎসব সমাহিত হইলে, প্রভু বুদ্ধিমন্ত খানকে সানন্দে আলিঙ্গন প্রদান করিলেন। শচীদেবী নববধুর মুখচন্দ্র সন্দর্শন করিয়া লক্ষ্মীদেবীর শোক বিস্মৃত হইলেন।

শ্রীগোরাঙ্গ মহাপ্রভু এইরূপে গৃহস্থ হইয়া অধ্যাপকরূপে মুকুন্দসঙ্করের গৃহে টোল করিয়া ছাত্রগণকে বিদ্যাदान করিতে লাগিলেন। তিনি যে প্রেমভক্তি প্রচারের নিমিত্ত অবতীর্ণ হইয়াছেন, এ পর্য্যন্ত তাহার কিছুই করা হয় নাই। সমস্ত সংসার দিন দিন পরমার্থভ্রষ্ট হইয়া পড়িতেছে ; তুচ্ছ বিষয়েই সকলের সমাদর, পরমার্থ বিষয়ে কাহারও কিছুমাত্র আদর বা অপেক্ষা লক্ষিত হয় না। কাহারও কোন সাধন ভজন নাই, কিন্তু সকলেই প্রচার করেন, আমি বেদান্তী, 'আমি ব্রহ্ম। এমন কি, যাহারা শ্রীমদ্ভগবদ্গীতা ও শ্রীমদ্ভাগবতাদি ভক্তিশাস্ত্রের আলোচনা করেন তাঁহারাও ভক্তিরসে বঞ্চিত, শুষ্কজ্ঞানী ; তাঁহারা শ্রীভগবানের নামের মাহাত্ম্য সম্বন্ধে সম্পূর্ণ অজ্ঞ। কেহই সঙ্কীর্ণনে রত নহেন। কাহারও নামসঙ্কীর্ণনে কিছুমাত্র আস্থা দেখা যায় না। অধিকন্তু, যদি কখন কাহারও তদ্বিষয়ে অল্পমাত্রও চেষ্টা দৃষ্ট হয়, তখনই পাষণ্ড সকল তাঁহাকে উপহাস করিতে থাকেন। উপহাসে তাঁহার ঐ চেষ্টার ত্যাগ না হইলে, তাঁহার উপর উৎপীড়নও হইয়া থাকে। উৎপীড়নেও উত্তমের নিবৃত্তি না হইলে, তাঁহার সর্কনাশের নিমিত্ত পাষণ্ডগণ কর্তৃক বিবিধ উপায় অবলম্বিত হইতে থাকে। আমরা হরিদাস ঠাকুরের জীবনে এইরূপ দুর্ঘটনা সকলের স্পষ্ট প্রমাণ প্রাপ্ত হইয়া থাকি।

### . শ্রীহরিদাস ঠাকুর

পূর্বপরিচ্ছেদে সংসারের যে ছুরবস্থার কথা লেখা হইয়াছে, সংসার যখন তাদৃশ-ছুরবস্থা-গ্রস্ত, ঠিক সেই সময়েই শ্রীহরিদাস ঠাকুর এই নবদ্বীপে আসিয়া শ্রীশ্রীনামসঙ্কীর্ণনের প্রচারে প্রবৃত্ত হইলেন।

যশোহরের অন্তর্গত বনগ্রামের নিকটে বুড়ন নামে একটি প্রাচীন গ্রাম আছে। ঐ গ্রামে এক পবিত্র সচ্চরিত্র দ্বিজদম্পতি বাস করিতেন। শিবগীতা প্রভৃতি গ্রন্থে লিখিত আছে, হরিদাস ঠাকুর ঐ দ্বিজদম্পতি হইতেই জন্মলাভ করেন। তাঁহার পিতার নাম স্মৃতি ঠাকুর এবং মাতার নাম গৌরী দেবী। ১৩৭১ শকাব্দের অগ্রহায়ণ মাসে হরিদাস ঠাকুরের জন্ম হয়। হরিদাস ঠাকুরের বয়স যখন ছয় মাস মাত্র, তখন তাঁহার পিতার মৃত্যু হয়। জননীও পিতার অমৃত্যু হইলেন। শিশু হরিদাস অসহায় অবস্থায় গৃহে পতিত থাকেন। একটি প্রতিবাসী দয়ার্দ্র-চিত্ত মুসলমান জনকজননীহীন রোদনপরায়ণ শিশু হরিদাসকে লইয়া প্রতিপালন

করেন। সুতরাং হরিদাস ব্রাহ্মণসন্তান হইয়াও যবনত্ব প্রাপ্ত হইলেন। হরিদাস এইরূপে যবনগৃহে প্রতিপালিত এবং যবনত্ব প্রাপ্ত হইয়াও জাতিস্মরতা বশতঃ বাল্যেই বিষ্ণুভক্তিপরায়ণ হইলেন। তদর্শনে তাঁহার প্রতিপালক মুসলমান তাঁহার প্রতি বিরক্ত হইয়া তাঁহাকে গৃহ হইতে বহিস্কৃত করিয়া দেন। হরিদাস প্রতিপালক কর্তৃক তাড়িত হইয়া কিছুমাত্র দুঃখিত হইলেন না, পরন্তু স্বাধীনভাবে ভজন করিতে পারিবেন এই আশায় উৎসাহিত হইয়া সানন্দ অন্তরে বনগ্রামের নিকটবর্তী বেনাপোলের জঙ্গলে যাইয়া একটি ক্ষুদ্র কুটার নির্মাণ পূর্বক ভজন এবং ভিক্ষা দ্বারা জীবিকা নির্বাহ করিতে লাগিলেন।

হরিদাস ঠাকুর বেনাপোলের জঙ্গলে নিজ নির্জন কুটারে বসিয়া প্রতিদিন তিন লক্ষ হরিনাম করেন, সদাই নামরূপে বিভোর থাকেন, দিনান্তে একবারমাত্র গ্রামে যাইয়া ভিক্ষা দ্বারা জীবিকা নির্বাহ করেন, যদি কেহ কখন তাঁহার নিকট আইসেন তাঁহাকে হরিনাম গ্রহণেই উপদেশ ও অনুরোধ করেন। কাহারও সহিত বিশেষ কোন সম্বন্ধ রাখেন না। এইরূপে কিছুদিন অতিবাহিত হইয়া গেল। বনগ্রামের জমিদার রামচন্দ্র খান লোকপরম্পরায় হরিদাস ঠাকুরের তপশ্চার কথা শুনিয়া তাঁহার তপশ্চার বিষয় ঘটাইবার নিমিত্ত অভিলাষী হইলেন। পরের মন্দ চেষ্টা করাই ছুটলোকের স্বভাব। রামচন্দ্র খান কয়েকটি সুন্দরী বারবনিতাকে ডাকিয়া হরিদাস ঠাকুরের তপশ্চার বিঘ্নাচরণার্থ অনুরোধ করিলেন। তন্মধ্যে একটি বারবনিতা একদিন রাত্রিযোগে হরিদাস ঠাকুরের আশ্রমে গমন করিল। সে যাইয়া তুলসীকে প্রণাম করিয়া হরিদাস ঠাকুরকে দূর হইতে দণ্ডবৎ প্রণাম করিল। পরে হরিদাস ঠাকুরের কুটারের দ্বারে বসিয়া নানাপ্রকার অঙ্গভঙ্গী করিতে আরম্ভ করিল। হরিদাস ঠাকুর নাম করিতে করিতে তাহা লক্ষ্য করিলেন, এবং তাহার ভাবগতি বুঝিয়া অনন্তমানে শ্রীহরিনাম জপ করিতে লাগিলেন। এইরূপে সমস্ত রাত্রি কাটিয়া গেল। বারবনিতা হরিদাস ঠাকুরের যৌবনসৌন্দর্য্যে মুগ্ধ হইয়াও তাঁহার প্রভাবে অভিভূত এবং বিফলমনোরথ হইয়া প্রভাতে রামচন্দ্র খানের নিকট গমন পূর্বক সমস্ত রাত্রিঘটনা আনুপূর্বিক বর্ণনা করিল। ছুট রামচন্দ্র খান ঐ বারবনিতাকে পুনর্বার হরিদাস ঠাকুরকে প্রলোভিত করিবার নিমিত্ত তাঁহার নিকট গমন করিতে অনুরোধ করিলেন। বারবনিতা সেই রাত্রিতেও হরিদাস ঠাকুরের আশ্রমে যাইয়া পূর্ববৎ রাত্রি অতিবাহিত করিল। আবার তৃতীয় রাত্রিতেও পূর্ববৎ গমন করিল। কিন্তু এই তৃতীয় রজনীতে তাহার ভাবের পরিবর্তন হইল। হরিদাস ঠাকুরের আকৃতি, প্রকৃতি ও

আচরণ দর্শনে তাহার মন ফিরিয়া গেল। হরিদাস ঠাকুরের মুখোচ্চারিত মধুর হরিনাম শ্রবণে তাহার হৃদয় দ্রবীভূত হইল। তখন সে অপরাধ স্বীকার করিয়া হরিদাস ঠাকুরের চরণ ধারণ পূর্বক বলিতে লাগিল,—

“বেশ্যা কহে,—রূপা করি কর উপদেশ।

কি মোর কর্তব্য যাতে যায় সর্ব ক্লেশ ॥

ঠাকুর কহে পরের দ্রব্য ব্রাহ্মণে কর দান।

এই ঘরে আসি তুমি করহ বিশ্রাম ॥

নিরন্তর নাম লহ তুলসী সেবন।

অচিরতে পাবে তবে ক্রমের চরণ ॥

হরিদাসঠাকুর বলিলেন, “বৎসে, আমি তোমার আগমনমাত্র সমস্তই বুঝিতে পারিয়াছিলাম। বুঝিয়াও কেবল তোমার নিমিত্তই তিনদিন অপেক্ষা করিতেছিলাম, নতুবা তৎক্ষণাৎ এই স্থান ত্যাগ করিয়া অন্ত্র গমন করিতাম।” অনন্তর তিনি ঐ বারবনিতাকে হরিনামমহামন্ত্র উপদেশ করিয়া সেই স্থান ত্যাগ করিলেন। বারবনিতাও হরিদাসঠাকুরের উপদেশ অনুসারে নিজের যাহা কিছু বিষয়সম্পত্তি ছিল, তৎসমস্তই ব্রাহ্মণসাৎ করিয়া গুরুদত্ত আশ্রমে থাকিয়া তপশ্চায় নিরত হইল। বেশ্যার চরিত্র দেখিয়া তত্রত্য লোক সকল চমৎকৃত হইলেন এবং হরিদাসঠাকুরের মহিমা বুঝিয়া তত্ক্ষণে ভূয়োভূয়ঃ নমস্কার করিতে লাগিলেন।

এইরূপে বারবনিতাকে রূতার্থ করিয়া হরিদাসঠাকুর শান্তিপুরের নিকট ফুলিয়া নামক গ্রামে যাইয়া বাস করিতে লাগিলেন। ফুলিয়া ব্রাহ্মণমণ্ডলীর প্রসিদ্ধ বাসস্থান। ফুলিয়াবাসী ব্রাহ্মণগণ হরিদাসঠাকুরের প্রভাব বিদিত হইয়া তাঁহাকে বিশেষ শ্রদ্ধা ও সমাদর সহকারে ভিক্ষা করাইতে লাগিলেন। কিন্তু হরিদাসের এই ধর্ম্মানুরাগ যবনকুলের চক্ষুঃশূল হইল। হরিদাস যবন হইয়াও হিন্দুর ধর্ম্মে অনুরাগী, ইহা তাহাদিগের সহ্য হইল না। ক্রমে এই বৃত্তান্ত মুলুকপতি কাজীর কর্ণগোচর হইল। তিনি হরিদাসঠাকুরকে ধরিয়া বন্দী করিলেন। হরিদাস ঠাকুরকে দর্শন করিয়া তত্রত্য অপরাপর বন্দীদিগের চিত্ত নিশ্চল হইল। তাহারাও হরিদাসঠাকুরের সহিত উচ্চস্বরে হরিনাম করিতে আরম্ভ করিল।

পরদিন হরিদাসঠাকুরের বিচার আরম্ভ হইল। মুলুকপতি হরিদাসঠাকুরকে বলিলেন,—“দেখ, লোক বহুভাগ্যে মুসলমান হয়; তুমি সেই মুসলমান হইয়াও হিন্দুর ধর্ম্ম আচরণ করিতেছ কেন?”

হরিদাসঠাকুর নিজ স্বভাবসিদ্ধ বিনয় সহকারে উত্তর করিলেন,—

“শুন বাপ সবারই একই ঈশ্বর ।  
 নাম-মাত্র ভেদ করে হিন্দুয়ে যবনে ।  
 পরমার্থে এক কহে কোরাণে পুরাণে ।  
 এক শুদ্ধ নিত্য বস্তু অখণ্ড অব্যয় ।  
 পরিপূর্ণ হই বৈসে সভার হৃদয় ।  
 সেই প্রভু যারে যেন লগ্নায়েন মন ।  
 সেইমত কর্ম করে সকল ভুবন ।  
 সে প্রভুর নাম গুণ সকল জগতে ।  
 বোলেন সকল মাত্র নিজশাস্ত্রমতে ॥”

হরিদাসঠাকুরের মধুর সত্যবাক্যে, বিচারকর্তা মুলুকপতি ও সভাস্থ অপর সকল মুসলমানই বিশেষ সন্তোষ লাভ করিলেন, কেবল গোরাই নামক এক ছুট্ট কাজী অসন্তুষ্ট হইল। সেই নীচাশয় কাজী বলিয়া উঠিল, “এ ব্যক্তি ঘেরূপ অপরাধ করিয়াছে, তদুপযুক্ত দণ্ডবিধানই কর্তব্য, নতুবা ইহার দৃষ্টান্ত অনুসারে অপরাপর মুসলমানও হিন্দুর ধর্ম গ্রহণ করিয়া মুসলমানধর্মের ক্ষতি করিবে।” এই কথা শুনিয়া বিচারপতির ভাবের পরিবর্তন ঘটিল। তখন তিনি বলিলেন,—“আরে ভাই, তুমি হিন্দুর ধর্মাচরণ ত্যাগ করিয়া মুসলমানশাস্ত্র পাঠ কর ও মুসলমানধর্ম আচরণ কর। অন্যথা তোমাকে যথেষ্ট শাস্তি গ্রহণ করিতে হইবে।” হরিদাসঠাকুর শ্রীহরিনামের প্রভাব বিশেষরূপে বিদিত ছিলেন। তিনি নির্ভয়ে উত্তর করিলেন,—

“খণ্ড খণ্ড হই দেহ যদি যার প্রাণ ।  
 ততো আমি বদনে না ছাড়ি হরিনাম ॥”

হরিদাসের কথা শ্রবণ করিয়া মুলুকপতি সভাসদবর্গকে লক্ষ্য করিয়া বলিলেন,—

“এবে কি করিবা ইহা প্রতি ?”

পূর্বেকৃত ছুট্টাশয় কাজী অবসর বুঝিয়া বলিল,—“ইহাকে লইয়া বাইশ বাজারে বেত্রাঘাত বরা হউক। বাইশ বাজারের বেত্রাঘাতেও যদি ইহার জীবন থাকে, তাহাতেও যদি ইহার মৃত্যু না হয়, তাহা হইলে, হিন্দুধর্মের মহিমা বুঝা যাইবে।”

হরিদাসঠাকুরের প্রতি উক্ত ভীষণ দণ্ডেরই আদেশ হইল। আদেশমাত্র

পাইক সকল হরিদাসঠাকুরকে লইয়া বাজারে বাজারে বেত্রাঘাত আরম্ভ করিল। হরিদাসঠাকুর মনে মনে সুমধুর হরিনাম স্মরণ করিতেছেন। আঘাতের প্রতি ক্রক্ষেপ নাই। সক্রোধহৃদয় দর্শকবৃন্দের কেহ বা প্রহারকারীদিগকে অভিশাপ দিতে লাগিলেন, কেহ বা সবিনয়ে হরিদাসঠাকুরকে ছাড়িয়া দিবার নিমিত্ত অনুরোধ করিতে লাগিলেন। হরিদাসঠাকুর, সংসারের জন্ম নয়, প্রাণশ্রেষ্ঠ মধুর হরিনামের জন্ম বেত্রাঘাত ভোগ করিতেছেন, এই ভাবিতে ভাবিতে নামানন্দে বিভোর হইলেন, জগৎসংসার ভুলিয়া গেলেন, দেহদৈহিক সমস্তই ভুলিয়া গেলেন, তুরীয়স্থ<sup>১</sup> হইয়া আনন্দচিন্ময় নামের মাধুর্য্য আন্বাদন করিতে লাগিলেন। প্রহারকারীগণ হরিদাসঠাকুরকে প্রহার করিতে করিতে ক্লান্ত হইয়া পড়িল। তাহারা বিস্মিত হইয়া চিন্তা করিতে লাগিল,—

“মনুষ্যের প্রাণ কি রহয়ে এ মারণে ।  
 দুই তিন বাজারে মারিলে লোক মরে ।  
 বাইশ বাজারে মারিলাও যে ইহারে । .  
 মরেও না আরো দেখি হাসে ক্ষণে ক্ষণে ।  
 এ পুরুষ পীর বা সভেই ভাবে মনে ॥”

পরে যখন তাহারা বলিতে লাগিল,—

— “অয়ে হরিদাস ।  
 তোমা হৈতে আমা সভার হইবেক নাশ ।  
 এত প্রহারেও প্রাণ না যায় তোমার ।  
 কাজী প্রাণ লইবেক আমা-সভাকার ।”

তখন হরিদাসঠাকুর স্থলে<sup>২</sup> আগমন করিলেন, প্রহারকারী পাপিষ্ঠদিগের দুঃখ ভাবিয়া বিষণ্ণ হইলেন। তিনি, তাঁহাকে প্রহার করিয়া পাপিষ্ঠদের যে ক্লেশ, ভয় ও অপরাধ হইয়াছে তাহার প্রশমনার্থ শ্রীভগবানের প্রসাদ প্রার্থনা করিতে লাগিলেন। পরক্ষণেই হাসিতে হাসিতে বলিলেন,— “ভাই সকল, আমি জীবিত থাকিলে যদি তোমাদিগের মন্দ হয়, তবে এই আমি মরিলাম।” তিনি এই কথা বলিতে বলিতেই ধ্যানাবিষ্ট হইলেন। প্রহারকারীরা তিনি মরিয়াছেন ইহাই স্থির করিল। অনন্তর তাহারা সানন্দে মৃতবৎ হরিদাসঠাকুরকে লইয়া মনুকপতির

(১) আত্মস্বরূপে অবস্থিত।

(২) জাগ্রদবস্থাতে বা স্থল শরীরে অভিনিবিষ্ট।



সন্নিধানে উপস্থিত হইল। মুলুকপতিও হরিদাসঠাকুরকে মৃত ভাবিয়া প্রথমতঃ ভূগর্ভে নিহিত করিতে আদেশ করিলেন। পরে গোরাই কাজীর পরামর্শে গঙ্গাজলে নিক্ষেপ করাই স্থির হইল।

“মাটি দেহ নিঞা বোলে মুকুলের পতি।

কাজী কহে তবে ত পাইব ভাল গতি।

বড় হই যেন করিলেক নীচকর্ম্ম।

অতএব ইহায়ে জুয়ায়' এই ধর্ম্ম।

মাটি দিলে পরলোকে হইবেক ভাল।

গাঙ্গে ফেল যেন ছুঃখ পায় চিরকাল।

তদনুসারে হরিদাসঠাকুরকে ভাগীরথীর পবিত্র সলিলে নিক্ষেপ করা হইল। হরিদাসঠাকুর কৃষ্ণানন্দ-সিন্ধু-মধ্যে নিমগ্ন, পৃথিবীতে অন্তরীক্ষে বা গঙ্গায়—কোথায় আছেন, জানেন না। ভাসিতে ভাসিতে অনেকদূর চলিয়া গেলেন। অনেকদূর যাইয়া তাঁহার রাহুক্ষুর্তি<sup>২</sup> হইল। তিনি পরমানন্দে তীরে উঠিলেন। তীরে উঠিয়া উচ্চস্বরে নাম করিতে করিতে পুনর্বার ফুলিয়ায় আগমন করিলেন। হরিদাসঠাকুরের তাদৃশ অদ্ভুত প্রভাব সন্দর্শন করিয়া, হিন্দুদিগের কথা দূরে থাকুক, মুসলমানেরাও বিশ্বয়ান্বিত হইয়া তাঁহার প্রতি হিংসাঘেষ সর্বতোভাবে পরিত্যাগ করিতে বাধ্য হইলেন। মুলুকপতি ও গোরাই কাজী প্রভৃতি সম্ভ্রান্ত মুসলমানগণও যুক্তকরে প্রণতিপুরঃসর তাঁহার প্রসাদ ভিক্ষা করিতে লাগিলেন। পরে তাঁহারা ‘হরিদাসঠাকুর যথেষ্ট বাস ও বিচরণ করিবেন’ এইপ্রকার একটি ঘোষণা প্রচার করিয়া দিলেন। তদবধি হরিদাসঠাকুর গঙ্গাতীরে এক নির্জন গহ্বরে বাস করিতে লাগিলেন।

ফুলিয়ার ব্রাহ্মণসজ্জন সকল প্রায়ই হরিদাসঠাকুরকে দর্শন করিবার নিমিত্ত তাঁহার বাসস্থানে আগমন করিয়া থাকেন। তাঁহারা আসিয়া ঐ স্থানে অতিশয় সর্পের উপদ্রব অনুভব করিতে লাগিলেন। শেষে জানা গেল, হরিদাসঠাকুর যে গহ্বরে বাস করেন, উহার মধ্যে একটি ভীষণ বিষধর সর্প আছে। তদনুসারে হরিদাসঠাকুরকে ঐ গহ্বর ত্যাগ করিতে অনুরোধ করা হইল। হরিদাসঠাকুর ঐহাদিগের আগ্রহ দেখিয়া বলিলেন “ঐ সর্প যদি এই স্থান ত্যাগ না করেন, তবে আমিই এই স্থান ত্যাগ করিয়া অন্ত্র গমন করিব।” তিনি ইহা বলিতে বলিতেই

(১) যোগ্য হয়।

(২) ফুলশরীরে অভিনিবেশ।

একটি প্রকাণ্ড বিষধর সর্প গহ্বর হইতে বহির্গত হইয়া চলিয়া গেল।  
তদর্শনে উপস্থিত ব্যক্তিবৃন্দ নিরতিশয় আশ্চর্যান্বিত হইলেন।

একদিন কোন গৃহস্থের ভবনে ডঙ্ক নামক ঐন্দ্রজালিক ইন্দ্রজাল বিস্তার পূর্বক  
ক্রীড়া করিতেছিল। সে ক্রীড়া করিতে করিতে কালিয়দমন বিষয়ক গীত গাইতে  
লাগিল। ঐ সময় হরিদাসঠাকুর যদৃচ্ছাক্রমে ঐ স্থানে উপস্থিত হইয়া ডঙ্কের সেই  
লীলাগীত শ্রবণে প্রেমাবেশে নৃত্য করিতে লাগিলেন। তিনি কিয়ৎক্ষণ নৃত্য করিতে  
করিতে মূর্ছিত ও ভূতলে পতিত হইলেন। দর্শকবৃন্দ তাঁহার চরণের ধূলিকণা  
গ্রহণ করিতে লাগিলেন। তদর্শনে এক ভণ্ড ব্রাহ্মণ হরিদাসঠাকুরের অনুকরণপূর্বক  
নাচিতে নাচিতে ভূতলে পতিত হইল। হৃদয়ের সাক্ষী মুখ। ডঙ্ক মুখ দেখিয়াই  
ব্রাহ্মণের ভণ্ডতা বুঝিতে পারিল। সে বুঝিয়া উক্ত ভণ্ড ব্রাহ্মণকে সবলে বেত্রাঘাত  
করিল। ব্রাহ্মণ প্রহারে কাতর হইয়া ঐ স্থান হইতে উঠিয়া পলায়ন করিল।

তখন উপস্থিত দর্শকবৃন্দ ঐ ডঙ্ককে ব্রাহ্মণের প্রতি তাদৃশ ব্যবহারের কারণ  
জিজ্ঞাসা করিল। ডঙ্ক বলিতে লাগিল,—

“তোমরা যে জিজ্ঞাসিলা এ বড় রহস্য।  
যতপি অকথা ততো কহিব অবশ্য।  
হরিদাস ঠাকুরের দেখিয়া আবেশ।  
তোমরা যে ভক্তি বড় করিলা বিশেষ।  
তাহা দেখি ও ব্রাহ্মণ আহাৰ্য্য<sup>১</sup> করিয়া।  
পড়িলা মাৎসৰ্য্যবুদ্ধে<sup>২</sup> আছাড় খাইয়া।  
আমারো কি নৃত্যসুখ ভঙ্গ করিবারে।  
আহাৰ্য্যে মাৎসৰ্য্যে কোনো জন শক্তি ধরে।  
হরিদাস-সঙ্গে স্পর্ধা মিথ্যা করি করে।  
অতএব শাস্তি বহু করিল উহারে।  
বড় লোক করি লোকে জানুক আমারে।  
আপনারে প্রকটাই<sup>৩</sup> ধর্ম্য কর্ম্য করে।  
এ সকল দাস্তিকের কৃষ্ণপ্ৰীতি নাই।  
অকৈতব হইলে সে কৃষ্ণভক্তি পাই ॥”

(১) কপটতা

(২) পরস্পরিকাতরতা জানে

(৩) প্রচারের জন্ত

আর একদিন এক ব্রাহ্মণ হরিদাসঠাকুরকে উচ্চস্বরে হরিনাম করিতে শুনিয়া বলিলেন,—

“অয়ে হরিদাস একি ব্যাভার তোমার ।  
ডাকিয়া যে নাম লহ কি হেতু ইহার ।  
মনে মনে জপিবা এই সে ধর্ম হয় ।  
ডাকিয়া লইতে নাম কোন শাস্ত্রে কয় ॥”

হরিদাসঠাকুর বলিলেন,—

“উচ্চ করি লইলে শতগুণ পুণ্য হয় ।  
দোষ ত না কহে শাস্ত্রে গুণ সে বর্ণয় ।  
পশু-পক্ষী-কীট-অর্ধদি বলিতে না পারে ।  
শুনিলে সে হরিনাম তারা সব তরে ।  
জপিলে সে কৃষ্ণনাম আপনে সে তরে ।  
উচ্চসঙ্কীর্ণনে পর-উপকার করে ॥”

ব্রাহ্মণ শুনিয়া হরিদাসঠাকুরকে নানা দুর্ভাক্য বলিতে বলিতে ঐ স্থান ত্যাগ করিলেন । তদনন্তর হরিদাসঠাকুর রামদাস নামক ব্রাহ্মণকে হরিনাম দ্বারা শক্তিসঞ্চার করিয়া প্রতিষ্ঠার ভয়ে ফুলিয়া ত্যাগ করিয়া কিছুদিন কুলীন গ্রামে যাইয়া বাস করেন । পরে তিনি শ্রীধাম নবদ্বীপে যাইয়া অদ্বৈতাচার্যের শরণ লয়েন । অদ্বৈতপ্রকাশ নামক গ্রন্থে লিখিত আছে, হরিদাসঠাকুর অদ্বৈতাচার্যের নিকট দীক্ষিতও হয়েন । দীক্ষার পর হরিদাসঠাকুর অদ্বৈতাচার্যের সঙ্গে সঙ্গেই থাকিতেন এবং তাঁহারই বাটীতে প্রসাদ পাইতেন । অদ্বৈতাচার্য শান্তিপুরের বাটীতে গমন করিলে হরিদাসঠাকুরও তাঁহার সহিত শান্তিপুরেই গমন করিতেন । আবার তিনি যখন নদীয়ায় আসিতেন, হরিদাসঠাকুরও তাঁহার সহিত নদীয়াতেই আগমন করিতেন ।

একদিন সপ্তগ্রামের গোবর্দ্ধনদাসের পুরোহিত বলরাম আচার্য্য অনেক অনুরোধ করিয়া হরিদাসঠাকুরকে নিজের বাটীতে লইয়া গেলেন । ঐ সময়ে বলরাম আচার্য্য হরিদাসঠাকুরকে একদিন গোবর্দ্ধনদাসের বাটীতেও লইয়া যান । হরিদাসঠাকুরকে দেখিয়া গোবর্দ্ধনদাসের সভাসদগণ হরিদাসঠাকুরের প্রশংসার সহিত শ্রীহরিনামের মাহাত্ম্য কীর্তনে প্রবৃত্ত হয়েন । নাম

মাহাত্ম্য শ্রবণে আনন্দিত হইয়া হরিদাসঠাকুর নিম্নলিখিত শ্লোকটি পাঠ করিলেন—

“অজঘঃ সংহরদখিলং সক্রুদ্ধদয়াদেব সকলজোকশ্চ ।

তরণিরিব তিমিরজলধিং জয়তি জগন্মঙ্গলং হরেনাম ॥” \* ( পদ্মাবল্যাম্ )

নামের উদয়মাত্র সকল পাপের ক্ষয় হয়, এই কথা, সত্যস্ব গোপাল চক্রবর্তী নামক ব্যক্তিবিশেষের অসহ হইল। তিনি হঠাৎ বলিয়া উঠিলেন, “এই কথা যদি সত্য হয়, তবে আমার নাক কাটা যাইবে। হরিদাসঠাকুর সকল সহ করিতে পারেন, কিন্তু নামের নিন্দা সহ করিতে পারেন না, সুতরাং তিনিও বলিলেন, “এই কথা যদি মিথ্যা হয়, তবে আমার নাক নষ্ট হইবে।” এই কথা বলিয়াই হরিদাসঠাকুর সপ্তগ্রাম ত্যাগ করিলেন। লিখিত আছে, অল্পদিনের মধ্যেই কুষ্ঠরোগে ঐ ব্রাহ্মণের নাসিকা নষ্ট হইয়া যায়।

### গয়াধাম যাত্রা

হরিদাসঠাকুর যখন আপনমনে কখন নদীয়ায় কখন শান্তিপুরে নামসঙ্কীর্ণন প্রচার করিতেছেন, সেই সময়েই শ্রীগোরাঙ্গ জীবকে প্রেমভক্তি প্রদান করিতে অভিলাষী হইয়া, কার্যক্ষেত্রে অবতরণের পূর্বে, একবার গয়াধামগমনের বিশেষ প্রয়োজন বোধ করিলেন। পরে তিনি তীর্থযাত্রার উপযোগী নৈমিত্তিক কর্ম সকল সমাধানপূর্বক জননীর অনুমতি লইয়া মেসো চন্দ্রশেখর আচার্য্য ও কতিপয় শিষ্যের সমভিব্যাহারে গয়াধামের অভিমুখে যাত্রা করিলেন। তিনি শিষ্যগণকে উপদেশ প্রদান ও শাস্ত্রালাপ করিতে করিতে পরমসুখে পথ অতিক্রম করিতে লাগিলেন। লিখিত আছে, একদিন একস্থানে মৃগমিথুনের বিহারদর্শনে শিষ্যদিগকে লক্ষ্য করিয়া বলিলেন,—

“লোভ মোহ কাম ক্রোধে মত্ত পশুগণ ।

কৃষ্ণ না ভজিলে এইমত সর্বজন ॥”

এইরূপে শ্রীগোরাঙ্গ নানাস্থান ভ্রমণ করিতে করিতে বঙ্গদেশের সীমা অতিক্রম পূর্বক ভাগলপুর অঞ্চলের অন্তর্গত মন্দারপর্বতে উপনীত হইলেন।

\* সূর্য্য, উদয়ের সঙ্গে সঙ্গেই যে রূপ নিখিল অন্ধকার নিরাস করে, সেইরূপ জগন্মঙ্গল শ্রীহরিনাম একবার মাত্র উচ্চারণের সঙ্গে সঙ্গেই লোকসমূহের অধিলপাপ সংহার করে। এতাদৃশ শ্রীহরিনাম জয়যুক্ত হউক।

ঐ স্থানে শ্রীমধুসূদনবিগ্রহ দর্শন করিয়া তিনি এক ব্রাহ্মণের গৃহে বাস করিলেন। এই অঞ্চলের ব্রাহ্মণদিগের আচার ব্যবহার বঙ্গদেশের ছায় নহে। বাদালীরা এইরূপ আচার ব্যবহারকে অনাচার মনে করেন। সুতরাং অনাচারীর গৃহে বাস করায় শ্রীগৌরাজের সঙ্গিগণ তাঁহাকেও অনাচারী বিবেচনা করিলেন। অস্বামী শ্রীগৌরাজ তাঁহাদিগের সেই অস্বরের ভাব বিদিত হইয়া তাঁহাদিগকে শিক্ষা দিবার নিমিত্ত এমন একটি কৌশল উদ্ভাবন করিলেন যে, আর কাহারও তাঁহাকে অনাচারী মনে করিবার সামর্থ্য হইল না। তিনি অকস্মাৎ নিজদেহে জ্বর প্রকাশ করিলেন। পথের মধ্যে জ্বর প্রকাশ হওয়ায়, তাঁহার সঙ্গিগণ বিশেষ চিন্তাশ্রিত হইলেন। তাঁহারা একস্থানে থাকিয়া তাঁহার সেই জ্বরের প্রতীকারের জন্য সাধ্যমত চেষ্টা করিতে লাগিলেন, কিন্তু কিছুতেই জ্বরের বিরাম হইল না। তখন শ্রীগৌরাজ স্বয়ংই এক অদ্ভুত ঔষধের ব্যবস্থা করিলেন। ঐ ঔষধ আর কিছুই নয়, কেবল বিপ্রপাদোদক'। বিপ্রপাদোদক গ্রহণ করাতেই তাঁহার

(১) অতিশুষ্টি ও সনাচারসঙ্গত বলিয়া ব্রাহ্মণজাতির যে মর্যাদা অনাদিকাল হইতে প্রবাহরূপে চলিয়া আসিতেছে ব্রহ্মণ্যদেব শ্রীগৌরাজ বিপ্রপাদোদক পান দ্বারা জ্বরানোদনচ্ছলে সেই ব্রাহ্মণমর্যাদা স্থাপন করিলেন। এস্থলে পাঠকবর্গের সহজে বোধের নিমিত্ত নিম্নে কতিপয় প্রশ্ন প্রশিক্ষিত হইল।

- ১। “ব্রাহ্মণৈঃ পূজিতৈরেব হরিঃ সম্পূজিতো ভবেৎ ।  
নির্ভৎসিতৈস্তু তৈতু প ভবেন্নির্ভৎসিতো বিভূঃ ॥
- ২। নিগমো ধর্মশাস্ত্রঞ্চ যদাধারেণ বর্ততে ।  
স দ্বিজো বৈষ্ণবীমূর্ত্তিঃ কীর্ত্তিতঃ পাবনো নৃণাম্ ॥
- ৩। “সর্বং শুভং জগতি ধর্মতএব লভ্যং  
ধর্মো গতির্নিগমতো নৃপ ধর্মশাস্ত্রাৎ ।  
ন্যনং তয়োরপি গতিভূবি ভূমিদেবা  
স্বৈরর্চিতৈরিহ জগৎপতিরর্চিতঃ শ্রাৎ ॥
- ৪। ন যজ্ঞদাত্নৈন তপোভিরুগ্রৈ  
ন যোগযুক্ত্যা ন সমর্চনেন ।  
তথা হরিস্তুষ্টি দেবদেবো,  
যথা মহীদৈবততোষণেন ॥ পদ্মপুরাণ ।
- ৫। “জন্মনৈব মহাভাগো ব্রাহ্মণো নাম জায়তে ।  
নমস্তঃ সর্বভূতানামতিথিঃ প্রসূতাগ্রভূক্ ॥

জরের বিরাম হইল। তাঁহাকে কেবল বিপ্রপাদোদক গ্রহণ দ্বারা জর হইতে মুক্তিলাভ করিতে দেখিয়া তাঁহার সঙ্গিগণ যথেষ্ট শিক্ষালাভ করিলেন। তাঁহারা বুঝিলেন, ব্রাহ্মণের বাহু আচার যত কেন দূষিত হউক না, তিনি কখনই অবজ্ঞাস্পদ হইতে পারেন না, বাহু অনাচার দ্বারা সূক্ষ্মশরীরের দোষ যাটিলেও তদন্তর্কর্তী সূক্ষ্মশরীরের দোষ হইতে পারে না। শ্রীগোবিন্দ এইরূপে

- ৬। 'ব্রাহ্মণো জন্মনা শ্রেয়ান্ সর্বেষাং প্রাণিনামিহ ।  
তপসা বিদ্যা তুষ্ঠ্যা কিমু মৎকলয়াযুতঃ ॥
- ৭। ন ব্রাহ্মণান্মে দয়িতং রূপমেতচ্চতুর্ভুজম্ ।  
সর্ববেদময়ো বিপ্রো সর্বদেবময়ো হুহম্ ॥
- ৮। দুস্প্রজ্ঞা অবিদিত্বেবমবজানন্ত্যসুয়বঃ ।  
গুরুং মাং বিপ্রমাত্মানমর্চ্ছাদাবিজ্যাদৃষ্টয়ঃ ॥ ভা ১০।৮৬।৫৩-৫৫)
- ৯। বিপ্রপাদোদকং যস্ত কণমাত্রং বহেদ্ বৃধঃ ।  
দেহস্থং পাতকং তস্য সর্বমেবাশু নশ্বতি ॥
- ১০। ক্ষয়াজ্ঞা ব্যাধয়ঃ সর্বে পরমক্লেশদায়কাঃ ।  
গচ্ছন্তি বিলয়ং সত্তো বিপ্রপাদাম্বুভক্ষনাৎ ॥
- ১১। সর্বেহপি ব্রাহ্মণাঃ শ্রেষ্ঠাঃ পূজনীয়া সর্দৈবহি ।  
অবিজ্ঞা বা সবিজ্ঞা বা নাত্র কার্য্য বিচারণাঃ ॥
- ১২। "বিপ্রপাদোদকক্রিয়ং যশ্চ তিষ্ঠতি বৈ শিরঃ ।  
তশ্চ ভাগীরথীস্নানমহুহনি জায়তে ॥
- ১৩। বিষ্ণুপাদোদকাৎপূর্বং বিপ্রপাদোদকং পিবেৎ ।  
বিরুদ্ধমাচরন্ মোহাদ্ ব্রহ্মহা স নিগততে ॥
- হরিভক্তিবিলাসায়বিলাসধৃত গোতমীরভক্তে ।
- ১৪। যেষাং বিভ্রম্যাহমখণ্ডবিকুঠযোগ  
নায়্যবিভূতিরমলাজিহ্বরজঃ কিরীটেঃ ।  
বিপ্রান্ হু কো ন বিবহেত যদর্হগাস্তঃ,  
সত্তঃ পুনতি সহচন্দ্রললামলোকান্ ॥ ভা ১৩।১৭।৯।
- ১৫। ন ব্রাহ্মণৈস্তুলয়ে ভূতমশ্বৎ  
পশ্যামি বিপ্রাঃ ক্ষিমতঃ পরং হু ।  
যস্মিন্ নৃভিঃ প্রহৃতং শ্রদ্ধয়াহ-  
মস্মামি কামং ন তথাগ্নিহোত্রে ॥ ভা ১৫।৫।২৬)
- ১৬। 'ব্রাহ্মণা জন্মং তীর্থং সর্বজ্ঞং সর্বকামিকম্ ।  
যেবাম্ বাক্যোদকেনৈব শুধ্যন্তি মলিনা জনাঃ ॥

শিষ্যদিগকে ব্রাহ্মণের স্বাভাবিকী পবিত্রতার বিষয় শিক্ষা দিয়া পুনর্বার যাত্রা করিলেন এবং কয়েকদিবসের মধ্যেই গঙ্গাধামে পৌঁছিলেন ।

শ্রীগৌরাজ গঙ্গাধামে প্রবিষ্ট হইয়া প্রথমতঃ শ্রীধামকে প্রণাম করিলেন । পরে ব্রহ্মকুণ্ডে যাইয়া স্নান করিলেন । তদনন্তর বিষ্ণুপাদপদ্মদর্শনার্থ গমন করিলেন । তিনি শ্রীমন্দিরে যাইয়া দেখিলেন, নানাদেশীয় বিপ্রগণ বিষ্ণুপাদপদ্ম পূজা করিতেছেন । কেহ বা পিণ্ডদান করিতেছেন । কেহ কেহ বা পাদপদ্মের মাহাত্ম্য পাঠ করিতেছেন । শ্রীপাদপদ্মের সেই পঠিত মাহাত্ম্য শ্রবণ করিতে করিতে তাঁহার অদ্ভুত প্রেমাবেশ হইল । হৃদয়ে অশ্রুধারা প্রবাহিত হইতে লাগিল । ক্রমে কম্পপুলকাদি সাত্ত্বিক ভাব সকলও প্রকটিত হইল । দর্শকবৃন্দ তাঁহার ভাব দেখিয়া অতীব বিস্ময়ান্বিত হইলেন । শেষে তিনি প্রেম-বিহ্বল হইয়া অনিমিষনয়নে শ্রীপাদপদ্মের মকরন্দ পান করিতে করিতে বিবশ-ভাবে পতিতপ্রায় হইলেন । তখন উপস্থিত দর্শকবৃন্দের মধ্যে যদৃচ্ছাক্রমে সমাগত

১। রাজন্! ব্রাহ্মণের পূজা করিলেই শ্রীহরির পূজা করা হয় । ব্রাহ্মণকে তিরস্কার করিলে শ্রীহরিকে তিরস্কার করা হয় । ২। নিগম ও ধর্মশাস্ত্র যে আধারে বর্তমান সেই লোকপাবন ব্রাহ্মণ বৈষ্ণবীমূর্ত্তি বলিয়া কীর্তিত হইলেন । ৩। এই জগতে একমাত্র ধর্ম হইতেই সর্বপ্রকার শুভ লাভ হইয়া থাকে । হে নৃপ! সেই ধর্ম আবার নিগম ও ধর্মশাস্ত্র হইতে অবগত হওয়া যায় । এই জগতে বেদ ও ধর্ম এতদুভয়ের একমাত্র আশ্রয় ব্রাহ্মণ । সেই ব্রাহ্মণের অর্চনা করিলে জগৎপতি শ্রীহরির অর্চনা করা হয় । ৪। যজ্ঞ, দান, কঠোরতপস্যা, অষ্টাঙ্গযোগ ও অর্চনা দ্বারা শ্রীহরি তাদৃশ তুষ্ট হইলেন না—ব্রাহ্মণের তুষ্টিতে দেবদেব শ্রীহরি ষাদৃশ তুষ্ট হন । ৫। মহাভাগ! ব্রাহ্মণ জন্ম মাত্রেই সর্বভূতের নমস্কে ও সুপক অন্নাদির প্রথম ভোক্তা অতিথিস্বরূপ । ৬। এই জগতে ব্রাহ্মণ জন্মমাত্রে সর্ববর্ণের মধ্যে শ্রেষ্ঠ ও সর্ব প্রাণীর পূজ্য । তন্মধ্যে আবার যিনি তপস্বী, শাস্ত্রজ্ঞ, যদৃচ্ছালাভসমুপ্ত ও ভগবন্তুক্ত তাহার কথা বলা বাহুল্য । ৭। ব্রাহ্মণমূর্ত্তি অপেক্ষা আমার চতুর্ভুজ মূর্ত্তিও প্রিয় নহে । ব্রাহ্মণ সর্ববেদময় ও আমি সর্বদেবময় । ৮। দুর্বুদ্ধি ব্যক্তিগণ উক্ত ব্রাহ্মণের মাহাত্ম্য না জানিয়া দোষদর্শী হইয়াও কেবল প্রতিমাদিতে পূজ্যত্ব বুদ্ধি করিয়া সর্ববর্ণের গুণ ও মদাস্বক ব্রাহ্মণের প্রতি অবজ্ঞা করিয়া থাকে । ৯। যে বুদ্ধিমান ব্যক্তি ব্রাহ্মণের পাদোদক কণামাত্র ধারণ করে তাহার দেহস্থ সকল পাতক শীঘ্রই নষ্ট হয় । ১০। পরম ক্লেশদায়ক ক্ষয়াদি সর্বপ্রকার ব্যাধি বিপ্রপাদোদক পান দ্বারা বিনষ্ট হয় । ১১। বিজ্ঞানী বা বিদ্বান্ সকল ব্রাহ্মণই শ্রেষ্ঠ ও পূজনীয় । এ বিষয়ে বিচার নিশ্চয়োজন । ১২। বিপ্রপাদোদক দ্বারা যাহার শিরোদেশ ক্লিন্ন হয় তাহার প্রত্যহ গঙ্গাস্নানের ফললাভ হইয়া থাকে । ১৩। বিষ্ণুপাদোদক পানের পূর্বে বিপ্রপাদোদক পান করিবে । যে ব্যক্তি মোহবশতঃ তাহার অন্তথাচরণ করে সে ব্রহ্মঘাতী বলিয়া কথিত হইয়া থাকে । ১৪। হে মুনিগণ! আমার পবিত্র পাদোদক চল্লিশের মহাদেব হইতে চতুর্দশ ভুবন পর্যন্ত সকলকে সন্ত পবিত্র করে, সেই অসীম ও অপ্রতিহতযোগমারা বৈভবশালী বৈকুণ্ঠাধিপতি আমি জগৎ-

শ্রীপাদ ঈশ্বরপুরী ভিন্ন অপর কেহই তাঁহাকে ধারণ করিতে সাহস করিলেন না। ঈশ্বরপুরী শ্রীগৌরাক্ষকে ধরিয়া প্রকৃতিস্থ করিলেন। শ্রীগৌরাক্ষ তাঁহাকে দেখিয়া প্রণাম করিতে গেলেন। পুরীগোসাঁই শ্রীগৌরাক্ষকে ধরিয়া আলিঙ্গন দিলেন। উভয়েই উভয়ের কলেবরস্পর্শে শিথিলাঙ্গ হইলেন। অনন্তর শ্রীগৌর-চন্দ্র ধৈর্য্যাবলম্বন পূর্বক পুরীগোসাঁইকে বলিলেন, “আজ আমার গয়াযাত্রা সফল হইল; শ্রীপাদের চরণদর্শনে কৃতার্থ হইলাম; এই দেহ ঐ চরণেই সমর্পিত হইল। শ্রীপাদ আমাকে কৃষ্ণপাদপদ্মের অমৃতরস পান করাইবেন।” পুরীগোসাঁই বলিলেন,—“পণ্ডিত, আমি সত্য বলিতেছি, তোমাকে দেখিলে বিশেষ সুখ পাইয়া থাকি। নদীরায় দর্শনাবধি তুমি আমার হৃদয় অধিকার করিয়াছ। তোমার দর্শনে আমার কৃষ্ণদর্শনের আনন্দ লাভ হইয়াছে।” শ্রীগৌরাক্ষ হাসিয়া বলিলেন, “আমার ভাগ্য মনে করি।”

এই প্রকার কথোপকথনের পর, শ্রীগৌরাক্ষ পুরীগোসাঁইর অনুমতি লইয়া তীর্থশ্রাদ্ধ করিতে গমন করিলেন। তিনি সর্বাগ্রে ফল্গুতীর্থে, পরে ক্রমান্বয়ে প্রেতগয়ায়, দক্ষিণমানসে, রামগয়ায়, যুধিষ্ঠিরগয়ায়, উত্তরমানসে, ভীমগয়ায়, শিবগয়ায়, ব্রহ্মগয়ায় ও ষোড়শগয়ায় শ্রাদ্ধ করিয়া, পুনশ্চ ব্রহ্মকুণ্ডে অবগাহন করিলেন। পিণ্ডদানের পর, পুষ্প চন্দন ও মালাদি উপহার দ্বারা বিষ্ণুপদের পূজা এবং দক্ষিণাদি দ্বারা ব্রাহ্মণগণকে সন্তুষ্ট করিয়া বাসায় গমন করিলেন।

পাবন হইয়াও যে ব্রাহ্মণের পাদপদ্মের ধূলি মস্তকস্থ মুকুটদ্বারা ধারণ করি, সেই ব্রাহ্মণ অনিষ্টকারী হইলেও কোন্ ব্যক্তি তাহা সহ না করিবে? ১৫। হে বিপ্রগণ! আমি ব্রাহ্মণের সহিত কোন প্রাণীর তুলনা করি না বা ব্রাহ্মণ হইতে কাহাকেও শ্রেষ্ঠ দেখি না; যেহেতু ব্রাহ্মণের মুখে শ্রদ্ধাপূর্বক আহুতি প্রদান করিলে তদ্বারা আমার যেরূপ তৃপ্তি হয়, অগ্নিহোত্র যজ্ঞে আহুতি প্রদান করিলেও আমার সেরূপ তৃপ্তি হয় না। ১৬। ব্রাহ্মণগণ সর্বজ্ঞ, সর্বাভিষ্টপ্রদ জন্মন তীর্থ। ইহাদিগের বাক্যোদকদ্বারা পাপিগণ পবিত্র হয়। বিদ্বান্ বা মূর্খ উভয়বিধ ব্রাহ্মণই আমার মূর্ত্তি।

“গুরৌ গোষ্ঠে গোষ্ঠালয়িষু সৃজনে ভূম্বরগণে

স্বমন্ত্রে শ্রীনাগ্নি ব্রহ্মনবযুববৃন্দশরণে।

সদা দম্ভংহিত্বা কুরু রতিমপূর্ব্বামতিতরা-

ময়ে স্বাস্ত্রত্রীতশ্চট্টভিরভিষাচে ধৃতপদঃ ॥

শ্রীরঘুনাথ গোস্বামী কৃত মনঃশিক্ষায়াং ১।

অরে ভ্রাতঃ মন, আমি তোমার পদ ধারণপূর্বক চাটুবাণ্য দ্বারা প্রার্থনা করিতেছি, তুমি দম্ভ পরিত্যাগ করিয়া শ্রীগুরুদেবে, ব্রজে, ব্রজবাসীসকলে, বৈষ্ণবজনে, ব্রাহ্মণগণে, স্বমন্ত্রে, শ্রীভগবন্নামে এবং শ্রীরাধাকৃষ্ণকে সর্বদা অপূর্ব্বা রতি কর।



বাসায় আসিয়া হবিষ্যন্ন পাক করিতে প্রবৃত্ত হইলেন। রন্ধন প্রায় শেষ হয়, এমন সময়ে হরিনাম গান করিতে করিতে হঠাৎ ঈশ্বরপুরী আসিয়া উপস্থিত হইলেন। শ্রীগৌরাজ পুরীগোসাঁইকে দেখিয়া যথোচিত সাদর-সম্ভাষণ-সহকারে বসিতে আসন প্রদান করিলেন। পুরীগোসাঁই আসন গ্রহণ করিয়া হাসিতে হাসিতে বলিলেন, “আমি ঠিক সময়েই উপস্থিত হইয়াছি। আমিও ক্ষুধার্ত, তোমারও পাক প্রস্তুতপ্রায়।” শ্রীগৌরাজ শুনিয়া বলিলেন, আমার পরম সৌভাগ্য, আপনি এইস্থানে অন্ন ভিক্ষা করিবেন।” তখন পুরীগোসাঁই বলিলেন, “তুমি কি খাইবে?” শ্রীগৌরাজ বলিলেন, “আমি পুনর্বার পাক করিব।” পুরীগোসাঁই বলিলেন, “আর রন্ধনের কি কাজ, যাহা রন্ধন করিয়াছ তাহাই ছুই জনে খাইব।” শ্রীগৌরাজ বলিলেন, “তাহা হইতে পারে না, যাহা রন্ধন হইল, তাহা আপনি ভোজন করুন, আমি সত্বর আমার মত পাক করিয়া লইতেছি।” এই কথা বলিয়া, তিনি যাহা পাক করিয়াছিলেন, তাহা পুরীগোসাঁইকে দিয়া পুনশ্চ নিজের মত পাক করিয়া লইলেন। সেদিন এইরূপেই কাটিয়া গেল। অপর একদিন শ্রীগৌরাজ ঈশ্বরপুরীকে নিভূতে পাইয়া তাঁহার নিকট মন্ত্রদীক্ষা প্রার্থনা করিলেন। যদিও তিনি স্বয়ং শ্রীভগবান, যদিও তিনি স্বয়ংই উপদেশামৃত বিতরণ দ্বারা জীবনিস্তারের নিমিত্ত আচার্য্যরূপে ধরাধামে অবতীর্ণ হইয়াছেন, তথাপি আজ ‘লোকশিক্ষার্থ ও শাস্ত্রমর্যাদাসংরক্ষণার্থ শ্রীপাদ ঈশ্বরপুরীর নিকট দীক্ষা’ প্রার্থনা করিলেন। ঈশ্বরপুরী বলিলেন,

(১) শ্রুতি ও স্মৃতি শ্রীভগবদাজ্ঞা। পরমকারুণিক ভগবান্ অবতারকালে লোকশিক্ষার্থ উক্ত শাস্ত্র—মর্যাদা রক্ষা করিয়া জগতের কল্যাণ বিধান করেন। দীক্ষা গ্রহণ যে অত্যাবশ্যকীয় সেবিষয়ে কতিপয় শাস্ত্রীয় প্রমাণ নিয়ে প্রদর্শিত হইল।

দীক্ষা লক্ষণম্।

“দিব্যং জ্ঞানং যতো দত্তাৎ কুর্যাৎ পাপস্ত সংকরম্।

তস্মাদ্ দীক্ষতি সা প্রোক্তা দেশিকৈস্তত্ত্বকোবিদৈঃ ॥

হরিভক্তিবিলাসধৃত-বিষ্ণুযামলে।

যেহেতু ( ইহা ) মন্ত্র ও দেবতার অশ্বেদজ্ঞান এবং শ্রীভগবানের সহিত সম্বন্ধবিশেষদিব্যজ্ঞান প্রদান করে এবং অতিপাতক ও মহাপাতকাদি পাপরাশি বিনাশ করে এইজন্য তত্ত্বজ্ঞ আচার্য্যগণ ইহার ‘দীক্ষা’ এই নাম নির্দেশ করিয়াছেন।

দীক্ষামাহাত্ম্যম্।

“যথা কাঞ্চনতাং যাতি কাংশ্চং রসবিধানতঃ।

তথা দীক্ষাবিধানেন দ্বিজস্বং জায়তে নৃণাম্।

তত্ত্বসাগরে।

“পণ্ডিত, মন্ত্র কোন্ কথা, আমি তোমাকে প্রাণ পর্যন্ত প্রদান করিতে পারি।”  
এই কথা বলিয়া তিনি যজ্ঞিতের স্তায়, মন্ত্রমুণ্ডের স্তায়, তখনই শ্রীগৌরাজকে

যেমন যথাবিধানে পারদের সংযোগে কাংশু ও সূবর্ণতা প্রাপ্ত হয়, সেইরূপ দীক্ষাবিধি দ্বারা নরগণের দৈক্ষ্যজন্মরূপ দ্বিজত্ব উৎপন্ন হয়। ব্রাহ্মণ জাতির শৌক্য, সাবিত্র্য ও যাজ্ঞিক বা দৈক্ষ্য এই ত্রিবিধ জন্ম। তন্মধ্যে পিতা হইতে শৌক্য, উপনয়ন দ্বারা সাবিত্র্য এবং দীক্ষা দ্বারা দৈক্ষ্য জন্ম হইয়া থাকে। যাহাদের উপনয়ন দ্বারা দ্বিজত্বে অধিকার নাই তাহাদেরও দীক্ষা দ্বারা যাজ্ঞিক দ্বিজত্ব উৎপন্ন হয় ইহাই এ স্থলে দ্বিজত্বের তাৎপর্য। এই দৈক্ষ্য দ্বিজত্ব ব্রাহ্মণাদিবর্ণের বোধক উপনয়নজন্ম দ্বিজত্ব নহে। শৌক্য জন্মের পর উপনয়নজন্ম দ্বিজত্বের অধিকার না থাকিলেও দৈক্ষ্যরূপ দ্বিজত্ব লাভ করিয়াও দেবার্চনাদিতে অধিকারী হওয়া যায় ইহাই বুঝিতে হইবে।

“আচার্য্যবান্ পুরুষো বেদ” বৃহদারণ্যক উ

“তদ্বিজ্ঞানার্থং স গুরুমেবাভিগচ্ছেৎ, সমিৎপাণিঃ শ্রোত্রিয়ঃ ব্রহ্মনিষ্ঠম্।”

মুণ্ডক উ।১।২।১২।

“তস্মাদগুরুং প্রপন্নেত জিজ্ঞাস্তু শ্রেয় উত্তমম্।

শাস্ত্রে পরেচ নিষাতং ব্রহ্মন্যুপশমাশ্রয়ম্ ॥ ভা।১।৩।২১।

“লক্ষানুগ্রহ আচার্য্যাতেন সন্দর্শিতাগমঃ ॥

মহাপুরুষমভ্যর্চেন্ম্ভ্যভিমতয়ায়নঃ ॥ ভা।১।৩।৪৮।

“অনাথবিদ্যায়ুক্তস্ত পুরুষস্যাত্মবেদনম্।

স্বতো ন সম্ভবেদাত্মস্বজ্ঞো জ্ঞানদো ভবেৎ ॥ ভা।১।২২।১০।

“বৈদিকী তান্ত্রিকী দীক্ষা মদীয়ত্রতধারণম্ ॥ ভা।১।১।৩৭।

“দেবি দীক্ষাবিহীনস্ত নসিদ্ধিন্চ সদগতিঃ।

তস্মাৎ সর্বপ্রযত্নেন গুরুণা দীক্ষিতোভবেৎ ॥

তথাদীক্ষিতলোকানাং অন্নং বিন্ম্ভ্রবজ্জলম্ ॥

অদীক্ষিতকৃতং শ্রদ্ধাং গৃহীত্বা পিতরস্তথা।

নরকেচ পতন্ত্যেতে যাবিদিত্বাশ্চতুর্দশ ॥

মহশ্চৈরূপচারৈশ্চ ভক্তিযুক্তো যজেদ্ যদি।

তথাপ্যদীক্ষিতস্তার্চা দেবাগৃহন্তি নৈবহি ॥

নাদীক্ষিতস্ত কার্য্যং স্ত্রান্তপোভিনিয়ম ব্রতৈঃ।

ন তীর্থগমনেনাপি ন চ শারীরযজ্ঞৈঃ ॥

সদগুরোরাহিতদীক্ষঃ সর্বকর্মাণিসাধয়েৎ ॥ তন্ত্রে।

“দ্বিজানামনুপেতানাং স্বকর্মাধ্যয়নাদিষু।

যথাধিকারো নাস্তীহ স্ত্রাচ্চোপনয়নাদনু ॥

তথাত্মাদীক্ষিতানাঙ্ক মন্ত্রদেবার্চনাদিষু।

নাধিকারোহস্ত্যতঃ কুর্য্যাদাত্মানং শিবসংস্কৃতম্ ॥

হরিতত্ত্ববিলাসধৃততন্ত্রে।

দশাক্ষর মহামন্ত্র\* উপদেশ করিলেন। শ্রীগৌরাক্ষর দীক্ষালাভের পর পুরীগোসাঁইর চরণ ধারণ পূর্বক প্রণাম করিলেন। পুরীগোসাঁই তাঁহাকে হৃদয়ে ধরিয়া আলিঙ্গন দিলেন। প্রেমাশ্রুধারাদ্বারা উভয়েই উভয়কে অভিষিক্ত করিয়া পরস্পর বিদায় গ্রহণ করিলেন। শ্রীপাদ ঈশ্বরপুরী গয়া হইতে শ্রীবৃন্দাবন গমন করিলেন। তাঁহার সহিত শ্রীগৌরাক্ষরের এই শেষ দেখা হইল। শ্রীগৌরাক্ষর পুরীগোসাঁইর নিকট বিদায় লইয়া নবদ্বীপাভিমুখে যাত্রা করিলেন। তিনি

“অদীক্ষিতশ্চ বামোরু ! কৃতং সর্বং নিরর্থকম্ ।

পশুযোনিমবাপ্নোতি দীক্ষাবিরহিতো জনঃ ॥

বিষ্ণুসামলে ।

আচার্য্যবান অর্থাৎ গুরুরূপ সম্পত্তি যাহার আছে তিনিই পরমেশ্বরকে অবগত হন ।

পরমব্রহ্ম বিজ্ঞানার্থ সমিৎপাণি হইয়া ব্রহ্মনিষ্ঠ সদগুরুর শরণাপন্ন হইবে ।

(যেহেতু ঐহিক ও পারজিক ভোগমাত্রই দুঃখপ্রদ) সূতরাং উত্তমশ্রেয়ঃ জানিবার অভিলাষী ব্যক্তি বেদাধ্য শব্দব্রহ্মজ্ঞ ও পরব্রহ্মশ্রীকৃষ্ণে ভক্তিপরায়ণ এবং ক্রোধলোভাদির অবশীভূত গুরুদেবের আশ্রয় লইবে ।

শ্রীগুরুর নিকট দীক্ষালাভ করিয়া তিনি যেরূপ পূজার প্রণালী প্রদর্শন করেন সেইরূপে নিজ অভিমত মূর্তিতে শ্রীকৃষ্ণের অর্চনা করিবে ।

অনাদি অবিজ্ঞায়ুক্ত পুরুষের আপনা হইতে আত্মজ্ঞানোদয় সম্ভব নয় । সূতরাং কোনও তত্ত্বজ্ঞ আচার্য্য তাহাকে জ্ঞানোপদেশ দিবেন ।

বৈদিকী ও তান্ত্রিকী দীক্ষা গ্রহণ করিবে ও আমার একাদশী, সন্ন্যাসিনী প্রভৃতি ব্রতের অনুষ্ঠান করিবে ।

হে দেবি ! দীক্ষাবিহীন ব্যক্তির সিদ্ধি ও সদগতি হয় না । অতএব পরম যত্ন সহকারে গুরুদ্বারা দীক্ষিত হইবে । অদীক্ষিত ব্যক্তির অন্ন বিষ্ঠা ও জল মূত্রের স্থায় ।

পিতৃগণ অদীক্ষিত ব্যক্তির শ্রাদ্ধ গ্রহণ করিলে কল্প কাল পর্য্যন্ত নরকে পতিত হন ।

অদীক্ষিত ব্যক্তি ভক্তি সহকারে সহস্র উপচার দ্বারা দেবতার পূজা করিলেও দেবতারা তাহা গ্রহণ করেন না ।

যেহেতু অদীক্ষিত ব্যক্তির তপস্বা, নিয়ম, ব্রত, তীর্থগমন, কায়ক্লেশকর প্রায়শ্চিত্তাদি করিবার যোগ্যতা নাই ; অতএব সদগুরুর নিকট দীক্ষিত হইয়া সর্বকর্মের অনুষ্ঠান করিবে ।

জগতে যেরূপ অনুপনীত স্বিজের স্বীয় কর্তব্যকর্ম বেদাধ্যয়নাদিতে অধিকার থাকে না সেইরূপ অদীক্ষিত ব্যক্তিদিগের মন্ত্র ও দেবতার্চনাদিতে অধিকার নাই । সূতরাং আত্মাকে দীক্ষিত করিবে ।

হে বামোরু ! অদীক্ষিত ব্যক্তি যে কোন কর্মেরই অনুষ্ঠান করে তাহাই বিফল হয় । দীক্ষা-বিহীন ব্যক্তি পশুযোনি প্রাপ্ত হয় ।

\* লুপ্তবীজ দশাক্ষর কিশোর গোপাল মন্ত্র ।

অল্পদিবসের মধ্যেই নির্বিঘ্নে গৃহে আসিয়া উপস্থিত হইলেন। তাঁহার অদর্শনে নদীয়ায় ভক্তগণ নির্জীবের ছায় অবস্থান করিতেছিলেন, এক্ষণে তাঁহাকে পাইয়া মেঘাগমে চাতকের ছায় পরম পরিতৃপ্তি লাভ করিলেন।

### ভাবান্তর

শ্রীগোরাঙ্গ গয়াক্ষেত্র হইতে প্রত্যাগত হইলেন। নদীয়া নগরে মহান্ আনন্দধ্বনি পড়িয়া গেল। তাঁহার আত্মীয়গণ আগমনসংবাদ পাইয়া তাঁহার সহিত সাক্ষাৎ করিবার নিমিত্ত আসিতে লাগিলেন। যাহার যেরূপ সম্বন্ধ, তিনি আসিয়া তদনুরূপ আশীর্বাদ বা অভিবাচনাদি প্রয়োগ করিতে লাগিলেন। শ্রীগোরাঙ্গের আগমনে শ্রীবিষ্ণুপ্রিয়াদেবীর পিতৃকুল পরমানন্দ লাভ করিলেন। পুত্রের শুভাগমনে শচীদেবী অনির্কচনীর্ আনন্দ অনুভব করিলেন। পতিমুখ-দর্শনে বিষ্ণুপ্রিয়াদেবীর সকল দুঃখ দূরীভূত হইল। শ্রীবৈষ্ণবকুল শ্রীগোরাঙ্গকে পুনঃ প্রাপ্ত হইয়া পরম প্রীতিমুখ অনুভব করিতে লাগিলেন।

বিদেশ হইতে প্রত্যাগত ব্যক্তির সচরাচর যেরূপ ঘটয়া থাকে, শ্রীগোরাঙ্গের তাহাই ঘটিল। তিনি বন্ধুবর্গের নিকট নিজ ভ্রমণবৃত্তান্ত, বিশেষতঃ গয়াক্ষেত্রের বৃত্তান্ত, বলিতে লাগিলেন। বৃত্তান্ত বলিবেন কি, তাঁহার আর পূর্বভাব নাই, তাঁহার সম্প্রতি ভাবান্তর ঘটিয়াছে। শ্রীবিষ্ণুপাদপদ্মের কথা বলিতে বলিতে তিনি শ্রীকৃষ্ণপ্রেমে বিহ্বল হইয়া পড়িলেন। কথা বন্ধ হইয়া গেল। শ্রীমান্ পণ্ডিত প্রভৃতি যাহারা কথা শুনিতেছিলেন, তাঁহারা শ্রীগোরাঙ্গের উক্ত অভিনব ভাব অবলোকন করিয়া চমৎকৃত হইলেন। শেষে যখন শ্রীগোরাঙ্গের বাহ্যদৃষ্টি হইল, তখন তিনি শ্রীমান্ পণ্ডিত প্রভৃতিকে বলিলেন, “আজ তোমরা নিজ নিজ গৃহে গমন কর, কল্যা প্রাতঃকালে শুক্লাশ্বর ব্রহ্মচারীর গৃহে আগমন করিও, সেই স্থানেই গয়াধামের বৃত্তান্ত বলিব।” তাঁহার কথা শুনিয়া শ্রীমান্ পণ্ডিত প্রভৃতি সেই দিবস গৃহে গমন করিলেন। তাঁহারা গমন করিলে, শ্রীগোরাঙ্গ জননী ও পত্নীর সহিত কৃষ্ণকথায় রাত্রি অতিবাহিত করিলেন।

পরদিন প্রত্যুষে শ্রীবাসপণ্ডিতের বহির্বাটীতে গদাধর, গোপীনাথ, রামাই ও শ্রীবাসপণ্ডিত প্রভৃতি পুষ্পচয়ন করিতেছেন, এমন সময়ে শ্রীমান্ পণ্ডিতও পুষ্পচয়নার্থ ঐ স্থানে গমন করিলেন। তিনি পুষ্পচয়ন করিতে করিতে পূর্বদিনের বৃত্তান্ত শ্রীবাসাদির নিকট বর্ণনা করিলেন। শ্রীবাসপণ্ডিত শ্রীমান্

পণ্ডিতের মুখে শ্রীগৌরাজের আকস্মিক ভাবান্তর শ্রবণে ‘আমাদিগের গোত্র-বৃদ্ধি হইল’ এই কথা বলিয়া বিশেষ আনন্দ প্রকাশ করিলেন; পরে তাঁহার সত্বর নিজ নিজ প্রাতঃকৃত্য সমাপনপূর্বক কথিত শুক্লাশ্বর ব্রহ্মচারীর আবাসে উপস্থিত হইলেন। শুক্লাশ্বর ব্রহ্মচারী একজন উদাসীন বৈষ্ণব। ইনি নানাভীর্ষ পর্যটন করিয়া পরিশেষে নবদ্বীপে গঙ্গাতীরে বাস করিতেছিলেন।

শ্রীমান্ পণ্ডিত প্রভৃতি শুক্লাশ্বর ব্রহ্মচারীর আবাসে যাইয়া শ্রীগৌরাজের পূর্বদিবসীয় ভাবান্তরের সমালোচনা করিতেছেন, এমন সময়ে তিনি ঐ স্থানে আগমন করিলেন। তাঁহাকে আসিতে দেখিয়া সকলেই পরম-সমাদর-সহকারে তাঁহার সম্ভাষণ করিলেন। শ্রীগৌরাজের কিন্তু বাহুদৃষ্টি নাই। তিনি সম্মুখে ভক্তগণকে দেখিয়া “হা কৃষ্ণ! কোথায় গেলে!” বলিয়া ভাবাবেশে ঘরের খুঁটি ধরিয়া ঐ খুঁটির সহিতই পড়িয়া গেলেন। ভক্তগণ শশব্যস্ত হইয়া তাঁহার মুচ্ছাপনোদনের নিমিত্ত যত্ন করিতে লাগিলেন। শ্রীগৌরাজ ভক্তগণের যত্নে ক্ষণকাল পরেই সংজ্ঞা লাভ করিলেন। কিন্তু ঐ সংজ্ঞা আবার লুপ্ত হইল। এইরূপ ক্ষণে সংজ্ঞালাভ করিতে লাগিলেন এবং ক্ষণে আবার নিঃসংজ্ঞ হইতে লাগিলেন। মধ্যে মধ্যে কৃষ্ণকথা বলিয়া রোদন করিতে লাগিলেন। এই প্রকারে দিবা প্রায় অবসান হইল। তখন তিনি কোনরূপে বিদায় লইয়া গৃহে গমন করিলেন। শ্রীমান্ পণ্ডিত প্রভৃতি সকলেই তাঁহার সেই অপূর্ব ভাবাবেশ দর্শনে অতীব বিস্মিত হইলেন। সেদিন এই ভাবেই চলিয়া গেল।

পরদিন শ্রীগৌরাজ গুরু গঙ্গাদাস পণ্ডিতের সহিত সাক্ষাৎ করিয়া তাঁহার চরণবন্দনা করিলেন। গুরুও তাঁহাকে আলিঙ্গন ও অভিনন্দন করিয়া পুনর্বার টোল খুলিয়া ছাত্রগণকে পড়াইবার কথা বলিয়া বিদায় করিলেন। শ্রীগৌরাজ গুরুর নিকট বিদায় লইয়া তাঁহার আজ্ঞানুসারে মুকুন্দসঙ্কয়ের বাটীতে যাইয়া টোল খুলিলেন। শিষ্যগণ আসিয়া তাঁহার চরণবন্দনা করিলেন। ঐ দিবস আর পাঠশালার কার্যারম্ভ হইল না। শ্রীগৌরাজ ‘কল্যা হইতে পাঠারম্ভ হইবে’ বলিয়া শিষ্যদিগকে আশীর্বাদপূর্বক বিদায় দিলেন।

পরদিন প্রত্যুষে শ্রীগৌরাজ পূর্ববৎ স্নানাদি প্রাতঃকৃত্যসকল সমাধানান্তর মুকুন্দসঙ্কয়ের বাটীতে যাইয়া চণ্ডীমণ্ডপে বসিলেন। শিষ্যগণও যথাসময়ে ঐ স্থানে আসিয়া উপস্থিত হইলেন। শ্রীগৌরাজ গুরু গঙ্গাদাস পণ্ডিতের অনুরোধে পাঠ পড়াইতে আরম্ভ করিলেন। কিন্তু পড়ান হইল না। কৃষ্ণ ও কৃষ্ণভক্তি ভিন্ন অপর কোন বিষয়ই স্মরিত হইল না, তদ্বিষয়িনী কথা ভিন্ন অপর কোন

কথাই মুখে আসিল না, সূতরাং অধ্যাপনার ব্যাঘাত হইল। সূত্র, 'টীকার প্রত্যেক অঙ্করেই শ্রীহরিনামের মাহাত্ম্য ব্যাখ্যা করিতে লাগিলেন। শেষে শ্রীগৌরাজ নিজেরই বলিলেন, 'ভাই সকল, আজ পুঁথি বন্ধ কর, কাল পাঠ পড়াইব।' শিষ্যগণ গুরুর আদেশমত পুস্তক বাঁধিলেন। শ্রীগৌরাজ শিষ্যগণকে বিদায় দিয়া গৃহে গমন করিলেন। গৃহে যাইয়া পত্নী ও জননীকে কৃষ্ণকথা শুনাইয়া সেদিনও অতিবাহিত করিলেন।

পরদিন আবার যথাসময়ে টোল খোলা হইল। শ্রীগৌরাজ আবার শিষ্যগণকে পড়াইতে বসিলেন। কিন্তু পূর্বদিনের মত সেদিনও পড়ান হইল না। কৃষ্ণ ও কৃষ্ণভক্তির ব্যাখ্যানেই সময় কাটিয়া গেল। শিষ্যগণ গুরুর বায়ুরোগ হইয়াছে ভাবিয়া বিষমমনে পুস্তক বাঁধিলেন। শ্রীগৌরাজ টোল ত্যাগ করিয়া এক নগরবাসীর দ্বারে আসিয়া উপবেশন করিলেন। ঐ স্থানে রত্নগর্ভ আচার্য্য নামক এক অতি ভাগ্যবান্ বৈষ্ণব পণ্ডিত শ্রীভাগবতপুরাণ পাঠ করিতেছিলেন। শ্রীগৌরাজ উপবিষ্ট হইয়া আচার্য্যকে দশমস্কন্ধের নিম্নলিখিত শ্লোকটি পাঠ করিতে লাগিলেন।

“শ্রামং হিরণ্যপরিধিং বনমালাবর্জ-  
ধাতুপ্রবালনটবেশমমুত্রতাংসে।  
বিন্ধ্যস্তহস্তমিতরেণ ধুনানমজ্জং  
কর্ণোৎপলালককপোলমুখাজ্জহাসম্ ॥”\*

শ্লোকটি কর্ণে প্রবিষ্ট হইবামাত্র শ্রীগৌরাজ ভাবাবেশে মূচ্ছিত ও ভূমিতলে পতিত হইলেন। সঙ্কের শিষ্যগণ তাঁহার সেই অদ্ভুত ভাবাবেশ দেখিয়া বিস্মিত হইলেন। ক্ষণপরে চৈতন্যোদ্বেক হইলে, তিনি আচার্য্যকে পুনশ্চ শ্লোকটি পাঠ করিতে লাগিলেন। আচার্য্য পুনর্বার শ্লোকটি পাঠ করিলেন। শ্রীগৌরাজ শ্লোক শুনিয়া পুনশ্চ সংজ্ঞাহীন হইলেন। তদর্শনে রত্নগর্ভ আচার্য্য আসন ত্যাগ পূর্বক শ্রীগৌরাজের নিকটে আগমন করিলেন। শ্রীগৌরাজ পুনঃ সংজ্ঞালাভ করিয়া সম্মুখবর্তী আচার্য্যকে আলিঙ্গন করিলেন। তাঁহার আলিঙ্গনে

\* ( শ্রীবৃষ্ণের ) কাঙ্ক্ষিত শ্রাম, পরিধেয় বস্ত্র স্বর্ণের মত ( পীতবর্ণ ) ; তিনি কর্ণস্থিত বনমালা, মস্তকস্থিত ময়ূরপুচ্ছ, অঙ্গস্থিত গৈরিকাদিধাতু ও মস্তকে উভয়পার্শ্বস্থিত কোমল পত্রদ্বারা নটবেশে সজ্জিত। তিনি সখার স্বন্ধে এক হস্ত স্থাপন করিয়া রহিয়াছেন ও অপর হস্ত দ্বারা লীলাকমল সঞ্চালন করিতেছেন। তাহার কর্ণস্থিত পদ্ম, কপোলস্থিত অলকাবলীও মুখপদ্মে হস্ত শোভা পাইতেছে।

বড় সুখী হইলাও এ কথা শুনিয়া ।  
 আশীর্বাদ করে সতে তথাস্ত্র বলিয়া  
 শ্রীকৃষ্ণের অনুগ্রহ হউক সভারে ।  
 কৃষ্ণনামে মত্ত হউ সকল সংসারে ॥  
 যদি সত্য বস্তু হয় তবে এইখানে ।  
 সতে আসিবেন এই বামনার স্থানে ॥”

এই কথা বলিতে বলিতে অদ্বৈতাচার্য্য হুঙ্কার দিলেন । বৈষ্ণব সকল ‘জয় জয়’ ধ্বনি করিয়া উঠিলেন । পরে তাঁহারা আচার্য্যকে প্রণাম করিয়া পরমানন্দে নিজ নিজ গৃহে গমন করিলেন ।

পরদিন প্রাতঃকালে শ্রীগৌরাজ গঙ্গান্নানার্থ গমন করিতেছেন, পথিমধ্যে শ্রীবাসপণ্ডিতের সহিত সাক্ষাৎ হইল । তিনি শ্রীবাস পণ্ডিতকে দেখিয়াই নমস্কার করিলেন । শ্রীবাসপণ্ডিতও তাঁহাকে যথোচিত আশীর্বাদ করিলেন । শ্রীবাসপণ্ডিত দেখিলেন, শ্রীগৌরাজের আর সেই উদ্ধত ভাব নাই, সে বিড়ামদ, সে জিগীষা নাই, এখন ফলবান্ তরুর ন্যায় বিনয়াবনত । দেখিয়া বিশেষ আনন্দ অনুভব করিলেন । অজ্ঞলোকসকল কিন্তু তাঁহার এই আকস্মিক ভাবান্তর দেখিয়া বায়ুরোগ মনে করিতে লাগিলেন । সরলমতি শচীদেবী পুত্রের সেই ভাবগতি বুঝিতে না পারিয়া নানাপ্রকার আশঙ্কা করিতে লাগিলেন । বিষ্ণুপ্রিয়া দেবীও পতির ঈদৃশ ভাবান্তর অবলোকন করিয়া অতিশয় ভীত হইলেন । নানা-লোকে নানাকথা বলিতে আরম্ভ করিল । শচীদেবী কর্তব্যবিমূঢ় হইয়া শ্রীবাসাদি বৈষ্ণবগণকে ডাকাইয়া আনিলেন । শ্রীবাসপণ্ডিত আসিয়া শচীদেবীকে আশ্বাস প্রদান করিয়া বলিলেন, “তোমার পুত্রের বায়ুরোগ হয় নাই, ইহা কৃষ্ণপ্রেমের বিকার । তুমি পুত্রের রোগাশঙ্কা করিয়া চিন্তিত হইও না । কৃষ্ণ আমাদের ছুঃখের অবসান করিবেন । তুমি কিন্তু এই কথা কাহারও নিকট প্রকাশ করিও না । অচিরেই কৃষ্ণের রহস্য বুঝিতে পারিবে ।” এই কথা বলিয়া শ্রীবাসপণ্ডিত চলিয়া গেলেন । শচীদেবী শ্রীবাস পণ্ডিতের কথায় আপাততঃ কিছু আশ্বস্ত হইলেন, কিন্তু পাছে এই পুত্রও সন্ন্যাসী হয় এই ভাবিয়া ভীত হইলেন ।

এদিকে শ্রীগৌরাজ কীর্ত্তনরসে উন্মত্ত হইয়া একদিন গদাধরের সহিত অদ্বৈতা-চার্য্যের ভবনে উপস্থিত হইলেন । তিনি আচার্য্যকে দেখিয়াই ভাবাবিষ্ট ও মূর্চ্ছিত হইলেন । অদ্বৈতাচার্য্য মূর্চ্ছাপগমে গঙ্গাজলও তুলসীপত্র দ্বারা শ্রীগৌরাজের পূজা করিয়া তদীয় চরণতলে পতিত হইলেন । তদর্শনে গদাধর প্রিয় শ্রীগৌরাজের

অকল্যাণ ভাবিয়া ক্ষুব্ধ ও আচার্যের তাদৃশ অযোগ্য আচরণে বিস্ময়াবিষ্ট হইলেন। আচার্য্য তাহা বুঝিতে পারিয়া ইঙ্গিতে শ্রীগৌরাজের মহত্ত্ব খ্যাপন পূর্বক গদাধরের বিস্ময় অপনোদন করিলেন। তখন শ্রীগৌরাজ আঙ্গুগোপনের নিমিত্ত ছল প্রকাশ করিয়া বিনীতভাবে আচার্যের চরণবন্দনা করিলেন। তাহাতে আচার্যের তদীয় ভগবত্তা সম্বন্ধে ঘোরতর সংশয় জন্মিল। তিনি ভগবন্মায় মোহিত হইয়া তাঁহার ভগবত্তা সম্বন্ধে মনে মনে অনেক বিতর্ক উঠাইলেন। পরিশেষে ইহাই অবধারণ করিলেন যে, ইনি যদি সত্য সত্যই শ্রীভগবান্ হইতেন, তবে আমাকে খুঁজিয়া লইবেন। অনন্তর শ্রীগৌরাজ আচার্যের নিকট বিদায় লইয়া গৃহে গমন করিলেন। আচার্য্যও শ্রীগৌরাজের ভগবত্তা পরীক্ষা করিবার নিমিত্ত কিছুদিনের জন্য নদীয়া ছাড়িয়া শান্তিপুরে গমন করিলেন।

অধৈত্যাচার্য্য শান্তিপুরের ভবনেই অবস্থান করিতে লাগিলেন। শ্রীগৌরাজ পূর্ববৎ নিজভবনে ভক্তগণের সহিত সঙ্কীর্ণনে মত্ত হইলেন। পাষণ্ডসকল এই কীর্তনের কথা লইয়া নানাপ্রকার আন্দোলন করিতে আরম্ভ করিল। ক্রমে ক্রমে শ্রীবাসপণ্ডিতের উপরই সকল দোষ আরোপিত হইতে লাগিল। পাষণ্ডেরা শেষে অন্য কোন উপায় না দেখিয়া সঙ্কীর্ণনকারীদিগকে রাজদণ্ডের ভয় দেখাইতে লাগিল। তাহাদিগের এই চেষ্টা নিতান্ত নিফল হইল না। রাজদণ্ডের ভয় অনেক ভক্তের এবং শ্রীবাসপণ্ডিতেরও হৃদয়কে আক্রমণ করিল। অন্তর্ধামী শ্রীগৌরাজ সকলই বিদিত হইলেন। বিদিত হইয়া তিনি একদিন হঠাৎ শ্রীবাস পণ্ডিতের বাটী যাইয়া উপস্থিত হইলেন। ঐ সময়ে শ্রীবাসপণ্ডিত গৃহের দ্বার রুদ্ধ করিয়া নিজ ইষ্ট নৃসিংহদেবের অর্চনা করিতেছিলেন। শ্রীগৌরাজ যাইয়া গৃহের দ্বারে পুনঃ পুনঃ আঘাত করিতে লাগিলেন। শ্রীবাসপণ্ডিত বিরক্তিসহকারে উঠিয়া রুদ্ধ দ্বার মুক্ত করিলেন। দ্বার মোচন করিয়াই দেখিলেন, বিশ্বস্তর শঙ্খচক্র-গদাপদ্মধারী চতুর্ভূজ রূপ ধারণপূর্বক বীরাসনে উপবিষ্ট রহিয়াছেন। শ্রীবাস পণ্ডিত দেখিয়াই স্তব্ধ হইলেন। তাঁহার সর্বশরীর কাঁপিতে লাগিল। কোনরূপ বাক্যস্ফূর্তি হইল না। তখন শ্রীগৌরাজ বলিলেন,—“অরে শ্রীবাস, তুই এতদিন আমার প্রকাশ জানিতে পারিস্ নাই। তোরে উচ্চসঙ্কীর্ণনে ও নাড়ার’ হুকুয়েই আমি গোলোক ত্যাগ করিয়া আসিয়াছি। তুই আমাকে আনিয়া নিশ্চিন্ত রহিয়াছিস্। নাড়াও আমাকে ছাড়িয়া শান্তিপুরে চলিয়া গেল। যাহা হউক, এখন তুই সকল দুশ্চিন্তা ত্যাগ কর। আমি দুষ্টগণের দমন পূর্বক শিষ্টগণের



উদ্ধার সাধন করিব।” প্রভুর কথা শুনিয়া শ্রীবাসপণ্ডিত প্রেমে পুলকিত হইয়া তাঁহাকে পুনঃ পুনঃ নমস্কার সহকারে স্তব করিতে লাগিলেন। প্রভু তখন সদয় হইয়া বলিলেন, “তোমার স্ত্রীপুত্রাদি সকলকে আনিয়া আমাকে দর্শন করা এবং সস্ত্রীক হইয়া আমার পূজা কর।” শ্রীবাসপণ্ডিত প্রভুর আজ্ঞানুসারে বাটীর সকলকে ডাকিয়া প্রভুকে দর্শন করাইলেন। পরক্ষণেই সস্ত্রীক ভক্তিভরে প্রভুর পূজায় প্রবৃত্ত হইলেন। পূজা সমাধা হইলে, সপরিবারে প্রভুর চরণে প্রণাম করিলেন। প্রভুও সকলকেই “আমাতে চিত্ত হউক” বলিয়া আশীর্বাদ করিলেন। অনন্তর প্রভু সম্মুখে শ্রীবাসের ভ্রাতৃমুতা নারায়ণীকে দেখিয়া বলিলেন, “নারায়ণি, কৃষ্ণ বলিয়া কঁাদ।” বালিকা নারায়ণী প্রভুর আদেশমাত্র “হা কৃষ্ণ” বলিয়া অচেতন অবস্থায় ধরাতলে পতিত হইলেন। নারায়ণীর নেত্রনীরে পৃথিবী পঙ্কিলা হইতে লাগিলেন। পরিশেষে শ্রীগৌরহুন্দর শ্রীবাসপণ্ডিতকে বলিলেন, “দেখ শ্রীবাস, এই সকল বৃত্তান্ত কাহারও নিকট প্রকাশ করিও না।” এই কথা বলিয়াই প্রভু গৃহে গমন করিলেন। শ্রীবাসপণ্ডিত সপরিবারে প্রভুর অলৌকিক প্রকাশ দর্শন করিয়া বিস্মিত ও আশ্চর্য হইলেন। সঙ্গে সঙ্গে রাজদণ্ডের ভয়ও কিয়ৎপরিমাণে অপগত হইল।

অনন্তর একদা শ্রীগৌরহুন্দর মুরারিগুপ্তের ভবনে যাইয়া ‘বরাহ বরাহ’ বলিতে বলিতে অকস্মাৎ নিজের বরাহমূর্তি প্রকট করিলেন। সেই অপূর্ব বরাহমূর্তি সন্দর্শন করিয়া মুরারিগুপ্ত ভয়ে ও বিস্ময়ে স্তম্ভিত হইলেন। পরে তিনি কথঞ্চিৎ প্রকৃতিস্থ হইয়া সেই অদ্ভুত যজ্ঞবরাহের স্তব করিতে আরম্ভ করিলেন। মুরারির স্তব শেষ হইলে, শ্রীগৌরহুন্দর তাঁহাকেও শ্রীবাসপণ্ডিতের ঞ্চায় আশ্বাসপ্রদানসহকারে তাঁহার সেই অদ্ভুত প্রকাশবৃত্তান্ত প্রকাশ করিতে নিষেধ করিয়া নিজভবনে প্রত্যাগমন করিলেন।

শ্রীগৌরহুন্দর এইরূপ আরও কোন কোন ভক্তের গৃহে যাইয়া আরও কোন কোন মূর্তি প্রকাশ করিলেন। তাঁহার এই সকল আশ্চর্য ঐশ্বর্যের প্রকাশ দর্শনে সমাশ্বস্ত হইয়া ভক্তগণ পুনর্বার নির্ভয়ে সঙ্কীর্ণনে যোগদান করিলে লাগিলেন। আর কেহই পাষাণীর বা রাজশাসনের ভয়কে অন্তরেও স্থান দিলেন না। ক্রমে পথে ঘাটে সকল স্থানেই উচ্চসঙ্কীর্ণন আরম্ভ হইল। নদীয়ায় যখন এইরূপ সঙ্কীর্ণন আরম্ভ হইল, তখন শ্রীনিত্যানন্দ নিজ প্রভুর প্রকাশপ্রতীকায় শ্রীবৃন্দাবনে অবস্থান করিতেছিলেন। তিনি শ্রীবৃন্দাবনে থাকিয়াই প্রভুর প্রকাশ বিদিত হইলেন। বিদিত হইয়াই শ্রীবৃন্দাবন ত্যাগ করিলেন। পথে কোন স্থানেই

বিলম্ব করিলেন না। অবিশ্রান্ত শ্রীধাম নবদ্বীপের অভিমুখে গমন করিতে লাগিলেন। তিনি নদীয়ায় উপস্থিত হইয়াও শ্রীগৌরাঙ্গের চরণদর্শন করিলেন না, গোপনে নন্দন আচার্য্যের গৃহে অবস্থান করিতে লাগিলেন।

### শ্রীনিত্যানন্দ

রাঢ়দেশে ( বর্তমান বীরভূম জেলায় মল্লারপুর রেলওয়ে ষ্টেশনের নিকট ) প্রাচীন একচক্রা গ্রাম। মহাভারতে ঐ একচক্রার উল্লেখ দেখা যায়। পাণ্ডবগণ বনবাসকালে উক্ত একচক্রা গ্রামে কিছুদিন বাস ও দুষ্ট রাক্ষসগণের সংহার করিয়াছিলেন। পূর্বকালে ঐ একচক্রা গ্রামে চক্রেস্বর নামে এক শিবলিঙ্গ ও অপরাপর দেবদেবীর মূর্তি প্রতিষ্ঠিত ছিলেন। একচক্রার পাদপ্রবাহিকা মোড়েশ্বরী নদীর প্রবাহে কালে ঐ সকল দেবতার মন্দির বিধ্বস্ত হইয়া গিয়াছে। সেই প্রাচীনতম সময়ের কথা প্রয়োজন নাই। পঞ্চশত বৎসরের কিছু পূর্বেও ঐ একচক্রা একটি সমৃদ্ধিশালিনী পুরী ছিল। ভক্তিরত্নাকরের বর্ণনানুসারে জানা যায়, তৎকালে ঐ পুরী উত্তানোপবনে সুসজ্জিত বিভিন্নবর্ণের বহুলোকের বাসস্থান ছিল। ঐ পুরীতে অনেক ধনী, মামী ও জ্ঞানী লোক বাস করিতেন। পুরবাসী সকল ধার্মিক ও সচ্চরিত্র ছিলেন। পুণ্যকর্ম্মে তাঁহাদিগের বিশেষ যত্ন ও উৎসাহ ছিল। পুরমধ্যে অনেক স্থানেই দিবানিশি বিবিধ ধর্ম্মশাস্ত্রের অনুশীলন হইত।

ঐ সমৃদ্ধিশালী একচক্রাগ্রামে শাণ্ডিলাগোত্রীয় ভট্টনারায়ণের বংশসম্বৃত বটব্যালগ্রামী ওঝা-উপাধিধারী এক অতি ধর্ম্মশীল বিপ্র বাস করিতেন। উক্ত ওঝার পত্নীও তাঁহার অনুরূপা ছিলেন। তাঁহাদিগের ধর্ম্মের সংসার সর্বপ্রকারে সুখময় ছিল। দুঃখের মধ্যে সন্তানগণ অল্পবয়সেই ইহলোক পরিত্যাগ করেন। শেষে হরপার্বতীর প্রসাদে একটা পুত্র রক্ষা পান। মহাত্মা ওঝা ঐ মৃতাবশিষ্ট পুত্রের 'হাড়ো' নাম রাখেন। হাড়োর রাশিগত নাম মুকুন্দ।

মুকুন্দ জনকজননীর স্নেহে বয়োবৃদ্ধির সহিত বিবিধ বিড়ায় পারদর্শী ও পণ্ডিতপদবাচ্য হইলেন। নিকটবর্ত্তী কোন গ্রামে পদ্মাবতী নামী সর্বসুলক্ষণা সাক্ষাৎ বাৎসল্যলক্ষ্মীর সদৃশী সংকুলজাতা কোন এক কণ্ঠার সহিত মুকুন্দ-পণ্ডিতের পরিণয়কার্য্য সমাহিত হয়। মুকুন্দপণ্ডিত ও তাঁহার সহধর্ম্মিণী পদ্মাবতী, শুদ্ধভক্ত

ছিলেন। তাঁহাদিগের আচারব্যবহারও পরমপবিত্র ছিল। তাঁহাদিগের চরিত্র গ্রামের আদর্শস্থানীয় হইয়াছিল। তাঁহারা স্বাভাবিক ঔদার্য্য, বিনয় ও লজ্জাদি সদৃশ্বে প্রতিবাসিগণের পরম প্রীতিভাজন হইয়াছিলেন। তাঁহাদিগের কয়েকটি পুত্র জন্মে। তন্মধ্যে বয়সে ও গুণে জ্যেষ্ঠ তনয়ের নামই শ্রীনিত্যানন্দ। অপরাপর পুত্রদিগের বিশেষ কোন বিবরণ পাওয়া যায় না। এইমাত্র জানা যায় যে, জ্যেষ্ঠ ভ্রাতার নিরুদ্দেশ ও জনকজননীর লোকান্তরগমনের পর তাঁহারা একচক্রার বাস পরিত্যাগ পূর্ব্বক বর্দ্ধমান জেলার অন্তর্গত বাঁড়ুর নামক গ্রামে যাইয়া বাস করেন ও তদনুসারে বাঁড়ুরী আখ্যা প্রাপ্ত হইলেন।

১৩৩৫ শকের মাঘমাসের শুক্লা ত্রয়োদশী তিথিতে শ্রীনিত্যানন্দ আবির্ভূত হইলেন। তাঁহার আবির্ভাবসময়ে দিক্ সকল প্রসন্ন, বায়ু সুখকর, জলাশয়সকল নির্ম্মল, ভক্তগণের মন উল্লাসিত, স্বর্গে ছন্দুভি প্রভৃতির ধ্বনি হইয়াছিল; অন্তরীক্ষ হইতে 'জয় জয়' ধ্বনির সহিত পুষ্পবৃষ্টি হইয়াছিল।

কোন একটি বিশেষ ঘটনা ঘটবার পূর্ব্বক কাহারও কাহারও মনে ঐ ভবিষ্যদ্বটনার আভাস দেখা দেয়। শ্রীমন্নিত্যানন্দের আবির্ভাব না হইতেই বৈষ্ণবগণের মন অকস্মাৎ প্রসন্ন হইল। মনুষ্যলীলাকারী মহাবিশুের অবতার শ্রীমদ্বৈতাচার্য্যের চিত্ত শ্রীমন্নিত্যানন্দের জন্মের প্রাক্কালেই তদ্বিষয় অনুভব করিলেন। তাঁহার অন্তর হঠাৎ আনন্দে উৎফুল্ল হইয়া উঠিল। তাঁহার অমল অন্তঃকরণে শ্রীনিত্যানন্দের আবির্ভাব স্মরিত হইতে লাগিল।

“রাঢ়দেশে নাম, একচক্রাগ্রাম,

হাড়াই পণ্ডিত ঘর।

শুভ মাঘ মাসি, শুক্লা ত্রয়োদশী,

জনমিলা হৃদধর ॥

হাড়াই পণ্ডিত, অতি হরষিত,

পুত্র-মহোৎসব করে।

ধরণী মণ্ডল, করে টলমল,

আনন্দ নাহিক ধরে ॥

শান্তিপূরনাথ, মনে হরষিত,

করি কিছু অহুমান।

অন্তরে জানিলা, বুঝি জনমিলা,

কৃষ্ণের অগ্রজ রাম ॥

বৈষ্ণবের মন, হৈল পরসন্ন,  
আনন্দসাগরে ভাসে ।  
এ দীন পামর, হইবে উদ্ধার,  
কহে দুখী কৃষ্ণদাসে ॥”

পুত্রের উৎপত্তিতে আনন্দিত হইয়া মুকুন্দপণ্ডিত ব্রাহ্মণদিগকে প্রচুর অর্থ দান করিলেন । পরে যথাবিধি বালকের জাতকস্মাদি করাইয়া পুত্রমুখ দর্শন করিলেন । পুত্রের রূপ দেখিয়া জনকজননী আনন্দে বিহ্বল হইলেন । মুকুন্দ পণ্ডিতের একটি পরমসুন্দর পুত্র জন্মিয়াছে এই সংবাদ ক্রমে গ্রামের সর্বত্র প্রচার হইল । কি পুরুষ, কি স্ত্রী, সকলেই আসিয়া পণ্ডিতের পুত্রকে দর্শন করিতে লাগিলেন । বিনি দেখেন, তিনি আর ফিরিয়া যাইতে চান না, সদাই দেখিতে ইচ্ছা করেন । নিত্যানন্দের রূপলাবণ্য দেখিয়া, তিনি যে সামান্ত বালক নহেন, কোন মহাপুরুষ আসিয়া পণ্ডিতের গৃহে জন্ম লইয়াছেন, সকলেরই মনে এইরূপ একটি ধারণা হইল । সকলেই জনকজননীর ভাগ্যের প্রশংসা করিতে লাগিলেন । আশ্রীয়স্বজন ও গ্রামবাসী লইয়া মহাসমারোহে শ্রীনিত্যানন্দের জন্মোৎসব সম্পন্ন করা হইল ।

শ্রীনিত্যানন্দ জনকজননীর বাৎসল্যের সহিত দিন দিন বৃদ্ধি পাইতে লাগিলেন । বয়োবৃদ্ধির সহিত তাঁহার অঙ্গলাবণ্যও বাড়িতে লাগিল । বর্ণ কনক-চম্পকের সদৃশ ; মুখমণ্ডল চন্দ্রমণ্ডল হইতেও সুন্দর ; হস্তপদের নখসকল চন্দ্রের ঞ্চায় দীপ্তিশালী ; ভুজযুগল আজানুলম্বিত ; কটিদেশ ক্ষীণ ; পদতলের নিকট রক্তোৎপলও পরাজিত হয় ; শরীর স্থলকমলের ঞ্চায় কোমল ।

“ভুবন আনন্দ কন্দ, বলরাম নিত্যানন্দ,  
অবতীর্ণ হইলা কলিকালে ।  
যুচিল সকল দুখ, দেখিয়া ও চাঁদমুখ,  
ভাসে লোক আনন্দ হিল্লোলে ॥  
জয় জয় নিত্যানন্দ রাম ।  
কনক চম্পক কাঁতি, অঙ্গুলে চাঁদের পাঁতি,  
রূপে জিতল কোটি কাম ॥  
ও মুখমণ্ডল দেখি, পূর্ণচন্দ্র কিম্বে লেখি,  
দীঘল নয়ন ভাঙ ধনু ।  
আজানুলম্বিত ভুজ, তনু খলপক্কজ,  
কটি ক্ষীণ করি অরি জহু ॥

চরণ কমল তলে,                      ভকত ভ্রমর বলে,  
 আধবাণী অমিয়া প্রকাশ।  
 ইহ কলিয়ুগ জীবে,                      উদ্ধার হইল সবে,  
 কহে দীন দুখী কৃষ্ণদাস ॥”

বালকের অঙ্গপরিবর্তন উপলক্ষে একটি উৎসব হইল। ষষ্ঠমাসে নাম-করণ করা হইল। নাম হইল নিত্যানন্দ। বালক নিত্যানন্দ ক্রমে জাহ্নুর উপর ভর দিয়া চলিতে লাগিলেন। চাঞ্চল্যমাত্র নাই। যে কোলে করিতে চায়, বালক তাহারই কোলে যান। রোদিন কাহাকে বলে জানেন না। সদাই হাস্যমুখ। যে একবার তাঁহার সেই সহাস্য বদন দেখে, সে আর তাঁহাকে ভুলিতে পারে না। দাঁত দেখিতে ইচ্ছা করিলে, দাঁত দেখান। কে তোমার পিতা, কে তোমার মাতা, জিজ্ঞাসা করিলে, পিতাকে ও মাতাকে দেখাইয়া দেন। ক্রমে পাদচারণ করিতে শিখিলেন। পিতামাতার ও প্রতিবেশী নরনারীর অঙ্গুলি ধরিয়া চলিয়া বেড়ান। নিজে ছায়া দেখিলে ধরিতে যান, নিজের প্রতিবিম্ব দেখিলে আলিঙ্গন করিতে চান। বালক নিত্যানন্দের সকলই অদ্ভুত। কথা কন, তাহাও অদ্ভুত। খেলা করেন তাহাও অদ্ভুত; তাঁহার কোন কার্যই সাধারণ বালকের ত্রায় নহে। সমবয়স্ক বালকদিগের সহিত যে কিছু ক্রীড়া করেন, তাহা দেখিলে বিস্মিত হইতে হয়। সকল খেলাই অপরাপর যুগের লীলার অনুকরণ। তিনি কখন ভূভারহরণ, কখন দৈত্যদমন, কখন রাক্ষসসংহার প্রভৃতি বিবিধ লীলারই অনুকরণ করিয়া থাকেন। যে দেখে, সেই অদ্ভুত মানিয়া থাকে।

এইরূপে নিত্যানন্দের বাল্যের পর পৌঁগু উপস্থিত হইল। নিত্যানন্দ অত্যল্প সময়ের মধ্যেই বিবিধ বিদ্যা উপার্জন করিলেন। ব্যাকরণশাস্ত্রে তাঁহার বিশেষ ব্যুৎপত্তি জন্মিল। এই সময়ে মুকুন্দপণ্ডিত আত্মীয়বর্গের সহিত পরামর্শ করিয়া পুত্রের উপনয়নসংস্কার সমাধা করিলেন। উপনয়নের পর শ্রীনিত্যানন্দ ভক্তিশাস্ত্রের অধ্যয়নে প্রবৃত্ত হইলেন। কালে ঐ শাস্ত্রেও তাঁহার বিশেষ অধিকার হইল।

শ্রীনিত্যানন্দ বিচারস আশ্বাদন করিতে করিতে একাদশ বৎসর অতিবাহন করিলেন। এই সময়ে মুকুন্দপণ্ডিত পুত্রের বিবাহের উদ্যোগ করিতে লাগিলেন। কিন্তু তাঁহার অভিলাষ সুসিদ্ধ হইল না। একদিন এক নবীন সন্ন্যাসী আসিয়া মুকুন্দপণ্ডিতের গৃহে আতিথ্য স্বীকার করিলেন। পণ্ডিত

বিশেষ ভক্তি সহকারে তাঁহার সংকার করিলেন। অতিথি সে রাত্রি সেই স্থানেই রহিলেন। উভয়ের কৃষ্ণকথাপ্রসঙ্গে পরমসুখে রাত্রি অতিবাহিত হইল। প্রভাতে গমনোচ্ছত হইয়া সন্ন্যাসী বলিলেন, “পণ্ডিত, তোমার নিকট আমার এক ভিক্ষা আছে।” পণ্ডিত বলিলেন, “আপনার যাহা ইচ্ছা, অসঙ্কোচে বলিতে পারেন।” সন্ন্যাসী বলিলেন, “আমি তীর্থপর্যটনে গমন করিতেছি, একটি ব্রাহ্মণবালকের প্রয়োজন, তোমার এই জ্যেষ্ঠপুত্রটিকে কিছুদিনের মত আমাকে দাও, আমি উহাকে প্রাণাধিক স্নেহ করিব এবং নানা তীর্থ দর্শন করাইব।” সন্ন্যাসীর প্রার্থনা শ্রবণ করিয়া মুকুন্দপণ্ডিতের মস্তকে বজ্রাঘাত বোধ হইল। তিনি মনে মনে ভাবিতে লাগিলেন, সন্ন্যাসী আমার প্রাণ ভিক্ষা করিতেছেন। আমি প্রাণকে বিদায় দিয়া কিরূপে দেহধারণ করিব? সন্ন্যাসীর প্রার্থনা অগ্রাহ্য করিলেও আমার সর্বনাশ ঘটিবে। বিষম ধর্মসঙ্কটে পতন হইল। ভাবিতে ভাবিতে পুত্রকে প্রদান করাই স্থির করিলেন। কিন্তু তদ্বিষয়ে পত্নীর কি মত, জানিবার জন্ম উৎসুক হইলেন। সন্ন্যাসীর অনুগতি লইয়া পত্নীর নিকট গমন করিলেন। যাইয়া তাঁহাকে সকল কথাই বলিলেন। ব্রাহ্মণী শুনিয়া বলিলেন, “আপনার মতই আমার মত। আপনি যাহা কর্তব্য বিবেচনা করিবেন, আমার তাহাতে বাধা দিবার অধিকার নাই।” তখন মুকুন্দপণ্ডিত সন্ন্যাসীর সমীপে প্রত্যাগমন পূর্বক তাঁহাকে প্রণাম করিয়া পুত্র নিত্যানন্দকে তাঁহার করে সমর্পণ করিলেন। সন্ন্যাসীও পণ্ডিতের তাদৃশ আচরণে সন্তুষ্ট হইয়া নিত্যানন্দকে লইয়া প্রস্থান করিলেন। সন্ন্যাসী গমন করিলে মুকুন্দপণ্ডিত পুত্রশোকে মুচ্ছিত হইয়া ধরাতলে পতিত হইলেন। পতিপ্রাণা পদ্মাবতী নানা প্রকারে পতিকে সাস্তুনা করিতে লাগিলেন। তিনি নিজের শোক আচ্ছাদন করিয়া পতিকে বুঝাইতে লাগিলেন। কিন্তু তাঁহার কোন চেষ্টাই ফলবতী হইল না। পণ্ডিত পুত্রশোকে বিহ্বল হইয়া অন্নজল ত্যাগ করিলেন। পদ্মাবতীরও সেই দশাই হইল। অত্যান্নকালের মধ্যে উভয়েই লোকান্তরে গমন করিলেন। পিতামাতার লোকান্তর গমনের পর অবশিষ্ট পুত্রগুলি একত্রকার বাস পরিত্যাগ পূর্বক বাঁড়র গ্রামে যাইয়া বাস করিতে লাগিলেন।

এদিকে শ্রীনিত্যানন্দ সন্ন্যাসীর সহিত প্রথমেই বক্রেশ্বর তীর্থে গমন করিলেন। বক্রেশ্বর একটি প্রসিদ্ধ পীঠস্থান। তিনি ঐ স্থানে বক্রেশ্বর-ভৈরব ও মহিষমর্দিনী দেবীকে দর্শন করিয়া গয়াধাম অভিমুখে যাত্রা করিলেন।

পরে তিনি গয়াধানে শ্রীবিষ্ণুপাদ ও অপরাপর দর্শনীয় ক্ষেত্র সকল দর্শন করিয়া কাশীধামে গমন করিলেন। কাশীধামে শ্রীবিশ্বেশ্বর ও অন্নপূর্ণা প্রভৃতি দর্শনাদি করিয়া প্রয়াগে যাইয়া গঙ্গাধমুনার সঙ্গমে স্নান ও বৈশাখাধব দর্শন করিলেন। পরে মথুরামণ্ডলে যাইয়া শ্রীবৃন্দাবন প্রভৃতি বন সকল দর্শন করিলেন। শ্রীবৃন্দাবন হইতে হস্তিনাপুর ও কুরুক্ষেত্র হইয়া হরিদ্বার যাত্রা করিলেন। তিনি হরিদ্বারে যাইয়া মায়াপুরী ও কনখল তীর্থাদি দর্শন পূর্বক হিমাচলে আরোহণ করিলেন। তিনি হিমাচলে আরোহণ পূর্বক দেৱাদুন ও মুসৌরি হইয়া সুমেরু-শিখরে গমন করিলেন। সুমেরু-শিখর গাড়োয়াল প্রদেশে অবস্থিত ও হিমালয়ের অংশবিশেষ। হিমালয়ের ঐ অংশে পাঁচটি শৃঙ্গ আছে। উক্ত শৃঙ্গ পাঁচটির নাম ব্রহ্মপুরী, বিষ্ণুপুরী, রুদ্রহিমালয়, উদগারিকণ্ঠ ও স্বর্গরোহিণী। তন্মধ্যে রুদ্রহিমালয়ই গঙ্গার উৎপত্তিস্থান। ঐ স্থানের নাম গঙ্গোত্তরী। শ্রীনিত্যানন্দ গঙ্গোত্তরীতে যাইয়া স্নান করিলেন। পরে ঐ স্থান হইতে যমুনোত্তরীতে গমন করিলেন। কলিন্দদেশে বানরপুচ্ছ নামে হিমালয়ের একটি স্থান আছে। ঐ স্থান হইতে যমুনার উৎপত্তি হওয়ায় উহার যমুনোত্তরী নাম হইয়াছে। তিনি যমুনোত্তরীতে কালিন্দীসলিলে অবগাহন করিয়া পঞ্চকেদারাভিমুখে যাত্রা করিলেন। পরে পঞ্চকেদারে কেদারনাথ, তুঙ্গনাথ, রুদ্রনাথ, মধ্যেশ্বর ও কল্লেশ্বর দর্শন করিয়া মন্দাকিনীর ধার দিয়া পশ্চিমাভিমুখে বদরিকাশ্রমে গমন করিলেন। তিনি বদরিকাশ্রম ও বদরীনারায়ণ দর্শন পূর্বক অলকনন্দার ধার দিয়া উত্তরকাশী বা গুপ্তকাশীতে আগমন করিলেন। পরে তিনি গুপ্তকাশী হইতে অলকনন্দা ও মন্দাকিনীর সঙ্গম রুদ্রপ্রয়াগে আগমন করিলেন। পরে অলকনন্দা ও ভাগীরথীর সঙ্গম দেবপ্রয়াগে আগমন করিলেন। দেবপ্রয়াগ হইতে সপ্তশ্রোতা হইয়া পুনর্বার হরিদ্বারে আগমন করিলেন। হরিদ্বার হইতে নৈমিষারণ্য ও অযোধ্যাপুরী হইয়া গণ্ডকীতীরে গমন করিলেন। গণ্ডকীতীরে সিদ্ধাশ্রম দর্শন করিয়া ক্রমশঃ দক্ষিণাভিমুখ হইয়া ব্রহ্মপুত্র নদীর দিকে যাত্রা করিলেন। ব্রহ্মপুত্র নদীতে স্নানের পর পূর্বদক্ষিণে যাত্রা করিয়া চন্দ্রনাথশিখরে গমন করিলেন। চন্দ্রনাথ হইতে গঙ্গাসাগরসঙ্গম হইয়া ক্রমশঃ দক্ষিণদেশে গমন করিতে লাগিলেন। দক্ষিণে হরক্ষেত্র হইয়া শ্রীক্ষেত্রে গমন করিলেন। এই স্থানে শ্রীনিত্যানন্দের শ্রীমন্মুখবেঙ্গ পুরীর সহিত সাক্ষাৎ ও কিছুদিন একত্র অবস্থান হয়। তিনি শ্রীক্ষেত্রে জগন্নাথদেবকে দর্শন করিয়া দক্ষিণে সেতুবন্ধ অভিমুখে যাত্রা করিলেন। সেতুবন্ধ

হইতে হরিহরতীর্থ হইয়া কিষ্কিন্দায় গমন করিলেন। কিষ্কিন্দ্যা হইতে উত্তরমুখে সোলাপুর প্রদেশে অঙ্গুর্গত পাণ্ডুপুরে গমন করিলেন। এই পাণ্ডুপুরেই তাঁহার পথদর্শক সন্ন্যাসী সিদ্ধিপ্রাপ্ত হইলেন। সন্ন্যাসীর সিদ্ধিপ্রাপ্তির পর প্রভু নিত্যানন্দ একাকী পুনর্বার উত্তরমুখে যাত্রা করিয়া পঞ্চবতীতে গমন করিলেন। পঞ্চবতী হইতে অবন্তী হইয়া দ্বারাবতীতে গমন করিলেন। দ্বারাবতী হইয়া পুষ্করতীর্থে গমন করিলেন। পরে পুষ্কর হইতে মৎশ্রদেশের মধ্য দিয়া পুনর্বার শ্রীবন্দাবনে গমন করিলেন। শ্রীনিত্যানন্দ শ্রীবন্দাবনে আসিয়া কৃষ্ণাবেশে দিবাত্রি অতিবাহিত করিতে লাগিলেন। পরে যখন বিদিত হইলেন, নবদ্বীপে গৌরচন্দ্র প্রকট হইয়াছেন, তখন আর কালবিলম্ব না করিয়া নবদ্বীপাভিমুখে যাত্রা করিলেন।

### নিত্যানন্দসন্মিলন

শ্রীনিত্যানন্দ আসিতেছেন জানিয়া শ্রীগৌরাজ একদিন নিজ ভক্তগণকে ডাকিয়া বলিলেন, “ভাই সকল, দুই এক দিনের মধ্যে কোন এক মহাপুরুষ নদীয়ায় আগমন করিবেন।” পরদিন তিনি ভক্তগণের সহিত মিলনের পর অকস্মাৎ হৃদয়ভাবে আবিষ্ট হইয়া ‘মদ আন মদ আন’ বলিতে লাগিলেন। শ্রীবাসাদি ভক্তগণ প্রভুর তাদৃশ ভাবাবেশ দর্শন করিয়া, ইহার অবশ্য কোন গুঢ় কারণ থাকিবে, মনে মনে এই প্রকার চিন্তা করিতেছেন, এমন সময়ে প্রভু বাহ্যদৃষ্টি লাভ করিয়া বলিলেন, “অহে হরিদাস, অহে শ্রীবাস পণ্ডিত, যাও, কে কোথায় আসিয়াছে, দেখ।” প্রভুর আজ্ঞা পাইয়া হরিদাসঠাকুর ও শ্রীবাসপণ্ডিত সমস্ত নদীয়ায় অনুসন্ধান করিতে লাগিলেন। তাঁহারা অনেক অনুসন্ধান করিয়াও যখন কাহাকেও পাইলেন না, তখন প্রভুর নিকট উপস্থিত হইয়া বলিলেন, “আমরা সমস্ত নদীয়ায় অনুসন্ধান করিয়াও কোন লোকই পাইলাম না।” তাঁহাদের কথা শুনিয়া শ্রীগৌরাজ ঈষৎ হাস্য করিয়া বলিলেন, “চল, আমিও তোমাদিগের সহিত তাঁহার অন্বেষণে যাইব।” তিনি এই কথা বলিয়া শ্রীবাসাদি ভক্তবৃন্দ সমভিব্যাহারে ‘জয় কৃষ্ণ’ বলিতে বলিতে নন্দন আচার্য্যের গৃহে যাইয়া উপস্থিত হইলেন। তাঁহারা ঐ স্থানে উপস্থিত হইয়াই দেখিলেন, এক অপূর্ব পুরুষরত্ন উপবেশন করিয়া রহিয়াছেন। তাঁহার তেজ স্বর্ষ্যসদৃশ; তিনি সদাই ধ্যানস্থে মগ্ন; সদাই হাস্য করিতেছেন।



নিত্যানন্দকে দেখিয়া শ্রীগৌরাজ মদনমনোহরমূর্তিতে তাঁহার সম্মুখে যাইয়া দাঁড়াইলেন। নিত্যানন্দও শ্রীগৌরাজকে দেখিলেন। তিনি তাঁহাকে দেখিয়াই আপনার ঈশ্বর বলিয়া চিনিলেন। চিনিয়াও কোন কথাই বলিলেন না, স্থগিত নয়নে প্রাণসখাকে দেখিতে লাগিলেন। শ্রীগৌরাজের সঙ্গিগণ উভয়ের ভাবগতি প্রত্যক্ষ করিয়া বিস্মিত হইলেন। শ্রীগৌরাজ আপনার সঙ্গিগণকে নিত্যানন্দের পরিচয় প্রদান করিবেন মনে করিয়া শ্রীবাসপণ্ডিতকে একটি শ্রীভাগবতের শ্লোক পাঠ করিবার নিমিত্ত ইঙ্গিত করিলেন। প্রভুর ইঙ্গিত পাইয়া শ্রীবাসপণ্ডিত নিম্নলিখিত দশমস্কন্ধের শ্লোকটি পাঠ করিলেন।

“বর্হাপীড়ং নটবরবপুঃ কর্ণয়োঃ কর্ণিকারং

বিভ্রদ্বাসঃ কনককপিশং বৈজয়ন্তীঞ্চ মালাম্।

রক্তান্ বেণোরধরসুধয়া পূরয়ন্ গোপবৃন্দৈ-

বৃন্দারণ্যং স্বপদরমণং প্রাবিশদ্ গীতকীর্তিঃ ॥” \* ভা ১০।২১।৫

শ্লোক শ্রবণমাত্র নিত্যানন্দ মূচ্ছিত হইয়া ভূমিতলে পতিত হইলেন। শ্রীগৌরাজ শ্রীবাসপণ্ডিতকে পুনর্বার শ্লোক পাঠ করিতে বলিলেন। শ্লোক শুনিতে শুনিতে নিত্যানন্দের চৈতন্য হইল। তিনি সংজ্ঞা লাভ করিয়া আনন্দে হুঙ্কার করিয়া নৃত্য করিতে আরম্ভ করিলেন। কখন নাচেন, কখন কাঁদেন, কখন হাঁসেন, কখন লাফান, কখন ভূতলে পড়িয়া গড়াগড়ি যান। তাঁহার সেই অদৃষ্টপূর্ব উন্মাদভাব অবলোকন করিয়া সুকলেই স্তম্ভিত হইলেন। তাঁহাকে ধরিয়া স্থির করিতে কাহারও সাহস হইল না। শেষে শ্রীগৌরাজ স্বয়ং যাইয়া শ্রীনিত্যানন্দকে ধরিলেন। তিনি যাইয়া ধরিবামাত্র শ্রীনিত্যানন্দ তাঁহার শ্রীঅঙ্গে মস্তক রাখিয়া নিম্পন্দ হইলেন। উভয়ের নয়নের ধারায় উভয়ের অঙ্গ প্রাণিত হইতে লাগিল।

ক্রমশঃ যখন নিত্যানন্দ প্রকৃতিস্থ হইলেন, তখন শ্রীগৌরাজ বলিলেন, “আজ আমার শুভদিন, আপনার দর্শন লাভ করিলাম। আপনার অদ্ভুত ভক্তিব্যোগ দেখিয়া আমরা কৃতার্থ হইলাম। আপনার কোন্ স্থান হইতে শুভাগমন হইল, আমরা শুনিতে পারি কি?” নিত্যানন্দ বলিলেন,—“আমি

\* ময়ূরপুচ্ছরঞ্জিত শিরোভূষণ, নটবরসদৃশবপু, কর্ণযুগলে পীতবর্ণ উৎপলাকারপুষ্প, স্রবর্ণের ছায় পীতবসন ও পঞ্চবর্ণ পুষ্পপ্রাধিত বৈজয়ন্তী মালাশোভিত, বয়স্শগোপবৃন্দকর্তৃক গীতকীর্তি শ্রীবৃক্ষ অধরসুধাধারা রেণুর রক্ত সকল পূরণ করিতে করিতে স্বীয় চরণচিহ্নধারা রমণীয় শ্রীবৃন্দাবনে প্রবেশ করিতেছেন।

তীর্থ পর্যটন করিতেছিলাম। কৃষ্ণের অনেক স্থানই দর্শন করিলাম, কিন্তু কোথাও কৃষ্ণকে দেখিলাম না। যেখানে যাই, দেখি, কৃষ্ণের সিংহাসন শূন্য, কৃষ্ণ নাই। শেষে বিজ্ঞলোকের নিকট জিজ্ঞাসা করিয়া জানিলাম, কৃষ্ণ গোড়দেশে। অল্পদিন হইল, তিনি গয়া করিয়া চলিয়া গিয়াছেন। আরও শুনিলাম, নদীয়ায় বড় হরিসঙ্কীর্তন ও পতিতের পরিত্রাণ হইতেছে। আমি অতিশয় পাতকী, নদীয়ায় পতিতের ত্রাণ ইহা শুনিয়াই এখানে আসিয়াছি।” এই কথা বলিয়া নিত্যানন্দ নীরব হইলেন। শ্রীগোরাঙ্গ বলিলেন, আপনার ঞ্চায় ভক্ত-জনের সমাগমে আজ আমরা কৃতকৃত্য হইলাম। আপনার অদ্ভুত ভাববিকার সকল সন্দর্শন করিয়া আজ আমরা আপনাদিগকে পরম ভাগ্যবান্ মনে করিলাম।” উভয়ের এইপ্রকার কথাবার্তা শুনিয়া উপস্থিত ভক্তগণ ভাবিলেন, ইঁহারা কি কৃষ্ণবলরাম না শ্রীরামলক্ষণ? তাঁহারা মনে মনে বিবিধ বিতর্ক করিতে লাগিলেন, বাহিরে কিছুই প্রকাশ করিলেন না। পরে শ্রীগোরাঙ্গ নিত্যানন্দকে সম্বোধন করিয়া বলিলেন, “শ্রীপাদ, কল্যা আষাঢ়ী পূর্ণিমা, আপনার ব্যাসপূজা কোন্ স্থানে হইবে?” নিত্যানন্দ শ্রীবাসপণ্ডিতের হস্তধারণ করিয়া বলিলেন, “ইঁহার আশ্রয়ে।” শ্রীগোরাঙ্গ শ্রীবাসপণ্ডিতের দিকে দৃষ্টি করিয়া বলিলেন, “পণ্ডিতের উপর ভার পড়িল।” শ্রীবাস পণ্ডিত বলিলেন,—“প্রভো, এ বড় বিশেষ ভার নয়। আমার গৃহে সকলই আছে, কেবল ব্যাসপূজার পদ্ধতি নাই, তাহাও কাছারও নিকট হইতে চাহিয়া আনিব। আমার মহাভাগ্য, কাল শ্রীপাদের ব্যাসপূজা দর্শন করিব।” শ্রীবাসপণ্ডিতের কথা শেষ হইলে, শ্রীগোরাঙ্গ নিত্যানন্দকে বলিলেন, “শ্রীপাদ, আসুন, তবে পণ্ডিতের ভবনেই গমন করা যাউক।” শ্রীনিত্যানন্দ তখনই আনন্দসহকারে নন্দন আচার্যের অনুমতি লইয়া গমনে উত্তত হইলেন। শ্রীগোরাঙ্গ নিত্যানন্দকে লইয়া ভক্তবৃন্দের সহিত শ্রীবাসপণ্ডিতের গৃহে গমন করিলেন।

### ব্যাসপূজার অধিবাস

শ্রীবাসপণ্ডিতের গৃহে যাইয়াই ভক্তগণ আনন্দে হরিশ্রবণ করিতে লাগিলেন। শ্রীগোরাঙ্গের আদেশে বাটীর বহির্দ্বার রুদ্ধ করা হইল। ব্যাসপূজার অধিবাস ব্যাঙ্গে হরিসঙ্কীর্তন আরম্ভ হইল। শ্রীগোরাঙ্গও শ্রীনিত্যানন্দ প্রেমে উন্মত্ত হইয়া উদ্গু নৃত্য করিতে লাগিলেন। তাঁহাদের হুকার, গর্জন, লক্ষ, কম্প,

শ্বেদ, অশ্রু ও পুঙ্ক প্রভৃতি দর্শন করিয়া ভক্তগণ অদ্ভুত মানিতে লাগিলেন। নিত্যানন্দ ও বিশ্বস্তরের পদভরে ধরনী টলমল করিতে লাগিলেন। এইরূপ কিছুক্ষণ নৃত্যগীতাদির পর শ্রীগৌরাজ বলরামভাবে আবিষ্ট হইয়া নিত্যানন্দের নিকট হল ও মুষল প্রার্থনা করিতে লাগিলেন। নিত্যানন্দ প্রভুর হস্তের দিকে হস্ত প্রসারণ করিলেন। ভক্তগণ দেখিলেন, নিত্যানন্দ প্রভুকে হল ও মুষল দিলেন এবং প্রভু তাহা গ্রহণ করিলেন। প্রভু হল ও মুষল লইয়া ‘মদ আন মদ আন’ বলিতে লাগিলেন। ভক্তগণ পরস্পর যুক্তি করিয়া এক কলস গঙ্গাজল আনিয়া দিলেন। প্রভু তাহা লইয়া পান করিলেন। তখন ভক্তগণ দেখিলেন, প্রভু হল-মুষল-ধর-বলরাম-মূর্তিতে বিরাজ করিতেছেন। নিত্যানন্দ স্তুতিপাঠ সহকারে নৃত্য করিতে লাগিলেন। শ্রীগৌরাজ নিজ ভক্তগণকে লক্ষ্য করিয়া বলিতে লাগিলেন,—

“অদ্বৈত আচার্য্য বলি কথা কহ যার ।  
সেই নালি লাগি মোর এই অবতার ॥  
মোহারে আনিল নাচা বৈকুণ্ঠ থাকিয়া ।  
নিশ্চিন্তে রহিল গিয়া হরিদাসে লৈয়া ॥  
সঙ্কীর্তন আরম্ভে মোহার অবতার ।  
ঘরে ঘরে করিমু কীর্তন পঁরচার ॥  
বিদ্যা ধন কুল জ্ঞান তপস্চার মদে । •  
মোর ভক্তস্থানে যার আছে অপরাধে ॥  
সে অধম সভারে দিমু প্রেমযোগ ।  
নাগরিয়া প্রতি দিমু ব্রহ্মাদির ভোগ ॥”

প্রভুর কথা শুনিয়া ভক্তগণ আনন্দে ভাসিতে লাগিলেন। কিছুক্ষণ পরে প্রভু স্থির হইয়া ভক্তগণকে বলিলেন, “আমি, বোধ হয়, অতিশয় চাঞ্চল্য প্রকাশ করিলাম ; তোমরা কিন্তু আমার অপরাধ লইবে না।” পরে দেখিলেন, নিত্যানন্দ তখনও উন্মাদের আয় নৃত্য করিতেছেন। কোথায় দণ্ড, কোথায় কমণ্ডলু, কোথায় বসন, কিছুই ঠিক নাই। তিনি বালভাবে দিগম্বর হইয়া নৃত্য করিতেছেন। প্রভু তাঁহাকে ধরিয়া স্থির করিয়া বসন পরিধান করাইয়া দিলেন। নিত্যানন্দ স্থির হইলে, প্রভু গৃহে গমন করিলেন। অপরাপর ভক্তগণও নিজ নিজ গৃহে গমন করিলেন। নিত্যানন্দ শ্রীবাসপণ্ডিতের ভবনেই থাকিলেন। কিছুদূরে শয্যা হইতে উঠিয়া ছকার দিয়া দণ্ড ও কমণ্ডলু ভাঙ্গিয়া ফেলিলেন।

### ব্যাসপূজা

প্রভাতে শ্রীবাসপণ্ডিতের ভ্রাতা রামাই পণ্ডিত দেখিলেন, দণ্ড ও কমণ্ডলু ভগ্নাবস্থায় পতিত রহিয়াছে। নিত্যানন্দের বাহু (১) নাই, আপনার মনে হাসিতেছেন। রামাই পণ্ডিত এই বৃত্তান্ত শ্রীবাসপণ্ডিকে বিদিত করিলেন। শ্রীবাসপণ্ডিত দেখিয়া শ্রীগৌরান্ধকে এই সংবাদ জানাইলেন। শ্রীগৌরান্ধ আসিয়া ঐ ভাঙ্গা দণ্ড ও কমণ্ডলু স্বহস্তে তুলিয়া লইয়া নিত্যানন্দকে সঙ্গে কবিয়া গঙ্গায় স্নান করিতে গেলেন। শ্রীবাসাদি ভক্তগণ তাঁহাদের সহিত স্নান করিতে গেলেন। প্রভু যাইয়া গঙ্গাজলে ঐ ভাঙ্গা দণ্ড ও কমণ্ডলু জলে ভাসাইয়া দিলেন। নিত্যানন্দ স্নান করিতে নাগিয়া অতিশয় চাঞ্চল্য প্রকাশ করিতে লাগিলেন। কখন সাঁতার দেন, কখন কুস্তিরাদি জলজন্তু দেখিয়া ধরিতে যান, কখন হুঙ্কার করেন, কেহ নিবারণ করিলে শুনে না, কেবল শ্রীগৌরান্ধের কথায় কিছু স্থির হন। নিত্যানন্দের চাঞ্চল্য দেখিয়া প্রভু বলিলেন, “শ্রীপাদ, উঠ, ব্যাসপূজা করিতে হইবে, সত্বর আইস।” প্রভুর কথা শুনিয়া নিত্যানন্দ জল হইতে উঠিলেন। সকলে মিলিয়া গৃহে আগমন করিলেন।

এই সময়ে অপরাপর ভক্তগণ আসিয়া সমবেত হইলেন। ব্যাসপূজা আরম্ভ হইল। শ্রীবাসপণ্ডিত ব্যাসপূজার আচার্য্য হইলেন। ভক্তগণ মধুর মধুর কীর্তন করিতে লাগিলেন। নিত্যানন্দ নিজের ভাবেই বিভোর। শ্রীবাসপণ্ডিত মন্ত্র বলিতে বলেন, কে শুনে, কে বা মন্ত্র পাঠ করে! নিত্যানন্দ অনন্তমনে হাসিতেছেন, ধীরে ধীরে কি বলিতেছেন, শুনাও যায় না। শ্রীবাসপণ্ডিত নিজেই কোন মতে প্রারক ব্যাসপূজন সমাধা করিয়া শাস্ত্রবিধি অনুসারে মালা লইয়া নিত্যানন্দের হস্তে দিয়া বলিলেন, “শ্রীপাদ, মন্ত্র পাঠ করিয়া এই মালা ব্যাসদেবকে অর্পণ করুন।” কে কাহার কথা শুনে, নিত্যানন্দ মালা হাতে লইয়া এদিক ওদিক তাকাইতে লাগিলেন। উদারমতি শ্রীবাসপণ্ডিত শ্রীগৌরান্ধকে বলিলেন, “তোমার শ্রীপাদ ত কোন কথাই শুনে না।” শ্রীবাসপণ্ডিতের কথা শুনিয়া শ্রীগৌরান্ধ নিত্যানন্দের নিকটে গিয়া বলিলেন, “নিত্যানন্দ, কথা শুন, সত্বর মালা দিয়া ব্যাসপূজা সমাপন কর।” নিত্যানন্দ করস্থিত মালা সম্মুখস্থ শ্রীগৌরান্ধের গলায় পরাইয়া দিলেন। তিনি শ্রীগৌরান্ধের গলায় মালা অর্পণ করিয়াই দেখিলেন, বিশ্বস্তুর শঙ্খ, চক্র, গদা, পদ্ম, হল ও মুষণ ধারণ পূর্বক

(১) হুলদেহাভিনিবেশ।

শ্বেদ, অশ্রু ও পুষ্ক প্রভৃতি দর্শন করিয়া ভক্তগণ অদ্ভুত মানিতে লাগিলেন। নিত্যানন্দ ও বিশ্বস্তরের পদভরে ধরনী টলমল করিতে লাগিলেন। এইরূপ কিছুক্ষণ নৃত্যগীতাদির পর শ্রীগৌরসুন্দর বলরামভাবে আবিষ্ট হইয়া নিত্যানন্দের নিকট হল ও মুষল প্রার্থনা করিতে লাগিলেন। নিত্যানন্দ প্রভুর হস্তের দিকে হস্ত প্রসারণ করিলেন। ভক্তগণ দেখিলেন, নিত্যানন্দ প্রভুকে হল ও মুষল দিলেন এবং প্রভু তাহা গ্রহণ করিলেন। প্রভু হল ও মুষল লইয়া 'মদ আন মদ আন' বলিতে লাগিলেন। ভক্তগণ পরস্পর যুক্তি করিয়া এক কলস গঙ্গাজল আনিয়া দিলেন। প্রভু তাহা লইয়া পান করিলেন। তখন ভক্তগণ দেখিলেন, প্রভু হল-মুষল-ধর-বলরাম-মূর্তিতে বিরাজ করিতেছেন। নিত্যানন্দ স্তুতিপাঠ সহকারে নৃত্য করিতে লাগিলেন। শ্রীগৌরসুন্দর নিজ ভক্তগণকে লক্ষ্য করিয়া বলিতে লাগিলেন,—

“অদ্বৈত আচার্য্য বলি কথা কহ যার।  
সেই নালি লাগি মোর এই অবতার ॥  
মোহারে আনিল নাড়া বৈকুণ্ঠ থাকিয়া।  
নিশ্চিন্তে রহিল গিয়া হরিদাসে লৈয়া ॥  
সঙ্কীর্তন আরম্ভে মোহার অবতার।  
ঘরে ঘরে করিমু কীর্তন পঁরচার ॥  
বিদ্যা ধন কুল জ্ঞান তপস্চার মদে । •  
মোর ভক্তস্থানে যার আছে অপরাধে ॥  
সে অধম সভারে দিমু প্রেমযোগ ।  
নাগরিয়া প্রতি দিমু ব্রহ্মাদির ভোগ ॥”

প্রভুর কথা শুনিয়া ভক্তগণ আনন্দে ভাসিতে লাগিলেন। কিছুক্ষণ পরে প্রভু স্থির হইয়া ভক্তগণকে বলিলেন, “আমি, বোধ হয়, অতিশয় চাঞ্চল্য প্রকাশ করিলাম; তোমরা কিন্তু আমার অপরাধ লইবে না।” পরে দেখিলেন, নিত্যানন্দ তখনও উন্মাদের আশ্রয় নৃত্য করিতেছেন। কোথায় দণ্ড, কোথায় কমণ্ডলু, কোথায় বসন, কিছুই ঠিক নাই। তিনি বালভাবে দিগম্বর হইয়া নৃত্য করিতেছেন। প্রভু তাঁহাকে ধরিয়া স্থির করিয়া বসন পরিধান করাইয়া দিলেন। নিত্যানন্দ স্থির হইলে, প্রভু গৃহে গমন করিলেন। অপরাপর ভক্তগণও নিজ নিজ গৃহে গমন করিলেন। নিত্যানন্দ শ্রীবাসপণ্ডিতের ভবনেই থাকিলেন। কিছুকালে শয্যা হইতে উঠিয়া ছুকার দিয়া দণ্ড ও কমণ্ডলু ভাঙ্গিয়া ফেলিলেন।

ব্যাসপূজা

প্রভাতে শ্রীবাসপণ্ডিতের ভ্রাতা রামাই পণ্ডিত দেখিলেন, দণ্ড ও কমণ্ডলু ভগ্নাবস্থায় পতিত রহিয়াছে। নিত্যানন্দের বাহ (১) নাই, আপনার মনে হাসিতেছেন। রামাই পণ্ডিত এই বৃত্তান্ত শ্রীবাসপণ্ডিকে বিদিত করিলেন। শ্রীবাসপণ্ডিত দেখিয়া শ্রীগৌরাজকে এই সংবাদ জানাইলেন। শ্রীগৌরাজ আসিয়া ঐ ভাঙ্গা দণ্ড ও কমণ্ডলু স্বহস্তে তুলিয়া লইয়া নিত্যানন্দকে সঙ্গে কবিয়া গঙ্গায় স্নান করিতে গেলেন। শ্রীবাসাদি ভক্তগণ তাঁহাদের সহিত স্নান করিতে গেলেন। প্রভু যাইয়া গঙ্গাজলে ঐ ভাঙ্গা দণ্ড ও কমণ্ডলু জলে ভাসাইয়া দিলেন। নিত্যানন্দ স্নান করিতে নাগিয়া অতিশয় চাঞ্চল্য প্রকাশ করিতে লাগিলেন। কখন সঁতার দেন, কখন কুস্তিরাদি জলজন্তু দেখিয়া ধরিতে যান, কখন ছুঁকার করেন, কেহ নিবারণ করিলে শুনে না, কেবল শ্রীগৌরাজের কথায় কিছু স্থির হন। নিত্যানন্দের চাঞ্চল্য দেখিয়া প্রভু বলিলেন, “শ্রীপাদ, উঠ, ব্যাসপূজা করিতে হইবে, সত্বর আইস।” প্রভুর কথা শুনিয়া নিত্যানন্দ জল হইতে উঠিলেন। সকলে মিলিয়া গৃহে আগমন করিলেন।

এই সময়ে অপরাপর ভক্তগণ আসিয়া সমবেত হইলেন। ব্যাসপূজা আরম্ভ হইল। শ্রীবাসপণ্ডিত ব্যাসপূজার আচার্য্য হইলেন। ভক্তগণ মধুর মধুর কীর্তন করিতে লাগিলেন। নিত্যানন্দ নিজের ভাবেই বিভোর। শ্রীবাসপণ্ডিত মন্ত্র বলিতে বলেন, কে শুনে, কে বা মন্ত্র পাঠ করে! নিত্যানন্দ অনন্তমনে হাসিতেছেন, ধীরে ধীরে কি বলিতেছেন, শুনাও যায় না। শ্রীবাসপণ্ডিত নিজেই কোন মতে প্রারক ব্যাসপূজন সমাধা করিয়া শাস্ত্রবিধি অনুসারে মালা লইয়া নিত্যানন্দের হস্তে দিয়া বলিলেন, “শ্রীপাদ, মন্ত্র পাঠ করিয়া এই মালা ব্যাসদেবকে অর্পণ করুন।” কে কাহার কথা শুনে, নিত্যানন্দ মালা হাতে লইয়া এদিক ওদিক তাকাইতে লাগিলেন। উদারমতি শ্রীবাসপণ্ডিত শ্রীগৌরাজকে বলিলেন, “তোমার শ্রীপাদ ত কোন কথাই শুনে না।” শ্রীবাসপণ্ডিতের কথা শুনিয়া শ্রীগৌরাজ নিত্যানন্দের নিকটে গিয়া বলিলেন, “নিত্যানন্দ, কথা শুন, সত্বর মালা দিয়া ব্যাসপূজা সমাপন কর।” নিত্যানন্দ করস্থিত মালা সম্মুখস্থ শ্রীগৌরাজের গলায় পরাইয়া দিলেন। তিনি শ্রীগৌরাজের গলায় মালা অর্পণ করিয়াই দেখিলেন, বিশ্বস্তুর শঙ্খ, চক্র, গদা, পদ্ম, হল ও মুষণ ধারণ পূর্বক

(১) মূলদেহাভিনিবেশ।

ষড়্ভুজমূর্তিতে সম্মুখে দণ্ডায়মান। দেখিয়াই তিনি মূচ্ছিত হইয়া ভূমিতলে পতিত হইলেন। পতিত নিত্যানন্দকে নিষ্পন্দ ও ধাতুরহিত' দেখিয়া ভক্তগণ ভীত হইলেন। তদর্শনে শ্রীগৌরাজ হুঙ্কার দিয়া নিত্যানন্দকে উঠাইলেন। পরে বলিলেন, “নিত্যানন্দ, স্থিত হও, অভিলষিত সঙ্কীৰ্তন শ্রবণ কর।” তিনি এই কথা বলিয়া ভক্তগণকে কীৰ্তন আরম্ভ করিতে আদেশ করিলেন। ভক্তগণ শ্রীগৌরাজ ও নিত্যানন্দকে বেড়িয়া পরমানন্দে সঙ্কীৰ্তন আরম্ভ করিলেন। কিছুক্ষণ নৃত্যগীতের পর শ্রীগৌরাজ শ্রীবাসপণ্ডিতকে ব্যাসপূজার নৈবেদ্য সকল আনয়ন করিতে বলিলেন। নৈবেদ্য আনীত হইলে, প্রভু উহার কিঞ্চিৎ স্বয়ং লইয়া অবশিষ্ট ভক্তগণকে ভাগ করিয়া দিলেন। এইরূপে শ্রীনিত্যানন্দের ব্যাস-পূজামহোৎসব সম্পন্ন হইল।

### অট্টভমিলন

একদা ভাবাবিষ্ট হইয়া শ্রীগৌরাজ শ্রীবাসের ভ্রাতা রামাই পণ্ডিতকে ডাকিয়া বলিলেন, “পণ্ডিত, তুমি সম্বর অট্টভাচার্যের নিকট যাইয়া তাঁহাকে আমার প্রকাশবৃত্তান্ত জানাও।” প্রভুর আজ্ঞা মস্তকে ধারণ করিয়া রামাই পণ্ডিত তৎক্ষণাৎ শান্তিপুরাভিমুখে যাত্রা করিলেন। তিনি আচার্যের আবাংসে উপনীত হইয়া আচার্যকে প্রণাম করিলেন। সৰ্বজ্ঞ আচার্য ভক্তিযোগপ্রভাবে সমস্তই বিদিত হইয়াছিলেন। তথাপি রামাইপণ্ডিতকে দেখিয়া হাসিতে হাসিতে বলিলেন, “পণ্ডিত, হঠাৎ শান্তিপুরে আসিবার কারণ কি বল।” রামাইপণ্ডিত বলিলেন, “প্রভুর আদেশ লইয়া আসিয়াছি, শুনিয়া যাহা কর্তব্য হয় করুন।” পরে তিনি বলিলেন,—

“যার লাগি করিয়াছ বিস্তর ক্রন্দন ।  
যার লাগি করিলা বিস্তর আরাধন ॥  
যার লাগি করিলা বিস্তর উপবাস ।  
সে প্রভু তোমার লাগি হইলা প্রকাশ ॥  
ভক্তিযোগ বিলাইতে তাঁর আগমন ।  
তোমারে সে আজ্ঞা করিতে বিবর্তন<sup>২</sup> ॥  
ষড়্ভুজ পূজার বিধিযোগ্য সজ্জ লৈয়া ।  
প্রভুর আজ্ঞায় চল সস্তীক হইয়া ॥

নিত্যানন্দ স্বরূপের হৈলা আগমন ।  
 প্রভুর দ্বিতীয় দেহ তোমার জীবন ॥  
 তুমি সে জানহ তাঁরে মুঞি কি কহিমু ।  
 ভাগ্য থাকে মোর তবে একত্র দেখিমু ॥”

রামাই পণ্ডিতের মুখে প্রভুর আদেশ শ্রবণ করিয়া অদ্বৈতাচার্য্য আনন্দে অধীর হইয়া নৃত্য করিতে লাগিলেন । পরে ধৈর্য্যধারণপূর্ব্বক সীতাদেবীকে প্রভুর আদেশ শুনাইয়া সত্বর গমনের আয়োজন করিতে বলিলেন । সীতাদেবী প্রভুর প্রকাশ শ্রবণ করিয়া গন্ধ, মালা, ধূপ, বস্ত্র, ক্ষীর, দধি, নবনীত, কর্পূর ও তাম্বুল প্রভৃতি পূজোপহারসকল সংগ্রহ করিয়া আচার্য্যকে উহা নিবেদন করিলেন । আচার্য্য সস্ত্রীক রামাইপণ্ডিতের সহিত নবদ্বীপে যাত্রা করিলেন । তিনি নবদ্বীপে উপনীত হইয়া রামাইপণ্ডিতকে বলিলেন,—“পণ্ডিত আমি নন্দন আচার্য্যের গৃহে থাকিব । তুমি আমার আগমনের কথা কাহাকেও বলিবে না । পরন্তু বলিবে আচার্য্য এখানে আসিলেন না !” এই কথা বলিয়া আচার্য্য রামাইপণ্ডিতকে বিদায় দিয়া সস্ত্রীক নন্দন আচার্য্যের গৃহে গোপনভাবে অবস্থান করিতে লাগিলেন ।

এদিকে রামাইপণ্ডিত না আসিতেই শ্রীগোরাঙ্গ ভাবাবেশে বিষ্ণুখটায় উপবিষ্ট হইয়া হুঙ্কার সহকারে ভক্তগণকে বলিলেন, আচার্য্য আমার ঐশ্বর্য্য দেখিতে চান ।” এমন সময়ে রামাইপণ্ডিত আসিয়া উপস্থিত হইলেন । প্রভু রামাইপণ্ডিতকে দেখিয়া বলিলেন, “আচার্য্য আমাকে পরীক্ষা করিবার নিমিত্ত স্বয়ং নদীয়ায় আসিয়াও এখানে আগমন করিলেন না, তোমাকে পাঠাইয়া দিলেন । যাও, আচার্য্যকে লইয়া আইস ।” রামাইপণ্ডিত প্রভুর আদেশ পাইয়া পুনশ্চ আচার্য্যের নিকট যাইয়া তাঁহাকে প্রভুর শেষ আদেশ শুনাইলেন । আচার্য্য শুনিয়া তখনই সস্ত্রীক শ্রীবাসভবনে আসিয়া উপস্থিত হইলেন । তিনি দূর হইতেই প্রভুকে দেখিয়া দণ্ডবৎ প্রণাম করিলেন । পরে উত্থিত হইয়া প্রভুকে কোটিকন্দর্পসুন্দর দ্বিভুজ মুরলীধর মূর্ত্তিতে বিরাজ করিতে দেখিয়া বিস্মিত ও স্তম্ভিত হইলেন । পরে উর্দ্ধবাহু হইয়া বলিতে লাগিলেন,—

“আজি সে সফল মোর দিন পরকাশ ।  
 আজি সে সকল কেনুঁ যত অভিলাষ ॥  
 আজি মোর জন্ম দেহ সকল সফল ।  
 সাক্ষাতে দেখিলুঁ তোর চরণযুগল ॥



ঘোষে মাত্র চারি বেদ যারে নাহি দেখে ।  
 হেন তুমি মোর লাগি হৈলা পরতেথে ॥ (১)  
 মোর কিছু শক্তি নাহি তোমার করুণা ।  
 তোমা বই জীব উদ্ধারিব কোন্ জনা ॥”

বলিতে বলিতে আচার্য্য প্রেমে বিহ্বল হইয়া পড়িলেন । তখন প্রভু তাঁহাকে পূজা করিতে আদেশ করিলেন । প্রভুর আদেশ পাইয়া আচার্য্য পরমানন্দে শ্রীকৃষ্ণার্চনপদ্ধতি অনুসারে ষোড়শোপচারে শ্রীশ্রীগৌরসুন্দরের অর্চনা করিয়া “নমো ব্রহ্মণ্যদেবায় গোব্রাহ্মণহিতায় চ । জগদ্ধিতায় কৃষ্ণায় গোবিন্দায় নমো..নমঃ ॥” এই শ্লোক পাঠ সহকারে প্রণাম করিলেন । পরে স্তবপাঠান্তর শ্রীগৌরাজের চরণতলে পতিত হইলেন । শ্রীগৌরাজ অদ্বৈতাচার্য্যের মস্তকে চরণ প্রদান করিলেন । আচার্য্য তাঁহার চরণরেণু পাইয়া আনন্দে উন্মত্ত হইয়া নৃত্য করিতে লাগিলেন । চারিদিকে ভক্তগণ ‘জয় জয়’ ধ্বনি করিতে লাগিলেন । শ্রীগৌরাজ আপনার গলদেশ হইতে মালা লইয়া অদ্বৈতাচার্য্যের গলায় পরাইয়া দিয়া তাঁহাকে অভিলষিত বর প্রার্থনা করিতে বলিলেন । অদ্বৈতাচার্য্য স্বয়ং কোন বর প্রার্থনা না করিয়া তাঁহার উপরই বরদানের ভার অর্পণ করিলেন । শ্রীগৌরাজ তুষ্ট হইয়া বলিলেন,—

“ঘরে ঘরে করিমু কীর্তন-পরচার ।  
 মোর যশে নাচে যেন সকল সংসার ॥  
 ব্রহ্ম-ভব-নারদাদি যারে তপ করে ।  
 হেন ভক্তি বিলাইমু বলিলু তোমারে ॥”

### শ্রীপুণ্ডরীক বিছানিধি

একদা শ্রীগৌরাজ অকস্মাৎ ‘পুণ্ডরীক’ নাম করিয়া রোদন করিতে আরম্ভ করিলেন । ভক্তগণ প্রভুকে পুণ্ডরীকের নাম করিয়া রোদন করিতে দেখিয়া জিজ্ঞাসা করিলেন, “প্রভো, পুণ্ডরীক কে?” প্রভু বলিলেন,—“তোমরা ভাগ্যবন্ত, যেহেতু তোমাদিগের পুণ্ডরীককে জানিবার অভিলাষ হইয়াছে । তাঁহার চরিত্র অতীব অদ্ভুত । উহা শ্রবণ করিলেও লোক পবিত্র হয় । তাঁহার জন্মস্থান চট্টগ্রাম । এখানেও তাঁহার বাড়ী আছে, এবং মধ্যে মধ্যে আসিয়াও থাকেন । তাঁহার আচারব্যবহার বিষয়ীর মত, কিন্তু তিনি পরম

(১) প্রত্যক্ষ ।

ভক্ত ও বিরক্ত বৈষ্ণব। ধনশালী বিপ্রে'র কুলে তাঁহার জন্ম, উপাধি বিদ্যানিধি। গঙ্গার প্রতি তাঁহার ঈদৃশী ভক্তি, যে, তিনি পাদস্পর্শভয়ে গঙ্গায় স্নান করেন না। তিনি সত্বর এই স্থানে আগমন করিবেন। তোমরা অচিরেই তাঁহার দর্শন লাভ করিয়া সুখী হইবে।” ভক্তগণ সকলেই এই কথা শুনিলেন। তাঁহাদের মধ্যে কেবল মুকুন্দ ও বাসুদেবদত্ত তাঁহাকে জানিতেন, অপর কেহই জানিতেন না।

এই ঘটনার কয়েকদিন পরেই পুণ্ডরীক বিদ্যানিধি শ্রীধাম নবদ্বীপে আগমন করিলেন। মুকুন্দ তাহা জানিতে পারিয়া গদাধর পণ্ডিতকে বলিলেন, “পণ্ডিত, তোমার বৈষ্ণব দর্শনের বিশেষ অভিলাষ, আজ এখানে একজন পরম বৈষ্ণব আসিয়াছেন, ইচ্ছা হইলে, আমার সহিত আগমন কর।” মুকুন্দের কথা শুনিয়া গদাধর তখনই তাঁহার সহিত পুণ্ডরীক বিদ্যানিধিকে দেখিতে গেলেন। তাঁহারা যাইয়াই সম্মুখে পুণ্ডরীক বিদ্যানিধিকে দেখিলেন। গদাধর মুকুন্দের মুখে পরিচয় পাইয়া পুণ্ডরীক বিদ্যানিধিকে নমস্কার করিলেন। পুণ্ডরীক বিদ্যানিধি তাঁহাদিগকে সাদরসন্তোষণসহকারে আসন প্রদান করিলেন। মুকুন্দ গদাধরের সহিত আসন গ্রহণ করিলে, পুণ্ডরীক বিদ্যানিধি মুকুন্দকে তৎসমভিব্যাহারী গদাধর পণ্ডিতের পরিচয় জিজ্ঞাসা করিলেন। মুকুন্দ বলিলেন, “ইহার নাম গদাধর, ইনি মাধব মিশ্রের পুত্র, বাল্যাবধি বিরক্ত ও ভক্ত, আমার মুখে আপনার নাম শুনিয়া আপনাকে দর্শন করিতে আসিয়াছেন।” মুকুন্দের কথা শুনিয়া পুণ্ডরীক বিদ্যানিধি বিশেষ আনন্দ প্রকাশ করিলেন।

গদাধর দেখিলেন, বিদ্যানিধি পরমসুন্দর পুরুষ, বেশভূষা রাজপুত্রের স্থায়, সুসজ্জিত গৃহে সুসজ্জিত শয্যায় উপবিষ্ট, ওষ্ঠাধর তাম্বুলরাগে সুরঞ্জিত, দুইজন ভৃত্য দুইপার্শ্বে দাঁড়াইয়া ময়ূরপুচ্ছনির্মিত ব্যঞ্জন দ্বারা তাঁহাকে বীজন করিতেছে। গদাধর আজন্ম সংসারবিরক্ত, পুণ্ডরীক বিদ্যানিধির বেশভূষা দেখিয়া তাঁহার মনে কিছু সংশয় জন্মিল। তিনি তাঁহার দিব্য ভোগ, দিব্য বেশ, দিব্য কেশ ও দিব্য গৃহোপকরণ সকল দেখিয়া কিঞ্চিৎ ক্ষুব্ধ হইলেন। দর্শনের পূর্বে শুনিয়া যে ভক্তিলেশ জন্মিয়াছিল, দেখিয়া তাহা দূরে গেল। মুকুন্দ গদাধরের মুখের দিকে দৃষ্টি করিয়া তাঁহার মনের ভাব বুঝিতে পারিলেন। তিনি অতীব সুস্বরসম্পন্ন গায়ক ছিলেন, গদাধরকে বিদ্যানিধির পরিচয় প্রদান করিবার নিমিত্ত স্বাভাবিক সুস্বরে ভক্তিযোগের মহিমাচক একটি গান করিলেন। গান শুনিয়াই বিদ্যানিধি ক্রন্দন করিতে লাগিলেন।

তাঁহার নয়নযুগল হইতে আনন্দধারা প্রবাহিত হইতে লাগিল। কম্প, পুলক, স্বেদ ও মূর্ছাদি সাত্ত্বিক বিকার সকলের যুগপৎ উদয় হইল। তাঁহার হস্তপদাদির আঘাতে শয্যা ও গৃহোপকরণ সকল লণ্ডভণ্ড হইয়া গেল। বেশভূষা সকল ছিন্নভিন্ন হইয়া ভূমিতলে পতিত হইতে লাগিল। শেষে তিনি নিশ্চলভাবে সংজ্ঞাহীন ও ধাতুহীন অবস্থায় পড়িয়া রহিলেন। তাঁহার ভাবগতি দেখিয়া গদাধর অতিশয় বিস্মিত হইলেন। পরে অবজ্ঞাকরণ নিমিত্ত আপনাকে অপরাধী বিবেচনা করিয়া উক্ত অপরাধের ক্ষমাপণার্থ তাঁহাকেই দীক্ষাগুরু করিবার মনস্থ করিলেন এবং মুকুন্দের নিকট নিজের :নের কথা জানাইলেন। মুকুন্দ শুনিয়া পরম সন্তোষ লাভ করিলেন এবং বিদ্যানিধির চৈতন্যোদয় হইলে তাঁহাকে গদাধরের অভিপ্রায় জানাইলেন। পুণ্ডরীক বিদ্যানিধি মুকুন্দের কথা শুনিয়া বলিলেন, “বিধাতা আমাকে মহারত্ন মিলাইয়া দিলেন, বহুভাগ্যে গদাধরের তুল্য শিষ্য পাওয়া যায়, আগামী গুরুপক্ষের দ্বাদশীতে গল্পদান করিব।” গদাধর বিদ্যানিধির কথা শুনিয়া আনন্দে তাঁহাকে নমস্কার করিয়া মুকুন্দের সহিত বিদায় গ্রহণ করিলেন।

অতঃপর একদিন পুণ্ডরীক বিদ্যানিধি গোপনে শ্রীগৌরাজের চরণ দর্শন করিলেন। তিনি শ্রীগৌরাজকে দর্শন করিয়াই আনন্দমূর্ছা প্রাপ্ত হইলেন। শ্রীগৌরাজ বিদ্যানিধিকে তদবস্থ দেখিয়া ক্রোড়ে তুলিয়া লইয়া ক্রন্দন করিতে লাগিলেন। উপস্থিত ভক্তগণ আগন্তুক বিদ্যানিধিকে প্রভুর কোন প্রিয়তম ভক্ত বুঝিয়া প্রীতিলাভ করিলেন। প্রভুও তাঁহাদিগকে বিদ্যানিধির পরিচয় প্রদান করিয়া তাঁহাকে লইয়া কীর্তন আরম্ভ করিলেন। কিয়ৎক্ষণ কীর্তনানন্দের পর পুণ্ডরীক বিদ্যানিধি অষ্টৈতাচার্য্যাদি প্রভুর ভক্তবৃন্দকে প্রণাম করিলেন। অষ্টৈতাচার্য্যাদি ভক্তবৃন্দ পুণ্ডরীক বিদ্যানিধিকে পাইয়া নিরতিশয় আনন্দ লাভ করিলেন। গদাধর প্রভুকে জানাইয়া তাঁহার অনুমতি অনুসারে পূর্বোক্ত দিবসে পুণ্ডরীক বিদ্যানিধির নিকট দীক্ষিত হইলেন।

### শচীদেবীর গৃহে নিত্যানন্দের ভিক্ষা

একদিন শ্রীগৌরাজ হাসিতে হাসিতে শ্রীবাস পণ্ডিতকে বলিলেন, “পণ্ডিত, তুমি নিত্যানন্দ অবধূতকে গৃহে রাখিয়া ভাল কর নাহি; ইহঁার জাতি বা কুল জানা নাহি; বিশেষতঃ ইহঁার আচার ব্যবহারও ভাল দেখা যায় না।”

প্রভুর কথা শুনিয়া শ্রীবাস পণ্ডিত বলিলেন,—“প্রভো, আমার একরূপ পরীক্ষা উচিত হয় না। যে তোমাকে একদিনও ভজে, সেই আমার প্রাণ। নিত্যানন্দ ত তোমার দেহ, তাঁহার কথাই নাই। নিত্যানন্দ যদি মণ্ডপান বা ঘবনীগমনও করেন, তিনি যদি আমার জাতি ধন বা প্রাণও নষ্ট করেন, তথাপি তাঁহার প্রতি আমার চিত্তের ভাবান্তর হইবে না, এই সত্য কথা বলিলাম।” শ্রীবাসের কথা শুনিয়া প্রভু অতিশয় সন্তুষ্ট হইয়া বলিলেন, পণ্ডিত, নিত্যানন্দের প্রতি তোমার সুদৃঢ় বিশ্বাস দেখিয়া আমি বিশেষ সন্তোষ লাভ করিলাম। তোমার গৃহে কখনই দারিদ্র্য প্রবেশ করিবে না। তোমার বাড়ীর বিড়ালকুকুরও আমাতে ভক্তিলাভ করিবে। আমি নিত্যানন্দকে তোমার হস্তে সমর্পণ করিলাম। তুমি ইহাকে সর্বতোভাবে রক্ষণাবেক্ষণ করিবে।” এই কথা বলিয়া প্রভু নিজগৃহে গমন করিলেন।

এইরূপে নিত্যানন্দ পরমানন্দে শ্রীবাসভবনে বাস করেন। তাঁহার প্রকৃতি বালকের ঞ্চার সদাই চঞ্চল। তিনি কখন নদীয়ার পথে পথে ভ্রমণ করেন, কখন গঙ্গাদাসের বা মুরারির ভবনে গমন করেন, কখন গঙ্গাপ্রবাহে পতিত হইয়া ভাসিতে ভাসিতে কতদূর চলিয়া যান। শচীদেবী তাঁহাকে দেখিয়া সন্ন্যাসিবোধে নিজচরণ স্পর্শ করিতে দেন না, পলাইয়া যান। একদিন শচীদেবী রাত্রিকালে স্বপ্ন দেখিলেন, কৃষ্ণ ও বলরাম শ্রীগৌরাজ ও শ্রীনিত্যানন্দের সহিত ক্রীড়া করিতেছেন এবং ক্রীড়া করিতে করিতে শ্রীনিত্যানন্দ পঞ্চমবর্ষীয় বালকের ঞ্চার তাঁহার নিকট অন্ন প্রার্থনা করিতেছেন। শচীদেবী নিদ্রাভঙ্গের পর উক্ত স্বপ্নবৃত্তান্ত শ্রীগৌরাজের নিকট ব্যক্ত করিলেন। শ্রীগৌরাজ শুনিয়া বলিলেন, -“মাতঃ, তুমি অতি সুস্বপ্ন দর্শন করিয়াছে। তোমার এই স্বপ্নবৃত্তান্ত আর কাহারও নিকট ব্যক্ত করিও না। তোমার গৃহে যে শালগ্রামশিলা আছে, তিনি অতীব জাগ্রত, এসকল তাঁহারই খেলা। তুমি প্রতিদিন শালগ্রামের পূজার নিমিত্ত যে নৈবেদ্য দাও, প্রায়ই দেখি, তাহার অর্ধেক থাকে না। দেখিয়া আমার মনে তোমার বধুকেই সন্দেহ হইত, আজ তোমার স্বপ্ন শুনিয়া ঐ সন্দেহ দূর হইল। যাহা হউক, আজ শ্রীনিত্যানন্দকে ভোজন করাও।” পশ্চাদ্ভাগ হইতে পতির কথা শ্রবণ করিয়া বিষ্ণুপ্রিয়া দেবী হাসিতে লাগিলেন। শচীদেবী কোন কথাই বলিলেন না। প্রভু জননীকে পাকের আয়োজন করিতে বলিয়া স্বয়ং শ্রীবাস পণ্ডিতের ভবনে যাইয়া নিত্যানন্দকে বলিলেন, “গোসাঁই, আজ আমার বাড়ীতে তোমার

ভিক্ষা, “কিন্তু দেখিও, কোনরূপ চাক্ষু্য প্রকাশ করিও না।” নিত্যানন্দ হাসিয়া বলিলেন, “বিষ্ণু বিষ্ণু, চক্ষু্যতা পাগলেই প্রকাশ করে, তুমি সকলকেই নিজের মত চক্ষু্য মনে কর।” অনন্তর শ্রীগৌরসুন্দর নিত্যানন্দকে লইয়া নিজ ভবনে আগমন করিলেন। গদাধর প্রভৃতি পরম আপ্তগণ (১) ও আসিয়া উপস্থিত হইলেন। ভূতা ঈশান সকলকে চরণ ধৌত করিবার নিমিত্ত জল দিলেন। তাঁহারা ক্রমান্বয়ে পাদপ্রক্ষালনের পর ভোজন করিতে বসিলেন। শচীদেবী অন্নাদি পরিবেশন করিতে লাগিলেন। ভোজন সমাধা হয় হয় এমন সময়ে শচীদেবী দেখিলেন, শ্রীগৌরসুন্দর ও শ্রীনিত্যানন্দ কৃষ্ণ ও বলরামের ন্যায় একত্র বসিয়া ভোজন করিতেছেন। তদর্শনে তিনি মুচ্ছিত ও ভূতলে পতিত হইলেন। প্রভু ব্যস্ত সমস্ত হইয়া আচমনপূর্বক জননীকে তুলিলেন। শচীদেবী সংজ্ঞালাভ করিয়া গৃহমধ্যে প্রবেশ পূর্বক কাঁদিতে লাগিলেন। ঈশান গৃহাদি পরিষ্কার করিলেন।

### ভক্তসম্মিলন

শ্রীগৌরসুন্দর এইরূপে শ্রীনবদ্বীপে নিজানন্দে বিহার করিতে লাগিলেন। রাত্রি-দিন জ্ঞান নাই, সদাই আবিষ্ট, আনন্দে বিভোর থাকেন। ভক্তগণের ভাগ্যের সোমা নাই, কেহ প্রভুকে মৎস্য দেখেন, কেহ কুর্ম দেখেন, কেহ বরাহ দেখেন, কেহ বামন দেখেন, কেহ নৃসিংহ দেখেন, কেহ পরশুরাম দেখেন, যাঁহার যেমন মনের গতি তিনি তেমনি দর্শন করিয়া থাকেন। দৈবাৎ একদিন প্রভুর বাড়ীতে এক শিবের গায়ক আসিয়া ডমরু বাজাইয়া গান করিতে আরম্ভ করিল। প্রভু গান শুনিতে শুনিতে শিবভাবে আবিষ্ট হইয়া ঐ গায়কের স্কন্ধে আরোহণ করিলেন এবং ছুঁকার দিয়া ‘আমি শিব’ এই কথা বলিতে লাগিলেন। কিয়ৎক্ষণ পরে প্রভুর বাহু হইল। তখন তিনি স্কন্ধ হইতে নামিয়া গায়ককে ভিক্ষা দিয়া বিদায় করিলেন। গায়ক কৃতার্থ হইয়া নিজগৃহে গমন করিল। ভক্তগণ আনন্দে হরিধ্বনি করিতে লাগিলেন।

গায়ক চলিয়া গেলে, প্রভু ভক্তগণকে বলিলেন, “ভাই সকল, আমাদের দিবাভাগ একপ্রকার আনন্দেই অতিবাহিত হয়, কিন্তু রাত্রিকাল বৃথা যায়, অতএব আজ হইতে আমরা প্রতিরাত্রিতেই সঙ্কীৰ্ত্তন করিতে ইচ্ছা করিতেছি।” ভক্তগণ

শুনিয়া আনন্দিত হইলেন। রাত্রিকালে শ্রীবাস পণ্ডিতের ভবনে যাইয়া সঙ্কীৰ্তনের ব্যবস্থা হইল। প্রতিরাত্রিতেই নিয়মিত সঙ্কীৰ্তন হইতে লাগিল। নিত্যানন্দ, গদাধর, অদ্বৈতাচার্য্য, শ্রীবাস পণ্ডিত, বিছানিধি, মুরারি, হিরণ্য, হরিদাস, গঙ্গাদাস, বনমালী, বিজয়, নন্দন, জগদানন্দ, বুদ্ধিমন্ত খান, নারায়ণ, কাশীশ্বর, বাসুদেব, রাম, গরুড়াই, গোবিন্দ, গোবিন্দানন্দ, গোপীনাথ, জগদীশ, শ্রীমান্, শ্রীধর, সদাশিব, বক্রেস্বর, শ্রীগর্ভ, শুক্লাশ্বর, ব্রহ্মানন্দ, পুরুষোত্তম ও সঞ্জয় প্রভৃতি ভক্তবৃন্দ নিয়মিতভাবে সঙ্কীৰ্তনে যোগদান করিলেন। ক্রমে নানাস্থান হইতে নানা ভক্ত আসিয়া মিলিত হইতে লাগিলেন। শ্রীগৌরান্দ সঙ্কীৰ্তন করিতে করিতে কখন আপনাকে ভক্তভাবে কখন বা ঈশ্বরভাবে প্রকাশ করিতে লাগিতেন।

### শ্রীহরিবাসরকীৰ্তন

“করণ কমল আঁখি,                      তারকা ভ্রমরা পাখী,  
 ডুবু ডুবু করুণা মকরন্দ ।  
 বদন পূর্ণিমা চাঁদে,                      ছটায় পরাণ কাঁদে,  
 তাহে নব প্রেমের আরম্ভ ॥  
 আনন্দ নদীয়াপুরে,                      টলমল প্রেমভরে,  
 শচীর ছুলাল গোরা নাচে ।  
 যখন ভাতিয়া চলে,                      বিজলি ঝলমল করে,  
 চমকিত অমর-সমাজে ॥  
 কি দিব উপমা তার,                      করুণা বিগ্রহ-সার,  
 হেন রূপ মোর গোরা রায় ।  
 প্রেমায় নদীয়ার লোক,                      নাহি জানে দুঃখ শোক,  
 আনন্দে লোচনদাস গায় ॥”

একদা শ্রীহরিবাসরে’ অষ্টপ্রহর কীৰ্তনের বিধান হইল। একে একে ভক্তগণ সমবেত হইলে, রবির উদয় হইতেই কীৰ্তন আরম্ভ হইল। পূণ্যবান্ শ্রীবাসপণ্ডিতের অঙ্গনে “গোপালগোবিন্দ” ধ্বনি উত্থিত হইল। জগতের প্রাণ শ্রীগৌরান্দ নৃত্য আরম্ভ করিলেন। নদীয়াপুরী প্রেমভরে টলমল করিতে লাগিল। গায়ক সকল দলে দলে কীৰ্তন আরম্ভ করিতে লাগিলেন। শ্রীবাসপণ্ডিত এক সম্প্রদায় লইয়া গান আরম্ভ করিলেন। মুকুন্দ অপর সম্প্রদায় লইয়া

( ১ ) একাদশীর উপবাসের দিন। একাদশীর অন্ত্যপাদ ও দ্বাদশীর পূর্ব পাদকে হরিবাসর বলে।

গান করিতে লাগিলেন। গোবিন্দ ঘোষ অন্য এক সম্প্রদায় লইয়া কীর্তন আরম্ভ করিলেন। গৌরচন্দ্র অদ্ভুত প্রকাশ ধারণ পূর্বক যুগপৎ সকল সম্প্রদায়েই নৃত্য করিতে লাগিলেন। তাঁহার নয়নকমল করুণা-মকবন্দে ডুবু ডুবু হইল। ভক্তগণের নেত্রভ্রমর সকল ঐ মকবন্দ পান করিতে লাগিল। অদ্বৈতাচার্য্য নাচিতে নাচিতে অলক্ষিতভাবে প্রভুর পাদরজ গ্রহণ করিতে লাগিলেন। ক্ষণে ক্ষণে প্রভুর ভিন্ন ভিন্ন ভাবাবেশ সকল দৃষ্ট হইতে লাগিল। তিনি অদ্ভুত ভাবাবেশে ভক্তবর্গের মধ্যে কাহাকে হলধর, কাহাকে শিব, কাহাকে শুক, কাহাকে নারদ, কাহাকে প্রহ্লাদ, কাহাকে ব্রহ্মা, কাহাকে উদ্ধব প্রভৃতি সম্বোধন করিতে লাগিলেন। কীর্তনের যোররোলে সমস্ত নদীয়াপুরী প্রতিধ্বনিত হইতে লাগিল। দলে দলে লোক আসিয়া শ্রীবাস পণ্ডিতের দ্বারে আঘাত করিতে লাগিলেন। দ্বার রুদ্ধ বলিয়া কেহই ভিতরে প্রবেশ করিতে পারিলেন না। বাহিরে থাকিয়াই বিষম গণ্ডগোল আরম্ভ করিয়া দিলেন। কেহ বা অদ্বৈতাচার্য্যকে, কেহ বা নিত্যানন্দকে, কেহ বা শ্রীবাস পণ্ডিতকে, কেহ বা শ্রীগৌরসুন্দরকে তিরস্কার করিতে লাগিলেন। সকলেই বলিতে লাগিলেন, “নিমাই পণ্ডিত ছিল ভাল, সঙ্গদোষে সব নষ্ট হইয়া গেল।” কেহ বলিলেন, নিমাই পণ্ডিতের আর কি পদার্থ আছে, বায়ুরোগে মাথা ধরাপ হইয়া গিয়াছে।” ইহাদের কীর্তনের উপদ্রবে দেবতার। পর্য্যন্ত বিরক্ত হইবেন, দেশে অনাবৃষ্টি দুর্ভিক্ষ ও মারীভয় উপস্থিত হইবে, অতএব ইহাদিগকে দূর করিয়া দেওয়াই উচিত কর্ম হইতেছে।” কেহ বলিলেন, “দেবতাকে চীৎকার করিয়া ডাকা এই নূতন দেখিতেছি, নিরুজ্জনে নীরবে বসিয়াইত দেবতাকে ডাকিতে হয় জানিতাম; এ আবার নূতন সৃষ্টি হইল; শ্রীবাস পণ্ডিতের ঘরে ভাত নাই, এই এক অদ্ভুত সর্কনাশকর কৌশল উদ্ভাবন করিয়াছে।” কেহ বলিলেন, “রাত্রি প্রভাত হইলে, দেওয়ানে (১) যাইয়া ইহাদের উপযুক্ত শাস্তির ব্যবস্থা করিতে হইবে।” কেহ বলিলেন, “ইহারা যখন দ্বার রুদ্ধ করিয়া রহিয়াছে, তখন নিশ্চয়ই ইহার ভিতর বিশেষ কোন অশ্লীল গোপনীয় কুৎসিত ব্যাপার আছে।” কেহ কেহ বলিলেন, “দ্বার ভাঙ্গিয়া ফেল।” শেষে স্থির হইল, শ্রীবাস পণ্ডিতের ঘর দ্বার ভাঙ্গিয়া এই স্থান হইতে তাড়াইয়া দেওয়া হউক, নতুবা ইহারা দেশটাকে একেবারেই নষ্ট করিয়া ফেলিবে। এই প্রকার কিছুক্ষণ বাক্যব্যয়ের পর যে দ্বার গৃহে চলিয়া গেল। ভক্তগণ আপনার মনে প্রভুকে লইয়া কীর্তন করিতে লাগিলেন।

(১) রাজদরবারে।

রাত্রি প্রায় এক প্রহর অবশেষ আছে এমন সময়ে শ্রীগৌরাজ ভাবাবিষ্ট হইয়া বিষ্ণুখটায় আরোহণ পূর্বক বলিতে লাগিলেন, “কলিযুগে আমার প্রকাশ্য অবতার নাই, আমি এই যুগে এইরূপই প্রচ্ছন্নভাবে অবতরণ করিয়া জীবগণের উদ্ধার সাধন করিয়া থাকি এবং তোমরাও এইরূপই প্রচ্ছন্নভাবে আমার সহিত লীলাবিহার করিয়া থাক।”\* এই কথা বলিতে বলিতে তিনি মূর্চ্ছিত

\* “প্রত্যক্ষরূপধৃগ্‌দেবো দৃশ্যতে ন কলৌ হরি ।

বৃতাদিষেব তে নৈব ত্রিযুগঃ পরিপঠ্যতে ॥

কলেরন্তে চ সংপ্রাপ্তে কঙ্কিনঃ ব্রহ্মবাদিনম্ ।

অনুপ্রবিষ্ট কুরুতে বাসুদেবো জগৎস্থিতিম্ ॥ বিষ্ণুধর্মোক্তরে ১০৪ অঃ ।

“ছন্নঃ কলৌ যদভবস্ত্রিযুগোহথ সত্বম্” ॥ ভা ৭।৯।৩৮ ।

পরদেবতা শ্রীহরি সত্য, ক্রেতা ও দ্বাপরযুগেই প্রত্যক্ষরূপে ( প্রকাশ্যভাবে ) ব্রহ্মাণ্ডমধ্যে আবির্ভূত হইয়াছেন ; কলিকালে প্রত্যক্ষরূপে অবতীর্ণ হন না ( অর্থাৎ কলিযুগে প্রচ্ছন্নভাবে অবতীর্ণ হন ) । কলিযুগের অন্তে বাসুদেব ব্রহ্মবাদিকঙ্কিতে অনুপ্রবিষ্ট হইয়া জগৎ পালন করিয়া থাকেন । হে ভগবন্, সেই সর্বাভ্যুত্থানী তুমি, সত্যাদিষুগত্রয়ে যেরূপ প্রকাশ্যভাবে অবতীর্ণ হও কলিযুগে সেরূপ না হইয়া প্রচ্ছন্নভাবে অবতীর্ণ হও বলিয়া তুমি ‘ত্রিযুগ’ নামে অভিহিত হইয়া থাক । এই দুইটি শাস্ত্রীয় বচনে শ্রীহরিকে ‘ত্রিযুগ’ বলায় প্রচ্ছন্ন বিগ্রহ শ্রীগৌরাজদেবের অবতার মন্বন্ধে আপাততঃ প্রতীয়মান যে আশঙ্কা উপস্থিত হয় তাহার আশ্রয় মীমাংসা নিম্নে প্রদর্শিত হইল । এবিষয়ে ভাব্যকার শ্রীবলদেবাচার্য্য বলেন “প্রত্যক্ষরূপধৃগ্‌দেবো দৃশ্যতে ন কলৌ হরিঃ” ইত্যাদি বিষ্ণুধর্মোক্তরীয় বচনে ও “ছন্নঃ কলৌ যদভবস্ত্রিযুগোহথ সত্বম্” ইত্যাদি শ্রীভাগবতীয় বচনে যে কলিযুগে প্রকাশ্যভাবে শ্রীহরির অবতার নিষিদ্ধ হইয়াছে তাহা যে কলিযুগে শ্রীভগবদাবিষ্ট জীববিশেষ প্রপঞ্চে আবির্ভূত হইয়া ধর্ম সংস্থাপন করেন সেই কলিবিষয়ক বৃত্তিতে হইবে । যে দ্বাপরেও কলিতে শ্রীকৃষ্ণ ও শ্রীকৃষ্ণ-চেতন্য আবির্ভূত হইয়াছেন সেই কলিবিষয়ক নহে ।

অন্য কোন বৈষ্ণবাচার্য্য বলেন কলিযুগে শ্রীহরির লীলাবতার হয়না বলিয়াই তাঁহাকে ‘ত্রিযুগ’ বলা হয় । কিন্তু কলিযুগে শ্রীভগবানের যুগাবতার শ্রীমদ্ভাগবত ও মহাভারতাদিশাস্ত্রে স্বীকৃত হইয়া থাকে । এবিষয়ে অক্ষয়ধর্মপন্থি সিদ্ধান্ত এইরূপ—স্বয়ং ভগবান্ শ্রীকৃষ্ণ, যেই খেতবরাহ কল্পগত বৈবস্বতমন্বন্তরীয় অষ্টাবিংশতি চতুর্যুগের দ্বাপরে ব্রহ্মাণ্ডমধ্যে অবতীর্ণ হইয়াছেন, সেই কলিতেই শ্রীগৌরাজ প্রেরসীত্বিবাবৃত্তছনাবতাররূপে অবতীর্ণ হইয়াছেন, অন্য কলিতে নহে । শ্রীগৌরাজ শ্রীকৃষ্ণেরই আবির্ভাববিশেষ । শ্রীগৌরাজলীলা শ্রীকৃষ্ণলীলারই অবান্তরলীলা বা পরিশিষ্টলীলা । স্বয়ংভগবান্ শ্রীকৃষ্ণ, দ্বাপর ও কলিযুগের সন্ধিকালে অবতীর্ণ হইয়াছিলেন । তাহার লীলা দ্বাপরও কলি এতদুভয়যুগব্যাপিনী হইয়া প্রকাশিত হইয়াছিল । কলিযুগব্যাপিনী শ্রীকৃষ্ণলীলা—পরিশেষে শ্রীগৌরাজলীলাকারে প্রপঞ্চে অভিব্যক্ত হইয়াছিলেন । শ্রীরাধাভাবভ্যুত্থানবলিত শ্রীগৌরাজ পরিপূর্ণসকৈবর্ধ্যবিশিষ্টবৃষ্ণস্বরূপ বলিয়া ও শ্রীকৃষ্ণাবতারলীলা এবং শ্রীগৌরাজাবতারলীলার



হইয়া ভূমিতলে পতিত হইলেন। দেহ নিশ্চল হইয়া গেল। ভক্তগণ কাঁদিতে লাগিলেন। কিছুক্ষণ পরে প্রভু স্বয়ংই বাহু (১) পাইলেন। রাত্রি অবসান হইল দেখিয়া ভক্তগণ প্রভুকে লইয়া স্নান করিতে গেলেন। স্নান সমাধা হইলে, তাঁহারা নিজ নিজ গৃহে গমন করিলেন।

### মহাপ্রকাশ

একদিন শ্রীরাসপণ্ডিতের অঙ্গনে পূর্ববৎ কীর্তন হইতেছে। শ্রীগৌরঙ্গ নৃত্য করিতে করিতে ভাবাবেশে বিষ্ণুখটায় যাইয়া উপবেশন করিলেন। আরও অনেকবার ঐরূপ করিয়াছেন। এবার কিছু বিশেষ হইল। অগ্ণাণ্ড বার কিছুক্ষণ পরেই বিষ্ণুখটা হইতে অবতরণ করিয়া দৈন্ত প্রকাশ করিয়া থাকেন, এবার কিন্তু তাহা করিলেন না, সাতপ্রহরকাল পর্য্যন্ত ঐরূপেই ঐশ্বর্য প্রকাশ করিয়া রহিলেন। প্রথমতঃ ভক্তগণকে ডাকিয়া বলিলেন, “তোমরা আমার অভিষেকের আয়োজন কর।” বলিবামাত্র নূতন কলস ভরিয়া গঙ্গা হইতে জল আনয়ন করা হইল। সর্বাগ্রে নিত্যানন্দ প্রভুর মস্তকে জল ঢালিলেন। পরে অর্দৈতাচার্যাদি ভক্তগণ পুরুষস্কৃত মন্ত্রপাঠ সহকারে প্রভুর অভিষেক করিতে লাগিলেন। মুকুন্দাদি গায়কগণ অভিষেকগীত গান করিতে লাগিলেন। কুলবতী রমণীগণ মঙ্গলধ্বনি করিতে লাগিলেন। এইরূপে শত শত কলসজলদ্বারা অভিষেক কার্য সমাধা হইল। প্রভুকে নূতন বস্ত্র পরিধান করাইয়া স্বতন্ত্র আসনে উপবেশন করান হইল। তদনন্তর ভক্তগণ বিবিধ উপহারের আয়োজন করিয়া প্রভুর পূজায় প্রবৃত্ত হইলেন। নিত্যানন্দ প্রভুর মস্তকে ছত্রধারণ করিলেন। অর্দৈতাদি ভক্তবৃন্দ দশাক্ষর গোপাল মন্ত্রের বিধানে ষোড়শোপচারে প্রভুর পূজা করিয়া স্তব, প্রণাম ও প্রদক্ষিণ করিতে লাগিলেন। একে একে সকল ভক্তই প্রভুর শ্রীচরণে পুষ্পাঞ্জলি প্রদান করিলেন। নানাবিধ ভক্ষ্যাপহার প্রভুর সম্মুখে উপস্থাপিত হইলে প্রভু তাহা স্বয়ং হস্তদ্বারা তুলিয়া ভোজন করিতে লাগিলেন। ভোজনের

একত্বনিবন্ধন পূর্বোক্ত বিষ্ণুখটোত্তরও শ্রীমদ্ভাগবতাদিতে যে শ্রীভগবানের ত্রিযুগত্ব ও ছন্দ উপদিষ্ট হইয়াছে তাহার কোনরূপ বিরোধ হয় না।

পর আচমন করিয়া তাঙ্গুল সেবন করিলেন। তাঙ্গুল চৰ্চণ করিতে করিতে প্রভু শ্রীবাস পণ্ডিতকে ডাকিয়া বলিলেন, “পণ্ডিত, তুমি যেদিন শ্রীভাগবত শ্রবণ করিতে করিতে অচেতন হইয়া পড়িয়াছিলে, অবোধ পড়ুয়া সকল তোমার অনেক লাঞ্ছনা করিয়াছিল; দেবানন্দ অভিমানে পড়ুয়া-দিগকে নিবারণ করে নাই; তুমি কাঁদিতে কাঁদিতে গৃহে আগমন করিলে, আমি তোমার হৃদয়ে বসিয়া তোমায় সাঙ্গনা করিয়াছিলাম, তাহা কি তোমার মনে পরে?” শ্রীবাস পণ্ডিত শুনিয়া বিস্মিত হইলেন। প্রভু শ্রীবাসের শ্রায় অদ্বৈতাচার্য্য প্রভৃতিকে ঐ প্রকার এক একটি অন্তের অগোচর পূর্ব বৃত্তান্ত স্মরণ করাইয়া দিয়া তাঁহাদিগের মনে নিজচরণে সুদৃঢ় বিশ্বাস উৎপাদন করিতে লাগিলেন।

অনন্তর শ্রীগোবিন্দ শ্রীধরকে আনয়ন করিবার আদেশ করিলেন। প্রভুর আদেশ পাইয়া কয়েকজন ভক্ত যাইয়া শ্রীধরকে প্রভুর আজ্ঞা জানাইলেন। শ্রীধর শুনিয়া আনন্দে বিহ্বল হইয়া পড়িলেন, চলিয়া যাইবার শক্তি রহিল না। ভক্তগণ তাঁহাকে ধরিয়া আনিলেন। শ্রীধর উপস্থিত হইয়া সম্মুখে স্বীয় ইষ্টদেবের সন্দর্শনে আনন্দমূর্ছা প্রাপ্ত হইলেন। ক্ষণপরে শ্রীধর চৈতন্য লাভ করিলে, প্রভু বাজারে যাইয়া যেক্রমে তাঁহার সহিত আনন্দকলহ করিতেন সেই সকল কথা উত্থাপন করিয়া সর্বসমক্ষে শ্রীধরের মহিমা প্রচার করিতে লাগিলেন। শ্রীধরের কণ্ঠে অকস্মাৎ সরস্বতীর আবির্ভাব হইল। শ্রীধর মহাজ্ঞানীর শ্রায় প্রভুর স্তব করিতে লাগিলেন। প্রভু শ্রীধরের স্তবে অত্যন্ত প্রসন্ন হইয়া তাঁহাকে অগ্নিাদি অষ্টসিদ্ধি প্রদানের সঙ্কল্প বিদিত করিলেন। শ্রীধর প্রভুর সঙ্কল্প শুনিয়া হাসিতে হাসিতে বলিলেন, “প্রভো, এখনও আমাকে বঞ্চনা করিবার ইচ্ছা করিতেছেন? আপনি নিশ্চিন্ত থাকুন, আমি আর বঞ্চিত হইব না।” প্রভু বলিলেন, “শ্রীধর আমি তোমাকে বঞ্চনা করিবার অভিলাষ করিতেছি না, তুমি যথেষ্ট বর গ্রহণ কর, আমার দর্শন কখনই ব্যর্থ হইতে পারে না।” তখন শ্রীধর বলিলেন, প্রভো, নিতান্তই যদি বর লইতে হয়, তবে আমার বর এই—

“যে ব্রাহ্মণ কাড়িলেন মোর খোলা পাত।

সে ব্রাহ্মণ হউ মোর জন্মে জন্মে নাথ ॥

যে ব্রাহ্মণ মোর সঙ্গে করিল কন্দল।

মোর প্রভু হউ তাঁর চরণযুগল ॥”

প্রভু শ্রীধরের ইচ্ছানুরূপ বর প্রদান করিলেন। ভক্তগণ শুনিয়া ‘জয় জয়’ ধ্বনি করিতে লাগিলেন। পরে প্রভু আচার্য্যকে বর গ্রহণ করিতে বলিলেন।

আচার্য্য বলিলেন, “আমি যাহা চাই, তাহা পাইয়াছি।” তখন প্রভু মুরারিকে তাঁহার অভীষ্ট শ্রীরামরূপ দর্শন করাইয়া বর গ্রহণ করিতে বিশেষ অনুরোধ করিলেন। মুরারি দাস্তমাত্র বর প্রার্থনা করিলেন। প্রভু মুরারির সেই অভীক্ষিত বর প্রদান করিয়া হরিদাস ঠাকুরকে ডাকিয়া বলিলেন, “হরিদাস, তোমাকে যবনেরা যখন বেত্রাঘাত করে, তখন আমি উহা নিজপৃষ্ঠে গ্রহণ করিয়াছিলাম এই দেখ” বলিয়া নিজ অঙ্গ দর্শন করাইলেন। প্রভুর করুণা দেখিয়া হরিদাস ঠাকুর মুচ্ছিত হইয়া ভূতলে পতিত হইলেন। ভক্তগণ ‘জয় জয়’ ধ্বনি করিয়া উঠিলেন। প্রভু হরিদাসকে ডাকিয়া সচেতন করিয়া বর লইতে বলিলেন। হরিদাসঠাকুর প্রভূত স্তবস্ততির পর বলিলেন,—

“মুঞি অন্নভাগ্য প্রভু করো বড় আশ।

তোমার চরণ ভঞ্জে যে সকল দাস।

তার অবশেষ যেন মোর হয় গ্রাস।

সেই সে ভোজন মোর হউ জন্ম জন্ম।

সেই অবশেষে মোর ক্রিয়া কুলধর্ম।

তোমার স্মরণহীন পাপজন্ম মোর।

সফল করহ দাসোচ্ছিষ্ট দিয়া তোর।

... ..

প্রভু রে নাথ রে মোর বাপ বিশ্বস্তর।

মৃত মুঞি মোর অপরাধ ক্ষমা কর।

শচীর নন্দন বাপ কৃপা কর মোরে।

কুকুর করিয়া মোরে রাখ ভক্তঘরে।”

প্রভু সম্বুষ্ট হইয়া হরিদাসকে তাঁহার অভিলষিত বর প্রদান করিলেন। ভক্তগণ আনন্দে ‘জয় জয়’ ধ্বনি করিলেন। এইরূপে ক্রমে ক্রমে সকল ভক্তকেই ডাকিয়া প্রভু বরদান করিলেন, কেবল মুকুন্দকে ডাকিলেন না। শ্রীবাসপণ্ডিত প্রভুর নিকট মুকুন্দের কথা বলিলেন। প্রভু শুনিয়া বলিলেন, “মুকুন্দের জন্ম কেহ আমাকে অনুরোধ করিও না। ও বেটা বহুরূপী, যখন যেমন তখন তেমন হয়। ও যখন ভক্তের নিকট যায়, তখন ভক্ত হয় ; আবার যখন অন্য সম্প্রদায়ের নিকট যায়, তখন ভক্তির নিন্দা করিয়া আমাকে কষ্ট দেয়। অতএব ও বেটা আরও কোটিজন্মের পর আমার দর্শন পাইবে, এখন আমার দর্শন পাইবে না।” কোটিজন্মের পর প্রভুর দর্শন পাইব শুনিয়াই

মুকুন্দ মহানন্দে নাচিতে লাগিলেন। মুকুন্দের নৃত্য দেখিয়া প্রভু প্রসন্ন হইয়া বলিলেন, “পণ্ডিত মুকুন্দকে আমার নিকট লইয়া আইস।” মুকুন্দ তাহা শুনিয়া বলিলেন, “আমি অপরাধী, যাইলেও দর্শন পাইব না, অতএব যাইব না।” তখন প্রভু বলিলেন, “মুকুন্দ তোমার অপরাধ নাই, অপরাধ ছিল ও না, আমি তোমাকে পরিহাস করিতেছিলাম, আইস, আসিয়া আমাকে ইচ্ছানুরূপ দর্শন কর।” মুকুন্দ যাইয়া প্রভুকে দর্শন করিয়া আনন্দে নৃত্য করিতে লাগিলেন। প্রভু মুকুন্দের প্রতি প্রীত হইয়া বলিলেন, মুকুন্দ অত্যাধি যেখানে আমার অবতার হইবে, সেইখানেই তুমি আমার গায়ক হইবে, ইহাই তোমার বর রহিল।” এইরূপে উপস্থিত ভক্তবৃন্দকে কৃতার্থ করিয়া প্রভু আত্মসংবরণ করিলেন।

### নিত্যানন্দের চরিত্র

এইরূপে শ্রীগোরাঙ্গ লীলা করিতেছেন। নিত্যানন্দ ও শ্রীবাসপণ্ডিতের গৃহেই বাস করিতেন। তিনি বাগভাবে শ্রীবাসপণ্ডিতকে পিতা এবং তৎপত্নী মালিনীকে মাতা বলেন। ভাবাবেশে সময়ে সময়ে মালিনীর স্তনপানও করিয়া থাকেন। মালিনী তাঁহাকে পুত্রের স্তায়ই দেখিয়া থাকেন। তাঁহার স্তনে দুগ্ধ না থাকিলেও নিত্যানন্দের স্পর্শেই দুগ্ধক্ষরণ হইয়া থাকে।

এতদা মালিনীর অসাবধানতায় এক কাক আসিয়া শ্রীকৃষ্ণের ঘূতের পাত্র তুলিয়া লইয়া গেল। শ্রীবাসপণ্ডিত রাগ করিবেন বলিয়া মালিনী কাঁদিতে লাগিলেন। কাক আবার আসিল, কিন্তু শূন্যমুখ, মুখে বাটা নাই। মালিনী দেখিয়া একেবারেই হতাশ হইলেন। তাঁহার সেই কাতরতা দেখিয়া নিত্যানন্দ কারণ জিজ্ঞাসা করিলেন। মালিনী কাক কর্তৃক ঘূতপাত্রের অপহরণ বৃত্তান্ত জানাইলেন। নিত্যানন্দ বলিলেন, “মা, আপনি কাঁদিবেন না। আমি আপনার ঘূতপাত্র আনাইয়া দিতেছি।” এই কথা বলিয়া তিনি হাসিতে হাসিতে কাককে বলিলেন, “কাক, সত্ত্বর মাতার ঘূতপাত্র আনিয়া দাও।” তখন কাক উড়িয়া গিয়া বাটাটি আনিয়া দিল। মালিনী দেখিয়া শুনিয়া আশ্চর্য্য বোধ করিলেন।

পরে একদিন নিত্যানন্দ প্রভুর বাড়ীতে যাইয়া হঠাৎ সকলের সম্মুখে দিগম্বর হইয়া দাঁড়াইলেন। প্রভু তাঁহাকে বিবস্ম দেখিয়া বস্ত্র পরিধান করিতে বলিলেন, নিত্যানন্দ ভাবাবিষ্ট, সংজ্ঞা নাই, শুনিলেন না। তখন প্রভু স্বয়ং

উঠিয়া তাঁহাকে বস্ত্র পরাইয়া দিলেন। পরে বলিলেন, “শ্রীপাদ, একরূপ চাঞ্চল্য করা কি ভাল?” নিত্যানন্দ বলিলেন, “চাঞ্চল্য পাগলেই করে।” প্রভু শুনিয়া হাসিতে লাগিলেন। নিত্যানন্দ শচীমাতাকে দেখিয়া ভোজন করিতে চাহিলেন। শচীমাতা গৃহ হইতে পাঁচটি সন্দেশ আনিয়া তাঁহার হস্তে প্রদান করিলেন। নিত্যানন্দ একটি খাইয়া অবশিষ্ট চারিটি ফেলিয়া দিলেন। ফেলিয়া দিয়াই শচীমাতাকে বলিলেন, “মাতঃ, সন্দেশ দাও।” শচীমাতা বলিলেন, “দিলাম, ফেলিয়া দিলে, আর ত ঘরে নাই।” নিত্যানন্দ বলিলেন, “ঘাও মাতঃ, ঘরে গিয়া দেখ।” শচীমাতা ঘরে গিয়া দেখিলেন, নিত্যানন্দ যে চারিটি সন্দেশ ধুলায় ফেলিয়া দিয়াছিলেন, সেই চারিটি সন্দেশই ঘরে রহিয়াছে। তিনি তখন ঐ সন্দেশ চারিটির বৃলা ঝাড়িয়া আবার নিত্যানন্দের হাতে দিলেন এবং তাঁহার অদ্ভুত চরিত্র ভাবিয়া যার-পর-নাই বিস্মিত হইলেন।

আর একদিন শ্রীগৌরসুন্দর নিত্যানন্দের একখানি পুরাতন কোপীন চিরিয়া উহার এক এক খণ্ড এক এক ভক্তের মাথায় বাঁধিয়া দিলেন। ভক্তগণ অকস্মাৎ আনন্দে উন্মত্তপ্রায় ও বাহুজ্ঞানরহিত হইয়া নৃত্য করিতে লাগিলেন। এইরূপ অপর একদিন প্রভু ভক্তগণকে নিত্যানন্দের পাদোদক গ্রহণ করাইলেন। তাঁহার প্রভুর আদেশে নিত্যানন্দের পাদোদক গ্রহণ করিয়া উন্মত্ত হইয়া গেলেন। নিত্যানন্দের এই সকল অদ্ভুত মহিমা দর্শন করিয়া সকলেই অতীব বিস্ময়ান্বিত হইলেন।

### জগাই মাধাই উদ্ধার

এতদিন গৃহমধ্যেই নামের প্রচার হইতেছিল। অতঃপর প্রভু গৃহের বাহিরেও নাম প্রচার করিবার মানস করিলেন। নিত্যানন্দ অবধূত এবং হরিদাস ঠাকুর এই দুইজনের উপর নাম প্রচারের ভার অর্পিত হইল। প্রভু নিত্যানন্দকে ও হরিদাসকে বলিলেন, তোমরা নদীয়ার গৃহে গৃহে ঘাইয়া ‘ভজ শ্রীকৃষ্ণ কহ শ্রীকৃষ্ণ লহ শ্রীকৃষ্ণ নাম রে’ এইরূপ বলিয়া কৃষ্ণনাম প্রচার কর।” নিত্যানন্দ ও হরিদাস প্রভুর আজ্ঞা শিরে ধরিয়া গৃহে গৃহে ঘাইয়া কৃষ্ণনাম প্রচার করিতে আরম্ভ করিলেন। কেহ বা তাঁহাদিগকে শ্রীমুখনির্গত কৃষ্ণনাম শ্রবণ করিয়া মোহিত হইলেন, কেহ বা তাঁহাদিগকে পাগল বলিয়া উপহাসও করেন। কেহ কেহ অলক্ষিতে তাঁহাদিগের সহিত শ্রীগৌরসুন্দরকেও উপহাস করিয়া থাকেন।

এইপ্রকারে যখন নিত্যানন্দ ও হরিদাস প্রভুর আদেশ অনুসারে প্রতিদিন নদীয়ার গৃহে গৃহে যাইয়া শ্রীকৃষ্ণনাম প্রচার করিতেছিলেন, সেই সময়ে নদীয়ার কোতোয়াল জগাই ও মাধাই নামক দুইটি ব্রাহ্মণতনয় নদীয়ানগরে একপ্রকার কর্তা হইয়া উঠিয়াছিল। উহারা অর্থ দ্বারা তখনকার বাঙ্গালার রাজা হোসেন সাহের দৌহিত্র চাঁদ কাজীকে বশীভূত করিয়া নদীয়ায় যথেষ্টাচার করিত। উহাদিগের ধর্ম্মাধর্ম্ম জ্ঞান ছিল না; সদাই সুরাপানে উন্মত্ত হইয়া থাকিত এবং কথায় কথায় লোকের প্রতি যথেষ্ট অত্যাচার করিত। ঐ দুই ভ্রাতার অধীনে অনেক অস্ত্রধারী প্রহরী থাকায় কেহই উহাদিগের প্রতিদ্বন্দ্বিতাচরণে সাহস করিত না।

একদিন নিত্যানন্দ হরিদাসের সহিত প্রচারকার্যে বহির্গত হইয়া পথিমধ্যে কিছুদূরে দস্যুপ্রায় ঐ দুই দুর্দান্ত পুরুষকে সন্দর্শন করিলেন। নিকটবর্তী পথিক সকল নিত্যানন্দ ও হরিদাসকে, সম্মুখবর্তী দস্যুদ্বয়কে দেখাইয়া, উহাদিগের নিকট গমন করিতে নিষেধ করিলেন। বলিলেন, “সম্মুখে ঐ যে দুইটি প্রকাণ্ড-কায় দস্যুপ্রায় ব্যক্তি দেখিতেছে, উহারা অতীব দুর্দান্ত। উহাদিগের নিকট কাহারও পরিজ্ঞান নাই। তোমরা সন্ন্যাসী হইলেও উহাদিগের নিকট সদ্যাবহারের আশা করিতে পার না। ঐ জগাই মাধাইয়ের অসাধ্য কর্ম্ম কিছুই নাই। উহারা ব্রাহ্মণসন্তান হইয়াও মদ্যমাংসাদি সকল অথাৎ ভোজন করিয়া থাকে। সংসারে যত কিছু পাপকর্ম্ম আছে, উহারা সকলই করিয়াছে। অতএব ঐ দুর্বৃত্ত দুরাচার জগাই ও মাধাইয়ের নিকট গমন করা কখনই যুক্তিসিদ্ধ হইতে পারে না। উহারা পথের পথিককে ধরিয়া তাহার প্রতি অত্যাচার, অসদ্যাবহার করিতেও কুণ্ঠিত হয় না। উহাদিগের দুরাচারে আত্মীয়বর্গও উত্ত্যক্ত হইয়া উহাদিগকে পরিত্যাগ করিয়াছে। এরূপ অবস্থায় তোমাদিগের কৃষ্ণনাম কোন কার্যকারক হইবে না; সুতরাং ঐ দুরাচারদ্বয়কে পরিত্যাগ করিয়া তোমরা অন্ত্র গমন কর।” লোকমুখে এইরূপ বৃত্তান্ত অবগত হইয়া, প্রতিনিবৃত্ত হওয়া দূরে থাকুক, দয়ালু নিত্যানন্দের পাপিষ্যকে উদ্ধার করিবার বাসনাই অধিক হইল। না হইবে কেন, পাপীর উদ্ধারের নিমিত্তই শ্রীগৌরাজের অবতার, পাপীর উদ্ধারার্থই নিত্যানন্দের নামপ্রচার। পাপীর পরিত্রাণের নিমিত্তই তিনি শ্রীগৌরাজের আদেশে নামপ্রচারে নিযুক্ত হইয়াছেন। যদি পাপীর উদ্ধার-সাধনই না হইল, তবে আর এই অবতারের বা নামপ্রচারের সার্থকতা কোথায় রহিল? কলতঃ এইরূপ চিন্তা করিয়া, নিত্যানন্দ হরিদাসকে বলিলেন,

“হরিদাস, এই দুই পতিত ব্রহ্মণকে উদ্ধার কর। এই অজ্ঞ মায়ামোহিত সংসার শ্রীগৌরাক্ষের নামের প্রভাব দর্শন করুক। অজামিলাদির উদ্ধারবৃত্তান্ত পুরাণসঞ্চিত। আজ তোমার কৃপায় নিখিল সংসার সাক্ষাতে পানীর পরিভ্রাণ সন্দর্শন করুক।” হরিদাস বলিলেন, “প্রভো, আপনার অসাধ্য কি আছে, আপনার অভিপ্রায় ও শ্রীগৌরাক্ষের অভিপ্রায় কিছুমাত্র ভেদভাব নাই। আপনার কৃপায় গৌরকৃপাও সুলভ, সুতরাং আপনি যখন ইহাদিগের প্রতি সক্রমণ হইয়াছেন, তখন ইহারা যে উদ্ধার পাইয়াছে, ইহাই স্থির।”

হরিদাসের কথা শ্রবণ করিয়া শ্রীমন্নিত্যানন্দ পরম কৌতূহলে জগাই মাধাইয়ের নিকট গমন করিলেন। তিনি উভয়কে আহ্বান করিয়া কৃষ্ণনাম গ্রহণ করিতে বলিলেন। আহ্বান শুনিয়া দুর্বৃত্তদ্বয় অধিকতর উন্মত্তভাবে রোষকষায়িত অরুণ নয়নে ‘ধর ধর’ বলিয়া নিত্যানন্দ ও হরিদাসের অভিমুখীন হইল। তখন নিত্যানন্দ প্রভু লৌকিকভাবে হরিদাসের সহিত পলায়নপর হইলেন। সন্ন্যাসিদ্বয়কে পলায়ন করিতে দেখিয়া জগাই মাধাইও বিকট শব্দ করিতে করিতে তাঁহাদিগের পশ্চাৎ পশ্চাৎ ধাবিত হইল। নিকটবর্তী লোক সকল ভয়ে উর্দ্ধ্বাসে দৌড়িয়া দূরে আশ্রয় গ্রহণ করিল, এবং সন্ন্যাসিদ্বয়কে, নিষেধ না শুনিয়া, এই উপস্থিত বিপদ ইচ্ছাপূর্বক আনয়ন করার নিমিত্ত, প্রভূত তিরস্কার করিতে লাগিল।

হরিদাস ও নিত্যানন্দ দৌড়িয়া প্রভুর নিকট গমন করিতে লাগিলেন। পথিমধ্যে হরিদাস বলিলেন, ‘শ্রীপাদ, আজ তুমি কি চাঞ্চল্যই দেখাইলে!’ নিতাই বলিলেন, “কেন, আমার কি অপরাধ?” হরিদাস বলিলেন, “ওরূপ মত্তপায়ীর নিকট গমন করা কি উচিত হইয়াছিল?” নিতাই বলিলেন, “যত দোষ আমারই তুমি ত কোন দোষ কর নাই?” হরিদাস বলিলেন, “আমার দোষ কি? তুমি উহাদিগকে উদ্ধার করিতে গেলে কেন?” নিতাই বলিলেন, “প্রভুর আদেশ মত গিয়াছিলাম, তাহাতে ক্রতি কি? তুমি আমাকে এই ডাকাইতের হাতে ফেলিয়া না পলাইলে আর আমি পলাইতাম না। সে যাহা হউক, এখন প্রভুর চরণে পতিত হইয়া ঐ দুই পানীর উদ্ধার প্রার্থনা কর, তিনি কখনই তোমার কথায় অবহেলা করিবেন না।”

এইপ্রকার কথা কহিতে কহিতে দুইজনে প্রভুর নিকট আসিয়া উপনীত হইলেন, এবং আত্মোপাস্ত ঘটনা কীর্তন করিলেন। বিশেষতঃ নিতাই বলিলেন, “তুমি আমাদিগকে আদেশ করিয়া নিশ্চিন্ত হইয়া রহিলে, আর আমরা দুর্বৃত্তের

তাড়নার অস্থির হইতে লাগিলাম। ছুরাআকেই যদি উদ্ধার না করিবে, তবে আর নাম প্রচারের আদেশ কেন ?” প্রভু ঈশৎ হাশু করিয়া বলিলেন, “তোমার বধন ইচ্ছা হইয়াছে, তখন অবশুই ছুরাত্তের উদ্ধার হইবে।” তত্ত্বগণ তখন, জগাই মাধাইয়ের উদ্ধার হইল ভাবিয়া আনন্দে হরিধ্বনি করিতে লাগিলেন।

কয়েকদিন এইভাবেই অতিবাহিত হইল। পরে একদিন সন্ধ্যাকালে জগাই ও মাধাই আসিয়া শ্রীবাসের বাটীর নিকট থানা করিল। লোকে উহাদের ভয়ে ঐ পথ পরিত্যাগ করিলেন। শ্রীবাসের বাটীতে যথাকালে কীর্তন আরম্ভ হইল। জগাই ও মাধাই কীর্তনের কলরব শুনিয়া ঘটনাস্থলে উপস্থিত হইল। ছুই ভাই মস্তপানে উন্নত, শ্রীবাসের গৃহের দ্বার রুদ্ধ থাকায় অত্যন্তরে প্রবেশ করিতে পারিল না; বাহিরে থাকিয়াই কীর্তনের তালে নৃত্য আরম্ভ করিল। উহারা এইভাবেই সমস্ত রাত্রি অতিবাহিত করিল। রাত্রি প্রভাত হইলে, বধন তত্ত্বগণ বহির্গমনার্থ দ্বার উদ্বাটন করিলেন, তখন দেখিলেন, সম্মুখে জগাই ও মাধাই। ছুরাআদ্বয়কে দর্শন করিয়াই তাঁহারা ভয়ে তটস্থ হইলেন। শ্রীগোরাঙ্গ পাশ কাটাইয়া চলিয়া যাইতেছিলেন, জগাই ও মাধাই তাঁহাকে ডাক দিয়া বলিল, “নিমাই পণ্ডিত, এ তোমার কিসের সম্প্রদায়? তোমাদের গান শুনিয়া আমরা বড়ই সন্তুষ্ট হইয়াছি। তুমি একদিন আমাদের গান শুন।” শ্রীগোরাঙ্গ ও তাঁহার তত্ত্বগণ দস্যাদিগের কথার কর্ণপাত না করিয়া পাশ কাটাইয়া ঐ স্থান হইতে পলায়ন করিলেন। অপরাহ্নে হুবোম বুঝিয়া তত্ত্বগণ শ্রীগোরাঙ্গকে বলিলেন, “প্রভো, সাধুলোককে উদ্ধার করিতে সকলেই পারে; কিন্তু এই জগাই ও মাধাইকে উদ্ধার না করিলে তোমার পণ্ডিতপাবন নামের সার্থকতা থাকে না। এই ছুরাআদ্বয়কে উদ্ধার করিয়া নিজে ও নামের গৌরব প্রচার কর।” প্রভু কথাবার্তায় তত্ত্বগণের অভিপ্রায় বুঝিলেন ও বলিলেন, “আচ্ছা, আজ সকলে মিলিয়া কীর্তন করিতে করিতে যাইয়া জগাই ও মাধাইকে হরি নাম দিব। উহাদিগকে হরি নাম দিয়া জগতে নামের শক্তি দেখাইব।” প্রভুর আজ্ঞা পাইয়া ক্রমে ক্রমে সকল তত্ত্ব আসিয়া প্রভুর নিকট উপস্থিত হইলেন। শ্রীগোরাঙ্গ তত্ত্বগণকে লইয়া নগর-সঙ্কীর্ণনে প্রস্তুত হইলেন। খোল, করতাল, শব্দ ও ভেরী বাজিতে লাগিল। নিত্যানন্দ, অর্ধৈত, শ্রীবাস, হরিদাস, মুরারি, মুকুন্দ ও নরহরি প্রভৃতি সকলেই নগরসঙ্কীর্ণনে বাহির হইলেন। একাল পর্যন্ত বাহিরের লোকে কেহ বধন



প্রভুর কীর্তন দেখেন নাই, আজ তাহা সম্পন্ন হইল; দেখিয়া অনেকেই কৃতার্থ হইলেন।

সকলের অগ্রভাগে শ্রীমিত্যানন্দ। তিনি জগাই মাধাইয়ের দুর্দশা স্বচক্ষে দেখিয়াছেন। জগাই মাধাইয়ের দুঃখ দেখিয়া কৃপার অবতার নিত্যানন্দপ্রভু সকলের অগ্রবর্তী হইয়া চলিয়াছেন। জগাই ও মাধাই মদিরাপানে উন্মত্তপ্রায় হইয়া নিদ্রা যাইতেছিল। বেলা অবসান হইল, তখনও তাহাদের নিদ্রাভঙ্গ হয় নাই। কীর্তনের শব্দে তাহাদিগের নিদ্রার ব্যাঘাত হইল। শয়নাবস্থাতেই প্রহরীকে অমুমতি করিল, “কে গোলমাল করিতেছে, নিষেধ কর।” প্রহরী যাইয়া সঙ্কীর্ণনমন্ত ভক্তগণকে নিজ প্রভুর আদেশ জানাইল। কিন্তু তাহাতে সঙ্কীর্ণন নিবৃত্ত হইল না, বরং আরও বৃদ্ধি পাইল। সে কীর্তন থামাইতে অশক্ত হইয়া অগত্যা নিজ প্রভুর নিকট যাইয়া সকল কথা নিবেদন করিল। তখন সেই উন্মত্ত জগাই ও মাধাই ক্রোধভরে তর্জন গর্জন করিতে করিতে কীর্তনের দিকে আসিতে লাগিল। ভক্তগণ আজ আর জগাই মাধাইকে দেখিয়া ভীত হইলেন না; কীর্তনও নিস্তব্ধ হইল না। তাঁহারা অধিক উৎসাহের সহিত নৃত্য ও গীত আরম্ভ করিলেন। কীর্তনের রোলে স্বর্গ, মর্ত্য ও পাতাল প্রতিধ্বনিত হইতে লাগিল।

শ্রীপাদ নিত্যানন্দ সকলের অগ্রে। তিনি সম্মুখে ক্রোধাক্রমিত অশ্রুদ্বয়কে দেখিয়া তাহাদিগের উদ্ধারার্থ কৃতসঙ্কল্প হইলেন। তাহাদিগের নিকট উপস্থিত হইয়া পূর্ববৎ কৃষ্ণ নাম উচ্চারণ করিলেন। মাধাই অবধূতের কথা শ্রবণমাত্র ক্রুদ্ধ হইয়া, পতিত ভগ্ন খোলা দ্বারা নিত্যানন্দের মস্তকে আঘাত করিল। খোলাখানি মস্তকে বিদ্ধ হওয়াতে ক্ষতস্থান দিয়া শোণিতস্রোত প্রবাহিত হইতে লাগিল। দুর্বৃত্ত মাধাই তাহাতেও নিবৃত্ত নহে, পুনর্বার আঘাত করিবার উপক্রম করিল। কিন্তু শ্রীপাদ নিত্যানন্দ সেই অবস্থাতেও জগাইকে বলিলেন, “জগাই, হরি বল।”

“আয় রে জগাই মাধাই আয়।

হরি-সঙ্কীর্ণনে নাচু বি যদি আয় ॥

মাধাই মেরেছ কলসীর কানা।

তা বলে কি নাম ( প্রেম ) দিব না ॥

মাধাই মেরেছ তায় ভয় কি।

আয় হরিনাম তোরে দি ॥

আমি এই হরিনাম তোরে দিব ।

দিয়ে সঙ্কীর্ণনে নাবাইব ॥

তোরা দু ভাই জগাই মাধাই ।

আমরা দু ভাই গৌর নিতাই ॥”

তখন জগাই প্রকৃতিস্থ হইয়া মাধাইয়ের হস্তধারণ পূর্বক তাহাকে নিষেধ করিল, এবং ‘তুমি অতি নির্দয়’ প্রভৃতি বলিয়া মাধাইকে সাঙ্গনা করিতে লাগিল ।

শ্রীগৌরাজ পশ্চাতে ছিলেন । লোকমুখে এই বৃত্তান্ত শ্রবণ করিয়া তিনি তখনই সগণে ঘটনাস্থলে উপস্থিত হইলেন, এবং নিত্যানন্দের কলেবর রক্তাক্ত দর্শন করিয়া যার-পর-নাই ক্রোধ প্রকাশ করিলেন ।

শ্রীপাদ নিত্যানন্দ অনেক অনুনয় বিনয় করিয়া প্রভুর ক্রোধ শাস্ত করিবার চেষ্টা করিলেন ; কিন্তু তাহাতে কোন ফল হইল না । শ্রীভগবান্ নিজের প্রতি অত্যাচার সহ করিতে পারেন, কিন্তু নিজ ভক্তের প্রতি অত্যাচার সহ করিতে পারেন না, এবং সেই অত্যাচারকারীর প্রতি তাঁহার কৃপাও সহজে হয় না । তখন করুণাময় নিতাইচাঁদ নিরুপায় ভাবিয়া কৌশল অবলম্বন করিলেন । জগাইয়ের সদ্যবহার নিবেদন করিলেন । জগাইয়ের সদ্যবহারের সহিত মাধাইয়ের অসদ্যবহার কীর্তন করিয়া মহাপ্রভুকে উভয়কেই ক্ষমা করিতে বলিলেন । শ্রীগৌরাজ তখন সময় বুঝিয়া নিরপরাধী বলিয়া জগাইকে ক্ষমা ও প্রেমভরে আলিঙ্গন করিলেন । মাধাইকে ক্ষমা করা না করার ভার শ্রীমন্নিত্যানন্দের উপর নিহিত হইল । তখন দয়াল নিতাই মাধাইয়ের সকল অপরাধ স্বয়ং গ্রহণ করিয়া শ্রীগৌরাজের তৎপ্রতি প্রসাদ প্রার্থনা করিলেন । এই অদ্ভুত ব্যাপাদ দর্শন করিয়া—দয়াল নিতাইয়ের ব্যবহার সন্দর্শন করিয়া উপস্থিত ব্যক্তি সকল বিস্মিত হইলেন । শ্রীগৌরাজ জগাই ও মাধাইকে পুনর্ব্বার পাপাচরণে প্রবৃত্ত হইতে নিষেধ করিয়া তাহাদিগকে উদ্ধার করিতে স্বীকৃত হইলেন । বলিলেন, “জগাই মাধাই, তোমাদিগের যত কিছু পাপ আছে, আমাকে সমর্পণ কর, আমি তোমাদিগকে উদ্ধার করিব ।” পাপিষ্ঠ জগাই মাধাই আপনাদিগের অসংস্ভাব স্বরণ করিয়া এবং নিত্যানন্দ ও শ্রীগৌরাজের করুণস্বভাব প্রত্যক্ষ করিয়া গভীর বিস্ময়সাগরে নিমগ্ন হইল । জগাই ও মাধাই আপনাদিগের অভাবনীয় পরিবর্তনে অপার আনন্দ সাগরে ভাসিতে লাগিল । তাহারা, বাহা কখন আশা করে নাই, এবং অস্ত্রে বাহা কখন স্বপ্নেও ভাবে নাই, আজ তাহাদিগের অসংস্ভাব একরূপ

উন্নতি লাভ করিয়া যৎপরোনাস্তি প্রীত হইল। উভয়ের শরীররোমাঞ্চ হইল। নয়নদ্বয় হইতে অবিরলধারার আনন্দাশ্রু প্রবাহিত হইতে লাগিল। ইচ্ছা যে প্রভুর নিকট বিনীতভাবে কৃতজ্ঞতা স্বীকার করে, কিন্তু আনন্দে ও বিস্ময়ে কণ্ঠ রুদ্ধপ্রায় হইয়া আসিল, তখন কিছুই বলিতে পারিল না। কিছুক্ষণ পরে প্রকৃতিস্থ হইয়া জগাই ও মাধাই সর্বজনসমক্ষে বলিতে লাগিল, “প্রভো, আপনি আজ যে কার্য্য করিলেন, তাহাতে আপনার পূর্ব পূর্ব গৌরব অন্নস্থ প্রাপ্ত হইল। যদিও আপনি অজামিলাদি অনেকানেক পাপীর উদ্ধার সাধন করিয়াছেন বটে, কিন্তু আমাদিগের উদ্ধারের নিকট সে অতি তুচ্ছ। অজামিল পাপী হইলেও মুক্তির অধিকারী। কারণ, সে মৃত্যুকালে সর্বপাপ-প্রণাশন তোমার নাম উচ্চারণ করিয়াছিল। আমরা নাম উচ্চারণ করা দূরে থাকুক, তোমার নাম উচ্চারণকারীর প্রতি অত্যাচার পর্য্যন্ত করিয়াছি। অত্যাচারও আবার যথা তথা অত্যাচার নহে। অবধূত প্রভুর শ্রী-অঙ্গ হইতে রক্তপাতন পর্য্যন্ত করিয়াছি। প্রভো, তথাপি তুমি আমাদিগের উভয়কে উদ্ধার করিলে— অতি হুল্লভ তোমার দাসত্ব প্রদান করিলে। ভগবন্, এতদিন তুমি তোমার মহিমা গোপন করিয়া রাখিয়াছিলে, আজ কিন্তু তাহা সর্বত্র প্রকাশ হইয়া পড়িয়াছে। তোমার এই অপার করুণা কি বর্ণনীয় হইতে পারে? তোমার এই মহিমা লোকবেদের অগোচর, তাই তোমার এই মহিমা শাস্ত্রে সুব্যক্ত হয় নাই। তোমার এই সুকরুণ অবতারও সচরাচর ঘটে না। ষাঁহাদিগের স্তম্ভ দৃষ্টি স্তম্ভ ভবিষ্যতে কল্পের পর কল্প ভেদ করিয়া কল্পান্তরে গূঢ়ভাবে প্রবেশ লাভ করিয়াছে, ষাঁহারাই অতি সাবধানে তোমার এই অবতারের কিঞ্চিৎ আভাস প্রকাশ করিয়াছেন। এ দৃষ্টি কিছু সকলের ভাগ্যে ঘটে না। কিন্তু প্রভো, আমরা অতি পাপিষ্ঠ দুরাচার হইয়াও তোমার করুণার সেই রহস্ত ভেদ করিয়াছি। আজ তোমার করুণা আমাদিগের হৃদয়ের গভীর অন্তস্তলে স্তরে স্তরে গ্রথিত ও অঙ্কিত হইয়াছে। কংসাদি অনুরগণ বিদ্রোহ আচরণেও মুক্ত হইয়াছিল সত্য; কিন্তু তাহারা কি জীবনসঙ্কে পবিত্র হইতে পারিয়াছিল, বা তোমার করুণার পাত্র হইয়াছিল? তাহারা নিরন্তর শত্রুভাবে তোমার প্রতি দ্রোহ আচরণ করিয়া শরনে স্বপনে তোমার অনুধ্যান করিয়া ক্ষত্রিয়ভাবে তোমার সহিত যুদ্ধ করিয়া মৃত্যুর পর মুক্তি পাইয়াছে। কিন্তু আজ আমরা সে সকল কিছু না করিয়া, ভ্রমেও তোমার নাম না ভাবিয়া, যে, তোমার দর্শনে ও স্পর্শনে মুক্ত ও চরিতার্থ হইলাম, সে কি কেবল তোমার

অলোকসামাগ্র কুপারই গুণে নহে? প্রভো, তোমার তুল্য এমন করুণ অবতার আর কে আছে? যোগী ঋষির অপ্রাপ্য মেবের ছলভ অতুল প্রেম বিতরণ করিতে আর কে আছে? আর কে তোমার স্মায় রূপা করিয়া আমাদের স্মায় দুরাস্মায় উদ্ধারসাধন করিয়াছে বা করিবে? মার খেয়ে প্রেম দিতে আর কে আছে প্রভো!”

জগাই মাধাইয়ের উদ্ধার হইল। শ্রীমন্মহাপ্রভুর রূপায় উহাদের পাপস্বভাব দূর হইল। ভ্রাতৃদ্বয় অতীত বৈষ্ণবাপরাধ স্মরণ করিয়া উহা হইতে মুক্তিকামনায় গঙ্গাতীরে আশ্রয় লইলেন। যিনি স্নান করিতে আইসেন, তাঁহারা বিনীতভাবে তাঁহারই শরণাগত হইলেন। জ্ঞানাজ্ঞানরূত অপরাধের নিমিত্ত সকলের নিকট ক্ষমা প্রার্থনা করেন। আহাঙ্গারাদির চেষ্টা নাই, কার্ঘ্যের মধ্যে প্রতিদিন দুই লক্ষ হরিনাম। ষাঁহারু এককালে নদীয়ার রাজা ছিলেন, তাঁহাদিগের এইরূপ দীনতা দেখিয়া নবদ্বীপবাসী সকলেই আশ্চর্য্যান্বিত হইলেন ও হরিনামের মাহাত্ম্য বুঝিলেন। জগাই ও মাধাইয়ের উদ্ধারে নগরে শ্রীহরিনাম প্রচারের দ্বার উন্মুক্ত হইল। জগাই নগরে শ্রীহরিনাম প্রচার করিতে লাগিলেন, মাধাই ব্রহ্মচর্যা অবলম্বনপূর্বক গঙ্গাতে স্বহস্তে এক ঘাট নিৰ্ম্মাণ করিয়া বৈষ্ণবগণের সেবা করিতে লাগিলেন। এইরূপে উভয়েই বিমুক্ত হইয়া শ্রীকৃষ্ণকীর্তনে কালান্তিপাত করিতে লাগিলেন।

“অবতার ভাল, গৌরঙ্গ অবতার কৈল ভাল ॥

জগাই মাধাই নাচে বড় ঠাকুরাল ॥

চন্দ্র নাচে সূর্য নাচে আর নাচে তারা ।

পাতালে বাসুকী নাচে বলি গোরা গোরা ॥

নাচয়ে ভকতগণ হইয়ে বিভোরা ।

নাচে অকিঞ্চন যত প্রেমে মাতোয়ারা ॥

জড় অন্ধ আতুর উদ্ধারে পতিত ।

বাসুঘোষ কহে মুই হইলু বঞ্চিত ॥”

### সঙ্কীৰ্তনে অনুরাগ

শ্রীবাসের ভবনে বহির্দ্বার রুদ্ধ করিয়াই কীর্তন হইয়া থাকে। কীর্তনদেবী লোকদিগকে বাটীর মধ্যে প্রবেশ করিতে দেওয়া হয় না। পাছে রসভঙ্গ হয়

বলিয়া বহিরঙ্গ লোক সকলকে সঙ্কীৰ্তনস্থানে প্রবেশাধিকার প্রদান করা হয় না। একদিন এক নিষ্ঠাবান্ ব্রাহ্মণ অনেক অনুনয় বিনয়ের পর শ্রীবাস পণ্ডিতের অনুমতি পাইয়া সঙ্কীৰ্তনের মধ্যে প্রবেশ করিয়াছিলেন। শ্রীগৌরঙ্গ সেই দিবস সঙ্কীৰ্তনে উল্লাস হইতেছে না এইরূপ ছল করিয়া, তাঁহাকে বাটা হইতে বাহির করিয়া দিলেন। আবার পরক্ষণেই, সেই ব্রাহ্মণের, তাদৃশ অপমানেও আপনাকে অপমানিত বোধ করার পরিবর্তে, অন্তরে রুচি উৎপন্ন হইয়াছে জানিয়া, তাঁহাকে প্রেমালিঙ্গন প্রদানে কৃতার্থ করিলেন। এই প্রকারে জগতে এই শিক্ষা প্রচার করিলেন যে, অপরাধের নিবৃত্তি না হইলে, কেবল বাহু নিষ্ঠায় কৃতার্থ হওয়া যায় না।

এই ঘটনার পর হইতে আর কেহ কাহাকেও হঠাৎ সঙ্কীৰ্তনে প্রবেশ করাইতে সাহস করিতেন না। যদি কেহ কোন দিন কোনরূপে প্রবেশ করিয়া গোপনেও সঙ্কীৰ্তন দর্শন করিতেন, প্রভু তাঁহাকেও কিঞ্চিৎ শিক্ষা না দিয়া ছাড়িতেন না। শ্রীবাসপণ্ডিতের শাশুড়ীর ভাগ্যেও একদিন তাহাই ঘটয়াছিল। শ্রীগৌরঙ্গ ভক্তগণের সহিত অঙ্গনে সঙ্কীৰ্তন করিতেছেন। শ্রীবাসপণ্ডিতের শাশুড়ী সংকীৰ্তন দেখিবেন বলিয়া গোপনে গৃহমধ্যে লুকাইয়া আছেন। শ্রীবাস পণ্ডিত পর্যাস্ত ঐ বৃত্তাস্ত অবগত নহেন। শ্রীগৌরঙ্গ অপরাপর দিনের ঞ্চায় সেদিনও নিজ আনন্দে নৃত্য করিতেছেন। অন্তর্ধামী প্রভু সকলই জানেন, কিন্তু কৌতুক করিবেন বলিয়া বারবার বলিতে লাগিলেন, “আমার সঙ্কীৰ্তনে উল্লাস হইতেছে না কেন? বোধ হয়, কেহ কোথাও লুকাইয়া আছে।” প্রভুর কথা শুনিয়া এবং প্রকৃতই সে দিন কাহারও সঙ্কীৰ্তনে উল্লাস হইতেছে না বুঝিয়া বাড়ীর সর্বত্র অন্বেষণ করা হইল; কিন্তু কোথাও কাহাকে দেখা গেল না। দ্বিতীয়বার অন্বেষণ করা হইল। এবার শ্রীবাসপণ্ডিত নিজের শাশুড়ীকে ঘরের এক কোণে ডোল চাপা দেখিতে পাইলেন। তখন শ্রীগৌরঙ্গের অনুমতি অনুসারে তাঁহাকে গৃহ হইতে বাহির করিয়া দেওয়া হইল। পরে সকলেই যথারীতি সঙ্কীৰ্তনে মত্ত হইলেন এবং পূৰ্বপূৰ্ববৎ আনন্দ অনুভব করিতে লাগিলেন।

অপর একদিন সঙ্কীৰ্তন হইতেছে। প্রভু উল্লাস পাইতেছেন না। একে সেদিন উল্লাস হইতেছে না, তাহার উপর আবার অদ্বৈতাচার্য্য মধ্যে মধ্যে প্রভুর পদধূলি গ্রহণ করিতেছেন আর বলিতেছেন,—

“কেমতে হইব প্রেম নাটা শুবিয়াছে ॥

যুঞ্জি নাহি পাঙ প্রেম না পায় শ্রীবাস ।

তেলি-মালি-সনে কর প্রেমের বিলাস ॥

অবধূত তোমার প্রেমের হৈল দাস ।  
 আমি সে বাহির আর পণ্ডিত শ্রীবাস ॥  
 আমি সব নহিলাও প্রেম-অধিকারী ;  
 অবধূত আজি আসি হইলা ভাগারী ॥  
 যদি মোরে প্রেমযোগ না দেহ গোসাঞি ।  
 শুধিব সকল প্রেম মোর দোষ নাঞি ॥

ঈশ্বরের চরিত্র অতীত দুর্কোষ । অদ্বৈতাচার্যের কার্য্য দেখিলে বোধ হয়, তিনি যেন নিত্যানন্দের প্রতি ঈর্ষা করেন । উল্লিখিত পয়ার কয়টি হইতে তাহাই প্রকাশও পায় । বস্তুতঃ শ্রীগোরাঙ্গ শ্রীনিত্যানন্দের প্রতি সখ্যভাব প্রকাশ করিতেন এবং অদ্বৈতাচার্য্যকে গুরুজনের ন্যায় ভক্তি করিতেন । তাহাতে আচার্য্যপ্রভু বিশেষ দুঃখিত হইতেন । তিনি যদি কোন দিন অবসর-সুযোগে শ্রীগোরাঙ্গের চরণ স্পর্শ করিতেন, শ্রীগোরাঙ্গ তৎপরক্ষণেই তাঁহার চরণধূলি লইয়া তাহার পরিশোধ দিতেন ; কিন্তু এই প্রকার আচরণ কখনই উপদেশ-বিহীন হইত না ; প্রকৃত ভগবদ্ভক্তের মহিমা প্রচারই তাদৃশ আচরণ সকলের উদ্দেশ্য ছিল ।

যাহা হউক, অদ্বৈতাচার্যের উক্তি সকল শ্রবণ করিয়া, প্রভু কোন উত্তর না দিয়াই বহির্দ্বার উন্মোচন পূর্বক গঙ্গাতীরভিমুখে ধাবমান হইলেন । ভক্তগণও তাঁহার পশ্চাৎ পশ্চাৎ দৌড়িতে লাগিলেন । শ্রীগোরাঙ্গ যাইয়া গঙ্গায় ঝাঁপ দিলেন । নিত্যানন্দ ও হরিদাস তাঁহার পশ্চাৎ পশ্চাৎ পড়িয়া তাঁহাকে ধরিয়া উঠাইলেন । উঠিয়া শ্রীগোরাঙ্গ তাঁহাদিগকে বলিলেন, “আমি নন্দন আচার্য্যের গৃহে যাইয়া লুকাইয়া থাকিব, তোমরা কাহাকেও কিছু বলিবে না ।” এই বলিয়াই তিনি উর্দ্ধ্বাসে দৌড়িয়া নন্দন আচার্য্যের গৃহে যাইয়া লুকাইলেন । ঐ রাত্রি ঐ ভাবেই কাটিয়া গেল ।

পরদিন প্রভাতে প্রভু শ্রীবাস পণ্ডিতকে ডাকাইয়া আনিলেন । শ্রীবাস পণ্ডিত আসিলে, প্রভু তাঁহাকে আচার্য্যের সমাচার জিজ্ঞাসা করিলেন । শ্রীবাস পণ্ডিত বলিলেন, “অদ্বৈতাচার্য্যের কাল উপবাসেই গিয়াছে । তাঁহার কার্য্যের অনুরূপ দণ্ড হইয়াছে । সম্প্রতি তাঁহার প্রতি প্রসন্ন হউন । কাল আপনাকে না পাইয়া আগরা সকলেই মৃতপ্রায় হইয়া রহিয়াছি । অদ্বৈতাচার্য্যের ব্যবহার সকলেরই অসহ্য হইয়া উঠিয়াছে । তিনি নিজেও তাহার পরিণাম ভোগ করিতেছেন ।” শ্রীবাস পণ্ডিতের কথা শুনিয়া প্রভু তখনই তাঁহাকে লইয়া

অষ্টতাচার্যের গৃহে গমন করিলেন। আচার্য তখন শয়ন করিয়াছিলেন। প্রভু তাঁহাকে ধরিয়া উঠাইলেন। আচার্য উঠিয়া বলিলেন,—“প্রভো, আপনি অপরকে দাস্ত্য দিয়া কৃতার্থ করিতেছেন, আর আমাকে কেবল অহঙ্কার দিয়া দূরে পরিহার করিতেছেন। আপনি আমার ধন প্রাণ দেহ ও মান সমস্তই, আমাকে আপনার দাস করিয়া চরণে স্থান দিন।” প্রভু বলিলেন, “কৃষ্ণ রাজরাজেশ্বর, শিবব্রহ্মাদি দেবগণ তদন্ত অধিকারে অধিকারী। নিজ নিজ অধিকার পালনে যদি কখনও কাহারও কোন অপরাধ হয়, কৃষ্ণ তাঁহাকে দণ্ডও দেন, ক্ষমাও করেন, ইহাই নিয়ম।” এই কথা বলিয়া প্রভু আচার্যকে লইয়া স্নান করিতে গেলেন। অপরপর ভক্তবৃন্দও সমাচার পাইয়া তাঁহাদিগের সঙ্গী হইলেন। সকলে মিলিয়া স্নান ও জলবিহার আরম্ভ হইল। কি প্রভু, কি প্রভুর ভক্তবৃন্দ, সকলেই বালাকর গায় চঞ্চল, সকলেই প্রেমানন্দে উন্মত্ত। তাঁহারা যখন বাহা করেন, তখন তাহাই অতিরিক্ত বোধ হইয়া থাকে। জলে নামিয়া প্রবীণ সূখীর ভক্তবৃন্দও মাতিয়া উঠিলেন। বালকদিগের জ্ঞান পরম্পর জলক্ষেপণ আরম্ভ করিলেন। নিত্যানন্দ, অষ্টতাচার্য, গদাধর ও শ্রীবাস পণ্ডিত প্রভৃতি সকলেই প্রভুর সহিত শ্রীবৃন্দাবনের ভাবে জলক্রীড়া করিতে লাগিলেন। তাঁহারা কিছুক্ষণ এইরূপ ক্রীড়া করিয়া জল হইতে উঠিয়া নিজ নিজ ভবনে গমন করিলেন।

### চাপালগোপাল

শ্রীবাসের অঙ্গনে প্রায় প্রতি রাত্রিতেই সঙ্কীর্ণনানন্দ হয়। পাষওসকল ভিতরে প্রবেশ করিতে পায় না, বাহিরে থাকিয়াই জলিয়া পুড়িয়া মরে। তাহারা শ্রীবাস পণ্ডিকে কষ্ট দিবার নিমিত্ত নানাপ্রকার যুক্তিও করে। এক দিন চাপালগোপাল নামক এক পাষও ব্রাহ্মণ ভবানীপূজার সামগ্রী সকল লইয়া শ্রীবাসের দ্বারে উপস্থিত হইল। সে দ্বারের কতকটা স্থান লেগিয়া কলাপাতের উপর হরিদ্রা, সিন্দূর, রক্তচন্দন, তুল, জবাকুল ও সুরাভাও রাখিয়া গৃহে চলিয়া গেল। প্রাতঃকালে শ্রীবাসপণ্ডিত বাটীর বাহিরে বাইয়া উহা দেখিতে পাইলেন। দেখিয়াই তিনি প্রতিবেশী ভক্তলোকদিগকে ডাকিয়া দেখাইলেন। তাঁহারা দেখিয়া অনেক হুঃখ প্রকাশ পূর্বক অত্যাচারীকে মন্দ

বলিতে লাগিলেন। শ্রীবাস পণ্ডিত ঐ সকল দ্রব্য ফেলাইয়া গোময়াদি দ্বারা স্থান সংস্কার করিয়া মান করিলেন।

এদিকে উক্ত অপরাধে চাপালগোপালের অঙ্গে কুষ্ঠব্যাধি উৎপন্ন হইল। ছুরাআ, উক্ত বৈষ্ণবাপরাধই (১) তাহার ব্যাধির কারণ বুঝিয়া, একদিন গঙ্গাতীরে শ্রীগৌরাজের চরণ ধরিয়া পড়িল। সে ব্যাধিতে কাতর হইয়া রোগমুক্তির জন্য অনেক অনুন্নয় করিল। শ্রীগৌরাজ কিন্তু তখনও তাহার চিত্তের মলিনতা দূর হয় নাই জানিয়া উপেক্ষা করিলেন। চাপালগোপালের প্রতি শ্রীগৌরাজের কৃপা পরে প্রকাশ পাইবে।

### বিবিধ অদ্ভুত ঘটনা

একদিন সঙ্কীৰ্তনের পর প্রভু হঠাৎ নিজ অঙ্গনে একটি আন্নবীজ রোপণ করিলেন। দেখিতে দেখিতেই উহা অক্ষুরিত, বৃক্ষাকারে পরিণত, বর্দ্ধিত ও শাখাপল্লবাদিসমন্বিত হইল। ক্ষণকাল পরেই মুকুল ও ফল দেখা গেল। পরে যখন অনেক ফল পাকিয়া উঠিল, তখন প্রভু তুইশত আম পাড়াইয়া শ্রীকৃষ্ণের ভোগ লাগাইলেন। ভোগের পর ভক্তগণকে ঐ সকল প্রসাদী ফল ভোজন করাইলেন। তদবধি ঐ আন্নবৃক্ষ বার মাসই ফলিতে লাগিল। ভক্তগণ সঙ্কীৰ্তনের পর মধ্যে মধ্যে উক্ত আন্ন প্রসাদ পাইতে লাগিলেন।

অপর একদিন কীর্তনের কালে আকাশ ঘোরতর মেঘাচ্ছন্ন হইল। বৃষ্টিও পড়িতে আরম্ভ হইল। কিন্তু সঙ্কীৰ্তনস্থানে বিন্দুমাত্র জল পড়িল না।

অপর একদিন প্রভু সঙ্কীৰ্তন করিতে করিতে নৃসিংহভাবে আবিষ্ট ও উন্নত হইয়া পাষাণদলনোদ্দেশে দৌড়িতে লাগিলেন। ভক্তগণ তাঁহাকে সত্য সত্যই নৃসিংহরূপী দর্শন করিতে লাগিলেন।

( ১ ) বৈষ্ণবাপরাধ দশবিধ নামাপরাধের অন্তর্গত। “নাম্নোহপি সৰ্ব্বসুহৃদো হুপরাধাৎ পতত্যধঃ” অর্থাৎ সকলের সুহৃদ্ শ্রীভগবানের নামের অপরাধ হইতে জীব অধঃপতিত হয়। এই পদ্মপুরাণীর বচন হইতে এবং “আয়ুঃ শ্রিয়ঃ যশো ধর্ম্মং লোকানাশীষ এবচ। হস্তি শ্রেয়াংসি সৰ্ব্বাণি পুংসো মহদতিক্রমঃ” ॥ ভা ১০।৪।৪৬। এই শ্রীমদ্ভাগবতীয় বচন হইতে অবগত হওয়া যায় যে বৈষ্ণবাপরাধরূপ মহদতিক্রম সর্বানর্থহেতু।



অপর একদিন এক সর্ষজ্ঞ গণক আসিয়া প্রভুর বাড়ীতে উপস্থিত হইলেন। প্রভু তাঁহাকে আপনার পূর্বজন্মের বৃত্তান্ত জিজ্ঞাসা করিলেন। সর্ষজ্ঞ গণনা করিয়া বলিলেন, ইনি শ্রীভগবান্। তিনি যখন প্রভুকে শ্রীভগবান্ বলিয়া বলিলেন, তখনই তাঁহার জ্যোতির্ময় বিরাট রূপও সন্দর্শন করিলেন। রূপ দেখিয়াই তিনি স্তম্ভিত হইলেন। তাঁহার বাক্যস্মৃতি রহিত হইয়া গেল। প্রভু পুনঃ পুনঃ প্রশ্ন করিলেও তাঁহার প্রশ্নের কোন উত্তর প্রদান করিতে সমর্থ হইলেন না। পরে তিনি প্রভুর চরণে প্রণাম করিয়া কৃতার্থ ও অবাক্ হইয়া চলিয়া গেলেন।

অপর একদিন প্রভু নিজ ভক্তগণের নিকট শ্রীহরিনামের মহিমা কীর্তন করিতেছেন, এমন সময়ে এক পাষণ্ড পড়ুয়া বলিল, নামের মহিমাশূচক বাক্য সকল প্রশংসাবাদমাত্র। প্রভু শুনিয়াই ভক্তগণের সহিত সবস্ব স্নান করিলেন, এবং বলিলেন, “ঐ প্রকার লোকের মুখদর্শনও অকর্তব্য।”

অপর একদিন প্রভু গঙ্গায় স্নান করিতেছেন, এমন সময়ে এক ব্রাহ্মণ আসিয়া নিজের উপবীত খণ্ড খণ্ড করিয়া তাঁহার চরণতলে নিক্ষেপ করিয়া বলিতে লাগিলেন, “তুমি দ্বার রুদ্ধ করিয়া কীর্তন করিতেছিলে, আমাকে প্রবেশ করিতে দিলে না, আমি যদি ব্রাহ্মণ হই, এবং কিছুমাত্র তপশ্চা করিয়া থাকি, তবে তুমি নিশ্চয় সংসারসূথে বঞ্চিত হইবে। প্রভু সেই ক্রোধান্বিত ব্রাহ্মণের উপবীতখণ্ড শিরে ধারণ করিয়া বলিলেন, “আপনার শাপ আমার শিরোধার্য্য জানিবেন।” ভক্তবৃন্দ শুনিয়া হাহাকার করিতে লাগিলেন।

অপর একদিন সঙ্কীর্ণনের পর এক বৃদ্ধা ব্রাহ্মণী আসিয়া হঠাৎ প্রভুর চরণতলে পতিত হইলেন। প্রভু তাঁহাকে কিছু না বলিয়া দৌড়িয়া গিয়া গঙ্গায় ঝাঁপ দিলেন। নিত্যানন্দ প্রভুর পশ্চাৎ পশ্চাৎ জলে পড়িয়া তাঁহাকে ধরিয়া তীরে উঠাইলেন।

আর একদিন যশোহরের অন্তর্গত তালপৈড়া নামক গ্রামের পদ্মনাভ চক্রবর্তীর পুত্র লোকনাথ চক্রবর্তী আসিয়া প্রভুর চরণাশ্রয় করিলেন। লোকনাথ চক্রবর্তী অদ্বৈতাচার্য্যের বিশেষ অনুগত ও প্রভুর প্রিয়পাত্র হইলেন। সন্ন্যাসের কিছু পূর্বেই হঠাৎ একদিন প্রভু লোকনাথ চক্রবর্তীকে বলিলেন, “তুমি বৃন্দাবনে গমন কর, আমিও সন্ন্যাস গ্রহণ করিয়া সত্বর শ্রীবৃন্দাবনে যাইতেছি।” লোকনাথ প্রভুর আজ্ঞা শিরে ধরিয়া শ্রীবৃন্দাবনেই গমন করিলেন। ঠাকুর নরোত্তম শ্রীবৃন্দাবনে যাইয়া ইহারই নিকট দীক্ষিত হইলেন।

আর একদিন প্রভু শ্রীবাস পণ্ডিতকে বলিলেন, “পণ্ডিত, পূর্বে তোমার জীবনাস্ত সময় উপস্থিত হইলে, আমি তোমার জীবন রক্ষা করিয়াছিলাম, স্মরণ হয় কি?” শ্রীবাস পণ্ডিত বলিলেন, “প্রভো, কালকালে পণ্ডিত হইতেছিলাম, কোনরূপে হঠাৎ রক্ষা পাইয়াছি, ইহা আমার স্মরণ আছে। আপনার অবতারের পূর্বে আমি অতিশয় দুর্দাস্তস্বভাব ছিলাম, স্বপ্নেও কখন ভগবদ্গুণ-নামাদি শ্রবণকীর্তন করিতাম না। দৈবাৎ কোন মহাত্মা আমাতে স্বপ্নাবস্থায় দর্শন দান করিয়া বলিলেন, “ওরে ব্রাহ্মণাধম, তুই ঘেরূপ দুর্দাস্ত, তোকে উপদেশ দেওয়া উচিত নয়, তথাপি বলিতেছি, তোর এক বৎসর মাত্র পরমায়ু আছে, এখনও সাবধান হইয়া কার্য্য কর।” রজনী প্রভাত হইলে, ঐ স্বপ্নোপদেশ আমার স্মৃতিপথে আক্ৰাণ্ড হইল। আমি মরণভয়ে অতিশয় উৎকণ্ঠিত হইয়া নারদীয়পুরাণ পাঠ করিতে করিতে “হরেন্নাম হরেন্নাম হরেন্নামৈব কেবলম্। কলৌ নাস্ত্যেব নাস্ত্যেব নাস্ত্যেব গতিরনুথা ॥” এই শ্লোকটি প্রাপ্ত হইলাম। অনন্তর এই শ্লোকটিকেই শ্রীহরির উপদেশ বিবেচনা করিয়া হরিনামের শরণ গ্রহণ করিলাম। এইভাবে কথিত মরণদিন নিকটবর্তী হইলে, দেবানন্দ পণ্ডিতের বাটীতে শ্রীভাগবতশ্রবণার্থ গমন করিলাম। পরে যাহা ঘটয়াছিল, তাহা আপনিই বিদিত আছেন।”

আর একদিন প্রভু শ্রীবাসের আবাসে ভগবান্মন্দির প্রদক্ষিণ করিতেছিলেন, এমন সময়ে সেই মন্দিরের দক্ষিণভাগে সূচিকর্ষ্মজীবী এক যবন সূঁচের কাজ করিতে করিতে তাঁহার নিক্রুপম মাধুরী অবলোকন করিয়া মহানন্দে নিমগ্ন হইল। পরে প্রীতি-প্রফুল্ল-নয়নে হাস্ত করিতে করিতে “কি আশ্চর্য্য দেখিলাম, কি আশ্চর্য্য দেখিলাম’ বলিতে লাগিল। বলিতে বলিতেই আনন্দাশ্রুপরিব্যাপ্ত হইয়া সৌচিক কর্ষ্ম ত্যাগ পূর্ব্বক উদ্ধবাহ হইয়া নৃত্য করিতে আরম্ভ করিল। তদবধি সে সংসার ত্যাগ করিয়া অবধূতের আয় বিচরণ করিতে লাগিল।

আর একদিন শ্রীগৌরাজ্ঞ প্রেমানন্দে বিবশ হইয়া আচার্য্যরত্নের ভবন হইতে নৃত্য করিতে করিতে আগমন করিতেছিলেন। পথিমধ্যে এক কুষ্ঠী বিপ্র তাঁহার চরণে শরণ লইলেন। তিনি করুণার্দ্ৰ হইয়া ঐ বিপ্রকে অষ্টৈতাচার্য্যের পাদোদক গ্রহণ করিতে বলিলেন। তাহাতেই তাঁহার রোগের শাস্তির সহিত ডব-রোগেরও শাস্তি হইল।

## শুক্লাশ্বরের তাম্বুল ভোজন

একদিবস শ্রীগৌরাজ ভক্তগণের সহিত সঙ্কীৰ্তনে নৃত্য করিতেছিলেন, এমন সময়ে শুক্লাশ্বর ব্রহ্মচারী ভিক্ষা করিতে করিতে ভিক্ষার ঝুলি ফুলে লইয়া ঐ স্থানে আসিয়া উপস্থিত হইলেন। তিনি একজন কৃষ্ণভক্ত ভিক্ষুক ব্রাহ্মণ। শ্রীগৌরাজ তাঁহাকে বিশেষ ভালবাসিতেন। শুক্লাশ্বর ব্রহ্মচারী আসিয়া সঙ্কীৰ্তনকারী ভক্তবর্গের সহিত নৃত্য করিতে লাগিলেন। শ্রীগৌরাজ তাঁহাকে নৃত্য করিতে দেখিয়া সন্তোষের সহিত বলিলেন, “ব্রহ্মচারিন্, তুমি আজ আমাকে তোমার ভিক্ষালব্ধ বস্তু অর্পণ কর।” ব্রহ্মচারী শুনিয়া অতীব বিশ্বয়াবিষ্ট হইলেন। শ্রীগৌরাজ স্বয়ং তাঁহার ঝুলি হইতে মুষ্টি মুষ্টি তণ্ডুল লইয়া ভোজন করিতে লাগিলেন। ভক্তগণ প্রভুর কারুণ্য দেখিয়া আনন্দে রোদন করিতে লাগিলেন। তখন শুক্লাশ্বর বলিলেন, “প্রভো, এই নিকৃষ্ট তণ্ডুলকণা কি আপনার ভোজন-যোগ্য! লোকে কত কত সুমধুর দ্রব্য আপনাকে অর্পণ করিয়া থাকে।” প্রভু বলিলেন, “ভক্তের তণ্ডুলকণাও অভক্তের অমৃত অপেক্ষা স্বাদু।” শুনিয়া শুক্লাশ্বর ব্রহ্মচারী আনন্দে বিহ্বল হইয়া দস্তে তৃণ ধারণ পূর্বক প্রভুকে ভূয়ো-ভূঃ প্রণাম করিতে লাগিলেন। প্রভু শুক্লাশ্বর ব্রহ্মচারীকে প্রেমভক্তি প্রদান করিয়া কৃতার্থ করিলেন। তদর্শনে চতুর্দিক হইতে ‘হরি হরি’ ধ্বনি উথিত হইতে লাগিল।

## নাটকান্ধিনয়

শ্রীগৌরাজ গূঢ়ভাবে নদীয়ায়নগরে সঙ্কীৰ্তনরঙ্গে মত্ত। কখন বা গৃহ হইতে বাহির হইয়া নগরে নগরে কীৰ্তন করিয়া থাকেন। লোকে তাঁহার অপরূপ রূপলাবণ্য দর্শন করিয়া মোহিত হইয়েন। পাষাণসকল তাঁহার রূপাদির মাধুর্যে সমাকৃষ্ট হইয়েন না বটে, কিন্তু বিষ্ণুর প্রভাবে বিস্মিত ও ভীত হইয়া দূরে পলায়ন করেন। অধ্যয়ন কেবল বর্জকরণমাত্র, কিন্তু তাঁহার বিষ্ণুর তুলনায় অপরের বিষ্ণু তৃণ হইতেও লঘু হইয়া যায়। ভক্তবৃন্দ তাঁহাকে সকল মাধুর্যের নিকেতনস্বরূপেই দর্শন করিয়া থাকেন। অভক্তগণ দেখেন, যেন মূর্ত্তিমান্ দম্ব। সুতরাং পাষাণসকল ঈর্ষান্বিত হইয়া সকলের নিকট প্রচার করিতে লাগিল যে, নিমাইপণ্ডিত রাত্রিকালে সঙ্কীৰ্তনস্থলে গোপনে লোকসমাজের

অহিতকর কুৎসিত কার্যসকল করিয়া থাকেন। এই বৃন্দাস্ত্র ক্রমে কাজীরও কর্ণগোচর হইল। অনেকেই অনেকপ্রকার ভয়প্রদর্শন করিতে লাগিলেন। শ্রীগৌরান্ধ তাহাতে ক্রক্ষেপও করিলেন না। তিনি নির্ভয়ে ভক্তগণের সহিত পূর্ববৎ কীর্তনানন্দ অনুভব করিতে লাগিলেন।

শ্রীগৌরান্ধ এই সময়েই একদিন ভক্তগণের নিকট নাটকাভিনয়ের প্রস্তাব করিলেন। বুদ্ধিমন্তু খানের উপর সাজসজ্জার আয়োজনের ভার অর্পিত হইল। গদাধরকে গোপী, ব্রহ্মানন্দকে সখী, নিত্যানন্দকে যোগমায়া, হরিদাসকে কোতোয়াল, শ্রীবাসকে নারদ এবং অদ্বৈতাচার্য্যকে শ্রীকৃষ্ণ সাজিবার ও শ্রীরামাদিকে গান করিবার ভার দেওয়া হইল। শ্রীগৌরান্ধ স্বয়ং লক্ষ্মী সাজিবার ভার লইলেন। অদ্বৈতাচার্য্য বলিলেন, “প্রভো, আমি অজিতেন্দ্রিয়, অতএব অভিনয় দেখিতে যাইব না।” শ্রীবাস পণ্ডিতও আচার্য্যের সহিত একমত হইলেন। তখন শ্রীগৌরান্ধ বলিলেন, “তোমরাই যদি অভিনয়কার্য্যে যোগদান না কর, তবে আমি কাহাকে লইয়া নাটকাভিনয় করিব? তোমরা যে কারণে চিন্তিত হইতেছ, সে ভার আমার। আজ সকলেই মহাযোগেশ্বর হইবেন, কাহারও কোনরূপ চিন্তার কারণ নাই, কেহই আমাকে দেখিয়া মোহিত হইবেন না।” প্রভু যখন শ্রীমুখে এইপ্রকার সাহস প্রদান করিলেন, তখন সকলেই অভিনয়ে যোগদান করিতে সম্মত হইলেন। চন্দ্রশেখর আচার্য্যের ভবনেই অভিনয়ের স্থান নির্দিষ্ট হইল। শচীদেবী নিজবধুর সহিত চন্দ্রশেখর আচার্য্যের ভবনে গমন করিলেন। অপরাপর আপ্ত ভক্তগণের পরিবার সকলও ঐ স্থানে গমন করিতে লাগিলেন।

মুকুন্দ যথাসময়ে কীর্তন আরম্ভ করিলেন। প্রথমেই হরিদাস কোতোয়ালবেশে দণ্ডহস্তে সভাস্থানে উপস্থিত হইলেন। তিনি সভায় উপস্থিত হইয়া বলিতে লাগিলেন,—

“আরে আরে ভাই সব হও সাবধান।  
নাচিব লক্ষ্মীর বেশে জগতের প্রাণ ॥”

সভ্যগণ তাঁহাকে জিজ্ঞাসা করিলেন, “তুমি কে?”

হরিদাস বলিলেন, “আমি বৈকুণ্ঠের কোতোয়াল, প্রভু বৈকুণ্ঠ ছাড়িয়া এখানে আসিয়াছেন, আজ তিনি লক্ষ্মী সাজিয়া প্রেমভক্তি লুটাইবেন আপনারা সাবধান হউন।”

তদনন্তর শ্রীবাসপণ্ডিত নারদবেশে উপস্থিত হইলেন। তদর্শনে অদ্বৈতাচার্য্য বলিলেন, “তুমি আবার কে?”

শ্রীবাসপণ্ডিত বলিলেন, “আমি দেবর্ষি নারদ, শ্রীকৃষ্ণের গায়ক, অনন্তব্রহ্মাণ্ড ভ্রমণ করিতে করিতে গোলোকে যাইয়া ঐ স্থানে শ্রীকৃষ্ণকে না পাইয়া এই স্থানে আসিয়াছি। শুনিয়াছি, আজি প্রভু এই স্থানেই লক্ষ্মীবেশে নৃত্য করিবেন।”

শ্রীবাসপণ্ডিত নারদভাবে এমনই আবিষ্ট হইয়াছিলেন যে, তাঁহাকে শ্রীবাস বলিয়া চেনা যায় না। তাঁহার রূপ, বাক্য ও চরিত্র ঠিক নারদের মত হইয়া গিয়াছিল। শচীদেবী ইতিপূর্বে শুনিয়াছিলেন, শ্রীবাসপণ্ডিত নারদ সাজিবেন। ঐ কথা স্মরণ করিয়া তিনি পার্শ্ববর্তিনী মালিনীকে জিজ্ঞাসা করিলেন, “মালিনি; এই না পণ্ডিত?” মালিনী বলিলেন, “হাঁ, ইনিই বটেন।” শচীদেবী অতীব বিশ্বয়ের সহিত মূর্ছা প্রাপ্ত হইলেন। মালিনী অনেক যত্নে তাঁহার চৈতন্য সম্পাদন করিলেন। শচীদেবী সংজ্ঞা লাভ করিয়া শ্রীগোবিন্দের স্মরণ করিতে লাগিলেন। এই সময়ে শ্রীগৌরাজ রুক্মিণীবেশে আসিয়া সভামধ্যে দর্শন দিলেন। তিনি আসিয়া কিয়ৎকাল ব্যাপিয়া রুক্মিণীর বিবাহের অভিনয় করিলেন। এইরূপে প্রথম প্রহর অতীত হইল। দ্বিতীয় প্রহরে গদাধর গোপীবেশে সুপ্রভাত নাম্নী নিজসখীর সহিত সভামধ্যে উপস্থিত হইলেন। নিত্যানন্দ বড়াই বুড়ী সাজে সাজিয়া দর্শন দিলেন। শ্রীগৌরাজ নিত্যানন্দের হস্তধারণ পূর্বক নৃত্য করিতে লাগিলেন। অদ্বৈতাচার্য্য শ্রীকৃষ্ণের বেশে আগমন করিলেন। শ্রীগৌরাজ স্বয়ং শ্রীমতী রাধিকার ভাবে তাঁহার সহিত দানলীলার অভিনয়ে প্রবৃত্ত হইলেন। এই দানলীলার অভিনয় দর্শন করিয়া ভক্তগণ এমনই আবিষ্ট হইয়া গেলেন যে, কাহারও আত্মজ্ঞান রহিল না। আশ্চর্য্যের বিষয় এই, যে শ্রীভগবানের মোহিনী মূর্তি দর্শন করিয়া ত্রিজগৎ মোহিত হইয়াছিলেন, আজ তাঁহারই শ্রীরাধিকামূর্তি দেখিয়াও ভক্তগণের মধ্যে কেহই মোহিত ও বিচলিত হইলেন না। সকলই শ্রীভগবানের ইচ্ছা। আরও আশ্চর্য্য এই যে, ভক্তগণের মধ্যে যিনি যে অংশ স্বীকার করিয়াছিলেন, তিনি আপনাকে ঠিক তদ্রূপই অনুভব করিয়াছিলেন। তাঁহাদিগের উক্ত ভাবাবেশ শীঘ্র অপগতও হয় নাই। শ্রীগৌরাজের ভাবান্তর স্বীকার না করা পর্য্যন্ত কাহারও ঐ ভাবের অপগম হইতে দেখা যায় নাই। শ্রীগৌরাজ ভাবান্তর গ্রহণ করিলেই, ভক্তগণও নিজ নিজ স্বভাব প্রাপ্ত হইলেন। বিশেষতঃ এই দানলীলার অভিনয়ে শ্রীগৌরাজ যে একটি অপূর্ব তেজ আবির্ভাবিত করিয়াছিলেন, তাহা ক্রমাগত সাত দিন

পর্যন্ত আচার্য্যরত্নের ভবন আলোকিত করিয়া রাখিয়াছিল। সাতদিনের পর ঐ তেজ অল্পে অল্পে অপমৃত হইয়া যায়। শ্রীগৌরান্দের মহাপ্রকাশের সময়ও ঐপ্রকার একটি অদ্ভুত তেজ ভক্তবৃন্দের নেত্রগোচর হইয়াছিল; কিন্তু উহা একদিনের অধিক কাল স্থায়ী হয় নাই।

### অষ্টদ্বৈতাচার্য্যের অভিমান

শ্রীগৌরান্দ এইরূপে নদীয়ানগরের ঘরে ঘরে প্রেম বিতরণ করিতে লাগিলেন। তাঁহার ঐ কার্য্যে সকলেই সুখী, সকলেই সন্তুষ্ট, কেবল অষ্টদ্বৈতাচার্য্যই সুখ পান না। যতদূর ব্যক্ত আছে, তদ্বারা, শ্রীগৌরান্দ যে তাঁহার প্রতি গৌরব দেখাইতেন, তাহাই তাঁহার তাদৃশ ক্ষোভের কারণ বলিয়া অনুমান করা যায়। যাহা হউক, উক্ত ক্ষোভ অপনয়নের নিমিত্ত অষ্টদ্বৈতাচার্য্য মনে মনে স্থির করিলেন যে, এবার হইতে ভক্তিবিরোধীর ভান করিবেন, ভক্তি হইতে জ্ঞানের শ্রেষ্ঠত্ব প্রচার করিতে থাকিবেন। তিনি ভাবিলেন, এইরূপ আচরণে প্রভু ক্রুদ্ধ হইয়া তাঁহার প্রতি দণ্ডবিধান করিবেন, এবং ঐ দণ্ডই তাঁহার অভীষ্টসিদ্ধির উপায় হইবে, অর্থাৎ প্রভু তাঁহার প্রতি দণ্ডবিধান করিলেই তিনি নিজের অপরাধ ক্ষমাপণব্যাজে প্রভুর চরণে ধরিয়া নিজের লঘুতাসম্পাদনের সুযোগ পাইবেন।

অষ্টদ্বৈতাচার্য্য এইরূপ সংকল্প করিয়া কার্য্যান্তরব্যাপদেশে প্রভুর নিকট বিদায় গ্রহণ পূর্ব্বক হরিদাস ঠাকুরের সহিত শান্তিপুরে নিজভবনে গমন করিলেন। তিনি শান্তিপুরে আসিয়া শ্রীকৃষ্ণপ্রেমে আবিষ্ট থাকিয়াই যোগবাশিষ্ঠোক্ত জ্ঞানমার্গের প্রচারে ব্রতী হইলেন। আচার্য্যপ্রভুর ঈদৃশ ছলব্যাখ্যান শ্রবণগোচর করিয়া হরিদাস ঠাকুর মনে মনে হাসিতে লাগিলেন। আচার্য্যপ্রভুর এই জ্ঞানমার্গের প্রচারে হরিদাস ঠাকুরের যদিও কোনরূপ ক্ষতি হয় নাই বটে, কিন্তু সমাজের যথেষ্ট ক্ষতি হইয়াছে। অষ্টদ্বৈতাচার্য্যের অনেক হতভাগ্য শিষ্য তাঁহার এই ব্যাখ্যানকেই প্রকৃত সাধু ব্যাখ্যান বিবেচনা করিয়া স্থানে স্থানে ইহাই প্রচার করিতে লাগিলেন। ঐ প্রচারের বিষময় ফল অত্মপি গোড়ীয়-বৈষ্ণব-সমাজে প্রচুর পরিমাণেই দৃষ্ট হইতেছে।

অষ্টদ্বৈতাচার্য্য জ্ঞানমার্গ প্রচার করিতে লাগিলেন। অস্তর্ধামী প্রভুর উহা অবিদিত রহিল না। লোকহিতাবতার শ্রীগৌরান্দ্রের একদিন নগরভ্রমণ করিতে করিতে সমভিব্যাহারী শ্রীনিত্যানন্দকে বলিলেন, “শ্রীপাদ, চল আমরা দুইজনে

শান্তিপু্রে অদ্বৈতাচার্যের আলয়ে গমন করি।” এই কথা বলিতে বলিতেই উভয়ে অবিলম্বে শান্তিপুরাভিমুখে যাত্রা করিলেন। উঁহারা পথিমধ্যে গঙ্গাতীর-বর্তী ললিতপুরগ্রামে এক সন্ন্যাসীর গৃহে উপস্থিত হইলেন। শ্রীগৌরান্ন সন্ন্যাসীকে দেখিয়া প্রণাম করিলেন। সন্ন্যাসী প্রভুর মোহিনী মূর্তি দর্শন করিয়া সন্তোষের সহিত যথেষ্ট আশীর্বাদ করিলেন। সন্ন্যাসী প্রভুকে বলিলেন, “তোমার ধন, বংশ ও বিচার বৃদ্ধি হউক।” প্রভু হাসিয়া বলিলেন, “আমার এইরূপ আশীর্বাদে প্রয়োজন নাই, কৃষ্ণের প্রসাদ লাভ হউক, ইহাই বলুন।” সন্ন্যাসী বিরক্ত হইয়া বলিলেন, “তুমি দুগ্ধপোষ্য বালক, তোমার এখনও জ্ঞান হয় নাই, তাই এইরূপ বলিতেছ, কি খাইয়া ভক্তি করিবে বল দেখি?” নিত্যানন্দ বলিলেন, “গোসাঞি, বালকের সহিত আপনার বিচার শোভা পায় না, এই বালক আপনার মহিমা কি বুঝিবে, ক্ষমা করুন। নিত্যানন্দের কথায় সন্তুষ্ট হইয়া সন্ন্যাসী বলিলেন, তোমরা আজ আমার গৃহে আতিথ্য গ্রহণ কর।” পতিতপাবনাবতার প্রভুদ্বয় তাহাই স্বীকার করিলেন। ঐ সন্ন্যাসী, সন্ন্যাসী নহে, বামাচারী তান্ত্রিক গৃহস্থ, বেষতঃ ও নামতঃ সন্ন্যাসী বলিয়া পরিচিত। প্রভু তাহা বিদিত থাকিয়াও, কেবল কৃতার্থ করিবার নিমিত্ত, ঐ মতুপায়ী তান্ত্রিকের গৃহে আতিথ্য অঙ্গীকার করিলেন। সন্ন্যাসী তাঁহাদিগকে বিশেষ যত্ন ও আদরের সহিত দুগ্ধ ও ফলাদি ভোজন করিতে দিলেন। ভোজন প্রায় শেষ হয়, এমন সময় সন্ন্যাসী নিত্যানন্দ প্রভুকে লক্ষ্য করিয়া বলিলেন, “শ্রীপাদ, কিছু আনন্দ আনিব?” সন্ন্যাসীর পত্নী অতীব ভক্তিমতী ছিলেন। তিনি স্বামীর কথা শুনিয়া বিরক্ত হইলেন, এবং পাছে অতিথির ভোজনের বিঘ্ন হয় ভাবিয়া তাঁহাকে বারংবার নিষেধ করিতে লাগিলেন। তাঁহাদিগের ভাবগতি দেখিয়া শ্রীগৌরান্ন অনুচ্চস্বরে নিত্যানন্দকে জিজ্ঞাসা করিলেন, “সন্ন্যাসী কি বলিতেছে, ব্যাপার কি, আনন্দ কি?” নিত্যানন্দ বলিলেন, “বোধ হয় মদিরা।” শুনিবামাত্র প্রভু ‘বিষ্ণু বিষ্ণু’ বলিয়া আচমন করিলেন। আচমনের পর দুই প্রভু দ্রুতবেগে গঙ্গায় পড়িয়া সাঁতার দিতে দিতে শান্তিপু্রে উপনীত হইলেন।

শ্রীগৌরান্ন শান্তিপু্র পাইয়া নিত্যানন্দের সহিত তীরে উঠিলেন এবং আর্দ্র-বসনেই অদ্বৈতাচার্যের গৃহাভিমুখে যাত্রা করিলেন। আচার্যের ভবনে উপনীত হইবামাত্র আচার্যের পুত্র অচ্যুতানন্দ ও হরিদাস ঠাকুর প্রভুর চরণবন্দন করিলেন। আচার্য্য মনে মনে প্রভুর শ্রীপাদপদ্ম ধ্যান করিয়া তাঁহাদিগকে

আর্দ্রবসন ত্যাগ করাইয়া আসন প্রদান করিলেন। পরে তিনি প্রভুর নিকট দণ্ডিত হইবার অভিলাষে ছলক্রমে জ্ঞানালোচনায় প্রবৃত্ত হইলেন। প্রভু আচার্য্যের অভিপ্রায় বুঝিয়া, জ্ঞানের প্রাধান্য প্রচারের নিমিত্ত তাঁহাকে অপরাধী স্থির করিয়া, তন্নিমিত্ত রোষ প্রকাশ পূর্বক, তিরস্কার ও প্রহার করিতে আরম্ভ করিলেন। আচার্য্যপত্নী সীতাদেবী প্রভূত অনুনয় সহকারে প্রভুর সান্ত্বনা করিলেন। আচার্য্য, 'দণ্ডলাভে কৃতার্থ হইলাম' বলিতে বলিতে প্রভুর চরণধূলি গ্রহণ পূর্বক আনন্দে নৃত্য করিতে লাগিলেন। নিত্যানন্দ ও হরিদাস আচার্য্যের অদ্ভুত প্রেমোন্মাদ সন্দর্শনে বিহ্বল হইয়া আনন্দাশ্রু বিসর্জন করিতে লাগিলেন। তাঁহাদের সঙ্গে সঙ্গে আচার্য্যতনয় অচ্যুতানন্দ ও আচার্য্যপত্নী সীতাদেবীও ক্রন্দন করিতে লাগিলেন। অদ্বৈতভবন অকস্মাৎ কৃষ্ণপ্রেমময় হইয়া উঠিল। তখন শ্রীগৌরাজ লজ্জিতের ন্যায় ভাব ধারণপূর্বক আচার্য্যকে ক্রোড়ে লইয়া নৃত্য করিতে করিতে বলিতে লাগিলেন, "ভৃত্য শত অপরাধে অপরাধী এবং অতি নিকৃষ্ট হইলেও, প্রভু তাহার প্রতি প্রসাদ বিতরণে বিমুগ্ধ হইবেন না। আচার্য্য, আমি তোমার সকল অপরাধ ক্ষমা করিলাম।" প্রভুর কথা শ্রবণে আচার্য্য নিজ অভিলাষ সিদ্ধ হইয়াছে বুঝিয়া সানন্দে প্রভুর চরণধূলি ধারণ করিলেন। পরে শ্রীগৌরাজ অদ্বৈতাচার্য্য, নিত্যানন্দ ও হরিদাসের সহিত স্নানাহার সমাপন করিলেন। ভোজনানন্তর নিত্যানন্দ আচার্য্যকে রাগাইবার নির্মিত্ত সমস্ত গৃহে অন্ন ছড়াইতে লাগিলেন। আচার্য্য কল্পিতরোষভরে বক্ষ্যমাণপ্রকারে নিত্যানন্দের তত্ত্ব প্রকাশ করিতে লাগিলেন।

“জাতিনাশ করিলেক এই নিত্যানন্দ ।  
কোথা হৈতে আসি হৈল মণ্ডপের সঙ্গ ॥  
গুরু নাহি, বোলয় ‘সন্ন্যাসী’ করি নাম ।  
জন্ম বা না জানিয়ে নিশ্চয় কোন্ গ্রাম ॥  
কেহো ত না চিনে, নাহি জানি কোন্ জাতি ।  
তুলিয়া তুলিয়া বলে যেন মাতা হাথী ॥  
ঘরে ঘরে পশ্চিমার থাইয়াছে ভাত ।  
এখানে আসিয়া হৈল ব্রাহ্মণের সাথ ॥  
নিত্যানন্দ মণ্ডপে করিব সর্বনাশ ।  
সত্য সত্য সত্য এই শুন হরিদাস ॥”



চারিদিক হইতে বৈষ্ণবমণ্ডলী প্রভুর দর্শনাভিলাষে অদ্বৈতভবনে আগমন করিতে লাগিলেন। আচার্য্যভবন আনন্দোৎসবে পরিপূর্ণ হইল। এইরূপে কয়েক দিবস আচার্য্যগৃহে অবস্থিতির পর প্রভু পুনর্বার নদীয়ায় 'শুভাগমন করিলেন।

এই যাত্রাতেই একদিন প্রভু নৌকায় গঙ্গাপার হইয়া হঠাৎ কাল্নায় গৌরীদাস পণ্ডিতের বাটী ঘাইয়া উপস্থিত হইলেন। গৌরীদাস পণ্ডিত প্রভুর অবতারের কথা শুনিয়াছিলেন, কিন্তু প্রভুকে দর্শন করেন নাই। প্রভু তাঁহার নিকট আত্মপ্রকাশ দ্বারা তাঁহাকে কৃতার্থ করিয়া পুনশ্চ শান্তিপুরে আগমন করিলেন। আগমনকালে গৌরীদাস পণ্ডিতও প্রভুর সহিত শান্তিপুরে আগমন করিলেন। ভক্তিরত্নাকরে লিখিত আছে, প্রভু ইহঁাকে নদীয়ায় লইয়া গিয়া একখানি হস্তলিখিত গীতা প্রদান পূর্বক নিজের দারুণীয় প্রতিমূর্তি স্থাপন করিতে আদেশ করিয়াছিলেন।

### মুরারিগুপ্ত।

মুরারিগুপ্ত শ্রীগৌরাজের একজন সহাধ্যায়ী। অধ্যয়নকালে প্রভু মুরারির সহিত অনেক বাদবিতণ্ডা করিতেন। মুরারি শ্রীরামচন্দ্রের ভক্ত ছিলেন। শ্রীগৌরাজেও তাঁহার অনন্তমমতা ছিল। তিনি শ্রীগৌরাজের আদিলীলা স্বচক্ষে দেখিয়া গ্রন্থাকারে লিপিবদ্ধ করিয়াছিলেন। শ্রীরামচন্দ্রের ভক্ত বলিয়া প্রভু তাঁহাকে রামদাস বলিয়া ডাকিতেন। মুরারি একদিন শ্রীবাস পণ্ডিতের বাটীতে আসিয়া অগ্রে প্রভুকে পরে শ্রীনিত্যানন্দকে প্রণাম করিলেন। তদর্শনে প্রভু হাসিতে হাসিতে বলিলেন, “মুরারি, তুমি অগ্রে শ্রীপাদকে প্রণাম না করিয়া আমাকে প্রণাম করিলে কেন?” মুরারি বলিলেন, “প্রভো, আপনি আমার হৃদয়ে বসিয়া যেমন করাইলেন, আমি তেমনি করিলাম।” প্রভু বলিলেন, “ভাল, আজ তুমি গৃহে যাও, কল্যা দেখা যাইবে। মুরারি গৃহে গেলেন। রাত্রিকালে স্বপ্ন দেখিলেন, “স্বয়ং বলরাম নিত্যানন্দ অগ্রে অগ্রে গমন করিতেছেন এবং প্রভু তাঁহার পশ্চাৎ পশ্চাৎ যাইতেছেন। তদবস্থাতেই প্রভু হাসিতে হাসিতে বলিলেন, “মুরারি, নিত্যানন্দ জ্যেষ্ঠ, আমি উঁহার কনিষ্ঠ।” এই কথা পর মুরারির নিদ্রাভঙ্গ হইল। তিনি জাগরিত হইয়া স্বপ্নবৃত্তান্ত স্মরণ করিয়া কাঁদিতে লাগিলেন। পরে তিনি শ্রীবাস পণ্ডিতের ভবনে ঘাইয়া

অগ্রে নিত্যানন্দ প্রভুকে প্রণাম করিয়া পরে শ্রীগৌরানন্দ মহাপ্রভুকে প্রণাম করিলেন। প্রভু দেখিয়া বলিলেন, “মুরারি, আজ কেন অগ্রে আমাকে প্রণাম না করিয়া শ্রীপাদকে প্রণাম করিলে? মুরারি বলিলেন, “প্রভো, আপনি আমাকে আজ যেরূপ বুদ্ধি দিলেন, আমি সেইরূপই করিলাম।” প্রভু সম্বলিত হইয়া মুরারিকে চর্চিত তাহ্মূল প্রদান করিলেন। ঐ তাহ্মূল ভক্ষণ করিয়া মুরারি আনন্দে উন্মত্ত হইয়া গৃহে ফিরিয়া আসিলেন। মুরারি আগমন করিলে, তাঁহার পত্নী অন্ন আনিয়া দিলেন। মুরারি “খাও খাও খাও কৃষ্ণ” বলিয়া ঘৃতযুক্ত অন্ন মৃত্তিকাতে নিক্ষেপ করিতে লাগিলেন। মুরারির পত্নী স্বামীর তাদৃশ ব্যবহার দর্শনে বিস্মিত হইয়া পুনঃ পুনঃ আনিয়া দিতে লাগিলেন, মুরারিও ঐ অন্ন পূর্ববৎ ভূতলে নিক্ষেপ করিতে লাগিলেন। এই দিন এই ভাবেই কাটিয়া গেল।

পরদিন প্রভাতে মুরারি কৃষ্ণপ্রেমানন্দে বিহ্বল হইয়া বসিয়া আছেন। অকস্মাৎ প্রভু আসিয়া সম্মুখে দর্শন দিলেন। মুরারি প্রভুকে দেখিয়াই উঠিয়া বন্দনা করিলেন। পরে আসন প্রদান করিয়া প্রভুকে আগমনের কারণ জিজ্ঞাসা করিলেন। প্রভু বলিলেন, “অজীর্ণের চিকিৎসার নিমিত্ত তোমার নিকটে আসিলাম।” মুরারি শুনিয়া বলিলেন, “কাল প্রভুর কি ভোজন হইয়াছিল?” প্রভু বলিলেন, “তুমি যে ঘৃতমিশ্রিত অন্ন প্রদান করিয়াছিলে, তাহাই ভোজন করিয়া আমার অজীর্ণ হইয়াছে।” এই কথা বলিয়াই প্রভু মুরারির জলপাত্র লইয়া জলপান করিতে লাগিলেন। পান শেষ হইলে, বলিলেন, “তোমার অন্ন ভোজনে উৎপন্ন অজীর্ণ তোমার জল পান ব্যতিরেকে আরোগ্য হইবে না বলিয়াই তোমার জল পান করিলাম।” মুরারি প্রভুর অসাধারণ করুণা অবলোকন করিয়া প্রেমভরে রোদন করিতে লাগিলেন।

আর একদিন প্রভু শ্রীবাসভবনে মুরারিকে পাইয়া ছন্দাধ্বনি সহকারে তাঁহার স্বন্ধে আরোহণ পূর্বক ‘গরুড় গরুড়’ বলিয়া আহ্বান করিতে লাগিলেন। মুরারি বলিলেন, “প্রভো, তুমি আমার স্বন্ধে এই প্রথম আরোহণ কর নাই। তুমি আমার স্বন্ধে আরোহণ করিয়া স্বর্গ হইতে পারিজাত আনয়ন করিয়াছিলে, বাণরাজার সহিত ও রাবণরাজার সহিত যুদ্ধ করিয়াছিলে।” এই কথা বলিয়া মুরারি প্রভুকে স্বন্ধে লইয়াই ইতস্ততঃ ভ্রমণ ও নৃত্য করিতে লাগিলেন। উপস্থিত ভক্তবৃন্দ দেখিলেন, প্রভু শঙ্খচক্রগদাপদ্মধারী চতুর্ভুজরূপে মুরারির স্বন্ধে বিরাজ করিতেছেন।

মুরারির হঠাৎ একদিন একটি কুমতির উদয় হইল। শ্রীগৌরাজ নিজলীলা সমাপন করিলে, তিনি কিরূপে একাকী এই সংসারে থাকিয়া প্রভুর বিরহ সহ করিবেন এই ভাবিয়া আকুল হইলেন। অবশেষে আত্মহত্যা করাই তাঁহার স্থির হইল। তন্নিমিত্ত একখানি ছুরিকাও প্রস্তুত করাইলেন। এদিকে অন্তর্ধামী শ্রীগৌরাজ তাহা জানিতে পারিয়া অতর্কিতভাবে মুরারির গৃহে আসিয়া উপস্থিত হইলেন। প্রভু ইঙ্গিতে অন্নকথার তাঁহাকে তাঁহার মৃত্যুসঙ্কল্প জানাইলেন। মুরারি কিন্তু তাহা স্বীকার করিলেন না। তখন প্রভু তাঁহার গৃহমধ্যে প্রবেশ পূর্বক ঐ ছুরিখানি বাহির করিয়া লইয়া আসিলেন। মুরারি যখন বুঝিলেন, অন্তর্ধামী প্রভু সমস্তই বিদিত হইয়াছেন, তখন আর কিছু না বলিয়া লজ্জায় অধোবদন হইয়া কাঁদিতে লাগিলেন। মুরারির পত্নী অন্তরালে থাকিয়া এই অলৌকিক ব্যাপার প্রত্যক্ষ করিয়া মনে মনে প্রভুকে অসংখ্য প্রণাম ও ধন্যবাদ প্রদান করিতে লাগিলেন। তাঁহার নয়নযুগল হইতে, অবিরলধারায় আনন্দাশ্রু বিগলিত হইতে লাগিল। শ্রীগৌরাজ মুরারিকে উক্ত অসংস্কল্প পরিত্যাগের শপথ করাইয়া স্বভবনে প্রত্যাগমন করিলেন।

### দেবানন্দের দণ্ড

একদা শ্রীগৌরাজ শ্রীবাস পণ্ডিতের সহিত নগরভ্রমণ করিতে করিতে নগরের প্রান্তভাগে এক শৌণ্ডিকালয়ের সম্মুখে উপস্থিত হইয়া হলধরভাবে আবিষ্ট হইলেন। প্রভু আবেশে মুহূর্ছ ‘মদ আন মদ আন’ বলিতে আরম্ভ করিলেন। শ্রীবাস পণ্ডিত অপকলঙ্কের আশঙ্কায় অনেক অনুনয় বিনয় সহকারে প্রভুকে উক্ত ব্যাপার হইতে নিবৃত্ত করিবার নিমিত্ত প্রয়াস পাইতে লাগিলেন। কিন্তু যখন দেখিলেন, তাঁহার সকল প্রয়াসই ব্যর্থ হইতেছে, প্রভু কোনরূপেই নিবৃত্ত হইতেছেন না, তখন বলিলেন, “প্রভো, তুমি যদি নিবৃত্ত না হও, তবে আমি গঙ্গায় প্রবেশ করিব।” শ্রীবাস পণ্ডিতের ব্যাকুলতায় প্রভুর আবেশ ভাঙ্গিয়া গেল। তখন তিনি, পণ্ডিত মর্মান্তিক ক্ষুব্ধ হইয়াছেন বুঝিয়া, নিজভাব সংবরণ করিলেন। এদিকে মদ্যপায়িগণ আসিয়া তাঁহাকে ঘিরিয়া ফেলিল এবং ‘হরি’ বলিয়া নৃত্য করিবার উচ্চ অমুরোধ করিতে লাগিল। শ্রীবাস পণ্ডিত দেখিলেন, বিষম বিপদ। প্রভু তখন মদ্যপায়িগণের প্রতি কৃপাদৃষ্টি নিক্ষেপ

করিলেন। অমনি তাহারা প্রেমে মত্ত হইল এবং 'হরি' বলিয়া নৃত্য করিতে আরম্ভ করিল।

“হরি বলি হাতে তালি দিয়া কেহ নাচে।

উল্লাসে মদ্যপ কেহ যায় তাঁর পাছে ॥”

মদ্যপায়িগণের এই বিসদৃশ ভাবান্তর দেখিয়া শ্রীবাস পণ্ডিত আনন্দে বিহ্বল হইয়া রোদন করিতে লাগিলেন। প্রভু পণ্ডিতকে লইয়া আপন মনে নগরভ্রমণ করিতে প্রবৃত্ত হইলেন। কতকদূর যাইয়া দেবানন্দ পণ্ডিতের সহিত সাক্ষাৎ হইল। তাঁহাকে দেখিয়াই প্রভুর মনে ক্রোধের উদয় হইল। দেবানন্দ শ্রীবাস পণ্ডিতের অবমাননা করিয়াছে, অতএব সে বৈষ্ণবাপরাধী, এই ভাবিয়াই প্রভু রুষ্ট হইয়া বলিতে লাগিলেন,—

“অয়ে অয়ে দেবানন্দ বুলিয়ে তোমারে।

তুমি এবে ভাগবত পঢ়াও সভারে ॥

যে শ্রীবাস দেখিতে গঙ্গার মনোরণ।

হেন জন গেল শুনিবারে ভাগবত ॥

কোন্ অপরাধে তারে শিষ্য হাতাইয়া।

বাড়ীর বাহির করি এড়িলে টানিয়া ॥

ভাগবত শুনিতে যে কান্দে কৃষ্ণরসে।

টানিয়া ফেলিতে সে তাহার যোগ্য আইসে ॥

বুঝিলাও তুমি যে পঢ়াও ভাগবত।

কোনো জন্মে না জান গ্রন্থের অভিমত ॥

পরিপূর্ণ করিয়া যে সব জনে খায়।

তবে বহির্দেশ গিয়া সে সন্তোষ পায় ॥

প্রেমরস ভাগবত পঢ়াইয়া তুমি।

তত সুখ না পাইলা কহিলাও আমি ॥”

দেবানন্দ কোন উত্তর করিলেন না, লজ্জার অধোবদন হইয়া চলিয়া গেলেন। প্রভুও শ্রীবাস পণ্ডিতের সহিত গৃহাভিমুখে গমন করিতে লাগিলেন। পশ্চিমধ্যে সারঙ্গদেব নামক ভনৈক বৈষ্ণবসন্ন্যাসীর সহিত দেখা হইল। তাঁহাকে দেখিয়াই প্রভু বলিলেন, “সারঙ্গদেব, তুমি শিষ্য কর না কেন?” সারঙ্গদেব বলিলেন, “উপযুক্ত শিষ্য পাই না বলিয়াই শিষ্য করা হয় না।” পুনশ্চ প্রভু বলিলেন, “যে উপযুক্ত না হইবে, সে তোমার শিষ্য হইবে কেন? তুমি যাহাকে

শিষ্য করিবে, সে তোমার শিষ্য হইবার উপযুক্ত বলিয়াই জানিবে।” সারঙ্গদেব হাসিয়া বলিলেন, “প্রভো, কল্যা প্রত্যুষে যাহাকে দেখিব, তাহাকেই মন্ত্র দিয়া শিষ্য করিব।” এই কথা বলিয়া সারঙ্গদেব প্রভুকে প্রণাম করিয়া চলিয়া গেলেন। প্রভুও শ্রীবাস পণ্ডিতের সহিত নিজ ভবনে গমন করিলেন।

লিখিত আছে, সারঙ্গদেব প্রভুর সম্মুখে প্রতিজ্ঞা করিয়া চলিয়া গেলেন। পরদিন অতিপ্রত্যুষে গঙ্গাতীরে যাইয়া এক মৃত বালককে দেখিয়া পূর্বপ্রতিজ্ঞানুসারে কিয়ৎক্ষণ ইতস্ততঃ করিয়া প্রভুর পাদপদ্ম স্মরণ পূর্বক ঐ মৃত বালকেরই কর্ণে মন্ত্র প্রদান করিলেন। মন্ত্রের সহিত বালক জীবন পাইল। অবশেষে জানা গেল, ঐ বালকটি যজ্ঞোপবীতের দিবস সর্পদংশনে মরিয়া যাওয়ায়, তৎকালের রীতি অনুসারে, তাহার আত্মীয়গণ কর্তৃক গঙ্গাজলে ত্যক্ত হয়। বালক জীবন লাভ করিলে, তাহার পিতামাতা আসিয়া তাহাকে গৃহে লইয়া যাইবার নিমিত্ত অনেক চেষ্টা করেন, বালক কিন্তু তাহাতে সম্মত হয় না। বালকের নাম মুরারি। মুরারি গুরুসেবায় নিয়ত হইয়া ব্রহ্মচর্য্যেই পরবর্তী জীবন অতিবাহিত করে।

### শচীদেবীর বৈষ্ণবাপরাধ

একদা শ্রীগৌরঙ্গ ভাবাবেশকালে কথাপ্রসঙ্গে শচীদেবীর বৈষ্ণবাপরাধের কথা ব্যক্ত করিলেন। শ্রীবাস পণ্ডিত শুনিয়া হুঃখিতাস্তঃকরণে বলিলেন, “যিনি আপনাকে গর্ত্তে ধারণ করিয়াছেন, তাঁহারও বৈষ্ণবাপরাধ! আমরা একথা মুখেই আনিতে পারি না। যদিও তাঁহার কোন অপরাধ থাকে, তাহা আপনিই খণ্ডন করিবেন।” প্রভু বলিলেন, “আমি কাহারও বৈষ্ণবাপরাধ খণ্ডাইতে পারি না, কিন্তু যেক্রমে উক্ত অপরাধের খণ্ডন হয়, তাহা উপদেশ করিতে পারি। অষ্টৈতাচার্য্যের শিষ্য তাঁহার জ্যেষ্ঠপুত্র সন্ন্যাসী হইয়া গিয়াছেন, এই ধারণায় তিনি অষ্টৈতাচার্য্যের নিকট অপরাধী হইয়াছেন। তিনি যদি অষ্টৈতাচার্য্যের চরণধূলি মস্তকে ধারণ করিয়া তাঁহাকে প্রসন্ন করিতে পারেন, তবেই তাঁহার উক্ত অপরাধের খণ্ডন হইতে পারে।” এই কথা শচীদেবীর শ্রবণগোচর হইল। তিনি অষ্টৈতাচার্য্যের চরণধূলি লইতে ইচ্ছা করিলেন। অষ্টৈতাচার্য্য শুনিয়া বলিলেন, যাহার গর্ত্তে আমার প্রভু অবতার, তিনি আমার জননী, আমি তাঁহার সন্তান। আমি শচীমাতার চরণধূলির পাত্র, তিনি আমার চরণধূলির পাত্র হইতে পারেন না।” এই কথা বলিতে বলিতে আচার্য্য

বাহুজ্ঞানরহিত হইলেন। এই সুযোগে শচীদেবী যাইয়া তাঁহার চরণধূলি লইয়া মস্তকে ধারণ করিলেন। ধারণমাত্র তিনিও অচৈতন্য হইয়া ভূমিতলে পতিত হইলেন। বৈষ্ণবগণ 'জয় জয়' ধ্বনি করিতে লাগিলেন। প্রভু প্রসন্ন হইয়া বলিলেন,—

“এখনে সে বিষ্ণুভক্তি হইল তোমার।

অদ্বৈতের স্থানে অপরাধ নাহি আর ॥”

এই ঘটনায় প্রভু বিশেষ একটি লোকশিক্ষা প্রচার করিলেন, জননীকে লক্ষ্য করিয়া সকলকেই কায়মনোবাক্যে বৈষ্ণবাপরাধ হইতে সাবধান হইতে উপদেশ দিলেন।

### চাঁদকাজীর দমন

এই সময়ে পাষাণকুলের প্ররোচনায় নদীয়ার শাসনকর্তা চাঁদকাজী কর্তৃক দুই এক স্থানে মৃদঙ্গাদি ভঞ্জে সহিত সঙ্কীৰ্তন নিবারণের আদেশ প্রচারিত হইল। শ্রীগৌরাজ্ঞ ঐ আদেশ শ্রবণ করিয়া বৈষ্ণবসমাজে ঘোষণা করিয়া দিলেন যে, আজ রাত্রিকালে নদীয়ার পথে পথে নগরসঙ্কীৰ্তন করিতে হইবে। তদনুসারে নদীয়া ও তন্নিকটবর্তী গ্রাম সকল হইতে বৈষ্ণবগণ আসিয়া একত্র সমবেত হইলেন। ঘরে ঘরে কীৰ্তন আরম্ভ হইল। চারিদিকে মৃদঙ্গ ও করতালের ধ্বনির সহিত “হরি হরয়ে নমঃ কৃষ্ণ যাদবায় নমঃ। গোপাল গোবিন্দ রাম শ্রীমধুসূদন ॥” ইত্যাদি কীৰ্তন হইতে লাগিল। কীৰ্তনের ঘোর রোল উথিত হইলে, যবন সকল কুপিত হইয়া কাজীকে তৎসংবাদ প্রদান করিল। কাজী কিছু বারংবার শুনিয়াও কোন উত্তর দিলেন না। সূতরাং অভিযোগকারী যবন সকল বাধ্য হইয়া মনের ক্ষোভ মনেই রাখিয়া অত্র গমন করিল, সঙ্কীৰ্তনকারীদিগের প্রতি অত্যাচারের অভিলাষ সফল করিতে পারিল না। এদিকে অন্ধকার হইতে না হইতেই মশাল জালিয়া সঙ্কীৰ্তনকারী বৈষ্ণবগণ দলে দলে গৃহ হইতে বহির্গত হইতে লাগিলেন। সর্বাগ্রে অষ্টৈতাচার্য্য তৎপশ্চাৎ হরিদাস, তৎপশ্চাৎ শ্রীবাস পণ্ডিতাদি প্রভুর ভক্তগণ এবং তৎপশ্চাৎ নিত্যানন্দের সহিত স্বয়ং শ্রীগৌরাজ্ঞও বাহির হইলেন। সঙ্কীৰ্তনের প্রতাপে ত্রিলোক বিকম্পিত হইতে লাগিল। বৈষ্ণবগণের আনন্দের সীমা নাই, সকলেই সঙ্কীৰ্তনে উন্মত্ত হইলেন। প্রতি গৃহদ্বারে পূর্ণকুম্ভ, আত্মপল্লব ও কদলীবৃক্ষ সকল স্থাপিত হইল। নদীয়া নগর

আলোকময় হইয়া উঠিল। বৈষ্ণব সকল উন্নত হইয়া নাচিতে নাচিতে গাহিতে গাহিতে চলিতে লাগিলেন। পাষাণ সকল, আজ কাজীর নিকট যথেষ্ট অপমানিত হইয়া নিমাই পণ্ডিতের গর্ভ খর্ষ ও সঙ্কীর্ণন ব্যাপার একেবারে নির্বাপিত হইবে ভাবিয়া, মনে মনে নিরতিশয় আনন্দ অনুভব করিতে লাগিলেন। কেহ বা প্রতিমুহূর্তেই সসৈন্তে কাজীর আগমন চিন্তা করিয়া উৎসাহিত হইতে লাগিলেন। কিন্তু তাঁহাদের মনোরথ মনেই রহিয়া গেল, কার্যো পরিণত হইল না। কাজীর বা তাঁহার অনুচরবর্গের কেশাগ্রও দৃষ্ট হইল না। সঙ্কীর্ণন সম্প্রদায় কীর্তন করিতে করিতে নির্বিঘ্নে কাজীর ভবনের নিকটবর্তী হইলেন। কাজী ইতিপূর্বেই শ্রীগৌরাজের ও তদীয় সঙ্কীর্ণনের মহিমা বিশেষরূপেই বিদিত হইয়াছিলেন। তিনি নিশ্চয় বুঝিয়াছিলেন যে, শ্রীগৌরাজের সেই সঙ্কীর্ণন রোধ করা তাঁহার সাধ্যের অতীত। জানিয়া শুনিয়া কেঃ জলন্ত অনলে হস্তক্ষেপ করিতে সাহসী হয়? কাজী যখন হইয়াও শ্রীগৌরাজকে হিন্দুর দেবতা বলিয়া স্থির করিয়াছিলেন। অতএব সঙ্কীর্ণন নিবারণের চেষ্টা দূরে থাকুক তিনি ইতিপূর্বে যে মৃদঙ্গ ভাঙ্গিয়া-ছিলেন এবং সঙ্কীর্ণন নিবারণের আদেশ করিয়াছিলেন, সেই সকল স্মরণ করিয়া মনে মনে অনুতাপ করিতেছিলেন। তিনি, এই অবস্থায় শ্রীগৌরাজের সম্মুখে উপস্থিত হইলে, পাছে তাঁহার কোপানলে ভস্মীভূত হইয়া যান, এই ভয়ে বাটী হইতে বাহির না হইয়া গৃহমধ্যেই অবস্থান করিতেছিলেন। মধ্যে মধ্যে তাঁহার অনুচরবর্গ সঙ্কীর্ণনের সংবাদ প্রদান করিলেও, তিনি উহাতে বাধা দিবার আদেশ না করিয়া, সঙ্কীর্ণনকারীদিগের প্রতি কোনরূপ অনাচার অত্যাচার না হয় এইরূপ আদেশ করিতেছিলেন এবং তাঁহাদিগের মুখ হইতে বিরট সঙ্কীর্ণনব্যাপার শ্রবণ করিতেছিলেন। এই সময়ে শ্রীগৌরাজ আসিয়া কাজীর দ্বারদেশে উপস্থিত হইলেন। উক্ত লোক সকল নিষেধ না মানিয়াই কাজীর উদ্গানের বৃক্ষলতাদি নষ্ট করিতে লাগিলেন। তদর্শনে শিষ্ট লোক সকল বলপূর্বক তাঁহাদিগকে উক্ত গর্হিত আচরণ হইতে নিবৃত্ত করিলেন। পরে শ্রীগৌরাজ লোক দ্বারা সমাচার প্রদান করিয়া কাজীকে আনাইলেন। কাজী বাহিরে আসিয়া শ্রীগৌরাজকে ক্রুদ্ধ দেখিয়া বিবিধ সাস্তনাবাক্য দ্বারা তাঁহাকে সাস্তনা করিলেন। অনন্তর মনে মনে নিজকৃত কর্মের নিমিত্ত পরিতাপ করিয়া সঙ্কীর্ণনের প্রতিকূলতাচরণের পরিবর্তে সুপ্রচারের ব্যবস্থা করিয়া দিলেন। শ্রীগৌরাজ কাজীর তাদৃশ সদ্যবহারে সন্তুষ্ট হইয়া বলিলেন,—“আমি তোমার সহিত সাক্ষাৎ করিতে আসিলাম, তুমি আমাকে অভ্যর্থনা না করিয়া লুকাইলে কেন?” কাজী

বলিলেন, “তুমি আমার প্রতি ক্রুদ্ধ হইয়াছ জানিয়া তোমাকে শাস্ত করিবার জন্তই দেখা করি নাই।” তখন প্রভু জিজ্ঞাসা করিলেন,—

“তোমরা গোধূক্ষ খাইয়া থাক। যাহার দুগ্ধ পান করা হয়, সে জননী। বৃষ ক্ষেত্রকর্ষণাদি দ্বারা অন্ন উৎপাদন করে। অন্নদাতা পিতার তুল্য। পিতা ও মাতাকে তোমরা মারিয়া ভক্ষণ করিয়া থাক। ইহাতে কি তোমাদের অধর্ম হয় না?” কাজী বলিলেন, “তোমরা যেমন বেদাদি শাস্ত্রের আজ্ঞায় গোবধ কর, আমরাও তদ্রূপ কোরাণশাস্ত্রের আজ্ঞায় গোবধ করিয়া থাকি। শাস্ত্রাজ্ঞায় কার্য্য করিলে কি পাপ হয়? প্রভু বলিলেন, “হিন্দুরা যে শাস্ত্রের আজ্ঞায় গোবধ করে, তাহাতে গরুর অপকার না হইয়া উপকারই হইয়া থাকে। মুনিগণ বৃদ্ধ গরুকে বধ করিয়া পুনশ্চ যখন তাহার জীবন দান করেন, তখন ঐ গরু জীর্ণ শরীরের পরিবর্তে নবীন শরীর লাভ করিয়া থাকে। অতএব তাদৃশ গোবধ গোবধ নহে, পরন্তু গরুর উপকার হয়। কলিকালের ব্রাহ্মণদিগের তাদৃশ গোমেধ যজ্ঞের সামর্থ্য না থাকায়, কলিতে গোমেধ নিষিদ্ধ হইয়াছে।” কাজী শুনিয়া স্তব্ধ হইলেন। বিচারের চেষ্টা করিলেন, পারিলেন না। তিনি নিজের পরাভব স্বীকার পূর্ব্বক বলিলেন,—

“তুমি কহিলে পণ্ডিত সেই সত্য হয়।  
আধুনিক আমার শাস্ত্র বিচারসহ নয়॥  
কল্পিত আমার শাস্ত্র আমি সব জানি।  
জাতি অনুরোধে তবু সেই শাস্ত্র মানি ॥”

প্রভু হাসিয়া পুনর্ব্বার বলিতে লাগিলেন—

“তোমার নগরে হয় সদা সঙ্কীর্্তন।  
বাণ গীত কোলাহল সঙ্গীত নর্ত্তন ॥  
তুমি কাজী হিন্দুধর্ম্ম বিরোধে অধিকারী।  
এবে যে না কর মানা বুঝিতে না পারি ॥”

কাজী বলিলেন,—“তোমাকে সকলে গোরহরি বলিয়া থাকে, আমিও তাহাই বলিব। দেখ গোরহরি, আমার কিছু গোপনীয় কথা আছে, তুমি একটু নির্জনে আসিলে, আমি তোমাকে সকল কথাই বলিতে পারি।” শ্রীগোবিন্দ বলিলেন, “আমার সহিত যাহারা আসিয়াছেন, সকলেই আমার অন্তরঙ্গ লোক, অতএব তুমি অসঙ্কোচে সকল কথাই বলিতে পার।” তখন কাজী বলিতে লাগিলেন,—“আমি যে দিন হিন্দুর ঘরে গিয়া মৃদঙ্গ ভাঙ্গিয়া



কীর্তন নিবারণ করিলাম; ঐ রাত্রেই নিদ্রাবস্থায় দেখিলাম, এক ভয়ঙ্কর সিংহ আমার বুকের উপর চড়িয়া বলিল, “তুই যেমন মৃদঙ্গ ভাঙ্গিয়া আমার কীর্তন নিষেধ করিয়াছিস, আমি তেমনি এই নখ দ্বারা হৃদয় বিদীর্ণ করিয়া তোমার জীবন সংহার করিব”। দেখিয়া শুনিয়া আমি ভয়ে নয়ন মুদ্রিত করিলাম। আমাকে ভীত জানিয়া ঐ সিংহ বলিল, আমি তোকে শিক্ষা দিবার নিমিত্ত আসিয়াছি, তুই সেদিন অধিক উৎপাত না করাতেই আজ তোমার জীবন লইলাম না। এরূপ কৰ্ম আর কখন করিলে, আমি তোকে সবংশে সংহার করিব। এই কথা বলিয়া সিংহ চলিয়া গেল। সিংহ চলিয়া গেলেও আমার ভয় গেল না, বুক কাঁপিতে লাগিল। কিছুক্ষণ এইভাবেই গেল। শেষে আমি কিঞ্চিৎ আশ্বস্ত হইয়া প্রতিজ্ঞা করিলাম, আর কখন এরূপ কৰ্ম করিব না। আমি একথা এপর্যন্ত আর কাহাকেও বলি নাই, এই প্রথম তোমাকে বলিলাম। আব একদিন আমার এক অনুচর কীর্তন মানা করিতে গিয়া মুখ পোড়াইয়া আসিয়াছে। সে একস্থানে কীর্তন মানা করিতে গিয়াছিল, অকস্মাৎ কোথা হইতে ভয়ঙ্কর অগ্নিশিখা আসিয়া তাহার দাড়ি পোড়াইয়া চলিয়া গেল। আমি তাহাকে বলিলাম, আর কখন কীর্তন মানা করিতে যাইও না। এইরূপ অপরাপর লোক সকলকেও কীর্তন মানা করিতে নিষেধ করিয়া দিলাম। আরও অদ্ভুত, যে যখন তোমার কীর্তন লইয়া হিন্দুকে পরিহাস করে, তাহারই মুখে নিরন্তর ‘হরি কৃষ্ণ রাম’ নাম হইতে থাকে। সে শত চেষ্টা করিয়াও ঐ নামকে তাড়াইতে পারে না। এই সকল দেখিয়া শুনিয়া আমি নিশ্চয় বুঝিয়াছি, এই অলৌকিক কীর্তন নিবারণ করা আমার সাধ্যাতীত। তথাপি সময়ে সময়ে হিন্দুরা আসিয়া আমার নিকট তোমার ও তোমার কীর্তনের সম্বন্ধে নানা অভিযোগ উপস্থিত করে, আমি কোনমতে তাঁহাদিগকে বুঝাইয়া বিদায় করি, কীর্তন নিবারণের কথা মনেও স্থান দান করি না। আমার মনে হয়, হিন্দুর জৈম্বর যিনি নারায়ণ, তিনিই তুমি।”

কাজির কথা শুনিয়া প্রভু হাসিয়া বলিলেন,—“তোমার মুখে নারায়ণাদি নাম শুনিয়া আমি অতীব সন্তুষ্ট হইলাম। তুমি ঐ সকল নামের প্রভাবে পাপক্ষয়ে পবিত্র হইলে।” প্রভুর কথা শুনিয়া কাজীর চক্ষু দিয়া অশ্রুধারা বহিতে লাগিল। কাজী কৃতার্থ হইয়া প্রভুর চরণ ধরিয়া কাঁদিতে কাঁদিতে বলিল, “তোমার প্রসাদে আমার কুমতি দূর হইল, এক্ষণে কৃপা কর, তোমাতে দৃঢ় ভক্তি প্রদান কর।” প্রভু কাজীকে প্রার্থিত ভক্তি প্রদান করিয়া বলিলেন, “তোমার নিকট আমার একটি ভিক্ষা এই, নদীয়ার কীর্তনের বাধা না হয় এইরূপ আদেশ প্রদান কর।”

“কাজী কহে মোর বংশে যত উপজিবে ।

তাহাকে তালুক দিব কীর্তন না বাধিবে ॥”

কাজীর কথা শুনিয়া প্রভু ‘হরি হরি’ বলিয়া উঠিলেন । প্রভুকে উঠিতে দেখিয়া ভক্তগণ হরিধ্বনি দিয়া উঠিয়া দাঁড়াইলেন । পুনর্বার কীর্তন আরম্ভ হইল । প্রভু কীর্তন করিতে করিতে গৃহাভিমুখ হইলেন । কাজী প্রভুর সহিত গমন করিতে লাগিলেন । প্রভু তাঁহাকে বিদায় দিয়া শ্রীধরের বাড়ীর দিকে যাত্রা করিলেন । তিনি শ্রীধরের বাড়ীতে উপস্থিত হইয়াই তাহার ভগ্ন জলপাত্র লইয়া জলপান করিতে লাগিলেন । শ্রীধর দেখিয়া ‘হায় হায়’ করিয়া উঠিলেন । প্রভু ভক্তগণকে প্রেমমহিমা শিক্ষা দিবার নিমিত্ত শ্রীধরের ভগ্নপাত্রে জলপান করিয়া নিজভবনে প্রত্যাগমন করিলেন ।

### শ্রীবাসপুত্রের মৃত্যু

কাজীর দমনের কয়েকদিন পরে শ্রীগোরাঙ্গ একদিন সগণে শ্রীবাসের অঙ্গনে কীর্তনরসে নিমগ্ন আছেন । ভক্তগণ সকলেই কীর্তনানন্দে বিভোর । দৈবযোগে ঐ দিন শ্রীবাস পণ্ডিতের একটি পুত্রের মৃত্যু হইল । নারীগণ পুত্রের শোকে কাঁদিয়া আকুল হইলেন । শ্রীবাস পণ্ডিত অলক্ষিতভাবে অন্তঃপুরে যাইয়া বিবিধ প্রবোধ বাক্য দ্বারা নারীগণের সাঙ্গনা করিয়া পুনর্বার কীর্তনে যোগদান করিলেন । অন্তর্ধামী প্রভু উহা বিদিত থাকিয়াও একজন ভক্তকে শ্রীবাসের বাটীতে অকস্মাৎ রোদনধ্বনির কারণ কি, জিজ্ঞাসা করিলেন । তিনি অনুসন্ধান করিয়া প্রকৃত ঘটনা জানিয়া প্রভুকে নিবেদন করিলেন । মুহূর্তমধ্যেই উক্ত দুর্ঘটনা প্রকাশ হইয়া পড়িল । প্রভু শ্রীবাস পণ্ডিতের শোকসহিষ্ণুতার জন্ত তাঁহাকে যথেষ্ট প্রশংসা করিয়া সেই রাত্রির জন্ত কীর্তন বন্ধ করিয়া দিলেন । পরবর্তী ঘটনা শ্রীচৈতন্যভাগবতে এইরূপ লিখিত আছে,—

“মৃত শিশু প্রতি প্রভু জিজ্ঞাসে আপনে ।

শ্রীবাসের ঘর ছাড়ি যাহ কি কারণে ॥

শিশু বোলে প্রভু যেন নির্বন্ধ তোমার ।

অনুথা করিতে শক্তি আছেয়ে কাহার ॥

মৃত পুত্র উত্তর করয়ে প্রভু সনে ।

পরম অদ্ভুত শুনে সর্ব ভক্তগণে ॥

শিশু বোলে এ দেহেতে যতেক দিবস ।

নির্বন্ধ আছিল ভুঞ্জিলাও সেই রস ॥

নির্বন্ধ ঘুচিল আর রহিতে না পারি ।  
 এবে চলিলাও অণু নির্বন্ধিত পুরী ॥  
 কে বা কার বাপ প্রভু কে কার নন্দন ।  
 সতে আপনার কৰ্ম করয়ে ভুজন ॥  
 ঘটদিন ভাগ্য ছিল পণ্ডিতের ঘরে ।  
 আছিলিও এবে চলিলাও অণু পুরে ॥  
 সপার্ষদ তোমার চরণে নমস্কার ।  
 অপরান না লইহ বিদায় আমার ॥”

মৃত শিশুর কথা শুনিয়া সকলেই বিস্মিত হইলেন । শ্রীবাসপরিবারের পুত্রশোক দূরীভূত হইল । অনন্তর প্রভু সগণে শ্রীবাসের মৃত বালককে লইয়া কীর্তন করিতে করিতে গঙ্গাতীরে গমন করিলেন । তাঁহারা গঙ্গাতীরে যাইয়া মৃত বালকের যথোচিত সৎকার করিয়া স্নানান্তর ‘কৃষ্ণ’ বলিয়া আপনাপন গৃহে গমন করিলেন ।

### শুক্লাশ্বর ব্রহ্মচারীর অন্তভোজন

অতঃপর প্রভু প্রেমরসে বিভোর হইয়া পড়িলেন । সংসারের প্রতি কিছুমাত্র দৃষ্টি রহিল না । স্নান করিয়া নারায়ণের পূজা পর্য্যন্ত করিতে পারেন না, কাঁদিয়া আকুল হইলেন । সদাই নেত্রনীরে বসন আর্দ্র হইয়া যায় । পূজা করিতে বসিয়া দুই তিন বার বসন ত্যাগ করিতে হয় । এই অরস্থায় প্রভু একদিন স্নান করিয়া তীরে উঠিয়া শুক্লাশ্বর ব্রহ্মচারীকে বলিলেন, “ব্রহ্মচারিন্, অণু আমি তোমার গৃহে ভোজন করিব, তুমি অন্ন পাক কর, আমি নারায়ণের পূজা করিয়া সত্বর আসিতেছি ।” এই কথা বলিয়া প্রভু গৃহে গমন করিলেন । গৃহে আসিয়া পূজায় বসিলেন । পূজা করিতে পারিলেন না, নয়নের জলে কাপড় ভাসিয়া যাইতে লাগিল । শেষে গদাধর দ্বারা নারায়ণের পূজা সমাধা করিয়া শুক্লাশ্বরের গৃহে গমন করিলেন ।

এদিকে শুক্লাশ্বর ব্রহ্মচারী প্রভুর অন্নপ্রার্থনায় বিস্ময়াপন্ন হইলেন । তিনি প্রভুর সেবায় নিজের অধোগাত্য বোধে কর্তব্যাবধারণের নিমিত্ত ভক্তগণের নিকট পরামর্শ জিজ্ঞাসা করিলেন । ভক্তগণ প্রভুর মনের গতি বুঝিয়া শুক্লাশ্বরকে প্রভুর নিমিত্ত অন্নব্যঞ্জন পাক করিতে বলিলেন । শুক্লাশ্বর

ভক্তিভাবে পাকার্থ অন্ন উঠাইয়া দিলেন। প্রভু আসিয়া দেখিলেন অন্ন প্রস্তুত। শুক্লাশ্বর উহা নামাইয়া দিতে কুণ্ঠিত হইতেছেন দেখিয়া, প্রভু স্বয়ং নামাইয়া লইলেন এবং অতীব আগ্রহ প্রকাশ সহকারে নিত্যানন্দাদি কতিপয় আপ্ত ভক্তের সহিত ভোজন করিতে বসিলেন। ভোজন সমাধা হইলে, প্রভু আচমন করিয়া শয়ন করিলেন। তিনি শয়ন করিয়া উপস্থিত ভক্তবৃন্দের সহিত কৃষ্ণকথার আলোচনায় প্রবৃত্ত হইলেন। ঐ স্থানে বিজয় নামক প্রভুর এক ভক্তও উপস্থিত ছিলেন। কৃষ্ণকথা শুনিতে শুনিতে ভক্তগণের একটু নিদ্রার আবেশ হইল। এই সময়ে ভাগ্যবান্ বিজয় অকস্মাৎ প্রভুর প্রকাশ দর্শন করিয়া সবিস্ময়ে নিদ্রাবিষ্ট ভক্তগণকে জানাইবার ইচ্ছা করিলেন। প্রভু তাহা বুঝিতে পারিয়া বিজয়ের মুখে হস্তাবরণ দিলেন। বিজয় হৃৎকার সহকারে উঠিয়া নৃত্যারম্ভ করিলেন। বিজয়ের হৃৎকারে ভক্তগণ জাগিয়া উঠিলেন। তাঁহারা জাগিয়া বিজয়ের নৃত্য দেখিয়া প্রভুব রূপা বোধে আনন্দ প্রকাশ করিতে লাগিলেন।

### সন্ন্যাসগ্রহণের সূচনা

এই ঘটনার পর হইতেই প্রভুর বাহুজ্ঞান একপ্রকার তিরোহিত হইয়া গেল। প্রভুর বখন ঈদৃশী অবস্থা, কৃষ্ণানন্দ আগমবাগীশ প্রভুর সহিত সাক্ষাৎ করিতে আসিলেন। তিনি আসিয়া দেখিলেন, প্রভু ভক্তমণ্ডলীপরিবেষ্টিত হইয়া বসিয়া আছেন, বাহুদৃষ্টি গাত্র নাই, মুখে কেবল 'গোপী গোপী' শব্দ উচ্চারণ করিতেছেন। আগমবাগীশ কিয়ৎকাল অবাক্ হইয়া প্রভুর ভাবগতি দেখিতে লাগিলেন। পরে নানাবিধ শাস্ত্রযুক্তি সহকারে প্রভুকে গোপীনামের পরিবর্তে কৃষ্ণনাম জপ করিবার উপদেশ দিতে আরম্ভ করিলেন। প্রভু হঠাৎ কৃষ্ণনাম শুনিয়া চমকিয়া উঠিলেন। তিনি তখন গোপীভাবে ভাবিতাস্তর। শ্রীকৃষ্ণ মথুরায় গিয়াছেন, তিনি তাঁহার শুভাগমন প্রতীক্ষা করিতেছিলেন। অকস্মাৎ কৃষ্ণনাম শুনিয়া ভাবিলেন, কৃষ্ণের দূত কৃষ্ণের সংবাদ লইয়া আগমন করিয়াছেন। এই ভাবিয়া তিনি আগমবাগীশের প্রতি লক্ষ্য করিয়া বলিলেন, "আর কৃষ্ণনাম লইব না, তিনি অতিশয় নির্দয় ও কৃতঘ্ন।" অভিমানী আগমবাগীশ বিরক্তি সহকারে বলিয়া উঠিলেন, "অমন কথা মুখে আনিতে নাই; ওরূপ কথা যে বলে ও যে শুনে তহুভয়েরই অধঃগতন হইয়া থাকে।" প্রভু বলিলেন,

“আমি আর তোমার কথায় ভুলিব না, তুমি যাও।” আগমবাগীশ প্রভুর ভাবগতি কিছুই বুঝিলেন না, অবাক হইয়া দাঁড়াইয়া রহিলেন। তদর্শনে প্রভু বলিলেন, “তুমি এখনও গেলে না, এখনই আমার কুঞ্জ হইতে চলিয়া যাও। এই কথা বলিয়া প্রভু একগাছি যষ্টি লইয়া আগমবাগীশকে তাড়া করিলেন। আগমবাগীশ প্রভুকে যষ্টি লইয়া তাড়া করিতে দেখিয়া প্রাণভয়ে উর্দ্ধশ্বাসে পলায়ন করিতে লাগিলেন। অনেক দূর যাইয়া আপনার আত্মীয়-স্বজনকে দেখিয়া কিছু স্থির হইলেন। এতক্ষণ পশ্চাতে দৃষ্টি করিতে পারেন নাই, এখন চাহিয়া দেখিলেন, পশ্চাতে কেহই নাই। পশ্চাতে কেহই নাই দেখিয়া তিনি সম্পূর্ণ নির্ভয় হইলেন। এই সময়ে তাঁহার আত্মীয়বর্গ তাঁহাকে ভীত ও ক্লান্ত দেখিয়া উহার কারণ জিজ্ঞাসা করিলেন। তিনিও আনুপূর্বিক সমস্তই বলিলেন। উহাদের মধ্যে অনেকেই শ্রীগৌরাজের বিদ্বেষী ছিলেন। এক্ষণে আগমবাগীশের অপমানরূপ ছিদ্র পাইয়া তাঁহারা সকলেই শ্রীগৌরাজকে শিক্ষা দিবার নিমিত্ত বন্ধপরিষ্কর হইলেন।

এদিকে শ্রীগৌরাজ শ্রীরাধাভাবে বিভোর হইয়া কিছুক্ষণ আগমবাগীশের পশ্চাদ্ধাবনপূর্বক বাহুদৃষ্টির উদয়ে হস্তের যষ্টি ফেলিয়া দিয়া ভক্তগণের সহিত বাটীতে ফিরিয়া গেলেন। বাটীতে যাইয়া ভক্তগণকে বলিলেন, “আমি কি চাঞ্চল্যই প্রকাশ করিলাম।” ভক্তগণ তাঁহার কথার কোন উত্তর দিলেন না। শ্রীগৌরাজ আর কিছু না বলিয়াই নীরবে গঙ্গাতীরভিমুখে গমন করিলেন। ভক্তগণও তাঁহার পশ্চাৎ পশ্চাৎ গমন করিলেন। প্রভু একস্থানে উপবেশন করিলেন, ভক্তগণ একটু দূরে যাইয়া বসিলেন। প্রভু তাঁহাদিগকে লক্ষ্য করিয়া বলিলেন, “কফ নিবারণের নিমিত্ত পিপ্পলিখণ্ড করিলাম, কিন্তু কফের নিবৃত্তি না হইয়া আরও বৃদ্ধি হইতে লাগিল।” ভক্তগণ প্রভুর প্রহেলিকাবাক্যের তাৎপর্য কিছুই বুঝিতে না পারিয়া চিন্তাতুর হইলেন। নিত্যানন্দ প্রভু প্রভুর মনের ভাব বুঝিলেন। তিনি উহা বুঝিয়া অতিশয় বিষণ্ণ হইলেন।

ক্ষণকাল পরেই প্রভু নিত্যানন্দের হস্তধারণ পূর্বক একটি নিভৃতপ্রদেশে গমন করিলেন। অনন্তর বলিলেন,—

“ভাল সে আইলাঙ আমি জগৎ তারিতে ।

তারণ নহিল আইলাঙ সংহারিতে ॥

আমায়ে দেখিয়া কোথা পাইব বন্ধনাশ ।

একগুণ বন্ধ আরো হৈল কোটিপাশ ॥

আমারে মারিতে যবে করিলেক মনে ।  
 তখনেই পড়ি গেল অশেষ বন্ধনে ॥  
 ভাল লোক রাখিতে করিলুঁ অবতার ।  
 আপনে করিলুঁ সৰ্ব্বজীবের সংহার ॥  
 দেখ কালি শিখা সূত্র সব মুণ্ডাইয়া ।  
 ভিক্ষা করি বেড়াইয়ুঁ সন্ন্যাস করিয়া ॥  
 যে যে জনে চাহিয়াছে মোরে মারিবারে ।  
 ভিক্ষুক হইয়ুঁ কালি তাহার ছয়ারে ॥  
 তবে মোরে দেখি সেই ধরিব চরণ ।  
 এইমতে উদ্ধারিব সকল ভুবন ॥  
 সন্ন্যাসীকে সৰ্বলোকে করে নমস্কার ।  
 সন্ন্যাসীকে কেহো আর না করে প্রহার ॥  
 সন্ন্যাসী হইয়া কালি প্রতি ঘরে ঘরে ।  
 ভিক্ষা করি বুলেঁ। দেখোঁ কে মোহারে মারে ॥  
 তোমারে করিলুঁ এই আপন হৃদয় ।  
 গারিহস্ত বাস আমি ছাড়িব নিশ্চয় ॥  
 ইথে তুমি কিছু হুঃখ না ভাবিহ মনে ।  
 বিধি দেহ তুমি মোরে সন্ন্যাস করণে ॥  
 যেরূপ করাহ তুমি সেই হই আমি ।  
 এতেকে বিধান দেহ অবতার জানি ॥  
 জগৎ উদ্ধার যদি চাহ করিবারে ।  
 ইহাতে নিষেধ নাহি করিবে আমারে ॥  
 ইথে মনে হুঃখ না ভাবিহ কোন ক্ষণ ।  
 তুমিত জানহ অবতারের কারণ ॥”

নিত্যানন্দ প্রভু প্রভুর সন্ন্যাসের কথা শুনিয়া ঝর-পর-নাই বিষণ্ণ হইলেন ।  
 কি বলিবেন, কিছুই স্থির করিতে পারিলেন না । পরে প্রভু নিশ্চয়ই সন্ন্যাস  
 করিবেন বুঝিয়া বলিলেন,—“প্রভো আপনি ইচ্ছাময়, আপনাকে কে নিষেধ  
 করিতে বা বিধি দিতে পারে? যেরূপ করিলে জগতের উদ্ধার হয়, তাহা  
 তুমিই জান । তুমি যাহা ইচ্ছা করিবে, তাহাই হইবে । তবে এই কথা  
 তোমার ভক্তগণকে একবার বিদিত করাই উচিত বলিয়া মনে করি ।”

নিত্যানন্দের কথা শুনিয়া প্রভু সন্তুষ্ট হইলেন এবং ক্রমে ক্রমে প্রায় সকল ভক্তকেই নিজের অভিপ্রায় জানাইলেন। যিনি শুনিলেন, তিনিই কাতর হইলেন, কেহই কিছু বলিতে সাহস করিলেন না। তবে প্রায় সকলেই শচীদেবীর দুঃখের কথা উত্থাপন করিয়া প্রভুকে অন্ততঃ কিছুদিনের নিমিত্ত সন্ন্যাস গ্রহণে নিষেধ করিতে লাগিলেন। তাঁহাদের নিষেধ কিছু ফলবান্ হইল না। প্রভুর মতের পরিবর্তন হইল না। সন্ন্যাস গ্রহণই স্থির হইল।

### শচীমাতার প্রবোধ

শচীদেবী লোকমুখে পুত্রের সন্ন্যাসের কথা শুনিয়া অধীর হইলেন। পরে পুত্রের নিকট যাইয়া বলিলেন, “বিশ্বস্তর, শুনিতোছি, তুমি নাকি সন্ন্যাসী হইবে? তুমি আমার একমাত্র পুত্র, অন্ধের চক্ষু। তোমাকে না দেখিলে, আমি ত্রিভুবন অন্ধকারময় দেখি। তুমি আমার নয়নের তারা, কুলের প্রদীপ। তুমি আমাকে অনাথিনী করিয়া ছাড়িয়া যাইও না। তোমাকে না দেখিলে, আমি সংসার অরণ্যময় দেখিয়া থাকি। তোমাকে ছাড়িয়া আমি কি প্রকারে জীবন ধারণ করিব? তোমার অদর্শনে এই বধু বিষ্ণুপ্রিয়া ও তোমার নিজ জন সকলের দশা কি হইবে ভাবিয়া দেখ। তোমার এই ভরুণ বয়স কি সন্ন্যাসের উপযুক্ত? তুমি সন্ন্যাস করিও না, গৃহস্থাশ্রমে থাকিয়া ধর্মকর্ম কর।” এই কথা বলিতে বলিতে শচীদেবী রোদন করিতে লাগিলেন। শোকে ও দুঃখে কণ্ঠ রুদ্ধ হইয়া আসিল, আর কিছুই বলিতে পারিলেন না। তখন শ্রীগৌরসুন্দর বলিলেন, “মাতঃ, আমার কথা শুন, মনকে প্রবোধ দাও, কাতর হইও না। অভিমান ত্যাগ কর। এ সংসারে কে কার পুত্র, কে কার পিতা বা মাতা? শ্রীকৃষ্ণের স্মরণ ব্যতিরেকে কাহারও গতি নাই জানিবে। শ্রীকৃষ্ণই জীবের মাতা পিতা ও পুত্র। তিনিই জীবের ভাই বন্ধু ও প্রিয়জন। তিনি ভিন্ন আর সকলই মিথ্যা, সকলই অসার; তিনিই একমাত্র সার বস্তু। লোক সকল বিষ্ণুমায়ায় মোহিত হইয়া ইহকাল পরকাল দুইকালই নষ্ট করিতেছে। জননি, পুত্রজ্ঞান ত্যাগ কর, শ্রীকৃষ্ণচরণ ভজন কর। এই ছল ভ মানবজন্ম লাভ করিয়া যে শ্রীকৃষ্ণ ভজন না করে, তার জন্মই বিফল হয়।” পুত্রের কথা শুনিতে শুনিতে শচীদেবীর দিব্যজ্ঞানের উদয় হইল। তিনি পুত্রের মুখপানে চাহিয়া সংসার ভুলিলেন। তাঁহার শ্রীগৌরসুন্দরে পুত্রজ্ঞান তিরোহিত হইল। শ্রীবৃন্দাবনে

নবীনশ্রামসুন্দর গোপগোপীপরিবৃত শ্রীকৃষ্ণচন্দ্রকে দর্শন করিয়া সর্ষশরীর পুলকিত হইল। প্রেমভরে মুচ্ছিত হইলেন। মূর্ছাভঙ্গের পর পুত্রকেই শ্রীকৃষ্ণ বলিয়া বুঝিতে পারিলেন এবং বলিলেন, “বাপ, তোমার যাহা ইচ্ছা তাহাই কর।” এই কথা বলিয়া শচীদেবী পুনশ্চ ক্রন্দন করিতে লাগিলেন। শ্রীগৌরাজ জননীকে নিতান্ত কাতর দেখিয়া বলিতে লাগিলেন, “মাতঃ, রোদন সংবরণ কর। আমি তোমারই। আমি যেখানেই থাকি, তোমারই থাকিব। তুমি যখনই আমাকে দেখিতে অভিলাষ করিবে, তখনই আমার দেখা পাইবে।”

“যে দিন দেখিতে তুমি চাহ অমুরাগে।

সেই ক্ষণে আমি তুমি দেখিবারে পাবে ॥”

### বিষ্ণুপ্রিয়াদেবীর প্রবেশ

ক্রমে ক্রমে প্রভুর সন্ন্যাসের সংবাদ বিষ্ণুপ্রিয়া দেবীরও কর্ণগোচর হইল। শুনিয়া দেবীর মস্তকে অকস্মাৎ বজ্রপাত হইল। প্রভু ভোজন পান করিয়া গৃহে যাইয়া শয্যায় শয়ন করিলেন। বিষ্ণুপ্রিয়া দেবী শাস্ত্রীকে শয়ন করাইয়া নিজগৃহে আগমন করিলেন। আসিয়া পতির চরণতলে উপবেশন পূর্বক তাঁহার পাদসংবাহন করিতে লাগিলেন। তাঁহার নয়নের নীর প্রভুব চরণ বহিয়া শয্যায় পতিত হইতে লাগিল। অন্তর্যামী প্রভু প্রিয়ার মনের ভাব বুঝিয়া উঠিয়া বসিলেন। বসিয়া দেবীর চিবুক ধারণ করিয়া বলিলেন, “তুমি কাঁদিতেছ কেন?” দেবী কোন উত্তর করিলেন না, নীরবে কাঁদিতে লাগিলেন। প্রভু পুনঃ পুনঃ রোদনের কারণ জিজ্ঞাসা করিতে লাগিলেন। দেবী কাতরস্বরে বলিলেন, “প্রাণনাথ, তুমি আমার মাথায় হাত দিয়া বল, কোথায় যাইব? শুনিলাম, তুমি সংসার ত্যাগ করিবে। বৃদ্ধা জননীকে অনাথিনী করিয়া যাইবে, ইহা কি তোমার উচিত কর্ম হইতেছে? আমাকে লইয়াই ত তোমার সংসার, আমাকে ছাড়িয়া গৃহে থাকিয়াই জননীর সেবা কর। জননীর সেবা করিলেই ত তোমার ধর্ম হইতে পারে। আমি না হয় পিতার গৃহেই থাকিব। আমার জন্ম তুমি মাতাকে ত্যাগ করিবে কেন? আমি তোমাকে পাঠিয়া মনে করিয়াছিলাম, আমার সদৃশী ভাগ্যবতী আর নাই। কিন্তু তুমি আমার কর্মদোষে সংসার ত্যাগ করিতেছ। তুমি আমাকে ত্যাগ করিবে, তা কর, আমার ভাগ্যে যাহা আছে তাহাই ঘটবে, কিন্তু তোমার জননীকে ত্যাগ



করিও না। গৃহে থাকিয়া কি ধর্ম হয় না? আমাকে ত্যাগ করিয়া, তুমি গৃহে থাকিয়াই শ্রীকৃষ্ণ ভজন কর। আমি তোমাকে দেখিতে না পাইলেও, শুনিয়া জীবন ধারণ করিতে পারিব। অন্যথা এই জীবন ধারণ করা আমার পক্ষে নিতান্ত অসম্ভব হইবে।”

বিষ্ণুপ্রিয়া দেবীর এই সকল কাতরোক্তি শ্রবণ করিয়া শ্রীগৌরানন্দ তাঁহাকে জোড়ে লইয়া বসনাঞ্চল দ্বারা বদনকমল মুছাইতে মুছাইতে বলিলেন, “আমি সংসার ত্যাগ করিয়া সন্ন্যাসী হইব, একথা তোমাকে কে বলিল? এখনও আমি সন্ন্যাস গ্রহণ করি নাই, গৃহেই আছি, তবে তুমি কেন বৃথা শোক প্রকাশ করিতেছ?” দেবী বলিলেন, “তুমি সত্য করিয়া বল দেখি, সংসার ত্যাগ করিবে কি না?” তখন প্রভু কিঞ্চিৎ গম্ভীর ভাবে বলিলেন,—“এ জগতে যাহা কিছু দেখিতেছ, সে সকলই মিথ্যা, সত্য এক শ্রীভগবান্। এ জগতে যে কিছু সম্বন্ধ, সে সকলই মিথ্যা, সত্য কেবল সেই শ্রীভগবানের সহিত সম্বন্ধ। শ্রীভগবান্ সকলের পতি, জীবসকল তাঁহার পত্নী।” বলিতে বলিতে প্রভু কিছু নিঃশব্দ প্রকাশ করিলেন। বিষ্ণুপ্রিয়া দেবীর জ্ঞানেন্দ্র উন্মীলিত হইল। তিনি কাঁদিতে কাঁদিতে বলিতে লাগিলেন, “তুমি স্বতন্ত্র ঈশ্বর, যাহা ইচ্ছা হইবে, তাহাই করিবে। তোমার কস্মে বাধা দিবে, এ জগতে এমন কে আছে?” তিনি এই পর্য্যন্ত বলিয়া পুনশ্চ ক্রন্দন করিতে লাগিলেন। প্রভু তাঁহাকে প্রবোধ দিয়া শান্ত করিয়া স্বয়ং নিদ্রিত হইলেন।

### গৃহত্যাগের পূর্বদিন

সংযোগের পর বিয়োগ এবং বিয়োগের পর সংযোগই নৈসর্গিক নিয়ম। সংযোগস্থল প্রতিনিয়ত ভোগ করিতে করিতে উহার তৃপ্তিদায়িনী শক্তির হ্রাস হইলেই বিয়োগ আসিয়া উপস্থিত হয়। বিয়োগের পর সংযোগস্থল আবার পরিবর্তিতভাবে আন্বাদিত হইতে থাকে। শ্রীগৌরানন্দ সন্ন্যাস গ্রহণ করিয়া ভক্তগণকে নিজ সংযোগস্থল পরিবর্তিতভাবে আন্বাদন করিতে অভিলাষ করিয়া নিত্যানন্দকে বলিলেন, “শ্রীপাদ, আগামিনী উত্তরায়ণসংক্রান্তিতে আমি কাটোয়ার যাইয়া কেশব ভারতীর নিকট সন্ন্যাস গ্রহণ করিব, তুমি এই বৃত্তান্ত আমার জননী, গদাধর, ব্রহ্মানন্দ, চন্দ্রশেখর আচার্য্য ও মুকুন্দকে

জানাইবে।” নিত্যানন্দ প্রভুর আদেশ মত তাঁহাদিগকে ঐ বৃন্দান্ত জানাইলেন। শুনিয়া তাঁহাদিগের মস্তকে অকস্মাৎ বজ্রপতন বোধ হইল। অপরাপর ভক্তগণও প্রভু কোন্ দিন কোথায় সন্ন্যাস গ্রহণ করিবেন সবিশেষ না জানিলেও, সন্ন্যাস গ্রহণের সমাচার পরম্পরায় বিদিত হইলেন। তাঁহারা প্রভুর সন্ন্যাসের সমাচার জানিয়া শুনিয়াও আনন্দে ভুলিয়া গেলেন, ঐ কথা কাহারও মনে রহিল না। তাঁহারা ভুলিলেও কাল ত তাহা ভুলিল না। সে তাঁহাদিগের অজ্ঞাতসারেই আসিয়া উপস্থিত হইল। ভক্তগণ যে ভীষণ মুহূর্ত্তে প্রভুর বিরহে ত্রিজগৎ শূন্যময় দেখিবেন, সেই মুহূর্ত্ত ক্রমে নিকটবর্তী হইল। উত্তরায়ণসংক্রান্তি আসিয়া উপস্থিত হইল।

আগামী কল্য উত্তরায়ণসংক্রান্তি, প্রভু গৃহত্যাগ করিবেন। গৃহত্যাগের পূর্বদিনও প্রভু অপরাপর দিনের ত্রায় দৈনুন্দিন সকল কার্যই সমাধা করিলেন। পূর্বপূর্বদিনের ত্রায় সমস্তদিন ভক্তগণের সহিত মহামুখে অতিবাহিত করিলেন। অপরাহ্নে কতিপয় ভক্তের সহিত নগরভ্রমণার্থ বহির্গত হইলেন। ভক্তগণ না জানিলেও, প্রভু জানেন, আর সেই নগরে ভ্রমণ করিবেন না। মনে মনে সমস্ত পরিচিত তরু, লতা, গৃহ ও পথ প্রভৃতি সকলের নিকট বিদায় গ্রহণ করিলেন। পরিশেষে সুরধুনীর তীরে যাইয়া তাহারও নিকট বিদায় লইলেন।

এইরূপে নগরভ্রমণ সমাপ্ত হইলে, সন্ধ্যার সময় পুনর্বার গৃহে প্রত্যাগমন করিলেন। গৃহে আসিয়া ভক্তবৃন্দের নিকট বিদায় লইবার অভিপ্রায়ে তাঁহাদিগের সকলকেই আকর্ষণ করিলেন। ভক্তগণ যিনি যে অবস্থায় ছিলেন, অকস্মাৎ শ্রীগৌরাজের মুখচন্দ্র স্মরণ করিয়া তদর্শনার্থ উৎকণ্ঠাঘিত হইলেন। সকলেই মালাচন্দনাদি উপহারসকল হস্তে লইয়া প্রভুর আলয়ে গমন করিতে লাগিলেন।

প্রভু মণ্ডপগৃহে বসিয়া আছেন। ভক্তগণ একে একে প্রভুর সম্মুখবর্তী অঙ্গনে আসিয়া শ্রেণীবদ্ধ হইয়া ‘হরি হরি’ ধ্বনি করিয়া উঠিলেন। পরক্ষণেই শত শত লোক যাইয়া প্রভুর চরণতলে পতিত হইলেন। সকলেই অনিমিষ-নয়নে প্রভুর বদনকমলের মকরন্দ পান করিতে লাগিলেন। প্রভু আপনার গলা হইতে মালা লইয়া একে একে সকল ভক্তকেই পরাইয়া দিলেন। পরে প্রত্যেক ভক্তকেই যথোচিত অভ্যর্থনা সহকারে নিজসমীপে উপবেশন করাইলেন। ভক্তগণ উপবেশন করিলে, প্রভু তাঁহাদিগের সহিত কথাপ্রসঙ্গে শ্রীকৃষ্ণালাপে প্রবৃত্ত হইলেন। পরিশেষে সকলকেই বলিলেন, “তোমাদিগের যদি আমার প্রতি কিছুমাত্র ভালবাসা থাকে, তবে সকলেই আমার অতিপ্রায়মত

কায়মনোবাক্যে শ্রীকৃষ্ণের ভজন কর।” ইহাই প্রভুর ভক্তগণের নিকট বিদায়গ্রহণ হইল। এইপ্রকার বিদায়গ্রহণের পর সকলকেই নিজ নিজ ভবনে গমন করিতে অনুমতি করিলেন। ভক্তগণ প্রভুর ভাবগতি কিছুই বুঝিতে পারিলেন না। প্রভুকে ছাড়িয়া যাইতে ইচ্ছা না থাকিলেও প্রভুর আদেশে আপনাপন গৃহে প্রত্যাগমন করিলেন। এই সময়ে শ্রীধর একটি লাউ লইয়া উপস্থিত হইলেন। প্রভু শ্রীধরকেও বিদায় দিয়া শচীমাতাকে শ্রীধরের লাউটি রন্ধন করিতে বলিলেন। রন্ধন শেষ হইলে, প্রভু ভোজন করিলেন। ভোজনের পর তাষুল চর্ষণ করিতে করিতে মণ্ডপগৃহে যাইয়াই শয়ন করিলেন। হরিদাস ও গদাধর সেদিন প্রভুর নিকটেই শয়ন করিয়া রহিলেন। শচীদেবী জানিতেন, রাত্রি শেষ হইলেই প্রভু উঠিয়া চলিয়া যাইবেন। তিনি নিজ গৃহে যাইয়া শয়ন করিলেন না, বাহির বাটীতেই প্রভুর পথ অবরোধ করিয়া জাগরণে রাত্রি অতি-বাহিত করিতে লাগিলেন। রাত্রি অবসান হইলে, প্রভু উঠিলেন। হরিদাস ও গদাধর প্রভুর অগ্নুগমনের অভিলাষ জানাইলেন। প্রভু তাঁহাদিগকে সঙ্গে যাইতে নিষেধ করিয়া গৃহ হইতে বহির্গত হইলেন। বাহিরে আসিয়া দেখিলেন, শচীদেবী পথ আগুলিয়া দাঁড়াইয়া আছেন। শ্রীভগবানের অচিন্ত্যশক্তি, শচীদেবীকেও বুঝাইয়া নিবৃত্ত করিলেন। তিনি কাঁদিতে কাঁদিতে পুত্রকে বিদায় দিলেন। প্রভু জননীকে প্রণাম ও প্রদক্ষিণ করিয়া তাঁহার পদধূলি গ্রহণ পূর্বক গৃহত্যাগ করিলেন।

শ্রীচৈতন্যমঙ্গলকার বলেন,—প্রভু রাত্রিতে ভোজনের পর নিজ গৃহে যাইয়া শয়ন করিলেন। শচীদেবীও বধুকে শয়ন করিতে বলিয়া আপনার গৃহে প্রবেশ করিলেন। বিষ্ণুপ্রিয়া দেবী গৃহ মধ্যে আগমন করিলে, প্রভু তাঁহাকে সন্তোগসুখের পরাকাষ্ঠা দেখাইলেন। সন্তোগসুখ' সীমান্ত প্রাপ্ত হইয়াই সমুজ্জল বিরহের ভাবে বিবর্তিত হইয়া থাকে। বিষ্ণুপ্রিয়া দেবী সাক্ষাৎ প্রেম-

(১) স্থায়ীভাব বিপ্রলম্ব ও সন্তোগ ভেদে দ্বিবিধ। তন্মধ্যে বিপ্রলম্ব (বিরহ) পূর্বরাগ, মান, প্রেমবৈচিত্র্য ও প্রবাস ভেদে চতুর্বিধ। অঙ্গসঙ্গের পূর্বে যে উৎকণ্ঠাময়ী রতি তাহার নাম পূর্বরাগ। মান দ্বিবিধ—যথা সহেতুক ও নির্হেতুক। তন্মধ্যে নির্হেতুক মান আপনা হইতেই শাস্ত হয়। সহেতুকমান সাম, ভেদ, ক্রিয়া, দান, নতি, উপেক্ষা ও রসাস্তরের দ্বারা শাস্ত হয়। প্রবাস দ্বিবিধ—সুদূরনিষ্ঠ ও কিকিদ্দূরনিষ্ঠ। বিপ্রলম্ব ব্যতীত সন্তোগ পুষ্ট হয় না; এই নিমিত্ত একটাখ্য নিত্যলীলার শ্রীভগবান্ বিপ্রলম্বের অন্তিমর করিয়া থাকেন। সন্তোগ (মিলন) সংকিপ্ত, সঙ্গীর্ণ, সম্পূর্ণ ও সমৃদ্ধিমান্ ভেদে চতুর্বিধ। পূর্বরাগান্তে সংকিপ্ত সন্তোগ, মানান্তে সঙ্গীর্ণ সন্তোগ, কিকিদ্দূর প্রবাসান্তে সম্পূর্ণ সন্তোগ এবং সুদূর প্রবাসান্তে সমৃদ্ধিমান্ সন্তোগ সিদ্ধ হয়।

ভক্তিশ্বরূপিণী। তাঁহার পূর্বরাগের চিত্র ইতিপূর্বেই কিঞ্চিৎ প্রদর্শিত হইয়াছে। অতঃপর তাঁহার বিপ্রলম্বের চিত্র প্রদর্শিত হইবে। মধ্যে সম্ভোগের চিত্র প্রয়োজন। অতএব ঠাকুর লোচনদাস সন্ন্যাসের পূর্বরাত্ৰিতে সেই চিত্রই অঙ্কিত করিলেন। শ্রীগোরাঙ্গ প্রেমভক্তিশ্বরূপিণী শ্রীবিষ্ণুপ্রিয়া দেবীর হৃদয়ে স্বীয় বিরহের চিত্র সমুজ্জ্বলভাবে লোকসমক্ষে প্রকাশ করিবেন বলিয়াই তাহার পূর্ববৃত্ত অঙ্কন করিতে আরম্ভ করিলেন। প্রিয়া গৃহমধ্যে আগত হইলে, প্রভু তাঁহার সহিত বিবিধ রসলাপে প্রবৃত্ত হইলেন। তিনি প্রিয়তমাকে সাদরসম্ভাষণ সহকারে ক্রোড়ে লইলেন, ইচ্ছানুরূপ মালা-চন্দন-বসন-ভূষণাদি দ্বারা সাজাইলেন। পরে বাহুযুগল দ্বারা আলিঙ্গন পুরঃসর নিজ বক্ষঃস্থলে ধারণ করিলেন। বিষ্ণুপ্রিয়া দেবী পতির ক্রোড়ে থাকিয়াই প্রেমবৈচিত্র্যের উদয়ে পতিবিরহে কাতর হইয়া বিরহমূর্ছারূপ নিদ্রাবেশে সংজ্ঞাহীন হইলেন। তাঁহার সংজ্ঞার আবির্ভাব না হইতে হইতেই রাত্রি অবসানপ্রায় হইল। শ্রীগোরাঙ্গ ধীরে ধীরে শয্যা ত্যাগ পূর্বক মনে মনে বিষ্ণুপ্রিয়া দেবীর নিকট বিদায় গ্রহণ করিয়া নিঃশব্দে গৃহের দ্বার উদ্ঘাটন করিলেন। তদনন্তর রাত্রিবাস পরিত্যাগপূর্বক জননীকে মনে মনে প্রণাম করিয়া দ্রুতগতি গঙ্গাতীরভিমুখে প্রস্থান করিলেন। মুহূর্ত্তমাত্র শ্রীধাম নবদ্বীপের প্রতি রূপাদৃষ্টি করিয়া গঙ্গাকে প্রণাম করিলেন। প্রণামের পর ঝাঁপ দিয়া পড়িলেন। দেখিতে দেখিতে গঙ্গার পরপারে উঠিয়া সেই আর্দ্র বসনেই দ্রুতপদে কাটোয়ার অভিমুখে গমন করিতে লাগিলেন। প্রভু যে ঘাটে গঙ্গা পার হইলেন, নদীয়াবাসিগণ মনোহুঃখে ঐ ঘাটের নাম রাখিলেন, “নিরদয়ের ঘাট”। চব্বিশ বৎসর বয়স পূর্ণ হইলে, প্রভু গৃহত্যাগ করিলেন। এই পর্য্যন্ত প্রভুর আদি লীলা। ইহার পরবর্ত্তী লীলাই শেষ লীলা। এই শেষ লীলা আবার মধ্য ও অন্ত্য নামক ভাগদ্বয়ে বিভক্ত হইয়া থাকে। সন্ন্যাস হইতে ছয় বৎসর পর্য্যন্ত যে সকল লীলা করেন, তাহার নাম মধ্যলীলা। আর অবশিষ্ট অষ্টাদশ বৎসরের লীলার নাম অন্ত্যলীলা।

(১) অত্যন্ত অনুভবশতঃ নারকের সমীপে থাকিয়াও তাহার বিরহমোহকে প্রেমবৈচিত্র্য বলে।

# মধ্যলীলা

## বিষ্ণুপ্রিয়া, শচীদেবী ও ভক্তগণ

“অনাথের নাথ প্রভু গেলেন চলিয়া ।

আমা সবে বিরহসমুদ্রে ফেলাইয়া ॥

কাঁদে সব ভক্তগণ, হইয়া সে অচেতন,  
হরি হরি বলি উচ্চস্বরে ।

কিবা মোর ধন জন, কিবা মোর এ জীবন,  
প্রভু ছাড়ি গেলা সবাঁকারে ॥

শিরোপরে দিয়ে হাত, বৃকে মারে নিরঘাত,  
হরি হরি প্রভু বিশ্বস্তর ।

সন্ন্যাস করিতে গেলা, আমা সবা না বলিলা,  
কাঁদে ভক্ত ধূলায় ধূসর ॥

প্রভুর অঙ্গনে পড়ি, কাঁদে মুকুন্দ মুরারি,  
শ্রীধর গদাধর গঙ্গাদাস ।

শ্রীবাসের গণ যত, তারা কাঁদে অবিরত,  
শ্রীআচার্য্য কাঁদে হরিদাস ॥

শুনিয়া ক্রন্দনরব, নদীয়ার লোক সব,  
দেখিতে আইসে সব ধারা ।

না দেখি প্রভুর মুখ, সবে পায় মহাশোক,  
কাঁদে সব মাথে হাত দিয়া ॥

নাগরিয়া ভক্ত যত, তারা কাঁদে অবিরত,  
বাল বৃদ্ধ নাহিক বিচার ।

কাঁদে সব স্ত্রীপুরুষে, পাষণ্ডীর গণ হাসে,  
নিমাইরে না দেখিমু আর ॥”

রজনী প্রভাত হইলে, বিষ্ণুপ্রিয়া দেবী প্রভুকে না দেখিয়া বুকিলেন,  
তিনি সন্ন্যাস গ্রহণ করিবেন বলিয়া বাটা হইতে চলিয়া গিয়াছেন । শচীদেবীর

তাৎকালিক অবস্থা তাঁহার ঐ বুদ্ধিকে আরও দৃঢ় করিয়া দিল। শচীদেবী বধুর দিকে দৃষ্টি করিয়াই মূচ্ছিত হইয়া বাতাহত কদলীর ঞ্চায় ভূমিতলে পতিত হইলেন। বিষ্ণুপ্রিয়া দেবী শাশুড়ীকে কোলে কুরিয়া কাঁদিতে লাগিলেন। ভক্তগণ প্রাতঃস্নান করিয়া প্রভুকে নমস্কার করিবার নিমিত্ত প্রভুর বাটীতে প্রবেশ করিয়াই দেখিলেন, শচীদেবী অচেতন হইয়া পড়িয়া রহিয়াছেন। বিষ্ণুপ্রিয়া দেবী তাঁহাদিগকে দেখিয়া শচীদেবীকে রাখিয়া একটু অন্তরালে যাইয়া দাঁড়াইলেন। শ্রীবাস পণ্ডিত ঈশানকে ডাকিলেন। ঈশান কাঁদিতে কাঁদিতে সম্মুখে উপস্থিত হইলেন। শ্রীবাস পণ্ডিত ঈশানের মুখে প্রভুর গৃহত্যাগের কথা শুনিলেন। শুনিয়া ভক্তগণের সহিত অতঃপর কি কর্তব্য তাহাই পরামর্শ করিতে লাগিলেন। শেষে নিত্যানন্দ প্রভু বক্রেস্বর, মুকুন্দ, চন্দ্রশেখর এবং দামোদর এই চারিজনকে লইয়া প্রভুকে ফিরাইয়া আনিবার নিমিত্ত, কাটোয়ায় যাইবেন, ইহাই স্থির হইল। শ্রীবাস পণ্ডিত শচী ও বিষ্ণুপ্রিয়ার রক্ষণাবেক্ষণার্থ নবদ্বীপেই থাকিলেন।

### সন্ন্যাস \*

“হেদে হে শচীর প্রাণ নিমাই সন্ন্যাসী হবে,  
গৃহ ত্যোজে গোরহুরি কার ভাবে বিভোর হয়ে তুমি দণ্ডগ্রহণ করিবে  
কেঁদে কেশব ভারতী বলে নিমাই রে,  
একে নব অমুরাগী এ নবীন বয়স,  
নিমাই কেমনে মুড়াবি কেশ,  
তোমার গোর, কাঁচা সোণার বরণ।

\* শ্রীমদ্ভাগবতপ্রভুর সন্ন্যাস প্রসঙ্গে সন্ন্যাসের লক্ষণ, ভেদ, কাল, অধিকার, সন্ন্যাসীর কর্তব্যাকর্তব্য ও সন্ন্যাসের মাহাত্ম্য সম্বন্ধে নিম্নে শাস্ত্রীয় প্রমাণাদি প্রদর্শিত হইতেছে।

১। সন্ন্যাসীর লক্ষণ

সৰ্ব্বশাসো হরৌ ভূপ ষষ্ঠঃ সন্ন্যাসিনাং ধ্রুবম্ ॥

( সৰ্ব্বত্র সমদর্শী চ স্মরেন্নারায়ণং সদা ) ।

ত্রক্ষবৈবর্ত্তে শ্রীকৃষ্ণ জন্ম খণ্ডে ।

হে রাজন, শ্রীহরির চরণে দেহ, দৈহিক, আত্মা ও আত্মীয় সৰ্ব্ব বস্তুর ঞ্চাস বা অর্পণ সন্ন্যাসীর লক্ষণ। সৰ্ব্বত্র সমদর্শী হইয়া সৰ্ব্বদা নারায়ণকে স্মরণ করিবে।

কেমনে পরিবে তুমি অরুণ বসন,  
সন্ন্যাসী না হয়ে, গৃহে করহ গমন,  
এখন সময় নয় রে।

সোণার অঙ্গে কোপীন পরে কেবল শচী মায়ে কাঁদাবে।”

সর্বত্র সমবুদ্ধিচ্চ হিংসামায়াবিবর্জিতঃ ।

ক্রোধাহঙ্কাররহিতঃ স সন্ন্যাসীতি কীর্তিতঃ ॥

যিনি সর্বত্র সমবুদ্ধিসম্পন্ন, হিংসা ও মায়া বিবর্জিত এবং ক্রোধ ও অহঙ্কার শূন্য তিনিই সন্ন্যাসী।

সদয়ে বা কদনে বা লোষ্ট্রে বা কাঞ্চনে তথা ।

সমবুদ্ধির্গুণ্ড শব্দং স সন্ন্যাসীতি কীর্তিতঃ ॥

সন্ন্যাসীর ভেদ ।

কুটীচকে। বহুদকে। হংসশ্চৈব তৃতীয়কঃ ।

চতুর্থঃ পরমো হংসো যো যঃ পশ্চাৎ স উত্তমঃ ॥

হারীত সংহিতা ।

শ্রীমদে কুটীচকঃ পূর্বং বহুদো হংসনিষ্ক্রিয়ো ॥ ভা ৩।১২।৪৩

সন্ন্যাসী চতুর্বিধ । যথা—কুটীচক, বহুদক, হংস ও পরম-হংস । তন্মধ্যে স্বাশ্রমকর্ম প্রধানকে ( অর্থাৎ যিনি সন্ন্যাসাশ্রমের আচরণগুলিকেই প্রধানরূপে অবলম্বনীয় মনে করেন ) তাহাকে কুটীচক কহে ।

যিনি জ্ঞানাত্ম্যাসের অঙ্গরূপে স্বাশ্রমোচিত কর্মানুষ্ঠান করেন তাহাকে বহুদক কহে ।

জ্ঞানাত্ম্যাসনিষ্ঠকে হংস ও বিদিতপরব্রহ্মতত্ত্বকে পরমহংস বা নিষ্ক্রিয় বলে । এই চতুর্বিধ সন্ন্যাসীর মধ্যে পূর্ব পূর্ব অপেক্ষা পর পর শ্রেষ্ঠ ।

সন্ন্যাসের কাল ।

যদা মনসি সম্পন্নং বৈতৃষ্ণং সর্ববস্তৃষ্ণু

তদা সন্ন্যাসমিচ্ছেত্তু পতিতঃ শ্রাদ্ বিপর্যায়ৈ ॥ কুর্ন পুঃ ২৭ অঃ ।

প্রাণে গতে যথা দেহঃ সূখং দুঃখং ন বিন্দতি ।

তথা চেৎ প্রাণযুক্তোহপি স কৈবল্যাশ্রমে বসেৎ ॥ অষ্টোত্তরশত ॥ উঃ ।

যখন মনেতে সর্ববিষয়ে বিতৃষ্ণার উদয় হইবে তখনই সন্ন্যাস গ্রহণ করিবে নতুবা পতিত হইবে ।

প্রাণবিয়োগে দেহ যেরূপ সূখ বা দুঃখ কিছুই অনুভব করে না—প্রাণযুক্ত হইয়াও যদি কেহ এরূপ ভাবাপন্ন হন তিনি সন্ন্যাসাশ্রমের উপযুক্ত ।

অনধিকারীকে নিম্নাপূর্বক শ্রীভগবান্ উক্তবকে এইরূপই বলিয়াছেন :—

বস্তুসংবৃত্তবর্গঃ প্রচণ্ডেন্দ্রিয়সারথিঃ ।

জ্ঞানবৈরাগ্যরহিতস্তি দ্বিগুপজীবতি ॥

১৪৩১ শকের উত্তরায়ণসংক্রান্তি। শ্রীগৌরাজ সেই শীতে আর্দ্র বস্ত্রে কাটোয়াভিমুখে গমন করিতে লাগিলেন। সমস্ত দিন অবিশ্রান্ত চলিয়া প্রদোষ সময়ে প্রভু আসিয়া সুরধুনীর তীরে বটবৃক্ষতলে কেশব ভারতীর কুটীরদ্বারে উপনীত হইলেন। সন্ধ্যার ক্ষীণালোকে শ্রীগৌরাজ ভারতী গোসাঁইকে দেখিয়া প্রেমে পুলকিত হইলেন এবং তাঁহাকে সাষ্টাঙ্গে প্রণিপাত করিলেন।

ভারতী গোসাঁই সমস্তমে উঠিয়া দাঁড়াইলেন এবং “নারায়ণ নারায়ণ” বলিতে লাগিলেন। দেখিলেন, একটি তেজোময়ী কাঞ্চনমূর্তি তাঁহার চরণতলে

সুরানাস্তানমাস্ত্বঃ নিহুতে মাঞ্চ ধর্মহা।

অবিপককষায়োহস্মাদমুখ্যাচ্চ বিহীয়তে ॥ ভা।১।১৮।৪০০৪১

যে ব্যক্তির মন ও ইন্দ্রিয় সংযত নহে, যাহার বুদ্ধি এইরূপ অশাস্ত ইন্দ্রিয়বর্গকে পরিচালনা করে, যে ব্যক্তি জ্ঞান ও বৈরাগ্যরহিত হইয়াও জীবিকার জন্ত সন্ন্যাসের বেশ ধারণ করে, এইরূপ অবিপককষায় (অর্থাৎ যাহার কামক্রোধাদিরূপ চিত্তের মল শুদ্ধ হয় নাই) ধর্মহস্তা ব্যক্তি দেবতাগণকে, আস্ত্রাকে ও আস্ত্রস্থ আমাকে বঞ্চনা করে এবং ইহলোক ও পরলোক হইতে ভ্রষ্ট হয়।

সন্ন্যাসে অধিকার।

সন্ন্যাসের অধিকার সম্বন্ধে বিভিন্ন শাস্ত্রের সিদ্ধান্ত এইরূপ। ‘ব্রাহ্মণাঃ প্রব্রজন্তি’ এই জাবাল শ্রুতি হইতে এবং ‘আস্ত্রগ্নিঃ সমারোপ্য ব্রাহ্মণঃ প্রব্রজেদ্ গৃহাৎ’ এই মনুস্মৃতি হইতে কেবল ব্রাহ্মণেরই সন্ন্যাসে অধিকার অস্ত্র কোন বর্ণের নহে ইহা বিজ্ঞানেশ্বর প্রভৃতি বলিয়া থাকেন। বুদ্ধ যাজ্ঞবল্ক্যও এইরূপই অনুমোদন করিয়াছেন, যথা—

চত্বারৌ ব্রাহ্মণশ্চোক্তা আশ্রমাঃ শ্রুতিগোদিতাঃ।

কত্রিয়শ্চ ত্রয়ঃ প্রোক্তা দ্বাবেকো বৈশ্বশূদ্রয়োঃ ॥

অর্থাৎ ব্রাহ্মণ্য, গার্হস্থ্য, বাণপ্রস্থ ও সন্ন্যাস এই বেদোক্ত আশ্রমচতুষ্টয় ব্রাহ্মণসম্বন্ধেই বলিয়াছেন। কত্রিয়ের প্রথম তিনটিতে, বৈশ্বের প্রথম দুইটিতে ও শূদ্রের কেবল মাত্র প্রথমটিতে অধিকার। মাধবাচার্য্য বলেন—

ব্রাহ্মণঃ কত্রিয়োবাথ বৈশ্বো বা প্রব্রজেদ্ গৃহাৎ ॥

অর্থাৎ ব্রাহ্মণ, কত্রিয় ও বৈশ্ব সন্ন্যাস গ্রহণ করিবেন। কুর্শ পুরাণের এই বচন হইতে ব্রাহ্মণাদিবর্গত্রয়েরই সন্ন্যাসাধিকার স্বীকার করিয়াছেন। পূর্বোক্তবচনসমূহের পরস্পর বিরোধের মীমাংসা এই যে পূর্বে যে ব্রাহ্মণেতরজাতির সন্ন্যাসনিষেধ করা হইয়াছে তাহা গৈরিক বস্তু ও দণ্ড ধারণ সম্বন্ধে নিষেধ মাত্র। বোধাস্ত্রনও ইহা সমর্থন করেন।

মুখজানাময়ং ধর্মো যদ্বিশোলিঙ্গধারণম্।

রাজশ্চবৈশ্বরোনেতি দত্তাত্রেয়মুনের্বচঃ ॥

এহলে সিদ্ধান্ত এই যে পূর্বোক্ত চতুর্বিধ সন্ন্যাস একমাত্র ব্রাহ্মণেরই আছে। কুটীচক ও বহুদক এই দুইটি সন্ন্যাসাধিকার কত্রিয় ও বৈশ্বের আছে।



পতিত। দেখিয়াই চমকিয়া উঠিলেন। পরক্ষণেই প্রভুকে জিজ্ঞাসা করিলেন, “প্রণাম করিতেছ, কে তুমি?” প্রভু বলিলেন আমি আপনার অনুরোধার্থী। ইতিপূর্বে আর একবার আপনার চরণ দর্শন পাই। তখন আপনি আমাকে সন্ন্যাসমন্ত্রদানে কৃপা করিবেন বলিয়াছিলেন, তাই আজ আমি আসিয়াছি,

অখমেধং গবালস্তং সন্ন্যাসং পলপৈতৃকম্ ।

দেবরেনং স্ততোৎপত্তিং কলৌ পঞ্চ বিবর্জয়েৎ ॥

এই বচনদ্বারা কলিকালে যে সন্ন্যাস নিষেধ করা হইয়াছে এ বিষয়ে স্মার্তপ্রবর রঘুনন্দন মলমাস তর্কে বলেন, ‘সন্ন্যাসপ্রতিষেধশ্চ কলৌ ক্ষত্রবিশোর্ভবেৎ’ অর্থাৎ কলিকালে ক্ষত্রিয়ের ও বৈশ্যেরই সন্ন্যাস নিষেধ করা হইয়াছে। নির্ণয়সিদ্ধকার কমলাকরভট্ট বলেন, ‘কলিতে ক্ষত্রিয় ও বৈশ্যের সন্ন্যাসের নিষেধে তাহাদিগের ত্রিদণ্ডাদি ধারণের নিষেধ মাত্র বুঝিতে হইবে’।

অনধীত্য দ্বিজো বেদান্ অনুৎপাভ স্ততাংস্তথা ।

অনিষ্ট। চৈব ষট্শৈশ্চ মোক্ষমিচ্ছন্ পতত্যধঃ ॥

ঋণাণি ত্রীণ্যপাকৃত্য মনো মোক্ষে নিবেশয়েৎ ।

অনপাকৃত্য মোক্ষস্ত সেবমানো ব্রজত্যধঃ ॥ মনুঃ

ঋগৈস্ত্রিভির্দ্বিজো জাতো দেবর্ষিপিতৃ গাং প্রভো ।

যজ্ঞাধ্যয়নপুত্রৈস্তান্ত্রানিস্ত্রীর্ষ্য ত্যজন্ পতেৎ ॥ ভা ১০।৮৪।৩৯

“জায়মানো বৈ ত্রাক্ষণস্ত্রিভির্দ্বিজৈ ঋগবান্ জায়তে, ব্রহ্মচর্যেণ ঋষিভ্যো, যজ্ঞেন দেবেভ্যঃ, প্রজয়া পিতৃভ্য” ইত্যাদি শ্রুতি-স্মৃতি হইতে জানা যায় যে, ত্রাক্ষণ আর্ষ, পৈত্র ও দৈব এই ত্রিবিধ ঋণসহ জন্ম গ্রহণ করেন। তন্মধ্যে ব্রহ্মচর্যাশ্রম গ্রহণপূর্বক বেদাদিশাস্ত্রাধ্যয়ন দ্বারা আর্ষ ঋণ এবং ধর্মপত্নীতে পুত্র উৎপাদন দ্বারা পিতৃঋণ ও যজ্ঞের দ্বারা দেবঋণ পরিশোধ করিবেন। এই ত্রিবিধ ঋণ হইতে মুক্ত না হওয়া পর্যন্ত সন্ন্যাস গ্রহণ করিলে অধঃপতিত হইতে হইবে। “ব্রহ্মচর্যং পরিসমাপ্য গৃহী ভবেৎ। গৃহী ভূত্বা বনী ভবেৎ, বনী ভূত্বা প্রব্রজেৎ। যদি বেতরথা ব্রহ্মচর্যাদেব প্রব্রজেদ্ গৃহাঙ্গা বনাঙ্গা।”

“যদহরেব বিরজ্জেৎ তদহরেব প্রব্রজেৎ” ।

জাবাল উঃ ।

দেবর্ষিভূতাপ্তনৃগাং পিতৃ গাং

ন কিঙ্করো নারমৃশী চ রাজন্ ।

সর্কাস্বনা যঃ শরণং শরণ্যং

গতো মুকুন্দং পরিত্যক্ত্য কৰ্ত্তম্ । ভা ১১।৫।৪১

যিনি সর্কস্বত্য পরিত্যাগপূর্বক সর্কাস্বনীর শ্রীভগবানকে সর্কতোভাবে শরণ লইয়াছেন তিনি দেবতা, ঋষি, প্রাণীসকল, নির্দোষমহাজন ও পিতৃলোক প্রভৃতি কাহারও নিকট কোন প্রকার ঋণী কিম্বা আজ্ঞাবহ নহেন।

এক্ষণে আপনার শরণাগত, কৃতার্থ করিতে অসুমতি হয়।” ভারতীর তখন সমুদায় পূর্ববৃত্তান্ত স্মৃতিপথে সমুদিত হইল। তিনি বলিলেন, “বৎস, ঋণকাল বিশ্রাম কর, তাহার পর সে কথা হইবে।”

জ্ঞাননিষ্ঠো বিরক্তো বা মন্তুক্তো বানপেক্ষকঃ ।

সলিঙ্গানাশ্রমাংস্ত্যক্তা চরেনবিধি-গোচরঃ ॥ ভা। ১১।১৮।২৮

( পরমহংস সন্ন্যাসীদের মধ্যে ) যাহারা ঐহিক ও পারত্রিক সর্ববস্তুতে অনাসক্ত ব্রহ্মানুভবী ও ভক্তিমার্গে যাহারা স্পৃহাশূন্য ও শ্রীভগবানে যাহাদের প্রেমলক্ষণা ভক্তির উদয় হইয়াছে তাহারা ত্রিদণ্ডাদি চিহ্নের সহিত আশ্রমধর্ম পরিত্যাগপূর্বক বিধি নিষেধের অতীত হইয়া বিচরণ করিবেন।

পূর্বোক্ত শ্রুতি স্মৃতি হইতে ইহাই অবগত হওয়া যায় যে জ্ঞানমার্গে অজাতবৈরাগ্য ও ভক্তিমার্গে— সর্বতোভাবে শ্রীভগবানে যিনি শরণাপন্ন হন নাই এইরূপ ব্যক্তির পক্ষে পূর্বোক্ত সন্ন্যাসনিষেধবচন সকল প্রযোজ্য এবং যাহারা জাতবৈরাগ্য ও শ্রীভগবানের শরণাগত সেই সকল জ্ঞানী ও ভক্ত মহাজন আর্ষ, দৈব ও পৈত্র সর্ববিধ ঋণ হইতে সকল সময়েই বিমুক্ত এবং তাহারা যে কোন আশ্রম হইতেই সন্ন্যাস গ্রহণ করিতে পারিবেন। সুতরাং শ্রীমন্মহাপ্রভু শ্রীগৌরানন্দদেব যে অশীতি বর্ষবয়স্কা বৃদ্ধা মাতা ও ষোড়শবর্ষীয়া পতিব্রতা ভাৰ্য্যাকে শ্রীকৃষ্ণচরণে সমর্পণ করিয়া সন্ন্যাস আশ্রম গ্রহণ করিয়াছিলেন তাহা সর্বথা শ্রুতি-স্মৃতি সঙ্গত বলিয়া পূর্বাচার্য্যগণের মত।

সন্ন্যাসীর কর্তব্যাকর্তব্য

কুটীচকং তু প্রদহেৎ পুরয়েত্তু বহুদকম্ ।

হংসো জ্বলে তু নিক্ষেপাঃ পরহংসং প্রপুরয়েৎ ॥

একোদ্দিশ্টং জলং পিওমশৌচং প্রেতসংক্রিয়াম্ ।

ন কুর্যাদ্বার্ষিকাদম্বুচ্ছ্রীভূতায় তিস্কবে ॥

সর্বসঙ্গপরিত্যাগো ব্রহ্মচর্য্যাসমম্বিতঃ ।

স্ত্রিতেল্লিয়ত্বমাবাসে নৈকস্মিন্ বসতিশ্চিরম্ ॥

অনারস্তস্তথাহারে তিস্কা বিপ্রে হনিন্দিতে ।

আত্মজ্ঞানবিবেকশ্চ তথা আত্মাববোধনম্ ॥

বামন পুঃ ১৪ অঃ

শুক্লাচারদ্বিজান্ধু ভূঙ স্তে লোভাদিবর্জিতঃ ।

কিন্তু কিঞ্চিন্ন যাচেত স সন্ন্যাসীতি কীর্তিতঃ ॥

ব্রহ্মবৈবর্ত পুঃ প্রকৃতি খণ্ড ৩৩ অঃ ।

ভৈক্ষ্যং শ্রুতঞ্চ মৌনিষং তপো ধ্যানং বিশেষতঃ ।

সম্যক্ চ জ্ঞানবৈরাগ্যং ধর্ম্মোহয়ং তিস্কুকে মতঃ ॥

ভিক্ষাটমং জপং স্তানং ধ্যানং শৌচং স্মার্টনম্ ।

কর্তব্যানি ষড়্ভেতানি সর্বথা ল্পনশূন্যং ॥

ভারতী গোসাঁই শ্রীগৌরাজের অপূর্ব মূর্তি দেখিয়াই স্তম্ভিত হইলেন, এবং  
এরূপ নবীন পুরুষকে কিরূপে সন্ন্যাস করাইবেন তাহাই ভাবিতে লাগিলেন।  
তাঁহার মনে বিবিধ ভাবের তরঙ্গ উখিত হইতে লাগিল। এমন দময়ে নিত্যানন্দ  
প্রভৃতি প্রভুর ভক্তগণ আসিয়া উপস্থিত হইলেন। তাঁহারা দূর হইতেই  
প্রভুকে দেখিয়া “হরিধ্বনি করিয়া উঠিলেন।” প্রভুও মস্তক উত্তোলন করিয়া  
দেখিলেন, তাঁহার পাঁচ জন ভক্ত আসিয়াছেন। তাঁহারা নিকটবর্তী হইলেই

মঞ্চকং শুক্লবস্ত্রং চ স্ত্রীকথা লৌল্যমেব চ ।  
দিবাস্বাপশ্চ চ যানং চ যতীনাং পতনানি ষট্ ॥  
আসনং পাত্রলোভশ্চ সঞ্চয়ঃ শিষ্ণুসংগ্রহঃ ।  
দিবাস্বাপো বৃথাভ্রমো যতের্বন্ধকরাণি ষট্ ॥  
ন চ পশ্চৎ মুখং স্ত্রীণাং ন তিষ্ঠেত্তৎ সমীপতঃ ।  
দারবীমপি যোষাঞ্চ ন স্পৃশেদ্ যঃ স ভিক্ষুকঃ ॥  
ত্রিদণ্ডগ্রহণাদেব প্রেতভ্যং নৈব জায়তে ।  
ন তস্মৈ দহনং কার্য্যং নাশৌচং নোদকক্রিয়া ॥

সর্বসঙ্গ পরিত্যাগ, ব্রহ্মচর্যা, জিতেন্দ্রিয়ত্ব, একস্থানে দীর্ঘকাল বাস না করা, স্বপ্নাহার, বিশুদ্ধ  
ব্রাহ্মণের নিকট হইতে ভিক্ষাগ্রহণ, লোভশূন্যতা, মৌনিত্ব, তপস্বী, ধ্যান, জপ, ত্রিসঙ্ক্যান্নান, শৌচ  
ইত্যাদি আচরণ সন্ন্যাসীর কর্তব্য। উচ্চাসনে বসা, শুক্লবস্ত্রপরিধান, স্ত্রীকথা, লোভ, দিবানিদ্রা  
যে কোন যানে আরোহণ সন্ন্যাসীর নিষিদ্ধ। স্ত্রীদুখ দর্শন, তাহার নিকটে অবস্থান, এমন কি দারুময়ী  
স্ত্রী দর্শন ও সন্ন্যাসীর নিষিদ্ধ। ব্রহ্মজ্ঞ সন্ন্যাসীর উদ্দেশে একোদ্দিষ্ট, তর্পণ, পিণ্ডদানও প্রেতকার্য্য  
করিবে না। কিন্তু পাক্ষীগণের অন্তর্গতরূপে বাৎসরিক শ্রাদ্ধ করিতে পারিবে।

#### সন্ন্যাসমাহাত্ম্যম্

“মৈত্রেয়ীতিহোবাচ যাজ্ঞবল্ক্য উদ্যাস্তন বা অরেহহমস্মাৎ স্থানাদস্মি । বৃহ উঃ ২।৪।১ ।

যাজ্ঞবল্ক্য ঋষি গার্হস্থ্য হইতে উৎকৃষ্ট সন্ন্যাসাশ্রমগ্রহণে বৃতসঙ্কল্প হইয়া স্বীয় ভাৰ্য্যা মৈত্রেয়ীকে  
সম্বোধন করিয়া বলিয়াছিলেন, অরে মৈত্রেয়ী আমি এই গৃহস্থাশ্রম হইতে অত্যুক্তি সন্ন্যাসাশ্রম গ্রহণ  
করিতে অভিলাষী হইয়াছি ॥

‘যো দত্ত্বা সর্বভূতেভ্যঃ প্রব্রজত্যভয়ং গৃহাৎ ।

তস্মৈ তেজোময়া লোকা ভবন্তি ব্রহ্মবাদিনঃ ॥” মনুঃ

যে ব্রহ্মবাদী (মহাজন) সকল প্রাণীকে অভয়দান করিয়া গৃহস্থাশ্রম হইতে সন্ন্যাস গ্রহণ করেন  
তিনি তেজোময় লোকসমূহ প্রাপ্ত হন।

“বষ্টিকুলাশ্রুতীতানি বষ্টীনামধিকানিচ ।

কুলানুস্মরতে প্রাজ্ঞঃ সংশ্রুতমিতি যো বদেৎ ॥ অজিরাঃ ।

আমি বৈধসন্ন্যাস গ্রহণকারী সর্বস্ব পরিত্যাগ করিয়াছি—ইহা যিনি বলেন তিনি উর্দ্ধতন  
৬০ পুরুষ ও অধস্তন ৬০ পুরুষকে উদ্ধার করেন।

প্রভু বলিলেন, “তোমরা আসিয়াছ, ভাল হইয়াছ। আমি সন্ন্যাস গ্রহণ করিয়া শ্রীবন্দাবনে যাইব।” এই কথা বলিতে বলিতেই শ্রীগৌরাজের কণ্ঠরোধ হইয়া আসিল, নেত্রযুগল হইতে অবিরল বারিধারা প্রবাহিত হইতে লাগিল।

তখন ভারতী গোসাঁই শ্রীগৌরাজের সেই ভাব ও সেই মধুর অঙ্গপ্রত্যঙ্গ অবলোকন করিয়া চিন্তা করিতেছেন—আহা! বিধাতার কি সুন্দর সৃষ্টি! এরূপ সুন্দর পুরুষ ত আর কখন প্রত্যক্ষ করি নাই! আবার ইহার প্রেমই বা কি অদ্ভুত! আমি ইহাকে সন্ন্যাস দিব, প্রতিজ্ঞা করিয়াছি; কিন্তু তাহা কার্য্যে পরিণত করিব কি করিয়া? নবনীত অপেক্ষা কোমল এই শরীর সন্ন্যাসের কঠোর তাপ সহ করিবে কি প্রকারে? ইহাকে দর্শন করিয়া অবধি আমার বাৎসল্য ভাবের উদ্বেক হইতেছে। আমি কি করিয়া কঠিন হইয়া ইহার জননী ও পত্নীকে সঙ্গস্থখে বঞ্চিত করিব, তাহা কখনই হইতে পারে না। বৃদ্ধা জননী ও বালিকা পত্নীর কথা তুলিয়াই ইহাকে প্রত্যাখান করিব, কখনই সন্ন্যাসমন্ত্র দিব না।

“আশ্রমাণামহং তুর্যো বর্ণানাং প্রথমোহনঘ ॥” ভা ১১।১৬।১৮

“অষ্টমে মেরুদেব্যাস্ত্র নাভেজাত উরুক্রমঃ।

দর্শয়ন্ বহ্নীধীরাণাং সর্বাশ্রমনমস্কৃতম্ ॥” ভা ১।৩।১৩

হে উদ্ধব! আমি ব্রহ্মচর্যাাদি চতুরাশ্রমের মধ্যে (চতুর্থাশ্রম সন্ন্যাস) এবং বর্ণের মধ্যে আমি ব্রাহ্মণ।

অষ্টম অবতারে শ্রীভগবান্ সর্বাশ্রম নমস্কৃত সন্ন্যাসাশ্রমরূপ পারমহংস্রপথ যে সাধুদিগের আচরণীয় তাহা দেখাইবার জন্ম অগ্নীধুপুত্র নাভির পত্নী মেরুদেবীর গর্ভে জন্মগ্রহণ করেন।

• “যঃ স্বকাৎ পরতোবেহ জাতনির্বেদ আশ্রবান্।

হৃদি কৃত্বা হরিংগেহাৎ প্রব্রজেৎ স নরোত্তমঃ ॥ ভা ১।১।৩২।৬।

এই জগতে বিশুদ্ধমনা যে ব্যক্তি নিজবুদ্ধিপ্রভাবে কিম্বা শ্রীশুরূপদেশে বৈরাগ্যযুক্ত হইয়া শ্রীহরিকে হৃদয়ে ধারণপূর্বক সংসারত্যাগ করিয়া সন্ন্যাস গ্রহণ করেন তিনিই নরোত্তম (অর্থাৎ মনুষ্যের মধ্যে শ্রেষ্ঠ) ॥

“বেদান্তবিজ্ঞানস্থনিশ্চিতার্থাঃ

সন্ন্যাসযোগাদ্ যতয়ঃ শুদ্ধমত্বাঃ ॥

তে ব্রহ্মলোকেষু পরাস্তকালে

পরামৃত্যুঃ পরিমুচ্যন্তি সর্বে ॥” যুগু উঃ ৩।২।৬।

যাহারা বেদান্তপ্রতিপাত্ত পরমাত্মজ্ঞানদ্বারা পরমপুরুষার্থ নির্ণয় করিয়াছেন, এবং সন্ন্যাস-গ্রহণহেতুক শুদ্ধচিত্ত হইয়াছেন, সেই সকল যতিগণ সংসারদশার অবসানে (অর্থাৎ মৃত্যু সময়ে) পরব্রহ্মকে অমৃতস্বরূপ অবগত হইয়া নিত্যধামে মুক্তিস্থখ লাভ করেন।

সেই অপরূপ দৃশ্যে সমাকৃষ্ট হইয়া পথের লোক দাঁড়াইতে আরম্ভ হইল ! শ্রীগৌরাজকে দর্শন এবং তাঁহার সন্ন্যাসের কথা শুনিয়া সকলেই হাহাকার করিতে লাগিলেন । কেহই সেই স্থান পরিত্যাগ করিতে সমর্থ হইলেন না । ক্রমেই জনতার বৃদ্ধি হইতে লাগিল ।

এই সময়ে ভারতী গোসাঁই শ্রীগৌরাজকে সন্ন্যাস প্রদান বিষয়ে নিজের অনভিপ্রায় জানাইলেন । তিনি বলিলেন,—“সন্ন্যাস গ্রহণের উপযুক্ত কাল আছে । পঞ্চাশ বৎসর বয়স না হইলে, কাহাকেও সন্ন্যাস দেওয়া উচিত নয় । অল্প বয়সে রাগাদির প্রাবল্য থাকে বলিয়া সন্ন্যাসের ধর্ম রক্ষা করা বড়ই কঠিন হয় । নিমাই পণ্ডিত, আমি দেখিতেছি, তোমার নবীন বয়স, স্ত্রী বালিকা, এখনও সম্মান-সম্মতি হয় নাই, বৃদ্ধা জননী বর্তমান রহিয়াছেন, এরূপ অবস্থায় তোমাকে সন্ন্যাসী করা যুক্তিযুক্ত বোধ করিতেছি না ।”

শ্রীগৌরাজ বলিলেন, “গোসাঁই, আপনি আমাকে পরীক্ষা করিতেছেন, তাহা বুঝিয়াছি ; কিন্তু গুরো, আমার আর বিলম্ব সহ হইতেছে না । আমি শ্রীবৃন্দাবনে যাইয়া শ্রীকৃষ্ণভজনে এই জনম সফল করিবার জন্য অতিশয় আগ্রহান্বিত হইয়া পড়িয়াছি । আমার এই সংসারবন্ধন ছিন্ন করিয়া দিন । আমি আমার জননী প্রভৃতির অনুমতি লইয়াই আসিয়াছি, এখন কেবল আপনার রূপার অপেক্ষা ।”

উপস্থিত লোক সকল প্রভুর এই সকল কথা শুনিতেছেন । সকলেরই মনের ভাব, নবীন যুবকের সন্ন্যাসে বাধা পড়ুক । বৃদ্ধা জননী এবং বালিকা পত্নীকে অনাথা করিয়া এই নবীন যুবক সন্ন্যাসী না হয়, ইহা ভারতীরও অভিপ্রায় বুঝিয়া, সকলেই মনে মনে ভারতী গোসাঁইকে ধন্যবাদ দিতেছেন । ইতিমধ্যে ভারতী গোসাঁই বলিলেন,—“তোমার জননী ও পত্নী তোমাকে সন্ন্যাস গ্রহণ করিতে অনুমতি দিয়াছেন ? সম্ভবতঃ সন্ন্যাস কাহাকে বলে, তাহা তাঁহারা বুঝেন না । আমি নিজে সন্ন্যাসী হইয়াও যখন তোমাকে সন্ন্যাস দিতে ইতস্ততঃ করিতেছি, তখন তাঁহারা যে সহজে তোমাকে সন্ন্যাসী হইতে বলিলেন, ইহা আমার মনেই স্থান পায় না । ঐ দেখ, উপস্থিত লোক সকল, যাঁহারা হয়ত তোমাকে কখনই দেখেন নাই, যাঁহারা তোমার নিতান্ত অপরিচিত, তাঁহারাও তোমার সন্ন্যাসের কথা শুনিয়া কাতর হইয়া পড়িয়াছেন । তবে তোমাকে দেখিয়া অবধি আমার ধারণা হইয়াছে যে, তুমি স্বয়ং ভগবান্, তোমার পক্ষে কিছুই বিচিত্র নহে । তোমার মায়ার যখন বিশ্বসংসারই

মোহিত, সংসারই যখন তোমার ক্রতঙ্গীর অধীন, তখন তোমার জননী প্রভৃতিও তোমার আত্মাধীন বা ভাবাধীন না হইবেন কেন? তুমি তাঁহাদিগকেও ভুলাইয়াছ। যাহাই হউক, আমার ত তোমাকে সন্ন্যাস দিতে ইচ্ছা হইতেছে না। আমি তোমাকে স্বেচ্ছায় সন্ন্যাসী করিতে পারিব না।” ভারতী গোসাঁইর এই প্রকার দৃঢ়প্রতিজ্ঞা দেখিয়া উপস্থিত ব্যক্তিবৃন্দ আনন্দে হরিধ্বনি দিয়া উঠিলেন।

তখন শ্রীগোবিন্দ সাক্ষনয়নে ভারতী গোসাঁইর প্রতি এবং উপস্থিত দর্শকমণ্ডলীর প্রতি একবার দৃষ্টি নিক্ষেপ করিলেন, এবং বলিতে লাগিলেন, “আপনারা আমার পিতা ও মাতা; কারণ, আপনাদিগের আমার প্রতি তদ্রূপ বাৎসল্য—তদ্রূপ স্নেহই দেখিতেছি। আপনারা এক্ষণে আমার দুঃখে দুঃখী হইয়া আমাকে আমার প্রাণনাথ শ্রীকৃষ্ণের সহিত মিলনের সাহায্য করুন। আমি শ্রীবৃন্দাবনে যাইয়া আমার প্রাণেশ্বরের সেবায় এই জীবন অতিবাহিত করি।” এই কথা বলিতে বলিতেই শ্রীগোবিন্দ বাহুজ্ঞান হারাইলেন। তখন,

“আমার হেন দিন হবে কবে।

শ্রীকৃষ্ণ বলিতে অতি হরষিতে পুলকাদ অশ্রু হবে।

কবে ব্রজের রজে হয়ে বিভূষিত, ডাকিব প্রেমে হয়ে পুলকিত,

হরিভক্তসঙ্গে হরিগুণপ্রসঙ্গে, মন মত্ত সদা রবে।

কবে বৃন্দাবনের বনে প্রবেশিয়ে, মাধুকরি করি উদর পুষিয়ে,

ডাকিব হা কৃষ্ণ হা কৃষ্ণ বলিয়ে, হেন ভাগ্য কবে হবে।

স্বক্কে নিব প্রেমানেন্দে ভিক্ষার ঝুলি, বেড়াইব ব্রজবাসীর কুলি কুলি,

হয়ে কুতূহলী রাধাকৃষ্ণ বলি, ডেকে জীবন শীতল হবে ॥

কতদিনে যাবে বিষয়বাসনা, কবে হবে রাধাকৃষ্ণের উপাসনা,

ললিতা বিশাখা সুবলাদি সখা কবে দয়া প্রকাশিবে।

কবে প্রিয়মখীর অনুগত হয়ে, রাধাকৃষ্ণ যুগলসেবা নিব চেয়ে,

আমাকে দেখিয়ে যুগলে হাসিয়ে, সেবার কার্যে নিয়োজিবে ॥

কবে আমি যাব রাধাকৃষ্ণতীরে, উদর পুরিব তাঁর শীতল নীরে,

শ্রামকুণ্ডারি পানে তৃষ্ণা বারি, তাপিতাজ শীতল হবে।

কবে মম মন্বভাগ্য দূরে রবে, সাধুর কৃপা হৈলে সখীর কৃপা হবে,

এ দাসের তবে বাঞ্ছা পূর্ণ হবে, সখীভাবে রাস পাবে ॥”

এই পদ গাহিতে গাহিতে আনন্দে বিভোর হইয়া দুই বাহু তুলিয়া নাচিতে লাগিলেন। অমনি মুকুন্দ সকল ভূমিগা গিলা কীর্তন আরম্ভ করিলেন।

নিতাই, পাছে শ্রীগৌরাজ কঠিন মাটিতে পড়িয়া গিয়া আঘাত পান, এই আশঙ্কায় তাঁহার পশ্চাৎ পশ্চাৎ ঘুরিতে লাগিলেন। কাটোয়াতে নবদ্বীপের আবির্ভাব হইল। চন্দ্রশেখর মনে মনে বলিতে লাগিলেন, “ভাল বাপ, খুব নৃত্য কর! এখানে আর কে তোমার নৃত্যে বাধা দিবে? তোমার জননী আর তোমার নৃত্যে বাধা দিবেন না।”

এদিকে শ্রীগৌরাজ ঘোরতর নৃত্য আরম্ভ করিলেন। ছনয়নে অবিরল-ধারে প্রেমাশ্রু বিগলিত হইতে লাগিল। মুহুমুহু কম্প ও পুলকাদি সাত্ত্বিক ভাব সকলের উদয় হইতে লাগিল। উপস্থিত লোকদিগের ত কথাই নাই, সঙ্কীর্ণনের রোল শ্রবণ করিয়া যিনি আসিলেন, তিনিই প্রেমে মাতিয়া গেলেন, সহস্র সহস্র লোক উচ্চৈঃস্বরে হরিধ্বনি করিতে লাগিলেন। কেহ বা ধূলীয় পড়িয়া গড়াগড়ি দিতে লাগিলেন। কেহ কেহ মূর্চ্ছিতও হইলেন। এই ভাব দর্শন করিয়া ভারতী ভাবিলেন, শ্রীগৌরাজ কখনই মনুষ্য নহেন। মনুষ্যে এরূপ প্রেম ও এরূপ আকর্ষণ দেখা যায় না। ইনি স্বয়ং ভগবান্, আমাকে ছলনা করিতে আসিয়াছেন। যাহাই হউক, আমি ইহাকে মন্ত্র দিব কি প্রকারে? যিনি ত্রিলোকের গুরু, তিনি যে শিষ্য হইয়া আমাকে প্রণাম করিবেন, এ অপরাধ রাখিবার স্থান হইবে না? ক্রমে ক্রমে ভাবিতে ভাবিতে ভারতী গোসাঁই শ্রীগৌরাজের ক্রীড়নক হইয়া পড়িলেন। তাঁহার ইতিকর্তব্যতা বুদ্ধি বিলুপ্ত হইল। শেষে শ্রীগৌরাজের হস্তদ্বয় ধারণ করিয়া বলিলেন,—“নিমাই, নৃত্য সম্বরণ কর, তুমি কে, তাহা আমি বুঝিয়াছি, এবং সেই জন্মই তুমি জননী ও স্ত্রীর নিকট সন্ন্যাসের অনুমতি লইতে পারিয়াছ, তাহাও বুঝিয়াছি। আমি অতি ক্ষুদ্র জীব, তোমার গতিরোধ করিব, এরূপ সামর্থ্য আমার নাই। তুমি যাহাকে যাহা করাইবে, তাহাকে বাধ্য হইয়া তাহাই করিতে হইবে। কিন্তু দেখ, এ অধমকে অপরাধী করিও না। আমি তোমার গুরু হইয়া অপরাধী হইতে পারিব না। তবে যদি তুমি আমার উদ্ধারের ভার গ্রহণ কর, তাহা হইলে, তোমার অভিলষিত সন্ন্যাস দিতে পারি, অথবা আমাকে ক্ষমা কর।”

শ্রীগৌরাজ ভারতীর মনের ভাব বুঝিয়া স্থির হইলেন। কিন্তু উপস্থিত লোক সকল ভারতীর উপর অত্যন্ত বিরক্ত হইলেন। পূর্বে ভারতীর সন্ন্যাস দানে অনিচ্ছা জানিয়া সকলেই সন্তুষ্ট হইয়াছিলেন। এক্ষণে তাহার বিপরীত ভাব দেখিয়া বিশেষ অসন্তোষ প্রকাশ করিতে লাগিলেন। ছবৃন্দেৱা তজ্জন্ম ভারতীকে শিক্ষা দিবার পরামর্শ করিতে লাগিলেন। ইত্যবসরে শ্রীগৌরাজ

সময় বুঝিয়া মুকুন্দকে সঙ্কীৰ্তন আরম্ভ করিতে বলিলেন। পুনর্বার নৃত্য আরম্ভ হইল। দর্শকগণ হরিধ্বনি করিয়া উঠিলেন। ক্রমে বহুতর লোকের সমাগম হইতে লাগিল। চতুর্দিক হইতে খোল করতাল লইয়া সঙ্কীৰ্তনের দল সকল আসিতে লাগিল। সকলেই মাতিয়া গেল। প্রেমের তরঙ্গে লোক পাগল হইয়া উঠিল। এই ভাবে সমস্ত রাত্রি কাটিয়া গেল।

প্রভাতে নরহরি ও গদাধর আসিয়া উপস্থিত হইলেন। ভারতীর কুটীরের চারিদিক লোকে লোকারণ্য। সকলেই শ্রীগোবিন্দের সন্ন্যাসের বিষয় মনে করিয়া হাহাকার করিতেছেন। কেহ কেহ যে তাঁহাকে সন্ন্যাস গ্রহণে নিষেধ না করিতেছেন, তাহাও নহে; কিন্তু শ্রীগোবিন্দের বিনয়বচনে সকলেই আপনার হার মানিতেছেন। এমন সময়ে শ্রীগোবিন্দ গম্ভীর ভাবে মেসো চন্দ্রশেখরকে লক্ষ্য করিয়া বলিলেন, “বাপ! সন্ন্যাসের যে কিছু নিয়ম, তাহা আমার প্রতিনিধিস্বরূপ তুমিই সম্পাদন কর।” চন্দ্রশেখর ভাবিলেন, “আমি কেন, তোমার জননী উপস্থিত থাকিলে, তুমি তাহাকে দিয়াই এই কার্য্য করাইতে পারিতে। তোমার অসাধ্য কিছুই নাই।” চন্দ্রশেখর মনে যাহাই ভাবুন, দ্বিকল্পিত করিতে পারিলেন না। “যে আজ্ঞা” বলিয়া কার্য্যে প্রবৃত্ত হইলেন। ফলতঃ তাঁহাকে কিছুই করিতে হইল না। উপস্থিত গ্রামবাসীদিগের দ্বারাই সকল সমাহিত হইল। কাটোয়াবাসীরা কাঁদিতে কাঁদিতে সকল আয়োজন করিয়া দিলেন। ক্ষৌরকার আসিয়া উপস্থিত হইল। নাপিত শ্রীগোবিন্দকে প্রণাম করিয়া ক্ষৌরকার্য্য করিতে বসিল। প্রভুর সুন্দর কেশরাজি চিরদিনের জন্ম অন্তর্হিত হইবে ভাবিয়া উপস্থিত ভক্তবৃন্দ কাঁদিয়া উঠিলেন। দেখিয়া দর্শকমণ্ডলীর হৃদয়ও গলিয়া গেল। চতুর্দিকে ক্রন্দনের রোলে নাপিতের হৃদয় কাঁপিয়া উঠিল। সে ক্ষুর তুলিবে কি, শরীর অবশ হইয়া গেল, নয়নজলে বক্ষঃস্থল প্লাবিত হইতে লাগিল। চাকন্দগ্রামবাসী গদাধর ভট্টাচার্য্য নামক জনৈক দর্শক কাঁদিতে কাঁদিতে মূর্ছিত হইয়া পড়িলেন। প্রভু অনেক বুঝাইয়া পড়াইয়া নাপিতকে ক্ষৌরকর্মে প্রবৃত্ত করাইলেন। নাপিত প্রবৃত্ত হইলে কি হইবে, তাহার হাত স্থির হইল না, ক্ষুর পড়িয়া গেল। সে উঠিয়া নৃত্য করিতে লাগিল। নাপিত প্রেমে উন্মত্ত হইয়া কখন নৃত্য করে, কখন বা প্রভুর পদতলে পতিত হয়। প্রভুও যে নৃত্য না করেন, এমন নহে। ক্ষৌর হইবে, সন্ন্যাস করিবেন, ভাবিরা নৃত্য থামে না। এই ভাবে বেলা অতিরিক্ত হইয়া পড়িল। পরিশেষে তিনি স্বয়ং শাস্ত হইয়া নাপিতকেও শাস্ত করিলেন। অপরাহ্নে ক্ষৌর



সমাধা হইল। প্রভু স্নান করিতে গেলেন। ভক্তবৃন্দ প্রভুর কেশগুলি লইয়া গঙ্গাতীরে যন্ত্রিকামধ্যে প্রোথিত করিয়া রাখিলেন। পরে ঐ স্থানে একটি কেশসমাধি নামে মন্দির উঠান হয়। উহা অद्याপি বিদ্যমান আছে। নাপিত অস্ত্রগুলি মাথায় করিয়া নৃত্য করিতে করিতে গঙ্গায় ঝাইয়া অস্ত্রগুলি দূরে নিক্ষেপ করিল। তাহার অভিপ্রায়, যে হস্তে প্রভুর কেশ মুগুন করিয়াছে, সে হস্তে আর কাহারও ক্ষৌরকার্য্য করিবে না। বস্তুতঃ সে জন্মের মত ব্যবসা পরিত্যাগ করিয়া প্রভুর চরণে শরণ লইয়াছিল।

শ্রীগৌরাজ স্নান সমাধা করিয়া আর্দ্রবসনে ভারতীর সম্মুখে আগমন করিলেন। ভক্তগণও সঙ্গে সঙ্গে হরিধ্বনি করিতে করিতে আসিয়া উপস্থিত হইলেন। প্রভু আসিতেছেন দেখিয়া ভারতী গোসাঁই তিন খণ্ড গৈরিকবসন হস্তে করিয়া দাঁড়াইলেন। উহার একখানি কোপীন, আর দুইখানি বহির্বাস। প্রভু অঞ্জলিবন্ধন করিয়া বস্ত্র প্রার্থনা করিলেন। ভারতী সেই তিনখানি বস্ত্র তাঁহাকে অর্পণ করিলেন। শ্রীগৌরাজ তখন কৃতার্থ হইয়া অরুণবসন মস্তকে ধারণ পূর্বক উপস্থিত লোক সকলকে করযোড়ে বলিতে লাগিলেন, “ভাই, বন্ধু, বাবা, মা, তোমরা আমাকে অনুমতি কর, আমি এখন ভবসাগর পার হই। আমাকে আশীর্বাদ কর, আমি যেন ব্রজে গিয়া কৃষ্ণ পাই।” এই কথা শ্রবণ করিয়া উপস্থিত লোকমণ্ডলীর চক্ষু দিয়া দর দর করিয়া অশ্রুবিन्दু বিগলিত হইতে লাগিল। প্রভু শান্ত হইয়াছেন। চতুর্দিক ঘোর নিস্তর। কাহারও মুখে একটা কথা নাই। এমন সময়ে শ্রীগৌরাজ ভারতীকে বলিলেন, “গোসাঁই, আমাকে স্বপ্নে এক ব্রাহ্মণ একটি মন্ত্র দিয়াছিলেন, আপনি শুনিয়া দেখুন, আমাকে সেই মন্ত্রই দিবেন, কি পৃথক্ মন্ত্র দিবেন।” এই বলিয়া প্রভু ভারতীর কাণে কাণে সন্ন্যাসের মন্ত্রটি বলিলেন। ভারতী বুঝিলেন, প্রভু তাঁহাকে গুরু করিবেন বলিয়া অগ্রেই শক্তিসঞ্চার করিয়া লোকমৰ্যাদা রক্ষা করিলেন। ষাহাই হউক, ভারতী মন্ত্র পাইয়া প্রেমে উন্মত্ত হইয়া পড়িলেন। অধীর অবস্থাতেই কোনক্রমে শ্রীগৌরাজের কর্ণে ঐ সন্ন্যাস-মন্ত্র প্রদান করিয়া তাঁহার কি নাম দিবেন, ইহাই ভাবিতে লাগিলেন। পরক্ষণেই বলিলেন, “বাপ নিমাই, তুমি অবতীর্ণ হইয়া জীবমাত্রকেই শ্রীকৃষ্ণে চৈতন্ত করাইলে, অতএব তোমার নাম রহিল, শ্রীকৃষ্ণচৈতন্ত।” এই প্রকারে প্রভুর নামকরণ হইলে, সেই নামটি মুখে মুখে সকলেই শুনিতে পাইলেন এবং কেহ কৃষ্ণ, কেহ বা চৈতন্ত বলিয়া ধ্বনি করিতে লাগিলেন। পূর্বকথিত গঙ্গাধর ভট্টাচার্য্য শ্রীগৌরাজের শ্রীকৃষ্ণচৈতন্ত এই নাম শুনিয়া চৈতন্ত

চৈতন্য বলিতে বলিতে উন্মত্তের ন্যায় নৃত্য করিতে লাগিলেন। পরে ইনি ধেপা চৈতন্যদাস বলিয়া বিখ্যাত হইয়াছিলেন।

### রাঢ়দেশ ভ্রমণ

কিয়ৎকালের মধ্যেই সেই জনরব খামিয়া গেল। সকলেই একদৃষ্টে শ্রীকৃষ্ণ-চৈতন্যের নির্মল মুখচন্দ্র দর্শন করিতে লাগিলেন। লোকমাত্রই স্থির—অচঞ্চল, কাষ্ঠপুত্তলিকার ন্যায় দাঁড়াইয়া আছেন। কেহ কেহ তৎকালের সেই ভাব দর্শন করিয়া আর গৃহে গমন করিলেন না, সন্ন্যাসী হইলেন। শ্রীকৃষ্ণচৈতন্য প্রভু সে রাত্রি সেই স্থানে বাস করিয়া পরদিন প্রাতঃকালে উপস্থিত জনগণকে করযোড়ে বিনীতভাবে বলিতে লাগিলেন, “সকলেই প্রসন্নমনে আমাকে বিদায় নাও, আমি শ্রীবৃন্দাবনে যাইয়া আমার প্রাণনাথের সেবা করিব।” এই কথা বলিতে বলিতেই উর্দ্ধ্বাসে দৌড়িলেন। ভারতী গোসাঁই তাঁহাকে ডাকিয়া ফিরাইয়া দণ্ড ও কমণ্ডলু প্রদান করিলেন। শ্রীকৃষ্ণচৈতন্য প্রভু দণ্ড ও কমণ্ডলু লইয়া ক্ষণকাল দাঁড়াইলেন। অপূর্ব বেশ, সর্বাঙ্গ চন্দনে চর্চিত, অরুণনয়নে অবিরলধারে প্রেমবারি বিগলিত হইতেছে। লোক সকল দেখিয়া বাহুজ্ঞান হারাইতে লাগিলেন। প্রভু আবার বিদায় লইয়া দৌড়িলেন, ইচ্ছা, এক নিশ্বাসে বৃন্দাবনে যাইবেন। নিতাই; চন্দ্রশেখর, মুকুন্দ ও গোবিন্দ প্রভৃতি পশ্চাৎ পশ্চাৎ দৌড়িতে লাগিলেন। উপস্থিত দর্শকগণও দৌড়িতে লাগিলেন। শ্রীগৌরান্দ্র প্রথমে লক্ষ্য করেন নাই। কিয়দূর গিয়া দেখেন, যাইবার পথ নাই, লোক সকল তাঁহাকে ঘিরিয়া ফেলিয়াছে। তখন তিনি কাতরস্বরে বলিতে লাগিলেন, “বাবা ও মা সকল, তোমরা গৃহে ফিরিয়া যাও, আমি আমার প্রাণনাথের উদ্দেশে যাইতেছি, আমাকে বাধা দিও না।” এমন সময়ে ভারতী ও নিত্যানন্দ প্রভৃতি আসিয়া পৌঁছিলেন। গঙ্গাধর শ্রীগৌরান্দের সঙ্গী হইবার ইচ্ছা প্রকাশ করিলেন, কিন্তু প্রভু তাঁহাকে নিষেধ করিলেন। ভারতীও সঙ্গে যাইবার ইচ্ছা জানাইলেন, প্রভুর তাহাতে সম্মতি হইল। • এতাবৎকাল চন্দ্রশেখর প্রভুর নয়নগোচর হয়েন নাই। বাহুজ্ঞান ছিল না, ভাবে বিভোর ছিলেন। সম্প্রতি বাহ্যবেশ হইলে, চন্দ্রশেখরকে দেখিলেন। অমনি নদীয়ার স্মৃতি জাগিয়া উঠিল। জন্মস্থান, ঘর, বাড়ী, বৃদ্ধা জননী এবং প্রাণাপেক্ষা প্রিয়তম ভক্তগণ প্রভৃতি সকলই ধীরে ধীরে তাঁহার স্মৃতিপথে উপস্থিত হইতে লাগিল। এই সময়ে তাঁহার নয়ন হইতে

অনর্গল বারিধারা পতিত হইতে লাগিল। তিনি তদবস্থায় উপবিষ্ট হইয়া চন্দ্রশেখরের গলা ধরিয়া করুণস্বরে বলিতে লাগিলেন, “বাপ! তুমি বাড়ী যাও। গৃহে বসিয়া তুমি আমার জননীর সাস্তুনা করিও। দেখিও, যেন তিনি আমার বিরহে প্রাণত্যাগ না করেন। আর যাঁহারা আমার বিচ্ছেদে দুঃখ পাইতেছেন, তাঁহাদিগকে আমার মিনতি জানাইয়া বলিবে যে, তাঁহাদের নিমাই জন্মের মত বিদায় লইয়াছে। নিমাই তাঁহাদিগকে কেবল দুঃখ দিতে জন্মিয়াছিল, দুঃখ দিয়াই গেল। তাঁহাদের নিমাই আর ঘরে যাইবে না। আরও বলিবে যে, নিমাই যে দিন গদাধরের পাদপদ্ম সন্দর্শন করিয়াছে, সেই দিন অবধি তাহার প্রাণ তাহাতেই মিশিয়া গিয়াছে।” বলিতে বলিতে শ্রীগৌরসুন্দরের কণ্ঠরোধ হইয়া আসিল। আবার প্রেমে বিহ্বল হইয়া পড়িলেন। আত্মীয় স্বজন সকলকেই ভুলিয়া গেলেন, আপনাকেও ভুলিলেন। “প্রাণবল্লভ” এই আমি আসিলাম” বলিয়া উর্দ্ধ্বাশ্বাসে ছুটিতে আরম্ভ করিলেন। উপস্থিত লোক সকল তাঁহার পশ্চাৎ পশ্চাৎ দৌড়িতে লাগিল। কাটোয়ার পশ্চিমভাগে তখন বন ছিল, দেখিতে দেখিতে প্রভু সেই বনে প্রবেশ করিলেন। লোক সকল তাঁহার অনুসরণে বনমধ্যে প্রবেশ করিল। প্রভু দৌড়িয়া যাইতেছেন, লোক সকল তাঁহার সঙ্গে দৌড়িতে পারিতেছে না। ক্ষণকালের মধ্যেই প্রভু নিবিড় বনে প্রবিষ্ট হইলেন, পশ্চাবর্তী লোক সকল আর তাঁহাকে দেখিতে পাইলেন না। কেবল কয়েকজন ভক্ত তাঁহার সঙ্গ ছাড়েন নাই। নিত্যানন্দ, চন্দ্রশেখর, মুকুন্দ ও গোবিন্দ প্রাণপণে তাঁহার পশ্চাৎ পশ্চাৎ দৌড়িতে লাগিলেন। প্রভু কমণ্ডলুটি কটিবন্ধন-রজ্জুতে বন্ধন করিয়া দণ্ডহস্তে বিদ্যুতের গায় ছুটিতেছেন, ভক্তগণ ক্রমে তাঁহার অনুগমনে অশক্ত হইয়া পড়িতেছেন। নিত্যানন্দ অবসন্নপ্রায় হইয়া পশ্চাৎ হইতে “প্রভো, একটু আস্তে চলুন, আমি আর পারি না, আমাদের ফেলিয়া যাইও না” বলিয়া বারংবার প্রভুকে ডাকিতেছেন। প্রভু কিন্তু কোন উত্তর না দিয়াই একমনে চলিতেছেন।

“কটিতে করঙ্গ বাধা দিক্‌পথে ধায়।

প্রেমের ভাই নিতাই ডাকে ফিরিয়া না চায় ॥

নিতাই বলে প্রভু যত পাতকী তরাইলে।

সে সব অধিক হয়ে আমা উদ্ধারিলে ॥

যত যত অবতার অবনীর মাঝে।

পতিতপাবন নাম তোমার সে সাজে ॥”

পশ্চাতের ভক্তগণ ক্রমে দূরে পড়িলেন। কেবল নিতাই এখনও সঙ্গ ছাড়েন নাই, প্রভুর অঙ্গ দূরেই আছেন। প্রভুর এখন দিগ্বিদিক্ জ্ঞান নাই। প্রভু যে সকল ভক্তকে ছাড়িয়া গেলেন, তাঁহারা অনেকেই প্রভুর সন্ন্যাসে সন্ন্যাসী হইলেন। কেহ কেহ পাগলের ন্যায় হইয়া গেলেন। পুরুষোত্তম আচার্য্য প্রভুর পরমভক্ত। প্রভুর উপেক্ষায় তাঁহার অত্যন্ত দৈন্ত উপস্থিত হইল। তিনি ক্রোধ করিয়া শ্রীমতীর ন্যায় প্রভুর ভজনা ত্যাগ করিতে কৃতসঙ্কল্প হইলেন। তিনি যে দেশে প্রভুর নাম নাই, যেখানে সাধুগণ ভক্তিকে ঘৃণা করেন, সেই বারণসীধামে যাইয়া সন্ন্যাসী হইলেন। এইখানে ইহার নাম হইল, স্বরূপদামোদর।

প্রভু দৌড়িতে দৌড়িতে ক্ষণে ক্ষণে মূর্ছা যাইতেছেন। ইত্যবসরে নিতাই তাঁহার সঙ্গ লইতেছেন। অল্প অল্প ভক্তগণ দৃষ্টির বহির্ভূত হইয়াছেন। ক্রমে সন্ধ্যা আসিয়া উপস্থিত হইল। প্রভু একবার এমনই দৌড় মারিলেন যে, নিতাই পর্য্যন্ত আর তাঁহাকে ধরিতে পারিলেন না। পশ্চাতের ভক্তগণ আসিয়া নিতায়ের সহিত মিলিত হইলেন। সকলে মিলিয়া নিকটবর্তী গ্রামে প্রভুর অনুসন্ধান করিলেন কিন্তু তাঁহার কোন উদ্দেশ্য পাওয়া গেল না। সকলে 'সেই গ্রামের প্রান্তভাগে একস্থানে বসিয়া পড়িলেন। অনতিবিলম্বেই একটি সঙ্কর ধ্বনি শ্রুতিগোচর হইল। ভক্তগণ সেই ধ্বনি লক্ষ্য করিয়া মাঠের মধ্যে গিয়া দেখেন, প্রভু একটি অশ্বখবৃক্ষের তলে অধোমুখে বসিয়া আছেন, এবং বামহস্তে গণ্ড রাখিয়া আপন মনে বলিতেছেন, "প্রাণনাথ। কৃষ্ণ হে! আমি কি তোমার দর্শন পাইব না, আর যে সহ হয় না, আমাকে দেখা দাও।" প্রভু এই প্রকার বিলাপ সহকারে মধ্যে মধ্যে রোদনও করিতেছেন। ভক্তগণ নিকটে আসিয়া উপস্থিত হইলেন, প্রভু তাঁহাদিগের প্রতি কটাক্ষও করিলেন না। আবার উঠিয়া পশ্চিমমুখে গমন করিতে লাগিলেন। ভক্তগণও তাঁহার অনুবর্তী হইলেন। পথ বিপথ জ্ঞান নাই, আশে পাশে দৃষ্টি নাই, পশ্চাতে সন্মুখেও লক্ষ্য নাই, কেবল অনন্তমতে চলিতেছেন।

“আগে পশ্চাতে কিছু না করে বিচার ॥

সকল ইন্দ্রিয়বৃত্তিহীন কলেবর।

কোথা যান ইতি উতি নাহিক ঠাওর ॥

পথ বা বিপথ কিছু নাহিক গেয়ান।

পথ পানে নাহি চায় যুগিত নয়ন ॥

কখন উন্নতপ্রায় উঠেন উর্দ্ধস্থানে ।

কখন বা গর্ভে পড়ে তাহা নাহি জানে ॥

চলি চলি কখন পড়েন যাই জলে ।

কখন প্রবেশে বনে চক্ষু নাহি মেলে ॥”

নবদ্বীপে প্রভুর আত্মীয় ভক্তগণ প্রভুর বিরহে অবিরত কাঁদিতেন, প্রভু কিন্তু জানিয়া শুনিয়াও তাহার দিকে লক্ষ্য করিতেছেন না। ইচ্ছা, তাঁহাদের বন্ধন ছিন্ন করিয়া যাইবেন, যাইতেও পারিতেছেন না। তিন দিবস ক্রমাগত রাঢ়দেশে ভ্রমণ করিতেছেন, কিন্তু একপদও অগ্রসর হইতে পারিতেছেন, না, কে যেন টানিয়া টানিয়া পূর্বস্থানেই লইয়া আসিতেছে। প্রভু প্রথম দিবস যেখানে ছিলেন, তিন দিন ভ্রমণের পরও প্রায় সেইখানেই আছেন, অথচ তিনি অবিশ্রান্ত হাঁটিতেছেন। এইরূপে তিন দিন তিন রাত্রি চলিয়া গেল, প্রভু জলস্পর্শ করেন নাই। পরে প্রভু যখন সংজ্ঞাবিহীন হইলেন, তখন ভক্তগণ মনে করিলেন যে, তাঁহাকে কোন গতিকে শান্তিপুরে অষ্টমতের বাড়ীতে লইয়া যাইবেন। প্রভু কাটোয়া হইতে বহির্গত হইয়া প্রায় বক্রেখর পর্য্যন্ত গিয়াছিলেন, এখন কিন্তু শান্তিপুরের অপর পারে অত্যন্ত দূরেই অবস্থিতি করিতেছেন। প্রভু যেখানে ঘুরিতেছেন, গঙ্গা সেখান হইতে দুই চারি ক্রোশের মধ্যেই। ভক্তগণ নানা কৌশলে তাঁহাকে শান্তিপুরের এত নিকটে আনিয়াছেন। প্রভু অর্ধনিমীলিত নেত্রে ভাবে বিভোর হইয়া চলিয়াছেন, দিগ্বিদিক লক্ষ্য নাই। ভাবগতি দেখিয়া ভক্তগণ প্রভুকে ফিরাইতে পারিবেন বলিয়া মনোমধ্যে আশা করিতেছেন। পথের ধারে ক্ষেত্রমধ্যে রাখাল বালক সকল গোলক চরাইতেছিল। প্রভুকে দেখিবামাত্র তাহারা আনন্দে হরিবোল দিয়া উঠিল এবং নৃত্য করিতে লাগিল। প্রভু এতক্ষণ বাহুজ্ঞানশূন্য ছিলেন, হরিনাম শুনিয়াই দাঁড়াইলেন। ভাবের ঘোর ভাঙ্গিল, চক্ষু উন্মীলন করিয়া বলিলেন, “বাপ্ সকল, আমাকে হরিনাম শুনাও। বহুদিন হরিনাম শুনি নাই, তাহাতে মৃতপ্রায়ই হইয়াছিলাম, তোমরা হরিনাম শুনাইয়া আমাকে প্রাণদান কর।” রাখালেরা আবার হরিবোল বলিয়া নৃত্য করিতে লাগিল। প্রভু ক্ষণকাল পরে তাহাদিগকে শ্রীবৃন্দাবনের পথ জিজ্ঞাসা করিলেন। নিত্যানন্দের সঙ্কেত অনুসারে তাহারা প্রভুকে শান্তিপুরের পথ দেখাইয়া দিল। প্রভু সেই পথেই চলিলেন।

এই সময় নিত্যানন্দ চন্দ্রশেখরকে বলিলেন, “আপনি শান্তিপুরে যাইয়া আচার্য্যকে সস্তর নৌকা লইয়া যাতে পাঠাইয়া দিন, এবং তদনন্তর নদীয়ায় গিয়া

প্রভুর সন্ন্যাসের কথা প্রকাশ করুন।” নদীয়াবাসীরা এপর্যন্ত প্রভুর সন্ন্যাসের সংবাদ জানিতে পারেন নাই। চন্দ্রশেখর নিত্যানন্দের কথামত শান্তিপুর হইয়া নবদ্বীপে গমন করিলেন।

প্রভু এখন শান্তিপুর ঘাইবার প্রশস্ত পথ ধরিয়াছেন। পশ্চাতে নিত্যানন্দ, তাঁহার পশ্চাতে একটু দূরে গোবিন্দ এবং মুকুন্দ। প্রভুর ক্রমে ক্রমে বাহুজ্ঞান আসিতেছে। মধ্যে মধ্যে

“এতাং সমাস্থায় পরাঅনিষ্ঠামধ্যাসিতাং পূর্বতমৈর্মহন্তিঃ।

অহং তরিষ্যামি ছরন্তপারং তমো মুকুন্দাজিষ্ণু নিষেবয়ৈব ॥\* ভা ১১।২৩।৫৩

এই শ্লোকটি আবৃত্তি করিতেছেন, এবং সাধু ব্রাহ্মণ, সাধু! তোমার সংকল্প জীবমাত্রেরই অনুকরণীয়,” এইরূপ বলিতে বলিতে অনন্তমনে চলিতেছেন। হঠাৎ বোধ হইল, পশ্চাতে কেহ আসিতেছেন, কিন্তু ফিরিয়া দেখিলেন না। হঠাৎ জিজ্ঞাসা করিলেন, “বৃন্দাবন কত দূর? বৃন্দাবন কত দূর, এই কথা শুনিয়াই নিত্যানন্দ প্রভুর অভিপ্রায় বুঝিলেন, এবং উত্তর করিলেন, “বৃন্দাবন আর অধিক দূর নাই।” প্রভু শুনিলেন এবং কিঞ্চিৎ দ্রুতপদে গমন করিতে আরম্ভ করিলেন। তখন নিত্যানন্দ অবসর বুঝিয়া দ্রুতপদে গমন পূর্বক প্রভুর সম্মুখীন হইলেন। প্রভু তাঁহার দিকে চাহিয়া দেখিলেন, চেন চেন মনে হইল, কিন্তু চিনিতে পারিলেন না। ভাব বুঝিয়া নিতাই বলিলেন, “আমাকে চিনিতে পারিতেছেন না?” আমি আপনার নিত্যানন্দ।” তখন প্রভু তাঁহাকে চিনিতে পারিয়া বলিলেন, “শ্রীপাদ, তুমি এখানে কিরূপে আসিলে? আমি বৃন্দাবনে ঘাইতেছি, তুমিও আসিয়াছ, ভালই হইয়াছে, দুইজনে মিলিয়া রাধাগোবিন্দের সেবার দিন যাপন করিব।” নিত্যানন্দ তখন, প্রভুর সম্পূর্ণ বাহুজ্ঞান হইলে, আর কার্য্যসিদ্ধি হইবে না, এই আশঙ্কায়, অধিক কথা না কহিয়া ক্ষুধাতৃষ্ণার ভান করিয়া চলিতে লাগিলেন। প্রভুও আবার পশ্চাৎ পশ্চাৎ গমন করিতে লাগিলেন! অনতি বিলম্বেই প্রভু আবার বলিয়া উঠিলেন, “শ্রীপাদ বৃন্দাবনে শ্রীরাধাগোবিন্দ আমায় দর্শন দিবেন ত?” নিতাই মনে করিলেন, আবার বুঝি কপাল ভাঙ্গিল? যাহাই হউক, সংক্ষেপে প্রশ্নের উত্তর দিয়া এবারও প্রভুকে

\* দেহাশ্রবুদ্ধিহেতু মোহজালাচ্ছন্ন আমি এক্ষণে প্রাচীন মহর্ষিগণকর্তৃকসংসেবিত ষায়াসম্বন্ধ-  
রহিত গুহ্যজীবন্ময় যথার্থরূপ অবলম্বন পূর্বক শ্রীভগবান্ মুকুন্দের চরণসেবাধারা ছরন্তপার  
সংসারতম; হইতে উত্তীর্ণ হইব।

অঙ্গে অল্পেই নিরস্ত করিলেন। কিছুদূর গিয়া প্রভু আবার জিজ্ঞাসা করিলেন, “শ্রীবৃন্দাবন আর কতদূর আছে?” নিত্যানন্দ বলিলেন, “শ্রীবৃন্দাবন অতি নিকট।” অবশেষে প্রভুর প্রবোধের জন্ত গঙ্গাতীরবর্তী একটি বটবৃক্ষকে শ্রীবৃন্দাবনের বংশীবট এবং গঙ্গাকে যমুনা বলিয়া নির্দেশ করিলেন। প্রভু তাহাই বিশ্বাস করিলেন, এবং দ্রুতপদে গঙ্গাতীরে উপস্থিত হইয়া যমুনা বলিয়া গঙ্গায় ঝাঁপ দিলেন। পতনের সময় বলিলেন,

“চিদানন্দভানোঃ সদা নন্দসুনোঃ

পরপ্রেমপাত্রী দ্রবব্রহ্মগাত্রী।

অঘানাং লবিত্রী জগৎক্লেমধাত্রী

পবিত্রীক্রিয়ামো বপূর্মিত্রপুত্রী !!”\* চৈতন্যচন্দ্রোদয় নাটকে ৫।১৩

নিত্যানন্দ কর্তৃক প্রেরিত সংবাদ অনুসারে অষ্টদেতাচার্য্যও তৎকালে নৌকা লইয়া সেই স্থানে উপস্থিত ছিলেন। তদর্শনে নিত্যানন্দের সাহস হইল। এবার প্রভুকে শান্তিপুরে লইয়া যাইতে পারিবেন, বিশ্বাস হইল। প্রভু স্নান করিয়া তীরে উঠিলেন। অষ্টদেতও সেই সময়ে নূতন কোপীন ও বহির্বাস লইয়া তাঁহার সম্মুখীন হইলেন। শ্রীগৌরসুন্দর অকস্মাৎ অষ্টদেতাচার্য্যকে সম্মুখে দেখিয়া তিনিও নিতাইয়ের গায় শ্রীবৃন্দাবনে আসিয়াছেন বুঝিয়া আনন্দিত হইলেন। কিন্তু পরক্ষণেই তিনি স্বয়ং শ্রীবৃন্দাবনে আইসেন নাই, শান্তিপুরের অপরপারে আসিয়াছেন, নিতাই তাহাকে ভুলাইয়া আনিয়াছেন এবং যমুনাভ্রমে গঙ্গাতেই স্নান করিয়াছেন, এই সকল বুঝিতে পারিলেন। বুঝিয়া নিত্যানন্দের আচরণে কিছু বিরক্তিও প্রকাশ করিলেন। যাহাই হউক, অষ্টদেতাচার্য্য তখন তাঁহাকে অনেক বুঝাইয়া শান্ত করিলেন এবং নিত্যানন্দের সহিত নৌকার উপর উঠাইয়া নিজভবনে লইয়া গেলেন।

### শান্তিপুরে আগমন

অষ্টদেতাচার্য্য বাড়ী গিয়া তিনদিন তিনরাত্রি উপবাসের পর শ্রীগৌরসুন্দরকে ভোজন করাইলেন। শ্রীগৌরসুন্দরের আগমনের বার্তা শুনিয়া আচার্য্যের ভবনে

\* চিদানন্দপ্রকাশক শ্রীকৃষ্ণের পরমপ্রেমপাত্রী জলব্রহ্মরূপা, সর্বাপরোধচ্ছেত্রী সর্বদা জগতের কল্যাণদায়িনী সূর্যকণ্ঠা যমুনা আমাদের দেহ পবিত্র করুন।

প্রভূত লোকের সমাগম হইতে লাগিল। সায়ংকালে অষ্টেতাচার্য্য প্রভুর অনুমতি লইয়া কীর্ত্তন আরম্ভ করিলেন। অষ্টেতের দল বিদ্যাপতির এই পদ গাইতে লাগিলেন ;—

“কি কহব রে সখী আনন্দ ওর ।  
চিরদিনে মাধব মন্দিরে মোর ॥  
আর প্রাণপ্রিয়ে দূরদেশে না পাঠাব ।  
আঁচল ভরিয়া যদি ধন পাইব ॥”

আচার্য্যের দল এই গীত গাইতেছেন, আর আচার্য্য স্বয়ং আনন্দে নৃত্য করিতেছেন। মধ্যে মধ্যে তিনি প্রণামও করিতেছেন। প্রভু এখন সন্ন্যাসী। পূর্ব্বের ঞ্চায় আচার্য্যের প্রণামে বিরক্তি প্রকাশ করিতে পারিলেন না, প্রণামের পরিবর্ত্তে আচার্য্যকে কেবল আলিঙ্গন প্রদান করিতেছেন। আচার্য্য প্রভুকে পাইয়া আনন্দে উন্মত্ত ; প্রভুর কিছু কিছুই ভাল লাগিতেছে না ; প্রভুর হৃদয়ে কৃষ্ণবিরহানল জলিতেছে। প্রভুর প্রিয়গায়ক মুকুন্দ ভাবগতি দেখিয়া বুকিতে পারিয়াছেন, গীতটি ভাবোপযোগী না হওয়ায় প্রভুর সন্তোষজনক হইতেছে না। তখন তিনি স্বস্বরে এই গীতটি ধরিলেন ;—

“আহা প্রাণপ্রিয়া সখি কি না হইল মোরে ।  
কানুপ্রেমবিষে মোর তনু ন জরে ॥  
রাত্রিদিন পোড়ে মন স্বেয়াস্তি না পাই ।  
কাঁহা গেলে কানু পাই তাঁহা উড়ি যাই ॥”

এই গীত শ্রবণমাত্র প্রভু ধৈর্য্যচ্যুত হইলেন। নয়নযুগল দিয়া শতধারে অশ্রু বহিতে লাগিল। ক্রমে ভাবতরঙ্গে আকুল হইয়া প্রভু মূর্চ্ছিত হইলেন। ভক্তগণ হাহাকার ধ্বনি করিয়া প্রভুর শুশ্রুষায় নিযুক্ত হইলেন। ক্ষণকালমধ্যে সংজ্ঞালাভ করিয়া প্রভু উঠিয়া বসিলেন। পরক্ষণেই উঠিয়া নৃত্য করিতে লাগিলেন। কিছুকাল এইরূপ নৃত্যাদির পর প্রভুর রাহ হইল। ভক্তগণ কীর্ত্তন রাখিয়া প্রভুর শয়নের আয়োজন করিয়া দিলেন। নিত্যানন্দও প্রভুর নিকট শয়ন করিলেন।

শস্যায় শয়ন করিয়া নিত্যানন্দ নবদ্বীপবাসীদিগকে প্রভুর সন্ন্যাসের সমাচার দিয়া শান্তিপুরে আনিবার অভিপ্রায় প্রকাশ করিলেন। প্রভুও শ্রীবৃন্দাবনে গমনের পূর্বে একবার জননীকে দর্শন দিয়া যাওয়া উচিত এই বিবেচনায় তাহাতে



সম্মত হইলেন। তবে বিষ্ণুপ্রিয়া দেবীর শাস্তিপু্রে আগমনও প্রকারান্তরে নিষেধ করিলেন।

যাহাই হউক, নিত্যানন্দ অতি প্রত্যায়ে গাত্রোথান পূর্বক নবদ্বীপাভিমুখে গমন করিলেন। শাস্তিপু্র হইতে নবদ্বীপ চারি পাঁচ ক্রোশ হইবে। বেলা এক প্রহর হইতে না হইতেই নিত্যানন্দ নবদ্বীপে পৌঁছিলেন। নবদ্বীপ দেখিয়া নিত্যানন্দের হৃদয় কাঁপিয়া উঠিল। তাঁহার বোধ হইল, নবদ্বীপও কাঁদিতেছে। নিত্যানন্দ ধীরে ধীরে প্রভুর বাড়ীতে প্রবেশ করিলেন। নিতাই আগমন করিয়াছেন শুনিয়া প্রভুর বাড়ী লোকে লোকারণ্য হইল। নিত্যানন্দ শচীদেবীকে নিমাইয়ের সন্ন্যাসের কথা শুনাইলেন। শুনিয়াই শচীদেবী মূর্ছিত হইয়া পড়িলেন। মালিনী প্রভৃতি বয়স্হা রমণীগণ অনেক যত্নে তাঁহার চৈতন্য সম্পাদন করাইলেন। শ্রীবাস বলিলেন, “মা, আপনার নিমাই আপনাকে ডাকিয়া পাঠাইয়াছেন, আপনাকে শাস্তিপু্রে যাইতে হইবে, আমরাও আপনার সহিত যাইব, সকলে মিলিয়া নিমাইকে ধরিয়া আনিব।”

নদীয়ায় ছলস্কুল পড়িয়া গেল। প্রভুর ভক্তমাত্রই শাস্তিপু্রে যাইবার জন্ত আসিয়া মিলিত হইলেন। প্রভুর অভক্ত এবং বিদ্বেষিগণও প্রভুর সন্ন্যাসের কথা শুনিয়া তাঁহাকে মহাপুরুষ জ্ঞানে নিজ নিজ পূর্ব আন্তরিক ভাব পরিত্যাগ পূর্বক তাঁহার চরণ দর্শন করিয়া আপনাদিগকে অপরাধনিম্মুক্ত ও কৃতার্থ করিবেন ভাবিয়া প্রভুর বাড়ীতে আসিয়া সমবেত হইলেন। চতুর্দিকে হাহাকার ধ্বনি হইতে লাগিল। বিষ্ণুপ্রিয়া দেবীও পতিসন্দর্শনে গমন করিবার জন্ত উৎসুক হইলেন। কিন্তু যখন নিত্যানন্দের মুখে তাঁহার গমনের নিষেধের কথা শুনিলেন, তখন বজ্রাহতের ত্রায় কাঁপিয়া উঠিলেন। বিষ্ণুপ্রিয়ার নিষেধের কথা শুনিয়া শচীদেবী এবং আর সকলেই প্রভুর দর্শনে যাইবেন না বলিয়া কৃতসঙ্কল্প হইলেন। এই বৃত্তান্ত বিষ্ণুপ্রিয়া দেবীর শ্রুতিগোচর হইল। তখন তিনি হৃদয় বাঁধিলেন। লজ্জা ও গৌরব যুগপৎ উদিত হইয়া তাঁহার হৃদয়কে আবরণ করিল। জননীকে ও ভক্তগণকে ছুঃখ দেওয়ার নিমিত্ত দেবী লজ্জিত হইলেন। ত্রিজগতের জন তাঁহার হৃদয়ের রতনকে দেখিতে যাইতেছেন, ইহা অপেক্ষা গৌরবের বিষয় আর কি আছে? এই মহান্ লাভ পাইয়া সামান্ত চক্ষুর তৃপ্তির লোভ পরিত্যাগ করাই শ্রেয়স্কর ভাবিয়া দেবী নিজের আকুল হৃদয়কে শান্ত করিলেন। পরে স্বয়ং শচীদেবীকে বুঝাইয়া শাস্তিপু্রে যাইতে সম্মত করিলেন। দোলা সজ্জিত হইল। শচীদেবী তাহাতে আরোহণ করিলেন।

বাহকগণ শান্তিপুরের অভিমুখে যাত্রা করিল। নদীয়ার লোক নদীয়া শূত্র করিয়া প্রভুর দর্শনে শচীদেবীর অনুবর্তী হইলেন। বিষ্ণুপ্রিয়া দেবী পতিবিরহে কাতর হইয়া ধরাশায়ী হইলেন। পদকর্তা বাসুদেব ঘোষ বদ্বিতেছেন :—

কান্দে দেবী বিষ্ণুপ্রিয়া, নিজ অঙ্গ আছাড়িয়া,  
লোটায়ে লোটায়ে ক্ষিতিতলে।

ওহে নাথ কি করিলে, পাথারে ভাসায়ে গেলে,  
কান্দিতে কান্দিতে ইহা বলে ॥

এ ঘর জননী ছাড়ি, মুই অনাথিনী করি,  
কার বোলে করিলে সন্ন্যাস।

বেদে শুনি রঘুনাথ, লইয়া জানকী সাথ,  
তবে সে করিল রনবাস ॥

পূর্বে নন্দের বালা, যবে মধুপুরে গেলা,  
এড়িয়া সকল গোপীগণে।

উদ্ধবেরে পাঠাইয়া, নিজ তত্ত্ব জানাইয়া,  
রাখিলেন তা সবার প্রাণে ॥

চাঁদ মুখ না দেখিব, আর পদ না সেবিব,  
না করিব সে সুখবিলাস।

এ দেহ গঙ্গায় দিব, তোমার স্মরণ নিব,  
বাসুর জীবনে নাই আশ ॥

এদিকে শান্তিপু্রে অদ্বৈতাচার্যের বাড়ীতে সহস্র সহস্র লোক আগমন করিতে লাগিলেন। জনতা অধিকতর হইলে, আচার্য্য দ্বাররক্ষার্থ কয়েকজন বলবান্ পুরুষ নিযুক্ত করিয়া দিলেন। এইরূপে দ্বার অবরুদ্ধ হইলে আচার্যের বাড়ীর সম্মুখবর্তী স্থানসকল লোকে লোকারণ্য হইয়া উঠিল। প্রভুকে দর্শন করিবার ভক্ত বাহির হইতে লোকসকল আর্তি প্রকাশ করিতে লাগিলেন। তখন প্রভু আচার্যের অভিপ্রায়মত জনকয়েক ভক্তের সহিত ছাদে উঠিয়া দাঁড়াইলেন। উপস্থিত ভক্তগণ প্রভুর দর্শনে পূর্ণমনোরথ হইয়া আনন্দধ্বনি করিতে লাগিলেন। ইতিমধ্যে নিত্যানন্দ নবদ্বীপবাসিগণকে সঙ্গে লইয়া শান্তিপু্রে উপনীত হইলেন। যাইবার পথঘাট বন্ধ, অগ্রসর হওয়া দুষ্কর। কিন্তু নদীয়াবাসীরা আসিতেছেন শুনিয়া উপস্থিত লোকমণ্ডলী তাঁহাদের যাইবার পথ করিয়া দিতে লাগিলেন। নিত্যানন্দও নদীয়াবাসিগণকে লইয়া ক্রমে ক্রমে অগ্রসর

হইয়া আচার্য্যের বাটীর সম্মুখে পৌছিলেন। শ্রীগৌরাজ দেখিলেন, শচীমাতা দোলায় চড়িয়া আসিয়াছেন। তৎক্ষণাৎ ছাদ হইতে নামিয়া আসিয়া জননীর চরণতলে নিপতিত হইলেন। শচীদেবী নিজের প্রাণধন নিমাইচাঁদকে কোলে লইয়া চুষন করিলেন, এবং বলিলেন, “বাপ্, নিমাই! বিশ্বরূপ সন্ন্যাস করিয়া আর আমাদের দেখা দেয় নাই। বাপ্, রে! তুমিও যদি নিষ্ঠুর হও, তবে আমি নিশ্চয়ই প্রাণে মরিব।” প্রভু জননীর চরণে বারংবার নমস্কার করিয়া বলিলেন, “মা, এ শরীর তোমার, আমি চিরজীবনেও তোমার ঋণ পরিশোধ করিতে পারিব না; তুমি যাহা বলিবে, আমি তাহাই করিব। যদিও না জানিয়া সন্ন্যাসী হইয়াছি, তোমাকে কখনই ভুলিতে পারিব না।” তখন আচার্য্যরত্ন শচী ও নিমাইকে অভ্যস্তুরে লইয়া গেলেন। নিত্যানন্দ প্রভৃতি অন্তরঙ্গ ভক্তগণও তাঁহাদের অনুগমন করিলেন। শ্রীগৌরাজ নদীয়াবাসী সকলকেই যথাযোগ্য অভ্যর্থনা করিয়া শান্ত করিলেন।

এই দিবস শচীদেবী স্বয়ং শ্রীগৌরাজের রন্ধনকার্য্যের ভার লইলেন। অত্যন্ত সময়ের মধ্যেই নানাবিধ অন্নব্যাঞ্জনাদি প্রস্তুত হইল। শ্রীগৌরাজ নিত্যানন্দের সহিত ভোজনে বসিলেন। আচার্য্য নিজে পরিবেশন করিতে লাগিলেন। সীতাদেবী তাঁহার সহায়তা করিতে লাগিলেন। প্রভুর ইচ্ছা, অল্প কিছু ভোজন করিয়াই উঠেন। কিন্তু আচার্য্যের নিতাস্তুর অনুরোধে তাহা করিতে পারিলেন না। সন্ন্যাসীর অধিক ভোজন অকর্তব্য বলিয়া বারবার আচার্য্যকে অনুনয় করিতে লাগিলেন, কিন্তু ফলে আচার্য্যের ইচ্ছানুরূপ ভোজন না করিয়া থাকিতে পারিলেন না। ভোজনকালে আচার্য্য ও নিত্যানন্দে অনেক হাস্য পরিহাস হইল। প্রভুর ভোজন দেখিয়া ভক্তগণ সকলেই সন্তোষ লাভ করিলেন। প্রভু, ভোজন সমাপ্ত হইলে, আচমন করিলেন। তদনন্তর আচার্য্য ভক্তগণকেও পরিতোষরূপে ভোজন করাইলেন। প্রতিদিন এইপ্রকার মহামহোৎসব হইতে লাগিল। চতুর্দিক হইতে নানাবিধ সামগ্রী আসিয়া আচার্য্যের ভবনে উপস্থিত হইতে লাগিল। স্নানভোজনাদিতে মধ্যাহ্নকাল অতিবাহিত হয়। অপরাহ্নে সঙ্কীর্ণন। ভক্তগণের আনন্দের সীমা নাই। সকলেরই ইচ্ছা, এইরূপেই দিন যায়। কিন্তু উহা স্থায়ী হইল না। কয়েকদিন পরে শ্রীগৌরাজ আচার্য্যকে বলিলেন, “সন্ন্যাসীর একস্থানে অধিকদিন বাস করা উচিত নহে, আমি স্থানান্তরে যাইব।” প্রভুর এই কথা শুনিয়া ভক্তগণ সকলেই কাঁদিতে লাগিলেন। শচীমাতাও কাঁদিয়া আকুল হইলেন। শেষে

সর্বসম্মতিতে প্রভুর নীলাচলে গমন ও সেই স্থানেই বাস স্থির হইল। কারণ, নীলাচলে বঙ্গদেশীয় লোক প্রায়ই যাইয়া থাকেন, তথায় থাকিলে শচীমাতা সচরাচর প্রভুর স্মৃতি পাইতে পারিবেন। ভক্তগণও তাহাতেই সম্মত হইলেন। শ্রীগৌরান্দ্র জননীর ও ভক্তগণের অভিপ্রায়মত নীলাচলেই বাস করিতে সম্মত হইয়া, ভক্তগণকে বলিলেন, “বাপ্ সকল, তোমরা আমার প্রাণতুল্য। আমি প্রাণ থাকিতে তোমাদিগকে বিস্মৃত হইতে পারিব না। তোমরা সকলেই নিজ নিজ গৃহে যাইয়া কৃষ্ণকথা, কৃষ্ণনাম ও কৃষ্ণারাদনায় কালাতিপাত কর। আমি এক্ষণে নীলাচলে চলিলাম, মধ্যে মধ্যে আসিয়া তোমাদিগের সহিত দেখা করিব, এবং তোমরাও সময়ে সময়ে তথায় যাইয়া আমার সহিত দেখা করিতে পারিবে।” প্রভুকে ছাড়িয়া থাকিতে সকলেরই প্রাণ কাঁদিয়া উঠিল, অন্তরাত্মা আকুল হইল, কিন্তু কেহই তাঁহার কথার উপর কথা কহিতে পারিলেন না। কেহই সাহস করিয়া কোন কথা বলিতে পারিলেন না বটে, কিন্তু তাঁহাদিগের আকার প্রকারই তাঁহাদিগের অভিপ্রায় ব্যক্ত করিল। প্রভুও ভাবগতি দেখিয়া অনেক প্রকার বুঝাইয়া তাঁহাদিগের সান্ত্বনা করিলেন। ভক্তগণ ক্রমে ক্রমে বিদায় লইয়া নিজ নিজ গৃহে গমনপূর্বক প্রভুর আজ্ঞা প্রতিপালনে প্রবৃত্ত হইলেন। অদ্বৈতাচার্যের অনুরোধে কয়েকজন অতীব অন্তরঙ্গ ভক্তের সহিত প্রভু আরও কয়েকদিন শান্তিপুরেই থাকিলেন। পরিশেষে নিত্যানন্দ, জগদানন্দ, দামোদর, গোবিন্দ ও মুকুন্দ এই পাঁচজনকে সঙ্গে লইয়া প্রভু শান্তিপুর আধার করিয়া গঙ্গাতীর দিয়া ছত্রভোগপথে নীলাদি অভিমুখে যাত্রা করিলেন। ইহারা পাঁচজনেই সন্ন্যাসী ছিলেন। প্রভু যাইবার সময় স্বীয় জননীর রক্ষণাবেক্ষণের ভার আচার্য্যকে সমর্পণ করিয়া গেলেন।

### নীলাচল যাত্রা।

প্রভু যে ছত্রভোগের পথে চলিয়াছেন, ঐ ছত্রভোগ গঙ্গার দক্ষিণসীমা। গঙ্গা-দেবী এই পর্য্যন্ত আসিয়া শতমুখী হইয়া সমুদ্রে প্রবেশ করিয়াছিলেন। এই ছত্রভোগ এখন ডায়মণ্ড হারবার সবডিভিসনের মথুরাপুর থানার অন্তর্গত খাড়ি নামক গ্রামে অবস্থিত। এই স্থান জয়নগর মঞ্জিলপুর হইতে প্রায় তিন ক্রোশ দূরবর্তী। তখন গঙ্গা এই স্থান দিয়াই সাগরে মিলিত হইয়াছিলেন।

প্রভু যখন ছত্রভোগে আগমন করেন, তখন ছত্রভোগ একটি সমৃদ্ধিসম্পন্ন নগর ছিল। ঐ নগরটি তাৎকালিক গৌড়রাজ্যের দক্ষিণসীমান্ত ছিল। তথায় গৌড়াধিপতির অধীনস্থ রামচন্দ্র খান নামে একজন রাজা ছিলেন। ছত্রভোগ তখন গঙ্গাসাগরসঙ্গমস্থল বলিয়া সাধারণ লোকের এবং পীঠস্থান বলিয়া শাক্তদিগের একটি প্রধান তীর্থস্থান ছিল। শ্রীগৌরানন্দ ঐ তীর্থে আসিয়াই অশুলিঙ্গ ঘাটে গঙ্গায় অবগাহন করিলেন। ভক্তগণও তাঁহার সহিত অবগাহন করিলেন। স্নানাদি সমাপনের পর প্রভু তীরে উঠিলেন, এমন সময়ে সন্ন্যাসীর আগমনের জনরব শুনিয়া রামচন্দ্র খান সেই স্থানে আসিয়া উপস্থিত হইলেন। রামচন্দ্র খান রাজকীয় অভিমানে দোলায় চড়িয়া আসিয়াছিলেন, কিন্তু প্রভুর চরণ দর্শনমাত্র তাঁহার সে অভিমান দূরীভূত হইল। নবীন সন্ন্যাসীর তেজে মুগ্ধ ও ভীত হইয়া তৎক্ষণাৎ দোলা হইতে অবতরণ পূর্বক প্রভুর চরণতলে পতিত হইলেন। প্রভুর কিন্তু দৃকপাতও নাই।

“প্রভুর নাহিক বাহু প্রেমানন্দজলে।

হা হা জগন্নাথ প্রভু বলে ঘনে ঘন।

পৃথিবীতে পড়ি ক্ষণে করয়ে ক্রন্দন ॥

নিত্যানন্দ অকস্মাৎ সেই স্থানে রামচন্দ্র খানের আগমন প্রভুরই লীলা খেলা বুঝিয়া বলিলেন, “প্রভো, আপনার পদতলে শরণাগত ভক্তটির প্রতি একটু কৃপা-দৃষ্টি করুন।” প্রভু নিত্যানন্দের এই কথায় কিঞ্চিৎ বাহু পাইলেন, এবং রাজাকে দেখিয়া বলিলেন, “বাপ্, তুমি কে?” রামচন্দ্র খান বলিলেন, “আমি অতি ছার, আপনার দাসের দাস হইতে বাসনা করি।” রামচন্দ্রের অনুরোধবর্গ বলিলেন, “প্রভু, ইনি রামচন্দ্র খান, এই প্রদেশের রাজা।” প্রভু বলিলেন, “ভাল, তুমি এই দেশের অধিকারী, আমি কল্যাণ প্রাপ্তে নীলাচলচন্দ্রকে দর্শন করিতে যাইব, তুমি কি আমাদিগের কিছু সাহায্য করিতে পারিবে?” এই বলিয়াই প্রভু প্রেম-ভরে মূচ্ছিত হইয়া পড়িলেন।

প্রভুর চৈতন্য হইলে, রামচন্দ্র খান বলিলেন, “প্রভুর আজ্ঞা আমার অবশ্য পালনীয়। কিন্তু সময়টি বড়ই বিধম। গৌড়াধিপের সহিত উৎকলা-ধিপের যুদ্ধবিগ্রহ চলিতেছে। উভয়ের অধীনস্থ রাজারা স্থানে স্থানে পথ রোধ করিয়া রাখিয়াছেন। আমিও রাজভৃত্য। কোনরূপ দোষ পাইলে, আর আমার রক্ষা নাই। বাহাই হউক, আমার জাতি ও প্রাণ যায় যাইবে, আপনি দিবাতাগ এইস্থানেই অতিবাহিত করুন, আমি রাত্রিতে আপনাকে যে কোন সুরোগে

পাঠাইয়া দিব, ভৃত্য বলিয়া ঘেন মনে থাকে।” প্রভু রামচন্দ্র খানের কথা শুনিয়া সম্বষ্ট হইলেন। হাসিয়া তাঁহার প্রতি শুভদৃষ্টিপাত করিলেন। রামচন্দ্র খান প্রভুর আজ্ঞা পাইয়া এক ব্রাহ্মণের বাড়ীতে সাহুচর প্রভুর ভিক্ষার আয়োজন করিয়া দিলেন। পাকাদি প্রস্তুত হইলে, প্রভু সহচরগণের সহিত ভোজন করিতে গেলেন। প্রভু সদাই আবেশে আছেন, ভোজনের প্রতি লক্ষ্য নাই, নামমাত্র ভোজন করিয়া উঠিলেন। ঘন ঘন বলিতে লাগিলেন, “জগন্নাথ কতদূর?” ভোজনের পর মুকুন্দ কীর্তন আরম্ভ করিলেন। প্রভু নৃত্য করিতে লাগিলেন। ছত্রভোগবাসী লোক সকল প্রভুর মুহুমূহ অশ্রু, কম্প, হুঙ্কার, পুলক, স্তম্ভ ও শ্বেদ প্রভৃতি দর্শন করিয়া বিস্মিত হইতে লাগিলেন। রাত্রি প্রায় তৃতীয় প্রহর পর্য্যন্ত এইরূপ ব্যাপার হইতে লাগিল। রাত্রি যখন তৃতীয় প্রহর, তখন প্রভু কিঞ্চিৎ স্থির হইলেন। এই সময়ে রামচন্দ্র খান আসিয়া বলিলেন, “নৌকা ঘাটে উপস্থিত, প্রভুর শুভাগমন হউক।” শুনিবামাত্র প্রভু “হরি হরি” বলিয়া উঠিলেন। রামচন্দ্র খান সপরিবার প্রভুকে লইয়া নৌকায় আরোহণ করাইলেন। পরে তিনি প্রভুকে প্রণাম করিয়া বিদায় গ্রহণ করিলেন। নাবিকগণ নৌকা ছাড়িয়া দিল। নৌকা তীর ত্যাগ করিলে, প্রভু মুকুন্দকে কীর্তন করিতে ইঙ্গিত করিলেন। মুকুন্দ কীর্তন আরম্ভ করিলেন। প্রভু নৃত্য আরম্ভ করিয়া দিলেন। নাবিকগণ প্রভুর ভাবগতি দেখিয়া বলিল, “গোসাঁই, স্থির হউন; পথ অতীব দুর্গম, সদাই ডাকাইত ফিরিতেছে, জলে কুস্তীর, কুলে বাঘ, সর্বত্রই প্রাণের আশঙ্কা; উড়িয়ার সীমা না পাওয়া পর্য্যন্ত আপনারা স্থির হইয়া থাকুন।” নাবিকদিগের কথা শুনিয়া ভক্তগণ নীরব হইলেন। প্রভু হুঙ্কার দিয়া বলিলেন, “কিসের ভয়, তোমরা নির্ভয়ে কীর্তন কর; এই দেখ, সুরদর্শন চক্র তোমাদিগকে রক্ষা করিতেছে।” আবার কীর্তন আরম্ভ হইল। নৌকা নির্বিঘ্নে উৎকলের সীমায় আসিয়া পৌঁছিল। নাবিকেরা প্রভুকে ভক্তগণের সহিত প্রয়াগঘাটে নামাইয়া দিয়া চলিয়া গেল।

প্রয়াগগাট ডায়মণ্ড হারবারের নিকটস্থ মজ্জেশ্বর নদীর একটি ঘাট। রাজা বৃধিশির তীর্থভ্রমণকালে এইস্থানে মহেশ নামক শিবলিঙ্গ স্থাপন করেন। প্রভু নৌকা হইতে নামিয়া স্নানান্তর ভক্তগণের সহিত উক্ত শিবলিঙ্গ দর্শন করিলেন। পরে ভক্তগণকে একস্থানে রাখিয়া স্বয়ংই ভিক্ষা করিতে গেলেন। ভক্তগণ বসিয়া কৌতুক দেখিতে লাগিলেন। অন্নক্ষণের মধ্যেই প্রভু ভিক্ষাদ্রব্য লইয়া ভক্তগণের নিকট প্রত্যাগমন করিলেন। ভক্তগণ দেখিলেন, প্রভু যাহা ভিক্ষা

করিয়া আনিয়াছেন, তাহা তাঁহাদের পক্ষে প্রচুর। তাঁহারা ঐ ভিক্ষালব্ধ দ্রব্য দেখিয়া হাসিতে হাসিতে বলিলেন, “প্রভু, বোধ হইতেছে, আমাদিগকে পোষণ করিতে পারিবেন। . জগদানন্দ ভিক্ষাদ্রব্য সকল লইয়া পাক করিলেন। পাক সমাধা হইলে, প্রভু ভক্তগণের সহিত ভোজন করিতে বসিলেন। ভোজনের পর কীর্ত্তন আরম্ভ হইল। এইভাবে তাঁহাদের এই দিবস ঐ স্থানেই কাটিয়া গেল।

পরদিন প্রত্যুষে প্রভু ভক্তগণের সহিত পুনর্বার যাত্রা করিলেন। কিছুদূর যাইতে না যাইতেই এক দৃষ্ট দানী আসিয়া তাঁহাদিগের পথ রোধ করিল। সে বলিল, “পথকর না পাইলে, আর যাইতে দিব না।” পরক্ষণেই দৃষ্ট দানী প্রভুর তেজ দেখিয়া সবিস্ময়ে বলিল, “গোসাঁই, তোমরা কয়জন?” প্রভু বলিলেন, “আমি একাকী, এ জগতে আমার আমার বলিতে কেহ নাই।” এই কথা শুনিয়া দানী প্রভুকে পথ ছাড়িয়া দিল। প্রভু “গোবিন্দ” বলিয়া যাত্রা করিলেন। ভক্তগণ প্রভুর নিরপেক্ষ ভাব দেখিয়া হস্ত সংবরণ করিতে পারিলেন না। দানী বলিল, “তোমরা ত গোসাঁইর লোক নও, তোমাদিগকে দান না দিলে ছাড়িব না।” অগত্যা তাঁহারা বসিয়া রহিলেন। এদিকে প্রভু কিছুদূর যাইয়া সুর করিয়া কাদিতে আরম্ভ করিলেন। তাঁহার সেই রোদনে কাষ্ঠপাষণাদিও দ্রবীভূত হইতে লাগিল। দানী প্রভুর ভাবগতি দেখিয়া সবিস্ময়ে নিত্যানন্দ প্রভুকে জিজ্ঞাসা করিল, “গোসাঁই, সত্য করিয়া বল, তোমরা কাহার লোক? আর ঐ গোসাঁই বা কে?” নিত্যানন্দ বলিলেন, “আমরা গোসাঁইরই লোক, উঁহার নাম কৃষ্ণচৈতন্য। দানী শুনিয়া প্রভুর নিকটে যাইয়া তাঁহার চরণে পতিত হইয়া বলিল, “প্রভো, অপরাধ ক্ষমা কর, এই দীনের প্রতি কৃপাদৃষ্টি কর।” প্রভু শুনিয়া প্রসন্ন হইয়া দানীর প্রতি কৃপাকটাক্ষ নিক্ষেপ করিলেন। দানী কৃতার্থ হইয়া প্রণতি সহকারে প্রভুর ভক্তগণকেও ছাড়িয়া দিল।

অনন্তর প্রভু ভক্তগণের সহিত অবিশ্রান্ত গমন করিতে লাগিলেন। এইরূপে তাঁহারা মেদিনীপুর ও উড়িষ্যার মধ্যস্থিত সূবর্ণরেখা নামী নদী পার হইয়া বালেশ্বর জেলার অন্তর্গত জলেশ্বর নামক স্থানে উপনীত হইলেন। এ স্থানে জলেশ্বর নামক শিবলিঙ্গ দর্শন করিয়া পরদিন বাঁশধা নামক স্থানে উপস্থিত হইলেন। প্রভু ঐ দিন বাঁশধাতেই থাকিয়া এক শাক্তকে কৃতার্থ করিয়া তৎপরদিবস রেমুণায় গমন করিলেন। রেমুণায় ক্ষীরচোরা গোপীনাথ দর্শন করিয়া ঐ

দিবস ঐ স্থানেই অবস্থান করিলেন। ক্ষীরচোরা গোপীনাথের সঙ্ক্ষিপ্ত বিবরণ শ্রীচৈতন্যচরিতামৃত হইতে নিয়ে উদ্ধৃত হইল।

মাধবেন্দ্র পুরী যখন গোবর্দ্ধনে বাস করেন, তখন তিনি স্বপ্নাদেশে নিবিড় কুঞ্জ হইতে শ্রীগোপালদেবকে প্রাপ্ত হইয়া তাঁহার সেবা প্রকট করেন। পরে তিনি ঐ শ্রীগোপালদেবের স্বপ্নাদেশে মলয়জ চন্দন আনয়নার্থ দক্ষিণ দেশে আগমন করিয়া পথিমধ্যে রেমুণায় গোপীনাথকে দর্শন করেন। গোপীনাথ দর্শনের পর তিনি যখন পূজারীর নিকট গোপীনাথের ভোগের বিবরণ জিজ্ঞাসা করেন, তখন পূজারী অপরাপর ভোগের সহিত অমৃতকেলি নামক ক্ষীরভোগের কথা বলেন। ঐ ক্ষীরভোগের কথা শুনিয়া পুরী গোসাঁই মূনে করেন, যদি আমি ঐ ক্ষীরভোগ কিঞ্চিৎ পাই, তবে উহা আশ্বাদন করিয়া দেখি, এবং আশ্বাদনে ভাল হইলে, আমি শ্রীবৃন্দাবনে যাইয়া আমার গোপালকে ঐ প্রকার ক্ষীরভোগ লাগাই। কিন্তু পরে তিনি ঐ ইচ্ছা অসম্ভব বুঝিয়া লজ্জিত হইয়া বিষ্ণু স্মরণ পূর্বক নিজভজনে নিবিষ্ট হইলেন। এদিকে গোপীনাথ ঐ ক্ষীরভোগের এক ভাণ্ড চুরি করিয়া পূজারীকে স্বপ্নে আদেশ করেন যে, তুমি উঠিয়া আমার বস্ত্রমধ্য হইতে ক্ষীরভাণ্ড লইয়া মাধবেন্দ্রপুরীকে প্রদান কর। পূজারী উঠিয়া গোপীনাথের আদেশমত ক্ষীরভাণ্ড লইয়া মাধবেন্দ্রপুরীকে অশ্বেষণ করিয়া ঐ ক্ষীরভাণ্ড প্রদান করেন। মাধবেন্দ্রপুরী পূজারীর মুখে গোপীনাথের ক্ষীরচুরির কথা শুনিয়া প্রেমাবেশে উন্মত্ত হইয়া ক্ষীরপ্রসাদ গ্রহণ পূর্বক প্রতিষ্ঠার ভয়ে ঐ রজনীতেই ঐ স্থান হইতে প্রস্থান করেন। মাধবেন্দ্র পুরীর জন্ম ক্ষীরভাণ্ড চুরি করাতেই গোপীনাথের “ক্ষীরচোরা” নাম হয়।

প্রভু রেমুণা হইতে যাজপুরে গমন করিলেন। যাজপুরে বৈতরণী নদীর দশাশ্বমেধ নামক ঘাটে স্নান, ব্রাহ্মণনগরে বরাহমূর্তি দর্শন এবং নাভিগয়াতে বিরজা দেবীকে দর্শন করিয়া দুই এক দিন ঐ স্থানেই বাস করিলেন। পরে কটক নগরে যাইয়া সাক্ষীগোপাল দর্শন করিলেন। তৎকালে সাক্ষীগোপাল কটকেই ছিলেন। সাক্ষীগোপালের সঙ্ক্ষিপ্ত ইতিবৃত্তও শ্রীচৈতন্যচরিতামৃত গ্রন্থ হইতে নিয়ে উদ্ধৃত হইল।

বিদ্যানগরের দুই ব্রাহ্মণ তীর্থযাত্রা করেন। উহাদের একজন অধিকবয়স্ক ও একজন অল্পবয়স্ক ছিলেন। অল্পবয়স্ক ব্রাহ্মণ তীর্থে যাইয়া অধিকবয়স্ক ব্রাহ্মণের অনেক সেবা করেন। বড়বিপ্র ছোটবিপ্রের সেবার সম্বন্ধ হইয়া শ্রীবৃন্দাবনে শ্রীগোবিন্দদেবের মন্দিরের নিকটবর্তী গোপালদেবের সাক্ষাতে



ঠাহাকে নিজ কন্ঠা সম্প্রদানের প্রতিজ্ঞা করেন । কিন্তু তিনি তীর্থ হইতে প্রত্যা-  
 গত হইয়া আত্মীয় স্বজনের অরুরোধে কন্ঠাদান প্রতিজ্ঞা অস্বীকার করেন । শেষে,  
 গোপালদেব স্বয়ং আসিয়া যদি সাক্ষী দেন, তবে আমি ছোট বিপ্রকে কন্ঠাদান  
 করিব, এই কথা বলেন । তদনুসারে ছোট বিপ্র গোপালকে শ্রীবৃন্দাবন  
 হইতে বিদ্যানগরে লইয়া আইসেন । গোপাল আসিয়া সাক্ষী দিয়া বড়বিপ্রের  
 প্রতিজ্ঞা রক্ষা করেন । তদবধি গোপাল “সাক্ষিগোপাল” নামে প্রসিদ্ধ হইয়া  
 উক্ত ভক্ত বিপ্রদ্বয়কে কৃতার্থ করিবার নিমিত্ত বিদ্যানগরেই বিরাজ করিতে  
 থাকেন । পরে উৎকলরাজ পুরুষোত্তম বিদ্যানগর জয় করিয়া গোপালকে কটকে  
 লইয়া যান । সম্প্রতি গোপাল যে স্থানে বিরাজ করিতেছেন, সেই স্থানও  
 সাক্ষিগোপাল নামেই উক্ত হইয়া থাকে ।

### দ গু ভঙ্গ ।

সাক্ষিগোপাল দর্শনের পর প্রভু ভুবনেশ্বর দর্শনার্থ যাত্রা করিলেন । ভুবনেশ্বর  
 একাত্মকাননে অবস্থিত । প্রভু একাত্মকাননে উপনীত হইয়া তত্রত্য বিন্দুসরোবরে  
 স্নান করিয়া ভুবনেশ্বর দর্শন করিলেন । পরে খণ্ডগিরি ও উদয়গিরি দর্শন করিয়া  
 পুরীর অভিমুখে প্রয়াণ করিলেন । পথে কমলপুর নামক স্থানে ভাগী নামী  
 নদীতে স্নান করিবার সময় প্রভু নিজের দণ্ডটি নিত্যানন্দের হস্তে সমর্পণ  
 করিলেন । নিত্যানন্দ দণ্ডটি প্রভুর অজ্ঞাতসারে ভগ্ন করিয়া ভাগীনদীর জলে  
 নিক্ষেপ করিলেন । প্রভু স্নানান্তর কপোতেশ্বর দর্শন করিয়া শ্রীমন্দিরের ধ্বজা  
 দর্শন করিলেন । তিনি শ্রীমন্দিরের ধ্বজা দেখিয়াই আবিষ্ট হইয়া গমন করিতে  
 লাগিলেন, দণ্ডের কথা মনে হইল না । পরে যখন আঠারনালার নিকট  
 পৌঁছিলেন, তখন দণ্ডের কথা মনে পড়িল । দণ্ডের কথা মনে হইলে, নিত্যানন্দের  
 নিকট দণ্ড প্রার্থনা করিলেন । নিত্যানন্দ বলিলেন, “দণ্ড ভাঙ্গিয়া গিয়াছে ।  
 প্রভু শুনিয়া কিঞ্চিৎ ক্রষ্টভাবে বলিলেন, “নীলাচলে আসিয়া তোমরা আমার  
 বিশেষ হিতসাধন করিলে, সবে ধন একটি দণ্ড ছিল তাহাও ভাঙ্গিয়া ফেলিলে ;  
 অতএব আর আমি তোমাদিগের সঙ্গে যাইব না, হয় তোমরা আগে যাও, না  
 হয় আমি আগে যাইব ।” প্রভুর ভাবগতি বুঝিয়া মুকুন্দ বলিলেন, “প্রভুই অগ্রে

গমন করুন, আমরা পশ্চাৎ পশ্চাৎ যাইতেছি।” মুকুন্দের কথা শুনিয়া প্রভু ক্রতপদে অগ্রে অগ্রে গমন করিতে লাগিলেন। নিত্যানন্দাদি ভক্তগণ পশ্চাৎ পশ্চাৎ যাইতে লাগিলেন। কিছুদূর যাইয়াই প্রভু উর্দ্ধ্বাসে দৌড়িতে আরম্ভ করিলেন। ভক্তগণ প্রভুর সঙ্গ হারাইলেন।

### শ্রীশ্রীজগন্নাথদর্শন। (১)

এদিকে প্রভু একদৌড়ে আসিয়াই শ্রীমন্দিরের অভ্যন্তরে প্রবেশ করিলেন। শ্রীমন্দিরে প্রবেশমাত্রই জগন্নাথ দর্শন হইল। দর্শনমাত্র আবিষ্ট হইয়া প্রভু জগন্নাথকে ক্রোড়ে লইবার ইচ্ছায় অগ্রসর হইলেন, কিন্তু ক্রোড়ে লইতে পারিলেন না। পড়িয়া গেলেন। জগন্নাথের অঙ্ক প্রহরিগণ প্রভুকে তদবস্থ

(১) শ্রীগৌরানন্দমহাপ্রভুর জগন্নাথদর্শনপ্রসঙ্গে শ্রীজগন্নাথমাহাত্ম্যসূচক কতিপয় শাস্ত্রংমাণ নিম্নে উদ্ধৃত হইল—

“সমুদ্রশ্রোতরে তীরে আস্তে শ্রীপুরুষোত্তমে ।  
 পূর্ণানন্দময়ং ব্রহ্ম দারুব্যাজশরীরভূৎ ॥ পদ্মপুরাণে  
 ‘নীলাদ্রৌচোৎকলেদেশে ক্ষেত্রে শ্রীপুরুষোত্তমে ।  
 দারুণ্যাস্তে চিদানন্দো জগন্নাথাত্মাঃ স্তিনা ॥ বৃহৎ বিষ্ণুপুরাণে  
 “ভারতে চোৎকলে দেশে ভূসর্গে পুরুষোত্তমে ।  
 দ্বাররূপোজগন্নাথো ভক্তানাংভয়প্রদঃ ।  
 নরচেষ্টামুপাদায় আস্তে মোক্ষককারকঃ ॥ তত্শ্যামলে  
 “অহো ক্ষেত্রশ্রুতমাহাত্ম্যং সমস্তাদ্দশযোজনম্ ।  
 দিবিষ্ঠা যত্র পশুস্তি সর্বানিব চতুর্ভূজান্ । ব্রহ্মপুরাণে  
 স্পর্শনাদেব তৎক্ষেত্রং নৃণাম্ মুক্তিপ্রদায়কম্ ।  
 যত্র সাক্ষাৎপরংব্রহ্ম ভাতি দারবলীলয়া ॥  
 অপি জন্মশতৈঃ সাত্রে হুঁরিতাচারতৎপরঃ ।  
 ক্ষেত্রেহস্মিন্ সঙ্গমাত্রৈণ জায়তে বিষ্ণুনা সমম্ ॥ বহুচপরিশিষ্টে  
 শ্রবণাঐক্যপারৈর্ঘৎ কথঞ্চিদৃশ্যতে মহঃ ।  
 লীলাত্রিশিখরে ভাতি সর্বগাক্ষয়গোচরঃ ॥  
 তমেব পরমাত্মানং যে প্রপশুস্তি মানবাঃ ।  
 তে যান্তি ভবনং বিকোঃ কিং পুনর্ঘে ভবাদৃশাঃ ॥ পদ্মপুরাণে—

দেখিয়া প্রহার করিতে উত্তত হইল। দৈবযোগে ঐ স্থানে সার্কভৌম ভট্টাচার্য্য উপস্থিত ছিলেন। তিনি জগন্নাথকে দর্শন করিতে করিতে হঠাৎ দেখিলেন, একজন নবীন সন্ন্যাসী আসিয়া জগন্নাথ দেবের সন্মুখে প্রেমমূর্ছা প্রাপ্ত হইলেন, এবং প্রহরিগণ তাঁহাকে প্রহার করিতে উত্তত হইল। তদর্শনে তিনি প্রহরীদিগের নিকটে যাইয়া তাহাদিগকে প্রহার করিতে নিষেধ করিলেন। পরে ঐ নবীনসন্ন্যাসীর অদ্ভুত অশ্রু, কম্প ও পুলকাদি সাত্ত্বিকবিকার সকল দেখিতে লাগিলেন। তিনি প্রভুর ঐ সকল অদ্ভুত প্রেমবিকার নিরীক্ষণ করিয়া অতিশয় বিস্ময়াবিষ্ট হইলেন। দেখিতে দেখিতে অনেকক্ষণ চলিয়া গেল, জগন্নাথদেবের ভোগের কাল উপস্থিত হইল, কিন্তু নবীনসন্ন্যাসীর চৈতন্যোদয় হইল না। তখন সার্কভৌম ভট্টাচার্য্য মনে মনে উপায় চিন্তা করিয়া প্রহরীদিগের সাহায্যে প্রভুকে নিজের আশ্রয়ে লইয়া গেলেন। তিনি বাটীতে আসিয়া প্রভুকে একটি পবিত্র নির্জন স্থানে শয়ন করাইলেন। তখনও প্রভুর চৈতন্যোদয় লক্ষিত হইল না। ভট্টাচার্য্য দেখিলেন, সন্ন্যাসীর উদর স্পন্দিত হইতেছে না, শ্বাস-প্রশ্বাসেরও কোন লক্ষণ দৃষ্ট হইতেছে না। তিনি সন্ন্যাসীর শ্বাসপ্রশ্বাসের লক্ষণ না দেখিয়া সন্ধিগ্ধচিত্তে নাসাগ্রে তুলা ধরিলেন। তুলাটুকু ঈষৎ চলিতে দেখা গেল। তদর্শনে ভট্টাচার্য্য কিঞ্চিং আশ্চর্য হইলেন। মনে মনে ভাবিলেন, একরূপ অদ্ভুত বিকার ত আর কখন দেখি নাই। শাস্ত্রে যে সূদীপ্ত সাত্ত্বিক ভাবের লক্ষণ দেখা যায়, এই সন্ন্যাসীর সেই লক্ষণই দৃষ্ট হইতেছে।

### সার্কভৌমমিলন।

এই সময়ে নিত্যানন্দ প্রভৃতি প্রভুর সঙ্গিগণ আসিয়া জগন্নাথদেবের সিংহদ্বারে উপনীত হইলেন। তাঁহারা সিংহদ্বারে আসিয়াই লোকমুখে শুনিলেন, আজ এক নবীন সন্ন্যাসী জগন্নাথের মন্দিরে আসিয়া মূচ্ছিত হইয়া পড়িয়াছিলেন, সার্কভৌম ভট্টাচার্য্য তাঁহাকে নিজভবনে লইয়া গিয়াছেন। নিত্যানন্দাদি প্রভুর সঙ্গিগণ শুনিয়াই বুঝিলেন, এই নবীন সন্ন্যাসী আর কেহ নহেন, শ্রীমন্মহাপ্রভুই। অনন্তর তাঁহারা সার্কভৌম ভট্টাচার্য্যের ভবনেই যাইবার মনস্থ করিলেন। সার্কভৌম ভট্টাচার্য্য বঙ্গদেশীয়। ইহার নাম বাসুদেব এবং জন্মস্থান নবদ্বীপ। ইনি নবদ্বীপের মহেশ্বর বিশারদের পুত্র। ইনিই মিথিলা হইতে নব্যাক্ষয় কর্তে

করিয়া আনয়ন করেন এবং ইনিই নবদ্বীপে সর্বপ্রথম নব্যশাস্ত্রের প্রচলন করেন। ইনি বঙ্গদেশীয় নব্যশাস্ত্রের আদিগুরু ও আদিগ্রন্থকার। নব্যশাস্ত্রের প্রসিদ্ধ টীকাকার রঘুনাথ শিরোমণি ইঁহারই ছাত্র। স্মার্তচূড়ামণি রঘুনন্দন ভট্টাচার্য্য এবং তান্ত্রিকচূড়ামণি কৃষ্ণানন্দও ইঁহারই ছাত্র ছিলেন। তৎকালে ইঁহার তুল্য পণ্ডিত ভারতে অত্যল্পই ছিলেন। ইঁহার পাণ্ডিত্যের পরিচয় পাইয়াই রাজা প্রতাপরুদ্র ইঁহাকে উড়িষ্যায় আনয়ন ও রাজপণ্ডিতপদে বরণ করেন। এই কারণেই ইঁহার পুরীতে বাস হইয়াছিল। নিত্যানন্দাদি প্রভুর সঙ্গিগণ যখন প্রভুর অনুসন্ধানার্থ ইঁহার আশ্রমে যাইতে অভিলাষ করিলেন, সেই সময়েই তাঁহাদের গোপীনাথ আচার্য্যের সহিত সাক্ষাৎ হইল। গোপীনাথ আচার্য্য সার্বভৌম ভট্টাচার্য্যের ভগিনীপতি, নিবাস নবদ্বীপেই। মুকুন্দের সহিত তাঁহার পরিচয় ছিল। মুকুন্দ গোপীনাথ আচার্য্যকে দেখিয়াই নমস্কার করিলেন। গোপীনাথ আচার্য্য মুকুন্দের সাদরে আলিঙ্গন করিয়া প্রভুর সমাচার জিজ্ঞাসা করিলেন। মুকুন্দ বলিলেন, “প্রভু সন্মাস করিয়া আমাদের সঙ্গ লইয়া এই স্থানেই আসিয়াছেন। তিনি অগ্রে অগ্রে আসিতেছিলেন, আমরা তাঁহার পশ্চাৎ পশ্চাৎ আসিতেছিলাম। এখানে আসিয়া শুনিতেছি, প্রভু জগন্নাথ দর্শন করিতে করিতে মূচ্ছিত হইয়া পড়িয়াছিলেন, সার্বভৌম ভট্টাচার্য্য তাঁহাকে নিজের বাটীতে লইয়া গিয়াছেন। আমরা এই মনে করিতেছিলাম, তোমার সহিত সাক্ষাৎ হইলেই ভাল হয়, দৈবযোগে তাহাই ঘটিল, তোমার সহিত সাক্ষাৎ হইল। ভাল হইল, এখন চল, সকলে মিলিয়া সার্বভৌম ভট্টাচার্য্যের বাটী যাই। অগ্রে প্রভুকে দর্শন করি, পরে আসিয়া জগন্নাথ দর্শন করিব।” গোপীনাথ আচার্য্য প্রভু আসিয়াছেন, শুনিয়া আনন্দে মুকুন্দ প্রভুতিকে লইয়া সার্বভৌম ভট্টাচার্য্যের গৃহে গমন করিলেন। গোপীনাথ আচার্য্য বাটীর মধ্যে প্রবেশ করিয়া প্রভুকে দর্শন করিলেন। প্রভু তখনও সংজ্ঞাহীন অবস্থাতেই আছেন। গোপীনাথ আচার্য্য সার্বভৌম ভট্টাচার্য্যের অনুমতি লইয়া নিত্যানন্দাদি প্রভুর সঙ্গিগণকে প্রভুর নিকট লইয়া গেলেন। সার্বভৌম ভট্টাচার্য্য নিত্যানন্দ প্রভুকে নমস্কার করিলেন এবং মুকুন্দ প্রভুতিকে যথাযোগ্য অভিবাদন করিলেন। পরে যখন শুনিলেন, তাঁহাদের জগন্নাথ দর্শন হয় নাই, তখন নিজের পুত্র চন্দ্রেশ্বরকে সঙ্গে দিয়া তাঁহাদিগকে জগন্নাথ দর্শন করিতে পাঠাইলেন। তাঁহাদিগের আগমনে সার্বভৌম ভট্টাচার্য্য প্রভুর সম্বন্ধে উদ্বেগরহিত হইলেন। এদিকে নিত্যানন্দও জগন্নাথ দর্শনে প্রভুর স্মরণ আবিষ্ট ও মূচ্ছিত হইলেন।

মুকুন্দাদি তাঁহাকে স্তব্ধ করিয়া জগন্নাথের মালাপ্রসাদ লইয়া সঙ্ঘর সার্কভৌম-  
 ভবনে প্রত্যাগমন করিলেন। তাঁহারা আসিয়া প্রভুর চৈতন্যসম্পাদনার্থ  
 কীর্তন আরম্ভ করিলেন। তৃতীয় প্রহরে প্রভুর বাহু হইল। বাহু হইলে, প্রভু  
 ছঙ্কার দিয়া উঠিয়া বসিলেন। সার্কভৌম ভট্টাচার্য্য আনন্দে প্রভুর পদধূলি  
 গ্রহণ করিলেন। পরে প্রভুকে সমুদ্রে স্নান করিতে পাঠাইয়া তাঁহাদিগের  
 ভিক্ষার নিমিত্ত মহাপ্রসাদায় আনাইলেন। প্রভু সঙ্গিগণের সহিত স্বর্গদ্বারে  
 যাইয়া স্নান করিলেন। স্নানান্তর বাটীতে আসিয়া ভক্তগণের সহিত মহা-  
 প্রসাদায় ভোজন করিতে বসিলেন। সার্কভৌম ভট্টাচার্য্য স্বয়ং পরিবেশন  
 করিতে লাগিলেন। প্রভু স্বয়ং কেবল অন্নব্যঞ্জনাদি লইয়া পিষ্টকাদি সঙ্গিগণকে  
 দিতে বসিলেন। সার্কভৌম ভট্টাচার্য্য প্রভুকেও পিষ্টকাদি দিবার চেষ্টা করিলেন,  
 প্রভু গ্রহণে অনিচ্ছা প্রকাশ করিলেন। তদর্শনে সার্কভৌম ভট্টাচার্য্য করযোড়ে  
 বলিলেন, “শ্রীপাদ আপনাকেও পিষ্টকাদি গ্রহণ করিতে হইবে, জগন্নাথ কিরূপ  
 ভোজন করিয়াছেন, আজ তাহা আশ্বাদন করিয়া দেখিতে হইবে।”  
 ভট্টাচার্য্যের আগ্রহে ও অনুরোধে প্রভু সমস্তই ভোজন করিলেন। ভোজন  
 সমাধা হইলে, ভট্টাচার্য্য তাঁহাদিগকে আচমন ও উপবেশন করাইয়া স্বয়ং  
 গোপীনাথচার্য্যের সহিত ভোজন করিবার নিমিত্ত অন্তঃপুরে গমন করিলেন।  
 ভোজন করিয়া পুনশ্চ দুইজনেই প্রভুর নিকট আগমন করিলেন। ভট্টাচার্য্য প্রভুকে  
 দেখিয়া “নমো নারায়ণায়” বলিয়া নমস্কার করিলেন। প্রভু “কৃষ্ণে মতিরস্তু”  
 বলিয়া আশীর্বাদ করিলেন। ভট্টাচার্য্য আশীর্বাদবাক্য দ্বারা প্রভুকে বৈষ্ণব  
 সন্ন্যাসী বুঝিয়া গোপীনাথ আচার্য্যকে বলিলেন, “শ্রীপাদের পূর্বাশ্রম কোন্  
 স্থানে জানিতে অভিলাষ করি।” গোপীনাথ আচার্য্য বলিলেন, “ইহঁার পূর্বাশ্রম  
 নবদ্বীপে, ইনি জগন্নাথমিশ্রের পুত্র ও নীলাধর চক্রবর্ত্তীর দৌহিত্র, ইহঁার নাম  
 বিশ্বম্ভর।” নীলাধর চক্রবর্ত্তীর দৌহিত্র শুনিয়া সার্কভৌম ভট্টাচার্য্য বিশেষ  
 আনন্দ পাইলেন; কারণ, নীলাধর চক্রবর্ত্তী তাঁহার পিতার সহায়ী। প্রভুর  
 পরিচয় পাইয়া সার্কভৌম ভট্টাচার্য্য বলিলেন, “শ্রীপাদ আমার পিতৃ-সম্বন্ধ-হেতু  
 স্বভাবতই পূজ্য, তাহাতে আবার সন্ন্যাসী, আমাকে আপনার নিজ দাস  
 বলিয়াই জানিবেন।” ভট্টাচার্য্যের কথা শুনিয়া প্রভু বিষ্ণুস্মরণ পূর্বক সহজ-  
 বিনয়সহকারে বলিলেন, “আপনি জগতের গুরু, সর্বলোকের হিতকারী,  
 দর্শনশাস্ত্রের অধ্যাপক, সন্ন্যাসীর উপকর্ত্তা; আমি বালক সন্ন্যাসী, ভালমন্দ জ্ঞান  
 নাই, গুরুজ্ঞানে আপনার আশ্রয় লইয়াছি, আপনার সহিত সঙ্গ করিবার

নিমিত্তই আমার এই স্থানে আসা, আপনি আমাকে সর্বপ্রকারেই পালন করিবেন ; আজ আপনি আমাকে কি ঘোরতর বিপদ হইতেই রক্ষা করিয়াছেন ।” ভট্টাচার্য্য প্রভুর সেই বিনয়মধুর বচনে সন্তুষ্ট হইয়া বলিলেন, তুমি আর একাকী দর্শন করিতে যাইও না, আমার সঙ্গে বা আমার লোকের সঙ্গে যাইও ।” প্রভু বলিলেন, “আর আমি মন্দিরের ভিতর যাইব না, বাহিরে থাকিয়াই প্রভুকে দর্শন করিব ।”

অনন্তর ভট্টাচার্য্য গোপীনাথ আচার্য্যাকে বলিলেন, “আমার মাতৃস্মার ভবন অতি নিৰ্জন স্থান, সেই স্থানেই ইহঁার বাসা দাও এবং জলপাত্রাদি যে কিছু প্রয়োজন হয় তাহারও সমাধান করিয়া দাও ।” ভট্টাচার্য্যে আদেশ মত গোপীনাথ আচার্য্য প্রভুকে লইয়া তাঁহার মাতৃস্মার ভবনে বাসা দিলেন এবং জলপাত্রাদিরও সমাধান করিয়া দিলেন । •

পরদিন প্রভাতে গোপীনাথ আচার্য্য প্রভুকে লইয়া প্রথমতঃ জগন্নাথের শয্যাখান দর্শন করাইলেন । পরে রত্নবেদীর উপর সপ্তশ্রীমূর্তি দর্শন করাইলেন । দক্ষিণে বলদেব, তদ্বামে সুভদ্রা, তদনন্তর শ্রীজগন্নাথ । জগন্নাথের দক্ষিণে রক্তময়ী সরস্বতী ও বামে সুবর্ণময়ী লক্ষ্মী । পশ্চাতে নীলমাধব, তৎপশ্চাতে সুদর্শন । ইহাই সপ্ত শ্রীমূর্তি । অনন্তর সিংহদ্বারের সম্মুখস্থ দ্বার হইতে আরম্ভ করিয়া দক্ষিণাবর্তভাবে অন্তবেদী প্রদক্ষিণ পূর্বক অপরাপর দেবমূর্তি সকল দর্শন করাইলেন । প্রথমতঃ অগ্নিকোণে চতুর্ভূজ সত্যনারায়ণ, তৎপশ্চিমে শ্রীশ্রীরাধাকৃষ্ণ, তৎপশ্চিমে অক্ষয়বট, তৎপূর্বে বটপত্রশায়ী বালমুকুন্দ, অক্ষয়বটের দক্ষিণে বিঘ্নহর বিনায়ক, অক্ষয়বটের মূলে মঙ্গলাদেবী, বায়ুকোণে মার্কণ্ডেশ্বর লিঙ্গ তৎপার্শ্বে ইন্দ্রাণী । তদনন্তর অশ্বদ্বার বা দক্ষিণদ্বার । তৎপশ্চিমে সূর্য্যদেব, তৎপশ্চিমে ক্ষেত্রপাল, তৎপশ্চিমে মুক্তিমণ্ডপ, তৎপশ্চিমে লক্ষ্মীনিংহ, তৎপশ্চিমে সিদ্ধিদাতা গণেশ, তৎপার্শ্বে রৌহিণকুণ্ড ও চতুর্ভূজ কাক, তৎপশ্চিমে বিমলাদেবী, তাঁহার দক্ষিণে ভাণ্ডার গৃহ, উত্তরে গোপরাজ নন্দ, তদুত্তরে কৃষ্ণবলরামের গোষ্ঠলীলা, তদুত্তরে ভাণ্ডাগণেশ । তদনন্তর খাজা দ্বার বা পশ্চিমদ্বার । তদুত্তরে মাখনচোর, তদুত্তরে গোপীনাথ, তদুত্তরে সরস্বতীর মন্দির, তদুত্তরে নীলমাধবের মন্দির, তদুত্তরে লক্ষ্মীদেবীর মন্দির, পরে ভদ্রকালী, তৎপরে সূর্য্যনারায়ণ, তৎপূর্বে সূর্য্যদেব, তৎপূর্বে পাতালেশ্বর মহাদেব, তৎপার্শ্বে বলিরাজ । তদনন্তর হস্তিদ্বার বা উত্তরদ্বার । তদ্বামে শীতলা, তৎপশ্চিমে স্বর্গকূপ, তৎপশ্চিমে বৈকুণ্ঠপুরী, পরে স্নানদেবী । এইরূপে শ্রীমূর্তি সকল

দর্শনের পর, শ্রীমন্দিরের পূর্বাংশে ভোগমন্দির, তৎপশ্চিমে নাটমন্দির ও গরুড়-  
স্তম্ভ, তৎপশ্চিমে জগন্মোহন এবং আনন্দ বাজার প্রভৃতিও দর্শন করাইলেন।  
দর্শন সমাধা হইলে, গোপীনাথচার্য্য প্রভুকে বাসায় রাখিয়া মুকুন্দের সহিত  
সার্কভৌম ভট্টাচার্য্যের নিকট গমন করিলেন। সার্কভৌম ভট্টাচার্য্য মুকুন্দকে  
দেখিয়া বলিলেন, “সন্ন্যাসীটির যেমন রূপ, স্বভাবও তেমনি, যেন মূর্ত্তিমান্ বিনয়।  
তাঁহাকে দেখিয়া আমার বড়ই প্রীতি হয়। তিনি কোন সম্প্রদায়ে সন্ন্যাস গ্রহণ  
করিয়াছেন এবং নামই বা কি হইয়াছে?” গোপীনাথচার্য্য বলিলেন, ইহার  
গুরু কেশবভারতী, এবং নাম হইয়াছে, শ্রীকৃষ্ণচৈতন্য।” ভট্টাচার্য্য শুনিয়া  
বলিলেন, নামটি অতি সুন্দর হইয়াছে, সম্প্রদায়টি কিন্তু ভাল হয় নাই।”  
গোপীনাথচার্য্য বলিলেন, “ইহার কিছুমাত্র বাহ্যাপেক্ষা নাই, অতএব বড়  
সম্প্রদায় উপেক্ষা করিয়াছেন।” ভট্টাচার্য্য বলিলেন, ইহার এই যৌবন বয়স,  
কিরূপে সন্ন্যাসধর্ম্ম রক্ষা হইবে, তাহাই আমার চিন্তার বিষয় হইয়াছে। আমি  
ইচ্ছা করিতেছি, ইহাঁকে নিরন্তর বেদান্ত শ্রবণ করাইয়া বৈরাগ্যমূলক অদ্বৈতমার্গে  
প্রবেশ করাইব। আর যদি বলেন, তবে উত্তম সম্প্রদায় আনিয়া পুনর্বার  
যোগপট্ট \* দিয়া সংস্কার করাইব।”

সার্কভৌম ভট্টাচার্য্যের কথা শুনিয়া গোপীনাথ ও মুকুন্দ উভয়েই বিশেষ  
হুঃখিত হইলেন। গোপীনাথচার্য্য কিছু অধীর হইয়া বলিলেন, “ভট্টাচার্য্য, তুমি  
ইহার মহিমা জান না, তাই এমন কথা বলিলে। তোমার দোষও নেই; ভগবান্  
আপনাকে না জানাইলে, কেহই তাঁহার মহিমা বিদিত হইতে পারে না।”  
সার্কভৌম ভট্টাচার্য্যের শিষ্যগণও ঐ স্থানে উপস্থিত ছিলেন। তাঁহারা গোপী-  
নাথচার্য্যের মুখে প্রভুর ঈশ্বরত্বের কথা শুনিয়া কিঞ্চিৎ বিরক্ত হইয়াই বলিলেন,  
“আপনি কোন্ প্রমাণে ইহাঁকে ঈশ্বর বলিয়া স্থির করিয়াছেন?” গোপীনাথচার্য্য  
উত্তর করিলেন,—“আপ্তবাক্যই (১) ইহার ঈশ্বরত্বের প্রমাণ; বিজ্ঞলোকেরা

\* যোগপট্ট সন্ন্যাসীদের বস্ত্রবিশেষ। সন্ন্যাসীরা ঐ বস্ত্র দ্বারা জানু ও পৃষ্ঠ বন্ধনপূর্ব্বক  
উর্দ্ধজানু হইয়া উপবেশন করিয়া থাকেন। সন্ন্যাসিগণ যে সম্প্রদায়ে সংস্কারিত হইয়া যোগপট্ট গ্রহণ  
করেন সেই সম্প্রদায়েরই উপাধি প্রাপ্ত হইয়া থাকেন।

(১) ভ্রম, প্রমাদ, বিপ্রলিপ্সা ও করণাপাটব এই দোষচতুষ্টয়রহিত বেদপুরাণাদিবাক্যকে আপ্ত  
বাক্য কহে। অথবা উক্ত ভ্রমপ্রমাদাদিদোষচতুষ্টয়রহিত ঋষি ও বিজ্ঞদিগের বাক্যকে ও আপ্ত-  
বাক্য বলে। একবস্তুর অল্পবস্তুর বলিয়া বোধ করার নাম ভ্রম। উক্ত ভ্রম আবার বিপর্য্যাস  
ও সংশয় ভেদে ত্রিবিধ। তন্মধ্যে দেহাদিতে আত্মবুদ্ধি বিপর্য্যাস ও একটা স্থানে (শাখাপল্লবাদি-

ইহাঁকে ঈশ্বর বলিয়া থাকেন।” ভট্টাচার্যের দাস্তিক শিষ্যগণ পুনশ্চ বলিলেন, “ইহাঁকে ঈশ্বর বলিয়া অনুমান করিবার পূর্বে, ঈশ্বরত্বসাধক লিঙ্গ অবধারিত হওয়ার প্রয়োজন।” গোপীনাথচার্য্য বলিলেন, “ঈশ্বরের রূপা ব্যতিরেকে ঈশ্বরত্বের জ্ঞান হয় না, ঈশ্বরকে ঈশ্বর বলিয়া বুঝা যায় না ; অনুমান ঈশ্বরের

বিহীন বৃক্ষে) মানুষ বা স্থাপু এইরূপ উভয়বস্তুবিষয়ক নিশ্চয়রহিত জ্ঞানকে সংশয় কহে। পিত্ত ও দূরত্বাদি দোষবশতঃ উক্ত ভ্রম উৎপন্ন হয়। অনবধানতা অর্থাৎ অন্তমনস্কতাকে প্রমাদ বলে। প্রমাদহেতু নিকটে গীয়মানগানকেও উপলক্ষি করা যায় না। বিপ্রলিপ্সা—বকনা করিবার ইচ্ছা ; যেমন স্বীয় জ্ঞাত বিষয়ও শিষ্যের নিকট প্রকাশ না করা। ইন্দ্রিয় সমূহের অপটুতার নাম করণাপাটব ; যেমন মনোযোগ সবেও মনের দুর্বলতাবশতঃ যথার্থরূপে বস্তুর উপলক্ষি না হওয়া। অবাধিত বা যথার্থবিষয়কজ্ঞানকে প্রমা কহে। প্রমাজ্ঞানের সাধনই প্রমাণ। প্রমাণ প্রত্যক্ষ, অনুমান, উপমান, শব্দ (আগম) অর্থাপত্তি, অভাব, সম্ভব ও ঐতিহ্যভেদে অষ্টবিধ। প্রমাণ ভিন্ন প্রমেয় সিদ্ধ হয় না। বিভিন্ন দার্শনিকগণের মধ্যে ঐ প্রমাণ বিষয়ে মতভেদ পরিদৃষ্ট হয়। লোকায়তিকগণ (নাস্তিকগণ) একমাত্র প্রত্যক্ষকে প্রমাণ বলেন। বৌদ্ধ ও বৈশেষিকগণ প্রত্যক্ষ ও অনুমান এই দুইটি প্রমাণ স্বীকার করেন। সাঙ্ঘ্য ও পাতঞ্জল দর্শনকারগণ প্রত্যক্ষ অনুমান ও শব্দ এই ত্রিবিধ এবং শ্রায়দর্শনকার প্রত্যক্ষ, অনুমান, উপমান ও শব্দ এই চতুর্বিধ প্রমাণ স্বীকার করেন। পূর্বমীমাংসকদিগের মধ্যে প্রভাকর প্রত্যক্ষ, অনুমান, উপমান, শব্দ, অর্থাপত্তি এই পঞ্চবিধ ও কুমারিলভট্ট প্রত্যক্ষ, অনুমান, উপমান, শব্দ, অর্থাপত্তি ও অভাব এই ষড়্‌বিধ প্রমাণ স্বীকার করেন। প্রমাণ বিষয়ে শঙ্কর বৈদাস্তিক ও কুমারিল ভট্টের ঐকমত্য প্রবণ করা যায় অর্থাৎ উহারা প্রত্যক্ষ, অনুমান উপমান, শব্দ, অর্থাপত্তি ও অভাব এই ষড়্‌বিধ প্রমাণ স্বীকার করেন। বৈদাস্তিকগণের মধ্যে শ্রীমধ্ব ও শ্রীরামানুজ প্রত্যক্ষ, অনুমান, আগম (শব্দ) এই ত্রিবিধ প্রমাণ স্বীকার করেন। অচিন্ত্যত্বত্বত্ববাদী শ্রীজীবপ্রভুপাদ ও প্রমাণবিষয়ে শ্রীরামানুজ ও মধ্ব মতের অনুগত। তবে সর্বসম্বাদিনীগ্রন্থে প্রমাণসংখ্যা নির্দেশকালে যে প্রত্যক্ষ, অনুমান, শব্দ, আর্ষ, উপমান, অর্থাপত্তি, অভাব, সম্ভব, ঐতিহ্য ও চেষ্টা এই দশবিধ প্রমাণ নির্দেশ করিয়াছেন, উহা প্রমাণ বিষয়ে বিভিন্নমতাবলম্বিগণের মতসংগ্রহ মাত্র। পৌরাণিকগণ প্রত্যক্ষ, অনুমান, উপমান, শব্দ, অর্থাপত্তি, অভাব, সম্ভব ও ঐতিহ্য এই অষ্টবিধ ও তাস্ত্রিকগণ চেষ্টা ও আর্ষ এই দুইটি ও পূর্বোক্ত আটটি, এই দশবিধ প্রমাণ স্বীকার করেন। এই বিষয়ে প্রাচীন কারিকা যথা—

“প্রত্যক্ষমেকং চার্ব্বাকাঃ কণাদমুগতো পুনঃ ।

অনুমানঞ্চ তচ্চাপি সাঙ্ঘ্যাঃ শব্দঞ্চ তে উভে ॥

শ্রায়ৈকদেশিনোহপ্যেবমুপমানঞ্চ কেবলম্ ।

অর্থাপত্ত্যা সইতানি চত্বাৰ্থাহঃ প্রভাকরাঃ ॥

অভাববষ্ঠান্নেতানি ভট্টা বেদাস্তিনস্তথা ।

সম্ভবৈতিহ্যযুক্তানি তানি পৌরাণিকা অন্তঃ ॥”

বেদাস্তকারিকায়াম্



প্রমাণ নহে। সাবয়বহাদি লিঙ্গ দ্বারা বিশ্বকারণ জৈবের অস্তিত্ব সাধিত হইতে পারিলেও, জৈবরতত্ত্ব সাধিত হইতে পারে না। সাবয়ব বস্তুমাত্রই কর্তৃসাপেক্ষ; বিশ্ব সাবয়ব, অতএব বিশ্বও কর্তৃসাপেক্ষ; এইরূপ ব্যাপ্তিলিঙ্গক

প্রত্যক্ষ।

বিষয়ের সহিত সম্বন্ধ বিশিষ্ট ইন্দ্রিয় সকলের নাম প্রত্যক্ষ। প্রত্যক্ষ—প্রতি ও অক্ষ এই দুইটি শব্দযোগে প্রত্যক্ষ শব্দটি নিষ্পন্ন হইয়াছে। প্রতিশব্দ দ্বারা বিষয়ের প্রতি অর্থাৎ বিষয়ের সহিত সম্বন্ধবিশিষ্ট—এইরূপ অর্থ বোধ হয়। অক্ষশব্দ ইন্দ্রিয়বাচক। অতএব বিষয়ের সহিত সম্বন্ধবিশিষ্ট ইন্দ্রিয় প্রত্যক্ষ শব্দের অর্থ। বিষয়ের সহিত ইন্দ্রিয়ের সম্বন্ধ হইলে বিষয়ের যে যথার্থ জ্ঞান জন্মে তাহার নাম প্রত্যক্ষপ্রমাণ। বিষয়সম্বন্ধবিশিষ্ট ইন্দ্রিয় এই প্রত্যক্ষপ্রমাণ সাধন বলিয়া প্রত্যক্ষপ্রমাণ। ইন্দ্রিয় প্রত্যক্ষপ্রমাণ, বিষয়ের সহিত ইন্দ্রিয়ের সম্বন্ধ ব্যাপার বা ফলজনকক্রিয়া; তজ্জন্ত বিষয়গোচরযথার্থজ্ঞান প্রত্যক্ষপ্রমাণ ইহার ফল। প্রত্যক্ষের ফল হান উপাদান ও উপেক্ষা ভেদে ত্রিবিধ। প্রত্যক্ষদ্বারা জ্ঞাতবিষয়টি অনিষ্ট বলিয়া প্রতীয়মান হইলে, তাহাতে যে ত্যাগের প্রবৃত্তি হয় তাহাকে হান বলা হয়। জ্ঞাতবিষয়টি ইষ্ট বলিয়া প্রতীয়মান হইলে, তাহাতে যে গ্রহণের প্রবৃত্তি হয় তাহাকে উপাদান বলা হয়। আর জ্ঞাত বিষয়টি না ইষ্ট না অনিষ্ট বলিয়া প্রতীয়মান হইলে, তাহাতে যে উদাসীন্যবৃত্তি জন্মে তাহার নাম উপেক্ষা। এই ত্রিবিধ বৃত্তির আশ্রয় অস্তঃকরণ বা সূক্ষ্মশরীর। বাহ্য বস্তুর সহিত ইন্দ্রিয়ের সম্বন্ধ হইলে শরীরাবয়ব বিশেষের স্পন্দনরূপ ক্রিয়া উৎপন্ন হয়। ঐ স্পন্দন, জীবাত্তার জ্ঞান-শক্তির উদ্বোধন দ্বারা অস্তঃকরণের সহিত তাদাত্ম্যাপন্ন হইয়া অস্তঃকরণের বৃত্তিরূপে প্রতীয়মান হয়। উহারই নাম বাহ্যপ্রত্যক্ষ। বাহ্যপ্রত্যক্ষের প্রথমাবস্থায় চিত্তবৃত্তি দ্বারা বস্তুর গ্রহণ হয়। ঐ গ্রহণ বিশেষ্যবিশেষণভাবে না হইয়া কেবল স্বরূপের বোধ বলিয়া ঐ জ্ঞানকে সবিবকল্প না বলিয়া নির্বিবকল্পজ্ঞান বলা হইয়া থাকে। সবিবকল্প জ্ঞান বিশেষ্যবিশেষণভাববোধসাপেক্ষ! নির্বিবকল্প-জ্ঞান বিশেষ্যবিশেষণ ভাববোধ নিরপেক্ষ। বিশেষ্যবিশেষণভাবনোধানিরপেক্ষ শব্দের অর্থ বিশেষ্যবিশেষণভাবরহিত নহে, কিন্তু বোধে বিশেষ্যবিশেষণভাবপ্রকাশরহিত; কারণ বিশেষ্য-বিশেষণভাববোধরহিতজ্ঞানই অসম্ভব। জ্ঞানমাত্রই বিশেষ্য-বিশেষণবিষয়ক। অতএব যে জ্ঞানে শুদ্ধস্বরূপ বা বিশেষ্য ভিন্ন কোন বিশেষণ বিষয়রূপে ক্ষুরিত হয় না, সেই জ্ঞানকে নির্বিবকল্প-জ্ঞান বুলিতে হইবে। বস্তু অস্তনিহিত বিষয়ীভবনরূপ ক্রিয়াশক্তি দ্বারা ইন্দ্রিয়সংযুক্ত হইলে, ইন্দ্রিয় চিত্তবৃত্তির সাহায্যে ঐ সংযোগ গ্রহণ করে। ঐ গ্রহণ, বস্তুর স্বরূপমাত্রগ্রহণ। বিশিষ্টানুভব অস্তঃকরণের অপরাপর বৃত্তির ক্ষুরণসাপেক্ষ। গৃহীত বস্তুর স্বরূপ, মনোবৃত্তিতে ধৃত বা রক্ষিত হয়। পরে উহা বুদ্ধিবৃত্তিদ্বারা বিচারপূর্বক অমুক বস্তুর জ্ঞানরূপে অবধারিত হইয়া, অহঙ্কার বৃত্তির সাহায্যে মদীয় অমুক বস্তুর জ্ঞানরূপে অনুভূত হয়। বুদ্ধি-বৃত্তি দ্বারা বিচারপূর্বক অবধারিত যে অমুক বস্তুর জ্ঞান তাহাই সবিবকল্প জ্ঞান। পূর্বোক্ত নির্বিবকল্প-জ্ঞানসহকৃত শেথোক্ত সবিবকল্প-জ্ঞানই বাহ্য প্রত্যক্ষ। বাহ্য প্রত্যক্ষের অপর নাম ব্যবসায়াত্মক-জ্ঞান। ইহার পরবর্তী, অহঙ্কার বৃত্তির সাহায্যদ্বারা লক্ষ মদীয় অমুক বস্তুর জ্ঞান-রূপ যে জ্ঞানবিষয়রূপজ্ঞান তাহাকে অনুব্যবসায়াত্মক জ্ঞান বলা হয়। বাহ্য প্রত্যক্ষের স্থায় আন্তর প্রত্যক্ষেরও নির্বিবকল্প ও সবিবকল্প ভেদে দুইটি অবস্থা দৃষ্ট হয়।

অনুমান দ্বারা ঈশ্বরের অস্তিত্বগাত্রই সাধিত হইয়া থাকে, ঈশ্বরতত্ত্ব সাধিত হইতে দেখা যায় না, ঈশ্বরের স্বরূপ নির্ণয় করা যায় না। ঈশ্বরতত্ত্বের অনুভব তৎকৃপা ব্যতিরেকে সিদ্ধ হয় না।” শ্রীমদ্ভাগবতে উক্ত হইয়াছে,—

“তথাপি তে দেব পদাম্বুজধ্বজ-

প্রসাদলেশানুগৃহীত এব হি।

জানাতি তত্ত্বং ভগবন্মহিম্নো

ন চাশ্চ একোহপি চিরং বিচিন্তন ॥” ভা॥১০।১৪।২৯।

হে দেব, যদিও তোমার মহিমা জগতে সুপ্রচারিত রহিয়াছে, তথাপি যিনি

অনুমান।

হেতু ও সাধ্যের অব্যভিচারিত অর্থাৎ স্বাভাবিক সম্বন্ধের জ্ঞানই অনুমান প্রমাণ। অনুমান শব্দের অর্থ পশ্চাৎ জ্ঞান। প্রত্যক্ষের অনু (পরবর্তী) মানু (জ্ঞান) অনুমান। প্রত্যক্ষের পরবর্তী জ্ঞানকে অনুমান বলা হয়। প্রথমতঃ প্রথম লিঙ্গ-পরামর্শ অর্থাৎ হেতুর প্রত্যক্ষ হয়। পরে দ্বিতীয় লিঙ্গ-পরামর্শ অর্থাৎ হেতুসাধ্যের ব্যাপ্তি জ্ঞান অর্থাৎ পারস্পর্যাদিরূপ অব্যভিচারিত সম্বন্ধের জ্ঞান হয়। ঐ শেষোক্ত জ্ঞানই অনুমান। ইহার অপর নাম ব্যাপ্তিজ্ঞান। অনুমান বা ব্যাপ্তিজ্ঞান অনুমিতিরূপ প্রমারসাধন বলিয়া উহাকে অনুমান প্রমাণ বলা হয়। পরামর্শ অনুমানের ব্যাপার। পক্ষ-ধর্মতাজ্ঞানকে পরামর্শ বলে। পক্ষধর্মতাজ্ঞানশব্দের অর্থ ব্যাপ্তিবিশিষ্ট বৈশিষ্ট্যজ্ঞান অর্থাৎ সাধ্যের সহিত ব্যাপ্তিবিশিষ্ট হেতুর পক্ষবৃত্তিত্ব জ্ঞান। তজ্জন্ম সাধ্যরূপ অর্থের জ্ঞানই অনুমিতি। অনুমিতি অনুমানের ফল; প্রথম রজনশালাদিতে বহিরূপ ব্যাপক সাধ্যের সহিত ধূমাদিরূপ ব্যাপ্য হেতুর ব্যাপ্তি গৃহীত হইয়া থাকে। পরে কালান্তরে পর্বতাদিপক্ষে ধূমাদিরূপ হেতু দৃষ্ট হইলে পূর্ব প্রত্যক্ষ ব্যাপ্তির স্মরণ হয়, তদনন্তর বহ্যাদিরূপ সাধ্যের সহিত ব্যাপ্তিবিশিষ্ট ধূমাদিরূপ হেতুর পর্বতাদি পক্ষে বিজ্ঞানতার জ্ঞান জন্মে। এই জ্ঞানই পরামর্শ। পরিশেষে তাদৃশ পরামর্শের সাহায্যে পর্বতাদিকে সাধ্যবিশিষ্ট বলিয়া জ্ঞান হইয়া থাকে। এই শেষোক্ত জ্ঞানের নাম অনুমিতি। লিঙ্গদর্শন ভিন্ন লিঙ্গলিঙ্গীর সম্বন্ধে জ্ঞান হয় না। লিঙ্গলিঙ্গীর সম্বন্ধে আবার পূর্বেই জ্ঞাত হওয়া চাই। কারণ অজ্ঞাত লিঙ্গলিঙ্গীর সম্বন্ধের স্মরণ হইতে পারে না। লিঙ্গলিঙ্গীর সম্বন্ধের স্মরণ ব্যতিরেকে তজ্জন্ম পরামর্শ ও পরামর্শ জন্ম অনুমিতি ও উৎপন্ন হইতে পারে না। অনুমান প্রত্যক্ষমূলক; অনুমিতি অনুমানের ফল। প্রত্যক্ষের বাহ্য ফল অনুমিতির ফলও তাহাই। অর্থাৎ অনুমিতির ফল ও হান, উপাদান ও উপেক্ষা। ইন্দ্রিয় দোষ যেক্রপ প্রত্যক্ষের বাধক, তক্রপ হেতুদোষ ও অনুমানের বাধক। যেদোষবশতঃ অনুমিতি ও তৎকারণ এতদুভয়ের অন্ত-তরের জ্ঞানের বিরোধ ও বাধা উপস্থিত হয় সেই দোষের নামই হেতুভাঙ্গ বা হেতুদোষ। বাহ্য প্রকৃত হেতু না হইয়া আপাতত হেতুর স্থান প্রকাশ পায় তাহাকে হেতুভাঙ্গ বা হেতুদোষ বলা হয়। ঐ হেতুভাঙ্গ তর্কশাস্ত্রে পক্ষবিধ বলা হইয়াছে। হেতুদোষবশতই অনুমান ভ্রান্ত হইয়া পড়ে।

তোমার চরণ-কমল-যুগলের কৃপাকণিকালভে অনুগৃহীত হইয়াছেন, তিনিই তোমার মহিমার স্বরূপ কিছু কিছু অনুভব করিয়া থাকেন। কিন্তু যিনি তোমার কৃপাকণা লাভ করিতে পারেন নাই, তিনি চিরদিন অন্বেষণ করিয়াও তাহা অনুভব করিতে পারেন না।”

“ভট্টাচার্য্য, তুমি জগদগুরু, শাস্ত্রজ্ঞ ও পণ্ডিতপ্রধান হইয়াও, ঈশ্বরের অনুগ্রহ ব্যতিরেকে ঈশ্বরকে বিদিত হইতে পার না। ইহা তোমার দোষ নহে। পাণ্ডিত্যাদি দ্বারা ঈশ্বরতত্ত্ব অনুভব করা যায় না, ইহা শাস্ত্রই বলিতেছেন।”

সার্বভৌম ভট্টাচার্য্য এতাবৎকাল নীরব ছিলেন। আর সহ্য করিতে পারিলেন না। কিঞ্চিৎ বিরক্তি সহকারে বলিলেন,—“আচার্য্য, যথেষ্ট হইয়াছে,

আপ্ত-বাক্যই আগম বা শব্দ ॥ লৌকিক ও বৈদিক ভেদে বাক্য দ্বিবিধ। তন্মধ্যে বৈদিক বাক্য পরমেশ্বর প্রোক্ত বলিয়া আপ্ত, লৌকিক বাক্যের মধ্যে যেগুলি বেদানুগত ও আপ্তোক্ত সেই গুলিই প্রমাণ।

শব্দের মধ্যে ঋষি বাক্যকে আর্ষ প্রমাণ বলে।

সাদৃশ্যরূপ যথার্থ জ্ঞানের করণকে উপমান কহে। যথা এই পদার্থটী গবয়; যেহেতু গরুর সহিত সাদৃশ্য আছে।

উপপাত্ত জ্ঞানের দ্বারা উপপাদকের কল্পনাকে অর্থাপত্তি বলা হয়। যথা দেবদত্ত নামক কোন ব্যক্তি দিবাতে ভোজন করে না অথচ তাহার শরীর স্থূল। এই স্থূলত্বের কারণ অনুসন্ধান করিলে ইহাই বোধ হয় যে দেবদত্ত যখন দিবাতে ভোজন করে না তখন নিশ্চয়ই রাত্রিতে ভোজন করে; নচেৎ সে স্থূল হইতে পারে না। এ জগতে ভোজন না করিলে যখন কেহ কখনও স্থূল হইতে পারে না অতএব দেবদত্ত রাত্রিতে ভোজন করে। এ স্থলে রাত্রি ভোজন বিষয়ক জ্ঞান উপপাদক এবং স্থূলত্ব জ্ঞান উপপাত্ত। স্থূলত্ব জ্ঞানরূপ উপপাত্ত জ্ঞান দ্বারা রাত্রি-ভোজন বিষয়ক জ্ঞানরূপে উপপাদকের কল্পনাকে এস্থলে অর্থাপত্তি বলা হয়।

অভাবগ্রাহিণী বুদ্ধিকে অভাব বলা হয়। যেহেতু এই ভূতলে ঘট প্রত্যক্ষ হইতেছে না সুতরাং এস্থলে ঘটের অভাব আছে এইরূপ অভাব-গ্রাহিণী বুদ্ধিকে অভাব বলা হয়।

একশতের মধ্যে দশ আছে এই প্রকার জ্ঞানেতে যে সম্ভাবনা তাহার নাম সম্ভব। যথা একশতের মধ্যে দশ আছে।

যে ঘটনাটী পুরুষপরম্পরায় প্রসিদ্ধ আছে অথচ তাহার আদি বক্তাকে জানা নাই তাদৃশ প্রমাণকে ঐতিহ্য বলা হয়।

হস্তপাদাদি দ্বারা যে সঙ্কেত জ্ঞান হয় তাহাকে চেষ্টা বলা হয়। পূর্বেক্ত দশবিধ প্রমাণ প্রত্যক্ষাদি প্রমাণত্রয়ের অন্তঃপাতী বলিয়া বৈষ্ণবাচার্য্যগণ প্রত্যক্ষ, অনুমান ও আগম এই ত্রিবিধ প্রমাণ স্বীকার করিয়া থাকেন। তাহার উপমানকে প্রত্যক্ষ অনুমান এতদুভয়প্রমাণের অন্তর্ভুক্তরূপে, অর্থাপত্তিকে ও সম্ভবকে অনুমানের এবং অভাব, ঐতিহ্য ও চেষ্টাকে প্রত্যক্ষের অন্তর্গতরূপে স্বীকার

সাবধানে কথা কও। আমি ঈশ্বরের রূপা ব্যতিরেকে ঈশ্বরকে জানিতে পারি নাই। তুমি যে ঈশ্বরের রূপা লাভ করিয়াছ, তাহার প্রমাণ কি ?” গোপীনাথার্চ্য বলিলেন,—“যে বস্তু যাদৃশ, তদ্বিষয়ে তাদৃশ জ্ঞানই বস্তু-তত্ত্ব-জ্ঞান। বস্তু-তত্ত্ব-জ্ঞানই রূপাতে প্রমাণ। আমি যখন তাঁহাকে ঈশ্বর বলিয়া জানিয়াছি, তখন অবশ্য ঈশ্বরের রূপাও লাভ করিয়াছি। ইহাতে প্রলয়াখ্য সূদীপ্ত (১) সাত্ত্বিক ভাবরূপ ঈশ্বরের লক্ষণ সকল পরিষ্কৃষ্টই হইতেছে। তথাপি যে তুমি ইহাকে ঈশ্বর বলিয়া বিদিত হইতে পার নাই, ইহা মায়ারই প্রভাব জানিবে।” ভট্টাচার্য্য হাসিয়া বলিলেন,—“আচার্য্য, রাগ করিও-না, বিচারে দোষও গ্রহণ করিও না; কারণ, শাস্ত্রবিচারে কাহারও দোষ গ্রহণ করা উচিত হয় না। আমি যাহা কিছু বলিব শাস্ত্রমতই বলিব। শ্রীকৃষ্ণচৈতন্য যে মহাভাগবত, তাহা আমি অস্বীকার করি না; কিন্তু তাঁহাকে ঈশ্বর বলিয়াও স্বীকার করিতে পারি না। কলিযুগে ঈশ্বরের অবতার স্বীকৃত হয় না। কলিযুগে বিষ্ণুর অবতার হয় না বলিয়াই তাঁহাকে “ত্রিযুগ” বলা হয়।” আচার্য্য কিছু ছঃখিত হইয়া বলিলেন,—“কলিযুগে বিষ্ণুর অবতারমাত্র নিষিদ্ধ হয় নাই। কলিযুগে

করিয়াছেন। আর্ষ প্রমাণও শব্দপ্রমাণ। অতএব উহারও পৃথক্ স্বীকার করেন না। অমাদি দোষ-দুষ্ট পুরুষের বুদ্ধি অলৌকিক অচিন্ত্যস্বভাব বস্তুকে স্পর্শ করিতে পারে না। আর তাহাদের প্রত্যক্ষাদি ও সদোষ। অতএব ঈশ্বর তত্ত্ব নির্বাচন বিষয়ে পূর্বোক্ত আপ্ত-বাক্যই প্রমাণ।

(১) প্রলয় নামক ভাবটী চেষ্টা ও চৈতন্যভাবকপ অষ্টম সাত্ত্বিক ভাববিশেষ। পরম উৎকর্ষ প্রাপ্ত যুগপদ্বিত সাত বা আটটী উদ্দীপ্ত সাত্ত্বিকভাব যখন মাদনাখ্য মহাভাবের অবস্থায় প্রকাশ পায় তখন সেই ভাবে সূদীপ্ত সাত্ত্বিকভাব বলা হয়। উক্ত প্রলয়াখ্য সূদীপ্ত সাত্ত্বিকভাব জীবে কদাপি সম্ভব হয় না। স্বরূপশক্তির বৃত্তিভূতা নিত্যসিদ্ধাগণের মধ্যেও ঐভাব কেবলমাত্র শ্রীরাধিকাতে ও শ্রীললিতা বিশাখাদিতেই সম্ভব হয়। যখন উক্ত প্রলয়াখ্য সূদীপ্ত সাত্ত্বিকভাব শ্রীগৌরান্দ্রে পরিপূর্ণরূপে প্রকাশিত হইয়াছে, অতএব ইনি নিশ্চয়ই ঈশ্বর। চিত্তের ও শরীরের ক্লেভক স্তম্ভ শ্বেদাদিকে সাত্ত্বিকভাব কহে। উক্ত সাত্ত্বিকভাব স্তম্ভ, শ্বেদ, রোমাঞ্চ, স্বরভঙ্গ, কম্প, বৈবর্ণ অশ্রু ও প্রলয় (চেষ্টা ও চৈতন্যভাব) ভেদে অষ্টবিধ। ঐ সকল সাত্ত্বিকভাব আবার ধুমায়িত, জলিত, দীপ্ত, উদ্দীপ্ত ও সূদীপ্ত ভেদে পঞ্চবিধ। অতঃপ্ৰকাশিত অথচ গোপনযোগ্য একটী বা দুইটী সাত্ত্বিক ভাবের নাম ধুমায়িত। এককালে উদিত দুই তিনটী সাত্ত্বিক ভাবের নাম জলিত। এই ভাবেও কষ্টে গোপন করা যায়। ক্রমশঃ বুদ্ধি প্রাপ্ত হইয়া যুগপদ্বিত তিন চার বা পাঁচটী সাত্ত্বিকভাবের নাম দীপ্ত। এই দীপ্ত ভাব গোপন করা যায় না। পরম উৎকর্ষ প্রাপ্ত যুগপৎ উদিত সাত বা আটটী সাত্ত্বিকভাবের নাম উদ্দীপ্ত। এই উদ্দীপ্তভাবই আবার মাদনাখ্য মহাভাবের অবস্থায় সূদীপ্তভাব নামে অভিহিত হইয়া থাকে।

লীলাবতার হয় না বলিয়াই তাঁহাকে “ত্রিযুগ” বলা হয়। শ্রীমদ্ভাগবত ও মহাভারত শাস্ত্রের মধ্যে প্রধান। এই দুই প্রধান শাস্ত্রেই কলিযুগের যুগাবতার স্বীকৃত হইয়া থাকে।

শ্রীমদ্ভাগবতে উক্ত হইয়াছে,—

“আসন্ বর্ণান্নয়ো হস্ত গৃহ্নতোহনুযুগং তনুঃ ।

শুক্লো রক্তস্তথা পীত ইদানীং কৃষ্ণতাং গতঃ ॥” ভা।১০।৮।১৩

“ইতি দ্বাপর উর্বাশ স্তবস্তি জগদীশ্বরম্ ।

নানাতন্ত্রবিধানেন কলাবপি তথা শৃণু ॥”

“কৃষ্ণবর্ণং ত্রিষাকৃষ্ণং সাজ্জোপাজ্জান্নপার্বদম্ ।

• যজ্ঞৈঃ সঙ্কীৰ্ত্তনপ্রায়ৈর্যজস্তি হি স্মমেধসঃ ॥” ভা।১১।৫ (৩১-৩২)

মহাভারতে উক্ত হইয়াছে,—

“সুবর্ণবর্ণো হেমাজ্জো বরাজ্জচন্দনাজ্জদী ।”

“সন্ন্যাসকৃৎ সমঃ শাস্তো নিষ্ঠাশাস্তিপরায়ণঃ ।”

মহাভা দানধ বিষ্ণুসহস্রনাম্নি ৮০।৬৩

প্রতিযুগে শরীরধারণকারী তোমার এই পুত্রের শুক্ল রক্ত ও পীত এই তিনটি বর্ণ ছিল। সম্প্রতি দ্বাপরাস্ত্রে ইনি কৃষ্ণত্ব প্রাপ্ত হইয়াছেন।

দ্বাপরযুগে লোক সকল এই বলিয়া জগদীশ্বরকে স্তব করিয়া থাকেন। কলিযুগেও লোক সকল নানাতন্ত্রোক্তবিধানে তাঁহার অর্চনা করিয়া থাকেন শ্রবণ কর। তৎকালে সুবুদ্ধিসম্পন্ন লোক সকল কাঁস্তি দ্বারা অকৃষ্ণ অর্থাৎ ইন্দ্রনীলমণির স্তায় উজ্জ্বল কৃষ্ণবর্ণ বা গৌরবর্ণ সাজ্জোপাজ্জান্নপার্বদ শ্রীকৃষ্ণকে সঙ্কীৰ্ত্তনপ্রধান যজ্ঞ দ্বারাই অর্চনা করিয়া থাকেন।

তাঁহার সুবর্ণবর্ণ, হেমাজ্জ, বরাজ্জ, চন্দনাজ্জদী, সন্ন্যাসকৃৎ, সম, শাস্ত, নিষ্ঠা-শাস্তিপরায়ণ প্রভৃতি নাম সকলও উক্ত হইয়া থাকে।

এই সকল শাস্ত্র জাজ্ঞ্যমান থাকিলেও যে তোমার শিষ্যগণ যোর কুতর্ক উত্থাপন করিতেছেন, সে মায়ারই মহিমা।

শ্রীমদ্ভাগবতে বলিয়াছেন,—

“যচ্ছক্তয়ো বদতাং বাদিনাং বৈ

বিবাদসংবাদভুবো ভবস্তি ।

কুর্কস্তি চেষাং মুহুরাত্মমোহং

তস্মৈ নমোহনন্তগুণায় ভূয়ে ॥” ভা।৬।৪।৩১ ।

যাঁহার মায়াজক্তির বৃত্তিসকল বাদী ও প্রতিবাদীর বিবাদ ও সংবাদের কারণ হয়, এবং আত্মজিজ্ঞাসুরও আত্মবিষয়ক মোহ উৎপাদন করে, আমি সেই অনন্তগুণাকর ভূমা পুরুষকে নমস্কার করি।”

সার্কভৌম ভট্টাচার্য্য গোপীনাথচার্য্যকে বাধা দিয়া বলিলেন, “আচার্য্য, এখন যাও, গোসাঁইকে সগণে নিমন্ত্রণ করিয়া লইয়া আইস, প্রসাদ আনাইয়া ভিক্ষাও করাও। পরে স্থির হইয়া আমাকে শিক্ষা প্রদান করিও।”

গোপীনাথচার্য্য মুকুন্দের সহিত প্রভুর বাসায় যাইয়া সার্কভৌম ভট্টাচার্য্যের নিমন্ত্রণ জানাইলেন। পরে দুঃখিতহৃদয়ে মুকুন্দের সহিত ভট্টাচার্য্যের কথাও শুনাইলেন। প্রভু শুনিয়া বলিলেন, “ভট্টাচার্য্যের কথায় ভেয়রা দুঃখ বোধ করিতেছ কেন? তাঁহার কথায় আমার প্রতি বিশেষ অনুগ্রহই প্রকাশ পাইতেছে। তিনি আমার সন্ন্যাসধর্ম রক্ষা করিতে চান, সে ত ভাল কথা। ইহাতে আমার প্রতি তাঁহার বাৎসল্যই প্রকাশ পাইতেছে। ইহাতে তাঁহার কিছুই দোষ হয় নাই।” পরে প্রভু ভক্তগণের সহিত যাইয়া সার্কভৌম ভট্টাচার্য্যের ভবনে ভিক্ষা করিলেন। ভিক্ষার পর সার্কভৌম ভট্টাচার্য্য স্নেহ সহকারে প্রভুকে নিরন্তর বেদান্ত শুনাইয়া বৈরাগ্যমূলক অদ্বৈতমার্গে প্রবেশ করাইয়া তাঁহার সন্ন্যাসধর্ম সংরক্ষণের অভিপ্রায় প্রকাশ করিলেন। প্রভুও ‘অনুগ্রহীত হইলাম’ বলিয়া তাঁহার মতের অনুমোদন করিলেন। গোপীনাথচার্য্য রাগে ও দুঃখে কালাতিপাত করিতে লাগিলেন।

### বেদান্তব্যাখ্যান।

একদিবস প্রভু সার্কভৌম ভট্টাচার্য্যের সহিত জগন্নাথ দর্শন করিলেন। দর্শনের পর ভট্টাচার্য্য প্রভুকে নিজভবনে লইয়া গেলেন। সার্কভৌম ভট্টাচার্য্য প্রভুকে বসিতে আসন দিয়া স্বয়ং শিষ্যগণকে বেদান্ত পড়াইতে আরম্ভ করিলেন। পাঠারম্ভ করিয়াই প্রভুকে বলিলেন, “তুমিও পাঠ শ্রবণ কর; বেদান্ত শ্রবণ সন্ন্যাসীর ধর্ম।” প্রভু “যে আজ্ঞা বলিয়া নিঃশব্দে ভট্টাচার্য্যের বেদান্ত-ব্যাখ্যান শ্রবণ করিতে লাগিলেন। এইভাবে সাতদিন পর্যন্ত প্রভু ভট্টাচার্য্যের বেদান্তব্যাখ্যান শ্রবণ করিলেন, একদিনও ভাল মন্দ কোন কথাই বলিলেন না। অষ্টম দিবসে অধ্যাপনার পর শিষ্যগণকে বিদায় দিয়া সার্কভৌম

ভট্টাচার্য্য প্রভুকে বলিলেন, “তুমি সাত দিন হইল বেদান্ত শ্রবণ করিতেছ, একদিনও ভালমন্দ কিছুই বলিতেছ না, নীরবে শুনিতেছ, বুঝিতেছ কি না তাহাও বুঝিলাম না।” প্রভু উত্তর করিলেন, “আমি মূর্খ, আমার কিছুই অধ্যয়ন নাই, কেবল আপনার আজ্ঞানুসারে সন্ন্যাসীর ধর্ম বলিয়াই বেদান্ত শ্রবণ করিতেছি, কিছুই বুঝিতে পারিতেছি না।” ভট্টাচার্য্য বলিলেন, “ভাল, শ্রবণও কর, আর সঙ্গে সঙ্গে যাহা না বুঝ তাহা জিজ্ঞাসাও কর, বুঝিবার চেষ্টা কর, ক্রমেই বুঝিবে।” প্রভু বলিলেন, “কিছুই বুঝি না, কি জিজ্ঞাসা করিব? সূত্রের অর্থ বরং কিছু কিছু বুঝিতে পারি, আপনার ব্যাখ্যানের কিছুই বুঝিতে পারি না।” প্রভুর এই শেষ কথা শুনিয়া ভট্টাচার্য্য কিঞ্চিৎ বিরক্ত হইলেন। তাঁহার সর্বজনসম্মত পাণ্ডিত্যের প্রতি আঘাত অসহ হইল। গুরুগভীরভাবে বলিলেন, “আচ্ছা, তুমি সূত্রের অর্থ কি বুঝিয়াছ এবং সূত্রের সহিত ব্যাখ্যানের কি অসঙ্গতি দেখিতেছ, তাহাই বল শুনি।”

“প্রভু কহে সূত্রের অর্থ বুঝিয়ে নির্মল ।

তোমার ব্যাখ্যা শুনি মন হয় ত বিকল ॥

সূত্রের অর্থ ভাষ্য কহে প্রকাশিয়া ।

ভাষ্য কহ তুমি সূত্রের অর্থ আচ্ছাদিয়া ॥

সূত্রের মুখ্য অর্থ না কর ব্যাখ্যান ।

কল্পনার্থে তুমি তাহা কর আচ্ছাদন ॥

উপনিষদ শব্দের যেই মুখ্য অর্থ হয় ।

সেই অর্থ মুখ্য ব্যাসসূত্রে সব কয় ॥

মুখ্যার্থ ছাড়িয়া কর গৌণার্থ কল্পনা ।

অভিধা বৃত্তি ছাড়ি শব্দের কর লক্ষণা ॥

প্রমাণের মধ্যে শ্রুতি প্রমাণ প্রধান ।

শ্রুতি যে মুখ্যার্থ কহে সেই সে প্রমাণ ॥

জীবের অস্থি বিষ্ঠা দুই শব্দ গোময় ।

শ্রুতিবাক্যে সেই দুই মহাপবিত্র হয় ॥

স্বতঃ প্রমাণ বেদ সত্য যেই কহে ।

লক্ষণা করিলে স্বতঃ প্রামাণ্য হানি হয়ে ॥

ব্যাসের সূত্রের অর্থ সূর্যের কিরণ ।

স্বকল্পিত ভাষ্যমেঘে করে আচ্ছাদন ।

প্রভু বলিলেন,—

“লঘুনি সূচিতার্থানি স্বপ্নাকরপদানি চ ।

সর্বতঃ সারভূতানি সূত্রাণ্যাহর্মনীষিণঃ ॥”

লঘু অর্থাৎ অনতিদীর্ঘ, অল্প অক্ষর ও অল্পপদযুক্ত, অনেক অর্থের সূচক ও সর্বতোভাবে সারভূত বাক্যকেই পণ্ডিতেরা সূত্র বলিয়া থাকেন। সূত্রবোধ ব্যাখ্যানসাপেক্ষ ।

“পদচ্ছেদঃ পদার্থোক্তি বিগ্রহো বাক্যযোজনা ।

আক্ষেপশ্চ সমাধানং ব্যাখ্যানং পঞ্চলক্ষণম্ ॥ আনন্দগিরিধৃতম্ ।

পদচ্ছেদ, প্রত্যেক পদের অর্থনির্দেশ, সমস্ত পদের ব্যাসবাক্য উপস্থাপন, বাক্যের যোজনা অর্থাৎ বাক্যঘটক পদসমূহের অর্থ সকলের পরস্পরসম্বন্ধ-প্রদর্শন ও আক্ষেপের অর্থাৎ আশঙ্কার বা আপত্তির সমাধান অর্থাৎ নিরসন, এই পাঁচটি ব্যাখ্যানের লক্ষণ ।

ঐ ব্যাখ্যান আবার বৃত্তিতে সঙ্ক্ষেপে এবং ভাষ্যে সবিস্তারে আলোচিত হইয়া থাকে ।

“সূত্রার্থো বর্ণ্যতে যত্র পদৈঃ সূত্রানুসারিভিঃ ।

স্বপদানি চ বর্ণ্যন্তে ভাষ্যং ভাষ্যবিদো বিদুঃ ॥”

লিঙ্গাদিসংগ্রহটীকায়াং ভরতঃ ।

যে গ্রন্থে সূত্রানুসারিপদসমূহদ্বারা সূত্রের অর্থ বর্ণিত হয় এবং স্বপ্রযুক্ত পদ সকলও ব্যাখ্যাত হয়, তাহাকেই ভাষ্য বলা হয় ।

ভাষ্য সূত্রের অর্থ প্রকাশ করিবে । আপনি যে ভাষ্য বলিতেছেন, তাহা সূত্রের অর্থ প্রকাশ না করিয়া আচ্ছাদনই করিতেছে । ভবদুক্তভাষ্য সূত্রের মুখ্যার্থ প্রকাশ না করিয়া কল্পিত গৌণার্থ দ্বারা মুখ্যার্থকে আচ্ছাদন করিতেছে । উপনিষদের যাহা মুখ্যার্থ, তাহাই বেদান্তসূত্রে বিচারিত হইয়াছে । ভবদুক্ত ভাষ্য ঐ মুখ্যার্থ ত্যাগ করিয়া গৌণার্থ কল্পনা করিতেছে । আপনার ভাষ্য উপনিষদুক্ত শব্দ সকলের অভিধাবৃত্তি\* পরিত্যাগ পূর্বক লক্ষণাবৃত্তি দ্বারা অর্থ-

\* মুখ্যা, লক্ষণা ও গৌণীভেদে শব্দের বৃত্তি ত্রিবিধ । তন্মধ্যে যে বৃত্তি দ্বারা সাক্ষাৎসম্বন্ধে সঙ্কেতিত অর্থের প্রতীতি হয় সেই বৃত্তির নাম মুখ্যা বা অভিধাবৃত্তি । অভিধাবৃত্তি আবার ঋঢ়ি ও যৌগিক ভেদে দ্বিবিধ । প্রকৃতিও প্রত্যয়ের অর্থের অপেক্ষা না করিয়া যদ্বারা কেবলমাত্র অনাদি-পরম্পরাগত অর্থের প্রতীতি হয় তাহাকে ঋঢ়ি বলে । যথা ডিথ, গো, গুরু ইত্যাদি । প্রকৃতি প্রত্যয়ের অর্থযোগে যে শব্দার্থের প্রতীতি হয় তাহাকে যৌগিক বৃত্তি বলা হয় । যথা পাচক ইত্যাদি ।



নির্ণয় করিতেছে। প্রমাণের মধ্যে বেদই প্রধান প্রমাণ। বেদ যাহা বলেন, তাহাই প্রমাণ। জীবের অস্থি ও বিষ্ঠা সাধারণতঃ অপবিত্র। বেদ বলিতেছেন, শঙ্খ ও গোময় পবিত্র। বেদ বলাতেই শঙ্খ ও গোময় জীবের অস্থি ও বিষ্ঠা হইয়াও পবিত্র হইয়াছে। দৃষ্টাদৃষ্টার্থক বেদ লৌকিক ও অলৌকিক সর্ববিধ জ্ঞানের নিদান। বেদ আত্মার সত্তা ও স্বরূপ, তাঁহার ঐহিক ও পারত্রিক গতি, দেহের সহিত সম্বন্ধ, পরমাআর সহিত সম্বন্ধ, সগুণ ও নিগুণ ব্রহ্ম, ব্রহ্মের সহিত জগতের সম্বন্ধ, জগতের স্বরূপ, জীবের পরমপুরুষার্থ ও তৎসাধনোপায় প্রভৃতি সমস্ত জ্ঞানের আকর। যাহা এই সকল জ্ঞানের আকর, তাহা অবশ্য

যেস্থলে শব্দের মুখ্যার্থ দ্বারা তাৎপর্যের অনুপপত্তি নিবন্ধন ( তাৎপর্যের উপপত্তির নিমিত্ত ) মুখ্যার্থের সহিত সম্বন্ধবিশিষ্ট অর্থাপ্তরের প্রতীতি হয় তাহাকে লক্ষণা বলা হয়। যথা গঙ্গাতে ঘোষ বাস করে ইত্যাদি। অভিধেয় বস্তুর গুণের সাদৃশ্যকণতঃ যেস্থলে শব্দের প্রবৃত্তি হয় তাহাকে গোণী বলে। যথা দেবদত্ত সিংহ ইত্যাদি। যেস্থলে মুখ্য বৃত্তির দ্বারা শাস্ত্রতাৎপর্য উপপন্ন হয় সেস্থলে লক্ষণাদি বৃত্তির প্রয়োগ শাস্ত্রিকগণসম্মত নহে। পরন্তু ঐ স্থলে লক্ষণাদির গ্রহণ সিদ্ধান্তহানিরূপ দোষের উদ্ভাবক। আলঙ্কারিকগণ ও শ্রীমজ্জীব প্রভূপাদ ব্যঞ্জন নাম্নী আর একটা শব্দ বৃত্তি স্বীকার করেন। অভিধা লক্ষণাও তাৎপর্য এই ত্রিবিধবৃত্তি অর্থবোধ করাইয়া যখন উপকীর্ণ হইয়া পড়ে তখন যে বৃত্তি দ্বারা অপর অর্থ বোধ হয়, শব্দের অর্থের ও প্রকৃতিপ্রত্যয়াদির সেই শক্তিরূপাবৃত্তি; ব্যঞ্জন, ধ্বনন, প্রত্যয়ন ভাব ও অভিপ্রায়াদি ব্যপদেশদিয়য়া ব্যঞ্জনা নামে অভিহিত হয়। যেমন গঙ্গাতে ঘোষ বাস করে বলিলে ব্যঞ্জন বৃত্তি দ্বারা গঙ্গাতটের শীতলত্ব পাবনত্বাদি বুঝায়। পূর্বেকৃত্ত ব্রহ্ম-প্রমাদাদিদোষদুষ্ট পুরুষের প্রত্যক্ষাদিও যে সদোষ তদ্বিবয়ে গোবিন্দভীষ্মকারাদি পূর্বাচার্য্য এইরূপ বলেন—  
 ঐল্লজালিকের ইল্লজালবিজ্ঞায় মায়াশুভাদি দর্শনে প্রত্যক্ষের এবং তৎকালে বৃষ্টিদ্বারা অগ্নি নির্বাপিত হইয়াছে অথচ মূল দেশ হইতে অবিচ্ছিন্নভাবে ধূম উত্থিত হইতেছে এতাদৃশ পর্বতাদিতে অগ্ন্যনুমানের ব্যতিচার দৃষ্ট হওয়ার প্রত্যক্ষ ও অনুমানের প্রামাণ্য নির্দোষ হইতে পারে না। যখন লৌকিক প্রামাণ্যবিষয়েই প্রত্যক্ষাদি দোষদুষ্ট তখন অলৌকিকবিষয়ে কৈমৃত্যুত্বায়ৈ সদোষত্ব অবশ্যস্বাবী। অতএব সর্বাভীত সর্বাশ্রয় সকলের বুদ্ধীল্লিয়াদির অগোচর আশ্চর্য্যস্বভাব পরমার্থবস্ত্ত বিবিদিবু-ব্যক্তিগণের পক্ষে অনাদিকাল হইলে শ্রীশুক্লপরাস্পরাগত সর্ব লৌকিকও অলৌকিকজ্ঞানের নিদান অপ্রাকৃত অপৌরুষেয়বাক্যরূপ বেদপুরাণাদি শাস্ত্রই নির্দোষ স্বতঃপ্রমাণ। কিন্তু প্রত্যক্ষাদি প্রমাণ সকলের মধ্যে যেগুলি বেদাদির অনুগত সেগুলি প্রমাণরূপে পরিগৃহীত হইয়া থাকে। শ্রুতি স্মৃতিও ইহাই অনুমোদন করিয়াছেন—“উপনিষদং পুরুষং পৃচ্ছামি ( বৃ উ ৩।৯।২৬ )। উপনিষদবেত্ত পুরুষকে জিজ্ঞাসা করি। “পিতৃদেব-মনুষ্যাণাং বেদশ্চক্লুস্তবেধর। শ্রেয়স্বনুপলক্বেৎর্থে সাধ্য-সাধনয়োঃপি ॥ ( তা।১।১।২০।১।, ” হে ঈশ্বর। পিতৃলোক, দেবতা ও মনুষ্যগণের অনুপলকবিষয়েও সাধ্যসাধনবিষয়ে আপনার বেদই একমাত্র শ্রেষ্ঠ চক্ষু ( জ্ঞাপক )। অতএব অচিন্ত্যবিষয়ে কেই একমাত্র স্বতঃ প্রমাণ।

পরতঃ প্রমাণ না হইয়া স্বতঃপ্রমাণ হওয়াই উচিত। বেদ আপনি আপনাকে প্রকাশ করিয়াই আপনার প্রমাণ করেন। মুখ্যার্থই স্বতঃপ্রমাণ—স্বপ্রকাশ বেদের প্রাণ। মুখ্যার্থ ত্যাগ করিলে, বেদের স্বতঃপ্রমাণের—স্বপ্রকাশের হানি হয়। বেদশব্দে লক্ষণা স্বীকার করিলে, লক্ষ্যার্থপ্রকাশক বেদকে প্রমাণ করিবার জন্য প্রমাণান্তরের প্রয়োজন হয়, অনুমানাদির সাহায্য গ্রহণ করিতে হয়। কিন্তু বেদার্থনির্ণায়ক বেদান্তরূপ স্বপ্রকাশ সূর্যের মুখ্যার্থরূপ কিরণ ভবত্বকৃত ভাষ্যরূপ মেঘের লাক্ষণিক অর্থ দ্বারা আচ্ছাদিত। অতএব স্বপ্রকাশতারহিত অর্থাৎ পরপ্রকাশ হইয়া বুদ্ধিকেও আচ্ছাদন করিতেছে।

“বেদ পুরাণে করে ব্রহ্মনিরূপণ ।  
সেই ব্রহ্ম বৃহৎবস্তু ঈশ্বরলক্ষণ ॥  
সর্বৈশ্বর্য্যপরিপূর্ণ স্বয়ং ভগবান্ ।  
তাঁরে নিরাকার করি করহ ব্যাখ্যান ॥  
নির্কিংশেষে তাঁরে কহে যেই শ্রুতিগণ ।  
প্রাকৃত নিষেধি করে অপ্রাকৃত স্থাপন ॥  
ব্রহ্ম হৈতে জন্মে বিশ্ব ব্রহ্মেতে জীবয় ।  
সেই ব্রহ্মে পুনরপি হয়ে যায় লয় ॥  
অপাদান-করণাধিকরণ কারক তিন ।  
ভগবানের সবিশেষ এই তিন চিহ্ন ॥  
ভগবান্ বহু হৈতে যবে কৈল মন ।  
প্রাকৃত শক্তিকে তবে কৈল বিলোকন ।  
সেকালে নাহি জন্মে প্রাকৃত মন নয়ন ।  
অতএব অপ্রাকৃত ব্রহ্মের নেত্র মন ॥  
ব্রহ্মশব্দে কহে পূর্ণ স্বয়ং ভগবান্ ।  
স্বয়ং ভগবান্ কৃষ্ণ শাস্ত্রের প্রমাণ ॥  
বেদের নিগূঢ় অর্থ বুঝন না যায় ।  
পুরাণবাক্যে সেই করয়ে নিশ্চয় ॥”

বেদে ও তদর্থনির্ণায়কপুরাণাদিতে ব্রহ্মশব্দের মুখ্যার্থ নিরতিশয় বৃহৎ বস্তুই উক্ত হইয়াছেন। যিনি স্বয়ং বৃহৎ ও যিনি অন্তকে বৃহৎ করেন অর্থাৎ আশ্রয়-স্বরূপে ধারণ করেন, তিনিই ব্রহ্মশব্দের মুখ্যার্থ। ঐ অর্থে ব্রহ্মবস্তু সশক্তিক বা সবিশেষই হইতেছেন। শক্তিরহিত—ধর্ম্মরহিত—গুণরহিত—বিশেষরহিত

বস্তু নিরতিশয় বৃহৎ বলিয়া নির্ণীত হইতে পারেন না। বস্তুর উৎকর্ষাপকর্ষ(১) তদুৎকর্ষ দ্বারাই নির্ণীত হইয়া থাকে। ব্রহ্ম বৃহৎ ও সর্বাশ্রয় হইলে, তাঁহাতে বৃহত্ত্ব ও সর্বাধারকত্ব রূপ ধর্ম স্বীকার্য হইতেছে। এক্ষণে আশঙ্কা হইতে পারে যে, নিগুণ শ্রুতি সকলের গতি কি হইবে? তাহার উত্তর প্রদান করিতেছি।

শাস্ত্রে উক্ত হইয়াছে,—

“যা যা শ্রুতি র্জলতি নির্বিশেষং

সা সাভিধন্তে সবিশেষমেব।

বিচারযোগে সতি হস্ত তাসাং

প্রায়ো বলীয়ঃ সবিশেষমেব ॥” চৈতন্যচন্দ্রোদয়নাটকে (৬৬৭)

যে যে শ্রুতি ব্রহ্মবস্তুকে নির্বিশেষ বলিয়া কীর্তন করিতেছেন, সেই সেই শ্রুতিই আবার তাঁহাকে সবিশেষও বলিতেছেন। অতএব বিচারে সবিশেষ পক্ষই অধিকাংশ স্থলে বলবান্ হইতেছে।

শ্রুতি সামান্যতঃ দ্বিবিধা; ত্রৈগুণ্যবিষয়িণী ও নিস্বৈগুণ্যবিষয়িণী। ত্রৈগুণ্য-বিষয়িণী শ্রুতি সকল আবার তিন প্রকার। প্রথমপ্রকার তল্লক্ষক, দ্বিতীয় প্রকার তন্মহিমাপ্রদর্শক, তৃতীয় প্রকার পরম বস্তুর উদ্দেশক। সৃষ্টিাদি বোধিকা শ্রুতি সকল ব্রহ্মের সৃষ্টি পালন ও সংহার রূপ তটস্থলক্ষণ অবলম্বন করিয়া তাঁহার লক্ষক হইলেন। যে সকল শ্রুতি ব্রহ্মের ঐশ্বর্যবর্ণন দ্বারা তাঁহার মহিমা প্রচার করেন, তাঁহারাি তন্মহিমাপ্রদর্শক বেদ। আর যে সকল শ্রুতি ব্রহ্মের ত্রৈগুণ্যের নিষেধ দ্বারা পরমবস্তুর উদ্দেশমাত্র করেন, তাঁহারই পরমবস্তুর উদ্দেশক বেদ। এই শেষোক্ত শ্রুতিও আবার দুইপ্রকার। একপ্রকার শ্রুতি গুণনিষেধদ্বারা পরমবস্তুর উদ্দেশক বেদ, হইলেন এবং অপরপ্রকার শ্রুতি গুণসামানাধিকরণ্য দ্বারা পরমবস্তুর উদ্দেশক বেদ হইলেন। নিস্বৈগুণ্যবিষয়িণী শ্রুতি সকলও দুইপ্রকার। প্রথম প্রকার নিগুণ বেদ কেবল বিশেষের নির্দেশ করিয়া ব্রহ্মপর হইলেন এবং দ্বিতীয় প্রকার নিগুণবেদ স্বরূপশক্তিবিশিষ্টের নির্দেশ করিয়া ভগবৎপর হইলেন।

ক্রমিক উদারণ যথা—

১ ক। “যতো বা ইমানি ভূতানি” ইত্যাদি।

১ খ। “ইন্দ্রো যাতোহবসিতশ্চ রাজা” ইত্যাদি।

১ গ ১। “অস্থূলমনু” ইত্যাদি।

(১) উৎকর্ষ—শ্রেষ্ঠত্ব। অপকর্ষ—হীনতা।

১ গ ২। “সর্বং খন্দিদং ব্রহ্ম” “তত্ত্বমসি” ইত্যাদি।

২ ক। “আনন্দো ব্রহ্ম” ইত্যাদি।

২ খ। “পরাস্ত্র শক্তিবিবিধৈব ক্ষয়তে” ইত্যাদি।

“যতো বা ইমানি ভূতানি” ইত্যাদি শ্রুতি সকলে সৃষ্টাদি তটস্থ লক্ষণ অবলম্বন করিয়া ব্রহ্মবস্তুকে লক্ষ্য করা হইয়াছে। “ইন্দ্রো যাতোহবসিতস্ত রাজা” ইত্যাদি শ্রুতি সকলে ব্রহ্মের ঐশ্বর্য্যবর্ণন দ্বারা তাঁহার মহিমা প্রচার করা হইয়াছে। “অস্থূলমনণু” ইত্যাদি শ্রুতি সকলে ব্রহ্মের প্রাকৃতগুণের নিরাস দ্বারা পরমবস্তুর উদ্দেশ্য অর্থাৎ নাম করা হইয়াছে। “সর্বং খন্দিদং ব্রহ্ম” ইত্যাদি শ্রুতি সকলে জগজ্জপা বহিরঙ্গা শক্তির ও জীবরূপা তটস্থা শক্তির সহিত সামানাধিকরণ্য অর্থাৎ তাদাত্ম্যাদ্বারা পরমবস্তুর উদ্দেশ্য অর্থাৎ নাম করা হইয়াছে। আর “আনন্দো ব্রহ্ম” ইত্যাদি শ্রুতি সকলে কেবল বিশেষ্য ব্রহ্মের নির্দেশ দ্বারা ব্রহ্মপরতা এবং “পরাস্ত্র শক্তিবিবিধৈব ক্ষয়তে” ইত্যাদি শ্রুতি সকলে শক্তিবিশিষ্ট ভগবানের নির্দেশ দ্বারা ভূগবৎপরতা উক্ত হইয়াছে। প্রথমোক্ত চারিপ্রকার শ্রুতি ত্রৈগুণ্যবিষয়িণী এবং শেষোক্ত দুইপ্রকার শ্রুতি নিস্রৈগুণ্যবিষয়িণী। এই ছয় প্রকার ভিন্ন আর কোন প্রকার শ্রুতি নাই। সমস্ত শ্রুতিই এই ষড়বিধা শ্রুতির অন্তর্গত। অতএব সকল শ্রুতিরই সার্থকতা হইতেছে, কোন শ্রুতিই নিরর্থক হইতেছেন না।

ব্রহ্মশব্দদ্বারা সর্বশক্তিসমন্বিত শ্রীভগবানই বোধিত হইয়া থাকেন। সর্বশক্তিসমন্বিত শ্রীভগবান্ কখনই নির্বিশেষ হইতে পারেন না। তবে যে কোন কোন শ্রুতিতে ব্রহ্মকে নির্বিশেষ বলিতে দেখা যায়, তাহার তাৎপর্য্য সামান্ততঃ বিশেষের নিষেধে নহে, প্রাকৃত বিশেষের নিষেধে। প্রথম প্রকার শ্রুতিতে, যাহা হইতে এই সকলভূত উৎপন্ন হইয়াছে, যদ্বারা এই সকল ভূত জীবনধারণ করিতেছে ও যাহাতে এই সকলভূত লয় পাইতেছে, এইপ্রকার উক্তি দেখা যায়। এইপ্রকার উক্তি হইতে ব্রহ্মের অপাদানত্ব করণত্ব ও অধিকরণত্ব রূপ তিনটি অর্থাৎ উপাদানত্ব, নিমিত্তত্ব ও ব্যাপকত্ব রূপ তিনটি সবিশেষ চিহ্ন দৃষ্ট হইয়া থাকে। দ্বিতীয় প্রকার শ্রুতিতে, ইন্দ্র অর্থাৎ ঐশ্বর্য্যশালী ব্রহ্ম জঙ্গম ও স্থাবরের রাজা অর্থাৎ নিয়ন্তা, এইরূপ উক্ত হইয়াছে। এইরূপ উক্তি হইতে ব্রহ্মের নিয়ন্তৃত্বরূপ ঐশ্বর্য্যদ্বারা মহত্ত্ব অর্থাৎ বিশেষত্বই পরিব্যক্ত হইতেছে। তৃতীয়প্রকার শ্রুতিতে, ব্রহ্ম স্থূল নহেন, ব্রহ্ম সূক্ষ্ম নহেন, ইত্যাদি উক্তি দ্বারা ব্রহ্মের প্রাকৃত স্থৌল্যাদিগুণের নিরাসদ্বারা তাঁহার উদ্দেশ্যমাত্রই

করা হইয়াছে, বিশেষের নিষেধ করা হয় নাই। চতুর্থ প্রকার শ্রুতিতে, এই সমস্তই ব্রহ্ম, ইত্যাদি উক্তি দ্বারা বিশ্বের সহিত ব্রহ্মের তাদাত্ম্য নির্দেশ সহকারে তাঁহার উদ্দেশ্যমাত্রই করা হইয়াছে, বিশেষের নিষেধ করা হয় নাই। পঞ্চম প্রকার শ্রুতিতে, ব্রহ্ম আনন্দমাত্র, এইপ্রকার বলিয়া কেবল বিশেষের নির্দেশ করা হইয়াছে, বিশেষের নিষেধ করা হয় নাই। আর ষষ্ঠপ্রকার শ্রুতিতে স্পষ্টাক্ষরেই ব্রহ্মের শক্তির নির্দেশ করা হইয়াছে।

ব্রহ্মের ত্রিপাদৈশ্বর্য্য এবং পাদৈশ্বর্য্য উভয়ই শক্তির বিলাস। শক্তি ব্যতিরেকে ব্রহ্মের ত্রিপাদৈশ্বর্য্যের প্রকাশ এবং পাদৈশ্বর্য্যের সৃষ্ট্যাদি কার্য্যের অমুপপত্তি হয়। অতএব ব্রহ্মের শক্তি অবশ্য স্বীকার্য্য।

বিশেষ বিশেষ কারণ হইতে বিশেষ বিশেষ কার্য্যের উৎপত্তি হইয়া থাকে। তত্ত্বৎকার্য্যের উৎপত্তির নিমিত্ত তত্ত্বৎকারণের তত্ত্বৎকারণত্বরূপধর্ম্মবিশেষ স্বীকার না করিয়া পারা যায় না। সকল(১) উপাদানকারণে এবং সকলনিমিত্তকারণেই উক্ত প্রকার ধর্ম্ম স্বীকার্য্য। ঐ ধর্ম্মই শক্তি। উহা কারণ হইতে ভিন্ন নহে, পরন্তু কারণেরই স্বরূপ(২)। বিবর্তবাদেও রজতাদিস্ফূর্ত্তিবিষয়ে শুক্ল্যাদিকেই অধিষ্ঠান বলিয়া অঙ্গীকার করা হয়, অঙ্গারাদিকে রজতাদিস্ফূর্ত্তির অধিষ্ঠান বলিয়া অঙ্গীকার করা হয় না। শুক্ল্যাদিভিন্ন অঙ্গারাদিতে রজতাদির স্ফূর্ত্তি হয় না। প্রস্তুতবিষয়ে ব্রহ্মকেই জগতের অধিষ্ঠান বলিয়া অঙ্গীকার করা হয়, অন্ত কাহাকেও উহার অধিষ্ঠান বলিয়া অঙ্গীকার করা হয় না। অতএব জগৎকার্য্যের সিদ্ধির নিমিত্ত তদধিষ্ঠানভূত ব্রহ্মের কারণত্বরূপ ধর্ম্ম বা শক্তি অবশ্য স্বীকার্য্য হইতেছে। শক্তিস্বীকারে ব্রহ্মের অদ্বয়ত্বেরও হানি হইতেছে না; কারণ, স্বয়ংসিদ্ধ তাদৃশাতাদৃশতত্ত্বাস্তরের অভাব হেতু এবং স্বশক্ত্যেক-

(১) উপাদান ও নিমিত্ত ভেদে কারণ দ্বিবিধ। তন্মধ্যে যেকারণ স্বীয় সমানসত্তাবিশিষ্টকার্য্যাকারে প্রকাশ পায় তাহাকে উপাদানকারণ বলা হয়। অথবা ভাবী অবস্থাবিশেষবিশিষ্ট পদার্থের পূর্ক্বাবস্থার যোগ ঘাহাতে বিজ্ঞমান তাদৃশ পদার্থকে উপাদান কারণ বলে। উপাদানভিন্ন কারণের নাম নিমিত্তকারণ যথা—বলয়াদি স্বর্ণালঙ্কারের প্রতি স্বর্ণ উপাদানকারণ ও অলঙ্কারনির্ম্মাতা নিমিত্তকারণ।

(২) স্বীয় স্বরূপকে পরিত্যাগ না করিয়া অন্তরূপেপ্রতীতিকে বিবর্ত বলা হয়। যেমন শুক্লিতে রজতবুদ্ধি। এস্থলে শুক্লি স্বীয় স্বরূপকে পরিত্যাগ না করিয়া রজতাকারে প্রতিভাত হইয়াছে; ইহাই শুক্লিবিবর্ত্ত। একতস্থলে ব্রহ্মবস্ত সচ্চিদানন্দগুণস্বরূপে বিজ্ঞমান থাকিয়াও মায়াযুক্তব্যক্তির সঙ্ঘকে জগদাকারে প্রতীক্ষমান হইতেছেন; অতএব প্রপঞ্চ ব্রহ্মবিবর্ত্ত।

সহায়ত্ব হেতু ও পরমাশ্রয় ব্রহ্ম ব্যতিরেকে ঐ সকল শক্তির অসিদ্ধত্ব হেতু ব্রহ্মের সজাতীয় বিজাতীয় ও স্বগত ত্রিবিধ ভেদেরই অভাব হইতেছে। ব্রহ্মের শক্তি ব্রহ্মসদৃশ স্বয়ংসিদ্ধ বস্তুস্তর হইলে, উহার সহিত ব্রহ্মের সজাতীয় ভেদ ঘটিত। উহা ব্রহ্ম হইতে বিসদৃশ স্বয়ংসিদ্ধ বস্তুস্তর হইলে, ব্রহ্মের বিজাতীয় ভেদ ঘটিত। আর ঐ শক্তি ব্রহ্মের ধর্ম না হইয়া ব্রহ্মাতিরিক্ত স্বয়ংসিদ্ধ বস্তুস্তর হইলে বা ব্রহ্মের অনধীন স্বয়ংসিদ্ধ বস্তুস্তর হইলে, ব্রহ্মের স্বগতভেদের আপত্তি হইতে পারিত। জীবশক্তি ব্রহ্মসদৃশ স্বয়ংসিদ্ধ বস্তুস্তর না হওয়ায়, উহার স্বীকারে, ব্রহ্মের সহিত জীবের সজাতীয় ভেদ ঘটিতেছে না। মায়াজক্তি ব্রহ্ম হইতে বিসদৃশ স্বয়ংসিদ্ধ বস্তুস্তর না হওয়ায়, উহার স্বীকারে, ব্রহ্মের সহিত মায়ার বিজাতীয় ভেদ ঘটিতেছে না। আর স্বরূপশক্তি ব্রহ্মানতিরিক্ত ও ব্রহ্মাধীন ব্রহ্মধর্ম হওয়ায়, উহার স্বীকারে, ব্রহ্মের স্বগত ভেদের আপত্তি ঘটিতেছে না। স্বরূপের অন্তর্গত না হইয়াও, সামানাধিকরণ্য দ্বারা স্বরূপের লক্ষয়িত্রী জীবশক্তি ব্রহ্মের তটস্থ প্রকাশ; অঘটনঘটনাপটীয়সী বিচিত্রজগজ্জননী মায়াজক্তি ব্রহ্মের অপ্রকাশ; আর অন্তরঙ্গ স্বরূপশক্তি ব্রহ্মের স্বরূপপ্রকাশ। জীবশক্তি ব্রহ্মরূপ রবির বহিঃচরকিরণপরমাণুস্থানীয়া; মায়াজক্তি তমঃস্থানীয়া; স্বরূপশক্তি মণ্ডলস্থানীয়া। তন্মধ্যে মায়াজক্তি ও জীবশক্তি বিশ্বের উপাদানকারণ এবং স্বরূপশক্তি নিমিত্তকারণ।\* অতএব উক্ত শক্তিত্রয়ের অনঙ্গীকারে জীবজড়াত্মক জগতের সৃষ্টি অনুপপন্ন হয়। এই নিমিত্তই ভগবান্ শঙ্করাচার্য্যও শারীরকভাষ্যে বলিয়াছেন,—

“শক্তিঃ কারণশ্চ কার্যনিয়মনার্থা কল্প্যমানা নাস্তা নাপ্যসতী কার্যং নিষচ্ছেৎ অসৎপ্রাণিশেষাদন্ত্রাণ্যবিশেষাচ্চ। তস্মাৎ কারণশ্চাত্মভূতা শক্তিঃ শক্তে-  
শ্চাত্মভূতং কার্যমিতি” ( ২।১।১৮ )—শক্তি কারণের অতিশয় বা ধর্ম। উহা কারণে থাকিয়া কার্যকে নিয়মিত করে। উহা কার্যের নিয়মনার্থ কারণে কল্পিত হয়। উহা কার্য ও কারণ হইতে ভিন্ন নহে এবং অসৎও নহে। উহা যদি কার্য ও কারণ হইতে ভিন্ন এবং অসৎ হইত, তবে কার্যকে নিয়মিত করিত না, অর্থাৎ বিশেষ বিশেষ কারণ হইতে বিশেষ বিশেষ কার্যের উৎপত্তি হইবে এরূপ একটি নিয়ম হইত না। কার্যসকল কারণের অপরিবর্তনীয় ও অবশ্র-  
জ্যাবী শক্তির বিকাশ।

বিশেষতঃ বাহ্যতে জ্ঞান, তাহাতেই অজ্ঞান, ইহাই নিয়ম। উক্ত নিয়ম দর্শনে জ্ঞানের সত্তাতেই অজ্ঞানের সত্তা—জীবজড়াত্মক জগতের সত্তা পর্যাবসিত

\* শক্তিমৎ পরব্রহ্ম হইতে শক্তিবর্গ অভিন্ন বলিয়া পরব্রহ্ম নিমিত্ত ও উপাদান এতদ্বস্তুর কারণ।

হয়। ঐ সত্তার ক্ষৌরকতারূপলিঙ্গ(১) দ্বারা ব্রহ্মের জ্ঞানশক্তির অনুমান করা যায়। অতএব “অথ কস্মাদুচ্যতে ব্রহ্ম বৃংহতি বৃংহয়তি” এই শ্রুতি এবং “বৃহত্ত্বাদ্ বৃংহণত্বাচ্চ যদ্ব্রহ্ম পরমং বিদুঃ” এই শ্রুতি, বৃদ্ধি ও বর্ধন দ্বারা ব্রহ্মের স্বরূপশক্তি-মন্ত্র দেখাইতেছেন। এই নিমিত্তই শারীরকভাষ্যকারও বলিয়াছেন,—

“নমু তব দেহাদিসংযুক্তশ্চাপ্যাত্মনো বিজ্ঞানস্বরূপমাত্রাব্যতিরেকেণ প্রবৃত্তানু-  
পপত্তেরনুপপন্নং প্রবর্তকত্বমিতি চেৎ, ন, অয়স্বাস্তাদিবদ্ রূপাদিবচ্চ প্রবৃত্তি-  
রহিতশ্চাপি প্রবর্তকত্বোপপত্তেঃ” (২।২।২)—যদি বলেন,—আত্মা দেহাদিতে  
সংযুক্ত, সত্য; কিন্তু তাঁহার নিজের প্রবৃত্তি নাই; কেবল বিজ্ঞানের প্রবৃত্তি  
উৎপন্ন হয় না; অতএব তাঁহার প্রবর্তকতাও নাই;—তাঁহার উত্তর এই যে,  
অয়স্বাস্তমণি ও রূপ প্রভৃতি প্রবৃত্তিরহিতবস্তুর প্রবর্তকতার দৃষ্টান্তদ্বারা  
প্রবৃত্তিরহিত আত্মারও—ব্রহ্মেরও প্রবর্তকতারূপ স্বরূপসামর্থ্য উপপন্ন হয়।  
তথাপি যদি বলেন,—যে জগদ্রূপ কার্যদ্বারা যে অজ্ঞান অঙ্গীকার করা হয়,  
সেই জগৎ ও সেই অজ্ঞান এতদুভয়েরই অসত্ত্ব অর্থাৎ মিথ্যাত্বহেতু তদুভয়ের  
প্রবর্তকতা দ্বারা লক্ষিতা শক্তিও অসৎ অর্থাৎ মিথ্যাই হইতেছে,—তাহা হইলে,  
তাদৃশ অসৎ জগতের সৃষ্টাদিদ্বারা লক্ষিতব্রহ্মেরও অসত্ত্বপ্রসঙ্গ হইতেছে।  
আর যদি ব্রহ্মের অসত্ত্বের পরিবর্তে সত্ত্বাই স্বীকার করা হয়, তবে সেই  
ব্রহ্মে অজ্ঞান ও অজ্ঞানকার্য জগৎ হইতে অতিরিক্ত তৎপ্রবর্তকতারূপা স্বরূপ-  
শক্তি অবশ্য স্বীকার্য হইতেছে। অজ্ঞানের নাশে ঐ স্বরূপশক্তির নাশ হয়  
না। প্রকাশের নাশে প্রকাশেরও নাশ হয়, কেবল প্রকাশকই থাকেন,  
এরূপও বলা যায় না; কারণ, প্রকাশরহিত প্রকাশক থাকেন বলিলে, অন্ধ-  
কুক্কটীর ঞ্চায় উপহাসাস্পদ হইতে হয়। স্বয়ং শারীরকভাষ্যকারই বলিতেছেন,—

“অসত্যপি কৰ্ম্মণি সবিতা প্রকাশতে ইতি কর্তৃত্বব্যাপদেশদর্শনাৎ। এব-  
মসত্যপি জ্ঞানকৰ্ম্মণি ব্রহ্মণস্তদৈক্যতেতি কর্তৃত্বব্যাপদেশোপপত্তে ন দৃষ্টান্তবৈষম্যম্”  
(১।১।৫)—যখন কৰ্ম্ম বা প্রকাশ বস্তুর সহিত সম্বন্ধ অবিবক্ষিত থাকে, তখন  
যেমন সূর্য্য প্রকাশ পাইতেছেন, এইরূপ অকৰ্ম্মক কর্তৃত্বের উল্লেখ হয়, তদ্রূপ,  
সৃষ্টির পূর্বে জ্ঞানকৰ্ম্ম বা জ্ঞেয়বস্তু না থাকিলেও, তৎ ঐক্যত—তিনি ঐক্য  
করিলেন—এইরূপ অকৰ্ম্মক কর্তৃত্বের উপপত্তি হয় বলিয়া দৃষ্টান্তের বৈষম্য  
ঘটিতেছে না। এই নিমিত্তই সহস্রনামভাষ্যেও উক্ত হইয়াছে,—“স্বরূপসামর্থ্যেন  
ন চ্যাজ্ঞে ন চ্যাবতে ন চবিদ্যত ইত্যচ্যুতঃ শাস্বতং শিবমচ্যুতমিতিশ্রুতেঃ।”

(১) স্বপ্রকাশতারূপ চিহ্ন।

অতএব, বেরূপ বস্তুর ক্রিয়াসামর্থ্যরূপা শক্তি (১) কার্যের পূর্বে এবং পরেও মজাদির শক্তির স্তায় বস্তুতে থাকেই, কার্যকাল পাইয়া ব্যক্ত হয়, তদ্রূপ, ব্রহ্মেরও তাদৃশী শক্তি অবশ্য স্বীকার্য। এই নিমিত্তই শারীররূপভাষ্যকারও বলিতেছেন,—

“বিষয়াভাবাদিয়মচেতয়মানতা ন চেতন্যভাবাৎ” (২। ৩। ১৮)—“যদ্বৈ তন্ন পশুতি পশুন্ বৈ তন্ন পশুতি। নহি দ্রষ্টুর্দৃষ্টে বিপরিলোপো বিজ্ঞতে” ইত্যাদি শ্রুতিবাক্যের তাৎপর্য পর্যালোচনা করিলে, ইহাই বুঝা যায় যে, জ্ঞাতা যখন দেখেন না, তখন দ্রষ্টব্যের অভাবেই দেখেন না, দ্রষ্টব্যবস্তুর সহিত সম্বন্ধের অভাবেই দেখেন না, সামর্থ্যের অভাবে দেখেন না এমন নয়। জ্ঞাতার জ্ঞান-শক্তি অবিনাশিনী, বিশেষতঃ শক্তির উৎপত্তি ও নাশ হয় বলিলে, কার্যঅনিবন্ধন কারণরূপা শক্তির হানি হইয়া উঠে।

আরও দেখুন, আশ্রয়তত্ত্ব সত্তামাত্র নু হইয়া জ্ঞানবিশিষ্ট হওয়াই সঙ্গত ; কারণ, যিনি অজ্ঞানের আশ্রয়, তিনি উক্ত অজ্ঞানের বিরোধিজ্ঞানেরও আশ্রয়, ইহা নিয়মিতই আছে। নিয়ম অপরিহার্য। আবার যিনি জ্ঞানাশ্রয়, তিনি অবশ্য জ্ঞানশক্তিসম্বিত। অথবা যখন চিন্মাত্র-ব্রহ্ম-ব্যতিরিক্ত সমস্ত বিষয়ের নিষেধ করা হয়, অর্থাৎ যখন তাদৃশ ব্রহ্মাতিরিক্ত বিষয় নাই বলা হয়, তখন তাদৃশ নিষেধবিষয়ক জ্ঞানের জ্ঞাতা কে হইবেন? অধ্যাসকেই(২) জ্ঞাতা বলিব? অধ্যাস কখনই জ্ঞাতা বা জ্ঞানের কর্তা হইতে পারে না; কারণ, ঐ অধ্যাসও নিষেধের বিষয় হওয়ার উহা তন্নিবর্তক জ্ঞানের কর্মই হইতেছে। অতএব ব্রহ্মই জ্ঞাতা হইতেছেন। ব্রহ্ম যদি জ্ঞাতা হইতেন, তবে আমরাদিগের পক্ষই পরিগৃহীত হইল। প্রকাশস্বরূপ বস্তুর স্বপ্রকাশশক্তির স্তায় জ্ঞানস্বরূপ ব্রহ্মের জ্ঞাতস্বরূপা জ্ঞানশক্তি অবশ্য স্বীকার্য হইয়া পড়িল। ব্রহ্ম সচ্চিদানন্দ-স্বরূপ; ব্রহ্মের চিদানন্দসত্তা বা চিদানন্দক্ষুর্তিই তাঁহার স্বরূপশক্তি। উহার অস্বীকারে মুক্তিতে জীবের স্বরূপাবস্থানরূপ পুরুষার্থও শূন্য হইয়া উঠে। কেবল জড়দুঃখপ্রতিযোগিনী সত্তা বা শূন্য একই কথা নয় কি? শক্তিপক্ষে ব্রহ্মের স্বপ্রকাশতা ও স্বরূপসামর্থ্য একই। ঐ স্বরূপশক্তি অহিকুণ্ডলের (৩) স্তায় ভেদ ও অভেদ উভয়লক্ষণসম্বিত। অহিকুণ্ডলাধিকরণে স্বয়ং বাদরায়ণ ঐরূপই বলিয়া-

(১) কারণবস্তুতে যে সামর্থ্যটি না থাকিলে কার্য হয় না, কারণনিষ্ঠ তাদৃশ সামর্থ্যকেই শক্তি বলে। উহা সকল উপাদান ও নিমিত্ত কারণে ভেদাভেদে বিভক্তমান।

(২) একবস্তুতে অন্য বস্তুজ্ঞান।

(৩) সর্পের কুণ্ডলাকারে অবস্থিতি বেরূপ সর্প হইতে ভেদ ও অভেদরূপে প্রতীয়মান।



ছেন। সবিতা ও তৎপ্রকাশ যেমন বস্তুতঃ অতির হইলেও, সবিতা তৎপ্রকাশের আশ্রয়রূপে উহা হইতে ভিন্ন, ব্রহ্ম ও ব্রহ্মশক্তিও তদ্রূপ অতির হইয়াও আশ্রয়-প্রিতভাবে পরম্পর ভিন্ন। এই অচিন্ত্যভেদ থাকাতেই প্রকাশৈকরূপব্রহ্মকে স্বপরপ্রকাশনশক্তিসম্বিত বলা হয়। ব্রহ্ম জ্ঞানানন্দস্বরূপ হইয়াও স্বপর-জ্ঞানানন্দের হেতু হইয়েন। বস্তুতঃ একই তত্ত্বের স্বরূপত্ব এবং ঐ স্বরূপত্বের অপরিহারাগেই স্বরূপশক্তিত্ব সিদ্ধ হইতেছে। ব্রহ্মের কার্যোগ্যস্বরূপই ব্রহ্মের শক্তি। অন্তরঙ্গকার্যোগ্যস্বরূপের নাম অন্তরঙ্গ শক্তি; বহিরঙ্গকার্যোগ্যস্বরূপের নাম বহিরঙ্গ শক্তি; আর মিশ্রকার্যোগ্যস্বরূপের নাম তটস্থ শক্তি। উক্ত ত্রিবিধশক্তিমাদ্ ব্রহ্ম বিশেষ্য এবং তাঁহার কার্যোগ্যস্বরূপশক্তিত্রয় তাঁহার বিশেষণ। উহা ব্রহ্মের স্বরূপ হইতে ভিন্ন বা অভিন্নরূপে চিন্তার অবোধ্য বলিয়া, ব্রহ্ম ও ব্রহ্মশক্তির অচিন্ত্যভেদাভেদ স্বীকৃত হয়। “সত্যং জ্ঞানমনস্তং ব্রহ্ম” এই শ্রুতিতেও ব্রহ্মের ধর্মভেদই উক্ত হইয়াছে। অসত্য জড় ও পরি-চ্ছেদের ব্যাবর্তনও ধর্মবিশেষই। যদি বলেন, অসত্যের ব্যাবর্তনরূপ (১) সত্য, জড়ের ব্যাবর্তনরূপ জ্ঞান এবং পরিচ্ছেদের ব্যাবর্তনরূপ অনন্ত ব্রহ্মস্বরূপ, ধর্মাস্তর নহে, তাহা হইলে, তত্তদ্ব্যাবৃত্তির (২) যোগ্যতাও ব্রহ্মে আছে, ইহা অবশ্য স্বীকার করিতে হইতেছে। ঐ যোগ্যতাই কি শক্তি নয়? যুরিয়া ফিরিয়া শক্তিই উপস্থিত হইতেছেন।

জ্ঞানমাত্রব্রহ্মে অজ্ঞান সম্ভব হয় না। অথচ ব্রহ্মের অজ্ঞানকৃত শুক্টিতে রক্তের গায় কল্লিতজীবত্ব স্বীকৃত হয়। অতএব ব্রহ্ম স্বগত অজ্ঞানদ্বারা আপনাতে জীবত্বকল্পনা করেন ইহাই বলিতে হয়। ঐ কল্পনাও অবশ্য ব্রহ্মের জ্ঞাত্বের অভাবে উপপন্ন হয় না। অতএব পারিশেষ্যপ্রমাণ (৩) দ্বারা স্বমতেও ব্রহ্মের অচিন্ত্যশক্তি অপরিহার্য হইতেছে। এই অপরিহার্য শক্তির অনঙ্গীকারে বেদান্তের অনুবন্ধনই অসঙ্গত হইয়া পড়ে। বেদান্তের অনুবন্ধ (৪) চারিটি;— অধিকারী, বিষয়, সঙ্ক ও প্রয়োজন। উক্ত অনুবন্ধ-চতুষ্টয়ই শাস্ত্র-প্রবৃত্তির হেতু। উহাদের অনুরোধেই শাস্ত্রসমূহের প্রবৃত্তি হইয়া থাকে। তন্মধ্যে অধিকারী বা প্রথমঅনুবন্ধের অনুরোধেই শাস্ত্রের আরম্ভ হয়। অধিকারী না থাকিলে, কাহার জন্ত শাস্ত্র আরম্ভ হইবে? অতএব প্রথম অনুবন্ধ অধিকারী অবশ্য অপেক্ষিত। অভিলষিত বিষয় বিদিত হইবার নিমিত্ত লোকে শাস্ত্রানুশীলনে

(১) ভেদসাধনরূপ। (২) ভেদের। (৩) পরিশেষে যেটা স্বার্থ জ্ঞানের সাধন হয়।

(৪) যে স্ববিষয়ক জ্ঞান দ্বারা শাস্ত্রে প্রবর্তিত করে।

প্রবৃত্ত হয়। এই শাস্ত্র অনুশীলন করিলে, এই বিষয় জানিতে পারিব বুঝিয়াই লোকে শাস্ত্রানুশীলনে প্রবৃত্ত হইয়া থাকে। অতএব বিষয়রূপ দ্বিতীয় অনুবন্ধও অবশ্য অপেক্ষণীয়। শাস্ত্রীয় বিষয় জানিয়া কোন্ প্রয়োজন সিদ্ধ হইবে, তাহা না জানিয়া বিবেচক ব্যক্তির শাস্ত্রে প্রবৃত্তি হইতে পারে না। প্রয়োজনের জ্ঞান ব্যতিরেকে প্রবৃত্তি সম্ভব হয় না। প্রয়োজন প্রবৃত্তির হেতু বলিয়া প্রয়োজন-রূপ চতুর্থ অনুবন্ধও অবশ্য অপেক্ষিত। সম্বন্ধ নামক তৃতীয় অনুবন্ধটি পূর্বেক্ত বিষয় ও প্রয়োজনের সহিত শাস্ত্রের কিরূপ সম্বন্ধ তাহাই প্রকাশ করিয়া থাকে। অতএব উহাও যে অপেক্ষিত, তদ্বিষয়ে সন্দেহ হইতে পারে না। কিন্তু এক জীবশক্তিরূপ অধিকারীর অস্বীকারে উক্ত চারিটি অনুবন্ধই অমঙ্গল হইয়া যায়। এই অনুবন্ধের সিদ্ধির নিমিত্ত মায়াবাদীরাও কাল্পনিক অধিকারী স্বীকার করিয়া থাকেন। তাঁহারা বলেন,—প্রথমতঃ ব্রহ্মচর্যাদির অনুষ্ঠান পূর্বক শিক্ষা(১) কল্প(২) ব্যাকরণ, নিকরু, (৩) ছন্দঃ ও জ্যোতিষ, এই ছয়টি অঙ্গের সহিত বেদ অধ্যয়ন করিতে হইবে। বেদ অধীত হইলে, আপাততঃ বেদার্থের অবগতি হইবে। জন্মবন্ধের মোচনের নিমিত্ত কাম্যকর্ম (৫) ও নিষিদ্ধকর্ম (৬) ত্যাগ করিতে হইবে। অস্তঃকরণের মালিন্য দূরীকরণার্থ নিত্য, নৈমিত্তিক ও প্রায়শ্চিত্ত (৭) এই ত্রিবিধ কর্মের অনুষ্ঠান করিতে হইবে। সগুণব্রহ্মের উপাসনারূপচিত্তাবিশেষদ্বারা চিত্তের স্বৈর্ঘ্যসম্পাদন করিতে হইবে। তদনন্তর নিত্যানিত্যবস্তুবিবেক, (৮) ইহা-

(১) উদাত্ত, অমুদাত্ত, স্থরিত এবং বৃষ দীর্ঘপ্রুতাদিবিশিষ্ট স্বর ও ব্যঞ্জনাঙ্গক বর্ণের উচ্চারণ বিশেষের জ্ঞান যে শাস্ত্র হইতে উৎপন্ন হয় সেই বেদাঙ্গ শাস্ত্রের নাম শিক্ষা।

(২) বৈদিককর্মাণুষ্ঠানের ক্রমবিশেষের জ্ঞান যে বেদাঙ্গশাস্ত্র হইতে জন্মে তাহাকে কল্প বলা হয়।

(৩) বৈদিক মন্ত্রহ পদসমূহের অর্থজ্ঞান যে বেদাঙ্গশাস্ত্র হইতে জন্মে তাহাকে নিকরু বলে।

(৫) ঐহিক ও পারত্রিক দুঃখের সাধন কর্মকে কাম্য কর্ম বলা হয়। যেমন কারীরীদজ্ঞ ও জ্যোতিষ্টম যজ্ঞ।

(৬) ঐহিক ও পারত্রিক দুঃখের সাধন কর্মকে নিষিদ্ধ কর্ম বলে; যথা পরপীড়নাদি।

(৭) যে কর্মের অকরণে পাপ ও অনুষ্ঠানে চিত্তশুদ্ধি হয় তাদৃশকর্মকে নিত্যকর্ম বলে। যেমন সঙ্ঘাৎসনাদি। যে কর্ম কেবলমাত্র পাপক্ষয় করে তাদৃশকর্মকে প্রায়শ্চিত্ত বলে। যেমন চান্দ্রায়ণাদি। পুত্রাদির উৎপত্তিনিবন্ধন যে জাতকর্মাদি অনুষ্ঠিত হয় তাদৃশ কর্মকে নৈমিত্তিক কর্ম বলে।

(৮) পরব্রহ্ম নিত্যবস্তু তদন্তির যাবতীর বস্তুই অনিত্য এইরূপ বিবেচনাঙ্গক জ্ঞানকে নিত্যানিত্য বস্তুবিবেক বলে।

মুক্তফলভোগবৈরাগ্য,(১) শমদমাদিসাধনসম্পত্তি (২) ও মুমুক্ষা (৩) এই সাধনচতুষ্টয়-সম্পন্ন হইয়া ব্রহ্মজিজ্ঞাসা করিতে হইবে। তন্মধ্যে স্বরূপতঃ অধিকারী না থাকিলেও, ব্রহ্মজিজ্ঞাসা বা বেদান্তানুশীলনরূপ ব্যবহারের সিদ্ধির নিমিত্ত উল্লিখিত-গুণাবলী-সম্বিত অধিকারী জীব কল্পিত হইয়া থাকে। বস্তুতঃ জীবরূপ অধিকারী সত্যই, কল্পিত নহেন। তিনি জন্মান্তরীয় কর্ম দ্বারা বিশুদ্ধচিত্ত ও শ্রদ্ধালু হইয়া সাধু-সঙ্ঘের পরই ব্রহ্মজিজ্ঞাসার বা বেদান্তানুশীলনের অধিকারী হইয়া থাকেন। সাধুসঙ্ঘের পূর্বে উক্ত সাধনচতুষ্টয় ছলভ; সাধুসঙ্ঘের পরই ঐ সকল সাধন-সম্পত্তি লাভ হইতে দেখা যায়। সাধুসঙ্ঘের পর সাধুর ভাব অনুসারে জ্ঞান বা ভক্তি লাভ হইলে, অর্থাৎ জ্ঞানিসাধুর সঙ্গে জ্ঞান বা ভক্তসাধুর সঙ্গে ভক্তি লাভ হইলে, শ্রীভগবান্ সেই জ্ঞানিমুমুক্কে বা ভক্তমুমুক্কে দর্শন প্রদান করিয়া থাকেন। এইরূপে শ্রীভগবানের সাক্ষাৎকার লাভ হইলে, জ্ঞানিমুমুক্ ব্রহ্মানুভবদ্বারা ব্রহ্মভাবাপন্ন এবং ভক্তমুমুক্ শ্রীভগবদনুভবদ্বারা শ্রীভগবদ্-ভাবাপন্ন হইবেন।

সর্বশক্তিসম্বিত পরব্রহ্মাখ্য শ্রীভগবান্ই বেদান্তশাস্ত্রের বিষয়। বিবর্ত-বাদীর মতে, সর্ববিধ-বিশেষণ-রহিত নির্বিশেষব্রহ্মই বেদান্তশাস্ত্রের বিষয়। কিন্তু তাহা হইতে পারে না; কারণ, যাহার কোন বিশেষণ নাই, তিনি কখন ও শাস্ত্রের বিষয় হইতে পারেন না। জাতিরহিত, গুণরহিত, ক্রিয়ারহিত ও সংজ্ঞারহিত বস্তুকেই নির্বিশেষ বস্তু বলা হয়। শাস্ত্র শব্দাত্মক। শব্দ কখনই জাতিরহিত, গুণরহিত, ক্রিয়ারহিত ও সংজ্ঞারহিত বস্তুর বাচক হইতে পারে না। শাস্ত্র জাত্যাদিরহিত বস্তুর বাচক না হইতে পারিলেও, উহার লক্ষক হউক, এরূপও বলিতে পারা যায় না; কারণ, লক্ষণা যে শব্দের শক্তি সেই শব্দই যদি ব্রহ্মের বাচক না হইল, তবে তাহার সেই শক্তিরূপা লক্ষণা দ্বারাই

(১) পূর্বজন্মান্তরিককর্মের ফলস্বরূপ ঐহিকমালাচন্দন ও বনিতাদিবিষয়ভোগসমূহ যেরূপ অনিত্য ও দুঃখপ্রদ তদ্রূপ পারত্রিকস্বর্গ-স্থখাদিও কর্মজন্ত বলিয়া বিনাশী ও দুঃখপ্রদ এইরূপ বিবেচনা করিয়া ঐহিক ও পারলৌকিক বিষয়-ভোগে অত্যন্ত বিরক্তির নাম ইহামুক্তফলভোগবৈরাগ্য।

(২) শম, দম, উপরতি, তিতিক্ষা, সমাধান ও শ্রদ্ধা এই বড়-বিধ সম্পদকে শমদমাদিসাধনসম্পত্তি বলা হয়। তন্মধ্যে অন্তরেন্ত্রিয়নিগ্রহের নাম শম, বহিরিন্ত্রিয়নিগ্রহের নাম দম। বিহিত কর্ম সমূহের বিধিপূর্বক সন্ন্যাসগ্রহণাদি দ্বারা পরিত্যাগকে উপরতি বলে। শীতোষ্ণসুখদুঃখাদিষন্দ-সহিষ্ণুতাকে তিতিক্ষা বলে। শব্দস্পর্শাদি বিষয়সমূহ হইতে প্রত্যাহৃত অন্তঃকরণের শ্রবণমননাদি বিষয়ে একাগ্রতাকে সমাধান বলা হয়। গুরু ও বেদান্তাদিবাচ্যে দৃঢ়-বিশ্বাসকে শ্রদ্ধা বলে।

(৩) মোকেচ্ছার নামই মুমুক্শু।

বা কিপ্রকারে ব্রহ্মজ্ঞান সিদ্ধ হইতে পারিবে? বিশেষতঃ “যোহসৌ সৰ্বৈর্বেদৈ-  
গীষতে”—যিনি সকল বেদ কর্তৃক গীত হইলেন, “সৰ্বৈ বেদা যৎপদমামনস্তি”—  
কঠ উ (১।২।১৫) সকল বেদ যাঁহার স্বরূপ নির্দেশ করেন, ইত্যাদি শ্রুতিসকল  
ব্রহ্মের বেদবাচ্যত্বই বলিয়া থাকেন। “যতো বাচো নিবর্তন্তে অপ্রাপ্য মনসা সহ  
( তৈত্তিরীয় উঃ ) ইত্যাদি শ্রুতিতে যে ব্রহ্মেব অবাচ্যত্ব ও অজ্ঞেয়ত্ব উক্ত হইয়াছে,  
তাহা কেবল তাঁহার মহত্বপ্রযুক্ত। বেদসকল ব্রহ্মের মহিমা সৰ্বতোভাবে কীর্তন  
করিতে পারে না বলিয়াই উহাদের অবাচ্যত্ব উক্ত হইয়াছে। অতএব ব্রহ্ম ও  
বেদান্তের প্রতিপাদ্য-প্রতিপাদকতালক্ষণ বা বাচ্য-বাচকতা-লক্ষণ সম্বন্ধেও নির্ণীত  
হইল।

ব্রহ্মভাবাপত্তিলক্ষণমোক্শই জীবের প্রয়োজন। বিবর্তবাদীর মতে ঐ প্রয়োজন  
নিরূপণ করা যায় না। যাঁহার ব্রহ্মভাবাপত্তিলক্ষণ মোক্শ প্রয়োজন, সেই আত্মা  
এক বা অনেক? আত্মা এক হইলে, একের মুক্তিতে সৰ্ব্বমুক্তিপ্রসঙ্গ হয়; অনেক  
হইলে, অর্ধতত্ত্ব হয়। তদোষবারণার্থ উপাধিক ভেদের স্বীকারেও উপাধির (১)  
মিথ্যাভাবনিবন্ধন মিথ্যা উপাধিকৃত বন্ধনের অনুসন্ধান অনুপপন্ন হওয়ার মোক্শও  
অনুপপন্ন হয়। স্বপ্নের স্থায়, যে পর্যন্ত অজ্ঞান সেই পর্যন্তই বন্ধ ও মোক্শের  
ব্যবস্থা, একরূপও বলা যায় না; কারণ, ঐরূপ বলিলে, একের সৃষ্টিতে বা অজ্ঞানে  
সকলের সৃষ্টিসম্ভাবনা বা অজ্ঞানসম্ভাবনাবশতঃ সৰ্ব্বজগতের অন্ধত্ব বা অপ্রতীতি  
ঘটে। সৰ্ব্বজগৎ অন্ধ হইলে, উপদেষ্টার অভাবে মোক্শ অসম্ভব হয়। সমষ্টাভিমানী  
ঈশ্বরের সৃষ্টাভাব বা অজ্ঞানাভাব স্বীকার দ্বারা জগৎপ্রতীতির—চক্ষুশ্রুতপ্রতীতির  
উপপাদন করাও সম্ভব হয় না; কারণ, তাহা হইলে, সৃষ্টি হইতে প্রলয়  
পর্যন্ত তাদৃশ ঈশ্বরের অসৃষ্টিতে ব্যাষ্টাভিমানী জীবেরও অসৃষ্টিনিবন্ধন বা অজ্ঞানা-  
ভাবনিবন্ধন অজ্ঞানকৃত বন্ধন অসম্ভব হইয়া পড়ে। তদোষনিবারণার্থ জীবকেই  
জগতের কল্পক বলিলে, জীবৈশ্বরভেদের অভাবে জীবেরই সৃষ্টিকর্তৃত্বাপত্তি হেতু,  
“জগদ্ব্যাপারবর্জং প্রকরণাদসম্মিহিতত্বাৎ” ( ৪।৪।১৭ )—জগৎসৃষ্টি জীবের কার্য  
নহে, ব্রহ্মেরই কার্য; কারণ যে সকল শ্রুতিতে জগৎসৃষ্টি উক্ত হইয়াছে, ঐ  
সকল শ্রুতি ব্রহ্ম-প্রকরণের, জীব-প্রকরণের নহে এবং তৎসম্মিধানে জীবসম্বন্ধীয়  
কোন কথাই পাওয়া যায় না।—এই সূত্রের সহিত বিরোধ খটে। অধিকন্তু  
একই জীবের যুগপৎ সৰ্ব্বজগৎ বা মায়েশ্বরত্ব এবং অজ্ঞত্ব বা মায়াধীনত্ব অসম্ভব

(১) যাহা কার্যের সহিত অধিত না হইয়া ব্যবর্তক ও বর্তমান থাকে তাহার নাম উপাধি।

হইলেও অপরিহার্য হইয়া উঠে। অতএব ব্যবহারিকী সত্তার(১) স্বীকার দ্বারা অনুবন্ধের সঙ্গতি করা যায় না। যিনি যাহা বস্তুতঃ মিথ্যা বলিয়া জানিয়াছেন, তিনি কখন তাহার সত্যত্ব কর্তন করিয়া লইয়া তন্মূলক উপদেশাদিতে প্রবৃত্ত হইতে পারেন না। কল্পিত আচার্য্যের কল্পিত উপদেশ দ্বারা কল্পিত শিষ্যের কল্পিত প্রয়োজন ভিন্ন প্রকৃত প্রয়োজন সিদ্ধ হইতে পারে না। আরও যে তত্ত্বমস্তাদি-বাক্যজন্ত (২) জ্ঞানকে বন্ধের নিবর্তক বলা হয়, তাহাই যখন অবিজ্ঞা-

(১) পারমার্থিকী ব্যবহারিকী ও প্রতিভাসিকী ভেদে সত্তা ত্রিবিধ।

তন্মধ্যে সর্বকালবর্তিনী পরমেশ্বরের সত্তাকে ( বিজ্ঞমানতাকে ) পারমার্থিকী সত্তা বলে। মুক্তির প্রাক্কালপর্য্যন্তস্থায়িনী প্রপঞ্চের সত্তার নাম ব্যবহারিকী সত্তা। শুক্তি প্রভৃতিতে রজতাদি আকারে প্রতিভাসমানা আরোপিতসত্তার নাম প্রতিভাসিকী সত্তা। কোন কোন বৈদান্তিক এতদ্ভিন্ন আরও একটা সত্তা স্বীকার করেন তাহার নাম তুচ্ছ সত্তা ( অলীক সত্তা )। যেমন আকাশ কুম্ভাদির বাচনিক সত্তা। “শব্দজ্ঞানানুপাতী বস্তুশূন্যো বিকল্পঃ।” যোগ সূঃ সঃ ৯। এই যোগসূত্রে মহর্ষি পতঞ্জলি অলীক সত্তার স্বীকার করিয়াছেন।

(২) জ্ঞানবাদিগণ তত্ত্বমস্তাদি, বাক্যজন্ত-জ্ঞানকে বন্ধের নিবর্তক বলেন। উক্ত তত্ত্বমস্তাদি বাক্যার্থ বিষয়ে পূর্বাচার্য্যগণের যে মতভেদ পরিদৃষ্ট হয়, সংক্ষেপে নিয়ে তাহা প্রদর্শিত হইল।

“কেচিৎতত্ত্বমসীতি বাক্যবিষয়ে তত্ত্বম্পদে লক্ষণাঃ  
কেচিৎতত্রওসোলুকং বিদধতে ভাষ্যতু কেচিৎজগুঃ।  
কেচিচ্চিদ্বিষয়াদভেদমপরে ছিন্দ্যত্যতত্ত্বং পদং  
সিদ্ধান্তেতু স্ববর্ণবজ্জগদিদং ব্রহ্মৈব হ্রীবন্তথা ॥

বল্লভীয়াশুদ্বাট্টৈতমার্ভও টীকা। ২১

আচার্য্য শঙ্কর বলেন যেহেতু ‘তত্ত্বমসি’ এই বাক্যস্থ তৎ শব্দ পরৌক্ষসর্বজ্ঞত্বাদিগুণবিশিষ্ট ঈশ্বরের বাচক ও তৎ শব্দ অপরৌক্ষ অজ্ঞত্বাদিগুণবিশিষ্ট জীবের বাচক, সুতরাং এ স্থলে জীবেশ্বরের অভেদাধর লক্ষণা ভিন্ন সম্ভব হয় না। অতএব জহদহজল্লক্ষণা ( ভাগ লক্ষণা ) স্বীকার করিয়া সর্বজ্ঞত্বাদি ও অজ্ঞত্বাদিরূপবিরুদ্ধভাগ পরিত্যাগপূর্বক কেবল চিদংশরূপ অবিরুদ্ধ ভাগের গ্রহণ করিয়া তত্ত্বং পদবাচ্য জীবেশ্বরের অভেদজ্ঞান নিষ্পন্ন হয়। যেমন “সোহয়ং দেববত্ত” এই বাক্যে অভেদাধর ভাগলক্ষণা দ্বারা নিষ্পন্ন করা হইয়া থাকে। আচার্য্য মধ্ব “তত্ত্বমসি” এই বাক্যে ওসের ( ষষ্ঠী বিভক্তির ) লোপ করিয়া তস্ত ত্বং অসি—পরমেশ্বরের নিয়মাসেবক তুমি হও এইরূপ বাক্যার্থের যোজন্য করেন। আচার্য্য রামানুজ ও মহাত্মাভাস্করসারে ‘তস্ত ত্বং তত্ত্বং’ ষষ্ঠী বিভক্তির গ্রহণপূর্বক পরব্রহ্মের শেবভূত জীব তুমি এই প্রকার অর্থ নির্বাচন করেন। আচার্য্য নিধার্ক তত্ত্বমসি বাক্যে জীবেশ্বরের চিদেকাকারত্ব-রূপসাধন্যাবশতঃ অভেদাধর স্বীকার করিয়া থাকেন। মধ্বকদেশিক পূর্বাচার্য্যগণ “স আত্মা তত্ত্বমসি” এই বাক্যে অতত্ত্বমসি এই প্রকার পদচ্ছেদ করিয়া ‘তদ্ ব্রহ্ম ত্বং নাসি কিং তর্হি জীবোহসি’ বিত্তু সচ্চিদানন্দ ব্রহ্ম তুমি নও অণুসম্বিদ জীবাত্মা তুমি এইরূপ অর্থ গ্রহণ করিয়া থাকেন।

শুদ্বাট্টৈতবাদি-বল্লভাচার্য্য বলেন, যেমন স্বর্ণের অংশ স্বর্ণ তরুণ ব্রহ্মাংশ জীব ও ব্রহ্মই। এইরূপ সিদ্ধান্ত করিয়া তত্ত্বমসি বাক্যে জীবেশ্বরের অভেদ স্বীকার করিয়াছেন।

কল্পিত, তখন তদ্বারা বন্ধের নিবৃত্তি সম্ভব হয় না। স্বপ্নদৃষ্টসিংহের ভয়ে জাগরণবৎ অবিষ্টাকল্পিত তত্ত্বমস্তাদি-বাক্য হইতে জ্ঞানোৎপত্তির সম্ভাবনা স্বীকার করা যায় না; কারণ, দৃষ্টান্তে স্বপ্নঘটক বায়ুাদিদোষ-পরমার্থিক বস্তু এবং স্বপ্নদ্রষ্টা পুরুষ মিথ্যা নহেন, কিন্তু দৃষ্টান্তে জীবজগদাদি সমস্তই মিথ্যা, অতএব দৃষ্টান্তেরই অনুপপত্তি হইতেছে। শেষ কথা, প্রথমগুরু নারায়ণ ব্রহ্মা কর্তৃক কল্পিত, এবং শ্রীকৃষ্ণরূপ দ্বিতীয়গুরু অর্জুন কর্তৃক কল্পিত; সর্বশাস্ত্রময়ী গীতা শ্রীকৃষ্ণ-কল্পিতা, ইহাই যাহার মত তাদৃশ প্রজ্ঞামানী বিবর্তবাদী কি কখন তাদৃশী গীতার বিচারে প্রবৃত্ত হইতে পারেন?—কখনই না। অদ্বিতীয় আত্মার সাক্ষাৎকার দ্বারা যাহার মূল অজ্ঞান ও তাৎপর্যসকল নষ্ট হইয়া গিয়াছে, তাঁহার কি আবার দ্বৈতদর্শনপূর্বক গীতাশাস্ত্রের উপদেশ সম্ভব হয়? বাধিতানুবৃত্তিগায়েও অর্থাৎ মিথ্যার স্মরণ করিয়াও উক্ত উপদেশের সম্ভাবনা করা যায় না। যদি বলেন, সম্ভাবনা করা যায়, তবে প্রশ্ন করা যাইতে পারে, সম্যক্ জ্ঞানের সময়ে ঐ বাধিতানুবৃত্তি অর্থাৎ মিথ্যার স্মৃতি থাকে কি না? থাকে বলিলে, “জ্ঞানেন তু তদজ্ঞানং যেষাং নাশিতমাত্মনঃ” ইত্যাদি গীতোক্তির সহিত বিরোধ ঘটে। গীতায় সম্যক্ জ্ঞানের পর মিথ্যার স্মৃতি স্বীকৃত হয় না। উহা অনুভববিরুদ্ধও বটে। রজ্জুর সাক্ষাৎকারের পর সর্পভ্রমের অনুবৃত্তি (১) কেহই স্বীকার করেন না। দ্বিতীয় পক্ষে অর্থাৎ সম্যক্ জ্ঞানের সময়ে মিথ্যার স্মৃতি থাকে না বলিলে, তৎকালে দ্বৈতদর্শনকৃত উপদেশ যে অসম্ভব তাহা বলা বাহুল্য। বিশেষতঃ “নষ্টোমোহঃ স্মৃতি ল'কা তৎপ্রসাদান্ময়াচ্যুত” এই গীতোক্তির অনুসারে, সাক্ষাৎ-কারদ্বারা অজ্ঞানের নাশের পর, অর্জুনের প্রতি শ্রীভগবানের যুদ্ধানুজ্ঞা, অর্জুনের তদাদেশানুরূপ ভবিষ্যৎকরণীয় প্রতিজ্ঞা ও যুদ্ধাদিপ্রবৃত্তি প্রভৃতি কি সম্ভব হয়?

“পরিণামবাদ ব্যাসসূত্রের সম্মত।

অচিন্ত্যশক্ত্যে ঈশ্বর জগদ্রূপে পরিণত ॥

মণি যৈছে অবিকৃতে প্রসবে হেমভার।

জগদ্রূপ হয় ঈশ্বর তবু অবিকার ॥

ব্যাস ব্রাহ্ম বলি সেই সূত্রে দোষ দিয়া।

বিবর্তবাদ স্থাপিয়াছে কল্পনা করিয়া ॥

জীবের দেহে আত্মবুদ্ধি সেই মিথ্যা হয়।

জগৎ যে মিথ্যা নহে নশ্বরমাত্র হয় ॥

(১) অনুবৃত্তি—তদানুসারে প্রতীতি।

প্রণব যে মহাবাক্য ঈশ্বরের মূর্তি ।  
 প্রণব হৈতে সর্ববেদ জগতে উৎপত্তি ॥  
 তত্ত্বমসি জীব হেতু প্রাদেশিক বাক্য ।  
 প্রণব না মানি তারে কহে মহাবাক্য ॥”

তার পর সজ্বাতবাদ,(১) আরম্ভবাদ(২) বা বিবর্তবাদ(৩) এই তিন বাদের কোন বাদেই বেদান্তসূত্রের অভিপ্রায় দেখা যায় না। বেদান্তসূত্র বৌদ্ধের সজ্বাতবাদ এবং তর্কিকের আরম্ভবাদ খণ্ডনপূর্বক স্পষ্টাক্ষরে পরিণামবাদ স্থাপন করিলেও, বিবর্তবাদী আচার্য্য সূত্রকারকে ভ্রান্ত মনে করিয়া “আত্মকৃতে: পরিণামাৎ” (১।১।২৬) এই সূত্রোক্ত পরিণামের উপর দোষোদ্ভাবন পূর্বক “তদনন্ত-মারম্ভগণকাদিত্যঃ” (২।১।১৪) সূত্রের ভাষ্যে “ন হ্যেকশ্চ ব্রহ্মণঃ পরিণামধর্ম্মৎ তদ্রহিতঞ্চ শক্যং প্রতিপত্তুম্”—একই ব্রহ্মের যুগপৎ পরিণাম ও অপরিণাম বলা যুক্তিযুক্ত হইতে পারে না—ইত্যাদি বাক্যদ্বারা বিবর্তবাদ স্থাপনের প্রয়াস পাইয়াছেন। তাঁহার উক্ত প্রয়াস কি ব্যর্থ হয় নাই? পরিণামবাদের কি সঙ্গতি হয় না, সামঞ্জস্য হয় না? পরিণাম দ্বিবিধ; স্বরূপপরিণাম ও শক্তিবিক্ষেপ-লক্ষণপরিণাম। তন্মধ্যে স্বরূপপরিণাম সাংখ্যাসিদ্ধান্ত। সাংখ্যেরা বলেন, ব্রহ্মানধি-ষ্ঠিত-স্বতন্ত্র-প্রকৃতির স্বরূপপরিণাম হয়। আর শেষোক্ত পরিণামই বেদান্ত-সিদ্ধান্ত। বেদান্তমতে, সর্বশক্তিসম্বিত পরব্রহ্ম পুরুষোত্তম স্বাত্মকস্বাধিষ্ঠিত-নিজশক্তি-বিক্ষেপ দ্বারা জগজ্জন্মাদি সাধন করিয়া থাকেন। যেমন আকাশ হইতে শব্দ ও উর্ননাভি হইতে সূত্রের উৎপত্তি হয়, তেননি তাদৃশ পুরুষোত্তম হইতে জগতের উৎপত্তি হইয়া থাকে। একই সর্বশক্তিসম্বিত পরব্রহ্মপুরুষোত্তমকর্তৃক অধিষ্ঠিত তদীয় শক্তিবিশেষ বিক্ষিপ্ত বা স্পন্দিত হইয়া উক্ত স্পন্দনের তারতম্যে বিচিত্র জগদাকারে পরিণত হইয়াছেন। অচিন্ত্যশক্তি পরব্রহ্ম পুরুষোত্তম স্বয়ং অবিকৃত থাকিয়াই স্বশক্তিবিক্ষেপ দ্বারা বিচিত্রজগদ্রূপে পরিণত হইয়াছেন।

(১) বৌদ্ধগণ সজ্বাতবাদী। তাহারা উপাদান কারণ সকলের সমুদায়কে কার্য্য বলে, ইহারই নাম সজ্বাত। কারণতিরিক্ত কার্য্য বলিয়া কোন পদার্থ নাই ইহাই সজ্বাতবাদীদিগের মত।

(২) নৈয়ায়িক ও বৈশেষিকগণ আরম্ভবাদী। তাহাদের মত এইরূপ বখা—সৃষ্টির আরম্ভকালে ঈশ্বরেচ্ছাবশতঃ পার্থিবাদি পরমাণুতে ত্রিবিধ উৎপন্ন হয়, পরে পরমাণু হইতে দ্ব্যত্মক উৎপন্ন হয়, পরে ক্রমশঃ দ্ব্যত্মক হইতে ত্রয়সংগু, ত্রয়সংগু হইতে চতুরগুকাদিক্রমে ভূতভৌতিক দ্রব্য সকল উৎপন্ন হয়। এইরূপ পরমাণুদিক্রম কারণক্রমে বিভিন্ন কার্য্যের আরম্ভকে আরম্ভবাদ বলা হয়।

(৩) উপাদান বস্তু স্ব স্ব রূপকে পরিত্যাগ না করিয়া অন্তরূপে প্রতিভাত হইলে তাহাকে বিবর্ত বলা হয়। শ্রীশঙ্করাচার্য্য প্রভৃতি মায়াবাদিগণ এই মতেরই অনুগত।

আরও এক কথা, শ্রুতিতে যখন জীবব্রহ্মের অভেদের স্মার ভেদও স্পষ্টাক্ষরেই উক্ত হইয়াছে, তখন সর্ববেদবীজভূত প্রণবের মহাবাক্যে আচ্ছাদন পূর্বক তত্ত্ব-মস্তাদি প্রাদেশিক বাক্যচতুষ্টয়ের(১) মহাবাক্যে অবধারণ করিয়া তদ্বলে মায়াবশ জীবকে মায়াধীশ পুরুষোত্তমের সহিত সর্বতোভাবে অভিন্ন বলিয়া নির্দেশ করা নিতান্ত গর্হিত কার্য হইয়াছে।

যে বাক্যে উপক্রমাদি ষড়্বিধ লিঙ্গ (২) দ্বারা গ্রন্থের তাৎপর্যার্থ অবধারিত হয়, তাহাকেই মহাবাক্য বলা যায়। প্রণব সকল বেদের বীজ। প্রণব হইতেই সকল বেদের আবির্ভাব। প্রণবেই সকল বেদের পর্য্যবসান। প্রণব ব্রহ্মের অন্তরঙ্গ নাম ও ব্রহ্মের প্রতিমূর্তি। প্রণবকে (৩) কোথাও কোথাও ব্রহ্মের

পরিণামবাদ :—উপাদানের স্বরূপতঃ অশ্রুতাব্যবহি কার্য। ইহাই পরিণাম। যেমন দুগ্ধ দধিরূপে পরিণত হয়। উৎপত্তির পূর্বে কার্য কারণে অব্যক্তরূপে বিদ্যমান থাকে, কার্য কারণের রূপান্তর মাত্র, কার্য চিরকালই থাকে—কখনও অব্যক্তভাবেও কখনও ব্যক্তভাবে। যদি উৎপত্তির পূর্বে কার্য অসৎ হইত তাহা হইলে তাহা কোনরূপেই সৎ হইত না। যাহা সৎ তাহা কখনই অসৎ হইতে পারে না এবং যাহা অসৎ তাহা কখনও সৎ হইতে পারে না ইহাই পরিণামবাদিসাধ্যাসিদ্ধান্ত।

(১) তত্ত্বমস্তাদি প্রাদেশিক বাক্যচতুষ্টয় যথা—‘তত্ত্বমসি, অয়মাত্মা ব্রহ্ম, প্রজ্ঞানং ব্রহ্ম, অহং ব্রহ্মস্মি।

(২) “উপক্রমোপসংহারাবভ্যাসোহপূর্বতা ফলম্।

অর্থবাদোপপত্তীচ লিঙ্গং তাৎপর্যনির্ণয়ে।

বেদান্তমা সূ টীকায়াম্।

শাস্ত্রের তাৎপর্যনির্ণয়বিষয়ে উপক্রম ও উপসংহার, অভ্যাস, অপূর্বতা, ফল, অর্থবাদ, ও উপপত্তি, এই ছয়টি লিঙ্গ অর্থাৎ ( সিদ্ধান্তপ্রাপক )। অর্থাৎ উক্ত উপক্রমাদি ষড়্বিধ লিঙ্গদ্বারা বেদান্তাদি শাস্ত্রের পরব্রহ্মে তাৎপর্যাবধারণ হয়। প্রকরণের আদিত্যেও অন্তে প্রকরণপ্রতিপাদ্য বিষয়ের একাকারে উপপাদনের নাম উপক্রম ও উপসংহার। প্রকরণপ্রতিপাদ্যবিষয়ের পুনঃ পুনঃ প্রতিপাদনকে অভ্যাস বলে। প্রকরণপ্রতিপাদ্যবিষয়টি যে অশ্রুতপ্রমাণের অধিষয় এইরূপ প্রতিপাদনকরাকে অপূর্বতা বলে। প্রকরণপ্রতিপাদ্যবিষয়ের সম্বন্ধে শ্রয়মান প্রয়োজনকে ফল বলা হয়। প্রকরণপ্রতিপাদ্য বিষয়ের প্রশংসাবাক্যকে অর্থবাদ বলে। যে যুক্তিদ্বারা প্রকরণপ্রতিপাদ্য বিষয়গুলি বিচারসহ ( সূদৃঢ় ) হয় তাহাকে উপপত্তি বলা হয়।

(৩) “ওমিত্যেতদ্ ব্রহ্মণো নেদিষ্ঠং নাম। শ্রুতিঃ।

ওমিত্যেতদক্ষরমিদং সর্বং তস্মোপব্যাখ্যানভূতং

ভবদ্ ভবিষ্যদিতি সর্বমোঙ্কার এব ॥ মাণ্ড্যকা উঃ ১১।

“স্বধাম্মো ব্রহ্মণঃ সাক্ষাদ্ বাচকঃ পরমাত্মনঃ।

স সর্বমস্মোপনিষদ্ বেদবীজং সনাতনম্ ॥ শাঃ ১২। ৩। ৪১।

প্রণবঃ সর্ববেদেষু” গীঃ ১। ৭। ৮।

তস্ম বাচকঃ প্রণবঃ। যোগ সূস পা ১২৭ সূ।



স্বরূপ ও বলা হইয়াছে। অতএব পরমেশ্বরের বাচক প্রণবই একমাত্র মহাবাক্য। শঙ্করাচার্য্য প্রণবের মহাবাক্যত্ব আচ্ছাদন করিয়া সামাদিবেদচতুষ্টয়োক্ত তত্ত্বমশ্রাদি প্রাদেশিক বাক্যচতুষ্টয়কেই মহাবাক্য বলিয়া নির্দেশ করিয়াছেন। তত্ত্বমশ্রাদি বাক্যচতুষ্টয় জীবব্রহ্মের ঐক্যবোধক। জীবব্রহ্মের উক্তপ্রকার ঐক্য তত্ত্বমশ্রাদি প্রাদেশিক বাক্যচতুষ্টয় ভিন্ন বেদের অপর কোন বাক্য দ্বারা নির্দিষ্ট হয় নাই। কিন্তু বেদের সর্বত্রই ব্রহ্ম উদ্দিষ্ট হইয়াছেন। বেদার্থনির্ণায়ক বেদাস্তসূত্র বা ইতিহাসপুরাণাদিতেও সর্বত্র ব্রহ্মই উদ্দিষ্ট হইয়াছেন, জীবব্রহ্মের ঐক্য নির্দিষ্ট হয় নাই। অতএব তত্ত্বমশ্রাদি বাক্যচতুষ্টয়ের সর্ববেদার্থে সমন্বয় না থাকায় এবং প্রণবের সর্ববেদার্থে সমন্বয় থাকায়, তত্ত্বমশ্রাদি বাক্যচতুষ্টয়ের মহাবাক্যত্ব না হইয়া একমাত্র প্রণবেরই মহাবাক্যত্ব হওয়াই সম্ভব। এইরূপে তত্ত্বমশ্রাদি বাক্য যদি মহাবাক্য না হইল, তবে তত্বলে মায়াবশ জীবকে মায়াধীশ ঈশ্বরের সহিত অভিন্ন বলা কি নিতান্ত গর্হিত কার্য্য হইল না? আরও “যদাত্মকো ভগবান্ তদাত্মিকা ব্যক্তিঃ কিমাত্মকো ভগবান্ জ্ঞানাত্মক ঐশ্বর্য্যাশ্রয়কঃ শক্ত্যাশ্রয়কশ্চেতি” “বুদ্ধিমনোহঙ্গপ্রত্যঙ্গবত্তাং ভগবতো লক্ষ্যামহে বুদ্ধিমান্ মনোবানঙ্গপ্রত্যঙ্গ-বানিতি” (ভগবৎসন্দর্ভপ্রমাণিতা শ্রুতিঃ)। “তমেকং গোবিন্দং সচ্চিদানন্দবিগ্রহ-মিতি” (গোপালতাপনী শ্রুতিঃ) প্রভৃতি শ্রুতি সকলে ও তদর্থনির্ণায়ক স্মৃতি সকলে যখন শ্রীভগবানের স্বরূপভূত শ্রীবিগ্রহ ও স্বরূপশক্তিবিনাসভূত ধামাদি স্পষ্টাক্ষরেই অঙ্গীকৃত হইয়াছে, তখন উহাদের মায়াবশ নির্দেশ করায়, শারীরক-ভাষ্যকার কি অপরাধী হয়েন নাই?

“অপাণি শ্রুতি বর্জে প্রাক্কৃত পাণি চরণ।

পুনঃ কহে শীঘ্র চলে করে সর্ব গ্রহণ ॥

অতএব শ্রুতি কহে ব্রহ্ম সবিশেষ।

মুখ্য ছাড়ি লক্ষণাতে মানে নিবিশেষ ॥

ওম্ এই শব্দটী ব্রহ্মের অন্তরঙ্গ নাম।

পরিদৃশ্যমান সমস্তপদার্থ অক্ষরাত্মক ওঙ্কারের শক্তিবিক্ষেপলক্ষণপরিণাম। ভূতভবিষ্যৎ সর্ব শব্দই উক্ত ওঙ্কারের ব্যাখ্যানভূত। অতএব পরব্রহ্মবাচক ওঙ্কার সর্ব-স্বরূপ। সেই নিত্য-সিদ্ধ মূর্ধু ও উপনিষদাত্মকসর্ববেদ-বীজস্বরূপ প্রণব, স্বপ্রকাশ ব্রহ্ম ও পরমাত্মার সাক্ষাৎ বাচক ॥

হে অর্জুন, আমি সর্ববেদের মধ্যে প্রণব। প্রণব পরমেশ্বরের বাচক। ইত্যাদি শ্রুতি স্মৃতি হইতে সর্ববেদবীজভূত প্রণবই যে মহাবাক্য তাহা সুস্পষ্টরূপে উপলব্ধি করা যায়।

ষড়ৈশ্বর্যপূর্ণানন্দ বিগ্রহ যাহার ।  
 হেন ভগবানে তুমি কহ নিরাকার ॥  
 স্বাভাবিক তিন শক্তি যেই ব্রহ্মে হয় ।  
 নিঃশক্তি করিয়া তাঁরে করহ নিশ্চয় ॥  
 সচ্চিদানন্দনয় ঈশ্বর স্বরূপ ।  
 তিন অংশ চিচ্ছক্তি হয় তিন রূপ ॥  
 আনন্দাংশে হ্লাদিনী সদংশে সন্ধিনী ।  
 চিদংশে সশিৎ যারে জ্ঞান করি মানি ॥  
 অন্তরঙ্গা চিচ্ছক্তি তটস্থা জীবশক্তি ।  
 বহিরঙ্গা গায়া তিনে করে প্রেমভক্তি ।  
 ষড়্ বিধ ঐশ্বর্য প্রভুর চিচ্ছক্তিবিলাস ।  
 হেন জীব অভেদ কর ঈশ্বরের সনে ॥  
 ঈশ্বরের বিগ্রহ সচ্চিদানন্দাকার ॥  
 সে বিগ্রহ কহ সত্ত্বগুণের বিকার ॥  
 শ্রীবিগ্রহ যে না মানে সেই ত পাষণ্ডী ।  
 অস্পৃশ্য অদৃশ্য সেই হয় বমদণ্ডী ॥  
 বেদ না মানিয়া বৌদ্ধ হয় ত নাস্তিক ।  
 বেদাশ্রয়ে নাস্তিকবাদ বৌদ্ধকে অধিক ॥  
 জীবের নিস্তার লাগি সূত্র কৈল ব্যাস ।  
 নায়াবাদিভাষ্য শুনিলে হয় সর্বনাশ ॥

পাণিপাদাদি ইন্দ্রিয় সকলের মুখ্যার্থ প্রাকৃত ইন্দ্রিয়সমূহে । অপ্রাকৃত পাণিপাদাদিতে উহাদের মুখ্য বৃত্তি স্বীকৃত হয় না, লক্ষণাবৃত্তিই স্বীকৃত হইয়া থাকে । অতএব “অপাণিপাদো জবনো গ্রহীতা” (শ্বেতাশ্বতরোপনিষৎ) প্রভৃতি শ্রুতি সকল ব্রহ্মের প্রাকৃত পাণিপাদাদির নিষেধ করিয়া গ্রহণচলনাদি কৰ্ম্ম দ্বারা অপ্রাকৃত পাণিপাদাদির বিধান করিয়াছেন বলাই সঙ্গত । নঞর্থ (১) পর্যালোচনা দ্বারাও উহাই স্থির হইয়া থাকে । তথাপি আচার্য্য ঐ সকল শ্রুতির মুখ্যার্থ ত্যাগ

(১) “তৎ-সাদৃশ্যমভাবশ্চ তদন্তঃ তদন্তঃ । অপ্ৰাশস্ত্যং বিরোধশ্চ নঞার্থাঃ ষট্ প্রকীৰ্ত্তিতাঃ । সাদৃশ্য অভাব, অন্তঃ, অন্তঃ, অপ্ৰাশস্ত্য ও বিরোধ নঞের এই ষড়্ বিধ অর্থ । উদাহরণ—অব্রাহ্মণ—ব্রাহ্মণ সদৃশ । অপাপ—পাপের অভাব, অঘট—ঘটভিন্ন । অমুদরী—অলোদরী । অকেশী—অপ্রশস্ত-কেশী । অম্বর—স্বর-বিরোধী ।

করিয়। লক্ষণা দ্বারা ব্রহ্মকে নির্বিশেষ বলিয়া ব্যাখ্যা করেন । যিনি ষড়ৈশ্বর্যপূর্ণানন্দ-  
বিগ্রহ, সেই ভগবান্কে নিরাকার বলিয়া ব্যাখ্যা করা কি সাহসের কার্য্য নহে ?  
শ্রুতি ও স্মৃতি একবাক্যে ষাঁহার স্বাভাবিক শক্তিত্রয় স্বীকার করিয়া থাকেন,  
তাঁহাকে নিঃশক্তিক বলিয়া নিশ্চয় করা কি দুর্বুদ্ধি নয় ? ঈশ্বর সচ্চিদানন্দস্বরূপ ।  
তাঁহার সদংশে সন্ধিনী, চিদংশে সন্ধিৎ ও আনন্দাংশে হ্লাদিনী নাম্নী স্বরূপশক্তি  
স্বীকার হইয়া থাকেন । একই পরমেশ্বর যেমন সৎ, চিৎ ও আনন্দস্বরূপ, তেমন  
একই স্বরূপশক্তি সন্ধিনী, সন্ধিৎ ও হ্লাদিনীস্বরূপা । এই ত্রিরূপাত্মিকা স্বরূপশক্তি  
ভিন্ন পরমেশ্বরের আরও দুইপ্রকার শক্তি স্বীকৃত হইয়েন । একপ্রকার শক্তির নাম  
মায়াশক্তি ও অপরপ্রকার শক্তির নাম জীবশক্তি । স্বরূপাদি শক্তিত্রয় ভক্তপরিচায় ।  
অতএব ঐ তিন শক্তিই পরমেশ্বরে প্রেমভক্তি করিয়া থাকেন । পরমেশ্বরের  
ষড়বিধ ঐশ্বর্য্য (১) ও তদীয় ধামপরিকরাদি তাঁহার স্বরূপশক্তিরই বৈচিত্র্য । পরমে-  
শ্বরের এই সকল শক্তি স্বীকার না করা নিতান্ত সাহসের কার্য্য বলিতে হইবে ।  
মায়া ষাঁহার অধীন, তিনিই পরমেশ্বর ; আর যিনি মায়ার অধীন, তিনিই জীব (২) ;  
ইহাই জীবে ও ঈশ্বরে ভেদ । এইরূপ স্পষ্ট ভেদ সত্ত্বেও জীবে ও ঈশ্বরে অভেদ  
বলা নিতান্ত মূঢ়তার কার্য্য । গীতাশাস্ত্রে ভগবান্ জীবকে অন্তরঙ্গা ও বহিরঙ্গার  
মধ্যবর্তিনী শক্তিরূপেই নির্দেশ করিয়াছেন (৩) । সেই ভগবদুক্তি অগ্রাহ করিয়া

(১) ঐশ্বর্য্য, বীৰ্য্য, যশঃ, শ্রী, জ্ঞান ও বৈরাগ্য এই ষড়বিধ ঐশ্বর্য্য । তন্মধ্যে সর্ববশিকারিত্বের  
নাম ঐশ্বর্য্য । মণিমন্ত্রাদির শ্রায় অচিন্ত্যপ্রভাবকে বীৰ্য্য বলে । শ্রীভগবদ্বিগ্রহাদির নিত্যত্ব,  
সুধরূপত্ব ও যুগপদ্ ব্যাপ্যব্যাপকত্বাদিরূপ স্মৃত্যাতিকে যশঃ বলা হয় । চিৎ ও অচিৎ সর্বপ্রকার বিভূতির  
নাম শ্রী । সর্বজ্ঞতার নাম জ্ঞান । প্রাপঞ্চিকবস্তুরে অনাসক্তির নাম বৈরাগ্য । কোন কোন  
পূর্বাচার্য্য “সর্বজ্ঞতা, তৃপ্তি, দিব্যজ্ঞান, স্বতন্ত্রতা, নিত্য অলুপ্তসামর্থ্য, ও অনন্তশক্তি এই ষড়বিধ  
ঐশ্বর্য্য বলিয়া থাকেন ।

(২) “স ঈশো যদ্বশে মায়া স জীবো যন্তুয়াদ্বিতঃ ।

স্বাবিভূতপরানন্দঃ স্বাবিভূতমুহুঃখভূঃ ॥

১।৮।৬ স্বামিটীকাধৃত বিষ্ণুস্বামিবচনম্ ।

(৩) “অপরেয়মিতস্তৃষ্ণাং প্রকৃতিং বিদ্ধি মে পরাম্ ।

জীবভূতাং মহাবাহো যয়েদং ধার্য্যতে জগৎ ॥ গী ৭।৫

এই জড়া মায়া হইতে ভিন্ন। আমার আর এক অপেক্ষাকৃত উৎকৃষ্ট। জীবরূপা শক্তি আছে ।  
ঐ শক্তি দ্বারাই এই জগৎ বিধৃত রহিয়াছে । বিষ্ণুপুরাণেও ঐরূপই বলিয়াছেন যথা—

“বিষ্ণুশক্তিঃ পরা প্রোক্তা ক্ষেত্রজাখ্যা তথাপরা ।

অবিভাকর্ষসংজ্ঞাস্তা তৃতীয়া শক্তিরিষ্যতে ॥

জীবে ও ঈশ্বরে অভেদ কল্পনা করা কি সম্ভব হইতেছে না? পরমেশ্বরের সচ্চিদানন্দময় (১) শ্রীবিগ্রহকে সত্ত্বগুণের বিকার বলা কি সম্ভব হইতেছে? যিনি

• তয়া তিরোহিতত্বাচ্চ শক্তিঃ ক্ষেত্রজসংজ্ঞিতা ।

সর্বভূতেষু ভূপাল তারতম্যেন বর্ততে ॥ বিষ্ণু পু ৬।৭।৬১ ।

বিষ্ণুশক্তিকে পরাশক্তি ( স্বরূপশক্তি ) বলে । জীবকে ক্ষেত্রজশক্তি বলে ও মায়াশক্তিকে অপরাশক্তি বলে । অবিজ্ঞা ( অজ্ঞান ) ঐ তৃতীয়া মায়াশক্তির কার্য । ঐ মায়াশক্তি দ্বারা আবৃত হইয়া ক্ষেত্রজা ( জীবশক্তি ) সর্বভূতে তারতম্যে বিরাজ করিতেছে ।

(১) 'তমেবং গোবিন্দং সচ্চিদানন্দবিগ্রহম্ । গোপালতাপনী উঃ

"অর্কমাত্রাত্মকো রামো ব্রহ্মানন্দৈকবিগ্রহঃ । রামতাপনী উঃ

"ঋতং সত্যং পরংব্রহ্ম সাক্ষান্ কেশরবিগ্রহম্ ॥ নৃসিংহতাপনী উঃ

"অদ্বৈতাখণ্ডপরিপূর্ণনিরতিশয়পরমানন্দশুদ্ধবুদ্ধমুক্তসত্যাত্মকব্রহ্মচৈতন্যসাকারত্বাৎ নিরূপাধিকসা-  
কারস্য নিত্যত্বমিতি ত্রিপাদবিভূতিমহানারায়ণোপনিষৎ ২অ ।

"মক্রপমদ্বয়ংব্রহ্ম আদিমধ্যাস্তবর্জিতম্ ।

স্বপ্রভং সচ্চিদানন্দং ভক্ত্যা জানাতি চাব্যয়নু ॥ বাসুদেবোপনিষৎ ।

"ত্বয়োব নিত্যসুখবোধতনাবনন্তে

মায়াত উজ্জদপি যৎ সদিবাবভাতি ॥ ভা ১০।১৪।২২ ।

বিশুদ্ধবিজ্ঞানঘনং স্বসংস্থয়া

সমাপ্তসর্বার্থমমেঘবাক্ষিতম্ ।

স্বতেজসা নিত্যনিবৃত্তমায়া-

গুণপ্রবাহং ভগবন্তুমীমহি ॥ ভা ১০।৩৭।২২

সর্বে নিত্যাঃ শাস্বতাশ্চ দেহান্তস্ত পরাত্মনঃ ।

হানোপাদেয়রহিতা নৈব প্রকৃতিজাঃ কচিৎ ।

পরমানন্দসন্দোহা জ্ঞানমাত্রাশ্চ সর্বতঃ ।

সর্বে সর্বগুণৈঃ পূর্ণাঃ সর্বদোষবিবর্জিতাঃ ॥ মহাবাহুঃ

অষ্টাদশমহাদোষৈ রহিতা ভগবন্তনুঃ ।

সর্বেশ্বরময়ী সত্যবিজ্ঞানানন্দরূপিণী ॥ স্মৃতৌ

নির্দোষপূর্ণগুণবিগ্রহ আত্মতত্ত্বো

নিশ্চৈতনাত্মকঃ শরীরগুণৈশ্চ হীনঃ ।

আনন্দমাত্রকরূপাদমুখোদরাদিঃ

সর্বত্র চ স্বগতভেদবিবর্জিতাত্মা ॥ নারদপঞ্চরাত্রে ।

সত্যজ্ঞানানন্তানন্দমাত্রৈকরসমুর্ভয়ঃ । ভা ১০।১৩

উপরোক্ত শক্তিস্বৃতি ও ষট্‌সন্দর্ভাদি সিদ্ধান্তগ্রন্থহইতে শ্রীভগবদ্বিগ্রহের সচ্চিদানন্দত্ব, ব্যাপক হইয়াও পরিচ্ছিন্নবৎ প্রতীয়মানতা এবং মুক্তকর্তৃক পূজ্যত্ব অবগত হওয়া যায় । তবে যে শাস্ত্রে

পরমেশ্বরের বিগ্রহকে মাসিক (১) বলেন, তিনি কি পাষণ্ডীর মধ্যে গণ্য হইলেন না ? এই সকল আচরণে বস্তুতঃ আচার্য্যেরও কোন দোষ দেখা যায় না ; কারণ, সাময়িক প্রয়োজন অনুসারেই আচার্য্য এইরূপ কার্য্য করিয়াছেন।

পদ্মপুরাণে উক্ত হইয়াছে,—

“স্বাগমৈঃ কল্পিতৈশ্চঞ্চ জনান্ মদ্বিমুখান্ কুরু ।  
মাঞ্চ গোপয় যেন স্মাৎ সৃষ্টিরেষোত্তরোত্তরা ॥  
মায়াবাদমসচ্ছাস্ত্রং প্রচ্ছন্নং বৌদ্ধমুচ্যতে ।  
ময়েব বিহিতং দেবি কলৌ ব্রাহ্মণমূর্তিনা ॥”

পদ্মপু। উত্তরখণ্ড। ৬০।২।২৪।৪৭

হে শঙ্কর, তুমি কল্পিত নিজতন্ত্রদ্বারা লোকসকলকে আমা হইতে বিমুখ কর এবং আমাকে গোপন কর, এইরূপেই উত্তরোত্তর সৃষ্টি চলিবে।

হে দেবি, মায়াবাদরূপ অসংশাস্ত্র, যাহাকে প্রচ্ছন্ন বৌদ্ধশাস্ত্র বলা যায়, তাহা আমিই শঙ্করাচার্য্যরূপে কলিকালে জগতে প্রচার করিয়াছি।

বৌদ্ধনতে বিশ্ব অসৎ। শঙ্করাচার্য্য বলেন, বিশ্ব সৎও নহে, অসৎও নহে, সদসদ্বিলক্ষণ। সদসদ্বিলক্ষণা মায়াই তাৎপর্য্য। মায়াপ্রতিবিস্তিত ঈশ্বর ও তদ্বৃত্তিরূপা অবিচ্ছাতে প্রতিবিস্তিত জীবেরও অসৎই পর্য্যবসান হয়। সত্ত্বামাত্র ব্রহ্মেরও শূন্যতাই দেখা যায়। অতএব সূক্ষ্মবিচারে বৌদ্ধবাদ ও মায়াবাদ একই।

কোন কোন স্থানে ভগবদ্বিগ্রহাদির অনিত্যত্ব প্রদর্শিত হইয়াছে তাহা আত্মরিকপ্রকৃতিসম্পন্ন জীবের মোহনার্থ ও বৈরাগ্য উৎপাদনার্থ বুদ্ধিতে হইবে। শাস্ত্রেও এইরূপ উক্ত আছে যথা—আত্মরান্ মোহয়ন্ দেব ক্রীড়ত্যেষ সুরেষপি। পীঠকভাষ্যধৃতস্থানে।

এ বিষয়ে বিস্তৃতজ্ঞানের জন্ম শ্রীভাগবতসন্দর্ভ, সর্বসম্বাদিনী ও পীঠকভাষ্য এবং শ্রীমধ্বরূপ-মনক এই চতুঃসম্প্রদায়ের প্রকরণগ্রন্থ দ্রষ্টব্য।

(১) অবিজ্ঞায় পরংদেহমানন্দান্মানমব্যয়ম্।

আরোপয়ন্তি জনিমৎ পঞ্চভূতাস্ককং জড়ম্ ॥ মহাভা নারায়ণীয়বাক্যম্

ন তন্তু প্রাকৃতা মূর্তির্মেদমজ্জাস্তিসম্ভবা।

ন যোগিত্বাদীশ্বরত্বাৎ সত্যরূপোহচ্যুতো হরিঃ ॥ বাসুদেহে।

সম্বাদয়ো ন সস্তীশে যত্র চ প্রাকৃত' গুণাঃ।

স শুকঃ সর্বশুদ্ধেভ্যঃ পূমানাঙঃ প্রসীদতু ॥ বিষ্ণুপুরাণে

সবং রজস্বল ইতি গুণা জীবন্ত নৈব মে। ভা ১১।২৫।১২

উপরিউক্ত শ্রুতি স্মৃতি হইতে জানা যায় যে ভগবদ্বিগ্রহ মাসিক নহে।

মায়াবাদের উপর এইপ্রকার অশ্রুতপূর্ব দোষারোপ শ্রবণকরিয়া ভট্টাচার্য্য বিস্মিত ও স্তম্ভিত হইলেন। তাঁহার সুপ্রতিষ্ঠিত বিদ্যাগর্ভ খর্ব হওয়ার মুখ দিয়া একটিও বাক্য নিঃসৃত হইল না। ভট্টাচার্য্যকে বিস্মিত ও স্তম্ভিত দেখিয়া প্রভু বলিলেন, ভট্টাচার্য্য, বিস্মিত হইবেন না, শ্রীভগবানে ভক্তিই পরমপুরুষার্থ। শ্রীভগবানের এমনই অচিন্ত্যগুণ যে মুক্তপুরুষ সকলও তাঁহাতে ভক্তি করিয়া থাকেন।

শ্রীমদ্ভাগবতে উক্ত হইয়াছে—

“আত্মারামাশ্চ মুনয়ো নিগ্রহা অপ্যরুক্রমে।

কুর্কস্ত্যাহৈতুকীং ভক্তিমিথস্তুতগুণো হরিঃ ॥” ১।১।১০

শ্রীহরির এমনই গুণ যে, আত্মারাম মূনিগণ নিগ্রহ হইয়াও সেই উরুক্রমে ভক্তি করিয়া থাকেন।

শ্লোকটি শুনিয়া ভট্টাচার্য্য প্রভুকে বলিলেন, “শ্রীপাদ, ঐ শ্লোকটির ব্যাখ্যা করুন, আমার শুনিতে বাসনা হইতেছে।” প্রভু বলিলেন, “আপনিই শ্লোকটির ব্যাখ্যা করুন।” ভট্টাচার্য্য বাক্যস্মৃতির অবসর পাইয়া বিনষ্টপ্রায় পাণ্ডিত্যাভিমানকে পুনঃ প্রতিষ্ঠিত করিবার নিমিত্ত বদ্ধপারিকর হইলেন। তর্কশাস্ত্রের ভিন্ন ভিন্ন মতবাদের উত্থাপন সহকারে উক্ত শ্লোকটিকে নয় প্রকারে ব্যাখ্যা করিলেন। প্রভু তাঁহার ব্যাখ্যা শুনিয়া হাসিতে হাসিতে বলিলেন, “আপনি সাক্ষাৎ বৃহস্পতি, শাস্ত্রব্যাখ্যানবিষয়ে আপনার তুল্য পণ্ডিত আর কে আছে? আপনি যে সকল অর্থ করিলেন, সে সকলই আপনার অসাধারণ প্রতিভার পরিচয় প্রদান করিল। কিন্তু শ্লোকটির এতদ্ব্যতীত আরও কিছু নিগূঢ় অভিপ্রায় আছে।”

ভট্টাচার্য্য মনে করিয়াছিলেন, তাঁহার ব্যাখ্যা শুনিয়া প্রভু বিস্মিত হইবেন। কিন্তু তাহা হইল না। প্রভুর কথা শুনিয়া ভট্টাচার্য্য স্বয়ংই অধিকতর বিস্ময় সহকারে বলিলেন, “শ্রীপাদ, শ্লোকটির আরও কি অভিপ্রায় আছে, তাহা আমার শ্রীপাদের মুখে শুনিতে নিতান্ত অভিলাষ হইতেছে।” প্রভু শ্লোকটির ব্যাখ্যা করিতে আরম্ভ করিলেন। ভট্টাচার্য্যকৃত নববিধ অর্থের একটিও স্পর্শ করিলেন না। প্রভু বলিলেন,—“শ্লোকটিতে আত্মারামাঃ, চ, মুনয়ঃ, নিগ্রহাঃ, অপি, উরুক্রমে, কুর্কস্তি, অহৈতুকীং, ভক্তিম্, ইথস্তুতগুণঃ, হরিঃ, এই সর্বসমেত একাদশটি পদ আছে। তন্মধ্যে আত্মা শব্দের অর্থ ব্রহ্ম, দেহ, মন, ষড়্, ধৃতি, বুদ্ধি ও স্বভাব, এই সাতটি। বিশ্বপ্রকাশ অভিধানে উক্ত হইয়াছে, আত্মা

দেহমনোব্রহ্মস্বভাবধৃতিবুদ্ধিষু প্রযত্নে চ (১)। চ শব্দের অর্থ একতরের প্রাধান্য, সমাহার, পরস্পর প্রাধান্য, সমুচ্চয়, যত্নাস্তর, পাদপূরণ ও অবধারণ। মুনি শব্দের অর্থ মননশীল, মৌনী, তপস্বী, ব্রতী, যতি, ঋষি ও মুনি, এই সাতটি। নিগ্রহ শব্দের অর্থ অবিজ্ঞাগ্রহিহীন, শাস্ত্রজ্ঞানহীন, ধনসঞ্চয়ী ও নিধন। নিরু উপসর্গের অর্থ নিশ্চয়, নিষ্ক্রম, নিষ্কাশন ও নিষেধ, এবং গ্রহ শব্দের অর্থ ধন, সন্দর্ভ ও বর্ণসংগ্রহনাতি। নিরু উপসর্গের সহিত গ্রহ শব্দের সমাসে উক্ত অর্থ-চতুষ্টয়ের প্রাপ্তি হইয়াছে। গ্রহ অর্থাৎ গ্রহি নাই যার এই প্রকার সমাসবাক্য দ্বারা প্রথম অর্থের প্রাপ্তি। গ্রহ অর্থাৎ শাস্ত্রজ্ঞান নাই যার এই প্রকার সমাসবাক্য দ্বারা দ্বিতীয় অর্থের প্রাপ্তি। গ্রহ অর্থাৎ ধন যাহার নিশ্চিত হইয়াছে এই প্রকার সমাসবাক্য দ্বারা তৃতীয় অর্থের প্রাপ্তি। আর গ্রহ অর্থাৎ ধন নাই যার এই প্রকার সমাসবাক্য দ্বারা চতুর্থ অর্থের প্রাপ্তি। অপি শব্দের অর্থ সম্ভাবনা, প্রসঙ্গ, শঙ্কা, গর্হা সমুচ্চয়, যুক্তপদার্থ ও কামাচারক্রিয়া, এই সাতটি। উরুক্রম শব্দের অন্তর্গত উরু শব্দের অর্থ বড়, এবং ক্রম শব্দের অর্থ শক্তি, পরিপাটী, চলন ও কম্প। উরুক্রম শব্দের অর্থ বৃহৎ পাদবিক্ষেপ, শক্তি দ্বারা বিভুরূপে ব্যাপন ধারণ ও পোষণ, পরিপাটীরূপে ব্রহ্মাণ্ডাদির সৃষ্টি। কুর্কস্তি ক্রিয়াপদ, কু ধাতু পরস্মৈপদী বর্তমানকালের প্রথম পুরুষের বহুবচনে নিষ্পন্ন। কুর্কস্তি এই ক্রিয়াপদটি আত্মনেপদী না হইয়া পরস্মৈপদী হওয়ায়, উক্ত ক্রিয়ার ফল কর্তৃগামী নয়, অর্থাৎ ভজনের তাৎপর্য স্বস্থে নয়, পরন্তু কৃষ্ণস্থে, ইহাই বোধ করাইতেছে। কারণ যজাদি স্বরিত ধাতু এবং সূত্রাদি ঐত ধাতু সকলের উত্তর কর্তৃগামী ক্রিয়াফল বুঝাইতে আত্মনেপদেরই প্রয়োগ হইয়া থাকে, পরস্মৈপদের -প্রয়োগ হয় না। এখানে পরস্মৈপদ হওয়ায় ক্রিয়াফল কর্তৃগামী না হইয়া অন্তর্গামী হইতেছে। অহৈতুকী শব্দের অর্থ ভুক্তি-মুক্তি-সিদ্ধি-কামনা-রহিতা। ভুক্তি শব্দের অর্থ শ্রবণাদি নবলক্ষণা সাধনভুক্তি ও প্রেমভুক্তি। ইথন্তৃতগুণঃ শব্দের অর্থ ঈদৃশ-গুণশালী। গুণ কীদৃশ?—সর্বা কর্ষক, সর্বা হ্লাদক, সর্বা বিস্মারক, সর্বা ত্যাজক ও সর্বা বিস্মাপক পূর্ণানন্দময়। হরিশব্দ নানার্থ। উহার মুখ্য অর্থ দুইটি; অমঙ্গলহারী ও চিন্তহারী।”

তদন্তর প্রভু শ্লোকোক্ত একাদশ পদের মধ্যে আত্মারাম পদের পৃথক্ পৃথক্ অর্থ করিয়া প্রত্যেক অর্থের সহিত অপর দশটি পদের অর্থ মিলাইয়া অষ্টাদশ

(১) “আত্মা পুংসি স্বভাবেহপি প্রযত্নমনসোরপি। ধৃতাবপি মনীষায়াঃ শরীরব্রহ্মণোরপি। মেদিনীকায়ঃ

প্রকার অর্থ উদ্ভাবন করিলেন। উদ্ভাবিত প্রত্যেক অর্থেই শ্রীভগবানের শক্তি ও গুণসকলের অচিন্ত্যপ্রভাবদ্বারা সিদ্ধ ও সাধকের আকর্ষণ উক্ত হইল। ভট্টাচার্য্য শুনিয়া অতিশয় বিস্মিত হইলেন। তিনি অলৌকিকী প্রতিভা\* দ্বারা প্রভুকে শ্রীভগবান্ বুদ্ধিয়া, পূর্বকৃত তদবজ্ঞাহেতু নিজের অপরাধ স্মরণ করিয়া মনে মনে ব্যথিত ও অনুতপ্ত হইলেন। পরক্ষণেই প্রকাশভাবে আত্মগ্লানি করিতে করিতে প্রভুর শরণাপন্ন হইলেন। প্রভু তাঁহাকে অগ্রে নিজের ঐশ্বর্য্যা-য়ক চতুর্ভূজ রূপ ও তৎপশ্চাৎ মধুর বংশীধর দ্বিভূজ স্বরূপ প্রদর্শন করাইলেন। ভট্টাচার্য্য তদর্শনে দণ্ডবৎ ভূতলে পতিত হইয়া প্রণাম করিলেন। পরে উঠিয়া কৃতাজলি হইয়া স্তব করিতে লাগিলেন। তখন প্রভুর করুণায় ভট্টাচার্য্যের সর্বতত্ত্বের স্মৃতি হইয়াছে। তিনি নাম ও প্রেমের মাহাত্ম্যসম্বলিত শতসংখ্যক স্বরচিত শ্লোক দ্বারা প্রভুর স্তব করিলেন। স্তব শুনিয়া প্রভু ভট্টাচার্য্যকে আলিঙ্গন প্রদান করিলেন। প্রভুর আলিঙ্গন পাইয়া ভট্টাচার্য্য প্রেমাবেশে অচেতন হইয়া ভূমিতলে পতিত হইলেন। ভট্টাচার্য্যের দেহে অশ্রু-কম্পাদি বিকার সকলের আবির্ভাব হইল। প্রভু পদ্মহস্তদ্বারা ভট্টাচার্য্যের চৈতন্য সম্পাদন করিলেন। ভট্টাচার্য্য সংজ্ঞালাভ করিয়া প্রভুর চরণে ধরিয়া রোদন করিতে লাগিলেন। দেখিয়া গোপীনাথচার্য্যের আনন্দের অবধি রহিল না। তিনি সানন্দে প্রভুকে বলিলেন, “করুণাময় প্রভো, তোমার অপার করুণা; তুমি সেই ভট্টাচার্য্যকে এইরূপ করিলে!” প্রভু বলিলেন, “তুমি শ্রীজগন্নাথের ভক্ত, তোমার সঙ্গের গুণে ভট্টাচার্য্য জগন্নাথের রূপা পাইয়া এইরূপ হইয়াছেন।” এই কথা বলিয়া প্রভু ভট্টাচার্য্যকে স্থির করিলেন। ভট্টাচার্য্য ধৈর্য্যলাভের পর বলিতে লাগিলেন, “প্রভো, আমি তর্কজড়, তুমি আমাকেও উদ্ধার করিলে। যিনি আমাকেও উদ্ধার করিতে পারেন, তাঁহার পক্ষে জগদুদ্ধার অল্প কার্য্য।” প্রভু নিজ বাসভবনে গমন করিলেন। সার্বভৌমভট্টাচার্য্য গোপীনাথআচার্য্য-দ্বারা প্রভুকে ভিক্ষা করাইলেন।

### সার্বভৌমের ভক্তি।

এই ঘটনার কয়েক দিবস পরে প্রভু এক দিবস জগন্নাথের শয্যাথান দর্শন করিলেন। জগন্নাথের পূজারি প্রভুকে জগন্নাথের প্রসাদ, মালা ও অন্ন প্রদান

\* “নব নব উন্মেষশালিনী বুদ্ধিকে প্রতিভা বলে।



করিলেন। প্রভু উহা সানন্দে অঞ্চলে বাঁধিয়া লইয়া সত্বর ভট্টাচার্যের ভবনে গমন করিলেন। প্রভু যখন ভট্টাচার্যের বাড়ীতে গেলেন, তখন সবে অরুণোদয় হইয়াছে। তখনই ভট্টাচার্য্য কৃষ্ণনাম করিতে করিতে জাগরিত হইলেন। ভট্টাচার্য্য শয্যাत्याগপূর্বক গৃহের বাহিরে আসিয়াই সম্মুখে প্রভুকে দর্শন করিলেন। তিনি প্রভুকে দেখিয়া ব্যস্ত হইয়া তাঁহার চরণ গ্রহণ করিলেন। পরে প্রভুকে বসাইয়া নিজেও বসিলেন। প্রভু অবসর বুঝিয়া অঞ্চল হইতে প্রসাদান্ন লইয়া ভট্টাচার্যের হস্তে অর্পণ করিলেন। ভট্টাচার্য্য প্রসাদ পাইয়া সাদরে গ্রহণ করিলেন। প্রাতঃকৃত্যাদি না হইলেও,—

“শুষ্কং পৰ্য্যুষিতং বাপি নীতং বা দূরদেশতঃ।

প্রাপ্তমাত্রেন ভোক্তব্যং নাত্র কালবিচারণা (১) ॥” পদ্ম পুঃ

(১) “শুষ্কং পৰ্য্যুষিতং বাপি” ইত্যাদি চৈতন্যচরিতামৃতধৃতপদ্মপুরাণীয় বচনে যে ভগবৎপ্রসাদানের মাহাত্ম্য বর্ণিত হইয়াছে শ্রীসনাতনপ্রভুর বৃহদভাগবতামৃতও তাহার টীকাতে উহার বিশদবর্ণনা পাওয়া যায় যথা—“যদন্নং পাচয়েন্নস্মীর্ভোক্তা চ পুরুষোত্তমঃ। স্পৃষ্টাস্পৃষ্টং ন মন্তব্যং যথাবিষ্ণুস্তথৈব তৎ। চিরস্থমপি সংশুষ্কং নীতং বা দূরদেশতঃ। যথাযথোপভুক্তং সৎ সর্বপাপাপনোদনম্ ॥ স্নান্দে ॥ “নৈবেদ্যং জগদীশস্ত অন্নপানাদিকঞ্চ যৎ। ভক্ষ্যভক্ষ্যবিচারস্ত নাস্তি তদভক্ষণে দ্বিজ ॥ ব্রহ্মবল্লির্বিষ্ণুকারংহি যথাবিষ্ণুস্তথৈব তৎ। বিচারং যে প্রকুর্বন্তি ভক্ষণে তদ্বিজাতয়ঃ ॥ কুষ্ঠব্যাদিসমাযুক্তাঃ পুত্রদারবিবর্জিতাঃ। নিরয়ং যাস্তি তে বিপ্রা যস্মান্নাবর্ততে পুনঃ ॥ বৃহদ্বিষ্ণুপুরাণে ॥ “নাস্তি তত্রৈব রাজেন্দ্র স্পৃষ্টাস্পৃষ্টবিবেচনম্। যস্ত সংস্পৃষ্টমাত্রেন যাস্ত্যমেধ্যাঃ পবিত্রতাম্ ॥ তদ্ব্যামলে ॥ “অস্ত্যবর্ণে হীনবর্ণেঃ সঙ্করপ্রভবৈরপি। স্পৃষ্টং জগৎপতেন্নং ভুক্তং সর্বাঘনাশনম্ ॥ ভবিষ্যে ॥ “নকালনিয়মো বিপ্রা ব্রতে চান্নায়ণে তথা। প্রাপ্তমাত্রেন ভুঞ্জীত যদিচ্ছেন্নোক্ষমাশ্বনঃ ॥ ইতি গারুড়ে ॥ এস্থলে কোন কোন পূর্বাচার্য্য কল্পতরু প্রভৃতি সংগ্রহগ্রন্থের “নিবর্ততে হ্ননদোষো যত্র দারুময়ো হরিঃ। বৃধৈস্তত্রৈব ভোক্তব্যং নাত্র কার্য্যা বিচারণা ॥ জগন্নাথস্ত মাহাত্ম্যং বক্তুং শক্ৰোতি কঃ পুমান্। যস্তান্নভক্ষণাদেব নরো মুক্তিমবাগ্নুয়াৎ ॥ তস্মাৎ ক্ষেত্রান্নম্নঃ হি বহিন্নতি যঃ পুমান্। স পাপিষ্ঠো বসেৎ কল্পং রৌরবপ্রাশনে ব্রুদে ॥ যে তৎ খাদন্তি মৎক্ষেত্রাদ্ বহিন্নীত্বা নরাধমাঃ। পতন্তি নরকে ঘোরে রৌরবাথো চ দারুণে ॥ ইত্যাদি বিভিন্ন বচনসমূহ হইতে সিদ্ধান্ত করেন যে উপরোক্ত প্রসাদানের মাহাত্ম্যসূচক বচনসকল শ্রীজগন্নাথদেবের প্রসাদান্নবিষয়ক মাত্র। কারণ তাহা হইলে পূর্বেকৃত শাস্ত্রান্তরের বচনের সহিত একবাক্যতাভঙ্গরূপ বিরোধের পরিহার হয় এবং উপরোক্ত “পুরুষোত্তম ও জগৎপতি প্রভৃতি শ্রীজগন্নাথবাচকশব্দের সারস্ত ভঙ্গ হয় না। তাহার আরও বলেন “নাস্তি তত্রৈব রাজেন্দ্র” ইত্যাদি বচনে জগন্নাথক্ষেত্রই শ্রীজগন্নাথদেবের প্রসাদান্নবিষয়ে দেশকালাদিও স্পৃষ্টাস্পৃষ্টাদি বিচার নিষেধ করা হইয়াছে অস্তত্র নহে। তবে যে ‘নীতং বা দূরতঃ’ ইত্যাদি শ্লোকাংশ আছে উহার সমাধান এই যে ক্ষেত্রান্তর্বর্তিদূরদেশ ভিন্ন অস্তত্র-প্রসাদ আনয়ন নিষিদ্ধ। “অহো ক্ষেত্রস্ত মাহাত্ম্যং সমস্তাদ্ দশ যোজনমিত্যাди ব্রাহ্ম্য বচন হইতে

এই শ্লোকটি পাঠ করিতে করিতে প্রসাদ ভোজন করিলেন। প্রভুও—

“মহাপ্রসাদে গোবিন্দে নামত্রুণি বৈষ্ণবে ।

স্বল্পপূণ্যবতাং রাজন্ বিশ্বাসো নৈব জায়তে ॥”পদ্ম পুঃ

এই শ্লোকটি পাঠ করিয়া ভট্টাচার্যের হাত ধরিয়া আনন্দে নৃত্য করিতে লাগিলেন। উভয়ের নয়নের নীরে উভয়েই অভিষিক্ত হইলেন। পরে প্রভু প্রেমাবিষ্ট হইয়া বলিতে লাগিলেন,—“আজি আমি অনায়াসে ত্রিভুবন জয় করিলাম; আজি আমি বৈকুণ্ঠে আরোহণ করিলাম; আজি আমার সকল অভিলাষ পূর্ণ হইল; সার্বভৌমভট্টাচার্যের মহাপ্রসাদে বিশ্বাস হইয়াছে। ভট্টাচার্য্য, আজি তুমি অকপটে কৃষ্ণের আশ্রয় লইলে, কৃষ্ণও অকপটে তোমার প্রতি সদয় হইলেন। যে পর্য্যন্ত আত্মাতে দেহবুদ্ধি ও দেহে আত্মবুদ্ধি, সেই পর্য্যন্তই জীবের দেহবন্ধন। ঐ দেহবন্ধনের মূল অবিद्या। জীব যেপর্য্যন্ত অবিद्याর অধিকারে থাকে, সেই পর্য্যন্ত কর্মকাণ্ডের অনুষ্ঠান না করিলে প্রত্যবায়ী হয়। অবিद्याর নিবৃত্তিতে কর্মকাণ্ডের অধিকারও নিবৃত্ত হইয়া যায়, সুতরাং তখন আর কর্মকাণ্ডের অনুষ্ঠান না করিলে প্রত্যবায়ী হইতে হয় না। আজি তোমার দেহবন্ধন ছিন্ন হইল; আজি তোমার রজোগুণের ও তমোগুণের

শ্রীজগন্নাথক্ষেত্র দশযোজন ( ৪০ ক্রোশ ) ব্যাপী বলিয়া জানা যায়। ঐ চল্লিশ ক্রোশের মধ্যেই কালাদিনিয়ম ও স্পর্শনাদিনিয়ম নিষেধ করা হইয়াছে এইরূপ সিদ্ধান্ত করেন। পুরুষোত্তম ক্ষেত্রের শ্রীজগন্নাথপ্রসাদভিন্ন অগ্ৰস্থানের ভগবানের প্রসাদাদিগ্রহণবিষয়ে যে পূর্বকালে ও সাধুসমাজে স্পৃষ্টাস্পৃষ্টবিচার প্রচলিত ছিল তাহা শ্রীমৎ সনাতনগোস্বামিকৃত বৃহদভাগবতামৃত গ্রন্থের নিম্নোক্ত বচন হইতে জানা যায়।

জগদীশ্বরনৈবেদ্যং স্পৃষ্টমগ্ৰেণ কেনচিৎ ।

নীতং বহির্বা সন্ধিক্ষো ন ভুঙ্ক্তে কোহপি সজ্জনঃ ॥ বৃঃ ভাঃ ২।১।১৫৫

এতদ্বিষয়ে শ্রীশঙ্করসম্প্রদায়ানুসারে অনুষ্ঠানই বিধেয়। নতুবা বিধিলঙ্ঘনজন্য প্রত্যবায়ী হইবার সম্ভাবনা। “বিহিতস্থানকুষ্ঠানান্নিন্দিতস্থানিষেবণাৎ । অনিগ্রহাচ্ছেন্দ্রিয়াণাং নরঃ পতনমুচ্ছতি ॥ ৩২।১৯ ॥ ইত্যাদি যাজ্ঞবল্ক্য স্মৃতি হইতে অবগত হওয়া যায় যে বিধিলঙ্ঘনে মনুষ্যের পতন অবশ্যস্তাবী। পূর্বোক্ত প্রসাদান্নসম্বন্ধে যে দেশকালপাত্রাদির নিষেধ উহা শ্রীজগন্নাথপ্রসাদবিষয়ক। অস্বদৃশ্যবর্গও তাহা অনুমোদন করেন। তাহারা আরও বলেন সর্বত্র ঐরূপ নিয়মানুসরণে বিধিমাগের অপলাপ ও নিত্যনৈমিত্তিকাদি শ্রীভগবদ্ ভক্তনের অনুকূল শাস্ত্র এবং সদাচারের লোপ প্রসঙ্গ হয়। অতএব কল্যাণকামী ব্যক্তি বিশেষবিবেচনাপূর্বক শ্রীশঙ্করসম্প্রদায়ানুসারে কর্তব্যনির্বাচন করিবেন।

নিবৃত্তি হইয়াছে। আজি তোমার মায়াবন্ধনও ছিন্ন হইল; আজি তোমার সম্বৃত্তিরও নিবৃত্তি হইয়াছে। তোমার মন ভুক্তিমুক্তিম্পৃহাশূণ্য হইয়া পবিত্র হইয়াছে। আজি তোমার মন কৃষ্ণপ্রাপ্তির যোগা হইল। আজি তুমি কৰ্ম-কাণ্ড উল্লঙ্ঘন করিয়া ভক্ত্যঙ্গ যাজন করিলে। আজি তুমি বেদধর্ম(১) লঙ্ঘন করিয়া মহাপ্রসাদ ভক্ষণ করিলে।”

“যেষাং স এব ভগবান্ দয়য়েদনন্তঃ

সর্ক্বানুনাশ্রিতপদৌ যদি নির্ব্যালীকম্।

তে দুস্তরামতিতরন্তি চ দেবমায়াং

“নৈবাং মমাহমিতি ধীঃ শ্বশৃগালভক্ষ্যে ॥” ভা ২।৭।৪১

“সেই অনন্ত ভগবান্ যাঁহাদিগকে দয়া করেন, তাঁহারা যদি সর্বতোভাবে অকপটে তাঁহার চরণতরি আশ্রয় করেন, তবে দুস্তর মায়াসাগর পার হইতে ও অনন্তরূপে তাঁহার তত্ত্বও বিদিত হইতে পারেন ॥ আর তাঁহাদিগের শৃগাল-কুকুরের ভক্ষ্য এই পাঞ্চভৌতিক দেহে অহংমমতা বুদ্ধিও থাকে না।”

এই পর্য্যন্ত বলিয়াই প্রভু বাসায় চলিয়া গেলেন। তদবধি সার্ক্বভৌমেরও সকল অভিমান বিগত হইল। তিনি শ্রীগৌরান্দের চরণে একান্ত অনুরক্ত হইলেন। আর ভক্তি ভিন্ন অন্তরূপ শাস্তার্থ করেন না। গোপীনাথার্চ্য সার্ক্বভৌম ভট্টাচার্যের অদ্ভুত বৈষ্ণবতা দেখিয়া আনন্দে নৃত্য করিতে লাগিলেন।

একদিন ভট্টাচার্য্য প্রাতঃকালে জগন্নাথদর্শনের পূর্বেই প্রভুকে দর্শন করিতে গেলেন। তিনি প্রভুকে দেখিয়া দণ্ডবৎ প্রণাম ও বহু স্তবস্ততি করিলেন। পরে প্রভুর মুখে ভক্তিপথের শ্রেষ্ঠসাধন শ্রবণের অভিপ্রায় নিবেদন করিলেন। প্রভু—

“হরেনাম হরেনাম হরেনামৈব কেবলম্।

কলৌ নাস্ত্যেব নাস্ত্যেব নাস্ত্যেব গতিরশ্রুত্যা ॥” বৃহন্নারদীয়ে ১৩৮।১২৬

এই শ্লোকটি পাঠ করিয়া ব্যাখ্যা করিলেন। প্রভু বলিলেন,—“কলিকালে নামরূপেই কৃষ্ণের অবতার। ঐ নাম হইতেই সর্বজগতের নিস্তার হয়। উহার দৃঢ়তার জন্তই তিনবার ‘হরে নাম’ বলা হইয়াছে। জড়বুদ্ধি লোকসকলকে বুঝাইবার জন্ত পুনশ্চ ‘এব’ শব্দ প্রয়োগ করা হইয়াছে। তাহাতে অতিশয়

(১) বেদশব্দ এস্থলে কৰ্মকাণ্ড এবং বেদের কৰ্মকাণ্ডোক্তধর্ম এস্থলে বেদধর্ম। অশ্রুত্যা ভক্তি যে বেদধর্ম তাহার হানি হয়।

দৃঢ়তা সম্পাদিত হইল। জ্ঞান-যোগাদি গতি নয়, হরিনামই একমাত্র গতি এইটি বুঝাইবার জন্য কেবল শব্দ প্রয়োগ করা হইয়াছে। পরিশেষে এক-কারের সহিত 'নাস্তি' শব্দের প্রয়োগ করিয়া ইহাই প্রতিপাদন করিলেন যে, ইহার অন্তথা করিলে, নিস্তার নাই। তৃণ হইতে নীচ হইয়া সদা নাম গ্রহণ করিতে হইবে। স্বয়ং মানাকাজ্জ্বারহিত হইয়া অন্তকে মান প্রদান করিতে হইবে। তরুর তুল্য সহিষ্ণু হইয়া তাড়ন-ভৎসন সহ্য করিতে হইবে। অযাচিত-বৃত্তি হইয়া যথা-লাভে সন্তুষ্ট হইতে হইবে। এইপ্রকার আচরণেই ভক্তি পরিপুষ্ট হইয়া প্রেমফল প্রসব করিয়া থাকে।" সার্কভৌম ভট্টাচার্য্য প্রভুর বাখ্যা শ্রবণ করিয়া চমৎকার বোধ করিলেন। ভট্টাচার্য্যকে চমৎকৃত হইতে দেখিয়া গোপীনাথচার্য্য বলিলেন, "ভট্টাচার্য্য, আমি যাহা বলিয়াছিলাম, তোমার তাহাই ঘটিল।" ভট্টাচার্য্য আচার্য্যকে নমস্কার করিয়া বলিলেন, "আমি তর্কাক, তুমি পরমভাগবত, তোমার সন্যস্তুত্ব প্রভু আমাকে রূপা করিলেন।" ভট্টাচার্য্যের বিনয় শুনিয়া প্রভু তুষ্ট হইয়া ভট্টাচার্য্যকে আলিঙ্গন প্রদান করিলেন। পরে বলিলেন, "ভট্টাচার্য্য, জগদানন্দ ও দামোদরকে সঙ্গে লইয়া জগন্নাথ দর্শন কর।" ভট্টাচার্য্য জগন্নাথ দর্শনকরিয়া গৃহে আগমনপূর্বক জগদানন্দ ও দামোদরের সহিত নিজ ব্রাহ্মণ দ্বারা প্রভুর নিমিত্ত প্রচুর প্রসাদায় পাঠাইয়া দিলেন। আর দুইটি শ্লোক লিখিয়া প্রভুকে দিবার নিমিত্ত জগদানন্দের হস্তে প্রদান করিলেন। যুকুন্দ দেখিয়া ঐ শ্লোকদুইটি অগ্রে গৃহের ভিত্তিতে লিখিয়া রাখিয়া পরে প্রভুর হস্তে দিলেন। প্রভু শ্লোকদুইটি পড়িয়া পত্রটি ছিন্ন করিয়া ফেলিয়া দিলেন। শ্লোক দুইটি এই,—

“বৈরাগ্যবিদ্যানিজভক্তিযোগ-

শিক্ষার্থমেকঃ পুরুষঃ পুরাণঃ ।

শ্রীকৃষ্ণচৈতন্যশরীরধারী

রূপাস্বধির্ষস্তমহং প্রপত্তে ॥

কালানুষ্ঠং ভক্তিযোগং নিজং যঃ

প্রাতুক্ষর্তুং কৃষ্ণচৈতন্যনামা ।

আবিভূতস্তস্য পাদারবিন্দে

গাঢ়ং গাঢ়ং লীলতাং চিত্তভঙ্গঃ ॥” চৈতন্যচন্দ্রোদয়নাটকে ৬।৭৪

যে রূপাস্বধি পুরাণপুরুষ বৈরাগ্য, বিদ্যা ও নিজভক্তিযোগ শিক্ষা দিবার নিমিত্ত শ্রীকৃষ্ণচৈতন্যশরীর ধারণ করিয়াছেন, আমি তাঁহার শরণাগত হইলাম।

যিনি কালবশে বিলুপ্ত নিজ ভক্তিব্যোগ প্রকাশ করিবার নিমিত্ত শ্রীকৃষ্ণ-  
চৈতন্যনাম ধারণপূর্বক আবিভূত হইয়াছেন, আমার চিত্তভ্রমর তাঁহার  
চরণারবিন্দে গাঢ়রূপে লীন হউক।

আর একদিন ভট্টাচার্য্য প্রভুকে নমস্কার করিয়া ব্রহ্মসুত্বে অস্তর্গত—

“তত্তেহ্নুকম্পাং সুসমীক্ষ্যমাণো

ভুঞ্জান এবাত্মকৃতং বিপাকম্।

হৃদ্বাণ্ডপুর্তির্বিদধন্নমস্তে

জীবেত যো ভক্তিপদে স দায়ভাক্ ॥” ভা ১১।১৪।৮

এই শ্লোকটি পাঠ করিলেন। প্রভু শ্লোক শুনিয়া বলিলেন, “ভট্টাচার্য্য,  
ঐ শ্লোকের ‘মুক্তিপদে’ স্থানে ‘ভক্তিপদে’ পাঠ করিলেন কেন?” ভট্টাচার্য্য  
বলিলেন,—“যিনি একমাত্র তোমার রূপার প্রতি লক্ষ্য রাখিয়া আত্মকৃত  
কর্মের ফলভোগ করিতে করিতে কায়মনোবাক্যে তোমাকে নমস্কার করিয়া  
জীবনধারণ করেন, তিনি অবশ্য দায়াদিকার স্বরূপে তোমাতে প্রেমই লাভ করিয়া  
থাকেন। সেই ব্যক্তি কখনই মুক্তিকে অঙ্গীকার করেন না, পরন্তু ঘণাই  
করিয়া থাকেন। এই ভাবিয়াই আমি ‘মুক্তিপদে’ স্থলে ‘ভক্তিপদে’ পাঠ  
করিয়াছি।” প্রভু বলিলেন,—“মুক্তিপদ শব্দের অর্থ ঈশ্বর ; কারণ, মুক্তি তাঁহার  
পদে থাকে ; অথবা, মুক্তিপদ শব্দের অর্থ মুক্তির আশ্রয়, এই অর্থেও ঈশ্বরকেই  
বোধ করায় ; অতএব পাঠ পরিবর্তনের কোন প্রয়োজন দেখা যায় না।”  
ভট্টাচার্য্য বলিলেন, “যদিও মুক্তিপদ শব্দের কথিত অর্থও করা যাইতে পারে  
সত্য, কিন্তু মুক্তিশব্দের রূঢ়ার্থ সাযুজ্যই, ঐ সাযুজ্য ভক্তের ঘণ্য বস্তু, অতএব  
পাঠপরিবর্তনই উচিত বোধ হইতেছে।” প্রভু শুনিয়া আনন্দিত হইলেন।  
যিনি মায়াবাদের নিতান্ত পক্ষপাতী ছিলেন, সেই ভট্টাচার্য্যের ঈদৃশ ভক্তিপক্ষপাত  
শ্রীচৈতন্যেরই প্রসাদের ফল। সার্বভৌম ভট্টাচার্য্যের বৈষ্ণবতা দেখিয়া  
ক্ষেত্রবাসী বৈষ্ণবগণ মহাপ্রভুকে সাক্ষাৎ শ্রীভগবান্ বলিয়াই স্থির করিলেন।  
কাশীমিশ্র প্রভৃতি নীলাচলবাসী বৈষ্ণবগণ ক্রমে ক্রমে প্রভুর চরণে শরণাগত  
হইলেন।

দক্ষিণ-ভ্রমণ।

এইরূপে সার্বভৌম ভট্টাচার্য্যকে কৃতার্থ করিয়া প্রভু দক্ষিণদেশ গমনের সঙ্কল্প করিলেন। তিনি ফাল্গুন মাসে দোলঘাত্তা দর্শন করিয়া বৈশাখ মাসের প্রারম্ভেই দক্ষিণদেশে যাইবার মানস করিলেন। দক্ষিণদেশে যাইবার মানস করিয়া প্রভু একদিন ভক্তগণকে বলিলেন, “তোমরা আমার প্রাণাপেক্ষা প্রিয়তম। তোমাদিগের বিচ্ছেদ আমার নিতান্ত অসহ, অসহ হইলেও বিশ্বরূপের উদ্দেশ্য করিবার নিমিত্ত আমি তোমাদিগকে ছাড়িয়া দক্ষিণগমনে কৃতসঙ্কল্প হইয়াছি। তোমরা সকলে প্রসন্ন হইয়া আমাকে অনুমতি কর।” প্রভু বিশ্বরূপের উদ্দেশ্য চল করিয়া দক্ষিণদেশ কৃতার্থ করিবার নিমিত্ত গমনে স্থিরনিশ্চয় হইয়াছেন বুঝিয়া ভক্তগণ প্রভুর বিরহচিন্তায় কাতর হইলেন। কেহই সাহস করিয়া কোন কথাই বলিতে পারিলেন না। নিত্যানন্দ বলিলেন,—“প্রভো, তুমি ইচ্ছাময়, যাহা ইচ্ছা হয় তাহাই করিতে পার। তোমার ইচ্ছায় বাধা দেয় এমন কে আছে? কিন্তু একটি কথা, একাকী যাওয়া হইতে পারে না, দুই একজন ভক্তকে সঙ্গে লউন। আমি দক্ষিণদেশের পথ ঘাট সকলই জানি, ইচ্ছা হইলে, আমাকেই সঙ্গে লইতে পারেন। আর যদি আমাকে সঙ্গে লইতে ইচ্ছা না হয়, তবে অন্য যাহাকে ইচ্ছা হয় তাঁহাকে লইতে পারেন।” প্রভু বলিলেন,—“আমি সন্ন্যাস করিয়া শ্রীবৃন্দাবন যাইতেছিলাম, তুমি কৌশল করিয়া আমাকে ফিরাইয়া আনিলে। পরে যখন নীলাচলে আসিলাম, তখন দণ্ডটি ভাঙ্গিয়া ফেলিলে। তোমাদিগের প্রগাঢ় স্নেহে আমার কার্য্যভঙ্গ হয়। এই জগদানন্দ আমাকে বিষয়ভোগ করাইতে চান। মুকুন্দ আমার সন্ন্যাসধর্ম্ম দেখিয়া হুঃখ পান। দামোদর সদাই আমার উপর শিক্ষাদণ্ড ধরিয়া আছেন। উনি লোকাপেক্ষার ধার ধারেন না। আমি কিন্তু লোকাপেক্ষা না করিয়া পারি না। অতএব তোমরা এই নীলাচলেই থাক। আমি সত্বর সেতুবন্ধপর্য্যন্ত ভ্রমণ করিয়া ফিরিয়া আসিতেছি। তোমরা আমার প্রত্যাগমন পর্য্যন্ত এই স্থানেই অবস্থান কর।” প্রভুর একাকী তীর্থপর্য্যটনের নিতান্ত আগ্রহ বুঝিয়া নিত্যানন্দ পুনশ্চ বলিলেন,—“যদি একান্তই তোমাদিগকে সঙ্গে লইবেন না, তবে এই কৃষ্ণদাসকে সঙ্গে লউন। এই ব্রাহ্মণ নিতান্ত সরলপ্রকৃতি, আপনার ইচ্ছামতই কার্য্য করিবে, আপনার ইচ্ছায় কোন বাধা দিবে না। পরন্তু আপনি পথে প্রেমাবেশে অচেতন থাকিবেন, কৃষ্ণদাস আপনার সঙ্গে থাকিলে অন্ততঃ জলপাত্র ও

বহির্বাণ রক্ষণাবেক্ষণের সাহায্য হইবে।” নিত্যানন্দের এই শেষ কথাটি প্রভু অঙ্গীকার করিলেন। কৃষ্ণদাসকে সঙ্গে লওয়াই স্থির হইল। সার্কভৌম ভট্টাচার্য্যও প্রভুর দক্ষিণগমনের কথা শুনিলেন। তিনি শুনিয়া গমনে বাধা দিবারও চেষ্টা করিলেন। কিন্তু পরে গমনবিষয়ে প্রভুর দৃঢ়সঙ্কল্প বুঝিয়া অগত্যা অনুমোদন করিলেন। শেষে বলিলেন,—“এই প্রদেশের রাজা প্রতাপরুদ্র। তিনি সম্প্রতি রাজধানীতে উপস্থিত নাই। তিনি উপস্থিত থাকিলে অবশ্য আপনাকে এখান হইতে বিদায় দিতেন না, রাখিবার জন্তই বিশেষ আগ্রহ করিতেন। তিনি যুদ্ধার্থ বিজয়নগরে গমন করিয়াছে। তাঁহার রাজ্য সেতুবন্ধপর্য্যন্ত বিস্তৃত। দক্ষিণে গোদাবরীর তীরে বিছানগরের তাঁহার একজন প্রতিনিধি শাসনকর্তা আছেন। তাঁহার নাম রামানন্দ রায়। তিনি জাতিতে শূদ্র। শূদ্র বিষয়ী হইলেও, আমার যতদূর বিশ্বাস, তিনি একজন উচ্চ অধিকারী। আমার ইচ্ছা, আপনি গমনকালে তাঁহাকে দর্শন দিয়া যান। আমরা পূর্বে তাঁহাকে বৈষ্ণব বলিয়া পরিহাস করিয়াছি, কিন্তু এখন আপনার কৃপায় বোধ হইতেছে, তিনি একজন রসতত্ত্ববেত্তা পরম বৈষ্ণব।” প্রভু ভট্টাচার্য্যের কথা শুনিয়া রামানন্দ রায়ের সহিত দেখা করিবেন বলিয়া স্বীকার করিলেন। পরে ভট্টাচার্য্যের নিকট বিদায় লইয়া যাত্রা করিলেন।

প্রভু জগন্নাথ দর্শনের পর প্রসাদী আজ্ঞাসূচক মালা প্রাপ্ত হইয়া তাঁহাকে প্রদক্ষিণ ও প্রণাম করিয়া সমুদ্রতীরপথে গমন করিতে লাগিলেন। কৃষ্ণদাস সার্কভৌমপ্রদত্ত প্রভুর কোপীন ও বহির্বাণাদি লইয়া অপরাপর ভক্তগণের সহিত পশ্চাৎ পশ্চাৎ যাইতে লাগিলেন। নিত্যানন্দ সার্কভৌম ভট্টাচার্য্যকে বাটীতে পাঠাইয়া দিয়া আপনারা কয়েকজন প্রভুকে লইয়া পুরীর নৈঋতকোণে আলালনাথে উপস্থিত হইয়া ভক্তগণের সহিত তত্রত্য চতুর্ভুজ বিষ্ণুমূর্ত্তি দর্শন করিলেন। দর্শনের পর প্রভু প্রেমাবেশে নৃত্যারম্ভ করিলেন। ক্রমে ক্রমে বহুতর লোকের সমাগম হইল। সমাগত লোক সকলও প্রভুর সহিত নৃত্য করিতে লাগিলেন। প্রভুর প্রেমাবেশ দেখিয়া আবাল-বৃদ্ধ-বনিতাই প্রেমে ভাসিতে লাগিলেন। তদর্শনে নিত্যানন্দ সঙ্গী ভক্তগণকে বলিলেন, “গ্রামে গ্রামেই এইরূপ নৃত্যগীত হইবে এবং যাহার সৌভাগ্য সেই দেখিবে।” পরে তিনি “বেলা অনেক হইল, লোকের সমাগম কমিল না” এই কথা বলিয়া প্রভুকে লইয়া মাধ্যাহ্নিক স্নানকার্য্য করিতে গেলেন। তখন লোক-সমাগম কমিয়া গেল। গোপীনাথ দুই প্রভুকে ভিক্ষা করাইয়া আপনারা তাঁহাদিগের প্রসাদ পাইলেন। ঐ দিবস ঐ স্থানেই যাপিত হইল। পরদিন

প্রভাতে প্রভু স্নান করিয়া কৃষ্ণদাসকে লইয়া যাত্রা করিলেন। ভক্তগণ প্রভুর বিরহে কাতর ও মূর্ছিত হইয়া পড়িলেন। প্রভু তাঁহাদিগের দিকে দৃষ্টি না করিয়াই আপন মনে গমন করিতে লাগিলেন; ভক্তগণ সেই দিবস সেইখানেই উপবাসী রহিলেন। পরদিন প্রভাতে তাঁহারা নীলাচলে পুনরাগমন করিলেন। এদিকে প্রভু ভক্তগণকে রাখিয়া—

কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ হে ।  
 কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ হে ॥  
 কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ রক্ষ মাম্ ।  
 কৃষ্ণ কৃষ্ণ কৃষ্ণ কৃষ্ণ কৃষ্ণ কৃষ্ণ পাহি মাম্ ॥  
 রাম রাঘব রাম রাঘব রাম রাঘব রক্ষ মাম্ ॥  
 কৃষ্ণ কেশব কৃষ্ণ কেশব কৃষ্ণ কেশব পাহি মাম্ ॥

এই কয়েকটি শ্লোক পাঠ করিতে করিতে চলিতে লাগিলেন। পথে যাহাকে দেখেন, তাহাকেই বলেন, “বল হরি।” যিনি প্রভুর কথা শুনিয়া “হরি” বলেন, তিনি “হরি বলা” হইয়া যান। তাঁহার জিহ্বা আব হরিনাম ত্যাগ করিতে চায় না। যে আবার সেই “হরি বলা” সাধুর সঙ্গ করে, সেও তাঁহারই মত “হরি বলা” হইয়া যায়। ক্রমে গ্রাম শুদ্ধ “হরি বলা” হইয়া যায়। প্রভু এইরূপে দক্ষিণদেশে অদ্ভুত শক্তির সঞ্চারণ করিতে করিতে পথ পর্য্যটন করিতে লাগিলেন।

প্রভু ক্রমে চিলকা হ্রদ অতিক্রম করিয়া কূর্মক্ষেত্রে উপনীত হইলেন। কূর্মক্ষেত্র মাল্লাজ প্রেসিডেন্সির উত্তরসীমান্ত গঞ্জাম জেলার অন্তর্গত এবং চিকাকোল হইতে আট মাইল পূর্বে সমুদ্রতীরে অবস্থিত। ঐস্থানে কূর্মাভতার শ্রীবিষ্ণুর মূর্তি বিরাজিত আছেন। প্রভু কূর্মদেবকে দর্শন করিয়া প্রেমাবেশে প্রণতি, স্তুতি ও নৃত্যগীতাদি করিতে লাগিলেন। কূর্মের সেবকগণ প্রভুকে বিশেষ সম্মান করিলেন। ঐ গ্রামেই কূর্ম নামক একজন বৈদিক ব্রাহ্মণ বাস করিতেছেন। তিনি প্রভুকে বিশেষ ভক্তিসহকারে নিজের গৃহে লইয়া পাদ-প্রক্ষালনাদির পর ভিক্ষা করাইলেন। বিপ্র প্রভুকে ভিক্ষা করাইয়া সপরিবারে প্রভুর চরণোদক ও উচ্ছিষ্ট গ্রহণ করিলেন। পরে তিনি প্রভুর সঙ্গে গমন করিবার নিমিত্ত বিশেষ আগ্রহ প্রকাশ করিলেন। প্রভু বলিলেন,—“বিপ্র, এরূপ



করিও না; গৃহে থাকিয়াই লোকসকলকে কৃষ্ণোপদেশ কর। যিনি গৃহে থাকিয়া ভক্তিমাৰ্গে যাজন করেন, আমার আজ্ঞায় তাঁহাকে বিষয়তরঙ্গ কখনই কোন বাধা প্রদান করে না (১)।” প্রভুর উপদেশে বিপ্ৰের প্রভুর সহিত গমন-বাসনার নিবৃত্তি হইল। তিনি বিশেষ আগ্রহ করিয়া প্রভুকে ঐ দিবস ঐ স্থানেই রাখিলেন। প্রভু ঐ দিবস ঐ স্থানে থাকিয়া একটি অলৌকিক কার্য করিলেন। ঐ স্থানে বাসুদেব নামে একজন গলিতকুষ্ঠরোগাক্রান্ত ব্রাহ্মণ বাস করিতেন। তিনি প্রভুর আগমন শুনিয়া কৃষ্ণবিপ্ৰের ভবনে আসিয়া তাঁহার চরণদর্শন করিলেন। প্রভু তাঁহাকে আলিঙ্গন দিয়া নীরোগ ও কৃতার্থ করিয়া পরদিন প্রভাতেই কৃষ্ণক্ষেত্র ত্যাগ করিলেন।

প্রভু কৃষ্ণক্ষেত্র হইতে বিজয়নগর হইয়া সীমাচলে আগমন করিলেন। সীমাচল একটি পার্বত্যপ্রদেশ। সীমাচল নামক পর্বতটি আটশত ফুট উচ্চ। পর্বতের উপর শ্রীনৃসিংহদেবের মন্দির ও শ্রীমূর্তি বিরাজিত। প্রভু বিবিধফলকুমুমসমাকীর্ণ ও প্রসবগাঙ্ঘিত সীমাচল ও তংশিখরবিরাজিত শ্রীনৃসিংহদেবকে দর্শন করিয়া প্রেমাবেশে বহুক্ষণ নৃত্যগীতাদি করিলেন। শ্রীনৃসিংহের সেবকগণ যথেষ্ট সমাদর করিয়া প্রভুকে মালা ও প্রসাদ দিলেন। প্রভু এক ব্রাহ্মণের আশ্রয়ে ভিক্ষা করিয়া পরদিন প্রভাতে ঐ স্থান ত্যাগ করিলেন।

### রামানন্দমিলন।

প্রভু নৃসিংহক্ষেত্র ত্যাগ করিয়া অবিশ্রান্ত গমন করিতে লাগিলেন। এইরূপে কয়েকদিন চলিয়া গোদাবরী প্রাপ্ত হইলেন। পবিত্রসলিলা গোদাবরীকে দর্শন করিয়া প্রভুর মনে শ্রীযমুনার এবং তীরবর্তী উপবনসকল দর্শনকরিয়া শ্রীবৃন্দাবনের স্মরণ হইল। শ্রীবৃন্দাবনের স্মরণে আনন্দে বিহ্বল হইয়া কিয়ৎক্ষণ নৃত্যগীতাদির পর প্রভু গোদাবরী পার হইলেন। পার হইয়া স্নান করিলেন। স্নানের পর ঘাটের

(১) গৃহে চাৰিষতাঞ্চাপি পুংসাং কুশলকৰ্ম্মণাম্।

মহাভাষ্যাতথ্যামানাং ন বন্ধায় গৃহা মতাঃ ॥ ভা ৪।৩০।১২

গৃহস্থ হইয়াও যাহারা আমাতে কৰ্ম্মার্পণ করিয়া আমার কথাপ্রসঙ্গে কালযাপন করেন গৃহস্থীশ্রম তাহাদের বন্ধনকারণ হয় না।

অনতিদূরে যাইয়া উপবেশন পূর্বক নামসঙ্কীৰ্তন করিতে লাগিলেন। এই সময়ে একজন লোক দোলায় চড়িয়া বাজনা বাণ সহকারে স্নান করিতে আসিলেন। তাঁহার সঙ্গে অনেকগুলি ব্রাহ্মণও আগমন করিলেন। তাঁহারা সকলেই বিধি মত স্নান ও তর্পণাদি করিয়া তীরে উঠিলেন। প্রভু দেখিয়া বুলিলেন, ইনিই রামানন্দ রায়। রামানন্দ রায়ের সহিত মিলিবার জন্ত প্রভুর ইচ্ছা হইল, কিন্তু উঠিলেন না, ধৈর্যধারণপূর্বক বসিয়া থাকিলেন।

এদিকে রামানন্দ রায় তীরে উঠিয়াই প্রভুকে দেখিলেন। তিনি সেই শতসূর্যাসমকান্তি অরুণবসনপরিহিত, সুবলিত-দেহ-সনন্বিত, কমললোচন অপূর্ব সন্ন্যাসীকে দর্শন করিয়া চমৎকৃত হইলেন। অনন্তর প্রভুর সঙ্গীপে আগমন পূর্বক তাঁহাকে দণ্ডবৎ নমস্কার করিলেন। প্রভু তাঁহাকে দণ্ডবৎ পতিত দেখিয়া বলিলেন, “উঠ, কৃষ্ণ কৃষ্ণ বল।” ইচ্ছা হইল, রামানন্দ রায়কে আলিঙ্গন করেন, কিন্তু তাহা করিলেন না, বলিলেন, “তুমি কি রামানন্দ রায়?” রামানন্দ রায় বলিলেন, “হাঁ, আমি সেই শূদ্রাধম দাস।” শুনিয়া প্রভু তাঁহাকে গাঢ়ভাবে আলিঙ্গন করিলেন। আলিঙ্গনমাত্র প্রভু ও ভৃত্য উভয়েই প্রেমাবেশে অধীর হইয়া পড়িলেন। উভয়েরই অশ্রুসম্পাদি বিকারসকলের আবির্ভাব হইল দেখিয়া রামানন্দ রায়ের সঙ্গে লোকসকল বিস্ময়ান্বিত হইলেন। তাঁহারা মনে মনে বিচার করিতে লাগিলেন, এই সন্ন্যাসীকে ত মহাতেজস্বী দেখিতেছি, ইনি কেন শূদ্রবিষয়ীকে আলিঙ্গন করিয়া ক্রন্দন করিতেছেন? আর এই মহারাজও ত পরমগম্ভীর ও মহাপণ্ডিত, ইনিই বা কেন সন্ন্যাসীর স্পর্শে মত্ত ও অস্থির হইলেন? প্রভু ও ভৃত্য উভয়েই বিজাতীয় লোক সকল দেখিয়া আপন আপন ভাব সম্বরণ করিলেন। সুস্থ হইয়া উভয়েই বসিলেন। বসিয়া প্রভু হাসিতে হাসিতে বলিলেন, “সার্কভৌম ভট্টাচার্য্য তোমার গুণগ্রাম বর্ণনা করিয়া আমাকে তোমার সহিত দেখা করিবার জন্ত বিশেষ অনুরোধ করিয়াছিলেন। তদনুসারে আমি তোমার সহিত সাক্ষাৎকার করিবার নিমিত্তই এই স্থানে আসিয়াছি। অনায়াসেই তোমার দর্শন পাইলাম, ভাল হইল।” রাম রায় বলিলেন, “সার্কভৌম ভট্টাচার্য্য আমাকে ভৃত্য জ্ঞান করিয়া পরোক্ষেও আমার হিতসাধনের জন্ত যত্ন করিয়া থাকেন। তাঁহার কৃপাতেই আপনার চরণদর্শন লাভ হইল। আজ আমার মানবজন্ম সফল হইল। আপনি সার্কভৌম ভট্টাচার্য্যকে কৃপা করিয়া তাঁহারই প্রেমের অধীন হইয়া এই অস্পৃশ্য অধমকে স্পর্শ করিলেন। কোথায় আপনি সাক্ষাৎ নারায়ণ, আর কোথায় আমি রাজসেবী

অধম বিষয়ী শূদ্র। আপনি আমাকে স্পর্শ করিতেও ঘৃণা বা শাস্ত্রের ভয় করিলেন না। আপনার স্বাভাবিকী করুণার বশে আপনি সকলের প্রতি সদয় ব্যবহার করেন। আপনি স্বীয় করুণার গুণেই নিন্দ্য কর্ম আচরণ করেন। আপনি পরম দয়ালু ও পতিতপাবন বলিয়া আমার নিস্তারার্থ এই স্থানে শুভাগমন করিয়াছেন। মহতের স্বভাব এই যে, তাঁহারা নিজের কোন প্রয়োজন না থাকিলেও পরোপকারার্থ গমনাগমন করিয়া থাকেন। আমার সঙ্গে নানা-জাতীয় লোক সকল রহিয়াছেন। আপনাকে দর্শন করিয়া সকলেরই মন দ্রবীভূত হইয়াছে। সকলেরই সঙ্গে পুলক ও নেত্রে অশ্রুবিन्दু দৃষ্ট হইতেছে। আপনার আকার প্রকারে আপনাকে ঈশ্বর বলিয়াই বোধ হইতেছে। জীবে এইরূপ অপ্রাকৃত গুণ সম্ভব হয় না।” প্রভু বলিলেন, “তুমি মহাভাগবতোত্তম, তোমার দর্শনেই সকলের মন দ্রবীভূত হইয়াছে। অতঃপর কথা দূরে থাকুক, আমি কঠোর মায়াবাদী সন্ন্যাসী, তোমার দর্শনে আমারও মন গলিত হইয়াছে, তোমার স্পর্শে আমাতেও কৃষ্ণপ্রেমের সঞ্চার হইয়াছে। অতএব বোধ হয়, আমার কঠিন হৃদয় কোমল করিবার নিমিত্তই সার্বভৌম আমাকে তোমার সহিত সাক্ষাৎ করিতে অনুরোধ করিয়াছিলেন।” এই প্রকার পরস্পর স্তুতিবাদ হইতেছে, এমন সময় একজন বৈদিক ব্রাহ্মণ প্রভুকে প্রণাম করিয়া ভিক্ষার নিমন্ত্রণ করিলেন। প্রভু তাঁহাকে বৈষ্ণব জানিয়া তাঁহার নিমন্ত্রণ অঙ্গীকার করিলেন। পরে হাসিয়া রাম রায়কে বলিলেন, “তোমার মুখে কৃষ্ণকথা শুনিতে আমার নিতান্ত অভিলাষ হইয়াছে, অতএব আবার দর্শন পাইবার ইচ্ছা করি।” রাম রায় বলিলেন, “যদি এই পামরকে শোধন করিবার নিমিত্ত আগমন হইল, তবে দিন পাঁচ সাত অবস্থান করিতে অনুমতি হয়; কারণ, দর্শনমাত্র এই দুষ্ট চিত্ত শুদ্ধ হইতে পারে না।” এই কথা বলিয়া রাম রায়, ত্যাগ অসহ হইলেও, প্রভুকে ছাড়িয়া নিজ ভবনে গমন করিলেন। ব্রাহ্মণ বিশেষ ভক্তিসহকারে প্রভুকে ভিক্ষা করাইলেন। প্রভু ও ভৃত্য উভয়েই পরম উৎকর্ষার সহিত দিবস অতিবাহিত করিলেন। সন্ধ্যা সমাগত দেখিয়া প্রভু সায়ংকৃত্য সমাপন করিয়া বসিলেন। এই সময়ে রামরায়ও একজন মাত্র ভৃত্য সঙ্গে লইয়া প্রভুর নিকট আগমন করিলেন। রামরায় আসিয়া প্রভুকে দণ্ডবৎ প্রণাম করিলেন। প্রভু উঠিয়া প্রণত ভৃত্যকে আলিঙ্গন দিলেন। পরে উভয়েই আসন গ্রহণ করিলেন। আসন গ্রহণের পর প্রভু রাম রায়কে বলিলেন, “পুরুষের প্রয়োজন যাহাতে নির্ণীত হইয়াছে, এমন একটি শ্লোক পাঠ কর।”

রাম রায় পাঠ করিলেন,—

“বর্ণাশ্রমাচারবতা পুরুষেণ পরঃ পুমান্ ।

• বিষ্ণুরাধ্যতে পস্থা নাশ্চ ততোষকারণম্ ॥ (১) বিষ্ণুপু ৩।৮।৯ ।

(১) মনুষ্য শাস্ত্রোক্ত স্ব স্ব বর্ণাশ্রমানুরূপ ধর্ম-প্রতিপালন করিবেন । স্ব স্ব বর্ণাশ্রমানুরূপ ধর্মপালন দ্বারা শ্রীবিষ্ণু প্রসন্ন হন । স্বধর্মপ্রতিপালন শ্রীভগবদাজ্ঞা । শ্রীভগবদাজ্ঞা শ্রুতি ও স্মৃতিরূপে বিদ্যমান । উহার অন্তর্গতচরণে শ্রীভগবদাজ্ঞাহানিরূপ পরমদোষানুষ্ঠানে পুরুষ ইহলোকে ও পরলোকে দণ্ডনীয় হয় । অতএব পুরুষ শাস্ত্রোক্ত বর্ণাশ্রমাচাররূপ শ্রীভগবৎপ্রীতিসাধক ধর্মের অনুষ্ঠানদ্বারা ক্রমসোপানত্বায়ে সাধুসঙ্গাদিকে দ্বারকরিয়া শ্রীভগবৎকৃপারূপাভক্তি লাভ করিয়া কৃতার্থ হইবেন এই অভিপ্রায়েই পরম ভাগবত রামানন্দ রায় ‘বর্ণাশ্রমাচারবতা’ ইত্যাদি শ্লোক দ্বারা মানবের প্রয়োজন নির্ণয় করিয়াছেন । রামানন্দের অভিপ্রায়েই অনুকূল শাস্ত্রবাক্যসমূহ নিম্নে প্রদর্শিত হইল যথা :—

“স্বতঃ পুংভির্দ্বিজশ্রেষ্ঠা বর্ণাশ্রমবিভাগণঃ ।

স্বনুষ্ঠিতস্ত ধর্মস্ত সংসিদ্ধির্হিরিতোষণম্ ॥” ভা ১।২।১৩

অর্থাৎ শ্রীনৈমিশারণো স্মৃত বলিয়াছিলেন হে দ্বিজশ্রেষ্ঠগণ! অতএব পুরুষগণ বর্ণ ও আশ্রম বিভাগানুসারে বিষ্ণুরূপে যে সকল ধর্মের অনুষ্ঠান করেন শ্রীহিরিতোষণই তাহার একমাত্র ফল ।

বর্ণাশ্চত্বারো রাজেন্দ্র চত্বারশ্চাপি চাশ্রমাঃ ।

স্বধর্মং যে তু তিষ্ঠন্তি তে যান্তি পরমাং গতিম্ ॥

স্বধর্মেণ যথা ন গাং নারসিংহঃ প্রসীদতি ।

ন তুষ্যতি তথাত্মেন কর্মণা মধুসূদনঃ ॥ হাঃ সং ৭।১৮-১৯

হে রাজেন্দ্র ! ব্রাহ্মণ, ক্ষত্রিয়, বৈশ্য ও শূদ্র এই চারিপ্রকার বর্ণ এবং ব্রহ্মচর্য্য, গার্হস্থ্য, বানপ্রস্থ ও সন্ন্যাস এই চারিপ্রকার আশ্রম । যাহারা পূর্বোক্ত বর্ণাশ্রমরূপস্বধর্ম প্রতিপালন করেন তাহারা পরমগতিলাভ করেন ।

স্ব স্ব বর্ণাশ্রমরূপ ধর্ম্যানুষ্ঠানদ্বারা ভগবান্ পুরুষোত্তম যেরূপ প্রীত হন অন্তকর্ম্মদ্বারা মধুসূদন সেইরূপ তুষ্ট হন না ।

বর্ণাশ্রমধর্ম্যানুষ্ঠানদ্বারা যে ভগবৎপ্রীতিরূপা ভক্তি লাভ হয় তাহা শ্রীমদ্ভাগবতের বিভিন্ন স্থান হইতে স্পষ্ট অবগত হওয়া যায় ।

ইতি মাং যঃ স্বধর্মেণ ভজেন্নিত্যমনন্তভাক্ ।

সর্বভূতেষু মন্তাবো মন্তক্তিং বিন্দতে দৃঢ়াম্ ॥ • ভা ১।১।৮।৪৪

ইতি স্বধর্মনির্গিতসম্ভ্রো নিজ্জাতমদগতিঃ ।

জ্ঞানবিজ্ঞানসম্পন্নো বিরক্তঃ সমুপৈতি মাম্ ॥ ভা ১।১।৮।৪৬

যথা স্বধর্মসংযুক্তো ভক্তো মাং সমিয়াৎ পরম্ ॥ ভা ১।১।৮।৪৮

এইরূপে মদেকান্তী হইয়া আমার প্রাপ্তির নিমিত্ত স্বধর্ম্যানুষ্ঠান দ্বারা যে ব্যক্তি আমাকে ভজনা করে সে সর্বভূতে মন্তাবাপন্ন হইয়া ( সর্বভূতে আমি অন্তর্ধামিরূপে বিদ্যমান এইরূপ অবগত হইয়া ) আমাতে সূদৃঢ় প্রেমভক্তি লাভ করে ।

মনুষ্য যে অধিকারানুরূপ বর্ণাশ্রমাচার পালন করেন, সেই আচার পালনেই পরমপুরুষ বিষ্ণুর আরাধনা করা হয়। ইহাই বিষ্ণুসন্তোষের উপায়, এতদ্ভিন্ন উপায়ান্তর নাই।

এইরূপে স্বধর্ম্মানুষ্ঠান দ্বারা বিশুদ্ধচিত্ত ব্যক্তি পরোক্ষশাস্ত্রজ্ঞান ও অপরোক্ষানুভবাত্মকজ্ঞান-সম্পন্ন হইয়া তত্ত্বতঃ আমার স্বরূপকে অবগত হয় এবং প্রাপঞ্চিক বস্তুতে অনাসক্ত হইয়া সর্ব্বেশ্বর আমাকে প্রাপ্ত হন।

স্বধর্ম্মানুষ্ঠানকারী আমার ভক্ত যেরূপে আমাকে প্রাপ্ত হন ( তাহা আমি তোমাকে বলিলাম )।

যঃ স্বধর্ম্মপরো নিত্যমীশ্বরার্পিতমানসঃ।

প্রাপ্নোতি পরমং স্থানং যদুক্তং বেদসম্মিতম্ ॥ উশনঃ সং ৭।২৩

যে ব্যক্তি নিত্য স্বধর্ম্মপরায়ণ ও ঈশ্বরার্পিতচিত্ত তিনি বেদতুল্য (নিত্য পবিত্র) পরমস্থান প্রাপ্ত হন।

শ্রীমদ্ভাগবতের সপ্তম স্কন্ধে যুধিষ্ঠির শ্রীনারদকে এইরূপই বলিয়াছিলেন—

ভগবন্ শ্রোতুমিচ্ছামি নৃণাং ধর্ম্মং সনাতনম্।

বর্ণাশ্রমাচারযুতং যৎ পুমান্ বিন্দতে পরম্ ॥ ৭।১১।২

হে ভগবন্ আমি মানবদিগের বর্ণাশ্রমাচারযুক্তসনাতনধর্ম্ম শ্রবণ করিতে ইচ্ছা করি যাহা হইতে নর জ্ঞান ও ভক্তি লাভ করে।

ভগবান্ পার্থসারথিও গীতাশাস্ত্রে এইরূপই উপদেশ দিয়াছেন যথা—

শ্বে শ্বে কর্ম্মণ্যভিরতঃ সংসিদ্ধিং লভতে নরঃ।

স্বকর্ম্মনিরতঃ সিদ্ধিং যথা বিন্দতি তচ্ছংগু ॥

যতঃ প্রবৃতিভূতানাং যেন সর্ব্বমিদং ততম্।

স্বকর্ম্মণা তমভ্যর্চ্য সিদ্ধিং বিন্দতি মানবঃ ॥ গীতা ১৮।৪৫ ৪৬

স্ব স্ব বর্ণাশ্রম কর্ম্মের অনুষ্ঠাতা মনুষ্য সংসিদ্ধি ( তত্ত্বজ্ঞান ) লাভ করেন। স্বকর্ম্মনিরত মনুষ্য যেরূপে সংসিদ্ধি লাভ করে তাহা শ্রবণ কর।

যাহা হইতে প্রাণিসকল উৎপন্ন হয় এবং যিনি জন্মস্ত জগতে ব্যাপ্ত আছেন মনুষ্য স্ব স্ব বর্ণাশ্রমানুরূপ কর্ম্মদ্বারা তাহার অর্চনা করিয়া সিদ্ধিলাভ করে।

বর্ণাশ্রমধর্ম্ম হইতে যে কৃষ্ণভক্তি লাভ হয় ইহা যোগিশ্রেষ্ঠ শুকদেবও পরীক্ষিতের নিকট দ্বিতীয় স্কন্ধে বলিয়াছেন। যথা—

এতাবান্ সাংখ্যযোগাভ্যাং স্বধর্ম্মপরিনিষ্ঠয়া।

জন্মলাভঃ পরঃ পুংসামস্তে নারায়ণস্মৃতিঃ ॥ ২।১।৬

স্বধর্ম্মপরিনিষ্ঠা, আত্মানাত্মবিবেক ও অষ্টাঙ্গযোগ দ্বারা পুরুষদিগের উৎকৃষ্ট জন্মলাভ হয়—যে জন্মের অবসানে নারায়ণস্মৃতি হইয়া থাকে।

মহাত্মা মনুও বলিয়াছেন—

শ্রুতিস্মৃত্যাদিতং ধর্ম্মমহুতিষ্ঠন্ হি মানবঃ।

ইহ কীর্ত্তিমবাপ্নোতি প্রেত্য চানুত্তমং সুখম্ ॥

প্রভু বলিলেন,—“বিষ্ণুর আরাধনা বা বিষ্ণুভক্তিই সাধ্যবস্ত ইহা ঠিক, এবং অজ্ঞাতশ্রদ্ধ ব্যক্তির বর্ণাশ্রমাচার পালন করিতে করিতে সঙ্কণ্ঠের বৃদ্ধির

বেদোক্ত ও স্মৃহুক্ত বর্ণাশ্রমধর্মের অনুষ্ঠানকারী মানব ইহলোকে কীর্তি ও পরলোকে সর্বোত্তম মুখ লাভ করিয়া থাকে।

শ্রীভগবদাজ্ঞারূপশাস্ত্রশাসনলঙ্ঘনে পুরুষ যে দণ্ডনীয় হন শ্রীভগবদুক্তিই একমাত্র তাহার প্রমাণ। যথা—

শ্রুতিস্মৃতি মমৈবাজ্ঞে যন্ত উল্লঙ্ঘ্য বর্জতে।

আজ্ঞাচ্ছেদী মমদেষী মন্তুকোহপি ন বৈষ্ণবঃ ॥ ভক্তিসন্দর্ভপ্রমাণিতা স্মৃতিঃ।

(শ্রীভগবান্ বলিলেন) শ্রুতি ও স্মৃতি আমার আজ্ঞা। যে ব্যক্তি শ্রুতিস্মৃতিরূপ আমার আজ্ঞাকে উল্লঙ্ঘন করে সেই আজ্ঞাচ্ছেদী ব্যক্তি আমার বিদেষী। সে আমার ভজনকারী হইলেও বৈষ্ণব নহে।

তানহং দ্বিষতোঃ কুরান্ সংসারেষু নরাধমান্।

ক্ষিপাম্যজস্রমশুভানাসুরীধেব যোনিষু ॥

আসুরীং যোনিমাপন্ন মূঢ়া জন্মনি জন্মনি।

মামপ্রাপ্যৈব কৌন্তেয় ততো যাস্ত্যধমাং গতিম্ ॥ গীতা ১৬।১৯-২০।

আমি আমার প্রতি দ্বেষকারী, ক্রুর ও অশুভ সেই নরাধমদিগকে এই সংসারে আসুরী যোনিতে পুনঃ পুনঃ নিক্ষেপ করি।

হে কৌন্তেয়, আসুরীযোনিপ্রাপ্ত সেই মূঢ়গণ প্রতি জন্মেই আমাকে না পাইয়া উত্তরোত্তর অধমগতি প্রাপ্ত হয়।

পুরুষ যে শাস্ত্রোক্তবর্ণাশ্রমাচাররূপ ধর্মের অনুষ্ঠানদ্বারা ক্রমসোপানস্থানে ভগবদ্ধাম প্রাপ্ত হয় তাহা শ্রীভগবতোক্ত ভগবান্ রুদ্রের উপদেশ হইতেই অবগত হওয়া যায়। যথা—

স্বধর্মনিষ্ঠঃ শতজন্মভিঃ পুমান্

বিরিক্তামেতি ততঃপরং হি মাম্।

অব্যাকৃতং ভাগবতোহথ বৈষ্ণবং

পদং যথাহং বিবুধাঃ কলাত্যয়ে ॥ ভা ৪।২৪।২৯

অর্থাৎ স্বধর্মনিষ্ঠব্যক্তি শত জন্মে বিরিক্ত প্রাপ্ত হয়। তদনন্তর বিরিক্তিপদ হইতে শ্রেষ্ঠ আমাকে (রুদ্রকে) প্রাপ্ত হয়। অনন্তর তাহারা ভগবদুক্ত হইয়া নিত্য প্রপঞ্চাতীত বৈকুণ্ঠধাম প্রাপ্ত হয়,— আমিও আধিকারিক ভক্তগণ যেকপ স্ব স্ব অধিকারান্তে লিঙ্গশরীরের নাশে বৈকুণ্ঠধাম প্রাপ্ত হই।

স্ব স্ব অধিকারানুরূপ বর্ণাশ্রমধর্মের প্রতিপালনে শ্রীবিষ্ণু আরাধিত হন এবং উহাই যে বিষ্ণু-শ্রীতির হেতু তাহা বিভিন্ন শাস্ত্র অনুমোদন করেন।

“বর্ণাশ্রমাচারবতাং পুংসাং দেবো মহেশ্বরঃ।

জ্ঞানেন ভক্তিযোগেন পূজনীয়ো ন চান্যথা।

(কুর্শ্ব পুং পুঃ ১।৮৬।)

সঙ্গে সঙ্গেই চিত্তমানিষ্ঠকর রজস্বমোগুণের অভিব্যবের অনন্তর মহৎসঙ্গাদি দ্বারা ভক্তিলভের সম্ভাবনা আছে ইহাও স্থির ; কিন্তু বর্ণাশ্রমাচার, সাধ্যভক্তির সাক্ষাৎ

“তস্মাৎ সর্ব প্রযত্নেন যত্র তত্রাশ্রমে রতঃ ।

কর্মাগীশ্বরতুষ্ঠার্থং কুর্য্যান্নৈকস্ম্যামাশ্রুয়াৎ ॥

( কুর্শ পুঃ পুঃ ২।২৬ )

বর্ণাশ্রমাচারবান্ পুরুষসকল সেব্যসেবকজ্ঞানসহকৃতভক্তিয়োগদ্বারা পরমেশ্বরের পূজা করিবেন, অন্য প্রকারে নহে ।

সেইজন্য যিনি যে কোন আশ্রমী হউন না কেন তিনি সর্বপ্রকারে ভগবৎপ্রীতীর্থ নিত্য-নৈমিত্তিকাদি কর্মসকলের অনুষ্ঠান করিবেন । তাহা হইতেই তাহার নৈকস্ম্য তত্ত্বজ্ঞান লাভ হইবে ।

“বর্ণাশ্রমেযু যে ধর্ম্মাঃ শাস্ত্রোক্তা নৃপসত্তম ।

তেষু তিষ্ঠন্ নরো বিষ্ণুমারাদয়তি নান্যথা ॥

( বিষ্ণু পুঃ ৩।৮।১৯ )

হে নৃপসত্তম ! যে বর্ণ ও যে আশ্রমের যে ধর্ম্ম বেদে বিহিত হইয়াছে মনুষ্য স্ব স্ব অধিকারানুসারে তাহাতে অবস্থান করিয়া শ্রীবিষ্ণুর আরাধনা করিবেন । অন্যথাচরণ করিবেন না । তবে যে শ্রীমদ্ভাগবতের একাদশস্কন্ধের দ্বিতীয়াধ্যায়ে যোগীন্দ্র হবির

“ন যশ্চ জন্মকর্ম্মভ্যাং ন বর্ণাশ্রমজাতিভিঃ ।

সজ্জতেহস্মিন্নহস্তাবো দেহে বৈ স হরেঃ প্রিয়ঃ ॥” ( ভা ১১।২।৫১ ) ।

এই বাক্যে সৎকুলেজন্মও বর্ণাশ্রমকে আপাততঃদৃষ্টিতে ভক্তির প্রতিবন্ধকরূপে মনে করা হয় তাহা অজ্ঞতামূলক ; কারণ উহা সৎকুলে জন্ম ও বর্ণাশ্রমাদির নিন্দা নহে । উহা সৎকুলে জন্ম ও বর্ণাশ্রমাদিজন্য অভিমানের নিন্দা মাত্র । ঐ বচনের “সজ্জতেহস্মিন্নহস্তাবো দেহে বৈ স হরেঃ প্রিয়ঃ” এই শেয়ার্দ্ধ হইতে সুস্পষ্টরূপেই উহা অবগত হওয়া যায় ।

পূর্বোক্ত শাস্ত্রবচনানুসারে ইহাই বুঝা গেল যে বর্ণাশ্রমবিভাগানুসারে যিনি যে ধর্ম্মের অধিকারী সেই ধর্ম্মই তাহার স্বধর্ম্ম এবং উহাই শ্রীবিষ্ণুপ্রীতিসম্পাদনের উপায় ।

অধুনা ব্রাহ্মণাদি চতুর্বর্ণের এবং ব্রহ্মচারী প্রভৃতি চতুরাশ্রমীর স্বধর্ম্মসমূহ কি তাহা বর্ণ ও আশ্রমের নাম নির্দেশপূর্বক বর্ণিত হইতেছে ।

গৃহস্থো ব্রহ্মচারী চ বাণপ্রস্থোহথ শিষ্ণুকঃ ।

চত্বার আশ্রমাঃ প্রোক্তাঃ সর্বৈ গার্হস্থ্যমূলকম্ ।

মহাভাঃ অশ্বমেধ পঃ । ৪৬ অঃ ১৩ ।

ব্রহ্মচর্য্য, গার্হস্থ্য, বাণপ্রস্থ ও সন্ন্যাস এই চারিটি আশ্রম শাস্ত্রে কথিত হইয়াছে, উক্ত চতুরাশ্রমই গার্হস্থ্যমূলক ।

ব্রহ্মচারী উপকুর্বাণক ও নৈষ্ঠিক ভেদে দ্বিবিধ । তন্মধ্যে যিনি বিধিবদ্ বেদাধ্যয়ন করিয়া গৃহী হন তাহাকে উপকুর্বাণক বলে ও যিনি মৃত্যুকালপর্য্যন্ত ব্রহ্মচারী হইয়া গুরুকুলে বাস করেন তাহাকে নৈষ্ঠিক ব্রহ্মচারী বলে ।

গুরুশ্রাবা, বেদাধ্যয়ন, সন্ন্যাসকর্ম্ম, অগ্নিহোত্রকর্ম্ম ও ভিক্ষাচরণ এইগুলি ব্রহ্মচারীর বিশেষ ধর্ম্ম ।

গৃহস্থ সাধক ও উদাসীন ভেদে দ্বিবিধ ॥ তন্মধ্যে যিনি কুটুম্বভরণে আসক্ত হইয়া গৃহস্থোচিত ধর্ম্মানুষ্ঠান করেন তাহাকে সাধক বসে এবং যিনি আর্ষ, দৈব ও পৈত্র এই ত্রিবিধ ঋণ পরিশোধ পূর্ব্বক পুত্র-ভাৰ্য্যাদিগকে পরিত্যাগ করিয়া একাকী বিচরণ করেন তাহাকে উদাসীন বলা হয় ।

অগ্নিহোত্র, অতিথিশুক্রবা, যজ্ঞ, দান ও দেবার্চন এইগুলি গৃহস্থের বিশেষ ধর্ম্ম ।

গরুড় পুরাণে এইরূপই উল্লিখিত আছে—

সর্বেষামাশ্রমাণাঞ্চ বৈবিধ্যস্ত চতুর্বিধম্ ।  
 ব্রহ্মচার্য্যাপকুর্বাণো নৈষ্ঠিকে ব্রহ্মতৎপরঃ ॥  
 যোহধীত্য বিধিবদ্ বেদান্ গৃহস্থাশ্রমমাত্রজেৎ ।  
 উপকুর্বাণকো জ্ঞেয়ো নৈষ্ঠিকে মরণাস্তিকঃ ॥  
 ভিক্ষার্চ্যাথ শুক্রবা গুরোঃ স্বাধ্যায় এবচ ।  
 সন্ধ্যাকর্মাগ্নিকার্যাঞ্চ ধর্ম্মোহয়ং ব্রহ্মচারিণঃ ॥  
 উদাসীনঃ সাধকশ্চ গৃহস্থো দ্বিবিধো ভবেৎ ।  
 কুটুম্বভরণে যুক্তঃ সাধকোহসৌ গৃহী ভবেৎ ॥  
 ঋণানি ত্রীণ্যপাকৃত্য ত্যক্ত্বা ভাৰ্য্যাধনাদিকম্ ।  
 একাকী বিচরেদ্যস্ত উদাসীনঃ স মৌক্ষিকঃ ॥  
 অগ্নয়োহতিথিশুক্রবা যজ্ঞো দানং স্মরার্চনম্ ।  
 গৃহস্থস্ত সমাসেন ধর্ম্মোহয়ং দ্বিজসত্তমাঃ ॥

শব্দকল্পদ্রুমধৃত-গারুড়ে ৪৯ অঃ ।

জটাধারণ,, অগ্নিহোত্র, ভূশয্যা, অজিনপরিধান, বনেবাস, দুষ্ক, নিবারধাত্ত ও ফলাদি দ্বারা জীবিকানির্ব্বাহ, নিবিদ্ধ কর্ম্মত্যাগ, ত্রিসন্ধ্যাস্নান, ব্রতাদির অনুষ্ঠান, দেবতা ও অতিথি পূজা প্রভৃতি বানপ্রস্থের বিশেষ ধর্ম্ম । যথা—

জটিলমগ্নিহোত্রিত্বং ভূশয্যাজিনধারণম্ ।  
 বনেবাসঃ পয়োমূলং নীবারফলবৃন্তিতা ॥  
 প্রতিষিদ্ধান্নিবৃন্তিশ্চ ত্রিঙ্গানং ব্রতধারিতা ।  
 দেবতাতিথিপূজাট ধর্ম্মোহয়ং বনবাসিনঃ ॥

শব্দকল্পদ্রুমধৃত-গারুড়ে ২১৫ অঃ ॥

সর্ব্বসঙ্গ পরিত্যাগ, জিতেন্দ্রিয়ত্ব, ব্রহ্মচর্য্য, একস্থানে দীর্ঘকাল বাস না করা, স্বপ্নাহার, বিসুদ্ধ ব্রাহ্মণের নিকট হইতে ভিক্ষাগ্রহণ, আত্মজ্ঞান, আত্মানাত্মবিবেক, লোভশূন্যতা, তপস্তা, ধ্যান, জপ, ত্রিসন্ধ্যাস্নান, শৌচ ইত্যাদি সন্ন্যাসীর ধর্ম্ম । যথা—

সর্ব্বসঙ্গপরিত্যাগো ব্রহ্মচর্য্যাসমম্বিতঃ ।  
 জিতেন্দ্রিয়ত্বমাবাসে নৈকস্মিন্ বসতিশ্চিরম্ ॥  
 অনারম্ভস্তথাহারে ভিক্ষা বিপ্রে হৃনিন্দিতে ।  
 আত্মজ্ঞানবিবেকশ্চ তথাচাত্মাববোধনম্ ॥

বামন পুঃ ১৪ অঃ ।



শ্রীমদ্ভাগবতেও সংক্ষেপে আশ্রমধর্ম বর্ণিত আছে। যথা—

অহিংসো ধর্মঃ শমোহিংসো তপ ইক্ষা বনৌকসঃ ।

গৃহিণো ভূতরক্ষণ্যা দ্বিজশ্রীচার্যাসেবনম্ ॥

ব্রহ্মচর্যাং তপঃ শৌচং সন্তোষো ভূতসৌহৃদম্ ।

গৃহস্থশ্রীপ্যর্থোগন্তুঃ সর্বেষাং মহুপাসনম্ ॥ ১১।১৮।৪২-৪৩

শম ও অহিংসা সন্ন্যাসীর, তপশ্রা ও আত্মানান্নবিবেক বানপ্রস্থের; ভূতরক্ষা ও পঞ্চযজ্ঞানুষ্ঠান গৃহীর এবং গুরুসেবা ব্রহ্মচারীর ধর্ম। ব্রহ্মচর্যা, তপশ্রা, পবিত্রতা, সন্তোষ, ভূতসৌহৃদ ও মহুপাসনা সকল আশ্রমেরই সাধারণ ধর্ম।

ব্রাহ্মণ, ক্ষত্রিয়, বৈশ্য ও শূদ্রভেদে বর্ণ চতুর্বিধ। তন্মধ্যে প্রথমোক্ত বর্ণত্রয় দ্বিজ। এই দ্বিজগণেরই গর্ভাধান হইতে ব্রাহ্মণ্যস্ত ক্রিয়াকলাপ মন্ত্রোচ্চারণপূর্বক হইয়া থাকে। যথা—

ব্রহ্মক্ষত্রিয়বিট্শূদ্রা বর্ণাস্বাত্মায়ো দ্বিজাঃ ।

নিসেকাদিশাশানান্তান্তেষাং নৈ মন্বতঃ ক্রিয়াঃ ॥

যাজ্ঞবল্ক্য সং ১।১০

অধ্যাপন, অধ্যয়ন, যজন, যাজন, দান ও প্রতিগ্রহ এই ছয়টি কর্ম বিধাতা ব্রাহ্মণদিগের ধর্মরূপে নির্দেশ করিয়াছেন।

প্রজারক্ষণ, দান, যজ্ঞ, অধ্যয়ন, বিষয়ে অনাসক্তি প্রভৃতি কর্ম ক্ষত্রিয়ের ধর্মরূপে এবং পশুরক্ষা দান, যজ্ঞ, অধ্যয়ন, বাণিজ্য, বৃদ্ধির জন্তু ধনপ্রয়োগ (মুদে টাকা খাটান) কৃষিকর্ম প্রভৃতি বৈশ্যের ধর্মরূপে নির্দেশ করিয়াছেন।

অসুয়ারহিত হইয়া (গুণের নিন্দা না করিয়া) পূর্বোক্ত ব্রাহ্মণদিবর্ণত্রয়ের সেবা করা শূদ্র জাতির ধর্মরূপে নির্দেশ করিয়াছেন। যথা—

অধ্যাপনমধ্যয়নং যজনং যাজনং তথা ।

দানং প্রতিগ্রহকৈব ব্রাহ্মণানামকল্পয়ৎ ॥

প্রজানাং রক্ষণং দানমিজ্যাধ্যয়নমেবচ ।

বিষয়েষু প্রসক্তিশ্চ ক্ষত্রিয়শ্চ সমাসৃতঃ ॥

পশুনাং রক্ষণং দানমিজ্যাধ্যয়নমেবচ ।

বণিকৃপথং কুসীদকং বৈশ্যশ্চ কৃষিমেবচ ॥

একমেবতু শূদ্রশ্চ প্রভুঃ কর্ম সমাদিশৎ ।

এতেষামেব বর্ণানাং গুরুবাসনস্যুয়া ॥ মনু সং ১।৮৮ — ৯১

বিষ্ণুসংহিতাতে ও সর্ববর্ণসাধারণধর্ম এইরূপই নির্দেশ করিয়াছেন। যথা—

কমা সত্যং দমঃ শৌচং দানমিত্রিয়সংযমঃ ।

অহিংসা গুরুগুরুবা তীর্থানুসরণং দয়া ॥

আর্জবং লোভশূন্যং দেবব্রাহ্মণপূজনম্ ।

অনন্ত্যনুয়া চ তথা ধর্মঃ সামান্তমুচ্যতে ॥ বিষ্ণু সং ২।৭-৮

অর্থাৎ ক্রমা, সত্য, দম, শৌচ, দান, ইন্দ্রিয়সংযম ( অস্ত্রিয়নিগ্রহ ), অহিংসা, গুরুগুণবা  
তীর্থপর্যটন, দয়া, আর্জব ( সারল্য ) লোভশূন্যতা, দেবতা ও ব্রাহ্মণের পূজা, অননুয়া (অপরের গুণের  
নিন্দা না করা ) প্রভৃতি ব্রাহ্মণাদি চতুর্কর্ণের সাধারণধর্ম ।

পূর্বোক্ত চাতুর্কর্ণ্যবিভাগ যে গুণকৃত বা কর্মকৃত নহে, উহা যে সত্যসত্যই জাতিগত তাহা  
শ্রীভগবদ্গীতাশাস্ত্র হইতে অবগত হওয়া যায় । যথা—“চাতুর্কর্ণ্যং ময়া সৃষ্টং গুণকর্মবিভাগশঃ ।  
( গীতা ৪।১৩ ) এই শ্রীভগবদ্ভুক্তিতে “সৃষ্টং” এই অতীতকালের প্রয়োগ হইতে এইরূপ অর্থ  
বোধ হয় যে, সৃষ্টিসময়ে ভগবান্ জীবের পূর্বজন্মান্বিত গুণ ও কর্মানুসারে চাতুর্কর্ণ্য সৃষ্টি  
করিয়াছিলেন । এইরূপ অর্থই পূর্বাচার্য্যগণ ভাষ্যাদিতে উল্লেখ করিয়াছেন । মানবজাতি-  
সৃষ্টির পরে গুণবিশেষ বা কর্মবিশেষদ্বারা বিচারপূর্বক চাতুর্কর্ণ্যবিভাগ হইয়াছে এইরূপ অর্থ  
পূর্বাচার্য্যগণ স্বীকার করেন না । এস্থলে তাহারা আরও বলেন যদি মানবের গুণ ও কর্ম পরিদর্শন  
করিয়াই চাতুর্কর্ণ্য বিভাগ করা হইত তাহা হইলে ব্রাহ্মণ ও ক্ত্রিয়াদির গর্ভাধান হইতে আরম্ভ  
করিয়া যে সংস্কারসমূহ বেদ ও স্মৃত্যাদিশাস্ত্র নির্দেশ করিয়াছেন উহা একান্ত অসম্ভব হইত ।  
মহর্ষি যাজ্ঞবল্ক্য দশবিধ সংস্কার বিষয়ে যাহা বলিয়াছেন তাহা এইরূপ যথা :—

“ব্রহ্মকৃত্রিয়বিট্শূত্রা বর্ণাস্ত্রাত্তাস্ত্রয়ো দ্বিজাঃ ॥

নিষেকাদিশাশানাস্ত্রাস্ত্রয়ো বৈ মন্বতঃ ক্রিয়াঃ ॥

গর্ভাধানমৃতৌ পুংসঃ সবনং স্পন্দনাং পুরা ।

ষষ্ঠেহষ্টমে বা সৌমন্তঃ প্রসবে জাতকর্ম চ ॥

অহন্তোকাদশে নাম চতুর্থে মাসি নিক্রমঃ ।

ষষ্ঠেহন্নপ্রাশনং মাসি চূড়াকার্য্যা যথাকুলম্ ॥

এবমেনঃ শমং যাতি বীজগর্ভসমুদ্ভবম্ ।

তুষ্ণীমেতাঃ ক্রিয়াঃ স্ত্রীণাং বিবাহস্ত সমস্তকঃ ॥

গর্ভাষ্টমেহষ্টমেবাকৈ ব্রাহ্মণশ্চোপনায়নম্ ।

রাজ্ঞামেকানশে সৈকে বিশামেকে যথাকুলম্ ॥

( যাজ্ঞবল্ক্য সং ১।১৫-১৪ )

তাহারা আরও বলেন যদি মানবের গুণ ও কর্ম পরিদর্শন করিয়া চাতুর্কর্ণ্য বিভাগ হইত তাহা  
হইলে পঞ্চমবর্ষে বা অষ্টমবর্ষে যে ব্রাহ্মণের উপনয়নকাল নির্ধারিত আছে তাহা কখনই সম্ভব হইত  
না । কারণ পঞ্চমবর্ষে বা অষ্টমবর্ষে মানবের গুণ ও কর্মসমূহের স্বরূপসকল উদ্ভূত হয় না । ঐরূপ  
অন্নবয়সে গুণ ও কর্মের বিভাগানুসারে ব্রাহ্মণাদির উপনয়ন দিলে ভবিষ্যতে তাহাদের গুণ  
ও কর্মের অন্তথাপরিণামদর্শনে তাহাদের উপনয়ননিবেদনদ্বারা গুনরায় তাহাদিগকে শূদ্রাদিরূপে  
পরিণতকরা অসম্ভব এবং ঐরূপ ব্যবস্থা হইলে একটি ভীষণ বিশৃঙ্খলতা উপস্থিত হইত । অতএব  
ঐরূপে মানবের অন্নবয়সে দোষগুণানুসারে চাতুর্কর্ণ্যবিভাগ অপেক্ষা প্রারম্ভকর্ম্যানুসারে শ্রীভগবদ্ভক্ত  
জন্মগত চাতুর্কর্ণ্যবিভাগই সমীচীন বলিয়া মনে হয় । গীতাশাস্ত্রের উপক্রমেই জাতিগত চাতুর্কর্ণ্য  
বিভাগ অবগত হওয়া যায় । স্বধর্মবুদ্ধে প্রবৃত্ত অর্জুন জীমস্ত্রোণাদিকে দর্শন করিয়া যখন  
কৃত্তিতান্তঃকরণ হইয়া মোহবশতঃ যুদ্ধ হইতে নিবৃত্ত হইলেন এবং হিংসাবহুল যুদ্ধ অপেক্ষা

ব্রাহ্মণের ধর্ম শিক্ষাচরণকে উত্তম বলিয়া মনে করিলেন তখন শ্রীভগবান্ পার্থসারথি বলিয়াছিলেন, যুদ্ধরূপকাত্মধর্ম, শিক্ষাচরণরূপ ব্রাহ্মণধর্ম হইতে নিকৃষ্ট হইলেও কাত্মধর্ম যুদ্ধ কত্রিয়জাতি তোমার পক্ষে স্বধর্ম বলিয়া একান্ত কর্তব্য। এতদভিপ্রায়েই ভগবান্ বলিয়াছেন—

“শ্রেয়ান্ সধর্মো বিগুণঃ পরধর্মাৎ স্বশুষ্ঠিতাৎ ।

স্বধর্মে নিধনং শ্রেয়ঃ পরধর্মো ভয়াবহঃ । ( গীতা ৩:৩৫ )

যেই বর্ণ ও যেই আশ্রমের যে যে ধর্ম বেদে বিহিত হইয়াছে সেই ধর্ম কিঞ্চিৎ বিগুণ ( নিকৃষ্ট ) হইলেও উহা স্বশুষ্ঠিত পরধর্ম হইতে শ্রেষ্ঠ। ( যেমন অহিংসাদি ব্রাহ্মণের স্বধর্ম, যুদ্ধাদি কত্রিয়ের স্বধর্ম )। স্ব স্ব বর্ণাশ্রমধর্মে মরণও শ্রেয়ঃ ( যেহেতু ইহাতে প্রত্যবায় হইবে না। পরন্তু পরকালে পরম কল্যাণ হইবে )। পরধর্ম ভয়াবহ ( অনিষ্টজনক )। আরও বলিয়াছেন “শ্বে শ্বে কর্মণ্যভিরতঃ সংসিদ্ধিং লভতে নরঃ । ( গীতা ১৮:৪৫ ) স্ব স্ব বর্ণাশ্রমবিহিত কর্মের অনুষ্ঠাতা ( মনুষ্য ) সংসিদ্ধি ( জ্ঞাননিষ্ঠা ) লাভ করেন। শ্রীভগবান্ উক্তবাক্যেও এইরূপই বলিয়াছিলেন, “শ্বে শ্বেহধিকারে যা নিষ্ঠা সগুণঃ পরিকীর্তিতঃ । ( ভা ১১:২০:২৬ ) পুরুষের স্ব স্ব বর্ণাশ্রমাদিকারানুসারে যে ধর্ম-নিষ্ঠা বিহিত আছে তাহাই তাহার পক্ষে গুণ বলিয়া বেদে উক্ত হইয়াছে। পূর্বোক্ত প্রমাণসকল দ্বারা ইহাই অবগত হওয়া যায় যে চাতুর্কর্ণ্যবিভাগ গুণ গত বা কর্মগত নহে, কিন্তু জাতিগত।

ব্রাহ্মণোহস্ত মুখমাসীৎ বাহু রাহুশ্চকৃতঃ ।

উরু তদস্ত যদ্বৈশ্বঃ পদ্ভ্যাং শূদ্রোহজায়ত । ( পুরুঃ সূঃ ১৩ । )

মুখবাহুরূপাদেভ্যঃ পুরুষশ্চাশ্রমৈঃ সহ ।

চত্বারো জজিরে বর্ণা গুণৈর্বিপ্রাদয়ঃ পৃথক্ । ( ভা ১১:৫:২ )

অষ্টবর্ষং ব্রাহ্মণমুপনয়ীত ( শ্রুতিঃ )

বসস্তে ব্রাহ্মণোহগ্নীনাদধীত” ( শ্রুতিঃ )

জন্মনা ব্রাহ্মণো জ্ঞেয়ঃ সংস্কারৈর্দ্বিজ উচ্যতে ।

বিদ্যায়া য়াতি বিপ্রত্বং শ্রোত্রিয়স্তিভিরেবচ ॥ ( অত্রি সং ১৪০ । )

গায়ত্র্যা ব্রাহ্মণমস্বজৎ ত্রিষ্টুভা রাজশ্চঃ

জগত্যা বৈশ্বং ন কেনচিচ্ছ্রমিতি শ্রুতিঃ ।

ব্রাহ্মণ্যাং ব্রাহ্মণাদেব চোৎপন্নো ব্রাহ্মণঃ স্মৃতঃ । ( হারীত সং ১:১৫ )

উৎপত্তিরেব বিপ্রস্ত মুর্ধি ধর্মস্ত শাস্তী ।

সহি ধর্মার্থনুৎপন্নো ব্রহ্মভূয়ায় কল্পতে ॥

ব্রাহ্মণো জায়মানো হি পৃথিব্যামধিজায়তে ।

ঋষয়ঃ সর্বভূতানাং ধর্মকোষস্ত গুপ্তয়ে ॥ মনু সং ১:২৮ ৯৯ )

জন্মেনৈব মহাতাগো ব্রাহ্মণো নাম্ জায়তে ।

( মহাতাঃ অনুশা ৩৬:১ )

‘জন্মনা ব্রাহ্মণঃ শ্রেয়ান্ সর্কেবাং প্রাণিনামিহ ।

তপসা বিজয়া তুষ্ট্যা কিমু মৎকলয়াবুতঃ ॥ ( ভা ১০:৮৬:৫৩ )

ইত্যাদি শ্রুতি-স্মৃতি প্রমাণদ্বারা “মহাপ্রলয়ে বা কল্পলয়ে নিঃশেষজীবের পূর্ব কর্ম ও সর্বাদি

এইরূপ বাক্যে সর্বাবস্থাব্রাহ্মণকুলের নমস্কার করিতেন না ! শ্রীভগবদাবেশাবতার পৃথুরাজা ঈশ্বরবুদ্ধিতে যে ব্রাহ্মণ ও ক্ষত্রিয়জাতিকে নমস্কার করিয়াছিলেন উহার জাতিগত বর্ণবিভাগ স্বীকার না করিলে এবং তিনি যে ব্রাহ্মণ ও বৈষ্ণবকুল ভিন্ন অশুভ্র দণ্ড বিধান করিতেন ইহারও জাতিগত ব্রাহ্মণকুল স্বীকার না করিলে সামঞ্জস্য হয় না।

গীতাশাস্ত্রের প্রথমঅধ্যায়ে “উৎসাত্তপ্তে জাতিধর্মাঃ কুলধর্মাশ্চ শাস্বতাঃ” । ইত্যাদি অর্জুন বাক্যে এবং “স্থখিনঃ ক্ষত্রিয়াঃ পার্থ লভন্তে যুদ্ধমীদৃশম্” ( গীতা ২।৩২ )

“মাং হি পার্থ ব্যাপাশ্রিত্য যেহপি স্যুঃ পাপযোনয়ঃ ।

স্ত্রিয়ো বৈশ্বাস্থথা শূদ্রাস্তেহপি যান্তি পরাং গতিম্ ।

কিং পুনত্রীক্ষণাঃ পুণ্যা ভক্তা রাজর্ষয়স্থথা ॥ ( গী ২।৩১-৩২ )

ইত্যাদি শ্রীভগবদ্বাক্যে জাতিগত চাতুর্বর্ণ্যবিভাগ অবগত হওয়া যায়। \*অধিকন্তু ছান্দোগ্যো-পনিষদে স্নেতকেতুপ্রবাহণ-সংবাদে “পঞ্চমা রাজশ্রবন্ধুঃ প্রশ্নানপ্রাক্ষীৎ” ( ৫।৩।৫ ) এই বাক্যে এবং “সত্যকামো জাবালো জবালাং মাতরমামন্ত্রযাঞ্চক্রে, ব্রহ্মচর্যং ভবতি বিবৎশ্চামি কিং গোত্রোবহমস্মীতি” (৪।৪।১) এই প্রকার সত্যকামের জবালামাতার প্রতি গোত্রজিজ্ঞাসাহইতে সত্যকাম যে ব্রাহ্মণ জাতি তাহা অবগত হওয়া যায়। কারণ গোত্র কেবল ব্রাহ্মণজাতিরই পৈত্রিক সম্পদ ; অশুভ্রজাতির যাচিতমণ্ডনশ্রাঘ্যে ব্রাহ্মণ পুরোহিতলক্ষসম্পদ—এইরূপ শাস্ত্রে বলিয়াছেন। ইহার প্রমাণ মহামতি বিজ্ঞানেশ্বরপ্রণীতমিতাক্ষরা টীকা হইতে অবগত হওয়া যায়। যথা “যত্বপি রাজশ্রবিশাং প্রাতিস্মিক-গোত্রাভাবাৎ প্রবরাভাবস্তথাপি পুরোহিতগোত্রপ্রবরৌ বেদিতব্যৌ। “যজমানশ্রাৰ্ঘ্যেয়ান্ প্রবৃণীত” ইত্যুক্ত্বা পৌরোহিত্যাদ্রাজশ্রবিশাং প্রবৃণীতে” ইত্যাহাখলায়নঃ ॥ ( যাজ্ঞবল্ক্য সং ২।৫৩ মিতাক্ষরায়ঃ ) স্মৃতিশাস্ত্রে জাতিগত চাতুর্বর্ণ্যবিভাগ স্বীকার করিয়া পরে জাতিভেদে আশ্রমধর্ম, বিবাহ, প্রায়শ্চিত্ত, অশৌচ ও নিত্যনৈমিত্তিকাদিকর্মের তারতম্যস্বীকার শ্রবণ করা যায়। প্রায়শ্চিত্তপ্রকরণে ব্রাহ্মণাদিচাতুর্বর্ণ্যের প্রায়শ্চিত্তের লাঘবগোরব স্বীকার করিয়াছেন। যেমন শূদ্রের একগুণ, বৈশ্যের দ্বিগুণ ক্ষত্রিয়ের ত্রিগুণ ও ব্রাহ্মণের চতুগুণ। “সত্বঃ পততি মাংসেন লাক্ষয়া লবণেন চ। ত্র্যহেণ শূদ্রো ভবতি ব্রাহ্মণঃ ক্ষীরবিক্রয়াদিত্যাদি” অত্রিমহর্ষিবাক্যে ব্রাহ্মণের বৃত্তিগতপাতিত্যা শ্রবণ করা যায় এবং

“চণ্ডালাস্ত্যস্ত্রিয়ো গহা ভুক্ত্বাচ প্রতিগৃহ্ণচ ।

পতত্যজ্ঞানতো বিপ্রো জ্ঞানাত্তৎসাম্যাতামিয়াৎ ॥

ইত্যাদিস্মৃতিবাক্য হইতে ভক্ষাভক্ষ্যবিচার, প্রতিগ্রহ ও অগম্যাগমনাদিবিষয়ে বর্ণভেদে পাতিত্যাদি অবগত হওয়া যায়। অতএব অনাদিকালহইতে শাস্ত্র ও সদাচারপরম্পরায় যে চাতুর্বর্ণ্যবিভাগ আর্ঘ্যজাতির মধ্য দিয়া প্রবাহিত হইতেছে, তাহা শ্রীভগবদবতার ও তদাশ্রিত দেবর্ষিপরম্পরা লঙ্ঘন করেন নাই, তাহা কল্যাণকামিগণের পক্ষে একান্ত আদরণীয় ও দেহান্ন-বুদ্ধি নিবৃত্তি না হওয়া পর্যন্ত অবশ্য প্রতিপালনীয়।

স্বস্ববর্ণ্যাশ্রমধর্মই মনুষ্যের স্বধর্ম। স্বধর্মাচরণই ভক্তি। কারণ ভক্তির অর্থ সেবা। পরমেশ্বরের শ্রুতি-স্মৃতিরূপ-আজ্ঞাপালনও তাঁহার সেবা। জীব স্বধর্মাচরণদ্বারাই পরমেশ্বরের

আজ্ঞা প্রতিপালন করিয়া থাকেন। অতএব স্বধর্মাচরণদ্বারা ঈশ্বরের সেবারূপা ভক্তি করা হয়। স্বধর্মাচরণদ্বারা পরমেশ্বরাদিধারারূপ ঐ ভক্তি ভক্তের ও পরমেশ্বরের শ্রীতিবিধান করে। শ্রীভগবদ্ভক্তিরহিত নিকাম-কর্ম ও জ্ঞানাদি স্বশ্রীতিবিধান করিলেও উহার পরমেশ্বর-শ্রীতি উৎপাদন করিতে পারে না বলিয়াই ভক্তির শ্রেষ্ঠত্ব। জীব অনাদিবহিমুখতানিবন্ধন দেহাদিতে আত্মবুদ্ধিবশতঃ আধ্যাত্মিকাদিতাপত্রয়দ্বারা পুনঃ পুনঃ সম্বন্ধ হইয়া যতকালপর্যন্ত শ্রীভগবানে শ্রীতি লাভ না করে ততকালপর্যন্ত অবিচ্ছিন্ন লীলন হইতে বিমুক্ত হয় না এবং সংসাররূপ দুঃখপ্রবাহ হইতে উত্তীর্ণ হইতে সমর্থ হয় না। অতএব জীব দেবদুর্লভ মনুষ্যজন্ম লাভ করিয়া স্বধর্মপ্রতিপালনরূপ শ্রীবিষ্ণুর আরাধনাদ্বারা যে শ্রীবিষ্ণুশ্রীতিসম্পাদন করেন তাহাই ভক্তির পরম্পরাকারণ অর্থাৎ মনুষ্য স্ব স্ব অধিকারানুরূপ স্বধর্মাসুষ্ঠান করিয়া উহা শ্রীভগবানে সমর্পণ করিলে উহার ফলে ভগবদ্ভক্তসম্প্রলাভ হয়। অনন্তর উক্ত ভক্তসঙ্গে ভক্ত-হৃদয়বর্ত্তিণী কুপারূপা ভক্তি অশ্রের ভক্তির হেতু হয়। অতএব ভক্তিই ভক্তির হেতু এরূপ বলিলে ভক্তি যে অহেতুকী তাহার কোন হানি হয় না। এই নিমিত্তই পরমভাগবত উক্ত শ্রীভগবানে শ্রীভজদেবীদের কৃষ্ণভক্তি দর্শনকরিয়া বলিয়াছিলেন—নিত্য-সিদ্ধ ভজদেবীদের ভক্তির তুলনা ত নাই, পরন্তু প্রবৃত্ত-ভক্তের ভক্তিও ব্রহ্মজ্ঞের (সৌভাগ্যে) কৃষ্ণ ও কৃষ্ণভক্তের কৃপায় লাভ হয়। এই জন্মই তিনি বলিয়াছিলেন—

দানব্রততপোহোমজপস্বাধ্যায়সংঘমৈঃ ।

শ্রেয়োভির্বিবিধৈশ্চাত্মৈঃ কৃষ্ণে ভক্তির্হি সাধ্যতে ॥ ভা ১০।৪৭।২৪

অতএব শ্রীকৃষ্ণার্চিতদানব্রতাদি দ্বারা কৃষ্ণভক্তকে দ্বারকরিয়া যে শ্রীকৃষ্ণভক্তি লাভ হয় ইহা শাস্ত্র-সঙ্গত। যে স্বধর্মে কোন বাসনা বা আত্মাভিমান নাই তাদৃশ স্বধর্ম অতি পবিত্র। যিনি স্বধর্মের উচ্চাধিকারী তিনি কর্তব্যজ্ঞানে অথবা ভগবৎশ্রীতিকামনায় স্বধর্মাসুষ্ঠান করিয়া থাকেন। তিনি স্বধর্মাসুষ্ঠানের পুরস্কার কামনা করেন না। ঐ পুরস্কার অযাচিতভাবেই তাহার নিকট আসিয়া উপস্থিত হয়। অতএব উহা সর্বতোভাবে নির্দোষ। ব্রাহ্মণাদি বর্ণসকল নিকাম ও নিরভিমান হইয়া যে বর্ণাশ্রমাসুষ্ঠান করেন তাহা কি কখনও নিন্দা বা উপেক্ষার বিষয় হইতে পারে? তাহা হইলে আর কি উপাদেয় হইবে? ব্রাহ্মণাদি বর্ণসকলের বিধিবিধানে অনুষ্ঠিত ধর্মই সদ্ধর্ম-শিক্ষার আদর্শ স্থল। বিহিতাচার বাতীত সদাচার শিক্ষা হইতে পারে না।

যথেষ্টাচারের ত্যাগ ও বিহিতাচারের গ্রহণ ভিন্ন যে কেহ কোনদিন সঙ্গতি লাভ করিবেন এরূপ আশাই থাকে না। যে ভগবৎপ্রেম জীবের একমাত্র সাধ্য ও পরম পুরুষার্থ, যাহার উদয়ে মোক্ষও তুচ্ছ বোধ হয়, যাহা না পাওয়া পর্যন্ত জীবের সংসারনিবৃত্তি হয় না তাহাও সদাচারবর্জিতলোকের পক্ষে দুপ্রাপ্য। যেহলে তাদৃশ আচরণাভাবেও ভগবৎপ্রেমক্ষুরণ দেখা যায় সেই স্থলে জন্মান্তরীণ সদাচারজনিত সংসারকেই ক্ষুণ্ণির কারণ বলিতে হইবে। মহাভারতেও এইরূপ উক্ত আছে যথা—‘আচারপ্রভবো ধর্মো ধর্মস্ত প্রভুরচ্যুতঃ।’ অতএব দেহাভিমাননিবৃত্তি না হওয়া পর্যন্ত মনুষ্যমাত্রেরই স্বাধিকারানুরূপ কর্মাচরণ অবশ্য কর্তব্য। এই অভিপ্রায়েই রামানন্দ রায় বলিয়াছিলেন ‘স্বধর্মাচরণে কৃষ্ণভক্তি হয়।’

সাধন না হইয়া, পরম্পরায় সাধন হওয়ায়, উহাকে অন্তরঙ্গসাধন না বলিয়া বাহ্য (১) বা বহিরঙ্গ সাধনই বলা যায় ; অতএব উক্ত শ্লোক দ্বারা সাধ্যের নির্ণয় না হইয়া সাধনের নির্ণয় হইল। সাধনের নির্ণয়ে সাধ্যের নির্ণয় স্বীকার করিয়া লইলেও, অভীষ্টসিদ্ধি হইতেছে না ; কারণ, উক্ত বিষ্ণুপুরাণের শ্লোক দ্বারা যে সাধনের নির্ণয় হইল, তাহাও বহিরঙ্গ সাধনমাত্র ; অতএব অন্য শ্লোক পাঠ কর ।”

রাম রায় পাঠ করিলেন,—

“যৎ করোষি যদশ্বাসি যজ্জুহোষি দদাসি যৎ ।

যৎ তপশ্চসি কোন্তেয় তৎ কুরুষ মদর্পণম্ ॥” গী । ৯।২৭ ।

কোন্তেয়, তুমি ভোজন, হবন, দান, তপ ও অপর যে কিছু কর্ম কর, সে সকল আমাতে অর্পণ কর ।

রামরায়ের এই গীতার শ্লোকটি পাঠ করিবার অভিপ্রায় এই শ্রীভগবানের আজ্ঞাবোধে বা কর্তব্যবোধে বিষ্ণুপুরাণোক্ত বর্ণাশ্রমাচার পরিপালন সাধ্যভক্তির

(১) মহাপ্রভু “যে উহাকে অন্তরঙ্গ সাধন না বলিয়া বাহ্য বা বহিরঙ্গ সাধন বলিয়াছেন তাহার কারণ এই :—রামানন্দ যাহা সাধ্য বলিয়াছিলেন উহা প্রকৃত সাধ্য নহে। প্রকৃত সাধ্য দূরে অবস্থিত। রামানন্দরায় শ্রীবিষ্ণুশ্রীতিসাধনরূপ স্বধর্ম্মাচরণকে পুরুষের প্রয়োজনরূপে নির্দেশ করিয়াছেন। শ্রীমহাপ্রভু উহাকে বাহ্য বা বহিরঙ্গসাধন বলিয়া প্রত্যাখ্যান করিলেন। নির্বর্গ ও নিরাশ্রম ধর্ম্ম যখন থাকিতে পারে না, ধার্ম্মিক মনুষ্যমাত্রই যখন কোন না কোন আশ্রমের অন্তর্ভুক্ত এবং স্ব স্ব বর্ণাশ্রমরূপ-ধর্ম্মের প্রতিপালন যখন শাস্ত্রে ভূয়োভূয়ঃ উপাদেয় বলিয়া উপদিষ্ট হইয়াছে তখন যতকাল পর্য্যন্ত মনুষ্যের শ্রীভগবৎকথাশ্রবণাদিতে দৃঢ়শ্রদ্ধা না জন্মে ততকালপর্য্যন্ত বর্ণাশ্রম-ধর্ম্ম একান্ত পালনীয় ।

এস্থলে আরও বক্তব্য যে যিনি শরণপশ্চিলক্ষণশ্রদ্ধাবান্ না হইয়া শাস্ত্রবিধি লঙ্ঘনপূর্ব্বক নিজকে উচ্চাধিকারী বোধে স্ব স্ব বর্ণাশ্রমধর্ম্ম পরিত্যাগ করিয়া নিরপেক্ষ অধিকারীর মত অনুষ্ঠান করেন তিনি পরমপুরুষার্থ হইতে বঞ্চিত হইয়া অধঃপতিত হইয়া থাকেন। শ্রীভগবান্ ও শ্রীদেবর্ষি নারদ যথাক্রমে এইরূপই বলিয়াছেন, যথা—

যঃ শাস্ত্রবিধিমুৎসৃজ্য বর্জতে কামকারতঃ ।

ন স সিদ্ধিমবাপ্নোতি ন মুখং ন পরাংগতিম্ ॥ গী ১৬।২৩

গৃহস্থশ্চ ক্রিয়াত্যাগো ব্রতত্যাগো বটোরপি ।

তপশ্চিনো গ্রামসেবা ভিক্ষোরিঙ্গিয়লোলতা ॥

আশ্রমাপসদা হেতে খল্যাশ্রমবিড়ম্বনাঃ ।

দেবমার্যাবিমুঢ়াংস্তানুপেক্ষেতানুকম্পয়া ॥ ভা ৭।১৫।৩৮-৩৯

বহিরঙ্গ সাধন ; কারণ, উহা, ফলকামনারহিত বলিয়া উক্ত হইলেও, ফলের প্রতি দৃষ্টিরহিত—আগ্রহরহিত না হওয়ায় সকামবৎ, অতএব কঠোর ; কিন্তু গীতোক্ত কর্ম বা কর্মযোগ সাধ্যভক্তির অন্তরঙ্গ সাধন ; কারণ, উহা ফলের প্রতি দৃষ্টিরহিত—আগ্রহরহিত হওয়ায়, নিষ্কাম, অতএব হৃৎ । উক্ত কর্মের ফল কর্মের সহিত প্রিয় শ্রীভগবানে অর্পিত (১) হওয়ায়, উহা সাধ্যভক্তির অন্তরঙ্গ সাধন হওয়াই সম্ভব ।

(১) শ্রীভগবানে কর্মার্পণ দ্বিবিধ । তন্মধ্যে প্রথমটী শ্রীভগবৎপ্রীত্যাদেশক কর্মার্পণ । এবং দ্বিতীয়টী কর্মফলের বৈগুণ্যানিরাসার্থ শ্রীভগবানে কর্মফলার্পণ । কর্মপুরাণে এইরূপ উক্ত হইয়াছে যথা—

“প্রীণাতু ভগবানীশঃ কর্মণানেন শাস্বতঃ ।  
করোতি সততং বুদ্ধ্যা ব্রহ্মার্পণমিদংপরম্ ॥  
যদ্বা ফলানাং সংন্যাসং প্রকুর্য্যাৎ পরমেশ্বরে ।  
কর্মণামেতদপ্যাহুব্রহ্মার্পণমনুত্তমম্ ॥ ২।১৭-১৮ ।

নিত্য ভগবান্ পরমেশ্বর এই কর্ম দ্বারা প্রীত হউন এইরূপ বুদ্ধিতে সতত কর্ম করাকে শ্রেষ্ঠ কৃষ্ণার্পণ বলে—অথবা পরমেশ্বরে কর্মফলের ত্যাগকে অনুত্তম ব্রহ্মার্পণ বলে ।

কামনাপ্রাপ্তি, নৈষ্কর্ম্যসিদ্ধি ও ভক্তিলাভ এই ত্রিবিধ উদ্দেশ্যে পুরুষ শ্রীভগবানে কর্মার্পণ করে । তন্মধ্যে কামনাপ্রাপ্তি ও নৈষ্কর্ম্যসিদ্ধির নিমিত্ত যে কর্মার্পণ উহা স্বার্থসিদ্ধির নিমিত্ত হইয়া থাকে । এই দুইস্থলে শ্রীভগবৎপ্রীতি কেবল আভাসমাত্র ; কিন্তু ভক্তিপ্রাপ্তির নিমিত্ত যে কর্মার্পণ উহা প্রকৃত শ্রীভগবৎপ্রীত্যর্থ । কারণ ভগবৎপ্রীতিই ভক্তির স্বরূপ । অতএব ভগবৎপ্রীত্যর্থ কর্মার্পণই সর্বশ্রেষ্ঠ । কামনাপ্রাপ্তি, নৈষ্কর্ম্যসিদ্ধি ও ভক্তিলাভ এই ত্রিবিধ উদ্দেশ্যে যে পুরুষ শ্রীভগবানে কর্মার্পণ করিয়া থাকে তাহা শ্রীমদ্ভাগবতের বিভিন্নস্থান হইতে অবগত হওয়া যায় । এস্থলে ক্রমশঃ উক্ত বিষয়ে প্রমাণ উদ্ধৃত হইল । কামনাপ্রাপ্তি যথা—

“ক্লেশভূর্য্যল্লসারাণি কর্মাণি বিফলানি বা ।  
দেহিনাং বিষয়ান্তানাং ন তথৈবার্পিতং ত্বয়ি ॥

( ভা ৮।৫।৪৭ )

হে ভগবন্ ! ভগবদ্বহির্মুখ বিষয়ভোগপীড়িতদেহিদিগের কর্মসকল যেরূপ হুঃখবহুল ও অল্পমুখপ্রদ আপনার ভক্তদিগের ভবদর্পিতকর্ম তদ্রূপ নহে ।

নৈষ্কর্ম্যসিদ্ধি :—“বেদোক্তমেব কুর্বাণো নিঃসঙ্গোহর্পিতমীশ্বরে ।

নৈষ্কর্ম্যাং লভতে সিদ্ধিং রোচনার্থা ফলশ্রুতিঃ ॥ ( ভা ১।১।৩।৪৭ )

কর্তৃত্বাভিনিবেশ পরিত্যাগকরিয়া যিনি সমস্ত বেদোক্ত কর্মই পরমেশ্বরে অর্পণপূর্বক অমুষ্ঠান করেন তিনি নৈষ্কর্ম্যসিদ্ধি ( ব্রহ্মজ্ঞান ) লাভ করিয়া

প্রভু বলিলেন, “উহাও অন্তরঙ্গ সাধন নহে, পরন্তু বাহ্যই। ভক্তির অন্তরঙ্গ সাধন ভক্তিই হওয়া উচিত। কৃষ্ণাৰ্পিত কৰ্ম্মও কৰ্ম্মই, ভক্তি নহে। কি ভগবদাজ্ঞাবোধে বা কৰ্ত্তব্যবোধে অনুষ্ঠিত, ফলের প্রতি দৃষ্টিযুক্ত বর্ণাশ্রমাচারপালনরূপ কঠোর সকামকৰ্ম্ম, কি ফলের প্রতি লক্ষ্যরহিত কৃষ্ণাৰ্পিত হৃদয় নিকাম কৰ্ম্মযোগ উভয়ই কৰ্ম্ম, উভয়ই আরোপসিদ্ধা ভক্তি. (২) শুদ্ধা ভক্তি নহে। উক্ত উভয়বিধ কৰ্ম্মই ভক্তির গ্ৰায় চিত্তশুদ্ধিকর হওয়ায় ভক্তির আকারে দৃষ্ট—অতএব ভক্তি নামেই

থাকেন। তবে যে বেদে কৰ্ম্মের স্বর্গাদিরূপ-ফল শ্রবণ করা যায় উহা কেবল বহিস্মুখলোকসকলের বৈদিককৰ্ম্মে রুচি জন্মাইবার নিমিত্ত। ভক্তিপ্রাপ্তি যথা :—

“যদত্র ক্রিয়তে কৰ্ম্ম ভগবৎপরিতোষণম্।

জ্ঞানং যত্তদধীনং হি ভক্তিযোগসমন্বিতম্ ॥

( ভা—১।৫।৩৫ )

অর্থাৎ এই জগতে যদি শ্রীভগবৎপ্রীতিজনক কৰ্ম্ম করা যায় তাহা হইলে ভক্তিমিশ্রভগবদ্জ্ঞানলাভ হয়। যেহেতু ভক্তিমিশ্র মুক্তিজনক ভগবদ্জ্ঞান ভগবৎপরিতোষণরূপ কৰ্ম্মের অধীন।

(২) ভগবৎপ্রীতিজনক ভক্তি শুদ্ধা ও মিশ্রাভেদে দ্বিবিধ। স্বয়ং ভগবান্ শ্রীকৃষ্ণের নিমিত্ত বা শ্রীকৃষ্ণসম্বন্ধি আনুকূল্যবিশিষ্ট অনুশীলনই ভক্তি। উহা যদি অগ্ৰাভিলাষশূন্য ও জ্ঞানকৰ্ম্মাদিদ্বারা অনাবৃত হয় তাহা হইলে উহাকে শুদ্ধাভক্তি বলা হয়। কিন্তু উহা যদি জ্ঞানকৰ্ম্ম-যোগাদিদ্বারা মিশ্রিত হয় তাহা হইলে উহাকে মিশ্রাভক্তি বলা হয়। মিশ্রাভক্তি আবার কৰ্ম্মমিশ্রা, যোগমিশ্রা ও জ্ঞানমিশ্রা ভেদে ত্রিবিধ। উহারা প্রত্যেকে আবার গুণীভূতা ও প্রধানীভূতা ভেদে দ্বিবিধ। জ্ঞান, কৰ্ম্ম ও অষ্টাঙ্গযোগই যাহাতে প্রধান এবং তত্তৎফলসিদ্ধির নিমিত্ত ভক্তিই কেবলমাত্র যাহার সহায় বা অঙ্গ তাহারই নাম গুণীভূতা ভক্তি; আর ভক্তিই যাহাতে প্রধান এবং জ্ঞান, কৰ্ম্ম বা যোগ যাহাতে অঙ্গরূপে সহায়কমাত্র তাহারই নাম প্রধানীভূতা ভক্তি। পূৰ্ব্বোক্ত কৰ্ম্মমিশ্রাভক্তির অন্ত নাম আরোপসিদ্ধা ভক্তি। কৰ্ম্মমিশ্রাভক্তির অঙ্গীভূত নিকামকৰ্ম্মসকল শ্রবণ-কীৰ্ত্তনাদির গ্ৰায় স্বয়ংসিদ্ধ নহে। উহারা ভক্তির কার্য যে চিত্তশুদ্ধি তদ্বারা ভক্তিত্বের আরোপে ভক্তিরূপে প্রকাশিত অর্থাৎ ভক্তি না হইয়াও ভক্তির কার্য চিত্তশুদ্ধাদি সম্পাদন করিয়া কথঞ্চিং ভক্তির আকারে আকারিত হয় বলিয়াই উহাকে আরোপসিদ্ধা বলা হয়।

জ্ঞানমিশ্রা ও যোগমিশ্রা ভক্তির অন্ত নাম সঙ্গসিদ্ধা। জ্ঞানমিশ্রা ও যোগমিশ্রা ভক্তির অঙ্গীভূত যে আধ্যাত্মিকজ্ঞান বা সমাধিপ্রভৃতি উহারা শ্রবণকীৰ্ত্তনাদির গ্ৰায় স্বয়ংসিদ্ধ নহে। কারণ উহারা শ্রবণাদিরূপভক্তির সঙ্গে থাকিয়া ভক্তিরকার্য যে ব্রহ্মসাক্ষাৎকার বা পরমাত্মসাক্ষাৎকার বা ভগবৎসাক্ষাৎকার এই তিনের মধ্যে উপাসকের যোগ্যতানুসারে যে অন্ততমের সাক্ষাৎকার



অতিহিত হইয়া থাকে। উহারা ভক্তি না হইয়াও ভক্তিত্বের আরোপহেতু ভক্তিনামে উক্ত হয় বলিয়াই উহাদিগকে আরোপসিদ্ধা ভক্তি বলা যায়। আরোপসিদ্ধা ভক্তি কখনই পরমপুরুষার্থের অন্তরঙ্গ সাধন হইতে পারে না। অতএব এই কর্মযোগরূপবাহুসাধনও ত্যাগ করিয়া, যাহা অন্তরঙ্গ সাধন তাহাই বল।”

রাম রায় পাঠ করিলেন,—

“সর্কধর্ম্মান্ পরিত্যজ্য মামেকং শরণং ব্রজ ।

অহং স্বাং সর্কপাপেভ্যো মোক্ষয়িষ্যামি মাশুচঃ ॥” গী ১৮।৬৬।

সখে, স্বধর্ম্মের গুণদোষ বিচার করিয়া মতুপদিষ্ট স্বধর্ম্মসকল পরিত্যাগপূর্ব্বক একমাত্র আমার শরণাপন্ন হও। তাহা হইলে আমি তোমাকে সকল পাপ হইতে মুক্ত করিব।

রাম রায়ের উক্ত শ্লোকটি পাঠ করিবার অভিপ্রায় এই—

সাধকের দৃঢ় শ্রদ্ধা না হওয়া পর্য্যন্ত স্বধর্ম্মাচরণ ও আচরিত স্বধর্ম্মের ফলার্শনই কর্তব্য। পরে যখন দৃঢ় শ্রদ্ধা জন্মে, তখন তিনি শ্রীভগবানের শরণাপন্ন হইয়া ততুপদিষ্ট কর্ম্মও ত্যাগ করিয়া থাকেন (৩)। কর্ম্ম সকল আরোপসিদ্ধা, শরণাপত্তি স্বরূপসিদ্ধা।

তদ্বারা আংশিক ভক্তির আকারে আকারিত হয় বলিয়াই উহাদিগকে সঙ্গসিদ্ধা-বলা হয়। শুদ্ধাভক্তিকে নিগুণা বা স্বরূপসিদ্ধা বলা হয়। কর্ম্ম ও জ্ঞানাদি ইহার অধীন অর্থাৎ মুখাপেক্ষী। ইনি কর্ম্ম ও জ্ঞানাদির অধীন বা মুখাপেক্ষী নহেন। পরন্তু সম্পূর্ণ স্বাধীন। ইনি স্বাধীনভাবেই কর্ম্মের ফল যে চিত্তশুদ্ধি বা জ্ঞান ও যোগের ফল যে মুক্তি এতদুভয়ের সহিত নিজের ফল যে ভগবৎপ্রেম ও তৎসাক্ষাৎকারাদিজন্য মাধুর্যানুভব তাহা প্রদান করিয়া থাকেন। এই ভক্তি-তত্ত্ববিষয়ের শ্রীকৃষ্ণশিক্ষা-প্রকরণে বিষদভাবে বর্ণনা আছে।

(৩) শ্রীরামানন্দ রায় সর্কধর্ম্মত্যাগপূর্ব্বক শ্রীভগবৎশরণাগতিক সাধ্য বলিয়া নির্দেশ করিয়াছেন। এস্থলে বক্তব্য এই জ্ঞানমার্গে অধিকৃত পুরুষ প্রাপঞ্চিক-বস্তুর অসাক্ষিকরূপ-বৈরাগ্য উৎপন্ন না হওয়া পর্য্যন্ত এবং ভক্তিমার্গে-অধিকৃত সাধু শ্রীভগবৎকথাশ্রবণাদিতে শ্রদ্ধা-উৎপন্ন না হওয়া পর্য্যন্ত নিত্যনৈমিত্তিকাদি কর্ম্ম অনুষ্ঠান করিবেন। শ্রীমদ্ভাগবতে শ্রীভগবান্ স্বয়ং উক্তবের প্রতি এইরূপই উপদেশ করিয়াছিলেন। যথা—

“তাবৎকর্ম্মাণি কুর্ক্বীত ন নির্বিদ্বোত যাবত।

মৎকথাশ্রবণাদৌ বা শ্রদ্ধা যাবন্নজায়তে ॥” ( ভাঃ ১১।১০।৯ )

প্রভু বলিলেন,—“শরণাপত্তি স্বরূপসিদ্ধা একথা সত্য ; কিন্তু শরণাপত্তিতেও দুঃখনিবারণে তাৎপর্য থাকায়, সাধক দুঃখনিবারণার্থ ই শ্রীভগবানের শরণাপন্ন হয়েন বলিয়া, শরণাপত্তিও উত্তমা ভক্তির মধ্যে গণ্য হইতে পারে না। জ্ঞান ও কর্মের আবরণরহিত অন্তাভিলাষশূন্য ভক্তিকেই উত্তমা ভক্তি বলা যায়।

এই বচনে দৃঢ়শ্রদ্ধা না হওয়া পর্য্যন্ত ভক্তের সম্বন্ধে কর্ম উপদেশ করিয়াছেন। উক্ত শ্রদ্ধাশব্দের অর্থ “গুরুবাক্যে ও বেদাদিশাস্ত্রবাক্যে দৃঢ়বিশ্বাস। শাস্ত্র ভগবচ্ছরণাগতব্যক্তির অভয় ও তদশরণাগতের সম্বন্ধে ভয় উপদেশ করিয়াছেন। যথা—

“য এনং সংশয়স্তীহ ভক্ত্যা নারায়ণং হরিং ।

তে তরস্তীহ তুর্গাণি নচাত্রাস্তি বিচারণা ॥”

( মহা—শাঃ—পঃ—১১।২৮ )

যে সকল ভক্ত ভগবান্ শ্রীহরিকে আশ্রয় করেন তাঁহারা দুস্তর সাংসারিক দুঃখ সমূহকে ইহ জন্মেই অতিক্রম করিয়া থাকেন। এ বিষয়ে বিচারের কোন প্রয়োজন নাই।

“সমাশ্রিতা যে পদপল্লবপ্লবং

মহৎপদং পুণ্যযশো মুরারেঃ ।

ভবাস্থধির্বৎসপদং পরং পদং

পদং পদং যদ্বিপদাং ন তেষাম্ ॥ ( ভা—১০।১৪।৫৮ )

যাহারা মহাঅগণের আশ্রয়ভূত পবিত্রকীর্তি শ্রীভগবানের পাদপল্লবরূপভেলাকে আশ্রয় করেন তাহাদিগের সম্বন্ধে দুস্তর ভবসাগরও গোম্পদের ন্যায় অতি তুচ্ছ হইয়া থাকে। বিশেষতঃ পরমপদ শ্রীবৈকুণ্ঠাদিতে তাঁহাদিগের স্থান হইয়া থাকে। এই বিপদসঙ্কুল জগতে তাঁহাদের স্থান হয় না অর্থাৎ তাঁহারা সংসারে পুনরাবর্তন করেন না। পদ্মপুরাণে ভগবান্ সনৎকুমার ও এইরূপই বলিয়াছিলেন—

“সর্বাচারবিবর্জিতাঃ শঠধিয়ো ব্রাত্যা জগদ্বঞ্চকাঃ ।

দন্তাহঙ্কৃতিপানপিশুনপরাঃ পাপাস্ত্যজা নিষ্ঠুরাঃ ॥

যে চাত্তে ধনদারপুত্রনিরতাঃ সর্বাধমাস্তেহপি হি ।

শ্রীগোবিন্দপদারবিন্দশরণা মুক্তা ভবন্তি দ্বিজ ॥”

হে নারদ ! যাহারা সকলপ্রকার আচারবর্জিত, শঠবুদ্ধি, সংস্কারহীন ও জগদ্বঞ্চক, যাহারা অহঙ্কারপরায়ণ, যাহারা অপেয়পানেও পরচ্ছিদ্রাঘেষণে অনুরক্ত, যাহারা ঘোর অধার্মিক, অস্ত্যজ ও নিষ্ঠুরাচারী এবং পুত্রকলত্রভরণ ও বিত্তার্জনে নিরত সেই সকল অধমপুরুষেরাও যদি শ্রীগোবিন্দপদারবিন্দে শরণাপন্ন হন তাহা হইলে তাহারা মুক্ত হইয়া থাকেন। যে ব্যক্তির শ্রদ্ধা জন্মিয়াছে তাহার নিশ্চয়ই শ্রীভগবানে শরণাপত্তি জন্মিয়াছে। অতএব জাতশ্রদ্ধ ব্যক্তির শরণাপত্তি একটা চিহ্ন। অর্থাৎ শরণাপত্তিলিঙ্গদ্বারা শ্রদ্ধার অনুমান হইয়া থাকে।

শরণাপত্তি জ্ঞানকর্মের আবরণরহিত হইতে পারিলেও দুঃখনিবারণে তাৎপর্য থাকায় অন্তাভিলাষশূন্য হইতে পারে না। অতএব শরণাপত্তিকেও বাহ্য জানিয়া অন্তরঙ্গ সাধন বল।”

রাম রায় পাঠ করিলেন,—

“ব্রহ্মভূতঃ প্রসন্নাত্মা ন শোচতি ন কাজ্জতি ।

সমঃ সর্বেষু ভূতেষু মদ্বক্তিং লভতে পরাম্ ॥” গী ১৮।৫৪।

উক্ত শরণাপত্তি ষড়ঙ্গিকা অর্থাৎ শরণাপত্তির ছয়টি অঙ্গ যথা—

• “আনুকূল্যস্য সংকল্পঃ প্রাতিকূল্যশ্চ বর্জনম্ ।

রক্ষিত্বাতীতি বিশ্বাসো গোপ্তৃ ত্বে বরণং তথা ॥

আত্মনিক্ষেপকার্পণ্যে ষড়্ বিধাঃ শরণাগতিঃ ॥ ( বায়ুপুরাণে )

অর্থাৎ ভগবদ্ভজনানুকূলকৃত্যের নিয়মসহকারে অনুষ্ঠান, ভগবদ্ভজনের প্রতি-কূল অসৎ সংসর্গ ও অসদাচারের পরিত্যাগ, শ্রীভগবান্ রক্ষা করিবেন এইরূপ বিশ্বাস, শ্রীভগবানকে রক্ষাকর্তারূপে বরণ, শরণ্য শ্রীভগবানে আত্মতার সমর্পণ ও স্বদৈন্ত্যপ্রকাশ এই ছয় প্রকার শরণাগতি। অতএব শ্রদ্ধা ও শরণাগতি একার্থক। শ্রীমদ্ভগবদ্ভজনাঙ্গীকৃত্যে উক্ত ষড়ঙ্গিকাশরণাপত্তিব্যতীত ব্যবহারে কার্পণ্যাদির অভাবে এবং শ্রীভগবৎসম্বন্ধিদ্রব্যাদিকে অচিন্ত্য প্রভাব-শালীরূপে জ্ঞানপ্রভৃতিকেও শ্রদ্ধার চিহ্নরূপে উপদেশ করিয়াছেন। অতএব উক্ত শরণাপত্তি বা দৃঢ়শ্রদ্ধা না হওয়া পর্য্যন্ত কোন সাধকই নিত্যনৈমিত্তিকাদি কর্ম পরিত্যাগ করিবেন না। ভক্তিমার্গে দৃঢ়শ্রদ্ধা না হওয়া পর্য্যন্ত স্বাধিকারানুরূপ বর্ণাশ্রম ধর্ম ও নিত্য নৈমিত্তিকাদি কর্ম পরিত্যাগ করিলে পুরুষ অধঃপতিত হইবেন এই নিমিত্তই শ্রীগোপালভট্ট ও শ্রীসনাতনগোস্বামী হরিভক্তিবিলাসের “মৃঢ়শ্রদ্ধশ্চ ভক্তশ্চ প্রৌঢ়তামনপেয়ুঃ। কিঞ্চিংকর্মাদিকারিত্বাৎ কর্মাস্ত্রৈতৎ প্রপঞ্চিতম্ ।” ( হরিভঃ ১১।৭ )

এই বচনে কোমলশ্রদ্ধভক্ত-সম্বন্ধে নিত্যনৈমিত্তিকাদিকর্মাদিকার নির্বাচন করিয়াছেন। এবং এই নিমিত্তই গোবিন্দভাষ্যকার শ্রীবলদেবাচার্য্য প্রমেয়-রত্নাবলীগ্রন্থে লোকসংগ্রহেরনিমিত্ত পরিনিষ্ঠিতভক্তের সম্বন্ধেও নিত্যনৈমিত্তিকাদি কর্মের উপদেশ করিয়াছেন। যথা—

লোকসংগ্রহমন্নিচ্ছন্ নিত্যনৈমিত্তিদং বৃধঃ ।

প্রতিষ্ঠিতশ্চরেদকর্ম ভক্তেঃ প্রাধান্যমত্যজন্ ॥ ( প্রেমেররত্নাবলী ৮।৭ )

এবং এই নিমিত্তই শ্রীজীবগোস্বামী ভক্তিসন্দর্ভে অর্চনা প্রকরণে স্বনিষ্ঠিত ও পরিনিষ্ঠিত ভক্তের সম্বন্ধে নিত্য কর্মাদির সহিত ও নিরপেক্ষ ভক্তের সম্বন্ধে নিত্যকর্মাদিরহিত অর্চনার উপদেশ করিয়াছেন। যথা—“তদেতদর্চনং দ্বিবিধং—কৈবলং কর্মমিশ্রঞ্চ। তয়োঃ পূর্বং নিরপেক্ষাণাং শ্রদ্ধাবতাং দর্শিত-

যিনি শুদ্ধজীবাচার স্বরূপসাক্ষাৎকারদ্বারা ব্রহ্মভূত অতএব প্রসন্নচিত্ত হইয়াছেন, তিনি আর শোক করেন না, আকাঙ্ক্ষাও করেন না, পরন্তু সর্বভূতে সমদর্শী হইয়া পরা-মুক্তি লাভ করিয়া থাকেন ।

রাম রায়ের উক্ত শ্লোকটি পাঠ করিবার অভিপ্রায় এই—

শরণাপত্তির দুঃখনিবারণে তাৎপর্য থাকায়, উহা উত্তমাভক্তির মধ্যে গণ্য হইল না । জ্ঞানমিশ্রা ভক্তির দুঃখ নিবারণেও তাৎপর্য দৃষ্ট হয় না ; কারণ, জ্ঞান-মার্গে সুখ ও দুঃখ বাস্তব নহে । অতএব জ্ঞানমিশ্রা ভক্তিই অন্তরঙ্গ সাধন হউক ।

প্রভু বলিলেন,—“জ্ঞানমিশ্রা ভক্তিতে দুঃখনিবারণে তাৎপর্য না থাকিলেও, জ্ঞানের আবরণ থাকায়, উহাও উত্তমা ভক্তির মধ্যে গণ্য হইতে পারে না । বিশেষতঃ উহা স্বরূপসিদ্ধাই নহে, পরন্তু সঙ্গসিদ্ধা । জ্ঞানমিশ্রা ভক্তিতে জ্ঞানই অঙ্গী, ভক্তি উহার অঙ্গমাত্র । অঙ্গী জ্ঞান-অঙ্গভক্তির সাহায্যে ব্রহ্মসাক্ষাৎকার দ্বারা ভক্তির ফল মোক্ষসাধনকরিতে পারিলেও ভগবৎসাক্ষাৎকারদ্বারা প্রেমরূপ পরমপুরুষার্থ প্রদান করিতে পারে না । অতএব উহাও বাহ্য জানিয়া, উহার পর যাহা তাহাই পাঠ কর ।”

“জ্ঞানে প্রয়াসমুদপাশ্চ নমন্ত এব  
জীবন্তি সম্মুখরিতাং ভবদীয়বার্তাম্ ।  
স্থানেস্থিতাঃ শ্রুতিগতাং তনুবাঙ্ মনোভি  
র্ষে প্রাক্কশোহভিত ভিতোহপ্যসি তৈস্বিলোক্যাম্ ॥”

ভা । ১০।১৪।৩ ।

যিনি তোমার স্বরূপৈশ্বর্যের বিচারবিষয়ে প্রয়াস পরিত্যাগপূর্বক সাধু-নিবাসে অবস্থিতি করিয়া সাধুগণকর্তৃক উক্ত ও অনায়াসে কর্ণপথপ্রবিষ্ট তোমার

মাবির্হোত্রেণ য আশু হৃদয়গ্রহ্মিত্যাদৌ । উক্তঞ্চ শ্রীনারদেন “যদা যশ্চানুগৃহ্মতি ভগবানাত্মভাবিতঃ । স জহাতি মতিং লোকে বেদে চ পরিনিষ্ঠিতা মিতি । অত্র শ্রীমদগস্ত্যসংহিতা চ—

“যথাবিধিনিষেধৌ চ মুক্তং নৈবোপসর্পতঃ ।

তথা ন স্পৃশতো রামোশাসকং বিধিপূর্বকমিতি ॥”

উত্তরং ব্যবহারচেষ্ঠাতিশয়বক্তাষাদৃচ্ছিকভক্ত্যানুষ্ঠানবক্তাদিলক্ষণলক্ষিতশ্রদ্ধানাং তথা তর্ষেপরীত্যলক্ষিতশ্রদ্ধানাংপি প্রতিষ্ঠিতানাং তদভক্তিবার্তানাভিজ্ঞবুদ্ধিষু সাধারণ-বৈদিককর্মানুষ্ঠানলোপোহপি নাভূদিতি লোকসংগ্রহপরাণাং গৃহস্থানাং দর্শিতম্ । যথা—নহস্তোহনস্তপারশ্চেত্যাদৌ—সক্কোপাস্ত্যাদিকর্মাণি বেদেনাচোদিতানি মে । পূজাং তৈঃকল্পয়েৎ সম্যক্সংকল্পঃ কৰ্মপাবনীমিতি । ভা ১১।২৭।১১

কথাকে কায়মনোবাক্যদ্বারা সংকার করিয়া জীবনধারণ করেন, তুমি ত্রিলোক-  
মধ্যে অন্তের অজ্ঞেয় হইলেও, তিনি তোমাকে জয় অর্থাৎ বশীভূত করিয়া  
থাকেন।

রামরায় যে অভিপ্রায়ে শ্রীমদ্ভাগবতের উক্ত শ্লোকটি পাঠ করিলেন,  
তাহার ভাবার্থ এই,—

জ্ঞানমিশ্রা ভক্তিও যখন উত্তমভক্তি বলিয়া গণ্য হইল না, তখন অন্তাভি-  
লাষবর্জিত ও জ্ঞানকর্মাদির আবরণরহিত শ্রবণকীর্তনাদিরূপা সাধনভক্তিই  
উত্তমভক্তি হইতেছেন(১)।

(১) “ভক্তিরশু ভজনং তদিহামুত্রোপাধিনৈরাশ্চেনামুশ্মিন্ মনঃকল্পনমেতদেবচনৈকশ্ম্যাম্ ॥”  
গোপালপূর্বতাপনী ১৪

“সর্বোপাধিবিনিমুক্তং তৎপরত্বেন নিশ্চলম্।

হৃষীকেশ হৃষীকেশসেবনং ভক্তিরুত্তমা ॥” নারদপঞ্চরাত্রে

“অন্তাভিলাষিতাশূন্যং জ্ঞানকর্মাণ্যনাবৃতম্।

আনুকূল্যেন কৃষ্ণানুশীলনং ভক্তিরুত্তমা ॥” ভক্তিরসামৃতসিন্ধৌ ১।১।২।

আনুকূল্যসহকারে শ্রীকৃষ্ণভজনই ভক্তি। উক্ত ভজনটী যদি ঐহিক ও পারত্রিক  
ফলকামনারহিত ও নির্ভেদব্রহ্মানুসন্ধানরূপজ্ঞান এবং কর্মযোগাদিদ্বারা অনাবৃত  
হইয়া শ্রীকৃষ্ণের নিমিত্ত চিত্তানুরঞ্জনাঙ্কশ্রবণকীর্তনাদি আকারে পারশীলিত  
হয়, তাহা হইলে তাহাকে উত্তমভক্তি বলে।

সর্বতোভাবে উপাধিসকল (কৃষ্ণভিন্ন অভিলাষসমূহ) পরিত্যাগপূর্বক  
নিশ্চলভাবে (কর্মযোগাদিদ্বারা অনাবৃতরূপে) শ্রোত্রাদি ইন্দ্রিয়সমূহদ্বারা  
শ্রীভগবান্ হৃষীকেশের যে আনুকূল্য সহকারে সেবন (কায়িক, বাচিক ও মানসিক  
পরিশীলন) তাহাকেই উত্তমভক্তি বলে।

অন্তাভিলাষশূন্য ও জ্ঞানকর্মাদিদ্বারা অনাবৃত স্বয়ং-ভগবান্ শ্রীকৃষ্ণের  
নিমিত্ত বা শ্রীকৃষ্ণসম্বন্ধি আনুকূল্যাবিশিষ্ট যে অনুশীলন (কায়িক, বাচিক ও  
মানসিক চেষ্টা) তাহাকে উত্তমভক্তি বলা হয়। উক্ত উত্তমভক্তি সাধন ও  
সাধ্যভেদে দ্বিবিধ। তন্মধ্যে শ্রীকৃষ্ণ ও তদীয় ভক্তের রূপায় ইন্দ্রিয়সমূহের প্রেরণা  
দ্বারা নিম্পাণ্ড শ্রবণকীর্তনাদির নাম সাধনভক্তি। যদিও শ্রবণকীর্তনাদি রূপ ভক্তির  
অঙ্গসকলকে আপাততঃ কর্ম বলিয়া ও স্মরণাদি অঙ্গসকলকে আপাততঃ জ্ঞান  
বলিয়াই বোধ হয় তথাপি প্রকৃতপক্ষে তাহা নহে। কারণ নিত্যসিদ্ধস্বরূপশক্তির  
বৃত্তিসকল অসিদ্ধসাধকের আকর্ষণার্থ তাহার ইন্দ্রিয়বৃত্তিতে অবতরণপূর্বক  
উহার সহিত তাদাত্ম্যাপন্ন হইয়া তত্তদাকারধারণপূর্বক শ্রবণকীর্তনাদিরূপে  
আবিভূত হইয়া থাকেন। সচ্চিদানন্দময়ী বৃত্তির অবতारेই শ্রবণকীর্তনাদি সাধকের  
জ্ঞান ও আনন্দদায়ক হইয়া থাকে। ইন্দ্রিয়বৃত্তিতে প্রকাশদর্শনেই অজ্ঞলোকেরা  
ঐ শ্রবণকীর্তনাদিকে জ্ঞান-কর্মাধিকারে মনে করিয়া থাকে। বস্তুতঃ ঐ শ্রবণ-

প্রভু বলিলেন,—“হাঁ, ইহাই উত্তমা ভক্তি, কিন্তু এই শ্রবণকীর্তনাদিরূপা ভক্তিও সাধ্যভক্তি নহে, পরন্তু সাধনভক্তি। সাধনভক্তি শুনিলাম। অতঃপর সাধ্যভক্তি(২) যাহা, তাহাই বল।”

“নানোপচারকৃতপূজনমাঅুবকোঃ

প্রেমৈব ভক্তহৃদয়ং সুখবিদ্রুতং স্যাৎ ।

যাবৎ ক্ষুদস্তি জঠরে জরঠা পিপাসা

তাবৎ সুখায় ভবতো ননু ভক্ষ্যপেয়ে ॥” পশ্চাবল্যাং।১৩ ।

কীর্তনাদি প্রাকৃতজ্ঞানকর্মাতির অতীত চিন্ময়বস্তু। শ্রবণকীর্তনাদির চিন্ময়ত্ব শাস্ত্রসিদ্ধ ও মহাজনসম্মত। ভক্তিরসামৃত গ্রন্থে ইহাই অনুমোদন করিয়াছেন “অতঃ শ্রীকৃষ্ণ-নামাদি ন ভবেদ্গ্রাহমিন্দ্রিয়ৈঃ। সেবোন্মুখে তি জিহ্বাদৌ স্বয়মেব ক্ষুরত্যদঃ ॥” ১।২।১০৯। অর্থাৎ যেহেতু শ্রীকৃষ্ণনাম সচ্চিদানন্দস্বরূপ সূতরাং উহা প্রাকৃত ইন্দ্রিয়গ্রাহ্য নহেন; তবে যে ভাগ্যবান্ভক্তিদিগকে নামাদি কীর্তন করিতে দেখা যায় তাহার কারণ এই যে শ্রী গুরুকৃষ্ণের কৃপায় তাহাদের জিহ্বাদি ভজনোন্মুখ হওয়ায় তাহাদের জিহ্বাদিতে ঐ শ্রীভগবন্নাম স্বয়ংই প্রকাশিত হইয়া থাকেন।

(২) পূর্বেক্ত শ্রবণ-কীর্তনাদি-সাধনভক্তিদ্বারা আবির্ভাবিত নিত্যসিদ্ধভাব-সকলকে সাধ্যভক্তি বলে। ঐ সাধ্যভক্তি আবার ভাব ও প্রেমভেদে দ্বিবিধ। এবং উক্ত সাধনভক্তি আবার বৈধী ও রাগানুগাভেদে দ্বিবিধ। বিধিপ্রবর্তিত বিধিমার্গে ভগবদ্ভজনের নাম, বৈধীভক্তি এবং রাগপ্রবর্তিত বিধিমার্গে ভগবদ্ভজনের নাম রাগানুগা ভক্তি। অর্থাৎ শাস্ত্রশাসনভয়ে অনুষ্ঠিত ভগবৎশ্রবণকীর্তনরূপা ভক্তিকে বৈধী ভক্তি বলে এবং ব্রজরাজনন্দনশ্রীকৃষ্ণের সেবাপ্রাপ্তির লোভবশতঃ শ্রবণ-কীর্তনাদিরূপা ভক্তিকে রাগানুগা ভক্তি বলে।

শ্রদ্ধা ও সাধুসঙ্গকে দ্বার করিয়া সাধকের ভগবৎপ্রেমাভির্ভাবের ক্রম প্রদর্শিত হইতেছে।

প্রথমে শ্রদ্ধা, পরে সাধুসঙ্গ, পরে ভজনক্রিয়া। উক্ত ভজনক্রিয়া আবার অনিষ্ঠিতা ও নিষ্ঠিতাভেদে দ্বিবিধ। অনিষ্ঠিতা ভজন ক্রিয়া আবার উৎসাহময়ী ঘনতরলা, বাঢ়বিকল্পা, বিষয়সঙ্গরা, নিয়মাক্ষমা ও তরঙ্গরঙ্গিনীভেদে ষড়্ বিধ। উক্ত ষড়্ বিধ অনিষ্ঠিতা ভজনক্রিয়ার পরে অনর্থনিবৃত্তি হয়! ঐ অনর্থনিবৃত্তি দুষ্কতোখ, স্নুকতোখ, অপরাধোখ ও ভক্ত্যুখভেদে চতুর্বিধ। পরে নিষ্ঠা (নিষ্ঠিতা ভজনক্রিয়া) ঐ নিষ্ঠা আবার সাক্ষাদ্ভক্তিবিষয়িনী ও তদনুকূলবস্তুবিষয়িনী ভেদে দ্বিবিধ। অতঃপর রুচি। ঐ রুচি আবার বস্তুবৈশিষ্ট্যাপেক্ষিনী ও তদনপেক্ষিনী ভেদে দ্বিবিধ। পরে আসক্তি; পরে রতি বা ভাব, পরে প্রেম। ভাবের অবস্থায় অস্তঃ-সাক্ষাৎকার ও প্রেমের অবস্থায় বহিঃসাক্ষাৎকার হইয়া থাকে। অধুনা সংক্ষেপে ভাব ও প্রেমের লক্ষণ প্রদর্শিত হইতেছে।

কারণ, বিবিধ উপচার দ্বারা করণীয় আত্মবন্ধু শ্রীকৃষ্ণের পূজা না করিয়াও কেবল প্রেম দ্বারাই ভক্তের হৃদয় আনন্দে বিগলিত হইয়া থাকে। যে কাল পর্য্যন্ত উদরে বলবতী ক্ষুধা, ও পিপাসা থাকে, সেই কাল পর্য্যন্তই ভক্ষ্য ও পেয় বস্তু সুখদায়ক হয়। প্রেমের লাভ না হওয়া পর্য্যন্ত হৃদয়ের শূন্যতা বশতঃ উপচারকৃত পূজনের তাদৃশ সুখপ্রদত্ত থাকে, প্রেমের লাভ হইলে হৃদয়ের পূর্ণতাবশতঃ আর উপচারকৃত পূজনের তাদৃশ সুখপ্রদত্ত থাকে না, প্রেমিক ভক্ত প্রেমদ্বারাই কৃতার্থতা লাভ করিয়া থাকেন।

ঐ প্রেমও আবার অতীব দুর্লভ বলিয়াই উক্ত হইয়া থাকে,—

“কৃষ্ণভক্তিরসভাবিতা মতিঃ

ক্রীয়তাং যদি কুতোহপি লভ্যতে।

তত্র লৌল্যমপি মূল্যনেকলং

জন্মকোটিসুকৃতৈন লভ্যতে ॥” পঞ্চাবল্যাং ১৪।

কৃষ্ণভক্তিরস(৩) দ্বারা ভাবিত মতি যদি কোথাও অনুসন্ধান করিয়া পাও, তবে উহা যত্ন করিয়া ক্রয় কর; উহার মূল্য একমাত্র লাগসা, তদ্ভিন্ন কোটি কোটি জন্মের সুকৃতিদ্বারাও ঐ মতি লাভ করা যায় না।

(৩) ‘শুদ্ধসত্ত্ববিশেষাত্মা প্রেমসুখ্যাংশুসাম্যভাক্।

রুচিভিশ্চিত্তগাম্ভ্যাকৃদসৌ ভাব উচ্যতে ॥

ভক্তিরসামৃতসিন্ধৌ পূর্ব ১৩য় লহরী ১।

শুদ্ধসত্ত্ববিশেষরূপ, প্রেমরূপসুখ্যের কিরণসদৃশ, রুচি অর্থাৎ ভগবৎপ্রাপ্ত্যভিলাষ তদীয়ানুকূল্যাভিলাষ ও সৌহার্দ্যভিলাষদ্বারা চিত্তের স্নিগ্ধতা কারিণী মনোবৃত্তির সহিত তাদাত্ম্যাপন্ন স্বরূপশক্তির বৃত্তির নাম-ভাব। ভাবের অপর নাম রতি। ঐ ভাব রসাবস্থায় দুই প্রকারে অভিব্যক্ত হইয়া থাকে যথা—স্থায়ীভাব ও সঞ্চারী ভাব। ঐ স্থায়ী ভাব আবার দুই প্রকার। প্রেমাস্কুর বা ভাব এবং প্রেম। প্রণয়াদি প্রেমেরই অন্তর্গত—হ্লাদিগ্হাদিস্বরূপশক্তির বৃত্তি। ভাবহ্লাদিনীশক্তির সারবৃত্তিসম্বলিতসম্বিশক্তিবৃত্তির সারাংশ বলিয়াই উহাকে শুদ্ধসত্ত্ব-বিশেষ বলা হয়। বৃত্তির সারাংশ বলিতে শ্রীভগবানের নিত্যপ্রিয়জনের আশ্রিত তদীয় আনুকূল্যাভিলাষময় পরমবৃত্তি। শ্রীকৃষ্ণও তদীয় ভক্তের কৃপায় প্রপঞ্চগত-ভক্তসকলের চিত্তবৃত্তিও উক্ত নিত্যসিদ্ধভগবদ্বক্তৃগণের স্বরূপভূতচিত্তবৃত্তির সদৃশ হয় বলিয়াই তাঁহাদের স্বরূপভূতচিত্তবৃত্তিরূপভাবের উক্তলক্ষণটি প্রাপঞ্চিকভক্তের বিশুদ্ধচিত্তবৃত্তিতে অভিব্যক্ত হইয়া থাকে। এই প্রকারে ভাব-কৃপামাত্রলভ্য হইলেও এবং উহা সাধনাস্তরদ্বারা সাধনীয় না হইলেও উহাকে সাধ্যভাজ বলিবার বিশেষ কারণ আছে। সাধনভক্তি ভাবের সাক্ষাৎ কারণ

প্রভু বলিলেন,—“প্রেমভক্তি সাধ্যের সার তাহাতে সন্দেহ নাই কিন্তু তুমি যে প্রেম বলিলে, উহা মমত্ববর্জিত শাস্ত্রপ্রেম। উহা হইতেও শ্রেষ্ঠ প্রেম যাহা তাহাই বল।”

না হইলেও উহার পরম্পরাকারণ বটে। সাধনভক্তির পরিপাকদশাতেই শ্রীভগবানেরও তদীয় ভক্তের রূপা লাভ হয় এবং ঐ রূপা হইলেই ভাবভক্তির আবির্ভাব হয়। ভাবের পরিপাকাবস্থাকেই শাস্ত্রে প্রেম বলে যথা—

“সন্যস্তমস্মিতম্মাত্মোমমত্বাতিশয়াক্ষিতঃ।

ভাবঃ স এব সান্দ্ৰাত্মা বৃধৈঃ প্রেমা নিগচ্ছতে ॥

ভক্তিরসায়তসিকৌ পূর্ব। ৪র্থ লহরী। ১

যাহা হইতে চিত্ত সম্যকনির্মল ও অভীষ্ট শ্রীভগবানে অতিশয় মমতাপন্ন হয় তাদৃশভাব গাঢ়তাপ্রাপ্ত হইলে বৃধগণ তাহাকে প্রেম বলিয়া থাকেন। নানাবিধ বিঘ্নদ্বারা ভাবের হ্রাস না হওয়াই প্রেমের চিহ্ন।

“ভক্তিরেবৈনং দর্শয়তি ভক্তিবশঃ পুরুষঃ” ইতিশ্রুতিঃ।

“বিজ্ঞানঘন আনন্দঘনঃ সচ্চিদানন্দৈকরসে ভক্তিব্যোগে তিষ্ঠতি

গোপালতাপনী ॥ উ। ১।

ময়িনিকরহৃদয়াঃ সাধবঃ সমদর্শিনঃ।

বশে কুর্কৃষ্ণি মাং ভক্ত্যা সংস্থিয়ঃ সংপতিং যথা ॥ ভা ২। ৪। ৬৬।

ভক্তি ভক্তকে ভগবদ্ধামে লইয়া গিয়া শ্রীভগবানকে দর্শন করাইয়া থাকেন। শ্রীভগবান্ ভক্তিরই বশা। বিজ্ঞানানন্দবিগ্রহ শ্রীভগবান্ সচ্চিদানন্দৈকরসস্বরূপ ভক্তিব্যোগেই অবস্থিত। আঘাতে বদ্ধহৃদয়, সমদর্শী, সাধুগণ সংস্রীগণ যেরূপ সংপতিকে বশীভূত করে তদ্রূপ আমাকে বশীভূত করে। ইত্যাদি শ্রুতিস্মৃতি হইতে শ্রীভগবান্ যে ভক্তিবশ তাহা সুস্পষ্টরূপে অবগত হওয়া যায়। উক্ত ভগবদ্বশীকারহেতুভূত ভক্তি প্রাকৃতসত্ত্ব-গুণের বিকার জ্ঞানানন্দময় নহে। কারণ শাস্ত্রে শ্রীভগবান্ মায়াবশ্য নহে এইরূপ উপদেশ করিয়াছেন। ভক্তি জৈব জ্ঞানানন্দরূপাও নহে। কারণ বিভূ সচ্চিদানন্দ শ্রীভগবান্ অণুসম্বিদ জীবের ক্ষুদ্রজ্ঞানানন্দরূপা ভক্তি দ্বারা বশীভূত হইতে পারেন না। ভক্তি পরিপূর্ণজ্ঞানানন্দ শ্রীভগবানের স্বরূপভূতজ্ঞানানন্দরূপা নহে। কারণ তাহা হইলে শ্রীভগবান্ ভক্তের ভক্তিতে আনন্দাধিক্য অনুভব করেন—এইরূপ শাস্ত্রোপদেশের অসামঞ্জস্য হয়। অতএব ভক্তি শ্রীভগবানের হলাদিনীশক্তির ও সস্বিংশক্তির সারভাগ অর্থাৎ চরমাবস্থা।

৩। “ব্যতীত্য ভাবনাবত্ম্যশ্চমৎকারভারভূঃ।

হৃদি সঙ্কোজ্জলে বাঢ়ং স্বদতে স রসো মতঃ ॥ ৭২

সর্বথৈব তুরহোহয়মভৈকৈর্ভগবদ্রসঃ।

তৎপাদাস্বজসর্বশৈর্ভৈকৈরেবানুবশতে ॥ ভক্তিরসা। দ ৫। ৭৮

যাহা চমৎকারাতিশয়ের উদ্ভবস্থান এবং যাহা সচ্চিদানন্দস্বরূপহেতু



রাম রায় বলিলেন—“দাস্ত্রপ্রেম সর্বসাধ্যসার ।”

“যন্নামশ্রুতিমাত্রেন পুমান্ ভবতি নিশ্চলঃ ।

তস্ত তীর্থপদঃ কিং বা দাসানাংবশিষ্যতে ॥”

যাহার নাম শ্রবণমাত্র মনুষ্য নিশ্চল হয়েন, সেই তীর্থপাদ প্রভুর দাসগণের আর কি অলভ্য থাকে ?

প্রভু বলিলেন,—“দাস্ত্রপ্রেম মমতায়ুক্ত বলিয়া মমতারহিত দাস্ত্রপ্রেম হইতে উৎকৃষ্ট হইলেও, উহা সর্বোৎকৃষ্ট নহে, অতএব উহা হইতে উৎকৃষ্ট যাহা তাহাই বল ।”

রাম রায় বলিলেন,—“সখ্যাপ্রেম (১) সর্বসাধ্যসার ।”

প্রভু বলিলেন,—“গৌরবভাবময় দাস্ত্রপ্রেম হইতে বিশ্বাসভাবময় সখ্যাপ্রেম উৎকৃষ্ট হইলেও, উহা সর্বোৎকৃষ্ট নহে, অতএব উহা হইতে উৎকৃষ্ট যাহা, তাহাই বল ।”

রাম রায় বলিলেন,—“বাস্যাপ্রেম (২) সর্বসাধ্যসার ।”

ভাবনাপথকে অতিক্রমপূর্বক বিশুদ্ধমত্তবিশেষদ্বারা ভাবিত শুদ্ধচিত্তে আশ্বাদিত হন তাহাকে রস বলে ।

শ্রীভগবচ্চরণারবিন্দই যাহাদের সর্বস্ব সেই মহানুভবভক্তগণই একমাত্র ভগবদ্ভক্তির রস আশ্বাদন করিতে সমর্থ । অভক্তগণকর্তৃক সর্বপ্রকারেই ভগবদ্ভক্তিরস ছুরহ ( ছুজের ) ॥

(১) ইথং সতাং ব্রহ্মসুখানুভূত্যা

দাস্ত্রং গতানাং পরদৈবতেন ।

মায়াশ্রিতানাং নরদারকেণ

সর্কিংবিজহুঃ কৃতপুণ্যপুঞ্জাঃ । ভা ১০।১২।১১ ।

এইরূপে প্রচুরপুণ্যশালী গোপবালকগণ, নির্বিশেষজ্ঞানিদিগের সম্বন্ধে ব্রহ্ম-সুখানুভবস্বরূপ, দাস্ত্রভাবপ্রাপ্তভক্তদিগের সম্বন্ধে পরদেবতাস্বরূপ, যোগমায়াগৃহীত শুদ্ধভক্তদিগের সম্বন্ধে নরবালকস্বরূপ শ্রীকৃষ্ণের সহিত বিহার করিতে লাগিলেন ।

(২) নন্দঃ কিমকরোদ্ ব্রহ্মন্ শ্রেয়এব মহোদয়ম্ ।

যশোদা বা মহাভাগা পপৌ যশ্চাঃ স্তনং হরিঃ ॥

ভা ১০।৮।৪৬ ।

নেমংবিরিঞ্চে ন ভবো ন শ্রীরপ্যঙ্গসংশয়া ।

প্রসাদং লেভিরে গোপী যতৎ প্রাপ বিমুক্তিদাৎ ॥

ভা ১০।২।২০ ।

হে ব্রাহ্মণ ! নন্দ মহাফলজনক এমন কি শ্রেয়স্বর আচরণ করিয়াছিলেন, যে কারণে তিনি শ্রীকৃষ্ণকে পুত্ররূপে প্রাপ্ত হইলেন এবং মহাভাগা যশোদাই বা এমন

প্রভু বলিলেন,—“বিশ্বাসভাবময় সখ্যাপ্রেম হইতে অনুগ্রাহ্যভাবময় বাৎসল্য-  
প্রেম উৎকৃষ্ট হইলেও, উহা সর্বোৎকৃষ্ট নহে, অতএব তদপেক্ষা যাহা উৎকৃষ্ট,  
তাহাই বল ।”

রাম রায় বলিলেন,—“কান্ত্যাপ্রেম (৩) সর্বসাধাসার ।”

অনুগ্রাহ্যভাবময় বাৎসল্যাপ্রেম হইতে স্বস্থতাৎপর্যবর্জিত সন্তোগভাবময়

কি শ্রেয়ঃ আচরণ করিয়াছিলেন, যে কারণে শ্রীহরি তাঁহার পুত্ররূপে আবির্ভূত  
হইয়া স্তন পান করিলেন ।

মোক্ষদাতা শ্রীকৃষ্ণ হইতে যে প্রসাদ গোপী যশোদা প্রাপ্ত হইলেন সেইরূপ  
প্রসাদ ব্রহ্মা পুত্র হইয়াও, শিব অন্ময় হইয়াও, এবং লক্ষ্মী অঙ্গাশ্রিতা ভার্য্যা হইয়াও  
লাভ করেন নাই ।

(৩) নামঃশ্রিয়োহঙ্গ উ নিতাস্তরতেঃ প্রসাদঃ

স্বর্ধোষিতাং নলিনগন্ধরুচাং কুতোহত্যাঃ ।

রাসোৎসবেহস্যভূজদগুগ্হীকণ্ঠ — .

লক্ষাশিষাং য উদগাদ্ ব্রজসুন্দরীণাম্ ॥ভা।১০।৪৭।৬০

রাসোৎসবে শ্রীকৃষ্ণের ভূজদগুদ্বারা কণ্ঠে গৃহীত ও তদ্বারা লক্ষমনোরথ হইয়া  
ব্রজসুন্দরীসকল যে প্রসাদ প্রাপ্ত হইয়াছেন, অন্ত্য কামিনীর কথা দূরে থাকুক,  
পদ্মগন্ধা ও পদ্মকান্তিস্বর্গবনিতারাও সেই প্রসাদ প্রাপ্ত হন নাই ; এবং বক্ষঃস্থলে  
নিতাস্ত রতিমতী স্বয়ং লক্ষ্মীদেবীও সেই প্রসাদ প্রাপ্ত হন নাই ।

শ্রীকৃষ্ণলোকস্থ নিত্য-লীলাপরিকরসমূহ সচ্চিদানন্দরূপিণী স্বরূপশক্তিরই বিলাস ।  
তন্মধ্যে হ্লাদিনীশক্তিপ্রধানমূর্ত্তিসমূহের নাম কৃষ্ণকান্ত্য ; কান্ত্যবর্গের প্রধান  
শ্রীমতী রাধিকা ; অপর কান্ত্যসকল তাঁহারই কায়বাহ বা গৌণপ্রকাশ। সন্ধিনীশক্তি-  
প্রধানমূর্ত্তিসমূহের নাম কৃষ্ণগুরু । গুরুবর্গের প্রধান শ্রীমন্নন্দ ও শ্রীমতী যশোদা,  
অপর গুরুগণ তাঁহাদেরই কায়বাহ বা গৌণ প্রকাশ। এবং সন্ধিৎশক্তিপ্রধান মূর্ত্তিসমূহের  
নাম কৃষ্ণসখা । সখিবর্গের প্রধান শ্রীবলরাম ; অপর সখাসকল তাহারই কায়বাহ ।  
পূর্কোক্ত কান্ত্যবর্গ আবার যুথেশ্বরী, সখী, উপসখী, মঞ্জরী ও উপমঞ্জরী ভেদে  
পঞ্চবিধ । শ্রীরাধা ও শ্রীচন্দ্রাবলী ইহঁরাই যুথেশ্বরী । ললিতা, বিশাখা, চম্পকলতা,  
চিত্রা, রঙ্গদেবী, সুদেবী, তুঙ্গবিদ্যা ও ইন্দুলেখা ইহঁরাই সখী । ইহঁদের প্রত্যেকের  
অধীনে যে আটটি করিয়া সখী আছে তাঁহাদিগকেই উপসখী বলা হয় । সখীর  
শ্রায় মঞ্জরীও প্রধানতঃ আটটি । উক্ত অষ্ট মঞ্জরী যথা—শ্রীরূপমঞ্জরী, শ্রীরতিমঞ্জরী,  
শ্রীলবঙ্গমঞ্জরী, শ্রীরসমঞ্জরী, শ্রীবিনাসমঞ্জরী, শ্রীমদনমঞ্জরী, শ্রীকেলিমঞ্জরী ও  
শ্রীভৃঙ্গমঞ্জরী । শ্রীঅনঙ্গমঞ্জরী এই অষ্টমঞ্জরীর প্রধান মঞ্জরী যুথেশ্বরী । উক্ত  
মঞ্জরীগণের প্রত্যেকের অধীনে যে আটটি করিয়া মঞ্জরী আছেন, তাঁহাদিগকেই  
উপমঞ্জরী বলা হয় । এতদ্ব্যতীত দ্বিতী নামে যে আর এক প্রকার কান্ত্যবর্গ  
আছেন ঐ কান্ত্যবর্গকে অপেক্ষাকৃত হীনশক্তি জানিতে হইবে । কান্ত্যবর্গের শ্রায়

কান্তাপ্রেমের উৎকৃষ্টতা অপরিহার্য। কৃষ্ণপ্রাপ্তির সাধন বহুবিধ, অতএব সাধনানুসারে কৃষ্ণপ্রাপ্তির তারতম্যও বহুবিধ। যাহার যে ভাবে নিষ্ঠা, তাঁহার সেই ভাবে সর্কাপেক্ষা শ্রেষ্ঠ বলিয়াই বোধ হয়। কিন্তু নিরপেক্ষ হইয়া বিচার করিলে, ভাবসকলের তারতম্য স্বীকার না করিয়া পারা যায় না। তদনুসারে

গুরুবর্গ পিতা মাতা ও ধাত্রী এবং সখাবর্গ সুহৃৎ, সখা, প্রিয়সখা ও প্রিয়নন্দ্যসখা-  
ভেদে বহুবিধ।

পূর্বোক্ত নিত্যসিদ্ধ সখিবর্গ, পিতৃবর্গ ও কান্তাবর্গের অখিলরসামৃতমূর্তি—  
শ্রীকৃষ্ণে 'যে সখা, বাৎসল্য ও মধুরাখ্যা নিত্যসিদ্ধভাবানুগতসম্বন্ধ আছে সেই ভাবানুগতসম্বন্ধবিশেষে লুক্কসাধকের ভাবানুগতসম্বন্ধবিজ্ঞাসসহকারে শ্রীকৃষ্ণে ভক্ত্যানুশীলনকে 'সম্বন্ধানুগাভক্তি' বলে। শ্রীকৃষ্ণের প্রতি নিত্যসিদ্ধ পরিবারের যে সম্বন্ধাভিমান তাহা দ্বিবিধাকারে অনুষ্ঠিত হইতে পারে। একটি অভিন্নাকারে ও অপরটি স্বতন্ত্রাকারে। তন্মধ্যে প্রথমটি অর্থাৎ আমি নিত্য-  
সিদ্ধ সুবলাদি সখা বা আমি শ্রীনন্দাদি পিতা অথবা আমি শ্রীললিতাদি কান্তা এইরূপ অভিমানকে অভিন্নাকারাভিমান বলা হয়। উক্ত অভিন্নাভিমান সাধক জীবের পক্ষে অত্যন্ত অনুচিত। তাহার কারণ নিত্যসিদ্ধপরিজন ও শ্রীভগবান্ অভিন্নতত্ত্ব। তাঁহারা নিত্যলীলার্থ ভিন্নাকারে অবভাত হন মাত্র। অতএব যেমন 'আমি ভগবান্ শ্রীকৃষ্ণ' ইত্যাদিরূপ চিন্তন 'অহংগ্রহোপাসনা' বলিয়া ভক্তির প্রতিবন্ধক ও অনর্থকর, তদ্রূপ 'আমি নিত্যসিদ্ধসুবলসখা বা ললিতাসখি' ইত্যাদি-  
রূপ মনন ও অহংগ্রহোপাসনা বলিয়া ভক্তির প্রতিবন্ধকও মহানর্থজনক। অতএব সাধক জীবের পক্ষে পূর্বোক্তরূপে মনন সর্কাথ্য ভক্তিশাস্ত্রবিরুদ্ধ বলিয়া পরিত্যাজ্য। কিন্তু আমি সুবলাদি নিত্যসিদ্ধসখার অনুগত একটী সখা বা আমি ললিতাদি ব্রজ-  
দেবীগণের অনুগত একটী সখা এইরূপ ভাবানুগতসম্বন্ধবিশেষের প্রাপক স্বতন্ত্রাভিমানকে তত্ত্বদভাবাদিলাভের উপায়রূপে শাস্ত্রে নির্দেশ করিয়াছেন। সিদ্ধান্তবীজভূত ভক্তিরসামৃতোক্ত শ্লোকদ্বয় এস্থলে উদ্ধৃত হইল।

“যা সম্বন্ধানুগাভক্তিঃ প্রোচ্যতে সান্তরাঅনি।

যা পিতৃত্বাদিসম্বন্ধমননারোপণাঅিকা ॥

লুক্কৈর্বাৎসল্যসখ্যাদৌ ভক্তিঃ কাথ্যাত্র সাধকৈঃ।

ব্রজেন্দ্রসুবলাদীনাং ভাবচেষ্টিতমুদ্রা ॥ ভক্তিরসা। পূ। ২। ১৬০

সম্বন্ধানুগাভক্তি যে শাস্ত্রানুমোদিতা তদ্বিশয়ে শাস্ত্রীয় প্রমাণ নিম্নে প্রদর্শিত হইল।

“যেষামহং প্রিয় আত্মা সুভৃশ্চ,

সখা গুরুঃ সুহৃদো দৈবমিষ্টম্ ॥ ভা ৩। ২৫। ৩৮।

কপিলদেব বলিলেন হে দেবি ! আমি যাহাদের প্রিয়, পরমাত্মা, পুত্র, সখা, গুরু, সুহৃদ ও ইষ্টদেব, অর্থাৎ এইরূপ সম্বন্ধরূপাভক্তি যাহাদের বিদ্যমান, সেই মন্তকৃগণ কোন কালেও ভগবৎসেবানন্দহীন হন না ও ইহসংসারে পুনরাবর্তন করেন না।

কান্তাপ্রেমকেই সর্বোৎকৃষ্ট বলিতে হয়। গুণাধিক্য ও স্বাদাধিক্যবশতঃ কান্তা-  
প্রেমের সর্বোৎকৃষ্টতা অবশ্য স্বীকার্য। যেমন আকাশের গুণ বায়ুতে, আকাশ ও  
বায়ুর গুণ তেজে, আকাশ, বায়ু ও তেজের গুণ জলে এবং আকাশ, বায়ু, তেজ ও  
জলের গুণ পৃথিবীতে দৃষ্ট হয়, তদ্রূপ শাস্ত্রের গুণ দাস্ত্রে, শাস্ত্র ও দাস্ত্রের গুণ  
সথ্যে, শাস্ত্র, দাস্ত্র ও সথ্যের গুণ বাৎসল্যে এবং শাস্ত্র, দাস্ত্র, সথ্য ও বাৎসল্যের গুণ  
কান্তাপ্রেমে দৃষ্ট হইয়া থাকে। কান্তাপ্রেমে শাস্ত্রের কৃষ্ণনিষ্ঠা, দাস্ত্রের কৃষ্ণনিষ্ঠা ও  
সেবা, সথ্যের কৃষ্ণনিষ্ঠা, সেবা ও অসঙ্কোচ, বাৎসল্যের কৃষ্ণনিষ্ঠা, সেবা, অসঙ্কোচ ও  
মমতাধিক্য, এই সমস্ত গুণই দৃষ্ট হয়। অধিকন্তু কান্তাপ্রেমে নিজাঙ্গদ্বারা সেবারূপ  
গুণটি অধিক দেখা যায়। গুণাধিক্যহেতু প্রতিরসে উত্তরোত্তর স্বাদাধিক্য হয়।  
মধুররস সর্বগুণের আকর, অতএব উহা সর্বাপেক্ষা স্বাদু। মধুররসে স্থায়ী ভাব  
উত্তরোত্তর বৃদ্ধি পাইয়া ভাবাবস্থা পর্য্যন্ত প্রাপ্ত হয়। ঐ ভাবাবস্থা এক কান্তাপ্রেম  
ভিন্ন অপর কোন প্রেমেই দেখা যায় না। অতএব সীমান্তপ্রাপ্ত কান্তাপ্রেম দ্বারাই  
পরিপূর্ণকৃষ্ণপ্রাপ্তি স্বীকৃত হইয়া থাকে। এই নিমিত্তই শ্রীকৃষ্ণ একমাত্র  
কান্তাপ্রেমেরই বশুতা স্বীকার করিয়াছেন।

যিনি যেরূপ ভজনা করেন, শ্রীভগবান তাঁহাকে সেইরূপেই অঙ্গীকার করিয়া  
থাকেন, ইহা স্থির; কিন্তু ব্রজদেবীনিষ্ঠ কান্তাপ্রেমের অনুরূপ ভজন আবার অপর  
কেহই করিতে পারেন না; অতএব শ্রীভগবান বলিয়াছেন, তিনি ব্রজদেবীনিষ্ঠ  
কান্তাপ্রেমের নিকট ঋণী।

“ন পারয়েহং নিরবত্বসংযুজাং

• স্বসাধুকৃত্যং বিবুধায়ুষাপি বঃ।

যা মাভজন্ হৃর্জরগেহশৃঙ্খলাঃ

সংবৃশ্চ্য তদ্বং প্রতিযাতু সাধুনা ॥” ভা ১০।৩২।২২

“শাস্তাঃ সমদৃগঃ শুক্লাঃ সর্বভূতানুরঞ্জনাঃ।

যাস্ত্যঙ্গস্যাচ্যুতপদমচ্যুতপ্রিয়বাক্ৰবাঃ ॥ ভা।৪।১২।৩১।

মৈত্রেয় বলিলেন; শাস্ত্র, সমদর্শী, শুদ্ধ (মায়াসম্বন্ধরহিত) সর্বভূতানুরঞ্জন  
অচ্যুতপ্রিয়বাক্ৰবগণ অনায়াসে অচ্যুতপদ (বৈকুণ্ঠাদিধাম) প্রাপ্ত হন।

“পতিপুত্রসুহৃদ্ভ্রাতৃপিতৃবন্মিত্রবন্ধরিম্।

যে ধায়ন্তি সদোদযুক্তান্তেভ্যোহপীহ নমোনমঃ ॥

নারায়ণবৃহস্তুবে।

এই জগতে যে ভক্তগণ যত্নসহকারে শ্রীহরিকে পতি, পুত্র, সুহৃদ, ভ্রাতা পিতা,  
ও মিত্রভাবে সর্বদা ধ্যান করেন তাঁহাদিগকে ভূয়োভূয়ঃ নমস্কার করি।

তোমরা নিরুপাধিভজনপরায়ণা । তোমাদিগের সাধুকৃত্য অসাধারণ । ঐরূপ অসাধারণ সাধুকৃত্য আমি স্মৃতিরকালেও সাধন করিতে পারিব না । তোমরা হৃর্জর গৃহশৃঙ্খল নিঃশেষে ছেদন করিয়া আমার ভজন করিয়াছ । আমি কিন্তু কেবল তোমাদিগকে ভজন করিতে পারিলাম না । অতএব তোমাদিগের নিজ সাধুকৃত্যই ঐ সাধুকর্মের প্রতিকার সাধনকরুক । আমি তদ্বিষয়ে তোমাদিগের নিকট ঋণীই রহিলাম জানিও ।

শ্রীকৃষ্ণ অপরিসীম সাধুর্ঘ্যের আশ্রয় হইয়াও ভাবের পরাকাষ্ঠা(১) মহাভাব পর্য্যন্ত ভাবের 'অধিকারিণী ব্রজদেবীগণের সঙ্গেই অধিকতর শোভা ধারণ করিয়া থাকেন । অতএব ব্রজদেবীনিষ্ঠ কান্তাপ্রেমই সর্বশ্রেষ্ঠ ।

শ্ৰেষ্ঠ বলিলেন,—“ব্রজদেবীনিষ্ঠ কান্তাপ্রেমই যে সাধ্যের সীমা, ইহা নিশ্চিত । কিন্তু ইহার পর যদি আরও কিছু বলিবার থাকে, কৃপা করিয়া তাহাও বল ।”

রাম রায় বলিলেন,—“ইহার পরও প্রশ্ন করেন, এমন লোক পৃথিবীতে আছেন, এতদিন আমি জানিতাম না । আপনি যখন প্রশ্ন করিলেন, তখন বলিতেছি শ্রবণ করুন । ব্রজদেবীগণের মধ্যে আবার শ্রীরাধার প্রেমই সাধ্যের শিরোমণি, ইহা সর্বশাস্ত্রসম্মত । বেদে বেদান্তে পুরাণেতিহাসে ও তন্ত্রে সর্বত্রই শ্রীরাধামাধবের প্রেমমহিমা উক্ত হইয়া থাকে ।”

ঋগ্ বেদে উক্ত হইয়াছে,—

“রাধয়া মাধবো দেবো মাধবেনৈব রাধিকা বিভ্রাজন্তে জনৈষা ।”

গোপালতাপনীয়ে উক্ত হইয়াছে,—

“সৎপুণ্ডরীকনয়নং মেঘাভং বৈছ্যাতাম্বরম্ ।

দ্বিভুজং মৌনমুদ্রাঢ্যং বনমালিনমীশ্বরম্ ॥

গোপগোপীগবাবীতং সুরক্রমলতাপ্রিতম্ ।

দিব্যালঙ্করণোপেতং রত্নপঙ্কজমধ্যগম্ ॥

কালিন্দীজলকল্লোলসঙ্গিমারুতসেবিতম্ ।

চিন্তয়ন্ চেতসা কৃষ্ণং মুক্তো ভবতি সংসৃতেঃ ॥

পদ্মপুরাণে উক্ত হইয়াছে,—

“যথা রাধা প্রিয়া বিষ্ণোস্তুত্যাঃ কুণ্ডং প্রিয়ং তথা ।

সর্বগোপীষু সৈবৈকা বিষ্ণোরত্যন্তবল্লভা ॥”

বৃহদগৌতমীরতন্ত্রে উক্ত হইয়াছে,—

“দেবী কৃষ্ণময়ী প্রোক্তা রাধিকা পরদেবতা ।

সৰ্বলক্ষ্মীময়ী সৰ্বকাস্তিঃ সম্মোহিনী পরা ॥

শ্রীমাধব শ্রীরাধার সহিত ও শ্রীরাধা শ্রীমাধবের সহিত সকল লোকেই বিরাজিত  
আছেন ।

বিকসিত-পুণ্ডরীক-নয়ন, নবীননীরদসমকাস্তি, বিদ্যালতাশদৃশ-পীতবাস-পরি-  
হিত, বনমালাবিরাজিতগলদেশ, মৌনমুদ্রাযুক্ত, দ্বিভুজ, গোপগোপীগোধনমণ্ডিত,  
সুরক্রমলতামণুপাশ্রিত, দিব্যালঙ্কারভূষিত, রত্নপঙ্কজাসীন, কালিন্দীসলিলসংস্কৃত-  
বায়ুসেবিত শ্রীকৃষ্ণকে চিন্তা করিয়া মনুষ্য সংসার হইতে মুক্ত হইয়া থাকেন ।

শ্রীরাধা শ্রীকৃষ্ণের যাদনী প্রিয়া, তদীয় সরোবরও তাদৃশ প্রিয় । সকল  
গোপীর মধ্যে শ্রীরাধিকাই শ্রীকৃষ্ণের অত্যন্ত বল্লভা ।

দেবী শ্রীরাধিকা অন্তরে ও বাহিরে কৃষ্ণফুর্তিমতী, সৰ্বারাধ্যা, লক্ষ্মীগণের  
মূলস্বরূপা, সৰ্বশোভার একমাত্র আশ্রয় ও মদনমোহনমোহনকারিণী । এই  
নিমিত্তই তিনি পরাশক্তি বলিয়া অভিহিত হইয়েন ।

শ্ৰেণী বলিলেন,—“আরও বল, আমার শুনিয়া বিশেষ সুখোদয় হইতেছে ।  
তোমার মুখে অমৃতময়ী স্রোতস্বিনী প্রবাহিত হইতেছে । শ্রীকৃষ্ণ গোপীগণের  
ভয়ে শ্রীরাধাকে সৰ্বসমক্ষে লইতে না পারিয়া গোপনে লইয়া গেলেন । ইহাতে  
জানা গেল, শ্রীকৃষ্ণের অনুরোগীতে অপেক্ষা আছে । অন্ত্যাপেক্ষা থাকিলে,  
প্রেমের গাঢ়তা প্রকাশ পায় না । অতএব এই বিষয়ের মীমাংসা কি বল ।”

রাম রায় বলিলেন,—“ত্রিজগতে রাধাপ্রেমের উপমা নাই । শ্রীকৃষ্ণ অন্ত  
গোপীর অপেক্ষায় শ্রীরাধাকে গোপনে লইয়া যান নাই । শ্রীরাধাই মান করিয়া  
রাস ত্যাগকরিয়া যান । শ্রীরাধিকা রাস ত্যাগকরিয়া চলিয়া গেলে পশ্চাৎ  
শ্রীকৃষ্ণও রাসমণ্ডল ছাড়িয়া তাঁহার অন্বেষণার্থ গমন করেন ।”

“কংসারিরপি সংসারবাসনাবন্ধশৃঙ্খলাম্ ।

রাধামাধায় হৃদয়ে ততাজ ব্রজসুন্দরীঃ ॥” গীতগো । ৩।১

শ্রীকৃষ্ণ সম্যক-সারভূত-রাসলীলা-বাসনাতে বন্ধনের নিমিত্ত শৃঙ্খলপিনী  
শ্রীরাধাকে হৃদয়ে ধারণপূর্বক অন্তব্রজসুন্দরীদিগকে পরিত্যাগ করিয়া গমন  
করিয়াছিলেন ।

শ্রীভগবানের কাহ্নাসকল সাধারণী, সমজসা ও সমর্থা ভেদে ত্রিবিধা । এই  
ত্রিবিধা কাহ্নারই কাহ্নাতাব স্থায়ী । তন্মধ্যে সাধারণীর কাহ্নাতাব সন্তোষেচ্ছা-

নিদান, সমঞ্জসার কাস্তাভাব কচিৎ ভেদিতসন্তোগেচ্ছ এবং সমর্থার কাস্তাভাব স্বরূপাভিন্নসন্তোগেচ্ছ। সন্তোগেচ্ছা যে কাস্তাভাবের নিদান অর্থাৎ মূল, তাহাকেই সন্তোগেচ্ছানিদান কাস্তাভাব বলা যায়; সন্তোগেচ্ছা যে কাস্তাভাবে কখন কখন ভিন্নরূপে প্রকাশ পায়, তাহারই নাম কচিৎ ভেদিতসন্তোগেচ্ছ কাস্তাভাব; আর যে কাস্তাভাবে সন্তোগেচ্ছা নিত্যই স্বরূপের সহিত অভেদে প্রকাশ পায়, তাহার নাম স্বরূপাভিন্নসন্তোগেচ্ছ কাস্তাভাব। কুজাদিসাধারণীকাস্তার কাস্তাভাবই সন্তোগেচ্ছানিদান কাস্তাভাব; কারণ, তাঁহাদিগের প্রেম সন্তোগেচ্ছা ভিন্ন প্রকাশ পায় না। সমঞ্জসা মহিষীগণের কাস্তাভাবই কচিৎ ভেদিতসন্তোগেচ্ছ কাস্তাভাব; কারণ, তাঁহাদিগের কাস্তাভাব কখন সন্তোগেচ্ছা ভিন্ন প্রকাশ পায় না এবং কখন তদ্ভিন্নও প্রকাশ পাইয়া থাকে। আর সমর্থী ব্রজদেবীগণের কাস্তাভাবই স্বরূপাভিন্নসন্তোগেচ্ছ কাস্তাভাব; কারণ, তাঁহাদিগের সন্তোগেচ্ছা নিত্যই স্থায়ী ভাবের সহিত একীভূত হইয়া অর্থাৎ স্থায়ী ভাবের অন্তর্ভূত হইয়া কেবল শুদ্ধ-স্থায়ীভাব-রূপেই প্রকাশ পাইয়া থাকে। তাঁহাদিগের সন্তোগেচ্ছা কখনই স্থায়ী ভাবের স্বরূপ হইতে ভিন্নরূপে প্রকাশ পায় না। সাধারণী কাস্তাদিগের বলবতী সন্তোগেচ্ছা সকলসময়েই কৃষ্ণসুখতাৎপর্যময় প্রেম হইতে বিভিন্নাকারে কৃষ্ণাঙ্গ-সঙ্গ-জন্তু-স্বসুখ-বাসনা-রূপে প্রকাশ পাইয়া থাকে। সাধারণী কাস্তাসকল স্বরূপতঃ স্বসুখ-তাৎপর্যবর্জিত হইলেও, তাঁহাদিগের প্রেম কৃষ্ণাঙ্গ-সঙ্গ-জন্তু-স্বসুখ-বাসনার আকারে আকারিত হইয়া প্রকাশ পাওয়াতে, উহার কৃষ্ণসুখতাৎপর্যময় স্বরূপের প্রকাশ থাকে না, স্বসুখতাৎপর্যময় রূপান্তরই লক্ষিত হইয়া থাকে। সমঞ্জসা কাস্তাদিগের ঐ সন্তোগেচ্ছা কখন কৃষ্ণাঙ্গ-সঙ্গ-জন্তু-স্বসুখ-বাসনার আকারে উখিত হইয়া সাধারণীর ত্রায় স্বরূপ হইতে ভিন্নরূপে এবং কখন কেবল কৃষ্ণসুখ-তাৎপর্যময় প্রেমের সহিত একীভূত হইয়া উক্ত প্রেমের অন্তর্ভূত হইয়া সমর্থার ত্রায় স্বরূপাভিন্নরূপেই প্রকাশ পাইয়া থাকে। সমর্থী ব্রজদেবীগণের সন্তোগেচ্ছা সর্বদাই কৃষ্ণসুখতাৎপর্যময়ী। তাঁহাদিগের সন্তোগেচ্ছা কখনই কৃষ্ণাঙ্গ-সঙ্গ-জন্তু-স্বসুখ-বাসনা-রূপে উখিত হয় না। ব্রজদেবীগণের কৃষ্ণসুখ ভিন্ন আত্মসুখের অনুসন্ধানই থাকে না। তাঁহাদিগের আত্মসুখের অনুসন্ধান না থাকাতেই তাঁহাদিগের সন্তোগেচ্ছা শুদ্ধ কৃষ্ণসুখতাৎপর্যে পর্যাবসিত হইয়া কৃষ্ণসুখতাৎপর্যের সহিত সম্পূর্ণ একীভূত হইয়া যায়। এই নিমিত্তই ব্রজদেবীগণের কাস্তাভাবকে সর্বশ্রেষ্ঠ বলা হয়। যদি কেহ আপত্তি করেন—সমর্থী ব্রজদেবীগণের আত্মসুখে তাৎপর্য না থাকুক, কিন্তু সঙ্গকালে আত্মসুখ অপরিহার্য—আমরা তাহা স্বীকার

করি না ; কারণ, অনুসন্ধান ব্যতিরেকে সুখের অনুভব সম্ভব হয় না । অযাচিত অন্নপানাদির উপভোগে সুখোৎপত্তির দৃষ্টান্তও সঙ্গত হয় না ; কারণ, যাহার অযাচিত অন্নপানাদির উপভোগে সুখ জন্মে, তিনি যে সুখানুসন্ধানরহিত, তাহা কেহই স্বীকার করেন না । কিন্তু সর্বথা সুখানুসন্ধানরহিতব্যক্তির অন্নপানাদির উপভোগে সুখানুৎপত্তি বাধ্য হইয়াই স্বীকার করিতে হয় । জাগ্রদবস্থায় বিষয়ান্তরে অভিনিবিষ্ট ব্যক্তির বিষয়ান্তরের অনুভবাব্যব সর্বজনপ্রসিদ্ধ । সুমুপ্তির ত কথাই নাই । ব্রজদেবীগণ সদাই তুরীয়বস্থায় অবস্থিত বলিয়া তাঁহাদিগের স্থল, স্থল ও কারণের অনুভব থাকে না । তাঁহারা নিত্য তুরীয় অবস্থায় থাকিয়া স্থলস্থলাদির কোন সমাচারই রাখেন না । এক্ষণে একরূপ আপত্তি হইতে পারে যে, তাঁহাদিগের স্থলস্থলাদির অনুভব না থাকিলেও, তুরীয় শ্রীকৃষ্ণের অঙ্গসঙ্গজনিত সুখবিশেষের অনুভব হউক ? একরূপ আপত্তি আমরা ইষ্টাপত্তি মনে করি । তুরীয়স্থা ব্রজদেবীগণ তুরীয় শ্রীকৃষ্ণের অঙ্গসঙ্গজনিত সুখবিশেষের অনুভব করেন, ইহা আমরা অস্বীকার করি না । তবে ঐ সুখ যে এই সুখ নহে, উহা যে প্রাকৃত সুখ নহে, পরন্তু সম্পূর্ণ অপ্রাকৃত, তাহা অবশ্য স্বীকার্য । যেরূপ স্থলে পুঞ্জীভূত জ্ঞান ও তৎপ্রকার হইতে স্থলে পুঞ্জীভূত জ্ঞান ও তৎপ্রকার ভিন্ন, যেরূপ স্থলে পুঞ্জীভূত জ্ঞান ও তৎপ্রকার হইতে কারণে পুঞ্জীভূত জ্ঞান ও তৎপ্রকার ভিন্ন, তদ্রূপ তুরীয়ে বা সিদ্ধদেহে পুঞ্জীভূত জ্ঞান ও তৎপ্রকার পূর্বেকৃত ত্রিবিধ জ্ঞান ও তৎপ্রকার হইতে সম্পূর্ণ বিভিন্ন । সুখ জ্ঞানবিশেষ । অতএব সিদ্ধদেহ-সম্পন্ন ব্রজদেবীগণের তুরীয়শ্রীকৃষ্ণের অঙ্গসঙ্গজনিত সুখের অনুভব যে স্থলাদি-সংস্পর্শজনিত সুখানুভব হইতে সম্পূর্ণ বিভিন্ন, ইহা স্থির । উহা সমাধিসুখ হইতে বা ব্রহ্মানুভবজনিত সুখ হইতেও স্বতন্ত্র ।

সাধারণ ব্রজদেবীগণের প্রেম হইতে আবার শ্রীরাধাপ্রেমের বিশেষ উৎকর্ষ আছে । সাধারণ ব্রজদেবীগণ শ্রীকৃষ্ণকে পাইয়া শ্রীকৃষ্ণের অঙ্গসঙ্গ পাইয়া আর কোন দিকে চাহিলেন না, আনন্দে বিভোর হইয়া গেলেন । শ্রীরাধা কিন্তু সেরূপ বিভোর হইলেন না । শ্রীরাধা দেখিলেন, প্রত্যেক গোপীর পার্শ্বেই এক এক কৃষ্ণ এবং ঠিক সেইরূপ সাধারণভাবে তাঁহার পার্শ্বেও এক কৃষ্ণ রহিয়াছেন । এই দেখিয়াই শ্রীরাধার মান হইল, তিনি নানিনী হইয়া রাস ছাড়িয়া গেলেন । শ্রীরাধিকা ছাড়িয়া গেলেন, চন্দ্রহারের সূত্র ছিঁড়িয়া গেল, চন্দ্রসকল ইতস্ততঃ বিচ্ছিন্ন হইয়া গেল । শ্রীরাধাও শ্রীকৃষ্ণ অভিন্নাত্মা । শ্রীরাধিকা চলিয়া গেলেই শ্রীকৃষ্ণও চলিয়া গেলেন, রাসমণ্ডল ভাঙ্গিয়া গেল ; শ্রীরাধিকা রাসমণ্ডল



ত্যাগ করিয়া চলিয়া গেলেন, মধ্যমণির অভাবে মণির মালা শোভাচ্যুত হইল। শ্রীকৃষ্ণের আর রাস ভাল লাগিল না, তিনিও শ্রীরাধিকার অনুসরণ করিলেন।

রাম রায়ের কথা শুনিয়া প্রভুর মুখকমল উৎফুল্ল হইল। তিনি প্রীত হইয়া বলিলেন,—“ইহা শুনিবার নিমিত্তই আমি তোমার নিকট আসিয়াছি। এখন আমি সাধ্যসাধনের তত্ত্ব জানিলাম। কিন্তু আরও কিছু শুনিবার অভিলাষ হইতেছে। কৃপা করিয়া কৃষ্ণের স্বরূপ, রাধার স্বরূপ, রসতত্ত্ব ও প্রেমতত্ত্ব প্রভৃতি বল। এই সকল বিষয় তোমার নিকট ভিন্ন অত্র কাহারও নিকট শুনিবার সম্ভাবনা নাই। তুমি ভিন্ন অন্যপর কেহই এই সকল তত্ত্ব নিরূপণ করিতে সমর্থ নহে।”

রাম রায় প্রভুর ঈদৃশ বিনয়মধুর বাক্য শ্রবণ করিয়া মুগ্ধ ও বিস্মিত হইয়া বলিলেন, “প্রভো, আমিও কিছুই জানি না; তুমি বাহা বলাইলে, তাহাই বলিলাম। লোকে যেমন শুকপক্ষীকে পাঠ পড়াইয়া তাহার মুখ হইতে ঐ পাঠ শ্রবণ করিয়া সুখ পায়, আপনিও তেমনি আমার অন্তরে প্রবেশ পূর্বক আমাকে বলাইয়া শুনাইতেছেন এবং শুনিয়া আনন্দ অনুভব করিতেছেন। বস্তুতঃ আমি ভাল বলিতেছি কি মন্দ বলিতেছি, তাহার কিছুই জানি না।”

প্রভু বলিলেন,—“আমি মায়াবাদী সন্ন্যাসী, ভক্তিতত্ত্বের কিছুই জানি না। মায়াবাদে আমার চিত্ত মলিন হইয়া গিয়াছে। সার্কভৌম ভট্টাচার্যের সঙ্গগুণে ঐ মন কিছু নিশ্চল হইলে, আমি তাঁহাকে ভক্তিতত্ত্ব জিজ্ঞাসা করিয়াছিলাম। তিনি বলিলেন, ভক্তিতত্ত্ব আমিও জানি না, এক রামানন্দ জানেন, তিনিও এখানে নাই। তাঁহার মুখে তোমার মহিমা শুনিয়াই এখানে আসিয়াছি। তুমি আমাকে সন্ন্যাসী বলিয়া স্তুতি করিতেছ, কিন্তু বিপ্রই হউন, সন্ন্যাসীই হউন বা শূদ্রই হউন, যিনি কৃষ্ণতত্ত্ববেত্তা, তিনিই গুরু (১)। আমি সন্ন্যাসী বলিয়া আমাকে বঞ্চিত করিও না। শ্রীকৃষ্ণের ও শ্রীরাধার তত্ত্ব বলিয়া আমাকে পূর্ণমনোরথ কর।”

(১) গুরুরগ্নির্দ্বিজাতীনাং বর্ণানাং ব্রাহ্মণো গুরুঃ ।

পতিরেব গুরুঃ স্ত্রীণাং সর্বত্রাত্যাগতো গুরুঃ ॥ কশ্ম পুঃ উঃ ১২।৪৮

অর্থাৎ অগ্নি দ্বিজাতিদিগের গুরু, ব্রাহ্মণ চতুর্ভূষণের গুরু, স্ত্রীলোকের পতিই একমাত্র গুরু এবং অভ্যাগত ব্যক্তি সর্বত্র সকলের গুরু। পূর্বোক্ত ‘গুরু’ শব্দটি যেকোন পূজ্যত্ববাচক সেইরূপ “যিনি কৃষ্ণতত্ত্ববেত্তা, তিনিই গুরু” এই স্থানের গুরু শব্দটিও পূজ্যত্ববাচকমাত্র, দীক্ষাগুরুবাচক নহে; কারণ শূদ্রাদিজাতি সিদ্ধপুরুষ

রাম রায় বলিলেন,—“আমি নট তুমি সূত্রধার ; তুমি আগাকে যেমন নাচাইতেছ, আমিও তেমনি নাচিতেছি ; আমার জিহ্বা বীণাযন্ত্র, তুমি বীণাধারী, তোমার যাহা শুন্নিতে ইচ্ছা হইতেছে, আমিও তাহাই উচ্চারণ করিতেছি ।”

যদিও রামানন্দ রায় বুঝিতেছেন যে, তিনি যাহার সম্মুখে বাচালতা প্রকাশ করিতেছেন, তিনি স্বয়ং ভগবান্, তথাপি তাঁহারই মায়ার মোহিত হইয়া তৎকর্তৃক প্রেরিত হইয়া বলিতে লাগিলেন—

“ঈশ্বরঃ পরমঃ কৃষ্ণঃ সচ্চিদানন্দবিগ্রহঃ ।

অনাদিরাদির্গোবিন্দঃ সর্বকারণকারণম্ ॥” ব্রহ্ম সং ৫।১

“সচ্চিদানন্দবিগ্রহ শ্রীকৃষ্ণই পরমেশ্বর । তিনি সকলের আদি, তাঁহার আদি নাই । তিনি কারণসকলেরও কারণ । তিনি সর্বেশ্বর, সর্বশক্তি, সর্বরসপূর্ণ

হইলেও যে মন্ত্রগুরুরূপে অনধিকারী তদ্বিষয়ে বহু শাস্ত্রীয় প্রমাণ আছে । সাধারণের পরিজ্ঞানার্থ কতিপয় শাস্ত্রীয় প্রমাণ নিম্নে প্রদর্শিত হইল । যথা—

‘শ্রোত্রিয়ং ব্রহ্মনিষ্ঠম্’ ইতি মুণ্ডকোপনিষদ্ ।

“বিপ্রং প্রধ্বস্তকামপ্রভৃতিরিপুষ্টং” ইতি ক্রমদীপিকায়াম্,

‘আচার্য্যং মাং বিজানীয়াৎ’ শ্রীভাগবতে । “সমর্থো ব্রাহ্মণোত্তমঃ” ইতি অগস্ত্যসংহিতায়াম্ । “ব্রাহ্মণঃ সর্বকালজ্ঞঃ কুৰ্ব্ব্যাৎ সর্বেষুগ্রহম্” নারদপঞ্চরাত্রে । “ব্রাহ্মণো বৈ গুরুর্নৃণাম্” পাদ্যে ।

মহর্ষি ভরদ্বাজ ও স্বকৃত সংহিতাতে বলিয়াছেন যে

“স্ত্রিয়ঃ শূদ্রাদয়শ্চৈব বোধয়েষুহিতাহিতম্ । যথার্থমাননীয়াশ্চ নার্ষ্ত্যাচার্য্যতাং কৃচিৎ ।” ১।১ অর্থাৎ স্ত্রীলোক ও শূদ্রাদি জাতিসকল হিতাহিত উপদেশ করিবেন । তাহারা যথাযোগ্য মাননীয় বটে কিন্তু কখনও আচার্য্য ( মন্ত্রগুরু ) হইতে পারিবেন না । অনাদিকাল হইতে বেদ, স্মৃতিও সদাচাররূপে এইরূপ নিয়ম প্রবাহরূপে চলিয়া আসিতেছে ।

অধিক কি উপাসনাশাস্ত্রেও “ন শূদ্রায় গতিং দত্তাৎ ন চ শূদ্রঃ কদাচন । উভয়োনরকং দেবি ত্রিকোটিকুলসংযুতম্” ইত্যাদি জ্ঞানানন্দতরঙ্গীধৃতবচন দ্বারা পুনঃ পুনঃ শূদ্রাদিজাতিকর্তৃক মন্ত্রোপদেশ নিষিদ্ধ হইয়াছে । তবে যে “সজাতীয়েন শূদ্রেণ তাদৃশেন মহামতে । অনুগ্রহাভিষেকৌ চ কার্ধ্যৌ শূদ্রশ্চ সর্বদা ॥” ইত্যাদি হরিভক্তিবিলাসধৃত নারদপঞ্চরাত্রেবচন আছে উহার তাৎপর্য্য এই যে কোনও স্থানে ব্রাহ্মণাদির অভাবে আপৎকালে সিদ্ধশূদ্রমহাজন শূদ্রজাতির অনুগ্রহ ও অভিষেক করিতে পারিবেন কিন্তু সর্বকালে মন্ত্রদানাধিকারী হইতে পারিবেন না । অতএব যে যে স্থলে শূদ্রাদি জাতির গুরুত্ব উক্ত হইয়াছে সেই সেই স্থলে গুরু শব্দ পূজ্যাদির বিধায়ক অর্থাৎ তাহারা প্রশংসা ও সম্মানার্থ ইহাই বুঝিতে হইবে । কারণ সময়ে সময়ে জগন্মজলার্থ সিদ্ধ মহাপুরুষগণ নীচজাতিতেও জন্মগ্রহণ করিয়া সর্বজাতির হিতকর কার্য্য করিয়া থাকেন ।

ব্রজেশ্বরনন্দন । শ্রীকৃষ্ণ শ্রীবৃন্দাবনে বিরাজিত অপ্রাকৃত নবীন মদন । তিনি অন্ত প্রাকৃত ও অপ্রাকৃত মদন সকলের মূলশ্রয় । তিনি শ্রীবৃন্দাবনে বিরাজিত হইয়া নিতানূতনরূপে অনুভূত হইয়া থাকেন । তিনি কোটিকন্দর্প-লাবণ্য এবং প্রাকৃতাপ্রাকৃত কন্দর্প সকলের মূলস্থানীয় । শাস্ত্রকারগণ এই নিমিত্তই কামবীজ ও কামগায়ত্রী দ্বারা তাঁহার উপাসনার বিধান করিয়াছেন । তিনি পুরুষ ও স্ত্রী, স্থাবর ও জঙ্গম, সকলেরই চিত্ত আকর্ষণ করেন । তিনি সাক্ষাৎ কামকেও মোহিত করিয়া থাকেন । নানাভক্তের আশ্রয়রস নানাবিধ ; তিনি ঐ সমস্ত রসের বিষয় ও আশ্রয় । তিনি শৃঙ্গার-রসরাজ-মূর্তিধারী । আত্মপর্যাস্ত সকলের চিত্ত হরণ করিয়া থাকেন । তিনি শ্রীনারায়ণাদিরও চিত্ত হরণ করেন । তিনি লক্ষ্মী প্রভৃতি নারীগণের চিত্ত আকর্ষণ করিয়া থাকেন । তাঁহার নিজের মাধুর্য্য নিজের চিত্তকেও হরণ করে, তিনি আপনি আপনাকে আলিঙ্গন করিতে অভিলাষ করিয়া থাকেন ।” (১)

“এই সঙ্ক্ষেপে শ্রীকৃষ্ণের স্বরূপ বলিলাম । অতঃপর শ্রীরাধার স্বরূপ বলিতেছি ।”

“শ্রীকৃষ্ণের শক্তি অনন্ত । ঐ অনন্তশক্তিসকল সাধারণতঃ তিন ভাগে বিভক্ত । উক্ত ভাগত্রয় যথা,— চিহ্নশক্তি, গায়ত্রিশক্তি ও জীবশক্তি । চিহ্নশক্তির অপর নাম অন্তরঙ্গা শক্তি, গায়ত্রিশক্তির অপর নাম বহিরঙ্গা শক্তি এবং জীবশক্তির অপর নাম তটস্থা শক্তি । অন্তরঙ্গা শক্তিই স্বরূপশক্তি ও সর্বশক্তির প্রধান । শ্রীকৃষ্ণের স্বরূপ সচ্চিদানন্দময়, অতএব তদীয় স্বরূপশক্তিও ত্রিরূপাত্মিকা । ঐ সচ্চিদানন্দময়ী ত্রিরূপাত্মিকা স্বরূপশক্তি স্বরূপতঃ শ্রীকৃষ্ণের শ্রীমূর্তিস্বরূপিণী এবং অধিষ্ঠাত্বরূপতঃ সন্ধিনী, সঙ্ঘিৎ ও হ্লাদিনী । তত্তৎপ্রাধাণ্যে সন্ধিগাদি নাম জানিতে হইবে । সন্ধিনীপ্রধানা অধিষ্ঠাত্রী ধামাদি ও গুরুবর্গ ; সঙ্ঘিৎপ্রধানা অধিষ্ঠাত্রী জ্ঞান ও সখিবর্গ ; আর হ্লাদিনীপ্রধানা অধিষ্ঠাত্রী ভক্তি ও কান্তাবর্গ । শাস্ত্র ও দাস সকল কেহ সন্ধিনীপ্রধান ও কেহ সঙ্ঘিৎপ্রধানের মধো নিবিষ্ট । হ্লাদিনী শ্রীকৃষ্ণকে আহ্লাদ প্রদান করেন । শ্রীকৃষ্ণ হ্লাদিনী দ্বারাই সুখ আন্বাদন করিয়া থাকেন । শ্রীকৃষ্ণ স্বয়ং আনন্দস্বরূপ হইয়াও নিজ্ঞানন্দাধিষ্ঠাত্রী

- (১) “অপরিকলিতপূর্বঃ কশ্চমৎকারকারী  
 সুরতি মম বরীয়ানেষ মাধুর্য্যাপুরঃ ।  
 অয়মহমপি হস্ত ! প্রেক্ষ্য যং লুক্চেতাঃ  
 সরভসমুপতোক্তুং কাময়ে রাধিকেব ॥ ললিতমা । ৮।৩২।

হ্লাদিনীশক্তি দ্বারা নিজানন্দ অনুভব করেন। এই হ্লাদিনী শ্রীকৃষ্ণের ত্ত-  
গণকেও আনন্দ প্রদান করিয়া থাকেন। হ্লাদিনীর সারাংশই প্রেম। সারাংশ  
শব্দের অর্থ আনুকূল্যাভিলাষ। ঐ আনুকূল্যাভিলাষাত্মক প্রেমকে আনন্দচিন্ময়  
রসও বলা যায়। ঐ রসাত্মক প্রেমের পরম সার মহাভাব। শ্রীরাধাই মহা-  
ভাবস্বরূপিণী। তিনি কান্ত্যবর্গের অংশিনী, অতএব শ্রেষ্ঠ বলিয়া বিদিত। তিনি  
চিন্তামণিসারসদৃশী, শ্রীকৃষ্ণের বাহ্যাপূরণই তাঁহার কার্য। লক্ষ্মীগণ তাঁহার  
বিলাসমূর্তি, মহিবীগণ তাঁহার প্রতিবিম্ব, ললিতাদি গোপীগণ তাঁহার কায়বাহ।  
বহুকান্ত্য বিনা রসের উল্লাস হয় না বলিয়া তিনিই সকল কান্ত্যর আকারে  
বিরাজ করেন। তন্মধ্যে ব্রজে স্বপক্ষবিপক্ষাদি নানা ভাবভেদে ও রসভেদে নানা  
মূর্তি ধারণপূর্বক শ্রীকৃষ্ণকে লীলারস আন্বাদন করাইয়া থাকেন। তিনি  
গোবিন্দানন্দিনী, গোবিন্দমোহিনী, গোবিন্দসর্বস্ব ও সর্বকান্ত্যর শিরোমণি।  
তিনি দেবী অর্থাৎ দীপ্তিমতী অতএব পরমসুন্দরী। অথবা তিনি কৃষ্ণারাধন-  
ক্রীড়ার নিবাসনগরী বলিয়াই তাঁহাকে দেবী বলা হয়। তিনি কৃষ্ণময়ী, কৃষ্ণ  
তাঁহার অন্তরে ও বাহিরে বিরাজ করেন। যেখানে যেখানে তাঁহার নেত্র পড়ে,  
সেইখানে সেইখানেই কৃষ্ণমূর্তি স্ফুরিত হইয়া থাকেন। অথবা শ্রীকৃষ্ণ প্রেমরসময়,  
তিনিও প্রেমরসময়ী কৃষ্ণশক্তি, অতএব কৃষ্ণাভিগ্না, এই নিমিত্তই তাঁহাকে কৃষ্ণময়ী  
বলা হয়। শ্রীকৃষ্ণের বাহ্যাপূরণই তাঁহার আরাধনা বলিয়া তাঁহার নাম রাধিকা।  
তিনি পরমদেবতা। তিনি লক্ষ্মীবর্গের অধিষ্ঠান; তিনি সর্বৈশ্বর্যের অধিষ্ঠাত্রী।  
তিনি সর্বসৌন্দর্যের মূলাশ্রয়; তিনি শ্রীকৃষ্ণের সর্ববাহ্যের আশ্রয়, অর্থাৎ  
সর্ববাহ্যাপূরণসমর্থা। তিনি জগন্মোহন শ্রীকৃষ্ণেরও মোহিনী। অতএব শ্রীরাধিকাই  
সকলের পরা ঠাকুরাণী। রাধা পূর্ণশক্তি, শ্রীকৃষ্ণ পূর্ণ শক্তিমান্। শ্রীরাধা ও  
শ্রীকৃষ্ণ পরস্পর অভিন্ন। অগ্নি ও অগ্নিশিখার যেরূপ ভেদ নাই, মৃগমদ ও উহার  
গন্ধে যেরূপ ভেদ নাই, তদ্রূপ শ্রীরাধা ও শ্রীকৃষ্ণে ভেদ নাই। শ্রীরাধা ও শ্রীকৃষ্ণ  
একাত্মা, লীলারস আন্বাদনের নিমিত্ত রূপভেদমাত্র। শ্রীকৃষ্ণের শ্রীবিগ্রহ  
সচ্ছিদানন্দঘন। আনন্দাধিষ্ঠাত্রী মহাভাবস্বরূপিণী শ্রীরাধার দেহ শ্রীকৃষ্ণপ্রেমময়  
ও তাদৃশ প্রেম দ্বারা বিভাবিত। শ্রীকৃষ্ণের স্নেহই শ্রীরাধার সুগন্ধি উর্ধ্বর্জন।  
উক্ত উর্ধ্বর্জন দ্বারাই তাঁহার দেহ সুগন্ধ ও উজ্জ্বল হয়। তাঁহার কারুণ্যামৃত  
দ্বারা প্রাতঃস্নান, তারুণ্যামৃত দ্বারা মধ্যাহ্নস্নান এবং লাবণ্যামৃত দ্বারা সায়াক্ষ্মান  
বিহিত হয়, অর্থাৎ তাঁহার দেহ করুণা, যৌবন ও সৌন্দর্যের মূলাশ্রয়। লজ্জা  
তাঁহার শ্রামবসন। কৃষ্ণানুরাগ তাঁহার রক্তবর্ণ উত্তরীয়। প্রণয়মান তাঁহার

কঙ্কালিকা। সৌন্দর্যরূপ কুসুম, সখীপ্রণয়রূপ চন্দন ও স্মিতকাস্তিরূপ কপূর তাঁহার অঙ্গের বিলেপন। শ্রীকৃষ্ণের উজ্জলরস যুগমদ, প্রচ্ছন্নমানরূপ বাম্য কেশ-বিভ্রাস, ধীরাধীরাশ্বরূপ গুণ-অঙ্গের পটবাস অর্থাৎ সুগন্ধি চূর্ণ, রাগ তাড়ুলরাগ, প্রেমকৌটিল্য নয়নযুগলের কজ্জল, সুদীপ্ত অষ্ট সাস্তিক ভাব, হর্ষাদি ত্রয়ত্রিংশৎ সঞ্চারী বা ব্যভিচারী ভাব ও কিলকিঞ্চিতাদি বিংশতি অলঙ্কারই অঙ্গের অলঙ্কার। মধুরত্বাদি চতুর্বিধ গুণগ্রাম পুষ্পমালা, সৌভাগ্য তিলক, প্রেমবৈচিত্র্য হারের মধ্যমণি, মধ্যবয়স সখীর স্কন্ধে করবিভ্রাস, কৃষ্ণলীলামনোবৃত্তি সখী, নিজাক্সসৌরভ গৃহ এবং গর্ভ পর্য্যঙ্ক। শ্রীরাধিকা তাদৃশ গৃহে ও পর্য্যঙ্কে উপবিষ্ট হইয়া সদা কৃষ্ণসদ চিন্তা করিতেছেন। শ্রীকৃষ্ণের নাম, গুণ ও যশ তাঁহার কর্ণভূষণ। তাঁহার মুখে শ্রীকৃষ্ণের নাম গুণ ও যশের প্রবাহই বাক্যরূপে প্রবাহিত হয়। তিনি সদাই শ্রীকৃষ্ণকে মধুররসরূপ মধু পান করাইয়া শ্রীকৃষ্ণের বাঞ্ছা পূরণ করিতেছেন। তিনি শ্রীকৃষ্ণের বিশুদ্ধ প্রেমরত্নের আকর ও অনুপমগুণ দ্বারা পূর্ণকলেবর। সত্যভামাদি মহিষীগণ তাঁহার সৌভাগ্যগুণ বাঞ্ছা করেন, ব্রজরামাগণ তাঁহার নিকট কলাবিলাস শিক্ষা করেন, লক্ষ্মী ও পার্শ্বতী তাঁহার সৌন্দর্য্যাদিগুণ কামনা করেন, অরুন্ধতী তাঁহার পাতিব্রত্যাধর্ম্ম অভিলাষ করেন। স্বয়ং শ্রীকৃষ্ণই তাঁহার গুণগানের পার পান না, ছার জীব কি করিয়া সেই শ্রীরাধিকার গুণের ইয়ত্তা করিবে!”

প্রভু বলিলেন,—“প্রেমতত্ত্ব, শ্রীকৃষ্ণতত্ত্ব ও শ্রীরাধাতত্ত্ব জানিলাম। অতঃপর শ্রীকৃষ্ণের ও শ্রীরাধার বিলাসমহত্ত্ব শুনিতে ইচ্ছা করি।”

রামরায় বলিলেন,—“শ্রীকৃষ্ণ বিদগ্ধ, কেলিনিপুণ ও নিশ্চিন্ত ধীরললিতাখ্য নায়ক, নিরন্তর কামক্রীড়াই তাঁহার কার্য্য। তিনি রাত্রিদিন শ্রীরাধার সহিত কুঞ্জমধ্যে বিহার করিয়া থাকেন। এইপ্রকার ক্রীড়াতেই তাঁহার কৈশোর-বয়স সফল হয়।”

প্রভু বলিলেন,—“ইহাই শ্রীকৃষ্ণের প্রেমবিলাস সত্য; কিন্তু আরও যদি কিছু বলিবার থাকে বল।”

রাম রায় বলিলেন,—“ইহার পর আর বুদ্ধির গতি হয় না। উক্ত প্রেম-বিলাসের বিবর্ত্ত বলিয়া যে এক সামগ্রী আছে, তাহা শুনিয়া তোমার সুখ হইবে কি না জানি না; কারণ উহা শক্তি ও শক্তিমানের অধৈতভাব। ঐ ভাবেই তত্ত্বমস্তাদি বাক্যের বিশ্রাস্তি বলিয়া বোধ হয়।” এই কথা বলিয়া রামরায় স্বরচিত নিম্নলিখিত পদটি গান করিতে লাগিলেন।

“পহিলহি রাগ নয়নভঙ্গ ভেল ;

অহুদিন বাঢ়ল অবধি না গেল।

না সো রমণ না হাম রমণী ;  
 হুঁহু মন মনোভব পেষল জানি ।  
 এ সখি, সে সব প্রেমকাহিনী ;  
 কাহুঠামে কহবি বিছুরল জানি ।  
 না খোজলুঁ দূতী না খোজলুঁ আন ;  
 হুঁহুকে মিলনে মধত পাঁচবাণ ।  
 অব সোই বিরাগ তুঁহু ভেলি দূতী ;  
 সুপুরুথ প্রেমক ঐছন রীতি !”

প্রেমবিলাসশব্দের অর্থ প্রেমবৈচিত্র্য বা প্রেমের বহির্বিলাস। বিবর্ত শব্দের অর্থ সমবায়িকারণের বিসদৃশকার্যোৎপত্তি বা অন্তথাখ্যাতি (১)। অতএব প্রেমবিলাসবিবর্ত(২) শব্দের অর্থ প্রেমের, বহির্বিলাসের পুনর্কার অন্তমুখতা। প্রেম প্রথমতঃ বহির্বিলাসে স্ত্রী-পুরুষ-ভেদভাবে প্রকাশিত হইয়া পুনর্কার অন্ত-মুখতার তত্ত্বের পরৈক্যপ্রতিপাদক হইয়ন। প্রেম স্বরূপে অবস্থিত হইয়া যখন বিপ্রলভে বিরাগাভাসরূপে প্রতীয়মান হইয়ন, তখন আদৌ ভিন্নভাবে প্রকাশিত শক্তি ও শক্তিমান আবার অভিন্ন ভাবেই প্রকাশ পাইয়া থাকেন। প্রেমের যে অবস্থায় এই প্রকার বৈপরীত্য ঘটে, সেই অবস্থাকেই প্রেমবিলাসবিবর্ত বলা যায়।

শ্রীমতী বলিতেছেন,—প্রথমতঃ নয়নভঙ্গী দ্বারা অমুরাগ প্রকাশিত হইয়া উত্তরোত্তর পরিপাকে ভাবের পরাকাষ্ঠা মহাভাবে পরিণত হইল। তদবস্থায় আর স্ত্রীপুরুষভেদভাব রহিল না। কাম উভয়ের মন পেষণ করিয়া একীভূত করিল। সখি, সেই সকল প্রেমকাহিনী শ্রীকৃষ্ণের নিকট বলিবে, বোধ হয়, তিনি বিস্মৃত হইয়াছেন। আমাদের রাগাবস্থায় সাহায্যার্থ দূতী অথবা অন্ত কাহাকেও অন্বেষণ করিতে হয় নাই, পঞ্চবাণই মধ্যস্থ হইয়া উভয়ের মিলন

(১) যে কারণদ্রব্যের উপর সমবায়সম্বন্ধে কার্য্য থাকে তাহাকে সমবায়িকারণ বলে। যেমন ঘটের পক্ষে কপাল।

যে বস্তুতে যাহা নাই তাহাকে তদ্বিশিষ্ট বলিয়া বোধকরাকে অন্তথাখ্যাতি বলে। যেমন রক্ততত্ত্বাবিশিষ্টশুক্লিতে রক্ততত্ত্ববিশিষ্টরক্তের জ্ঞানকে অন্তথাখ্যাতি বলিয়া থাকে। তार्কিকগণ অন্তথাখ্যাতিবাদী।

(২) যে বস্তু যাহা সে তদ্রূপে বিদ্যমান থাকিয়া অন্তরূপে প্রতীয়মান হইলে তাহাকে বিবর্ত বলে। প্রকৃতস্থলে শক্তি ও শক্তিমান ভিন্নরূপে বিদ্যমান থাকিয়া প্রেমের যে অবস্থায় অভিন্নভাবেই প্রকাশ পাইয়া থাকেন তাহাকে প্রেমবিলাস বিবর্ত বলে।

ঘটাইয়াছিল। অবশেষে শ্রীকৃষ্ণের বিরাগাবস্থায় তোমাকে দূতী হইতে হইল। সুপুরুষের প্রেমের রীতি এইরূপই বটে।

প্রভু প্রেমাবেশে হস্তদ্বারা রামানন্দরায়ের মুখাচ্ছাদনপূর্বক বলিলেন,—  
“সাধ্যবস্তুর ইহাই অবধি বটে। আমি তোমার প্রসাদে প্রেমবিলাসবিবর্তকেই সাধ্যবস্তুর অবধি বলিয়া জানিলাম। কিন্তু সাধনব্যতিরেকে সাধ্যবস্তুর লাভ হয় না, অতএব তাদৃশ সাধ্যবস্তুর লাভের উপায় যাহা, তাহাই বল।”

রামরায় বলিলেন,—“তুমি আমাকে যাহা বলাইতেছ, আমি তাহাই বলিতেছি। ভাল বলিতেছি কি মন্দ বলিতেছি, তাহা জানি না। ত্রিভুবনমধ্যে এমন কে ধীর আছে, যিনি তোমার মাগানটে স্থির থাকিবেন? তুমিই বক্তা হইয়া আমার মুখ দিয়া বলিতেছ এবং তুমিই আবার শ্রোতা হইয়া শুনিতেছ। সাধনের রহস্য অতি গূঢ়। শ্রীরাধাকৃষ্ণের গূঢ়তর লীলা দাস্ত-বাৎসল্যাদি ভাবের অগম্য। কেবল সখীগণেরই এই লীলার অধিকার দেখা যায়। সখীগণ হইতেই এই লীলার বিস্তার হয়। সখীবিলা এই লীলা পুষ্ট হয় না(১)। সখীগণই লীলা বিস্তার করিয়া সখীগণই আন্বাদন করিয়া থাকেন। সখী বিলা অস্ত্রের এই লীলার প্রবেশই হয় না। যিনি সখীভাবে সখীর অনুগত হইয়া ভজন করেন, তিনিই শ্রীরাধাকৃষ্ণের কৃষ্ণসেবারূপ সাধ্যবস্তু লাভ করিয়া থাকেন। উক্ত সাধ্যবস্তুর লাভের উপায়ান্তর নাই। সখীগণের এক অকথ্য স্বভাব এই যে, তাঁহাদিগের শ্রীকৃষ্ণের সহিত নিজ লীলার মন নাই। তাঁহারা শ্রীকৃষ্ণের সহিত শ্রীরাধিকার লীলা করাইয়া যে সুখ লাভ করেন, তাহা নিজ লীলার সুখ হইতে কোটিগুণ অধিক। শ্রীরাধা শ্রীকৃষ্ণপ্রেমকল্পলতাস্বরূপা। সখীগণ ঐ শ্রীরাধারূপা প্রেমকল্পলতার পল্লব, পুষ্প ও পাতা; অতএব শ্রীকৃষ্ণলীলামৃতদ্বারা যদি ঐ লতাকে সেচন করা হয়, তবে পল্লবদিগের নিজ-সেচন হইতে কোটিগুণ সুখ হইয়া থাকে।(২)

(১) “বিভূবতিসুখরূপঃ স্বপ্রকাশোহপি ভাবঃ  
ক্লমপি নহি রাধাকৃষ্ণয়োৰ্থা ঋতে স্বাঃ ।  
প্রবহতি রসপুষ্টিং চিদ্বিভূতীরিবেশঃ  
শ্রয়তি ন পদমাশাং কঃ সখীনাং রসজ্ঞঃ ॥” গোবিন্দলীলাম্ । ১০।১৭

(২) “সখ্যাঃ শ্রীরাধিকায়্য ব্রজকুমুদবিধোহ্লাদি নীনাশক্রেঃ  
সারাংশপ্রেমবল্ল্যাঃ কিসলয়দলপুষ্পাদিতুল্যাঃ স্বতুল্যাঃ ।  
সিক্তায়াং কৃষ্ণলীলামৃতরসনিচরৈরুপসস্ত্যামমুখ্যাং  
জাতোন্মাদাঃ স্বসেবাচ্ছতগুণমধিকং সন্তি যন্তন্নচিত্রম্ ॥

যদিও সখীগণের কৃষ্ণসঙ্গমে মন নাই, তথাপি শ্রীরাধিকা সখীগণের সহিত শ্রীকৃষ্ণের সঙ্গম করাইয়া থাকেন। তিনি নানা ছলে শ্রীকৃষ্ণকে প্রেরণ করিয়া সখীগণের সহিত সঙ্গম করাইয়া থাকেন এবং তাহাতে নিজসঙ্গম হইতে কোটিগুণ সুখ বোধ করেন। এইরূপ পরস্পর বিশুদ্ধ প্রেমে রসের পোষণ হয়। শ্রীকৃষ্ণ তাঁহাদিগের তাদৃশ প্রেম দেখিয়া তুষ্ট হইলেন। আপনা হইতে পরিবারে, পরিবার হইতে প্রতিবেশিমণ্ডলে, প্রতিবেশিমণ্ডল হইতে গ্রামে, গ্রাম হইতে দেশে, দেশ হইতে ভূমণ্ডলে প্রসৃত হইলে, প্রাকৃতপ্রেমও পূজ্য হইয়া থাকে! ভগবৎপ্রেমও শাস্ত হইতে দাস্তে, দাস্ত হইতে সখ্যে, সখ্য হইতে বাৎসল্যে ও বাৎসল্য হইতে কাস্তাতাবে প্রসৃত হইয়া পূজ্য হইয়া থাকেন। বৈষয়িক প্রেমের স্তায় ভগবৎপ্রেমেরও বিষয় ও আশ্রয়ের মহত্ব অনুসারেই পূজ্যত্ব জানিতে হইবে। গোপীপ্রেমে সেই মহত্ব সীমাস্ত প্রাপ্ত হইয়াছে। মহত্বের, সীমাস্তপ্রাপ্ত গোপীপ্রেম স্বভাবতঃ অপ্রাকৃত। অপ্রাকৃত হইলেও প্রাকৃত কামক্রীড়ার সহিত সাম্যবশতই গোপীপ্রেমকে কাম বলা হয়। বস্তুতঃ কামের নিজেঙ্গিয়সুখেই তাৎপর্য, আর গোপীপ্রেমের কৃষ্ণেঙ্গিয়সুখেই তাৎপর্য। গোপীদিগের নিজেঙ্গিয়সুখে বাহ্য দৃষ্ট হয় না। তাঁহারা শ্রীকৃষ্ণের সুখের নিমিত্তই তাঁহার সহিত বিহার করিয়া থাকেন। ঈদৃশ গোপীভাবামৃতে যাঁহার লাভ হয়, তিনি লোকধর্ম ও বেদধর্ম ত্যাগ করিয়া শ্রীকৃষ্ণকে ভজন করিয়া থাকেন। যিনি রাগানুগামার্গে শ্রীকৃষ্ণের ভজন করেন, তিনিই ব্রজে ব্রজেন্দ্রনন্দন শ্রীকৃষ্ণকে প্রাপ্ত হইলেন। ব্রজলোকের কোন একটি ভাব লইয়া ভজনই রাগানুগামার্গের ভজন। এই প্রকার ভজনকারী ব্যক্তিই অস্তে ভাবযোগ্য দেহ লাভ করিয়া ব্রজে ব্রজেন্দ্রনন্দন শ্রীকৃষ্ণকে প্রাপ্ত হইয়া থাকেন। ঋতিচরী দেবীগণই ইহার প্রমাণ। ঋতিচরী দেবীগণ রাগানুগামার্গে ভজন করিয়া ভাবযোগ্য গোপীদেহ পাইয়া ব্রজে ব্রজেন্দ্রনন্দন শ্রীকৃষ্ণকে লাভ করিয়াছিলেন।”

শ্রীমদ্ভাগবতের ঋত্যধ্যায়ে উক্ত হইয়াছে,—

“নিভৃতমরুন্ননোহক্ষদুচ্যোগযুজো হৃদি ঘন-

মুন্য় উপাসতে তদরয়োহপি যযুঃ স্মরণাৎ ।

স্তিয় উরগেজ্জতোগভুজদণ্ডবিবক্তধিয়ো

বয়মপি তে সমাঃ সমদৃশোহজিষ্য সুরোজমুখাঃ ॥”(১) ভা ১০।৮৭।২৩

(১) প্রাণ, মন ও ইঞ্জিয়সকল বশীকারপূর্বক স্থিরযোগযুক্ত মূনিগণ বিশুদ্ধ



“বিধিমাগে ভজন করিয়া ব্রজে ব্রজেন্দ্রনন্দনকে লাভ করা যায় না। অতএব, যিনি গোপীভাব অঙ্গীকারপূর্বক রাত্রিদিন শ্রীরাধাকৃষ্ণের বিহার চিন্তা করেন, যিনি নিজের সিদ্ধদেহ ভাবনানন্তর ঐ দেহে অবস্থিত হইয়া শ্রীরাধাকৃষ্ণের সেবা করেন, তিনিই সখীভাবে শ্রীরাধাকৃষ্ণের চরণ লাভ করিয়া থাকেন। গোপীর অনুগতি ব্যতিরেকে কেবল ঐশ্বর্যজ্ঞানে ভজন করিলে ব্রজে ব্রজেন্দ্রনন্দন শ্রীকৃষ্ণকে লাভ করা যায় না। স্বয়ং লক্ষ্মীদেবী তাহার দৃষ্টান্ত। লক্ষ্মীদেবী ঐশ্বর্যজ্ঞানে ভজন করিয়াও গোপীর অনুগতি ব্যতিরেকে ব্রজেন্দ্রনন্দনকে লাভ করিতে পারিলেন না।”

রাম রায়ের কথা শুনিয়া প্রভু সন্তুষ্ট হইয়া তাঁহাকে আলিঙ্গন দিলেন। দুই-জনে গলাগলি করিয়া কাঁদিতে লাগিলেন। এই প্রকার প্রেমাবেশে সমস্ত রাত্রি কাটিয়া গেল। প্রাতঃকালে উভয়েই নিজ নিজ কার্যে গমন কবিবার ইচ্ছা করিলেন। যাইবার সময় রামানন্দ রায় প্রভুর চরণে ধরিয়া সবিনয়ে বলিলেন,— “প্রভো, যদি শুভাগমন হইয়াছে, তবে দিন দশ থাকিয়া আমার দুই মনকে শুদ্ধ কর। তুমি ভিন্ন আর জীবের উদ্ধারকর্তা নাই। তুমি ভিন্ন আর কেহই কৃষ্ণপ্রেম দান করিতে সমর্থ নহে।” প্রভু বলিলেন,— “আমি তোমার গুণ শুনিয়াই এখানে আসিয়াছি। কৃষ্ণকথা শুনিয়া মন শুদ্ধ করিব ইহাই আমার অভিলাষ। যেমন শুনিয়াছিলাম, তেমনি তোমার মহিমা দেখিলাম। শ্রীরাধাকৃষ্ণের প্রেমরসজ্ঞানের তুমিই অবধি। দশদিনের কথা কি, আমি যতদিন জীবনধারণ করিব, তোমার সঙ্গ ত্যাগ করিতে পারিব না। নীলাচলে তুমি ও আমি একত্র বাস করিব। কৃষ্ণকথারঙ্গে আমাদিগের কালযাপন হইবে।” এই কথার পর উভয়েই নিজ নিজ কার্যে গমন করিলেন।

সন্ধ্যার পর পুনর্বার উভয়ের মিলন হইল। নির্জনে পরস্পর প্রশ্নোত্তরচ্ছলে

চিন্তে যে ব্রহ্মস্বরূপ ( কৈবল্য ) উপাসনা করেন ( আকাঙ্ক্ষা করেন ) সেই বস্তু আপনাতে শক্রতাবাপন্ন ব্যক্তিগণ ( কংসাদি ) ( সর্বদা অনিষ্টাশঙ্কায় ) তীব্র ভাবে স্মরণ করিয়া প্রাপ্ত হইয়াছিলেন। সর্পরাজদেহসদৃশ ( সূশীতল ) ভবদীয় ভূজদণ্ডের মধ্যে আসক্তবুদ্ধি ব্রহ্মদেবীগণ হৃদয়ে ঘেরূপ ভবদীয় পাদপদ্মসুধা ( স্পর্শসুখ ) অনুভব করিয়া থাকেন তদ্রূপ আমরা শ্রুতিগণও শ্রীবৃন্দাবনে রাগানুগামার্গে ভজন দ্বারা গোপীত্বপ্রাপ্তিহেতু নিত্যসিদ্ধপ্রোয়সীগণের সদৃশ ( তদ্ভাবানুগতভাবে প্রাপ্ত হইয়া ) আপনার শ্রীচরণ যুগলের ভজন করিয়া থাকি ॥

আলাপ করিতে প্রবৃত্ত হইলেন। উক্ত প্রশ্নোত্তরের সার সঙ্ক্ষেপে নিম্নে প্রদর্শিত হইল।

প্রভু প্রশ্ন করিলেন, “কোন্ বিদ্যা বিদ্যার সার?”

রামরায় উত্তর করিলেন, “কৃষ্ণভক্তিই সর্ববিদ্যার সার।”

প্রশ্ন।—“জীবের কোন্ কীর্তি শ্রেষ্ঠ?”

উত্তর।—“কৃষ্ণপ্রেমভক্তবলিয়া খ্যাতিই শ্রেষ্ঠ কীর্তি।”

প্রশ্ন।—“সম্পত্তির মধ্যে কোন্ সম্পত্তি শ্রেষ্ঠ?”

উত্তর।—“রাধাকৃষ্ণপ্রেমসম্পত্তিই শ্রেষ্ঠ সম্পত্তি।”

প্রশ্ন।—“দুঃখের মধ্যে কোন্ দুঃখ গুরুতর?”

উত্তর।—“কৃষ্ণভক্তিবিরহই গুরুতর দুঃখ।”

প্রশ্ন।—“মুক্তের মধ্যে শ্রেষ্ঠ কে?”

উত্তর।—“কৃষ্ণপ্রেমভক্তই মুক্তশ্রেষ্ঠ।”

প্রশ্ন।—“গানের মধ্যে কোন্ গান শ্রেষ্ঠ?”

উত্তর।—“রাধাকৃষ্ণের প্রেমকেলিবিষয়ক গানই শ্রেষ্ঠ গান।”

প্রশ্ন।—“শ্রেয়ামধ্যে কোন্ শ্রেয়ঃ প্রধান?”

উত্তর।—“কৃষ্ণভক্তের সঙ্গই জীবের প্রধান শ্রেয়ঃ।

প্রশ্ন।—“স্বরণের মধ্যে কোন্ স্বরণ উৎকৃষ্ট?”

উত্তর।—“কৃষ্ণ-নাম-গুণ-লীলার স্বরণই উৎকৃষ্ট স্বরণ।”

প্রশ্ন।—“ধ্যানের মধ্যে কোন্ ধ্যান উত্তম?”

উত্তর।—“রাধাকৃষ্ণের পাদপদ্মধ্যানই উত্তম ধ্যান।”

প্রশ্ন।—“বাসস্থানের মধ্যে কোন্ বাসস্থান উৎকৃষ্ট?”

উত্তর।—“শ্রীবৃন্দাবন।”

প্রশ্ন।—“শ্রোতব্যের শ্রেষ্ঠ কি?”

উত্তর।—“রাধাকৃষ্ণের প্রেমলীলাই শ্রেষ্ঠ শ্রোতব্য।”

প্রশ্ন।—“উপাস্ত্রের মধ্যে প্রধান কি?”

উত্তর।—“ঘুগল রাধাকৃষ্ণ নামই প্রধান উপাস্ত্র।”

প্রশ্ন।—“মুমুকুর গতি কীদৃশী?”

উত্তর।—“স্ঠাবরসদৃশী।”

প্রশ্ন।—“ভক্তীচুর গতি কীদৃশী?”

উত্তর।—দেবসদৃশী। অরসক্ত কাক যেমন নিষফল আবাদন করে, হতভাগ্য

জ্ঞানীও তেমনি শুধু জ্ঞানের আলোচনা করিয়া থাকে। যিনি ভাগ্যবান, তিনিই কৃষ্ণপ্রেমামৃত আন্বাদন করেন।” এইরূপে প্রশ্নোত্তরগোষ্ঠীতে রাত্রি অতিবাহিত করিয়া প্রভাতে উভয়েই নিজ নিজ কৰ্ম্মাস্তরে নিযুক্ত হইলেন।

সন্ধ্যার পর আবার দুইজনে মিলিলেন। কিয়ৎক্ষণ আলাপের পর রামানন্দ রায় প্রভুর চরণধারণপূর্বক বলিলেন,—“প্রভো, নারায়ণ যেমন ব্রহ্মাকে বেদ অধ্যয়ন করান, আপনিও তেমনি আমার অস্তরে শ্রীকৃষ্ণতত্ত্ব, শ্রীরাধাতত্ত্ব, প্রেমতত্ত্ব, রসতত্ত্ব ও লীলাতত্ত্ব প্রভৃতি বিবিধবিষয় প্রকাশ করিলেন। অস্তুর্যামী ভগবানের উপদেশ দিবার রীতিই এই, বাহিরে কিছু না বলিয়া হৃদয়েই বস্তু প্রকাশ করেন।” এখন আমার একটি ঘোরতর সংশয় দূর করুন। প্রথমে আপনাকে সন্ন্যাসিরূপেই দর্শন করিয়াছিলাম। সম্প্রতি শ্রামসুন্দর গোপরূপ দেখিতেছি। আরও একটি অদ্ভুত দেখিতেছি এই যে, আপনার সম্মুখে একটি সুবর্ণপ্রতিমা এবং ঐ প্রতিমার অঙ্গকাস্তি দ্বারা আপনার ঐ শ্রামরূপ আচ্ছাদিত। এইপ্রকার দর্শন করিয়া আমার চিত্ত ঘোরতর সংশয়াকুল হইতেছে। আপনি অকপটে উহার কারণ বিবৃত করিয়া আমার সংশয় নিরাকরণ করুন।”

প্রভু বলিলেন, “তুমি মহাভাগবত, তোমার প্রেমও প্রগাঢ়। প্রগাঢ়-প্রেম-সমন্বিত মহাভাগবতসকল স্থাবর ও জঙ্গম সর্বত্রই, শ্রীকৃষ্ণশ্রুতি হওয়ায়, ইষ্টদেবকে দর্শন করিয়া থাকেন। শ্রীরাধাকৃষ্ণে তোমার প্রগাঢ় প্রেমবশতঃ আমাকেও তদ্রূপেই দেখিতেছ।”

রাম রায় বলিলেন,—“প্রভো, যদি কৃপা করিয়া অধমকে দর্শন দিলেন, তবে আর বঞ্চনা করিবেন না।” প্রভু ঈষৎ হাসিয়া রামরায়কে নিজস্বরূপ অনুভব করাইলেন। রামরায় দেখিলেন, রসরাজশ্রীকৃষ্ণ ও মহাভাবস্বরূপিণী শ্রীমতী রাধিকা উভয়ে একীভূত হইয়া শ্রীশ্রীগৌরসুন্দর হইয়াছেন। দেখিগাই রামরায় মূর্ছিত হইয়া পড়িলেন। প্রভু শ্রীকরম্পর্শদ্বারা তাঁহাকে চেতন করাইয়া বলিলেন,—

“তোমা বিনা এইরূপ না দেখে কোনজন ॥

মোর তত্ত্ব লীলারস তোমার গোচরে ।

অতএব এইরূপ দেখাইল তোমারে ॥

গৌর দেহ নহে মোর রাধাকম্পর্শন ।

গোপেন্দ্রসুত বিনা তেঁহো না স্পর্শে অন্ত জন ॥

তঁার ভাবে ভাবিত আমি করি আত্মমন ।  
 তবে নিজ মাধুর্য্যরস করি আশ্বাদন ॥  
 তোমার ঠাঞি আমার কিছু গুপ্ত নাহি কস্ম ।  
 লুকাইলে প্রেমবলে জান সৰ্ব্বমস্ম ॥  
 গুপ্তে রাখিহ কথা না করিহ প্রকাশ ।  
 আমার বাউল ( বাতুল ) চেষ্টা লোকে উপহাস ॥  
 আমি এক বাউল ( বাতুল ) তুমি দ্বিতীয় বাউল ( বাতুল ) ।  
 অতএব তোমায় আমায় সব সমতুল ॥”

এই রাত্রিই এই ভাবেই অতিবাহিত হইল । এই প্রকারে ক্রমান্বয়ে নয় রাত্রি অতিবাহিত হইলে, দশম রাত্রিতে প্রভু রামানন্দ রায়ের নিকট বিদায় প্রার্থনা করিলেন । রামানন্দ রায় বিদ্যায়ের কথা শুনিয়া কাতরভাবাপন্ন হইলেন । প্রভু তাঁহাকে নিতান্ত কাতর দেখিয়া বলিলেন,—“রায়, তুমি বিষয়-সম্বন্ধ ত্যাগ করিয়া নীলাচলে যাইবার উদ্যোগ কর । আমিও তীর্থভ্রমণ করিয়া সত্বর প্রত্যাগমন করিতেছি । সেই স্থানেই উভয়ে কৃষ্ণকথারস্ত্রে সুখে কাল-যাপন করিল ।” এই কথা বলিয়া মহাপ্রভু রাম রায়কে বিদায় দিয়া শয়ন করিলেন । প্রাতঃকালে উঠিয়া সম্মুখে হনুমানকে দেখিয়া নমস্কার পূর্বক যাত্রা করিলেন ।

### সেভুবন্ধ যাত্রা ।

প্রভু আপনমনে কৃষ্ণনাম লইতে লইতে গমন করিতে লাগিলেন । পথে যিনি একবার প্রভুকে দর্শন করিলেন, তিনিই বৈষ্ণব হইলেন । তাঁহার সংসর্গে অপর শত শত লোক বৈষ্ণব হইতে লাগিলেন । দক্ষিণদেশে নানা শ্রেণীর লোকের বাস । উহাদের মধ্যে কেহ কস্মী, কেহ জ্ঞানী, কেহ বা পাষণ্ডী । কিন্তু যিনি একবার প্রভুর দর্শন পাইলেন, তিনিই নিজ মত পরিত্যাগ করিয়া শ্রীকৃষ্ণভক্ত হইলেন । আবার কৈষ্ণবের মধ্যে শ্রীরামোপাসক অথবা তত্ত্ববাদী বৈষ্ণব সকলও প্রভুর দর্শনপ্রভাবে শ্রীকৃষ্ণোপাসক হইয়া শ্রীকৃষ্ণনাম গ্রহণ করিতে লাগিলেন ।

প্রভু যাইতে যাইতে পথিমধ্যে কৃষ্ণানদী প্রাপ্ত হইয়া উহাতে স্নান করিলেন । পরে মল্লিকার্জুন তীর্থে যাইয়া মহেশ্বর দর্শন করিলেন । তদনন্তর অহোবল নামক

নৃসিংহের স্থানে যাইয়া শ্রীনৃসিংহ দর্শন করিলেন। নৃসিংহস্থান হইতে সিদ্ধবটে যাইয়া সীতাপতিকে দর্শন করিলেন। ঐ সিদ্ধবটে এক রঘুনাথোপাসকের সহিত প্রভুর সাক্ষাৎ হইল। তিনি প্রভুকে নিমন্ত্রণ করিলেন। প্রভু ঐ রঘুনাথোপাসকের গৃহে ভিক্ষা ও তাঁহাকে কৃপা করিয়া স্কন্দক্ষেত্রে যাইয়া স্কন্দকে দর্শন করিলেন। স্কন্দক্ষেত্র হইতে ত্রিমঠে যাইয়া ত্রিবিক্রম দর্শন করিলেন। ত্রিবিক্রম দর্শন করিয়া পুনশ্চ সিদ্ধবটে আগমন করিলেন। এবারও পূর্বোক্ত রঘুনাথোপাসকের সহিত সাক্ষাৎ হইল, এবং তাঁহারই গৃহে ভিক্ষা করিলেন। প্রভু দেখিলেন, সেই রঘুনাথোপাসক নিজ অভ্যাস্ত রামনাম না করিয়া নিরন্তর কৃষ্ণনাম লইতেছেন। তদর্শনে প্রভু তাঁহাকে জিজ্ঞাসা করিলেন, “বিপ্রবর, অতিশয় আশ্চর্য্য দেখিতেছি, তুমি পূর্বে নিরন্তর রামনাম গ্রহণ করিতে, এখন দেখিতেছি, তৎপরিবর্তে নিরন্তর কৃষ্ণনাম গ্রহণ করিতেছ, ইহার কারণ কি বল ?” রঘুনাথোপাসক বলিলেন, “তোমার দর্শনপ্রভাবেই আমার এইপ্রকার ভাবান্তর ঘটয়াছে। বাল্যাবধি আমার রামনামগ্রহণই স্বভাব। বিশেষতঃ শ্রীরামচন্দ্র আমার ইষ্টদেব। অতএব আমি রামনাম লইয়া বিশেষ স্মৃথ পাইতাম। নামমাহাত্ম্যাসূচক শাস্ত্র সকল অনুসন্ধান করাও আমার অভ্যাস ছিল। ঐ সকল শাস্ত্র অনুসন্ধান করিয়া জানিয়াছিলাম, রামশব্দেও পরব্রহ্মকে বুঝায় এবং কৃষ্ণশব্দেও পরব্রহ্মকেই বুঝায়। অথচ শাস্ত্রে কিঞ্চিৎ বিশেষ দেখা যায় যে, একবার রামনাম উচ্চারণ করিলে, সহস্রনাম পাঠের ফল হয়, আর একবার কৃষ্ণনাম উচ্চারণ করিলে, তিনবার সহস্রনাম পাঠের ফল হয়। এইরূপে কৃষ্ণনামের মহিমাধিক্য হইলেও, আমি অভ্যাস বশতঃ রামনামই জপ করিতাম। তোমার দর্শনাবধি আমার কৃষ্ণনাম স্মৃতি হইয়াছে। তদবধি কৃষ্ণনামের মহিমাও আমার হৃদয়ে জাগরুক হইয়াছে। আমি বুঝিয়াছি, তুমিই সেই শ্রীকৃষ্ণ।” এই কথা বলিয়াই বিপ্র প্রভুর চরণতলে পতিত হইলেন। প্রভু তাঁহাকে কৃতার্থ করিয়া বৃদ্ধকাশীতে গমন ও শিবদর্শন করিলেন।

বৃদ্ধকাশীর বর্তমান নাম পুছবেলি গোপুরম্। এইটি বৌদ্ধদিগের স্থান। বৌদ্ধগণ প্রভুর বৈষ্ণবতার প্রভাব দেখিয়া ঈর্ষান্বিত হইয়া তাঁহাকে আপনাদিগের নববিধানে আনয়ন করিবার নিমিত্ত অনেক প্রয়াস পাইলেন। তাঁহারা আপনাদিগের মতের শ্রেষ্ঠত্ব দেখাইবার নিমিত্ত প্রভুর সহিত অনেক তর্ক, অনেক বাদবিতণ্ডা করিলেন। প্রভু তর্ক দ্বারাই তাঁহাদিগের মত খণ্ডন করিয়া গর্ভও ধ্বংস করিয়া দিলেন। বৌদ্ধগণ তর্কে পরাস্ত হইয়া শেষে কি এক কুমন্ত্রণা

করিয়া একপাত্র অপবিত্র অন্ন বিষ্ণুপ্রসাদ বলিয়া প্রভুর নিকট প্রেরণ করিলেন। শ্রীভগবানের কি লীলা, অকস্মাৎ কোথা হইতে এক বৃহৎকায় পক্ষী আসিয়া পাত্রসমেত অন্ন লইয়া গেল। ঐ অন্ন আকাশ হইতে বৌদ্ধসমাজের মস্তকোপরি পতিত হইতে লাগিল। আর অন্নপাত্রটি বৌদ্ধাচার্যের মস্তকে পতিত হইল। পাত্রের পতনে বৌদ্ধাচার্যের মাথা কাটিয়া গেল এবং তিনি মূচ্ছিত হইয়া ভূমিতলে পতিত হইলেন। শিষ্যগণ তদর্শনে হাহাকার করিয়া উঠিল। অবশেষে সকলে পরামর্শ করিয়া অপরাধক্ষমাপনার্থ প্রভুর শরণাগত হইল। প্রভু বলিলেন, “উচ্চস্বরে কৃষ্ণনাম শ্রবণ করাইলেই তোমাদিগের আচার্য্য চৈতন্য লাভ করিবেন।” তদনুসারে বৌদ্ধাচার্যের শিষ্যগণ গুরুর কর্ণে কৃষ্ণনাম শুনাইতে লাগিলেন। নাম শুনিতে শুনিতে বৌদ্ধাচার্য্য কৃষ্ণ রাম হরি বলিতে বলিতে উঠিয়া বসিলেন। এইরূপে বৌদ্ধাচার্য্য প্রভুর কৃপায় বৈষ্ণব হইলেন। প্রভু বৌদ্ধগণকে বৈষ্ণব করিয়া ঐ স্থান হইতে অন্তর্ধান করিলেন। আর কেহই তাঁহার দর্শন পাইল না। প্রভু বৌদ্ধস্থান হইতে অন্তর্ধানের পর পথে অনেকানেক নাস্তিক ও পাষণ্ডীকে তর্ক দ্বারা পরাজয়পূর্বক কৃপা করিতে করিতে দক্ষিণাভিমুখে গমন করিতে লাগিলেন।

তদনন্তর প্রভু বর্তমান উত্তরআর্কট জেলার অন্তর্গত ত্রিপদী নামক স্থানে যাইয়া শ্রীরামচন্দ্রকে দর্শন করিলেন। ঐ স্থান হইতে ছয় মাইল পূর্বে শেঘাচল নামক পর্বতের উপর রালাজীকে দর্শন করিলেন। ঐ শেঘাচলই ত্রিমল্ল। প্রভু ত্রিমল্ল হইতে পানানুসিংহ নামক স্থানে যাইয়া নৃসিংহদেবকে দর্শন করিলেন। পরে কাঞ্চীপুরীতে গমন করিলেন। কাঞ্চীপুরীর বর্তমান নাম কন্জীভরম্। কাঞ্চীপুরী দুইভাগে বিভক্ত। উত্তরভাগের নাম শিবকাঞ্চী এবং দক্ষিণভাগের নাম বিষ্ণুকাঞ্চী। প্রভু শিবকাঞ্চীতে শিব এবং বিষ্ণুকাঞ্চীতে লক্ষ্মীনারায়ণ দর্শন করিয়া ত্রিকালহস্তীতে ও পক্ষতীর্থে মহাদেব দর্শন করিলেন। পরে বৃদ্ধকাল তীর্থে শ্বেতবরাহ, পীতাম্বর শিব, শিয়ালী ভৈরবী দেবী, গোসমাজ শিব, অমৃতলিঙ্গ শিব, দেবস্থানে বিষ্ণু, কঙ্কোণমে কুম্ভকর্ণকপাল নামক সরোবর, শিবক্ষেত্রে শিব ও পাপনাশনে বিষ্ণুদর্শন করিয়া কাবেরীর তীরে উপনীত হইলেন। তিনি প্রথমতঃ কাবেরীকে স্নান ও পরে শ্রীরঙ্গক্ষেত্রে যাইয়া শ্রীরঙ্গনাথ দর্শন করিলেন। শ্রীরঙ্গক্ষেত্রের বর্তমান নাম শ্রীরঙ্গপত্তন। প্রভু ঐ স্থানে রঙ্গনাথ নামক বিষ্ণুকে দর্শন করিয়া প্রেমাবেশে অনেকক্ষণ নৃত্যগীত করিলেন। তাঁহার অদ্ভুত ভাবাবেশ দর্শন করিয়া তত্রত্য লোকসকল আশ্চর্য্য

বোধ করিতে লাগিলেন। পরে প্রভু কিঞ্চিৎ ধৈর্যধারণ করিলে, বেঙ্কটভট্ট নামক এক বিপ্র আসিয়া প্রভুকে নিমন্ত্রণ করিয়া নিজ গৃহে লইয়া গেলেন। বেঙ্কটভট্ট প্রভুকে গৃহে আনিয়া প্রথমতঃ তাঁহার পাদ প্রক্ষালন করিয়া দিয়া ঐ জল সবংশে গ্রহণ করিলেন। পরে তিনি প্রভুকে বিশেষ যত্ন সহকারে ভিক্ষা করাইলেন। ভট্ট প্রভুকে ভিক্ষা করাইয়া বলিলেন, “শ্রীপাদ, চাতুর্দশ্য উপাস্ত, অতএব এই চারিমাস এই স্থানে থাকিয়া এ দাসকে কৃতার্থ করুন। প্রভু চারিমাস বেঙ্কটভট্টের গৃহে রহিয়া গেলেন। প্রতিদিন কাবেরীতে স্নান, শ্রীরঙ্গনাথজীকে দর্শন, প্রেমাবেশে নর্তনকীর্তন ও বেঙ্কটভট্টের সহিত কৃষ্ণ-কথালোপে কালাতিপাত হইতে লাগিল। শ্রীরঙ্গক্ষেত্র রামানুজীয় বৈষ্ণবদিগের একটি প্রসিদ্ধ তীর্থ। নানাস্থান হইতে সমাগত লোকসকল প্রভুকে দর্শন করিয়া কৃতার্থ হইতে লাগিলেন। শ্রীরঙ্গক্ষেত্রবাসী এক এক বিপ্র এক এক দিন করিয়া প্রভুকে ভিক্ষা করাইতে লাগিলেন। এইরূপে চাতুর্দশ্য পূর্ণ হইল, অনেকেরই প্রভুকে ভিক্ষা করাইবার সুযোগলাভ হইল না। ঐ শ্রীরঙ্গক্ষেত্রের কোন এক দেবালয়ে এক বৈষ্ণব ব্রাহ্মণ প্রতিদিন গীতা পাঠ করিতেন। ব্রাহ্মণের সংস্কৃত ভাষায় বিশেষ অধিকার ছিল না, অতএব অশুদ্ধ পাঠ করিতেন। তাঁহার পাঠ অশুদ্ধ হইত বলিয়া অনেকেই তাঁহাকে উপহাস করিতেন। ব্রাহ্মণ কিন্তু কাহারও কথায় কর্ণপাত করিতেন না, আবিষ্টচিত্তে আপনমনে পাঠ করিয়া যাইতেন। পাঠকালে তাঁহার অশ্রু, কম্প ও পুলকাদির উদ্গম হইত। তদর্শনে এক দিবস প্রভু তাঁহাকে জিজ্ঞাসা করিলেন, “মহাশয়, কোন্ অর্থে আপনার এই প্রকার সুখবোধ হয়?” বিপ্র বলিলেন, “আমি মূর্থ, শব্দার্থ-জ্ঞান নাই বলিলেও অত্যাক্তি হয় না, শুদ্ধাশুদ্ধও বুঝি না, গুরুদেবের আজ্ঞানুসারে গীতা পাঠ করি মাত্র। তবে বলিতে কি, পাঠ আরম্ভ করিলেই অর্জুন-সারথির শ্রামসুন্দর মূর্তির স্মৃতি হয়, এবং তিনি যেন সখা অর্জুনকে হিতোপদেশ করিতেছেন এইরূপই মনে হয়। এই ভাবের উদয়েই আমার অদ্ভুত আনন্দাবেশ হইয়া থাকে।” প্রভু বলিলেন, “আপনারই গীতাপাঠে অধিকার, আপনিই গীতার্থের সারস্বত।” এই কথা বলিয়া প্রভু তাঁহাকে আলিঙ্গন প্রদান করিলেন। প্রভুর আলিঙ্গন পাইয়া বিপ্র তাঁহার চরণধারণপূর্বক স্তবস্ততি করিতে আরম্ভ করিলেন। প্রভু গোপনে তাঁহাকে কৃতার্থ করিয়া বেঙ্কটভট্টের আলয়ে গমন করিলেন। ব্রাহ্মণ কৃতার্থ হইয়া প্রভুর অবস্থানকাল পর্য্যন্ত প্রভুর সঙ্গ ছাড়িলেন না, নিত্যই প্রভুর সহিত অবস্থান করিতে লাগিলেন।

বেঙ্কটভট্টের সহিত প্রভুর প্রতিদিনই কৃষ্ণকথার আলাপ হইত। বেঙ্কটভট্ট লক্ষ্মীনারায়ণের উপাসক ছিলেন প্রভু ভট্টকে শ্রীরাধাকৃষ্ণের উপাসনায় প্রবেশ করাইবার নিমিত্ত একদিন কথাপ্রসঙ্গে জিজ্ঞাসা করিলেন, “ভট্ট তোমার লক্ষ্মী ঠাকুরাণী পতিব্রতার শিরামণি হইয়াও আমার ব্রজেন্দ্রনন্দনের সঙ্গম প্রার্থনা করেন, ইহার কারণ কি?” ভট্ট বলিলেন, “লক্ষ্মীশ ও কৃষ্ণ একই স্বরূপ হইলেও, কৃষ্ণে বৈদগ্ধ্যাদি কিঞ্চিৎ বিশেষ আছে বলিয়াই লক্ষ্মীঠাকুরাণী কৃষ্ণসঙ্গমপ্রার্থনায় তপস্তা করিয়া থাকেন, এবং এইরূপ করাতেও কোন দোষ দেখা যায় না; কারণ, তত্ত্বতঃ শ্রীকৃষ্ণ ও শ্রীনারায়ণ অভিন্ন।” প্রভু বলিলেন, “ভট্ট, তুমি যাহা বলিলে, তাহা সত্য, কিন্তু লক্ষ্মী তপস্তা করিয়াও শ্রীকৃষ্ণকে প্রাপ্ত হইলেন না, অথচ শ্রীকৃষ্ণকে প্রাপ্ত হইলেন, ইহার কারণ কি?” ভট্ট বলিলেন, “আমি উহা বুঝিতে পারি না, তুমি আমাকে বলিয়া কৃতার্থ কর।” প্রভু বলিলেন, “শ্রীকৃষ্ণ ব্রজদেবীগণের অনুগত হইয়া শ্রীকৃষ্ণকে লাভ করিলেন; লক্ষ্মী ব্রজদেবীগণের অনুগত না হইয়াই শ্রীকৃষ্ণকে লাভ করিতে ইচ্ছা করিলেন, এই নিমিত্ত লাভ করিতে পারিলেন না। নারায়ণ ও কৃষ্ণ তত্ত্বতঃ অভিন্ন হইলেও শ্রীনারায়ণ হইতে শ্রীকৃষ্ণের অসাধারণ গুণ। ঐ অসাধারণ গুণ থাকাতেই শ্রীকৃষ্ণ লক্ষ্মীদেবীর মন হরণ করেন। শ্রীনারায়ণ ব্রজদেবীগণের মন হরণ করিতে পারেন না। শ্রীনারায়ণের কথা দূরে থাকুক, স্বয়ং শ্রীকৃষ্ণও চতুর্ভূজ মূর্তি ধারণকরিয়া গোপীগণের অনুরাগভাজন হইতে পারেন নাই।” বেঙ্কটভট্ট শুনিয়া প্রভুর চরণে ধরিয়া বিবিধ স্তুতি করিতে লাগিলেন। প্রভুও তাঁহাকে কৃতার্থ করিলেন। গোপাল ভট্ট নামে বেঙ্কটভট্টের একটি পুত্র ছিলেন। গোপালভট্ট প্রভুর বিশেষ অনুগত হইয়াছিলেন এবং সর্বদা প্রভুর তত্ত্বাবধান করিতেন। প্রভুও বালক গোপালভট্টের আচরণে বিশেষ সন্তোষ লাভ করিতেন। প্রভু সন্তুষ্ট হইলে, কিছুই অলভ্য থাকে না। প্রভুর প্রসাদে বালক গোপালভট্টও কৃতার্থ হইলেন।

এইরূপে সপুত্র বেঙ্কটভট্টকে কৃতার্থ করিয়া প্রভু চাতুর্মাস্যের পর পুনশ্চ দক্ষিণাভিমুখে যাত্রা করিলেন। তিনি প্রথমেই ঋষভ পর্বতে গমন করিলেন। ঋষভ পর্বত মছুরার নিকট। উহার বর্তমান নাম পাল্‌নি হিল্। প্রভু ঋষভ পর্বতে শ্রীনারায়ণকে দর্শন করিলেন। ঐ স্থানে মাধবেন্দ্র পুরীর শিষ্য পরমানন্দ পুরীর সহিত সাক্ষাৎ হইল। পুরী গোঁসাই চাতুর্মাস্যের চারিমাস ঐ স্থানেই অবস্থিতি করিতেছিলেন। প্রভু পুরী গোঁসাইকে দেখিয়া তাঁহার চরণবন্দনা



করিলেন। পুরী গোঁসাই প্রভুকে আলিঙ্গন প্রদান করিলেন। উভয়ের কৃষ্ণকথা-  
রঙ্গে তিন দিন কাটিয়া গেল। তদনন্তর পুরীগোঁসাই উত্তরমুখ হইয়া বঙ্গদেশে  
গমন করিলেন। প্রভু দক্ষিণদিকে সেতুবন্ধের অভিমুখে যাত্রা করিলেন।

প্রভু ঋষভ পর্বত ত্যাগ করিয়া প্রথমতঃ শ্রীশৈলে গমন করিলেন। শ্রীশৈল  
মলয়পর্বতের বা পশ্চিম ঘাটের অংশ। তৎকালে হরপার্বতী বিপ্রবেশে  
শ্রীশৈলে অবস্থিতি করিতেছিলেন। তাঁহারা প্রভুকে তিনদিন পর্য্যন্ত ভিক্ষা  
করাইলেন। প্রভুর সহিত তাঁহাদিগের নিভূতে অনেক কথোপকথন হইল।  
পরে প্রভু তাঁহাদিগের নিকট হইতে বিদায় লইয়া কামকোষ্ঠীতে আগমন  
করিলেন। কামকোষ্ঠী হইতে দক্ষিণ মথুরায় আগমন করিলেন। বর্তমান  
মছুরাই দক্ষিণ মথুরা। দক্ষিণ মথুরায় এক রামভক্ত বিপ্রের সহিত প্রভুর সাক্ষাৎ  
হইল। ঐ বিপ্র বিশেষ যত্ন সহকারে প্রভুকে নিমন্ত্রণ করিলেন। প্রভু রুত-  
মালা নদীতে স্নান ও তত্রতা মীনাক্ষী নাম্নী দেবীকে দর্শন করিয়া ভিক্ষার্থ উক্ত  
বিপ্রের গৃহে উপস্থিত হইলেন। বিপ্র প্রভুকে নিমন্ত্রণ করিয়াছেন, কিন্তু  
পাকাতির আয়োজন করেন নাই। তদর্শনে প্রভু বলিলেন, “বিপ্র, মধ্যাহ্ন  
হইল, এখনও পাক করিতেছ না কেন?” বিপ্র বলিলেন, “আমার অরণ্যে  
বাস, সম্প্রতি পাকের সামগ্রী মিলে না, লক্ষণ বস্ত্র শাকাদি আনয়নার্থ গমন  
করিয়াছেন, তিনি আসিলে সীতাঠাকুরাণী পাক করিবেন।” প্রভু বিপ্রের  
উপাসনার ভাব বুঝিয়া সন্তুষ্ট হইলেন। ব্রাহ্মণও বাহুদশা প্রাপ্ত হইয়া সত্তর  
পাকের আয়োজন পূর্বক তৃতীয় প্রহরে প্রভুকে ভিক্ষা করাইলেন। কিন্তু স্বয়ং  
ভোজন না করিয়া উপবাসী রহিলেন। প্রভু তাহাকে উপবাসী থাকিতে দেখিয়া  
উহার কারণ জিজ্ঞাসা করিলেন। বিপ্র বলিলেন, “আমার এই জীবনের  
প্রয়োজন নাই, অগ্নিতে বা জলে দেহত্যাগ করিব। জগন্মাতা সীতাঠাকুরাণীকে  
রাক্ষসধর্ম রাবণ স্পর্শ করিয়াছে। হায়! এই দুঃখ আমার অসহ হইয়া উঠি-  
য়াছে।” প্রভু বিপ্রের কাতরতা দেখিয়া বলিলেন, “বিপ্র তুমি অনর্থক শোক  
করিও না। স্বয়ং লক্ষ্মী . সীতাঠাকুরাণী চিদানন্দময়ী। তাঁহাকে কি কখন  
রাক্ষসে স্পর্শ করিতে পারে? স্পর্শ করা . দূরের কথা, দর্শনই করিতে পারে  
না। তবে যে সীতাদেবীর হরণবৃত্তান্ত শ্রবণ করা যায়, সে প্রকৃত সীতাদেবীর  
হরণ নহে, পরন্তু মায়াসীতারই হরণ জানিবে (১)।” প্রভুর বাক্যে বিপ্রের বিশ্বাস

(১) “রাবণো ভিক্ষুরূপেণ আগমিষ্যতি তেহস্তিকম্।

স্বস্ত ছায়াং স্বদাকারাং স্থাপয়িত্বোটেজে বিশ ॥

হইল। তিনি তখন হা হতাশ ত্যাগ করিয়া ভোজন করিলেন। তাঁহার জীবনের আশা হইল। প্রভু এইরূপে বিপ্রেস জীবন রক্ষা করিয়া ঐ স্থান ত্যাগ করিলেন। পথে দুর্বেসনে রঘুনাথকেও মহেন্দ্রশৈলে বা পূর্বঘাটে পরশুরামকে দর্শন করিয়া সেতুবন্ধে উপনীত হইলেন। সেতুবন্ধের বর্তমান নাম পামবান্। প্রভু সেতুবন্ধে উপনীত হইয়া প্রথমেই রামেশ্বর দর্শন করিলেন। ঐ দিবস ঐ স্থানেই স্থিতি হইল। অপরাহ্নে ব্রাহ্মণসভায় কুর্শ্মপুরাণের অন্তর্গত পতি-ব্রতোপাখ্যান পাঠ হইতেছিল, প্রভু তাহা শ্রবণ করিতেছিলেন। প্রসঙ্গক্রমে সীতাহরণের কথা উখিত হইল। পাঠক মায়াসীতাহরণ ব্যাখ্যা করিলেন। শুনিয়া প্রভু বিশেষ আনন্দ লাভ করিলেন। ব্যাখ্যা শুনিতে শুনিতে প্রভুর দক্ষিণ মথুরায় রামদাস বিপ্রেস কথা মনে হইল। প্রভু উক্ত পুরাণপাঠকের নিকট মায়াসীতাহরণবৃত্তান্তটি যে পত্রে লিখিত ছিল, ঐ পত্রখানি প্রার্থনা করিলেন। পাঠক একটি নূতন পত্র লিখিয়া লইয়া ঐ পুরাতন পত্রটি প্রভুকে অর্পণ করিলেন। রামদাসবিপ্রেস দৃঢ়প্রতীতির নিমিত্ত প্রভু বিশেষ আগ্রহ প্রকাশ করিয়াই উক্ত পুরাতন পত্রটি চাহিয়া লইলেন। পরদিবস ধনুস্তীর্থে যাইয়া স্নান করিলেন। তদনন্তর পুনশ্চ সমুদ্র পার হইয়া ভারতে আগমন করিলেন। প্রভু ভারতে পুনরাগমন করিয়া সমুদ্রতীরপথে চিয়ড়তালায় শ্রীরামলক্ষণ, তিলকাঞ্চীতে শিব, গজেন্দ্রমোক্ষণে বিষ্ণু, পানাগড়িতে সীতাপতি, চামতানুরে শ্রীরামলক্ষণ, শ্রীবৈকুণ্ঠে বিষ্ণু, মলয়পর্বতে অগস্ত্য, কন্যাকুমারীতে দেবী ও আমলিতলায় শ্রীরামচন্দ্রকে দর্শন করিলেন। পরে মল্লার হইয়া পথিমধ্যে তমালকার্তিক ও বেতাপাণিতে শ্রীরঘুনাথ দর্শন করিয়া ঐ রাত্রি ঐ স্থানেই অবস্থান করিলেন। প্রভু যখন মল্লার আগমন করেন, তখন ঐ স্থানে ভট্টমারী নামক বামাচারী সন্ন্যাসীদিগের সহিত দেখা হয়। ভট্টমারীরা কামিনী ও কাঞ্চন দ্বারা প্রভুর সঙ্গী ব্রাহ্মণ কৃষ্ণদাসকে প্রলোভিত করে। প্রভু বেতাপাণিতে আসিয়া শয়ন

অগ্নাবদৃশ্যরূপেণ বর্ষং তিষ্ঠ মমাজ্জয়া ।

রাবণশ্চ বধাস্তে মাং পূর্ববৎ প্রাপ্যাসে শুভে ॥

অধ্যাত্মরামা । অ । ৭।২-৩

শ্রীরামচন্দ্র রাবণের অভিপ্রায় জানিয়া সীতাকে বলিলেন—রাবণ ভিক্ষুরূপে তোমার নিকট আসিবে, তুমি স্বদাকারা ছায়া সীতাকে কুটিরে স্থাপনপূর্বক অগ্নিতে প্রবেশ কর এবং আমার আজ্ঞানুসারে অগ্নিতে এক বৎসর অদৃশ্যরূপে বাস কর। হে শুভে ! রাবণ বধের অস্ত্রে তুমি পূর্ববৎ আমাকে প্রাপ্ত হইবে ॥

করিলে, কৃষ্ণদাস প্রভুকে না বলিয়াই ভট্টমারীদিগের নিকট গমন করে। প্রভু তাহা জানিতে পারিয়া ঐ সরলমতি ব্রাহ্মণকে উদ্ধার করিবার নিমিত্ত পুনশ্চ ভট্টমারীদের নিকট গমন করিলেন। ভট্টমারীরা অস্ত্র শস্ত্র লইয়া প্রভুকে মারিবার নিমিত্ত উদ্বৃত্ত হইল। কিন্তু এমনই ভগবানের মায়া, তাহাদিগের হাতের অস্ত্র হাতেই রহিল এবং তাহাদিগকেই খণ্ড খণ্ড করিল। ইত্যবসরে প্রভু কৃষ্ণদাসকে উদ্ধার করিয়া লইয়া পয়শ্বিনীর তীরে আসিয়া আদিকেশবকে দর্শন করিলেন। আদিকেশবের মন্দিরে অনেক বিষ্ণুভক্তের সহিত প্রভুর সাক্ষাৎ হইল। উঁহারা ব্রহ্মসংহিতা পাঠ করিতেছিলেন। প্রভু তাঁহাদিগের নিকট হইতে ঐ ব্রহ্মসংহিতা গ্রন্থ লিখাইয়া লইলেন। অনন্তর ত্রিবাঙ্কুরে যাইয়া অনন্তপদ্মনাভ দর্শন করিলেন। অনন্তপদ্মনাভ দর্শন করিয়া পুনর্বার দক্ষিণমথুরায় আগমন করিলেন। দক্ষিণমথুরায় পুনরাগমনের কারণ, রামদাস বিপ্রকে কুর্মপুরাণের পত্রখানি প্রদান করা। প্রভু দক্ষিণমথুরাতে আসিয়াই রামদাস বিপ্রের গৃহে গমন করিলেন এবং তাঁহাকে কুর্মপুরাণের সেই পুরাতন পত্রখানি প্রদান করিলেন। পত্রখানিতে নিম্নলিখিত শ্লোক দুইটি লিখিত ছিল।

“সীতয়ারাধিতো বহ্নিছায়াসীতামজীজনৎ ।

তাং জহার দশগ্রীবঃ সীতা বহ্নিপুৰং গতা ॥

পরীক্ষাসময়ে বহ্নিং ছায়াসীতা বিবেশ সা ।

বহ্নিঃ সীতাং সমানীয় স্বপুরাছুদনোনয়ৎ ॥”

শ্লোক দুইটি পাইয়া রামদাস বিপ্র অতিশয় আনন্দ লাভ করিলেন। পরে তিনি প্রভুর চরণে ধরিয়া কাঁদিতে কাঁদিতে বলিলেন, “তুমি 'সাক্ষাৎ শ্রীবৃন্দন, সন্ন্যাসীর বেশে আমাকে দর্শন প্রদান করিয়াছ। তুমি এই পত্রখানি আনিয়া আমাকে মহাদুঃখ হইতে নিস্তার করিলে। আজ তোমাকে আমার ঘরে ভিক্ষা করিতে হইবে। গতবারে মনোদুঃখে তোমাকে ইচ্ছামত ভিক্ষা করাইতে পারি নাই। ভাগ্যক্রমে পুনর্বার তোমার দর্শন পাইয়াছি, ভিক্ষা না করাইয়া ছাড়িব না।” এই কথা বলিয়া বিপ্র সত্ত্বর নানাবিধ পাক করিয়া প্রভুকে উত্তমরূপে ভিক্ষা করাইলেন। প্রভু ঐ রাত্রি ঐ স্থানেই অতিবাহিত করিয়া পরদিন প্রভাতে উঠিয়া তাম্রপর্ণীর তীরবর্তী পাণ্ড্যপ্রদেশে গমন করিলেন। পরে ঐ স্থান হইতে যাত্রা করিয়া মৎস্যতীর্থে উপনীত হইলেন। তদনন্তর তুঙ্গভদ্রার তীরে গমন করিলেন। তুঙ্গভদ্রা কৃষ্ণানদীরই একটি শাখা। ঐ শাখার উত্তরতীরে কিষ্কিন্দ্যাপুরী। কিষ্কিন্দ্যাপুরী বর্তমান গন্টাকোল নামক

বেলাওয়ে ষ্টেশন হইতে কয়েক মাইল উত্তরপশ্চিমে বেলারি নামক প্রদেশের অন্তর্গত। প্রভু কিঙ্কক্যায় যাইয়া প্রথমতঃ শ্রীরামচন্দ্রকে দর্শন করিলেন। পরে পম্পাসরোবর, অঞ্জনগিরি, ঋষ্যমুখ গিরি প্রভৃতি দর্শনীয় স্থান সকল দর্শন করিলেন। পরে মধ্বাচার্যের স্থানে যাইয়া তত্ত্ববাদীদিগকে বিচারে পরাজয় পূর্বক উদ্ধার করিলেন। তদনন্তর উড়ুপকৃষ্ণ, ফল্গুতীর্থ, ত্রিতকূপ বিশালা, পঞ্চাঙ্গরা, গোকর্ণ শিব, আর্ধ্যা দ্বৈপায়নী, সূর্পারক, কোলাপুরে লক্ষ্মীদেবী, ক্ষীরভগবতী ও লাক্ষাগণেশ দেখিয়া পাণ্ডুপুরে বিষ্ঠল দেবকে দর্শন করিলেন। ঐ পাণ্ডুপুরে শ্রীমন্মাধবেন্দ্র পুরীর শিষ্য শ্রীবঙ্গপুরী অবস্থিতি করিতেছিলেন। প্রভু লোকমুখে শুনিয়া শ্রীরঙ্গপুরীর সহিত দেখা করিলেন। তিনি শ্রীরঙ্গপুরীকে দেখিয়াই দণ্ডবৎ প্রণাম করিলেন। প্রেমাবেশে প্রভুর শ্রীঅঙ্গে কম্পাশ্রুপুলকাদি প্রকাশ পাইতে লাগিল। তদর্শনে শ্রীরঙ্গপুরী বিস্মিত হইয়া প্রভুকে উঠাইয়া বলিলেন, “শ্রীপাদের বোধ হয় পুরী গোসাঁইর সহিত সম্বন্ধ আছে, অতথা এরূপ প্রেম সম্ভব হয় না।” তিনি এই কথা বলিয়া প্রভুকে আলিঙ্গন করিলেন। আলিঙ্গনের পর উভয়ে গলাগলি করিয়া রোদন করিতে লাগিলেন। কিছুক্ষণের পর উভয়েই ধৈর্যধারণ করিলেন। প্রভু শ্রীরঙ্গপুরীকে নিজের ঈশ্বরপুরীর সহিত সম্বন্ধ জানাইলেন। উভয়ের একস্থানেই অবস্থিতি হইল। কৃষ্ণকথাপ্রসঙ্গে পাঁচ সাত দিন কাটিয়া গেল। একদিন শ্রীরঙ্গপুরী প্রভুর জন্মস্থান জিজ্ঞাসা করিলেন। প্রভু বলিলেন, নবদ্বীপ। শ্রীরঙ্গপুরী মাধবেন্দ্রপুরীর সহিত একবার নবদ্বীপে যাইয়া জগন্নাথমিশ্রের বাটীতে ভিক্ষা করিয়াছিলেন, জগন্নাথ মিশ্রের পত্নী শচীদেবী তাঁহাকে অপূর্ব মোচার ঘণ্ট খাওয়াইয়াছিলেন, ইত্যাদি অনেক কথার পর, বলিলেন, “ঐ জগন্নাথ মিশ্রের এক পুত্র সন্ন্যাসী হইয়া এই স্থানে আসিয়া সিদ্ধিপ্রাপ্ত হইয়াছেন, তাঁহার অল্প বয়স, নাম শঙ্করারণ্য।” প্রভু বলিলেন, “আপনি ঐহার সিদ্ধিপ্রাপ্তির কথা বলিলেন, তিনি আমার পূর্বাশ্রমের ভ্রাতা।” এই প্রকার ইষ্টগোষ্ঠীর পর শ্রীরঙ্গপুরী দ্বারকাভিমুখে গমন করিলেন। প্রভুও ঐ স্থান হইতে কৃষ্ণবেণা নদীর তীরে গমন করিলেন। কৃষ্ণবেণা কৃষ্ণা নদীরই শাখাবিশেষ। উহা বর্তমান হায়দরাবাদের মধ্য দিয়া প্রবাহিত। কৃষ্ণবেণার তীরে অনেক বৈষ্ণবের সহিত প্রভুর আলাপ হইল। প্রভু ইহাঁদিগের নিকট হইতে কৃষ্ণকর্ণামৃত গ্রন্থ সংগ্রহ করিয়া লইলেন।

অনন্তর প্রভু উত্তরমুখ হইয়া দণ্ডকারণ্যে গমন করিলেন। তিনি দণ্ডকারণ্যে যাইয়া নাসিক, পঞ্চবটী ও গোদাবরীর উৎপত্তিস্থান প্রভৃতি দর্শন করিলেন।

পরে তাপ্তীনদী পার হইয়া নর্মদার তীরভিমুখে গমন করিলেন। প্রভু নর্মদা প্রাপ্ত হইয়া স্নান ও মাহিম্বতী পুরী দর্শন করিলেন। তদনন্তর পূর্বমুখ হইয়া গোদাবরীর কূল ধরিয়া পুনশ্চ বিণানগরে আগমন করিলেন। রায় রামানন্দ প্রভুর আগমনবার্তা শ্রবণে সানন্দে প্রভুর সহিত মিলিত হইলেন। প্রভু চরণপতিত রাম রায়কে উঠাইয়া আলিঙ্গন করিলেন। উভয়েই প্রেমাবেশে অধীর হইলেন। পরে ধৈর্যধারণ করিয়া রামরায় প্রভুর ভ্রমণবৃত্তান্ত শ্রবণ করিতে লাগিলেন। প্রভু ভ্রমণবৃত্তান্ত বলিয়া ব্রহ্মসংহিতা ও কৃষ্ণকর্ণামৃত এই গ্রন্থদ্বয় রামরায়কে প্রদান করিলেন। রামরায় ঐ দুইখানি পুস্তক লিখাইয়া লইয়া প্রভুকে প্রত্যর্পণ করিলেন। পাঁচ সাত দিন কৃষ্ণকথায় অতিবাহিত হইয়া গেল। পরে রামরায় বলিলেন, “প্রভো, আপনার আজ্ঞানুসারে আমি রাজা প্রতাপরুদ্রকে বিনয় করিয়া অবসরগ্রহণার্থ পত্র লিখিয়াছিলাম। তিনি প্রতুত্তবে আমাকে কর্ম হইতে অবসর প্রদান করিয়াছেন এবং নীলাচলে যাইয়া বাস করিবারই অনুমতি করিয়াছেন। আমি সত্বর নীলাচলে যাইবার উদ্যোগ করিতেছি।” প্রভু বলিলেন, “আমি তোমাকে লইয়া যাইবার নিমিত্তই এখানে আসিয়াছি।” রামরায় বলিলেন, “প্রভো, আপনি অগ্রসর হউন, আমার সঙ্গে আপনার ক্লেশ হইতে পারে। আমি আপনার পশ্চাৎ পশ্চাৎ যাইতেছি।” রামরায়ের অভিপ্রায় অনুসারে প্রভু তাঁহাকে পশ্চাৎ আসিতে আদেশ করিয়া স্বয়ং অগ্রেই নীলাচলাভিমুখে যাত্রা করিলেন।

### নীলাচলে প্রত্যাগমন।

প্রভু যখন প্রথম পুরীতে আগমন করেন, তখন রাজা প্রতাপরুদ্র নিজ রাজধানীতে উপস্থিত ছিলেন না, যুদ্ধার্থ বিজয়নগরে গমন করিয়াছিলেন। তিনি যখন প্রত্যাগমন করিলেন, তখন প্রভু দক্ষিণদেশে গমন করিয়াছেন। প্রতাপরুদ্র রাজধানীতে প্রত্যাগত হইয়া লোকপরম্পরায় প্রভুর আগমনবৃত্তান্ত শুনিলেন। শুনিয়াই সার্কভৌম ভট্টাচার্যকে ডাকাইয়া জিজ্ঞাসা করিলেন, “ভট্টাচার্য, আমি শুনিলাম, গোড় হইতে এক মহাত্মা আসিয়া আপনার গৃহেই না কি অবস্থান করিতেছেন?” ভট্টাচার্য বলিলেন, “রাজন্, আপনি যাহা শুনিয়াছেন, তাহা ঠিক, কিন্তু তিনি এখন এখানে নাই, ভ্রমণার্থ দক্ষিণদেশে গমন করিয়াছেন।” প্রতাপরুদ্র বলিলেন, “শুনিয়াছি, তিনি পরম দয়াল, আপনাকে

বিশেষ কৃপা করিয়াছেন। এই কথা শুনিয়াই আমার তাঁহাকে দর্শন করিবার জন্ত অত্যন্ত অভিলাষ হইয়াছে। আপনি তাঁহাকে এখানে না রাখিয়া ছাড়িয়া দিলেন কেন?” ভট্টাচার্য্য বলিলেন, “সাধারণ বৈষ্ণব সন্ন্যাসীকেই ধরিয়া রাখা যায় না, তিনিই ঈশ্বর, সম্পূর্ণ স্বতন্ত্র; তথাপি আমি তাঁহাকে রাখিবার জন্ত বিশেষ যত্ন করিয়াছিলাম। তিনি শুনিলেন না, আপনার ইচ্ছামত চলিয়া গেলেন।” প্রতাপরুদ্র বলিলেন, “হায় হায়! আমি কি হতভাগ্য! আপনি পরম বিজ্ঞ হইয়াও যখন তাঁহাকে ঈশ্বর বলিতেছেন, তখন তিনি সত্যই ঈশ্বর, তদ্বিষয়ে সন্দেহ নাই, কিন্তু আমার ভাগ্যে তাঁহার দর্শন ঘটিল না।” ভট্টাচার্য্য বলিলেন, “তিনি সত্বর ফিরিয়া আসিবেন বলিয়া গিয়াছেন।” প্রতাপরুদ্র বলিলেন, “এবার আগমন হইলে, আমি যেন তাঁহার দর্শন পাই।” ভট্টাচার্য্য বলিলেন, “তিনি পরম বিরক্ত, স্বপ্নেও রাজদর্শন করেন না, তথাপি কোনপ্রকারে আপনাকে দর্শন করাইব। আপনি তাঁহার জন্ত একটি নির্জন বাসস্থান স্থির করিয়া রাখুন। স্থানটি নির্জন অথচ জগন্নাথের নিকট হইলেই ভাল হয়। প্রতাপরুদ্র বলিলেন, কাশীমিশ্রের ভবনেই প্রভুর বাসস্থান স্থির করিয়া রাখা হউক।” এই কথার পর ভট্টাচার্য্য কাশীমিশ্রের সহিত সাক্ষাৎ করিয়া প্রভুর বাসস্থান সম্বন্ধে রাজার অভিপ্রায় জানাইলেন। তাঁহার ভবনে প্রভুর বাসস্থান হইবে শুনিয়া কাশীমিশ্র আপনাকে ভাগ্যবান্ মনে করিলেন এবং যার-পর-নাই আনন্দিত হইলেন। প্রভুর দর্শনার্থে পুরুষোত্তমবাসী ভক্ত সকল বিশেষ উৎকর্ষিত হইলেন। এই সময়েই প্রভু দক্ষিণদেশ হইতে প্রত্যাগমন করিলেন।

প্রভু বিদ্যানগর পশ্চাৎ করিয়া কয়েকদিনের মধ্যেই আলালনাথে আসিয়া উপস্থিত হইলেন। প্রভুকে দেখিয়া আলালনাথে হরিধ্বনি পড়িয়া গেল। প্রভু তাঁহার আগমনসংবাদপ্রদানের নিমিত্ত কৃষ্ণদাসকে অগ্রেই নীলাচলে পাঠাইয়া দিলেন। নিত্যানন্দাদি প্রভুর ভক্তগণ প্রভুর আগমনসংবাদ শ্রবণমাত্র আলালনাথের অভিমুখে দৌড়িতে লাগিলেন। পথিমধ্যেই প্রভুর সহিত সাক্ষাৎ হইল। সার্বভৌম ভট্টাচার্য্যও প্রভুর আগমনসংবাদ পাইয়া মহানন্দে অগ্রসর হইলেন। সমুদ্রের কূলেই তাঁহার প্রভুর সহিত সাক্ষাৎ হইল। ভট্টাচার্য্য প্রভুকে দেখিয়াই চরণতলে পতিত হইলেন। প্রভু ভট্টাচার্য্যকে উঠাইয়া আলিঙ্গন করিলেন। ভট্টাচার্য্য প্রেমাবিষ্ট হইয়া ক্রন্দন করিতে লাগিলেন। পরে সকলে মিলিয়া জগন্নাথদেবকে দর্শন করিলেন। জগন্নাথের সেবকগণ প্রভুকে প্রসাদমালা প্রদান করিলেন। ভট্টাচার্য্য প্রভুকে লইয়া নিজভবনে গমন করিলেন।

সার্কভৌম ভট্টাচার্য্য দিব্য দিব্য মহাপ্রসাদ আনাইয়া প্রভুকে ইচ্ছানুরূপ ভিক্ষা করাইলেন। ভিক্ষার পর প্রভুকে শয়ন করাইয়া ভট্টাচার্য্য স্বয়ং প্রভুর পাদসম্বাহন করিতে লাগিলেন। কিছুক্ষণ পরে প্রভু ভট্টাচার্য্যকে ভোজন করিতে প্রেরণ করিলেন। ঐ রাত্রি প্রভু নিজগণ লইয়া সার্কভৌম ভট্টাচার্য্যের গৃহেই অবস্থান করিলেন। রাত্রিকালে তীর্থভ্রমণের বৃত্তান্ত বলিতে লাগিলেন। ভক্তগণ একমনে প্রভুর শ্রীমুখের কথা শুনিতে লাগিলেন। জাগরণেই রাত্রি অতিবাহিত হইল। শেষে প্রভু ভক্তগণকে বলিলেন, “আমি অনেক স্থানই ভ্রমণ করিয়া আসিলাম, কিন্তু তোমাদিগের তুল্য ভক্ত কোথাও দেখিলাম না। কেবল এক রামানন্দ রায়ের সহিত অলাপ করিয়া বিশেষ সুখবোধ করিয়াছিলাম।” ভট্টাচার্য্য বলিলেন, “এই নিমিত্তই আমি রামানন্দ রায়ের সহিত সাক্ষাৎ করিতে বলিয়াছিলাম।” এই সময়ে জগন্নাথদেবের শঙ্খধ্বনি হইল। শঙ্খধ্বনি শুনিয়া প্রভু বলিলেন, রাত্রি প্রভাত হইয়াছে, চল, সকলে মিলিয়া জগন্নাথের শয্যোথানলীলা দর্শন করি।” এই কথা বলিয়া প্রভু ভক্তগণের সহিত জগন্নাথদেবের মন্দিরাভিমুখে যাত্রা করিলেন। মন্দিরে প্রবেশ করিয়া প্রভু গরুড়স্তম্ভের পশ্চাদ্ভাগে অবস্থান পূর্বক সম্পূহনয়নে জগন্নাথদেবকে দর্শন করিতে লাগিলেন। ক্রমে জগন্নাথদেবের শয্যোথান, মুখপ্রক্ষালন, তৈলমর্দন, স্নান, বস্ত্রালঙ্কারাদি পরিধান, বাহ্যভোগ, হরিবল্লভ ভোগ ও ধূপাখ্য আরাত্রিক সমাধা হইলে, জগন্নাথের সেবকগণ প্রভুকে ও প্রভুর ভক্তগণকে প্রভুর প্রসাদ ও মালা প্রদান করিবার নিমিত্ত আগমন করিলেন। প্রভু অবনত মস্তকে মালা গ্রহণ করিলেন। জগন্নাথের একজন সেবক প্রভুব বহির্বাসের অঞ্চলে প্রসাদাদি অর্পণ করিলেন। প্রভু প্রসাদান্ন লইয়া জগন্নাথদেবকে প্রণাম করিয়া মন্দির হইতে বহির্গত হইলেন। সার্কভৌম ভট্টাচার্য্য প্রভুকে লইয়া কাশীমিশ্রের ভবনে গমন করিলেন। কাশীমিশ্র প্রভুকে দেখিয়াই তাঁহার চরণতলে পতিত হইলেন। পরে গৃহ ও আত্মা প্রভৃতি সমস্তই প্রভুর শ্রীচরণে নিবেদন করিলেন। সার্কভৌম ভট্টাচার্য্য প্রভুকে বাসস্থান দর্শন করাইলেন। প্রভু বাসস্থান দেখিয়া সন্তুষ্ট হইলেন। তদনন্তর কাশীমিশ্রকে কৃতার্থ করিবার নিমিত্ত কিঞ্চিৎ ঐশ্বর্য্য প্রকাশ করিলেন। কাশীমিশ্র তদর্শনে চরিতার্থ হইলেন। একে একে ভক্তগণ আসিয়া মিলিতে লাগিলেন। সার্কভৌম ভট্টাচার্য্য প্রভুর পার্শ্বে বসিয়া উৎকলবাসী ভক্তগণকে একে একে প্রভুর পরিচিত করিয়া দিতে লাগিলেন। তিনি প্রথমেই জনার্দন নামক জগন্নাথসেবককে লক্ষ্য করিয়া বলিলেন, “ইহার নাম জনার্দন, ইনি প্রভুর

অঙ্গসেবা করিয়া থাকেন।” পরে সুবর্ণবেত্রধারী কৃষ্ণদাস, লিখনাধিকারী শিখিমাহাতী, প্রহ্লাদগির্জা, পাচক জগন্নাথ, মুরারি মাহাতী, চন্দ্রনেশ্বর, সিংহেশ্বর, বিষ্ণুদাস, মুরারি, ব্রাহ্মণ, প্রহররাজ মহাপাত্র প্রভৃতি বৈষ্ণবগণকে পরিচিত করাইলেন। এই সময়ে রায় ভবানন্দ চারি পুত্রের সহিত আসিয়া প্রভুর চরণে পতিত হইলেন। ভট্টাচার্য্য বলিলেন, “ইনিই রায় ভবানন্দ, রামানন্দ রায়ের পিতা।” প্রভু রায় ভবানন্দকে সাদরে আলিঙ্গন দিয়া বলিলেন, “তুমি পাণ্ডু, তোমার পাঁচটি পুত্র সাক্ষাৎ পঞ্চ পাণ্ডব।” ভবানন্দ বলিলেন, “প্রভো, আমি বিষয়ী শূদ্রাধম, আপনার চরণে শরণাগত, পরিবারবর্গের সহিত শ্রীচরণে আত্ম-সমর্পণ করিলাম। এই বাণীনাথ প্রভুর চরণসমীপে থাকিয়া আজ্ঞাপালন করিবে, প্রভু অসঙ্কোচে ইহাকে যথেষ্ট আদেশ করিবেন।” এই কথা বলিয়া ভবানন্দ বাণীনাথকে রাখিয়া চলিয়া গেলেন। ক্রমে ক্রমে প্রভুর আপ্ত কয়েকজন ভিন্ন অপর সকলেও চলিয়া গেলেন। তখন প্রভু কৃষ্ণদাসকে ডাকিয়া বলিলেন, “কৃষ্ণদাস, আমি তোমাকে বিদায় দিলাম, তুমি যথেষ্ট গমন কর।” কৃষ্ণদাস শুনিয়া কাঁদিতে লাগিলেন। ভক্তগণ বিস্মিত হইয়া কৃষ্ণদাসকে বিদায় দিবার কারণ জিজ্ঞাসা করিলে, প্রভু বলিলেন, “ইনি আমাকে ছাড়িয়া ভট্টমারীদিগের সহিত মিলিত হইয়াছিলেন, আমি কোনমতে ইহাকে তাহাদিগের নিকট হইতে উদ্ধার করিয়া আনিয়াছি।” এই কথা বলিয়া প্রভু মধ্যাহ্ন কৃত্য করিতে উঠিয়া গেলে, নিত্যানন্দ জগদানন্দ মুকুন্দ ও দামোদর এই চারিজনে যুক্তি করিয়া কৃষ্ণদাসকে প্রভুর দক্ষিণদেশ হইতে প্রত্যাগমনের সংবাদ প্রেরণের নিমিত্ত নবদ্বীপে পাঠানই স্থির করিলেন। পরে তাঁহারা প্রভুর আজ্ঞা লইয়া কৃষ্ণদাসকে নবদ্বীপে প্রেরণ করিলেন।

কৃষ্ণদাস নবদ্বীপে যাইয়া মহাপ্রসাদ প্রদানের পর শচীদেবীকে প্রভুর দক্ষিণদেশ হইতে নীলাচলে প্রত্যাগমনসংবাদ জানাইলেন। শচীদেবী প্রভুর সমাচার পাইয়া আনন্দিত হইলেন। শ্রীবাসাদি ভক্তবর্গ প্রভুর নিমিত্ত বিশেষ উৎকণ্ঠান্বিত ছিলেন, এক্ষণে সমাচার পাইয়া পুরী যাইবার নিমিত্ত অদ্বৈতাচার্য্যের সহিত পরামর্শ করিতে লাগিলেন। অদ্বৈতাচার্য্য, শ্রীবাসপণ্ডিত, হরিদাস ঠাকুর, বাসুদেব দত্ত, মুরারি গুপ্ত, শিবানন্দ সেন, আচার্য্যরত্ন, বক্রেশ্বর পণ্ডিত, আচার্য্যানিধি, গদাধর পণ্ডিত, শ্রীরাম পণ্ডিত, দামোদর পণ্ডিত, শ্রীমান্ পণ্ডিত, বিজয়, শ্রীধর, রাখব পণ্ডিত ও আচার্য্য নন্দন প্রভৃতি ভক্তগণ নীলাচলে যাইবার জন্ত প্রস্তুত হইলেন। এই সংবাদ পাইয়া কুলীনগ্রামের সত্যরাজ খান ও বসু



রামানন্দ আসিয়া তাঁহাদিগের সহিত মিলিত হইলেন। খণ্ডবাসী মুকুন্দ, নরহরি এবং রঘুনন্দনও তাঁহাদিগের সঙ্গ লইলেন। এই সময়ে পরমানন্দ পুরীও দক্ষিণ হইতে নবদ্বীপে আসিয়া উপনীত হইলেন। তিনি শচীমাতার গৃহে ভিক্ষা করিয়া তাঁহার মুখেই প্রভুর নীলাচলে প্রত্যাগমনের কথা শ্রবণ করিলেন। পরে তিনি প্রভুর ভক্তগণের নীলাচলে যাইবার উদ্যোগ শুনিয়া ও সত্বর গমনার্থ তাঁহাদিগের অপেক্ষা না করিয়াই প্রভুর এক ভক্ত কমলাকার দ্বিজকে সঙ্গে লইয়াই নীলাচলাভিমুখে যাত্রা করিলেন।

### বৈষ্ণব সন্মিলন।

পরমানন্দ পুরী নীলাচলে যাইয়া প্রভুর সহিত দেখা করিলেন। প্রভু পুরী গোসাঁইকে দেখিয়া প্রেমাবেশে তাঁহার চরণবন্দনা করিলেন। পুরী গোসাঁইও প্রেমাবেশে প্রভুকে আলিঙ্গন করিলেন। অনন্তর প্রভু পুরী গোসাঁইকে নিজের নিকট রাখিবার অভিপ্রায় জানাইলেন। পুরী গোসাঁই বলিলেন,—“আমি তোমার সঙ্গে থাকিব মনে করিয়াই এখানে আসিয়াছি। আমি দক্ষিণ হইতে আসিয়া নদীয়ায় গিয়াছিলাম। সেইখানেই শচীদেবীর মুখে তোমার নীলাচলে আগমনবার্তা শুনিয়া সত্বর চলিয়া আসিলাম। তোমার ভক্তগণ এখানে আসিবার জন্য উদ্যোগী হইয়াছেন। আমি তাঁহাদিগের অপেক্ষা না করিয়াই চলিয়া আসিয়াছি।” প্রভু শুনিয়া সন্তুষ্ট হইয়া কাশীমিশ্রের বাটীতেই একখানি নিভৃত গৃহে পুরীগোসাঁইর বাসা এবং সেবার জন্য একজন ভূতা দেওয়াইলেন।

তুই এক দিনের মধ্যেই স্বরূপ দামোদর আসিয়া উপস্থিত হইলেন। ইনি প্রভুর একজন প্রধান ভক্ত ও রসের সাগর। ইঁহার পূর্বাশ্রমের নাম পুরুষোত্তম আচার্য। ইনি নদীয়ায় অধ্যয়নকাল হইতেই প্রভুর শ্রীচরণ আশ্রয় করেন। পরে প্রভুর সন্ন্যাস দেখিয়া উন্মত্ত হইয়া বারাণসীধামে গমনপূর্বক সন্ন্যাস গ্রহণ করেন। ইঁহার গুরুর নাম চৈতন্যানন্দ। গুরু ইঁাকে সন্ন্যাস দিয়া বেদান্তের অধ্যয়ন ও অধ্যাপনা করিতে বলিলেন। ইনি বিরক্ত কৃষ্ণভক্ত, বেদান্তের অধ্যয়ন ও অধ্যাপনা ইঁহার ভাল লাগিল না। ইনি যেমন বিরক্ত তেমনি প্রগাঢ় পণ্ডিত ছিলেন। নিশ্চিন্ত হইয়া শ্রীকৃষ্ণভজনের উদ্দেশ্যেই ইঁহার সন্ন্যাসগ্রহণ। সন্ন্যাসগ্রহণকালে শিখা ও সূত্র ত্যাগ করিলেন, যোগপট্ট লইলেন না। এই নিমিত্তই ইঁহার নাম হইল স্বরূপ। ইনি সন্ন্যাস গ্রহণের পর বেদান্তের অধ্যয়ন

ও অধ্যাপনা না করিয়া গুরুর অনুমতি লইয়া নীলাচলে প্রভুর নিকট আগমন করিলেন। স্বরূপ দামোদর নীলাচলে আসিয়া প্রভুর চরণধারণ পূর্বক নিম্নলিখিত শ্লোকটি পাঠ করিতে লাগিলেন।

“হেলোক্কূলিতখেদয়া বিশদয়া প্রোন্মীলদামোদয়া  
শাম্যচ্ছাস্ত্রবিবাদয়া রসদয়া চিত্তাপিতোন্মাদয়া ।  
শশ্বস্ত্তিক্ৰিবনোদয়া সমদয়া মাধুর্য্যামর্ঘ্যাদয়া  
শ্রীচৈতন্যদয়ানিধে তব দয়া ভূয়াদমনোদয়া ॥”

চৈতন্যচন্দ্রোদয়ে । ৮। ১৪

হে দয়ানিধে শ্রীচৈতন্য, তোমার দয়ায় অতি সহজেই লোকের সকল সন্তাপ দূরে যায়, চিত্ত নির্মল হয়, এবং হৃদয়ে প্রেমানন্দের প্রকাশ হয়। তোমার দয়ায় শাস্ত্রাদির বিবাদ প্রশমিত হয়, এবং উহা চিত্তে রস সঞ্চার করিয়া প্রগাঢ় মত্ততার সৃষ্টি করে। ইহা হইতেই নিরন্তর ভক্তিসুখ ও সর্বত্র সমদর্শন লাভ হয়, ইহা সকল মাধুর্যের সার। তুমি করুণা করিয়া এই অধমজনে সেই দয়া প্রকাশ কর।

প্রভু চরণপতিত স্বরূপদামোদরকে উঠাইয়া আলিঙ্গন প্রদান করিলেন। উভয়ের স্পর্শে উভয়ে প্রেমে অবশ ও অচেতন হইলেন। কিয়ৎক্ষণ পরে একটু স্থির হইয়া প্রভু বলিলেন,—“তুমি যে এখানে আসিবে, ইহা আমি স্বপ্নে দেখিয়াছিলাম। তুমি আসিয়াছ, ভাল হইয়াছে, তুমি আমার নেত্র।” দামোদর বলিলেন,—“প্রভো আমি বড় অপরাধী, আমার অপরাধ ক্ষমা কর। আমি তোমাকে ছাড়িয়া গিয়াছিলাম, তুমি আমাকে রূপারঞ্জু দ্বারা বাঁধিয়া আনিলে।” পরে তিনি নিত্যানন্দ প্রভুকে প্রণাম করিলেন। নিত্যানন্দ প্রভুও তাঁহাকে আলিঙ্গন দিলেন। তদনন্তর দামোদর পরমানন্দ পুরীকে প্রণাম করিয়া জগদানন্দাদি প্রভুর অপরাপর ভক্তবর্গের সহিত মিলিত হইলেন। প্রভু তাঁহাকেও একটি নিভৃত বাসাঘর ও জলাদি পরিচর্য্যার নিমিত্ত একজন ভৃত্য দেওয়াইলেন।

স্বরূপ দামোদরের আগমনের কয়েকদিন পরে গোবিন্দ আসিয়া প্রভুর চরণে পতিত হইয়া বলিলেন,—“আমি ঈশ্বর পুরীর ভৃত্য, আমার নাম গোবিন্দ, আমি তাঁহারই আজ্ঞানুসারে প্রভুর চরণে আশ্রয় গ্রহণ করিলাম। পুরীগোসাঁই সিদ্ধিপ্রাপ্তির সময় আমাকে এইরূপ আজ্ঞা করিয়া গিয়াছেন।” প্রভু শুনিয়া বলিলেন,—“পুরীগোসাঁই আমার প্রতি বাৎসল্যবশতঃ রূপা করিয়া তোমাকে আমার নিকট আসিতে আদেশ করিয়াছেন, ভালই হইয়াছে।” এই ঘটনার সময় সার্কভৌম ভট্টাচার্য্য উপস্থিত ছিলেন। তিনি গোবিন্দের কথা শুনিয়া

বলিলেন,—“পুরীগোসাঁই শূদ্রসেবক রাখিয়াছিলেন, ইহার কারণ কি? প্রভু উত্তর করিলেন,—“পুরীশ্বর পরম স্বতন্ত্র, ঈশ্বরের কৃপা শাস্ত্রপরতন্ত্র নহে; শ্রীকৃষ্ণ বিদূরের গৃহে অন্ন ভোজন করিয়াছিলেন।” এই কথা বলিয়া গোবিন্দকে আলিঙ্গন করিলেন। গোবিন্দ প্রভুর চরণবন্দন করিলেন। পরে প্রভু সার্বভৌম ভট্টাচার্য্যকে লক্ষ্য করিয়া বলিলেন,—“ভট্টাচার্য্য, তুমি ইহার বিচার কর। গোবিন্দ গুরুর সেবক, অতএব আমার মাগু, ইহা দ্বারা নিজের সেবা করান কিরূপে যুক্তিসঙ্গত হয়? অথচ গুরুর আজ্ঞা, উপায় কি করি?” ভট্টাচার্য্য বলিলেন,—“গুরুর আজ্ঞাই বলবতী, শাস্ত্রও গুরুর আজ্ঞা লঙ্ঘন করিতে নিষেধ করিয়া থাকেন।” ভট্টাচার্য্যের কথা শুনিয়া প্রভু গোবিন্দকে নিজের সেবাদিকার প্রদান করিলেন। গোবিন্দ প্রভুর প্রিয় ভৃত্য হইলেন।

আর একদিন প্রভু ভক্তগণের সহিত বসিয়া আছেন, এমন সময়ে মুকুন্দ দত্ত আসিয়া বলিলেন,—“ব্রহ্মানন্দ ভারতী আপনাকে দর্শন করিবার নিমিত্ত আসিয়াছেন, অনুমতি হইলে, তাঁহাকে লইয়া আসি।” প্রভু বলিলেন,—“তিনি গুরুস্থানীয়, আমি স্বয়ং তাঁহার নিকটে যাইতেছি।” এক কথা বলিয়া প্রভু ভক্তগণের সহিত ব্রহ্মানন্দ ভারতীকে লইয়া আসিবার নিমিত্ত গমন করিলেন। ব্রহ্মানন্দ ভারতী মৃগচর্ম্ম পরিধান করিয়াছিলেন। তদর্শনে প্রভুর মনে কিছু দুঃখ হইল। তিনি ভারতী গোসাঁইকে দেখিয়াও না দেখার মত বলিলেন,—“মুকুন্দ, তুমি বলিলে, ভারতী গোসাঁই আসিয়াছেন, কৈ, তিনি কোথায়?” মুকুন্দ বলিলেন,—“ঐ যে ভারতী গোসাঁই আপনার সম্মুখে দাঁড়াইয়া রহিয়াছেন।” প্রভু বলিলেন,—“তুমি অজ্ঞ, ভারতী গোসাঁইকে জান না, ভারতী গোসাঁই চর্ম্ম পরিধান করিবেন কেন?” প্রভুর কথা শুনিয়া ভারতী গোসাঁই বুঝিলেন, যে, তাঁহার চর্ম্মাশ্বর প্রভুর ভাল লাগে নাই। তিনি ইহা বুঝিয়াও বিরক্ত হইলেন না, বরং সন্তুষ্ট হইলেন, এবং আজি হইতে আর দস্তের কারণ-স্বরূপ চর্ম্মাশ্বর পরিধান করিবেন না, ইহাও স্থির করিলেন। অন্তর্ধামী প্রভু ভারতী গোসাঁইর মন জানিয়া তখনই বহির্বাস আনাইলেন। ভারতী গোসাঁই চর্ম্মাশ্বর ত্যাগ করিয়া বহির্বাস পরিধান করিলেন। তখন প্রভু ভারতী গোসাঁইর চরণবন্দন করিলেন। প্রভু চরণবন্দন করিলে, ভারতী গোসাঁই তাঁহাকে আলিঙ্গন করিয়া বলিলেন,—“তুমি যে কিছু আচরণ কর, তাহা অবশ্য লোক-শিক্ষার নিমিত্তই করিয়া থাক, কিন্তু তোমার প্রণাম গ্রহণ করিতে আমার অন্তরে ভয় জন্মে, অতএব তুমি আর আমাকে প্রণাম করিও না। এই নীলাচলে

একমাত্র অচল ব্রহ্ম ছিলেন, সম্প্রতি আর এক সচল ব্রহ্ম হইলেন। সচল ব্রহ্ম গৌরবর্ণ এবং অচল ব্রহ্ম শ্রামবর্ণ। উভয়েই জগতের নিস্তারার্থ নীলাচলে বাস করিতেছেন।” প্রভু বলিলেন, “সত্য, আপনার শুভাগমনে নীলাচলে ছই ব্রহ্মের অধিষ্ঠান হইল।” ভারতী গোসাঁই বলিলেন, “ভট্টাচার্য্য, তুমি মধ্যস্থ হইয়া বিচার কর, জীব ব্যাপ্য—অধীন, ব্রহ্ম ব্যাপক—অধীশ্বর, ইনি আমাকে চক্ষ্মাশ্বর ত্যাগ করাইয়াই শোধন করিলেন, ইনি ব্রহ্ম না আমি ব্রহ্ম?” ভট্টাচার্য্য বলিলেন, “ভারতী গোসাঁইরই জয় দেখিতেছি।” প্রভু বলিলেন, “শিষ্যের নিকট গুরুর পরাজয় চিরপ্রসিদ্ধ।” ভারতী গোসাঁই বলিলেন, “ভক্তের নিকট প্রভু পরাজয়ই স্বীকার করিয়া থাকেন। আমি আজন্ম নিরাকারের ধ্যান করিয়া আসিতেছিলাম, তোমাকে দেখিয়া অবধি শ্রীভগবান্ সাকার বলিয়াই জ্ঞান হইয়াছে, মুখে কৃষ্ণনাম স্মুরিয়াছে। বিশ্বমঙ্গলের কণ্ঠাই সদা স্মরণ হয়।” বিশ্বমঙ্গল বলিয়াছিলেন—

“অষ্টদ্বৈতবীথীপথিকৈকরূপাশ্রাঃ।

স্বানন্দসিংহাসনলব্ধদীক্ষাঃ।

হঠেন কেনাপি বয়ং শঠেন

দাসীকৃত্য গোপবধূবিটেন ॥”

আমরা অষ্টদ্বৈতমার্গের পথিকগণের উপাশ্র ছিলাম এবং আত্মানন্দ সিংহাসনে পূজিত হইতাম। সম্প্রতি কোন গোপবধুলম্পট শঠকর্তৃক বলপূর্বক দাসীকৃত হইয়াছি।

প্রভু বলিলেন, “কৃষ্ণে আপনার প্রগাঢ় প্রেম, অতএব সর্বত্রই কৃষ্ণস্মৃতি হইয়া থাকে।” ভট্টাচার্য্য বলিলেন, “উভয়ের কথাই সত্য ; কৃষ্ণের সাক্ষাৎকার হইলে, সর্বত্রই কৃষ্ণস্মৃতি হয় ; কিন্তু কৃষ্ণের রূপা ব্যতিরেকে কাহারও কৃষ্ণস্মৃতি হয় না।” প্রভু বলিলেন, “বিষ্ণু বিষ্ণু, সার্বভৌম, কি বলিতেছ, অতিস্বতি নিন্দার লক্ষণ।”

অনন্তর প্রভু ভারতী গোসাঁইকে লইয়া নিজাবাসে গমন করিলেন। ভারতী গোসাঁই প্রভুর নিকটেই রহিলেন। পরে রামভদ্র আচার্য্য, ভগবান্ আচার্য্য ও কানীশ্বর গোসাঁই আসিয়া প্রভুর নিকট গমন করিলেন। প্রভু তাঁহাদিগকেও সম্মান করিয়া আপনার নিকট রাখিলেন। ক্রমে ক্রমে নানা স্থান হইতে নানা ভক্ত আসিয়া প্রভুর শরণাগত হইতে লাগিলেন। প্রভুও তাঁহাদিগকে নীলাচলে আপনার নিকট রাখিয়া দিলেন।

## রাজা প্রতাপরুদ্র

প্রভু যখন দক্ষিণদেশ হইতে আগমন করেন, তখন রাজা প্রতাপরুদ্র সার্ক-  
ভৌম ভট্টাচার্যের নিকট এই মর্মে একখানি পত্র লিখেন, প্রভুর অনুমতি হইলে,  
তিনি কটক হইতে পুরীতে আসিয়া প্রভুর শ্রীচরণ দর্শন করেন। ভট্টাচার্য  
তদনুসারে একদিন প্রভুর সহিত সাক্ষাৎ করিয়া অন্য কিছু না বলিয়া অস্তর  
প্রার্থনা করিলেন। প্রভু বলিলেন, ভট্টাচার্য, কিছু ভয় নাই, তোমার যাহা  
ইচ্ছা বল, আমি যোগ্য বোধ করিলে করিব, অযোগ্য বোধ করিলে করিব না।”  
ভট্টাচার্য বলিলেন, “রাজা প্রতাপরুদ্র আপনার শ্রীচরণ দর্শনের নিমিত্ত বিশেষ  
উৎকণ্ঠিত হইয়াছেন।” প্রভু কর্ণধ্বজে হস্ত প্রদান পূর্বক নারায়ণ স্মরণ করিতে  
করিতে বলিলেন, “সার্কভৌম, তুমি একরূপ অযোগ্য বাক্য বলিতেছ কেন? আমি  
বিরক্ত সন্ন্যাসী, আমার পক্ষে রাজদর্শন ও স্ত্রীদর্শন বিষভক্ষণ হইতেও অধিক।”  
শাস্ত্রে উক্ত হইয়াছে—

নিষ্কিঞ্চনশ্চ ভগবদ্ভজনোন্মুখশ্চ

পারং পরং জিগমিষোর্ভবসাগরশ্চ ।

সন্দর্শনং বিষয়িণামপ যোষিতাঞ্চ

হা হস্ত হস্ত বিষভক্ষণতোহপ্যসাধু ॥”(১)

চৈতন্যচন্দ্রোদয়ে । ৮।২৮

সার্কভৌম ভট্টাচার্য বলিলেন, “আপনি যাহা বলিতেছেন, তাহা সত্য।  
কিন্তু রাজা প্রতাপরুদ্র জগন্নাথের সেবক ও পরমভক্ত।” প্রভু বলিলেন,—  
“তথাপি রাজা কালসর্পাকার। কাষ্ঠময়ী নারীর স্পর্শে যে রূপ বিকার জন্মে,  
রাজসংসর্গেও সেইরূপ বিকার জন্মিয়া থাকে। স্ত্রীর ও বিষয়ীর আকারও  
ভীতিপ্রদ। প্রকৃত সর্পের স্তায় কৃত্রিম সর্পও ভয়োৎপাদন করিয়া থাকে।  
অতএব তুমি ঐরূপ কথা আর কখন মুখেও আনিও না। পুনর্বার ঐরূপ  
অনুরোধ করিলে আমাকে এইস্থানে দেখিতে পাইবে না।” প্রভুর কথা শুনিয়া  
সার্কভৌম ভট্টাচার্য ভীত হইয়া গৃহে গমন করিলেন এবং রাজাকেও পত্র দ্বারা  
প্রভুর অভিপ্রায় বিদিত করিলেন। রাজা ভট্টাচার্যের পত্র পাইয়া পুনশ্চ  
ভট্টাচার্যকে লিখিলেন, “আপনি প্রভুর ভক্তগণকে আমার অভিপ্রায় জানাইয়া

•(১) নিষ্কিঞ্চন, ভগবদ্ভজনোন্মুখ ভবসাগরের পরপারে গমনেচ্ছ (মহাজনের  
পক্ষে) বিষয়ী ও স্ত্রীমুখদর্শন বিষভক্ষণ অপেক্ষাও অকল্যাণকর।

ঠাঁহাদের সাহায্যে আমার মনোরথ পূর্ণ করিবার চেষ্টা করিবেন।” ভট্টাচার্য্য রাজার ঐ শেষ পত্রখানি প্রভুর ভক্তগণকে দেখাইলেন। পত্রে লেখা ছিল, প্রভু রূপা না করিলে, রাজা রাজ্য ত্যাগ করিয়া তিথারী হইবেন। ভক্তগণ পত্রপাঠ করিয়া রাজা প্রতাপরুদ্রের প্রভুর চরণে ভক্তি দেখিয়া বিস্ময় মানিলেন এবং সর্ক্বেভৌমের আগ্রহে প্রভুকে ঐ বিষয় নিবেদন করিবার নিমিত্ত প্রভুর নিকট উপস্থিত হইলেন, কিন্তু কেহই সাহস করিয়া কোন কথা বলিতে পারিলেন না। অন্তর্ধামী প্রভু ভক্তগণের আগমনের অভিপ্রায় বুঝিয়া বলিলেন, “তোমরা সকলে যাহা বলিবে মনে করিয়া আসিয়াছ, তাহা বল।” তখন নিত্যানন্দ, বলিলেন “বলিতে ভয় হইলেও না বলিয়া থাকিতে পারিতেছি না; যোগ্যাযোগ্য সকল বিষয়ই আপনাকে নিবেদন করা উচিত বলিয়াই নিবেদন করিতেছি। রাজা প্রতাপরুদ্র আপনার চরণদর্শন না পাইলে, সন্ন্যাসী হইতে চাহেন, এখন আপনার যেরূপ আজ্ঞা হয়।” প্রভু শুনিয়া অন্তরে কোমল হইয়াও বাহিরে কঠোরভাবে বলিলেন, “তোমরা কোন্ দিন আমাকে রাজদর্শনার্থ কটকে লইয়া যাইতেও চাহিবে। রাজদর্শনে পরমার্থের হানি ত দূরের কথা, এই দামোদরই আমাকে ভৎসনা করিতে কুণ্ঠিত হইবেন না। যাহা হউক, আমি তোমাদিগের কথায় রাজার সহিত মিলিতে পারিব না। দামোদর কি বলেন দেখি।” দামোদর শুনিয়া বলিলেন, “তুমি জৈশ্বর, সর্ক্বেথা স্বাধীন। কি কর্তব্য কি অকর্তব্য, তোমার অবিদিত কিছুই নাই। আমি ক্ষুদ্র জীব, তোমাকে কি উপদেশ করিব? তবে রাজা তোমাকে স্নেহ করেন, তুমিও স্বভাবতঃ স্নেহের বশ। রাজার স্নেহই তোমাকে রাজার সহিত মিলন করাইবে, ইহাও দেখিব।” দামোদরের কথা শেষ হইলে, নিত্যানন্দ পুনশ্চ বলিলেন, আমরা আপনাকে রাজদর্শন করিতে অনুরোধ করিব, ইহা কি কখন সম্ভব হয়? তবে যাহার যাহাতে অনুরাগ, তিনি ঠাঁহাকে না পাইলে, জীবনও ত্যাগ করিতে পারেন, যজ্ঞপত্নীগণই তাহার নিদর্শন। অতএব, আপনাকেও রাজার সহিত মিলিতে বলি না, রাজারও জীবন যায় এরূপ ইচ্ছা করি না, যাহাতে উভয় কুলই রক্ষা পায় এইরূপ করিতে বলি। আমি এই বলি, রূপা করিয়া একখানি বহির্বাস প্রদান করুন, উহাই রাজার জীবন রক্ষা করিবে।” তখন প্রভু বলিলেন, “তোমরা সকলেই জানী, যাহাতে ভাল হয়, তাহাই কর।” প্রভুর অনুমতি পাইয়া নিত্যানন্দ গোবিন্দের নিকট হইতে প্রভুর একখানি বহির্বাস লইয়া সর্ক্বেভৌম ভট্টাচার্য্যের হস্তে প্রদান করিলেন। সর্ক্বেভৌম ভট্টাচার্য্য ঐ বহির্বাসখানি লোক দ্বারা কটকে রাজার নিকট পাঠাইয়া দিলেন।

রাজা প্রভুর বস্ত্র পাইয়া যার-পর-নাই আনন্দিত হইলেন। প্রভুর স্বরূপেই প্রভুর বসনখানিকে পূজা করিয়া আশার আশায় জীবন ধারণ করিতে লাগিলেন। ইতিমধ্যে রায় রামানন্দ কটকে আসিয়া উপস্থিত হইলেন। রাজা রায় রামানন্দকে প্রভুর কৃপাপাত্র জানিয়া তাঁহাকে নিজের অভিপ্রায় জানাইলেন এবং তিনি যাহাতে প্রভুকে জানাইয়া তাঁহাকে প্রভুর চরণ দর্শন করাইতে পারেন তদ্বিষয়ে বিশেষ সহায়তা করিতে বলিলেন। পরে উভয়েই একসঙ্গে কটক হইতে পুরীতে আগমন করিলেন।

রামানন্দ রায় পুরীতে আসিয়া প্রথমেই প্রভুর শ্রীচরণ দর্শন করিলেন। তিনি আসিয়া প্রভুর চরণবন্দন করিলে, প্রভু তাঁহাকে উঠাইয়া আলিঙ্গন করিলেন। দুইজনেই প্রেমাবেশে কিয়ৎকাল রোদন করিলেন। রামানন্দের প্রতি প্রভুর স্নেহব্যবহার দেখিয়া ভক্তগণ বিস্মিত হইলেন। রামানন্দ বলিলেন, “প্রভুর আজ্ঞানুসারে দাস রাজাকে নিজের অভিপ্রায় নিবেদন করিলে, তিনি আমাকে কৰ্ম্ম হইতে অবসর প্রদান করিয়াছেন। রাজা প্রভুর ইচ্ছানুসারেই আমাকে বিষয় হইতে মুক্তি দিয়াছেন। আমি যখন রাজাকে জানাইলাম, আমি আর বিষয়কৰ্ম্ম করিতে পারিব না, আজ্ঞা দিন, প্রভুর চরণতলে পড়িয়া থাকি। রাজা প্রভুর নাম শুনিয়া তখনই আনন্দে আসন হইতে উঠিয়া আমাকে আলিঙ্গন করিলেন। তিনি প্রভুর নাম শুনিয়া প্রেমাবিষ্ট হইয়া আমার হস্তধারণ পূর্বক বলিলেন,—তোমাকে আর রাজকৰ্ম্ম করিতে হইবে না, তুমি যাহা বেতন পাইতে তাহাই পাইবে, নিশ্চিন্ত হইয়া প্রভুর চরণসেবা কর। আমি অতি অধম, প্রভুর দর্শনলাভের যোগ্য নহি। যিনি প্রভুর চরণসেবা করেন, তাঁহারই জন্ম সফল, জীবন সফল। যাহাই হউক, ব্রজেন্দ্রনন্দন পরম-কৃপালু, কোন না কোন জন্মে অবশ্য আমাকে দর্শন দিবেন। রাজার যেরূপ আর্তি দেখিলাম, আগাতে তাহার একবিন্দুও নাই।” প্রভু বলিলেন, “তুমি ভক্তপ্রধান, তোমাতে যে প্রীতি করে, সেও অবশ্য ভাগ্যবান্; রাজা যখন তোমাকে এতাদৃশী প্রীতি করিয়াছেন, তখন শ্রীকৃষ্ণও অবশ্য তাঁহাকে অঙ্গীকার করিবেন।”

প্রভুর সহিত এইরূপ কথাবার্তার পর রামানন্দ, পুরীগোসাঁই, স্বরূপদামোদর ও নিত্যানন্দ প্রভুর চরণবন্দনা করিলেন। পরে অপরাপর ভক্তগণের সহিত মিলন হইল। মিলনের পর প্রভু বলিলেন, “রায়, তোমার জগন্নাথ দর্শন হইয়াছে ত?” রামানন্দ বলিলেন, “না, এখন যাইয়া দর্শন করিব।” প্রভু বলিলেন, “রায়, এ কি কৰ্ম্ম করিলে? তুমি জগন্নাথ দর্শন না করিয়াই এখানে

আসিয়াছ ?” রামানন্দ বলিলেন, চরণরূপ রথ ও হৃদয়রূপ সারথি জীবরূপ রথীকে যেখানে লইয়া যায়, জীব সেই স্থানেই গমন করে ; আমি কি করিব, আমার মন আমাকে এইখানেই আনিল, জগন্নাথ দর্শনের বিচারই করিল না।” প্রভু বলিলেন, “যাও, শীঘ্র যাইয়া জগন্নাথ দর্শন কর ; পরে গৃহে যাইয়া আত্মীয়-স্বজনের সহিত সাক্ষাৎ কর।” রামানন্দ প্রভুর আদেশানুসারে জগন্নাথ দর্শনের পর গৃহে গমন করিলেন।

এদিকে রাজা প্রতাপরুদ্র শ্রীক্ষেত্রে আসিয়া প্রথমেই সার্কভৌম ভট্টাচার্য্যকে ডাকাইলেন। সার্কভৌম উপস্থিত হইলে, রাজা তাঁহাকে নমস্কার করিয়া বলিলেন, “ভট্টাচার্য্য, আপনি পরে প্রভুর চরণে আমার বিষয় নিবেদন করিয়াছিলেন কি ?” ভট্টাচার্য্য বলিলেন, “আমি আপনার জন্ত অনেক যত্ন করিয়াছিলাম, কিন্তু তিনি কোনক্রমেই রাজদর্শনে সম্মতি প্রকাশ করিলেন না, বরং বলিলেন, আমি যদি পুনশ্চ ঐরূপ অনুরোধ করি, তবে তিনি ক্ষেত্র ত্যাগ করিয়া চলিয়া যাইবেন। পরিশেষে ভক্তগণের সাহায্যে অনেক অনুরোধের পর একখানি বহির্বাস লইয়া তাহা আপনার নিকট প্রেরণ করিয়াছিলাম, পাইয়া থাকিবেন।” ভট্টাচার্য্যের কথা শুনিয়া রাজার মনে অত্যন্ত দুঃখ হইল। তিনি বিষাদের সহিত বলিতে লাগিলেন,—“প্রভু নীচ পাপীর উদ্ধারার্থ অবতার স্বীকার করিয়াছেন। শুনিয়াছি, জগাই এবং মাধাইকেও উদ্ধার করিয়াছেন। অতএব কেবল প্রতাপরুদ্রকে ত্যাগ করিয়া জগতের উদ্ধার করিবেন, এইরূপ প্রতিজ্ঞা করিয়াই বোধ হয় প্রভু অবতীর্ণ হইয়াছেন। তাঁহার প্রতিজ্ঞা, তিনি রাজদর্শন করিবেন না ; আমারও প্রতিজ্ঞা, তিনি কৃপা না করিলে, জীবন ত্যাগ করিব ; প্রভুর রূপাদৃষ্টি ব্যতিরেকে আমার রাজ্যাদি সমস্তই বৃথা।” রাজার খেদোক্তি শুনিয়া ভট্টাচার্য্য চিন্তিত হইলেন। পরে বলিলেন, “দেব, বিষাদ করিবেন না, আপনার প্রতি অবশ্য প্রভুর প্রসাদ হইবে। তিনি প্রেমাধীন, আপনারও তাঁহাতে প্রগাঢ় প্রেম দেখিতেছি। তথাপি একটি উপায় অবলম্বন করুন। রথযাত্রার দিন প্রভু ভক্তবর্গের সহিত প্রেমাবেশে রথাগ্রে নৃত্য করিবেন ; নৃত্য করিতে করিতে প্রেমাবেশে পুষ্পাণ্ডানে প্রবেশ করিবেন ; আপনি সেই সময়ে রাজবেশ ত্যাগ পূর্বক বৈষ্ণবের বেশ ধারণ করিয়া রাসপঞ্চাধ্যায়ের শ্লোক পাঠ করিতে করিতে প্রভুর চরণে পতিত হইবেন। প্রভুর তখন বাহুজ্ঞান থাকিবে না, বৈষ্ণবজ্ঞানে আপনাকে আলিঙ্গন করিবেন। রামানন্দ আসিয়া আপনার প্রেমের ও গুণের কথা শুনাইয়া প্রভুর মন কিঞ্চিৎ ফিরাইয়াছেন দেখিয়াছি।” ভট্টাচার্য্যের কথা



শুনিয়া রাজা কিঞ্চিৎ আশ্বস্ত ও সুখী হইলেন। তিনি অগত্যা ভট্টাচার্যের পরামর্শই প্রভুর সহিত মিলনের পক্ষে যুক্তিসঙ্গত বোধ করিলেন। যুক্তি দৃঢ় হইলে, জিজ্ঞাসা করিলেন, “স্নানযাত্রা কবে?” ভট্টাচার্য্য বলিলেন, “স্নানযাত্রার আর তিন দিন আছে।”

পরদিবস আবার রামানন্দ প্রসঙ্গক্রমে রাজার প্রেমের কথা নিবেদন করিয়া প্রভুর মন আরো কোমল করাইলেন। তখন প্রভু রামানন্দকে বলিলেন,— “যদিও প্রতাপরুদ্র সর্বগুণে গুণবান্, তথাপি তাঁহার এক রাজোপাধিই তাঁহাকে মলিন করিয়াছে। আমি রাজদর্শন কোনক্রমেই যুক্তিসঙ্গত মনে করি না। তবে যখন সার্কভৌম ও তুমি পুনঃ পুনঃ নিতান্ত আগ্রহ প্রকাশ করিতেছ তখন এই এক উপায়ে হইতে পারে, পিতা ও পুত্র একই বস্তু, পুত্রের মিলনে পিতার মিলন সিদ্ধ হইবে, রাজপুত্রকে আনিয়া আমার সহিত মিলন করাও।” প্রভুর আদেশ পাইয়া রামানন্দ তখনই যাইয়া রাজাকে প্রভুর আদেশ জানাইলেন। রাজা শুনিয়া সানন্দে রামানন্দের সহিত নিজ পুত্রকে প্রভুর চরণসমীপে প্রেরণ করিলেন। রাজপুত্র পরমসুন্দর, শ্যামলবর্ণ, তাঁহার কিশোর বয়স, দীর্ঘচঞ্চল নয়ন-যুগল, পীতাম্বর পরিধান, এবং অঙ্গে রত্নময় আভরণ সকল শোভা পাইতেছে। রাজপুত্র রামানন্দের সহিত আসিয়া প্রভুর চরণতলে পতিত হইলেন। রাজপুত্রের দর্শনে প্রভুর কৃষ্ণস্মৃতি উদ্দীপিত হইল। প্রভু প্রেমাবেশে রাজপুত্রকে আলিঙ্গন করিয়া বলিতে লাগিলেন,— “যাঁহার দর্শনে ব্রজেন্দ্রনন্দনের স্মরণ হয়, তিনিই মহাত্মগবত। ইহঁার দর্শনে আমি কৃতার্থ হইলাম।” রাজপুত্র প্রভুর শ্রীঅঙ্গ-স্পর্শে প্রেমাবেশে অচৈতন্য হইলেন। অঙ্গে শ্বেদ, কম্প ও পুলকাদি উদ্গত হইতে লাগিল। তিনি আবিষ্ট অবস্থায় ‘কৃষ্ণ কৃষ্ণ’ বলিয়া রোদন ও নৃত্য করিতে লাগিলেন। ভক্তগণ রাজপুত্রের ভাগ্যের প্রশংসা করিতে লাগিলেন। প্রভু রাজপুত্রকে শাস্ত করিয়া বিদায় দিলেন। বিদায়ের সময় রামানন্দকে বলিয়া দিলেন, ইহঁাকে নিত্য আমার সহিত মিলিতে বলিবে।

রামানন্দ রাজপুত্রকে লইয়া রাজসমীপে গমন করিলেন। রাজা পুত্রের অদ্ভুত চেষ্টাসকল দর্শন করিয়া সুখী হইলেন। পরে তিনি পুত্রকে আলিঙ্গন করিয়া স্বয়ংও প্রেমাবিষ্ট হইলেন। পুত্রের অঙ্গ স্পর্শ করিয়া তাঁহার সাক্ষাৎ প্রভুর শ্রীঅঙ্গস্পর্শের স্থায় সুখানুভব হইল। তদবধি রাজপুত্র প্রভুর একজন ভক্ত হইলেন। তিনি প্রতি-দিন প্রভুর শ্রীচরণ দর্শন করিয়া আপনাকে কৃতকৃতার্থ বোধ করিতে লাগিলেন।

### গৌড়ীয় ভক্তগণের আগমন

স্নানযাত্রা উপস্থিত হইল। প্রভু জগন্নাথদেবের স্নানযাত্রা দর্শন করিলেন। স্নানের পর জগন্নাথের দর্শন বন্ধ হইল, প্রভুর মনে মহাঃখ উপস্থিত হইল। প্রভু গোপীভাবে কৃষ্ণবিরহে নিতান্ত বিহ্বল হইলেন। পুরীতে অবস্থান কষ্টকর হইয়া উঠিল। সকলকে ছাড়িয়া প্রভু আলাননাথে গমন করিলেন। প্রভুর গমনের পর গৌড়ের ভক্তগণ আসিয়া পুরুষোত্তমে উপস্থিত হইলেন। সার্ক-ভৌমাদি ভক্তগণ যাইয়া প্রভুকে গৌড়ের ভক্তগণের আগমন-সংবাদ জানাইলেন। প্রভু শুনিয়া তাঁহাদিগের সমভিব্যাহারে পুনশ্চ ক্ষেত্রে আগমন করিলেন। প্রভু আসিলে, ভট্টাচার্য্য রাজাকে প্রভুর আগমনসংবাদ জানাইলেন। এই সময়ে গোপীনাথচার্য্য যাইয়া রাজাকে আশীর্ব্বাদপুরঃসর বলিলেন,—“গৌড় হইতে দুইশত বৈষ্ণব আসিয়াছেন, সকলেই পরম ভাগবত ও মহাপ্রভুর ভক্ত। তাঁহারা নরেন্দ্রে অবস্থান করিতেছেন। তাঁহাদিগের বাসস্থান ও প্রসাদের সমাধান করিতে হইবে।” রাজা বলিলেন, “আমি পড়িছাকে আদেশ করিতেছি, সেই সমস্ত সমাধান করিবে।” পরে ভট্টাচার্য্যকে বলিলেন, “ভট্টাচার্য্য, গৌড়দেশ হইতে প্রভুর যে সকল ভক্ত আসিয়াছেন, আপনি আগাকে দেখান।” ভট্টাচার্য্য বলিলেন, “আপনি প্রাসাদের ছাদোপরি আরোহণ করুন, আমি ত প্রভুর ভক্ত-সকলকে জানি না, এই গোপীনাথ আচার্য্য সকলকেই জানেন, ইনিই আমাদের উভয়কেই দেখাইবেন।” এই কথা পর তিনজনেই প্রাসাদের ছাদোপরি আরোহণ করিলেন। ইতিমধ্যে গৌড়ের ভক্তগণও নিকটবর্তী হইলেন। এদিকে স্বরূপদামোদরও গোবিন্দমালা লইয়া তাঁহাদের অভিমুখীন হইলেন। ভট্টাচার্য্য বলিলেন, “এই ষিনি মালা লইয়া অগ্রে অগ্রে যাইতেছেন, ইঁহার নাম স্বরূপদামোদর, আর এই ষিনি পশ্চাৎ পশ্চাৎ যাইতেছেন, ইঁহার নাম গোবিন্দ। প্রভু ইঁহাদের মালা দিয়া ভক্তগণকে অভ্যর্থনা করিতে পাঠাইয়াছেন। তদনন্তর গোপীনাথ আচার্য্য একে একে অদ্বৈতাচার্য্য, শ্রীবাসপণ্ডিত, বক্রেশ্বর পণ্ডিত, বিদ্যানিধি, গদাধর পণ্ডিত, আচার্য্যরত্ন, আচার্য্য পুরন্দর, গঙ্গাদাস পণ্ডিত, শঙ্কর পণ্ডিত, মুরারি পণ্ডিত, নারায়ণ পণ্ডিত, হরিদাস ঠাকুর, হরিভট্ট, নৃসিংহানন্দ, বাসুদেব দত্ত, শিবানন্দ সেন, গোবিন্দ, মাধব, বাসুদেব ঘোষ, রাঘব পণ্ডিত, নন্দন আচার্য্য, শ্রীমান্ পণ্ডিত, শ্রীকান্ত, নারায়ণ, গুরুরাম, শ্রীধর, বিজয়, বল্লভসেন, পুরুষোত্তম সঞ্জয়, সত্যরাজখান, রামানন্দ, মুকুন্দদাস, নরহরি, রঘুনন্দন, চিরঞ্জীব ও সুলোচন প্রভৃতি ভক্তবর্গের সজ্জিগ্ধ পরিচয় দিলেন। শুনিয়া রাজা বলিলেন,

“আমার আশ্চর্য্য বোধ হইতেছে, বৈষ্ণবের একরূপ তেজ আমি আর কখনও দেখি নাই, এবং একরূপ মধুর কীর্তনও আর কখন শুনি নাই।” ভট্টাচার্য্য বলিলেন, “আপনি সত্যই বলিয়াছেন, একরূপ কীর্তনের এই প্রথম সৃষ্টি। কলিযুগের ধর্ম্ নামসকীর্তন, তাহা এই শ্রীচৈতন্যাবতারেই প্রকাশ হইল। এই সকীর্তনরূপ যজ্ঞ দ্বারা যিনি শ্রীচৈতন্যের আরাধনা করিতে পারেন, তিনিই সুরমেধা বলিয়া উক্ত হইবেন।” রাজা বলিলেন, “নামসকীর্তনই যদি কলিযুগের শাস্ত্রোক্ত ধর্ম্ হয়, তবে পণ্ডিতসকল কেন ইহাতে বিতৃষ্ণ হইবেন?” ভট্টাচার্য্য বলিলেন, “শ্রীচৈতন্যের রূপা ভিন্ন কেহই ধর্ম্মের সূক্ষ্ম মর্ম্ম বুঝিতে বা বুঝিয়া তাঁহার ভজন করিতে সমর্থ হইবেন না।” এইরূপ কথাবার্ত্তা হইতেছে, এমন সময়ে গোড়ীয় বৈষ্ণবগণ জগন্নাথ দর্শন না করিয়া প্রভুর বাসার দিকে যাইতে লাগিলেন। তদর্শনে রাজা বলিলেন “ভট্টাচার্য্য, ইহারা অগ্রে জগন্নাথ দর্শন না করিয়া প্রভুর বাসার দিকে যাইতেছেন কেন?” ভট্টাচার্য্য বলিলেন, “ইহারা সকলেই প্রভুর শ্রীচরণ দর্শনের নিমিত্ত উৎকণ্ঠিত হইয়াছেন, অতএব অগ্রে প্রভুকে দর্শন করিয়া তাঁহাকে সঙ্গে লইয়াই জগন্নাথ দর্শন করিবেন।” রাজা বলিলেন, “ভট্টাচার্য্য, ঐ দেখুন, ভবানন্দের পুত্র বাণীনাথ পাঁচ সাত জন লোক দ্বারা প্রচুর মহাপ্রসাদ লইয়া যাইতেছে, ইহারই বা কারণ কি?” ভট্টাচার্য্য বলিলেন, “প্রভুর আদেশানুসারে বাণীনাথ ভক্তগণের নিমিত্ত মহাপ্রসাদ লইয়া যাইতেছে।” রাজা বলিলেন, “ইহারা তীর্থে আসিয়াছেন, উপবাস ও ক্ষৌর প্রভৃতি বিধানসকল পালন না করিয়াই মহাপ্রসাদ ভক্ষণ করিবেন?” ভট্টাচার্য্য বলিলেন,—“আপনি যাহা বলিতেছেন, তাহা বিধিমাগের কর্তব্য বটে, কিন্তু রাগমাগের নিয়ম অতিশয় সূক্ষ্ম ঃ ক্ষৌর ও উপবাস প্রভৃতি বিধানসকল পরোক্ষ আজ্ঞা। আর মহাপ্রসাদভক্ষণ প্রভুর সাক্ষাৎ আজ্ঞা। বিশেষতঃ প্রভু স্বয়ং শ্রীহস্তে করিয়া মহাপ্রসাদ পরিবেশন করিবেন, এই লাভ ত্যাগ করিয়া কি উপবাসপালন সঙ্গত হয়? যেখানে মহাপ্রসাদ নাই, সেইখানেই উপবাসের বিধান। মহাপ্রসাদত্যাগে অপরাধ হয়, ইহাই প্রভুর শ্রীমুখের আজ্ঞা। প্রভুর রূপা হইলেই লোকের লোকধর্ম্ম ও বেদধর্ম্ম ত্যাগ হইয়া যায়।” এই প্রকার কথাবার্ত্তার পর রাজা ভট্টাচার্য্য ও আচার্য্যের সহিত ছাদ হইতে অবতরণ করিলেন। পরে পড়িছা ও কাশীমিশ্রকে ডাকিয়া প্রভুর ভক্তগণের যথাযোগ্য বাসস্থান ও প্রসাদাদির আয়োজন করিতে আদেশ করিয়া ভট্টাচার্য্য ও আচার্য্যকে বিদায় দিলেন।

রাজার নিকট হইতে বিদায়ের পর সার্বভৌম ভট্টাচার্য্য ও গোপীনাথচার্য্য

দূর হইতে দেখিলেন, অদ্বৈতাচার্য্যাদি ভক্তগণ সিংহদ্বার দক্ষিণে রাখিয়া কাশী-মিশ্রের বাড়ীর দিকে যাত্রা করিয়াছেন। এই সময়ে প্রভুও নিজের বাসা হইতে বাহির হইয়া ভক্তগণের অভিমুখে অগ্রসর হইতে লাগিলেন। পথিমধ্যে ভক্তগণের সহিত মিলন হইল। প্রথমেই অদ্বৈতাচার্য্য প্রভুর চরণবন্দন করিলেন। প্রভু তাঁহাকে প্রেমে আলিঙ্গন করিলেন। উভয়েই প্রেমানন্দে ধৈর্য্যাচ্যুত হইলেন। প্রভু সময় বুঝিয়া ধৈর্য্যাবলম্বন করিলেন। শ্রীবাসাদি ভক্তগণ একে একে প্রভুর চরণবন্দন করিলেন। প্রভুও একে একে সকলকেই যথাযোগ্য সম্ভাষণ করিয়া বাসায় লইয়া গেলেন। অনন্তর সকলকে বসাইয়া স্বহস্তে মালা ও চন্দন পরাইয়া দিলেন। মালাচন্দন প্রদানের পরে অদ্বৈতাচার্য্যকে লক্ষ্য করিয়া বলিলেন, “আচার্য্যের আগমনে আমি পূর্ণ হইলাম।” পরে বাসুদেবের অঙ্গে হস্ত দিয়া বলিলেন, “যদিও মুকুন্দ আমার বালাবন্ধু, তথাপি তোমাকে দেখিলে, আমার অতিশয় সুখোদয় হয়।” বাসুদেব বলিলেন, “যদিও আমি বয়সে জ্যেষ্ঠ, মুকুন্দ কনিষ্ঠ, কিন্তু মুকুন্দ অগ্রে তোমার রূপাপাত্র হইয়া গুণতঃ আমার জ্যেষ্ঠ হইয়াছে।” বাসুদেবের কথা শেষ হইলে, প্রভু ব্রহ্মসংহিতা ও কৃষ্ণকর্ণামৃত এই দুইখানি পুস্তক তাঁহার হস্তে দিয়া বলিলেন “এই পুস্তকদুইখানি আমি দক্ষিণদেশ হইতে লইয়া আসিয়াছি, পুস্তক দুইখানি সিদ্ধান্তের সার।” ভক্তগণ পুস্তক পাইয়া আনন্দিত হইলেন, এবং সকলেই এক একখানি লিখিয়া লইলেন। পুস্তক প্রদানের পর প্রভু শ্রীবাসকে বলিলেন, “অধি তোমাদিগের চারি ভ্রাতার মূল্যক্রীত।” শ্রীবাস বলিলেন, “এ বিপরীত কথা, আমরা চারি ভ্রাতা আপনার রূপামূল্যে ক্রীত।” অনন্তর প্রভু শঙ্কর ও শিবানন্দ প্রভৃতি অপরাপর ভক্তবৃন্দের প্রতি পৃথক পৃথক প্রীতি প্রকাশ করিতে লাগিলেন। পুরিশেষে প্রভু মুরারিকে না দেখিয়া তাঁহার কথা জিজ্ঞাসা করিলেন। প্রভু মুরারির অব্বেষণ করিতেছেন দেখিয়া ভক্তগণ বাহিরে যাইয়া মুরারিকে লইয়া প্রভুর সম্মুখে উপস্থিত করিলেন। প্রভু মুরারিকে আসিতে দেখিয়া আলিঙ্গন করিবার নিমিত্ত উত্থিত হইলেন। মুরারি দৈন্তবশতঃ দস্তে তৃণধারণ পূর্বক পশ্চাদ্গমন করিতে করিতে বলিতে লাগিলেন, “আমাকে স্পর্শ করিবেন না, আমি অধম পামর, আপনার স্পর্শের যোগ্য নহি।” প্রভু বলিলেন, “মুরারি, দৈন্ত সংবরণ কর, তোমার দৈন্ত দেখিয়া আমার হৃদয় বিদীর্ণ হইয়া যায়।” এই কথা বলিয়া প্রভু মুরারিকে ধরিয়া আলিঙ্গন দিলেন। পরে তাঁহাকে নিজের নিকটে বসাইয়া তাঁহার অঙ্গ সম্মার্জন করিতে লাগিলেন। তদনন্তর হরিদাসকে না দেখিয়া তাঁহার কথা জিজ্ঞাসা করিলেন। হরিদাস রাজপথে

দণ্ডবৎ পতিত ছিলেন। ভক্তগণ যাইয়া হরিদাসকে প্রভুর মিলনেচ্ছা বিদিত করিলেন। হরিদাস বলিলেন, “আমি নীচজাতি, প্রভুর মন্দিরের নিকট যাইবার অধিকার নাই। যদি কোন টোটার নিভৃত স্থান পাই, সেই স্থানেই থাকিয়া কালযাপন করি। জগন্নাথের সেবকসকল আমার অঙ্গস্পর্শ না করেন, এমন স্থানই আমার উপযুক্ত।” ভক্তগণ হরিদাসের অভিপ্রায় প্রভুকে বিদিত করিলেন। প্রভু শুনিয়া সুখী হইলেন।

এই সময়ে কাশীমিশ্র একজন পরীক্ষাপাত্রের সহিত আসিয়া প্রভুর চরণ-বন্দন করিলেন। পরে তাঁহারা প্রভুর ভক্তবর্গের যথাযোগ্য সম্মাননা করিয়া প্রভুকে বলিলেন, “সমস্ত বৈষ্ণবেরই বাসার আয়োজন করা হইয়াছে, প্রভুর অনুমতি হইলে, ইহাঁদিগকে লইয়া যাইতে পারি, এবং মহাপ্রসাদেরও ব্যবস্থা করা যাইতে পারে।” প্রভু শুনিয়া বলিলেন, “গোপীনাথার্চা, তুমি ইহাঁদিগকে লইয়া যাঁহার যে বাসা উপযুক্ত হয়, তাঁহাকে সেই বাসা দেওয়াও।” পরে কাশীমিশ্রকে বলিলেন, “মহাপ্রসাদ বাণীনাথের নিকট দেওয়া হউক, বাণীনাথই উহার সমাধান করিবেন; আর এই পুষ্পাটানে যে ক্ষুদ্র গৃহখানি আছে, ঐখানি হরিদাসের বাসার নিমিত্ত আমাকে দিতে হইবে।” কাশীমিশ্র বলিলেন, “গৃহ আপনারই, আমার নিকট প্রার্থনার প্রয়োজন নাই, আপনি যথেষ্ট ব্যবহার করিবেন।” এই কথা বলিয়া কাশীমিশ্র গোপীনাথার্চা ও বাণীনাথকে লইয়া চলিয়া গেলেন। তিনি গোপীনাথকে বাসাগুলি দেখাইয়া দিলেন এবং বাণীনাথকে মহাপ্রসাদগুলি দিলেন। গোপীনাথার্চা বাসাগুলির সংস্কার করাইয়া এবং বাণীনাথ মহাপ্রসাদ লইয়া প্রভুর নিকট আগমন করিলেন। তখন প্রভু ভক্তগণকে বলিলেন, “তোমরা নিজ নিজ বাসায় যাইয়া বস্ত্রাদি রাখিয়া সমুদ্রে স্নান করিয়া মন্দিরের চূড়া দর্শনপূর্বক এই স্থানে আসিয়া মহাপ্রসাদ ভোজন কর।” এই কথা শুনিয়া ভক্তগণ গোপীনাথার্চার সহিত নিজ নিজ বাসায় গমন করিলেন। ভক্তগণ চলিয়া গেলে, প্রভু উঠিয়া হরিদাসের নিকট গমন করিলেন। হরিদাস নামসঙ্কীর্ণন করিতেছিলেন, প্রভুকে দেখিয়াই দণ্ডবৎ পতিত হইলেন। প্রভু তাঁহাকে উঠাইয়া আলিঙ্গন করিলেন। হরিদাস বলিলেন, “আমি অস্পৃশ্য পামর, আমাকে স্পর্শ করিবেন না।” প্রভু বলিলেন, “আমি পবিত্র হইবার নিমিত্ত তোমাকে স্পর্শ করিতেছি। তুমি পরম পবিত্র। তোমার পবিত্রতা আশ্রিতে নাই। তুমি ক্ষণে ক্ষণে সর্বতীর্থে স্নান, জপ, যজ্ঞ, তপ, দান ও বেদাধ্যয়ন করিতেছ। তুমি দ্বিজ হইতে এবং শাস্ত্রী হইতেও পরম পবিত্র।” এই কথা

বলিয়া প্রভু হরিদাসকে কথিত পুষ্পাট্টানে লইয়া গেলেন। পুষ্পাট্টানের নিভৃত ঘরখানি হরিদাসের বাসস্থান হইল। পরে প্রভু বলিলেন, “হরিদাস, তুমি এই স্থানে থাকিয়া নাম সঙ্কীৰ্ত্তন কর; আমি প্রতিদিন এই স্থানে আসিয়া তোমার সহিত দেখা করিব; তুমি শ্রীমন্দিরের চক্র দেখিয়া প্রণাম করিবে; তোমার প্রসাদ এই স্থানেই আনিবে।” প্রভুর কথা শেষ হইলে হরিদাস নিত্যানন্দপ্রভুকে প্রণাম করিলেন। নিত্যানন্দ, জগদানন্দ, দামোদর ও মুকুন্দ হরিদাসের সহিত মিলনে পরমানন্দ অনুভব করিলেন। অনন্তর প্রভু নিত্যানন্দাদির সহিত সমুদ্রে স্নান করিয়া বাসায় আগমন করিলেন। ইতিমধ্যে অষ্টৈতাদি ভক্তগণও নিজ নিজ বাসা হইয়া স্নান ও চূড়া দর্শন করিয়া প্রভুর বাসায় আগমন করিলেন।

ভক্তবর্গ সমবেত হইলে, প্রভু তাঁহাদিগকে যথাযোগ্য স্থানে বসাইয়া স্বয়ং পরিবেশন করিতে আরম্ভ করিলেন। প্রভু অন্ন প্রসাদ দিতে পারেন না, এক এক জনের পাতে দুই তিন জনের অন্ন দিতে লাগিলেন। এদিকে প্রভু ভোজন না করিলে, কেহই ভোজন করিবেন না, সকলেই হাত তুলিয়া বসিয়া রহিলেন। তদর্শনে স্বরূপ গোসাই বলিলেন, আপনি পরিবেষণ ছাড়িয়া ভোজনে বসুন; আপনি ভোজন না করিলে, কেহই ভোজন করিতে ইচ্ছা করিতেছেন না; গোপীনাথ আপনার সঙ্গী সন্ন্যাসীদিগকে ভোজনের নিমন্ত্রণ করিয়াছে, তাঁহারাও আপনার অপেক্ষা করিতেছেন; অতএব নিত্যানন্দকে লইয়া আপনি ভোজন করুন, আমি পরিবেশন করিতেছি।” এই কথা শুনিয়া প্রভু হরিদাসের নিমিত্ত কিঞ্চিৎ মহাপ্রসাদ গোবিন্দের হস্তে প্রদান করিয়া স্বয়ং নিত্যানন্দের সহিত ভোজন করিতে বসিলেন। গোপীনাথচার্য্য সন্ন্যাসীদিগের সহিত প্রভুদিগকে পরিবেষণ করিতে লাগিলেন। স্বরূপ গোসাই দামোদর, জগদানন্দ ও অপর সকলকে পরিবেষণ করিতে লাগিলেন। সকলেই আকর্ষণপূরিয়া মহাপ্রসাদভোজন ও মধ্যে মধ্যে উচ্চ হরিধ্বনি করিতে লাগিলেন। এইরূপে ভোজন সমাধা হইলে, সকলে উঠিয়া আচমন করিলেন। আচমনের পর প্রভু সকলকে বসাইয়া মালা চন্দন পরাইলেন। অনন্তর সকলেই বিশ্রামার্থ নিজ নিজ বাসায় গমন করিলেন।

সন্ধ্যাকালে পুনর্বার ভক্তগণ প্রভুর বাসায় সমবেত হইলেন। এই সময়ে সার্বভৌম ভট্টাচার্য্য ও রায় রামানন্দ আসিয়া উপস্থিত হইলেন। প্রভু সকল বৈষ্ণবের সহিত তাঁহাদের মিলন করাইলেন। পরে সকলকে লইয়া জগন্নাথের

মন্দিরে গমন করিলেন। সন্ধ্যাকালীন ধূপারাত্রিক দর্শনের পর সঙ্কীৰ্তন আরম্ভ হইল। জগন্নাথের পড়িছা আসিয়া সকলকে মালা ও চন্দন প্রদান করিলেন। চারিদিকে চারি সম্প্রদায় কীর্তন করিতে লাগিলেন। প্রভু মধ্যে থাকিয়া নৃত্যারম্ভ করিলেন। প্রত্যেক সম্প্রদায়ে দুইখানি দুইখানি করিয়া আটখানি মৃদঙ্গ এবং আটজোড়া আটজোড়া করিয়া বত্রিশ জোড়া করতাল বাজিতে লাগিল। কীর্তনের সুমঙ্গল ধ্বনি মন্দির পূর্ণ করিয়া দশদিক ব্যাপ্ত করিতে লাগিল। ক্রমে উহা চতুর্দশ ভূবন ভরিয়া ব্রহ্মাণ্ড ভেদ করিল। পুরুষোত্তমবাসী লোকসকল অপূৰ্ব কীর্তন দর্শনার্থ আগমন করিতে লাগিলেন। তাঁহারা সেই অদ্ভুত কীর্তন দেখিয়া চমৎকৃত হইলেন। কিছুক্ষণ এইভাবে কীর্তন করিয়া প্রভু ভক্তগণকে লইয়া মন্দির-প্রদক্ষিণচ্ছলে বেড়াকীর্তন আরম্ভ করিলেন। প্রভুর উদ্দণ্ড নৃত্য, ঘন ঘন অশ্রু, কম্প ও পুলক প্রভৃতি, প্রেমবিকারসকল দর্শন করিয়া সকলেই আশ্চর্য্য বোধ করিতে লাগিলেন। নাচিতে নাচিতে পতনকালে নিত্যানন্দ পশ্চাতে থাকিয়া প্রভুকে ধরিতে লাগিলেন। কিয়ৎকাল নর্তন-কীর্তনের পর প্রভু স্বয়ং ধৈর্য্যধারণপূৰ্ব্বক মহাস্তমসকলকে নৃত্য করিতে আদেশ করিলেন। প্রভুর আদেশ পাইয়া অষ্টৈতাচার্য্য, নিত্যানন্দ, বক্রেস্বর ও শ্রীবাস পণ্ডিত এই চারিজন চারি-সম্প্রদায়ে নৃত্যারম্ভ করিলেন। প্রভু ঐ চারি সম্প্রদায়ের মধ্যে থাকিয়া অদ্ভুত ঐশ্বর্য্য প্রকাশ করিলেন। সকলেই আপন আপন সম্মুখে প্রভুর নৃত্য দর্শন করিতে লাগিলেন। প্রভুর নর্তন ও কীর্তন দেখিয়া দর্শকমাত্রই প্রেমানন্দে ভাসিতে লাগিলেন। স্বয়ং রাজা প্রতাপরুদ্র প্রাসাদের ছাদোপরি আরোহণপূৰ্ব্বক প্রভুর নর্তন ও কীর্তন দেখিতে লাগিলেন। প্রভুর সেই অপূৰ্ব নর্তন ও কীর্তন প্রত্যক্ষ করিয়া প্রভুর সহিত মিলনের নিমিত্ত তাঁহার উৎকণ্ঠা আরও বর্দ্ধিত হইতে লাগিল। কীর্তনের পর প্রভু জগন্নাথের পুষ্পাঞ্জলি দর্শন করিয়া ভক্তবৃন্দের সহিত বাসায় গমন করিলেন। পড়িছা বিস্তর মহাপ্রসাদ আনিয়া উপস্থিত করিল। প্রভু ঐ প্রসাদ সকলকে ভাগ করিয়া দিলেন। ভক্তগণ প্রভুর নিকট বিদায় লইয়া নিজ নিজ বাসায় যাইয়া শয়ন করিলেন।

অষ্টৈতাচার্য্যাদি প্রভুর ভক্তগণ এক এক দিন প্রভুকে নিমন্ত্রণ করিয়া ভিক্ষা করাইতে লাগিলেন। ক্রমে রথযাত্রার দিন নিকটবর্তী হইল। প্রভু কাশীমিশ্র, সার্কভৌম ভট্টাচার্য্য ও পড়িছাপাত্রকে ডাকাইয়া তাঁহাদিগের নিকট হইতে গুণ্ডিচামার্জ্জন সেবা প্রার্থনা করিলেন। তাঁহারা বলিলেন,—“প্রভুর যাহা অভিলাষ, তাহাই আমাদের সম্পাদনীয়। বিশেষতঃ রাজার আদেশ, আপনার

যখন যাহা আজ্ঞা, তখন তাহা পালন করিতে হইবে। কিন্তু মন্দিরমার্জন আপনার যোগ্য হয় না। তবে আপনার যখন ইচ্ছা হইয়াছে, তখন তাহাই হইবে। আমরা ঐ কার্যের জন্ত যাহা যাহা প্রয়োজন, সেই সেই বস্তুর আয়োজন করিয়া রাখিব।” প্রভু শুনিয়া পরম আনন্দিত হইলেন।

### গুণ্ডামার্জন

পরদিন প্রভাতে ভক্তগণ একত্র সমবেত হইলে, প্রভু স্বহস্তে সকলের অঙ্গে চন্দন লেপন করিয়া কাহারও হস্তে সম্মার্জনী ও কাহারও হস্তে কলস প্রদান করিলেন। পরে ভক্তগণ সমভিব্যাহারে গুণ্ডামন্দিরে যাইয়া মন্দিরমার্জন-কর্ম আরম্ভ করিলেন। মন্দিরের ভিতর, বাহির, অঙ্গন ও ভিত্তি প্রভৃতি সমস্তই শোধন করা হইল। প্রভু স্বয়ং বহির্বাসে করিয়া ধূলিকঙ্করাদি লইয়া বাহিরে নিক্ষেপ করিতে লাগিলেন। ভক্তগণও প্রভুর সহিত ধূলি নিক্ষেপ করিতে লাগিলেন। সর্বভক্তের নিক্ষিপ্ত ধূলি একত্র করিয়াও প্রভুর নিক্ষিপ্ত ধূলির সহিত সমান হইল না। ধূলি নিক্ষেপের পর জল দ্বারা মন্দিরের ভিতর, বাহির, অঙ্গন, বেদী ও অন্তঃপুর প্রভৃতি সমস্ত ধৌত করা হইল। কেহ বা মন্দির প্রক্ষালনের ছলে প্রভুর চরণে জল ঢালিয়া দিয়া ঐ জল পান করিতে লাগিলেন। প্রভু তদর্শনে অন্তরে সন্তোষ পাইয়াও লোকশিক্ষার্থ বাহিরে কৃত্রিম কোপ প্রকাশ সহকারে স্বরূপ দামোদরকে ডাকিয়া বলিতে লাগিলেন, “দেখ, তোমার গোড়ীয় সকল শ্রীমন্দিরের ভিতর আমার পায়ে জল ঢালিয়া আমাকে অপরাধী করিতেছে।” স্বরূপ দামোদরও প্রভুর মনের ভাব বুঝিয়া প্রথমতঃ তাদৃশ অপরাধকারীকে তিরস্কার করিয়া পরে তাহার অপরাধ ক্ষমাপণ করাইতে লাগিলেন। সঙ্গে সঙ্গে প্রভুর নৃত্যগীতও চলিতে লাগিল। অষ্টৈতাচার্যের পুত্র গোপাল প্রভুর আদেশে নৃত্য করিতে করিতে মূর্চ্ছিত হইয়া পড়িলেন। তদর্শনে আচার্য্য ব্যস্ত সমস্ত হইয়া পুত্রকে ক্রোড়ে তুলিয়া লইয়া নৃসিংহমন্ত্র পাঠ সহকারে তাঁহার মুখে ও পেটে জলের ছিটা দিতে লাগিলেন। অনেক যত্নেও গোপালের চৈতন্যোদয় হইল না। আচার্য্য কাতর হইয়া ক্রন্দন করিতে লাগিলেন। আচার্য্যের ক্রন্দন দেখিয়া ভক্তগণও তাঁহার সহিত কাঁদিতে লাগিলেন। তখন প্রভু গোপালের বক্ষঃস্থলে হস্তার্পণ পূর্বক বলিলেন, “গোপাল, উঠ উঠ।” প্রভুর কথা কর্ণে প্রবেশমাত্র গোপালের চৈতন্য হইল। ভক্তগণ আনন্দে ‘হরি হরি’ ধ্বনি করিতে লাগিলেন।

মন্দিরশোধন সমাধা হইলে, প্রভু কিছুকণ বিশ্রামের পর ভক্তগণের সহিত



সরোবরে যাইয়া স্নান ও জলক্রীড়া করিতে লাগিলেন। অল্পক্ষণ ক্রীড়ার পর সকলে তীরে উঠিয়া নিজ নিজ বসন পরিধানান্তর নৃসিংহদেবকে নমস্কার করিয়া উদ্গানে প্রবেশ করিলেন। এই সময়ে বাণীনাথ প্রচুর মহাপ্রসাদ লইয়া উপস্থিত হইলেন। পাঁচশত লোকের উপযুক্ত মহাপ্রসাদ দেখিয়া প্রভুর মনে বিশেষ সন্তোষ হইল। প্রভু স্বয়ং পুরীগোসাই, ভারতী গোসাই, অষ্টৈতাচার্য্য, নিত্যানন্দ, আচার্য্যরত্ন, আচার্য্যানিধি, শ্রীবাস পণ্ডিত, গদাধর, শঙ্করারণ্য, ঞ্জাচার্য্য, রাঘব পণ্ডিত, বক্রেস্বর পণ্ডিত ও সার্কভৌম ভট্টাচার্য্য প্রভৃতি কয়েকজনকে লইয়া বারাণ্ডার উপর বসিলেন। তার তলে সমস্ত উদ্গান ভরিয়াই ভক্তগণের পাতা হইল। প্রভু 'হরিদাস হরিদাস' বলিয়া ডাকিতে লাগিলেন। হরিদাস দূর হইতে বলিলেন, "প্রভু ভক্তগণের সহিত প্রসাদ অঙ্গীকার করুন, আমার এই সঙ্গে বসি উচিত হয় না, গোবিন্দ আমাকে বহির্দ্বারে পশ্চাৎ প্রসাদ দিবেন।" প্রভু হরিদাসের মন বুঝিয়া আর কিছুই বলিলেন না। স্বরূপ-গোসাই, জগদানন্দ, দামোদর, কাশীশ্বর, গোপীনাথ, বাণীনাথ ও শঙ্কর এই সাত জন পরিবেশন করিতে লাগিলেন। ভক্তগণ মধ্যে মধ্যে হরিধ্বনি করিতে লাগিলেন। শ্রীকৃষ্ণের পুলিনভোজন লীলা প্রভুর স্মৃতিপথে উদিত হইল। প্রেমাবেশ বশতঃ অধীর হইয়াও প্রভু সময় বুঝিয়া কথঞ্চিৎ ধৈর্য্যধারণ করিলেন। পরিবেশনকালে বলিতে লাগিলেন, "আমাকে নাফরা ব্যঞ্জন দাও, আর সকলকে পিষ্টক ও মিষ্টান্নাদি প্রদান কর।" কেবল বলিয়াই ক্ষান্ত হইলেন না, যিনি যাহা ভালবাসেন, সর্বজ্ঞ প্রভু স্বরূপাদিদ্বারা তাঁহাকে তাহাই দেওয়াইতে লাগিলেন। জগদানন্দ পরিবেশন করিতে করিতে যাহা কিছু উত্তম সামগ্রী তাহা প্রভুর পাতে দিতে লাগিলেন। বলিয়া দিতে গেলে প্রভু পাছে রাগ করেন ভাবিয়া না বলিয়াই দিতে লাগিলেন। যাহা কিছু দিলেন, তাহা প্রভু ভোজন করিলেন কি না মধ্যে মধ্যে ঘুরিয়া ফিরিয়া দেখিতে লাগিলেন। প্রভুও জগদানন্দের স্বভাব জানেন, ভোজন না করিলে, জগদানন্দ রাগ করিয়া ভোজন করিবেন না এই ভয়ে, সকল বস্তুরই একটু একটু ভোজন করিতে লাগিলেন। স্বরূপ গোসাইও মধ্যে মধ্যে ভাল ভাল মিষ্ট প্রসাদ আনিয়া প্রভুর পাতে দিয়া বলিতে লাগিলেন, "প্রভু, অল্প অল্প আশ্বাদন করুন, জগন্নাথ কিরূপ ভোজন করিয়াছেন দেখুন।" প্রভু স্বরূপের প্রতি স্নেহবশতঃ উহারও কিঞ্চিৎ কিঞ্চিৎ ভোজন করিলেন। প্রভু সার্কভৌম ভট্টাচার্য্যকে নিজের পার্শ্বে বসাইয়া-ছিলেন। স্নেহ করিয়া তাঁহাকে বার বার উত্তম উত্তম প্রসাদ দেওয়াইতে

লাগিলেন। গোপীনাথচার্য্য উত্তমোত্তম মহাপ্রসাদ আনয়নপূর্বক সার্বভৌম ভট্টাচার্য্যকে দিয়া বলিতে লাগিলেন,—“কোথায় ভট্টাচার্য্যের পূর্ব জড়ব্যবহার, আর কোথা এই পরমানন্দ, একবার বিচার করিয়া দেখ।” ভট্টাচার্য্য বলিলেন, আমি কুবুদ্ধি তार्কিক, তোমার প্রসাদেই আমার এই সম্পদের সিদ্ধি। মহাপ্রভুর তুল্য দয়াময় আর কেহ নাই। কাককে গরুড় করিতে পারে, এমন আর কে আছে? কোথায় আমি তार्কিক শৃগালের সহিত ছয়া ছয়া করিতাম, আর এখন কি না সেই মুখে হরি কৃষ্ণ রাম নাম বলিতেছি। কোথায় বহিমুখ তार्কিক শিষ্যগণের সঙ্গ, আর কোথায় এই সঙ্গসুধাসমুদ্র।” প্রভু শুনিয়া বলিলেন, “ভট্টাচার্য্য, তোমার কৃষ্ণপ্রীতি পূর্বসিদ্ধা; তোমার সঙ্গে আমাদেরও কৃষ্ণে মতি হইয়াছে।” ভক্তের মহিমা বাড়াইতে ও ভক্তে সুখ দিতে মহাপ্রভুর সমান আর কে আছে?

এদিকে অদ্বৈতাচার্য্য ও নিত্যানন্দ দুইজনে পাশাপাশি বসিয়াছিলেন। ভোজন করিতে করিতে উভয়ের মধ্যে ক্রীড়া কলহ কাপিয়া গেল। অদ্বৈতাচার্য্য বলিলেন, “অবধূতের সঙ্গে এক পঙ্ক্তিতে ভোজন করিতে বসিয়াছি, না জানি আমার গতি কি হইবে? প্রভু সন্ন্যাসী, উহার উহাতে কিছুই আসে যায় না, সন্ন্যাসীর অন্নদোষ হয় না; আমি গৃহস্থ ব্রাহ্মণ, অবধূতের জাতি, কুল, শীল ও আচার কিছুই জানি না, উহার সঙ্গে এক পঙ্ক্তিতে ভোজন অতিশয় অনাচার।” নিত্যানন্দ বলিলেন, “তুমি অদ্বৈতাচার্য্য, অদ্বৈত সিদ্ধান্তে শুদ্ধা ভক্তির বাধ হয়, তোমার সিদ্ধান্ত ও তোমার সঙ্গ সর্বনাশকর। যে এক বস্তু ভিন্ন দ্বিতীয় মানে না, তাহার সঙ্গে একত্র ভোজন করিয়া আমারও কি দশা হয় জানি না।” এই রূপে দুই প্রভুতে ব্যাজস্বতি হইতে লাগিল। ভোজন সমাপ্ত হইলে, সকলে হরিধ্বনি করিয়া উঠিলেন। উঠিয়া সকলেই আচমন করিলেন। আচমন শেষ হইলে, প্রভু স্বহস্তে সকলকেই মালাচন্দন পরাইয়া দিলেন। স্বরূপাদি পরিবেষকগণ গৃহমধ্যে বসিয়া মহাপ্রসাদ ভোজন করিলেন। গোবিন্দ প্রভুর ভোজনাবশেষ ধরিয়া রাখিলেন, এবং উহার কিয়দংশ হরিদাসকে প্রদান করিলেন। ভক্তগণ প্রভুর প্রসাদকণিকা গোবিন্দের নিকট হইতে চাহিয়া লইলেন। পশ্চাৎ গোবিন্দ প্রভুর প্রসাদ গ্রহণ করিলেন।

শুণ্ডিচার্য্যজ্ঞানের পরদিন জগন্নাথের নেত্রোৎসব নামক উৎসব। স্নানের পর একপক্ষ জগন্নাথের দর্শন হয় নাই। এই দিন লোকসকল জগন্নাথ দর্শন করিয়া আনন্দিত হইলেন। মহাপ্রভু ভক্তগণকে সঙ্গে লইয়া জগন্নাথ দর্শনার্থ

গমন করিলেন। কাশীখর অগ্রে অগ্রে লোকের ভিড় নিবারণ করিতে লাগিলেন। পশ্চাতে গোবিন্দ জলপাত্র লইয়া যাইতে লাগিলেন। প্রভুর অগ্রে পুরী ও ভারতী, দুই পার্শ্বে স্বরূপ ও অদ্বৈত, অপর ভক্তসকল কেহ পার্শ্বে কেহ পশ্চাতে গমন করিতে লাগিলেন। প্রভু দর্শনলোভে নিয়ম লঙ্ঘনপূর্বক ভোগমণ্ডপে যাইয়া জগন্নাথের শ্রীমুখ দর্শন করিলেন। প্রভুর তৃষ্ণার্ক্ত নেত্রভ্রমর-যুগল নিমেষরহিত হইয়া জগন্নাথের বদনকমলের মধুপান করিতে লাগিল। জগন্নাথের নয়নযুগল প্রফুল্লকমলসদৃশ, অধররাগ বাকুলির পুষ্পকেও পরাজয় করিয়াছে, ঈষৎ হাশ্বের কাস্তি যেন অমৃতের তরঙ্গ। কোটি কোটি ভক্তের নেত্রভ্রমর যত পান করিতে লাগিল, শ্রীমুখের সৌন্দর্য্যও ততই বৃদ্ধি পাইতে লাগিল। প্রভু ভক্তগণের সহিত জগন্নাথের শ্রীমুখ দর্শন করিতে লাগিলেন। দেখিয়া প্রভুর শ্রীঅঙ্গে মুহূর্মুহু স্বেদ, কম্প, পুলক ও অশ্রু প্রকাশ পাইতে লাগিল। মধ্যে মধ্যে ভোগ লাগে, মধ্যে মধ্যে দর্শন হয়। ভোগের সময় প্রভু সঙ্কীর্ণন করেন। ভোগ হইয়া গেলে, আবার দর্শন করেন। এইরূপে মধ্যাহ্নকাল পর্য্যন্ত দর্শন করিয়া প্রভু ভক্তবৃন্দের সহিত স্নানাদি মধ্যাহ্নকর্ম্ম করিতে গমন করিলেন।

### রথযাত্রা

রথযাত্রার দিন প্রাতঃকালে প্রভু প্রাতঃকৃত্য সমাপনপূর্বক ভক্তবৃন্দ-সমভিব্যাহারে জগন্নাথের পাণ্ডুবিজয়াখ্য রথারোহণলীলা দর্শন করিতে গেলেন। জগন্নাথ সিংহাসন ত্যাগপূর্বক রথারোহণ করিতে চলিলেন। রাজা প্রতাপরুদ্র স্বয়ং অমুচরবর্গের সহিত মহাপ্রভুর ভক্তগণকে পাণ্ডুবিজয় দর্শন করাইতে লাগিলেন। বলবন্ত পাণ্ডাগণ জগন্নাথকে ধরাধরি করিয়া রথস্থানে লইয়া যাইতে লাগিলেন। প্রতাপরুদ্র স্বয়ং স্বর্ণসম্মার্জ্জনী লইয়া পথসম্মার্জন করিতে লাগিলেন। রাজার উক্ত নীচজনোচিত সেবাকার্য্য দর্শন করিয়া মহাপ্রভু অতিশয় প্রীতিলভ করিলেন। সন্মার্জিতপথে চন্দনজল সেচন করা হইল। জগন্নাথ তুলার গদির উপর থাকিয়া থাকিয়া রথে আরোহণ করিলেন। পথের উভয় পার্শ্বে বিপনী। মধ্য দিয়া রথ চলিতে লাগিল। প্রভু ভক্তগণকে মালাচন্দন দিয়া সঙ্কীর্ণন আরম্ভ করিলেন। সঙ্কীর্ণনের চারিটি সম্প্রদায় হইল। এক এক সম্প্রদায়ে ছয়জন করিয়া গায়ক ও দুইজন করিয়া বাদক দেওয়া হইল। অদ্বৈত, নিত্যানন্দ,

হরিদাস ও বক্রেশ্বর এই চারিজন চারি সম্প্রদায়ে নৃত্যারম্ভ করিলেন। প্রথম সম্প্রদায়ে স্বরূপ দামোদর প্রধান গায়ক এবং দামোদর, নারায়ণ, গোবিন্দ দত্ত, রাঘব পণ্ডিত ও গোবিন্দানন্দ এই পাঁচজন তাঁহার সাহায্যকারী গায়ক হইলেন। দ্বিতীয় সম্প্রদায়ের শ্রীবাস পণ্ডিত প্রধান গায়ক এবং গঙ্গাদাস, হরিদাস, শ্রীমান্ পণ্ডিত, শুভানন্দ ও শ্রীরামপণ্ডিত এই পাঁচজন তাঁহার সাহায্যকারী গায়ক হইলেন। তৃতীয় সম্প্রদায়ে মুকুন্দ প্রধান গায়ক এবং বাসুদেব, গোপীনাথ, মুরারি, শ্রীকান্ত ও বল্লভসেন তাঁহার সাহায্যকারী গায়ক হইলেন। চতুর্থ সম্প্রদায়ে গোবিন্দঘোষ প্রধান গায়ক এবং হরিদাস, বিষ্ণুদাস, রাঘব, মাধব ও বাসুদেব তাঁহার সাহায্যকারী গায়ক হইলেন। এই চারি সম্প্রদায় ব্যতীত আরও তিনটি সম্প্রদায় গঠিত হইল, একটি কুলীনগ্রামের, একটি শান্তিপুরের ও অপরটি শ্রীখণ্ডের। রথের অগ্রে চারি সম্প্রদায়, দুই পার্শ্বে দুই সম্প্রদায় এবং পশ্চাতে এক সম্প্রদায় কীর্তন করিতে লাগিলেন। রথ কখন শীঘ্র কখন মন্দ চলিতে লাগিল। কখন স্থির হইয়া থাকে, টানিলেও চলে না। যখন কোন রূপেই রথ চলে না, তখন মহাপ্রভু রথের পশ্চাতে যাইয়া মাথা দিয়া রথ ঠেলেন, আবার রথ চলিতে থাকে। প্রভু কখন সাত সম্প্রদায়ে পৃথক্ পৃথক্ নৃত্য করেন, কখন ষুগপৎ সাত সম্প্রদায়েই মৃত্য করিতে থাকেন। স্বয়ং জগন্নাথ প্রভুর নৃত্য ও কীর্তন দেখিবার নিমিত্ত রথ স্থগিত রাখেন। প্রতাপরুদ্র প্রভুর ঈদৃশ অদ্ভুত কীর্তন দর্শন করিয়া অতীব বিস্মিত হইলেন। তিনি মধ্যে মধ্যে পার্শ্ববর্তী কাশী-মিশ্রকে লক্ষ্য করিয়া প্রভুর প্রেমমহিমা বলিতে লাগিলেন। কাশীমিশ্রও রাজার ভাগ্যের প্রশংসা করিতে লাগিলেন। অনন্তর রাজা প্রতাপরুদ্র প্রভুকে ষুগপৎ সাত সম্প্রদায়ে নৃত্য করিতে দেখিয়া সবিস্ময়ে সার্কভৌম ভট্টাচার্য্যকেও উহা দেখাইলেন। প্রভুর প্রসাদের অদ্ভুত রীতি, সাক্ষাতে রাজার প্রতি বিরক্তি প্রকাশ করিয়া পরোক্ষে এই প্রকার দয়া প্রকাশ করিলেন। সার্কভৌম ভট্টাচার্য্য ও কাশীমিশ্র রাজার প্রতি প্রভুর প্রসাদ দেখিয়া আশ্চর্য্য বোধ করিতে লাগিলেন।

প্রভু কিয়ৎক্ষণ এই প্রকার লীলা করিয়া সাত সম্প্রদায় একত্র করিয়া স্বয়ং উদ্দণ্ড নৃত্য করিতে লাগিলেন, এবং মধ্যে মধ্যে উদ্দণ্ডমুখ হইয়া নিম্নলিখিত শ্লোক সকল পাঠ সহকারে প্রগতি ও স্তুতি করিতে লাগিলেন।

“নমো ব্রহ্মণ্যদেবার গোত্রাক্ষণহিতায় চ।

জগদ্ধিতায় কৃষ্ণায় গোবিন্দায় নমো নমঃ ” বিষ্ণু পুঃ ১।১৯।৬৫

যিনি ব্রহ্মণ্যগণের পূজ্য, যিনি গোত্রাক্ষণের হিতকারী, যিনি জগতের কল্যাণ-  
দায়ক, যিনি গোগণের পালয়িতা, সেই যশোদানন্দন শ্রীকৃষ্ণকে নমস্কার ।

“জয়তি জয়তি দেবো দেবকীনন্দনোহসৌ

জয়তি জয়তি কৃষ্ণে বৃষ্ণিবংশদীপ্রপঃ ।

জয়তি জয়তি মেঘশ্যামলঃ কোমলাঙ্গো

জয়তি জয়তি পৃথ্বীভারনাশো মুকুন্দঃ ॥” মুকুন্দমালা স্তোত্রে ৩

বৃষ্ণিকুলপ্রদীপ, মেঘশ্যামল, কোমলাঙ্গ, ভূভারহারী, মুক্তিদাতা, পূজ্য, দেবকী-  
নন্দন শ্রীকৃষ্ণ জয়যুক্ত হউন ।

“জয়তি জননিবাসো দেবকীজন্মবাদো

ষড়বরপরিষৎঈশ্বদৌতিরশ্রমধর্ম্মম্ ।

স্থিরচরব্রজিনয়ঃ স্মিতশ্রীমুখেণ

ব্রজপুরবনিতানাং বর্দ্ধয়ন্ কামদেবম্ ॥” ভা ১০।১০।৪৮ ।

যিনি অন্তর্ধানিক্রমে সর্কজীবের অন্তরে বাস করিতেছেন, যিনি নন্দভাৰ্য্যা ও  
বসুদেবভাৰ্য্যা হইতে জন্মগ্রহণ করেন বলিয়া সিদ্ধান্তিত হইলেন, ব্রজবাসী গোপগণ  
ও পুরবাসী ক্ষত্রিয়গণ বাঁহার সভাসদ, যিনি নিজভুজতুলা অর্জুনাদি দ্বারা অধর্ম্ম  
নিরসন করেন, যিনি স্থাবরজঙ্গমের দুখঃহস্তা, যিনি সহস্র বদনদ্বারা ব্রজবনিতা  
ও পুরবনিতা সকলের প্রেমরূপ অপ্রাকৃত কামের বর্দ্ধন করেন, সেই শ্রীকৃষ্ণ জয়যুক্ত  
হউন ।

পরে নিম্নলিখিত শ্লোকটি পাঠ করিয়া পুনশ্চ প্রণাম করিলেন ।

“নাহং বিপ্রো ন চ নরপতি নাপি বৈশ্যো ন শূদ্রো

নাহং বণী ন চ গৃহপতি নো বনস্থো যতির্বা ।

কিন্তু প্রোত্মিখিলপরমানন্দপূর্ণামৃতাক্কে-

র্গোপীভর্তুঃ পদকমলয়োদাসদাসানুদাসঃ ॥” পঞ্চাবল্যাম্ ৭২

আমি ব্রাহ্মণ নহি, ক্ষত্রিয় নহি, বৈশ্য নহি, শূদ্র নহি, ব্রহ্মচারী নহি, গৃহস্থ,  
নহি, বনবাসী নহি, সন্ন্যাসীও নহি ; কিন্তু নিখিল-পরমানন্দ-পূর্ণামৃত-সমুদ্ররূপ  
শ্রীগোপীনাথ শ্রীকৃষ্ণের চরণকমলের দাসানুদাস ।

প্রভু মধ্যে মধ্যে এতাদৃশ উদ্ভণ্ড নৃত্য করিতে লাগিলেন যে, তাঁহার পদতরে  
পৃথিবী কম্পিত হইতে লাগিল । তাঁহার সর্কশরীরে ক্ষণে ক্ষণে অদ্ভুত স্তম্ভ  
শব্দ ও পুলকাদি দৃষ্ট হইতে লাগিল । প্রভু ভাবাবেশে কখন ভূমিতলে পতিত ও  
লুপ্ত হইতে লাগিলেন, কখন বা নিত্যানন্দ তাঁহাকে ধরিয়া রাখিতে লাগিলেন ।

এইরূপ বিচিত্র ভাবাবেশ আরম্ভ হইলে, ভক্তগণ তিনটি মণ্ডল করিয়া লোকের ভিড় নিবারণ করিতে লাগিলেন। প্রথম মণ্ডলে নিত্যানন্দাদি ভক্তগণ, দ্বিতীয় মণ্ডলে কাশীশ্বর ও গোবিন্দাদি ভক্তগণ এবং তৃতীয় মণ্ডলে পাত্রমিত্রাদি সহিত স্বয়ং রাজা প্রতাপরুদ্র লোকের ভিড় নিবারণ করিতে লাগিলেন। রাজা প্রতাপরুদ্র নিজমন্ত্রী হরিচন্দনের স্বক্কে হস্ত দিয়া প্রভুর নৃত্য দর্শন করিতেছেন। শ্রীবাস পণ্ডিতও ভাবাবিষ্ট হইয়া রাজার অগ্রে থাকিয়া প্রভুর নৃত্যাবেশ দেখিতেছেন। হরিচন্দন শ্রীবাসপণ্ডিতের গাত্রে হস্ত দিয়া তাঁহাকে রাজার সম্মুখভাগ হইতে একটু পার্শ্বে সরিয়া দাঁড়াইতে বলিলেন। শ্রীবাসপণ্ডিত হরিচন্দনের ইঙ্গিত বুঝিতে না পারিয়া ঈষৎ বিরক্তি সহকারে তাঁহাকে একটি চপেটাঘাত করিলেন। হরিচন্দন চাপড় খাইয়া ক্রুদ্ধ হইলেন, এবং শ্রীবাস পণ্ডিতকে কিছু বলিতে ইচ্ছা করিলেন। রাজা প্রতাপরুদ্র তাঁহাকে নিবারণ করিয়া বলিলেন, “তুমি ভাগ্যবান’ শ্রীবাসপণ্ডিতের হস্তস্পর্শ লাভ করিয়াছ, আমার ভাগ্যে ঐরূপ হস্তস্পর্শ লাভ হয় না।” হরিচন্দন রাজার কথা শুনিয়া কিঞ্চিৎ লজ্জিত ও শান্ত হইলেন। এদিকে উদ্দণ্ড নৃত্য করিতে করিতে প্রভুর শ্রীঅঙ্গে অদ্ভুতবিকার সকল প্রকাশ পাইতে লাগিল। মাংসব্রণের সহিত রোমবৃন্দ উখিত হইতে লাগিল, দন্ত সকল চলিত হইতে লাগিল, রোমকূপ দিয়া রক্তোদগম হইতে লাগিল, নয়নযুগল হইতে প্রস্রবণের ঞ্চায় বারিধারা ছুটিতে লাগিল। তিনি কখন বা মিম্বন্দ হইয়া ভূমিতলে অবস্থান করিতে লাগিলেন। কিয়ৎক্ষণ এই প্রকার ভাবাবেশ প্রকাশের পর প্রভু কিঞ্চিৎ ধৈর্যধারণ করিলেন। তাঁহার চিত্তের ভাবান্তর হইল। তখন স্বরূপদামোদরকে গান করিতে আদেশ করিলেন। স্বরূপ গোসাঁই প্রভুর মন বুঝিয়া নিম্নলিখিত পদটি গান করিতে লাগিলেন,—

“সেইত পরাণনাথ পাইলু”

যাহা লাগি মদনদহনে বুঝি গেলুঁ।”

স্বরূপগোসাঁই উচ্চকণ্ঠে উক্ত ধূয়া গাইতে লাগিলেন। প্রভু প্রেমানন্দে মধুর মধুর নাচিতে লাগিলেন। প্রভু যখন নৃত্য করেন, তখন জগন্নাথ রথ থামাইয়া প্রভুর নৃত্য দর্শন করিতে থাকেন। আবার যখন প্রভু রথের অগ্রে অগ্রে চলিতে থাকেন, তখন রথও চলিতে থাকে। নাচিতে নাচিতে আবার প্রভুর এক ভাবতরঙ্গ উঠিল। নিম্নলিখিত শ্লোকটি পাঠ করিতে লাগিলেন,—

“যঃ কোমারহরঃ স এব হি বরস্তা এব চৈত্রক্ষপা

স্তে চোন্মীলিতমালতীসুরভয়ঃ প্রৌঢ়াঃ কদম্বানিলাঃ ।

সা চৈবান্মি তথাপি তত্র সুরতব্যাপারলীলাবিধৌ

রেবারোধসি বেতসীতরুতলে চেতঃ সমুৎকণ্ঠতে ॥” পদ্মাবল্যাম্ ৩৮৬

রেবাতিরে কৃতক্রীড়া কোন এক নায়িকা ঐ স্থানের প্রতি সমুৎসুক হইয়া নিজগৃহে সখীকে বলিতেছেন,—যিনি আমার কোমারসহচর অভিমত পতি ছিলেন, এখনও তিনিই আছেন; কালও সেই চৈত্ররজনী; সেই প্রফুল্লমালতী কুম্বের সুগন্ধহারী কদম্ববনবায়ু বহন করিতেছে; আমিও সেই আছি; তথাপি রেবাতটস্থ বেতসকাননের সুরতব্যাপারসকল স্মরণ করিয়া আমার চিত্ত অতিশয় উৎকণ্ঠিত হইতেছে

পূর্বে যেমন কুরুক্ষেত্রে শ্রীকৃষ্ণকে প্রাপ্ত হইয়া শ্রীরাধা বলিয়াছিলেন,— “সেই তুমি, সেই আমি, সেই নবসঙ্গম, তথাপি শ্রীবৃন্দাবনই আমার মন আকর্ষণ করিতেছে; অতএব সেই স্থানেই নিজ চরণ দর্শন করাও। এখানে লোকারণ্য, হাতী, ঘোড়া ও রথের ধ্বনি; বৃন্দাবনে পুষ্পারণ্য, ভ্রমর কোকিল ও ময়ূরাদির ধ্বনি। এখানে তোমার রাজবেশ, ক্ষত্রিয় সকল সহচর; বৃন্দাবনে গোপবেশ গোপ সকল সহচর। এখানে অস্ত্র শস্ত্রে সুসজ্জিত; সেখানে মুরলী-বদন। ব্রজে তোমার সঙ্গে যে সুখ আশ্বাদন হয়, এখানে তাহার কণামাত্রও হয় না; অতএব পুনশ্চ যদি আমাকে লইয়া শ্রীবৃন্দাবনেই লীলাবিহার কর, তাহা হইলে, আমার মনোরথ পূর্ণ হয়।—তদ্রূপ, প্রভু ভাবাবিষ্ট হইয়া উল্লিখিত শ্লোকটি পাঠ করিলেন। স্বরূপ গোসাঁই প্রভুর মনের ভাব বুঝিয়া তদনুরূপ পদ গান করিলেন।

স্বরূপের গীত শেষ হইলে, প্রভু পুনশ্চ নৃত্য করিতে করিতে আর একটি শ্লোক পাঠ করিয়া তাহার রস আশ্বাদন করিতে লাগিলেন। উক্ত শ্লোক যথা—

“আহুশ্চ তে নলিননাভ পদারবিন্দং

যোগেশ্বরৈ হৃদি বিচিন্ত্যমগাধবোধৈঃ।

সংসারকূপপতিতোত্তরগাবলম্বং

গেহং জুষামপি মনস্যদিয়াৎ সদা নঃ ॥” ভা ১০।৮২।৪৮

শ্রীকৃষ্ণ কুরুক্ষেত্রে মিলিত গোপীগণকে তত্ত্বজ্ঞান উপদেশ করিলে, উহা শ্রবণ করিয়া সেই গোপীগণ বলিতেছেন,—তুমি তত্ত্বজ্ঞানের উপদেশ দ্বারা অজ্ঞানান্ধকার নিরসন বিষয়ে ভাস্করসদৃশ, ইহা আমরা বিদিত আছি। আমরা কিন্তু তত্ত্বজ্ঞানোপদেশের পাত্র নহি। আমরা চকোরী, তোমার মুখচন্দ্রের জ্যোৎস্না দ্বারাই জীবন ধারণ করি। স্বরূপদিষ্ট তত্ত্বজ্ঞানরূপ আতপ আমাদিগকে লক্ষ করিতেছ। অতএব শ্রীবৃন্দাবনে সমুদিত হইয়া আমাদিগের জীবন রক্ষা

কর। হে নলিননাভ, যোগেশ্বরগণ তোমার চরণারবিন্দ হৃদয়ে চিন্তা করেন, আমরা উহা হৃদয়ে ধারণ করিয়া থাকি। যোগেশ্বরগণ অগাধবুদ্ধি, তাঁহারা তোমার পাদপদ্ম চিন্তা করিতে পারেন, আমরা বুদ্ধিহীনা অবলা, উহা চিন্তা করিতে আরম্ভ করিয়াই মূর্ছাসাগরে নিমগ্ন হইয়া থাকি। তোমার ঐ পাদপদ্ম সংসারকূপে পতিত লোকসকলকে অবগম্বরূপে উদ্ধার করিয়া থাকে, ইহাও আমরা জানি; কিন্তু আমরা ত সংসারকূপে পতিত হই নাই, বিরহসাগরে পতিত হইয়াছি, অতএব ত্বচ্ছিন্তন আমাদের পক্ষে ব্যর্থই হইতেছে। দ্বারকায় আসিয়া তোমার সহিত বিহারও আমাদের পক্ষে অসম্ভব; কারণ আমরা শ্রীবৃন্দাবন ত্যাগ করিয়া দ্বারকায় আগমন করিতে অক্ষম। তোমার বৃন্দাবনীয় মাধুর্য্যই আমাদের রুচিকর, দ্বারকেশ্বর্য্য আমাদের রুচিকর হয় না। অতএব শ্রীবৃন্দাবনেই তোমার শ্রীচরণারবিন্দ উদয় কর। আমরা শ্রীবৃন্দাবনে তোমার শ্রীচরণদর্শনে কৃতার্থ হইব, স্মরণে কৃতার্থ হইতে পারিব না।

প্রভুর ভাবগতি হৃদয়ঙ্গমকরিয়া স্বরূপ গোসাঁই পুনশ্চ গান করিতে লাগিলেন। উক্ত গীত যথা—

অন্তের যে অন্ত মন,                      আমার মন বৃন্দাবন,  
মনে বনে এক করি জানি।

তাঁহা তোমার পদদ্বয়,                      করাহ যদি উদয়,  
তবে তোমার পূর্ণ কৃপা মানি ॥

প্রাণনাথ শুন মোর সত্য নিবেদন।

ব্রজ আমার সদন,                      তাঁহা তোমার সঙ্গম,  
না পাইলে না রহে জীবন ॥

পূর্বে উদ্ধবদ্বারে,                      এবে সাক্ষাৎ আমারে,  
যোগ জ্ঞানের কহিলে উপায়।

তুমি বিদগ্ধ কৃপাময়,                      জান আমার হৃদয়,  
মোরে ঐছে করিতে না যুয়ায় ॥

চিন্ত কাড়ি তোমা হৈতে,                      বিষয়ে চাহি লাগাইতে,  
যত্ন করি নারি কাড়িবারে।

তারে জ্ঞান শিক্ষা কর,                      লোক হাসাইয়া মার,  
স্থানাস্থান না কর বিচার ॥





ব্রজলোকের প্রেম শুনি,                      আপনাকে ঋণী মানি,  
 করে কৃষ্ণ তারে আশ্বাসন ॥  
 প্রাণপ্রিয়ে শুন মোর সত্য বচন ।  
 তোমা সবার স্মরণে,                      বুঝেঁ। মুক্তি রাত্রি দিনে,  
 মোর দুঃখ না জানে কোনজন ॥ ৩৫ ॥  
 ব্রজবাসী যতজন,                      মাতা পিতা সখাগণ,  
 সবে হয় মোর প্রাণসম ।  
 তার মধ্যে গোপীগণ,                      সাক্ষাৎ মোর জীবন,  
 তুমি মোর জীবনের জীবন ॥  
 তোমা সবার প্রেমরসে,                      আমাকে করিলা বশে,  
 আমি তোমার অধীন কেবল ।  
 তোমা সবা ছাড়াইয়া,                      আমি দূরদেশে লঞা,  
 রাখিয়াছে দুর্দৈব প্রবল ।  
 প্রিয়া প্রিয়সঙ্গহীনা,                      প্রিয় প্রিয়সঙ্গ বিনা,  
 নাহি জীয়ে এ সত্য প্রমাণ ।  
 মোর দশা শুনে যবে,                      তার এই দশা হবে,  
 এই ভয়ে দৌহে রাখে প্রাণ ॥  
 সেই সতী প্রেমবতী,                      প্রেমবান সেই পতি,  
 বিয়োগে যে বাঞ্ছে প্রিয়হিতে ।  
 না গণে আপন দুঃখ,                      বাঞ্ছে প্রিয়জন সুখ,  
 সেই দুই মিলে অচিরতে ॥  
 রাখিতে তোমার জীবন,                      সেবি আমি নারায়ণ,  
 তার শক্ত্যে আসি নিতি নিতি ।  
 তোমা সনে ক্রীড়া করি,                      নিতি যাই যদুপুরী,  
 তাহা তুমি মান আমি স্বৃতি ।  
 মোর ভাগ্যে মো বিধয়ে,                      তোমার যে প্রেম হয়ে,  
 সেই প্রেম পরম প্রবল ।  
 লুকাইয়া আমি আনে,                      সঙ্গ করায় তোমা সনে,  
 প্রকটেই আনিবে সঙ্গর ॥

যাদবের প্রতিপক্ষ,                      ছুট বত কংসপক্ষ,  
 তাহা আমি কৈল সব ক্ষয় ।  
 আছে দুই চারি জন,                      তাহা মারি বৃন্দাবন,  
 আইলাও জানিহ নিশ্চয় ॥  
 সেই শক্রগণ হৈতে,                      ব্রজজন রাখিতে,  
 রহি রাজ্যে উদাসীন হৈঞা ।  
 যে স্ত্রী পুত্র ধন করি,                      বাহু আবরণ ধরি,  
 বহুগণের সন্তোষ লাগিঞা ॥  
 তোমার যে প্রেমগুণে,                      করে আমা আকর্ষণে,  
 আনিবে আমা দিন দশ বিশে ।  
 পুন আসি বৃন্দাবনে,                      ব্রজবধু তোমাসনে,  
 বিলসিব রাত্রিদিবসে ॥  
 এত তারে কহি কৃষ্ণ,                      ব্রজ বাইতে সতৃষ্ণ,  
 এক শ্লোক পড়ি শুনাইল ।  
 সেই শোক শুনি রাধা,                      খণ্ডিল সকল বাধা,  
 কৃষ্ণপ্রাপ্তি প্রতীত হইল ॥

প্রভু স্বরূপের গীত শ্রবণ করিতে করিতে ভাবাবেশে পতিতপ্রায় হইলেন ।  
 এই সময়ে নিত্যানন্দও ভাবাবিষ্ট ছিলেন, প্রভু পড়িয়া যান তাহা দেখিতে  
 পাইলেন না । রাজা প্রতাপরুদ্র প্রভুর পশ্চাতে ছিলেন, প্রভুকে পতিতপ্রায়  
 দেখিয়া ধরিলেন । প্রতাপরুদ্রের অঙ্গস্পর্শমাত্র প্রভুর বাহুদৃষ্টি হইল । প্রভু  
 বিষয়ীর স্পর্শ হইল বলিয়া আপনাকে ধিকার দিলেন । প্রভুর বিরক্তিতে  
 প্রতাপরুদ্র কিছু ভীত হইলেন । তদর্শনে সার্কভৌম ভট্টাচার্য্য বলিলেন,  
 “আপনি ভীত হইবেন না, প্রভু আপনার প্রতি অপ্রসন্ন হন নাই, ভক্তগণকে  
 অসাবধান দেখিয়া শিক্ষা দিবার নিমিত্তই ঐরূপ ভাব প্রকাশ করিলেন ।  
 আপনি নিশ্চিন্ত থাকুন, আমি অবসর বুঝিয়া আপনাকে ইঙ্গিত করিব, আপনি  
 সেই সময় বাইয়া প্রভুর সহিত মিলিত হইবেন ।” এইপ্রকার কথোপকথন  
 হইতে হইতেই রথ বলগণ্ডিস্থানে উপনীত হইল । ঐস্থানে রথ রাখিয়া  
 পুরুষোত্তমবাসীরা জগন্নাথের ভোগ লাগাইয়া থাকেন । রথ থামিলে, ভোগের  
 আয়োজন হইতে লাগিল । ভোগের সময় লোকের ভিড় দেখিয়া প্রভু নৃত্য  
 ভাগ পূর্বক পুষ্পোদ্ভানে প্রবেশ করিলেন । প্রভু প্রেমাবেশে উচ্চানমধ্যবর্তী

গৃহের বারাণ্ডায় বাইরা উপবেশন করিলেন। নর্তনশ্রমে প্রভুর কলেবর ঘর্ষাক্ত হইয়াছিল। উত্তানের শীতল সমীরণ প্রবাহিত হইয়া প্রভুর সেবা করিতে লাগিল। ভক্তগণও নৃত্যগীতশ্রমে ক্লান্ত হইয়া তরুতলে আশ্রয় লইলেন। এই সময়ে রাজা প্রতাপরুদ্র সার্বভৌম ভট্টাচার্য্যের ইঙ্গিত পাইয়া একাকী বৈষ্ণবের বেশে প্রভুর সমীপস্থ হইলেন। প্রভু তখন নয়ন মুদ্রিত করিয়া শয়ন করিয়াছিলেন। রাজা যাইয়া প্রভুর চরণযুগল ক্রোড়ে তুলিয়া লইয়া সঙ্গাহন এবং রাসলীলার অন্তর্গত গোপীগীতাপাঠ করিতে লাগিলেন। গোপীগীতা শ্রবণ করিতে করিতে প্রভুর অপার সন্তোষ হইল। বার বার উচ্চস্বরে 'কোল বোল' বলিতে লাগিলেন। পরে যখন রাজা প্রতাপরুদ্র--

“তব কথামৃতং তপ্তজীবনং  
কবিত্তিরীড়িতং কল্যাণপহম্।  
শ্রবণমঙ্গলং শ্রীমদাততং

ভুবি গুণস্তি যে ভূরিদা জনাঃ ॥ (১) ভা ৩।১০।৩১।২

এই শ্লোকটি পাঠ করিলেন, তখন প্রভু উঠিয়া তাঁহাকে প্রেমালিঙ্গন প্রদান-পূর্বক বলিলেন, “তুমি আমাকে বহু অমূল্য রত্ন প্রদান করিলে আমি তোমাকে কিছুই দিতে পারিলাম না, এই আলিঙ্গনমাত্র দিলাম।” তখনই উভয়ের অঙ্গে কম্প ও পুলকের সহিত নয়নে অশ্রুধারা প্রবাহিত হইতে লাগিল। রাজার পূর্বসেবা দেখিয়া প্রভু তাঁহার প্রতি সদয় হইয়াছিলেন, সম্প্রতি অমুসন্ধান ব্যতিরেকেই কৃপা করিলেন। পরে বলিলেন, “তুমি কে? তুমি আমার অনেক হিত করিলে, অকস্মাৎ আসিয়া আমাকে কৃষ্ণলীলামৃত পান করাইলে।” রাজা বলিলেন, “আমি আপনার দাসাঙ্গুদাস।” প্রভু শুনিয়া তাঁহাকে নিজ ঐশ্বর্য্য দেখাইলেন, এবং সঙ্গে সঙ্গেই বলিলেন, যাঁহা দেখিলে, তাঁহা কুত্রাপি প্রকাশ করিও না।” প্রভু রাজাকে চিনিয়াও বাহিরে তাঁহা প্রকাশ করিলেন না, অজ্ঞাতের স্থায় বিদায় দিলেন। রাজা বাহিরে আসিয়া প্রভুর ভক্তগণের

(১)সংসারতপ্ত বা স্বদ্বিরহতপ্তজনের জীবনস্বরূপ শ্রীশুকনারদাদি জ্ঞানিগণ-কর্তৃক সংস্কৃত, প্রারুদ্বাদিসর্বপাপনাশন, শ্রবণমাত্রেই সর্বার্থসাধক, নিতা শ্রীযুক্ত (সর্বোৎকর্ষবৃক্ষ) তোমার কথামৃত এই ভূমণ্ডলে যাঁহারা বিস্মৃতভাবে (প্রতিকণ) কীর্তন করেন নিশ্চয় তাঁহারা বহু দান অর্থাৎ পুণ্য করিয়া-ছিলেন।

চরণবন্দন করিলেন। ভক্তগণ রাজার প্রতি প্রভুর প্রসাদ দেখিয়া আনন্দ সহকারে রাজাকে প্রশংসা করিতে লাগিলেন।

অনন্তর রাজা প্রতাপরুদ্র বাণীনাথ দ্বারা বলগণ্ডি ভোগের উত্তম উত্তম প্রসাদ সকল প্রভুর নিকট পাঠাইয়া দিলেন। প্রভু ভক্তগণের সহিত ঐ স্থানেই মাধ্যাহ্নিক ক্রিয়া সমাধা করিলেন। পরে ভক্তগণকে বসাইয়া পাত দেওয়াইলেন, এবং স্বয়ংই প্রসাদ পরিবেষণে প্রবৃত্ত হইলেন। প্রভু কীৰ্ত্তনের পরিশ্রম জানিয়াই ভক্তগণের পরিতোষার্থে স্বয়ং পরিবেশন আরম্ভ করিলেন। কিন্তু প্রভু ভোজন না করিলে ভক্তগণ ভোজন করিবেন না। অগত্যা প্রভুকে পরিবেশন ছাড়িয়া ভোজনে বসিতে হইল। ভোজন করিতে করিতেই প্রভু ভক্তগণকে আকর্ষণ পূরিয়া ভোজন করাইলেন। প্রসাদ অনেক থাকিয়া গেল। প্রভু উপস্থিত দীনদরিদ্রগণকে ঐ প্রসাদ দেওয়াইলেন। ভক্তগণ কাঙ্গালীদিগের ভোজনরঙ্গ দর্শন করিয়া মহানন্দে প্রভুর সহিত হরিধ্বনি করিতে লাগিলেন। এদিকে পুনর্বার রথ চলনের সময় হইল। মল্লগণ রজ্জু ধারণপূর্বক প্রাণপণে চেষ্টা করিয়াও রথকে একপদও চালাইতে পারিল না। রাজাদেশে হস্তিসকল আনাইয়া তদ্বারা রথচালনের ব্যবস্থা করা হইল, তাহাও নিষ্ফল হইল, রথ নড়িল না। তদর্শনে প্রভু নিজ ভক্তগণকে রজ্জু দিয়া স্বয়ং পশ্চাৎ হইতে রথ ঠেলিতে লাগিলেন। রথ নিমেষমধ্যে গুণ্ডিচামন্দিরের দ্বারে যাইয়া উপনীত হইল। দর্শকমাত্র পরম বিস্ময়ান্বিত হইলেন। বলবন্ত মল্লগণ ও মস্তহস্তিগণ যে রথ একপদও নড়াইতে পারিল না, সেই রথ প্রভুর স্পর্শমাত্র গুণ্ডিচামন্দিরের দ্বারে উপনীত হইল; লোকসকলের বিস্ময়ের সীমা রহিল না। রথ গুণ্ডিচার দ্বারে উপনীত হইলে, পাণ্ডাগণ জগন্নাথকে নামাইয়া গুণ্ডিচামন্দিরস্থ সিংহাসনে উপবেশন করাইলেন। প্রভু সায়ংকালীন আরাত্রিক দর্শন করিয়া জুঁইফুলের বাগানে যাইয়া বিশ্রাম করিতে লাগিলেন।

পরদিন অষ্টৈতাচার্যের বাসায় প্রভুর নিমন্ত্রণ হইল। প্রভু প্রাতঃকালে ভক্তবর্গের সহিত ইন্দ্রদ্যুম্ন সরোবরে স্নান ও ক্রিয়ৎক্ষণ জলবিহার করিলেন। লিখিত আছে, প্রভু জলবিহারকালে অষ্টৈতাচার্যকে জলের উপর শয়ন করাইয়া স্বয়ং তদুপরি আরোহণপূর্বক শেষায়ীর লীলা প্রকাশ করিয়াছিলেন। জলবিহারের পর, প্রভু জগন্নাথ দর্শন করিলেন। পরে পুরী ও ভারতী প্রভৃতি মুখ্য মুখ্য ভক্তগণের সহিত আচার্যের বাসায় যাইয়া ভোজন করিলেন। অপরাপর ভক্তগণ বাণীনাথ কর্তৃক আনীত মহাপ্রসাদ ভোজন করিলেন। ভোজনের পর

অপরাহ্নে প্রভু পুনশ্চ জগন্নাথ দর্শন ও কীর্তন করিলেন। নিশায় পূর্ববৎ উত্থানে ঘাইয়া শয়ন করিলেন।

### লক্ষ্মীবিজয় ।

দেখিতে দেখিতে পঞ্চম দিবস আসিয়া উপস্থিত হইল। এই দিবসের নাম হেরা পঞ্চমী। 'রথযাত্রার দিন হইতে গণনায় পঞ্চম দিবসে লক্ষ্মীদেবী রথস্থ জগন্নাথদেবকে দর্শন করেন বলিয়াই ইহার নাম হেরা পঞ্চমী বলা হয়। রাজা প্রতাপরুদ্র প্রভুর সন্তোষার্থ বিশেষ সমারোহে লক্ষ্মীবিজয় করাইবার মানস করিলেন। তদনুরূপ আয়োজনও হইল। কাশীমিশ্র প্রভুকে লক্ষ্মীবিজয়লীলা দর্শন করাইবার নিমিত্ত একটি উৎকৃষ্ট স্থান মনোনীত করিলেন। প্রভুকে ভক্তগণের সহিত ঐ স্থানে বসান হইল। প্রভু উপবিষ্ট হইয়া রসবিশেষ শ্রবণাভিলাষে স্বরূপ দামোদরকে লক্ষ্য করিয়া বলিলেন,—“জগন্নাথদেবের এই লীলা অবশ্য দ্বারকালীলা। শ্রীকৃষ্ণ দ্বারকায় বিহার করিতে করিতে বৎসরের মধ্যে একবার শ্রীবৃন্দাবনের তুল্য উপবনসকল দর্শন করিবার নিমিত্ত রথযাত্রাচ্ছলে নীলাচল হইতে সুন্দরাচলে গমন করেন। গমনাগমনে পথে কয়েকদিন ঐ সকল উপবনেই বিহার করিয়া থাকেন। বিহারকালে লক্ষ্মীদেবীকে সঙ্গে লয়েন না, ইহার কারণ কি?” স্বরূপ গোসাঁই বলিলেন,—“কারণ ত স্পষ্টই প্রতীয়মান হইতেছে। উপবনবিহার অবশ্য শ্রীবৃন্দাবনবিহার। শ্রীবৃন্দাবনবিহারে লক্ষ্মীদেবীর অধিকার নাই। এই নিমিত্তই লক্ষ্মীদেবীকে সঙ্গে লয়েন না।” প্রভু পুনশ্চ বলিলেন,—“শ্রীবৃন্দাবনবিহারে লক্ষ্মীদেবীর অধিকার নাই সত্য, কিন্তু এই উপবনবিহার যাত্রাচ্ছলে প্রকাশবিহার, গুপ্তবিহার নহে, সঙ্গে সুভদ্রা ও বলরাম; লক্ষ্মীদেবীকেও সঙ্গে লওয়ায় দোষ কি ছিল? স্বরূপগোসাঁই উত্তর করিলেন, “প্রকাশবিহারে লক্ষ্মীদেবীকে সঙ্গে লওয়ায় কোনরূপ দোষস্পর্শ হয় না সত্য, কিন্তু জগন্নাথের অন্তরে শ্রীবৃন্দাবনবিহারই বিভািত হয় বলিয়া তৎকালে ঐশ্বর্যাধিষ্ঠাত্রী লক্ষ্মীদেবীর সঙ্গ শোভা পায়না। এই নিমিত্তই উপবনবিহারে লক্ষ্মীদেবীকে সঙ্গে লওয়া হয় না।” প্রভু বলিলেন,—“আচ্ছা, এই নিমিত্তই যেন লক্ষ্মীদেবীকে সঙ্গে লওয়া হয় না, লক্ষ্মীদেবীর তাহাতে রোষ হয় কেন? জগন্নাথদেবের অন্তরে ঘাই খাকুক, তাহা ত অস্ত্র কেহ জানিতে পারেন না, প্রকাশে উপবনবিহারমাত্র, উপবনবিহারে লক্ষ্মীদেবীর রাগের কারণ কি?” স্বরূপগোসাঁই

বলিলেন,—“প্রেমবতীর প্রকৃতিই ঈদৃশী। তাঁহারা কান্ডের ঔদাত্তাস দেখিলেও ক্রোধ করিয়া থাকেন।”

ইত্যবসরে লক্ষ্মীদেবী সুবর্ণনির্মিত দোলায় আরোহণ করিয়া বহির্গত হইলেন। তাঁহার পরিচারিকাগণ জগন্নাথের সেবকগণকে বন্ধন করিয়া বিবিধ তাড়ন ও ভৎসন সহকারে তাঁহার নিকট আনয়ন করিল। তদর্শনে প্রভু ভক্তগণের সহিত হাস্য করিতে লাগিলেন। প্রভুকে হাস্য করিতে দেখিয়া দামোদর বলিলেন, “প্রভো, হাসিবারই কথা বটে। ইহা মান নয়, প্রচণ্ড রৌদ্ররস। এই প্রকার মান আমি আর কখন দেখি নাই বা শুনিও নাই। দ্বারকার সত্যভামা দেবীর মানের কথা শুনা যায়, সেও একরূপ নহে। সত্যভামা দেবী যখন মানিনী হইতেন, তখন তিনি ভূষণাদি ত্যাগ করিয়া মলিনবসনে অধোমুখে ভূমিলিখন করিতেন। আর লক্ষ্মীদেবী কি না মানিনী হইয়া নিঃশব্দে প্রকাশ-পুরঃসর সৈন্তসামন্ত লইয়া জগন্নাথদেবকে আক্রমণ করিতে চলিয়াছেন।”

হরিবংশে সত্যভামাদেবীর ঈর্ষামান বর্ণনার সময় তাঁহাকে রোষবতী না বলিয়া রোষবতীর স্তায়ই বলিয়াছেন,—

“কুশিতামিব তাং দেবীং স্নেহাৎ সঙ্কল্পয়ন্তি ব।

তীতভীতোহতিশনকৈ বিবেশ যত্নন্দনঃ ॥ বিষ্ণু প ৬৬।৪

রূপযৌবনসম্পন্নাস্বসৌভাগ্যেন গর্ষিতা।

অভিমানবতী দেবী শ্রীকৃষ্ণবের্ষাবশং গতা ॥ বিষ্ণু প ৬৫।৫০

একদা দেবর্ষি নারদ স্বর্ণ হইতে একটি পারিজাত কুম্ভ আনিয়া শ্রীকৃষ্ণকে অর্পণ করেন। শ্রীকৃষ্ণ ঐ পুষ্পটি রুক্মিণীদেবীকে প্রদান করেন। রূপযৌবন-সম্পন্ন সত্যভামাদেবী শ্রীকৃষ্ণকৃত আদর হেতু অতিশয় গর্ষিতা ছিলেন। তিনি আপনাকে শ্রীকৃষ্ণপ্রেমসীগণের প্রধানই বিবেচনা করিতেন। পূর্বোক্ত ঘটনা শ্রবণ করিয়া তাঁহার রুক্মিণীদেবীর প্রতি ঈর্ষা জন্মিল। তিনি ঐ ঈর্ষার বশীভূত হইয়া মানিনী হইলেন। মানিনী হওয়ায় তিনি রোষবতীর স্তায় প্রতিভাত হইতে লাগিলেন। শ্রীকৃষ্ণও তাঁহার প্রতি স্নেহযুক্ত ছিলেন। অতএব তাঁহাকে রোষবতীর স্তায় দেখিয়া পাছে তাঁহার স্নেহের শৈথিল্য হয় ভাবিয়া অতিশয় ভীত হইলেন এবং ধীরে ধীরে তাঁহার মন্দিরে প্রবেশ করিলেন।

হরিবংশের ঐ বর্ণনা হইতে বুঝা যায়, স্নেহশালী কৃতাপরাধ নারিকের নারিকাকে ভয় হয়, এবং প্রণয়িনী নারিকার কৃতাপরাধ নারিকের প্রতি ঈর্ষাজনিত মান উৎপন্ন হয়। মান উৎপন্ন হইলে, নারিকাকে রোষবতীর স্তায় দেখা যায়।

এই মানের নাম ঈর্ষামান। ইহা সহেতু, অর্থাৎ কাস্তের অপরাধ বা অপরাধাভাসই এই মানের হেতু। ইহা সহেতু মান; সত্যভামাদি মহিবীর্গে এবং চন্দ্রাবল্যাদি গোপীসকলেও দৃষ্ট হইয়া থাকে। এতদ্ব্যতীত আর এক প্রকার মান আছে। ঐ মানের নাম প্রণয়-মান। ঐ মান কারণনিরপেক্ষ, কাস্তের অপরাধ বা অপরাধাভাসরূপ কারণের অপেক্ষা করে না। উহা প্রণয়াদিকো স্বতঃই উৎপিত হয়। উহা প্রণয়েরই বিলাস। ঐ মান কেবল ব্রজদেবীতেই দৃষ্ট হইয়া থাকে, অন্ত্র দৃষ্ট হয় না। ব্রজদেবীগণের সহেতুক মানও মহিবীগণের সহেতুক মানের স্থায় নহে। ব্রজদেবীগণের সহেতুক মানও অন্ত্র দুর্গত এনং রসের নিধান।

প্রভু ভিজ্ঞাসা করিলেন, “ব্রজের মান কি প্রকার?”

স্বরূপ গৌসাই বলিতে লাগিলেন,—মহিবীগণের মানের মূল, কাস্তের সৌভাগ্যসহনে অসহিষ্ণুতা। আর ব্রজদেবীগণের মানের মূল, কাস্তের অসুখাশঙ্কা। কাস্তের অসুখ আশঙ্কায় ব্রজদেবীগণের প্রেমপ্রবাহ মানরূপ বাধা দ্বারা বাধিত হইয়া শতধারায় প্রবাহিত হইতে থাকে। ব্রজদেবীগণের প্রেম মানের আকারে প্রকাশিত হইয়া প্রেমসীকে প্রিয়ের পূজা করায়, প্রেমের অনুভব ও পরিমাণ করায় এবং স্বয়ং প্রিয়রূপে অনুভূত হয়। এই নিমিত্তই অলঙ্কারশাস্ত্রে উক্ত হইয়াছে,—

“নাশ্রুতে প্রেরসা যেন যং প্রিয়ঞ্জন মশ্রুতে।

মশ্রুতে বা মিমীতে বা প্রেমমানঃ স কথ্যতে।

•মহাভাষ্যরূতঃ কোহসাবমুমান ইতি শ্বতে-

লুঁড়ন্তোহপি ন পুংলিঙ্গো মানশব্দঃ প্রদৃশ্যতি ॥”

যে মানহেতু প্রেমসী প্রিয়কর্তৃক পূজিত হইয়েন, যাহা স্বয়ং প্রিয়রূপে অনুভূত হয়, যাহা হইতে প্রেমের অনুভব বা পরিমাণ করা যায়, তাহাকেই প্রেমমান বলা হয়। মহাভাষ্যকার “কোহসৌ অমুমানঃ” এইরূপ পুংলিঙ্গ মান শব্দের প্রয়োগ করিয়াছেন, অতএব অনটুপ্রত্যয়ান্তু মা ধাতু হইতে নিস্পন্ন হইলেও, মানশব্দের পুংলিঙ্গ প্রয়োগে দোষাবহ হয় না। মন ধাতুর উত্তর স্বঞ্ প্রত্যয় দ্বারাও মান শব্দ নিস্পন্ন হইয়া থাকে।

কেহ কেহ বলেন, ঈর্ষাজনিত বা প্রণয়জনিত কোপই মান। বস্তুতঃ মান ও কোপ স্বতন্ত্র বস্তু। মান প্রণয়াদ্য প্রেমেরই বিলাস-বিশেষ। প্রেম কুটিল-স্বভাব। প্রেম কুটিলস্বভাব বলিয়াই বুদ্ধির অবস্থায় কখন ঈর্ষারূপ কারণ হইতে



কখন বা কারণনিরপেক্ষভাবে স্বতঃই মানাকারে উখিত হইয়া থাকে। যখন উহা নির্ধারিত কারণ হইতে উখিত হয়, তখন উহাকে সহিতুক, এবং যখন উহা অকারণে উখিত হয়, তখন উহাকে নিহিতুক মান বলা যায়। কোপ কটু ও সন্তাপজনক, মান মধুর ও স্নিগ্ধতাসম্পাদক। এইপ্রকার স্পষ্ট ভেদলক্ষণ সঙ্গেও মান ক্রিয়াবিশেষসাম্যে কোপের আকারে দৃষ্ট হয় বলিয়া মানকে কোপই বলা হয়। বস্তুতঃ মান কোপ নহে, কোপাতাসমাত্র।

ব্রজদেবীগণের স্বভাবভেদে তাঁহাদিগের প্রেমেরও বৃত্তিভেদ হইয়া থাকে। ঐ প্রেমবৃত্তির ভেদ অনুসারেই মানেরও প্রকারভেদ হয়। অসংখ্য ব্রজদেবীর অসংখ্য স্বভাব ভেদে অসংখ্য প্রেমবৃত্তির প্রকাশভেদ হইতে অসংখ্য মানের উদ্ভব হইয়া থাকে। উহা বর্ণনা করা নিতান্ত অসম্ভব। অসম্ভব বলিয়াই উহার দুই চারিটি মাত্র বর্ণন করিব।

মানবতী নাগ্নিকা ধীরা, অধীরা ও ধীরাধীরা ভেদে তিন প্রকার। ধীরা মানিনী হইলে, কৃতাপরাধ নায়ককে সোপহাস বক্রোক্তিদ্বারা সন্তাষণ করিয়া থাকেন।

“ধীরা কান্ত দূরে দেখি করে প্রতুখান ।  
নিগটে আসিতে করে আসন প্রদান ॥  
হৃদে কোপ মুখে কহে মধুর বচন ।  
প্রিয় আলিঙ্গিতে তাঁরে করে আলিঙ্গন ॥  
সরল ব্যবহারে করে মানের পোষণ ।  
কিন্মা সোল্লুঠ বাক্যে করে প্রিয়নিরসন ॥”

অধীরা রোষসহকারে কঠোর বাক্যদ্বারা বল্লভকে নিরাস করিয়া থাকেন।

“অধীরা নিষ্ঠুর বাক্যে করয়ে ভৎসন ।  
কর্ণোৎপলে তাড়ে করে মালায় বন্ধন ॥”

ধীরাধীরা অশ্রমোচনসহকারে বক্রোক্তি প্রয়োগ করিয়া থাকেন।

“ধীরাধীর্য বক্রবাক্যে করে উপহাস ।  
কভু স্তুতি কভু নিন্দা কভু বা উদাস ॥”

বয়স ভেদে নাগ্নিকা তিন প্রকার ; যুগ্মা, মধ্যা ও প্রগল্ভা। নবীনঘোবনা, ঈষৎ কাম্রবতী, রতিবিষয়ে বামা, সখীজনের অধীনা, রতিচেষ্টায় লজ্জাশীলা অথচ তদ্বিষয়ে গোপনে যত্নবতী, সাপরাধ প্রিয়তমের প্রতি সগজ্জন্টীসংকারিণী, প্রিয় ও অপ্রিয় বচনে অশক্ত এবং মানবিষয়ে সর্বদা পরাঙমুখী নাগ্নিকাকেই যুগ্মা বলা যায়।

“মুখা মধ্যা প্রগল্ভা তিন নাগিকার ভেদ ।

মুখা নাহি জানে মানের বৈদগ্ধী বিভেদ ॥

মুখ আচ্ছাদিয়া করে কেবল রোদন ।

যাঁহার লজ্জা ও কাম সমান, যিনি স্পষ্টযৌবনা, যিনি কিঞ্চিৎ প্রগল্ভবচনা  
মোহ পর্যন্ত সুরতক্রমা, মানে কখন কোমল কখন কৰ্কশা, তিনিই মধ্যা ।

আর যিনি পূর্ণযৌবনা, মদাক্লা, বিপরীতসন্তোগেচ্ছাশালিনী, ভূরি ভাবোদ্গমে  
অভিজ্ঞা, রস দ্বারা বস্তুকে স্বায়ত্তীকরণে সমর্থ, যাঁহার উক্তি ও চেষ্টা প্রোঢ়-  
ভাবাপন্ন, এবং যিনি মানবিষয়ে অতিশয় কৰ্কশা তিনিই প্রগল্ভা ।

এই মধ্যা, ও প্রগল্ভাই মানে ধীরা, অধীরা বা ধীরাধীরা হইয়া থাকেন ।  
তন্মধ্যে স্বভাবানুসারে কেহ মৃদু, কেহ প্রথরা, কেহ সমা হয়েন। সকলেই নিজ  
নিজ স্বভাব অনুসারে শ্রীকৃষ্ণপ্রেমের বর্ধন করিয়া থাকেন । সকলেই নিজ নিজ  
স্বভাব দ্বারা তদনুরূপ শ্রীকৃষ্ণের সন্তোষ বিধান করিয়া থাকেন ।

স্বরূপের কথা শুনিয়া প্রভু অপার আনন্দ অনুভব করিলেন, এবং আরও  
অধিক শুনিবার নিমিত্ত আগ্রহ প্রকাশ করিতে লাগিলেন । প্রভুর শ্রবণাগ্রহ  
বুঝিয়া স্বরূপ গোসাঁই পুনশ্চ বলিলেন,—“শ্রীকৃষ্ণ রসিকশেখর, গোপীগণ ও শুদ্ধ  
প্রেমরসগুণে প্রবীণ । গোপীগণের প্রেমে রসাতাসরূপ দোষের সম্বন্ধ নাই ।  
এই নিমিত্তই গোপীগণের প্রেমে শ্রীকৃষ্ণের পরম সন্তোষ হইয়া থাকে ।  
শ্রীমদ্ভাগবতে উক্ত হইয়াছে,—

“এবং শশাঙ্কান্ধবিরাজিতা নিশাঃ

স সত্যকামোহনুরতাবলাগণঃ ।

সিষেব আত্মস্তবরুদ্ধমোরতঃ

সৰ্বা শরৎকাব্যাকথারসাশ্রয়াঃ ॥” ভা ১০।৩৩,৩৫

সত্যকাম ভগবান্ শ্রীকৃষ্ণ সুরতস্বকী হাবভাবাদি অন্তরে অবরোধপূৰ্ব্বক  
অনুরাগিণী অবলাগণের সহিত উক্তপ্রকারে কাব্যমধ্যে কথামান শরৎকালীন রস-  
সকলের আশ্রয়ভূত ও চন্দ্রকিরণে সমুজ্জ্বল রাত্রি সকল উপভোগ করিয়াছিলেন ।

শ্রীকৃষ্ণ সত্যকাম, তাঁহার কামের অর্থাৎ সঙ্কল্পের কখনই ব্যতিচার হয় না ।  
এই নিমিত্তই তিনি অনুরাগিণী অবলাগণের সহিত বিহার করিয়াছিলেন । তিনি  
বিহারকালে সেই অনুরাগিণী অবলাগণের সুরতস্বকী হাবভাবাদি নিজ অন্তরে  
অবরোধ করিয়া রাখিয়াছিলেন, অর্থাৎ তাঁহাদিগের হাবভাবাদির দ্বারা এতই  
আকষ্টচিত্ত হইয়াছিলেন যে, তাঁহাদিগকে ত্যাগ করিতে সমর্থ হইবেন নাই ।

অবলাগণ তাঁহাতে অমুরাগিনী, অতএব তিনি কেমন করিয়া তাঁহাদিগকে ত্যাগ করিবেন ? অমুরাগিনী অবলাগণকে ত্যাগ করিতে পারিবেন না বলিয়াই তাঁহাদিগের সহিত শরৎকালীন রস সকলের আশ্রয়ভূত রাত্রিসকল ব্যাপিয়া বিহার করিতে লাগিলেন । শরৎশব্দে যেমন শরৎঋতুকে বুঝায়, তেমনি বৎসরাত্মক কালকেও বুঝায় । অতএব শরৎকালীন রসসকলের আশ্রয়ভূত রাত্রিসকল ব্যাপিয়া বিহার বলিতে অনন্যকাল ব্যাপিয়া বিহারই বুঝিতে হয় । কাব্যমধ্যে কথ্যমান অর্থাৎ কবিগণ যাহা উৎকৃষ্টবোধে গ্রহণমধ্যে নিবিষ্ট করিয়াছেন । রস সকলের আশ্রয়ভূত এবং চক্রকিরণে সমুজ্জ্বল বলিতে রসাতাসাদি-দোষবিবর্জিত এবং উদ্দীপনাস্বিত । রস অনুচিতরূপে প্রবৃত্ত হইলেই তাহাকে রসাতাস বলা যায় ; অর্থাৎ যে রসের যে ভাবে প্রবৃত্ত হওয়া অনুচিত, সেই রস যদি সেই ভাবে প্রবৃত্ত হয়, তবেই তাহাকে রসাতাস বলা যায় । শৃঙ্গাররসের স্থায়িতাব বা রতি যদি উপপতিবিষয়িনী মূনিপত্নীবিষয়িনী বা গুরুপত্নীবিষয়িনী হয়, অথবা যদি নায়কনায়িকার তুল্যানুরাগে না থাকে, কিম্বা ঐ রতি যদি বহুনায়কনিষ্ঠ বা নীচগত হয়, তবে ঐ রস রসাতাস বলিয়াই গণ্য হইয়া থাকে । অতএব ব্রজাবলারিগের রতি যে উপপতিবিষয়িনী হয় নাই, ইহা অবশ্য বক্তব্য ; কারণ, উহা তাদৃশী হইলে, রসসকলের আশ্রয়ভূত বলিতেন না ।

যিনি রসাস্বাদনে পরম প্রবীণ, যিনি রসের নির্ধাস অর্থাৎ সার আন্বাদন করেন, তাঁহাকেই রসিকশেখর বলা যায় । শ্রীকৃষ্ণ রসিকশেখর, অতএব তিনি যে রসাতাস আন্বাদন করেন নাই, তিনি যে রসের নির্ধাসই আন্বাদন করিয়াছিলেন, ইহা স্থির । শ্রীকৃষ্ণ রসের সার আন্বাদন করিয়াছিলেন, ইহা স্থির হইলে, তিনি ঐ রসের সার কোথায় আন্বাদন করিয়াছিলেন, ইহাও নির্ণয় করিতে হয় । প্রকটগীতায় শ্রীকৃষ্ণের রসাস্বাদন জগতেই হইয়া থাকে । কিন্তু সমস্ত জগৎই ঐশ্বর্যজ্ঞান দ্বারা মিশ্রিত । জগতের সকলভক্রই বিধি-মার্গের পথিক । বিধিমার্গের পথিকসকল শ্রীকৃষ্ণকে ঐশ্বরবুদ্ধিতেই ভজন করিয়া থাকেন । ঐশ্বরজ্ঞানে ভক্তের সঙ্কোচগৌরবাদি স্বাভাবিক । সঙ্কোচ-গৌরবাদি হইতে প্রেমের শৈথিল্য ঘটে । শিথিল প্রেমে শ্রীকৃষ্ণের সন্তোষ হয় না । যে ভক্ত আপনাকে হীন ও ভজনীয় বস্তুকে ঐশ্বর বলিয়া জ্ঞান করেন, তাঁহার প্রেমে শ্রীকৃষ্ণ বশীভূত বা প্রীত হয়েন না । যিনি যে ভাবে ভজন করেন, শ্রীকৃষ্ণ তাঁহাকে সেই ভাবেই অস্বীকার করিয়া থাকেন । বিধিতক্তের নিকট শ্রীকৃষ্ণ ঐশ্বরই থাকেন । ঐশ্বর্যজ্ঞানরহিত ভক্তিই শুদ্ধভক্তি । রাগমার্গের পথিক

সকল শ্রীকৃষ্ণকে পুত্র, সখা বা পতি বুদ্ধিতেই ভজন করিয়া থাকেন। পুত্র, সখা বা পতি বুদ্ধিতে সঙ্কোচগৌরবাদি থাকে না। সঙ্কোচগৌরবাদিরহিত হইলে, প্রেমের গাঢ়তা জন্মে। এই গাঢ় প্রেমেই শ্রীকৃষ্ণের সন্তোষ হয়। যে ভক্ত আপনাকে বড় ও ভজনীয় বস্তুকে সম বা হীন বলিয়া জ্ঞান করেন, তাঁহার প্রেমেই শ্রীকৃষ্ণ বশীভূত বা প্রীত হইয়েন। এই শুদ্ধপ্রেম বৈকুণ্ঠাদিরও দুর্লভ। ইহা একমাত্র গোলোকের নিজ সম্পত্তি। এই গোলোকের শুদ্ধপ্রেম করুণাময় শ্রীভগবানের রূপায় যখন প্রপঞ্চে প্রকট হয়, তখনই তিনি জগতে উক্ত রস-নির্ধাস আশ্বাদন করিয়া থাকেন। তখন সখ্যভক্তসকল শুদ্ধসখ্যবশতঃ শ্রীকৃষ্ণকে আপনার সমান জ্ঞানে তাঁহার স্কন্ধারোহণকরিয়া তাঁহাকে রসনির্ধাস আশ্বাদন করাইয়া থাকেন। তখন বাৎসল্যভক্তসকল শুদ্ধবাৎসল্যবশতঃ শ্রীকৃষ্ণকে আপনা হইতে হীন জ্ঞানে তাঁহার লালনপালন করিয়া তাঁহাকে রস-নির্ধাস আশ্বাদন করাইয়া থাকেন। তখন মধুরভক্তসকল শুদ্ধমধুর্য্যবশতঃ সন্তোষদশায় শ্রীকৃষ্ণকে নিজের সমজ্ঞানে এবং বিরহে আপনা হইতে হীনজ্ঞানে সেবা করিয়া তাঁহাকে রসনির্ধাস আশ্বাদন করাইয়া থাকেন। কান্তাসকল বিরহে মান করিয়া যে ভৎসন করেন, তাহা বেদস্ততি হইতেও শ্রীকৃষ্ণের সন্তোষ উৎপাদন করিয়া থাকেন।

- “মাতা মোরে পুত্রভাবে করেন বন্ধন ।  
অতি হীন জ্ঞানে করে লালন পালন ॥  
সখা শুদ্ধ সখ্যে করে স্কন্ধে আরোহণ ।  
• তুমি কোন্ বড়লোক তুমি আমি সম ॥  
প্রিয়া যদি মান্ন করি করয়ে ভৎসন ।  
বেদস্ততি হৈতে হরে সেই মোর মন ॥”

গোলোকের শুদ্ধ প্রেম প্রপঞ্চে প্রকটিত হইয়া শ্রীকৃষ্ণকে শান্ত, দাস্ত, সখ্য, বাৎসল্য ও মধুর এই পঞ্চবিধ রসেরই সার আশ্বাদন করাইয়া থাকেন। উক্ত পঞ্চবিধ রসের মধ্যে মধুররসই সর্বোৎকৃষ্ট। মধুর রসের আবার স্বকীয় ও পরকীয় এই দুইভাবে অবয়বসম্মিবেশ স্বীকৃত হইয়া থাকে। তন্মধ্যে পরকীয়ভাবেই রসের অতিশয় উল্লাস দেখা যায়। শ্রীবৃন্দাবনই ঐ পরকীয়-ভাবে একমাত্র স্থান।

- “করগ্রাহবিধিঃ প্রাপ্তাঃ পত্ন্যাদেশতৎপরাঃ ।  
পাতিব্রত্যাংবিচলাঃ স্বকীয়াঃ কথিতা ইহ ॥”

যাঁহারা পাণিগ্রহণবিধ্যানুসারে পরিণীতা হইলেন এবং পতির আজ্ঞানুবর্তিনী ও পাত্তিব্রতধর্ম হইতে অবিচলিত থাকেন, তাঁহাদিগকেই রসশাস্ত্রে স্বকীয়া বলা হয়।

“রাগেণৈবার্পিতাত্মানো লোকযুগ্মানপেক্ষিণা।

ধর্ম্মেণান্বীকৃতা যাস্তু পরকীয়া ভবন্তি তাঃ ॥”

আর যাঁহারা পাণিগ্রহণধর্ম্মানুসারে পরিণীতা নহেন এবং ইহলোক-পরলোক-নিরপেক্ষ রাগের প্রেরণায় আত্মসমর্পণ করেন, তাঁহারাি পরকীয়া বলিয়া উক্ত হইলেন।

এই পরকীয়ভাব নিয়ত বর্দ্ধনশীল বলিয়া ইহার অবধি নির্দেশ করা যায় না। ইহা কেবল শুদ্ধপ্রেমরসপ্রবীণ ব্রজবধুগণেই দৃষ্ট হইয়া থাকে। ব্রজবধুগণের মধ্যে আবার একমাত্র শ্রীরাধাতেই এই ভাব সীমাস্ত প্রাপ্ত হইয়াছে।

ব্রজবধুগণ পরকীয়ভাবে শ্রীকৃষ্ণকে ভজন করিয়া থাকেন এবং শ্রীকৃষ্ণও তাঁহাদিগকে তদ্ভাবেই অঙ্গীকার করেন। উহা তাঁহাদিগের স্বাভাবিক দাম্পত্যেরই আবারক ভাববিশেষ। উহা দাম্পত্য হইতে পৃথক নহে, দাম্পত্যেরই পরিপাকবিশেষ।

“রাগেণোল্লভ্যয়ন্ ধর্ম্মং পরকীয়াবলার্থিনা।

তদীয়প্রেমসর্কস্বং বুদ্ধৈরুপপত্তিঃ স্মৃতঃ ॥”

কিন্তু, পরকীয়া রমণীর প্রতি আসক্তিজনক রাগের প্রেরণায় যিনি পাণি-গ্রহণধর্ম্ম উল্লভ্যনপূর্বক ঐ পরকীয়া রমণীর প্রেমের সর্কস্ব অর্থাৎ পাত্ত হইলেন, রসজগণ তাঁহাকে উপপত্তি বলিয়া থাকেন।

উপপত্তিবিষয়ক মধুর রস আবার রসাত্তাস বলিয়াই গণ্য হইয়া থাকে। অথচ ব্রজসুন্দরীগণের সহিত শ্রীকৃষ্ণের পরকীয়ভাবেই মধুর রসের পরমোৎকর্ষ অঙ্গীকৃত হয়। অতএব উপপত্ত্যভাবের যে লঘুত্ব, তাহা, প্রাকৃতনায়কপর, শ্রীকৃষ্ণপর নহে। উপপত্ত্যভাবের লঘুত্ব যে শ্রীকৃষ্ণপর নহে, এই প্রকার সিদ্ধান্ত করিবার পক্ষে বিশেষ বলও আছে। যিনি সর্কাবতারের মূল, তাঁহাতে কি কখন লঘুত্ব সম্ভব হয়? বিশেষতঃ তাদৃশ শ্রীকৃষ্ণে লঘুত্ব আরোপিত হইলে, রসনির্ধাস আশ্বাদনার্থ শ্রীভগবানের অবতার মিথ্যা হইয়া যায়। শ্রীকৃষ্ণ গোপী-গণের নিত্যপতি এবং গোপীগণ শ্রীকৃষ্ণের নিত্যকান্তা হইলেও, শ্রীকৃষ্ণে গোপী-গণের উপপত্ত্যভাব এবং গোপীগণে শ্রীকৃষ্ণের পরকীয়ভাব অসম্ভব নহে; অঘটনঘটনাপটায়সী শ্রীকৃষ্ণের যোগমায়া অসম্ভবকেও সম্ভব করিতে পারেন।

শ্রীকৃষ্ণ কর্তৃক প্রয়োজিতা যোগমায়া তাঁহারই ইচ্ছানুসারে স্বাভাবিক দাম্পত্যের আবরণ পূর্বক ঔপপত্যের প্রকটনরূপ অঘটনঘটনা করিয়া থাকেন। যোগমায়া শ্রীকৃষ্ণ কর্তৃক প্রেরিত হইয়া পরস্পরকে পরস্পরের বিশুদ্ধ মাধুর্য আন্বাদন করাইবার নিমিত্তই স্বকীয়তে পরকীয়ভাব দাম্পত্যে ঔপপত্যভাব উৎপাদন করিয়া থাকেন। পতি ও পত্নী ধর্মের অনুরোধে যে পরস্পরকে ভজনা করেন, তাহাতে বিধিবাধ্যতা থাকায় সম্পূর্ণ মাধুর্যের আন্বাদন সম্ভব হয় না; কিন্তু পরকীয়ভাবে উৎকট রাগবশতঃ যে পরস্পর পরস্পরকে ভজন করেন, তাহাতে বিধিবাধ্যতা না থাকায় সম্পূর্ণ মাধুর্যের আন্বাদন সম্ভব হয়। এই নিমিত্তই শ্রীকৃষ্ণের স্বরূপশক্তির বৃত্তিরূপা যোগমায়া তাঁহারই ইচ্ছানুসারে এই স্বকীয়তে পরকীয়ভাবের দাম্পত্যে ঔপপত্যভাবের সজ্ঘটনরূপ অসংখ্যসাধন করিয়া থাকেন। যোগমায়ার সেই অঘটনঘটনায় মুগ্ধ হইয়াই শ্রীকৃষ্ণ ও গোপীগণ প্রবলরাগবশতঃ পাণিগ্রহণবিধিরূপ সেতুবন্ধ ভগ্ন করিয়া পরস্পর সঙ্গত হইয়া থাকেন। ফলতঃ তাঁহাদের স্বাভাবিক দাম্পত্যই ঔপপত্যরূপে সোপানীকৃত হইয়া তাঁহাদিগকে ভাবের উচ্চতম শিখরে আনোপণ করাইয়া থাকেন।

“মো বিষয়ে গোপীগণের উপপত্তিভাবে।

যোগমায়া করিবেন আপন প্রভাবে ॥

আমি হ না জানি তাহা না জানে গোপীগণ।

হুঁহার রূপগুণে হুঁহার নিত্য হরে মন ॥

ধর্ম ছাড়ি রাগে হুঁহে করয়ে মিলন।

কভু মিলে কভু না মিলে দৈবের ঘটন ॥”

শুদ্ধপ্রেমরসপ্রবীণ গোপীগণ আবার দক্ষিণা ও বামা ভেদে দ্বিবিধ। তন্মধ্যে যাঁহাদের শ্রীকৃষ্ণে তদীয়তাময় ঘৃতস্নেহ, যাঁহারা মাননির্ধ্বংসে অসমর্থ, যাঁহারা নায়কের প্রতি যুক্তবাদিনী এবং নায়ক যুক্তিদ্ধারা যাঁহাদের মানভঞ্জে সমর্থ, তাঁহারা দক্ষিণা বলিয়া উক্ত হইলেন। আর যাঁহাদের শ্রীকৃষ্ণে মদীয়তাময় মধুস্নেহ, যাঁহারা মানগ্রহণার্থ সদা উদযোগবতী, যাঁহারা মানের শৈথিল্যে কোপনা হইলেন, যাঁহারা নায়কের প্রতি প্রায়ই কঠিনার ছায় আচরণ করেন এবং নায়ক যাঁহাদের মানপ্রসাদনে অসমর্থ, তাঁহারা বামা বলিয়া উক্ত হইলেন। এই বামাগণের মধ্যে আবার শ্রীরাধাই শ্রেষ্ঠ। তিনি নির্মল উজ্জলরসের ও প্রেমরত্নের খনি। তিনি বয়সে মধ্যমা ও স্বভাবে সমা। তাঁহার প্রেমভাব প্রগাঢ় বলিয়া তিনি সদাই বামা। তাঁহার বাম্য-স্বভাব-বশতঃ নিরন্তর মান

উখিত হইয়া থাকে। তাঁহার বাম্যপ্রধান মানে শ্রীকৃষ্ণের স্বভাবগুণীর আনন্দ-সাগর উখলিয়া উঠে। তাঁহার প্রেমকে অধিকৃত মহাতাব বলা হয়। উহা দশধা দন্ধ নির্মল কাঞ্চনের তুল্য। শ্রীরাধিকা যদি হঠাৎ শ্রীকৃষ্ণের দর্শন লাভ করেন, তবে বিবিধ ভাববিভূষণে বিভূষিতা হইয়া থাকেন। শ্রীকৃষ্ণদর্শনে শ্রীরাধার অষ্ট সাত্ত্বিক ভাব, হর্ষাদি সঞ্চারী ভাব এবং ভাবহাবাদি বিংশতি ভাবালঙ্কার প্রকাশ পাইয়া থাকে। শ্রীরাধাকে এই সকল অলঙ্কারে অলঙ্কৃত দেখিলে, শ্রীকৃষ্ণের সুখাক্তিরঙ্গ উখলিয়া উঠে। শ্রীরাধার শ্রীঅঙ্গে যখন এই সকল অলঙ্কার দৃষ্ট হয়, তখন শ্রীকৃষ্ণসঙ্গম হইতেও কোটিগুণ সুখ পাইয়া থাকেন।

“বাম্পর্যাকুলিতারুণাঞ্চলেন্নেত্রং রসোল্লাসিতং

হেলোল্লাসচলাধরং কুটিলিতং ক্রযুগ্মমুগ্ধংস্মিতম্।

কাস্তায়াঃ কিলকিঞ্চিতাঞ্চিতমসৌ বীক্ষ্যাননং সঙ্গমা-

দানন্দং তমবাপ কোটিগুণিতং যোহভূন্ন গীর্গোচরঃ ॥” গোবিন্দ লী।৯।১৮

দানলীলায় শ্রীকৃষ্ণ যখন শ্রীরাধিকার পথরোধ করেন, তখন রোদন, রোষও ভয় প্রযুক্ত বাম্পব্যাকুল, অরুণপ্রাস্ত ও চঞ্চল নয়নবিশিষ্ট, গর্ষবশতঃ রসোল্লাসময়, অভিলাষবশতঃ হেলার উদয়ে চঞ্চল অধরবিশিষ্ট, অসূয়া বশতঃ ক্রকুটিযুক্ত ও মৃদুহাস্যসম্বলিত, অতএব কিলকিঞ্চিতাখ্য অলঙ্কারে অলঙ্কৃত শ্রীরাধার বদন অবলোকন করিয়া তিনি যে কি আনন্দ অনুভব করিয়াছিলেন, তাহা বাক্যের অগোচর এবং সঙ্গম হইতেও কোটিগুণ অধিক। প্রভু শুনিয়া সানন্দে দামোদরকে আলিঙ্গন প্রদান করিলেন।

শ্রীবাস পণ্ডিত হাসিতে হাসিতে বলিলেন, “দামোদর, তোমার শ্রীবৃন্দাবনের সম্পৎ কেবল পুষ্প, কিশলয়, গৈরিক, গুঞ্জা ও শিখিপুচ্ছ, আর আমার লক্ষ্মীর সম্পৎ কত দেখ। ঐ দেখ, জগন্নাথ এই সকল সম্পৎ ছাড়িয়া বৃন্দাবনের পুষ্পোদ্যান দেখিতে যাওয়ায় আমার লক্ষ্মী দুঃখিত হইয়া জগন্নাথের কি লাঞ্ছনা করিতেছেন। ঐ দেখ, লক্ষ্মীর দাসীগণ তোমার প্রভুর পরিজনদিগকে বাধিয়া আনিয়া চরণে প্রণতি করাইতেছে। ঐ দেখ, তোমার প্রভুর সেবকগণ করযোড়ে প্রভুকে আনিয়া দিব বলিয়া প্রতিজ্ঞাবদ্ধ হইতেছে। ঐ দেখ, উহাদের প্রতিজ্ঞায় শাস্ত হইয়া লক্ষ্মীদেবী গৃহে গমন করিলেন, তবে তোমার প্রভুর পরিজনসকল মুক্তি পাইলেন। আমার লক্ষ্মী রাজমহিষী, আর তোমার গোপীগণ দধিমহনকারিণী।” শ্রীবাস পণ্ডিতের কথা শুনিয়া ভক্তগণ হাস্য সম্বরণ

করিতে পারিলেন না। তদর্শনে প্রভু বলিলেন, “শ্রীবাস, তোমার নারদস্বভাব, সুতরাং ঐশ্বর্য্যই তোমার চিত্তে উদিত হইয়া থাকে, আর স্বরূপ দামোদর শুদ্ধ ব্রজবাসী, মাধুর্য্যই ভাগবাসেন।”

স্বরূপ গোসাই বলিলেন,— “শ্রীবাস সাবধানে শুন। তোমার দ্বারকা-বৈকুণ্ঠের সম্পৎ আগার শ্রীবৃন্দাবনসম্পদের কণামাত্রও নহে। স্বয়ং ভগবান্ পুরুষোত্তম শ্রীকৃষ্ণ যেখানে ধনী, সেইস্থানের সম্পত্তি কি অন্য কোন স্থানের সম্পত্তির সহিত উপমা হইতে পারে?”

“শ্রিয়ঃ কাস্তাঃ কাস্তুঃ পরমপুরুষঃ কল্পতরবো

ক্রমা ভূমিশ্চিস্তামণিগণময়ী তৌয়মমৃতম্ ।

কথা গানং নাট্যাংগমনমপি বংশী প্রিয়সখী

চিদানন্দজ্যোতিঃ পরমপি তদাস্বাশ্চমপি চ ॥” বৃক্ষসং । ৫। ৫৬

চিস্তামণিঃ চরণভূষণমঙ্গনানাং

শৃঙ্গারপুষ্পতরব স্তরবঃ সুরাণাম্

বৃন্দাবনে ব্রজধনং নমু কামধেনু-

বৃন্দানি চেতি সুখসিন্ধুরহো বিভূতিঃ ॥” ভক্তিরসাম্ । ২। ১। ৮৪

শ্রীবৃন্দাবনে শ্রীরাধাদি পরমরম্যসকল কাস্তা এবং পরমপুরুষ-শ্রীকৃষ্ণ কাস্ত। শ্রীবৃন্দাবনের বৃক্ষসকল সকলফলপ্রদ কল্পবৃক্ষ, ভূমি চিস্তামণিগণময়ী, ভবনসকল চিস্তামণিময়, জলসকল অমৃতময়, কথাসকল দিব্যাগীতময়ী, গতি বিচিত্রনৃত্যময়ী, বংশী প্রিয়সখী, জ্যোতিষ্কসকল চিদানন্দময়। শ্রীবৃন্দাবনের সমস্তই চিদানন্দময়।

শ্রীবৃন্দাবনের দাসীগণের চরণভূষণ চিস্তামণিময়, দেবতরুসকল বসনভূষণ-প্রসবকারী। ব্রজবাসিগণ তরুলতাপ্রসূত পুষ্পফল ভিন্ন অন্য কিছুই প্রার্থনা করেন না। কামধেনুসকলই শ্রীবৃন্দাবনের ধেনু। ব্রজবাসিগণ তাঁহাদিগের নিকট হইতে দুগ্ধ ভিন্ন অন্য কিছুই প্রার্থনা করেন না। অহো শ্রীবৃন্দাবনের সুখসিন্ধুময়ী বিভূতি!

স্বরূপ গোসাইর কথা শ্রবণ করিয়া শ্রীবাস পণ্ডিত আনন্দে নাচিতে লাগিলেন। প্রভুও রসাবেশে নৃত্যারম্ভ করিলেন। স্বরূপগোসাই গান ধরিলেন। তাঁহার ব্রজরসগীতে প্রভুর প্রেমসিন্ধু উখলিয়া উঠিল। প্রভুর প্রেমবস্ত্র পুরুষোত্তমক্ষেত্র ভাসিতে লাগিল। চারি সম্প্রদায়ের সহিত প্রভুর নর্তনকীর্তনে দিবা অবসানপ্রায় হইল। সকলেই ক্লাস্ত হইয়া পড়িলেন। স্বরূপ গোসাই



ভক্তগণকে ক্লাস্ত দেখিয়া কীর্তন বন্ধ করিলেন। তখন প্রভুর ভাবাবেশ ও বাহানুসন্ধান হইল। প্রভু বাহ্যদৃষ্টি লাভ করিয়া ভক্তগণের সহিত পুষ্পোত্তানে গমনপূর্বক কিয়ৎকাল বিশ্রামের পর মধ্যাহ্নানাди সমাপন করিলেন। এই সময়ে জগন্নাথের ও লক্ষ্মী দেবীর প্রচুর প্রসাদ আসিয়া উপস্থিত হইল। প্রভু ভক্তগণের সহিত ভোজন করিয়া ক্ষণকাল বিশ্রাম করিলেন। সায়ংকাল সমাগত হইল। প্রভু সন্ধ্যাকালীন স্নান সমাধা করিয়া ভক্তগণের সহিত জগন্নাথ দর্শন করিলেন। এইরূপে আট দিন কাটিয়া গেল। নবম দিবসে জগন্নাথের পুনর্ধাত্রা হইল। প্রভু ভক্তগণের সহিত পূর্ববৎ রথাগ্রে নর্তনকীর্তন করিতে করিতে পুনর্বার নীলাচলে আগমন করিলেন। পুনর্ধাত্রার দিন জগন্নাথের একটি রজ্জু ছিন্ন হইল। তদর্শনে প্রভু ঐ ছিন্ন রজ্জুটি দিয়া কুলীনগ্রামের রামানন্দ ও সত্যরাজকে বলিলেন, “আগামী বৎসর হইতে তোমরা জগন্নাথের বন্ধনার্থ ইহা অপেক্ষা দৃঢ় রজ্জু নিৰ্ম্মাণ করিয়া আনিবে।” রামানন্দ ও সত্যরাজ প্রভুর সেবাদেশ পাইয়া আপনাদিগকে কৃতার্থ মনে করিলেন, এবং প্রতিবৎসর রজ্জু নিৰ্ম্মাণ করিয়া আনয়ন করিতে লাগিলেন।

রথযাত্রা চলিয়া গেল। গোড়ের ভক্তগণ চাতুর্মাশ্বের চারিমাস পুরুষোত্তম-ক্ষেত্রেই বাস করিলেন। প্রভু প্রতিদিন প্রাতঃকালে জগন্নাথ দর্শন করেন। উপন ভোগ অর্থাৎ অন্নব্যতিরিক্ত অন্ত্য দ্রব্যের ভোগ সরিয়া গেলে মন্দির হইতে বাহির হইয়া হরিদাসকে দর্শন দেন। পরে বাসায় যাইয়া নামসঙ্কীৰ্তন করেন। এই সময়ে অদ্বৈতাচার্য্য আসিয়া পুষ্পচন্দনাদি দ্বারা প্রভুর পূজা করিয়া থাকেন। কোন কোন দিন প্রভু আবার সেই সকল দ্রব্য দ্বারা আচার্য্যকেও পূজা করেন। আচার্য্য মধ্যে মধ্যে প্রভুকে নিমন্ত্রণ করিয়া ভিক্ষা দেন। অপরাপর ভক্তসকলও বিশেষ আগ্রহ করিয়া এক এক দিন প্রভুকে ভিক্ষা করাইয়া থাকেন। এইরূপে জন্মাষ্টমী আগত হইল। প্রভু নন্দোৎসবের দিন ভক্তগণের সহিত গোপবেশ ধারণপূর্বক ভার স্বন্ধে করিয়া ও লগুড় ফিরাইয়া ভক্তগণের আনন্দ বিধান করিলেন। পরে বিজয়াদশমী উপস্থিত হইলে, ভক্তগণের সহিত লক্ষাবিজয়লীলা করিলেন। ঐ দিবসে প্রভু স্বয়ং হনুমানের ভাবে আবিষ্ট হইয়া বৃক্ষশাখা লইয়া লক্ষার দুর্গভঙ্গনরূপ অদ্ভুতলীলা প্রকাশ করিয়া ভক্তগণকে যথেষ্ট আনন্দ দিলেন। এইরূপে দীপাবলী, উথানদ্বাদশী ও রাসযাত্রা অতিবাহিত হইল।

### গৌড়ীয় ভক্তগণের বিদায়

অতঃপর প্রভু একদিন নিত্যানন্দকে লইয়া নিভূতে বসিয়া কি যুক্তি করিলেন। তাঁহারা দুইজনে কি যুক্তি করিলেন, তাহা অপর কেহই জানিলেন না। কিন্তু ফলে ভক্তগণকে বিদায় দিবার যুক্তিই বুঝা গেল। কারণ, যুক্তির পরেই প্রভু ভক্তগণকে আহ্বান করিয়া গোড়ে প্রত্যাগমন করিতে আদেশ করিলেন। তিনি ভক্তগণকে ডাকিয়া বলিলেন,—“অনেক দিন হইয়া গেল, এক্ষণে তোমরা নিজ নিজ গৃহে গমন কর। তোমরা বৎসর বৎসর রথের সময় আসিবে এবং গুণ্ডা দেখিয়াই চলিয়া যাইবে, এই বৎসরের ন্যায় অধিককাল বিলম্ব করিবে না। পরে অদ্বৈতাচার্য্যাকে সম্মান করিয়া বলিলেন, “তুমি গোড়ে যাইয়া আচণ্ডাল সকলকেই কৃষ্ণভক্তি প্রদান করিবে।” নিত্যানন্দকে বলিলেন,—“তুমি গোড়ে যাইয়া নিরন্তর প্রেমভক্তি প্রচার কর; রামদাস ও গদাধর প্রভৃতি তোমার সহকারী রহিলেন; আমিও মধ্যে মধ্যে তোমার নিকট যাইয়া অন্তের অলক্ষিতভাবে তোমার নৃত্য দর্শন করিব।” শ্রীবাস পণ্ডিতকে আলিঙ্গন করিয়া বলিলেন,—“আমি নিত্য তোমার গৃহে যাইয়া কীর্তনের নৃত্য করিব, উহা আর কেহ দেখিবে না, কেবল তুমিই দেখিবে। আর তুমি এই বঙ্গখানি ও এই সকল মহাপ্রসাদ আমার জননীকে দিয়া তাঁহাকে আমার প্রণাম জানাইবে ও অপরাধ ক্ষমা করিতে বলিবে। আমি তাঁহার সেবা ছাড়িয়া সম্মাস করিয়া তাঁহার চরণে অপরাধী হইয়াছি। আমি বাতুল, তিনি যেন এই বাতুল পুত্রের দোষ গ্রহণ না করেন। আমি তাঁহার আজ্ঞানুসারেই এই নীলাচলে বাস করিতেছি। মধ্যে মধ্যে যাইয়া তাঁহার চরণ দর্শন করিব। আমি নিত্যই তাঁহার চরণ দর্শনার্থ যাইয়া থাকি, তিনি তাহা ক্ষুণ্ণি ভাবিয়া বিশ্বাস করিতে পারেন না। একদিন তিনি অন্ন ও পাঁচ সাতটি ব্যঞ্জন প্রস্তুত করিয়া নারায়ণের ভোগ লাগাইয়া আমার উচ্চ ক্রন্দন করিতেছিলেন। তিনি আমার প্রিয় অন্নব্যঞ্জনাদি পাক করিয়া আমাকে স্মরণ করিয়া কাঁদিতেছিলেন। আমি সত্বর যাইয়া ঐ সকল অন্নব্যঞ্জনাদি ভোজন করিলাম। তিনি পাত শূন্য দেখিয়াও আমি থাইয়াছি বলিয়া বিশ্বাস করিতে পারিলেন না, বালগোপালই খাইলেন বা অল্প কোন ভীষ জন্তুতে খাইয়া গেল মনে করিলেন। মনে মনে নানাপ্রকার বিতর্কের পর রন্ধনগৃহে যাইয়া পাকপাত্র দেখিলেন। পাকপাত্র পূর্ববৎ অন্নব্যঞ্জন-পরিপূর্ণ দেখিয়া সংশয়ান্বিত হইলেন। মনে বিশ্বাসের উদ্রেক হইল। ভোগ

লাগাইয়াছিলেন কি না ভাবিয়া স্থির করিতে পারিলেন না। পরে ঈশান দ্বারা স্থালী ও রন্ধনস্থান সংস্কার করাইয়া পুনর্বার রন্ধনপূর্বক গোপালকে অর্পণ করিলেন। এই একবার নহে, অনেকবারই এরূপ ঘটয়াছে। তিনি যখন উত্তম বস্তু রন্ধন করিয়া আমার নিমিত্ত রোদন করেন, আমি তখন তখনই যাইয়া ভোজন করিয়া থাকি। তাঁহার প্রেম অনেকবারই আমাকে লইয়া গিয়া ভোজন করাইয়াছে। তিনিও পাত্র শূন্য দেখিয়া অন্তরে সন্তোষ পাইয়াছেন, কিন্তু বাহিরে বিশ্বাস করিতে পারেন নাই। গত বিজয়ার দিন এইরূপ ঘটনা ঘটয়াছিল। তুমি এই সকল কথা বলিয়া তাঁহার বিশ্বাসোৎপাদনের চেষ্টা করিও।” রাঘব পণ্ডিতকে বলিলেন,—“তোমার শুদ্ধ প্রেমে আমি তোমার বশীভূত হইয়া আছি। তুমি প্রেমে উৎকৃষ্ট নারিকেল আনিয়া কৃষ্ণে সমর্পণ কর, কৃষ্ণে ও উহা গ্রহণ করিয়া কখন জলশূন্য করিয়া রাখেন, কখন বা আবার জলপূর্ণ করিয়া রাখেন, আবার কখন তোমার আগ্রহবশতঃ শস্য ও গ্রহণ করিয়া থাকেন। তুমি নানাস্থান হইতে আম্র, কাঁঠাল, শাক, মূল, চিপিটক ও ক্ষীর প্রভৃতি আনাইয়া শ্রীকৃষ্ণের ভোগ লাগাও, শ্রীকৃষ্ণে তোমার প্রীত্যর্থ ঐ সকল দ্রব্য গ্রহণ করিয়া থাকেন।” এই কথা বলিয়া প্রভু রাঘব পণ্ডিতকে আলিঙ্গন করিলেন। পরে শিবানন্দ সেনকে বলিলেন,—“এই বাসুদেব দত্ত তোমার প্রতিবেশী ও অত্যন্ত উদারস্বভাব। ইহঁার আয়ব্যয়ের স্থিরতা নাই, কিছুই সঞ্চয় করেন না, সকলই ব্যয় করিয়া ফেলেন। গৃহস্থের এইরূপ ব্যবহার উচিত হয় না; ইহাতে কুটুম্বভরণের পক্ষে বিশেষ অসুবিধা ঘটে; অতএব তুমি ইহঁার আয়ব্যয়ের সুব্যবস্থা করিয়া দিবে। আর তুমি প্রতিবর্ষেই পথে ভক্তগণকে পালন করিয়া লইয়া আসিয়া রথযাত্রা দর্শন করিবে।” কুলীনগ্রামবাসী সত্যরাজ খান ও রামানন্দ বসুকে বলিলেন, “আমি তোমাদিগকে জগন্নাথের পট্টডোরী দিয়াছি, প্রতিবর্ষে এরূপ পট্টডোরী লইয়া আসিয়া রথযাত্রা দর্শন করিবে। প্রভুর আজ্ঞা শিরোধার্য্য করিয়া সত্যরাজ ও রামানন্দ বলিলেন, “আমরা গৃহস্থ, তোমাদিগের কি কর্তব্য, তাহা শ্রীমুখে উপদেশ করুন।” প্রভু বলিলেন, “কৃষ্ণসেবা, বৈষ্ণবসেবন ও নামসঙ্কীৰ্ত্তন, ইহাই তোমাদিগের কর্তব্য জানিবে।”

“প্রভু কহে কৃষ্ণসেবা বৈষ্ণবসেবন।

নিরন্তর কর কৃষ্ণ-নাম-সঙ্কীৰ্ত্তন ॥”

তাঁহারা পুনশ্চ জিজ্ঞাসা করিলেন, “বৈষ্ণব চিনিব কি লক্ষণে?”

প্রভু বলিলেন, - “যাঁর মুখে একবার কৃষ্ণনাম শুনিবে, তাঁহাকেই বৈষ্ণব বলিয়া জানিবে। যিনি একবার কৃষ্ণনাম করেন, তিনিই পূজ্য। কারণ, কৃষ্ণনাম দীক্ষা ও পুরশ্চরণের অপেক্ষা করেন না। কৃষ্ণনাম রসনাস্পর্শনমাত্র আচণ্ডাল জীবকে উদ্ধার করিয়া থাকেন। কৃষ্ণনামের মুখ্যফল চিত্তকে আকর্ষণপূর্বক প্রেমপ্রদান, সংসারক্ষণ অামুসঙ্গিক অর্থাৎ গৌণফল। এক কৃষ্ণনামে সর্বপাপের ক্ষয় ও নববিধ ভক্তির উদয় হইয়া থাকে।”

“আকৃষ্টিঃ কৃতচেতসাং সুমহতামুচ্চাটনং চাংহসা-

মাচণ্ডালমমুকলোকমুলভো বশ্চশ্চ মুক্তিপ্রিয়ঃ।

নো দীক্ষাং ন চ সংক্রিয়াং ন চ পুরশ্চর্যাং মনাগীকৃতে .

মদ্বোহয়ং রসনাস্পৃগেব ফলতি শ্রীকৃষ্ণনামাত্মকঃ ॥” পদ্মাব ১২৯

“এই শ্রীকৃষ্ণনামরূপ মন্ত্র পুণ্যাত্মা জনগণের আকর্ষক, মহা মহা পাতকের নাশক, আচণ্ডাল সকল লোকের পক্ষে সুলভ, মোক্ষসম্পত্তির বশীকারক, দীক্ষা-পুরশ্চর্যা-বিধান-নিরপেক্ষ, এবং রসনাস্পর্শমাত্রই ফলদায়ক। অতএব যাঁর মুখে একবার কৃষ্ণনাম শুনিবে, তাঁহাকেই বৈষ্ণব বলিয়া সম্মান করিবে।”

অনন্তর প্রভু শ্রীখণ্ডের মুকুন্দ দাসকে জিজ্ঞাসা করিলেন, “মুকুন্দ, রঘুনন্দন তোমার পিতা, কি তুমি রঘুনন্দনের পিতা?” মুকুন্দ বলিলেন, “রঘুনন্দনই আমার পিতা; রঘুনন্দন হইতেই আমাদের কৃষ্ণভক্তি; অতএব রঘুনন্দন পুত্র হইয়াও পিতা।” প্রভু শুনিয়া সহর্ষে বলিলেন, “মুকুন্দ সত্যই বলিয়াছ, যাহা হইতে কৃষ্ণভক্তি লাভ হয়, তিনিই গুরু।” পরে ভক্তগণকে লক্ষ্য করিয়া বলিলেন, - “এই মুকুন্দের প্রেম দক্ষ সুবর্ণের সদৃশ নির্মল ও গূঢ়। ইনি বাহিরে রাজবৈদ্য এবং অন্তরে কৃষ্ণপ্রেমিক। ইনি একদিন উচ্চ রাজকীয় মঞ্চে আরোহণ করিয়া রাজার সহিত চিকিৎসার কথা কহিতে কহিতে রাজশিরোপরি ময়ূরপুচ্ছের ছত্র দেখিয়া প্রেমাবেশে মঞ্চ হইতে ভূমিতলে পড়িয়া মূর্ছা যান। রাজা ভাবিলেন, মুকুন্দের মরণ হইল। তিনি সত্বর মঞ্চ হইতে অবরোহণপূর্বক অনেক যত্নে ইহাঁর চৈতন্যসম্পাদন করিলেন। সংজ্ঞালাভের পর ইহাঁকে জিজ্ঞাসা করিয়া জানিলেন, পতনে ইহাঁর ব্যথা জন্মে নাই। তখন পুনশ্চ সবিস্ময়ে অকস্মাৎ পতনের কথা জিজ্ঞাসা করিলেন। ইতি উত্তর দিলেন, যুগীরাগই পতনের কারণ। মহাবিজ্ঞ রাজা আর কিছু না বলিয়া ইহাঁকে সিদ্ধপুরুষ বলিয়াই অবধারণ করিলেন। ইহাঁর পুত্র রঘুনন্দনও ইহাঁরই অমুগ্ধপ। শ্রীকৃষ্ণের সেবাই রঘুনন্দনের কার্য।” অনন্তর মুকুন্দকে বলিলেন,

“মুকুন্দ, তুমি ধর্মপথে থাকিয়া ধনোপার্জনপূর্বক সংসার প্রতিপালন কর ; আর রঘুনন্দন কৃষ্ণসেবার রত থাকুক ।” নরহরিকে বলিলেন, “তুমি আমার ভক্তগণের সহিত অবস্থান কর ।” সার্কভোম ভট্টাচার্য্যকে বলিলেন, “তুমি পুরুষোত্তমে থাকিয়া দারুভ্রম্মের আরাধনা কর ; আর তোমার ভ্রাতা বিছাবাচম্পতি গোড়ে থাকিয়া জলভ্রম্মের আরাধনার রত থাকুন ।” অনন্তর যুরারি গুপ্তকে আলিঙ্গন করিয়া বলিলেন, “ইনি সাক্ষাৎ হনুমান, রঘুনাথের সেবক । ইঁহার রঘুনাথে যাদৃশী নিষ্ঠা, তাহা একমুখে বলা যায় না । আমি একদা ইঁহার রঘুনাথনিষ্ঠা পরীক্ষা করিবার নিমিত্ত ইঁহাকে শ্রীকৃষ্ণের উপাসনা করিতে অনুরোধ করিয়াছিলাম । ইনিও আমার প্রতি গৌরবহেতু উহা অঙ্গীকার করিয়া গৃহে গমন করিলেন । পরদিন আসিয়া বলিলেন, আমি রঘুনাথের চরণে মস্তক বিক্রম করিয়াছি, তাঁহাকে কোনরূপেই ত্যাগ করিতে পারিব না । শুনিয়া আমার অতিশয় সুখোদয় হইল ।” পরিশেষে বাসুদেবকে আলিঙ্গন করিয়া প্রভু তাঁহার গুণবর্ণনে প্রবৃত্ত হইলেন । বাসুদেব কিঞ্চিৎ লজ্জিত হইয়া প্রভুর চরণে ধরিয়া বলিতে লাগিলেন,—“প্রভো, জগতের নিস্তারার্থ তোমার অবতার । তুমি তদ্বিষয়ে সমর্থও । অতএব আমার নিবেদন এই, আপনি সকল জীবের নিস্তার করুন । জীবের দুঃখ দেখিয়া আমার হৃদয় বিদীর্ণ হয় । আমি সকল জীবের পাপ লইয়া নরক ভোগ করি, তুমি তাহাদিগকে নিষ্পাপ করিয়া উদ্ধার কর ।” বাসুদেবের কথা শুনিয়া প্রভুর চিত্ত দ্রবীভূত হইল । প্রভু কাঁদিতে কাঁদিতে বলিতে লাগিলেন,—“তুমি প্রহ্লাদ, অতএব তোমার উপযুক্ত কথাই বলিয়াছ । তুমি কৃষ্ণের ভক্ত ; কৃষ্ণ ভক্তবৎসল, অবশ্যই তোমার বাঞ্ছা পূরণ করিবেন । তোমাকে জীবের পাপফল ভোগ করিতে হইবে না । তুমি যাহার নিস্তার বাঞ্ছা করিবে, সেই নিষ্পাপ হইয়া উদ্ধার পাইবে । তোমার ইচ্ছা হইলে, ব্রহ্মাণ্ডই নিস্তার পাইতে পারিবে । কৃষ্ণ ব্রহ্মাণ্ডের নিস্তারে ক্লান্ত হইবেন না বা নিজের কোন হানি বোধ করিবেন না ।” প্রভু এইরূপে প্রত্যেক ভক্তের গুণ বর্ণন করিয়া একে একে সকলকেই আলিঙ্গনপূর্বক বিদায় দিলেন । ভক্তগণ প্রভুর বিরহ ভাবিয়া বিষাদে রোদন করিতে লাগিলেন । গদাধর পণ্ডিত নীলাচলেই রহিলেন । প্রভু তাঁহাকে যমেশ্বরে রাখিয়া দিলেন । আর পুরী গৌসাই, জগদানন্দ, স্বরূপ দামোদর, দামোদর পণ্ডিত, গোবিন্দ ও কাশীশ্বর, এই কয়জন প্রভুর নিকটেই রহিলেন ।

### সার্বভৌমের নিমন্ত্রণ

গৌড়ের ভক্তগণ গমন করিলে, সার্বভৌম ভট্টাচার্য্য একদিন প্রভুর নিকট আসিয়া বলিলেন, “প্রভো, এতদিন গৌড়ের ভক্তগণ থাকায় আমি প্রভুকে ভিক্ষা করাইবার অবসর পাই নাই। সম্প্রতি তাঁহারা গিয়াছেন, আমার অবসর হইয়াছে। এইবার এক মাস আমার গৃহে ভিক্ষা করিতে হইবে!” প্রভু উত্তর করিলেন, “একমাস একস্থানে ভিক্ষা করিলে সন্ন্যাসীর ধর্ম থাকে না।” শেষে কমাইয়া কমাইয়া পাঁচদিন ভিক্ষায় প্রভুর সন্মতি হইল। ভট্টাচার্য্য প্রভুর অনুমতি পাইয়া গৃহে আসিয়া গৃহিনীকে পাকের আয়োজন করিতে বলিলেন। ভট্টাচার্য্যের গৃহিনী ষাঠীর মাতা পাককার্য্যে সুনিপুণা। তিনি পবিত্র হইয়া পাককার্য্যে নিযুক্ত হইলেন। ভট্টাচার্য্য স্বয়ং পাকের দ্রব্যাদি আয়োজন করিয়া দিতে লাগিলেন। ভট্টাচার্য্যের পাকশালার দুই পার্শ্বে দুইখানি গৃহ। উহার একখানি নারায়ণের ও অপরখানি ভট্টাচার্য্য প্রভুর নিমিত্ত নূতন প্রস্তুত করাইয়াছেন। যে গৃহখানি প্রভুর ভিক্ষার নিমিত্ত প্রস্তুত করাইয়াছেন, তাহার দ্বার দুইটি; একটি দ্বার পাকশালার ভিতর দিয়া পরিবেশনের নিমিত্ত এবং অপরটি বাহির দিয়া প্রভুর গমনাগমনের নিমিত্ত। ভট্টাচার্য্য শ্রদ্ধাসহকারে গৌড়ের ও উৎকলের উত্তমোত্তম দ্রব্য প্রস্তুত করাইয়া পাকশালা হইতে প্রভুর ভিক্ষার গৃহে লইয়া সাজাইতে লাগিলেন। গৃহপক্‌দ্রব্যসকল সজ্জিত হইলে, জগন্নাথের মহাপ্রসাদও উহার সহিত সাজান হইল। এই সময় প্রভুও আসিয়া উপস্থিত হইলেন। ভট্টাচার্য্য প্রভুর পাদ-প্রক্ষালন করিয়া দিয়া প্রভুকে ভোজনগৃহে লইয়া গেলেন। প্রভু গৃহমধ্যে প্রবিষ্ট হইয়া ভট্টাচার্য্যের আয়োজন দেখিয়া বিস্মিত হইলেন। পরে বলিলেন, “দুই প্রহরের মধ্যে এত অন্নব্যঞ্জনাदि কিরূপে পাক করাইলে? ভোগের উপর তুলসী মঞ্জুরীও দেখিতেছি, কৃষ্ণের ভোগ লাগিয়াছে। ভট্টাচার্য্য পরম ভাগ্যবান, রাখাকৃষ্ণে এই সকল অপূর্ব অন্নব্যঞ্জনাदि ভোগ লাগাইয়াছেন।” ভট্টাচার্য্য বলিলেন, “আমার কি শক্তি যে আমি এই সকল অন্নব্যঞ্জনাদি প্রস্তুত করি, যাহার ভোগ তাঁহারই শক্তিতে এই সকল অন্নব্যঞ্জনাদি প্রস্তুত হইয়াছে। এখন এই আসনে বসিয়া প্রভু ভোজন করুন।” প্রভু বলিলেন, “ইহা কৃষ্ণের আসন, ইহা উঠাইয়া রাখ, এবং এই কৃষ্ণের প্রসাদ হইতে কিঞ্চিৎ আমাকে দাও, আমি ভোজন করি।” ভট্টাচার্য্য বলিলেন, “অন্ন ও আসন উভয়ই কৃষ্ণের

প্রসাদ ; অন্নও ভোজন করুন, আসনেও উপবেশন করুন ; অন্নভোজনেও যখন কোন অপরাধ হয় না, তখন আসনে উপবেশন করিলেও কোন অপরাধ হয় না।” প্রভু বলিলেন, “হাঁ, কৃষ্ণের প্রসাদ বলিয়া পীঠাদিও অধীকার করা যাইতে পারে। পীঠেই যেন বসিলাম, এত অন্ন কে খাইবে, আমাকে ইহা হইতে কিঞ্চিৎ দাও।” ভট্টাচার্য্য বলিলেন, “তুমি এই নীলাচলে বায়ান্নবার ভার ভার অন্ন ভোজন করিয়া থাক, দ্বারকাতে ষোড়শসহস্র মহিষীর গৃহে এবং শ্রীবৃন্দাবনে প্রত্যেক গোপের গৃহে ভোজন করিয়া থাক, গোবর্দ্ধনযজ্ঞে রাশি রাশি অন্ন ভোজন করিয়াছিলে, আর এই ক্ষুদ্র জীবের গৃহে একমুষ্টি অন্ন ভোজন করিতে পার না।” ভট্টাচার্য্যের কথা শ্রবণ করিয়া প্রভু হাসিতে হাসিতে ভোজন করিতে বসিলেন। ভট্টাচার্য্যের গৃহে ষাঠীনাগ্নী তাঁহার এক কন্যা ছিলেন। ভট্টাচার্য্য ঐ কন্যাকে কুশীনপাত্রে অর্পণ করিয়াছিলেন। জামাতাও গৃহেই থাকিতেন। জামাতার নাম অমোঘ। অমোঘ বিশ্বনিন্দক। অমোঘের নিতান্ত অভিলাষ, প্রভুর ভোজন দর্শন করেন। ভট্টাচার্য্য তাঁহার স্বভাব সবিশেষ বিদিত ছিলেন বলিয়া তাঁহাকে প্রভুর ভোজন দর্শন করিতে দিলেন না, দ্বার অবরোধ করিয়া বসিয়া রহিলেন। তিনি যখন দৈবাৎ অন্তঃমনস্ক হইলেন, সেই সুযোগে অমোঘ আসিয়া প্রভুর ভোজন দেখিয়া নিন্দা করিতে আরম্ভ করিলেন। অমোঘ বলিলেন, “এই সন্ন্যাসী ঠাকুরটি সাধারণ নহে, একটি ক্ষুদ্র রাক্ষস, একাকী দশবিশজনের অন্ন ভোজন করিতেছেন।” ভট্টাচার্য্য শুনিয়া ক্রোধভরে ষষ্টি লইয়া অমোঘকে তাড়া করিলেন। অমোঘ ভয়ে পলায়ন করিলেন। প্রভু দেখিয়া শুনিয়া হাস্য করিতে লাগিলেন। ভট্টাচার্য্য এবং তাঁহার গৃহিণী উভয়েই জামাতাকে ষঃখষ্ট তিরস্কারের সহিত শাপ দিতে লাগিলেন। ষাঠীর মাতা বার বার “ষাঠী বিধবা হউক” বলিয়া গালাগালি করিতে লাগিলেন। প্রভু তাঁহাদিগকে প্রবোধিত করিয়া ভোজনান্তে আচমন করিলেন। ভট্টাচার্য্য প্রভুকে তুলসীমঞ্জরী ও এলাচী প্রভৃতি মুখবাস প্রদান করিয়া বলিলেন, “আজ আমি আপনাকে নিন্দা করিবার নিমিত্তই আনয়াছিলাম, নিজ গুণে অপরাধ ক্রমা করিবেন।” প্রভু বলিলেন, “অমোঘ যাহা বলিল, তাহা নিতান্ত সহজ কথা ; তুমি যেক্রপ অন্নব্যঞ্জনাদি দিয়াছ, তাহা যে দেখিবে, সেই একরূপ বলিবে, অতএব ইহাতে অপরাধের সম্ভাবনা কি ?” এই কথা বলিয়া প্রভু বাসায় চলিয়া গেলেন। ভট্টাচার্য্য আপনাকে অপরাধী ভাবিয়া অনেক অনুন্নয় বিনয় করিতে করিতে প্রভুর সঙ্গে সঙ্গেই গমন করিলেন। প্রভু বাসায়

গিয়া ভট্টাচার্য্যকে শাস্ত করিয়া গৃহে পাঠাইলেন। ভট্টাচার্য্য কিন্তু গৃহে আসিয়া ভোজন করিলেন না, উপবাসী রহিলেন, ষাঠীর মাতাও উপবাসী থাকিলেন। ভট্টাচার্য্য গৃহিণীকে বলিলেন, “আমি আজ কি কৃষ্ণগেই জাগরিত হইয়াছিলাম, প্রভুর নিন্দা শুনিতে হইল। নিন্দুকের জিহ্বাচ্ছেদন বা নিজের জীবনত্যাগ ব্যতিরেকে এই অপরাধের অন্য কোন প্রায়শ্চিত্ত দেখি না। ব্রহ্মহত্যা করাও উচিত হয় না। আমি আর ঐ জামাতার মুখদর্শন করিব না। পতিত হইয়াছে, ষাঠীকে বল, ঐ পতিত পতিকে পরিত্যাগ করুক।”

### অমোঘের প্রভুভক্তি।

এদিকে ভট্টাচার্য্যের জামাতা অমোঘ ঐ রাত্রি অন্য কোন স্থানে ঘাইয়া অতিবাহিত করিল, ভট্টাচার্য্যের ভয়ে গৃহে আগমন করিল না। প্রাতঃকালে গৃহে আসিয়াই বিস্মৃচিকারোগে আক্রান্ত হইল। ভট্টাচার্য্য শুনিলেন, অমোঘ বিস্মৃচিকা রোগে মরণাপন্ন হইয়াছে। শুনিয়াই বলিলেন,—“মহতা হি প্রযত্নেন সম্ভূ গজবাজিভিঃ। অস্মাভি যদমুষ্ঠেয়ং গম্বকৈস্তদমুষ্ঠিতম॥” মহাভা বনপ ১৪১।১৫। আমি যাহা ইচ্ছা করিতেছিলাম, ঐদৈব অনুকূল হইয়া তাহাই সাধন করিলেন।” গোপীনাথচার্য্য প্রাতঃকালে প্রভুর চরণদর্শনার্থ গমন করিলেন। প্রভু তাঁহার মুখে সঙ্গীক ভট্টাচার্য্যের উপবাস ও অমোঘের সঙ্কট পীড়া উভয়ই শুনিলেন। কৰুণাময় প্রভু শুনিয়াই ভট্টাচার্য্যের ভবনে গমন করিলেন। তিনি প্রথমতঃ অমোঘের নিকট ঘাইয়া তাহার বক্ষঃস্থলে হস্ত দিয়া বলিলেন,—“ব্রাহ্মণের হৃদয় স্বভাবতঃ নিৰ্ম্মল, কৃষ্ণের আসনের যোগ্য। মাংসর্ষাচণ্ডাল প্রবেশ করিয়া উহাকে অপবিত্র করিয়াছিল, ভট্টাচার্য্যের সঙ্গবশতঃ এখন নিৰ্ম্মল হইয়াছে। হৃদয় নিৰ্ম্মল হইলে ভীষ কৃষ্ণনাম লইয়া থাকে। অতএব অমোঘ উঠ, কৃষ্ণনাম গ্রহণ কর। কৃষ্ণ তোমাকে অচিরেই কৃপা করিবেন।” প্রভুর শ্রীহস্তস্পর্শে পবিত্র হইয়া অমোঘ “কৃষ্ণ কৃষ্ণ” বলিতে বলিতে উঠিয়া বসিল। পরক্ষণেই প্রেমোন্মত্ত হইয়া নৃত্য করিতে লাগিল। অমোঘের অশ্রু, কম্প ও পুলকাদি দর্শন করিয়া প্রভু হাসিতে লাগিলেন। অমোঘ নিজের অপরাধ ক্ষমা করাইবার নিমিত্ত প্রভুর চরণে গড়িয়া বলিতে লাগিল, “দয়াময় প্রভো, এই পাপিষ্ঠের অপরাধ ক্ষমা কর।” পরে “আমি এই মুখেই তোমার নিন্দা করিয়াছি” বলিয়া দুই হাতে নিজের গাল নিজেই চড়াইতে আরম্ভ করিল। চড়াইতে চড়াইতে গাল ফুলিয়া উঠিল। গোপীনাথচার্য্য অমোঘের



হাত দুইটি ধরিয়া তাহাকে শাস্ত করিলেন, প্রভু তখন অমোঘকে আশ্বাস প্রদান করিয়া সার্কভৌম ভট্টাচার্যের নিকট গমন করিলেন। ভট্টাচার্য উঠিয়া প্রভুর চরণ বন্দনা করিলেন। প্রভু তাঁহাকে আলিঙ্গন করিয়া তদন্ত আসনে উপবেশন পূর্বক বলিলেন,—“ভট্টাচার্য, অমোঘ শিশু, তাহার কথায় দোষ ভাবিয়া উপবাস করা তোমার উচিত হয় নাই। উঠ, স্নান কর, জগন্নাথের শ্রীমুখ দেখিয়া ভোজন কর। তোমার ভোজন না হওয়া পর্য্যন্ত আমি বসিয়া থাকিলাম। ভট্টাচার্য রোষভরে বলিলেন, “অমোঘ মরিলেই ভাল হইত, কেন তাহার জীবন দান করিলেন?” প্রভু বলিলেন, “পিতা কখন সন্তানের দোষ গ্রহণ করেন না, তাহার অপরাধ গিয়াছে, সে বৈষ্ণব হইয়াছে, এখন তাহার প্রতি প্রসন্ন হইয়া স্নানাদি কর।” ভট্টাচার্য বলিলেন, “প্রভু চলুন জগন্নাথ দর্শন করি।” প্রভু বলিলেন, “গোপীনাথ, তুমি এইস্থানে থাক, ভট্টাচার্য জগন্নাথ দর্শনের পর আসিয়া ভোজন করিলে, আমাকে তাঁহার ভোজনসংবাদ জানাইবে। এই কথা বলিয়া প্রভু ভট্টাচার্যের সহিত গমন করিলেন। অমোঘ তদবধি পরম শাস্তপ্রকৃতি বৈষ্ণব ও প্রভুর ভক্ত হইলেন।

### প্রভুর শ্রীবৃন্দাবনগমনাভিলাষ।

অতঃপর প্রভু বৃন্দাবনগমনের ইচ্ছা প্রকাশ করিলেন। রাজা প্রতাপরুদ্র শুনিয়া বিশেষ মর্মান্বিত হইলেন এবং সার্কভৌম ভট্টাচার্য ও রামানন্দকে ডাকিয়া বলিলেন, “প্রভু যাহাতে নীলাচল ছাড়িয়া অন্ত্র গমন না করেন, তদ্বিষয়ে বিশেষ যত্ন করিবে; প্রভু না থাকিলে, আমার রাজ্যও সুখ হইবে না।” তাঁহার রাজার ইচ্ছামত প্রভুকে রাখিবার নিমিত্ত যত্ন করিতে লাগিলেন। তাঁহাদের বিশেষ আগ্রহ দেখিয়া প্রভু আগামিনী রথযাত্রা পর্য্যন্ত নীলাচলে থাকিতে সন্মত হইলেন। দেখিতে দেখিতে রথযাত্রা সমাগত হইল। পূর্ববৎসরের স্থায় গোড়ের ভক্তগণ আগমন করিলেন। প্রভুও তাঁহাদিগকে লইয়া পূর্ববৎ রথযাত্রা দর্শন ও নৃত্যকীর্তনাদি করিলেন। কার্তিকমাসে প্রভু বৃন্দাবনে যাইবেন স্থির হইল। কিন্তু এবারও গোড়ের ভক্তগণ চাতুর্মাশ্বের চারিমাস নীলাচলে রহিলেন, সুতরাং প্রভুর শ্রীবৃন্দাবনে যাওয়া হইল না। ক্রমে চাতুর্মাশ্ব কাটিয়া গেল। চাতুর্মাশ্ব অতীত হইলে, প্রভু নিত্যানন্দকে বলিলেন, “শ্রীপাদ, আমার অনুরোধ, তুমি প্রতিবৎসর নীলাচলে আসিবে না, গোড়ে থাকিয়া আমার অভিলাষ সফল

করিবে।” নিত্যানন্দ বলিলেন, “আসা যাওয়ার কর্তা আমি নহি, তুমি বেমন করাও তেমনি করি।” প্রভু আর কিছু না বলিয়া তাঁহাকে আলিঙ্গনপূর্বক বিদায় দিলেন। ক্রমে ক্রমে অপরাপর ভক্তগণকেও বিদায় দিলেন। বিদায়-কাল উপস্থিত হইলে, কুলীনগ্রামের ভক্তগণ পূর্ববৎ নিবেদন করিলেন, “আমাদিগের কি কর্তব্য, তাহা উপদেশ করুন।” প্রভুও পূর্ববৎ বলিলেন, “বৈষ্ণবসেবা ও নামসঙ্কীৰ্তনই কর্তব্য; এই দুইটিই কৃষ্ণপ্রাপ্তির উপায়।” কুলীনগ্রামী ভক্তগণ পুনশ্চ বলিলেন, “বৈষ্ণবের লক্ষণ কি?” প্রভু তাঁহাদিগের অভিপ্রায় বুঝিয়া উত্তর করিলেন, “যিনি নিরন্তর কৃষ্ণনাম করেন, তিনিই বৈষ্ণব।”

“কৃষ্ণনাম নিরন্তর যাহার বদনে।

সেই সে বৈষ্ণব ভক্ত তাঁহার চরণে ॥”

এই কথা বলিয়া প্রভু ভক্তগণকে বিদায় দিলেন। ভক্তগণ অনিচ্ছাসত্ত্বেও সকাতরে স্বদেশাভিমুখে যাত্রা করিলেন।

ভক্তগণ চলিয়া গেলে, প্রভু পুনর্বার শ্রীবৃন্দাবনে যাইবার অভিপ্রায় প্রকাশ করিলেন; কিন্তু সার্কভৌমের ও রামানন্দের আগ্রহাতিশয়ানিবন্ধন যাওয়া হইল না। শীতের পর যাইবেন স্থির হইল। শীত কাটিয়া গেল, ভক্তানুরোধে যাওয়া হইল না। দোলযাত্রার পর যাইবেন স্থির হইল, পূর্ববৎ যাওয়া ঘটিল না। পুনর্বার রথের পর যাইবেন স্থির হইল। প্রভু সন্ন্যাসের পর দুইবৎসর দক্ষিণ দেশে ভ্রমণ করেন। দুই বৎসর গোড়ের ভক্তগণের সহিত রথযাত্রা দর্শন করেন। এইরূপে চারি বৎসর অতিবাহিত হয়। এইটি পঞ্চম বৎসর। এই বৎসরও রথযাত্রার সময় গোড়ের ভক্তগণ আগমন করিলেন। প্রভু তাঁহাদিগের সহিত পূর্বপূর্ববৎ রথযাত্রা দর্শন করিলেন। এ বৎসর গোড়ের ভক্তগণ চারিমাস নীলাচলে বাস করিলেন না, রথযাত্রা দেখিয়াই যাইবার ভক্ত প্রস্তুত হইলেন। বিদায়ের সময় কুলীনগ্রামের ভক্তগণ পূর্বপূর্ববৎ নিবেদন করিলেন, “আমাদিগের কর্তব্য উপদেশ করুন।” প্রভুও পূর্বপূর্ববৎ উপদেশ করিলেন, “বৈষ্ণবসেবা ও নামসঙ্কীৰ্তনই কর্তব্য।” অধিকন্তু বৈষ্ণবের ভার-তম্য শিখাইবার নিমিত্ত বলিলেন,—

“যাহার দর্শনে মুখে আইসে কৃষ্ণনাম।

তাঁহারে জানিও সবে বৈষ্ণবপ্রধান ॥”

প্রভু ক্রম করিয়া বৈষ্ণব, বৈষ্ণবভক্ত ও বৈষ্ণবভক্ত উপদেশ করিলেন।

উপদেশ পাইয়া ভক্তগণ বিদায় হইলেন। গোড়ের ভক্তগণ বিদায় হইয়া গেলে, প্রভু সার্কভৌম ও রামানন্দকে বলিলেন,—“আমার শ্রীবৃন্দাবনে যাইবার জন্ত অতিশয় উৎকর্ষা জন্মিয়াছে। তোমাদিগের আগ্রহে দুই বৎসর যাইতে পারি নাই। এইটি তৃতীয় বৎসর। এবৎসর আর তোমরা নিবারণ করিও না, আমি এবার অবশ্য যাইব। গোড়দেশে আমার জননী ও জাহ্নবী আছেন, আমি গোড়দেশ হইয়াই শ্রীবৃন্দাবনে যাইব, তোমরা প্রসন্ন হইয়া অনুমোদন কর।” প্রভুর কথা শুনিয়া ভট্টাচার্য্য ও রামানন্দ ভাবিলেন, বার বার প্রভুব ইচ্ছায় বাধা দেওয়া উচিত হইতেছে না। তাঁহারা এইপ্রকার বিচার করিয়া বলিলেন, “প্রভো, এবার আর আমরা বাধা দিব না, আপনি নিশ্চয় যাইবেন, কিন্তু এখন অতিশয় বর্ষা, বিজয়া দশমীর দিন যাত্রা করিবেন।” প্রভু তাহাতেই সন্মত হইয়া বর্ষা অতিবাহিত করিলেন।

### প্রভুর গৌড়দেশ যাত্রা।

বিজয়া দশমী উপস্থিত হইল। প্রভু গৌড়দেশ হইয়া শ্রীবৃন্দাবন গমনের নিমিত্ত প্রস্তুত হইলেন। জগন্নাথের প্রসাদ যাহা কিছু পাইলেন, তাহা সঙ্গে লইলেন। প্রাতঃকালে জগন্নাথ দর্শন করিয়া তাঁহার আজ্ঞা লইয়া গমন করিতে লাগিলেন। ভক্তগণ প্রভুর অনুসরণ করিলেন। কিছুদূর যাইয়া প্রভু উড়িষ্যার ভক্তগণকে বিদায় দিয়া গোড়ের ভক্তগণের সহিত যাইতে লাগিলেন। প্রভু যখন ভবানীপুরে আগমন করিলেন, তখন রামানন্দ রায় দোলারোহণে প্রভুর নিকট উপস্থিত হইলেন। বাণীনাথ প্রভুর নিকট প্রচুর প্রসাদ পাঠাইলেন। প্রভু ভক্তবৃন্দের সহিত ঐ সকল প্রসাদ ভোজন করিয়া পুনর্বার গমন করিতে লাগিলেন। সমস্ত রাত্রি চলিয়া চলিয়া প্রাতঃকালে ভুবনেশ্বরে আসিয়া উপনীত হইলেন। ভুবনেশ্বর দর্শনকরিয়া কটকে আগমন করিলেন। প্রভুর কটকে পদার্পণ হইলে, স্বপ্নেশ্বর নামক এক বিপ্র তাঁহাকে নিমন্ত্রণ করিলেন। বিপ্রের বাহির উষ্টানে প্রভুর বাসা হইল। প্রভু সাক্ষি-গোপাল দর্শনের পর বাসায় যাইয়া ভিক্ষা করিলেন। ভিক্ষার পর একটি বকুলতরুর তলে বিশ্রাম করিতে লাগিলেন। ইতিমধ্যে রামানন্দ রায় যাইয়া রাজা প্রতাপরুদ্রকে প্রভুর আগমনসংবাদ জানাইলেন। রাজা শুনিয়া আনন্দিত হইয়া প্রভুর চরণসমীপে আগমন করিলেন। তিনি প্রভুকে দর্শন করিয়াই

দণ্ডবৎ ভূমিতলে পতিত হইলেন। তাঁহার সৰ্ব্বশরীর পুলকিত হইল, নয়ন-যুগল হইতে অবিরল অশ্রুধারা প্রবাহিত হইতে লাগিল। তিনি প্রভুর স্তুতি করিতে করিতে পুনঃ পুনঃ প্রণাম করিতে লাগিলেন। প্রভুর করুণাবারিতে রাজার দেহ অভিষিক্ত হইল। রামানন্দ রায় রাজাকে স্তম্ভ করিয়া বসাইলেন। প্রভুও রাজাকে যথেষ্ট রূপা করিয়া বিদায় করিলেন। প্রতাপরুদ্র বাহিরে আসিয়া গ্রামে গ্রামে প্রভুর পরিচর্য্যার নিমিত্ত গ্রামবাসিগণের নিকট পত্র প্রেরণ করিলেন। পরে হরিচন্দন ও মঙ্গরাজ নামক প্রধান পাত্রদ্বয়কে আদেশ করিলেন, “নদীতীরে প্রভুর পারগমনের নিমিত্ত একখানি নূতন নৌকা সজ্জিত করিয়া রাখ এবং যে ঘাটে প্রভু স্নান করিয়া পার হইবেন সেই ঘাটে একটি স্তম্ভ স্থাপন কর, আমি প্রতিদিন ঐ ঘাটে স্নান করিব ও মৃত্যুকালে ঐ ঘাটেই দেহ ত্যাগ করিব।” অনন্তর রাজাও প্রভুর গমনপথের উভয়পার্শ্বে হস্তী ও ঘোটকসকল সজ্জিত করা হইল। কুলকামিনীসকল বসনভূষণে সুসজ্জিত হইয়া মঙ্গলাচরণের নিমিত্ত প্রস্তুত হইয়া রহিলেন। সন্ধ্যাকালে প্রভু নিজ ভক্তগণের সহিত যাত্রা করিলেন। রাজমহিষাগণ দূরে থাকিয়াই প্রভুকে দর্শন ও প্রণাম করিলেন। প্রভুর আগমনে রাজপথ ও নগর আনন্দময় হইল। সকলেরই মুখে “কৃষ্ণ কৃষ্ণ” শব্দ ও নয়নে বারিধারা বহির্গত হইতে লাগিল। প্রভু রাজপথ দিয়া মহানদীরই অংশবিশেষরূপা চিত্রোৎপলা নারী নদীর তীরে শুভাগমন করিলেন। রামানন্দ, হরিচন্দন ও মঙ্গরাজ প্রভুর সেবা করিতে করিতে সঙ্গে সঙ্গেই যাইতে লাগিলেন। পুতী গোঁসাই, স্বরূপ দামোদর, জগদানন্দ, মুকুন্দ, গোবিন্দ, কাশীধর, হরিদাস ঠাকুর, বক্রেশ্বর পণ্ডিত, গোপীনাথচাণ্ডা, দামোদর পণ্ডিত প্রভৃতি ভক্তগণও প্রভুর সঙ্গে সঙ্গেই রহিলেন। কেবল গদাধর পণ্ডিতকে প্রভু গোপীনাথের সেবা ত্যাগ করিয়া যাইতে নিষেধ করিলেন। গদাধর কিন্তু প্রেমে প্রভুব নিষেধ না মানিয়াই তাঁহার পশ্চাৎ পশ্চাৎ পৃথকভাবে একাকী গমন করিতে লাগিলেন। প্রভু স্নান করিয়া নৌকায় উঠিবার সময় গদাধরকে সঙ্গে লইলেন না, সার্কভৌম ভট্টাচার্য্যের সহিত ফিরিয়া যাইতে আদেশ করিলেন। অগত্যা গদাধর সার্কভৌম ভট্টাচার্য্যের সহিত কটক হইতে পুরীতে প্রত্যাগমন করিলেন।

এদিকে প্রভু ভক্তগণের সহিত নদীর পরপারে উত্তীর্ণ হইয়া জ্যোৎস্নাবতী স্তুতি দেখিয়া আরও কণ্ঠ্য গমন করিলেন। চতুর্ধার নামকস্থানে রাজি-বাস হইল। পরদিন প্রাতঃকালে উঠিয়া প্রাতঃকৃত্য সমাপন করিলেন।

ঐ সময়ে পূর্বপূর্বদিবসের ত্রায় মহাপ্রসাদ আসিয়া উপস্থিত হইল। প্রভু প্রসাদ অঙ্গীকারপূর্বক যাত্রা করিলেন। এইরূপে চলিয়া চলিয়া যাজপুর পর্য্যন্ত আগমন করিলেন। যাজপুরে আসিয়া হরিচন্দন ও মঙ্গরাজকে বিদায় দিলেন। রেমুণায় আসিয়া রামানন্দকেও বিদায় দিলেন। বিদায়ের সময় রামানন্দ নিতান্ত কাতর হইয়া পড়িলেন। প্রভু অনেক যত্নে তাঁহাকে কিঞ্চিৎ শাস্ত করিয়া বিদায় করিলেন। ক্রম উড়িষ্যার সীমান্তে আসিয়া উপনীত হইলেন। ঐ স্থানের শাসনকর্ত্তা আসিয়া প্রভুর চরণতলে পতিত হইয়া বলিলেন,— “প্রভো, রাজা প্রতাপরুদ্রের অধিকারের এই শেষ সীমা। অতঃপর পিছলদা পর্য্যন্ত এক সুরাপায়ী যুবনের অধিকার। সে অতি হৃদ্যাস্ত। তাহার সহিত আমাদের বিবাদ চলিতেছে। অতএব আমি তাহার সহিত কোন একটা বন্দোবস্ত না করিয়া প্রভুকে পাঠাইতে সাহস করি না। প্রভু দুই চারি দিন এই অধমের সেবা গ্রহণ করুন। ইতিমধ্যে গমনের সুযোগ করা যাইবে।” অগত্যা প্রভু ঐস্থানেই রহিয়া গেলেন। কিন্তু এমনই প্রভুর মহিমা, অকস্মাৎ ঐ যুবন-রাজের একজন কর্মচারী আসিয়া হিন্দুরাজপ্রতিনিধিকে বলিল,—“আপনার অনুমতি হইলে, যুবনরাজ স্বয়ং এই স্থানে আসিয়া প্রভুর শ্রীচরণ দর্শন করেন। তাঁহার একজন চর প্রভুকে দর্শন করিয়া যাইয়া প্রভুর মহিমা বর্ণন করা অবধি তিনি প্রভুর চরণদর্শনার্থ অতিশয় উৎকণ্ঠিত হইয়াছেন। তিনি আরও বলিয়াছেন, আপনি যদি প্রভুর শ্রীচরণ দর্শন সম্বন্ধে সহায়তা করেন, তবে আপনাদিগের পরস্পর বিবাদ এইস্থানেই নিষ্পত্তি পায়, যুদ্ধবিগ্রহও এইস্থানেই ক্ষান্ত হইয়া যায়।” হিন্দুরাজপ্রতিনিধি শুনিয়াই অতীব বিস্ময়াবিষ্ট হইলেন। পরে তিনি, অকস্মাৎ যুবনরাজের ঈর্ষ মতিপরিবর্ত্তন প্রভুরই লীলা বুঝিয়া, তাহাকে বলিলেন, “আচ্ছা, যুবনরাজের যদি এরূপ সৌভাগ্য হইয়া থাকে, তবে তিনি আশিয়া যথেষ্ট প্রভুকে দর্শন করুন; কিন্তু সঙ্গে অধিক লোক থাকিবে না এবং যাহারা থাকিবে, তাহারাও নিরস্ত হইবে।” যুবনরাজের কর্মচারী যাইয়া নিজ প্রভুর নিকট এই বিষয় নিবেদন করিল। যুবনরাজ আনন্দে বিভোর হইয়া পাঁচ সাত জন ভৃত্যের সহিত হিন্দুব বেশে আসিয়া প্রভুর সম্মুখে দণ্ডবৎ পতিত হইলেন। তাঁহার সর্বশরীরে পুলক ও নেত্রে অশ্রুধারা দৃষ্ট হইতে লাগিল। হিন্দুরাজপ্রতিনিধি প্রভুকে তাঁহার পরিচয় দিয়া স্বয়ং তাঁহার যথোচিত অভ্যর্থনা করিলেন। যুবনরাজও, তিনি প্রভুকে দর্শন করাইলেন বলিয়া, তাঁহার প্রতি যথেষ্ট কৃতজ্ঞতা প্রদর্শনপূর্বক প্রভুর

দিকে চাহিয়া কুতাজলিপুটে সবিনয়ে বলিতে লাগিলেন, “প্রভো, আপনি যদি আমাকে অধম যবনকুলে জন্ম না দিয়া হিন্দুকুলে জন্ম দিতেন, তবে আমি আপনার শ্রীচরণ আশ্রয়পূর্বক কৃষ্ণনাম করিয়া মনবজীবন সফল করিতাম।” পরে বারংবার প্রণতিপূর্বসর প্রভুকে অনেক স্তবস্তুতি করিলেন। প্রভু তাঁহার প্রতি প্রশ্ন হইয়া বলিলেন, “প্রভু তোমাকে অঙ্গীকার করিয়াছেন, তুমি কৃষ্ণনাম কর।” যবনরাজ শুনিয়া আনন্দে বিহ্বল হইয়া কৃষ্ণনাম করিতে করিতে নৃত্য করিতে লাগিলেন। পরিশেষে কিঞ্চিৎ বৈধাধারণ করিয়া বলিলেন, “প্রভো, যদি অধমকে নিজগুণে অঙ্গীকারই করিলেন, তবে কোন একটি সেবাও আদেশ করুন।” মুকুন্দদত্ত বলিলেন, “প্রভু গঙ্গা তীরে গমন করিবেন, তুমি তদ্বিষয়ে কিঞ্চিৎ সাহায্য কর।” যবনরাজ এই সেবাদেশ গাইয়া আপনাকে কৃতার্থ বোধ করিলেন। হিন্দুরাজ-প্রতিনিধি ও যবনরাজের পরস্পর মিত্রতা হইল। হিন্দুরাজপ্রতিনিধি যবনরাজকে আলিঙ্গন করিয়া বিদায় দিলেন। যবনরাজ নিজ অধিকারে গাইয়া প্রভুকে লইয়া ঘাইবার নিমিত্ত একজন কণ্ঠচাৰীকে পাঠাইয়া দিলেন। প্রভু তাহার সহিত যবনরাজের অধিকারে গমন করিলেন। যবনরাজ ইতিপূর্বেই প্রভুর নিমিত্ত একখানি উৎকৃষ্ট নূতন নৌকা সাজাইয়া রাখিয়াছিলেন। প্রভুর পদার্পণমাত্র তাঁহাকে ভক্তবর্গের সহিত প্রণতিপূর্বসর ঐ নৌকায় আরোহণ করাইলেন এবং পথে জলদ্রব্য হইতে রক্ষার নিমিত্ত আর দশখানি নৌকা করিয়া কতকগুলি সশস্ত্র সৈনিক লইয়া স্বয়ংও সঙ্গে সঙ্গেই গমন করিলেন। তিনি প্রভুকে সগণে মন্তেশ্বর নদী পার করিয়া পিছলদায় পৌঁছিয়া দিলেন। প্রভু পিছলদায় পৌঁছিয়া যবনরাজকে ও তাঁহার সৈনিকদিগকে বিদায় দিলেন। প্রভু যে নৌকায় আরোহণ করিয়াছিলেন, ঐ নৌকাতেই পানিহাটীতে আগমন করিলেন। তিনি পানিহাটীতে আসিয়া নৌকাখানিকেও বিদায় দিলেন।

প্রভুর শুভাগমন হওয়ার পানিহাটীর জল ও স্থল লোকে লোকারণ্য হইল। রাঘব পণ্ডিত আসিয়া প্রভুকে নিজ গৃহে লইয়া গেলেন। প্রভু রাঘবপণ্ডিতের ভবনে একরাত্রি বাস করিয়া পরদিন কুমারহাটীতে শ্রীবাসপণ্ডিতের ভবনে গমন করিলেন। প্রভুর সম্মাসের পর হইতে শ্রীবাসপণ্ডিত নবদ্বীপের বাসস্থান ত্যাগ করিয়া কুমারহাটীর পূর্ববাসস্থানেই অবস্থিতি করিতে-ছিলেন। প্রভু শ্রীবাসপণ্ডিতের গৃহেও একদিনমাত্র বাস করিয়া তৎপরদিন হালিসহরে কাঞ্চনপাড়ার শিবানন্দ সেনের ভবনে গমন করিলেন। পরে ঐ

স্থান হইতে বাসুদেবের ভবন হইয়া নবদ্বীপের সার্বভৌমের জাতা বিখ্যাত-  
চম্পতির ভবনে গমন করিলেন। বিখ্যাতচম্পতির গৃহে প্রভুর আগমনপংবাদ  
প্রাপ্ত হইয়া চারিদিক হইতে লোকের সমাগম হইতে লাগিল। গঙ্গায় নৌকা  
দুখ্রাপা হইয়া উঠিল। অপরপারের লোকসকল প্রাণের মমতা ত্যাগ করিয়া  
সস্তরণাদি দ্বারা গঙ্গা পার হইয়া প্রভুকে দর্শন করিতে আসিতে লাগিলেন।  
যিনি আসেন, তিনি প্রভুর শ্রীমুখ দেখিয়া আর গৃহে ফিরিয়া যাঠিতে চাহেন না।  
ক্রম বিজ্ঞানগরে স্থানের ও খাণ্ডসামগ্রীর অভাব হইয়া পড়িল। অগত্যা প্রভু  
গোপনে বিখ্যাতচম্পতিকেও না বলিয়া বিজ্ঞানগর হইতে ফুলিয়ায় চলিয়া  
আসিলেন। প্রভু ফুলিয়ায় আসিয়া গোপনে মাধবদাসের গৃহে অবস্থান করিতে  
লাগিলেন। কিন্তু অধিককাল গোপনে থাকিতে পারিলেন না, নিত্যানন্দ প্রভুর  
সহিত হাজার হাজার কীর্তনীয় আসিয়া প্রভুকে প্রকাশ করাইলেন। যেখানে  
যত পাপী ছিলেন, ফুলিয়ায় প্রভুর প্রকাশ দর্শন করিয়া সকলেই উদ্ধার পাইলেন।

ফুলিয়ায় প্রভু সাতদিন থাকিয়া অপূর্ব কীর্তনানন্দ প্রকাশ করিলেন।  
ফুলিয়ায় অবস্থানকালে এক দিবস এক ব্রাহ্মণ আসিয়া প্রভুর চরণে পতিত হইয়া  
বলিলেন, “প্রভো, আমি শ্রীহরিনামের ও বৈষ্ণবের প্রভাব না জানিয়া অনেক  
নিন্দা করিয়াছি, এখন তন্নিমিত্ত অনুতাপনলে দগ্ধ হইতেছি, আমাকে নিজগুণে  
উদ্ধার করুন; আমার কি উপায় হইবে বলুন।” প্রভু বলিলেন, “তুমি যে মুখে  
নামের ও বৈষ্ণবের নিন্দা করিয়াছ, সেই মুখেই উঁহাদের গুণগান কর এবং  
নিরন্তর কৃষ্ণনাম কর, তাহা হইলেই উদ্ধার পাইবে।” প্রভুর শ্রীমুখের উপদেশ  
শ্রবণ করিয়া বৈষ্ণবগণ আনন্দে হরিধ্বনি করিতে লাগিলেন। এই সময়ে  
নদীয়ার দেবানন্দ পণ্ডিত আসিয়া প্রভুর চরণে শরণাগত হইলেন। প্রভু তাঁহাকে  
উঠাইয়া আলিঙ্গন প্রদানপূর্বক বলিলেন, “দেবানন্দ, তুমি বক্রেশ্বর পণ্ডিতের  
সেবা করিয়া কৃতার্থ হইয়াছ, তাঁহার প্রসাদে তোমার কৃষ্ণপ্রসাদও লাভ  
হইয়াছে।” দেবানন্দ কৃতার্থ হইয়া অনেক স্তবস্ততির পর বিদায় হইলেন।  
দেবানন্দ বিদায় হইলে, চাম্পল গোপাল আসিয়া পুনর্বার প্রভুর শরণ লইলেন।  
এবার প্রভু তাঁহাকে পূর্ববৎ প্রত্যাখ্যান না করিয়া শ্রীবাস-পণ্ডিতের আশ্রয়  
লইতে বলিলেন, এবং তদ্বারা তাঁহার অপরাধ খণ্ডন করাইয়া তাঁহাকেও কৃতার্থ  
করিলেন।

প্রভু মথুরায় যাইবেন শুনিয়া প্রভুর ভক্ত নৃসিংহানন্দ ফুলিয়া হইতে পথ  
প্রস্তুত করিতে আরম্ভ করিলেন। রাজমহলের নিকটবর্তী কানাইর নাটশালা

নামক স্থান পর্য্যন্ত পথ প্রস্তুত হইলে, আর তাঁহার অগ্রসর হইতে মন গেল না। নৃসিংহানন্দ তখনই বুঝিলেন, প্রভুর এযাত্রায় শ্রীবন্দাবনপর্য্যন্ত শুভাগমন হইবে না, তিনি নাটশালা হইতেই ফিরিবেন।

এদিকে প্রভুও ফুলিয়া হইতে শান্তিপুরে অষ্টৈতাচার্য্যের ভবনে গমন করিলেন। তিনি অষ্টৈতভবনে আগমন করিয়াছেন শুনিয়া শচীদেবী তাঁহাকে দেখিবার জন্য শান্তিপুরে আসিলেন। প্রভু জননীকে পাইয়া তাঁহার চরণবন্দনা করিলেন। তিনি দুই চারিদিন শান্তিপুরে থাকিয়া জননীর অমুমতি লইয়া মথুরা উদ্দেশে যাত্রা করিলেন। সহস্রাধিক লোক প্রভুর অনুগামী হইলেন। তদ্ব্যতীত প্রভু যখনেই রাত্রিবাস কবেন, সেইখানেই তাঁহাকে দর্শন করিবার নিমিত্ত প্রভূত লোকের সমাগম হইতে লাগিল। এইরূপে গঙ্গাতীরপথে গোড়ের নিকটবর্ত্তী রামকেলি পর্য্যন্ত আগমন করিলেন। এই রামকেলিতে শ্রীসনাতন ও শ্রীরূপ গোস্বামী বাস করিতেন।

### শ্রীসনাতন ও শ্রীরূপ গোস্বামীর পূর্ব্ববৃত্তান্ত।

শ্রীসনাতন ও শ্রীরূপ গোস্বামী দাক্ষিণাত্য বিপ্রেয় কুলে উৎপন্ন হইলেন। তাঁহাদের পূর্ব্বপুরুষগণ দাক্ষিণাত্যের অন্তর্গত কর্ণাট প্রদেশে বাস করিতেন। তাঁহাদের বৃদ্ধপ্রপিতামহ রূপেশ্বর কাম্যকূট্রে বঙ্গদেশে আগমন করেন। তদবধি তাঁহারা বঙ্গদেশীয় হইয়া যান। সনাতন গোস্বামীর অনেকগুলি সহোদর। তন্মধ্যে সনাতন, রূপ ও বল্লভ এই তিনজনই বৈষ্ণবসম্প্রদায়ে প্রসিদ্ধ। ইহঁারা তিনজনই রামকেলি গ্রামে একত্র বাস করিতেন। রামকেলি গ্রাম গোড়রাজধানীর নিকটবর্ত্তী। গোড়েশ্বর শৈয়ব ছৈয়ন সা বা দ্বিতীয় আলাউদ্দীন সনাতন ও রূপ গোস্বামীর অলৌকিক প্রতিভার পরিচয় পাইয়া জ্যেষ্ঠ সনাতনকে প্রধান মন্ত্রী করিয়া মধ্যম রূপকে তাঁহার সহকারিপদে নিযুক্ত করেন। তিনি সনাতনকে দবির খাস, রূপকে সাকর মল্লিক এবং কনিষ্ঠ বল্লভকে অনুপম মল্লিক উপাধি প্রদান করেন। অনুপম মল্লিকও গোড়েশ্বরের অধীনে কার্য্য করিতেন। কিন্তু তিনি যে কি কার্য্য করিতেন, তাহা সুবিদিত নহে। তাঁহারা গোড়েশ্বরের কার্য্যে নিযুক্ত হইয়া রামকেলি গ্রামের বিশেষ উন্নতিসাধন পূর্ব্বক আপনাদিগের জাতিবর্গকেও ঐ স্থানেই আনয়ন করেন। রামকেলিতে সনাতন গোস্বামী সনাতন সাগর নামে একটি এবং রূপ গোস্বামী রূপসাগর নামে অপর একটি বৃহৎ জলাশয় খনন করিয়াছিলেন। ঐ দুই জলাশয় এখনও ঐ দুই নামেই প্রসিদ্ধ আছে।



তঁাহারা কার্যানুরোধে যদিও বাহিরে যবনভাবাপন্ন হইয়াছিলেন, কিন্তু অন্তরে অহিন্দু হইয়ন নাই। লিখিত আছে, তঁাহারা রাজকার্যে ব্রতী হইবার পূর্বেই সার্কভৌম ভট্টাচার্যের সহোদর বিদ্যাবাচস্পতির নিকট অনেক শাস্ত্রগ্রন্থ অধ্যয়ন করিয়াছিলেন এবং রাজকার্যে ব্রতী হইয়াও অধ্যয়ন ত্যাগ করেন নাই, সময় পাইলেই শাস্ত্রচর্চা করিতেন। তঁাহারা বিশেষ শাস্ত্রানুরাগী ছিলেন বলিয়া তঁাহাদিগের আবাসে অনেক ব্রাহ্মণ পণ্ডিতের সমাগম হইত। তঁাহারা ঐ সকল ব্রাহ্মণ পণ্ডিতকে যথেষ্ট সম্মান এবং সাহায্যও করিতেন। তঁাহাদিগের আচার-বাবহারও ধর্ম্যানুগতই ছিল। তঁাহারা যবনসংসর্গে আপনাদিগের বর্ণাশ্রমাচিত আচার-বাবহার পরিত্যাগ করেন নাই। সময় সময়ে তীর্থযাত্রার অভিলাষ করিতেন, কিন্তু অবসরাভাবে ঐ অভিলাষ পূর্ণ হইত না। অগত্যা তঁাহারা স্ব স্ব জসাশয়েব চারিদিকে কানন প্রমুতকরিয়া তন্মধ্যে শ্রীশ্রীরাধাকৃষ্ণের বিগ্রহ স্থাপনকরিয়া তঁাহাদেরই পূজা করিতেন। গোড়েশ্বর তঁাহাদের কার্যনৈপুণ্য দর্শনে তুষ্ট হইয়া তঁাহাদিগকে অনেক ভূমিসম্পত্তিও প্রদান করিয়াছিলেন। এইরূপে অতুল ঐশ্বর্যের অধিকারী হইয়াও তঁাহারা মদমত্ত হইয়া ধর্ম্যানুশীলন ত্যাগ করেন নাই। জ্ঞানী, ধার্মিক ও দাতা বলিয়া তঁাহাদিগের যশঃসৌভ চতুর্দিকে বিকীর্ণ হইয়াছিল। তন্নিমিত্ত বঙ্গদেশের নানাস্থান হইতে জ্ঞানী, ভক্ত ও কবিসকল আসিয়া তঁাহাদিগের সভা অলঙ্কৃত করিতেন। তঁাহারাও তঁাহাদিগকে যথোচিত সমাদর করিতে ক্রটি করিতেন না। প্রবাদ এই যে, তঁাহারা গৃহাবস্থান কালেও দুই একখানি গ্রন্থ রচনা করিয়াছিলেন।

এইভাবে কিছুকাল অতীত হইলে, সনাতন গোস্বামী একদা রাত্রিযোগে নিদ্রাবস্থায় একটি আশ্চর্য স্বপ্ন দর্শন করিলেন। স্বপ্নটি এই—একটি পরম-সুন্দর নবীন সন্ন্যাসী সনাতন গোস্বামীকে সম্বোধন করিয়া বলিতেছেন, “সনাতন, আর কালবিলম্ব করিও না, সত্বর শ্রীভগবানের সেবায় মনোনিবেশ কর, শ্রীবৃন্দাবনে যাওয়া লুপ্ততীর্থের উদ্ধার ও ভক্তিশাস্ত্রের প্রচার কর।” এই কয়েকটি কথা বলিয়াই সন্ন্যাসী অন্তর্হিত হইলেন। তখনই সনাতন গোস্বামীর নিদ্রাভঙ্গ হইল। নিদ্রাভঙ্গের পর তিনি ঐ স্বপ্নবৃত্তান্তটি মধ্যম রূপ গোস্বামীকে শুনাইলেন। রূপ গোস্বামী শুনিয়া বলিলেন, “শুনিয়াছি, নদীয়ায় শ্রীভগবান্ অবতীর্ণ হইয়াছেন। বোধ হয়, তিনিই স্বপ্নে দর্শন দিয়া ঐ প্রকার উপদেশ করিয়াছেন। আমরা বিষমাক্রূপে পতিত। পতিতপাবন প্রভু কি আমাদের উদ্ধার করিবেন?” এই কথা বলিতে বলিতে অশ্রধারায় তঁাহার বক্ষঃস্থল প্লাবিত

লইয়া গেল। স্বপ্নদর্শনে সনাতন গোস্বামীরও মনে বৈরাগ্যের সঞ্চার হইয়াছিল। দুই ভাই নিৰ্জনে পরামর্শ করিয়া দৈন্যবিনয়সহকারে মহাপ্রভুকে একখানি পত্র লিখিলেন। মহাপ্রভু কিন্তু ঐ পত্র পাইয়াও উপযুক্ত সময়ের অপেক্ষায় কোনরূপ উত্তর প্রদান করিলেন না। সনাতন গোস্বামী প্রেরিতপত্রের উত্তর না পাইয়া উপর্যুপরি কয়েকখানি পত্র লিখিলেন। পরিশেষে মহাপ্রভু ঐ সকল পত্রের উত্তরস্বরূপ নিম্নলিখিত যোগবাশিষ্টের শ্লোকটি লিখিয়া প্রেরণ করিলেন।

“পরব্যাসিনী নারী বাগ্রাপি গৃহকর্ম্মসু।

তদেবাস্বাদয়তাস্তনবসঙ্গরসায়নম্ ॥”

এই ঘটনার অতীতকাল পরেই মহাপ্রভু সন্ন্যাস করিয়া নীলাচলে গমন করিলেন। সনাতন গোস্বামী লোকমুখে মহাপ্রভুর গতিবিধি শ্রবণ করিতে লাগিলেন। মহাপ্রভু নীলাচল হইতে দক্ষিণদেশে গমন ও পুনর্বার নীলাচলে প্রত্যাগমন করিলেন, এই সংবাদও তাহাদিগের অবিদিত রহিল না। পরে যখন মহাপ্রভু বঙ্গদেশ হইয়া শ্রীবৃন্দাবনে গমন করিতেছেন, এই সংবাদ শ্রুতিগোচর হইল, তখন সনাতন গোস্বামী মহাপ্রভুর শ্রীচরণ দর্শনার্থ বিশেষ উৎকর্ষান্বিত হইলেন। ঠিক এই সময়েই মহাপ্রভুও রামকেলিতে পদার্পণ করিলেন।

### • প্রভুর সহিত সাক্ষাৎকার।

প্রভুর রামকেলিতে পদার্পণ হইলে, গোড়েশ্বরের একজন কোতোয়াল ঘাইয়া গোড়েশ্বরকে প্রভুর আগমনবার্তা নিবেদন করিলেন। কোতোয়াল বলিলেন, “রামকেলিতে একটি হিন্দু সন্ন্যাসী আসিয়াছেন, তিনি নিরবধি কীর্তন করেন; তাঁহার সঙ্গে অসংখ্য লোক; ঐ সকল লোক তাঁহার অত্যন্ত বাধা; দেখিলে রাজদ্রোহের আশঙ্কা হয়।” গোড়েশ্বর শুনিয়া ভিজ্জাসা করিলেন, “সে সন্ন্যাসী কেমন? তাঁহার আচার বাবহারই বা কিরূপ?” কোতোয়াল উত্তর করিলেন,—“এরূপ অদ্ভুত সন্ন্যাসী আমি আর কখন দেখি নাই। ইহঁার দেহকথা কন্দর্পকেও পরাজয় করিয়াছে। অঙ্গকাষ্ঠি সূবর্ণের সদৃশ উজ্জ্বল। শরীর প্রকাণ্ড। ভুজযুগল আঙাঝুলন্বিত। নাভি স্নগভীর। গ্রীবা সিংহের তুল্য। স্বকৃ গজেন্দ্রের স্বকৃ সদৃশ, নয়নযুগল কমলদলের স্থায় বিশাল। কোটি

চন্দ্রও বদনের তুলনা হয় না। অধর রক্তবর্ণ। দন্তসকল মুক্তার স্থায় সুগঠিত, ক্রয়ুগল কামধেনুর সমান। সুপীন বক্ষঃস্থল চন্দনচর্চিত। কটিদেশে অরুণবর্ণ বসন। চরণযুগল পদ্মের তুল্য। নখগুলি দর্পণের স্থায় নির্মল। দেখিলে বোধ হয়, কোন রাজার নন্দন সন্ন্যাসী হইয়া ভ্রমণ করিতেছেন। সমস্ত অঙ্গ-প্রত্যঙ্গ নবনীতের স্থায় কোমল। সেই সুকোমল অঙ্গ মুছমুছ কঠিন ভূমিতে পতিত হইতেছে! কি আশ্চর্য্য, সেই পতনে পাষণ্ড বিদীর্ণ হয়, কিন্তু অঙ্গে একটিও ক্ষত কিছু দেখা যায় না। সর্বাঙ্গে অপূর্ব পুলকাবলী। ক্রমে ক্রমে ঘোরতর শ্বৈদ ও কম্প হইতেছে। হাজার লোকেও ধরিয়া রাখিতে পারে না। নয়নে নদীর স্রোতের স্থায় বারিধারা বহিতেছে। কখন হাসিতেছেন, কখন কাঁদিতেছেন, কখন মূর্ছা ঘাইতেছেন। মূর্ছার সময় শ্বাস প্রশ্বাস পর্য্যন্ত থাকে না, দেখিলে ভয় হয়। সদাই বাহু তুলিয়া নামকীর্তন করিতেছেন। কখন ভোজন করেন, কখন শয়ন করেন, দেখি নাই। চতুর্দিক হইতে দর্শনার্থ সমাগত লোকে লোকারণ্য হইতেছে। যে আসিতেছে, সে আর গৃহে ফিরিয়া ঘাইতেছে না। যাহা দেখিয়াছি, তাহা নিবেদন করিলাম।” এই কথা বলিয়া কোতোয়াল নিরস্ত হইল। গৌড়েশ্বর কোতোয়ালকে বিদায় দিয়া ভাবিলেন, পূর্বে এক ককিরের মুখে ঠাঁহার কথা শুনিয়াছিলাম, বোধ হয়, সেই মহাপুরুষেরই শুভাগমন হইয়াছে। এইপ্রকার চিন্তার পর, তিনি কেশব খান নামক ঠনৈক কর্মচারীকে ডাকাইয়া বলিলেন, “কেশব, শুনিলাম, রামকেলিতে একজন হিন্দু সন্ন্যাসী আসিয়াছেন, তাঁহার সঙ্গে অনেক লোকজন, তুমি কি তাঁহার বিষয় কিছু বিদিত আছ?” কেশব খান অতীব সজ্জন, বিশেষতঃ তিনি গৌড়েশ্বরকে হিন্দুর দ্বেষী বলিয়াই জানিতেন, অতএব প্রকৃত কথা গোপন করিয়া বলিলেন, “হাঁ, আমি জানিয়াছি, একজন সন্ন্যাসী আসিয়াছেন, তিনি বৃষ্ণতলে বাস করেন, ভিক্ষুক সন্ন্যাসীমাত্র।” গৌড়েশ্বর কেশবের মনের ভাব বুঝিতে পারিয়া বলিলেন, “তুমি গোপন করিলে কি হইবে, আমি বুঝিয়াছি তিনি ভিক্ষুক সন্ন্যাসী নহেন, হিন্দুর যিনি নারায়ণ তিনিই সন্ন্যাসী হইয়া দেখা দিয়াছেন। আমি গৌড়ের রাজা, তিনি বিশ্বের রাজা। অত্যাচারী লোকে আপনার খাইয়া তাঁহার আজ্ঞা বহন করিবে কেন? তোমরা কি কখন আপনার খাইয়া আমার আজ্ঞা বহন করিয়া থাক? যাহা হউক কেতোয়ালকে আমার আদেশ বিজ্ঞাপন কর, যেন কেহ ঐ সন্ন্যাসীর উপর কোনরূপ অত্যাচার না করে। উনি আমার অধিকারমধ্যে স্বাধীনভাবে কথেকছ বিচরণ করিবেন।” কেশব খান “বে আজ্ঞা”

বলিয়া গোড়েশ্বরের নিকট বিদায় গ্রহণ পূর্বক বাহিরে আসিয়া কোতোয়ালকে রাজাজ্ঞা বিজ্ঞাপন করিলেন। পরে তিনি অব্যবস্থিত ষবনরাজের উপর বিশ্বাস স্থাপন করিতে না পারিয়া গোপনে একজন বিশ্বস্ত ব্রাহ্মণ দ্বারা, রাজধানীর নিকট হইতে অন্ত্র গমন করাই যুক্তিযুক্ত, এই কথা প্রভুর ভক্তগণের নিকট বলিয়া পাঠাইলেন। এদিকে গোড়েশ্বর সেই দিনই সনাতন দবির খাসকে নিভূতে ডাকাইয়া মহাপ্রভুর বিষয় জিজ্ঞাসা করিলেন। মন্ত্রী সনাতন তদন্তরে বলিলেন,—

“যে তোমারে রাজ্য দিল যে তোমার গোসাঞা ।  
তোমার দেশে তোমার ভাগ্যে জন্মিলা আসিয়া ॥  
তোমার মঙ্গল বাঞ্ছে বাক্য সিদ্ধ হয় ।  
ইহাঁর আশীর্ব্বাদে তোমার সর্ব্বত্রতে জয় ॥  
মোরে কেন পুছ তুমি পুছ আপন মন ।  
তুমি নরাধিপ হও বিষ্ণু অংশ সম ॥°  
তোমার চিত্তে চৈতন্যেরে কৈছে হয় জ্ঞান ।  
তোমার চিত্তে যেই লয় সেইত প্রমাণ ॥”

গোড়েশ্বর বলিলেন, “এই সম্মাসী সাক্ষাৎ ঈশ্বর, ইহাই আমার মনে হয়।”  
যে ষবনরাজ হুসেন সা উড়শ্যার রাজার সহিত সংগ্রাম করিয়া এক সময়ে শত শত দেবমন্দির ও দেবমূর্ত্তি নষ্ট করিয়াছিলেন, তিনিই এখন শ্রীগোবিন্দের প্রসাদে সন্নিহয়ে তাঁহার প্রতি কোনরূপ অত্যাচারের চেষ্টা না করিয়াই তাঁহাকে ঈশ্বর বলিয়া স্বীকার করিলেন। মন্ত্রী সনাতন শুনিয়া রাজার ভাগ্যের প্রশংসা করিতে করিতে গৃহে গমন করিলেন।

মন্ত্রী সনাতন গৃহে আসিয়া লাতা রূপের সহিত পরামর্শ করিয়া রাত্রিযোগে প্রভুর চরণদর্শনার্থ গমন করিবেন ইহাই স্থির করিলেন। অর্দ্ধরাত্রির সময় দুই ভাই ছদ্মবেশে প্রভুর স্থানে গমন করিলেন। প্রথমে নিত্যানন্দ ও হরিদাসের সহিত তাঁহাদের সাক্ষাৎ হইল। তাঁহারা প্রভুকে জানাইয়া তাঁহার আদেশমত সনাতন ও রূপকে লইয়া প্রভুর সম্মুখে উপস্থিত হইলেন। সনাতন ও রূপ দস্তে তৃণধারণপূর্বক গলগন্ধীকৃতবাসে দণ্ডবৎ ভূমিতলে পতিত হইলেন। তাঁহারা ভূতলে পড়িয়া প্রভূত আতিপ্রকাশ সহকারে রোদন করিতে লাগিলেন। প্রভু দুই ভাইকে উঠিতে বলিলেন। দুই ভাই উঠিয়া প্রভুর স্তুতিসহকারে প্রার্থনা করিতে প্রবৃত্ত হইলেন।

“জয় জয় শ্রীকৃষ্ণচৈতন্য দয়াময় ।  
 পতিতপাবন জয় জয় মহাশয় ॥  
 নীচ জাতি নীচ সঙ্গে করি নীচ কাজ ।  
 তোমার অগ্রেতে প্রভু কহিতে বাসি লাজ ।  
 পতিত তারিতে প্রভু তোমার অবতার ।  
 আমি বহি জগতে পতিত নাহি আর ॥  
 জগাই মাধাই দুই করিলে উদ্ধার ।  
 তাঁহা উদ্ধারিতে শ্রম নহিল তোমার ॥  
 ব্রাহ্মণ জাতিতে তারা নবদ্বীপে ঘর ।  
 নীচসেবা নাহি করে নহে নীচের কুর্পর ॥  
 সবে এক দোষ-তার হয়ে পাপাচার ।  
 পাপরাশি দহে নামাভাসেতে তোমার ॥  
 তোমার নাম লয়ে করে তোমার নিন্দন ।  
 সেই নাম হৈল তার মুক্তির কারণ ॥  
 জগাই মাধাই হইতে কোটি কোটি গুণ ।  
 অধম পতিত পাপী আমি দুই জন ॥  
 শ্লেচ্ছজাতি শ্লেচ্ছসঙ্গী করি শ্লেচ্ছকর্ম ।  
 গোব্রাহ্মণদ্রোহী সঙ্গে আমার সঙ্গম ॥  
 মোর কর্ম মোর হাতে গলায় বান্ধিয়া ।  
 কুবিসয় বিষ্ঠাগর্ভে দিয়াছে ফেলাইয়া ॥  
 আমি উদ্ধারিতে বলী নাহি ত্রিভুবনে ।  
 পতিতপাবন তুমি সবে তোমা বিনে ॥  
 আমি উদ্ধারিয়া যদি দেখাও নিজ বল ।  
 পতিতপাবন নাম তবে সে সফল ॥  
 সত্য এক বাত কহেঁ। শুন দয়াময় ।  
 মো বিহু দয়ার পাত্র জগতে নাহি হয় ॥  
 মোরে দয়া করি কর স্বদয়া সফল ।  
 অধিল ব্রহ্মাণ্ড দেখুক তোমার দয়াবল ॥  
 আপনা অযোগ্য দেখি মনে পাণ্ড কোভ ।  
 তথাপি তোমার গুণে উপজায় লোভ ॥

বামন যৈছে চাঁদ ধরিতে যায় করে ।

তৈছে মোর এই বাণী উপজে অন্তরে ॥”

সনাতন ও রূপের কথা শুনিয়া প্রভু বলিলেন,—“দবির খাস ও সাকর মল্লিক, তোমরা দুই ভাই আমার পুরাতন দাস । আজি হইতে তোমরা দুই ভাই মছুক সনাতন ও রূপ এই নামেই পরিচিত হইবে । তোমরা দৈন্ত ত্যাগ কর । তোমাদিগের দৈন্ত দেখিয়া আমার হৃদয় বিদীর্ণ হইতেছে । তোমরা সর্বপ্রকারে উত্তম হইয়াও আপনাদিগকে হীন করিয়া মানিতেছে । তোমরা অনেক দৈন্ত প্রকাশ পূর্বক আমাকে বার বার পত্র লিখিয়াছিলে । সেই সকল পত্রেই আমি তোমাদিগের ব্যবহার বিদিত হইয়াছিলাম । আমি তোমাদিগের পত্র হইতেই তোমাদিগের হৃদয় জানিয়াছিলাম । পরে তোমাদিগের শিক্ষার্থ একটি শ্লোকও লিখিয়া পাঠাইয়াছিলাম, পাইয়া থাকিবে । সম্প্রতি আমার গোড়ে আগমনও তোমাদিগের জন্মই । আমার এই রামকেলি পর্যন্ত আসিবার অপর কোন প্রয়োজনই ছিল না । সকলেই বলেন, রামকেলিতে আসিবার কারণ কি ? আমার মনের ভাব কেহই জানেন না । আমি কেবল তোমাদিগকে দেখিবার নিমিত্তই এই স্থানে আসিয়াছি । তোমরা আমার নিকট আসিয়াছ, ভালই হইয়াছে । এখন গৃহে গমন কর । মনে কোন ভয় করিও না । তোমরা দুই ভাই আমার জন্মজন্মের কিঙ্কর । অচিরেই কৃষ্ণ তোমাদিগকে উদ্ধার করিবেন ।” এই পর্য্যন্ত বলিয়া প্রভু দুই ভ্রাতার মস্তকে হস্ত প্রদান পুরস্কার তাঁহাদিগকে আলিঙ্গন করিলেন । পরে নিজ ভক্তগণকে বলিলেন, “তোমরা সকলে কৃপা করিয়া সনাতন ও রূপকে উদ্ধার কর ।” সনাতন ও রূপের প্রতি প্রভুর কৃপা দেখিয়া ভক্তগণ আনন্দে হরিধ্বনি করিতে লাগিলেন । সনাতন ও রূপ ভক্তগণের চরণতলে পতিত হইলেন । সকলেই দুই ভাইকে ধন্যবাদ প্রদান পূর্বক বলিলেন, “প্রভু তোমাদিগকে আত্মসাৎ করিয়াছেন ।” তদনন্তর সনাতন ও রূপ সকলের নিকট অনুমতি লইয়া গমন করিবার সময় বলিলেন,—“প্রভু এইস্থান ত্যাগ করিয়া অন্ত্র গমন করুন । যদিও গোড়েশ্বর প্রভুকে যথেষ্ট ভক্তি করেন, তথাপি তিনি যবন, যবনকে বিশ্বাস করা যায় না । আরও একটি কথা, তীর্থযাত্রায় এত লোকসংঘট্ট ভাল নয়, শ্রীবৃন্দাবনযাত্রার এরূপ রীতি নয় । প্রভুর অবশ্য ভয়ের কোন কারণ নাই, কিন্তু লৌকিক লীলায় লৌকিক চেষ্টাই শোভা পায়, অলৌকিক চেষ্টা শোভা পায় না” এই কথা বলিয়া সনাতন ও রূপ চলিয়া গেলেন । প্রভুও আর

## শ্রী শ্রীগৌরমুন্দর

“জয় জয় শ্রীকৃষ্ণচৈতন্য দয়াময় ।  
 পতিতপাবন জয় জয় মহাশয় ॥  
 নীচ জাতি নীচ সঙ্গে করি নীচ কাজ ।  
 তোমার অগ্রেতে প্রভু কহিতে বাসি লাজ ॥  
 পতিত তারিতে প্রভু তোমার অবতার ।  
 আমি বহি জগতে পতিত নাহি আর ॥  
 জগাই মাধাই দুই করিলে উদ্ধার ।  
 তাঁহা উদ্ধারিতে শ্রম নহিল তোমার ॥  
 ব্রাহ্মণ জাতিতে তারা নবদ্বীপে ঘর ।  
 নীচসেবা নাহি করে নহে নীচের কুর্পর ॥  
 সবে এক দোষতার হয়ে পাপচার ।  
 পাপরাশি দহে নামাভাসেতে তোমার ॥  
 তোমার নাম লয়ে করে তোমার নিন্দন ।  
 সেই নাম হৈল তার মুক্তির কারণ ॥  
 জগাই মাধাই হইতে কোটি কোটি গুণ ।  
 অধম পতিত পাপী আমি দুই জন ॥  
 শ্লেচ্ছজাতি শ্লেচ্ছসঙ্গী করি শ্লেচ্ছকর্ম ।  
 গোব্রাহ্মণদ্রোহী সঙ্গে আগার সঙ্গম ॥  
 মোর কর্ম মোর হাতে গলায় বান্ধিয়া ।  
 কুবিষয় বিষ্ঠাগর্ভে দিয়াছে ফেলাইয়া ॥  
 আমি উদ্ধারিতে বলী নাহি ত্রিভুবনে ।  
 পতিতপাবন তুমি সবে তোমা বিনে ॥  
 আমি উদ্ধারিয়া যদি দেখাও নিজ বল ।  
 পতিতপাবন নাম তবে সে সফল ॥  
 সত্য এক বাত কহেঁ। শুন দয়াময় ।  
 মো বিহু দয়ার পাত্র জগতে নাহি হয় ॥  
 মোরে দয়া করি কর স্বদয়া সফল ।  
 অধিল ব্রহ্মাণ্ড দেখুক তোমার দয়াবল ॥  
 আপনা অযোগ্য দেখি মনে পাণ্ড ফোভ ।  
 তথাপি তোমার গুণে উপজায় লোভ ॥

বামন যৈছে চাঁদ ধরিতে যায় করে ।

তৈছে মোর এই বাণী উপজে অন্তরে ॥”

সনাতন ও রূপের কথা শুনিয়া প্রভু বলিলেন,—“দবির খাস ও সাকর মল্লিক, তোমরা দুই ভাই আমার পুতান দাস । আজি হইতে তোমরা দুই ভাই মদুক্র সনাতন ও রূপ এই নামেই পরিচিত হইবে । তোমরা দৈন্ত ত্যাগ কর । তোমাদিগের দৈন্ত দেখিয়া আমার হৃদয় বিদীর্ণ হইতেছে । তোমরা সর্বপ্রকারে উত্তম হইয়াও আপনাদিগকে হীন করিয়া মানিতেছে । তোমরা অনেক দৈন্ত প্রকাশ পূর্বক আমাকে বার বার পত্র লিখিয়াছিলে । সেই সকল পত্রেই আমি তোমাদিগের ব্যবহার বিদিত হইয়াছিলাম । আমি তোমাদিগের পত্র হইতেই তোমাদিগের হৃদয় জানিয়াছিলাম । পরে তোমাদিগের শিক্ষার্থ একটি শ্লোকও লিখিয়া পাঠাইয়াছিলাম, পাইয়া থাকিবে । সম্প্রতি আমার গোড়ে আগমনও তোমাদিগের জন্মই । আমার এই রামকেলি পর্য্যন্ত আসিবার অপর কোন প্রয়োজনই ছিল না । সকলেই বলেন, রামকেলিতে আসিবার কারণ কি ? আমার মনের ভাব কেহই জানেন না । আমি কেবল তোমাদিগকে দেখিবার নিমিত্তই এই স্থানে আসিয়াছি । তোমরা আমার নিকট আসিয়াছ, ভালই হইয়াছে । এখন গৃহে গমন কর । মনে কোন ভয় করিও না । তোমরা দুই ভাই আমার জন্মজন্মের কিঙ্কর । অচিরেই কৃষ্ণ তোমাদিগকে উদ্ধার করিবেন ।” এই পর্য্যন্ত বলিয়া প্রভু দুই ভ্রাতার মস্তকে হস্ত প্রদান পুরঃসর তাঁহাদিগকে আলিঙ্গন করিলেন । পরে নিজ ভক্তগণকে বলিলেন, “তোমরা সকলে কৃপা করিয়া সনাতন ও রূপকে উদ্ধার কর ।” সনাতন ও রূপের প্রতি প্রভুর কৃপা দেখিয়া ভক্তগণ আনন্দে হরিধ্বনি করিতে লাগিলেন । সনাতন ও রূপ ভক্তগণের চরণতলে পতিত হইলেন । সকলেই দুই ভাইকে ধন্বাদ প্রদান পূর্বক বলিলেন, “প্রভু তোমাদিগকে আত্মসাৎ করিয়াছেন ।” তদনন্তর সনাতন ও রূপ সকলের নিকট অনুমতি লইয়া গমন করিবার সময় বলিলেন,—“প্রভু এইস্থান ত্যাগ করিয়া অন্ত্র গমন করুন । যদিও গোড়েশ্বর প্রভুকে যথেষ্ট ভক্তি করেন, তথাপি তিনি যবন, যবনকে বিশ্বাস করা যায় না । আরও একটি কথা, তীর্থযাত্রায় এত লোকসংঘট্ট ভাল নয়, শ্রীবৃন্দাবনযাত্রার একরূপ রীতি নয় । প্রভুর অবশ্য ভয়ের কোন কারণ নাই, কিন্তু লৌকিক লীলায় লৌকিক চেষ্টাই শোভা পায়, অলৌকিক চেষ্টা শোভা পায় না” এই কথা বলিয়া সনাতন ও রূপ চলিয়া গেলেন । প্রভুও আর



রামকেলিতে অবস্থান করিতে ইচ্ছা করিলেন না। পরদিন প্রভাতে উঠিয়াই যাত্রা করিলেন। লোকসকল সঙ্গে সঙ্গেই চলিল। প্রভু কানাইর নাটশালা যাইয়াই ফিরিবার অভিপ্রায় প্রকাশ করিলেন।

স্বচ্ছাময় প্রভুর ইচ্ছা রোধ করে, কাহার সাধ্য? যেমন ইচ্ছা হইল, শ্রীবৃন্দাবন যাইবেন না, নীলাচলেই প্রত্যাগমন করিবেন, অমনি পৃথমুখ হইলেন। কয়েক দিবসের মধ্যেই পুনর্বার শান্তিপুরে আগমন করিলেন। প্রভু শান্তিপুরে ফিরিয়া আসিয়াছেন শুনিয়া গঙ্গাদাস পণ্ডিত শচীদেবীকে লইয়া অর্ধ-ভবনে আগমন করিলেন। প্রভু জননীকে দেখিয়া ভক্তিভরে প্রণাম ও প্রদক্ষিণ করিলেন। শচীদেবী পুত্রকে ক্রোড়ে লইয়া অশ্রুধারা দ্বারা অভিষিক্ত করিতে লাগিলেন। অর্ধতাচার্য্য প্রভুকে পাইয়া মাধবেন্দ্রপুরীর উৎসব উপলক্ষে মহামহোৎসবের আয়োজন করিয়া লইলেন। শচীদেবী স্বহস্তে প্রভুকে ভিক্ষা করাইবার অভিপ্রায় প্রকাশ করিলে, প্রভু তাহাতেই সম্মত হইলেন। দশদিন পর্য্যন্ত কীর্ত্তনানন্দের পরিসীমা রহিল না। যিনি কখন প্রভুকে দেখেন নাই বা যিনি দেখিয়াছেন উভয়বিধ ভক্তের সমাগমে শান্তিপুর লোকে লোকারণ্য হইল। রঘুনাথ দাস আসিয়া প্রভুর চরণে পতিত হইয়া তাঁহার সহিত নীলাচলে যাইবার অভিপ্রায় জানাইলেন।

### রঘুনাথ দাস

ছগলি জেলার অন্তর্গত সপ্তগ্রামে হিরণ্যদাস ও গোবর্দ্ধন দাস নামে দুইজন মহাসম্ভ্রান্ত লোক বাস করিতেন। তাঁহারা দুই সহোদর, জাতিতে কাষ্ম্ব, উপাধি মজুমদার। তাঁহারা সপ্তগ্রামের জমিদার ছিলেন। ঐ জমিদারী পূর্বে একজন মুসলমানের ছিল; পরে কোন সূত্রে তাঁহাদের হস্তগত হয়। ঐ জমিদারীতে বিংশতিলাক্ষ টাকা আদায় হইত। তাঁহারা আট লক্ষ গোড়েশ্বরকে দিতেন এবং বার লক্ষ আপনারা ভোগ করিতেন। তাঁহারা দুই ভাই সদাচারী, ধার্মিক ও বদান্ত ছিলেন। নবদ্বীপের পণ্ডিতমণ্ডলীকে বিশেষরূপ অর্থসাহায্য করিতেন। নীলাচলের চক্রবর্ত্তীর বিশেষ আছুগতা করিতেন। হিরণ্যদাস জ্যেষ্ঠ, গোবর্দ্ধনদাস কনিষ্ঠ। রঘুনাথ দাস কনিষ্ঠ গোবর্দ্ধনদাসের পুত্র। ১৪২০ শকে ইঁহার জন্ম হয়। রঘুনাথ দাস বালাকাল হইতেই দেবদ্বিজে ভক্তিপরায়ণ ছিলেন। তিনি আপনাদিগের পুরোহিত বলরাম আচার্য্যের গৃহে অধ্যয়ন করিতেন।

ঠাঁহার অধ্যয়নকালেই আচার্য্য নদীয়া হইতে হরিদাস ঠাকুরকে নিজগৃহে আনয়ন করেন। রঘুনাথ দাস হরিদাস ঠাকুরকে পাইয়া ভক্তিসহকারে ঠাঁহার অনেক পরিচর্যা করেন। হরিদাস ঠাকুর রঘুনাথ দাসের পরিচর্যায় সন্তুষ্ট হইয়া ঠাঁহাকে বিশেষ রূপা করেন। হরিদাস ঠাকুরের রূপাই রঘুনাথ দাসের প্রভুর চরণস্নাতকের উপায় হয়। রঘুনাথ দাস প্রভুর নাম ও মহিমা শুনিয়া মনে মনে ঠাঁহার চরণে আত্মসমর্পণ করেন। কিন্তু একাল পর্য্যন্ত প্রভুর চরণদর্শনের সুযোগ ঘটয়া উঠে নাই। প্রভু শান্তিপু্রে আগমন করিয়াছেন শুনিয়া রঘুনাথ পিতার অনুমতি লইয়া আইসেন এবং প্রভুর চরণদর্শনে কৃতার্থ হইলেন।

রঘুনাথ শান্তিপু্রে আসিয়া প্রভুর চরণ দর্শন ও সাতদিন প্রভুর নিকট বাস করেন। রঘুনাথের সংসার ভাল লাগিত না। তিনি প্রভুর চরণে ধরিয়া প্রভুর সহিত নীলাচলে যাইবার অভিলাষ জানাইলেন।

প্রভু বলিলেন,—“রঘুনাথ, স্থির হইয়া গৃহে যাও, পাগলের মত কাজ করিও না। লোক হঠাৎ ভবসাগরের কূল পায় না, ক্রমে ক্রমেই পাইয়া থাকে। তুমি কতবার সংসার ছাড়িয়া পিতামাতাকে ছাড়িয়া পলাইবার চেষ্টা করিয়াছ, কিন্তু একবারও কৃতকার্য্য হইতে পার নাই। সময় না আসিলে, কিছুই হয় না। অনেকেই লোক দেখাইয়া মর্কট বৈরাগ্য করিয়া থাকে, কিন্তু তাহাতে কোন ফল হয় না। তুমি তাহা না করিয়া অনাসক্ত হইয়া যথাযোগ্য বিষয় ভোগ করিতে থাকে। অন্তরে নিষ্ঠিত হইয়া বাহিরে লোকব্যবহার পালন কর। এইরূপ করিতে করিতে কৃষ্ণ অবশু তোমাকে রূপা করিবেন। ঠাঁহার রূপা হইলেই সংসার হইতে উদ্ধার পাইবে। তোমার উদ্ধারের সময় নিকটবর্তী হইয়াছে। আমি শ্রীবৃন্দাবন হইতে নীলাচলে প্রত্যাগমন করিলে, তুমি নীলাচলে আমার নিকট আগমন করিও। তৎকালে কি উপায়ে মুক্তিলাভ করিবে, তাহা কৃষ্ণের রূপায় আপনি ক্ষুরিত হইবে। কৃষ্ণ যখন কাহাকেও রূপা করেন, তখন আর ঠাঁহাকে কেহই ধরিয়া রাখিতে পাবে না।” এই কথা বলিয়া প্রভু রঘুনাথকে বিদায় দিলেন। রঘুনাথ প্রভুর নিকট হইতে গৃহে আসিয়া প্রভুর শিক্ষানুরূপ কার্য্য করিতে লাগিলেন। তদর্শনে রঘুনাথের পিতামাতাও সন্তুষ্ট হইলেন। রঘুনাথ অন্তরে বিরক্তির সহিত বাহিরে যথাযোগ্য বিষয়কার্য্যসকল সম্পাদন করিতে লাগিলেন। রঘুনাথের পিতামাতা বুঝিলেন, রঘুনাথ বৈরাগ্য ছাড়িয়া সংসারী হইয়াছে। রঘুনাথ পাছে সংসার ছাড়িয়া পলায়ন করে, এই আশঙ্কায় ঠাঁহার পূর্বে যেরূপ ঠাঁহার প্রতি সতর্ক দৃষ্টি রাখিতেন, এখন ঠাঁহাকে সংসারী

হইতে দেখিয়া আর সেরূপ সতর্ক দৃষ্টি রাখিবার প্রয়োজন বোধ করিলেন না। কাজেই ষ্ণুনাথ অনেকটা মুক্তি পাইলেন।

এদিকে প্রভু নীলাচলে যাইবেন বলিয়া ভক্তগণকে আলিঙ্গন করিয়া একে একে সকলের নিকট বিদায় লইলেন। আর তাঁহাদিগকে এবৎসর নীলাচলে যাইতেও নিষেধ করিলেন। সকলেই বলিলেন, “আমি নীলাচল হইয়া শ্রীবৃন্দাবন গমন করিব, অতএব এবৎসর তোমরা কেহই নীলাচলে যাইও না।” অনন্তর প্রভু জননীর নিকট শ্রীবৃন্দাবনগমনের অনুমতি লইয়া তাঁহাকে নবদ্বীপে পাঠাইয়া দিলেন। পরে স্বয়ং কয়েকজন ভক্তের সহিত নীলাচল অভিমুখে যাত্রা করিলেন। পথে শ্রীগঙ্গা পণ্ডিতের ও রাঘব পণ্ডিতের গৃহ এক একবার পদার্পণ করিলেন। আর কোথাও কোনরূপ বিলম্ব না করিয়া অবিশ্রান্ত চলিয়া নীলাচলে উপনীত হইলেন। প্রভুর প্রত্যাগমনসংবাদ প্রাপ্ত হইয়া কাশীমিশ্র, রামানন্দ, প্রহ্লাদ, সার্বভৌম, বাণীনাথ ও গদাধর প্রভৃতি ভক্তগণ জগন্নাথের মন্দিরেই প্রভুর শ্রীচরণ দর্শন করিলেন। প্রভু ভক্তগণকে আলিঙ্গন ও কুশল-প্রশ্ন জিজ্ঞাসা করিয়া বলিলেন, “আমি জননীর ও গঙ্গার চরণ দর্শন করিয়া শ্রীবৃন্দাবনে গমন করিব মনে করিয়াছিলাম, কিন্তু তাহা ঘটয়া উঠিল না। যাইবার সময় গদাধরকে দুঃখ দিয়া গিয়াছিলাম, বলিয়াই যাওয়া হইল না। পথে আমার সঙ্গে অনেক লোকসংঘট্ট হইল। অতিকষ্টে রামকেলি পর্য্যন্ত গমন করিলাম। ঐ স্থানে গৌড়েশ্বরের মন্ত্রী সনাতন ও রূপ আমার সহিত সাক্ষাৎকার করিতে আসিয়া লোকসংঘট্ট দেখিয়া ঐরূপ ভাবে শ্রীবৃন্দাবনে যাইতে নিষেধ করিল। আমিও বিবেচনা করিলাম, দুর্গভ, দুর্গম ও নির্জনে শ্রীবৃন্দাবনে এত লোক লইয়া গেলে যাওয়ায় সুখ হইবে না। মাধবেন্দ্র পুরী একাকী শ্রীবৃন্দাবনে গমন করিয়াছিলেন। শ্রীকৃষ্ণ দুগ্ধদানচ্ছলে তাঁহাকে দর্শন দিয়াছিলেন। এই সকল ভাবিয়া চিন্তিয়া শ্রীবৃন্দাবনে যাওয়া হইল না, নীলাচলেই ফিরিয়া আসিলাম। এখন তোমরা অনুমতি প্রদান কর, আমি একাকী শ্রীবৃন্দাবনে গমন করি।” ভক্তগণ বলিলেন, “প্রভু, এই বর্ষার চারিমাস অবিবাহিত করিয়া পরে শ্রীবৃন্দাবন গমন করিবেন।” প্রভু তাহাতেই সম্মত হইলেন। ঐ দিবস গদাধর প্রভুকে ভিক্ষা করাইলেন। রাজা প্রতাপরুদ্র প্রভুর আগমনসমাচার পাইয়া কটক হইতে পুরীতে আসিয়া প্রভুর চরণ দর্শন করিলেন।

পুনঃ শ্রীবৃন্দাবনযাত্রা ।

বর্ষা চলিয়া গেল । শরতের আগমনে প্রভু স্বরূপ ও রামানন্দের সহিত যুক্তি করিয়া পাকাদির নিমিত্ত বলভদ্র ভট্টাচার্যাকে এবং জলপাত্ৰাদি লইবার নিমিত্ত তাঁহারই অনুচর কৃষ্ণদাস নামক অপর একজন ব্রাহ্মণকে লইয়া শ্রীবৃন্দাবন-গমন স্থির করিলেন । পরদিন অতি প্রতুষে গাল্লোথান পূর্বক ঐ দুই জনকে লইয়া বনপথে শ্রীবৃন্দাবন যাত্রা করিলেন । প্রাতঃকালে ভক্তগণের মধ্যে কেহ কেহ প্রভুকে না পাইয়া তাঁহার অনুসরণের অভিলাষ করিলেন । স্বরূপ গোঁসাই প্রভুর অভিপ্রায় বুঝিয়া তাঁহাদিগকে যাইতে নিষেধ করিলেন । প্রভু কটক দক্ষিণে রাখিয়া নির্জন বনপথে কৃষ্ণনাম করিতে করিতে গমন করিতে লাগিলেন । পথে পালে পালে ব্যাঘ্র, হস্তী, গণ্ডার ও শূকর সকল দেখিয়া বলভদ্র ভট্টাচার্য্য কিঞ্চিৎ ভীত হইলেন । তাহারা প্রভুর প্রতাপে পথ ছাড়িয়া দিয়া একপার্শ্বে গমন করিতে লাগিল । বলভদ্র ভট্টাচার্য্য দেখিয়া আশ্চর্য্য বোধ করিলেন । একদিন পশ্চিমধ্যে একটি ভীষণাকার ব্যাঘ্র শয়ন করিয়াছিল । প্রভু ভাবাবেশে বিভোর হইয়া গমন করিতেছিলেন, হঠাৎ তাঁহার চরণ ব্যাঘ্রের গাত্রে লাগিল । প্রভু ব্যাঘ্রকে দেখিয়া বলিলেন, “ব্যাঘ্র উঠ, কৃষ্ণ কৃষ্ণ বল ।” ব্যাঘ্র উঠিয়া কৃষ্ণ কৃষ্ণ বলিয়া নাচিতে আরম্ভ করিল । আর একদিন প্রভু একটি নদীতে স্নান করিতেছিলেন । এক পাল মত্ত হস্তী জলপানার্থ ঐস্থানে আগমন করিল । প্রভু ‘কৃষ্ণ বল’ বলিয়া জল লইয়া উহাদের গাত্রে নিক্ষেপ করিলেন । হস্তী সকল ‘কৃষ্ণ কৃষ্ণ’ বলিয়া নৃত্য করিতে লাগিল । দেখিয়া বলভদ্র ভট্টাচার্য্য ও তাঁহার সঙ্গী ব্রাহ্মণ অতীব বিস্ময়ান্বিত হইলেন । অপর একদিন প্রভু চলিতে চলিতে উচ্চসঙ্কীৰ্ত্তন আরম্ভ করিলেন । তাঁহার সুরধুর কর্ণধ্বনি শ্রবণ করিয়া মৃগীগণ তাঁহার সঙ্গে সঙ্গে দক্ষিণে ও বামে গমন করিতে লাগিল । পরস্পরবিরুদ্ধস্বভাব হিংস্রজন্তুসকল একত্র মিলিত হইয়া প্রভুর পশ্চাৎ পশ্চাৎ চলিতে লাগিল । প্রভু যখন ‘কৃষ্ণ কৃষ্ণ’ বলিতে বলিলেন, তখন তাহারাও ‘কৃষ্ণ কৃষ্ণ’ বলিয়া নৃত্য করিতে আরম্ভ করিল । বলভদ্র ভট্টাচার্য্য প্রভুর এই সকল অদ্ভুত রঙ্গ দেখিয়া হাসিতে লাগিলেন । প্রভু যে যে গ্রাম দিয়া গমন করিতে লাগিলেন, সেই সেই গ্রামের লোকসকল প্রভুর সহিত ‘কৃষ্ণ কৃষ্ণ’ বলিয়া নর্ত্তন ও কীর্ত্তন করিতে লাগিল । ঝারিখণ্ডের পথে অসভ্য বহুজাতির বাসই অধিক । সেই সকল বহুলোকও প্রভুর কৃপায় বৈষ্ণব হইয়া গেলেন ।

প্রভু পথের সকলকেই নাম ও প্রেম দিয়া নিস্তার করিতে করিতে যাইতে লাগিলেন।

প্রভু যাইতে যাইতে যে বন দেখেন, তাহাই শ্রীবৃন্দাবন মনে করেন, যে পর্বত দেখেন, তাহাই গিরিগোবর্দ্ধন মনে করেন, যে নদী দেখেন, তাহাই যমুনা মনে করেন। বলভদ্র ভট্টাচার্য্য বনের শাক ও ফলমূল পাক করিয়া প্রভুকে ভিক্ষা করান। প্রভু যে গ্রামে রাত্রিবাস করেন, সেই গ্রামে ব্রাহ্মণ থাকিলে, তাঁহারা প্রভুকে নিমন্ত্রণ করিয়া বলভদ্র ভট্টাচার্য্য দ্বারা পাক করাইয়া প্রভুর সেবা করেন, ব্রাহ্মণ না থাকিলে, অপর জাতিরাই বলভদ্র ভট্টাচার্য্য দ্বারা পাক করাইয়া প্রভুর ভিক্ষার সমাধান করিয়া থাকেন। যে দিন পথে কোন লোকালয় না পাওয়া যায়, সে দিন বলভদ্র ভট্টাচার্য্য পূর্বসংগৃহীত ভাজাদি পাক করিয়া বনেই প্রভুকে ভিক্ষা করান। বলভদ্র ভট্টাচার্য্যের পাকে ও সেবায় প্রভু বিশেষ সুখবোধ করেন। প্রভু মধ্যে মধ্যে বলভদ্র ভট্টাচার্য্য প্রতি প্রসন্ন হইয়া বলেন, “ভট্ট, আমি পূর্বেও অনেক স্থানে ভ্রমণ করিয়াছি, কিন্তু কখনই এবারকার মত সুখ পাই নাই। কৃষ্ণ বড় দয়াল, আমাকে বনপথে আনিয়া বড়ই সুখ দিলেন। তোমার প্রসাদেই আমি ঈদৃশ সুখ পাইলাম।” ভট্টাচার্য্য বলেন, “তুমি স্বয়ং করুণাময় কৃষ্ণ, আমি অধম জীব, আমাকে সঙ্গে আনিয়া কৃতার্থ করিলে। অধম কাককে গরুড়ের সমান করিলে।”

প্রভু এইপ্রকারে ভীষণ অরণ অতিক্রম করিয়া বারাণসী নামে উপনীত হইলেন। মধ্যাহ্নকালে বারাণসীতে উপস্থিত হইয়া প্রভু মণির্গির্গায় স্নান করিতে নামিলেন। ঐ সময়ে তপনমিশ্রও গঙ্গাতে স্নান করিতেছিলেন। তিনি প্রভুর সন্ন্যাসের কথা শুনিয়াছিলেন। প্রভুকে দেখিয়াই চিনিলেন। হৃদয় উৎকুল হইল। প্রভুর চরণে ধরিয়া আনন্দে রোদন করিতে লাগিলেন। প্রভু তাঁহাকে উঠাইয়া আলিঙ্গন প্রদান করিলেন। তপনমিশ্র প্রভুকে বিশ্বেশ্বর ও বিন্দুমাধব দর্শন করাইয়া নিজগৃহ লইয়া গেলেন। তিনি প্রভুকে গৃহে পাইয়া পাদপ্রক্ষালনানন্তর ঐ পাদোদক সবংশে ধারণ করিলেন। পরে প্রভুকে আসনে উপবেশন করাইয়া আনন্দে নৃত্য করিতে লাগিলেন। অনন্তর বলভদ্র ভট্টাচার্য্য দ্বারা পাক করাইয়া প্রভুকে ভিক্ষা করাইলেন। প্রভু ভিক্ষার পর শয়ন করিলেন। তপন মিশ্রের পুত্র রঘুনাথ ভট্ট প্রভুর পাদ সন্ধান করিতে লাগিলেন। তপনমিশ্র সবংশে প্রভুর শেষায় ভোজন করিলেন। প্রভুর আগমনসমাচার প্রাপ্ত হইয়া চন্দ্রশেখর আসিয়া চরণবন্দনা করিলেন। চন্দ্র-

শেখর তপনমিশ্রের বন্ধু ও প্রভুর পূর্বদাস। ইনি জাতিতে বৈষ্ণব, লিখন বৃত্তি। প্রভু চন্দ্রশেখরকে আলিঙ্গন প্রদান করিলেন। চন্দ্রশেখর প্রভুর প্রসাদ পাইয়া বলিতে লাগিলেন,—“প্রভু নিজগুণে রূপা করিয়া ভূতাকে দর্শন দিলেন। জীব প্রারব্ধের অধীন। প্রারব্ধের বশে এই বারাণসীধামে বাস করিতেছি। এখানে ‘মায়ী’ ও ‘ব্রহ্ম’ ভিন্ন আর কিছুই শুনিতে পাই না। এই বারাণসীতে ষড়-দর্শনের ব্যাখ্যা ভিন্ন অন্য কোন কথাই শুনা যায় না। মিশ্র রূপা করিয়া যখন কৃষ্ণকথা শুনান, তখনই শুনি। আমরা উভয়ই নিরন্তর প্রভুব চরণ স্মরণ করিয়া থাকি। আপনি সর্বজ্ঞ ভগবান্, রূপা করিয়া ভূতাকে দর্শন প্রদান করিলেন। শুনিলাম, প্রভু শ্রীরামানে গমন করিবেন। দিনকায়ক থাকিয়া ভূগণকে কৃতার্থ করুন।” প্রভু তাহাতেই সন্মত হইলেন। মিশ্র বলিলেন, “যদি রূপা করিয়া থাকিতে সন্মত হইলেন, তবে অন্য কোন স্থানে নিমন্ত্রণ অঙ্গীকার করিবেন না। অধমের গৃহেই শাকার ভিক্ষা হইবে।” প্রভু তদ্বিষয়েও সন্মতি প্রকাশ করিলেন। তপন মিশ্রের ভবনেই প্রভুর ভিক্ষা নির্বাহ হইতে লাগিল। প্রতিদিন কেহ না কেহ আসিয়া প্রভুকে নিমন্ত্রণ করিতে লাগিলেন। প্রভুও ‘আজ আমার নিমন্ত্রণ আছে’ বলিয়া প্রত্যাখ্যান করিতে লাগিলেন।

তপন মিশ্রের সহিত একজন মহারাষ্ট্রীয় ব্রাহ্মণের বিশেষ পরিচয় ছিল। তিনি প্রভুর অদ্ভুত প্রেম দেখিয়া তাঁহার চরণে আত্মনিবেদন করিলেন। তাঁহার কাশীবাদী বিখ্যাত বৈদান্তিক সন্ন্যাসী প্রকাশানন্দ সরস্বতীর সভাতেও গতিবিধি ছিল। তিনি একদিন প্রভুর চরণ দর্শনের পরে প্রকাশানন্দের সভায় যাইয়া প্রভুর কথা বলিতে লাগিলেন। তিনি বলিলেন, “পুরী হইতে একজন সন্ন্যাসী আসিয়াছেন। তিনি তপন মিশ্রের বাটীতে অবস্থান করিতেছেন। আমি যাইয়া দেখিলাম, তাঁহার অদ্ভুত প্রভাব, প্রকাণ্ড শরীর, তপ্তকাঞ্চনের স্তায় বর্ণ, আজানুগম্বিত ভূজবুগল, কমলতুলা নয়নদ্বয়। দেখিলেই নারায়ণ বলিয়া বোধ হয়। তাঁহার দর্শনমাত্র কৃষ্ণনাম করিতে ইচ্ছা হয়। ভাগবতে মহা-ভাগবতের যে কিছু লক্ষণ শুনা যায়, সে সকল তাঁহাতে প্রত্যক্ষ হইয়া থাকে। তিনি নিরন্তর কৃষ্ণনাম করিতেছেন। দুই নেত্রে অবিরল অশ্রুধারা প্রবাহিত হইতেছে। কখন হাস্য, কখন নৃত্য, কখন রোদন করিতেছেন। নামটিও জগন্মঙ্গল ‘কৃষ্ণচৈতন্য’।” প্রকাশানন্দ শুনিয়া হাসিতে লাগিলেন। পরে উপহাস করিয়া বলিতে লাগিলেন,—“হাঁ, শুনিয়া ছ, তিনি গৌড়দেশের ভাবুক সন্ন্যাসী, কেশব

ভারতীর শিষ্য, লোকবঞ্চক। তাঁহার নাম চৈতন্যই বটে। তিনি ভাবুকগণ লইয়া দেশে দেশে ভ্রমণ করিয়া থাকেন। অস্ত্র লোকসকল তাঁহাকে ঈশ্বরই বলে। তাঁহার একটা মোহিনী বিদ্যা আছে। তিনি সেই বিদ্যার প্রভাবে অনেককেই মোহিত করিয়াছেন। পুরুষোত্তমের পণ্ডিত সার্বভৌম ভট্টাচার্য্যও তাঁহার সঙ্গে পাগল হইয়া গিয়াছেন। এই কাশীপুরীতে কিন্তু তাঁহার সেই ভাবকালী বিকাইবে না। তুমি বেদান্ত শ্রবণ কর, আর তাঁহার নিকট যাইও না। উচ্ছৃঙ্খল লোকের সঙ্গে করিলে, ইহলোক ও পরলোক উভয়ই নষ্ট হইয়া যাইবে।” প্রকাশানন্দের কথা শুনিয়া মহারাষ্ট্রীয় বিপ্র নিতান্ত হুঃখিত হইলেন। কিন্তু কোন উত্তর না করিয়া মনোহুঃখে প্রভুর নিকট আসিয়া সমস্তই নিবেদন করিলেন। প্রভু শুনিয়া ঈষৎ হাস্য করিলেন, কোন কথাই বলিলেন না। তখন ঐ মহারাষ্ট্রীয় বিপ্র পুনশ্চ বলিলেন, “প্রভো আমার একটি সংশয় দূর করিতে হইবে। আমি যখন প্রকাশানন্দের নিকট প্রভুর নাম করিলাম, তখন তিনি বলিলেন, “হঁ, আমি চৈতন্যকে জানি।” তিনি দুই তিন বারই ‘চৈতন্য’ ‘চৈতন্য’ বলিলেন, একবারও ‘কৃষ্ণচৈতন্য’ বলিতে পারিলেন না, ইহার কারণ কি?” তখন প্রভু বলিলেন,—“প্রকাশানন্দ মায়াবাদী সন্ন্যাসী, কৃষ্ণাপরাধী। নিরন্তর, ‘ব্রহ্ম’ ‘আত্মা’ ও ‘চৈতন্য’ বলিয়া থাকে, কৃষ্ণনাম মুখে আইসে না। কৃষ্ণনাম, কৃষ্ণবিগ্রহ ও কৃষ্ণস্বরূপ, তিনই এক। তিনের মধ্যে কিছুমাত্র ভেদ নাই। তিনই চিদানন্দাত্মক। তিনের কোনটিই প্রাকৃত ইন্দ্রিয়ের বেদ্য নহেন। কৃষ্ণনাম, কৃষ্ণগুণ ও কৃষ্ণলীলা ব্রহ্মজ্ঞানীকে আকর্ষণ করিয়া আত্মবশ করিয়া থাকেন। উঁহারা ব্রহ্মানন্দ হইতেও অধিক। ঐ তিনের কথা দূরে থাকুক, কৃষ্ণচরণসম্বন্ধিনী তুলসীর গন্ধ ও আত্মারামের মনোহরণে সমর্থ। মায়াবাদিগণ বহিমুখ। বহিমুখের মুখে কৃষ্ণনাম আসিবে কেন? আমি ভাবকালী বিক্রয় করিতে কাশীপুরে আসিয়াছি, গ্রাহক নাই, ভাবকালী বিকাইবার সম্ভাবনা নাই। যদি না বিক্রয়, ঘরে ফিরিয়া লইব না, ভারী বোঝা লইতে পারিব না, অল্পস্বল্প মূল্যেই বেচিয়া যাইব।” প্রভু এইরূপে সেই মহারাষ্ট্রীয় বিপ্রকে প্রবোধ দিয়া সেদিন বিদায় করিলেন। পরদিন প্রভাতে উঠিয়াই মথুরা যাত্রা করিলেন। গমনকালে তপনমিশ্র, চন্দ্রশেখর ও মহারাষ্ট্রীয় বিপ্র প্রভুর পশ্চাৎ পশ্চাৎ যাইতে লাগিলেন। প্রভু কিয়দূর যাইয়া তাঁহাদিগকে বিদায় করিলেন। তপনমিশ্র, চন্দ্রশেখর ও মহারাষ্ট্রীয় বিপ্র প্রভুর বিরহে অতিশয় কাতর হইয়া নিজ নিজ গৃহে প্রত্যাগমন করিলেন।

মথুরাগমন ।

প্রভু কয়েকদিবস পথপর্যটনের পর সঙ্গিদের সহিত প্রয়াগে উপনীত হইলেন । প্রয়াগে ত্রিবেণীর সঙ্গমে স্নান ও বেণীমাধব দর্শন করিয়া কিছুক্ষণ নৃত্যগীত করিলেন । অনেকেই প্রভুর সহিত নাচিয়া গাহিয়া বৈষ্ণব হইলেন । প্রভু ত্রিরাত্র বাসের পর পশ্চিমাভিমুখে যাত্রা করিলেন । পথে আর কোথাও বিলম্ব না করিয়া সত্বর মথুরায় উপস্থিত হইলেন । প্রভু মথুরাপুরী দর্শন করিয়া প্রেমাবিষ্ট হইয়া দণ্ডবৎ প্রণতি করিলেন । পরে বিশ্রামতীর্থে স্নান করিয়া জন্মস্থানে কেশব দর্শন করিলেন । প্রভু কেশব দর্শন করিয়া প্রেমাবেশে নৃত্য ও গীত আরম্ভ করিলেন । অকস্মাৎ এক বিপ্র আসিয়া প্রভুর সহিত নাচিতে ও গাহিতে লাগিলেন । কেশবের সেবক প্রভুকে মালা পরাইয়া দিলেন । কিয়ৎক্ষণ নর্তন-কীর্তনের পর প্রভু স্থির হইয়া উক্ত নৃত্যকারী ব্রাহ্মণকে নিভৃত্তে লইয়া জিজ্ঞাসা করিলেন, “আপনি অতি সরলস্বভাব বৃদ্ধ ব্রাহ্মণ, আপনার ঈদৃশী প্রেমসম্পত্তি কোথা হইতে লাভ হইল ?” ব্রাহ্মণ বলিলেন, “শ্রীপাদ মাধবেন্দ্রপুরী আমাকে কৃতার্থ করিয়াছেন ।” মাধবেন্দ্রপুরীর সম্বন্ধ শুনিয়া প্রভু সানন্দে ঐ বৃদ্ধ ব্রাহ্মণের চরণবন্দনা করিলেন । ব্রাহ্মণ তটস্থ হইয়া বলিলেন, “আপনি সন্ন্যাসী হইয়া এ কি কর্ম করিলেন ?” প্রভু বলিলেন, “শ্রীপাদ মাধবেন্দ্রপুরীর সম্বন্ধে আপনি আমার গুরুস্থানীয় ।” ব্রাহ্মণ আদরসহকারে প্রভুকে নিজগৃহে লইয়া গিয়া বলভদ্র ভট্টাচার্য্যদ্বারা পাক করাইয়া ভিক্ষা দিলেন । ঐ ব্রাহ্মণ সনোড়িয়া । সনোড়িয়া ব্রাহ্মণ অভোজ্যায় । সনোড়িয়া অভোজ্যায় হইলেও, তিনি মাধবেন্দ্রপুরীর শিষ্য এবং মাধবেন্দ্রপুরী তাঁহার হস্তে ভিক্ষা গ্রহণ করিয়াছিলেন শুনিয়া প্রভুর তাঁহার হস্তে ভিক্ষা করার সম্বন্ধে কোন আপত্তি ছিল না ; কিন্তু ঐ বিপ্র লোকাচারের অমুরোধে প্রভুকে স্বহস্তে ভিক্ষা না দিয়া বলভদ্র ভট্টাচার্য্যদ্বারা পাক করাইয়া ভিক্ষা করাইলেন । শত শত লোক প্রভুকে দর্শন করিবার নিমিত্ত আগমন করিতে লাগিলেন । প্রভুও তাঁহাদিগকে দর্শন দিয়া ও কৃষ্ণনাম গ্রহণ করাইয়া কৃতার্থ করিতে লাগিলেন । উক্ত মাথুর ব্রাহ্মণ প্রভুকে একে একে অবিমুক্ত, বিশ্রান্তি, সংসারমোচন, প্রয়াগ, কনখল, তিন্দুক, সূর্য্য, বটস্বামী, ঋষি, ঋষি, মোক্ষ, রোষ, নব, ধারাপতন, সংযমন, নাগ, ঘটভরণ, ব্রহ্মলোক, সোম, সরস্বতী, চক্র, দশাশ্বমেধ, বিষ্ণুরাজ, ও কোটি এই চক্ৰিণ ঘাটে স্নান করাইলেন এবং স্বয়ম্ভু,



বিশ্রাম, দীর্ঘবিষ্ণু, ভূতেশ্বর, মহাবিষ্ণু ও গোকর্ণাদি দর্শন করাইলেন। পরে প্রভুর দ্বাদশবন দর্শনের ইচ্ছা হইল। মাথুর ব্রাহ্মণ প্রভুকে লইয়া বনভ্রমণে বহির্গত হইলেন।

### বনযাত্রা।

প্রভু প্রথম দিন মধুবন, বলদেবের মধুপানস্থান, ঋবের তপস্কার স্থান, তালবন, কুমুদবন ও তত্রস্থ শ্রীকৃষ্ণের সখাগণের সঞ্চিত জলবিহারের সরোবর দর্শন করিলেন। দ্বিতীয় দিবসে সাঁস্বনকুণ্ড, বহুলাবন, ও শ্রীকৃষ্ণ কর্তৃক ব্যাঘ্র হইতে রক্ষিতা বহুলা নামী গাভির প্রতিমূর্তি দর্শন করিলেন। তৃতীয় দিবসে শ্রীরাধাকুণ্ড উদ্দেশে যাত্রা করিলেন। পথে ধেনুসকল চরিতেছিল। তাহারা প্রভুকে দেখিয়া বৎসল্য-বশতঃ তাঁহার সমীপে আসিয়া অঙ্গলেহন করিতে লাগিল। প্রভু ধেনুসকল দর্শন করিয়া প্রথমে প্রেমাবিষ্ট হইলেন। পরে কিঞ্চিৎ স্থির হইয়া উহাদিগের গাত্রকণ্ঠ্যন করিতে লাগিলেন। ধেনুগণ প্রভুর সঙ্গ ত্যাগ করিতে অনিচ্ছুক হওয়ায়, রাখালেরা অতিকষ্টে তাহাদিগকে প্রভুর অনুসরণ হইতে প্রতিনিবৃত্ত করিল। প্রভুর সুমধুর কণ্ঠধ্বনিশ্রবণে যুগসকল আসিয়া তাঁহার গাত্রলেহন করিতে লাগিল। শিখিগণ প্রভুকে দেখিয়া পুচ্ছ প্রসারণ সহকারে নৃত্য করিতে লাগিল। কোকিলাদি পক্ষী সকল কলধ্বনি করিতে লাগিল। তরুলতা সকল পুষ্পবর্ষণ করিতে লাগিল। প্রভু প্রেমে উন্মত্ত হইয়া 'কৃষ্ণ কৃষ্ণ' বলিতে বলিতে চলিতে লাগিলেন। মুহূর্হু কম্পীশ্রপুলকাদি উদ্গত হইয়া তাঁহার গতিরোধ করিতে লাগিল। প্রভু কখন প্রেমাবেশে মূর্চ্ছিত ও ভূমিতলে পতিত হইতে লাগিলেন। মাথুর ব্রাহ্মণ ও বলভদ্র ভট্টাচার্য্য বারংবার প্রভুকে প্রবোধিত করিয় ধীরে ধীরে লইয়া যাইতে লাগিলেন। প্রভু অষ্টপ্রহরই ভাবে বিভোর থাকেন। স্নান ও ভোজন অভ্যাসবশতঃ কথঞ্চিৎ নির্ঝাহ হইতে লাগিল।

এইরূপে প্রভু চলিয়া চলিয়া আরিটগ্রামে আসিয়া উপনীত হইলেন। আরিট গ্রামে আসিয়াই প্রভুর কিঞ্চিৎ বাহুফুটি হইল। বাহুদৃষ্টি হইলে, রাখাকুণ্ডের কথা জিজ্ঞাসা করিলেন। কি মাথুর ব্রাহ্মণ, কি গ্রামের লোকসকল, কেহই কিছু বলিতে পারিলেন না। সর্বজ্ঞ প্রভু তীর্থ লুপ্ত হইয়াছে বুঝিয়া ধীরে ধীরে যাইতে যাইতে পথমধ্যস্থিত দুইটি ক্ষেত্র হইতে অন্ন অন্ন জল লইয়া স্নান করিলেন।

তদর্শনে গ্রামের লোকসকল বিস্ময়াপন্ন হইলেন। প্রভু প্রেমে বিহ্বল হইয়া গদগদস্বরে কুণ্ডলগুলের স্তব পাঠ করিতে লাগিলেন। স্তবপাঠ শেষ হইলে, ক্রিয়ংকাল আনন্দে নৃত্য করিয়া ঐ স্থানের মৃত্তিকা লইয়া তিলকধারণ করিলেন। বলভদ্র ভট্টাচার্য্যও ক্রিয়ং মৃত্তিকা সংগ্রহ করিলেন। তদবধি কুণ্ডলয় পুনঃ প্রকাশিত হইলেন।

ঐ স্থান হইতে প্রভু কুমুমসরোবরে আগমন করিলেন। কুমুমসরোবর দর্শনের পর গিরিরাজপ্রদক্ষিণের অভিলাষ হইল। প্রভু দূর হইতে গিরিরাজ গোবর্দ্ধনকে দর্শন করিয়া দণ্ডবৎ পতিত হইয়া প্রণাম করিলেন। পরে একথণ্ড শিলাকে আলিঙ্গন করিয়া প্রেমাবিষ্ট হইলেন। গিরিরাজ প্রদক্ষিণ করিতে করিতে গোবর্দ্ধন গ্রামে যাইয়া হরিদেবকে দর্শন করিলেন। হরিদেবের সম্মুখে ক্রিয়ংকণ নৃত্যগীত করিলেন। গোবর্দ্ধনের লোকসকল প্রভুর অলৌকিক সৌন্দর্য্য এবং অদ্ভুত প্রেমবিকাসকল সন্দর্শন করিয়া বিস্মিত হইলেন। হরিদেবের সেবক আসিয়া প্রভুর সংকার করিলেন। বলভদ্র ভট্টাচার্য্য ব্রহ্মকুণ্ড পাকের আয়োজন করিয়া লইলেন। প্রভু ব্রহ্মকুণ্ডে স্নান করিয়া ভিক্ষা করিলেন। ঐ রাত্রি প্রভু ঐ স্থানেই বাস করিলেন। রাত্রিকালে প্রভু মনে মনে বিচার করিলেন. গোবর্দ্ধনের উপর আরোহন করা হইবে না, অথচ তত্রত্য গোপালদেবকে দর্শন করিতে হইবে, দর্শনের উপায় কি হইবে? প্রভুর মনের ভাব বিদিত হইয়া গোপালদেব স্বয়ংই এক ছল উঠাইলেন। অকস্মাৎ একজন লোক আসিয়া গোপালের সেবকক বলিলেন, “কল্যা যবনেরা আসিয়া এই গ্রাম লুণ্ঠন করিবে, অতএব এই রাত্রিতেই গোপালকে লইয়া অন্ত্র পলায়ন কর।” এই কথা শুনিয়া গোপালের সেবক গ্রামবাসিগণকে জানাইয়া ঠাঁহাদের সাহায্য গোপালকে লইয়া গ্রামান্তরে পলায়ন করিলেন। গোপালের বাসস্থান অন্নকুটগ্রাম লোকশূন্য হইল।

এদিকে প্রভু প্রাতঃকালে মানসগঙ্গায় স্নান করিয়া পুনশ্চ গোবর্দ্ধন পরিক্রমায় বহির্গত হইলেন। প্রেমাবেশে নৃত্য করিতে করিতে গিরিরাজকে প্রদক্ষিণ করিতে লাগিলেন। পথে আনরগ্রাম ও সঙ্কর্ষণকুণ্ড হইয়া গোবিন্দকুণ্ডে উপস্থিত হইলেন। প্রভু গোবিন্দকুণ্ডে স্নানান্তর গোপালদেব অন্নকুট ত্যাগ করিয়া গাঁঠুলিগ্রামে আসিয়াছেন শুনিয়া আনন্দে নাচিতে নাচিতে গাঁঠুলি গ্রামে যাইয়া গোপালদেবকে দর্শন করিলেন। গোপালের সৌন্দর্য্যদর্শনে মুগ্ধ হইয়া প্রভু অনেককাল পর্য্যন্ত প্রেমাবেশে নর্ত্তনকীর্ত্তন করিলেন। পরে অশ্বরাকুণ্ড, পুছরি গ্রাম, কদম্বখণ্ডি ও দানখাট হইয়া গিরিরাজের পরিক্রমা শেষ করিলেন।

অনন্তর লাঠাবন হইয়া কাম্যবনে গমন করিলেন। কাম্যবনে গোবিন্দ ও গোপীনাথ দর্শন করিয়া ঐ বন প্রদক্ষিণ করিতে লাগিলেন। প্রদক্ষিণকালে সেতুবন্ধ, লুকলুকুণ্ড, ধর্মরাজমন্দির, খিলসি শিলা, ভোজনস্থলী, মহোদধি, বরাহকুণ্ড কামেশ্বর ও বিমলাকুণ্ড প্রভৃতি দর্শন করিলেন।

এইরূপে কাম্যবন প্রদক্ষিণের পর বৃষভানুপুরে গমন করিলেন। ঐ স্থানে ভানুকুণ্ডে স্নান ও বৃষভানুন্দিনীকে দর্শন করিয়া নন্দীশ্বরপুরে যাত্রা করিলেন। নন্দীশ্বরে যাইয়া পাবনসরোবর, চরণচিহ্ন ও নিভৃত নিকুঞ্জ দর্শন পূর্বক কিশোরীকুণ্ড হইয়া যাবটে উপনীত হইলেন।

পরদিন সঙ্কেতবট, চরণপাহাড়ী, কোটবন ও সূর্যকুণ্ড হইয়া ক্ষীরসাগরে যাইয়া শেষশায়ীকে দর্শন করিলেন। ঐ দিবস ক্ষীরসাগরের তীবেই বাস করিলেন।

তৎপরদিবস খদিরবন ও খেলাতীর্থ দর্শন করিলেন। খেলাতীর্থ হইতে পুনর্ব্বার যাত্রা করিয়া রামঘাট, অক্ষয়বট, চীরঘাট ও নন্দঘাট প্রভৃতি দর্শনানন্তর যমুনা পার হইয়া ভদ্র ও মঠ বন হইয়া ভাগীরবনে গমন করিলেন। পরে ভাগীরবন হইতে বিষ্ণবন, লোহবন, মানসরোবর ও পানিগ্রাম প্রভৃতি দর্শন করিতে করিতে মহাবনে উপনীত হইলেন। মহাবনে বালালীলার স্থানসকল দর্শন করিয়া গোকুলে গমন করিলেন। গোকুল হইতে পুনশ্চ মথুরায় আগমন করিলেন।

প্রভু মথুরায় প্রত্যাগত হইয়া পূর্ব্বোক্ত মাথুর ব্রাহ্মণের আশ্রয়েই অবস্থান করিতে লাগিলেন। প্রভুকে দর্শন করিবার নিমিত্ত ক্রমেই জনতার বৃদ্ধি হইতে লাগিল। তদর্শনে প্রভু মথুরা ছাড়িয়া নির্জন অক্রুরতীর্থে আগমন করিলেন। অক্রুরতীর্থেও জনসংঘট হইতে লাগিল। প্রভু প্রাতঃকালেই অক্রুরতীর্থ ত্যাগ করিয়া শ্রীবৃন্দাবনে ভ্রমণ করিতে লাগিলেন। ভ্রমণকালে ক্রমশঃ বংশীবট, নিধুবন, গহ্বরবন, রাধাবাগ, দাবানলকুণ্ড, কালিহুদ, নন্দকুপ, দ্বাদশাদিতাটিলা, দ্বাদশাদিত্য ঘাট, প্রহল্লনতীর্থ, জয়াটুবি, অষ্টৈতবট, যুগলঘাট, বিহারঘাট, ধূসরঘাট, ভ্রমরঘাট, কেশিঘাট, ধীরসমীর, মণিকর্ণিকার ঘাট, আধারিয়া ঘাট, গোবিন্দঘাট, গোপেশ্বর, রাসস্থলী, জ্ঞানগুহরী, পানিঘাট, আম্লিতলা, ব্রহ্মকুণ্ড, যোগপীঠ, সাক্ষীগোপাল, বেণুকুপ, রঙ্গবাটী, গুলালডাঙ্গা, গোবিন্দকুণ্ড, ব্যাসঘেরা, গোলকুঞ্জ, শিঙ্গারবট, নিকুঞ্জবন, লোটনকুঞ্জ, ও বনখণ্ডি প্রভৃতি দর্শন করিলেন। সমস্ত দিবস ভ্রমণ এবং অপরাহ্নে অক্রুরতীর্থে আসিয়া ভিক্ষা করেন। এই ভাবেই

কয়েকদিন কাটিয়া গেল। লোকসমাগম কিন্তু দিন দিনই বৃদ্ধি পাইতে লাগিল। প্রভু স্বচ্ছন্দে নামসঙ্কীৰ্ত্তনের ব্যাঘাত হইতে দেখিয়া প্রাতঃকালে শ্রীবৃন্দাবনে আসিয়া মধ্যাহ্নকাল পর্য্যন্ত নিৰ্জ্জনে নামসংকীৰ্ত্তন করেন এবং অপরাহ্ণে অক্রুরতীর্থে যাইয়া ভিক্ষা করেন, তাহাতেও লোকসমাগমের নিবৃত্তি হইল না।

একদিবস প্রভু শ্রীবৃন্দাবনে আমলিতলায় নিৰ্জ্জনে বসিয়া আপনমনে নামসঙ্কীৰ্ত্তন করিতেছেন, এমন সময় কৃষ্ণদাস নামক একজন রাজপুত্র বৈষ্ণব যমুনা পার হইয়া কেশীতীর্থে স্নানান্তর কালিহুদাভিমুখে যাইতে যাইতে "পথিমধ্যে প্রভুকে দর্শন করিলেন। তিনি প্রভুকে দর্শন করিয়া তাঁহার সেই অলৌকিক সৌন্দর্য্যে সমাক্ষেপ হইয়া প্রেমাবেশে দণ্ডবৎ প্রণাম করিলেন।" তদর্শনে প্রভু বলিলেন, "কে তুমি প্রণাম কর?" কৃষ্ণদাস বলিলেন,—আমি কৃষ্ণদাস নামক রাজপুত্র, যমুনার পরপারে আমার বাসস্থান। আমি গত রাত্ৰিতে একটি স্বপ্ন দেখিয়াছিলাম, অথ তাহা প্রত্যক্ষ হইল।" প্রভু কৃষ্ণদাসকে আলিঙ্গন দিলেন। উভয়েই প্রেমাবেশে কিছুক্ষণ ধরিয়া নৃত্যগীত করিলেন। পরে কৃষ্ণদাস প্রভুর সহিত অক্রুরতীর্থে আসিয়া প্রভুব ভোজনাবশেষ পাইলেন। কৃষ্ণদাস আর গৃহে গেলেন না। প্রভুর সঙ্গেই থাকিয়া গেলেন।

এই সময়ে শ্রীবৃন্দাবনে পুনশ্চ কৃষ্ণ প্রকট হইয়াছেন, এইরূপ একটি জনরব উঠিল। কেহ বা প্রভুর সৌন্দর্য্যে আকৃষ্ট হইয়া তাঁহাকেই শ্রীকৃষ্ণ বলিয়া প্রচার করিতে লাগিলেন। কেহ বা রাত্ৰিকালে কালিদহে কালিয়ের ফণায় নৃত্যকারী শ্রীকৃষ্ণের দর্শন হয় এইরূপও প্রচার করিতে লাগিলেন। একদিন বলভদ্র ভট্টাচার্য্য বলিলেন, "প্রভু অল্প ভি ককরুন, আমি কালিদহে যাইয়া কৃষ্ণদর্শন করিয়া আসি।" প্রভু হাসিয়া বলিলেন, "মূৰ্খ লোকের কথা শুনিয়া তুমিও মূৰ্খের মত কাৰ্য্য করিবে? কৃষ্ণ কেন কালিকালে প্রকট হইবেন? অস্ত্র লোকসকল ভ্রমবশতঃ ঐরূপ জনরব উঠাইতেছে।" প্রভুর নিবারণে বলভদ্র ভট্টাচার্য্য নিরস্ত হইলেন। পরদিন প্রাতঃকালে কতকগুলি ভূব্য লোক প্রভুকে দর্শন করিতে আসিলেন। প্রভু তাঁহাদিগকে জিজ্ঞাসা করিলেন, "আপনারা কি কৃষ্ণকে দর্শন করিয়াছেন?" তাঁহারা বলিলেন, "রাত্ৰিকালে কৈবৰ্ত্তসকল নৌকায় চড়িয়া মশাল জালিয়া মৎস্য ধরে। তদর্শনে অস্ত্র লোকসকল কালিদহে কৃষ্ণ প্রকট হইয়াছেন, এইরূপ একটি জনরব উঠাইয়াছে। তাহারা নৌকাকে কালীর নাগ, মশালকে ফণির মণি ও কৈবৰ্ত্তকে কৃষ্ণ মনে করিয়া ভ্রমকে

সত্য করিয়া রটাইয়াছে।” প্রভু শুনিয়া ভট্টাচার্যের দিকে দৃষ্টি করিলেন। ভট্টাচার্য লজ্জায় বদন অবনত করিলেন।

এদিকে প্রভুর আকৃতি প্রকৃতি ও ভাবাবেশাদি দর্শন করিয়া অনেকেই তাঁহাকে ঈশ্বর বলিয়া মানিতে লাগিলেন। তাঁহাকে দর্শন করিবার নিমিত্ত প্রতিদিনই বহুতর লোকের সমাগম হইতে লাগিল। প্রতাহ কেহ না কেহ আসিয়া প্রভুকে নিমন্ত্রণ করিয়া ভিক্ষা করাইতে লাগিলেন। কেহ কেহ সাক্ষর হই প্রভুকে ঈশ্বরবুদ্ধিতে স্তবস্তুতি করিতে লাগিলেন। প্রভু সকলকেই বলিতে লাগিলেন, “বিষ্ণু বিষ্ণু, আপনারা ভ্রম পতিত হইবেন না, আমি জীবাধম, আগাতে কখনই ঈশ্বরবুদ্ধ করিবেন না। ঈশ্বর সূর্যাসদৃশ এবং জীব তাঁহার কিরণকণা তুল্য। জীবে ঈশ্বরবুদ্ধি করিলে অপরাধ হয়।”

এইরূপ দিনের পর দিন যাইতে লাগিল। প্রভু যত কেন আত্মগোপনের চেষ্টা করুন না গোপনে থাকিতে পারিলেন না। শ্রীবৃন্দাবনের স্থাবর জঙ্গম তাঁহাকে আত্ম জ্বর ত্রায় দর্শন করিতে লাগিল। তিনি তাহাদেব প্রীতি দেখিয়া ভাবাবেশে স্থাবর জঙ্গম যাহাকে দেখেন, তাহাকেই আলিঙ্গন দেন; প্রতি তরুলতাকে আলিঙ্গন করেন। তিনি ভাবাবেশে ‘কৃষ্ণ বোল’ ‘কৃষ্ণ বোল’ বলিলে, স্থাবর জঙ্গম সকলেই তাঁহার অনুকরণ করেন, ধ্বনির প্রতিধ্বনি করেন। একদিন প্রভু অক্রুবতীর্থ বসিয়া ভাবিলেন, এইস্থানে অক্রুব বৈকুণ্ঠ দর্শন করিয়াছি; এইস্থানেই ব্রজবাসিগণ গোলোক দর্শন করিয়াছিলেন। ভাবিতে ভাবিতেই জলে ঝাঁপ দিয়া পড়িলেন। কৃষ্ণদাস দেখিয়া চীৎকার করিতে লাগিলেন। ভট্টাচার্য প্রভু জলে পড়িয়াছেন শুনিয়া তাড়াতাড়ি আসিয়া তাঁহাকে ধরিয়া জল হইতে উঠাইলেন। পরে ভট্টাচার্য মাথুর ব্রাহ্মণের সহিত মন্ত্রণা করিয়া প্রভুকে শ্রীবৃন্দাবন হইতে প্রয়াগে লইয়া যাওয়াই স্থির করিলেন। অনন্তর তাঁহাকে বলিলেন, “প্রভো, ষেরূপ দিন দিন লোকসংঘট বৃদ্ধি পাইতেছে এবং আপনারও ষেরূপ ভাবাবেশ দেখিতেছি, তাহাতে আর এইস্থানে থাকা যুক্তিযুক্ত বলিয়া বোধ হইতেছে না। আমার ইচ্ছা, আপনাকে লইয়া প্রয়াগে যাইয়া মকরে স্নান করি।” প্রভু বলিলেন, “তুমি আমাকে শ্রীবৃন্দাবন দেখাইলে, আমি তোমার এই ঋণ পরিশোধ করিতে অক্ষম, অতএব তুমি যাহা ভাল হয় তাহাই কর, আমাকে যেখানে লইয়া যাইতে ইচ্ছা সেই স্থানেই লইয়া যাও।”

প্রভুর সঙ্কল্পমতি পাইয়া বলভদ্র ভট্টাচার্য, তৎসঙ্গী কৃষ্ণদাস ব্রাহ্মণ, রাজপুত্র কৃষ্ণদাস ও মাথুর ব্রাহ্মণ এই চারিজন প্রভুকে লইয়া যমুনা পার হইয়া সোরোক্ষেত্রের

পথে গঙ্গাতীরভিমুখে যাত্রা করিলেন। যাইতে যাইতে তাঁহারা পথশ্রান্ত হইয়া একস্থানে একটি বৃক্ষের ছায়ায় উপবেশন করিলেন। নিকটেই ধেনু সকল বিচরণ করিতেছিল। তদর্শনে প্রভুর চিত্ত উল্লাসিত হইল। দৈবাৎ এই সময়েই একটা রাখাল বংশীধ্বনি করিল। বংশীধ্বনি শ্রবণে প্রভু প্রেমে আবিষ্ট ও মূচ্ছিত হইলেন। তাঁহার শ্বাস রুদ্ধ হইয়া গেল। মুখ দিয়া ফেন নির্গত হইতে লাগিল। প্রভু তদবস্থায় পতিত রহিয়াছেন, এমন সময় ঐ স্থান দিয়া কয়েকজন অশ্বারোহী পাঠান সৈনিক গমন করিতেছিল। উহারা প্রভুকে তদবস্থায় পতিত দেখিয়া বিবেচনা করিল, এই সন্ন্যাসীর নিকট অবশ্য কিছু ধন ছিল, এই চারিজন ধনের লোভে সন্ন্যাসীকে ধুতুরা খাওয়াইয়া মারিয়াছে। এইপ্রকার বিবেচনা করিয়া উহারা অশ্ব হইতে অবতরণপূর্বক সর্বাগ্রে প্রভুর মঙ্গলীদিগকে বন্ধন করিল। পরে বলিল “তোরা এই সন্ন্যাসীকে মারিলি কেন বল, নতুবা এখনই কাটিয়া ফেলিব।” বলভদ্র ভট্টাচার্য্য ভয়ে কাঁপিতে লাগিলেন। মাথুর ব্রাহ্মণ, বৃদ্ধ হইলেও, অতিশয় সাহসী ছিলেন। তিনি বলিলেন,—“আমরা এই সন্ন্যাসীকে মারি নাই, ইনি মরেনও নাই, জীবিত আছেন। ইহঁার মৃগী রোগ আছে, সময়ে সময়ে এইরূপ অচেতন হইয়া থাকেন, এখনই সংজ্ঞালাভ করিবেন। তোমরা কিছুক্ষণ অপেক্ষা করিলে আমার কথা সত্য কি না দেখিতে পাইবে। ইনি আমাদিগের গুরু, আমরা ইহঁার শিষ্য, শিষ্য কি কখন গুরুকে মারিতে পারে? এই প্রকার কথাবার্তা হইতে হইতেই প্রভুর চৈতন্য হইল। চৈতন্য হইলে প্রভু ছকার সহকারে ‘হরি হরি’ বলিতে বলিতে উঠিয়া নাচিতে লাগিলেন। প্রভুর ভাবগতি দেখিয়া যবনেরা তাঁহার সঙ্গীদের বন্ধন মোচন করিয়া দিল। বন্ধনমুক্ত হইয়া বলভদ্র ভট্টাচার্য্য প্রভুকে ধরিয়া বসাইলেন। প্রভুও যবনদিগকে দেখিয়া কিছু স্থির হইলেন। তখন যবনেরা প্রভুকে প্রণাম করিয়া বলিল, “তোমার সঙ্গীসকল তোমার ধনাপহরণের উদ্দেশে তোমাকে ধুতুরা খাওয়াইয়া পাগল করিয়াছে?” প্রভু উত্তর করিলেন, “না, আমার মৃগীরোগ আছে, আমি সময়ে সময়ে এই প্রকার বিহ্বল হইয়া থাকি, ইহঁারা দয়া করিয়া আমার রক্ষণাবেক্ষণ করিয়া থাকেন; আমি সন্ন্যাসী, ধনবস্ত্র কোথায় পাইব?” যবনদিগের মধ্যে একজন কৃষ্ণবর্ণপরিচ্ছদধারী পুরুষ ছিলেন। তিনি প্রভুর ভাবগতি দেখিয়া কিঞ্চিৎ আর্দ্রচিত্ত হইয়া প্রভুর সহিত শাস্ত্রালাপে প্রবৃত্ত হইলেন। তিনি আত্মার অস্তিত্ব ও নাস্তিত্ব প্রভৃতি বিবিধ বাদের কথা উঠাইয়া প্রভুর সহিত তর্কাস্ত করিলেন। প্রভুও তাঁহারই যুক্তি দ্বারা তাঁহার মত খণ্ডনপূর্বক তাঁহাকে নির্বচন করিয়া বলিতে লাগিলেন,—

শাস্ত্র সকল একবাক্যে পুরুষের সর্বেশ্বরত্ব ও তাঁহাকেই জীবের পরা গতি বলিয়া প্রতিপাদন করিলেও, অজ্ঞ জীবের সৌভাগ্যের অন্তর্দয় পর্য্যন্ত উহা হৃদয়ঙ্গম হয় না। যাহার সংসার ক্ষয়োন্মুখ হয় নাই, তিনি উহা দেখেন না, বুঝেন না, দেখিয়াও দেখেন না, বুঝিয়াও বুঝেন না। এই নিমিত্ত পুরুষের সর্বেশ্বরত্ব লইয়া বিবাদ, ব্যর্থ হইলেও, নিবৃত্ত হয় না। উহা আবহমানকাল চলিয়া আসিতেছে, এবং ভবিষ্যতেও চলিবে বলিয়াই অনুমান করা যায়। পুরুষের সর্বেশ্বরত্ব লইয়া বিবাদ যে নিতান্ত নিষ্ফল, তাহা সুনিশ্চিত। জীবের নিজের সত্তাজ্ঞান স্বাভাবিক। নাস্তিকেরও স্বসত্তার জ্ঞান আছে। নাস্তিকপুরুষেরাও যখন নিজের সত্তার অপলাপ করিতে সাহস করেন না, তখন পুরুষের সর্বেশ্বরত্ব বা অসর্বেশ্বরত্ব লইয়াই প্রকৃত আস্তিত্বতা বা নাস্তিকতা বলাই বোধ হয় সঙ্গত হইতেছে। পুরুষের সর্বেশ্বরতা না দেখিয়াই অজ্ঞ লোকসকল তাঁহার অপলাপ করিয়া থাকেন। ঐ অপলাপের ফল কি? পুরুষের সর্বেশ্বরত্ব অস্বীকার করিয়া কি কাহারও উদ্দেশ্য সিদ্ধ হইয়াছে? অনভীষ্ট ছুঃখের নাশ ও অভীষ্ট সুখের লাভেই পুরুষের উদ্দেশ্য দেখা যায়। পুরুষের সর্বেশ্বরত্ব অস্বীকার করিয়া কি কেহ কখন ঐ উদ্দেশ্য সফল করিতে পারিয়াছেন? কর্মকেই সকল সুখছুঃখের মূল ভাবিয়া পুরুষের শ্রেষ্ঠত্ব কর্মে আরোপিত করিয়া যাহারা কেবল ঐহিক কর্মেরই পক্ষপাতী হইলেন, তাঁহারা কি তদপেক্ষা সুন্দরদর্শী পারত্রিক কর্মের শ্রেষ্ঠত্ববাদের নিকট পরাজিত হইলেন না? আবার যাহারা উক্ত মতের অনুবর্তন পূর্বক কি সার্বভৌমত্বফলক ঐহিক কর্মের, কি পারমার্থ্যফলক পারত্রিক কর্মেরও ক্ষয়িত্বাদি দোষ দর্শনান্তর পূর্বাপেক্ষা অধিকতর সংস্কারশালী হইয়া কর্মসাধিকা করণরূপা প্রকৃতিরই শ্রেষ্ঠত্ব প্রতিপাদন করিয়া থাকেন, তাঁহারা কি কর্মবাদের মতের উপরি বিরাজমান হইলেন না? এইরূপে প্রকৃতি-শ্রেষ্ঠত্ববাদী কর্মবাদী হইতে গৌরবান্বিত হইলেও, তিনি কি কখন স্বাভীষ্টসাধনে কৃতকার্য হইয়াছেন বলিয়া সিদ্ধান্তিত হইবেন? প্রকৃতি কর্ত্রী, পুরুষ অকর্ত্রী হইয়াও তৎসঙ্গ বশতঃ কর্তৃত্বের আরোপে তৎকৃত কর্মের ফলভাগী হইলেন, এবং প্রকৃতিপুরুষবিবেকাত্যাস দ্বারা আপনাকে অকর্ত্রী স্থির করিতে পারিলেই উক্ত ফলভোগের অবসান হয়, ইহা অংশতঃ সত্য হইলেও, কেবল তাদৃশ অত্যাসদ্বারা কেহ কখন প্রকৃতির সঙ্গ হইতে বিমুক্তি লাভ করিয়াছেন? প্রকৃতি কি তাদৃশ অত্যাসকারীকেও পুনঃ পুনঃ বলপূর্বক নিজসঙ্গ করান না? ফলতঃ এই একমাত্র কারণ বশতঃ, অর্থাৎ আপনা হইতে প্রকৃতির বল অত্যন্ত অধিক দেখিয়াই কি অপেক্ষাকৃত সুন্দরদর্শী জ্ঞানী সকল

প্রকৃতির সত্য অপলাপ করিতে বাধ্য হইয়া মায়াবাদী হইয়েন নাই? এইরূপে উত্তরোত্তর সূক্ষ্মবুদ্ধি লোকসকল পূর্ব পূর্ব মতের খণ্ডনপূর্বক স্বমত সংস্থাপনে প্রয়াস পাইলেও পুরুষের সর্বেশ্বরত্বের অপলাপ হেতু কোন মতই সুপ্রতিষ্ঠিত হইল না; কেহই কৃতকার্য হইতে পারিলেন না। লাভের মধ্যে তাঁহারা মোক্ষপথের অন্তরায়-স্বরূপ কিছু কিছু বিভূতি লইয়া, অর্থাৎ কর্মবাদী আধিকারিক পদ প্রাপ্ত হইয়া প্রকৃতিকর্তৃত্ববাদী আনুরক্তসাধুজ্য প্রাপ্ত হইয়া এবং মায়াবাদী দৈবব্রহ্মসাধুজ্য প্রাপ্ত হইয়া মোহিত হইলেন। অধিকন্তু উক্ত ত্রিবিধ মতের দেশব্যাপী বিষময় ফল প্রচ্ছন্নভাবে সকল সম্প্রদায়ের মধ্যেই প্রবেশ করিল। কেহ কর্মবাদের কর্মজালে মোহিত হইয়া পুনঃ পুনঃ সংসারে গতাগতি করিতে লাগিলেন। কেহ প্রকৃতিকর্তৃত্ববাদের অনুগত হইয়া যথেষ্টাচার বশতঃ আনুরিক ভাব প্রাপ্ত হইলেন। কেহ মায়াবাদের ইন্দ্রজালে মোহিত হইয়া শূন্যময় সংসারে কেবল আপনাকেই দেখিতে লাগিলেন। বিক্ষেপকর কর্মের জাল ছেদন করিবেন কি, তাঁহার আপনার কর্ম আপনাকেই চঞ্চল করিয়া তুলিল। প্রকৃতির কর্তৃত্ব ও আপনার অসঙ্গত ভাবিতে ভাবিতে প্রকৃতির বলে অসঙ্গকর্তাকে অকর্মকর্তা করিয়া ফেলিল। সংসারকে স্বপ্ন বা ইন্দ্রজাল ভাবিতে গিয়া নিগড়িত দীন পুরুষ আপনাকে মুক্ত ও ঐশ্বর্যশালী ভাবিয়া যেরূপ উপহাসাস্পদ হইয়েন, তাঁহাকে তদ্রূপ পদে পদে উপহাসাস্পদ হইতে হইল। পুরুষের সর্বেশ্বরত্বের অপলাপ করিয়া জীবের কিছুই লাভ হইল না, সত্তামাত্রই অবশিষ্ট রহিল। বস্তুতঃ পুরুষ সর্বেশ্বর। তাঁহার কলেবর শ্রামবর্ষ। ঐ কলেবর সচ্চিদানন্দাত্মক। তিনি পূর্ণব্রহ্ম, সকলের আত্মা, সর্বগত, নিত্য ও সকলের আদি। তিনিই সৃষ্টি স্থিতি ও প্রলয়ের কর্তা। তিনি সূক্ষ্ম ও সূক্ষ্ম জগতের আশ্রয়। তিনি সর্বশ্রেষ্ঠ, সর্বারাধ্য এবং কারণেরও কারণ। তাঁহাতে ভক্তি করিলেই জীবের সংসার ক্ষয় হইয়া থাকে। তাঁহার চরণে প্রীতিই সকল পুরুষার্থের সার। মোক্ষানন্দ ঐ প্রেমানন্দের কণামাত্র। সর্বেশ্বর পুরুষের চরণসেবাতেই পূর্ণানন্দের লাভ হয়। শাস্ত্রসকল অগ্রে কর্ম, যোগ ও জ্ঞান স্থাপন করিয়া, পরে ঐ সকল খণ্ডন-পূর্বক, সর্বেশ্বর পুরুষের ভজনই শেষে নিরূপণ করিয়াছেন।”

যখন প্রভুর বিচারনৈপুণ্য ও সৌন্দর্য্যে মোহিত হইয়া তাঁহার চরণে পতিত হইয়া বলিলেন,—“আমার একটি অভিমান ছিল, আমি বড় জানী; আজ আমার সে অভিমান ভাঙ্গিয়াছে, তোমাকে দেখিয়া অবধি আমার জিহ্বা কৃষ্ণনাম করিতে ইচ্ছা করিতেছে, গোসাঁই, এক্ষণে আমাকে রূপা কর।” প্রভু বলিলেন,



“উঠ, তুমি কৃষ্ণনাম করিয়াছ, অতএব কৃতার্থ হইয়াছ ; তোমার নাম থাকিল, রামদাস।” যবনদিগের সমভিব্যাহারে বিজুলিখান নামে অপর একজন যুবা পুরুষ ছিলেন। তিনিই সঙ্গী যবনদিগের অধিনায়ক। তিনিও প্রভুর প্রভাবে সমাকৃষ্ট হইয়া তাঁহার চরণে আত্মসমর্পণ করিলেন। প্রভু তাঁহার মস্তকে চরণ দিয়া তাঁহাকে কৃতার্থ করিলেন। তাঁহাদিগের সঙ্গে আবার অনেক যবন বৈষ্ণব হইলেন। তাঁহারা সকলে পাঠান বৈরাগী বলিয়া বিখ্যাত হইলেন।

এইরূপে যবনদিগকে উদ্ধার করিয়া প্রভু সঙ্গীদিগকে লইয়া গমন করিতে লাগিলেন। তাঁহারা চলিতে চলিতে সোরোক্ষেত্রে আসিয়া গঙ্গা প্রাপ্ত হইয়া স্নান করিলেন। গঙ্গাতীরপথে কয়েকদিনের মধ্যেই প্রয়াগে উপনীত হইলেন। প্রভু ত্রিবেণীতে মকরে স্নান করিয়া রাজপুত্র কৃষ্ণদাস ও মাথুর ব্রাহ্মণকে বিদায় দিলেন। স্বয়ং বলভদ্র ভট্টাচার্য্য ও তৎসহচর কৃষ্ণদাস ব্রাহ্মণকে লইয়া দশ দিন পর্য্যন্ত প্রয়াগেই অবস্থিতি করিলেন। প্রয়াগেই রূপগোস্বামীর সহিত প্রভুর পুনর্মিলন হইল।

### রূপগোস্বামীর গৃহত্যাগ।

প্রভুর সহিত রামকেলিতে মিলনের পর রূপগোস্বামী জ্যেষ্ঠ সনাতন গোস্বামীর সহিত বিষয়ত্যাগের পরামর্শ করিতে লাগিলেন। ইতিমধ্যে একদিন রাত্রিকালে গোড়েশ্বরমহিষী গোড়েশ্বরের অঙ্গের একস্থানে কোন একটি চিহ্ন দেখিয়া জিজ্ঞাসা করিলেন, “উহা কিসের চিহ্ন?” গোড়েশ্বর প্রথমতঃ উহা গোপন করিবার চেষ্টা করিলেন। পরে রাজ্ঞীর আগ্রহাতিশয় দেখিয়া বলিলেন,—“আলাউদ্দিন হোসেন সা যখন গোড়ের রাজা ছিলেন, তখন আমি তাঁহার অধীনস্থ সুবুদ্ধি রায় নামক একজন হিন্দু জমীদারের অধীনে কর্ম করিতাম। সুবুদ্ধি রায় আমাকে একটি জলাশয় খনন করাইবার ভার দেন। তিনি উক্ত কার্যে আমার কোন একটি ছিদ্র পাইয়া আমাকে কশাঘাত করেন। ইহা সেই কশাঘাতের চিহ্ন।” শুনিয়াই রাজ্ঞী অগ্নিবৎ জ্বলিয়া উঠিলেন এবং বলিলেন, “ঐ সুবুদ্ধি রায় কি এখনও জীবিত আছে?” গোড়েশ্বর বলিলেন, “হাঁ, তিনি এখনও জীবিত আছেন। আলাউদ্দীন হোসেন সার রাজ্যচ্যুতির সম্বন্ধে তিনি আমার একজন প্রধান সহায় এবং চিরদিনই আমার পোষণকর্তা ছিলেন।” রাজ্ঞী বলিলেন, “এখনই সুবুদ্ধিরায়ের শির-শেছদনের আদেশ হউক।” গোড়েশ্বর বলিলেন, “তাঁহা কখনই হইতে পারে না,

তিনি আমার পোষণকর্তা, বিনা দোষে আমাকে দণ্ড করেন নাই।” রাজ্ঞী বলিলেন, “যাহাই হউক, সুবুদ্ধিরায়ের প্রাণদণ্ড না হইলে, আমি আত্মহত্যা করিব।” গোড়েশ্বর অগত্যা সেই রাত্রিতেই সহকারী মন্ত্রী রূপগোস্বামীকে আনয়ন করিবার নিমিত্ত কেশবকে প্রেরণ করিলেন। কেশবের মুখে গোড়েশ্বরের আদেশ শ্রবণ করিয়া রূপগোস্বামী তখনই তাঁহার সহিত রাজভবনে গমন করিলেন। রাত্রি দুই প্রহরেরও অধিক হইয়াছিল। বিশেষতঃ মুহুমুহু বিদ্যুৎ-প্রকাশ ও ঘনগর্জনের সহিত বিন্দু বিন্দু জলও পড়িতেছিল। তাঁহারা যাইতে যাইতে যখন কোন একটি নীচজাতির গৃহের নিকট উপস্থিত হইলেন, তখন গৃহস্থিতা নীচকুলোদ্ভবা রমণী তাঁহাদিগের পদশব্দ শুনিয়া নিজ পতিকে বলিলেন, “এই ভয়ঙ্করী রাত্রিতে কে ঘরের বাহির হইয়াছে?” স্বামী উত্তর করিলেন, “বোধ হয়, কুকুর যাইতেছে।” পত্নী বলিলেন, “হাঁ, এই রাত্রে কুকুরও ঘরের বাহির হয় না, নিশ্চয় কোন ধনী লোকের ভৃত্য প্রভুর কার্যের নিমিত্ত গমন করিতেছে।” রূপগোস্বামী তাঁহাদিগের এই প্রকার কথোপকথন শ্রবণ করিলেন। উহা তাঁহার অন্তরে বিশেষ আঘাত করিল। তিনি আপনাকে উক্ত নীচজাতি হইতেও অধম ও পরাধীন ভাবিয়া যার-পর-নাই দুঃখিত হইলেন। যাহা হউক, রাজসদনে উপস্থিত হইয়া গোড়েশ্বরের সহিত সাক্ষাৎ করিয়া রাত্রির ঘটনা সমস্তই শুনিলেন এবং গোড়েশ্বরের আন্তরিক অভিপ্রায় বিদিত হইয়া সুবুদ্ধিরায়ের জীবনরক্ষার্থ বহুকষ্টে রাজ্ঞীকে প্রবোধিত করিলেন। সুবুদ্ধিরায়ের প্রাণবধের পরিবর্তে জাতিনাশের পরামর্শই স্থির হইল। তদনন্তর তিনি যথাগতপথে নিজভবনে প্রত্যাগমন করিলেন। তিনি গৃহে আসিয়াই সংসারত্যাগ মনস্থ করিলেন। পরে জ্যোষ্ঠের অনুমতি অনুসারে বহু অর্থ ব্যয় করিয়া সদ্ভ্রাক্ষণ দ্বারা সংসারমুক্তির জন্তু বিবিধ পুণ্যচরণ করাইলেন। পরিশেষে নিশ্চিত হইবার নিমিত্ত পরিজনবর্গের কিসদংশ চন্দ্রদ্বীপের বাটীতে ও অপর কিসদংশ ফতোয়াবাদের বাটীতে প্রেরণ করিয়া যে কিছু ধনসম্পত্তি ছিল, তাহা হইতে দশসহস্র মুদ্রা জ্যোষ্ঠের প্রয়োজননির্বাহার্থ গোড়ের কোন বিশ্বস্ত বণিকের নিকট রাখিয়া অবশিষ্ট কুটুম্ব ও ভ্রাক্ষণ-বৈষ্ণব সকলের উদ্দেশে বিভাগ করিয়া দিলেন। এই সমস্ত কার্য গোড়েশ্বরের অজ্ঞাতসারেই সমাহিত হইল। শ্রীগোঁরাজের গতিবিধি জানিবার নিমিত্ত দুইজন লোক উৎকলে প্রেরিত হইল। স্বয়ং রাজকর্ম্ম ত্যাগ করিয়া ফতোয়াবাদের বাটীতে অবস্থান করিতে লাগিলেন। এই সময়ে ঐ দুইজন লোক উৎকল হইতে প্রত্যাগত হইয়া প্রভুর বনপথে বৃন্দাবনযাত্রার বিষয় নিবেদন করিল। এই

সংবাদ শুনিয়া রূপগোস্বামী আর ঋণমাত্র বিলম্ব না করিয়া জ্যেষ্ঠের নিকট একখানি পত্র দিয়া স্বয়ং কনিষ্ঠ বল্লভের সহিত প্রয়াগাভিমুখে যাত্রা করিলেন।

### সনাতনগোস্বামীর কারাবাস।

সনাতনগোস্বামী তখনও রামকেলিতে থাকিয়া রাজকর্ম করিতেছিলেন। তিনি অন্তরে বিষয়বিরক্ত হইয়াও বাহিরে রূপগোস্বামীর ঋণ বিষয়কর্ম ত্যাগ করেন নাই। ভ্রাতার পত্র পাইয়া সত্ত্বর বিষয়ত্যাগে কৃতসঙ্কল্প হইলেন। মনে মনে বিষয়ত্যাগের উপায় অবধারণ পূর্বক রাজসভায় গমনে বিরত হইয়া পণ্ডিতগণের সহিত নিরন্তর শাস্ত্রালোচনায় প্রবৃত্ত হইলেন। সুযোগ পাইলেই প্রভুর চরণপ্রান্তে উপস্থিত হইবেন, ইহাই উদ্দেশ্য রহিল। উপযুক্তপরি তিন দিন মন্ত্রী সনাতনের অনুপস্থিতি দেখিয়া গোড়েশ্বর তাঁহার অনুপস্থিতির কারণ জানিবার জন্ত লোক পাঠাইলেন। ঐ লোক সনাতনগোস্বামীর নিকট উপস্থিত হইয়া প্রণতিপুরঃসর নিবেদন করিল, “গোড়েশ্বর আপনার তিনদিন সভায় অনুপস্থিতির কারণ জানিবার নিমিত্ত আমাকে প্রেরণ করিয়াছেন, আমি যাইয়া কি নিবেদন করিব, বলিতে আজ্ঞা হউক।” সনাতনগোস্বামী বলিলেন, “আমি অস্বাস্থ্য নিবন্ধন সভায় উপস্থিত হইতে পারি নাই, ইহাই নিবেদন করিবে।” গোড়েশ্বরপ্রেরিত লোক ঐ কথা শুনিয়া রাজত্ববনে ফিরিয়া গেল এবং গোড়েশ্বরের নিকট যাইয়া অসুস্থতাই মন্ত্রীর সভায় অনুপস্থিতির কারণ নিবেদন করিল। গোড়েশ্বর লোকমুখে মন্ত্রীকে অসুস্থ শুনিয়া তাঁহাকে দেখিবার জন্ত রাজবাটীর চিকিৎসককে মন্ত্রীর ভবনে প্রেরণ করিলেন। চিকিৎসক যাইয়া দেখিলেন, মন্ত্রী সনাতন স্বচ্ছন্দে পণ্ডিতমণ্ডলীর সহিত শাস্ত্রালাপে কালাতিপাত করিতেছেন। তিনি দেখিয়াই বুঝিলেন, মন্ত্রীর শরীর অসুস্থ নহে। তখন বলিলেন, “মন্ত্রিবর, আপনার অসুস্থতার সংবাদ পাইয়া আপনাকে দেখিবার নিমিত্ত গোড়েশ্বর আমাকে আপনার নিকট প্রেরণ করিয়াছেন। আমি যাইয়া কি বলিব, তাহাই বলুন। আপনার শরীর বোধ হয় সুস্থই আছে?” সনাতন গোস্বামী বলিলেন, “মহাশয়, আমার শারীরিক কোন পীড়া হয় নাই; মন নিতান্ত অসুস্থ; আর যে রাজকার্য চালাইতে পারি, একরূপ বোধ হয় না; গোড়েশ্বরকে বলিবেন, আমাকে রাজকার্য হইতে অবসর প্রদান করিলেই সুখী হইব।” এই পর্য্যন্ত বলিয়াই সনাতনগোস্বামী নীরব হইলেন। চিকিৎসকও

উঠিয়া চলিয়া গেলেন। তিনি গোড়েশ্বরের নিকট প্রত্যাগমন পূর্বক বলিলেন, “মন্ত্রীর শরীর সুস্থই আছে, তিনি পণ্ডিতমণ্ডলীর সহিত শাস্ত্রালাপ করিতেছেন। আমি জিজ্ঞাসা করায় তিনি বলিলেন, তাঁহার মন নিতান্ত অসুস্থ, রাজকার্য্য নির্বাহ করিতে অক্ষম।” গোড়েশ্বর চিকিৎসকের মুখে মন্ত্রী সনাতনের অভিপ্রায় বিদিত হইয়া দুঃখিতান্তঃকরণে স্বয়ংই তাঁহার আবাসে গমন করিলেন। সনাতনগোস্বামী গোড়েশ্বরকে স্বয়ং সমাগত দেখিয়া সসন্ত্রমে গাত্রোথানানস্তর যথাযোগ্য অভিবাদন পুরঃসর আসন প্রদান করিলেন। গোড়েশ্বর আসন গ্রহণ পূর্বক বলিলেন, “মন্ত্রিন্, কয়েকদিন তোমার অনুপস্থিতিনিবন্ধন রাজকার্য্যের অনেক বিশৃঙ্খলা ঘটয়াছে। সত্ত্বর সভায় উপস্থিত হইয়া কার্য্যসকল পর্য্যবেক্ষণ করা হউক।” তখন সনাতনগোস্বামী সবিনয়ে বলিলেন, “বদ্বেশ্বর, আমার চিত্ত নিরতিশয় অসুস্থ হইয়া পড়িয়াছে বলিয়াই সভায় উপস্থিত হইতে পারি নাই। আমি যে একরূপ অবস্থায় তাদৃশ গুরুতর কাৰ্য্য চালাইতে পারি, এমন বোধ করি না।” গোড়েশ্বর মন্ত্রীর এইপ্রকার প্রত্যুত্তর শ্রবণ করিয়া কিঞ্চিৎ বিরক্ত হইলেন, এবং ক্ষণকাল নীরব থাকিয়া পুনশ্চ বলিলেন, “বুঝিলাম, যাহাতে আমার রাজ্য উৎসন্ন হইয়া যায়, তাহাই তোমার অভিপ্রায়। আমি কখনই তোমার ধর্ম্মকর্ম্মের বাধক হই নাই, তবে কেন তুমি রাজকার্য্য পরিত্যাগ করিবে? রাজকার্য্যও কি ধর্ম্মকর্ম্মের অন্তর্গত নয়?” সনাতন গোস্বামী বলিলেন, “রাজন্, আপনি যাহা বলিতেছেন, তাহা সত্য, রাজকার্য্য ধর্ম্মকর্ম্মেরই অন্তর্গত, কিন্তু আমি তদপেক্ষা উৎকৃষ্ট ধর্ম্মের আশ্রয়গ্রহণে কৃতসঙ্কল্প হইয়াছি, অতএব অনুগ্রহ করিয়া আমার স্থানে অপর লোক নিযুক্ত করিয়া আমাকে অবসর প্রদান করিলেই কৃতার্থ হইব।” মন্ত্রীর এই শেষ কথা শুনিয়া, গোড়েশ্বর কিঞ্চিৎ রাগান্বিত হইয়া বলিলেন—“তোমার ভ্রাতা দস্যুর স্ত্রায় সর্ব্বস্ব লুণ্ঠন করিয়া পলায়ন করিয়াছে, তুমিও অসুখের ভান করিয়া সমস্ত রাজকর্ম্ম নষ্ট করিতেছ। তোমরা কি ধর্ম্মের জন্ত অধর্ম্মাচরণেও কুণ্ঠিত হও না? রাজাপরাধ কি পাপ নহে? ঐ পাপেরও কি দণ্ড নাই?” সনাতনগোস্বামী গোড়েশ্বরের সেই অযথা তিরস্কারে অন্তরে বিরক্ত হইয়া গম্ভীরভাবে বলিলেন, “আপনি রাজ্যেশ্বর ও সম্পূর্ণ স্বাধীন, ইচ্ছা হইলেই অপরাধীর দণ্ডবিধান করিতে পারেন।” এই কথায় গোড়েশ্বর অধিকতর রুষ্ট হইয়া আর কোন কথাই না বলিয়া চলিয়া গেলেন। তিনি মন্ত্রীর আলয় পরিত্যাগ করিবার পূর্বেই মন্ত্রী যাহাতে পলায়ন করিতে না পারেন এইরূপ বন্দোবস্ত করিলেন, এবং মন্ত্রীর মত পরিবর্তনের

নিমিত্ত যে কিছু বন্দোবস্ত করা উচিত বোধ হইল তাহাও করিলেন। কিন্তু তাহাতে কিছুমাত্র ফলোদয় হইল না। মন্ত্রীর মতের পরিবর্তন হইল না। অগত্যা গোড়েশ্বর মন্ত্রী সনাতনকে বন্দী করিলেন। সনাতন গোস্বামী বন্দী হইলে, পূর্বমন্ত্রী পুরন্দর বসু, যিনি এতাবৎকাল তাঁহার সহকারিতায় নিযুক্ত ছিলেন, তিনিই কার্য চালাইতে লাগিলেন। পুরন্দর বসু মন্ত্রীপদের উপযুক্ত হইলেও, স্বভাবতঃ নিষ্ঠুর ও স্বার্থপর ছিলেন বলিয়া, তাঁহার মন্ত্রণা অনেক সময়েই কল্যাণকরী হইত না, ইহা গোড়েশ্বর বুঝিতেন। ঐ পুরন্দর বসুর কনিষ্ঠ ভ্রাতা শ্রীকান্ত বসুও গোড়েশ্বরের অধীনেই কর্ম করিতেন। তাঁহার কর্ম ছিল বঙ্গেশ্বরের অধীনস্থ উড়িষ্যাপ্রদেশের করসংগ্রহ করিয়া গোড়ে প্রেরণ করা। শ্রীকান্ত বসু সনাতনগোস্বামী কর্তৃকই উক্ত কর্মে নিয়োজিত হইয়াছিলেন। সনাতন গোস্বামীর কারাবাসকালে উড়িষ্যার করদাতৃগণ শ্রীকান্ত বসুর কোন অসহ্যবহারে বিরক্ত হইয়া তাঁহাকে কর দিতে অসম্মত হইলে, ঐ সকল করদাতার সহিত যুদ্ধবিগ্রহ অনিবার্য হইয়া উঠিল। পুরন্দর বসু ভ্রাতার দোষ গোপনপূর্বক করদাতৃগণকে বলপূর্বক আয়ত্ত করিবার মন্ত্রণা করিলেন। গোড়েশ্বর পুরন্দর বসুর মন্ত্রণানুসারে যুদ্ধযাত্রায় কৃতসঙ্কল্প হইয়াও সনাতন গোস্বামীর মতামত বুঝিবার নিমিত্ত স্বয়ং কারাগৃহে যাইয়া তাঁহাকে সমস্ত বৃত্তান্তই বিদিত করিলেন। সনাতন গোস্বামী শুনিয়াই বলিলেন, “আমার যতদূর বিশ্বাস, শ্রীকান্ত বসুর দোষেই উড়িষ্যার করদাতারা কর দেয় নাই। গোড়েশ্বরের অন্ত কোন বিশ্বস্ত কর্মচারী যাইলেই কর আদায় হইবে, করাদায়ের নিমিত্ত যুদ্ধের প্রয়োজন হইবে না। শ্রীকান্ত বসুকে কর্মান্তরে নিযুক্ত করিয়া তাঁহার পরিবর্তে অপর কোন কর্মচারীকে প্রেরণ করিলেই যখন করাদায়ের সম্ভাবনা দেখা যায়, তখন তজ্জন্ত বহুবায়সাধ্য ও লোকক্ষয়কর যুদ্ধবিগ্রহের প্রয়োজন দেখা যায় না।” গোড়েশ্বর বলিলেন, “যদি তাহাই হয়, তবে তুমিই ইহার যেরূপ সুবন্দোবস্ত উচিত তাহা কর।” সনাতন গোস্বামী বলিলেন, “নরনাথ, আমার আশা পরিত্যাগ করুন।” গোড়েশ্বর বলিলেন, “আমি কখনই তোমার আশা পরিত্যাগ করিতে পারিব না। তুমি কল্য কারামুক্ত হইয়া উড়িষ্যার করাদায়ের সুবন্দোবস্ত করিবে।” এই কথা বলিয়া গোড়েশ্বর চলিয়া গেলেন। তিনি যাইয়া পুরন্দর বসুকে সনাতন গোস্বামীর মন্ত্রণাও যতদূর বলা উচিত বোধ করিলেন ততদূরই বলিলেন। পুরন্দর বসু কিন্তু ঐ মন্ত্রণা স্বার্থের পক্ষে হানিজনক বুঝিয়া, কৌশলে সনাতন গোস্বামীর পরামর্শ যে

কুপরাশ্রম এবং রাজ্যের বিশেষ অমঙ্গলকর, ইহাই গোড়েশ্বরকে বিশেষরূপে বুঝাইয়া দিলেন। দুঃসময় উপস্থিত হইলে, বুদ্ধিমানেরও বুদ্ধিব্রংশ ঘটিয়া থাকে। পুরন্দর বসুর মন্ত্রণাই গোড়েশ্বরের মনোনীত হইল। রাজার অবাধ্য ও রাজকর্মে সম্পূর্ণ অমনোযোগী সনাতনের মন্ত্রণামুসারে কার্য্য করিলে, উড়িষ্যারাজ্য হস্তচ্যুত হইবার বিশেষ সম্ভাবনা, ইহাই গোড়েশ্বরের ধারণা হইল। উড়িষ্যায় যুদ্ধযাত্রাই অবধারিত হইল। গোড়েশ্বর পুরন্দর বসুকে লইয়া উড়িষ্যায় যুদ্ধযাত্রা করিলেন।

গোড়েশ্বর যুদ্ধার্থ সজ্জিত হইয়া উড়িষ্যায় গমন করিলেন। সনাতনগোশ্বামী কারাগারেই বাস করিতে লাগিলেন। সনাতন গোশ্বামীর ঈশান নামে একজন বিশ্বস্ত ভৃত্য ছিল। ঈশান রূপগোশ্বামীর লিখিত একখানি পত্র লইয়া কারাগারে সনাতনগোশ্বামীর সহিত সাক্ষাৎ করিল। পত্রে লিখিত ছিল, প্রভু নীলাচল হইতে বনপথে শ্রীবৃন্দাবনের দিকে যাত্রা করিয়াছেন, আমরা দুই ভাই তাঁহার চরণদর্শনার্থ চলিলাম, গোড়ে অমুক বণিকের নিকট দশসহস্র মুদ্রা রক্ষিত আছে, আপনি তদ্বারা কোনরূপে মুক্ত হইয়া সত্বর আগমন করুন। পত্র পাইয়া সনাতনগোশ্বামী কারাধ্যক্ষ সেথ হবুকে হস্তগত করিবার চেষ্টা করিতে লাগিলেন। সেথ হবু অনেক বিষয়ে সনাতন গোশ্বামীর নিকট কৃতজ্ঞতাপাশে বদ্ধ থাকিয়াও প্রথমতঃ রাজতয়ে তাঁহাকে মুক্ত করিয়া দিতে অসম্মত হইল। তখন সনাতন গোশ্বামী তাঁহাকে অনেক অনুনয় বিনয় করিয়া বলিলেন,— “মিঞা সাহেব, আপনি ধর্ম্মশাস্ত্রে সুপণ্ডিত ও পরম ধার্ম্মিক। শাস্ত্রে লিখিত আছে, নিজ ধন দিয়া একজন বন্দীর মোচন করিলে পরমেশ্বর তাঁহার সংসার-বন্ধন মোচন করিয়া থাকেন। আমি আপনার যে কিছু উপকার করিয়াছি, তাহার প্রতিদানস্বরূপ আমাকে কারাগার হইতে মুক্ত করিয়া দিন। আমি আপনাকে পাঁচসহস্র মুদ্রা দিতেছি। ইহাতে আপনার পুণ্য ও অর্থ দুই ভা হইতেছে। আমাকে বন্ধন হইতে মুক্ত করিয়া দিলে পরমেশ্বর আপনার মঙ্গল করিবেন।” অর্থের লোভে সেথ হবুর চিত্ত কিছু কোমল হইল। সে বলিল, “মহাশয়, আপনাকে ছাড়িয়া দিতে আমার ইচ্ছা হয় বটে, কিন্তু রাজাকে বড় ভয় হয়।” সনাতন গোশ্বামী বলিলেন,— “রাজা উড়িষ্যায় যুদ্ধ করিতে গিয়াছেন, না আসিতেও পারেন; যদি প্রত্যাগমন করেন, বলিবেন, সনাতন গজার তীরে বহির্দেশে যাইয়া শৃঙ্খলের সহিত গজার ঝাঁপ দিয়া অদৃশ্য হইয়াছে, অনেক অনুসন্ধানেরও তাহার কোন উদ্দেশ পাওয়া যায় নাই। আপনার কোন ভয়

নাই, আমি এদেশ পরিত্যাগ করিয়া দরবেশ হইয়া মক্কা যাইব।” এই কথা  
পরও সেই হবুর মন সুপ্রসন্ন হইল না বুঝিয়া সনাতনগোস্বামী সাতহাজার মুদ্রা  
প্রদানের প্রস্তাব করিলেন। সেখ হবু সাতহাজার মুদ্রার লোভ সংবরণ করিতে  
পারিল না, মুদ্রাগুলি লইয়া রাত্ৰিকালে অতিসংগোপনে সনাতন গোস্বামীকে  
শৃঙ্খলমুক্ত করিয়া গঙ্গাপার করিয়া দিল।

### শ্রীরূপগোস্বামীর প্রভুর সহিত মিলন।

শ্রীরূপগোস্বামী সনাতনগোস্বামীর কারাবাস বিদিত ছিলেন, কারামুক্তির  
বিষয় বিদিত হইতে পারেন নাই। তিনি কনিষ্ঠ বল্লভের সহিত অবিশ্রান্ত চলিয়া  
প্রয়াগে উপনীত হইলেন। তিনি প্রয়াগে আসিয়াই দেখিলেন, প্রভু ত্রিবেণীতে  
স্নান করিয়া মাধবদর্শনে গমন করিতেছেন। শত শত লোক তাঁহাকে পরিবেষ্টন  
করিয়া চলিতেছে। প্রভু শ্রীমাধবকে দর্শন করিয়া প্রণাম করিলেন। প্রণাম  
করিয়াই প্রভুর প্রেমসিন্ধু উথলিয়া উঠিল। তিনি প্রেমাবেশে বিহ্বল হইয়া  
নৃত্য ও কীর্তন করিতে আরম্ভ করিলেন। সহস্র সহস্র লোক আসিয়া প্রভুর  
কীর্তনে যোগদান করিতে লাগিল। প্রয়াগক্ষেত্র প্রভুর প্রেমোচ্ছ্বাসে কাঁপিতে  
লাগিল। গঙ্গা ও যমুনা মিলিত হইয়াও প্রয়াগকে ডুবাইতে পারেন নাই, প্রভু  
প্রেমের বস্ত্র উহাকে প্লাবিত করিতে লাগিলেন। রূপগোস্বামী লোকের ভিড়  
ঠেলিয়া প্রভুর শ্রীচরণদর্শনে সমর্থ হইলেন না, নর্তনকীর্তনের বিরাম প্রতীক্ষা  
করিতে লাগিলেন। কিস্ত্রয় পরেই কীর্তনকোলাহল মন্দীভূত হইল। এক  
দাক্ষিণাত্য ব্রাহ্মণ আসিয়া প্রভুকে নিমন্ত্রণ করিয়া নিজ গৃহে লইয়া গেলেন।  
প্রভু ঐ ব্রাহ্মণের গৃহে যাইয়া একটি নির্জন স্থানে উপবেশন করিলেন।  
রূপগোস্বামী ঐ ব্রাহ্মণের বাসস্থান জানিয়া লইয়া স্নানান্তর কনিষ্ঠ বল্লভের সহিত  
অতি দীনহীন অকিঞ্চনের বেশে দস্তে তৃণগুচ্ছ ধারণপূর্বক প্রভুর চরণসমীপে  
উপস্থিত হইলেন। তাঁহারা দূর হইতেই প্রভুর অপরূপ রূপমাধুরী দর্শন করিয়া  
প্রেমে পুলকিত হইয়া দণ্ডবৎ ভূমিতলে পতিত হইলেন। তাঁহাদিগকে দেখিয়া  
প্রভুর চিত্ত প্রসন্ন হইল। প্রভু বলিলেন, “রূপ উঠ উঠ, শ্রীকৃষ্ণের করুণার  
কথা কিছুই বলা যায় না, তোমাদিগের দুইজনকে বিষম বিষয়কূপ হইতে উদ্ধার  
করিলেন।” এই কথা বলিয়া প্রভু ভ্রাতৃদ্বয়ের মস্তকে চরণ দিলেন এবং  
তাঁহাদিগকে আপনার নিকটে বসাইয়া সনাতনগোস্বামীর সমাচার জিজ্ঞাসা

করিলেন। রূপগোশ্বামী বলিলেন, “তিনি কারাগারে বন্দী, আপনি উদ্ধার করিলেই তাঁহার উদ্ধার হইতে পারে।” প্রভু বলিলেন, “সনাতনের বন্ধন মোচন হইয়াছে, সত্বরই তাঁহার আমার সহিত মিলন হইবে।” এইরূপ কথাবার্তা হইতেছে, এমন সময়ে দাক্ষিণাত্য ব্রাহ্মণ আসিয়া রূপ ও বল্লভকে নিমন্ত্রণ করিয়া প্রভুকে ভিক্ষা করাইলেন। রূপ ও বল্লভ প্রভুর ভোজনাবশেষ পাইয়া কৃতার্থ হইলেন। প্রভুর বাসস্থান ত্রিবেণীসঙ্গমের উপরিভাগেই। রূপ গোশ্বামী যাইয়া প্রভুর বাসার নিকট বাসা করিলেন। প্রভুর সহিত কৃষ্ণ-কথাতেই তাঁহাদিগের পরমানন্দে কালাযাপন হইতে লাগিল।

প্রয়াগের অদূরে যমুনার পরপারে আশুলি নামে একটি গ্রাম আছে। ঐ গ্রামে বল্লভ ভট্ট নামক এক বৈষ্ণব পণ্ডিত বাস করিতেন। একদিন ঐ বল্লভ ভট্ট আসিয়া প্রভুকে দণ্ডবৎ প্রণতি করিলেন। প্রভু তাঁহাকে আলিঙ্গন করিয়া বসাইলেন। প্রভুর ভট্টের সহিত কিছুকাল কৃষ্ণকথার আলোচনা হইল। কৃষ্ণকথার আলোচনা করিতে করিতে প্রভুর প্রেম উখলিয়া উঠিল। ভট্ট থাকায় প্রভু কিন্তু কিছু সঙ্কুচিত হইলেন। অন্তরের প্রেম অন্তরেই রহিল, বাহিরে প্রকাশ হইল না। প্রকাশ না হইলেও বল্লভ ভট্ট প্রভুর অদ্ভুত প্রেমাবেশ বুঝিয়া তাঁহাকে ভিক্ষার্থ নিমন্ত্রণ করিলেন। প্রভু রূপ ও বল্লভকে লইয়া ভট্টের সহিত মিলন করাইলেন। রূপ ও বল্লভ দূর হইতেই ভট্টকে প্রণাম করিলেন। ভট্টের ইচ্ছা, দুই ভাইকে আলিঙ্গন করেন, কিন্তু তাঁহারা “আমরা অস্পৃশ্য পামর” বলিতে বলিতে আরও দূরে পলায়ন করিলেন। তদর্শনে ভট্টের বিষয় ও প্রভুর আনন্দ হইল। প্রভু ভট্টকে বলিলেন, “আপনি একজন প্রবীণ কুলীন এবং বেদজ্ঞ যাজ্ঞিক ব্রাহ্মণ, ইহাঁদিগকে স্পর্শ করিবেন না, ইহাঁরা হীন জাতি।” বল্লভ ভট্ট প্রভুর ইঙ্গিত বুঝিয়া বলিলেন, “ইহাঁদিগের দুইজনের মুখে নিরন্তর কৃষ্ণনাম শ্রবণ করিতেছি, ইহাঁরা কখনই অধম হইতে পারেন না, পরন্তু, সর্বোত্তম।” প্রভু শুনিয়া ভট্টকে যথেষ্ট প্রশংসা করিলেন এবং শাস্ত্রবচন পাঠ সহকারে কৃষ্ণভক্তের শ্রেষ্ঠত্ব কীর্তন করিতে করিতে প্রেমে বিহ্বল হইয়া পড়িলেন। বল্লভ ভট্ট প্রভুর অদ্ভুত রূপমাধুর্য্য ও অলৌকিক ভাবাবেশকল দর্শন করিয়া চমৎকৃত হইলেন। পরে তিনি প্রভুর সঙ্গিহয় এবং রূপ ও বল্লভের সহিত প্রভুকে নিজগৃহে লইয়া যাইবার নিমিত্ত নৌকায় উঠাইলেন। প্রভু নৌকায় আরোহণ পূর্বক কালিন্দীর কৃষ্ণসলিল সন্দর্শনে প্রেমাবিষ্ট হইয়া হৃদয় সহকারে জলে ঝাঁপ দিলেন। প্রভুর সঙ্গিহয় শশব্যস্ত হইয়া প্রভুকে



ধরিয়া আবার নৌকায় উঠাইলেন। প্রভু নৌকায় উঠিয়া নাচিতে লাগিলেন। তাঁহার পদভরে নৌকা টলমল করিতে লাগিল। ছই এক ঝলক জলও নৌকায় উঠিল। নাবিকেরা কোনমতে নৌকা লইয়া পরপারে লাগাইল। প্রভু দেশকাল বুঝিয়া কিঞ্চিৎ ধৈর্যধারণ করিলেন। বল্লভ ভট্ট প্রভুকে বাটীতে লইয়া গিয়া প্রথমতঃ পাদপ্রক্ষালন করাইলেন। পরে ঐ পাদোদক সবংশে গ্রহণ করিয়া প্রভুকে নূতন কোপীন ও বহির্বাস পরাইয়া গন্ধাদি দ্বারা অর্চনা করিলেন। বল্লভ ভট্টাচার্য্য পাক করিতে লাগিলেন। পাক সমাধা হইলে, বল্লভ ভট্ট প্রভুকে লইয়া ভিক্ষা করাইলেন। রূপ ও বল্লভ প্রভুর অবশেষ পাইলেন। প্রভু ভোজনান্তে আচমন পূর্বক বিশ্রাম করিতে লাগিলেন। বল্লভ ভট্ট স্বয়ং প্রভুর পাদসম্বাহন করিতে লাগিলেন। এই সময়ে রঘুপতি উপাধ্যায় নামক একজন ত্রিহৃতীয় পণ্ডিত আগমন করিলেন। তিনি আসিয়া প্রভুর চরণবন্দনা করিলেন। প্রভু তাঁহাকে “কৃষ্ণে মতিরস্তু” বলিয়া আশীর্বাদ করিলেন। আশীর্বাদ শুনিয়া পণ্ডিত সন্তোষ লাভ করিলেন। পরে উপাধ্যায় উপবেশন করিলে, প্রভু তাঁহাকে শ্রীকৃষ্ণবিষয়ক শ্লোক পাঠ করিতে বলিলেন। উপাধ্যায় নিজকৃত নিম্নলিখিত শ্লোকটি পাঠ করিলেন।

“শ্রুতিমপরে স্মৃতিমপরে ভারতমন্ত্রে ভক্তস্ত ভবভীতাঃ ।

অহমিহ নন্দং বন্দে যশ্মালিন্দে পরং ব্রহ্ম ॥” পদ্মাবল্যাম্ । ১২৭ ।

সংসারভয়ে ভীত ব্যক্তিদিগের মধ্যে কেহ শ্রুতি কেহ স্মৃতি এবং কেহ ভারতের সেরা করিয়া থাকেন। তাঁহাদের যিনি যাহা করেন করুন, আমি কিছু বাঁহার অজনে পরব্রহ্ম পুরুষোত্তম শ্রীকৃষ্ণ ক্রীড়া করেন, সেই গোপরাজ নন্দকেই বন্দনা করি।

প্রভু বলিলেন, “আরও কিছু পাঠ করুন।” উপাধ্যায় পাঠ করিলেন,—

“কং প্রতি কথয়িতুমীশে সম্প্রতি কো বা প্রতীতিমায়াতু ।

গোপতিতনয়াকুঞ্জে গোপবধূটীবিটং ব্রহ্ম ॥” পদ্মাবল্যাম্ । ১২৯ ।

আমি এ কথা কাহার নিকট বলিব এবং বলিলেই বা সম্প্রতি কে বিশ্বাস করিবে যে, যমুনাতীরকুঞ্জে যিনি গোপীগণের সহিত রমণ করেন, তিনিই পরব্রহ্ম ?

উপাধ্যায়ের শ্লোক শুনিয়া প্রভু বিহ্বল হইয়া পড়িলেন। উপাধ্যায় প্রভুর অদ্ভুত ভাবাবেশ দর্শন করিয়া তাঁহাকে নিজ প্রভু বলিয়াই অবধারণ করিলেন।

অনন্তর,—

“প্রভু কহে, উপাধ্যায়, “শ্রেষ্ঠ মান কার ?”

“শ্রামমেব পরং রূপং” কহে উপাধ্যায় ॥

“শ্রাম রূপের বাসস্থান শ্রেষ্ঠ মান কায় ?”

“পুরী মধুপুরী বরা” কহে উপাধ্যায় ॥

“বালা, পোগণ্ড, কৈশোর শ্রেষ্ঠ মান কায় ?”

“কয়ঃ কৈশোরকং ধ্যেয়ং” কহে উপাধ্যায় ॥

“রসগণ মধ্যে তুমি শ্রেষ্ঠ মান কায় ?”

“আত্ম এব পরো রসঃ” কহে উপাধ্যায় ॥”

প্রভু আনন্দ সহকারে বলিলেন, “উপাধ্যায় আমাকে ভাল তত্ত্ব শিখাইলেন ।” এই বলিয়া প্রেমাবেশে উপাধ্যায়কে আলিঙ্গন করিলেন । উপাধ্যায় প্রভুর স্পর্শে প্রেমোন্মত্ত হইয়া নৃত্য করিতে লাগিলেন । বল্লভ ভট্ট দেখিয়া সবিস্ময়ে নিজের পুত্র দুইটিকে আনিয়া প্রভুর চরণে সমর্পণ করিলেন । প্রভুও তাঁহাদিগকে কৃতার্থ করিলেন । ক্রমে লোকের সংঘট্ট হইতে লাগিল । অনেকেই প্রভুকে নিমন্ত্রণ করিয়া লইয়া যাইবার অভিপ্রায় প্রকাশ করিলেন । বল্লভ ভট্ট ভাবিলেন, প্রভু আসিবার সময় প্রেমে উন্মত্ত হইয়া জলে ঝাঁপ দিয়াছিলেন, আবার কখন কি করিবেন । অতএব আমি ইহঁাকে যে স্থান হইতে আনিয়াছি, সেই স্থানেই রাখিয়া আসিব । অতঃপর যাহার ইহঁাকে নিমন্ত্রণ করিতে ইচ্ছা হইবে, তিনি প্রয়াগে যাইয়া লইয়া আসিবেন । এই প্রকার বিবেচনা করিয়া তিনি নিমন্ত্রণকারীদিগকে প্রত্যাখ্যান করিয়া প্রভুকে লইয়া প্রয়াগে রাখিয়া আসিলেন । প্রভু ত্রিবেণীতে প্রভূত লোকসমাগম হইতেছে দেখিয়া দশাশ্বমেধের ঘাটে যাইয়া বাস করিলেন । তিনি ঐ দশাশ্বমেধের ঘাটে থাকিয়াই রূপগোষ্ঠামীর প্রার্থনামুসারে তাঁহাকে শিক্ষাপ্রদান ও শক্তিসঞ্চার করিলেন ।

### শ্রীরূপশিক্ষা ।

প্রভু বলিলেন,—“রূপ, তোমাকে সজ্ঞপে ভক্তিরসের লক্ষণ বলিতেছি, শ্রবণ কর । ভক্তিরসসিদ্ধু অপার ও গভীর । তোমাকে উহার একবিন্দু বলিতেছি । এই ব্রহ্মাণ্ড অসংখ্য জীবের নিবাসভূমি । প্রত্যেক জীবই চতুরশীতি-লক্ষ যোনিতে পরিভ্রমণ করিতেছে । ঐ জীবের স্বরূপ কেশাণ্ডের শতশত ভাগের একভাগ ধেরূপ সূক্ষ্ম তদপেক্ষা সূক্ষ্ম । ঈশ্বর বিভূচিৎ ; জীব অণুচিৎ । জীব অণু না হইয়া বিভূ হইলে, নিয়ম্য-নিয়ন্তৃ-ভাব থাকে না । ঈশ্বর কারণ, জীব কার্য । কারণ ধেরূপ কার্যের নিয়ন্তা হয়, ঈশ্বরও তদ্রূপ জীবের নিয়ন্তা

অর্থাৎ প্রবর্তক। জীবকে কার্য্য বলা হইলেও জীবের স্বরূপতঃ উৎপত্তি নাই, জীব অনাদি ঈশ্বরশক্তি। বায়ুর সহযোগে জল হইতে বৃহদেবের ঞ্চায়, পুরুষের সহযোগে প্রকৃতি হইতে জীবের প্রাণাদি উপাধি সকল উৎপন্ন হয় এবং পুনশ্চ প্রলয়ে সমুদ্রে নদী সকলের ঞ্চায় বা মধুর রসে অপর সকল রসের ঞ্চায় পুরুষেই লীন হইয়া থাকে। নাম ও রূপের সহিত উপাধির উৎপত্তিতেই জীবের উৎপত্তি এবং উপাধির লয়েই জীবের লয় জানিতে হইবে। উপাধিতে অভিমান ও অভির্নবেশ বশতই উপাধির উৎপত্তিতে জীবের উৎপত্তি এবং উপাধির নাশেই জীবের নাশ স্বীকৃত হয়। এইরূপে উৎপন্ন জীবসকল স্থাবর ও জঙ্গম ভেদে দ্বিবিধ। জঙ্গম আবার খেচর, জগচর ও ভূচর ভেদে ত্রিবিধ। ভূচরের মধ্যে মনুষ্যের ভাগ অতিশয় অল্প। ঐ অল্প মনুষ্যের মধ্যে বৌদ্ধ ও শ্বেচ্ছাদিই অনেক, বেদনিষ্ঠের ভাগ অল্প। বেদনিষ্ঠের মধ্যে আবার মৌখিক বেদনিষ্ঠই অধিক। প্রকৃত বেদনিষ্ঠের মধ্যে আবার কর্মনিষ্ঠের ভাগই অধিক, জ্ঞাননিষ্ঠের ভাগ অল্পই। কোটি কোটি জ্ঞানীর মধ্যে একজন মুক্ত পাওয়া যায়। কোটি-মুক্তের মধ্যে প্রকৃত কৃষ্ণভক্ত দুর্লভ। প্রকৃত কৃষ্ণভক্ত নিষ্কাম, অতএব শাস্ত। ভুক্তি-মুক্তি-সিদ্ধিকামী লোকসকল অশাস্ত। কৃষ্ণভক্তের সংসারভয় থাকে না। শ্রীকৃষ্ণকেই একমাত্র ত্রাতা জানিয়া তাঁহাতে ভক্তি করিয়া থাকেন। শ্রীকৃষ্ণ ভক্ত-পালক, অভক্তকে রক্ষা করেন না, এই নিমিত্তই অভক্তের সংসারভয় উৎপন্ন হয়। শ্রীকৃষ্ণের শরণাগত ভক্তের কোন ভয়ই উৎপন্ন হয় না।

ব্রহ্মাণ্ড ভ্রমণ করিতে করিতে যে ভাগ্যবান্ জীবের শ্রী গুরু লাভ হয়, তিনিই তৎপ্রসাদে ভক্তিমতার বীজ প্রাপ্ত হইয়া থাকেন। ঐ বীজ রোপণপূর্বক শ্রবণকীর্তনাদিরূপ জল সেচন করিলে, উহা অক্ষুরিত ও দিনে দিনে বর্দ্ধিত হইয়া ব্রহ্মাণ্ড ভেদ করিয়া সত্যলোক ও বিরজা পার হইয়া পরব্যোম পর্যাস্ত উখিত হয়। পরব্যোমের পর গোলোক—বৃন্দাবন। ঐ শ্রীবৃন্দাবনে শ্রীকৃষ্ণচরণ-রূপ কল্পবৃক্ষ অবস্থিত। ভক্তিরূপা লতা যাইয়া উক্ত শ্রীকৃষ্ণচরণরূপ কল্পবৃক্ষকে আশ্রয় করে। তদনন্তর শাখাপল্লবাদি বিস্তার পূর্বক প্রেমরূপ ফল প্রসব করিতে থাকে। মালী এই সংসারে থাকিয়াই লতার মূলে যতই শ্রবণকীর্তনাদিরূপ জল সেচন করিতে থাকেন, লতাও ততই বাড়িতে থাকে। মালীর একটি প্রধান কর্তব্য এই যে, যত্নসহকারে লতাকে আবরণ করিয়া রাখা। অগ্ৰথা বৈষ্ণবাপরাধরূপ মত্তহস্তী উখিত হইয়া লতার মূলোচ্ছদ করিলে লতার শুকাইয়া যাইবার সম্ভাবনা। বৈষ্ণবেরা সংসারকে চিদানন্দময় বোধ না করিলেও,

কল্পনাময় বোধ করেন না ; অতএব তিনি সংসারে বস্তুতঃ আসক্ত না হইলেও, কার্যতঃ আসক্তের স্তায় থাকায়, তদর্শনে তাঁহাদিগের প্রতি দোষদৃষ্টি হইলেই বৈষ্ণবাপরাধ ঘটে । এই অপরাধ যাহাতে না ঘটে, তদ্বিষয়ে সতর্ক থাকাই উচিত । আবার বৈষ্ণবাপরাধের স্তায় ভোগবাঞ্ছাদি উপশাখার প্রতিও দৃষ্টি রাখা কর্তব্য । সংসারকে সত্য মনে করিয়া ভোগবাঞ্ছা বা মিথ্যা মনে করিয়া মোক্ষবাঞ্ছা নিতান্ত অকর্তব্য । ভোগবাঞ্ছা, মোক্ষবাঞ্ছা, ভীষহিংসা, নিবিদ্ধাচার, লাভ, পূজা ও প্রতিষ্ঠা প্রভৃতি উপশাখা সকল বর্জিত হইতে থাকিলে, মূলশাখার বৃদ্ধি স্থগিত হইয়া যায় । উপশাখা উৎপন্ন হইতে না দেওয়াই উচিত । যদি অনবধানতাবশতঃ কখন কোন উপশাখা জন্মে, তবে তখনই তাহাকে ছেদন করিয়া ফেলা কর্তব্য । উপশাখা ছেদন করিয়া দিলে, মূলশাখা বর্জিত হইয়া কল্পবৃক্ষকে আশ্রয় করে । ভক্তিলতা কল্পবৃক্ষকে আশ্রয় করিলে, মালী তদবলম্বনে অনায়াসেই কল্পতরুতে অরোহণপূর্বক সুপক্ক প্রেমফল পাড়িয়া আন্বাদন করিতে পারেন । একবার কল্পবৃক্ষ লাভ হইলে, ঐ কল্পবৃক্ষের সাক্ষাৎ সেবন ভিন্ন মালীর আর কোন কর্তব্য থাকে না । কল্পবৃক্ষের সেবা দ্বারা প্রেমফলের আন্বাদন হইয়া থাকে । প্রেমই পরম পুরুষার্থ । ধর্মাদি অপর পুরুষার্থসকল প্রেমের তুলনায় অতি তুচ্ছ ।

“ঋদ্ধা সিদ্ধিব্রজবিজয়িতা সত্যধর্ম্মা সমাধি-

ব্রহ্মানন্দো গুরুরপি চমৎকারয়তোব তাবৎ ।

যাবৎ প্রেমং মধুরিপুবনীকারসিকৌষধীনাং

গকোহপাস্তঃকরণসরনীপাস্ততাং ন প্রয়াতি ॥” লগিত মা । ৫।২ ।

যে পর্য্যন্ত শ্রীকৃষ্ণবশীকরণের সিকৌষধিরূপ শাস্তাদি যে কোন প্রেমের লেশও অন্তঃকরণপথের পথিক না হয়, সেই পর্য্যন্তই সিদ্ধিসমূহের সম্পূর্ণা বিজয়িতা এবং সত্যধর্ম্মরূপ-সাধন-সমষ্টি সমাধি ও তৎফলভূত গুরুতর ব্রহ্মানন্দ চিত্তের চমৎকারিতা সম্পাদন করিয়া থাকে ।

ঐ প্রেম শুদ্ধা ভক্তি হইতেই আবির্ভূত হইয়া থাকে । অতএব এক্ষণে শুদ্ধা ভক্তির লক্ষণ নির্দেশ করিতেছি—

“অন্যাত্তিলাষিতাশূন্যং জ্ঞানকর্ম্মাণ্ডনারতম্ ।

আনুকূল্যে কৃষ্ণানুশীলনং ভক্তিরসাম্ ॥” ভক্তিরসাম্ । ১।১।২ ।

সর্বৈশ্বর্য্য-মাধুর্য্য-পূর্ণ, স্বীয় অত্যাশ্চর্য্য লীলা দ্বারা চরাচর বিশ্বের আকর্ষণকারী, পরমপ্রেমাম্পদ, স্বয়ং ভগবান্ শ্রীকৃষ্ণের নিমিত্ত বা শ্রীকৃষ্ণসম্বন্ধি আনুকূল্যময়

অনুশীলনই ভক্তি বা ভক্তির স্বরূপলক্ষণ। যে বস্তু যাহা, তাহাই তাহার স্বরূপ। স্বরূপের পরিচায়ক যে লক্ষণ, অর্থাৎ যে লক্ষণ স্বরূপের পরিচয় প্রদান করে, তাহাই স্বরূপলক্ষণ বা মুখ্যবিশেষণ। অনুশীলন শব্দটি শীল ধাতু হইতে উৎপন্ন। ক্রিয়া শব্দ দ্বারা যেমন কু ধাতুর অর্থমাত্রই উক্ত হয়, অনুশীলন শব্দ দ্বারা তদ্রূপ শীল ধাতুর অর্থমাত্রই উক্ত হইয়া থাকে। শীল ধাতুর অর্থ শীলন। ঐ শীলন দ্বিবিধ; প্রবৃত্ত্যাত্মক ও নিবৃত্ত্যাত্মক শারীর, মানস ও বাচিক চেষ্টা এবং শ্রীতিবিষাদাত্মক প্রসিদ্ধ মানস-ভাব। ভাব—বৃত্তি। মানস-ভাব—মনোবৃত্তি। প্রসিদ্ধ মানস ভাব—স্থায়ী ও সঞ্চারী ভাবসকল। শ্রীতিবিষাদাত্মক—রাগ-দ্বेषাত্মক। বাচিক চেষ্টা—কীর্তন। মানস চেষ্টা—স্মরণ। শারীর চেষ্টা—শ্রবণাদি। নিবৃত্ত্যাত্মক চেষ্টা—ত্যাগচেষ্টা। প্রবৃত্ত্যাত্মক চেষ্টা—গ্রহণচেষ্টা। আনুকূল্যময়—রুচিকর। অতএব সাক্ষাৎ শ্রীকৃষ্ণের নিমিত্ত অথবা তৎসম্বন্ধি বলিয়া পরম্পরায় তন্নিমিত্ত যে কিছু শারীরাদি চেষ্টা ও ভাব, তাহা যদি তাহার অরুচিকর না হইয়া রুচিকর হয়, তাহা হইলে, তাহা ভক্তি বলিয়া পরিচিত হইয়া থাকে। অরুচিকর চেষ্টার বা ভাবের ভক্তি স্ব সিদ্ধ হয় না। ঐ ভক্তি সোপাধিকী ও নিরূপাধিকী ভেদে দ্বিবিধ। ভক্তির উপাধি দুইটি; একটি অস্ত্র অভিলাষ, অপরটি অন্তমিশ্রণ। উপাধিবিশিষ্টা ভক্তির নাম সোপাধিকী বা গৌণী ভক্তি এবং উপাধিশূন্যা ভক্তির নাম নিরূপাধিকী বা মুখ্যা ভক্তি। মূলোক্ত উত্তমা শব্দের অর্থ মুখ্যা। অতএব পূর্বোক্ত অনুশীলন যদি অন্তাভিলাষ-শূন্য ও অন্তমিশ্রণশূন্য হয়, তবে তাহাকে উত্তমা ভক্তি বলা যায়। এইটি ভক্তির তটস্থলক্ষণ বা গৌণবিশেষণ। অন্তাভিলাষ—ভোগবাসনা ও মোক্ষবাসনা প্রভৃতি। অন্তমিশ্রণ—জ্ঞানকর্ম্মাদির আনরণ। জ্ঞানকর্ম্মাদি—জীবব্রহ্মের ঐক্যজ্ঞান, স্মৃতিশাস্ত্রোক্ত নিত্যনৈমিত্তিকাদি কর্ম্ম, বৈরাগ্য, সাংখ্য ও অষ্টাঙ্গযোগ প্রভৃতি। অতএব পূর্বোক্ত অনুশীলন যদি ভুক্তি-মুক্তি-কামনা-রহিত হইয়া কেবল শ্রবণকীর্তনাদিময় হয়, তবে তাহাকে উত্তমা ভক্তি বলা যায়। এই উত্তমা ভক্তি নিঃশুঁণা, শুদ্ধা, কেবলা, মুখ্যা, অনন্তা, অকিঞ্চনা ও স্বরূপসিদ্ধা প্রভৃতি নামে অভিহিত হইয়া থাকেন। জ্ঞানাদির মিশ্রণ ও ভক্তি ভিন্ন অস্ত্র অভিলাষের সম্পর্ক না থাকাতেই ভক্তির উত্তমত্ব বা শুদ্ধত্ব। ভোগবাসনায়ুক্ত ভক্তির নাম সকামা ভক্তি। মোক্ষবাসনায়ুক্ত ভক্তির নাম নিকামা ভক্তি। সকামা ভক্তি হয় তামস, না হয় রাজস হয় বলিয়া উহাকে সগুণ ভক্তিও বলা হইয়া থাকে। আর্জ ও অর্থাধী ব্যক্তিসকল উহার অধিকারী, এবং স্বর্গাদিভোগ উহার ফল।

কুপরামর্শ এবং রাজ্যের বিশেষ অমঙ্গলকর, ইহাই গোড়েখরকে বিশেষরূপে বুঝাইয়া দিলেন। দুঃসময় উপস্থিত হইলে, বুদ্ধিমানেরও বুদ্ধিব্রংশ ঘটিয়া থাকে। পুরন্দর বসুর মন্ত্রণাই গোড়েখরের মনোনীত হইল। রাজার অব্যর্থ ও রাজকর্ম্মে সম্পূর্ণ অমনোযোগী সনাতনের মন্ত্রণানুসারে কার্য্য করিলে, উড়িষ্যারাজ্য হস্তচ্যুত হইবার বিশেষ সম্ভাবনা, ইহাই গোড়েখরের ধারণা হইল। উড়িষ্যায় যুদ্ধযাত্রাই অবধারিত হইল। গোড়েখর পুরন্দর বসুকে লইয়া উড়িষ্যায় যুদ্ধযাত্রা করিলেন।

গোড়েখর যুদ্ধার্থ সজ্জিত হইয়া উড়িষ্যায় গমন করিলেন। সনাতনগোশ্বামী কারাগারেই বাস করিতে লাগিলেন। সনাতন গোশ্বামীর ঈশান নামে একজন বিশ্বস্ত ভৃত্য ছিল। ঈশান রূপগোশ্বামীর লিখিত একখানি পত্র লইয়া কারাগারে সনাতনগোশ্বামীর সহিত সাক্ষাৎ করিল। পত্রে লিখিত ছিল, প্রভু নীলাচল হইতে বনপথে শ্রীবৃন্দাবনের দিকে যাত্রা করিয়াছেন, আমরা দুই ভাই তাঁহার চরণদর্শনার্থ চলিলাম, গোড়ে অমুক বণিকের নিকট দশসহস্র মুদ্রা রক্ষিত আছে, আপনি তদ্বারা কোনরূপে মুক্ত হইয়া সত্বর আগমন করুন। পত্র পাইয়া সনাতনগোশ্বামী কারাধ্যক্ষ সেখ হবুকে হস্তগত করিবার চেষ্টা করিতে লাগিলেন। সেখ হবু অনেক বিষয়ে সনাতন গোশ্বামীর নিকট কৃতজ্ঞতাপাশে বদ্ধ থাকিয়াও প্রথমতঃ রাজভয়ে তাঁহাকে মুক্ত করিয়া দিতে অসম্মত হইল। তখন সনাতন গোশ্বামী তাঁহাকে অনেক অনুনয় বিনয় করিয়া বলিলেন,— “মিঞা সাহেব, আপনি ধর্ম্মশাস্ত্রে সুপণ্ডিত ও পরম ধার্ম্মিক। শাস্ত্রে লিখিত আছে, নিজ ধন দিয়া একজন বন্দীর মোচন করিলে, পরমেশ্বর তাঁহার সংসার-বন্ধন মোচন করিয়া থাকেন। আমি আপনার যে কিছু উপকার করিয়াছি, তাহার প্রতিদানস্বরূপ আমাকে কারাগার হইতে মুক্ত করিয়া দিন। আমি আপনাকে পাঁচসহস্র মুদ্রা দিতেছি। ইহাতে আপনার পুণ্য ও অর্থ দুই ভাঙ হইতেছে। আমাকে বন্ধন হইতে মুক্ত করিয়া দিলে পরমেশ্বর আপনার মঙ্গল করিবেন।” অর্থের লোভে সেখ হবু চিন্তা কিছু কোমল হইল। সে বলিল, “মহাশয়, আপনাকে ছাড়িয়া দিতে আমার ইচ্ছা হয় বটে, কিন্তু রাজাকে বড় ভয় হয়।” সনাতন গোশ্বামী বলিলেন,— “রাজা উড়িষ্যায় যুদ্ধ করিতে গিয়াছেন, না আসিতেও পারেন; যদি প্রত্যাগমন করেন, বলিবেন, সনাতন গঙ্গার তীরে বহির্দেশে ঘাইয়া শৃঙ্খলের সহিত গঙ্গার ঝাঁপ দিয়া অদৃশ্য হইয়াছে, অনেক অক্ষুস্কানেও তাহার কোন উদ্দেশ পাওয়া যায় নাই। আপনার কোন ভয়

নাই, আমি এদেশ পরিত্যাগ করিয়া দরবেশ হইয়া মক্কা যাইব।” এই কথা  
পরও সেই হবুর মন সুপ্রসন্ন হইল না বুঝিয়া সনাতনগোস্বামী সাতহাজার মুদ্রা  
প্রদানের প্রস্তাব করিলেন। সেখ হবু সাতহাজার মুদ্রার লোভ সংবরণ করিতে  
পারিল না, মুদ্রাগুলি লইয়া রাত্রিকালে অতিসংগোপনে সনাতন গোস্বামীকে  
শৃঙ্খলমুক্ত করিয়া গঙ্গাপার করিয়া দিল।

### শ্রীরূপগোস্বামীর প্রভুর সহিত মিলন।

শ্রীরূপগোস্বামী সনাতনগোস্বামীর কারাবাস বিদিত ছিলেন, কারাযুক্তির  
বিষয় বিদিত হইতে পারেন নাই। তিনি কনিষ্ঠ বল্লভের সহিত অবিশ্রান্ত চলিয়া  
প্রয়াগে উপনীত হইলেন। তিনি প্রয়াগে আসিয়াই দেখিলেন, প্রভু ত্রিবেণীতে  
স্থান করিয়া মাধবদর্শনে গমন করিতেছেন। শত শত লোক তাঁহাকে পরিবেষ্টন  
করিয়া চলিতেছে। প্রভু শ্রীমাধবকে দর্শন করিয়া প্রণাম করিলেন। প্রণাম  
করিয়াই প্রভুর প্রেমসিকু উথলিয়া উঠিল। তিনি প্রেগবেশে বিহ্বল হইয়া  
নৃত্য ও কীর্তন করিতে আরম্ভ করিলেন। সহস্র সহস্র লোক আসিয়া প্রভুর  
কীর্তনে যোগদান করিতে লাগিল। প্রয়াগক্ষেত্র প্রভুর প্রেমোচ্ছ্বাসে কাঁপিতে  
লাগিল। গঙ্গা ও যমুনা মিলিত হইয়াও প্রয়াগকে ডুবাইতে পারেন নাই, প্রভু  
প্রেমের বজ্র উহাকে প্লাবিত করিতে লাগিলেন। ‘রূপগোস্বামী লোকের ভিড়  
ঠেলিয়া প্রভুর শ্রীচরণদর্শনে সমর্থ হইলেন না, নর্ভনকীর্তনের বিরাম প্রতীক্ষা  
করিতে লাগিলেন। কিস্তৎক্ষণ পরেই কীর্তনকোলাহল মনীভূত হইল। এক  
দাক্ষিণাত্য ব্রাহ্মণ আসিয়া প্রভুকে নিমন্ত্রণ করিয়া নিজ গৃহে লইয়া গেলেন।  
প্রভু ঐ ব্রাহ্মণের গৃহে যাইয়া একটি নির্জন স্থানে উপবেশন করিলেন।  
রূপগোস্বামী ঐ ব্রাহ্মণের বাসস্থান জানিয়া লইয়া নানানস্তর কনিষ্ঠ বল্লভের সহিত  
অতি দীনহীন অকিঞ্চনের বেশে দস্তে তৃণশুচ্ছ ধারণপূর্বক প্রভুর চরণসমীপে  
উপস্থিত হইলেন। তাঁহারা দূর হইতেই প্রভুর অপরূপ রূপমাধুরী দর্শন করিয়া  
প্রেমে পুলকিত হইয়া দণ্ডবৎ ভূমিতলে পতিত হইলেন। তাঁহাদিগকে দেখিয়া  
প্রভুর চিত্ত প্রসন্ন হইল। প্রভু বলিলেন, “রূপ উঠ উঠ, শ্রীকৃষ্ণের করণার  
কথা কিছুই বলা যায় না, তোমাদিগের ছইজনকে বিধম বিষয়রূপ হইতে উদ্ধার  
করিলেন।” এই কথা বলিয়া প্রভু ব্রাহ্মণের মস্তকে চরণ দিলেন এবং  
তাঁহাদিগকে আপনার নিকটে বসাইয়া সনাতনগোস্বামীর সমাচার জিজ্ঞাসা

করিলেন। রূপগোস্বামী বলিলেন, “তিনি কারাগারে বন্দী, আপনি উদ্ধার করিলেই তাঁহার উদ্ধার হইতে পারে।” প্রভু বলিলেন, “সনাতনের বন্ধন মোচন হইয়াছে, সম্বরই তাঁহার আমার সহিত মিলন হইবে।” এইরূপ কথাবার্তা হইতেছে, এমন সময়ে দাক্ষিণাত্য ব্রাহ্মণ আসিয়া রূপ ও বল্লভকে নিমন্ত্রণ করিয়া প্রভুকে ভিক্ষা করাইলেন। রূপ ও বল্লভ প্রভুর ভোজনাবশেষ পাইয়া কৃতার্থ হইলেন। প্রভুর বাসস্থান ত্রিবেণীসঙ্গমের উপরিভাগেই। রূপ গোস্বামী যাইয়া প্রভুর বাসার নিকট বাসা করিলেন। প্রভুর সহিত কৃষ্ণ-কথাতেই তাঁহাদিগের পরমানন্দে কালযাপন হইতে লাগিল।

প্রয়াগের অদূরে যমুনার পরপারে আশুলি নামে একটি গ্রাম আছে। ঐ গ্রামে বল্লভ ভট্ট নামক এক বৈষ্ণব পণ্ডিত বাস করিতেন। একদিন ঐ বল্লভ ভট্ট আসিয়া প্রভুকে দণ্ডবৎ প্রণতি করিলেন। প্রভু তাঁহাকে আলিঙ্গন করিয়া বসাইলেন। প্রভুর ভট্টের সহিত কিছুকাল কৃষ্ণকথার আলোচনা হইল। কৃষ্ণকথার আলোচনা করিতে করিতে প্রভুর প্রেম উখলিয়া উঠিল। ভট্ট থাকায় প্রভু কিন্তু কিছু সঙ্কুচিত হইলেন। অন্তরের প্রেম অন্তরেই রহিল, বাহিরে প্রকাশ হইল না। প্রকাশ না হইলেও বল্লভ ভট্ট প্রভুর অদ্ভুত প্রেমাবেশ বুঝিয়া তাঁহাকে ভিক্ষার্থ নিমন্ত্রণ করিলেন। প্রভু রূপ ও বল্লভকে লইয়া ভট্টের সহিত মিলন করাইলেন। রূপ ও বল্লভ দূর হইতেই ভট্টকে প্রণাম করিলেন। ভট্টের ইচ্ছা, হই তাইকে আলিঙ্গন করেন, কিন্তু তাঁহারা “আমরা অস্পৃশ্য পাষর” বলিতে বলিতে আরও দূরে পলায়ন করিলেন। তদর্শনে ভট্টের কিম্বদন্তি ও প্রভুর আনন্দ হইল। প্রভু ভট্টকে বলিলেন, “আপনি একজন প্রবীণ কুলীন এবং বেদজ্ঞ যাজ্ঞিক ব্রাহ্মণ, ইহাঁদিগকে স্পর্শ করিবেন না, ইহাঁরা হীন জাতি।” বল্লভ ভট্ট প্রভুর ইঙ্গিত বুঝিয়া বলিলেন, “ইহাঁদিগের দুইজনের মুখে নিরন্তর কৃষ্ণনাম শ্রবণ করিতেছি, ইহাঁরা কখনই অধম হইতে পারেন না, পরন্তু, সর্বোত্তম।” প্রভু শুনিয়া ভট্টকে যথেষ্ট প্রশংসা করিলেন এবং শাস্ত্রবচন পাঠ সহকারে কৃষ্ণভক্তের শ্রেষ্ঠত্ব কীর্তন করিতে করিতে প্রেমে বিহ্বল হইয়া পড়িলেন। বল্লভ ভট্ট প্রভুর অদ্ভুত রূপমাধুর্য্য ও অলৌকিক ভাবাবেশসকল দর্শন করিয়া চমৎকৃত হইলেন। পরে তিনি প্রভুর সঙ্গিষয় এবং রূপ ও বল্লভের সহিত প্রভুকে নিজগৃহে লইয়া যাইবার নিমিত্ত নৌকায় উঠাইলেন। প্রভু নৌকায় আরোহণ পূর্বক কালিন্দীর কৃষ্ণসলিল সন্দর্শনে প্রেমাভিষ্ট হইয়া হৃদয় সহকারে জলে ঝাঁপ দিলেন। প্রভুর সঙ্গিষয় শশব্যস্ত হইয়া প্রভুকে



ধরিয়া আবার নৌকায় উঠাইলেন। প্রভু নৌকায় উঠিয়া নাচিতে লাগিলেন। তাঁহার পদতরে নৌকা টলমল করিতে লাগিল। দুই এক ঝলক জলও নৌকায় উঠিল। নাবিকেরা কোনমতে নৌকা লইয়া পরপারে লাগাইল। প্রভু দেশকাল বুঝিয়া কিঞ্চিৎ ধৈর্যধারণ করিলেন। বল্লভ ভট্ট প্রভুকে বাটীতে লইয়া গিয়া প্রথমতঃ পাদপ্রক্ষালন করাইলেন। পরে ঐ পাদোদক সবংশে গ্রহণ করিয়া প্রভুকে নূতন কোপীন ও বহির্বাস পরাইয়া গন্ধাদি দ্বারা অর্চনা করিলেন। বগভদ্র ভট্টাচার্য্য পাক করিতে লাগিলেন। পাক সমাধা হইলে, বল্লভ ভট্ট প্রভুকে লইয়া ভিক্ষা করাইলেন। রূপ ও বল্লভ প্রভুর অবশেষ পাইলেন। প্রভু ভোজনান্তে আচমন পূর্বক বিশ্রাম করিতে লাগিলেন। বল্লভ ভট্ট স্বয়ং প্রভুর পাদসন্ধান করিতে লাগিলেন। এই সময়ে রঘুপতি উপাধ্যায় নামক একজন ত্রিহৃতীয় পণ্ডিত আগমন করিলেন। তিনি আসিয়া প্রভু চরণবন্দনা করিলেন। প্রভু তাঁহাকে “কৃষ্ণে মতিরস্তু” বলিয়া আশীর্বাদ করিলেন। আশীর্বাদ শুনিয়া পণ্ডিত সন্তোষ লাভ করিলেন। পরে উপাধ্যায় উপবেশন করিলে, প্রভু তাঁহাকে শ্রীকৃষ্ণবিষয়ক শ্লোক পাঠ করিতে বলিলেন। উপাধ্যায় নিজকৃত নিম্নলিখিত শ্লোকটি পাঠ করিলেন।

“শ্রুতিমপরে স্মৃতিমপরে ভারতমন্ত্রে ভজন্তু ভবভীতাঃ ।

অহমিহ নন্দং বন্দে যশ্চালিন্দে পরং ব্রহ্ম ॥” পদ্মাবল্যাম্ । ১২৭ ।

সংসারভয়ে ভীত ব্যক্তিদিগের মধ্যে কেহ শ্রুতি কেহ স্মৃতি এবং কেহ ভারতের সেবা করিয়া থাকেন। তাঁহাদের যিনি যাহা করেন করুন, আমি কিন্তু যাহার অঙ্গনে পরব্রহ্ম পুরুষোত্তম শ্রীকৃষ্ণ ক্রীড়া করেন, সেই গোপরাজ নন্দকেই বন্দনা করি।

প্রভু বলিলেন, “আরও কিছু পাঠ করুন ?” উপাধ্যায় পাঠ করিলেন,—

“কং প্রতি কথয়িতুমীশে সম্প্রতি কো বা প্রতীতিমায়াতু ।

গোপতিনন্নাকুঞ্জে গোপবধূটীবিটং ব্রহ্ম ॥” পদ্মাবল্যাম্ । ১২৮ ।

আমি এ কথা কাহার নিকট বলিব এবং বলিলেই বা সম্প্রতি কে বিশ্বাস করিবে যে, যমুনাতীরকুঞ্জে যিনি গোপীগণের সহিত রমণ করেন, তিনিই পরব্রহ্ম ?

উপাধ্যায়ের শ্লোক শুনিয়া প্রভু বিহ্বল হইয়া পড়িলেন। উপাধ্যায় প্রভুর অদ্ভুত ভাবাবেশ দর্শন করিয়া তাঁহাকে নিজ প্রভু বলিয়াই অবধারণ করিলেন।

অনন্তর,—

• “প্রভু কহে, উপাধ্যায়, “শ্রেষ্ঠ মান কায় ?”

“শ্রামমেব পরং রূপং” কহে উপাধ্যায় ॥

“শ্রাম রূপের বাসস্থান শ্রেষ্ঠ মান কায় ?”

“পুরী মধুপুরী বরা” কহে উপাধ্যায় ॥

“বালা, পোগণ্ড, কৈশোর শ্রেষ্ঠ মান কায় ?”

“বয়ঃ কৈশোরকং ধ্যেয়ং” কহে উপাধ্যায় ॥

“রসগণ মধ্যে তুমি শ্রেষ্ঠ মান কায় ?”

“আণ্ড এব পরো রসঃ” কহে উপাধ্যায় ॥”

প্রভু আনন্দ সহকারে বলিলেন, “উপাধ্যায় আমাকে ভাল তত্ত্ব শিখাইলেন ।” এই বলিয়া প্রেমাবেশে উপাধ্যায়কে আলিঙ্গন করিলেন । উপাধ্যায় প্রভুর স্পর্শে প্রেমোন্মত্ত হইয়া নৃত্য করিতে লাগিলেন । বল্লভ ভট্ট দেখিয়া সবিস্ময়ে নিজের পুত্র দুইটিকে আনিয়া প্রভুর চরণে সমর্পণ করিলেন । প্রভুও তাঁহাদিগকে কৃতার্থ করিলেন । ক্রমে লোকের সংঘট্ট হইতে লাগিল । অনেকেই প্রভুকে নিমন্ত্রণ করিয়া লইয়া যাইবার অভিপ্রায় প্রকাশ করিলেন । বল্লভ ভট্ট ভাবিলেন, প্রভু আসিবার সময় প্রেমে উন্মত্ত হইয়া জলে ঝাঁপ দিয়াছিলেন, আবার কখন কি করিবেন । অতএব আমি ইহাঁকে যে স্থান হইতে আনিয়াছি, সেই স্থানেই রাখিয়া আসিব । অতঃপর যাহার ইহাঁকে নিমন্ত্রণ করিতে ইচ্ছা হইবে, তিনি প্রয়াগে যাইয়া লইয়া আসিবেন । এই প্রকার বিবেচনা করিয়া তিনি নিমন্ত্রণকারীদিগকে প্রত্যাখ্যান করিয়া প্রভুকে লইয়া প্রয়াগে রাখিয়া আসিলেন । প্রভু ত্রিবেণীতে প্রভূত লোকসমাগম হইতেছে দেখিয়া দশাশ্বমেধের ঘাটে যাইয়া বাস করিলেন । তিনি ঐ দশাশ্বমেধের ঘাটে থাকিয়াই রূপগোস্বামীর প্রার্থনামুসারে তাঁহাকে শিক্ষাপ্রদান ও শক্তিসঞ্চার করিলেন ।

### স্রীরূপশিক্ষা ।

প্রভু বলিলেন,—“রূপ, তোমাকে সজ্জপে ভক্তিরসের লক্ষণ বলিতেছি, শ্রবণ কর । ভক্তিরসসিদ্ধু অপার ও গভীর । তোমাকে উহার একবিন্দু বলিতেছি । এই ব্রহ্মাণ্ড অসংখ্য জীবের নিবাসভূমি । প্রত্যেক জীবই চতুরশীতি-লক্ষ যোনিতে পরিভ্রমণ করিতেছে । ঐ জীবের স্বরূপ কেশাশ্রের শতশত ভাগের একভাগ যেরূপ সূক্ষ্ম তদপেক্ষা সূক্ষ্ম । ঈশ্বর বিভূচিৎ ; ঈীব অণুচিৎ । জীব অণু না হইয়া বিভূ হইলে, নিয়মা-নিয়ন্তৃ-ভাব থাকে না । ঈশ্বর কারণ, জীব কার্য । কারণ যেরূপ কার্যের নিয়ন্তা হয়, ঈশ্বরও তজ্জপ জীবের নিয়ন্তা

অর্থাৎ প্রবর্তক। জীবকে কার্য বলা হইলেও জীবের স্বরূপতঃ উৎপত্তি নাই, জীব অনাদি ঈশ্বরশক্তি। বায়ুর সহযোগে জল হইতে বৃদ্ধদের জায়, পুরুষের সহযোগে প্রকৃতি হইতে জীবের প্রাণাদি উপাধি সকল উৎপন্ন হয় এবং পুনশ্চ প্রলয়ে সমুদ্রে নদী সকলের জায় বা মধুর রসে অপর সকল রসের জায় পুরুষেই লীন হইয়া থাকে। নাম ও রূপের সহিত উপাধির উৎপত্তিতেই জীবের উৎপত্তি এবং উপাধির লয়েই জীবের লয় জানিতে হইবে। উপাধিতে অভিমান ও অভির্নবেশ বশতই উপাধির উৎপত্তিতে জীবের উৎপত্তি এবং উপাধির নাশেই জীবের নাশ স্বীকৃত হয়। এইরূপে উৎপন্ন জীবসকল স্থাবর ও জঙ্গম ভেদে দ্বিবিধ। জঙ্গম আবার খেচর, জঙ্গচর ও ভূচর ভেদে ত্রিবিধ। ভূচরের মধ্যে মনুষ্যের ভাগ অতিশয় অল্প। ঐ অল্প মনুষ্যের মধ্যে বৌদ্ধ ও শ্বেচ্ছাদিই অনেক, বেদনিষ্ঠের ভাগ অল্প। বেদনিষ্ঠের মধ্যে আবার মৌখিক বেদনিষ্ঠই অধিক। প্রকৃত বেদনিষ্ঠের মধ্যে আবার কৰ্মনিষ্ঠের ভাগই অধিক, জ্ঞাননিষ্ঠের ভাগ অল্পই। কোটি কোটি জ্ঞানীর মধ্যে একজন মুক্ত পাওয়া যায়। কোটি-মুক্তের মধ্যে প্রকৃত কৃষ্ণভক্ত দুর্লভ। প্রকৃত কৃষ্ণভক্ত নিষ্কাম, অতএব শাস্ত। ভুক্তি-মুক্তি-সিদ্ধিকামী লোকসকল অশাস্ত। কৃষ্ণভক্তের সংসারভয় থাকে না। শ্রীকৃষ্ণকেই একমাত্র ত্রাতা জানিয়া তাঁহাতে ভক্তি করিয়া থাকেন। শ্রীকৃষ্ণ ভক্ত-পালক, অভক্তকে রক্ষা করেন না, এই নিমিত্তই অভক্তের সংসারভয় উৎপন্ন হয়। শ্রীকৃষ্ণের শরণাগত ভক্তের কোন ভয়ই উৎপন্ন হয় না।

ব্রহ্মাণ্ড ভ্রমণ করিতে করিতে যে ভাগ্যবান্ জীবের শ্রী গুরু লাভ হয়, তিনিই তৎপ্রসাদে ভক্তিলতার বীজ প্রাপ্ত হইয়া থাকেন। ঐ বীজ রোপণপূর্বক শ্রবণকীর্তনাদিরূপ জল সেচন করিলে, উহা অঙ্কুরিত ও দিনে দিনে বর্দ্ধিত হইয়া ব্রহ্মাণ্ড ভেদ করিয়া সত্যলোক ও বিরজা পার হইয়া পরব্যোম পর্য্যন্ত উখিত হয়। পরব্যোমের পর গোলোক—বৃন্দাবন। ঐ শ্রীবৃন্দাবনে শ্রীকৃষ্ণচরণ-রূপ কল্পবৃক্ষ অবস্থিত। ভক্তিরূপা লতা যাইয়া উক্ত শ্রীকৃষ্ণচরণরূপ কল্পবৃক্ষকে আশ্রয় করে। তদনন্তর শ্যুখাপল্লবাদি বিস্তার পূর্বক প্রেমরূপ ফল প্রসব করিতে থাকে। মালী এই সংসারে থাকিয়াই লতার মূলে যতই শ্রবণকীর্তনাদিরূপ জল সেচন করিতে থাকেন, লতাও ততই বাড়িতে থাকে। মালীর একটি প্রধান কর্তব্য এই যে, যত্নসহকারে লতাকে আবরণ করিয়া রাখা। অগ্ৰথা বৈষ্ণবাপরাধরূপ মন্তহস্তী উখিত হইয়া লতার মূলোচ্ছদ করিলে লতার শুকাইয়া ঘাইবার সম্ভাবনা। বৈষ্ণবেরা সংসারকে চিদানন্দময় বোধ না করিলেও,

কল্পনাময় বোধ করেন না ; অতএব তিনি সংসারে বস্তুতঃ আসক্ত না হইলেও, কার্যতঃ আসক্তের স্থায় থাকায়, তদর্শনে তাঁহাদিগের প্রতি দোষদৃষ্টি হইলেই বৈষ্ণবাপরাধ ঘটে। এই অপরাধ যাহাতে না ঘটে, তদ্বিষয়ে সতর্ক থাকাই উচিত। আবার বৈষ্ণবাপরাধের স্থায় ভোগবাঞ্ছাদি উপশাখার প্রতিও দৃষ্টি রাখা কর্তব্য। সংসারকে সত্য মনে করিয়া ভোগবাঞ্ছা বা মিথ্যা মনে করিয়া মোক্ষবাঞ্ছা নিতান্ত অকর্তব্য। ভোগবাঞ্ছা, মোক্ষবাঞ্ছা, ভীষিৎসা, নিষিদ্ধাচার, লাভ, পূজা ও প্রতিষ্ঠা প্রভৃতি উপশাখা সকল বর্জিত হইতে থাকিলে, মূলশাখার বৃদ্ধি স্বগিত হইয়া যায়। উপশাখা উৎপন্ন হইতে না দেওয়াই উচিত। যদি অনবধানতাবশতঃ কখন কোন উপশাখা জন্মে, তবে তখনই তাহাকে ছেদন করিয়া ফেলা কর্তব্য। উপশাখা ছেদন করিয়া দিলে, মূলশাখা বর্জিত হইয়া কল্পবৃক্ষকে আশ্রয় করে। ভক্তিমতা কল্পবৃক্ষকে আশ্রয় করিলে, মালী তদবলম্বনে অনায়াসেই কল্পতরুতে অরোহণপূর্বক সুপক্ব প্রেমফল পাড়িয়া আশ্বাদন করিতে পারেন। একবার কল্পবৃক্ষ লাভ হইলে, ঐ কল্পবৃক্ষের সাক্ষাৎ সেবন ভিন্ন মালীর আর কোন কর্তব্য থাকে না। কল্পবৃক্ষের সেবা দ্বারা প্রেমফলের আশ্বাদন হইয়া থাকে। প্রেমই পরম পুরুষার্থ। ধর্মাদি অপর পুরুষার্থ-সকল প্রেমের তুলনায় অতি তুচ্ছ।

“ঋদ্ধা সিদ্ধিব্রজবিজয়িতা সত্যধর্ম্মা সমাধি-

ব্রহ্মানন্দো গুরুরপি চমৎকারয়তোব তাবৎ।

যাবৎ প্রেমাং মধুরিপুবশীকারসিদ্ধৌষধীনাং

গকৌহপ্যস্তঃকরণসরনীপাহুতাং ন প্রয়াতি ॥” ললিত মা।৫।২।

যে পর্য্যন্ত শ্রীকৃষ্ণবশীকরণের সিদ্ধৌষধিরূপ শাস্তাদি যে কোন প্রেমের লেশও অন্তঃকরণপথের পথিক না হয়, সেই পর্য্যন্তই সিদ্ধিসমূহের সম্পূর্ণ বিজয়িতা এবং সত্যধর্ম্মরূপ-সাধন-সমষ্টি সমাধি ও তৎফলভূত গুরুতর ব্রহ্মানন্দ চিন্তের চমৎকারিতা সম্পাদন করিয়া থাকে।

ঐ প্রেম শুদ্ধা ভক্তি হইতেই আবির্ভূত হইয়া থাকে। অতএব একগে শুদ্ধা ভক্তির লক্ষণ নির্দেশ করিতেছি—

“অন্ত্যভিলাষিতাশূন্যং জ্ঞানকর্মাণ্ডনাবৃতম্।

আনুকূল্যে কৃষ্ণানুশীলনং ভক্তিরসাম্ ॥” ভক্তিরসাম্।১।১।২।

সর্বৈর্ষধ্য-মাধুর্য্য-পূর্ণ, স্বীয় অত্যাম্ব্য লীলা দ্বারা চরাচর বিশ্বের আকর্ষণকারী, পরমপ্রেমাস্পদ, স্বয়ং ভগবান্ শ্রীকৃষ্ণের নিষিত বা শ্রীকৃষ্ণসহজি আনুকূল্যময়

অনুশীলনই ভক্তি বা ভক্তির স্বরূপলক্ষণ। যে বস্তু যাহা, তাহাই তাহার স্বরূপ। স্বরূপের পরিচায়ক যে লক্ষণ, অর্থাৎ যে লক্ষণ স্বরূপের পরিচয় প্রদান করে, তাহাই স্বরূপলক্ষণ বা মুখ্যবিশেষণ। অনুশীলন শব্দটি শীল ধাতু হইতে উৎপন্ন। ক্রিয়া শব্দ দ্বারা যেমন কু ধাতুর অর্থমাত্রই উক্ত হয়, অনুশীলন শব্দ দ্বারা তদ্রূপ শীল ধাতুর অর্থমাত্রই উক্ত হইয়া থাকে। শীল ধাতুর অর্থ শীলন। ঐ শীলন দ্বিবিধ; প্রবৃত্ত্যাত্মক ও নিবৃত্ত্যাত্মক শারীর, মানস ও বাচিক চেষ্টা এবং প্রীতিবিষাদাত্মক প্রসিদ্ধ মানস-ভাব। ভাব—বৃত্তি। মানস-ভাব—মনোবৃত্তি। প্রসিদ্ধ মানস ভাব—স্থায়ী ও সঞ্চারী ভাবসকল। প্রীতিবিষাদাত্মক—রাগ-দ্বेषাত্মক। বাচিক চেষ্টা—কীর্তন। মানস চেষ্টা—স্মরণ। শারীর চেষ্টা—শ্রবণাদি। নিবৃত্ত্যাত্মক চেষ্টা—ত্যাগচেষ্টা। প্রবৃত্ত্যাত্মক চেষ্টা—গ্রহণচেষ্টা। আনুকূল্যময়—রুচিকর। অতএব সাক্ষাৎ শ্রীকৃষ্ণের নিমিত্ত অথবা তৎসম্বন্ধি বলিয়া পরম্পরায় তন্নিমিত্ত যে কিছু শারীরাদি চেষ্টা ও ভাব, তাহা যদি তাহার অরুচিকর না হইয়া রুচিকর হয়, তাহা হইলে, তাহা ভক্তি বলিয়া পরিচিত হইয়া থাকে। অরুচিকর চেষ্টার বা ভাবের ভক্তিত্ব সিদ্ধ হয় না। ঐ ভক্তি সোপাধিকী ও নিরূপাধিকী ভেদে দ্বিবিধ। ভক্তির উপাধি দুইটি; একটি অস্ত্য অভিলাষ, অপরটি অস্ত্যমিশ্রণ। উপাধিবিশিষ্টা ভক্তির নাম সোপাধিকী বা গৌণী ভক্তি এবং উপাধিশূন্যা ভক্তির নাম নিরূপাধিকী বা মুখ্যা ভক্তি। মূলোক্ত উত্তমা শব্দের অর্থ মুখ্যা। অতএব পূর্বোক্ত অনুশীলন যদি অস্ত্যভিলাষ-শূন্য ও অস্ত্যমিশ্রণশূন্য হয়, তবে তাহাকে উত্তমা ভক্তি বলা যায়। এইটি ভক্তির তটস্থলক্ষণ বা গৌণবিশেষণ। অস্ত্যভিলাষ—ভোগবাসনা ও মোক্ষবাসনা প্রভৃতি। অস্ত্যমিশ্রণ—জ্ঞানকর্মাদির আবরণ। জ্ঞানকর্মাদি—ভীষ্মব্রহ্মের ঐক্যজ্ঞান, স্মৃতিশাস্ত্রোক্ত নিত্যনৈমিত্তিকাদি কর্ম, বৈরাগ্য, সাংখ্য ও অষ্টাঙ্গযোগ প্রভৃতি। অতএব পূর্বোক্ত অনুশীলন যদি ভুক্তি-মুক্তি-কামনা-রহিত হইয়া কেবল শ্রবণকীর্তনাদিময় হয়, তবে তাহাকে উত্তমা ভক্তি বলা যায়। এই উত্তমা ভক্তি নিগুণা, শুদ্ধা, কেবলা, মুখ্যা, অনস্ত্য, অকিঞ্চনা ও স্বরূপসিদ্ধা প্রভৃতি নামে অভিহিত হইয়া থাকেন। জ্ঞানাদির মিশ্রণ ও ভক্তি ভিন্ন অস্ত্য অভিলাষের সম্পর্ক না থাকাতেই ভক্তির উত্তমত্ব বা শুদ্ধত্ব। ভোগবাসনাযুক্ত ভক্তির নাম সকামা ভক্তি। মোক্ষবাসনাযুক্ত ভক্তির নাম নিকামা ভক্তি। সকামা ভক্তি হয় তামস, না হয় রাজস হয় বলিয়া উহাকে সগুণ ভক্তিও বলা হইয়া থাকে। আর্ন্ত ও অর্থার্থী ব্যক্তিসকল উহার অধিকারী, এবং স্বর্গাদিভোগ উহার ফল।

ঐ সকামা ভক্তিই সাক্ষী হইলে, মোক্ষবাসনাযুক্ত হইয়া থাকে। তখন আর উহাকে সকামা না বলিয়া নিষ্কামা বলা হয়। যুমুক্ষু ব্যক্তিসকলই উহার অধিকারী। এই মোক্ষবাসনাযুক্ত নিষ্কামা ভক্তি প্রায়ই জ্ঞান, যোগ বা কর্ম দ্বারা মিশ্রিত হইয়া থাকে। কর্ম দ্বারা মিশ্রিত হইলে, ইহাকে কর্মমিশ্রা, যোগ দ্বারা মিশ্রিত হইলে, ইহাকে যোগমিশ্রা, এবং জ্ঞান দ্বারা মিশ্রিত হইলে, ইহাকে জ্ঞানমিশ্রা ভক্তি বলা যায়। কর্মমিশ্রা ভক্তির ফল চিত্তশুদ্ধি, যোগমিশ্রা ভক্তির ফল পরমাণুসাক্ষাৎকারের অনন্তর ক্রমমুক্তি এবং জ্ঞানমিশ্রা ভক্তির ফল ব্রহ্মসাক্ষাৎকারের অনন্তর সচোমুক্তি। কর্মমিশ্রা ভক্তির অন্তর্গত নিষ্কাম কর্মসকল সাক্ষাৎ ভক্তি না হইয়াও ভক্তির ফল চিত্তশুদ্ধির উৎপাদন দ্বারা ভক্তিত্বের আরোপে ভক্তিরূপে সিদ্ধ অর্থাৎ তদাকারে আকারিত হয় বলিয়াই উহাকে আরোপসিদ্ধা ভক্তি বলা হইয়া থাকে। তদ্রূপ যোগমিশ্রা ভক্তির অঙ্গীভূত আসনপ্রাণায়ামাদি ক্রিয়াসকল এবং জ্ঞানমিশ্রা ভক্তির অঙ্গীভূত জীবব্রহ্মৈক্য-জ্ঞান সাক্ষাৎ ভক্তি না হইয়াও ভক্তির সঙ্গ বশতঃ সিদ্ধ অর্থাৎ ভক্তির ফল মোক্ষ উৎপাদন দ্বারা ভক্তির আকারে আকারিত হয় বলিয়া উহাদিগকে সঙ্গসিদ্ধা বলা হইয়া থাকে। উত্তমা ভক্তি গুণসম্বন্ধরাহিত্যহেতু নিগুণ এবং উক্ত অপরাপর ভক্তিসকল হইতে সম্পূর্ণ পৃথক্। কর্ম, যোগ ও জ্ঞান ইহঁর অধীন, ইহঁর মুখাপেক্ষী; ইনি কর্মজ্ঞানাতির অধীন বা মুখাপেক্ষী নহেন, পরন্তু সম্পূর্ণ স্বাধীন। ইনি স্বাধীনভাবেই কর্মের ফল চিত্তশুদ্ধি, যোগের ফল ক্রমমুক্তি এবং জ্ঞানের ফল সচোমুক্তির সহিত নিজের ফল শ্রীভগবৎসাক্ষাৎকার প্রভৃতি সমস্তই প্রদান করিয়া থাকেন। যদিও এই উত্তমা ভক্তির শ্রবণকীর্তনাদি অঙ্গসকলকে আপাততঃ কর্ম বলিয়া, ভজনীয়ত্বানুসন্ধানাদি অঙ্গসকলকে আপাততঃ জ্ঞান বলিয়া, এবং শ্রাসমুদ্রাদি অঙ্গসকলকে আপাততঃ যোগ বলিয়াই বোধ হয় বটে, কিন্তু উহারা কর্মাদি নহে। ঐ গুলি শ্রীভগবানের সচ্চিদানন্দময়ী স্বরূপশক্তির পরমা বৃত্তি। নিত্যসিদ্ধ যে শ্রীভগবানের স্বরূপশক্তিসকল তাঁহারাই ঐ সকল বৃত্তির মূলশ্রয়। সাধকের শ্রবণাদি ইন্দ্রিয়সমূহ সিদ্ধ ও সাধকের একত্র সম্মিলনের ক্ষেত্ররূপেই নির্মিত। সাধকের ইন্দ্রিয়গুলি ঐরূপে নির্মিত না হইলে অসিদ্ধ; অতএব সিদ্ধগণের সহিত একত্র সম্মিলনের অযোগ্য উক্ত সাধকসকলের সিদ্ধত্ব লাভের সম্ভাবনাই থাকিত না। নিত্যসিদ্ধ স্বরূপশক্তির বৃত্তি সকল অসিদ্ধ সাধকের আকর্ষণার্থ তাঁহাদিগের ইন্দ্রিয়বৃত্তিতে অবতীর্ণ হইয়া উহার সহিত একীভূত হইয়া তদাকারে আকারিত হইয়া শ্রবণকীর্তনাদিরূপে

আবির্ভূত হইয়া থাকেন। আনন্দময়ী বৃত্তির অবতारेই শ্রবণকীর্তনাদি সাধকের সম্বন্ধে আনন্দদায়ক হইয়া থাকে। ইন্দ্রিয়বৃত্তিতে প্রকাশদর্শনেই লোকে উহা-দিগকে জ্ঞানকর্মাদিরূপে অনুভব করিয়া থাকেন। বস্তুতঃ শ্রবণকীর্তনাদি কর্মজ্ঞানাদির অতীত আনন্দময় বস্তু। এই নিমিত্তই ভগবান্ কপিলদেব বলিয়াছেন—

“দেবানাং গুণলিঙ্গানামানুশ্রবিককর্মণাম্

সত্ত্ব এবৈকমনসো বৃত্তিঃ স্বাভাবিকী তু যা ॥

অনিমিত্তা ভাগবতী ভক্তিঃ সিদ্ধের্গরীয়সী ।

জরয়ত্যাশু যা কোশং নিগীর্ণমনলো যথা ॥” ভা ৩।২৫।৩২-৩৩

গুণত্রয়োপাধিক ও শ্রুতিপুরাণাদিগমাচরিত দেবগণের মধ্যে সত্ত্ব অর্থাৎ স্বরূপশক্তিবৃত্তিভূতশুদ্ধসত্ত্বমূর্ত্তি শ্রীবিষ্ণুতে একমনা পুরুষের যে ফলাভিসন্ধিরহিতা স্বাভাবিকী বৃত্তি অর্থাৎ তদানুকূল্যাগ্ন্যাক জ্ঞানবিশেষ, তাহাই ভক্তি। ঐ ভক্তি সিদ্ধি অর্থাৎ মুক্তি হইতেও গরীয়সী। জঠরানল যেমন ভুক্ত অন্নকে জীর্ণ করে, ঐ ভক্তিও তদ্রূপ সত্ত্বর জীবকোশকে জীর্ণ করিয়া থাকে।

ভক্তি-লক্ষণোক্ত অনুশীলনশব্দের ভাবরূপ অর্থের ক্রোড়ীকরণে ভক্তির জ্ঞান-বিশেষত্বই সিদ্ধ হইতেছে। ভক্তিকে একবার জ্ঞানাবরণশূন্য বলিয়া আবার জ্ঞান-বিশেষ বলা অযুক্ত হয় নাই। ভাবরূপ বৃত্তি জ্ঞানই। জ্ঞান অন্তঃকরণের বৃত্তি, ভাবও তাহাই। (১) জ্ঞান দ্বিবিধ; বৃত্তিজ্ঞান ও ফলজ্ঞান। অন্তঃকরণ জেয় বস্তুর আকারে আকারিত হইলেই, তাহাকে বৃত্তিজ্ঞান বলা যায়, এবং তদনন্তর জেয় বস্তুর প্রকাশে যে বিচারজনিত জ্ঞান উৎপন্ন হয়, তাহাকেই ফলজ্ঞান বলা যায়। স্বপ্রকাশ বিষয়ী আত্মার জ্ঞানই বৃত্তিজ্ঞান এবং আত্মপ্রকাশ ঘটপটাদি বিষয়

(১) বৈষ্ণব দার্শনিকগণের মতে আত্মা জ্ঞান-স্বরূপ ও জ্ঞাতা। আত্মার জ্ঞাতৃত্ব স্বরূপ স্বরূপানুবন্ধি, কর্তৃত্বও তদ্রূপ স্বরূপানুবন্ধি। কর্তৃত্ব দ্বিবিধ। একটা স্বরূপানুবন্ধি অর্থাৎ আত্মানষ্ট বৈচিত্র্যবিশেষ, অপরটা বহিস্মুখ জীবের স্বরূপানুবন্ধি-অহঙ্কারের সহিত তাদাত্ম্যাপন্ন মায়াপরিণাম অহঙ্কারের কাষ্য। আত্মস্বরূপভূত অহঙ্কার মোক্ষদশাতে শুদ্ধাত্মস্বরূপে অভিব্যক্ত হয়, এবং অস্বরূপা-হঙ্কার সংসারদশায় প্রকৃতিপরিণামভূত অহঙ্কারের সহিত একীভূতাকারে প্রকাশ প্রাপ্ত হয়। মায়িক অহঙ্কার জাগ্রদশা ও স্বপ্নদশাতে বিশেষরূপে অবভাত হয়। সুষুপ্তিকালে মায়িক অহঙ্কার অজ্ঞানরূপ কারণে লয়প্রাপ্ত হইলে স্বরূপাহঙ্কার কিঞ্চিৎ অবভাত হয়। কিন্তু অসম্প্রজাত সমাধিকালে বা ভাবাণুবস্থাতে অর্থাৎ তুরীয়াবস্থায় উহা বিশেষাকারে প্রকাশ প্রাপ্ত হয়। আত্মস্বরূপাহঙ্কারনির্ভ

সকলের বিচারজনিত জ্ঞানই ফলজ্ঞান। বৃত্তিজ্ঞান বিচারনিরপেক্ষ অতএব স্বপ্রকাশ বলিয়া স্বাভাবিক এবং ফলজ্ঞান বিচারনিষ্পন্ন অতএব পরপ্রকাশ বলিয়া কৃত্রিম। নিশ্চল নির্বিষয় অন্তঃকরণ আত্মাকারে আকারিত হইলেই তাহাকে আত্মজ্ঞান বা বৃত্তিজ্ঞান বলা যায়। আত্মার ফলজ্ঞান হয় না। অন্তঃকরণ ঘটপটাদি বিষয়ের আকারে আকারিত হইলে, বুদ্ধিস্থ চিদাভাসকর্তৃক বিচার-পূর্বক ঘটপটাদিবিষয়ক অজ্ঞানের অপসারণদ্বারা যে জ্ঞান উৎপাদিত হয়,

শুদ্ধসত্ত্ববিশেষ ভাবরূপ বৃত্তিজ্ঞান বাখানদশায় বা সংসারদশায় অন্তঃকরণের বৃত্তির সহিত একীভূত হইয়া প্রকাশ পায় বলিয়া অজ্ঞ ব্যক্তির দৃষ্টিতে উহা জন্ম বা অনিত্য বলিয়া বোধ হইলেও প্রকৃত পক্ষে উহা জন্ম বা অনিত্য নহে। আনথাগ্রকেশব্যাপিনী আত্মানুভূতি অজ্ঞব্যক্তির দৃষ্টিতে দেহাণ্ডনতিরিক্ত জড়বৃত্তি বলিয়া প্রতীয়মান হইলেও শাস্ত্রানুসারে উহা যদ্রূপ দেহাণ্ডতিরিক্ত স্বপ্রকাশবস্তু, তদ্রূপ চিদানন্দময়ী ভাববৃত্তি প্রাকৃতান্তঃকরণবৃত্তির সহিত অভেদাকারে আকারিত হইলেও বস্তুতঃ অন্তঃকরণবৃত্তি হইতে অতিরিক্ত স্বপ্রকাশ চিন্ময় বস্তু। গ্রন্থকার প্রভূপাদ সাধারণ লৌকিক প্রতীতির অনুকরণে এ স্থলে আত্মনিষ্ঠ স্বপ্রকাশ ভাবরূপ-বৃত্তিকে স্বরূপভূত অন্তঃকরণের স্বাভাবিকীভূতি না বলিয়া অন্তঃকরণের স্বাভাবিকবৃত্তিরূপে নির্দেশ করিয়াছেন। সিদ্ধভক্তগণের বিদেহ-কৈবল্যপ্রাপ্তির সমকালে ভাগবতী তনুর অভিব্যক্তির সহিত পূর্বোক্ত আত্মস্বরূপ-ভূত অন্তঃকরণের স্বাভাবিকীভূতি যে প্রকাশ প্রাপ্ত হয় তাহা ভাগবতপরমহংসগণ অনুমোদন করেন। ভক্তিরসবিৎপণ্ডিতগণ ইহা বিশেষরূপে বিবেচনা করিয়া লইবেন। জ্ঞানবাদিগণ সাধারণতঃ জ্ঞানকে দুইভাগে বিভক্ত করেন। একটা স্বরূপজ্ঞান ও অপরটা অন্তঃকরণবৃত্তিরূপ অস্বরূপজ্ঞান। প্রথমটা নিত্যস্বপ্রকাশ ও দ্বিতীয়টা আত্মপ্রকাশ ও জন্ম। অন্তঃকরণ ইন্দ্রিয়রূপ প্রণালীদ্বারা ঘটাদি বিষয়দেশে গমনপূর্বক জ্ঞেয় ঘটাদিবিষয়াকারে আকারিত হইয়া তদগত অজ্ঞান নিবৃত্তি করে এবং অন্তঃকরণস্থ চিদাভাস সেই জ্ঞেয় বস্তুকে প্রকাশ করেন। উক্ত জ্ঞেয় ঘটাদিবিষয়গত অজ্ঞাননিবর্তিকান্তঃকরণবৃত্তিকে বৃত্তিজ্ঞান বলে ও জ্ঞেয় ঘটাদিবস্তুপ্রকাশক বুদ্ধিস্থ চিদাভাসকে ফলজ্ঞান বলে। এতদভিপ্রায়ে বেদান্ত শাস্ত্র—“বুদ্ধিতস্থচিদাভাসৌ দ্বাবপি ব্যাপ্নুতো ঘটম্। তত্রাজ্ঞানং ধিয়া নশ্যেদাভাসেন ঘটঃ স্মরেৎ ॥ (পঞ্চদশী) এইরূপ উপদেশ করিয়াছেন। কিন্তু যখন আত্মাকারা অন্তঃকরণবৃত্তি জন্মে, তখন বৃত্তিজ্ঞান কেবল আত্মবিষয়ক অজ্ঞাননিবর্তক হয়, আত্মাকে প্রকাশ করে না; কারণ আত্মা স্বপ্রকাশ চিন্ময় বস্তু। তাহাকে চিদাভাস কিরূপে প্রকাশ করিবে? এই নিমিত্ত বেদান্তাচার্য্য বলেন—“স্বপ্রকাশোহপি সাক্ষ্যেব ধীবৃত্ত্যা ব্যাপ্যতেহণ্ডবৎ।” “ফলব্যাপ্যত্ব-মেবাস্ত শাস্ত্রকৃষ্ণির্নিরাকৃতম্। ব্রহ্মণাজ্ঞাননাশায় বৃত্তিব্যাপ্তিরপেক্ষিতা” ॥ “স্বয়ং প্রকাশমানআত্মাভাস উপযুক্ত্যতে ॥” (পঞ্চদশী) ৭।২২।



তাহাকেই ফলজ্ঞান বলা যায়। ভাবরূপা অন্তঃকরণের স্বাভাবিকী বৃত্তি আবার পূর্বোক্ত স্বপ্রকাশ আত্মজ্ঞান হইতেও বিশেষ। আত্মজ্ঞান অন্তঃকরণের চিৎসত্তারূপা বৃত্তি; ভাব উহার চিৎসত্তাসাররূপা বৃত্তি। উহা আনুকূল্যাভা-  
ত্মিকা স্মৃতিরূপা—আনন্দরূপা বৃত্তি বলিয়াই উহাকে চিৎসত্তাসাররূপা বৃত্তি বলা হয়।

শ্রীভগবানের গুণাদি শ্রবণমাত্র তাঁহাতে যে অবিচ্ছিন্ন মনের প্রবাহরূপা গতি হয়, উহাই ভক্তি, উহাই ভাব। উহা শুদ্ধসত্ত্ববিশেষাত্মক অর্থাৎ ফ্লাদিনী-  
সমবেত-সম্বিসার; উহা প্রেমরূপ অংশুমালীর অংশ; উহা প্রেমের অঙ্কুর; উহা আনুকূল্য অর্থাৎ রুচি দ্বারা চিত্তের স্নিগ্ধতাসম্পাদক। উহার অপর নাম রতি।

শ্রীকৃষ্ণবিষয়িনী রতি যখন শ্রবণাদি কর্তৃক উপস্থাপিত বিভাব, অনুভাব ও সঞ্চারিত্য দ্বারা ব্যক্তীকৃত হয়, অর্থাৎ আন্বাদযোগ্যতা প্রাপ্ত হয় তখন ঐ ভাবকে বা রতিকে ভক্তিরস বলা যায়। ভক্তিরস সাকল্যে বারটি। তন্মধ্যে সাতটি গৌণ ও পাঁচটি মুখ্য। বীর, করুণ, অদ্ভুত, হাস্য, ভয়ানক, রোদ্র ও বীভৎস, এই সাতটি গৌণ ভক্তিরস। আর শাস্ত, দাস্ত, সখ্য, বাৎসল্য ও মধুর, এই পাঁচটি মুখ্য ভক্তিরস।

প্রত্যেক রসেরই এক একটি করিয়া স্থায়ী ভাব আছে। উৎসাহ, শোক, বিস্ময়, হাস, ভয়, ক্রোধ ও জুগুপ্সা, এই সাতটি বীরাদি সাতটি গৌণরসের স্থায়ী ভাব, এবং শাস্তি, দাস্ত, সখ্য, বাৎসল্য ও প্রিয়তা, এই পাঁচটি শাস্তাদি পাঁচটি মুখ্য রসের স্থায়ী ভাব। ঐ সকল স্থায়ী ভাবই শ্রবণাদিকর্তৃক উপস্থাপিত বিভাবাদি দ্বারা ব্যক্তীকৃত হইয়া রসরূপে পরিণত হয়। তন্মধ্যে যাহা দ্বারা ও যাহাতে স্থায়ী ভাবাদির আন্বাদন করা যায়, তাহার নাম বিভাব। বিভাব দ্বিবিধ:—আলম্বন ও উদ্দীপন। আলম্বন আবার বিষয় ও আশ্রয় ভেদে দুইপ্রকার। শ্রীকৃষ্ণ ভক্তিরসের বিষয়ালম্বন এবং তদীয় ভক্তগণ আশ্রয়ালম্বন। শ্রীকৃষ্ণের উদ্দেশে রতি উৎসারিত হয় বলিয়া শ্রীকৃষ্ণকে বিষয়ালম্বন বলা হয়, এবং ঐ রতি শ্রীকৃষ্ণভক্তগণকে আশ্রয় করিয়া থাকে বলিয়া শ্রীকৃষ্ণভক্তগণকে রতির আশ্রয়ালম্বন বলা হয়। যদ্বারা ভাবের উদ্দীপন হয়, তাহার নাম উদ্দীপনবিভাব। আলম্বনবিভাবের চেষ্টা, রূপ ও ভূষণাদি এবং দেশকলাদি ভাবের উদ্দীপন করে বলিয়াই ঐ সকলকে উদ্দীপনবিভাব বলা যায়। যাহা অন্তরস্থ ভাবকে বাহিরে প্রকাশ করে, তাহার নাম অনুভাব। অনুভাব মিশ্র ও সাত্ত্বিক ভেদে দ্বিবিধ। সঙ্ঘমাত্রোক্তব অর্থাৎ কেবল মানসিক অনুভাবের নাম

সাস্ত্রিক অনুভাব এবং কায়বায়ানসিক মিশ্রিত অনুভাবের নাম মিশ্র অনুভাব। নৃত্য, গীত ও হাস্য মিশ্র অনুভাব। স্তম্ভ, শ্বেদ, রোমাঞ্চ, স্বরভেদ, কম্প, বৈবর্ণা, অশ্রু ও মূর্ছা, এই আটটির নাম সাস্ত্রিক অনুভাব। আর যে সকল ভাব স্থায়ী ভাবে কখন উন্নয়ন ও কখন নিমগ্ন হইয়া ঐ ভাবের অভিযুখে সংকরণ করে, তাহাদিগকেই সঞ্চারী ভাব বা ব্যভিচারী ভাব বলা যায়। ব্যভিচারী ভাব নির্বেদাদি ভেদে তেত্রিশটি।

স্থায়িতাব্যাত্যা রতি আবার ঐশ্বর্যজ্ঞানমিশ্রা ও কেবলা ভেদে দ্বিবিধ। গোকুলে ঐশ্বর্যজ্ঞানশূন্য কেবলা রতি এবং পুরীদ্বয়ে ও বৈকুণ্ঠাদিতে ঐশ্বর্যজ্ঞানযুক্তা মিশ্রা রতি। ঐশ্বর্যজ্ঞানযুক্তা মিশ্রা রতিতে প্রেমের বৃত্তিসকল যথেষ্ট প্রসারতা লাভ করিতে না পারায় প্রেম সঙ্কুচিত হইয়া যায়। ঐশ্বর্যজ্ঞানশূন্য কেবলা রতিতে প্রেমের বৃত্তিসকল পরাক্রাণ লাভ করে বলিয়া ঐ প্রেমের সঙ্কোচ বা বিকাশ দৃষ্ট হয় না। উহা সদা একরূপেই অবস্থান করে। কেবলার রীতি এই যে, তিনি ঐশ্বর্য দেখিলেও মানেন না। মিশ্রা রতিতে শাস্ত ও দাস্ত রসে ঐশ্বর্যজ্ঞান কোন কোন স্থলে প্রেমের উদ্দীপক হয় এবং বাৎসল্য, সখ্যে ও মধুর রসে কোন কোন স্থলে প্রেমের সঙ্কোচক হয়। শ্রীকৃষ্ণ যখন দেবকী ও বসুদেবের চরণবন্দন করিলেন, তখন তাঁহারা তাঁহার পূর্বদৃষ্ট ঐশ্বর্য স্মরণ করিয়া মনে ভয় পাইলেন। অজ্ঞান শ্রীকৃষ্ণের ঐশ্বর্যদর্শনে ভীত হইয়া নিজের ধৃষ্টতার নিমিত্ত ক্রমা প্রার্থনা করিলেন। কৃষ্ণিণী দেবী শ্রীকৃষ্ণের পরিহাসবাক্যে ত্যাগভয়ে ভীত হইলেন। গোকুলে কিন্তু এইপ্রকার প্রেমের সঙ্কোচবিকাশাদি দৃষ্ট হয় না। ব্রজবাসীরা শ্রীকৃষ্ণের ঐশ্বর্য দেখিয়াও তাঁহা মনে স্থান দেন না। মাতা যশোদা শ্রীকৃষ্ণের ঐশ্বর্য দেখিয়াও তাঁহাকে আত্মজবোধে বন্ধন করিতেন। গোপবালকসকল শ্রীকৃষ্ণের ঐশ্বর্য দেখিয়াও তাঁহার স্কন্ধে আরোহণ করিতেন। গোপীগণ শ্রীকৃষ্ণকে কিতব অর্থাৎ শঠ বলিতেও কুণ্ঠিত হইতেন না। শ্রীরাধিকা শ্রীকৃষ্ণের স্কন্ধারোহণেও ইচ্ছা করিয়াছিলেন।

শাস্ত্যভক্তিরসের গুণ শ্রীকৃষ্ণনিষ্ঠা। এই রসের সচ্চিদানন্দমূর্ত্তি নরাকার পরব্রহ্ম, চতুর্ভুজ নারায়ণ, পরমাত্মা ও শাস্ত, দাস্ত, শুচি, বশী প্রভৃতি গুণসম্পন্ন শ্রীকৃষ্ণ বিষয়াবলম্বন। মমতারহিত, শ্রীভগবন্নিষ্ঠ, ভক্তিমার্গপ্রদর্শক সনকাদি আধিকারিক ভক্তসকল আশ্রয়ালম্বন। জ্ঞানিগণও মোক্ষবাসনা ত্যাগপূর্বক শ্রীকৃষ্ণভক্তের কৃপায় যদি ভক্তিবাসনাযুক্ত হইলেন, তবে তাঁহারাও আশ্রয়ালম্বন হইয়া থাকেন। পর্বতকাননাদিবাসী সাধুজনের সঙ্গ ও সিদ্ধক্ষেত্রাদি উদ্দীপন-

বিভাব। নাসাগ্রদৃষ্টি, অবধূতের শ্রায় চেষ্টা, নিশ্চিন্ততা, ভগবদ্ভেষজনে বিদ্বেষ-  
রাহিতা, ভগবদ্ভক্তজনেও ভক্ত্যাতিশয়োঁর অভাব, মৌন, জ্ঞানশাস্ত্রে অভিনিবেশ  
প্রভৃতি অনুভাব। প্রলয়বর্জিত অশ্রুপুলকাদি সাত্ত্বিক ভাব। নির্বেদ মতি ও  
ধৃতি প্রভৃতি সঞ্চারী ভাব।

দাস্যভক্তিরসের গুণ সেবা। এই রসের ঈশ্বর প্রভু সর্বজ্ঞ ও ভক্তবৎসল  
প্রভৃতি গুণাবিত শ্রীকৃষ্ণ বিষয়ালম্বন। মমতায়ুক্ত, গৌরবভাবময়, শ্রীভগবন্নিষ্ঠ,  
নিজ আচরণ দ্বারা অন্তের উপকারক, দাস্যসেবাপরায়ণ, অধিকৃতভক্ত, আশ্রিত-  
ভক্ত, পারিষদ ও অনুগামী এই চারিপ্রকার ভক্ত আশ্রয়ালম্বন। তন্মধ্যে ব্রহ্ম-  
শঙ্করাদি আধিকারিক দেবতারা অধিকৃতভক্ত। আশ্রিতভক্ত শরণ্য, জ্ঞানিচর ও  
সেবানিষ্ঠ ভেদে ত্রিবিধ। তন্মধ্যে কালিয় নাগ, মগধরাজ-জরাসন্ধ-কর্তৃক রুদ্ধ  
রাজগণ প্রভৃতি শরণ্য। প্রথমে জ্ঞানী থাকিয়া পরে, মোক্ষেচ্ছা ত্যাগপূর্বক  
যাঁহারা দাস্যে প্রবৃত্ত হইলেন, তাঁহারা ই জ্ঞানিচর। সনকাদি মুনিগণ এই বিভাগের  
অন্তর্গত। আর যাঁহারা প্রথম হইতেই সেবানিষ্ঠ হইলেন, তাঁহাদিগকে সেবানিষ্ঠ  
বলা যায়। চন্দ্রধ্বজ, হরিহর ও বহুলাশ্ব প্রভৃতি রাজগণ সেবানিষ্ঠ বলিয়া  
অভিহিত হইলেন। উদ্ধব, দারুক ও শ্রুতদেবাদি ক্ষত্রিয়গণ এবং উপনন্দ প্রভৃতি  
গোপগণ পারিষদ। পুরে সুচন্দ্র ও মণ্ডনাদি এবং ব্রজে রক্তক, পত্রক ও  
মধুকর্থাদি অনুগামী। ইহাঁদের মধ্যে যাঁহারা সপরিবার শ্রীকৃষ্ণের যথোচিত ভক্তি  
করিয়া থাকেন, তাঁহাদিগের নাম ধূর্যভক্ত; যাঁহারা শ্রীকৃষ্ণের প্রেমসীবর্গে অধিক  
আদরযুক্ত, তাঁহাদিগের নাম ধীরভক্ত; আর যাঁহারা শ্রীকৃষ্ণের কৃপালাভে  
গর্বিত থাকিয়া কাহারও অপেক্ষা রাখেন না, তাঁহারা ই বীরভক্ত। এই সকল  
সম্মমপ্রীতিযুক্ত ভক্তের মধ্যে শ্রীকৃষ্ণে গুরুত্ববুদ্ধিবিশিষ্ট প্রহ্লাদ ও শাম্বাদি শ্রীকৃষ্ণের  
পাল্য। উক্ত ভক্তসকল আবার নিত্যসিদ্ধ, সাধনসিদ্ধ ও সাধকভেদে ত্রিবিধ।  
শ্রীকৃষ্ণের অনুগ্রহ চরণধূলি ও মহাপ্রসাদ প্রভৃতি উদ্দীপনবিভাব। আজ্ঞা-  
পালনাদি অনুভাব। এই রসের তিনটি অবস্থা;—প্রেম, স্নেহ ও রাগ।  
তন্মধ্যে অধিকৃত ভক্তে ও আশ্রিত ভক্তে প্রেমপর্য্যন্ত স্থায়ী; পারিষদ ভক্তে স্নেহ  
পর্য্যন্ত স্থায়ী; পরীক্ষিত, দারুক ও উদ্ধবে রাগ পর্য্যন্ত দৃষ্ট হয়; ব্রজানুগ রক্ত-  
কাদিতে এবং পুরে প্রহ্লাদাদিতে সকলগুলিই দৃষ্ট হয়। এই রসে অযোগ, যোগ  
ও বিয়োগ এই তিনটি অবস্থা হয়। প্রথম দর্শনের পূর্বের অবস্থার নাম  
অযোগাবস্থা। দর্শনের পর যে বিচ্ছেদ, তাহার নাম বিয়োগাবস্থা। আর  
মধ্যাবস্থায় সঙ্কের নাম যোগাবস্থা। বিয়োগে অঙ্গে তাপ, ক্লেশতা, জাগরণ,

আলসনশূন্যতা বা অনবস্থা, অধীরতা, জড়তা, ব্যাধি, উন্মাদ, মুর্ছা ও মৃত্যু অর্থাৎ মৃত্যুতুল্য অবস্থা এই দশ দশা। অযোগে ঔৎসুক্যাদি এবং যোগে সিদ্ধি ও তুষ্টি প্রভৃতি দশা।

সখ্যভক্তিরসের গুণ সম্ভ্রমরাহিত্য। এই রসে বৈদগ্ধ, বুদ্ধিমত্তা, সুবেশ ও সুখিত্ব প্রভৃতি গুণযুক্ত শ্রীকৃষ্ণ বিষয়ালম্বন। মমতায়ুক্ত, বিশ্বাসভাবময়, শ্রীভগবন্নিষ্ঠ, নিজ আচরণ দ্বারা অন্তের উপকারক, সখ্যসেবাপরায়ণ, তদীয় সখাসকল আশ্রয়ালম্বন। সুহৃৎ, সখা, প্রিয়সখা ও প্রিয়নর্নসখা ভেদে ঐ আশ্রয়ালম্বন চতুর্বিধ। তন্মধ্যে যাঁহারাই শ্রীকৃষ্ণ হইতে বয়সে কিছু অধিক ও কিঞ্চিৎ বাৎসল্য-যুক্ত, তাঁহারাই সুহৃৎ। ব্রজে বলভদ্র, সুভদ্র ও মণ্ডলীভদ্র প্রভৃতি সুহৃৎ। যাঁহারাই শ্রীকৃষ্ণ হইতে বয়সে কিছু নূন ও কিঞ্চিৎ দাস্ত্রমিশ্র তাঁহারাই সখা। ব্রজে বিশাল, বৃষভ ও দেবপ্রস্থ প্রভৃতি সখা। যাঁহারাই বয়সে শ্রীকৃষ্ণের তুল্য, তাঁহারাই প্রিয়সখা। ব্রজে শ্রীদাম, সুদাম ও বসুদাম প্রভৃতি সখা। আর যাঁহারাই প্রেমসীরহস্তের সহায় ও শৃঙ্গারভাবশালী, তাঁহারাই প্রিয়নর্নসখা। সখে বাহ্যিক ক্রীড়া ও একশয্যায় শয়ন প্রভৃতি অনুভাব। অশ্রুপুলকাদি সমস্তই সাত্ত্বিক ভাব। হর্ষগর্বাদি সঞ্চারী ভাব। সখ্য-রতি উত্তরোত্তর বৃদ্ধি প্রাপ্ত হইয়া প্রেম, স্নেহ, প্রণয় ও রাগ এই চারিটি আখ্যা ধারণ করিয়া থাকে। পুরে অর্জুন, ভীমসেন ও শ্রীদামবিপ্র প্রভৃতি সখা। এই সখ্যরসেও দাস্ত্রের গায় বিয়োগে দশ দশা।

বাৎসল্য ভক্তিরসের গুণ স্নেহ। এই রসে কোমলাঙ্গত্ব, বিনয়, সর্বলক্ষণ-যুক্ত প্রভৃতি গুণবিশিষ্ট শ্রীকৃষ্ণ বিষয়ালম্বন। মমতায়ুক্ত, অনুগ্রাহ্যভাববস্ত অর্থাৎ শ্রীকৃষ্ণ আমাদের অনুগ্রহপাত্র এই প্রকার বুদ্ধিবিশিষ্ট, নিজ আচরণ দ্বারা অন্তের উপকারক, বাৎসল্যসেবাপরায়ণ পিতাদি গুরুজনসকল আশ্রয়ালম্বন। ঐ আশ্রয়ালম্বন ব্রজে ব্রজেশ্বরী, ব্রজরাজ, রোহিণী, উপনন্দ ও তৎপত্নী প্রভৃতি এবং পুরে দেবকী, কুন্তী ও বসুদেবাদি। হাস্ত, মৃদুমধুর বাক্য ও বালাচেষ্টাদি উদ্দীপন-বিভাব। মস্তকান্বেষণ, আশীর্বাদ ও লালনপালনাদি অনুভাব। স্তম্ভস্বৈদাদি সমস্ত ও স্তনদুগ্ধক্ষরণ এই নয়টি সাত্ত্বিক ভাব। হর্ষ ও শঙ্কা প্রভৃতি ব্যভিচারী ভাব। এই রতির প্রেম, স্নেহ ও রাগ এই তিনটি উত্তরোত্তর অবস্থা দৃষ্ট হইয়া থাকে। ইহাতেও বিয়োগে পূর্ববৎ দশটি দশা হয়।

মধুর ভক্তিরসের গুণ অঙ্গসঙ্গসুখদান। এই রসে রূপমাধুর্য, বেণুমাধুর্য, লীলামাধুর্য ও প্রেমমাধুর্যের আধারভূত নারকচূড়ামণি শ্রীকৃষ্ণ বিষয়ালম্বন।

মান করিয়া দুই উপবাসের পর রন্ধন ও ভোজন করিলেন। তীক্ষ্ণবুদ্ধি রাজমন্ত্রী সনাতন ভূঞার অতিরিক্ত আদর দেখিয়া সংশয়িতচিত্তে ভৃত্য ঈশানকে জিজ্ঞাসা করিলেন, “তোমার নিকট কি কিছু অর্থ আছে?” ঈশান আটটি মোহরের একটি গোপন করিয়া বলিল, “হাঁ, আমার নিকট সাতটি মোহর আছে।” সনাতন গোস্বামী কিছু বিরক্তির সহিত ঈশানকে বলিলেন, “মোহরগুলি আমাকে দাও।” পরে ঈশানের নিকট হইতে সাতটি মোহর লইয়া ভূঞাকে দিয়া মধুরবচনে বলিলেন, “আমার নিকট কয়েকটি মোহর আছে, এইগুলি লইয়া ধর্ম্য ভাদিয়া আমাকে পার করিয়া দাও। আমি রাজবন্দী, প্রকাশ্য রাজপথ দিয়া যাইতে পারিব না। আমাকে এই পর্বত পার করিয়া দিলে, তোমার বিশেষ পুণ্য হইবে।” ভূঞা হাসিয়া বলিল, “তোমার ভৃত্যের নিকট আটটি মোহর ছিল, তাহা আমি পূর্বেই বিদিত হইয়াছি। আমি আজ রাত্রে তোমাদের মারিয়া ঐ মোহরগুলি লইতাম। ভাল হইল, আমি হত্যাপাপ হইতে অব্যাহতি পাইলাম। তুমি অতি সুবোধ, আমি তোমার ব্যবহারে সন্তুষ্ট হইয়াছি, মোহর লইব না, তোমাদিগকে পর্বত পার করিয়া দিব।” সনাতন গোস্বামী বলিলেন, “তুমি যদি এই মোহরগুলি না লও, পথে অন্ত কেহ আমাদিগকে মারিয়া কাড়িয়া লইবে, এতএব তুমিই গ্রহণ কর, আমরাও নিরাপদে গমন করি।” ভূঞা সন্তুষ্ট হইয়া মোহরগুলি লইয়া চারিজন লোক সঙ্গে দিয়া সনাতন গোস্বামীকে রাতারাতি পর্বত পার করিয়া দিল। সনাতন গোস্বামী বনপথে নির্ঝিল্লি পর্বত পার হইয়া ভূঞার লোকদিগকে বিদায় দিলেন। পরে ঈশানকে জিজ্ঞাসা করিলেন, “তোমার নিকট আরও একটি মোহর আছে কি?” ঈশান উত্তর করিল, “আছে, পথথরচের জন্ত একটি মোহর সম্বল রাখিয়াছি।” সনাতন গোস্বামী বলিলেন, “ভালই করিয়াছ, তুমি এই মোহরটি লইয়া গৃহে ফিরিয়া যাও, আর আমার সঙ্গে যাওয়ার প্রয়োজন নাই।” ঈশান কাঁদিতে কাঁদিতে ফিরিয়া গেল। সনাতন গোস্বামীও ছিন্ন কন্থা ও করোয়া লইয়া নির্ভয়ে গমন করিতে লাগিলেন। তিনি চলিয়া চলিয়া সন্ধ্যার সময় হাজিপুরে আসিয়া একটি উদ্যানের ভিতর রাত্রিযাপনের মানস করিলেন। সনাতন গোস্বামীর গ্রামসম্বন্ধে ভগিনীপতি শ্রীকান্ত সেন গৌড়েশ্বরের আদেশে বার্ষিক দেয় ঘোটকের মূল্যস্বরূপ তিনলক্ষ টাকা লইয়া দিল্লীর পাতসাহকে দিতে যাইতেছিলেন। তিনি সম্প্রতি এই হাজিপুরের রাজপ্রাসাদেই অবস্থিতি করিতেছিলেন। তিনি প্রাসাদের উপর হইতে উদ্যানमध्ये সনাতন গোস্বামীকে দেখিয়া নামিয়া আসিলেন।

ছইজনে নিভূতে অনেক কথাবার্তা হইল। সনাতন গোস্বামী শ্রীকান্তকে নিজের কারামোচন বৃত্তান্ত সবিশেষ বলিলেন। শ্রীকান্ত সনাতন গোস্বামীকে সন্ন্যাসীর বেশ পরিত্যাগপূর্বক ভদ্রবেশ ধারণ করিয়া পুনর্বার রাজকার্যে নিযুক্ত হইতে বিশেষ অনুরোধ করিলেন। সনাতন গোস্বামী কিছুতেই স্বীকার করিলেন না। তখন শ্রীকান্ত তাঁহাকে অন্ততঃ ছই একদিনও হাজিপুরে থাকিতে বলিলেন। সনাতন গোস্বামী তাহাতেও সন্মত হইলেন না। শ্রীকান্ত সনাতন গোস্বামীর প্রবল বৈরাগ্যের বেগ অপ্রতিরোধ্য বুঝিয়া আর অধিক কথা বলিতে সাহস করিলেন না। তখন সনাতন গোস্বামী শ্রীকান্তকে বলিলেন, “তুমি আমাকে কোন সুযোগে সত্বর গঙ্গা পার করিয়া দাও, আমি আজই এখান হইতে চলিয়া যাইব।” শ্রীকান্ত অগত্যা অনেক অনুনয় বিনয় করিয়া একস্থানি কস্থল দিয়া তাঁহাকে তখনই নৌকাযোগে গঙ্গা পার করিয়া দিলেন। সনাতন গোস্বামী অবিশ্রান্ত চলিয়া বারাণসীধামে উপনীত হইলেন।

### সনাতনগোস্বামীর প্রভুর সহিত মিলন।

সনাতন গোস্বামী বারাণসীতে উপনীত হইয়া শুনিলেন, প্রভু শ্রীবৃন্দাবন হইতে বারাণসীতে প্রত্যাগমন করিয়াছেন এবং চন্দ্রশেখরের গৃহে অবস্থান করিতেছেন। শুনিয়াই তিনি চন্দ্রশেখরের ভবনে গমন করিলেন। তিনি দ্বারদেশে কাহাকেও না দেখিয়া দ্বারেই বসিয়া রহিলেন। সৰ্ব্বজ্ঞ প্রভু সনাতনের আগমন জানিতে পারিয়া চন্দ্রশেখরকে বলিলেন, “দ্বারে একজন বৈষ্ণব আসিয়াছেন, তুমি তাঁহাকে আমার নিকট লইয়া আইস।” চন্দ্রশেখর দ্বারদেশে আসিয়া সনাতন গোস্বামীকে দেখিলেন, কিন্তু তাঁহাকে বৈষ্ণব বলিয়া বোধ হইল না, সুতরাং ফিরিয়া গিয়া প্রভুকে বলিলেন, “কৈ, বৈষ্ণব ত দেখিলাম না।” প্রভু বলিলেন, “দ্বারদেশে কেহই নাই?” চন্দ্রশেখর বলিলেন, “একজন দরবেশ বসিয়া আছে।” প্রভু বলিলেন, “তাঁহাকেই লইয়া আইস।” চন্দ্রশেখর পুনর্বার যাইয়া সনাতন গোস্বামীকে প্রভুর নিকট লইয়া আসিলেন। সনাতন গোস্বামীকে চন্দ্রশেখরের সহিত আসিতে দেখিবামাত্র প্রভু স্বয়ং উঠিয়া আসিয়া তাঁহাকে আলিঙ্গন করিলেন। উভয়ের স্পর্শে উভয়েই প্রেমাবিষ্ট হইলেন। সনাতন গোস্বামী “প্রভু আমাকে স্পর্শ করিও না, আমাকে স্পর্শ করিও না” বলিতে লাগিলেন। প্রভু শুনিলেন না। ছইজনে গলাগলি

করিয়া অনেকক্ষণ রোদন করিলেন। তদর্শনে চন্দ্রশেখরের চমৎকার বোধ হইল। প্রভু সনাতন গোস্বামীকে লইয়া বারাণ্ডার উপর নিজের পার্শ্বে বসাইলেন। পরে তাঁহার কারামুক্তির কথা জিজ্ঞাসা করিলেন। সনাতন গোস্বামী অদ্যোপান্ত সমস্তই নিবেদন করিলেন। অনন্তর প্রভু বলিলেন, “প্রয়াগে তোমার ছই ভাইর সহিত আমার সাক্ষাৎ হইয়াছিল। তাঁহারা শ্রীবৃন্দাবনে গমন করিলেন, আমিও বারাণসীতে চলিয়া আসিলাম।” এই কথাই পর প্রভু চন্দ্রশেখর ও তপনমিশ্রকে সনাতনের পরিচয় দিলেন। তপনমিশ্র শুনিয়া সনাতন গোস্বামীকে নিমন্ত্রণ করিলেন। প্রভু চন্দ্রশেখরকে বলিলেন, “সনাতনকে ক্ষৌর করাইয়া বৈষ্ণবের বেশ করিয়া দাও।” চন্দ্রশেখর প্রভুর আদেশ অনুসারে সনাতন গোস্বামীকে ক্ষৌর ও গঙ্গাম্নান করাইয়া একখানি নূতন বস্ত্র প্রদান করিলেন। সনাতন গোস্বামী ঐ নূতন বস্ত্র গ্রহণ না করিয়া একখানি পুরাতন বস্ত্র প্রার্থনা করিলেন। প্রভু শুনিয়া আনন্দিত হইলেন। চন্দ্রশেখর সনাতন গোস্বামীকে তাঁহার ইচ্ছামত একখানি পুরাতন বস্ত্রই প্রদান করিলেন। সনাতন গোস্বামী ঐ বস্ত্রখানি ছইখণ্ড করিয়া একখণ্ড কোপীন ও অপরখণ্ড বহির্বাস করিলেন। ঐ দিবস সনাতন গোস্বামী তপনমিশ্রের গৃহেই প্রভুর শেষায় প্রাপ্ত হইলেন।

পরদিন প্রভু সনাতন গোস্বামীকে মহারাষ্ট্রীয় বিপ্রের সহিত পরিচয় করিয়া দিলেন। মহারাষ্ট্রীয় বিপ্র সনাতন গোস্বামীকে পাইয়া সানন্দে নিজগৃহে লইয়া ভিক্ষা করাইলেন। তিনি আরও বলিলেন, “সনাতন, তুমি যতদিন এই কাশী-ধামে থাকিবে, ততদিনই আমার গৃহে ভিক্ষা লইবে।” সনাতন গোস্বামী বলিলেন, “আমি মাধুকরী করিব, স্থূল ভিক্ষা লইব না।” সনাতন গোস্বামীর বৈরাগ্য দেখিয়া প্রভু অপার আনন্দ লাভ করিলেন। কিন্তু সনাতন গোস্বামীর গায়ের কঞ্চলখানি প্রভুর ভাল লাগিল না; বার বার কঞ্চলখানির দিকে দৃষ্টি করিতে লাগিলেন, মুখে কোন কথাই বলিলেন না। সনাতন গোস্বামী তাহা বুঝিতে পারিয়া কঞ্চলখানি ত্যাগ করাই মনস্থ করিলেন। তিনি মধ্যাহ্নসময়ে গঙ্গাতীরে যাইয়া দেখিলেন, এক বৈষ্ণব একখানি কাঁথা শুকাইতেছে। সনাতন গোস্বামী তাঁহার নিকট যাইয়া বলিলেন, “আপনি আমার এই কঞ্চলখানি লইয়া আপনার ঐ কাঁথাখানি আমাকে প্রদান করুন।” বৈষ্ণব ভাবিলেন, সনাতন গোস্বামী তাঁহাকে পরিহাস করিতেছেন। এই ভাবিয়া তিনি সনাতন গোস্বামীকে বলিলেন, “আপনি প্রবীণ লোক হইয়া আমাকে পরিহাস করিতেছেন কেন?”

সনাতন গোস্বামী বলিলেন, “আমি সত্যই বলিতেছি, আপনাকে পরিহাস করি নাই।” তখন সেই বৈষ্ণব নিজের কাঁথাখানি দিয়া সনাতন গোস্বামীর কঙ্কল-খানি লইলেন। সনাতন গোস্বামীও ঐ কাঁথাখানি গায়ে দিয়া প্রভুর নিকট আগমন করিলেন। প্রভু দেখিয়া বলিলেন, “সনাতন, তোমার কঙ্কল কোথা গেল?” সনাতন গোস্বামী আত্মোপাস্ত সমস্তই নিবেদন করিলেন। প্রভু শুনিয়া বলিলেন, “কৃষ্ণ তোমার বিষয়রোগ খণ্ডাইয়া উহার শেষ রাখিবেন কেন? তিন মুদ্রার কঙ্কল গায়ে দিয়া মাধুকরী করিতে দেখিলে, লোকে তোমাকে উপহাস করিত, অতএব প্রভু তোমার কঙ্কল রাখিলেন না।” এই কথা বলিয়া প্রভু প্রসন্ন হইয়া সনাতন গোস্বামীর প্রতি কৃপা ও শক্তিসঞ্চার করিলেন।

### সনাতনগোস্বামীর শিক্ষা।

সনাতন গোস্বামীর অসাধারণ বৈরাগ্য দেখিয়া প্রভু প্রসন্ন হইলেন। তিনি প্রসন্ন হইয়া তাঁহাকে যথেষ্ট কৃপাও করিলেন। তাঁহার কৃপায় সনাতন গোস্বামীর তত্ত্বজিজ্ঞাসায় অধিকার জন্মিল। পূর্বে যেরূপ রায় রামানন্দ তাঁহার কৃপায় তাঁহার প্রশ্নসকলের উত্তরদানে সমর্থ হইয়াছিলেন, সম্প্রতি সনাতন গোস্বামীও তদ্রূপ তাঁহার কৃপায় তাঁহার নিকট প্রয়োজনীয় বিবিধ বিষয়ের প্রশ্নকরণে সমর্থ হইলেন। সনাতন গোস্বামী দৈন্ত ও বিনয় সহকারে দস্তে তৃণধারণ পূর্বক প্রভুর চরণে পতিত হইয়া বলিতে লাগিলেন;—

“নীচজাতি নীচসঙ্গী পতিত অধম ।  
 কুবিষয়কূপে পড়ি গোঁয়াইলু জনম ॥  
 আপনার হিতাহিত কিছুই না জানি ।  
 গ্রাম্য ব্যবহারে পণ্ডিত তাই সত্য মানি ॥  
 কৃপাকরি যদি মোরে করিলে উদ্ধার ।  
 আপন কৃপাতে কহ কর্তব্য আমার ॥  
 কে আমি কেন আমায় জারে তাপত্রয় ।  
 ইহা নাহি জানি কেমনে যে হিত হয় ॥  
 সাধ্য-সাধন-তত্ত্ব পুছিতে না জানি ।  
 কৃপা করি সব তত্ত্ব কহত আপনি ॥”



সনাতন গোস্বামী বলিলেন, — “প্রভো, আমি বিষম বিষয়াক্রুপে পতিত হইয়া জীবন অতিবাহিত করিতেছিলাম, সাধ্যতত্ত্ব বা সাধনতত্ত্ব জিজ্ঞাসাতেও আমার অধিকার নাই। যদি কৃপা করিয়া উদ্ধার করিলেন, তবে বলুন, আমি কে? আমি যে প্রতিনিয়ত আধ্যাত্মিকাদি তাপত্রয়ে তাপিত হইতেছি, ইহারই বা কারণ কি? আমার কর্তব্য কি? কি করিলে, আমার হিত হয়?—এই সকল বিষয়, এবং এতদ্বিধি আরও যদি কিছু জানিবার প্রয়োজন থাকে, তাহাও, আমাকে উপদেশ করুন।”

“প্রভু কহে কৃষ্ণকৃপা তোমাতে পূর্ণ হয়।

সব তত্ত্ব জান তোমার নাহি তাপত্রয় ॥

কৃষ্ণশক্তি ধর তুমি জান তত্ত্বভাব।

জানি দার্ঢ্য লাগি পুছে সাধুর স্বভাব ॥

যোগ্যপাত্র হও তুমি ভক্তি প্রবর্তাইতে।

ক্রমে সব তত্ত্ব শুন কহিয়ে তোমাতে ॥

সনাতন গোস্বামীর প্রশ্ন শুনিয়া শ্রীমন্নহাপ্রভু বলিলেন,—“সনাতন, শ্রীকৃষ্ণ তোমাকে পূর্ণ কৃপা করিয়াছেন। তুমি সকল তত্ত্বই বিদিত আছে। তোমার ত্রিতাপও নাই। তুমি যে তত্ত্বজ্ঞ এবং তাপরহিত হইয়াও ঈদৃশ প্রশ্ন করিতেছ, তাহা কেবল তোমার বিদিত বিষয়ের দৃঢ়তাসম্পাদনের নিমিত্ত। সাধুদিগের স্বভাবই এই যে, তাঁহারা জ্ঞাত বিষয়ের দৃঢ়তাসম্পাদনের নিমিত্ত পুনঃ পুনঃ প্রশ্ন করিয়া থাকেন। তুমি ভক্তিগার্গ্যপ্রবর্তনের যোগ্যপাত্র। আমি তোমাকে ক্রমান্বয়ে সকল তত্ত্বই বলিতেছি শ্রবণ কর।”

“জীবের স্বরূপ হয় কৃষ্ণের নিত্যদাস।

কৃষ্ণের তটস্থশক্তি ভেদাভেদ প্রকাশ ॥

সূর্য্যাংশ কিরণ যৈছে অগ্নি জ্বালাচয়।

স্বাভাবিক কৃষ্ণের তিন শক্তি হয় ॥

কৃষ্ণের স্বাভাবিক তিন শক্তি পরিণতি।

চিহ্নক্তি জীবশক্তি আর মায়াশক্তি ॥”

যেমন সূর্যের আলোক, যেমন অগ্নির উষ্ণতা, তেমনি পরব্রহ্ম পরমেশ্বর শ্রীকৃষ্ণের স্বাভাবিকী শক্তি স্বীকৃত হইয়া থাকে। মণি ও মন্ডাদির শক্তির গায় শ্রীকৃষ্ণের ঐ স্বাভাবিকী শক্তিও অচিন্ত্যজ্ঞানগোচর। শ্রীকৃষ্ণের স্বাভাবিকী শক্তি প্রধানতঃ ত্রিবিধা; চিহ্নক্তি, জীবশক্তি, ও মায়াশক্তি। তন্মধ্যে চিহ্নক্তি

হইতে ধামপরিকরাতির, জীবশক্তি হইতে জীবসমূহের এবং মায়াশক্তি হইতে জগতের প্রকাশ হইয়া থাকে। অন্তরঙ্গ বা স্বরূপশক্তি চিহ্নিতরই নামান্তর। বহিরঙ্গা মায়াশক্তির নামান্তর। তটস্থশক্তি জীবশক্তির নামান্তর। জীবশক্তি নিজের স্বসংবেদন্য অর্থাৎ স্বপ্রকাশভাব হইতে বিচ্যুত ও অসমাক্‌প্রকাশ-স্বভাব হওয়াতেই তাঁহাকে স্বপ্রকাশস্বভাবা অন্তরঙ্গা শক্তি ও অপ্রকাশস্বভাবা বহিরঙ্গা শক্তির মধ্যবর্তিনী তটস্থশক্তি বলা হয়। ঐ তিন শক্তিই শক্তিমান শ্রীকৃষ্ণের আশ্রিত বলিয়া ভক্তপরিচায়। অতএব জীব শ্রীকৃষ্ণের নিত্যদাস। জীব, শ্রীকৃষ্ণের স্বরূপশক্তির ন্যায় তাঁহারই প্রকাশসামর্থ্য, অতএব তাঁহা হইতে অভিন্ন হইয়াও, নিজের মায়াধীনত্ব ও অগুত্বাদি হেতু, মায়াধীনত্ব ও বিভূত্বাদি গুণযুক্ত শ্রীকৃষ্ণ হইতে ভিন্ন। অতএব শ্রীকৃষ্ণের সহিত জীবের অচিন্ত্যভেদা-ভেদই জানিতে হইবে।

জগৎ জীবজড়াত্মক। এই জীবজড়াত্মক জগতে পরস্পর-বিভিন্ন-স্বভাব-সম্বিত দুইটি সামর্থ্য বা শক্তি পরিলক্ষিত হইয়া থাকে। একটি জীবসামর্থ্য, অপরটি জড়সামর্থ্য; একটি দেহী, অপরটি দেহ; একটি চিৎ অপরটি অচিৎ। জগতে সামর্থ্য দুইটি না হইয়া একটি হইলে, কেবল দেহী বা কেবল দেহ হইলে, আমি কে, এইরূপ প্রশ্ন উত্থিতই হইতে পারিত না। সামর্থ্য দুইটি হওয়াতেই, আমি কে, আমি দেহ না দেহী, এই প্রশ্নটি অনেকেরই মনে উত্থিত হইতে দেখা যায়। আবার শক্তি ও শক্তিমানের অচিন্ত্য ভেদাভেদ হইতেও, আমি কে, আমি শক্তি না শক্তিমান, এইরূপ একটি প্রশ্ন উত্থিত হইয়া থাকে। প্রথম প্রশ্নটির মীমাংসার নিমিত্ত, অর্থাৎ আমি দেহ না দেহী এই প্রশ্নটির মীমাংসার নিমিত্ত, দেহ ও দেহীর স্বরূপনির্ণয়ের প্রয়োজন হয়। দেহ গুণক্রিয়াত্মক এবং দেহী জ্ঞানেচ্ছাক্রিয়াত্মক। দেহের স্বরূপভূত বা মূলভূত গুণ ও ক্রিয়া আবার পরস্পরসাপেক্ষ। গুণ ব্যতিরেকে ক্রিয়া এবং ক্রিয়া ব্যতিরেকে গুণ প্রকাশ পায় না। পরস্পরসাপেক্ষ গুণ ও ক্রিয়াসকল লইয়াই দেহ। তন্মধ্যে গুণসকল দেহের উপাদান এবং ক্রিয়াসকল উহার নিমিত্ত; কারণ, গুণসকলের সংযোগবিয়োগেই দেহের উৎপত্তিবিনাশ দৃষ্ট হয়। এক মহীয়সী মায়াকেই আবার ঐ সকল গুণক্রিয়ার মূল বলিয়া স্বীকার করিতে হয়। কেহ কেহ এক মহীয়সী মায়াকে ঐ সকল গুণক্রিয়ার মূল না বলিয়া পরমাণুসমূহকেই ঐ সকল গুণক্রিয়ার মূল বলিয়া থাকেন, কিন্তু তাহা যত্নব হয় না; কারণ গুণক্রিয়ার মূল অণু না হইয়া বিভূ হওয়াই সঙ্গত।

গুণের জ্ঞানে দেশ কারণ। বাহু জগতের গুণ বহুপ্রকারে পরিবর্তিত হইতে পারে; কিন্তু প্রত্যেক পরিবর্তনেই ঐ সকল গুণ দেশবৃত্তিই অপেক্ষা করে। দেশবৃত্তিই ভিন্ন গুণের ধারণাই হয় না। আমরা গুণের পরিবর্তনের ধারণা করিতে পারি, কিন্তু দেশসম্বন্ধরহিত গুণ বৃত্তিতে পারি না। আমরা গুণাভাবের ধারণা করিতে পারি, কিন্তু দেশাভাব আমাদের বুদ্ধির অতীত। দেশাভাব বুদ্ধির অতীত হইলে, দেশের বিভূত্বও অবশ্য স্বীকার্য হইয়া উঠিল; কারণ, দেশকে বিভূ না বুঝিয়া অণু বৃত্তিতে হইলে, তদন্তে দেশের অভাবও বৃত্তিতে হয়। ক্রিয়ার সম্বন্ধেও ঐ একই কথা। ক্রিয়ার মূলও অণু না হইয়া বিভূ হওয়াই উচিত। ক্রিয়ার জ্ঞানে কাল কারণ। ক্রিয়া বহু প্রকারে পরিবর্তিত হইতে পারে; কিন্তু প্রত্যেক পরিবর্তনেই ঐ সকল ক্রিয়া কালবৃত্তিই অপেক্ষা করে। কালবৃত্তিই ভিন্ন ক্রিয়ার ধারণাই হয় না। আমরা ক্রিয়ার পরিবর্তনের ধারণা করিতে পারি, কিন্তু কালসম্বন্ধরহিত ক্রিয়া বৃত্তিতে পারি না। আমরা ক্রিয়াভাবের ধারণা করিতে পারি, কিন্তু কালাভাব আমাদের বুদ্ধির অতীত। কালাভাব বুদ্ধির অতীত হইলে, কালের বিভূত্বও অবশ্য স্বীকার্য হইয়া উঠিল; কারণ, কালকে বিভূ না বুঝিয়া অণু বৃত্তিতে হইলে, তদন্তে কালের অভাবও বৃত্তিতে হয়। বিভূত্বের স্মার্য নৈয়ত্য বা নিয়তপূর্ব-বৃত্তিও দেশ ও কালের অপর একটি লক্ষণ। দেশ গুণের নিয়তপূর্ববর্তী এবং কাল ক্রিয়ার নিয়তপূর্ববর্তী। দেশ গুণের নিয়তপূর্ববর্তী হইয়া গুণসকলের যোগপদ্যরূপ দৈনিকসম্বন্ধের ঘটক হয়; আর কাল ক্রিয়ার নিয়তপূর্ববর্তী হইয়া ক্রিয়াসকলের পারস্পর্যরূপ কালিকসম্বন্ধের ঘটক হয়। গুণ ও ক্রিয়া যেরূপ পরস্পরসাপেক্ষ, দেশও কাল তদ্রূপ পরস্পরসাপেক্ষ। কাল ব্যতিরেকে দেশের এবং দেশ ব্যতিরেকে কালের ধারণা করা যায় না। গুণকোভের নিমিত্ত্বরূপ কাল ব্যতিরেকে গুণের অপ্রকাশ হেতু তদাশ্রয় দেশ জ্ঞানের বিষয় হয় না এবং গতির বা অবস্থার উপাদান্বরূপ দেশ ব্যতিরেকে ক্রিয়ার অপ্রকাশ হেতু তদাশ্রয় কাল জ্ঞানের বিষয় হয় না। দেশ ও কাল পরস্পরবিভিন্ন গুণাংশের ও ক্রিয়াংশের সম্বন্ধঘটকরূপে পরস্পর-সম্বন্ধ-বিশিষ্ট জ্ঞেয়বস্তু সকলের সহিত জ্ঞানের বিষয়ীভূত হইয়া থাকে। জাতি যেরূপ ব্যক্তির সাহায্য ব্যতিরেকে জ্ঞানের বিষয় হয় না, দেশও তদ্রূপ গুণক্রিয়ার সাহায্য ব্যতিরেকে জ্ঞানের বিষয় হয় না। এইরূপ হইলেও জাতিজ্ঞান যেরূপ ব্যক্তি-জ্ঞানের নিয়তপরবর্তী ফল, দেশকালজ্ঞান তদ্রূপ গুণক্রিয়ার জ্ঞানের নিয়ত-

পরবর্তী ফল নহে, পরন্তু নিয়তপূর্ববর্তী মূল। ঐ দেশ ও কাল মণীয়সী  
 মায়াশক্তির দুইটি প্রাপ্ত। গুণাত্মক দেশ মায়াশক্তির অন্ত্যপ্রাপ্ত এবং ক্রিয়াত্মক  
 কাল উহার আত্মপ্রাপ্ত। মায়াশক্তির স্পন্দনজনিত গুণকোভ হইতেই কারণ-  
 বারির উৎপত্তি। ঐ কারণবারি ক্রমশঃ পরস্পন্দিত হইয়া স্পন্দনতারতম্যে  
 অংশতঃ মহাদাদি তত্ত্বসমূহের আকারে পরিণত হয়। পরে উক্ত মহাদাদি তত্ত্ব-  
 সকল স্বান্তর্নিহিত স্পন্দনাত্মক কালের প্রেরণায় চক্রাবর্তে আবর্তিত পরমাণু,  
 অণু বা দ্ব্যণুক ও ত্র্যসরেণু প্রভৃতি ভিন্ন ভিন্ন অবয়ব ধারণপূর্বক এই বিচিত্র  
 গুণময় বিশ্বব্রহ্মাণ্ড রচনা করিয়া থাকে। তাপ, অলোক, শব্দ, তড়িৎ ও বিভিন্ন-  
 গুণ-নাম-সম্বিত আকর্ষণসকল জড়া প্রকৃতির অন্তর্নিহিত একই স্পন্দনাত্মক  
 ক্রিয়াসামর্থ্যের প্রকাশভেদমাত্র। যে জড়শক্তির স্পন্দন হইতে এই বিচিত্র  
 জগতের উৎপত্তি, ঐ স্পন্দন ও জড়শক্তি একই তত্ত্ব কি না, ইহাই অতঃপর  
 বিবেচ্য। জড়বিজ্ঞান তর্কিত্যে অসমর্থ। তাপাদি বিভিন্ন প্রকাশসকল  
 জড়ের সহজ ধর্ম বা জড়াতীত কোন বস্তুর সামর্থ্যবিশেষের প্রেরণাজনিত  
 আগত্বক ধর্ম, তাহা জড়বিজ্ঞান নিরূপণ করিতে অক্ষম। অধ্যাত্ম বিজ্ঞান  
 বলেন,—তাপাদি বিভিন্ন প্রকাশসকল জড়ের সহজ ধর্ম নহে পরন্তু  
 জড়াতীত কোন বস্তুর সামর্থ্যবিশেষের প্রেরণাজনিত আগত্বক ধর্ম। অধ্যাত্ম-  
 বিজ্ঞানের এইরূপ বলিবাব হেতু আছে। পরমাণুতে যে ক্রিয়াশক্তি অনুমিত  
 হয়, তাহা পরমাণুতে থাকে না, পরমাণুদ্বয়ের মধ্যবর্তী অবকাশাত্মক দেশেই  
 থাকে। উহা জড় পরমাণুর ধর্ম নহে, কিন্তু জড়সত্তাপ্রকাশিকা চিহ্নিত্তি।  
 জড়ে ক্রিয়া করা ভিন্ন জড়ের সহিত উহার অপর কোন সর্ষক দেখা যায় না।  
 ক্রিয়া যে জড়ের সহজ ধর্ম নহে, ইহা অনুভবসিদ্ধ। ক্রিয়ার কারণ ইচ্ছা।  
 ঐ ইচ্ছাও আবার স্বয়ংসিদ্ধা নহে; কারণ, ইচ্ছার মূলে জ্ঞান অপরিহার্য।  
 অতএব জগতে জড়সামর্থ্যের ন্যায় জড়াতীত জ্ঞানেচ্ছাক্রিয়াত্মক জীবসামর্থ্যও  
 সিদ্ধ হইতেছেন।

প্রথম প্রশ্নটি মীমাংসিত হইল। অনন্তর দ্বিতীয় প্রশ্নটির মীমাংসার অবসর।  
 দেহী জীব শক্তি না শক্তিমান? ইহাই দ্বিতীয় প্রশ্ন। এই প্রশ্নটির মীমাংসার  
 নিমিত্ত প্রথমতঃ জিজ্ঞাস্য হইতেছে যে, দেহের সৃষ্টিস্থিতিনিয়মনাদির উপ-  
 পাদনার্থ জ্ঞানেচ্ছাক্রিয়াসম্বিত যে দেহী জীব স্বীকৃত হইলেন, তিনি সেই দেহের  
 সৃষ্টাদিকার্যে সমর্থ কি না? তিনি সমর্থ হইলে, আর তাহা হইতে অতিরিক্ত  
 জ্ঞানেচ্ছাক্রিয়াসম্বিত চিহ্নস্তর স্বীকারের প্রয়োজন হয় না। আর তিনি যদি

সমর্থ না হন, তবে তাঁহা হইতে অতিরিক্ত জ্ঞানেচ্ছাক্রিয়াসম্বিত চিহ্নস্ত বাধ্য হইয়াই স্বীকার করিতে হয়। অস্বাদাদি অণু-জীবের যে সৃষ্টাদিকর্তৃত্ব সম্ভব হয় না, তাহা সর্ববাদিসম্মত। এই নিমিত্তই বেদান্তসূত্রে অণুজীবের জগদব্যাপার বা জগৎকর্তৃত্ব অস্বীকৃত হইয়াছে। মায়াধীন অণুজীবের সৃষ্টাদিকর্তৃত্ব অসম্ভব বিধায় প্রকৃতির বিবিধ বৈচিত্র্যের অন্তরালে এক মায়াধীশ বিভূচৈতন্যের সত্তা স্বীকার করিতে হয়। তিনিই শক্তিমান্ পুরুষ, জীবজড়াঅুক-জগৎ তাঁহারই শক্তিবৈচিত্র্য। জীবাদিসর্বশক্তিসম্বিত সেই পুরুষই এই জীবজড়াঅুক জগতের সৃষ্টি করিয়াছেন এবং তিনিই এই সৃষ্টিজগতে অনুপ্রবিষ্ট হইয়া ইহার রক্ষণাবেক্ষণ করিতেছেন।

স্বয়ং ভগবান্ শ্রীকৃষ্ণই ঐ পুরুষ। তিনিই শক্তিবর্গের মূলাশ্রয়। তিনিই শক্তিমান্; শক্তিসকল তাঁহার বিশেষণ। তিনিই পরব্রহ্ম—পরমাত্মা। ব্রহ্ম বা পরমাত্মা তাঁহারই আবির্ভাবভেদে নামভেদমাত্র। তিনি সূর্য্যস্থানীয়। জীব-সকল তাঁহার মণ্ডলবহিষ্চরকিরণপরমাণুস্থানীয়। মণ্ডলবহিষ্চরকিরণপরমাণু-সকল যেমন স্বরূপতঃ সূর্য্যেরই অংশ বলিয়া সূর্য্য বলিয়াই গণ্য হইতে পারেন, তদ্রূপ অণু জীবাআসকলও বিভূ পরমাত্মারই শক্ত্যাংশ বলিয়া নিজাংশী পরমাত্মাকে লক্ষ্য করিয়া বলিতে পারেন, “সোহহম্”—আমি সেই বস্তু। কিরণ-পরমাণু-সকল যেমন সূর্য্যাংশ বলিয়া সূর্য্যের ত্রায় প্রকাশাদিধর্ম্মবিশিষ্ট, অণু জীবাআসকলও তদ্রূপ পরমাত্মার শক্ত্যাংশ বলিয়া পরমাত্মার ত্রায় জ্ঞানেচ্ছাক্রিয়াবিশিষ্ট। জীব যখন বহিস্মুখ অর্থাৎ বাহ্যবিষয়ের গ্রহণে উন্মুখ হইয়েন, তখন তাঁহার ক্রিয়াবৃত্তির প্রকাশ হয়। তিনি যখন অন্তমুখ অর্থাৎ বহিস্মুখতার পরিবর্তনে উন্মুখ হইয়েন, তখন তাঁহার ইচ্ছাবৃত্তির প্রকাশ হয়। আর তিনি যখন শাস্ত বা কৃষ্ণনিষ্ঠ হইয়েন, তখন তাঁহার জ্ঞানবৃত্তির প্রকাশ হয়। ঐ তিনটি বৃত্তি তাঁহার স্বাভাবিকী। তাঁহার অস্তিত্বের সহিত উক্ত বৃত্তিত্রয়ের অস্তিত্ব অবিচ্ছেদ্য। জীবের সত্তার সহিত উক্ত বৃত্তিত্রয়ের সত্তাও অবশ্য স্বীকার্য্য। জীবের সত্তা কেহই অস্বীকার করেন না। ‘আমি আছি’ ইহা কেহই অস্বীকার করেন না। ‘আমি নাই’ ইহা কেহই স্বীকার করিবেন না। কারণ, আত্মার সত্তা সকলতর্কের অতীত। উহা সর্বানুভবসিদ্ধ। উহা প্রমাণাস্তরের অপেক্ষা করে না। সকল প্রমাণই আত্মসত্তাসাপেক্ষ। আত্ম-সত্তা স্থির হইলে, উহার সঙ্গে সঙ্গেই উহার বৃত্তিত্রয়ের সত্তাও স্থির হইতেছে। কারণ, ‘আমি আছি’ এই জ্ঞান আত্মার জ্ঞানবৃত্তির প্রমাণ। ইচ্ছা ও ক্রিয়া

জ্ঞানেরই প্রকাশবিশেষমাত্র। অতএব আত্মাস্তিত্বের সহিত আত্মবৃত্তি জ্ঞান-  
দিরও অস্তিত্ব সিদ্ধ হইতেছে।

“কৃষ্ণ ভুলি সেই জীব অনাদি বহিমুখ।

অতএব মায়া তারে দেয় সংসার দুখ ॥

কভু স্বর্গে উঠায় কভু নরকে ডুবায়।

দণ্ডাজনে রাজা যেন নদীতে চুবায় ॥”

জীব স্বরূপতঃ জ্ঞানাদিসমম্বিত হইলেও, নিজের অণুত্ব ও বহিষ্চরত্ব হেতু  
বিভূ আশ্রয়তন্ত্রের জ্ঞানাভাব-প্রযুক্ত অনাদি কাল হইতে বহিমুখ অর্থাৎ পরতন্ত্র-  
বিমুখ। এই পরতন্ত্রবৈমুখ্যই জীবের ছিদ্র। এই ছিদ্র দ্বারাই মায়া তাঁহাতে  
প্রবেশ করিয়া থাকেন। মায়ার প্রবেশে জীবের স্বরূপজ্ঞান আবৃত হইয়া যায়।  
স্বরূপজ্ঞানের আবরণে তাঁহার কৃষ্ণবিশ্বুতি ঘটে। কৃষ্ণবিশ্বুতি ঘটিলেই মায়া  
জীবকে প্রকৃতিগুণদ্বারা বন্ধনপূর্বক দণ্ডাই ব্যক্তির ন্যায় বিবিধ সংসার-দুঃখ  
প্রদান করিয়া থাকেন। ইহাই জীবের তাপত্রয়ের কারণ।

শ্রীমদ্ভাগবতে উক্ত হইয়াছে,—

“ভয়ং দ্বিতীয়াভিনিবেশতঃ স্মা-

দীশাদপেতস্ম বিপর্যায়োহস্মৃতিঃ।

তন্মায়য়াতো বুদ্ধ আভজেৎ তং

ভক্ত্যৈক্যেশং গুরুদেবতাত্মা ॥” ভা ১১।২।৩৭।

সংসারচক্রে ভ্রমণকারী জীবের ঈশ্বরবৈমুখ্য স্বাভাবিক। এই স্বাভাবিক  
ঈশ্বরবৈমুখ্যই আবার তাহার মায়াধীনতার হেতু, অর্থাৎ জীব স্বভাবতঃ ঈশ্বর  
হইতে বিমুখ হইয়া মায়ার অধীন হইয়াছে। ঈশ্বরবিমুখ জীবকে মায়া আবরণ  
করিয়া থাকেন। মায়ার আবরণে জীবের ঈশ্বরবিশ্বুতি উপস্থিত হয়। ঈশ্বর-  
শ্বুতিবহির্ভূত হইলেই জীবের স্বরূপের জ্ঞানও অস্তহিত হইয়া যায়। আত্ম-  
স্বরূপের জ্ঞান অস্তহিত হইলে বিপর্যায় ঘটে। বিপর্যায় বলিতে স্থূল, সূক্ষ্ম ও  
কারণ এই ত্রিবিধ দেহে পর পর আত্মাভিমান ও তদনন্তর তাহাতে অভিনিবেশ।  
সঙ্কুণ্ডপ্রধান কারণশরীরে আত্মার জ্ঞানশক্তির প্রকাশ দর্শনে উহাতে অভি-  
নিবেশ জন্মিলেই জীবের কারণশরীর দ্বারা বন্ধন হয়। রজোগুণপ্রধান সূক্ষ্ম-  
শরীরে আত্মার ইচ্ছাশক্তির প্রকাশ দর্শনে উহাতে অভিনিবেশ জন্মিলেই  
জীবের সূক্ষ্মশরীর দ্বারা বন্ধন হয়। আর তমোগুণপ্রধান স্থূলশরীরে আত্মার  
ক্রিয়াশক্তির প্রকাশ দর্শনে উহাতে অভিনিবেশ জন্মিলেই জীবের স্থূলশরীর

দ্বারা বন্ধন হয়। উক্ত বন্ধনই জীবের তাপত্রয়ের মূল। অতএব জ্ঞানী ব্যক্তি দেহবন্ধনের ভয় হইতে মুক্তিলাভের নিগিত গুরুতে দেবতাবুদ্ধি ও প্রিয়তাবুদ্ধি সংস্থাপনপূর্বক অব্যাভিচারিণী ভক্তি দ্বারা পরমেশ্বরের উপাসনা করিবেন।

“সাধু-শাস্ত্র-কৃপায় যদি কৃষ্ণোন্মুখ হয়।

সেই ভীষ নিস্তারে মায়া তাহারে ছাড়য় ॥”

পরমেশ্বর জীবসকলের পরমাশ্রয় হইলেও জীবগণ পরমেশ্বর হইতে বিমুখ হইয়া পরমেশ্বরকেও ভুলিয়াছে এবং তাহার সঙ্গে সঙ্গেই আপনার জ্ঞানও হারাইয়াছে। এইরূপে উৎপন্ন যে আত্মবিষয়ক-অজ্ঞান তন্নিমিত্ত জীবসমাজে ‘আত্মা আছে’ ও ‘আত্মা নাই’ এই প্রকার বিভিন্ন মতবাদের আবির্ভাব হইয়াছে। উক্ত বিভিন্ন মতবাদের খণ্ডনার্থ জীবগণ পরম্পর ঘোরতর বিবাদ করিয়া থাকে। ঐ বিবাদ নিষ্ফল হইলেও, উহা সহসা নিবৃত্ত হয় না। তাদৃশ বিবাদের সহসা নিবৃত্তি হয় না বলিয়াই, তন্নিমিত্ত পরমকারুণিক সাধু ও শাস্ত্র-সকল তাঁহাদিগকে ‘বিবিধ উপদেশ প্রদান করিয়া থাকেন। ঐ সকল উপদেশ হইতে জীবগণ প্রথমতঃ ইহাই বিদিত করেন যে, তাঁহারা জ্ঞানেচ্ছাক্রিয়াশালী চিন্ময় পুরুষ এবং পরিদৃশ্যগান্ বাহ্যজগৎ জ্ঞানেচ্ছাক্রিয়ারহিত জড়বস্তু; কারণ, জ্ঞান, ইচ্ছা ও ক্রিয়া তাঁহাদেরই, জড়জগতের নহে। পরিশেষে তাঁহারা ইহাও বুঝিতে পারেন যে, কি পিণ্ডাণ্ড, কি ব্রহ্মাণ্ড যাহাতে অবস্থিত হইয়া বা যাহার সাহায্যে তাঁহারা জানিতেছেন বা ইচ্ছা করিতেছেন অথবা ক্রিয়া করিতেছেন, উহা তাঁহাদের আয়ত্তাধীন নহে, পরন্তু কোন এক অচিন্ত্যশক্তি পুরুষের শক্তি দ্বারা নিয়মিত। এইরূপে যখন আত্মার অবধিত্ব, দ্রষ্টৃত্ব, জাগ্রদাণ্ডবস্থার সাক্ষিত্ব ও প্রেমাস্পদত্ব এবং জগতের আগমাপায়িত্ব, দৃশ্যত্ব, সাক্ষাত্ব অর্থাৎ জাগ্রদাণ্ড-বস্থা-বিশিষ্টত্ব ও দুঃখাস্পদত্বের সহিত আত্মার আত্মা পরমাত্মার পরমাশ্রয়ত্ব অবধারিত হয়, তখনই তাঁহারা কৃষ্ণোন্মুখ করেন। যে জীব সৌভাগ্যক্রমে একবার কৃষ্ণোন্মুখ করেন, তিনি নিস্তার পাইয়া থাকেন।

শ্রীমদ্ভগবদ্গীতায় উক্ত হইয়াছে,—

“দৈবী হেমা গুণময়ী মম মায়া ছুরতায়।

মামেব যে প্রপদ্যন্তে মায়ামেতাং তরন্তি তে ॥” গী। ৭।১৪।

পরমেশ্বরের এই ত্রিগুণময়ী দৈবী মাতা ছুরতায়। যাহারা আমার শরণাগত হয়, তাহারা ইহাকে অতিক্রম করিয়া থাকে।

মায়ামুক্ত জীবের আপনা হইতেই শ্রীকৃষ্ণবিষয়ক জ্ঞান উৎপন্ন হইতে

পারে না। পারে না বলিয়াই শ্রীকৃষ্ণ জীবের প্রতি করুণা করিয়া বেদ ও তদর্থনির্গায়ক পুরাণশাস্ত্র প্রণয়ন করিয়াছেন। তিনি শাস্ত্ররূপে, আচার্য্যরূপে ও অন্তর্ধামিরূপে আপনাকে জ্ঞাপন করিয়া থাকেন। অতএব শাস্ত্র ও গুরু হইতেই জীবের শ্রীকৃষ্ণবিষয়ক জ্ঞান লাভ হইয়া থাকে। জীব শাস্ত্র ও গুরু হইতেই শ্রীকৃষ্ণকে প্রভু ও ত্রাণকর্তা বলিয়া বিদিত হইয়েন।

বেদশাস্ত্রে সঙ্কর, অভিধেয় ও প্রয়োজন এই তিনটি বিষয় উক্ত হইয়াছে। তন্মধ্যে গ্রন্থপ্রতিপাত্ত শ্রীকৃষ্ণ প্রাপ্য-বস্তু এবং তদ্বিষয়ক ভজনই তাঁহার প্রাপক বলিয়া শ্রীকৃষ্ণের সহিত ভক্তির প্রাপ্যপ্রাপকতালক্ষণ সঙ্কর। ঐ ভক্তি আবার সাধ্য ও সাধন ভেদে দ্বিবিধ। তন্মধ্যে শ্রবণকীর্তনাদি সাধনভক্তি সাক্ষাৎ কৃষ্ণপ্রাপ্তির সাধন হইয়েন না, কিন্তু সাধ্যভক্তিরূপ প্রেমদ্বারা পরম্পরায় কৃষ্ণপ্রাপ্তির সাধন হইয়েন। এই নিমিত্তই শ্রবণাদি সাধন ভক্তিকে অভিধেয় এবং প্রেমরূপ সাধ্যভক্তিকে প্রয়োজন বা পুরুষার্থ বলা হয়। প্রেম মহাধন, পুরুষার্থের শিরোমণি। প্রেম ধর্ম্মাদি চতুর্বিধ পুরুষার্থের শ্রেষ্ঠ পঞ্চম পুরুষার্থ। প্রেমরূপ পঞ্চম পুরুষার্থ দ্বারাই শ্রীকৃষ্ণের মাধুর্য্যসেবাসমুখ আনন্দের লাভ হইয়া থাকে। প্রেমের দুইটি কার্য্য। মধু শ্রীকৃষ্ণের সেবা করানই প্রেমের প্রথম কার্য্য, এবং সেবা করাইয়া শ্রীকৃষ্ণের সাস্বাদন করানই প্রেমের দ্বিতীয় কার্য্য। প্রেমের উক্ত কার্য্যদ্বয় আবার সম্পূর্ণ নিঃস্বার্থ; কারণ, শ্রীকৃষ্ণের মাধুর্য্য অনুভবের নিমিত্তই শ্রীকৃষ্ণের সাস্বাদন, এবং শ্রীকৃষ্ণের সেবানন্দ লাভের নিমিত্তই শ্রীকৃষ্ণের সেবা।

মায়ামুগ্ধ জীবের যেরূপ দুঃখের বিমোচন হয়, তদ্বিষয়ে একটি দৃষ্টান্ত প্রদর্শিত হইতেছে।

একদা এক দরিদ্রের গৃহে একজন সর্ব্বজ্ঞ আসিয়া জিজ্ঞাসা করিলেন, তুমি এত দুঃখী কেন? তোমার ঈদৃশ দুঃখভাগ করা উচিত হয় না। তোমার পিতা তোমার নিমিত্ত প্রচুর ধন রাখিয়াই জীবন ত্যাগ করিয়াছেন। ঐ ধন তোমার গৃহমধ্যেই প্রোথিত আছে। দক্ষিণদিক্ খনন করিলে, ধন পাইবে না, অনেক ভীমরুল ও বোলতা উঠিবে। পশ্চিমদিক্ খনন করিলে, ধন পাইবে না; কারণ ঐ দিকে এক যক্ষ আছে, সে ধন প্রাপ্তির পক্ষে বিঘ্ন উৎপাদন করিবে। উত্তরদিক্ খনন করিলেও, ধন পাইবে না; কারণ, ঐ দিকে এক অজগর সর্প আছে, সে তোমাকে গ্রাস করিবে। কিন্তু ঐ তিন দিক্ খনন না করিয়া যদি কেবল পূর্ব্বদিক্ অল্পমাত্র খনন কর, তাহা হইলেই ধন প্রাপ্ত হইতে পারিবে।



সর্বজ্ঞের বাক্যানুসারে দরিদ্র ব্যক্তি যেমন পিতৃধন প্রাপ্ত হইয়া দুঃখ হইতে মুক্ত হয়, তদ্রূপ শাস্ত্রবাক্যানুসারে কার্য্য করিয়া মায়ামুগ্ধজীব সংসার-দুঃখ হইতে মুক্ত হইয়া থাকে। শাস্ত্রসকল মায়ামুগ্ধ জীবকে যাহা উপদেশ করেন, তাহা নিম্নে প্রদর্শিত হইতেছে।

কর্ম্মমার্গই সংসারের দক্ষিণদিক্। কর্ম্মমার্গকে আপাততঃ সংসার-দুঃখ-নিবারণের উপায় বলিয়াই বোধ হয় বটে, কিন্তু প্রকৃতপক্ষে কর্ম্মদ্বারা সংসার-দুঃখ নিবারিত হইতে পারে না। কর্ম্ম সকাম। সকাম কর্ম্মের ফল অবশ্যস্বাভাবী। নিষিদ্ধ কর্ম্মের ফল নরকাদি দুঃখ। বিহিত কর্ম্মের ফল স্বর্গাদিসুখ। বিহিত কর্ম্মের ফল স্বর্গাদিসুখ হইলেও, ঐ সুখ চিরস্থায়ী নহে, উহারও নাশ আছে। অতএব বিহিত কর্ম্ম দ্বারাও দুঃখের আত্যন্তিকী নিবৃত্তি অসম্ভব। নিত্যকর্ম্মও ফলরহিত নহে। নিত্যকর্ম্মও চিত্তশুদ্ধি ও প্রত্যবায়নপরিহারের নিমিত্ত অনুষ্ঠিত হইয়া থাকে, এবং উহার অনুষ্ঠানেও শুদ্ধাদির অপেক্ষা আছে। অতএব নিত্য-কর্ম্মের অনুষ্ঠানকালেই দুঃখ অপরিহার্য্য। কর্ম্মের ফলসকল ভীমরুল ও বোলতার ঞ্চায় উত্থিত হইয়া কর্ম্মীকে দুঃখ প্রদান করিয়া থাকে। জ্ঞানমার্গই সংসারের উত্তর দিক্। ঐ জ্ঞানমার্গ ফলকামনারহিত হইলেও, ঐ মার্গে সাযুজ্য বা নির্ঝাণরূপ অজগরের বাস। জ্ঞানী সিদ্ধ হইলেই, সাযুজ্যরূপ অজগর উত্থিত হইয়া তাঁহাকে গ্রাস করিয়া থাকে। সাযুজ্যরূপ অজগরকর্তৃক গ্রস্ত জীব নিজের সত্তা পর্য্যন্ত হারাইয়া ফেলেন। অতএব সাধনকালে তিনি সমাধিতে যে ব্রহ্মানন্দ অনুভব করিতে থাকেন, তাহাও তাঁহার সিদ্ধিকালে থাকে না। অষ্টাঙ্গযোগই পশ্চিমমার্গ। ঐ মার্গে সিদ্ধিরূপ এক যক্ষ বাস করে। সে ধারণার সময়েই উত্থিত হইয়া সাধককে অভিভূত করিয়া ফেলে, আর অগ্রসর হইতে দেয় না। অতএব ঐ সিদ্ধিরূপ যক্ষের উপদ্রবে যোগসাধক ব্রহ্মানন্দলাভে বঞ্চিত হইয়া থাকেন। এই সকল কারণে কর্ম্ম, জ্ঞান ও যোগ ত্যাগ করিয়া পূর্বমার্গ-রূপ ভক্তির আশ্রয় গ্রহণ করাই কর্তব্য। ভক্তি ভুক্তিমুক্তিসিদ্ধিকামনাবর্জিত। ভক্ত কর্ম্মের ফল ভুক্তি, জ্ঞানের ফল মুক্তি ও যোগের ফল সিদ্ধি প্রভৃতি কোন কামনাই করেন না। ভক্ত নিকাম—ভক্তিমাত্রকাম। ভক্তি দ্বারাই শ্রীকৃষ্ণকে লাভ করা যায়। শ্রীকৃষ্ণ একমাত্র ভক্তিরই বশ।

শ্রীভগবান্ বলিয়াছেন,—

“বাধ্যমানোহপি মদ্বক্তো বিষয়ৈরজিতেন্দ্রিয়ঃ ।

প্রায়ঃ প্রগল্ভয়া ভক্ত্যা বিষয়ৈর্নাভিভূয়তে ॥

যথাগ্নিঃ সুসমিদ্ধাচ্চিঃ করোত্যোধাংসি ভস্মসাৎ ।  
 তথা মদ্বিষয়া ভক্তিরুদ্ধবৈনাংসি কৃৎস্নশঃ ॥  
 ন সাধয়তি মাং যোগো ন সাংখ্যং ধর্মু উদ্ধব ।  
 ন স্বাধ্যায়স্তপস্ত্যাগো যথা ভক্তির্মমোর্জিতা ॥  
 ভক্ত্যাহমেকয়া গ্রাহ্যঃ শ্রদ্ধয়াত্মা প্রিয়ঃ সতাম্ ।  
 ভক্তিঃ পুনাতি মল্লিষ্ঠা স্বপাকানপি সম্ভবাৎ ॥  
 ধর্ম সত্যদয়োপেতো বিদ্যা বা তপসাস্বিতা ।  
 মন্তুক্ত্যাপেতমাআনং ন চ সম্যক্ পুনাতি হি ॥”

ভা ১১।১৪।১৮-২২

হে উদ্ধব, উত্তম ভক্তের কথা দূরে থাকুক, কনিষ্ঠ ভক্ত যদি ইন্দ্রিয় জয় করিতে না পারিয়া বিষয়ভোগে আকৃষ্ট হয়েন, তথাপি বলবতী ভক্তির প্রভাবে সেই বিষয়ভোগ তাঁহাকে অভিভূত করিতে পারে না। যেমন প্রজ্বলিত অগ্নি কাষ্ঠসকলকে ভস্মাবশেষ করে, সেইরূপ ভক্তি প্রারকপর্ঘ্যস্ত সমস্ত কর্মকেই নাশ করিয়া থাকে। অষ্টাঙ্গযোগ, জ্ঞান, অধ্যয়ন, তপস্যা ও ত্যাগ আমাকে বলবতী ভক্তির হ্রায় বশীভূত করিতে পারে না। আমি একমাত্র শ্রদ্ধাপূর্ব্বিকা ভক্তির গ্রাহ্য। আমি ভক্তের প্রিয় আত্মা। মল্লিষ্ঠা ভক্তি চণ্ডালকেও জাতিদোষ হইতে পবিত্র করিয়া থাকে। সত্যদয়াদিযুক্ত ধর্ম ও তপস্বাস্বিত-জ্ঞান ভক্তিহীন পুরুষকে সম্যক্ পবিত্র করিতে পারে না।

“অহং ভক্তপরাধীনো হৃষ্মতন্ন ইব দ্বিজ ।

সাধুভির্গ্রাস্তহৃদয়ো ভূক্তে ভক্তজনপ্রিয়ঃ ॥ ভা ১২।৪।৬৩ ।

ময়ি নির্বদ্ধহৃদয়াঃ সাধবঃ সমদর্শিনঃ ।

বশে কুৎসন্তি মাং ভক্ত্যা সংস্রিয়ঃ সংপতিং যথা ॥” ভা ১২।৪।৬৬ ।

আমি ভক্তাধীন ; ভক্তের নিকট আমার স্বাধীনতা থাকে না। আমি ভক্তজনপ্রিয় ; ভক্ত সকল আমার হৃদয়কে অধিকার করিয়া থাকেন। সাধবী স্ত্রী যেমন সাধু পতিকে বশীভূত করে, তেমনি আমাতে বদ্ধহৃদয় সমদর্শী ভক্ত-সকল আমাকে বশীভূত করিয়া থাকেন।

“ভক্তিরেবৈনং নয়তি, ভক্তিরেবৈনং দর্শয়তি, ভক্তিবশঃ পুরুষো ভক্তিরেব ভূয়সী ।” সন্দর্ভপ্রমাণিতশ্রুতিঃ

“বিজ্ঞানঘনানন্দঘনা সচ্চিদানন্দৈকরসে ভক্তিবোগে তিষ্ঠতি ।” গোপালতাপনীশ্রুতিঃ

ভক্তিই শ্রীকৃষ্ণের ধামে লইয়া যান, ভক্তিই শ্রীকৃষ্ণকে দর্শন করান। শ্রীকৃষ্ণ ভক্তিরই বশ। ভক্তিই সর্বসাধনশ্রেষ্ঠা।

বিজ্ঞানরূপা ও আনন্দরূপা শ্রীকৃষ্ণমূর্তি একমাত্র ভক্তিযোগ দ্বারাই দর্শনীয়।

ভক্তিই একমাত্র শ্রীকৃষ্ণপ্রাপ্তির উপায় বলিয়া বেদে ভক্তিকেই অভিধেয় বলিয়াছেন, অর্থাৎ কর্তব্য বলিয়া নির্দেশ করিয়াছেন। যেমন ধনের লাভে সুখভোগরূপ ফলের লাভ ও তাহার সঙ্গেই দুঃখের নিবৃত্তি হয়, তেমনি ভক্তির লাভে প্রেমরূপ ফলের লাভ ও তন্নাভে কৃষ্ণরসাস্বাদের সহিত সংসারদুঃখের নিবৃত্তি হইয়া যায়। প্রেমসুখই ভক্তির মুখ্যফল এবং দুঃখনিবৃত্তি উহার আনু-ষঙ্গিক ফল। অতএব দুঃখনিবৃত্তি জীবের প্রয়োজন নহে, প্রেমই প্রয়োজন অর্থাৎ পুরুষার্থ।

### সম্বন্ধতত্ত্ব।

প্রাপ্য শ্রীকৃষ্ণই বেদশাস্ত্রের সম্বন্ধ অর্থাৎ প্রতিপাত্ত বিষয়; কর্তব্য শ্রবণাদি-সাধনভক্তি অভিধেয় অর্থাৎ বক্তব্য বিষয়; তার ভক্তিফলরূপ প্রেমই প্রয়োজন অর্থাৎ পুরুষার্থ। শ্রীকৃষ্ণ এবং তৎপ্রাপ্তির গৌণসাধন শ্রবণাদিভক্তি ও মুখ্য-সাধন প্রেমই বেদাদি শাস্ত্রের প্রধান সম্বন্ধ, অভিধেয় ও প্রয়োজন। ঐ তিনের জ্ঞান হইলে, মায়াবন্ধন আপনা হইতেই বিশ্লিষ্ট হইয়া যায়। শ্রীকৃষ্ণের সহিত বেদের মুখ্য-সম্বন্ধ পদ্মপুরাণেও উক্ত হইয়াছে;—

“ব্যামোহায় চরাচরশ্চ জগত্শ্চে তে পুরাণাগমা-  
স্তাং তামেব হি দেবতাং পবমিকাং জল্পন্ত কল্পাবধি।  
সিদ্ধান্তে পুনরেক এব ভগবান্ বিষ্ণুঃ সমস্তাগম-  
ব্যাপারেষু বিবেচনব্যতিকরং নীতেষু নশ্চীয়তে ॥”

পাদ্মে পাতালখ ২৩।২৬

চরাচর জগতের মোহনার্থ বিবিধ পুরাণ ও আগম বিরচিত হইয়াছে, তন্ত-মিক্রপিত দেবতাসকলও ঈশ্বর বলিয়া স্বীকৃত হইতেছেন; কল্পকাল পর্য্যন্ত এইরূপই হউক, তাহাতে বিশেষ কোন ক্ষতি দেখা যায় না; কারণ, নিখিল শাস্ত্রের বিচারপ্রসঙ্গে যে সিদ্ধান্তে উপনীত হওয়া যায়, তাহাতে একমাত্র বিষ্ণুই সর্বেশ্বর বলিয়া নিশ্চিত হয়েন।

বেদবাক্যসকল গৌণবৃত্তি ও মুখ্যবৃত্তি দ্বারা এবং অম্বয়সম্বন্ধ ও ব্যতিরেক-সম্বন্ধ দ্বারা একমাত্র শ্রীকৃষ্ণকেই নির্দেশ করিয়া থাকেন। বেদের সমস্ত প্রতিজ্ঞাই শ্রীকৃষ্ণপর্যাবসায়িনী।

শ্রীভগবান্ বলিয়াছেন,—

“কিং বিধন্তে কিমাচষ্টে কিমনুত্ত বিকল্পয়েৎ ।  
ইত্যশ্চা হৃদয়ং লোকে নাশ্তো মদবেদ কশ্চন ॥  
মাং বিধন্তেহভিধন্তে মাং বিকল্প্যাপোহতে হৃহম্ ।  
এতাবান্ সর্ববেদার্থঃ শব্দ আস্থায় মাং ভিদাম্ ।  
মায়ামাত্রমনুষ্ঠাস্তে প্রতিষিধ্য প্রসীদতি ॥”

ভা ১১।২১।৪২-৪৩

শ্রুতি কর্মকাণ্ডে বিধিবাক্যদ্বারা কাহার বিধান করেন, দেবতাকাণ্ডে মন্ত্র-বাক্যদ্বারা কাহার অভিধান করেন, এবং জ্ঞানকাণ্ডে কাহাকে অনুবাদ করিয়া বিকল্প অর্থাৎ তর্ক করেন, এই সকল অভিপ্রায় আমি ভিন্ন অন্য কেহই জানে না। শ্রুতি আমাকেই যজ্ঞরূপে বিধান করেন, আমাকেই দেবতারূপে অভিধান করেন, এবং আমাকেই তর্ক করিয়া নিরাকরণ করিয়া থাকেন। ইহাই সমস্ত বেদের তাৎপর্য। বেদ আমাকেই আশ্রয় করিয়া, প্রথমতঃ মায়ামাত্র-জগতের নিষেধপূর্বক, মধ্যে আমার অবতারাধিকারে ভেদের অনুবাদ করণানন্তর, অস্তে, অক্ষুরগত রস যেমন কাণ্ডশাখাদিতে প্রসূত হয়, তেমনি, প্রণবার্থভূত একমাত্র শ্রীকৃষ্ণই সমস্ত কাণ্ডশাখাদিতে অনুস্থিত বলিয়া, নিবৃত্ত হইয়া থাকেন।

শ্রীকৃষ্ণের স্বরূপ অনন্ত অর্থাৎ কালিকপরিচ্ছেদরহিত বা বিভূ, দৈশিক-পরিচ্ছেদরহিত বা নিত্য এবং বৃষ্পপরিচ্ছেদরহিত বা পূর্ণ। তাঁহার বৈভবও অনন্ত। সৎ, চিৎ ও আনন্দই তাঁহার স্বরূপ। শক্তি ও শক্তিকার্য্য সকলই তাঁহার বৈভব। তাঁহার শক্তিসকল প্রধানতঃ ভাগত্রেয় বিভক্ত হইয়া থাকেন। উক্ত ভাগত্রেয় যথা,—চিচ্ছক্তি, মায়াশক্তি ও জীবশক্তি। চিচ্ছক্তি তাঁহার স্বরূপে-রই অন্তর্গত অর্থাৎ বাচক বলিয়া চিচ্ছক্তিকে স্বরূপশক্তি বা অন্তরঙ্গশক্তিও বলা যায়। মায়াশক্তি তাঁহার স্বরূপে না থাকিয়া তাঁহার স্বরূপের বাহিরে অর্থাৎ স্বরূপবহিষ্চর জীবশক্তিতেই থাকিয়া তাঁহার স্বরূপের লক্ষক হয়েন বলিয়া মায়াশক্তিকে বহিরঙ্গশক্তিও বলা হয়। আর জীবশক্তি তাঁহার স্বরূপ-শক্তি ও মায়াশক্তির মধ্যবর্তিনী বলিয়া অর্থাৎ তাঁহার স্বরূপশক্তির এবং মায়া-শক্তির সঙ্গে থাকিয়া স্বরূপের লক্ষক হয়েন বলিয়া জীবশক্তিকে তটস্থশক্তিও

বলা যায়। বৈকুণ্ঠ ও ব্রহ্মাণ্ড সকল তাঁহার শক্তিকার্য্য। তন্মধ্যে বৈকুণ্ঠ তাঁহার স্বরূপশক্তির কার্য্য এবং ব্রহ্মাণ্ডসকল তাঁহার জীবশক্তি ও মায়ীশক্তির কার্য্য। স্বরূপ, শক্তি ও শক্তিকার্য্য এই তিনের তিনিই একমাত্র আশ্রয়।

শ্রীমদ্ভাগবতের দশমস্কন্ধের টীকার মঙ্গলাচরণে শ্রীধরস্বামিপাদ বলিয়াছেন,—

“দশমে দশমং লক্ষ্যমাশ্রিতাশ্রয়বিগ্রহম্।

ক্রীড়দ্যত্ৰকুলাস্তোধৌ পরমানন্দমুদীৰ্য্যতে ॥”

দশমস্কন্ধে শক্তিরূপ ভক্তগণের আশ্রয়-স্বরূপ-বিগ্রহধারী পরমানন্দময় যত্ৰ-কুলাগরে ক্রীড়াপরায়ণ শ্রীকৃষ্ণরূপ দশম লক্ষ্যবস্তু বর্ণিত হইতেছেন।

অতঃপর, শ্রীকৃষ্ণের স্বরূপ বিচার করিতেছি, শ্রবণ কর। যিনি ব্রজে ব্রজেন্দ্র-নন্দন শ্রীকৃষ্ণ, তিনিই অদ্বয় জ্ঞানতত্ত্ব। তিনি সকলের আদি, সকলের অংশী। তিনি কিশোরশেখর। তিনি চিদানন্দবিগ্রহ, সৰ্ব্বাশ্রয় ও সৰ্ব্বেশ্বর।

ঈশ্বরঃ পরমঃ কৃষ্ণঃ সচ্চিদানন্দবিগ্রহঃ।

অনাদিরাদির্গৌবিন্দঃ সৰ্ব্বকারণকারণম্ ॥” ব্রহ্মসং ৫।১

শ্রীকৃষ্ণ পরমেশ্বর অর্থাৎ সৰ্ব্বশক্তিপরিপূর্ণ, সুন্দর-স্বপ্রকাশ-সুখমূর্তি, গোপাল-নীল, যাদবদিগের অগ্রাহ অর্থাৎ দেবতা, ব্রজবাসীদিগের গ্রাহ অর্থাৎ নিজজন এবং কারণসকলেরও কারণ।

“এতে চাংশকলাঃ পুংসঃ কৃষ্ণস্ত্ব ভগবান্ স্বয়ম্।

ইন্দ্রারিব্যাকুলং লোকং মৃড়য়ন্তি যুগে যুগে ॥” ভা ১।৩।২৮

ইতিপূর্বে যে সকল অবতারের নাম কীর্তিত হইল, এবং পরেও যে সকল অবতারের নাম কীর্তিত হইবে, তাঁহাদিগের কেহ বা পুরুষের অংশ, কেহ বা পুরুষের কলা; কিন্তু বিংশতিতম অবতारे যাঁহার নামোল্লেখ হইল, সেই কৃষ্ণ ভগবান্, পুরুষের অংশ বা কলা নহেন, অংশী। নারায়ণও ভগবান্, অতএব পুরুষের অংশী, ইহা সত্য, কিন্তু নারায়ণ স্বয়ং ভগবান্ নহেন; শ্রীকৃষ্ণ স্বয়ং ভগবান্, অর্থাৎ নারায়ণের ভগবত্তা শ্রীকৃষ্ণের ভগবত্তা হইতে সিদ্ধ বলিয়া গৌণ এবং শ্রীকৃষ্ণের ভগবত্তা স্বয়ংসিদ্ধ বলিয়া মুখ্য জানিতে হইবে। পূর্বোক্ত অবতারসকল যুগে যুগে অনুরগণ কর্তৃক উপক্রমিত লোকসকলকে সুখী করিয়া থাকেন।

অদ্বয় জ্ঞানতত্ত্বই শ্রীকৃষ্ণের স্বরূপ। অদ্বয়-জ্ঞানতত্ত্ব-স্বরূপ শ্রীকৃষ্ণই জ্ঞানীর সম্বন্ধে জীবাতিরিক্ত-বিশেষণ-প্রকাশ-রহিত শুদ্ধ বিশেষ্যরূপ ব্রহ্মস্বরূপে, যোগীর

সম্বন্ধে অন্তর্ধামিত্বাদি-মায়িক-বিশেষণ-প্রকাশ-যুক্ত পরমাত্মস্বরূপে ও ভক্তের সম্বন্ধে সর্বশক্তিসমন্বিত শ্রীভগবদ্রূপে প্রকাশ পাইয়া থাকেন।

“বদন্তি তত্ত্ববিদস্তত্ত্বং যজ্জ্ঞানমদ্বয়ম্।

• ব্রহ্মেতি পরমায়েতি ভগবানিতি শব্দ্যতে ॥” ভা।১।২।১১

তত্ত্ববিদগণ অদ্বয় জ্ঞানকে তত্ত্ব বলেন। ঐ অদ্বয়-জ্ঞানরূপ-তত্ত্ব নির্বিশেষ-রূপে প্রকাশ পাইলে, জ্ঞানিগণ তাঁহাকে ব্রহ্ম বলেন; অন্তর্ধামিরূপে প্রকাশ পাইলে, যোগিগণ তাঁহাকে পরমাত্মা বলেন; আর সর্বশক্তিসমন্বিতরূপে প্রকাশ পাইলে, ভক্তগণ তাঁহাকে ভগবান্ বলেন।

নির্বিশেষ-প্রকাশ-রূপ ব্রহ্ম শ্রীকৃষ্ণের অঙ্গকাস্তি। সূর্য্য যেমন লোক-দৃষ্টিতে জ্যোতির্স্বরূপেই দৃষ্ট হয়েন, মূর্তরূপে দৃষ্ট করেন না, শ্রীকৃষ্ণও তদ্রূপ জ্ঞানীর জ্ঞানে জ্যোতীরূপেই দৃষ্ট করেন, মূর্তরূপে দৃষ্ট করেন না।

“যশ্চ প্রভা প্রভবতো জগদণ্ডকোটি

কোটিষশেষবস্তুদাদিবিভূতিভিন্নম্।

তদ্ব্রহ্ম নিষ্কলমনস্তমশেষভূতং

গোবিন্দমাদিপুরুষং তমহং ভজামি ॥” ব্রহ্মসং।৫।৪০

যিনি কোটি কোটি ব্রহ্মাণ্ডে অশেষ-বস্তুদাধি-বিভূতি-ভেদে ভিন্ন হইয়াছেন, সেই নিষ্কল, অনন্ত ও অশেষভূত ব্রহ্ম যে প্রভুর অঙ্গকাস্তি, আমি সেই আদি-পুরুষ গোবিন্দকে ভজন করি।

পরমাত্মা শ্রীকৃষ্ণের এক অংশ। শ্রীকৃষ্ণ স্বয়ং আত্মারও আত্মা, সর্বশ্রেষ্ঠ।

• “কৃষ্ণমেনমবেহি ত্বমাত্মানমখিলাত্মনাম্।

জগদ্ধিতায় সৌপ্যত্র দেহীবাভাতি মায়য়া ॥” ভা।১০।১৪।৫৫

এই কৃষ্ণকে তুমি আত্মার আত্মা বলিয়া বিদিত হও। তিনি তথাবিধ হইয়াও, জগতের হিতার্থ যোগমায়াদ্বারা দেহধারী জীবের ত্রায় প্রকাশ পাইতেছেন।

“অথবা বহুর্নৈতেন কিং জ্ঞাতেন তবার্জুন।

বিষ্টভ্যাহমিদং কৃৎস্নমেকাংশেন স্থিতো জগৎ ॥” গী।১০।৪২

অথবা, হে অর্জুন, তোমার এত অধিক জানিবার প্রয়োজন কি? আমি একাংশ দ্বারা অর্থাৎ আমার একাংশরূপ পরমাত্মা দ্বারা এই সমস্ত জগৎ ব্যাপিয়া অবস্থিতি করিতেছি।

জ্ঞানযোগাদি দ্বারা শ্রীভগবানের বিশেষ বিশেষ শক্তিসমন্বিত আবির্ভাবের

অনুভব হয়, কিন্তু ভক্তির দ্বারা তাঁহার পরিপূর্ণ সর্বশক্তিসম্বিত স্বরূপের অনুভব হইয়া থাকে। তাঁহার একই বিগ্রহে অনন্ত রূপের প্রকাশ হয়। ঐ অনন্ত রূপ প্রধানতঃ তিনভাগে বিভক্ত হইয়া থাকেন। উক্ত তিন ভাগ যথা,—স্বয়ংরূপ, তদেকাত্মরূপ ও আবেশরূপ। স্বয়ংরূপের আবার স্বয়ং ও প্রকাশ এই দুইরূপে ক্ষুণ্ণ হইয়া থাকে। তন্মধ্যে স্বয়ংরূপের লক্ষণ যথা,—

“অনন্তাপেক্ষি যদ্রূপং স্বয়ংরূপঃ স উচ্যতে।” লঘুভা। ১২

যে রূপ অনন্তাপেক্ষ অর্থাৎ স্বতঃসিদ্ধ, তাহাই স্বয়ংরূপ। ব্রজেন্দ্রনন্দন শ্রীকৃষ্ণই স্বয়ংরূপ। ঐ স্বয়ংরূপ যদি যুগপৎ অনেকত্র প্রকট হইয়াও, বহুত্বপ্রতীতি উৎপাদন না করিয়া একত্বপ্রতীতিই উৎপাদন করেন, তবে তাঁহাকে প্রকাশ বলা হয়। প্রকাশ স্বয়ংরূপ হইতে পৃথক্ নহেন, স্বয়ংরূপই।

“অনেকত্র প্রকটতু রূপশ্চৈকশ্চ যৈকমা।

সর্বথা তৎস্বরূপৈব স প্রকাশ ইতীর্ষ্যতে ॥” লঘুভা। ২১

এক রূপের যুগপৎ অনেকস্থানে সকলপ্রকারে তৎস্বরূপে প্রাকট্য হইলে, ঐ রূপের ঐ প্রাকট্যকেই প্রকাশ বলা হয়। ঐ প্রকাশ কোনরূপ ভেদের মধ্যে গণ্য হয়েন না; কারণ উহা কোন অংশেই স্বয়ংরূপ হইতে পৃথক্ নহেন। ঐ প্রকাশ আবার মুখ্য ও গৌণ ভেদে দ্বিবিধ হয়েন। তন্মধ্যে মুখ্য প্রকাশকেই প্রকাশ বলা যায় এবং গৌণ প্রকাশকে বিলাস বলা যায়। রাসে ও মহিষী-বিবাহে শ্রীকৃষ্ণের যে প্রকাশ, তাঁহাকেই মুখ্য প্রকাশ বলা যায়। আর দেবকী-নন্দনে, বলদেবে, ও নারায়ণে তাঁহার যে প্রকাশ, তাঁহাকেই গৌণ প্রকাশ বলা যায়। যে প্রকাশে আকৃত্যাদির অভেদ হেতু স্বয়ংরূপের সহিত ঐক্য-প্রতীতি উৎপাদিত হয়, তাঁহাকেই মুখ্য প্রকাশ বলা যায়। এই নিমিত্ত দ্বিভূজ দেবকীনন্দনকে মুখ্য প্রকাশই বলা উচিত। আর যে প্রকাশে আকৃত্যাদির ভেদ হেতু স্বয়ংরূপ হইতে পার্থক্যপ্রতীতি উৎপাদিত হয়, তাঁহাকেই গৌণ-প্রকাশ বলা যায়। এই নিমিত্ত দেবকীনন্দন চতুর্ভূজ হইলে, তাঁহাকে গৌণ-প্রকাশই বলা উচিত। এই গৌণপ্রকাশ বা বিলাস আবার বৈভব ও প্রাভব ভেদে দ্বিবিধ হয়েন। যে গৌণপ্রকাশে অপেক্ষাকৃত অধিক শক্তি প্রকটিত হয়, তাঁহাকে বৈভবপ্রকাশ এবং যে গৌণপ্রকাশে অপেক্ষাকৃত অল্প শক্তি প্রকটিত হয়, তাঁহাকে প্রাভবপ্রকাশ বলা যায়। দেবকীনন্দন ও বলদেব প্রভৃতি দ্বিভূজ মূর্তিসকল বৈভবপ্রকাশ এবং শ্রীনারায়ণাদি চতুর্ভূজমূর্তিসকল প্রাভবপ্রকাশ। উক্ত বৈভব ও প্রাভব-সংজ্ঞক দ্বিবিধ গৌণ প্রকাশই তদেকাত্মরূপের অন্তর্গত।

যদ্রূপং তদভেদেন স্বরূপেণ বিরাজতে ।

আকৃত্যাদিভিরত্ৰাদৃক্ স তদেকাত্মরূপকঃ ॥” লঘুভা । ১৪ ।

যে রূপ স্বয়ংরূপের সহিত অভেদে বিরাজিত হইয়াও আকৃত্যাদি দ্বারা অত্ৰাদৃশ অর্থাৎ অত্ৰের ত্ৰায় প্রকাশ পান, তাঁহাকেই তদেকাত্মরূপ বলা যায় । এই তদেকাত্মরূপকে কায়বাহ বলা যাইবে । শ্রীকৃষ্ণের মুখ্য প্রকাশকে কিন্তু কায়বাহ বলা যায় না ; কারণ, তাঁহার মুখ্যপ্রকাশ কোনপ্রকারেই ভেদবুদ্ধি উৎপাদন করেন না । তদেকাত্মরূপ কায়বাহের ত্ৰায় কোন না কোন অংশে ভেদপ্রতীতি উৎপাদন করিয়া থাকেন । শ্রীকৃষ্ণের মুখ্যপ্রকাশ : কায়বাহ হইলে, তদর্শনে কায়বাহনির্মাণকুশল নারদাদি ঋষিগণের বিস্ময় উৎপন্ন হইত না । শ্রীকৃষ্ণের গৌণপ্রকাশ বা বিলাসমূর্ত্তিসকল দর্শন করিয়া নারদাদি ঋষিগণের বিস্ময় জন্মিতে দেখা যায় না ।

তদেকাত্মরূপ আবার বিলাস ও স্বাংশ ভেদে দ্বিবিধ । বিলাসের লক্ষণ যথা ;—

“স্বরূপমত্ৰাকারং যৎ তস্ম ভাতি বিলাসতঃ ।

প্রায়ৈণাত্মসমং শক্ত্যা স বিলাসো নিগন্ততে ।” লঘুভা । ১৫ ।

যে রূপ লীলাবিশেষ সম্পাদনার্থ ভিন্নাকারে প্রকাশিত হইয়াও শক্তিতে প্রায়ই মূলরূপের তুল্য, তাঁহাকেই বিলাস বলা যায় ।

“একই বিগ্রহ কিন্তু আকার হয় আন ।

অনেক প্রকাশ হয় বিলাস তার নাম ॥

যেছে বলদেব পরব্যোমে নারায়ণ ।

যেছে বাসুদেব প্রত্নাদি সঙ্কর্ষণ ॥”

শ্রীকৃষ্ণ অনন্তরূপে প্রকাশ হইলেও, তাঁহার মূর্ত্তিভেদ স্বীকৃত হয় না । তাঁহার একই মূর্ত্তিতে অনন্ত মূর্ত্তির প্রকাশই স্বীকৃত হইয়া থাকে । তিনি অনন্ত প্রকাশে অনন্তমূর্ত্তি করেন না, তাঁহার এক মূর্ত্তিই অনন্তমূর্ত্তিতে দৃষ্ট করেন । তাঁহার একই মূর্ত্তিতে বিবিধ আকার, বিবিধ বর্ণ, বিবিধ অঙ্গ, বিবিধ বেশ ও বিবিধ ভাবাদি দৃষ্ট হয় এবং বিবিধ নাম শ্রুত হয় । তন্মধ্যে স্বয়ংরূপে গোপবেশ ও গোপাভিমান এবং বিলাসাদিতে ক্ষত্রিয়াদিবেশ ও ক্ষত্রিয়াদি অভিমান হইয়া থাকে । স্বয়ংরূপে যাদৃশ সৌন্দর্য্য, ঐশ্বর্য্য, মাধুর্য্য ও বৈদগ্ধ্য অভিযুক্ত হয়, বিলাসাদিতে তাদৃশ সৌন্দর্য্যাদি অভিযুক্ত হয় না । স্বয়ংরূপের সৌন্দর্য্যাদিদর্শনে বিলাসাদিরও ক্ষোভ জন্মিয়া থাকে ।

শ্রীকৃষ্ণের বিলাস গোলোকে বলদেব, মথুরায় বাসুদেব ও সঙ্কর্ষণ, দ্বারকার



বাসুদেব, সঙ্কর্ষণ, প্রহ্লাদ ও অনিরুদ্ধ এবং বৈকুণ্ঠে শ্রীনারায়ণ। শ্রীনারায়ণের বিলাস বৈকুণ্ঠে বাসুদেব, সঙ্কর্ষণ, প্রহ্লাদ ও অনিরুদ্ধ। গোলোকে একমাত্র বলদেবরূপ বাহের প্রকাশ। মথুরায় দুই বাহের ও দ্বারকায় চারি বাহের প্রথম এবং বৈকুণ্ঠে চারি বাহের দ্বিতীয় প্রকাশ হইয়া থাকে। উক্ত চারি বাহ হইতে আবার অনেক বাহের প্রকাশ শ্রবণ করা যায়। এই বিলাস উক্ত হইল। অতঃপর স্বাংশ বলা হইতেছে। স্বাংশের লক্ষণ যথা,—

“তাদৃশো ন্যনশক্তিং যো ব্যনক্তি স্বাংশ ঈরিতঃ।” লঘুভা ১১৭

যিনি বিলাসসদৃশ হইয়াও বিলাসাপেক্ষা ন্যনশক্তি প্রকাশ করেন, তাঁহাকেই স্বাংশ বলা হয়। সঙ্কর্ষণাদি পুরুষাবতারসকল এবং মৎস্যাদি লীলাবতারসকল স্বাংশের মধ্যেই গণ্য হইয়া থাকেন।

অনন্তর আবেশ বলা হইতেছে। আবেশের লক্ষণ যথা,—

“জ্ঞানশক্ত্যাদিকলয়া যত্রাবিষ্টো জনার্দনঃ।

ত আবেশা নিগত্বস্তে জীবা এব মহত্তমাঃ ॥” লঘুভা ১১৮

শ্রীভগবান্ জ্ঞানশক্ত্যাতির অংশ দ্বারা যে সকল মহত্তম জীবে আবিষ্ট হইয়েন, তাঁহাদিগকেই আবেশ বলা যায়। পৃথু, ব্যাস ও সনকাদি আবেশ বলিয়া গণ্য হইয়া থাকেন।

অনন্তর শ্রীভগবানের প্রপঞ্চাবতারসকল উক্ত হইতেছেন। শ্রীভগবানের প্রপঞ্চাবতার আপাততঃ অসম্ভব বোধ হইলেও, উহা অসম্ভব নহে; কারণ, অচিন্ত্যশক্তি শ্রীভগবানের পক্ষে কিছুই অসম্ভব হয় না। এই নিমিত্তই শ্রীভগবানের অবতারসকল সর্বদেশে ও সর্বকালে সর্বজনসমাজে সমাদৃত হইয়া আসিতেছেন। এই নিমিত্তই দর্শন ও বিজ্ঞান ঐ বদ্ধমূল অবতারের পোষকতা করিয়া থাকেন। পৃথিবীর সকল ধর্মশাস্ত্রেই অবতারের উল্লেখ দৃষ্ট হইয়া থাকে। অতএব অবতার যে কল্পনার সামগ্রী নহেন, উপেক্ষার বস্তু নহেন, উপহাসের বিষয় নহেন, তাহা অবশ্য স্বীকার্য। বিশেষতঃ বিশ্বের আধ্যাত্মিকাদি ত্রিবিধ মঙ্গলই শ্রীভগবানের অবতারেই প্রতিষ্ঠিত দেখা যায়।

অতঃপর দেখা যাউক, শাস্ত্রসকল সেই সর্ববিধ মঙ্গলের মূলীভূত অবতার কাহাকে বলেন?—“বিশ্বকার্যার্থ শ্রীভগবানের প্রপঞ্চে অবতরণই অবতার। ঐ অবতার কখন অলৌকিকরূপে অর্থাৎ পিত্রাদি-নিরপেক্ষ-ভাবে এবং কখন বা লৌকিকরূপে অর্থাৎ পিত্রাদি হইতেই হইয়া থাকে।” অংশাবতার, গুণাবতার ও আবেশাবতার ভেদে উক্ত অবতার ত্রিবিধ। অংশাবতার

পুরুষাবতার, স্ত্রীলীলাবতার, মনুষ্যস্বরূপাবতার ও যুগাবতার ভেদে চতুর্বিধ। গুণাবতার সঙ্খাদিগুণভেদে ত্রিবিধ। আবেশাবতার শ্রীভগবদাবেশ ও তচ্ছক্যাবেশ ভেদে দ্বিবিধ। উক্ত অংশাবতারা দি ত্রিবিধ অবতারের অধিকাংশই স্বাংশ বা আবেশ। যিনি স্বয়ংরূপ, তিনিও কখন কখন ধরাধামে অবতরণ করিয়া থাকেন। তাঁহার অবতার সম্পূর্ণ স্বতন্ত্র। ঐ স্বতন্ত্র স্বয়ংরূপের বিষয় পরে বলা হইবে। আপাততঃ দ্বারাস্তর দ্বারা অবতরণই উক্ত হইতেছে। বিশ্বকার্যার্থ ভগবান্ শেষশায়ী প্রভৃতি তদেকাত্মরূপদ্বারা বা বসুদেবাদি ভক্তদ্বারা অপ্রপঞ্চ হইতে প্রপঞ্চে অবতরণ করিয়া থাকেন। যে কার্যের নিমিত্ত শ্রীভগবান্ প্রপঞ্চে অবতরণ করেন, ঐ কার্য কি? শ্রীভগবান্ নিজমুখে বলিয়াছেন,—

“যদা যদা হি ধর্মশ্চ মানির্ভবতি ভারত।

অভ্যুত্থানমধর্মশ্চ তদাত্মানু সৃজাম্যহম্ ॥”

“পরিভ্রাণায় সাধুনাং বিনাশায় চ দুষ্কৃতাম্।

ধর্মসংস্থাপনার্থায় সন্তুভামি যুগে যুগে ॥” গী ১৪।৭-৮

যখন যখনই ধর্মের মানি ও অধর্মের বৃদ্ধি হয়, তখন আমি আপনাকে প্রপঞ্চে প্রকাশ করিয়া থাকি।

আমি সাধুগণের পরিভ্রাণ, দুর্কৃতগণের বিনাশ ও ধর্মসংস্থাপনের নিমিত্ত যুগে যুগে জন্মগ্রহণ করিয়া থাকি।

ধর্মসংস্থাপনই শ্রীভগবানের প্রপঞ্চাবতারের মুখ্য কারণ এবং সাধুগণের পরিভ্রাণ ও দুর্কৃতগণের বিনাশ উহার আনুষঙ্গিক বিধায় গৌণ কারণ। ধর্ম শব্দের অর্থ স্বভাব। যাহার যাহা স্বভাব, তাহা তাহার ধর্ম। স্বভাব প্রধানতঃ দ্বিবিধ; ঔপাধিক ও অনৌপাধিক। ঔপাধিক স্বভাব আধিতৌতিক ও আধিদৈবিক ভেদে দ্বিবিধ; আর অনৌপাধিক স্বভাব আধ্যাত্মিক; অতএব ধর্ম আধিতৌতিক, আধিদৈবিক ও আধ্যাত্মিক ভেদে ত্রিবিধ। আধিতৌতিকাদি ত্রিবিধ ধর্মের সংস্থাপনার্থই শ্রীভগবানের প্রপঞ্চে অবতার হইয়া থাকে। ভূতসকল নিজ নিজ ধর্ম হইতে বিচ্যুত হইলে, উহাদিগকে পুনর্বার নিজ নিজ ধর্মে সংস্থাপন করিবার নিমিত্ত শ্রীভগবান্ প্রপঞ্চে অবতরণ করেন; দেবতারা অভিমানবশতঃ নিজ নিজ ধর্ম হইতে বিচ্যুত হইলে, উহাদিগকে পুনর্বার নিজ নিজ ধর্মে সংস্থাপন করিবার নিমিত্ত শ্রীভগবান্ প্রপঞ্চে অবতরণ করেন; জীবাশ্মা নিজ নিজ ধর্ম হইতে বিচ্যুত হইলে, তাঁহাকে পুনর্বার নিজ ধর্মে সংস্থাপন করিবার নিমিত্ত শ্রীভগবান্ প্রপঞ্চে অবতরণ

করেন। ভূতসকলের ধর্ম জীবাআর ভোগ দ্বারা মোক্ষবিধানার্থ উপাধিনির্মাণ ; দেবতাদিগের ধর্ম, নিজ নিজ অধিকারে থাকিয়া উক্ত উপাধিনির্মাণের সাহায্যকরণ ; আআর ধর্ম, গুণাষ্টকবিশিষ্ট শুদ্ধ-জীবত্ব। প্রকৃতিগুণোৎপন্ন ভূতসকল কালবশে জীর্ণ হইয়া জীবের ভোগসমাধানে ও যথাযোগ্য উপাধিনির্মাণে অসমর্থ হইলে, দেবতারা অসুরগণকর্তৃক পরাজিত এবং অধিকারভ্রষ্ট হইলে, জীবসকল বিপথগামী হইয়া স্বাভাবিক শুদ্ধত্বলাভে বঞ্চিত হইলে, শ্রীভগবান্ ভূতসকলকে, দেবতাসকলকে ও জীবসকলকে স্বধর্ম্মে পুনঃ প্রতিষ্ঠিত করিবার নিমিত্ত অপ্রপঞ্চ হইতে প্রপঞ্চে অবতরণ করিয়া থাকেন। শ্রীভগবানের অবতরণে প্রপঞ্চে প্রয়োজনানুরূপ শক্তিসকলের সঞ্চার হইয়া থাকে। শক্তি সঞ্চারের ইহাই নিয়ম। আআর ভোগমোক্ষবিধানার্থ করুণাময়, সর্ব্বজ্ঞ পরমেশ্বর এইরূপই নিয়ম করিয়াছেন। জীবের ভোগমোক্ষ এই নিয়মেই সুসিদ্ধ হইয়া থাকে ; উহার প্রকারান্তর দৃষ্ট হয় না। প্রাকৃত ভূতসকল প্রকৃতি হইতে শনৈঃ শনৈঃ উৎপন্ন ও উপাধিরূপে পরিণত হইয়া জীবের ভোগমোক্ষের সাধন হয় ; আধিকারিক দেবতাসকল শনৈঃ শনৈঃ আপনআপন অধিকার লাভ করিয়া জীবের ভোগমোক্ষের সহায়তা করেন ; জীবসকল শনৈঃ শনৈঃ ভোগদ্বারা শুদ্ধ হইয়া মোক্ষ অর্থাৎ গুণাষ্টকবিশিষ্ট শুদ্ধ স্বভাব প্রাপ্ত হইয়েন। উপাধিভাব ভূতসমূহের উৎকর্ষ ; অধিকারভাব দেবতাদিগের উৎকর্ষ ; গুণাষ্টকবিশিষ্ট-শুদ্ধভাব-লাভ জীবাআর উৎকর্ষ। উক্ত উৎকর্ষের পথে প্রভূত বিঘ্নবাধা দৃষ্ট হইয়া থাকে। ঐ সকল বিঘ্নবাধা অতিক্রম না করিয়া কেহ কখন উৎকর্ষ লাভ করিতে পারে না। বিঘ্নবাধাই উন্নতির সোপান। বিঘ্নবাধাই উন্নতির আনুকূল্য করিয়া থাকে। বীজ হইতে পুষ্পফল-প্রসবকারী বৃক্ষের উৎপত্তি হয়। কিন্তু কোন বীজকেই প্রাকৃতিক বিঘ্নবাধা অতিক্রম না করিয়া বৃক্ষাকারে পরিণত হইয়া পুষ্পফল প্রসব করিতে দেখা যায় না। বীজবপনার্থ ক্ষেত্রের প্রয়োজন। ক্ষেত্রমধ্যে বপন ব্যতিরেকে বীজ অঙ্কুরিত হয় না। ক্ষেত্রমধ্যে উপ্ত বীজ সর্ষদিগ্বর্ত্তিনী মৃত্তিকা দ্বারা বাধিত হইয়াই উন্নাসংযোগে অহুর্নিহিত শক্তির বিকাশ দ্বারা অধোভাগে মূল ও উর্দ্ধভাগে কাণ্ড প্রসব করিয়া থাকে। এইরূপে বীজসঞ্জাত অঙ্কুর উৎপন্ন ও বাহু প্রকৃতি দ্বারা ব্যাহত হইয়াই ক্রমে ক্রমে বৃক্ষমূল ও পল্লবিত হয়। শাখাপল্লবাদিসম্বিত বৃক্ষমূল বৃক্ষও রবিকিরণ-সংযোগ ও মেঘাস্বাসেক ব্যতিরেকে যথেষ্ট পুষ্পফল প্রসবে সমর্থ হয় না। তদ্রূপ গুণত্রয় পরম্পরাভিতাবকতা ব্যতিরেকে স্বস্বোৎকর্ষ লাভ করিতে

পারে না, এবং কথঞ্চিৎ উৎকর্ষ লাভ করিয়াও পরমেশ্বরের অধ্যক্ষতা ভিন্ন—  
অনুগ্রহ ভিন্ন প্রাকৃতিক বিঘ্নবাসকল অতিক্রমপূর্বক জীবোপাধিসংগঠনে  
সমর্থ হয় না; দেবতাসকল অসুরগণ কর্তৃক পরিভূত না হইয়া নিজ নিজ  
উৎকর্ষ লাভ করিতে পারেন না, এবং কথঞ্চিৎ উৎকর্ষ লাভ করিয়াও পরমে-  
শ্বরের অধ্যক্ষতা ভিন্ন—অনুগ্রহ ভিন্ন আশুরিক বিঘ্নবাসকল অতিক্রমপূর্বক  
শাস্তিময় অধিকারে অবস্থান করিতে পারেন না; জীবায়াসকলও মায়াভি-  
ভব ব্যতিরেকে জ্ঞানোৎকর্ষ লাভ করিতে পারেন না, এবং কথঞ্চিৎ উৎকর্ষ  
লাভ করিয়াও পরমেশ্বরের অধ্যক্ষতা ভিন্ন—অনুগ্রহ ভিন্ন পরমপুরুষার্থলাভে  
সমর্থ হইবেন না। ভোগাভিনিবেশ ও তজ্জনিত দুঃখ, নৈরাশ্র, নৈরপেক্ষা, আগ্রহ  
ও শ্রীভগবৎরূপাই সংসার-কূপ-পতিত জীবের উত্তরণাবলম্বন। ভোগাভিনিবেশ ও  
তজ্জনিত দুঃখাদি ব্যতিরেকে জীবের আত্মোন্নতির উপায়ান্তর দেখা যায় না।  
আবার কথঞ্চিৎ উন্নতিলাভ করিয়াও শ্রীভগবানের করুণা ভিন্ন কোন জীবই  
শ্রীভগবদাশ্রয়রূপ পরমপুরুষার্থ লাভ করিতে পারেন না। অতএব জীবের প্রতি  
রূপাবিস্তারার্থই শ্রীভগবান্ প্রপঞ্চে অবতরণ করিয়া থাকেন। শ্রীভগবানের  
প্রপঞ্চে অবতরণ দ্বারা যে রূপা বিতরিত হয়, তদ্বারাই জীবসকলের চরমোন্নতি  
সাধিত হইয়া থাকে।

আমাদিগের নিবাসভূতা পৃথিবী পরিদৃশ্যমান সৌরজগতের অংশ। সৌর-  
জগৎ নাক্ষত্রিক জগতের অংশ। নাক্ষত্রিক জগৎ চতুর্দশ ভুবনের অংশ। চতুর্দশ  
ভূবন বা সমৃগাল লোকপদ্য ব্যষ্টিব্রহ্মাণ্ডের অংশ। শাস্ত্রসকল চতুর্দশ ভূবনকে  
সমৃগাল লোকপদ্য বলিয়া বর্ণন করিয়া থাকেন এবং সূক্ষ্মদর্শী যোগিগণও ঐ  
চতুর্দশ ভূবনকে ধ্যাননেত্রদ্বারা তদাকারেই দর্শন করিয়া থাকেন। ব্যষ্টি-  
ব্রহ্মাণ্ড সমষ্টিব্রহ্মাণ্ডের অংশ। সমষ্টিব্রহ্মাণ্ড কেন্দ্রস্থানীয় ব্রহ্মধামের পরিধি-  
স্থানীয়। অতএব ব্যষ্টিব্রহ্মাণ্ডকে সমষ্টিব্রহ্মাণ্ডপরিধির একটি বিন্দু বলিলেও  
বলা যায়। বিন্দু যেমন রেখার অবয়ব ও রেখা হইতে অনতিরিক্ত, তদ্রূপ ব্যষ্টি-  
ব্রহ্মাণ্ডও সমষ্টিব্রহ্মাণ্ডের অবয়ব এবং উহা হইতে অতিরিক্ত নহে। কেন্দ্রস্থানীয়  
ব্রহ্মধাম ওতপ্রোতভাবে সমস্ত ব্রহ্মাণ্ড ব্যাপিয়া অস্ত্য আধারস্বরূপে গূঢ়রূপে  
অবস্থিত হইয়াও লীলাময় শ্রীভগবানের ইচ্ছানুসারে ব্রহ্মাণ্ডমধ্যে আধেয়বৎ  
প্রকাশ পাইয়া থাকেন। ঐ ব্রহ্মধাম শ্রীভগবানের বৈভববিশেষ—প্রকাশ-  
বিশেষ। ব্রহ্মাণ্ডও শ্রীভগবানের বৈভববিশেষ। ব্রহ্মধাম তাঁহার ত্রিপাদ-  
বৈভব বা স্বরূপবৈভব এবং ব্রহ্মাণ্ড তাঁহার পাদবৈভব বা মায়াবৈভব। উক্ত

উভয় বৈভবই শ্রীভগবানের লীলাক্ষেত্র। তন্মধ্যে স্বরূপবৈভবে কেবল সিদ্ধগণের সহিত লীলা হইয়া থাকে। মায়্যবৈভব সিদ্ধ ও সাধকের সম্মিলনস্থান। ঐ স্থানে শ্রীভগবান্ সিদ্ধ ও সাধক উভয়ের সহিত যুগপৎ লীলা করিয়া থাকেন। উভয় লীলাই নিত্য। স্বরূপবৈভবের লীলা অবিচ্ছেদে 'এবং মায়্যবৈভবের লীলা ব্রহ্মাণ্ড হইতে ব্রহ্মাণ্ডান্তরে প্রবাহরূপে সাধিত হইয়া থাকে। জ্যোতি-শ্চক্রস্থ একই সূর্য্য যেমন একটি বর্ষে পূর্বাছাদি সমাপন করিয়া বর্ষান্তরে আবার ঐ পূর্বাছাদি প্রকাশ করেন, শ্রীভগবান্ তদ্রূপ অপ্রকট প্রকাশে নিজ ধামে থাকিয়াই প্রকট প্রকাশে এক ব্রহ্মাণ্ডে বাল্যাঙ্গলীলা সমাপন করিয়া অপর ব্রহ্মাণ্ডে আবার ঐ সকল লীলা প্রকাশ করিয়া থাকেন। লীলা অলাত-চক্রের ঞায় বা প্রবাহের ঞায় গমনাগমন করিতেছেন। জন্মাদি মৌষলাস্ত লীলাসকল ক্রমান্বয়ে ব্রহ্মাণ্ড হইতে ব্রহ্মাণ্ডান্তরে প্রকাশিত হইয়া আপনাদের নিত্যত্ব ব্যক্ত করিতেছেন। মায়্যবৈভব স্বরূপবৈভবের ছায়ামাত্র। স্বরূপবৈভব বিশ্বস্থানীয়, মায়্যবৈভব উহার প্রতিবিম্ব। অতএব স্বরূপবৈভবের সহিত মায়্যবৈভবের আশ্রয়াশ্রয়িতাব ভিন্ন অপর কোন সম্বন্ধ নাই। ঐ আশ্রয়া-শ্রয়িতাবিও আবার পদ্মপত্রে জলবিন্দুর ঞায় সম্পূর্ণ নির্লিপ্ত। শ্রীভগবান্ যে কি কৌশলে সঙ্কল্পমাত্র চিহ্নিত্বের সহিত জড়বিত্ত্বের তাদৃশ ঔপাধিক সম্বন্ধ স্থাপন করিয়াছেন, তাহা কেবল তিনিই জানেন। চিজ্জড়ের একত্র সমাবেশ মানববুদ্ধির অগোচর। বুদ্ধির বিষয় না হইলেও সত্যের অপলাপ করা যায় না। জড়াজড়ের উপাধুপহিততাব অস্বীকার করা সম্ভব হয় না। মায়্যবীর মায়্যারহস্য বোধগম্য না হইলেও দর্শকের চক্ষুকে মিথ্যাবাদী' বলিতে পারা যায় না। যোগেশ্বরের মহামায়্যাবী মায়্যাদীশ্বর পরমেশ্বরের পক্ষে সকলই সম্ভব। তিনি বদ্ধ ও মুক্ত উভয়বিধ জীবের প্রতি করুণা করিয়া তাঁহার স্বরূপবৈভবকে যথেষ্ট মায়্যবৈভবে প্রকট করিয়া থাকেন। অতএব স্বরূপবৈভবীয় লীলা হইতে স্বরূপতঃ অভিন্ন মায়্যবৈভবীয় লীলাকে স্বরূপবৈভবীয় লীলারই প্রকাশবিশেষ বলা যায়। এইরূপে লীলাদ্বয়ের পরস্পর ভেদ না থাকিলেও তদুভয়ের রূপভেদ অনিবার্য্য। অধিষ্ঠানভেদে প্রকাশের ভেদই বিজ্ঞানসম্মত। এই নিমিত্তই অপ্রকটলীলা ও প্রকটলীলা স্বরূপতঃ এক হইয়াও বিভিন্নভাবে প্রকাশ পাইয়া থাকেন। তদ্বারা অপর একটি মহৎ উদ্দেশ্য সিদ্ধ হইতে দেখা যায়। অনন্ত অপ্রকটলীলা সীমাবদ্ধ-প্রকট-প্রকাশে মুক্তজীবের প্রশান্তগভীর সুখসাগর তরঙ্গায়িত এবং বদ্ধজীবের মুক্তিসুখসাগরে যথেষ্ট অবগাহন সাধিত হইতে থাকে।

শ্রীভগবানের সৃষ্টিব্যাপারেই মায়াবৈভবে স্বরূপবৈভবের প্রথম প্রকাশ দৃষ্ট হইয়া থাকে।

পুরুষাবতার। যিনি প্রকৃতির অন্তর্ধামী ও মহত্ত্বের স্রষ্টা, যিনি অংশতঃ বহুরূপ হইয়া প্রত্যেক ব্রহ্মাণ্ডের অন্তর্ধামী হইয়েন, যিনি আদি অবতার ও সকল অবতারের বীজ বলিয়া প্রসিদ্ধ, যাহার অংশ পরমাশ্বররূপে ভূতে ভূতে বিরাজ করেন, তাঁহারই নাম পুরুষাবতার। এই পুরুষাবতার সম্বন্ধে সাত্ত্বতত্ত্বের উক্তি যথা—

“বিষ্ণোস্তু ত্রীণি রূপাণি পুরুষাখ্যান্তথো বিদুঃ।

একস্তু মহতঃ স্রষ্টৃ দ্বিতীয়স্তু গুণসংস্থিতম্।

তৃতীয়ং সর্বভূতস্থং তানি জ্ঞাত্বা বিমুচ্যতে ॥”

লঘুভাগবতধ্বতসাত্ত্বতত্ত্বেন।

বিষ্ণুর অর্থাৎ মূলসঙ্কর্ষণের পুরুষসংজ্ঞক ত্রিবিধ রূপ শাস্ত্রে নির্দিষ্ট হইয়াছেন। তন্মধ্যে যিনি প্রকৃতির অন্তর্ধামী ও মহত্ত্বের স্রষ্টা; তাঁহার নাম প্রথম পুরুষ। যিনি ব্রহ্মাণ্ডের ও সমষ্টিজীবের অন্তর্ধামী, তাঁহার নাম দ্বিতীয় পুরুষ। আর যিনি সর্বভূতের বা ব্যষ্টিজীবের অন্তর্ধামী, তাঁহার নাম তৃতীয় পুরুষ।

প্রথম পুরুষ। প্রলয়হীন, বাসনাবদ্ধ, পরমেশ্বরবিমুখ জীবসকলের প্রতি করুণাবশতঃ শ্রীভগবানের সৃষ্টির ইচ্ছা হয়। বাসনাবদ্ধ জীব সৃষ্ট সংসারে কর্ম করিতে করিতে শুদ্ধ হইয়া মৎসামুখ্য লাভ করুক, এইরূপ ইচ্ছা হইতেই শ্রীভগবানের সৃষ্টিচ্ছা প্রকাশ পাইয়া থাকে। সিসৃক্ষু পরমেশ্বর পুরুষরূপ স্বীকারপূর্বক প্রকৃতির প্রতি ঈক্ষণ করেন। ঐ ঈক্ষণে গুণত্রয়ের সাম্যাবস্থার অপগমে স্পন্দনরূপ ক্ষোভাভিভব উৎপন্ন হয়। গুণক্ষোভে অব্যক্তা প্রকৃতি ত্রিগুণময়ী মূর্তিতে অভিব্যক্ত হইয়েন। সত্ত্বাদি গুণত্রয়ের নিলীন বৃত্তিসমূহের স্পন্দন বা অভ্যুদয়ই উহাদের ক্ষোভ। সত্ত্বাদি গুণত্রয় পরস্পরের অভিভব, উপকার, পরিণাম ও সংসর্গ দ্বারা নিজ নিজ বৃত্তি প্রাপ্ত হইয়া থাকে। এইরূপে গুণত্রয়ের বৃত্তির অভ্যুদয়ে ক্রমান্বয়ে মহাদাক্ষিত্যস্তু তত্ত্বসকল উৎপন্ন হয়। প্রথম পুরুষই তত্ত্বসকলের সৃষ্টিকর্তা। ইনি মহাবিষ্ণু ও সঙ্কর্ষণ প্রভৃতি নামে অভিহিত হইয়া থাকেন। ইহার রূপ বিরাট।

দ্বিতীয় পুরুষ। মহাদাক্ষিত্যস্তু অসংহত কারণ-তত্ত্ব-সকলকে ত্রিবৃৎকৃত বা পরস্পর সম্মিলিত করিবার নিমিত্ত প্রথম পুরুষ অংশতঃ বহুরূপ হইয়া উহাদের অভ্যুদয়ে প্রবেশ করিয়া থাকেন। এই প্রবিষ্ট অংশই দ্বিতীয় পুরুষ।

ইহার প্রবেশের পূর্বে তত্ত্বসকল অন্তর্নিহিত-ক্রিয়াশক্তি-প্রভাবে পরস্পরের অসংহত অবস্থায় একমাত্র স্বাভাবিক সরল গতিতে অনন্ত আধারে নীহারবৎ সঞ্চরণ করিতে থাকে। সরল গতির দিকপরিবর্তন বা বক্রভাব বিরুদ্ধশক্তির প্রতিবন্ধকতা ব্যতিরেকে সিদ্ধ হইতে পারে না। আবার উক্ত বক্রভাব ব্যতিরেকে অবয়বসম্মিলনও সম্ভব হয় না। অতএব প্রথম পুরুষের দ্বিতীয় পুরুষরূপে প্রপঞ্চমধ্যে অবতরণের প্রয়োজন হয়। দ্বিতীয় পুরুষ প্রপঞ্চে অবতরণপূর্বক স্বীয় প্রবল আকর্ষণ দ্বারা তত্ত্বসকলকে বক্রগতি প্রাপিত করিয়া থাকেন। এইরূপে তত্ত্বসকল বক্রগতিবিশিষ্ট, ত্রিবৃৎকৃত, পঙ্খীকৃত, চক্রাবর্তে আবর্তিত ও আকৃষিত হইয়া কৈন্দ্রিক আকর্ষণ অভিভব পূর্বক কেন্দ্রবিচ্ছিন্ন অনন্ত ব্রহ্মাণ্ডের আকার ধারণ করে। কেন্দ্রবিচ্ছিন্ন ব্রহ্মাণ্ডসকল দিগ্দিগন্তে ধাবিত হয় না; কারণ, সমষ্টির অবয়ব ব্যাপ্তি বস্তুসকল সমষ্টিকে কেন্দ্র করিয়া উহার সমাস্তুর অক্ষরেখাতেই পরিভ্রমণ করিয়া থাকে। দ্বিতীয় পুরুষ এই ব্রহ্মাণ্ডের সৃষ্টিকর্তা; ইনি গর্ভোদশায়ী ও প্রদ্যায় প্রভৃতি নামে উক্ত হইয়া থাকেন। ইনিও বিরাটরূপী।

তৃতীয় পুরুষ। দ্বিতীয় পুরুষকর্তৃক সৃষ্ট ব্রহ্মাণ্ড সূক্ষ্ম। স্থূল সৃষ্টির নিমিত্ত দ্বিতীয় পুরুষ হইতে বিবিধ অবতারসকল প্রাদুর্ভূত হইয়া থাকেন। তন্মধ্যে যিনি পালনকর্তা বিষ্ণু, তাঁহাকেই তৃতীয় পুরুষ বলা হয়। ইনি ব্যাপ্তিজীবের অন্তর্ধামী। ইনি ক্ষীরোদশায়ী ও অনিরুদ্ধ প্রভৃতি নামে উক্ত হইয়া থাকেন। ইনি চতুর্ভূজ বিষ্ণুরূপ। ইহাকে অন্তর্ধামী পরমাত্মাও বলা যায়।

গুণাবতার। স্থূলসৃষ্টি বা চরাচরসৃষ্টির নিমিত্ত গুণাবতারের প্রয়োজন হইয়া থাকে। তন্মধ্যে সৃষ্টির নিমিত্ত সৃষ্টিকর্তা রজোগুণের অবতার, সংহারের নিমিত্ত সংহারকর্তা তমোগুণের অবতার এবং পালনের নিমিত্ত পালনকর্তা সত্ত্বগুণের অবতার। এই পালনকর্তা সত্ত্বগুণাবতার বিষ্ণু ও পূর্বেক্ত তৃতীয় পুরুষ একই। রজোগুণাবতারের নাম ব্রহ্মা এবং তমোগুণাবতারের নাম শিব। সত্ত্বঃ, রজঃ ও তমঃ এই তিনটি প্রকৃতির গুণ নিয়ম্য, অর্থাৎ পুরুষের নিয়মাধীন। বিষ্ণু, ব্রহ্মা ও শিবরূপে আবির্ভূত পুরুষ নিয়ামক, অর্থাৎ গুণত্রয়ের পরিচালনকর্তা। তাঁহারা যেভাবে পরিচালন করেন, গুণসকল সেইভাবেই পরিচালিত হইয়া থাকে। এইরূপ গুণের সহিত গুণাবতারের নিয়ম্য-নিয়ামকতা-রূপ সম্বন্ধকে যোগ বলা হয়। অতএব গুণাবতারসকল কখনই স্বেদশ সম্বন্ধ ভিন্ন অপর কোনরূপ গুণযোগপ্রাপ্ত অর্থাৎ গুণবদ্ধ হয় না। তন্মধ্যে

ব্রহ্মা ও শিব সান্নিধ্যমাত্র রজোগুণ ও তমোগুণের পরিচালক হইলেন এবং বিষ্ণু সঙ্কল্পমাত্র সত্ত্বগুণের উপকারক হইলেন। অতএব বিষ্ণু কোনপ্রকারেই সত্ত্বগুণের সহিত যুক্ত হইলেন না।

ব্রহ্মা। সমষ্টিবিরাড়রূপ কারণ হইতে উৎপন্ন ব্রহ্মা, হিরণ্যগর্ত্ত ও বৈরাজ ভেদে দ্বিবিধ। তন্মধ্যে যিনি কেবল ব্রহ্মলোকের ঐশ্বর্য্য উপভোগ করেন, সেই সমষ্টিজীবাৎমক সূক্ষ্মরূপকে হিরণ্যগর্ত্ত বলা হয়; আর যিনি সৃষ্টিকার্য্যে নিযুক্ত, সেই লোকাৎমক স্থূলরূপের নাম বৈরাজ। সূক্ষ্মরূপ মহত্ত্বাৎমকও দেবাদের অগোচর; স্থূলরূপ ব্রহ্মাণ্ডাৎমকও দেবাদের গোচর। বিরাট, হিরণ্যগর্ত্ত ও কারণ এই তিনটিই উপাধি। স্থূলোপাধির নাম বিরাট। সূক্ষ্মোপাধির নাম হিরণ্যগর্ত্ত। আর কারণোপাধির নাম কারণ বা সমষ্টিবিরাট। তদুপহিত চৈতন্যই ব্রহ্ম এবং তদস্বর্ধামী চৈতন্যই দ্বিতীয় পুরুষ। বৈরাজসংজ্ঞক ব্রহ্মা, সৃষ্টি ও বেদপ্রচারের নিমিত্ত প্রায়ই চতুর্শুখ, অষ্টনেত্র ও অষ্টবাহু হইয়া অভিব্যক্ত হইলেন। কোন কোন মহাকল্পে জীবও উপাসনাপ্রভাবে ব্রহ্মা হইয়া থাকেন। আর কোন মহাকল্পে তাদৃশ জীবের অভাব হইলে দ্বিতীয় পুরুষই অংশতঃ ব্রহ্মা হইয়া থাকেন। অতএব কালভেদে ব্রহ্মার জীবকোটিত্ব ও ঈশ্বরকোটিত্ব উভয়ই সিদ্ধ হইতেছে। শাস্ত্রে ঈশ্বরবির্ভাব অপেক্ষা করিয়া ব্রহ্মা অবতার বলিয়া নির্দিষ্ট হইয়া থাকেন। কেহ কেহ সমষ্টিরূপ শ্রীভগবানের সন্নিকৃষ্টতা হেতু, অর্থাৎ সৃষ্টিকার্য্যে ব্রহ্মাকে সমর্থ জানিয়া শ্রীভগবান্ ক্ষীরনীরবৎ তাঁহাতে সম্পৃক্ত হইয়া অভিন্নরূপে প্রতীয়মান হইলেন বলিয়া ব্রহ্মাকে অবতার বলেন। কেহ কেহ বা তাঁহাকে আবেশাবতারই বলিয়া থাকেন।

শিব। শ্রীশিব একাদশবাহুৎমক রুদ্র নামে খ্যাত। ঐ একাদশ বাহু যথা,—অজৈকপাৎ, অহিব্রহ্ম, বিরূপাক্ষ, রৈবত, হর, বহুরূপ, ত্র্যম্বক, সাবিত্র, জয়ন্ত, পিনাকী ও অপরাজিত। পৃথিবী, জল, তেজ, বায়ু, আকাশ, সূর্য্য, চন্দ্র ও যজমান এই তাঁহার অষ্ট মূর্ত্তি। তাঁহার দশ বাহু, পঞ্চ বদন এবং প্রত্যেক মুখে তিনটি তিনটি করিয়া নয়ন উক্ত হইয়া থাকে। প্রায়ই ব্রহ্মা শিবরূপ ধারণপূর্ব্বক সংহারকার্য্য সাধন করিয়া থাকেন। কোন কোন কল্পে স্বয়ং বিষ্ণুই শিবরূপ ধারণপূর্ব্বক সংহারকার্য্য সাধন করিয়া থাকেন। আবার কোন কোন কল্পে তাদৃশ পুণ্যকারী জীবও সংহারকর্ত্তা হইলেন। উক্ত বিবিধ সংহারকর্ত্তাকেই গুণাবতার বলা হয়। কিন্তু যিনি শ্রীবৈকুণ্ঠধামের অন্তর্গত শিবলোকে সদা-শিবরূপে বিরাজিত, তিনি গুণাবতার নহেন; তিনি নিগুণ এবং শ্রীনারায়ণের



শ্রায় স্বয়ংরূপ শ্রীকৃষ্ণেরই অঙ্গবিশেষ, অর্থাৎ বিলাসমূর্তি বা কায়বাহ। এই সদাশিব গুণাবতার শিবের অংশী।

বিষ্ণু। পূর্বে যে তৃতীয় পুরুষের কথা বলা হইয়াছে, তিনিই গুণাবতার বিষ্ণু।

লীলাবতার। শ্রীভগবানের যে সকল অবতारे আয়াসরহিত, বিবিধ-বৈচিত্র্যপূর্ণ নিত্যনূতন উল্লাসতরঙ্গদ্বারা তরঙ্গায়িত, স্বেচ্ছাধীন কার্যসকল দৃষ্ট হয়, তাঁহাদিগকেই লীলাবতার বলা হইয়া থাকে। লীলাবতারসকল পূর্ণ, অংশ ও আবেশ ভেদে ত্রিবিধ। ঐ সকল লীলাবতারের মধ্যে অধিকাংশই অংশাবতার ও আবেশাবতার। একমাত্র শ্রীকৃষ্ণ পূর্ণাবতার। পূর্বে যে স্বয়ং-রূপের কথা বলা হইয়াছে, এই শ্রীকৃষ্ণই সেই স্বয়ংস্বরূপ। কল্লাবতার ও যুগা-বতারসকল লীলাবতারেরই অন্তর্গত, এবং তাঁহাদের মধ্যে কেহ পূর্ণ, কেহ অংশ ও কেহ আবেশ। শ্রীমদ্ভাগবতে অনেকগুলি লীলাবতারের বিষয় উক্ত হইয়াছে। ঐ সকল লীলাবতার যথা,—চতুঃসন, নারদ, বরাহ, মৎশ্র, যজ্ঞ, নরনারায়ণ, কপিল, দত্ত, হম্মশীর্ষ, পৃথ্বীগর্ভ, ঋষভ, পৃথু, নৃসিংহ, কৃষ্ণ, ধন্বন্তরি, মোহিনী, বামন, পরশুরাম, রঘুনাথ, বাস, বলরাম, শ্রীকৃষ্ণ, বুদ্ধ ও কন্ধি। ইহারা প্রতিকল্পেই লীলার্থ আবির্ভূত হইয়া থাকেন। যজ্ঞ, বিভু, সত্যসেন, হরি, বৈকুণ্ঠ, অজিত, বামন, সার্কভোম, ঋষভ, বিশ্বক্সেন, ধর্মসেতু, সুদামা, যোগেশ্বর ও বৃহদ্ভানু এই চতুর্দশটি মন্বন্তরাবতার। মন্বন্তরাবতারসকলও লীলাবতার হইলেও, ইহারা যে যে মন্বন্তরে আবির্ভূত হইলেন, সেই সেই মন্বন্তর-কাল পর্যন্ত পালন করিতেই, ইহাদিগকে মন্বন্তরাবতারই বলা হইয়া থাকে। যে মন্বন্তরে যিনি মন্বন্তরাবতার হইলেন, তিনিই সেই মন্বন্তরের যুগবিশেষে উপাসনাবিশেষের প্রচারার্থ যুগাবতার হইয়া থাকেন। চারিটি যুগের যুগাবতার চারিটি। সত্যযুগের যুগাবতার শুরু, ত্রেতাযুগের যুগাবতার রক্ত, দ্বাপরযুগের যুগাবতার শ্রাম, আর কলিযুগের যুগাবতার সচরাচর কৃষ্ণ। কলিতে কচিৎ পীতবর্ণ যুগাবতারও দৃষ্ট হইয়া থাকেন।

চতুঃসন। যে চারিজনের নামের আদিতে 'সন' শব্দ বিদ্যমান, তাঁহারা ই চতুঃসন বলিয়া উক্ত হইলেন। তাঁহাদের নাম সনক, সনন্দন, সনাতন ও সনৎ-কুমার। তাঁহাদের আকার পঞ্চবর্ষীয় বালকের শ্রায় এবং বর্ণ গৌর। তাঁহারা জ্ঞানপ্রচারার্থ আবেশরূপে ব্রহ্মা হইতেই ব্রাহ্মণ হইয়া অবতীর্ণ হইলেন। তাঁহারা ব্রাহ্মকল্পে ব্রহ্মার মানসপুত্ররূপে জন্মগ্রহণপূর্বক ব্রহ্মার অধিকার পর্যন্ত

অবস্থান করেন। তাঁহাদিগের বাসস্থান ত্রিপাদবৈভবে শ্রীবৈকুণ্ঠলোক ও পাদ-বৈভবে প্রধানতঃ তপলোক, এবং কৰ্ম জ্ঞানপ্রচার। সৃষ্টির অধোমুখ প্রবাহে অর্থাৎ মানবজাতির উৎপত্তির পূর্ক পর্য্যন্ত তাঁহাদিগের বিশেষ কোন কৰ্ম থাকে না। মানবজাতির উৎপত্তির পর তাঁহারা জ্ঞানপ্রচারে প্রবৃত্ত হইয়া থাকেন। তাঁহারা পূর্ককল্পীয় মহত্তম জীব। তাঁহারা পূর্ককল্পীয় জ্ঞানিচর ভক্ত; অতএব মুক্তির অধিকারী হইয়াও, মুক্তিকে তুচ্ছ করিয়া সৰ্বভূতের সেবাব্রত গ্রহণপূর্কক, পরকল্পে ভগবচ্ছক্ত্যবিষ্ট আবেশাবতার হইয়া স্বসঙ্কলিত মহদব্রত উদ্‌যাপন করেন।

নারদ। ইনিও পূর্ককল্পীয় মহত্তম জীব এবং আবেশরূপে ব্রহ্মা হইতে অবতীর্ণ হইয়া ব্রহ্মার অধিকার পর্য্যন্ত অবস্থান করেন। ইনি শুদ্ধভক্ত এবং সৃষ্টির উর্দ্ধমুখ প্রবাহে অর্থাৎ মানবজাতির উৎপত্তির পর, জগতে শুদ্ধাভক্তির প্রচার করিয়া থাকেন। ইহার বর্ণ শুভ্র এবং সৰ্বভূতের সেবাই ব্রত। ইনি পঞ্চরাত্র নামক আগমশাস্ত্রের প্রণয়নকর্তা। ইনি শ্রীবৈকুণ্ঠবাসী হইয়াও বীণায়ন্ত্রসহযোগে শ্রীভগবানের গুণগান করিতে করিতে ব্রহ্মাণ্ডের সৰ্বত্র যথেষ্ট বিচরণ করিয়া থাকেন।

বরাহ। ব্রাহ্মকল্পে বরাহদেবের বারদ্বয় আবির্ভাব শ্রবণ করা যায়। তন্মধ্যে প্রথম স্বায়ম্ভুব মন্বন্তরে পৃথিবীর উদ্ধারার্থ ব্রহ্মার নাসারক্ হইতে কৃষ্ণবর্ণ চতুস্পাদ বরাহ এবং দ্বিতীয় চাক্ষুষ মন্বন্তরে পৃথিবীর উদ্ধার ও প্রাচেতস দক্ষের দৌহিত্র হিরণ্যাক্ষের বিনাশের নিমিত্ত জল হইতে শুক্লবর্ণ নৃবরাহ আবির্ভূত হইলেন। \*ইহার বাসস্থান শ্রীবৈকুণ্ঠ ও মহর্লোক। \*বরাহাদি তির্থাগ্-রূপী বা নৃবরাহাদি মিশ্ররূপী অবতার সকলও কাল্পনিক নহেন; কারণ ইহাদিগের মঞ্জোপাসনাদি উক্ত হইয়া থাকে এবং শতপথাদি ব্রাহ্মণে তৈত্তিরীয়াদি সংহিতাতে ও আরণ্যকেও ইহাদের উল্লেখ দেখা যায়।

পুরাণে ভিন্ন ভিন্ন কল্পের কথা উক্ত হইয়াছে। কোন্ কল্পে কোন্ বিষয় কিরূপ ছিল, তাহা কে নিশ্চয় করিয়া বলিতে পারেন? বিশেষতঃ পুরাণে অনেকানেক উচ্চতর লোকের কথা উক্ত হইয়াছে। ঐ সকল লোকের ঘটনা এই ভূলোকের পক্ষে অদ্ভুত প্রতীয়মান হওয়া কিছু বিচিত্র নহে। লক্ষ লক্ষ বৎসরের অতীত ঘটনাসকল এবং স্বর্গাদি উচ্চতর লোকের ঘটনাসকল কি ইদানীন্তন ঐতিহাসিক অক্ষীয় ঘটনাসকলের সহিত এবং ভূলোকীয় ঘটনাবলীর সহিত তুলনায় সমালোচিত হওয়া যুক্তিযুক্ত? মানবের দর্শনবিজ্ঞান যাহা

স্বপ্নেও অনুভব করেন নাই, এমন অনেক বিষয় কি অনাদি অনন্ত বিপুল বিশ্বরাজ্যে থাকিতে পারে না? উহা থাকিতে পারে না, বলা বা মনে করাও ধৃষ্টতার কার্য—দাস্তিকতার পরিচয় মাত্র। সীমাবদ্ধ স্থূল দৃষ্টিতে যাহা অসম্ভব বোধ হয়, উত্তরোত্তর মুক্ত হৃদয়ানুহৃদয় দৃষ্টিতে তাহা সম্পূর্ণ সম্ভব বিবেচনা করাই বুদ্ধিমানের কার্য। আবার দস্তাহকারবিশিষ্ট হইয়া ঐ সকল পৌরাণিক ঘটনার প্রকারান্তরে অর্থকল্পনা করিতে যাওয়াও অপরাধ বলিয়া উক্ত হয়। বিশেষতঃ ঐরূপ কল্পনায় আংশিক অসামঞ্জস্য অবশ্যস্তাবী। প্রত্যেক অংশের রূপক যখন বিশ্লেষণ করিয়া দেখান সম্ভব নহে, তখন মোটামুটি একটি রূপক সজ্জিত করিতে চেষ্টা করাও বিড়ম্বনামাত্র।

মৎস্য। বীরাহাবতারের ঞায় মৎসাবতারেরও ব্রাহ্মকল্পে বারদ্বয় আবির্ভাব শ্রবণ করা যায়। তন্মধ্যে স্বায়ম্ভুব মন্বন্তরের অবসানে হয়গ্রীব নামক দৈত্যকে বিনাশ করিয়া অপহৃত বেদের আহরণার্থ একবার এবং চাক্ষুষ মন্বন্তরের অবসানে ভাবী বৈবস্বত মনু রাজা সত্যব্রতকে রূপা করিবার নিমিত্ত আর একবার মৎস্যদেবের অবতার উক্ত হইয়া থাকেন। বিষ্ণুধর্মোত্তরের মতে প্রতি মন্বন্তরেই একবার করিয়া মৎসাবতারের আবির্ভাব হইয়া থাকে। এই অবতारे এক কল্পের সুরক্ষিত বীজ অপর কল্পে নীত হইতে দেখা যায়। সংহিতাদিতেও এই অবতারের প্রসঙ্গ দৃষ্ট হয়।

যজ্ঞ। শ্রীভগবান্ রুচি হইতে আকৃতিতে যজ্ঞরূপে অবতরণপূর্বক স্বীয় পুত্র যমাদি দেবগণের সহিত স্বায়ম্ভুব মন্বন্তর পালন করিয়াছিলেন। ইহার অপর নাম হরি।

নরনারায়ণ। শ্রীভগবান্ জ্ঞানপ্রচারার্থ ধর্মের পত্নী মূর্তিতে নর ও নারায়ণ ঋষিরূপে অবতীর্ণ হইয়া দুশ্চর তপস্তার অনুষ্ঠান করিয়াছিলেন। ইহাদিগের হরি ও কৃষ্ণ নামক আর দুই সহোদরের উল্লেখ দেখা যায়। অতএব চতুঃসনের ঞায় ইহাদিগেরও চারিটিতে একটি অবতার গণনা করা হয়।

কপিল। কপিলদেব জ্ঞানপ্রচারার্থ কর্দম ঋষি হইতে দেবহুতিতে আবির্ভূত হইয়াছিলেন। ইহার বর্ণ কপিল। ইনি ভৃগু প্রভৃতি ঋষিগণকে সেন্থর সাংখ্য উপদেশ করিয়াছিলেন।

দত্ত। দত্ত বা দত্তাত্রেয় জ্ঞানপ্রচারার্থ অত্রিমুনি হইতে অনহুয়াতে আবির্ভূত হইয়া, অলক ও প্রহ্লাদ প্রভৃতিকে আত্মবিজ্ঞা উপদেশ করিয়া-  
ছিলেন।

হয়শীর্ষা । হয়গ্রীব অবতারে শ্রীভগবান্ ব্রহ্মার যজ্ঞে সুবর্ণবর্ণে আবির্ভূত হইয়া বেদাপহারী মধু ও কৈটভ নামক দৈত্যদ্বয়ের বিনাশসাধনপূর্বক পুনর্কার বেদের প্রত্যানয়ন করিয়াছিলেন ।

হংস । হংস নামক অবতারে শ্রীভগবান্ ভক্তিপ্রচারার্থ জল হইতে হংসরূপে প্রাদুর্ভূত হইয়া দেবর্ষি নারদকে ভক্তিযোগ উপদেশ করিয়াছিলেন ।

ঋবপ্রিয় । স্বায়ম্ভুব মন্বন্তরে ঋবকে ঋবগতি প্রদান করিবার নিমিত্ত শ্রীভগবান্ ঋবপ্রিয় নামে প্রাদুর্ভূত হইয়াছিলেন । ইহার অপর নাম পৃথিবী ।

ঋষভ । এই অবতারে শ্রীভগবান্ আগ্নীধের পুত্র নাভি হইতে মেরুদেবীতে অবতীর্ণ হইয়া পারমহংস ধর্ম উপদেশ করিয়াছিলেন ।

নৃসিংহ । ষষ্ঠ চাক্ষুষ মন্বন্তরে সমুদ্রমন্থনের পূর্বে শ্রীভগবান্ নৃসিংহরূপে অবতরণপূর্বক হিরণ্যকশিপুর বিনাশ ও প্রহ্লাদের পরিত্রাণ সাধন করিয়াছিলেন । বেদে নৃসিংহদেবের উল্লেখ দেখা যায় ।

কূর্ম্ম । কল্পের আদিতে পৃথীধারণার্থ যে কূর্ম্ম অভিব্যক্ত হইয়াছিলেন, তিনিই পুনর্কার চাক্ষুষ মন্বন্তরে আবির্ভূত হইয়া পৃষ্ঠদেশে মন্দরাচল ধারণপূর্বক সমুদ্রমন্থন কার্য্য সমাধা করিয়াছিলেন । বেদে এই অবতারেরও বহুল প্রচার দেখা যায় ।

ধন্বন্তরি । সমুদ্রমন্থনকালে শ্রীভগবান্ ধন্বন্তরিরূপে আবির্ভূত হইয়া আয়ুর্কেন্দ্র প্রবর্তন করিয়াছিলেন ।

মোহিনী । সমুদ্রমন্থনকালে শ্রীভগবান্ মোহিনী মূর্ত্তি ধারণপূর্বক আবির্ভূত হইয়া দৈত্যগণের ও মহাদেবের মোহন করিয়াছিলেন ।

বামন । শ্রীভগবান্ ব্রাহ্মকল্পে ক্রমান্বয়ে তিনবার বামনরূপে অবতীর্ণ হইয়াছিলেন । প্রথমতঃ স্বায়ম্ভুব মন্বন্তরে বাঙ্কলি নামক দৈত্যের যজ্ঞে, দ্বিতীয়তঃ বৈবস্বত মন্বন্তরে ধুক্ক নামক অমুরের যজ্ঞে এবং তৃতীয়তঃ ঐ মন্বন্তরের সপ্তম চতুর্ঘুগে কশ্যপ হইতে অদিতিতে প্রাদুর্ভূত হইয়া বলিরাজার যজ্ঞে গমনপূর্বক ত্রিপাদ পরিমিত ভূমি যাক্কা করিয়াছিলেন । সংহিতাতে ও আরণ্যকে এই অবতারের উল্লেখ আছে ।

পরশুরাম । বৈবস্বত মন্বন্তরের সপ্তদশ চতুর্ঘুগে শ্রীভগবান্ গৌরবর্ণ পরশুরামরূপে অবতীর্ণ হইয়া পৃথিবীকে নিঃকত্রিয় করিয়াছিলেন ।

শ্রীরাঘবেন্দ্র । বৈবস্বতমন্বন্তরীয় চতুর্বিংশ চতুর্ঘুগের ত্রেতায়া শ্রীভগবান্

ভরত, লক্ষণ ও শত্রুঘ্নের সহিত নবদুর্ষাদল-শ্যামকান্তি শ্রীরামচন্দ্ররূপে অবতরণ পূর্বক রাক্ষসকুল সংহার করিয়াছিলেন।

ব্যাস। বৈবস্বত মন্বন্তরের অষ্টাবিংশচতুষ্টয়ীয়া দ্বাপরে শ্রীভগবান্ পরাশর হইতে সত্যবতীতে ব্যাসরূপে অবতরণপূর্বক বেদরূপ কল্পতরুর শাখাবিভাগ করিয়াছিলেন।

শ্রীবলরাম ও শ্রীকৃষ্ণ। বৈবস্বত-মন্বন্তরের অষ্টাবিংশ চতুষ্টয়ীয়া দ্বাপরে বর্তমান কলিযুগের পূর্ববর্তী দ্বাপরে শ্রীভগবান্ রাম ও কৃষ্ণ এই দুই মূর্তিতে যদুবংশে অবতরণ পূর্বক পৃথিবীর ভারহরণ করিয়াছিলেন। অথর্কসংহিতার দ্বিতীয় প্রপাঠকে পঞ্চমাসুর্বাকে এই দুই অবতারের একত্র উল্লেখ দেখা যায়। যথা—“নক্তং জ্বাতাসৌষধে রামে কৃষ্ণে অসিক্রি চ।” ইতি। হে ঐষধে বৈষ্ণবদাহশমনি যোগমায়ে, ত্বং রামে বলরামে কৃষ্ণে চ জাতে প্রাদুর্ভূতে সতি জাতা অসি ভবসি অসিক্রি অসিক্রী অবুদ্ধা তরুণীতি তদর্থঃ। হে বৈষ্ণবদাহশমনি যোগমায়ে, তুমি শ্রীবলরাম ও শ্রীকৃষ্ণের প্রাদুর্ভাবের পর তাঁহাদিগের তরুণী অনুজা হইয়া প্রাদুর্ভূত হইয়াছিলে।

বুদ্ধ। বর্তমান কলিযুগের দুই সহস্র বৎসর গত হইলে, শ্রীভগবান্ অম্বরমোহনার্থ গয়াপ্রদেশে বুদ্ধ নামে অবতরণপূর্বক বৌদ্ধধর্ম প্রচার করিয়াছিলেন।

কঙ্কি। কলিযুগের অবসানে শ্রীভগবান্ বিষ্ণুশা নামক ব্রাহ্মণ হইতে কঙ্কিরূপে অবতরণ করিয়া দম্বাপ্রকৃতি নরগণের বিনাশসাধনপূর্বক কলাপ-গ্রামস্থ যোগযুক্ত চন্দ্রবংশীয় শাস্ত্রুর ভ্রাতা দেবাপি ও সূর্য্যবংশীয় মরু দ্বারা পুনর্বার বর্ণাশ্রমধর্ম প্রচার করিবেন।

মন্বন্তরাবতার। যজ্ঞ প্রথম মন্বন্তরাবতার। ইনি লীলাবতারের মধ্যে নির্দিষ্ট হইয়াছেন। দ্বিতীয় মন্বন্তরাবতার বিভু। ইনি বেদশিরা নামক পিতা হইতে তুষিতা নামী জননীতে আবির্ভূত ও নৈষ্ঠিক ব্রহ্মচারী হইয়া ব্রহ্মচর্য উপদেশ করিয়াছিলেন। তৃতীয় মন্বন্তরাবতার সত্যসেন। ইনি ধর্ম হইতে স্নহতাতে প্রাদুর্ভূত হইয়া ইন্দ্রের শত্রুসকল বিনাশ করিয়াছিলেন। চতুর্থ মন্বন্তরাবতার হরি। ইনি হরিমেধা হইতে হরিণীতে জন্মগ্রহণ পূর্বক ইন্দ্র-শত্রুসকলের বিনাশসাধন ও কুন্তীরের মুখ হইতে গজেন্দ্রের উদ্ধার করিয়া-ছিলেন। পঞ্চম মন্বন্তরাবতার বৈকুণ্ঠ। ইনি শুভ্র হইতে বিকুণ্ঠাতে জন্ম-গ্রহণ পূর্বক নিজ মন্বন্তর পালন ও ব্রহ্মাণ্ডান্তর্গত বৈকুণ্ঠলোক রচনা করিয়া-

ছিলেন। ষষ্ঠ মন্বন্তরাবতার অজিত। ইনি বৈরাজ হইতে সম্ভূতিতে জন্ম গ্রহণপূর্বক নিজ মন্বন্তর পালন করিয়াছিলেন। ইনিই উক্ত মন্বন্তরে কুর্মা-রূপ পরিগ্রহ করিয়াছিলেন। বামনদেবই সপ্তম মন্বন্তরাবতার হইয়াছিলেন। অষ্টম মন্বন্তরাবতার সার্কভৌম। ইনি উক্ত মন্বন্তরে দেবগুহ হইতে সর-স্বতীতে প্রাদুর্ভূত হইয়া পুরন্দর নামক ইন্দ্র হইতে স্বর্গরাজ্য হরণপূর্বক বলিরাজাকে অর্পণ করিবেন। নবম মন্বন্তরাবতার ঋষভ। ইনি আয়ুমান্ হইতে অম্বুধরাতে জন্মগ্রহণ পূর্বক শম্ভু নামক ইন্দ্রকে স্বর্গরাজ্য অর্পণ করিবেন। একাদশ মন্বন্তরাবতার ধর্মসেতু। ইনি আর্ধাক হইতে বৈধ্বতাতে জন্মগ্রহণ-পূর্বক নিজ মন্বন্তর পালন করিবেন। দ্বাদশ মন্বন্তরাবতার সূধামা। ইনি সত্য-বহা হইতে স্নাতাতে জন্মগ্রহণপূর্বক নিজ মন্বন্তর পালন করিবেন। ত্রয়োদশ মন্বন্তরাবতার যোগেশ্বর। ইনি দেবহোত্র হইতে বৃহতীতে জন্মগ্রহণপূর্বক নিজ মন্বন্তর পালন করিবেন। চতুর্দশ মন্বন্তরাবতার বৃহদ্ভানু। ইনি সত্রায়ণ হইতে বিনতাতে জন্মগ্রহণপূর্বক নিজ মন্বন্তর পালন করিবেন। এককল্পে অর্থাৎ ব্রহ্মার একদিনে এই চতুর্দশটি মন্বন্তরাবতার হইবে। অতএব ব্রহ্মার একমাসে ৪২০টি, একবৎসরে ৫০৪০টি ও শতবৎসরে ৫০৪০০০টি মন্বন্তরাবতার হইয়া থাকেন।

যুগাবতার। যুগাবতার চারিটি। মন্বন্তরাবতার সকলই নিজ মন্বন্তরে যুগাবতাররূপে প্রাদুর্ভূত হইয়া যুগধর্ম প্রবর্তন করিয়া থাকেন। সত্যযুগে শুক্লনামক যুগাবতার, ত্রেতাযুগে রক্তনামক যুগাবতার, দ্বাপরযুগে শ্রামনামক যুগাবতার, এবং কলিযুগে কৃষ্ণনামক যুগাবতারের কথা শ্রবণ করা যায়। সত্য-যুগে শুক্লবর্ণ, চতুর্ভাছ, জটিল, বঙ্কলাক্ষর, কৃষ্ণমৃগচর্মধারী, যজ্ঞসূত্রবিশিষ্ট, অক্ষমালা-বিভূষিত, দণ্ডকমণ্ডলুধারী ব্রহ্মচারী বেশে অবতরণ করিয়া ধ্যান-ধর্ম প্রচার করিয়া থাকেন। ত্রেতাযুগে রক্তবর্ণ, চতুর্ভাছ, ত্রিমেখল, হিরণ্যকেশ, ত্রয্যাশ্রা, এবং ক্ষুক্ষুর্বাদি দ্বারা উপলক্ষিত যজ্ঞমূর্তিতে অবতরণ করিয়া যজ্ঞ-ধর্ম প্রচার করিয়া থাকেন। দ্বাপরযুগে কখন শ্রামবর্ণ, কখন শুকপত্রবর্ণ, কখন হরিধ্বর্ণ ও কখন পীতবর্ণ হইয়া অবতরণ করিয়া থাকেন। অতীত দ্বাপরে স্বয়ং ভগবান্ পূর্ণব্রহ্ম অতসীকুসুমের ঞায় বা নবীনীরদের ঞায় শ্রামবর্ণ, পীতবসন বক্ষঃস্থলের বামভাগে দক্ষিণাবর্ত রোমাবলিরূপ শ্রীবৎসচিহ্ন ও করচরণাদিতে পদ্মাদিরূপ চিহ্ন দ্বারা চিহ্নিত এবং কোমলভাদিলক্ষণে উপলক্ষিত শ্রীকৃষ্ণরূপে অবতীর্ণ হইয়া অর্চনরূপ যুগধর্ম প্রচার করিয়াছিলেন। কলিযুগে শ্রীভগবান্ কাম্বিতে

অকৃষ্ণ অর্থাৎ ইন্দ্রনীলমণির স্তায় উজ্জলকৃষ্ণবর্ণ, সাজোপাজাস্ত্রপার্বদ আবেশরূপে অবতরণ পূর্বক সঙ্কীর্ণনপ্রধান যজ্ঞের প্রচার করিয়া থাকেন। বিশেষ বিশেষ দ্বাপরে ও বিশেষ বিশেষ কলিতে স্বয়ং ভগবানই অবতরণ করিয়া থাকেন। যে দ্বাপরে ও যে কলিতে স্বয়ং-ভগবানের অবতার হয়, সেই দ্বাপরে ও সেই কলিতে আর পৃথক্ যুগাবতারের প্রয়োজন হয় না। তৎকালে যুগাবতার শ্রীভগবানেই প্রবিষ্ট হইয়া যুগধর্ম প্রচার করিয়া থাকেন।

স্বয়ংরূপাবতার। ব্রহ্মার দ্বিতীয় পরাধ্বের প্রথমশ্বেতবাহুরাহকল্পের বৈব-  
স্বতমস্বস্ত্রীয় অষ্টাবিংশচতুর্ঘৃগস্থ বর্তমান কলিযুগের পূর্ববর্তী দ্বাপরযুগের সন্ধ্যাংশ  
সময়ে, অর্থাৎ ৮৬৩৮৮০ অব্দ গতে দক্ষিণায়নে, বর্ষাকালে, ভাদ্রমাসের অষ্টম  
দিবসে, কৃষ্ণপক্ষীয় অষ্টমী তিথিতে, বুধবারে, রোহিণী নক্ষত্রে, আয়ুত্মান যোগে,  
কৌলব করণে, ষট্চত্বারিংশদণ্ডে, বাত্রির চতুর্দশ দণ্ড গতে, বৃষলগ্নে, শুক্রের  
ক্ষেত্রে, সূর্যের হোরায়, বুধের দ্রেক্ষাগ্নে, শুক্রের নবাংশে, মঙ্গলের দ্বাদশাংশে,  
বৃহস্পতির ত্রিংশাংশে, বৃষরাশিস্থ চন্দ্রে, মকররাশিস্থ মঙ্গলে, কন্বারাশিস্থ বুধে,  
তুলারাশিস্থ শুক্রে ও শনিতে, মীনরাশিস্থ বৃহস্পতিতে, সিংহরাশিস্থ রবিতে ও  
বৃশ্চিকরাশিস্থ রাহুতে স্বয়ং-ভগবান্ শ্রীকৃষ্ণ মথুরামণ্ডলে অবতরণ করিয়াছিলেন।  
বেদে, রামায়ণে, পুরাণে ও ভারতে, সর্বত্রই শ্রীকৃষ্ণের অবতার গীত হইয়া থাকে।  
সকল বেদেই শ্রীকৃষ্ণের উল্লেখ দেখা যায়। নিদর্শনস্বরূপে ঋগ্বেদের তৃতীয়  
অষ্টকের পঞ্চম অধ্যায় দেখ।

ঐ স্থানে উক্ত হইয়াছে,—“ওঁ কৃষ্ণং ত এম ক্রশতঃ পুরোভাশ্চবিষ্ণুর্চি-  
র্বপুষামিদেকং যদপ্রবীতা দধতে হ গর্তুং সত্ত্বশ্চিজ্জাতো ভবসীহ দূতঃ” ইতি।

কৃষ্ণম্ এম প্রাপ্নুয়াম, যশ্চ তে তব ক্রশতঃ রোচমানশ্চ পুরোভাঃ পুরস্তাদীপ্তিঃ  
ভবিতা। চরিষু সঞ্চরণশীলম্ অর্চিঃ বপুষাং বপুষ্যতাম্ একম্ ইৎ এব যৎ যৎ  
ত্বাম্ অপ্রবীতা, নাস্তি প্রকর্ষণে বীতং গমনং যশ্চাঃ সা নিগড়িতা দেবকী কৃষ্ণায়  
দেবকীপুত্রায়ৈতি ছান্দোগ্যে পঞ্চমপ্রপাঠকে দেবক্যা এব কৃষ্ণমাতৃত্বদর্শনাৎ, গর্তুং  
হ দধতে ধারয়তি। সত্ত্বশ্চিৎ সত্ত্বঃ এব ইহ জাতঃ আবিভূতঃ সন্ দূতঃ  
মাতৃবিয়োগদুঃখপ্রদঃ ভবসি ইতি তস্যার্থঃ।

শ্রীকৃষ্ণকে আশ্রয় করি। তিনি পুরোভাগে দীপ্তিমণ্ডলমণ্ডিত। তিনি  
সঞ্চরণশীল তেজের স্তায় অদ্ভুত শরীর ধারণপূর্বক অদ্বিতীয় শরীরী হইলেন।  
নিগড়িতা দেবকী তাঁহাকে গর্তু ধারণ করেন। তিনি দেবকীর গর্তু হইতে  
আবিভূত হইয়া ব্রজে গমনপূর্বক জননীর সম্বন্ধে বিয়োগদুঃখপ্রদ হইলেন।

পুনশ্চ—ঋগ্বেদে ১০ম মণ্ডলে খিলসূক্তে এই মন্ত্রটি পঠিত হয়।

“কৃষ্ণ বিষো হৃষীকেশ বাসুদেব নমোহস্তু তে।”

এই শ্রুতির অর্থ অতিশয় স্পষ্ট।

সমস্ত বেদে অর্থাৎ মন্ত্রে, ব্রাহ্মণে, আরণ্যকে ও পুরাণেতিহাসে, এইপ্রকার শ্রীকৃষ্ণের উল্লেখ দেখা যায়। আবার শ্রীরাধার সহিত শ্রীকৃষ্ণের আবির্ভাবরূপ পরম উৎকর্ষও বেদে উক্ত হইয়া থাকেন।

ঋগ্বেদের পরিশিষ্টগণ্ডে শ্রীরাধামাধবের সুস্পষ্ট উল্লেখ আছে। যথা—  
“রাধয়া মাধবো দেবো মাধবেনৈব রাধিকা বিভ্রাজন্তে জনেষা” ইত্যাদি। এই শ্রুতির অর্থ অতিশয় স্পষ্ট।

শ্রীকৃষ্ণ অন্তান্ত অসত্যতারের ন্যায় পুরুষের অংশ বা কলা নহেন, পরস্তু তিনি স্বয়ং-ভগবান্, এই কথা শ্রীমদ্ভাগবতে স্পষ্টতঃ উক্ত হইয়াছে। শাস্ত্রে শ্রীকৃষ্ণ-নামের সর্কাপেক্ষা মহিমাতিশয়াকথনদ্বারা এবং তদীয় চরণরেণুর লক্ষ্মীদেবীরও প্রার্থনীয়ত্বকথন দ্বারা শ্রীকৃষ্ণের স্বয়ং-ভগবত্ব দৃঢ়ীকৃত হইয়াছে।

ব্রহ্মাণ্ডপুরাণে উক্ত হইয়াছে,—

“সহস্রনামাং পুণ্যানাং ত্রিরাবৃত্ত্যা তু যৎ ফলম্।

একাবৃত্ত্যা তু কৃষ্ণশ্চ নামৈকং তৎ প্রযচ্ছতি ॥”

মহাভারতোক্ত পবিত্র সহস্রনাম তিনবার পাঠ করিলে যে ফল লাভ হয়, ব্রহ্মাণ্ডপুরাণোক্ত শ্রীকৃষ্ণের লীলাঘটিত শতনামের মধ্যে বে কোন একটি নাম একবার কীর্তিত হইয়া সেই ফল প্রদান করিয়া থাকেন।

স্কন্দপুরাণেও বলিয়াছেন, “যিনি মধুর হইতেও মধুর, যিনি সর্ববিধ মঙ্গলের মঙ্গলদায়ক, যিনি সমস্ত বেদবল্লীর উপাদেয় ফল এবং চিদেকম্বরূপ, সেই শ্রীকৃষ্ণের নাম শ্রদ্ধাসহকারে অথবা অবহেলাপূর্বক একবারমাত্রও পরিকীর্তিত হইলে, তৎক্ষণাৎ মরমাত্রকে পরিত্রাণ করিয়া থাকেন।”

“লক্ষ্মীদেবী সর্বদা শ্রীবৈকুণ্ঠনাথ নারায়ণের বক্ষঃস্থলস্থিতা হইয়াও শ্রীকৃষ্ণের বক্ষঃস্থল স্পৃহা করিয়া থাকেন” এইপ্রকার শাস্ত্রোক্তিও দেখা যায়। লক্ষ্মীদেবীর শ্রীকৃষ্ণস্পৃহা সম্বন্ধে পদ্মপুরাণে একটি উপাখ্যান আছে—“কোন সময়ে লক্ষ্মী শ্রীকৃষ্ণের সৌন্দর্য্য অবলোকনে তাহাতে লোপুপ হইয়া তপস্শায় প্রবৃত্ত হইলে, শ্রীকৃষ্ণ তাঁহাকে জিজ্ঞাসা করিলেন, “তোমার তপস্শায় কারণ কি”? লক্ষ্মী বলিলেন, আমি গোপীরূপ ধারণ করিয়া শ্রীবৃন্দাবনে তোমার সহিত বিহার করিতে অভিলাষ করি।” তখন শ্রীকৃষ্ণ বলিলেন, তাহা অত্যন্ত দুর্লভ।” ইত্যাদি।



“স্বয়ং ভগবান্ কৃষ্ণ হরে লক্ষ্মীর মন ।  
 গোপিকার মন হরিতে নারে নারায়ণ ॥  
 নারায়ণের কা কথা শ্রীকৃষ্ণ আপনে ।  
 গোপিকারে হাস্ত করিতে হয় নারায়ণে ॥  
 চতুর্ভূজ মূর্তি দেখায় গোপীগণ আগে ।  
 সেই কৃষ্ণে গোপিকার নহে অনুরাগে ॥”

অতএব মহাবৈকুণ্ঠনাথ শ্রীনারায়ণই শ্রীকৃষ্ণের বিলাস, শ্রীকৃষ্ণ তাঁহার বিলাস  
 নহেন, কিন্তু স্বয়ং-ভগবান্, ইহাই সিদ্ধ হইতেছে ।

এই নিমিত্তই ব্রহ্মসংহিতাতে উক্ত হইয়াছে ;—

• “ঈশ্বরঃ পরমঃ কৃষ্ণঃ সচ্চিদানন্দবিগ্রহঃ ।  
 অনাদিরাদির্গোবিন্দঃ সর্বকারণকারণম্ ॥” ব্রহ্ম সং । ৫।১ ।  
 “রামাদিমূর্তিষু কলানিয়মেন তিষ্ঠন্  
 নানাবতান্নমকরোদ্ ভুবনেষু কিস্তু ।  
 কৃষ্ণঃ স্বয়ং সমভবৎ পরমঃ পুমান্ যো  
 গোবিন্দমাদিপুরুষং তমহং ভজামি ॥” ব্রহ্ম সং । ৫।৩২ ।

শ্রীকৃষ্ণই পরমেশ্বর । সৎ, চিত্ত ও আনন্দই তাঁহার শরীর । তিনি অনাদি  
 ও সকলের আদি । গোপালন তাঁহার লীলা বলিয়া তাঁহার একটি নাম  
 ‘গোবিন্দ’ । তিনি নিখিল কারণের কারণ ।

যে পবনপুরুষ রামাদিমূর্তিসমূহে নিয়মিত শক্তির অভিব্যক্তি করিয়া  
 প্রপঞ্চে বিবিধ অবতার করিয়াছেন, আর শ্রীকৃষ্ণরূপে স্বয়ং অবতীর্ণ হইয়াছেন,  
 আমি সেই আদিপুরুষ শ্রীগোবিন্দের ভজনা করি ।

এই নিমিত্তই ঋতিশ্রুতির তাৎপর্যাবেত্তা দেবর্ষি নারদ, অত্র কাহাকেও  
 প্রণাম না করিয়া, সেই ভগবান্ শ্রীকৃষ্ণকে নমস্কার বলিয়া, শ্রীকৃষ্ণকেই প্রণাম  
 করিয়াছিলেন ।

শ্রীকৃষ্ণের সর্বেশ্বরত্ব তাঁহার লীলাতেই পরিব্যক্ত আছে । তাঁহার লীলার  
 আলোচনাতেই তাহা দেখিতে পাওয়া যায় ।

স্বয়ং ভগবান্ শ্রীকৃষ্ণের অবতরণে মুক্ত, মুমুকু ও বিষয়ী, এই ত্রিবিধ  
 লোকই তুৎপরায়ণ হইয়া তদীয় দাস্যলাভে সমর্থ হইলেন । বিষয়ীসকল শ্রবণ-  
 মনোহরজ্ঞানে তদীয়লীলার আলোচনায় ক্রমশঃ তুৎপরায়ণ হইয়া তদীয়  
 দাস্যধর্ম লাভ করিয়া থাকেন । মুমুকুসকল ভবৌষধজ্ঞানে তদীয় লীলার

আলোচনায় ক্রমশঃ তৎপরায়ণ হইয়া তদীয় দাস্য লাভ করিয়া থাকেন। আর মুক্তপুরুষদিগের মধ্যে জ্ঞানী সকল আনন্দদায়কজ্ঞানে তদীয় লীলার আলোচনায় ক্রমশঃ মমতালাভে কৃতার্থ হইয়া থাকেন, এবং ভক্তসকল দুস্ত্যজ জ্ঞানে তদীয় লীলার আলোচনায় উত্তরোত্তর অধিকতর আনন্দলাভে কৃতার্থ হইয়া থাকেন। অতএব লীলাময় শ্রীকৃষ্ণ কেবল মুক্ত ও মুমুকুর আরাধ্য নহেন, পরন্তু তিনি বিষয়ীরও আরাধ্য দেবতা। তিনি কি ব্রহ্মচারী, কি গৃহী, কি বনবাসী ও কি ভিক্ষু, সকলেরই আরাধ্য। তাঁহার অবতার নিখিল বিশ্বের আকর্ষক। বিশেষতঃ তাঁহার নরলীলা মধুর হইতেও সুমধুর। তিনি কালালীলার বালকক্রীড়া দ্বারা সর্বসত্ত্বমনোহর প্রকৃত বালক। তাঁহার পৌগণ্ডলীলা এবং কৈশোরলীলাও তদ্রূপ চিত্তাকর্ষক। তাঁহার সকল লীলাই মধুর, সকল লীলাই আনন্দময়। তাঁহাতে বিশ্বের সকল সৌন্দর্য্য, সকল মাধুর্য্যই বিরাজ করে। তাঁহাতে নবজলধরের সৌন্দর্য্য, বসন্তের সৌরভা, বিহগকুলের সৌন্দর্য্য ও কুসুমসমূহের সৌকোমলা ঘৃণপৎ বিরাজিত। তারকবাজিত সুনীল নভোমণ্ডল, প্রশান্তগম্ভীর অপার অম্বুবাশি, চপলারাজিত অম্বুদপটল, শান্ত নিঃশব্দ নিবিড় অরণ্যানী ও হিমালয়মণ্ডিত শৈলশিখর তাঁহার ঐশ্বর্য্য ও মাধুর্য্য স্রবণ করাইয়া থাকে। তিনি স্বীয় শৈশবসৌকুমার্য্য, বালচাপলা, পৌগণ্ডক্রীড়া ও কৈশোর-বিহার দ্বারা নিখিল স্থাবরজঙ্গমের আকর্ষণ করিয়া থাকেন।

স্বয়ং-ভগবান্ শ্রীকৃষ্ণের অবতার ঐতিহাসিক রহস্য, উপন্যাস নহে। তাঁহার অবতার বিশ্বরঙ্গে মানবনাট্য। তিনি মনুষ্যনাট্যে বিশ্বরঙ্গে অবতীর্ণ হইয়া স্বীয় লীলা প্রচার করিয়াছেন। তাঁহার অবতারের লীলাসকলও ঐতিহাসিক ঘটনা, রূপকল্পিত নহে। রূপকল্পনা না হইলেও, ঐসকল ঐতিহাসিক ঘটনার অভাস্তরে যে অনেক নিগূঢ় তত্ত্ব উপদৃষ্ট হইয়াছে, তাহা অবশ্য স্বীকার্য্য। ঐসকল নিগূঢ় তত্ত্বের রহস্য উদ্ভিন্ন হইলে, উহা মানবের হৃদয়ক্ষেত্র অধিকার করিয়া থাকে।

স্বয়ং ভগবান্ শ্রীকৃষ্ণ যখন মনুষ্যনাট্যে প্রপঞ্চমধ্যে অবতরণ করেন, তখন তাঁহার সহিত তদীয় পার্শ্বদবৃন্দেরও অবতার হইয়া থাকে। তাঁহার পার্শ্বদবর্গও তাঁহার জ্ঞায় মনুষ্যনাট্য স্বীকারপূর্ব্বক তাঁহার অবতরণের পূর্বে ও পরে এই ধরাধামে অবতরণ করিয়া থাকেন। তাঁহার পার্শ্বদবর্গের অবতारे একটি ঘোরতর সুরাসুরসংগ্রাম উপস্থিত হয়; কারণ, তদেবী অসুরবর্গেরও তদীয় পার্শ্বদবর্গের জ্ঞায় ধরাধামে আবির্ভাব শ্রবণ করা যায়। পার্শ্বদবর্গ জ্ঞানভক্তির

প্রচার দ্বারা ধর্মসংস্থাপনের সাক্ষাৎ সহায়, অতএব তাঁহার মিত্রপক্ষ, এবং অসুরবর্গ উক্ত কার্যের বাধা উৎপাদন দ্বারা ধর্মসংস্থাপনের পরম্পরায় সহায়, অতএব তাঁহার অরিপক্ষ। উভয়পক্ষের যুগপৎ আবির্ভাবে সুরাসুর-সংগ্রাম অনিবার্য; অতএব উভয় পক্ষের সংগ্রামেই মানবলীলার উপসংহার দৃষ্ট হইয়া থাকে। মানবলীলার উপসংহার হইলেও, লীলার পরিসমাপ্তি হয় না, অপ্রকটে অনন্তপ্রকাশে দেবলীলা হইতে থাকে। কারণ, শ্রীকৃষ্ণের নাম, রূপ, গুণ ও লীলা প্রভৃতি সকলই নিত্য। শ্রুতিতেই উক্ত হইয়াছে, “ষদৃগতং ভবচ্চ ভবিষ্যচ্চ”; , ‘একো দেবো নিতালীলানুরক্তো ভক্তব্যাপী ভক্তহৃদয়স্তরায়া।’

নিত্যধামের অনন্ত লীলাকেই দেবলীলা বা অপ্রকটলীলা বলা হয়। ঐ নিত্যধাম গোলোক ও পরব্যোম ভেদে দ্বিবিধ। গোলোকের নামান্তর কৃষ্ণলোক। কৃষ্ণলোক নিত্যধামরূপ পদ্মের কর্ণিকারস্থানীয় এবং পরব্যোম উহার-দলস্থানীয়।

“সহস্রপত্রং কমলং গোকুলাখ্যং মহৎপদম্।

তৎকর্ণিকারং তদ্ধাম তদনন্তাংশসম্ভবম্ ॥”

আথর্কণোপনিষদে উক্ত হইয়াছে ;—“গোকুলাখ্যে মাথুরগণ্ডলে বৃন্দাবনমধ্যে সহস্রদলপদ্মমধ্যে কল্পতরোমূলে অষ্টদলকেশরে গোবিন্দোহপি শ্যামঃ পীতাম্বরো দ্বিভূজো ময়ূরপিচ্ছশিরো বেণুবেত্রহস্তো নিগুণঃ সগুণো নিরাকারঃ সাকারো নিহীহঃ সচেষ্টো বিলাজতে। হে পার্শ্বে চন্দ্রাবলী রাধিকা চেতি। যন্তা অংশে লক্ষ্মীদুর্গাদিকা শক্তিরিতি। অগ্রে চ তস্তাঙ্গা প্রকৃতি রাধিকা নিত্যনিগুণসর্বালঙ্কারশোভিতা প্রসন্নশেষলাবণ্যসুন্দরীতি।”

ছান্দোগ্যে—“স ভগবঃ কস্মিন্ প্রতিষ্ঠিতঃ ? স্বে মহিম্নীতি ৭”

মুণ্ডকে—“দিব্যে পুরে হেষ্ণ সংব্যোম্নাত্মা প্রতিষ্ঠিত ইতি।”

ঋগ্বেদে—“তদ্রুগায়ন্ত বৃষ্ণঃ পরমং পদমবভাতি ভূরীতি।”

গোপালোপনিষদে—“তাসাং মধ্যে সাক্ষাদ্ ব্রহ্ম গোপালপুরী হি।”

শাস্ত্রে কৃষ্ণলোককে পদ্মের কর্ণিকারসদৃশ এবং পরব্যোমকে পদ্মের দলসদৃশ বলিয়াই বর্ণন করেন। ভক্তগণ ভক্তিভাবিত অন্তরে দর্শনও তদ্রূপেই করিয়া থাকেন। উহা ভক্তগণকর্তৃক দৃশ হইলেও পরিচ্ছিন্ন নহে।

“প্রকৃতির পার পরবেশম নাম ধাম।

কৃষ্ণবিগ্রহ যৈছে বিভূত্বাদি গুণবান্ ॥

সর্বগ অনন্ত বিভূ বৈকুণ্ঠাদি ধাম।

কৃষ্ণ কৃষ্ণ-অবতারের তাঁহাই বিশ্রাম ॥”

প্রকৃতির পরে সর্বগামী, অপরিচ্ছিন্ন ও ব্যাপক পর্যায়। পরব্যোমের উপরিভাগে কৃষ্ণলোক। কৃষ্ণলোকের ষারকা, মথুরা ও গোকুল এই তিনরূপে অবস্থিত। সর্বোপরি শ্রীগোকুল, অর্থাৎ শ্রীগোকুলই কেন্দ্রস্থানীয়। গোলোক, বৃন্দাবন ও শ্বেতদ্বীপ ঐ শ্রীগোকুলেরই নামান্তর। শ্রীগোকুল শ্রীকৃষ্ণমূর্তির স্থায় সর্বগ, অনন্ত ও বিভূ। তিনি শ্রীকৃষ্ণের ইচ্ছানুসারেই প্রকটকালে ব্রহ্মাণ্ডমধ্যে প্রকাশ পাইয়া থাকেন। আবার যখন ব্রহ্মাণ্ডে তাঁহার অপ্রকাশ হয়, তখন তিনি অপ্রকটপ্রকাশেই অবস্থান করেন।

শ্রীকৃষ্ণের রূপ, লীলা, ধাম ও গুণ প্রভৃতি সকলই অনন্ত। কেহই তাঁহার গুণাদির অস্ত পান না। অন্তের কথা দূরে থাকুক, শ্রীকৃষ্ণ স্বয়ং নিজগুণের অস্ত পান না।

শ্রুতিদেবী বলিতেছেন,—

“দ্যুপত্য এব তে ন যযুরন্তমনস্ততয়া ।

ত্বমপি যদন্তরাণ্ডনিচয়া নহু সাবরণাঃ ॥ .

থ ইব রজাংসি বাস্তি বয়সা সহ যচ্ছ তয়-

স্থয়ি হি ফলস্ত্যাতন্নিসনেন ভবন্নিধনাঃ ॥” ভা ১০।৮৭।৪১

হে ভগবন্, আপনি অনন্ত, অতএব দেবতারা আপনার অস্ত পান না। দেবতাদিগের কথা দূরে থাকুক, আপনিও আপনার অস্ত পান না। সাবরণ ব্রহ্মাণ্ড সকল আকাশে রজ্জুকণার স্থায় কালচক্র দ্বারা পরিবর্তিত হইয়া আপনার দেহমধ্যেই পরভ্রমণ করিয়া থাকে। ভবৎপর্য্যবসিতা শ্রুতিসকল অত্রনিসনমুখে অর্থাৎ ‘তন্ন তন্ন’ বিস্ময় করিয়া আপনাতেই ফলিত হইয়া থাকে।

ঐ কথাও ত্যাগ কর। শ্রীকৃষ্ণ ব্রজে অবতরণ করিলে, যদি তাঁহার সেই অবতারলীলা বিচার করিতে অভিলাষ করা যায়, তবে মন ঐ লীলারও অস্ত পায় না। ব্রজলীলায় শ্রীকৃষ্ণ এক মুহূর্তেই প্রকৃত ও অপ্রাকৃত দুইপ্রকার সৃষ্টি করিয়াছেন। তিনি এক মুহূর্তেই বৈকুণ্ঠনাথের সহিত অনন্ত বৈকুণ্ঠ ও ব্রহ্মাণ্ডনাথের সহিত অনন্ত ব্রহ্মাণ্ড রচনা করিয়াছিলেন। এরূপ আর কোথাও শ্রবণ করা যায় নাই। ইহা শ্রবণ করিলে, চিত্ত ঐদাসীত্ব অবলম্বন করে। শ্রীকৃষ্ণ যখন ব্রহ্মার মোহনার্থ অসংখ্য গোপবালক ও গোপবালিকা এবং তাঁহাদিগের বসনভূষণাদি সমস্তই স্বয়ং রচনা করিয়া ব্রহ্মাকে ঐ সকল আবার চতুর্ভুজ নারায়ণের আকারে দর্শন করাইয়াছিলেন, তখন ব্রহ্মা মোহিত হইয়া অনেক স্তবস্ততির পর বলিয়াছিলেন,—

“জানন্ত এব জানন্ত কিং বহুত্যা ন যে প্রতো ।

মনসো বপুষো বাচো বৈভবং ভব পোচরঃ ।” ভা ১০।১৪।৩৮

হে প্রতো, বহু উক্তির প্রয়োজন নাই ; বাহারা তোমার বৈভব জানি বলিয়া অভিমান করে, তাহারা জানুক ; তোমার বৈভব আমার কিন্তু শরীর, বাক্য ও মনের অগোচর ।

শ্রীকৃষ্ণের মহিমার কথাও পরিত্যাগ কর । শ্রীবৃন্দাবনভূমির আশ্চর্য্য বিভূত্ব দেখ । শাস্ত্র বলেন, শ্রীবৃন্দাবন ষোল কোশ ভূমি । সেই ষোলকোশ শ্রীবৃন্দাবনের একদেশে অসংখ্য বৈকুণ্ঠ ও ব্রহ্মাণ্ড প্রকাশ পাইয়াছিল । বলিতে বলিতে প্রভুর ঐশ্বর্য্যসাগর ফুরিত হইল । শ্রীমদ্ভাগবতের নিম্নলিখিত শ্লোকটি পাঠ করিতে লাগিলেন ।

শ:

স্বারাজ্যলক্ষ্ম্যাপ্তসমস্তকামঃ ।

বলিং হরভিষ্টিরলোকপালৈঃ

কিরীটকোটিভিতপাদপীঠঃ ॥ ভা ৩২।২১

যাঁহঁর সমান নাই এবং যাঁহা অপেক্ষা অধিক কেহই নাই, যিনি ত্র্যধীশ্বর ও পরমানন্দরূপসম্পত্তি দ্বারা সমস্ত ভোগ প্রাপ্ত হইয়াছেন, লোকপালসকল উপহার লইয়া কিরীট-কোটি দ্বারা যাঁহাঁর পাদপীঠের স্তব করিয়া থাকেন, সেই শ্রীকৃষ্ণের উগ্রসেনাহুত্তি অর্নাবিগের বিশেষ ব্যথা উৎপাদন করে ।

ব্রহ্মা, বিষ্ণু ও শিব সৃষ্টাদিকাব্যের জৈশ্বর হইয়াও যাঁহাঁর আজ্ঞাকারী, সেই শ্রীকৃষ্ণই অধীশ্বর । • স্কুল, স্কন্দ ও সমষ্টির অন্তর্ধামী তিন পুরুষ জন্মতের জৈশ্বর হইয়াও যাঁহাঁর অংশ, সেই শ্রীকৃষ্ণই ত্র্যধীশ্বর । •

“ঋশ্তকনিষ্কসিতকালমথাবলম্ব্য

জীবন্তি লোমবিক্রম্য ভগবৎনাথাঃ ।

বিষ্ণুর্মহান্ স ইহ বক্ত কলাবিশেষো

গোবিন্দমাদিপুরুষং ভমহং ভজামি ॥” ব্রহ্ম সং ৫।৪৮

লোমকূপে আবির্ভূত ব্রহ্মা, বিষ্ণু ও শিব যাঁহাঁর একটি নিবাসপরিমিত কালকে অবলম্বন করিয়া নিজ নিজ স্বাধিকারে প্রকটরূপে অবস্থিতি করেন, সেই মহাবিষ্ণুও যাঁহাঁর কলাবিশেষ, সেই অাদিপুরুষ শ্রীগোবিন্দকে ভজন করি ।

গোলোক বৃন্দাবন শ্রীকৃষ্ণের মাধুর্য্যময় অন্তঃপুর । সেই অন্তঃপুরে পিতা, মাতা ও বহুগণ, যোগমায়া রূপা দাসী এবং মধুর রাসাদিলীলাসকল বিরাজ

করেন। সেই অস্ত্রপুর অনন্ত ঐশ্বর্যের ও মাধুর্যের তাণ্ডার। সেই অস্ত্রপুরের তলে পরব্যোম নামক মধ্যম আশ্রয় অর্থাৎ বৈঠকখানা বাড়ী। সেই মধ্যম আশ্রয় শ্রীকৃষ্ণের ঋতুঐশ্বর্যের তাণ্ডার এবং সেই মধ্যম আশ্রয়েই অনন্ত বৈকুণ্ঠ ও বৈকুণ্ঠপার্শ্বগণ বিরাজ করেন।

“গোলোকনাম্নি নিজধাম্নি তলে চ তশ্চ

দেবীমহেশহরিধামনু তেষু তেষু।

তে তে প্রভাবনিচয়া বিহিতাশ্চ যেন

গোবিন্দমাদিপুরুষং তমহং তজামি॥” ব্রহ্মসং ৫।৪৩ .

গোলোক শ্রীকৃষ্ণের নিজধাম এবং সর্বোচ্চবর্তী অর্থাৎ কেন্দ্রস্থানীয়। উহার তলে হরিধাম অর্থাৎ পরব্যোম, মহেশধাম অর্থাৎ মুক্তিধাম এবং দেবীধাম অর্থাৎ মায়্যধাম এই তিনটি লোক পর পর গোলোকের আধরণরূপে বিরাজিত। ঐ সকল ধামে যিনি যথাযোগ্য ঐশ্বর্যসকল বিধান করিয়াছেন, সেই আদি-পুরুষ শ্রীগোবিন্দকে ভজন করি।

শ্রীকৃষ্ণের পরব্যোম নামক মধ্যম আশ্রয়ের পর শ্রীভগবানের শ্বেদজলবাহিনী বিরজা নামী নদী। ঐ বিরজাই কারণার্ণব। কারণার্ণবের একপারে পরব্যোম অর্থাৎ শ্রীভগবানের নিত্য ও অনন্ত ত্রিপাদবিভূতি এবং অপরপারে মায়্যধাম অর্থাৎ ব্রহ্মাণ্ড বা পাদবিভূতি। এই ব্রহ্মাণ্ডই শ্রীভগবানের বহির্বাটী। এই বহির্বাটীর অধীশ্বরী প্রাকৃতসম্প্রজ্ঞা অগণন্য। মায়া তাঁহার দাসী। এই স্থানেই জীবগণ বাস করিয়া থাকেন। শ্রীকৃষ্ণ হরিধাম, মহেশধাম ও দেবীধাম এই তিন ধামেরই অধীশ্বর।

শ্রীকৃষ্ণের ত্রিপাদবিভূতি বাক্য ও মনের অগোচর। তাঁহার ত্রিপাদ বিভূতির কথা দূরে থাকুক, পাদবিভূতিরই অস্ত্র পাওয়া যায় না। পরিদৃশ্যমান এক একটি সৌরজগৎ এক একটি ব্রহ্মাণ্ড। এমন ব্রহ্মাণ্ড অগণন্যই আছে। প্রত্যেক ব্রহ্মাণ্ডেই একজন করিয়া সৃষ্টিকর্তা, একজন করিয়া পালনকর্তা ও একজন করিয়া সংহারকর্তা আছেন। উহাদের সাধারণ নাম চিরলোক-পাল।

শ্রীকৃষ্ণের দ্বারকালীলার সময় একদিন এই ব্রহ্মাণ্ডের সৃষ্টিকর্তা ব্রহ্মা তাঁহার দর্শনার্থ দ্বারকায় আগমন করিলেন। তিনি আসিয়া দ্বারপাল দ্বারা শ্রীকৃষ্ণকে নিজের আগমনসংবাদ জানাইলেন। শ্রীকৃষ্ণ শুনিয়া দ্বারপালকে বলিলেন, “কোন্ ব্রহ্মা আগমন করিয়াছেন, তাঁহার নাম কি, শুনিয়া

আইস ৷” দ্বারপাল ব্রহ্মার নিকট আসিয়া শ্রীকৃষ্ণের কথা জানাইল। ব্রহ্মা শুনিয়া বিস্মিত হইয়া বলিলেন, “আমি সনকপিতা চতুর্মুখ ব্রহ্মা।” দ্বারপাল যাইয়া শ্রীকৃষ্ণের নিকট ব্রহ্মার উত্তর নিবেদন করিল। শ্রীকৃষ্ণ শুনিয়া ব্রহ্মাকে লইয়া আসিতে অনুমতি করিলেন। দ্বারপাল তদনুসারে ব্রহ্মাকে লইয়া আসিল। ব্রহ্মা আসিয়া শ্রীকৃষ্ণের চরণে দণ্ডবৎ প্রণাম করিলেন। শ্রীকৃষ্ণ ব্রহ্মাকে যথাযোগ্য পূজা করিয়া আগমনের কারণ জিজ্ঞাসা করিলেন। ব্রহ্মা বলিলেন, “আমার আগমনের কারণ পরে নিবেদন করিতেছি। প্রথমতঃ আমার একটি সংশয় অপনোদন করিতে হইবে। আপনি দ্বারপাল দ্বারা ‘কোন ব্রহ্মা’ এইরূপ প্রশ্ন করিয়াছিলেন, উহার কারণ কি? ব্রহ্মাণ্ডে মদতি-রিক্ত আরও কি কোন ব্রহ্মা আছেন?” ব্রহ্মার এইরূপ প্রশ্ন শুনিয়া শ্রীকৃষ্ণ ঈষৎ হাস্য করিলেন। তাঁহার হাস্যই জনোন্মাদকারী মায়া। তিনি হাস্য করিবামাত্র সভামধ্যে অসংখ্য ব্রহ্মার আবির্ভাব হইল। ঐ সকল ব্রহ্মার কেহ দশবদন, কেহ বিংশতিবদন, কেহ শতবদন, কেহ সহস্রবদন, কেহ লক্ষবদন, কেহ বা কোটিবদন। ব্রহ্মাসকলের সহিত লক্ষকোটনয়নসম্বিত ইন্দ্র প্রভৃতি দেবতারাও আগমন করিলেন। তদর্শনে চতুর্মুখ ব্রহ্মার বিস্ময়ের পরিসীমা রহিল না। তিনি দেখিলেন, তাঁহার স্তায় কত শত ব্রহ্মা ও কত শত অপর দেবতা আসিয়া মুকুটকোটিদ্বারা শ্রীকৃষ্ণের পাঠপীঠ স্পর্শ করিতে-ছেন। ঐ সকল মুকুট ও পাদপীঠের সংঘর্ষে ঘোরতর ধ্বনি উত্থিত হইতেছে। প্রণামের পর ঐ সকল ব্রহ্মেন্দ্রাদি দেবগণ শ্রীকৃষ্ণের স্তব করিতে লাগিলেন। স্তবের পর তাঁহারা যুক্তকরে জিজ্ঞাসা করিতে লাগিলেন, “প্রভো, এই দাস-গণকে কি নিমিত্ত আহ্বান করিয়াছেন, বলিতে আজ্ঞা হউক; আপনার আজ্ঞা আশাদিগের নিরোধার্থ্য।” শ্রীকৃষ্ণ বলিলেন, “বিশেষ কোন প্রয়োজন নাই, তোমাদিগকে দেখিবার ইচ্ছা হওয়াতেই আহ্বান করিয়াছিলাম। তোমা-দিগের আর কোন দৈত্যভয় নাই ত?” তাঁহারা বলিলেন, “আপনার প্রসাদে দৈত্যভয়ের সম্ভাবনা কোথায়? আপনার অবতারে এই পৃথিবীর দৈত্যভয়ও অন্তর্হিত হইয়াছে।” প্রত্যেক ব্রহ্মেন্দ্রাদি দেবতাই এইপ্রকার উত্তর করিলেন। কিন্তু একজন অপরজনকে লক্ষ্য করিলেন না। অধিকন্তু সকলেই মনে করিলেন, শ্রীকৃষ্ণ তাঁহারই ব্রহ্মাণ্ডে বিরাজ করিতেছেন। ইহা আশ্চর্য্যও নহে। দ্বারকাপুরীর বৈভবই এইরূপ। অনন্তর শ্রীকৃষ্ণ একে একে আহৃত ব্রহ্মেন্দ্রাদি দেবগণের সকলকেই বিদায় করিলেন। চতুর্মুখ ব্রহ্মা

সকলই দেখিলেন। দেখিয়া সবিস্ময়ে শ্রীকৃষ্ণের চরণে নমস্কারপূর্বক বলিলেন, “প্রভো, আমার সংশয় নিবৃত্ত হইয়াছে, যাহা শুনিতে ইচ্ছা করিয়াছিলাম, তাহা স্বচক্ষে প্রত্যক্ষ করিলাম।” এই কথা বলিয়া ব্রহ্মা শ্রীকৃষ্ণের অনুমতি লইয়া স্বধামে গমন করিলেন।

গোলোকাভিধেয় গোকুল, মথুরা ও দ্বারকা এই তিন ধামেই শ্রীকৃষ্ণের নিত্য অবস্থান। এই তিন ধাম তাঁহার স্বরূপৈশ্বর্য দ্বারা পূর্ণ। তিনি এই তিন ধামের অধীশ্বর বলিয়াই তাঁহাকে ত্রাধীশ্বর বলা হয়।

শ্রীকৃষ্ণের ঐশ্বর্য বর্ণন করিতে করিতে প্রভুর মাধুর্য্যসুফুটি হইল। অমনি নিম্নলিখিত শ্লোকগুলি পাঠ করিয়া ব্যাখ্যা করিতে লাগিলেন।

“যন্নর্তালীলৌপয়িকং স্বযোগ-

মায়াবলং দর্শয়তা গৃহীতম্ ।

বিস্মাপনং স্বশ্চ চ সৌভগর্দেঃ

পরং পদং ভূষণভূষণঙ্গম্ ॥” ভূ ৩২।১২

“কৃষ্ণের যতেক খেলা, সর্বোত্তম নরলীলা,

নববপু তাহার স্বরূপ ।

গোপবেশ বেণুকর, নবকিশোর নটবর,

নরলীলার হয় অমুরূপ ॥

কৃষ্ণের মধুর রূপ শুন সনাতন ।

যে রূপের এককণ, ডুবায় সব ত্রিভুবন,

• সব প্রাণী করে আকর্ষণ ॥ ৫ ॥ •

যোগমায়া চিহ্নক্তি, বিশুদ্ধ সত্ত্ব পরিণতি,

তার শক্তি লোকে দেখাইতে ।

এইরূপ রতন, ভক্তগণের গূঢ়ধন,

প্রকট কৈল নিত্যলীলা হৈতে ॥

রূপ দেখি আপনার, কৃষ্ণের হয় চমৎকার,

আশ্বাদিতে মনে উঠে কাম ।

স্বসৌভাগ্য যার নাম, সৌন্দর্য্যারি গুণগ্রাম,

এই রূপ তার নিত্য ধাম ॥

ভূষণের ভূষণ অঙ্গ, তাহে ললিত ত্রিতঙ্গ,

তার উপর ক্রধনু-নর্তন ।



তেরছ নেত্রান্ত বাণ,                      তার দৃঢ় সন্ধান,  
বিক্ষে রাখা গোপীগণ মন ॥

অক্ষাণ্ডাদি পরব্যোম,                      তাঁহা যে স্বরূপগণ,  
তা সবার বলে হরে মন ।

পতিব্রতা-শিরোমণি,                      ধারে কহে বেদবাণী,  
আকর্ষয়ে সেই লক্ষ্মীগণ ॥

চড়ি গোপী মনোরথ,                      মন্দ্যথের মন মখে,  
নাম ধরে মদনমোহন ।

জিনি পঞ্চশর দর্প,                      স্বয়ং নব কন্দর্প,  
রাস করে লঞা গোপীগণ ॥

নিজ সম সখা সঙ্গে,                      গোগণ চারণ রঙ্গে,  
বৃন্দাবনে স্বচ্ছন্দ বিহার ।

যার রেণুধ্বনি শুনি,                      স্থাবর জঙ্গম প্রাণী,  
পুলক কম্প বহে অশ্রুধার ॥

মুক্তাহার বকর্পাতি,                      ইন্দ্রধনু পিঙ্কততি,  
পীতাম্বর বিজুলী সঞ্চার ।

কৃষ্ণ নব জলধর,                      জগৎ শস্য উপর,  
বরিশরে সীলামৃতধার ॥

মাধুর্য ভগবন্তা-সার,                      ব্রজে কৈল পরচার,  
তাঁহা শুক ব্যাসের নন্দন ।

স্থানে স্থানে ভাগবতে,                      বর্ণিয়াছে নানামতে,  
যাহা শুনি মাতে তত্ত্বগণ ।

কহিতে কৃষ্ণের রসে,                      শ্লোক পড়ে প্রেমাবেশে,  
প্রেমে সনাতন-হাতে ধরি ।

গোপীভাগ্য কৃষ্ণ গুণ,                      যে করিল বর্ণন,  
ভাবাবেশে মথুরানাগরী ॥”

“গোপ্যস্তপঃ কিমচরন্ যদমুখ্য রূপং,

লাবণ্যসারসসমোজ্জ্বলনশ্চসিদ্ধম্ ।

দৃশ্ণ্তিঃ পিবন্ত্যনুসবাতিনবং ছরাপ-

মেকান্তধাম ঘনসঃ শ্রিয় ঐশ্বর্যম্ ॥” তা ১০।৪৪।১৪

“তারুণ্যামৃত পারাবার,                      তরুণ লাবণ্যসার,

তাতে সে আবর্ষ ভাবোদগম ।

বংশীধ্বনি চক্রবাত,                      নারীর মন ভূষণাত,

তাগা ভুবান, না হয় উদগম ॥

সখি হে ! কোন্ তপ তৈকল গোপীগণ ?

কৃষ্ণরূপ সুমাধুরী,                      পিবি পিবি নেত্র ভরি,

শ্লাঘ্য করে জন্ম তনু মন ॥ ৫ ॥

যে মাধুরীর উর্দ্ধ আন,                      নাহি যার সমান,

পরব্যোম-স্বরূপের গণে ।

যিহো সব অবতারী,                      পরব্যোমের অধিকারী,

এ মাধুর্য নাহি নারায়ণে ॥

তাতে সাক্ষী সেই রমা,                      নারায়ণের প্রিয়তমা,

পতিরতাগণের উপাশ্রা ।

তিহো এ মাধুর্য লোভে,                      ছাড়ি সব কামভোগে,

ব্রত করি করিম তপশ্রা ॥

সেইতো মাধুর্য সার,                      অন্ত সিদ্ধি নাহি তার,

তিহো মাধুর্যাদি গুণধনি ।

আর সব প্রকাশে,                      তাঁর দত্ত গুণ ভাসে,

যাহা যত প্রকাশ কার্য জানি ॥

গোপীভাবদর্পণ,                      নব নব ক্ষণে ক্ষণ,

তার আগে কৃষ্ণের মাধুর্য ।

দৌহে করি হুড়াহুড়ি,                      বাড়ে মুখ নাহি মুড়ি,

নব নব দৌহার প্রাচুর্য ॥

কর্ম, তপ, যোগ জ্ঞান,                      বিধি, ভক্তি, জপ, ধ্যান,

ইহা হৈতে মাধুর্য ছলিত ।

কেবল যে রাগমার্গে,                      ভজে কৃষ্ণে অনুরাগে,

তারে কৃষ্ণমাধুর্য বলিত ॥

সেইরূপ ব্রজেশ্বর,                      ঐশ্বর্যমাধুর্যস্বর,

দিক্য গুণসম রসালয় ।

আনের বৈভব সত্তা, কৃষ্ণদত্ত ভগবত্তা,  
 কৃষ্ণ সর্ক অংশী, সর্কশ্রয় ॥  
 শ্রী, রাজা, দয়া, কীর্তি, ধৈর্য্য, বৈশারদী মতি,  
 এই সব কৃষ্ণে প্রতিষ্ঠিত ।  
 সুশীল, মৃদু, বদান্ত, কৃষ্ণে বিনা নাহি অন্ত,  
 করে কৃষ্ণে জর্গতের হিত ॥  
 কৃষ্ণে দেখি নানা জন, কৈল নিমিষ নিন্দন,  
 ব্রজে বিধি নিন্দ গোপীগণ ।  
 সেই সব শ্লোক পড়ি, মহাপ্রভু অর্থ করি,  
 সুখ মাধুর্য্য করে আশ্বাদন ॥”

“যশ্চাননং মকরকুণ্ডলচারুবর্ণ-  
 ব্রাজুকপোলসুভগং সবিলাসহাসম্ ।  
 নিত্যোৎসবং ন তত্পদৃশিভঃ পিবন্ত্য  
 নার্য্যা নরাস্চ মুদিভাঃ কুপিভা নিমেষ ॥” ভা ৯।২৪।৬৫  
 “অটতি যন্তগানাহি কাননং,  
 ক্রটিষুগায়তে ভ্রামপশুভাম্ ।  
 কুটিলকুস্তলং শ্রীমুখঞ্চ তে,  
 জড় উদীকতাং পক্ষকৃদ্ধশাম্ ॥” ভা ১০।৩১।১৫

“কামগায়ত্রী মন্ত্ররূপ, হয় কৃষ্ণের স্বরূপ,  
 সার্ব্ধি চবিশ অক্ষর তার হয় ।  
 সে অক্ষর চন্দ্র হয়, কৃষ্ণে করি উদয়,  
 ত্রিজগত করিল কামময় ॥  
 সখি হে ! কৃষ্ণমুখ দ্বিজরাজ রাজ ।  
 কৃষ্ণবপু সিংহাসনে, বসি রাজ্যাশাসনে,  
 সঙ্গে করি চন্দ্রের সমাজ ॥ ৬ ॥  
 ছই গণ্ড সুচিহ্ন, জিনি মণিদর্পণ,  
 সেই ছই পূর্ণচন্দ্র জানি ।  
 ললাটে অষ্টমী ইন্দু, তাহাতে চন্দ্র-বিন্দু,  
 সেহো এক পূর্ণচন্দ্র মানি ॥





নীবী ধসায় পতি-আগে, গৃহকর্ম করায় ত্যাগে,  
বলে ধরি আনে কৃষ্ণস্থানে ।  
লোকধর্ম লজ্জা ভয়, সব জ্ঞান লুপ্ত হয়,  
ঐছে নাচায় সব নারীগণে ॥  
কাণের ভিতর বাসা করে, আপনি তাঁহা সদা ক্ষুরে,  
অন্ত শব্দ না দেয় প্রবেশিতে ।  
আন কথা না শুনে কাণ, আন বলিতে বলে আন,  
এই কৃষ্ণের বংশীর চরিতে ॥  
পুনঃ কহে বাহুজ্ঞানে, আন কহিতে কহিল আনে,  
কৃষ্ণকৃপা তোমার উপরে ।  
মোর চিত্ত ভ্রম করি, নিজৈশ্বর্য মাধুরী,  
মোর মুখে শুনায় তোমারে ॥”

।

সম্বন্ধতত্ত্ব বলা হইল । অতঃপর অভিধেয়তত্ত্ব বলিব । কৃষ্ণতত্ত্বই অভিধেয়  
বলিয়া নিশ্চিত হয়েন ।

“শ্রুতি মাতা পৃষ্ঠা দিশতি ভবদারাধনবিধিং  
যথা মাতুর্বাণী স্মৃতিরপি তথা বক্ত্তি ভগিনী ।  
পুরাণাণা য়ে বা সহজনিবহা স্তে তদমুগা

অতঃ সত্যং জ্ঞাতং মুরহর ভবানেব শরণম্ ॥” মহাজনবাক্য ।

শ্রুতিই মানবের মাতা । তাঁহাকে জিজ্ঞাসা করিলে, তিনি তোমার  
আরাধনা করিতে উপদেশ করিয়া থাকেন । মাতা যাহা বলেন, ভগিনী স্মৃতি ও  
তাঁহাই বলেন । পুরাণাদি ভ্রাতৃগণ ও জননী এবং ভগিনীরই অনুগত । অতএব  
হে মুরহর, তুমিই একমাত্র আশ্রয়, ইহা সত্য বুঝিয়াছি ।

স্বয়ং ভগবান্ শ্রীকৃষ্ণই অদ্বয় জ্ঞানতত্ত্ব । অদ্বয়-জ্ঞানতত্ত্ব-রূপ স্বয়ং-ভগবান্  
শ্রীকৃষ্ণ স্বরূপে, স্বরূপবিলাসরূপে, স্বরূপশক্তিরূপে, স্বরূপশক্তিবিলাসরূপে,  
স্বরূপশক্তিবৃত্তিরূপে ও স্বরূপশক্তিবৃত্তিবিলাসরূপে নিত্য বিরাজিত । স্বরূপ স্বয়ং-  
ভগবান্ শ্রীকৃষ্ণ ; স্বরূপবিলাস শ্রীবলরাম ও শ্রীনারায়ণ ; স্বরূপশক্তি শ্রীরাধিকা ;  
স্বরূপশক্তিবিলাস শ্রীচন্দ্রাবলী ও শ্রীলক্ষ্মী ; স্বরূপশক্তিবৃত্তি বিশ্বক্ৰমস্বয়ং ; স্বরূপ-

শক্তিবৃদ্ধিবিলাস বিশুদ্ধস্বের প্রকাশ। অবতারসকল স্বরূপবিলাসের অংশ ; পরিকরসকল স্বরূপশক্তির বা স্বরূপশক্তিবিলাসের অংশ। স্বরূপবিলাসের অংশ-ভূত অবতারসকল শ্রীকৃষ্ণের স্বাংশ বলিয়াই গণ্য হইলেন। তটস্থশক্তিরূপ জীবসকল শ্রীকৃষ্ণের বিভিন্নাংশ। এই সকল স্বাংশ ও বিভিন্নাংশ লইয়াই শ্রীকৃষ্ণ অনন্ত বৈকুণ্ঠ ও ব্রহ্মাণ্ডে বিহার করিয়া থাকেন। বিভিন্নাংশ জীব আবার নিত্যমুক্ত ও নিত্যসংসার ভেদে দুইপ্রকার। যাহারা নিত্য শ্রীকৃষ্ণচরণে উন্মুখ, তাঁহারা নিত্যমুক্ত। তাঁহারা পার্শ্বদম্বোধি গণ্য হইয়া থাকেন। আর যাহারা নিত্য বহিমুখ, তাঁহারা নিত্যসংসার। তাঁহারা অনাদিবহিমুখতাবশতঃ সংসারবদ্ধ হইয়া সংসারদুঃখ ভোগ করেন। তাঁহাদিগের বহিমুখতা নিবন্ধনই মায়া তাঁহাদিগকে বন্ধন করিয়া সংসারদুঃখ প্রদান করিয়া থাকেন। ঐ সংসার-দুঃখ আধাত্মিকাদি ভেদে ত্রিবিধ। এই নিমিত্তই সংসারদুঃখকে ত্রিতাপ বলা হয়। জীব কাম ও ক্রোধের বশীভূত হইয়াই ত্রিতাপ ভোগ করিয়া থাকেন। সংসারচক্রে ভ্রমণ করিতে ফরিতে যে জীব সাধুরূপ বৈষ্ণু লাভ করেন, তিনিই তদুপদেশে সংসাররোগ হইতে মুক্ত হইলেন। সাধুবৈষ্ণুর উপদেশরূপ মন্ত্রের বলেই জীবের মায়াপিশাচীর আবেশ তাগ হইয়া যায় এবং উহার সঙ্গে সঙ্গেই ত্রিতাপেরও নিবৃত্তি হইয়া থাকে। তখনই জীব কৃষ্ণভক্তি লাভ করিয়া পুনশ্চ কৃষ্ণের নিকট গমন করেন।

“কামাদীনাং কতি ন কতিধা পালিতাঃ ছর্নিদেশা-

স্তেষাং জাতা ময়ি ন করুণা ন ত্রপা নোপশান্তিঃ ।

উৎসৃজ্যেতান্থ যদুপতে সাম্প্রতং লব্ধবুদ্ধি-

স্থামায়াতঃ শরণমভয়ং মাং দিযুঙ্ক্ষ্বাদাস্তে ॥”

ভক্তিরসামৃতসিকৌ পশ্চিম বি। ২ ল। শ্লো ৩।

আমি কামাদির কত ছর্নিদেশ কতপ্রকারেই না পালন করিয়াছি, তথাপি আমার প্রতি তাহাদের দয়া হইল না, অথবা তাহারা আমাকে দয়া করিতে অসমর্থ হইয়া লজ্জিত বা নিবৃত্ত হইল না। হে যদুপতে, এখন আমার জ্ঞান লাভ হইয়াছে, আমি তাহাদিগকে ত্যাগ করিয়া তোমার অভয় চরণ আশ্রয় করিয়াছি, তুমি আমাকে নিজদাস্ত্রে নিয়োগ কর।

শ্রীকৃষ্ণভক্তিই সর্বপ্রধান অভিধেয়। কর্ম, যোগ ও জ্ঞান, এই তিনটিই ভক্তিযুথা-পেক্ষী। কর্ম, যোগ ও জ্ঞানের ফল ভক্তিফলের তুলনায় অতি তুচ্ছ। কর্মাদি ঐ অতি-তুচ্ছ নিজফলও আবার ভক্তির সাহায্য ব্যতিরেকে প্রদান করিতে সমর্থ হয় না।

“নৈষ্কৰ্ম্যমপ্যচ্যুতভাববর্জিতং

ন শোভতে জ্ঞানমলং নিরঞ্জনম্ ।

কুতঃ পুনঃ শব্দভদ্রমীশ্বরে

ন চার্পিতং কৰ্ম যদপ্যাকারণম্ ॥” ভা ১।৫।১২

শুভাশুভ-কৰ্ম-লেপ-রহিত ব্রহ্মের সহিত একাকার বলিয়া জ্ঞানের একটি নাম নৈষ্কৰ্ম্য। নৈষ্কৰ্ম্যাভিধেয় জ্ঞান আবার অবিগ্ৰাহ্য অঞ্জনের অর্থাৎ উপাধির নিবর্তক হয়। তাদৃশ জ্ঞানও যদি ভগবদ্ভক্তিবর্জিত হয়, তবে তাহা কোনরূপেই শোভা পায় না, অর্থাৎ ভগবৎসাক্ষাৎকার ঘটাইতে পারে না। জ্ঞানেরই যখন ঈদৃশী দশা, তখন সাধনকালে ও ফলকালে দুঃখপ্রদ যে কাম্যকৰ্ম ও অকাম্যকৰ্ম, তাহা ঈশ্বরে অর্পিত না হইলে, ভক্তির আকারে আকারিত না হইলে, কি কখন শোভা পাইতে পারে? যোগীর যোগ, কৰ্মীর কৰ্ম, জ্ঞানীর জ্ঞান বা মন্ত্রীর মন্ত্র কৃষ্ণার্পণ ব্যতিরেকে কখনই সফল প্রসব করিতে পারে না।

ভক্তিবহিত কৰ্ম ও যোগ কিছু কিছু সিদ্ধি উৎপাদন করিয়াই নিবৃত্ত হইয়া থাকে। ঐ সকল সিদ্ধিও আবার চিরস্থায়িনী হয় না। ভক্তিরহিত জ্ঞানও তদ্রূপ অকিঞ্চিৎকর। যে স্বসত্তার জ্ঞান নাস্তিকেরও আছে, নাস্তিকেরাও যাহার অপলাপ করিতে সাহসী হয় না, জ্ঞানীর জ্ঞানও সেই স্বসত্তাতেই পর্যাবসিত হইয়া থাকে, তাহা হইতে অতিরিক্ত কোন ফলই উৎপাদন করিতে পারে না। ব্রহ্মা বলিয়াছিলেন,—

“শ্রেয়ঃসৃতিং ভক্তিযুদশ্চ তে বিভো

ক্লিশ্বস্তি য়ে কেবলবোধলক্ৰয়ে ।

তেষামদৌ ক্লেশল এব শিষ্যতে

নাশ্চদ্ যথা স্থলতুষাবঘাতিনাম্ ॥” ভা ১০।১৪।৪

যাহার প্রসাদে অভ্যুদয় ও অপবর্গ প্রভৃতি সর্ববিধ মঙ্গলই লাভ করা যায়, হে বিভো, তোমার সেই ভক্তিকে ত্যাগ করিয়া যাহারা কেবল জ্ঞান-লাভার্থ ক্লেশ স্বীকার করে, তোমার সর্বেশ্বরত্ব অস্বীকার করিয়া যাহারা কেবল আত্মজ্ঞানলাভার্থ চেষ্টা করে, তাহাদের কিছুই লাভ হয় না, নিজের সত্তামাত্রই অবশিষ্ট থাকে; আর কিছুই সঞ্চয় হয় না, কেবল স্বাভাবিক সত্তাজ্ঞানই থাকে; অতএব স্থলতুষাবঘাতীর স্থায় তাহাদের ক্লেশমাত্রই লাভ হয় বলিতে হইবে।



জ্ঞানী যে মুক্তির নিমিত্ত প্রভূত ক্লেশ স্বীকার করেন, কৃষ্ণানুধ জীব তাহা অনায়াসেই লাভ করিয়া থাকেন।

“দৈবী হেষ্ণা গুণময়ী মম মায়া দুরত্যয়া।

মামেব যে প্রপত্ত্বস্তে মায়ামেতাং তরন্তি তে ॥” গীতা ৭।১৪

জীব নিত্য কৃষ্ণদাস হইয়াও, তাহা ভুলিয়াছেন। ভুলিয়াছেন বলিয়াই মায়াবন্ধনে বদ্ধ হইয়াছেন। বদ্ধ হইয়াও যে জীব তদবস্থাতেই গুরুসেবা দ্বারা কৃষ্ণভক্তনে রত হইয়েন, তিনিই মায়াবন্ধন হইতে মুক্ত হইয়া শ্রীকৃষ্ণের চরণ লাভ করিয়া থাকেন।

শ্রীকৃষ্ণভজন না করিয়া জীব বর্ণাশ্রমাচাররূপ স্বধর্মের আচরণ করিলেও, ঐ স্বধর্ম তাঁহাকে মায়াবন্ধন হইতে মোচন দূরে থাকুক নরকযাতনা হইতেও মোচন করিতে পারে না।

“মুখবাহুরূপাদেভাঃ পুরুষশ্রমৈঃ সহ।

চত্বারো জজিৎ বর্ণা গুণৈর্বিপ্রাদয়ঃ পৃথক্ ॥

য এষাং পুরুষং সাক্ষাদাত্মপ্রভবমীশ্বরম্।

ন ভক্তস্যবজানন্তি স্থানাদ্ভ্রষ্টাঃ পতন্ত্যধঃ ॥” ভা ১।১।৫।২-৩

বিরাট পুরুষের মুখ, বাহু, উরু ও চরণ হইতে সজ্জাদিগুণত্রয়তম্যে পৃথক্ পৃথক্ চারিবর্ণের ও আশ্রমের উৎপত্তি হইয়াছে। যিনি উক্ত বর্ণাশ্রমসকলের সাক্ষাৎ জনকস্বরূপ সেই ঐশ্বর্যশালী পুরুষকে ভজন করেন না, সুতরাং যিনি সেই পুরুষকে অবজ্ঞাই করেন, তিনি কর্মলব্ধ অধিকার হইতে চ্যুত ও অধঃপতিত হইয়েন।

কর্মীর গায় জ্ঞানীও আত্মজ্ঞানের উদয়ে আপনাকে জীবনুজ্ঞ বলিয়া অভিমান করেন; কিন্তু কৃষ্ণভক্তিবর্জিত তাঁহার সেই জ্ঞান যে চিন্তাশুদ্ধিও উৎপাদন করিতে পারে নাই, তাহা বুঝিতে পারেন না। অতএব তাঁহারও অধঃপতনই হইয়া থাকে।

“যেহংহরবিন্দাক্ষ বিমুক্তমানিন-

স্বযাস্তভাবাদবিশুদ্ধবুদ্ধয়ঃ ৮

আরুহ কৃচ্ছ ৭ পরং পদং ততঃ

পতন্ত্যধোহনাদৃতযুগদজ্যয়ঃ ॥ ভা ১০।২।৩২

হে অরবিন্দলোচন, যাহারা তোমার প্রতি বিমুখ, তাহারা তোমাতে ভক্তির অভাবহেতু মলিনচিত্ত হয়, এবং সংসারমধ্যে থাকিয়াও আপনাকে বিমুক্ত

বোধ করিয়া তোমার পাদপদ্মের সমাদর করে না। যাহারা তোমার পাদপদ্মকে সমাদর করে না, তাহাদের গতিও সেইরূপ হয়। তাহারা অতিকষ্টে বিষয়সুখ পরিত্যাগপূর্বক তপস্বাদিদ্বারা মোক্ষসম্বিহিত সংকুলজন্মাদি উৎকৃষ্ট অধিকার লাভ করিয়াও অহঙ্কারবশতঃ উহা হইতে ভ্রষ্ট হইয়া থাকে।

শ্রীকৃষ্ণ স্বর্ঘ্যতুল্য; মায়া অঙ্কারসদৃশী। যেখানে শ্রীকৃষ্ণ, সেখানে মায়ার অধিকার নাই।

“শখং প্রশান্তমভয়ং প্রতিবোধমাত্রং

শুদ্ধং সমং সদসতঃ পরমাশ্রুতস্বম্।

শব্দো ন যত্র পুরুকারকবান্ ক্রিয়ার্থো

মায়া পঠৈত্যাভিমুখে চ বিলজ্জমানা ॥” ভা ২।৭।৪৭

মুনিগণ সকল হইতে বৃহত্তমত্ব হেতু য়ে তত্ত্বকে ব্রহ্ম বলিয়া জানেন, সেই তত্ত্বই পরমপুরুষ শ্রীভগবানের পদ, অর্থাৎ, শ্রীভগবানের নির্বিকল্পসত্ত্বরূপ ব্রহ্মের সাক্ষাৎকারের পর বিচিত্ররূপাদি-বিকল্প-বিশেষ-বিশিষ্ট শ্রীভগবানের সাক্ষাৎকার হয় বলিয়া, শ্রীভগবৎস্বরূপেরই অন্তর্গত ব্রহ্ম, শ্রীভগবৎসাক্ষাৎকারের সোপানস্বরূপ। ঐ নির্বিকল্প ব্রহ্ম জ্ঞানস্বরূপ অর্থাৎ জড়ের প্রতিযোগিস্বরূপ, অভ্যন্তরস্বরূপ অর্থাৎ নিত্য দুঃখের প্রতিযোগিস্বরূপ, আশ্রুতস্ব অর্থাৎ সকল আশ্রয় মূল; কারণ, আশ্রাই স্বপ্রকাশত্বহেতু ও নিরূপাধিপরমপ্রেমাস্পদত্ব হেতু তত্ত্বরূপে প্রতীত হইয়েন; তিনি নিত্যপ্রশান্ত অর্থাৎ নিত্যকোভরহিত, অভয়, বিশোক; তিনি বহুকারকসাধ্য-ক্রিয়াফলপ্রকাশক-শব্দ-বর্জিত অর্থাৎ উৎপত্তি, বিকার, প্রাপ্তি ও সংস্কার এই চতুর্বিধ কর্মফলের প্রকাশক কর্মকাণ্ডরূপ শব্দ তাহার বোধক হয় না; তিনি শুদ্ধ অর্থাৎ ইন্দ্রিয়জ্ঞাত্বাদি-দোষ-রহিত, সম অর্থাৎ উচ্চনীচভাবশূন্য, সদসতের পর অর্থাৎ কার্যসকল ও কারণসকলের উপরিস্থিত; অধিক কি, স্বয়ং মায়াও তদভিমুখস্থিত জীবনুক্ত পুরুষসকলে অবস্থান করিতে লজ্জিত হইয়া দূরে পলায়ন করেন।

“বিলজ্জমানয়া যশ্চ স্থাতুমীক্ষা পথেহমুয়া।

বিমোহিতা বিকথন্তে মমাহমিতি দুর্ধিয়ঃ ॥” ভা ২।৫।১৩

মায়া যে ভগবানের দৃষ্টিপথে অবস্থান করিতে লজ্জিত হইয়েন, ছবুঁজি ব্যক্তি-সকল সেই মায়ায় মোহিত হইয়া ‘আমি’ ও ‘আমার’ বলিয়া শ্লাঘা করিয়া থাকে।

ঐ সকল জীব যদি একবার বলে ‘কৃষ্ণ, আমি তোমার’, তাহা হইলে, কৃষ্ণ তাহাদিগকে মায়াবন্ধন হইতে মোচন করিয়া থাকেন।

“সক্ৰদেব প্রপন্নো যন্তবাস্মীতি চ যাচতে ।

অভয়ং সর্বদা তস্মৈ দদাম্যেতদ্ ব্রতং মম ।” হরিভক্তি বি ১১ বি ৩৯৭ শ্লো  
যে একবার আমার শরণাগত হইয়া বলে, ‘কৃষ্ণ, আমি তোমার’, আমি  
তাহাকে সর্বদা অভয় প্রদান করিয়া থাকি, ইহাই আমার ব্রত ।

ভুক্তিকামী কন্মী, মুক্তিকামী জ্ঞানী ও সিদ্ধিকামী যোগী যদি সুবুদ্ধি হইয়েন,  
তবে তাঁহারা কৃতার্থতা লাভের নিমিত্ত দৃঢ়ভক্তিযোগদ্বারা শ্রীকৃষ্ণকে ভজন  
করিয়া থাকেন ।

“অকামঃ সর্বকামো বা মোক্ষকাম উদারধীঃ ।

তীব্রেণ ভক্তির্যোগেন যজ্ঞেত পুরুষং পরম্ ॥” ভা ২ ৩।১০

অকাম, একান্তভক্ত. উক্তানুক্ত-সর্বকাম, কন্মী ও যোগী এবং মোক্ষকাম  
জ্ঞানী যদি উদারবুদ্ধি হইয়েন, তবে তাঁর ভক্তিযোগ দ্বারা পূর্ণপুরুষ শ্রীভগবানের  
উপাসনা করিবেন ।

শ্রীকৃষ্ণের চরণ প্রার্থনা না করিয়াও যদি কোন অন্তকামী অন্তকামনায়  
শ্রীকৃষ্ণের ভজন করেন, শ্রীকৃষ্ণ তাঁহাকে তাঁহার কাম্য বস্তুসকল না দিয়া  
নিজ চরণই প্রদান করিয়া থাকেন । কারণ, শ্রীকৃষ্ণ বিবেচনা করেন অজ্ঞ  
জীব অমৃতস্বরূপ আমার চরণ ত্যাগ করিয়া বিষতুল্য বিষয় প্রার্থনা করিলেও,  
আমি বিজ্ঞ হইয়া কেন তাঁহাকে বিষয় প্রদান করিব ? এই প্রকার বিবেচনা  
করিয়াই তিনি সেই অজ্ঞ জীবকে স্বচরণামৃত প্রদান করিয়া তদ্বারা বিষয়  
ভুলাইয়া থাকেন ।

“সত্যং দিশত্র্যর্থিতমর্থিতো নৃণাং

নৈবার্থদো যৎ পুনরর্থিতা যতঃ ।

স্বয়ং বিধন্তে ভজতামনিচ্ছতা-

মিচ্ছাপিধানং নিজপাদপল্লবম্ ॥” ভা ৫।১৯ ২৭

শ্রীভগবান্ প্রার্থিত হইয়া সকাম মনুষ্যাদিকে প্রার্থিত বস্তু প্রদান করিলেও  
সহসা পরমার্থ প্রদান করেন না ; কারণ, তাহাদিগের প্রার্থিত লাভের পরও  
পুনঃ পুনঃ প্রার্থনা দেখা যায় । কিন্তু যাঁহারা ‘নিকামভাবে শ্রীভগবানের উপাসনা  
করেন, তাঁহারা প্রার্থনা না করিলেও, শ্রীভগবান্ তাঁহাদিগকে সর্ববিধ কামনার  
আচ্ছাদক নিজপাদপল্লব প্রদান করিয়া থাকেন ।

যিনি কামনা করিয়াও শ্রীকৃষ্ণের উপাসনা করেন, তিনি কৃষ্ণরস পাইয়া কামনা  
ত্যাগপূর্বক শ্রীকৃষ্ণের দাস্ত অভিলাষ করিয়া থাকেন ।

“স্থানাভিলাষী তপসি স্থিতোহহং  
 ত্বাং প্রাপ্তবান্ দেবমুনীন্স গুহ্যম্ ।  
 কাচং বিচিন্তয়পি দিব্যরত্নং  
 • স্বামিন্ কৃতার্থোহস্মি বরং ন যাচে ॥”

হরিভক্তিসুধোদয়ে ৭।২৮

মহাত্মা ধ্রুব বলিয়াছিলেন,—হে প্রভো, লোকে যেমন কাচ অব্বেষণ করিতে করিতে দিব্য রত্ন প্রাপ্ত হয়, আমিও তদ্রূপ উৎকৃষ্ট স্থান পাইবার নিমিত্ত তপস্বী করিতে করিতে দেবেন্দ্র ও মুনীন্দ্র সকলের পক্ষে দুর্গত তদীয় চরণ প্রাপ্ত হইয়াছি ; অতএব আমি কৃতার্থ হইয়াছি, আর কোন বর প্রার্থনা করি না ।

যেমন নদীপ্রবাহে নীয়মান তৃণকাষ্ঠাদির মধ্যে কখন কোনটি তীর প্রাপ্ত হয়, তেমনি এই সংসারে ভ্রমণ করিতে করিতে কেহ কোন ভাগে সংসার হইতে উদ্ধীর্ণ হইয়া থাকেন ।

“মৈবঃ মমাধমশ্চাপি শ্রাদেবাচ্যাতদর্শনম্ ।

ত্রিয়মাণঃ কালনগ্ন কচিং তরতি কশ্চন ॥” ভা ১০।৩৮।৫

মহাভাগ অক্রুর বলিয়াছিল,—আমি অধম কংসের দূত হইলেও বঞ্চিত হইব মনে করি না, কিন্তু শ্রীকৃষ্ণের দর্শন লাভ করিব । কালপ্রবাহে নীয়মান হইয়াও কেহ কখন তীর প্রাপ্ত হইয়া থাকে ।

কোন অনির্ধ্বজনীয় ভাগ্যের উদয়ে যখন কাহারও সংসার ক্লেশমুখ হয়, তখন জাতরতি সাধুর সঙ্গ লাভ হয় এবং তাঁহারই রূপায় শ্রীকৃষ্ণ রতি হইয়া থাকে ।

• “ভবাপবর্গো ভ্রমতো যদা ভবেৎ

জনশ্চ তর্হ্যচ্যাতু সংসমাগমঃ ।

সংসঙ্গমো যর্হি তদৈব সদ্গুরো

পরাবরণে তস্মি জায়তে রতিঃ ॥” ভা ১০।৫১।৫৫

হে তচ্ছাত, এই সংসারে ভ্রমণ করিতে করিতে যখন কোন ব্যক্তির সংসার ক্লেশমুখ হয়, তখন জাতরতি সাধুর সঙ্গ লাভ হয় । জাতরতি সাধুব সঙ্গলাভ হইলে, তাঁহার রূপায় কার্যাকাণ্ডনিয়ন্ত্বরূপ তোমাতে রতি উৎপন্ন হইয়া থাকে ।

শ্রীকৃষ্ণ যাহার প্রতি প্রসন্ন হন, তিনি অবশ্য ভাগ্যবান্ । সেই ভাগ্যবান্ পুরুষকে শ্রীকৃষ্ণ বাহিরে আচার্য্যরূপে ও অন্তরে অন্তর্ধামিকরূপে যথাযোগ্য উপদেশ প্রদান করিয়া থাকেন ।

“নৈবোপযন্ত্যপচিতিং কবয় স্তবেশ

ব্রহ্মায়ুধাপি কৃতমৃদ্ধমুদঃ স্মরন্তঃ ।

যোহন্তর্বহিস্তমুভৃতামশুভং বিধুম-

ম্মাচার্য্যচৈত্য়বপুষা স্বগতিং ব্যনক্তি ॥” ভা ১১।২০।৬

হে প্রভো, ব্রহ্মবিদগণ ভবংকৃত উপকার স্মরণে বর্দ্ধিতপরমানন্দ হইয়া কিছুতেই আপনাকে ঋণমুক্ত বোধ করিতে পারেন না ; কারণ, আপনি বাহিরে স্তবরূপে উপদেশ দ্বারা এবং অন্তরে অন্তর্ধামিরূপে সংপ্রবৃত্তি দ্বারা জীবের বিষয়বাসনা নিরসনপূর্বক নিজরূপ প্রকাশ করিয়া থাকেন ।

যদি কাহারও সাধুসঙ্গের গুণে কৃষ্ণভক্তিতে শ্রদ্ধা হয়, তবে তিনি ভক্তির ফল প্রেম প্রাপ্ত হইবেন । তাঁহার সংসারক্ষয় আনুযজিকরূপেই সিদ্ধ হইয়া থাকে, অর্থাৎ তাঁহার প্রেমের সিদ্ধিতেই সংসারক্ষয়েরও সিদ্ধি হইয়া থাকে ।

“যদৃচ্ছয়া মৎকথাদৌ জাতশ্রদ্ধস্ত যঃ পুমান্ ।

ন নির্নিগ্ৰহো নাতিসক্তো ভক্তিযোগোহশ্র সিদ্ধিদঃ ॥” ভা ১১।২০।৮

যিনি বিষয়ে অত্যাসক্ত বা অতিবিরক্ত নহেন, তাদৃশ ব্যক্তিরই কোন ভাগ্যে সাধুসঙ্গে শ্রদ্ধা উৎপন্ন হইলে, ভক্তিযোগ লাভ হয়, এবং তাঁহার ঐ ভক্তিযোগই সিদ্ধিপ্রদ অর্থাৎ প্রেমোৎপাদক হইয়া থাকে ।

মহৎরূপা ব্যতিরেকে কোনরূপেই ভক্তি লাভ হয় না । যাঁহার ভক্তি-লাভ না হয়, তাঁহার কৃষ্ণপ্রাপ্তি দূরের কথা, সংসারেরও ক্ষয় হয় না !

“রহুগণৈতৎ তপসা ন যতি

ন চেজ্যয়া নির্বপগাদ্ গৃহাদ্ বা ।

ন চন্দসা নৈব জলাগ্নিসূর্য্যো-

র্বিনা মহৎপাদরজোহভিষেকম্ ॥” ভা ৫।১২।১২

জড়ভরত বলিয়াছিলেন,—হে রহুগণ, সাধুর চরণরেণুদ্বারা অভিষেক ভিন্ন, ব্রহ্মচর্য্য, গার্হস্থ্য, বানপ্রস্থ বা সন্ন্যাস দ্বারা, তত্ত্বৎকর্ম্মের তত্ত্বদেবতার উপাসনা দ্বারা, অথবা জল, অগ্নি ও সূর্য্যের উপাসনা দ্বারা, শ্রীকৃষ্ণকে প্রাপ্ত হওয়া যায় না ।

“নৈবাং মতিস্তারহরুক্রমাজ্জিৎ

স্পৃশত্যনর্থাপগমো যদর্থঃ ।

মহীয়সাং পাদরজোহভিষেকং

নিষ্কিঞ্চনানাং ন বৃণীত যাবৎ ॥” ভা ৭।৫।২৫

মহাত্মা প্রহ্লাদ বলিয়াছিলেন,—যাবৎ বিষয়াভিমানরহিত সাধুগণের

“সর্বভূতেষু যঃ পশ্যেদ্ভগবদ্ভাবমাশ্রয়নঃ ।

ভূতানি ভগবত্যাশ্রয়েষ ভাগবতোত্তমঃ ॥

ঈশ্বরে তদদীনেষু বালিশেষু দ্বিষৎসু চ ।

প্রেমমৈত্রীকুপোপেক্ষা যঃ কৰোতি স মধ্যমঃ ॥

অর্চয়ামেব হরয়ে পূজাং যঃ শ্রদ্ধয়েহতে ।

ন তদ্ভক্তেষু চাত্তেষু স ভক্তঃ প্রাকৃতঃ স্মৃতঃ ॥” ভা ১১।২।৪৫-৪৭

যিনি সর্বভূতে আশ্রয় ভগবদ্ভাব এবং সেই আশ্রয়রূপ ভগবানে সর্বভূতকে দর্শন করেন, তিনি উত্তম ভক্ত। উত্তম ভক্ত অভেদদর্শী। অভেদদর্শী হইলেও, সময়ে সময়ে পূর্বানুভূত ভেদের স্মরণ হওয়ায়, তাঁহার ও জীবে দয়া সম্ভব হইয়া থাকে।

যিনি ঈশ্বরে প্রেম, হরিভক্তে মৈত্রী, অজ্ঞের প্রতি কৃপা এবং ঘেষীর প্রতি উপেক্ষা করেন, তিনি মধ্যম ভক্ত।

আর অজাতরতি ভক্তই কনিষ্ঠ ভক্ত। এই কনিষ্ঠ ভক্ত আবার শাস্ত্রীয়-শ্রদ্ধাজাতভক্তিবিশিষ্ট ও লোকপরম্পরাপ্রাপ্তশ্রদ্ধাজাতভক্তিবিশিষ্ট ভেদে দ্বিবিধ। প্রথমোক্ত ভক্তই মুখ্য কনিষ্ঠ ভক্ত এবং শেষোক্ত ভক্ত গৌণ কনিষ্ঠ ভক্ত। গৌণ কনিষ্ঠ ভক্তের সর্বাদরলক্ষণ ভক্তগুণের অমুদয় হেতু, তিনি কেবল প্রতিমাতেই হরি বুদ্ধিতে পূজা করিয়া থাকেন, হরিভক্তজনের বা অজ্ঞের পূজা করেন না। অতএব ইতি সম্প্রতি ভক্তির অমুঠানে প্রবৃত্ত, ইহাই বুদ্ধিতে হইবে।

শ্রীকৃষ্ণভক্তের মহাগুণ দৃষ্ট হইয়া থাকে, কারণ, শ্রীকৃষ্ণের গুণ সকল শ্রীকৃষ্ণভক্তে সঞ্চারিত হয়। শ্রীকৃষ্ণভক্তের অসংখ্য গুণ, বলিয়া শেষ করা যায় না। শ্রীকৃষ্ণভক্ত কৃপালু, পরদ্রোহরহিত, সত্যসার, সমদুঃখসুখ, অসুখাদিদোষ রহিত, বদান্ত, কোমলচিত্ত সদাচার, অকিঞ্চন অর্থাৎ অপরিগ্রহ, সর্বোপকারক, শাস্ত্র অর্থাৎ সংঘমিতাস্তঃকরণ, কৃষ্ণকশরণ, অকাম, নিরীহ অর্থাৎ ব্যবহারিকক্রিয়ারহিত, স্থির অর্থাৎ অবাগ্র, ক্ষুৎপিপাদিজয়ী, মিত-ভোজী, অপ্রমত্ত, মানদ, অমানী, গস্তীর অর্থাৎ নিবিকার, করুণ অর্থাৎ করুণাবশে কর্মকারী, মৈত্র অর্থাৎ অবঞ্চক, কবি অর্থাৎ বন্ধমোক্ষজ্ঞানসম্পন্ন, দক্ষ অর্থাৎ পরের বোধনে নিপুণ ও মৌনী অর্থাৎ বাচালতারহিত।

কৃষ্ণভক্তের সঙ্গেই কৃষ্ণভক্তি লাভ হইয়া থাকে। মূলভূত সাধুসঙ্গের পর সাধনাজ দ্বারা সাধ্য কৃষ্ণপ্রেম লাভ হইয়া থাকে। অতএব সাধুসঙ্গই মুখ্য। সাধুসঙ্গই যেমন কৃষ্ণপ্রেমলাভে অবশ্য প্রয়োজনীয়, তেমনই অসৎসঙ্গ-

ত্যাগও অবশ্য প্রয়োজনীয়। পরদ্রোহকারী ও কৃষ্ণভক্তিবিনোদ ব্যক্তিসকল অসাধু। ঈদৃশ অসাধুকে সর্বথা পরিত্যাগ করিতে হইবে। অন্তথা সত্য, শৌচ, দয়া, মোন, বুদ্ধি, লজ্জা, শ্রী, কীৰ্ত্তি, ক্রমা, শম, দম এবং ঐশ্বর্য—সমস্তই নষ্ট হইয়া যাইবে। পরশ্রীকায়ুকবাক্তির ন্যায় চঞ্চলমতি ও দেহাঅবুদ্ধি ব্যক্তিরও সঙ্গ পরিত্যাগ কর্তব্য। অসৎসঙ্গ ও বর্ণাশ্রমধর্ম ত্যাগপূর্বক অকিঞ্চন হইয়া শ্রীকৃষ্ণের শরণাপন্ন হইতে হইবে। 'শ্রীকৃষ্ণ ভক্তবৎসল, কৃতজ্ঞ, বদান্ত ও সর্বসমর্থ, অতএব বুদ্ধিমান্ ব্যক্তি কখনই শ্রীকৃষ্ণকে ত্যাগ করিয়া অন্তের শরণাপন্ন হইবেন না। যিনি সংসারভয়ে ভীত হইয়া একমাত্র শ্রীকৃষ্ণের আশ্রয় গ্রহণ করেন, তাঁহাকে শরণাগত বলা যায়। আর যিনি শ্রীকৃষ্ণের নিমিত্ত সমস্ত ত্যাগ করিয়া থাকেন, তাঁহাকেই অকিঞ্চন বলা যায়। অতএব শরণাগতও অকিঞ্চন একই হইতেছেন। আত্মসমর্পণ উহাদেরই অন্তর্গত। কারণ দেহদৈহিক বিষয়ের ত্যাগরূপ আত্মসমর্পণ করিয়াই শরণাগত বা অকিঞ্চন হওয়া যায়। শরণাপত্তির ছয়টি আকার,

“আনুকূল্যস্ত সঙ্কল্পঃ প্রাতিকূল্যবিবর্জনম্।

রক্ষিষ্যতীতি বিশ্বাসো গোপ্তৃত্বে বরণং তথ।

আত্মনিষ্কেপকার্পণ্যে ষড়্ বিধা শরণাগতিঃ ॥” হরিভক্তি বি

১১বি ৪১৭ শ্লো

আনুকূল্যের সঙ্কল্প অর্থাৎ যাহা আনুকূল্য তাহার কর্তব্যতাবোধে নিয়মকরণ, প্রাতিকূল্যের বর্জন, রক্ষা করিবেন বলিয়া বিশ্বাসকরণ, রক্ষাকর্তার স্বরূপ অঙ্গীকরণ, আত্মনিবেদন ও “কাতরতা প্রকাশ, এই ছয়টির নাম শরণাপত্তি। তন্মধ্যে রক্ষাকর্তার স্বরূপ অঙ্গীকরণই মূলশরণাপত্তি; কারণ শরণাপত্তি শব্দে আশ্রয়রূপে বা রক্ষারূপে স্বীকারই বোধিত হয়। অপর পাঁচটি উহার অঙ্গ।

যে ব্যক্তি শ্রীকৃষ্ণের শরণাগত হইবার উদ্দেশ্যে তাঁহাতে আত্মসমর্পণ করেন, শ্রীকৃষ্ণও তাঁহাকে নিজের আশ্রিত বলিয়া অঙ্গীকার করিয়া থাকেন।

“মর্ত্যে। যদা তাক্রসমস্তকর্ম্মা

নিবেদি :াত্মা বিচিকীর্ষিতেন্ মে।

তদামৃতত্বং প্রতিপত্তমানো

ময়াত্মভূয়ায় চ কল্পতে বৈ ॥” ভা ১১।২২ ৩২

মনুষ্য যখন সকল কর্ম্ম ত্যাগ পূর্বক সেবাভিলাষে পরমাত্মাতে আত্মসমর্পণ করেন তখনই জীবনাক্রমে হইয়া মৎসদশৈশ্বর্যাতোগের যোগ্য হনেন।

চরণধূলি দ্বারা অভিষেক না হয়, তাবৎ শ্রীকৃষ্ণের পাদপদ্মে মতি হয় না।  
শ্রীকৃষ্ণের পাদপদ্মে মতি জন্মিলেই সকল অনর্থের নিবৃত্তি হইয়া যায়।

সকল শাস্ত্রই একবাক্যে সাধুসঙ্গের মহিমা কীর্তন করিয়া থাকেন। সাধু-  
সঙ্গের অতুল প্রভাব। অতাল্পকাল সাধুসঙ্গেই সৰ্বসিদ্ধি লাভ হয়।

“তুলয়াম লবেনাপি ন স্বর্গং নাপুনর্ভম্।

ভগবৎসঙ্গিসঙ্গস্ত মর্ত্যানাং কিমুতাশিষঃ ॥” ভা ১।১৮।১৩

স্বতগোস্বামী বলিয়াছিলেন,—বিষ্ণুভক্তগণের অতাল্প সঙ্গও যে ফল প্রদান  
করে, তাহার সহিত স্বর্গ বা মোক্ষের তুলনা হয় না। মরণশীল মানবগণের তুচ্ছ  
রাজ্যা দম্বুখের সহিত উহার তুলনা করিব কিরূপে ?

করুণাগয় শ্রীকৃষ্ণ নিজসখা অর্জুনকে লক্ষ্য করিয়া জগৎকে উপদেশ  
প্রদান করিয়াছেন,—

“সর্বশুভতমং ভূয়ঃ শৃণু মে পরমং বচঃ।

ইষ্টোহসি মে দৃঢ়মতি ততো বক্ষ্যামি তে হিতম্ ॥

মন্যনা ভব মন্ত্রক্কা মদ্ব্যাজী মাং নমস্করু।

সর্বধর্ম্যান্ পরিত্যজ্য মামেকং শরণং ব্রজ।

অহং ত্বাং সর্বপাপেভো মোক্ষায়িষ্যামি মা শুচঃ ॥” গীতাঃ ১।৮।৬৪ ৬৬

সর্বাপেক্ষা শুভতম আমার পরমবাক্য পুনশ্চ শ্রবণ কর। তুমি আমার  
প্রিয়, আমার বাক্য দৃঢ় বলিয়া নিশ্চয় করিতেছ, অতএব তোমার হিত বলিব।  
তুমি মচ্ছিত্ত, মন্ত্রক্কা ও মদর্চনপরায়ণ হও ; আমাকে নমস্কার কর ; আমাকেই  
প্রাপ্ত হইবে। তোমার শপথ, আমি প্রতিজ্ঞা করিয়া বলিতেছি, তুমি আমার  
প্রিয়। তুমি আমার পূর্ব পূর্ব যে আজ্ঞাকে ধর্ম বলিয়া স্থির করিয়াছ, সেই  
সকল ধর্ম পরিত্যাগপূর্বক একমাত্র আমার শরণাপন্ন হও। আমার এই  
শেষ আজ্ঞাকেই বলবতী বলিয়া গ্রহণ কর। আমি তোমাকে ঐ সকল ধর্মের  
ত্যাগজন্য সমুদায় পাপ হইতে মুক্ত করিব ; তুমি শোক করিও না।

শ্রীকৃষ্ণের পূর্ব পূর্ব আজ্ঞা কर्म, যোগ ও জ্ঞান এই তিনটি বেদোক্ত ধর্ম।  
শেষোক্ত ভক্তিযোগরূপ আদেশই বলবান্। এই শেষোক্ত বলবান্ আদেশের বলে  
যদি কাহারও ভক্তিতে শ্রদ্ধা হয়, তবে তিনি সর্বকর্ম ত্যাগপূর্বক ভক্তিরই  
আশ্রয় গ্রহণ করিয়া থাকেন। তিনি একমাত্র শ্রীকৃষ্ণভজনেই মনোনিবেশ করিয়া  
থাকেন।



“তাবৎ কৰ্ম্মাণি কুৰ্ব্বীত ন নিৰ্বিচ্ছেত যাবতা ।

মৎকথাশ্রবণাদৌ বা শ্রদ্ধা যাবন্ন জায়তে ॥” ভা ১।২০।২

বিষয়ে নিৰ্বেদবিশিষ্ট তাগী পুরুষ জ্ঞানযোগের অধিকারী। আর সকাম পুরুষ সকলই কৰ্ম্মাধিকারী। কৰ্ম্মাধিকারী কৰ্ম্ম করিতে করিতে যে পর্যাস্ত না বিষয়ে নিৰ্বেদ উপস্থিত হয় বা আমার কথাপ্রভৃতিতে শ্রদ্ধা না জন্মে, সেই পর্যাস্তই কৰ্ম্ম করিবেন। বিষয়ে নিৰ্বেদ জন্মিলে, তিনি জ্ঞানযোগীর সঙ্গে জ্ঞানী হইয়া আমার ভজন করিবেন; আর বিষয়ে নিৰ্বেদ না জন্মিয়া যদি আমার কথাদিতে শ্রদ্ধা জন্মে, তবে ভক্তিযোগীর সঙ্গে ভক্ত হইয়া আমার ভজন করিবেন। শ্রদ্ধা শব্দের অর্থ বিশ্বাস বা সুদৃঢ়নিশ্চয়। যাহার বিশ্বাস হয়, তিনি আর কৰ্ম্ম করেন না, ক্রমে ভক্তিই করিয়া থাকেন। ক্রমে ভক্তি করিলে, কৰ্ম্মত্যাগজন্য প্রত্যাবায় হয় না; কারণ, ক্রমে ভক্তি করিলে, সকল কৰ্ম্মই অনুষ্ঠিত হয় ॥ সকাম-কৰ্ম্ম-সকল বন্ধজনক বলিয়া হয়। নিষ্কাম-কৰ্ম্ম চিত্তশুদ্ধি দ্বারা ভক্তি-মুক্তির সহায় হয় বলিয়া উপাদেয়। স্ত্রীপুত্রাদি হইতে আরম্ভ করিয়া দেবগণের সেবা পর্যাস্ত সৰ্বভূতের সেবাই নিষ্কাম কৰ্ম্ম। সৰ্বভূতের সেবাও শ্রীভগবানেরই সেবা হইলেও সাক্ষাৎ নহে, পরম্পরায়। পরম্পরায় সেবা হইতে সাক্ষাৎ সেবাই গরায়সী। ভগবৎসেবাদ্বারা সকল সেবাই, সকল কৰ্ম্মই সিদ্ধ, হইয়া যায়।

“যথা তরোর্মূলনিষেচনেন

তৃপ্যন্তি তৎস্বক্ৰভূজোপশাখাঃ ।

• প্রাণোপহারীচ্চ যথেন্দ্রিয়াণাং

তথৈব সৰ্ব্বার্হণমচূাতেজ্যা ॥” ভা ৪।৩১।১৪

যেমন বৃক্ষের মূল জলসেচন করিলে, তাহার স্বক, শাখা ও উপশাখা প্রভৃতি তৃপ্ত অর্থাৎ পুষ্ট হয়, যেমন প্রাণের তর্পণ করিলে, ইন্দ্রিয়বর্গের তর্পণ সিদ্ধ হয়, তেমনি শ্রীকৃষ্ণের পূজা করিলেই, সকল দেবতার সকল ভূতের পূজা সিদ্ধ হইয়া থাকে।

শ্রদ্ধালু ব্যক্তিই ভক্তিযোগের অধিকারী। শ্রদ্ধাভেদে ভক্তির অধিকারী তিনপ্রকার হয়েন। যিনি শাস্ত্রযুক্তিতে সুনিপুণ, দৃঢ়শ্রদ্ধ, যাহার শ্রদ্ধা কোন রূপেই বিলিত হইবার নয়, তিনি উত্তম অধিকারী। শাস্ত্রযুক্তিতে সুনিপুণ না হইয়াও যিনি দৃঢ়শ্রদ্ধ করেন, তিনি মধ্যম অধিকারী। আর যিনি শাস্ত্রযুক্তিতে নিপুণ না হইয়াও শ্রদ্ধা ও যাহার কোমল, তিনিই কনিষ্ঠ অধিকারী।

অতঃপর সাধনভক্তির বিষয় বলিতেছি শ্রবণ কর। যাহা হইতে সাধা-ভক্তিরূপ প্রেম লাভ হয়, তাহাই সাধনভক্তি। শ্রবণাদি ক্রিয়া সকলই সাধনভক্তির স্বরূপলক্ষণ; কারণ উহার সাধনভক্তি হইতে অতিরিক্ত ও সাধনভক্তির পরিচায়ক। প্রেমভক্তির জনকতা উহার তটস্থলক্ষণ; প্রেম-ভক্তির উৎপাদনকার্য সাধনভক্তি না হইয়াও সাধনভক্তির বোধক হয়। যদি বল,— নিত্যসিদ্ধ প্রেমের আবার উৎপত্তি কি? তাহার উত্তর এই,— নিত্যসিদ্ধ প্রেমের হৃদয়ে প্রকাশই তাহার উৎপত্তি। শ্রবণাদিক্রিয়ারূপ সাধন-ভক্তি নিত্যসিদ্ধ প্রেমকে হৃদয়ে প্রকট করিয়াই তাহার উৎপাদিকা হয়েন।

“নিত্যসিদ্ধ কৃষ্ণপ্রেম সাধ্য কভু নয়।

শ্রবণাদিশুদ্ধচিত্তে করয়ে উদয় ॥”

কৃষ্ণপ্রেম নিত্যসিদ্ধ বস্তু, উৎপাদ্য নহে। প্রেমউৎপাদ্য না হইলেও, শ্রবণাদি সাধনভক্তিদ্বারা নির্মূল চিত্তেই প্রেমের উদয় হয় বলিয়াই প্রেমকে সাধ্য এবং শ্রবণাদিকে উহার সাধন বলা যায়।

এই সাধনভক্তি আবার বৈধী ও রাগানুগা ভেদে দ্বিবিধ। রাগহীন ব্যক্তি শাস্ত্রশাসন অনুসারে ভজনে প্রবৃত্ত হয়েন বলিয়া তাদৃশ ব্যক্তির তাদৃশী ভক্তিকে বৈধী সাধনভক্তি বলা হয়। শাস্ত্রের শাসন দুইপ্রকার। এক প্রকার শাসন বিধিমুখ এবং অপরপ্রকার শাসন নিষেধমুখ। এই উভয়মুখ শাসন হইতেই রাগহীন ব্যক্তির ভজনে প্রবৃত্তি হইয়া থাকে। তন্মধ্যে বিধিমুখ শাসন সকলের অকরণে প্রত্যবায়ের ভয়ে এবং নিষেধমুখ শাসনসকলের লজ্জনে প্রত্যবায়ের ভয়েই জানিতে হইবে।

সাধনভক্তির অঙ্গ বহুবিধ। ঐ সাধনঙ্গ সঙ্ক্ষেপতঃ চতুষষ্টিপ্রকার উক্ত হইল। উক্ত চতুষষ্টি অঙ্গ যথা,—

১। গুরুপাদাশ্রয়—সংসার অনর্থকর ও দেহ লগ্নভঙ্গুর বুঝিয়া সত্বর প্রেম-সম্পত্তিলাভের নিমিত্ত শাস্ত্রোক্ত গুরুদেবের চরণাশ্রয়।

২। শ্রীগুরুদেবের নিকট বৃষ্ণদীক্ষাদি শিক্ষণ। আদিপদে ভজনরীতির শিক্ষণ বোধিত হয়।

৩। অকপট হৃদয়ে শ্রীভগবদ্বুদ্ধিতে শ্রীগুরুদেবের সেবন।

৪। শ্রীগুরুদেবের নিকট সঙ্কল্প জিজ্ঞাসা ও শিক্ষা।

৫। সজাতীয় সধুগণের আচরিত শাস্ত্রবিধির অনুসরণ।

৬। শ্রীকৃষ্ণপ্রীত্যর্থ সৰ্ববিধ ভোগের ত্যাগ।

৭। শ্রীকৃষ্ণসঙ্গে বাস। ঐ বাস সামর্থ্যসঙ্গে কায়দ্বারা এবং অসামর্থ্যে  
মানসে।

৮। যাবৎ নির্বাহ প্রতিগ্রহ অর্থাৎ প্রয়োজনান্তিরিক্ত গ্রহণ না করা।

৯। একাদশী প্রভৃতি বিধিবোধিত দিনে উপবাস।

১০। আমলকী ও অশ্বথ বৃক্ষের এবং গো ব্রাহ্মণ ও বৈষ্ণবের পূজা।

১১। সেবাপরাধ ও নামাপরাধ বর্জন। তন্মধ্যে সেবাপরাধ ৩২টি। তদ্বিষয়  
বরাহপুরাণে ৪২টি সেবাপরাধ উক্ত হয়। অতএব সেবাপরাধ সর্বসমেত ৭৪টি।

১। যানারোহণে বা পাছুকা লইয়া ভগবদ্গৃহে গমন। ২। ভগবদ্ভাষ্যাদির অসেবন।

৩। শ্রীকৃষ্ণের অগ্রে প্রণাম না করা। ৪। অশুচি হইয়া ভগবৎপ্রণামাদি। ৫। এক

হস্ত দ্বারা প্রণাম। ৬। শ্রীকৃষ্ণের সম্মুখে দেবতাস্তরের প্রণামাদি। ৭। তদগ্রে

পাদপ্রসারণ। ৮। তদগ্রে বাহুদ্বয়দ্বারা জামুদ্বয় বেষ্টনপূরক উপবেশনরূপ

পর্যাক্ষবন্ধন। ৯। তদগ্রে শয়ন। ১০। তদগ্রে ভোজন। ১১। তদগ্রে মিথ্যাভাষণ।

১২। তদগ্রে উচ্চভাষণ। ১৩। তদগ্রে অন্তের সহিত কথোপকথন। ১৪। তদগ্রে

রোদন। ১৫। তদগ্রে কলহ। ১৬। তদগ্রে কাহারও নিগ্রহকরণ। ১৭। তদগ্রে

কাহারকেও অনুগ্রহকরণ। ১৮। তদগ্রে কাহাবও প্রতি নির্ভুরবাক্য প্রয়োগ।

১৯। ভগবৎসেবার সময় কক্ষলাবরণ। ২০। শ্রীকৃষ্ণের অগ্রে পরনিন্দা। ২১। তদগ্রে

পরপ্রশংসা। ২২। তদগ্রে অশ্লীলভাষণ। ২৩। তদগ্রে অধোবায়ুত্যাগ। ২৪। সামর্থ্য-

সঙ্গে বিস্তৃষ্টাভাষণঃ গোণ উপচার দ্বারা ভগবদ্ভাসবাদি নির্বাহ করা।

২৫। অনিবেদিত-বস্তু-ভক্ষণ। ২৬। শ্রীকৃষ্ণকে কালোৎপন্ন ফলাদি অনর্পণ।

২৭। কোন দেশের অগ্রভাগ অশুকে প্রদান করিয়া অবশিষ্ট শ্রীকৃষ্ণকে নিবেদন

করা। ২৮। শ্রীমূর্তিকে পশ্চাৎ করিয়া উপবেশন। ২৯। শ্রীমূর্তিকে পশ্চাৎ করিয়া

অশুকে প্রণাম করা। ৩০। শ্রীশুকুর নিকট তাঁহার স্তবাদি না করিয়া মৌনভাবে

অবস্থান। ৩১। শ্রীশুকুর নিকট নিভের প্রশংসা করা। ৩২। দেবতার নিন্দা।

৩৩। রাজসভক্ষণ। ৩৪। অন্ধকার গৃহে শ্রীমূর্তি স্পর্শ। ৩৫। বিধিরহিত উপাসনা।

৩৬। বায়ু ব্যতিরেকে শ্রীমূর্তির দ্বারোদ্ঘাটন। ৩৭। কুক্কুপৃষ্ঠ ভক্ষণ সংগ্রহ।

৩৮। পূজাকাল মৌনভঙ্গ। ৩৯। পূজা করিতে করিতে মলত্যাগার্থ গমন।

৪০। গন্ধমালাদি না দিয়া ধূপদান। ৪১। অবিহিত পুষ্প দ্বারা পূজা। ৪২—৪৫ দস্ত-

ধাবন না করিয়া, স্ত্রীসম্ভোগ করিয়া, রক্তম্বলা স্ত্রীকে স্পর্শ করিয়া, দীপ স্পর্শ

করিয়া, শব স্পর্শ করিয়া, রক্তবর্ণ নীলবর্ণ অধৌত পরকীয় ও মলিন বস্ত্র পরিধান

করিয়া, মৃত দর্শন করিয়া, ক্রোধ করিয়া, শ্মশানে গমন করিয়া, কুম্ভ ও পিণ্ডাক

ভক্ষণ করিয়া, তৈল মাখিয়া এবং ভুক্তবস্তুর অপরিপাকাবস্থায় শ্রীকৃষ্ণের স্পর্শ করা ও কর্ষ করা। ৫৬। বৈষ্ণবশাস্ত্রের অনাদর করিয়া অন্ত্রশাস্ত্রের প্রবর্তন। ৫৭। শ্রীকৃষ্ণের অগ্রে তাণ্ডুল চর্ষণ। ৫৮। এরওপত্রস্থ পুষ্প দ্বারা শ্রীকৃষ্ণের অর্চন। ৫৯। আম্বরকালে শ্রীকৃষ্ণের পূজা। ৬০। কাষ্ঠাসনে বা ভূমিতে উপবেশন পূর্বক শ্রীকৃষ্ণের পূজা। ৬১। স্নানের সময়ে বামহস্ত দ্বারা শ্রীমূর্তি স্পর্শ। ৬২। পর্ষাষিত ও যাচিত পুষ্প দ্বারা শ্রীকৃষ্ণের পূজা। ৬৩। পূজার সময় থুংকার করা। ৬৪। পূজা-বিষয়ে গর্ভ করা। ৬৫। তির্ধাক পুণ্ড্র ধারণ করা। ৬৬। অধোতপদে শ্রীমন্দিরে প্রবেশ করা। ৬৭। অবৈষ্ণবপক্ষীয় শ্রীকৃষ্ণকে অর্পণ করা। ৬৮। অবৈষ্ণবের সম্মুখে শ্রীকৃষ্ণের পূজা করা। ৬৯-৭০। গণেশের পূজা না করিয়া ও কাপালিককে দেখিয়া শ্রীকৃষ্ণের পূজা করা। ৭১। নখস্পৃষ্ট জল দ্বারা শ্রীমূর্তিকে স্নান করান। ৭২। ঘর্ষাক্তকলেবরে শ্রীমূর্তির পূজা করা। ৭৩। নির্মাল্য লঙ্ঘন করা। ৭৪। শ্রীকৃষ্ণের শপথাদি করা।

যদি কখন কোন অপরিহার্য কারণে উক্ত অপরাধ সকলের মধ্যে কোন না কোন অপরাধ ঘটে, তবে নিয়ত সেবা বা শরণাপত্তি অথবা নামাশ্রয় দ্বারাই উক্ত অপরাধ হইতে আপনাকে মোচন করিতে হইবে। ইচ্ছা পূর্বক সর্বাপরাধ নামাপরাধের মধ্যেই গণ্য হইবে।

নামাপরাধ দশবিধ।—১ বৈষ্ণবনিন্দাদি। ২ শিবকে বিষ্ণু হইতে পৃথক্ স্বতন্ত্র ঈশ্বর বলিয়া জ্ঞান। ৩ শ্রীগুরুদেবে মনুষ্যবুদ্ধি প্রভৃতি অবজ্ঞা। ৪ বেদ-পুরাণাদি শাস্ত্রের নিন্দা। ৫ নামে অর্থবাদ। ৬ নামে কুব্যাখ্যা বা কষ্টকল্পনা। ৭ নামবলে পাপে প্রীতি। ৮ অত্র শুভকার্যের সহিত নামক সমান মনে করা। ৯। শ্রদ্ধারহিত ব্যক্তিকে নাম উপদেশ করা। ১০। নামের মাহাত্ম্য গুনিয়াও নামে অপ্রীতি।

এই দশটি নামাপরাধ সর্বতোভাবে পরিত্যাজ্য। যদি দৈবাৎ অনবধানতাদি বশতঃ কখন কোন নামাপরাধ ঘটে, তবে তখনই তাহার প্রতীকারের চেষ্টা করিতে হইবে। চেষ্টা করিয়াও যদি অপরাধ হইতে মুক্ত হইতে না পারা যায়, তবে নামেরই শরণাপন্ন হইয়া অবিচ্ছেদে নামকীর্তন করিতে হইবে, এবং তাহা হইলেই নামাপরাধ হইতে মুক্তিলাভ হইতে পারিবে।

১২। অবৈষ্ণব জনের সঙ্গত্যাগ। অবৈষ্ণব শব্দে বিষ্ণুদীকারহিত ব্যক্তি এবং বিষ্ণুদীক্ষা সত্ত্বেও বৈষ্ণবাচারহিত ব্যক্তি বুঝায়।

১৩। অনধিকারি-বহুশিষ্যকরণ-ত্যাগ।

- ১৪ । ভক্তিবিরোধী বহু গ্রন্থের অনুশীলন ত্যাগ ।
- ১৫ । লাভালাভে হর্ষবিষাদ ত্যাগ ।
- ১৬ । শোকমোহাদি ত্যাগ ।
- ১৭ । অন্ত দেব ও অন্ত শাস্ত্রের নিন্দা ত্যাগ ।
- ১৮ । বিষ্ণু ও বৈষ্ণবের নিন্দা ত্যাগ ।
- ১৯ । গ্রাম্যবর্তা ত্যাগ ।
- ২০ । প্রাণিগণের উদ্বেগদানাদি ত্যাগ ।
- ২১ । নামগুণাদির শ্রবণ ।
- ২২ । নামগুণাদির কীর্তন ।
- ২৩ । নামগুণাদির স্মরণ । স্মরণ উত্তরোত্তর গাঢ়তা অনুসারে পাঁচপ্রকার ; স্মরণ, ধারণা, ধ্যান, ধ্রুবানুস্মৃতি ও সমাধি । মনের সহিত যথাকথাক্ষেত্র নামগুণাদির সম্বন্ধের নাম স্মরণ ; সকল স্থান হইতে চিত্ত আকর্ষণ করিয়া সামান্তাকারে রূপাঙ্কিতে মনের স্থাপনের নাম ধারণা ; বিশেষতঃ রূপাদি চিস্তনের নান ধ্যান ; . অবিচ্ছিন্ন স্মৃতিপ্রবাহের নাম ধ্রুবানুস্মৃতি ; ধ্যেয়মাত্রস্মরণের নাম সমাধি ।
- ২৪ । ভূতশুদ্ধাদি পূর্বক উপচারসমূহের সমস্তক অর্পণরূপ পূজা ।
- ২৫ । বন্দন অর্থাৎ প্রণাম ।
- ২৬ । পরিচর্যা অর্থাৎ সেবন ।
- ২৭ । দাস্ত ।
- ২৮ । সখ্য ।
- ২৯ । দেহদৈহিক বিষয়সমূহের অর্পণরূপ আত্মনিবেদন ।
- ৩০ । শ্রীভগবানের সম্মুখে নৃত্য ।
- ৩১ । বিজ্ঞপ্তি অর্থাৎ নিজের অবস্থা বিজ্ঞাপন করা উহা প্রার্থনাময়ী, দৈন্ত্যময়ী ও লালসাময়ী ভেদে ত্রিবিধা ।
- ৩২ । দণ্ডবৎ প্রণাম ।
- ৩৩ । ভগবদর্শনে অভ্যুত্থান ।
- ৩৪ । যাত্রাদিকালে অনুব্রজ্যা অর্থাৎ পশ্চাদ্গমন ।
- ৩৫ । তীর্থযাত্রা ।
- ৩৬ । পরিক্রমা ।
- ৩৭ । স্তবপাঠ ।

- ৩৮। উপাংশু, বাচিক ও মানসিক ভেদে তিনপ্রকার জপ।  
 ৩৯—৪০। গীত ও সঙ্কীৰ্তন।  
 ৪১। ধূপনির্মাল্যাতির সৌরভ গ্রহণ।  
 ৪২। মহাপ্রসাদ ভোজন।  
 ৪৩—৪৫। আরাত্রিক, মহোৎসব ও শ্রীমূর্তি দর্শন।  
 ৪৬। নিজ প্রিয়বস্তু দান।  
 ৪৭—৫০। তুলসী, বৈষ্ণব, মথুরা ও ভাগবতের সেবা।  
 ৫১। কৃষ্ণার্থে সমস্ত চেষ্টা।  
 ৫২। তাঁহার কৃপাবলোকন।  
 ৫৩। তরুণ সমভিব্যাহারে জন্মদিনাদিতে মহোৎসব করণ।  
 ৫৪। সর্বদা শরণাপত্তি।  
 ৫৫। কার্তিকাদি-ব্রত ধারণ।  
 ৫৬। বৈষ্ণবচিহ্ন ধারণ।  
 ৫৭। হরিনামাক্ষর ধারণ।  
 ৫৮। নির্মাল্যাধারণ ও চরণামৃতধারণ।  
 ৫৯। শ্রীমূর্তি স্পর্শন।  
 ৬০। সাধুসঙ্গ।  
 ৬১। নামসঙ্কীৰ্তন।  
 ৬২। শ্রীভাগবতার্থাস্বাদন।  
 ৬৩। মথুরামণ্ডলে বাস।  
 ৬৪। শ্রদ্ধাসহকারে শ্রীমূর্তির সেবা।

উক্ত চতুষষ্টি সাধনাজের মধ্যে প্রথম দশটি সাধনভক্তির উপক্রমস্বরূপ ও গ্রহণীয়। তৎপরর্তী দশটি ত্যাজ্য। অবশিষ্টগুলি অহুষ্ঠেয়। সর্বশেষ পাঁচটি সর্বাপেক্ষা বিশেষ প্রভাবশালী। উক্ত চতুষষ্টি সাধনাজের একটি বা অনেকটিতে নিষ্ঠা জন্মিলেই প্রেমলাভ হইতে পারে।

“শ্রীবিষ্ণোঃ শ্রবণে পরীক্ষিতভবদ্বৈয়াসকিঃ কীৰ্তনে

প্রহ্লাদঃ স্মরণে তদজিঘ ভজনে লক্ষ্মীঃ পৃথুঃ পূজনে।

অক্রুরস্বভিবন্দনে কপিপতির্দাশেহথ সখ্যেহর্জুনঃ

সর্বস্বান্নিবেদনে বলিরভূৎ কৃষ্ণাপ্তিরেষাং পরম্ ॥” পদ্মাবল্যাম্ ৫৩

রাজা পরীক্ষিত শ্রবণে, শুকদেব কীৰ্তনে, প্রহ্লাদ স্মরণে, লক্ষ্মী পাদসেবনে,

পৃথুরাজা পূজনে, অক্রুর বন্দনে, হনুমান্দাস্ত্রে, অর্জুন সখে এবং বলিরাজা আত্মনিবেদনে নিষ্ঠিত হইয়া ভগবৎপ্রেম লাভ করিয়া শ্রীভগবানকে পাইয়াছিলেন। রাজা অশ্বরীষাদির বহু অস্ত্র-সাধনও শ্রবণও করা যায়।

শাস্ত্রশাসন হইতে প্রবৃত্ত হইয়া সর্বকামনা ত্যাগ পূর্বক যিনি শ্রীকৃষ্ণের ভজন করেন, তাঁহার আর দেবাদের ঋণ থাকে না।

“দেবর্ষিভূতাপ্তনৃণাং পিতৃণাং

ন কিঙ্করো নাযমৃণী চ রাজন্।

সর্বাঅনা যঃ শরণং শরণ্যং

গতো মুকুন্দং পরিহৃত্য কর্তম্ ॥” ভা ১১।৫।১১

যিনি কর্তব্য বা ভেদ জ্ঞান ত্যাগ পূর্বক সর্বতোভাবে শরণাগতপালক মুকুন্দর শরণাগত হইয়েন, তিনি আর দেবতা, ঋষি, ভূত, পিতৃ বা কুটুম্বাদির নিকট ঋণী থাকেন না।

এইরূপ যিনি বিধিধর্ম অর্থাৎ কাম্যকর্ম সকল ত্যাগপূর্বক শ্রীকৃষ্ণের চরণ ভজন করেন, তিনি আর নিষিদ্ধ পাপাচারে রত হইয়েন না। যদি কখন অজ্ঞানতা বশতঃ কোন পাপ উপস্থিত হয়, তবে শ্রীকৃষ্ণই তাঁহাকে শোধন করিয়া লইয়েন। তজ্জন্ম তাঁহাকে কোনরূপ প্রায়শ্চিত্ত করিতে হয় না।

জ্ঞান ও বৈরাগ্য ভক্তির অঙ্গ নহে। তত্ত্ববিচারাত্মক জ্ঞান ও দুঃখসহনাত্মক বৈরাগ্য অতিশয় কঠোরস্বভাব। ভগবন্মাধুর্য্যানুভবাত্মিকা ভক্তি অতিশয় কোমলস্বভাব। অতএব কঠোরস্বভাব জ্ঞান ও বৈরাগ্য কোমলস্বভাব ভক্তির অঙ্গ হইতে পারে না।

“কর্ম বিক্ষেপকং তস্মা বৈরাগ্যাং রসশোষকম্।

জ্ঞানং হানিকরং তত্ত্বচ্ছেদিতং ত্বনুঘাতি তাম্ ॥”

শুদ্ধাশুদ্ধাদিবিচারসাপেক্ষ কর্ম চিত্তের বিক্ষেপক, কঠোর বৈরাগ্য সরস হৃদয়কে নীবস করে, ‘সোহং’ জ্ঞান উপাস্ত্র-উপাসক-ভাবের হানিকর, অতএব উহাদের কোনটিই ভক্তির অন্তর্গত নহে। তবে যদি উহারা শোধিত হয়, অর্থাৎ কর্ম যদি ভগবৎপরিচর্যাত্মক হয়, বৈরাগ্য যদি কৃষ্ণার্থ ভোগত্যাগময় হয়, এবং জ্ঞান যদি ভজনীয় ভগবানের অনুসন্ধানাত্মক অতএব উপাস্ত্রোপাসকভাবময় হয়, তবে উহারা ভক্তির অঙ্গীভূত হইয়া থাকে।

যমনিয়মাদি জ্ঞান ও যোগের অঙ্গ সকলও কৃষ্ণভক্তকে পৃথক সাধন করিতে হয় না। উহারা আপনাপনি কৃষ্ণভক্তের অন্তর্গত হইয়া থাকে।

এই বিধিভক্তি বলা হইল। অতঃপর রাগানুগা ভক্তির লক্ষণ বলা হইতেছে।

রাগাত্মিকা নাম্নী মুখ্যা ভক্তি ব্রজবাসিগণের নিজসম্পত্তি; অর্থাৎ উহা শ্রীভগবানের স্বরূপশক্তিরূপ ব্রজপরিকরগণের স্বাভাবিকী বৃত্তি। সাধক জীব সকল তাঁহাদিগের অনুগত হইয়া ভজন করিলে, ঐ বৃত্তি সুরসরিৎপ্রবাহের পৃথিবী-সঞ্চারের ন্যায়, ঐ সকল সাধক জীবেও সঞ্চারিত হইয়া থাকে, এবং তখন ঐ সকল সাধকের ভক্তিকে রাগানুগা ভক্তি বলা হয়।

“ইষ্টে স্বারসিকী রাগঃ পরমাবিষ্টতা ভবেৎ।

তন্নয়ী যা ভবেদ্ভক্তিঃ সাত্ৰ রাগাত্মিকোদিতা ॥” ভক্তিরসাম্ পূঃ ২।২৩

অভীষ্ট বস্তুতে স্বারসিকী অর্থাৎ স্বাভাবিকী যে একটি প্রেমময়ী তৃষ্ণা থাকে, তাহা হইতে একটি পরমাবিষ্টতা জন্মিয়া থাকে। যে প্রেমময়ী তৃষ্ণা হইতে এই পরমাবিষ্টতা উৎপন্ন হয়, সেই প্রেমময়ী তৃষ্ণার নামই রাগ। রাগময়ী ভক্তির নাম রাগাত্মিকা ভক্তি। অতএব ইষ্টবস্তুবিষয়িণী প্রেমময়ী তৃষ্ণাই রাগের স্বরূপলক্ষণ(১) এবং তজ্জন্মা ইষ্টে আবিষ্টতাই রাগের তটস্থলক্ষণ। ঐ রাগময়ী রাগাত্মিকা ভক্তির কথা শ্রবণ করিয়া যদি কোন ভাগ্যবান্ জীবের তদ্বিষয়ে লোভ হয়, তবেই তিনি ব্রজবাসিজনের ভাবের অনুগত হইয়া থাকেন। অতএব তাঁহার সেই লোভোৎপত্তির পক্ষে শাস্ত্রযুক্ত্যাদির কোনরূপ অপেক্ষা দৃষ্ট হয় না।

“বিরাজস্বীমতিব্যক্তং ব্রজবাসিজনাদিষু।

রাগাত্মিকামনুস্থতা যা সা রাগানুগোচ্যতে ॥” ভক্তিরসাম্ পূঃ ২।১৩

তত্তদ্ভাবাদিমাধুর্যো শ্রুতে ধীর্ঘদপেক্ষতে।

নাত্ৰ শাস্ত্ৰং ন যুক্তিঞ্চ ভল্লোভোৎপত্তিলক্ষণন্ ॥” ভক্তিরসাম্ পূঃ ২।১৪

ব্রজবাসিজনে সুস্পষ্টভাবে প্রকাশিতা রাগাত্মিকা ভক্তির অনুগতা ভক্তিকেই রাগানুগা ভক্তি বলা যায়। নিজাভিমত ব্রজরাজনন্দনের সেবাপ্রাপ্তির লোভে যদি কোন ভাগ্যবান্ জীব রাগাত্মিকাভক্তিनिষ্ঠ ব্রজবাসীদিগের অনুগত

(১) নামোল্লেখপূর্বক পদার্থকখনকে উদ্দেশ্য বলে। যে ধর্মটি অনুদ্দিষ্ট পদার্থ হইতে উদ্দিষ্ট পদার্থকে পৃথকরূপে বোধ করায় তাহার নাম লক্ষণ। ঐ লক্ষণ স্বরূপ ও তটস্থভেদে দ্বিবিধ। তন্মধ্যে যে লক্ষণটি স্বরূপান্তর্গত হইয়া লক্ষ্যপদার্থ ক লক্ষ্যোতরপদার্থ হইতে ভিন্নাকারে বোধ করায় তাহাকে স্বরূপলক্ষণ বলে। যথা—গোর ‘গোত্ব’ এবং পরমেশ্বরের ‘বিভূত্ব ও সচ্চিদানন্দত্ব’। যে লক্ষণটি লক্ষ্যবস্তু যতকাল স্থায়ী ততকাল স্থায়ী না হইয়া এবং লক্ষ্যবস্তুর স্বরূপান্তর্গত না হইয়া অলক্ষ্য বস্তু হইতে লক্ষ্যবস্তুকে ভিন্নরূপ বোধ করায় তাদৃশ লক্ষণকে তটস্থ লক্ষণ বলে। যথা—গোবিশেষের অলঙ্কারাদি এবং পরমেশ্বরের ‘জগজ্জন্মাদি’।



হইয়া পূর্বোক্ত শ্রবণকীর্তনাদি সাধনাদি সকলের অনুষ্ঠান করেন, তাঁহাদিগের তাদৃশ অনুষ্ঠানকেই রাগানুগা ভক্তি বলা যায় ব্রজলীলার পরিকরবর্গের ভাবের মাধুর্যা শ্রবণে যাহার বুদ্ধি লুক্ক অর্থাৎ তল্লাভার্থ উৎসুক হয়, তিনিই ব্রজবাসীদিগের অনুগত হইয়া তাদৃশ ভজনে প্রবৃত্ত হইয়া থাকেন। লোভোৎপত্তির পক্ষে শাস্ত্রের বা যুক্তির অপেক্ষা দেখা যায় না। শাস্ত্রযুক্তি ব্যতিরেকেই, যাহার লোভ জন্মিবার হয়, তাঁহার লোভ জন্মিয়া থাকে। লোভ জন্মিবার পর রাগাত্মিকভক্তিनिষ্ঠ ব্যক্তি শাস্ত্রাদির সাহায্যে রাগানুগার সাধন অর্থাৎ ভজমরীতি শিক্ষা করিয়া থাকেন। রাগানুগার সাধন বাহ্য ও আন্তর ভেদে দ্বিবিধ। বাহ্যে সাধকদেহে শ্রবণাদি সাধন এবং অন্তরে নিজ সিদ্ধদেহ ভাবনা করিয়া দিবানিশি ব্রজে শ্রীকৃষ্ণের সেবন করিতে হয়। এই অভিধেয় তত্ত্ব বলা হইল।

### প্রয়োজনতত্ত্ব

শ্রদ্ধালু ব্যক্তি সাধুসঙ্গের পর ভজন করিতে করিতে উত্তরোত্তর সাধনের পরিপাকে শ্রীকৃষ্ণে রতি লাভ করিয়া থাকেন।

“কোন ভাগ্যে কোন জীবের শ্রদ্ধা যদি হয়।

তবে সেই জীব সাধুসঙ্গ করয় ॥

সাধুসঙ্গ হৈতে হয় শ্রবণ কীর্তন।

সাধনভক্ত্যে হয় সর্বানর্থনিবর্তন ॥

অনর্থনিবৃত্তি হইলে ভক্তিनिষ্ঠা হয়।

নিষ্ঠা হৈতে শ্রবণাঞ্চে রুচি উপজয় ॥

রুচি হৈতে হয় তবে আসক্তি প্রচুর।

আসক্তি হৈতে চিত্তে জন্মে কৃষ্ণে প্রীত্যকুর ॥

সেই ভাব গাঢ় হৈলে ধরে প্রেম নাম।

সেই প্রেমা প্রয়োজন সর্বানন্দধাম ॥”

প্রথমতঃ শ্রদ্ধা। শ্রদ্ধার পর সাধুসঙ্গ। সাধুসঙ্গে শ্রবণাদি সাধন। সাধন দ্বারা অনর্থের নিবৃত্তি। অনর্থের নিবৃত্তিতে শ্রবণাদি সাধনে রুচি। রুচির পর আসক্তি। আসক্তির পর শ্রীকৃষ্ণে রতি। রতি প্রেমের অকুরস্বরূপ। উহার নামান্তর ভাব। এই ভাব আবার বৈধতক্যুথ ও রাগতক্যুথ ভেদে দ্বিবিধ। বৈধতক্যুথ ভাব ঐশ্বর্যজ্ঞানমিশ্র এবং রাগতক্যুথ ভাব শুদ্ধ। এই নিমিত্ত

রতির মিশ্রা ও কেবলা দুইটি নাম হইয়াছে। কেবলা রতি কেবল মাধুর্য্যজ্ঞানময়ী। এই রতির স্থান গোকুল। ঐশ্বর্য্যজ্ঞানমিশ্রা মিশ্রা-রতি পুরুষে ও বৈকুণ্ঠাদিতে দৃষ্ট হইয়া থাকে। মিশ্রা-রতিতে ঐশ্বর্য্যজ্ঞানদ্বারা কোথাও প্রেমের উদ্দীপন এবং কোথাও বা উহার সঙ্কোচন হইয়া থাকে। কেবলা-রতিতে ঐশ্বর্য্যজ্ঞান হয়ই না। কচিৎ হইলেও তাদৃশ ভক্ত যেখানে ঐশ্বর্য্য দেখেন, সেখানে নিজস্ব স্বকীয় স্বীকার করেন না।

ঐ রতি বা ভাব শুদ্ধস্বভাবশেষস্বরূপ অর্থাৎ ফলাদিহাদি স্বরূপশক্তির বৃত্তির সারাংশ। বৃত্তির সারাংশ বলিতে শ্রীভগবানের নিত্য প্রিয়জনের আশ্রিতা তদীয় আনুকূল্যভিলাষময়ী পরমা বৃত্তি। ঐ বৃত্তি শ্রীভগবানের ও তদীয় ভক্তগণের রূপায় প্রপঞ্চগত ভক্তসকলের চিত্তবৃত্তিতেও সঞ্চারিত হইয়া থাকে। উহার সঞ্চারে তাদৃশ ভক্তের ক্ষুধা, অবার্থকালত্ব, বিরক্তি, মান-শূন্যতা, আশাবন্ধ, সমুৎকণ্ঠা, নামগানে সদা রুচি, ভগবদ্গুণাখ্যানে আসক্তি ও তদ্বসতিস্থলে প্রীতি এই নয়টি প্রীত্যঙ্গুর দৃষ্ট হইয়া থাকে। এবং তদর্শনে তাদৃশ ভক্তকে ভগবৎসাক্ষাৎকারের উপযুক্ত বলা যায়।

ভাবের পরিপাকাবস্থাই প্রেম। প্রেমে চিত্ত সম্যক্ মন্থন ও অতিশয় মমতা দ্বারা অঙ্কিত হইয়া থাকে। বস্তুতঃ গাঢ় ভাবই প্রেম নামে অভিহিত হয়। প্রেমের উত্তরোত্তর গাঢ়তায় স্নেহ, মান, প্রণয়, রাগ, অনুরাগ, ভাব ও মহাভাব, এই কয়টি আখ্যা হইয়া থাকে। প্রেম অপেক্ষাকৃত গাঢ় হইয়া চিত্তকে দ্রবীভূত করিলেই স্নেহ এই আখ্যা প্রাপ্ত হয়। স্নেহাবস্থায় প্রিয় বস্তুর ক্ষণিক বিরহও সহ হয় না। স্নেহ পরিপক হইয়া নূতন মাধুর্য্য আন্বাদন করাইবার নিমিত্ত কোটিল্য ধারণ করিলেই উহাকে মান বলা যায়। মান যখন বিশ্রান্ত ধারণ করিয়া অর্থাৎ গৌরবরহিত হইয়া বিষয়াশ্রয়ের সর্ব্বথা একত্ব সংস্থাপন করে, তখন উহাকে প্রণয় বলা যায়। প্রণয়ের উৎকর্ষে যখন চিত্তে অতিশয় দুঃখকেও মুখ বলিয়া বোধ হয়, তখন উহাকে রাগ বলা যায়। রাগের পরিপাকই অনুরাগ। অনুরাগে সদানুভূত প্রিয় বস্তুও নিত্য নবীভূতের স্থায় অনুভূত হইয়া থাকে। ঐ অনুরাগ আবার যখন যাবদাশ্রয়বৃত্তি হইয়া অর্থাৎ সীমান্ত প্রাপ্ত হইয়া স্বসংবেদ্যদশা লাভ করে, অর্থাৎ নিজের বৃত্তিভূত উদ্দীপ্ত সাত্ত্বিকাদি ভাবসকল দ্বারা আপনাকে প্রকাশ করে, তখন উহাকে ভাব বলা যায়। এই ভাব ব্রজদেবীগণে আরম্ভ হইতেই দৃষ্ট হইয়া পরিশেষে মহাভাবরূপে পরিণত হইয়া থাকে। ব্রজদেবীগণের ভাবই মহাভাব নামে উক্ত হয়।

মহাভাব রূঢ় ও অধিরূঢ় ভেদে দুইপ্রকার। অধিরূঢ় মহাভাব আবার মোদন ও মাদন ভেদে দ্বিবিধ। মোদনাখ্য মহাভাবই বিরহে মোহন নামে উক্ত হইয়া থাকে। মাদনের বিরহ হয় না। ঐ মোহনে দিব্যোন্মাদ জন্মে এবং ঐ দিব্যোন্মাদে উদ্ঘূর্ণা ও চিত্রজল্প প্রভৃতি লক্ষণসকল দৃষ্ট হয়। যে অবস্থায় নিমেষমাত্র কাগ ও শ্রীকৃষ্ণের অদর্শন সহ হয় না, তাহারই নাম রূঢ় মহাভাব। আর যে অবস্থায় ঐ শ্রীকৃষ্ণের অদর্শন অতিশয় পীড়াদায়ক হয়, তাহারই নাম অধিরূঢ় মহাভাব। মোদনাখ্য মহাভাবের উদয়ে সমস্ত ব্রহ্মাণ্ডের এবং কাঙ্কাগণের সহিত শ্রীকৃষ্ণেরও ক্ষোভাভিভব উৎপন্ন হইয়া থাকে। মাদনে সর্বভাবের উদ্গম হয় এবং উহা কেবল শ্রীরাধাতেই দৃষ্ট হইয়া থাকে। স্থায়ী ভাব বিপ্রলম্ব ও সন্তোষ ভেদে দ্বিবিধ। তন্মধ্যে বিপ্রলম্ব আবার পূর্ববাগ, মান, প্রেমবৈচিত্র্য ও প্রবাস ভেদে চতুর্বিধ। অঙ্গসঙ্ঘের পূর্ববর্তিনী উৎকর্ষাময়ী রতির নাম পূর্ববাগ। নায়কনায়িকার অভিমত আলিঙ্গনাদির নিরোধজনক ভাবের নাম মান। প্রিয়ের সমীপে থাকিয়াও অত্যন্ত অনুরাগ বশতঃ তদ্বিরহবোধের নাম প্রেমবৈচিত্র্য। প্রিয়ের-দূরগমনের নাম প্রবাস।

### প্রেমের আলম্বন।

ব্রজেন্দ্রনন্দন শ্রীকৃষ্ণ নায়কশিরোমণি। শ্রীরাধিকা নায়িকার শিরোমণি। অনন্তগুণ শ্রীকৃষ্ণের গুণসকল প্রধানতঃ চতুঃষষ্টিসংখ্যক বলিয়া উক্ত হইয়া থাকে।

উক্ত চতুঃষষ্টি গুণ যথা—

অয়ং নেতা সুরম্যাক্ষঃ সর্বসল্লক্ষণাঙ্ঘিতঃ ।  
 রুচিরস্তেজসা যুক্তো বলীয়ান্ বয়সান্বিতঃ ॥  
 বিবিধাঙ্কুতভাষাবিৎ সত্যাবাকাঃ প্রিয়স্বদঃ ।  
 বাবদুকঃ সুপাণ্ডিত্যো বুদ্ধিমান্ প্রতিভান্বিতঃ ॥  
 বিদগ্ধশচতুরো দক্ষঃ কৃতজ্ঞঃ সূদৃঢ়ব্রতঃ ।  
 দেশকালসুপাত্রজ্ঞঃ শাস্ত্রচক্ষুঃ শুচির্কর্ষী ॥  
 স্থিরো দাস্তঃ ক্রমাশীলো গম্ভীরো ধৃতিমান্ সমঃ ।  
 বদান্তো ধার্মিকঃ শূরঃ করুণো মান্তমানকুৎ ॥  
 দক্ষিণো বিনয়ী হ্রীমান্ শরণাগতপালকঃ ।  
 সুখী ভক্তসুহৃৎ প্রেমবশ্তঃ সর্বশুভকরঃ ॥

প্রতাপী কীর্তিমান্ রক্তলোকঃ সাধুসমাশ্রয়ঃ ।  
 নারীগণমনোহারী সর্কারাধাঃ সমৃদ্ধিমান্ ॥  
 বরীয়ানীশ্বরশ্চেতি গুণাস্তশ্চানুকীৰ্তিতাঃ ।  
 সমুদ্রা ইব পঞ্চাশদুর্বিগাহা হরেরমী ॥  
 জীবেষেতে বসন্তোহপি বিন্দুবিন্দুতয়া কচিৎ ।  
 পরিপূর্ণতয়া ভাস্তি তন্তৈব পুরুষোত্তমে ॥  
 অথ পঞ্চ গুণা যে স্মারংশেন গিরিশাদিষু ।  
 সদা স্বরূপসম্প্রাপ্তঃ সর্কজ্ঞো নিতানুতনঃ ॥  
 সচ্চিদানন্দসাম্ভ্রাজঃ সর্কসিদ্ধিনিষেবিতঃ ।  
 অথোচ্যাস্তে গুণাঃ পঞ্চ যে লক্ষ্মীশাদিবর্তিনঃ ॥ • ।  
 অবিচিন্ত্যমহাশক্তিঃ কোটিব্রহ্মাণ্ডবিগ্রহঃ ।  
 অবতারাবলীবীজং হতারিগতিদায়কঃ ॥  
 আত্মারামগণাকর্ষীতামী কৃষ্ণে কিল্লাভুতাঃ ।  
 সর্কাভুতচমৎকারলীলাকল্লোলবারিধিঃ ॥  
 অতুল্যমধুরপ্রেমমণ্ডিতপ্রিয়মণ্ডলঃ ।  
 ত্রিজগন্মানসা কর্ষিমুবলীকলকৃচ্ছিতঃ ॥  
 অসমানোঙ্করূপশ্রীবিস্মাপিতচরাচরঃ ।  
 লীলা প্রেমা প্রিয়াধিকাং মাধুর্যং বেণুরূপয়োঃ ॥  
 ইত্যসাধারণং প্রোক্তং গোবিন্দশ্চ চতুষ্টয়ম্ ।  
 •এবং গুণাশ্চতুর্ভেদাশ্চতুঃষষ্টিরুদাহিতাঃ ॥”

ভক্তিরসাম্ সি । দঃ । ১৯ ১১-১৮

সুরম্যাক, সর্কসলক্ষণাবত, কাচর, তেজস্বী বলীয়ান্ বয়োযুক্ত, বিবিধাভূত-  
 ভাষাবিৎ, সত্যবাকা, প্রিয়স্বদ, বাবদুক, সুপাণ্ডিতা, বুদ্ধিমান্, প্রতিভাস্বিত, বিদগ্ধ,  
 চতুর, দক্ষ, কৃতজ্ঞ, সুদৃঢ়বত, দেশকালসুপাত্ৰজ্ঞ, শাস্ত্রচক্ষুঃ, শুচি, বশী, স্থির, দান্ত,  
 ক্ষমাশীল, গম্ভীর, ধৃতিমান্, সম, বদান্ত, ধার্মিক, শূর, করুণ, মান্তমানকুৎ, দক্ষিণ,  
 বিনয়ী, হ্রীমান্, শরণাগতপালক, সুখী, ভক্তসুহৃৎ, প্রেমবশু, সর্কশুভঙ্কর, প্রতাপী,  
 কীর্তিমান্, রক্তলোক, সাধুসমাশ্রয়, নারীগণমনোহারী, সর্কারাধা, সমৃদ্ধিমান্,  
 বরীয়ান্, ও ঈশ্বর । শ্রীকৃষ্ণের এই পঞ্চাশটি গুণ সমুদ্রের ত্রায় হুর্বিগাহ । এই  
 সমস্ত গুণ জীবগণেও দৃষ্ট হয় । দৃষ্ট হইলেও সম্পূর্ণভাবে দৃষ্ট হয় না, অংশতঃ  
 দৃষ্ট হয় মাত্র । শ্রীকৃষ্ণেই এইগুলি পরিপূর্ণভাবে দৃষ্ট হইয়া থাকে ।

সদা স্বরূপসম্প্রাপ্ত, সর্বজ্ঞ, নিত্যনূতন, সচ্চিদানন্দসাম্রাজ্য ও সর্বসিদ্ধি-নিষেবিত। শ্রীকৃষ্ণের এই পাঁচটি গুণ আংশিকরূপে গিরিশাদি দেবতাতেও দেখা গিয়া থাকে।

অবিচিন্ত্যমহাশক্তি, কোটিব্রহ্মাণ্ডবিগ্রহ, অবতারাবলীবীজ, হতারিগতিদায়ক ও আশ্রামগণাকর্ষী। শ্রীকৃষ্ণের এই পাঁচটি অদ্ভুত গুণ শ্রীনারায়ণাদিতেও দৃষ্ট হয়।

সর্বাদ্ভুতচমৎকারলীলাকল্লোলবারিধি, অতুল্য-মধুর-প্রেম-মণ্ডিত-প্রিয়মণ্ডল, ত্রিজগন্মানসাকর্ষিমুরলীকলকুঞ্জিত ও অসমানোর্ধ্বরূপশ্রীবিস্মাপিতচরাচর। এই সর্বাদ্ভুত-চমৎকার লীলাদি চারিটি গুণ শ্রীকৃষ্ণের অসাধারণ। এইগুলি স্বয়ং-ভগবান্ শ্রীকৃষ্ণ ভিন্ন অপর কোথাও দৃষ্ট হয় না।

১। সুরম্যাজ্ঞ—শ্লাঘ্য অঙ্গসন্নিবেশের নাম সুরম্যাজ্ঞ। শ্রীকৃষ্ণের এই গুণটি আবির্ভাবের সময় হইতেই ব্যক্ত।

২। সর্বসল্লক্ষণান্বিত—শ্রীকৃষ্ণের সল্লক্ষণ গুণোথ ও অক্ষোথ ভেদে দ্বিবিধ। রক্ততা ও তুঙ্গতাди গুণজনিত লক্ষণের নাম গুণোথ লক্ষণ। সপ্ত স্থানে রক্ততা, ছয় স্থানে তুঙ্গতা, তিন স্থানে বিস্তার, তিন স্থানে খর্বতা, তিন স্থানে গম্ভীরতা, পাঁচ স্থানে দীর্ঘতা ও পাঁচ স্থানে সূক্ষ্মতা। এইরূপে শ্রীকৃষ্ণের গুণোথ সল্লক্ষণ সর্বসমেত বত্রিশটি। করাদিতে রেখাময় লক্ষণসকলের নাম অক্ষোথ সল্লক্ষণ। শ্রীকৃষ্ণের এই অক্ষোথ সল্লক্ষণ ষোলটি। তাঁহার নামকরণকালে গর্গমুনি এই সল্লক্ষণসকল বলিয়াছিলেন।

৩। রুচির—সৌন্দর্য্য দ্বারা নয়নের আনন্দকারী। শ্রীকৃষ্ণের এই গুণটি তাঁহার বাল্যাদিলীলাত্রেয়ে বিশেষরূপেই দৃষ্ট হইয়া থাকে।

৪। তেজস্বী—ধাম ও প্রভাব সমন্বিত। তন্মধ্যে তেজোরশির নাম, ধাম এবং দুর্দর্শতা ও সর্বপরাজয়কারী তেজের নাম প্রভাব। মল্লরঙ্গে এই তেজ নামক গুণ দৃষ্ট হয়।

৫। বলীয়ান্—বলবান্। এই গুণটিও মল্লরঙ্গে দৃষ্ট হইয়া থাকে।

৬। বয়োযুক্ত—বয়সের বাল্যাদি বিবিধ ভেদ সত্ত্বেও সর্বভক্তিরসাশ্রয়, সর্বগুণযুক্ত ও নিত্যনূতনবিলাসবিশিষ্ট কৈশোর বয়সই শ্রীকৃষ্ণের প্রশস্ত বয়ো-গুণ। সর্বলীলামুকুটমণি শ্রীরাসলীলাতেই এই গুণটি প্রধানতঃ ব্যক্ত হইয়া থাকে।

৭। বিবিধাদ্ভুতভাষাবিৎ—যিনি সংস্কৃতপ্রাকৃতাদি অশেষ ভাষায় সুপণ্ডিত,

তাহাকেই উক্তগুণযুক্ত বলা যায়। গোচারণলীলায় এই গুণটি প্রথম প্রকাশ পায়।

৮। . সত্যবাক্য—যাঁহার বাক্য কখন মিথ্যা হয় না। এই গুণটি জরাসন্ধ-বধাদি স্থলে দৃষ্ট হইয়া থাকে।

৯। প্রিয়ম্বদ—অপরাধী জনেও সাস্বনাবাক্যপ্রয়োগকারী। কালিয় নাগের দমনকালে এই গুণটি প্রথম প্রকাশ পায়।

১০। বাবদুক—শ্রবণপ্রিয় ও অখিলগুণান্বিত-বাক্য-প্রয়োগকুশল। ইন্দ্র-যজ্ঞ-ভঙ্গের সময় এই গুণটি প্রথম প্রকাশিত হয়।

১১। সুপাণ্ডিত্য—বিদ্বান্ ও নীতিজ্ঞ। অখিলবিদ্যাবিৎকে বিদ্বান্ এবং যথোচিতকর্মকারীকে নীতিজ্ঞ বলা যায়। এই গুণটি গুরুগৃহে ও অপর দ্বারকা-লীলায় ব্যক্ত আছে।

১২। বুদ্ধিমান্—মেধাবী ও সূক্ষ্মবুদ্ধি। এই গুণটিও গুরুগৃহে ও কালযবন-বধের সময় বিশেষরূপেই প্রকাশ পায়।

১৩। প্রতিভান্বিত—নবনবোন্মেষশালিনী বুদ্ধি-বিশিষ্ট। এই গুণটি, মান-ভঞ্জনলীলাতেই সম্যক্ স্মুরিত হইয়া থাকে।

১৪। বিদগ্ধ—কলাবিলাসকুশল। শ্রীবৃন্দাবনে পাশক्रीড়াদির সময় এই গুণটি বিশেষরূপেই ব্যক্ত হয়।

১৫। চতুর—যুগপৎ অনেক-কার্য্য-সমাধানকারী। অরিষ্টবধকালে এই গুণটি প্রথম প্রকাশ পায়।

১৬। দক্ষ—দুঃসাধ্য কার্য্য সত্ত্বর সম্পাদনকারী। নরকাসুরবধকালে এই গুণটি পরিস্ফুট আছে।

১৭। কৃতজ্ঞ—কৃত সেবাদিকর্ম্মের অভিজ্ঞ। কাম্যকবনে পাণ্ডবদিগের নিকট গমনকালে এই গুণটি পরিস্ফুট দেখা যায়।

১৮। স্মৃৎব্রত—সত্যপ্রতিজ্ঞ ও সত্যনিয়ম। পারিজাতহরণে এই গুণটি ব্যক্ত হয়।

১৯। দেশকালসুপাত্রজ্ঞ—দেশ, কাল ও পাত্র বিবেচনা করিয়া কর্ম্মকারী। উদ্ধবকে ব্রজে প্রেরণকালে এই গুণটি বিশেষতঃ ব্যক্ত হয়।

২০। শাস্ত্রচক্ষু—শাস্ত্রানুসারে কর্ম্মকারী। দ্বারকালীলায় এই গুণটি দৃষ্ট হয়।

২১। শুচি—স্বয়ং বিশুদ্ধ ও অন্তের পাবন। শ্রমস্তুক-মণি হরণ-প্রসঙ্গে শ্রীকৃষ্ণের এই গুণটির বিশেষ পরিচয় পাওয়া যায়।

২২। বনী—ইন্দ্রিয়জয়কারী। বংশবিস্তারপ্রসঙ্গে এই গুণটির পরিচয় পাওয়া যায়।

২৩। স্থির—আফলোদয়কর্মকারী। জাম্ববতীপরিণয়স্থলে এই গুণটির পরিচয় পাওয়া যায়।

২৪। দাস্ত—ক্লেশসহিষ্ণু। গুরুগৃহে এই গুণটির বিশেষ পরিচয় পাওয়া যায়।

২৫। ক্ষমাশীল—অপরাধসহিষ্ণু। শিশুপালবধে এই গুণটির বিশেষ পরিচয় পাওয়া যায়।

২৬। গম্ভীর—দুর্বিগাহাশয়। ব্রহ্মমোহনলীলায় এই গুণটির বিশেষ পরিচয় পাওয়া যায়।

২৭। ধৃতিমান্—পূর্ণকাম এবং ক্ষোভের কারণ সত্ত্বেও ক্ষোভরহিত। রাজসুয়যজ্ঞ-প্রসঙ্গে এই গুণটির বিশেষ পরিচয় প্রাপ্ত হওয়া যায়।

২৮। সম—রাগদ্বेषবিমুক্ত। কালীয়দমনকালে এই গুণটির প্রথম পরিচয় পাওয়া যায়।

২৯। বদান্ত—দাতা। দ্বারকালীলায় নারদমোহে এই গুণের পরিচয় পাওয়া যায়।

৩০। ধার্মিক—ধর্মকারক ও ধর্মরক্ষক। দ্বারকালীলায় এই গুণটিরও বিশেষ পরিচয় পাওয়া যায়।

৩১। শূর—যুদ্ধবিষয়ে উৎসাহান্বিত ও অস্ত্রপ্রয়োগে নিপুণ। জরাসন্ধের সহিত সংগ্রামে এই গুণটির প্রথম পরিচয় পাওয়া যায়।

৩২। করুণ—পরদুঃখাসহিষ্ণু। জরাসন্ধকর্তৃক বদ্ধ রাজগণের মোচনে এই গুণটির বিশেষ পরিচয় পাওয়া যায়।

৩৩। মান্যমানকুৎ—গুরু-বৃদ্ধ ব্রাহ্মণসকল-পূজাকারী। দ্বারকালীলায় এই গুণটির পরিচয় পাওয়া যায়।

৩৪। বিনয়ী—অনুকৃত। রাজসুয়যজ্ঞে এই গুণটির পরিচয় পাওয়া যায়।

৩৫। দক্ষিণ—কোমলচরিত্র। সত্যভামাপরিণয়ে এই গুণটির সম্যক পরিচয় পাওয়া যায়।

৩৬। হীমান্—লজ্জাশীল। গোবর্দ্ধনধারণকালে এই গুণটি প্রথম ব্যক্ত হইয়াছিল।

৩৭। শরণাগতপালক—শরণাগত ব্যক্তির পালনকারী। বাণযুদ্ধে এই গুণটির বিশেষ পরিচয় পাওয়া যায়।

৩৮। সুখী—ভোগী ও দুঃখস্পর্শপরিশূন্য। অমতিকায় এই গুণটি সুব্যক্ত আছে।

৩৯। ভক্তসুহৃৎ—সুসেব্য ও দাসবন্ধু। ভীষ্মনির্ধানে এই গুণটি পরিষ্ফুট হইয়াছে।

৪০। প্রেমবশ্য—সেবার অপেক্ষা না করিয়াই প্রেমে বশীভূত। পৃথুকো-পাখ্যানে এই গুণটি দৃষ্ট হয়।

৪১। সর্বশুভঙ্কর—সর্বজনহিতকারী। উদ্ধবশিক্ষায় এই গুণটি ব্যক্ত হইয়াছে।

৪২। প্রতাপী—প্রতাপশালী।

৪৩। কীর্তিমান্—কীর্তিশালী।

এই দুইটি গুণ দ্বারকালীনার অনেক স্থলেই সুব্যক্ত আছে।

৪৪। রক্তলোক—লোকের অনুরাগভাজন। রাজসুয়ঘঞ্জে এই গুণের বিশেষ পরিচয় পাওয়া যায়।

৪৫। সাধুসমাশ্রয়—সাধুজনপক্ষপাতী।

৪৬। নারীগণমনোহারী—সুন্দরীবৃন্দের চিত্তাকর্ষক।

৪৭। সর্কারাধ্য—সকলের পূজ্য।

৪৮। সমৃদ্ধিমান্—মহাসম্পত্তিশালী।

৪৯। বরীয়ান্ - শ্রেষ্ঠ।

৫০। ঈশ্বর—স্বতন্ত্র ও অলজ্যাশাসন।

৫১। সদা স্বরূপসম্প্রাপ্ত—মায়িক কার্যে অবশীকৃত।

৫২। সর্বজ্ঞ—সর্বজ্ঞানসম্পন্ন।

৫৩। নিতানূতন—সর্বদা অনুভূয়মান হইয়াও নূতনের আয় প্রকাশমান।

৫৪। সচ্চিদানন্দসাক্ষাৎ—সচ্চিদানন্দঘনবিগ্রহ।

৫৫। সর্বসিদ্ধিনিষেবিত—সকল সিদ্ধি যাহার নিজবশে।

৫৬। অবিচিত্ত্যমহাশক্তি—সৃষ্টি কর্তৃত্ব, ব্রহ্মরূদ্ৰাদিমোহন ও ভক্তের প্রারন্ধ-খণ্ডন প্রভৃতি অচিন্ত্যশক্তি সমন্বিত।

৫৭। কোটিব্রহ্মাণ্ডবিগ্রহ—বিশ্বরূপ।

৫৮। অবতারাবলীবীজ—সর্বাৱতারের মূলাশ্রয়।

৫৯। হতারিগতিদায়ক—শক্রগণের বিনাশসাধনপূর্বক মুক্তিদাতা।

৬০। আত্মারামগণাকর্ষী—মুক্তগণেরও আকর্ষণকারী।



শ্রীকৃষ্ণের উক্ত গুণসকল দ্বারকালীলার স্থানে স্থানে ব্যক্ত আছে ।

অবাশিষ্ট চারিটি গুণ মধুর হইতে মধুর । লীলামাধুর্যা, প্রেমমাধুর্যা, বংশী-  
মাধুর্যা ও রূপমাধুর্যা সকললীলামুকুটমণি শ্রীরামলীলাতেই সুব্যক্ত হইয়াছে ।

শ্রীরাধিকারও শ্রীকৃষ্ণের ঞায় অপ্রাকৃত অনন্ত গুণ উক্ত হইয়া থাকে । তন্মধ্যে  
প্রধানতঃ যে পঞ্চবিংশতিসংখ্যক গুণ উক্ত হয়, তাহা এই—

- ১ । মধুরা ।
- ২ । নববয়া ।
- ৩ । চলাপাঙ্গা ।
- ৪ । উজ্জলস্মিতা ।
- ৫ । চারুসৌভাগ্যরেখাঢ্যা অর্থাৎ পঞ্চাশৎসংখ্যক সৌভাগ্যসূচক রেখা  
বিশিষ্টা ।
- ৬ । গন্ধোন্মাদিতগাধবা অর্থাৎ গন্ধ দ্বারা মাধবকে উন্মাদিত করেন ।
- ৭ । সঙ্গীতপ্রসয়াভিজ্ঞা ।
- ৮ । রম্যবাক্ ।
- ৯ । ধর্ম্মপণ্ডিতা ।
- ১০ । বিনীতা ।
- ১১ । করুণাপূর্ণা ।
- ১২ । বিদগ্ধা ।
- ১৩ । পাটবাস্বিতা অর্থাৎ চাতুর্যাশালিনী ।
- ১৪ । লজ্জাশীলা ।
- ১৫ । সুরমর্যাদা অর্থাৎ স্বাভাবিক, শিষ্টাচারপরিপ্রাপ্ত ও স্বকল্পিত মর্যাদা-  
রক্ষণপরায়ণা ।
- ১৬ । ধৈর্য্যাশালিনী ।
- ১৮ । গান্তীর্ঘ্যাশালিনী ।
- ১৮ । সুবিলাসা ।
- ১৯ । মহাভাবপরমোৎকর্ষতর্ষিণী অর্থাৎ সূদীপ্ত সাত্ত্বিক ভাবসকলের  
পূর্ণ প্রকাশভূমি ।
- ২০ । গোকুলপ্রেমবসতি অর্থাৎ সমস্ত গোকুলের প্রিয় ।
- ২১ । জগচ্ছেনীলসদৃশা অর্থাৎ তাঁহার যশে সর্বজগৎ ব্যাপ্ত ।
- ২২ । গুরুপিতগুরুস্নেহা অর্থাৎ গুরুজনের অতিশয় স্নেহপাত্রী ।

২৩। সখী-প্রণয়িতাবশা অর্থাৎ সখীজনের প্রণয়াধীনা।

২৪। কৃষ্ণপ্রিয়াবলীমুখ্যা।

২৫। সন্তোষাশ্রবকেশবা অর্থাৎ সর্বদা কেশব তাঁহার আজ্ঞাধীন।

নায়ক শ্রীকৃষ্ণ ও নায়িকা শ্রীরাধিকা ভক্তিরসের বিষয় ও আশ্রয় নামক আলম্বন। দাস্যে দাসগণ, সখ্যে সখাগণ, বাৎসল্যে পিতা ও মাতা প্রভৃতি গুরুজন এবং মধুরে গোপীগণও আশ্রয়ালম্বন হইলেন। বিষয় ও আশ্রয়কে অবলম্বন করিয়া যে ভক্তিরসের উদ্গম হয়, তাহা ভক্তগণই আশ্বাদন করিয়া থাকেন, অভক্তগণ আশ্বাদন করিতে পারে না। পূর্বে প্রয়াগে অবস্থানকালে তোমার ভ্রাতা রূপকে রসতত্ত্ববিচারে এই সকল বিষয় উপদেশ করিয়াছি। অতঃপর তোমরা দুইজনে ভক্তিশাস্ত্রের প্রচার ও মথুরার লুপ্ততীর্থের উদ্ধার কর। আর একখানি বৈষ্ণব-স্মৃতি সংগ্রহ করিয়া তদ্বারা শ্রীবৃন্দাবনে বৈষ্ণববাচার প্রবর্তন কর। এই আমি যুক্তবৈরাগ্যের মধ্যাদা উপদেশ করিলাম। তোমরা শুকবৈরাগ্যের পক্ষপাতী না হইয়া এই যুক্তবৈরাগ্যেরই পক্ষপাতী হইও। শুকজ্ঞান ও শুকবৈরাগ্য সম্বন্ধে বিশেষ সাবধান থাকিও।

যিনি সর্বভূতের অদ্বৈষ্টা অর্থাৎ কেহ দ্বেষ করিলেও 'আমার প্রারন্ধীমুসারে পরমেশ্বর কর্তৃক প্রেরিত হইয়াই আমার প্রতি দ্বেষ করিতেছে' এই বুদ্ধিতে তাহার প্রতি দ্বেষরহিত, 'সমস্ত জীবই পরমেশ্বরাদিষ্টিত' এই বুদ্ধিতে জীবমাত্রের প্রতি মিত্র, কোন কারণে কাহারও খেদ উপস্থিত হইলে 'ঐ খেদ না হউক' এই বুদ্ধিতে করুণ, দেহাদিতে মমতারহিত ও আত্মবুদ্ধিরহিত, সুখের সময় হর্ষে ও দুঃখের সময় উদ্বিগ্নেও নিরাকুল, সহিষ্ণু, সতত সন্তুষ্ট, যোগযুক্ত, বিজিতেন্দ্রিয়, কেহ কুতর্ক করিলেও তদ্বারা যাহার বুদ্ধি বিচলিত হয় না পরন্তু 'আমি হরিদাস' এইরূপই বুদ্ধি স্থির থাকে, যিনি আমাতেই মন ও বুদ্ধি অর্পণ করিয়াছেন, এই প্রকার ভক্তই আমার প্রিয়। যাহা হইতে লোক উদ্বিগ্ন পায় না, যিনি স্বয়ং লোক হইতে উদ্বিগ্ন পান না, যিনি হর্ষ, অমর্ষ, ভয় ও উদ্বিগ্ন হইতে মুক্ত, তাদৃশ ভক্তই আমার প্রিয়। যিনি অনপেক্ষ অর্থাৎ স্বয়ং উপস্থিত ভোগ্যবিষয়েও স্পৃহারহিত, শুচি, দক্ষ, উদাসীন, ব্যথারহিত ও সর্বরাস্তপরিভ্যাগী, তাদৃশ ভক্তই আমার প্রিয়। যিনি প্রিয়লাভে সন্তুষ্ট ও অপ্রিয়লাভে দ্বেষযুক্ত হইবেন না, যিনি শোক ও আকাঙ্ক্ষা করেন না, যিনি শুভ ও অশুভ ত্যাগ করিয়াছেন, তাদৃশ ভক্তই আমার প্রিয়। যিনি শক্রমিত্রে মানাপমানে শীতোষ্ণে ও সুখদুঃখে সমবুদ্ধি এবং কুসঙ্গবর্জিত, যিনি নিন্দা ও স্তুতিকে সমান বোধ করেন, যিনি যথালভুত,

নিবাসরহিত ও স্থিরবুদ্ধি, তাদৃশ ভক্তিমানই আমার প্রিয়। যিনি এই ষথোক্ত ধর্মামৃতের সেবা করেন, তিনি আমার অতীব প্রিয় হবেন। বসুপতিত জীর্ণ বস্ত্রখণ্ড থাকিতে বস্ত্রের নিমিত্ত, পরপোষক তরুরাজি থাকিতে অন্নের নিমিত্ত, জলপূর্ণ সরিৎসরোবর থাকিতে পানীয়ের নিমিত্ত, গিরিকন্দর থাকিতে বাসস্থানের নিমিত্ত ও শরণাগতপালক শ্রীভগবান্ থাকিতে আশ্রয়ের নিমিত্ত সাধুলোক সকল কেন ধনমদাক্ত ব্যক্তি সকলের উপাসনা করিবেন ?

### আত্মারাম শ্লোকের ব্যাখ্যা

তদনন্তর সনাতনগোস্বামী কতশগুলি শ্রীভাগবতের গূঢ় সিদ্ধান্ত জিজ্ঞাসা করিলেন। প্রভু একে একে ঐ সকল প্রশ্নের উত্তর প্রদান করিতে লাগিলেন। তন্মধ্যে হরিবংশোক্ত গৌড়োকসংস্থান, মৌঘলনীলা ও অন্তর্ধাননীলার মায়িকত্ব, শ্রীকৃষ্ণের কেশাবতারত্বরূপ বিরুদ্ধমত সকলের সঙ্গতি প্রভৃতি প্রধান প্রধান বিষয় সকল উপদেশ করিলেন।

সনাতনগোস্বামী প্রভুর চরণে ধরিয়া নিবেদন করিলেন, “আমি নীচজাতি, নীচসেবী পামর। আমাকে ব্রহ্মার অগোচর সিদ্ধান্ত সকল উপদেশ করিলেন। অনন্তগন্তীর সিদ্ধান্তামৃতসিক্ত বিন্দুমাত্রও স্পর্শ করিতে আমার শক্তি নাই। আপনি ইচ্ছা করিলে, পঙ্কুকেও নৃত্য করাইতে পারেন; আমার মস্তকে চরণ দিয়া আশীর্বাদ করুন, যাহা শিক্ষা দিলেন, তাহা আমার হৃদয়ে স্ফুরিত হউক। আপনার আশীর্বাদে আমি ঐ সিদ্ধান্ত হৃদয়ঙ্গম করিতে সমর্থ হইব।” প্রভু তাঁহার মস্তকে হস্তার্পণ করিয়া বলিলেন, “আমার বরে উপদিষ্ট বিষয়সকল তোমাতে স্ফুরিত হউক।”

সনাতনগোস্বামী পুনর্বার নিবেদন করিলেন, “প্রভো, শুনিয়াছি, সার্কভৌম ভট্টাচার্যের নিকট “আত্মারাম” শ্লোকের অষ্টাদশ প্রকার ব্যাখ্যা করিয়াছেন। এই আশ্চর্য ব্যাপার শুনিয়া আমার মন উৎকণ্ঠান্বিত হইয়াছে। কৃপা করিয়া যদি বলেন, শুনিয়া পরিতুষ্ট হই।” প্রভু বলিলেন, “আমি বাতুল, কখন কি প্রলাপ বলিয়াছি, সার্কভৌম ভট্টাচার্য তাহাই আবার সত্য মনে করিয়াছেন, আমার কিন্তু তাহার কিছুই মনে নাই। যাহাই হউক, তোমার সঙ্গের গুণে সম্প্রতি যে কিছু অর্থ স্ফুরিত হয়, তাহাই বলিতেছি, শ্রবণ কর।”

আত্মারামাঃ আত্মনি ব্রহ্মণি রমন্তে ইতি জ্ঞানিনঃ চ অপি নিগ্রহাঃ অপি মুনয়ঃ  
মননশীলাঃ সন্তঃ উরুক্রমে হরৌ অহৈতুকীং ভক্তিং কুর্কন্তি হরিঃ ইথস্তুতগুণঃ ।

শ্রীহরির এমনি গুণ যে, আত্মারাম জ্ঞানিগণও নিগ্রহ হইয়াও তাঁহার  
মনন ব্যতিরেকে কেবল জ্ঞান দ্বারা মুক্তির অসম্ভাবনা হেতু তন্মননপরায়ণ ও  
তদগুণাকৃষ্ট হইয়া উরুক্রম শ্রীহরিতে অহৈতুকী ভক্তি করিয়া থাকেন ।

ঐ জ্ঞানী কেবলব্রহ্মোপাসক অর্থাৎ আত্মার ব্রহ্মসম্পত্তির নিমিত্ত ব্রহ্মের  
উপাসক ও মোক্ষাকাঙ্ক্ষী অর্থাৎ মুক্তির নিমিত্ত ব্রহ্মের উপাসক ভেদে দ্বিবিধ ।  
তন্মধ্যে কেবলব্রহ্মোপাসক আবার সাধক অর্থাৎ অপ্রাপ্তব্রহ্মতাদাত্বা, ব্রহ্মময়  
অর্থাৎ প্রাপ্তব্রহ্মতাদাত্বা এবং প্রাপ্তব্রহ্মলয় অর্থাৎ ব্রহ্মলীন ভেদে ত্রিবিধ । আর  
মোক্ষাকাঙ্ক্ষী জ্ঞানী মুমুকু, জীবমুক্ত ও প্রাপ্তস্বরূপ অর্থাৎ বিদেহু ভেদে ত্রিবিধ ।  
সাকল্যে জ্ঞানী ষড়্‌বিধ । জ্ঞানীর ষড়্‌বিধ্য বশতঃ শ্লোকটিতে পৃথক্ পৃথক্  
ছয়টি অর্থের লাভ হইতেছে ।

পূর্বোক্তাঃ ষড়্‌বিধাঃ আত্মারামাঃ জ্ঞানিনঃ মুনয়ঃ চ নিগ্রহাঃ অপি উরু-  
ক্রমে অহৈতুকীং ভক্তিং কুর্কন্তি হরিঃ ইথস্তুতগুণঃ ।

শ্রীহরির এমনি গুণ যে, পূর্বোক্ত ষড়্‌বিধ জ্ঞানী এবং মুনীগণ নিগ্রহ  
হইয়াও উরুক্রম শ্রীহরিতে অহৈতুকী ভক্তি করিয়া থাকেন ।

এই অপর একটি অর্থ । অতএব সাকল্যে সপ্ত অর্থের লাভ হইল ।

আত্মারামাঃ আত্মনি পরমাত্মনি রমন্তে ইতি যোগিনঃ চ অপি নিগ্রহাঃ  
অপি মুনয়ঃ মননশীলাঃ সন্তঃ উরুক্রমে অহৈতুকীং ভক্তিং কুর্কন্তি হরিঃ ইথস্তুত-  
গুণঃ ।

শ্রীহরির এমনি গুণ যে, আত্মারাম যোগিগণও নিগ্রহ হইয়াও তন্মননপরায়ণ  
ও তদগুণাকৃষ্ট হইয়া উরুক্রম শ্রীহরিতে অহৈতুকী ভক্তি করিয়া থাকেন ।

ঐ যোগী সগর্ভ অর্থাৎ ধ্যানাদি-আলম্বন-বিশিষ্ট ও নিগর্ভ অর্থাৎ ধ্যানাদি-  
আলম্বন-রহিত ভেদে দ্বিবিধ । উহাদের প্রত্যেকে আবার যোগাকরুক্ষু,  
যোগাক্রু ও প্রাপ্তসিদ্ধি ভেদে ত্রিবিধ । সাকল্যে যোগী ষড়্‌বিধ । যোগীর  
ষড়্‌বিধ্য বশতঃ শ্লোকটিতে পৃথক্ পৃথক্ ছয়টি অর্থের লাভ হইতেছে । অতএব  
সাকল্যে ত্রয়োদশ অর্থের লাভ হইল ।

আত্মারামাঃ আত্মনি মনসি রমন্তে ইতি মনোরমণশীলাঃ অপি সাধুসদ-  
বলাৎ মুনয়ঃ নিগ্রহাঃ চ সন্তঃ উরুক্রমে হরৌ অহৈতুকীং ভক্তিং কুর্কন্তি হরিঃ  
ইথস্তুতগুণঃ ।

শ্রীহরির এমনি গুণ যে, আত্মাতে অর্থাৎ মনোরূপ সূক্ষ্মশরীরে রমণশীল ব্যক্তিগণও সাধুসঙ্গবলে মননশীল নিগ্রহ ও তদগুণাকৃষ্ট হইয়া উরুক্রমে শ্রীহরিতে অর্হৈতুকী ভক্তি করিয়া থাকেন।

এই অর্থটির সহিত চতুর্দশ অর্থের লাভ হইল।

মুন্য়ঃ অপি আত্মারামাঃ যত্নশীলাঃ নিগ্রহাঃ চ সন্ত উরুক্রমে অর্হৈতুকীং ভক্তিং কুর্কস্তি হরিঃ ইথস্তুতগুণঃ।

শ্রীহরির এমনি গুণ যে, মুনিগণও আত্মারাম অর্থাৎ যত্নশীল ও নিগ্রহ হইয়া উরুক্রমে শ্রীহরিতে অর্হৈতুকী ভক্তি করিয়া থাকেন।

এই অর্থটির সহিত পঞ্চদশ অর্থের লাভ হইল।

নিগ্রহাঃ মুন্য়ঃ অপি আত্মারামাঃ ধৈর্যশীলাঃ সন্তঃ চ উরুক্রমে অর্হৈতুকীং ভক্তিং কুর্কস্তি হরিঃ ইথস্তুতগুণঃ।

শ্রীহরির এমনি গুণ যে, নিগ্রহ মুনিগণও ধৈর্যশীল হইয়াও উরুক্রমে শ্রীহরিতে অর্হৈতুকী ভক্তি করিয়া থাকেন।

এই অর্থের সহিত ষোড়শ অর্থের লাভ হইল

নিগ্রহাঃ মুন্য়ঃ অপি চ আত্মারামাঃ আত্মনি ধৃতৌ রমন্তঃ ভগবৎসম্বন্ধ-লাভতো দুঃখাভাবাৎ ভগবৎপ্রেমলাভতঃ উত্তমাপ্তেঃ চ পূর্ণাঃ চাঞ্চল্যরহিতাঃ সন্তঃ উরুক্রমে অর্হৈতুকীং ভক্তিং কুর্কস্তি হরিঃ ইথস্তুতগুণঃ।

শ্রীহরির এমনি গুণ যে, নিগ্রহ মুনিগণও ভগবৎসম্বন্ধলাভপ্রযুক্ত দুঃখের অভাব হেতু এবং ভগবৎপ্রেমলাভপ্রযুক্ত উত্তমাপ্তি হেতু পূর্ণ অর্থাৎ চাঞ্চল্য-রহিত হইয়া উরুক্রমে শ্রীহরিতে অর্হৈতুকী ভক্তি করিয়া থাকেন।

এই অর্থের সহিত সপ্তদশ অর্থের লাভ হইল।

মুন্য়ঃ পণ্ডিতাঃ নিগ্রহাঃ মূর্খাঃ চ অপি আত্মারামাঃ বুদ্ধিবেশেষবিশিষ্টাঃ সন্তঃ উরুক্রমে অর্হৈতুকীং ভক্তিং কুর্কস্তি হরিঃ ইথস্তুতগুণঃ।

শ্রীহরির এমনি গুণ যে, মুনি অর্থাৎ পণ্ডিতগণ এবং নিগ্রহ অর্থাৎ মূর্খগণ উভয়েই আত্মারাম অর্থাৎ বুদ্ধিবেশেষবিশিষ্ট হইয়া উরুক্রমে শ্রীহরিতে অর্হৈতুকী ভক্তি করিয়া থাকেন।

এই অর্থের সহিত অষ্টাদশ অর্থের লাভ হইল।

মুন্য়ঃ সনকাদয়ঃ নিগ্রহাঃ মূর্খনীচাদয়ঃ চ অপি আত্মারামাঃ আত্মনি ভগ-বন্দাসোহমিত্যভিমানাত্মকে স্বভাবে রমন্তে যে তে তাদৃশাঃ সন্তঃ উরুক্রমে অর্হৈতুকীং ভক্তিং কুর্কস্তি হরিঃ ইথস্তুতগুণঃ।

শ্রীহরির এমনি গুণ যে, সনকাদি মুনিগণ এবং মূর্খনীচাদি নিগ্রহ জনগণও 'আমি শ্রীভগবানের দাস' এই প্রকার অভিমানাত্মক স্বভাবে রত হইয়া উরুক্রম শ্রীহরিতে অহৈতুকী ভক্তি করিয়া থাকেন।

এই অর্থের সহিত উনবিংশ অর্থের লাভ হইল।

আআরামাঃ আআনি দেহে রমন্তে যে তে অপি নিগ্রহাঃ মুনয়ঃ চ সন্ত উরুক্রমে অহৈতুকীং ভক্তিং কুর্ষন্তি হরিঃ ইথস্তুতগুণঃ।

শ্রীহরির এমনি গুণ যে, আআরাম অর্থাৎ দেহরত ব্যক্তিসকলও নিগ্রহ মুনি হইয়াও উরুক্রম শ্রীহরিতে অহৈতুকী ভক্তি করিয়া থাকেন।

ঐ দেহ-রত আআরাম কন্মনিষ্ঠ ও তপস্বী ভেদে দুই প্রকার। উহাদের প্রত্যেকে আবার দেহোপাসক ও দেহোপাধিব্রহ্মোপাসক ভেদে দ্বিবিধ। সাকল্যে দেহ-রত আআরাম চারিপ্রকার। অতএব শ্লোকটিতে চারিপ্রকার অর্থের লাভ হইতেছে। এই চারিপ্রকার অর্থের সহিত ত্রয়োবিংশ অর্থের লাভ হইতেছে।

কেহ কেহ বলেন, দেহ-রত ব্যক্তিই দেহোপাধিব্রহ্মোপাসক, কন্মনিষ্ঠ, তপস্বী ও সর্ষকাম ভেদে চারিপ্রকার হইলেন। অতএব এই পক্ষেও চতুর্বিধ অর্থেরই লাভ হইতেছে।

মুনয়ঃ আআরামাঃ চ নিগ্রহাঃ সন্তঃ অপি উরুক্রমে অহৈতুকীং ভক্তিং কুর্ষন্তি হরিঃ ইথস্তুতগুণঃ।

শ্রীহরির এমনি গুণ যে, মুনিগণ প্রধানতঃ এবং জ্ঞানিগণ অপ্রধানতঃ নিগ্রহ হইয়াই উরুক্রম শ্রীহরিতে অহৈতুকী ভক্তি করিয়া থাকেন।

এই অর্থের সহিত চতুর্বিংশ অর্থের লাভ হইল।

মুনয়ঃ চ আআরামাঃ অপি নিগ্রহাঃ সন্তঃ উরুক্রমে অহৈতুকীং ভক্তিং কুর্ষন্তি হরিঃ ইথস্তুতগুণঃ।

শ্রীহরির এমনি গুণ যে, মুনিগণ আআরাম হইয়াও নিগ্রহ হইয়া উরুক্রম শ্রীহরিতে অহৈতুকী ভক্তি করিয়া থাকেন।

এই অর্থের সহিত পঞ্চবিংশ অর্থের লাভ হইল।

নিগ্রহাঃ ব্যাধাদয়ঃ অপি আআরামাঃ মুনয়ঃ চ সন্তঃ উরুক্রমে অহৈতুকীং ভক্তিং কুর্ষন্তি হরিঃ ইথস্তুতগুণঃ।

শ্রীহরির এমনি গুণ যে, নিগ্রহ ব্যাধ প্রভৃতিও আআরাম ও মুনি হইয়া উরুক্রম শ্রীহরিতে অহৈতুকী ভক্তি করিয়া থাকেন।

এই অর্থের সহিত ষড়বিংশ অর্থের লাভ হইল।

আত্মারামাঃ ভক্তাঃ মুনয়ঃ নিগ্রহাঃ চ অপি উরুক্রমে অহৈতুকীং ভক্তিং কুর্কন্তি হরিঃ ইথস্তুতগুণঃ ।

শ্রীহরির এমনি গুণ যে, আত্মারাম অর্থাৎ ভক্ত মুনিগণ নিগ্রহ হইয়াও উরুক্রম শ্রীহরিতে অহৈতুকী ভক্তি করিয়া থাকেন।

ঐ ভক্ত বিধিমাৰ্গ ও রাগমাৰ্গ ভেদে দুইপ্রকার। উহাদের প্রত্যেকে আবার সাধক, সিদ্ধ ও পার্শদ ভেদে তিনপ্রকার। তন্মধ্যে সাধক আবার জাতরতি ও অজাতরতি ভেদে দুইপ্রকার, এবং পার্শদ, সাধক ও সিদ্ধের প্রত্যেকে আবার দাস্তাদিভেদে চারিপ্রকার। অতএব প্রতিমার্গে ষোড়শপ্রকার করিয়া ষাট্ৰিংশৎপ্রকার অর্থের লাভ হইতেছে। পূর্বোক্ত ষড়বিংশ এবং শেষোক্ত ষাট্ৰিংশৎ মিলিয়া অষ্টপঞ্চাশৎ অর্থের লাভ হইল।

পূর্বোক্ত অষ্টাধিকপঞ্চাশৎসখ্যাকাঃ আত্মারামাঃ মুনয়ঃ চ নিগ্রহাঃ অপি উরুক্রমে অহৈতুকীং ভক্তিং কুর্কন্তি হরিঃ ইথস্তুতগুণঃ ।

শ্রীহরির এমনি গুণ যে, পূর্বোক্ত অষ্টপঞ্চাশৎপ্রকার আত্মারাম ও মুনি সকল নিগ্রহ হইয়াও উরুক্রম শ্রীহরিতে অহৈতুকী ভক্তি করিয়া থাকেন।

এই অর্থের সহিত ঊনষষ্টি অর্থের লাভ হইল।

আত্মারামাঃ মুনয়ঃ নিগ্রহাঃ চ অপি উরুক্রমে অহৈতুকীং ভক্তিং কুর্কন্তি হরিঃ ইথস্তুতগুণঃ ।

শ্রীহরির এমনি গুণ যে, কি আত্মারাম জানিগণ, কি মুনিগণ, কি নিগ্রহ ব্যক্তিগণ সকলেই সেই উরুক্রম শ্রীহরির গুণে আকৃষ্ট হইয়া তাঁহাতে অহৈতুকী ভক্তি করিয়া থাকেন।

এই অর্থের সহিত ষষ্টিপ্রকার অর্থের লাভ হইল।

আত্মারামাঃ জীবাঃ অপি নিগ্রহাঃ মুনয়ঃ চ সন্তঃ উরুক্রমে অহৈতুকীং ভক্তিং কুর্কন্তি হরিঃ ইথস্তুতগুণঃ ।

শ্রীহরির এমনি গুণ যে, আত্মারাম অর্থাৎ কেন্দ্রস্থ জীবসকলও নিগ্রহ ও মুনি হইয়া উরুক্রম শ্রীহরিতে অহৈতুকী ভক্তি করিয়া থাকেন।

সাকল্যে একষষ্টি অর্থের লাভ হইল। সনাতন, তোমার সঙ্গগুণে এই এক-ষষ্টিপ্রকার অর্থ স্ফুরিত হইল। এই পর্যাস্ত বলিয়া প্রভু নীরব হইলেন।

সনাতনগোস্থামী শুনিয়া বিস্মিত হইলেন এবং প্রভুর চরণে ধরিয়া বলিতে লাগিলেন, “প্রভো, তুমি সাক্ষাৎ ব্রজেশ্বরনন্দন। তোমার নিখাসেই বেদের

প্রবর্তন। তুমিই ভাগবতের বক্তা ও তত্ত্ববেত্তা। তোমা বিনা তত্ত্ববেত্তা আর কে আছে?” প্রভু বলিলেন,—ভাগবতের অর্থ ভাগবতের পৌর্ক্বাপর্ষ্যাপর্ষ্যা-লোচনা দ্বারাই স্থির করিতে হয়। ভাগবতের এক স্থানের অর্থ অন্যস্থানেই প্রাপ্ত হওয়া যায়। ভাগবতেই উক্ত হইয়াছে,—

‘কৃষ্ণে স্বধামোপগতে ধর্মজ্ঞানাতিভিঃ সহ।

কলৌ নষ্টদৃশামেষ পুরাণাকৌহধুনোদিতঃ ॥”

ভগবৎকর্ম ও ভগবজ্জ্ঞানাদির সহিত ভগবান্ শ্রীকৃষ্ণ স্বধামে গমন করিলে, এই কলিযুগে ধর্মজ্ঞানাদিরহিত জীবের নিমিত্ত এই পুরাণসূক্ত উদিত হইয়াছেন।

### বৈষ্ণবস্মৃতি ।

অনন্তর সনাতন গোস্বামী বলিলেন, “প্রভো, আপনি আমাকে বৈষ্ণবস্মৃতি সংগ্রহ করিবার আদেশ করিয়াছেন, কিন্তু আপনার উপদেশ ভিন্ন আমি কি তাহা সম্পাদন করিতে পারি? অতএব আপনি সূত্ররূপে উপদেশ করুন, আমি তদনুসারে স্মৃতিসংগ্রহের চেষ্টা করিব।”

প্রভু বলিতে লাগিলেন,—“শ্রীগুরুচরণাশ্রয়ের কারণ, শ্রীগুরুচরণাশ্রয়, শ্রীগুরুলক্ষণ, নিষিদ্ধগুরুলক্ষণ, শিষ্যলক্ষণ, নিষিদ্ধশিষ্যলক্ষণ, গুরুশিষ্যপরীক্ষণ, শ্রীগুরুমাহাত্ম্য, গুরুসেবাবিধি, অধিকারিনির্ঘম, মন্ত্রসংস্কার, শ্রীবিষ্ণুমাহাত্ম্য, শ্রীবৈষ্ণবমন্ত্রমাহাত্ম্য, দীক্ষানিত্যতা, দীক্ষাপ্রয়োগ, দীক্ষিতের পূজার নিত্যতা, সদাচার, নিত্যকৃত্য, শৌচ, আচমন, দস্তধাবন, স্নান, সন্ধ্যাবন্দন, তিলকধারণ, মালাধারণ, পুষ্পাঘ্রাধারণ, বস্ত্রাদিসংস্কার, প্রবোধন, পঞ্চাদি উপচার দ্বারা অর্চন, পূজা, আরাত্রিক, ভোজন, শয়ন, শ্রীমূর্তির লক্ষণ, শালগ্রামলক্ষণ, হরিকৈত্র-গমন, শ্রীমূর্তিদর্শন, নামমহিমা, নামাপরাধবর্জন, বৈষ্ণবলক্ষণ, সেবাপরাধখণ্ডন, শঙ্খাদিলক্ষণ, জপ, স্তুতি, পরিক্রমা, দণ্ডবৎপ্রণাম, বন্দন, পুরশ্চরণ, প্রসাদ-ভোজন, অনির্বাদিতবর্জন, বৈষ্ণবনিষ্কাদি বর্জন, সাধুলক্ষণ, সাধুসঙ্গ, সাধুসেবন, অসৎসঙ্গত্যাগ, শ্রীভাগবতশ্রবণ, দিনকৃত্য, পক্ষকৃত্য, একাদশাদিবিবরণ, মাসকৃত্য, জন্মাষ্টম্যাদিবিধিবিচারণ, একাদশী প্রভৃতির বিদ্যা ত্যাগপূর্বক অবিদ্যাকরণ, অকরণে দোষ, করণে তক্ষিত্য, শ্রীমূর্তি প্রভৃতির প্রতিষ্ঠাদি শাস্ত্রবচন দ্বারা নিরূপণ করিবে। আমি কেবল সূত্ররূপে বলিলাম। শ্রীকৃষ্ণের কৃপায় তোমার



হৃদয়ে যাহা স্মরিত হইবে, শ্রীকৃষ্ণ তোমাকে যাহা লিখাইবেন, তুমি তাই লিখিবে।”

### ১। শ্রীগুরুচরণাশ্রয়ের কারণ—

শ্রীকৃষ্ণের করুণায় তদীয় ভক্তগণের সঙ্গ হইতে ভক্তির মাহাত্ম্য শ্রবণ করিয়া ঐ ভক্তির লাভে অভিলাষ হইলে, সদগুরুর চরণাশ্রয় কর্তব্য। বিষয়-সুখাসক্ত জনগণের ভক্তিমাহাত্ম্যজ্ঞান দুর্ঘট হইলেও কেবল দুঃখসাগরতরণের ইচ্ছাতেও ভক্তিলাভের অভিলাষ হইয়া থাকে। ভক্তিলাভের অভিলাষ হইলে, সদগুরুর চরণাশ্রয় অবশ্য কর্তব্য। ইহলোকে নিত্য দুঃখপরম্পরার অনুভব হইয়া থাকে, এবং শাস্ত্রেও শ্রবণ করা যায় যে, পরলোকেও দুঃসহা দুঃখশ্রেণী ভোগ করিতে হয়। অতএব সুবুদ্ধি লোকেরা ঐ সকল দুঃখ হইতে উত্তীর্ণ হইতে ইচ্ছা করিবেন। শ্রীমদ্ভাগবতের একাদশস্কন্ধের নবমাধ্যায়ে উক্ত হইয়াছে,—ধীর পুরুষ বহুজন্মের পর এই সুদুলভ অর্থপ্রদ অনিত্য মনুষ্যদেহ লাভ করিয়া মৃত্যুর পূর্বেই মুক্তির নিমিত্ত যত্ন করিবেন, বিষয়ভোগ পশ্বাদিযোনিতেও লাভ হইতে পারে। বিংশাধ্যায়ে উক্ত হইয়াছে,—সর্বফলের মূলভূত, বদৃচ্ছা-লক্ষ, সুদুলভ, পটুতর, গুরু-কর্ণধার-বিশিষ্ট, পরমাত্মরূপানুকূলপবনকর্তৃক পরিচালিত, এই নরদেহরূপ নৌকা প্রাপ্ত হইয়াও যে ব্যক্তি সংসারসাগর পার হইতে যত্ন করে না, সে আত্মঘাতী।

### শ্রীগুরুচরণাশ্রয়—

উহারই তৃতীয়াধ্যায়ে উক্ত হইয়াছে,—অতএব যে ব্যক্তি উত্তম শ্রেয়ঃ জানিতে ইচ্ছা করেন, তিনি শাস্ত্রজ্ঞ, পরব্রহ্মের অনুভবসম্পন্ন ও পরমশাস্ত্র শ্রীগুরুর চরণাশ্রয় করিবেন। স্বয়ং শ্রীভগবানও বলিয়াছেন,—মদভিজ্ঞ মচ্ছিত্ত ও শাস্ত্র শ্রীগুরুর উপাসনা করিবেন। শ্রুতিতেও উক্ত হইয়াছে,—ব্রহ্মজিজ্ঞাসু ব্যক্তি হস্তে সমিধ গ্রহণপূর্বক বেদজ্ঞ ও ব্রহ্মনিষ্ঠ সদগুরুর সমীপে গমন করিবেন। কারণ, গুরুচরণাশ্রিত ব্যক্তিই ব্রহ্মজ্ঞান লাভ করিয়া থাকেন। আগমসারে গুরুশব্দের অর্থ এই প্রকার নির্দেশ করেন,—গকার সিদ্ধিদ, রকার পাপদাহক এবং উকার স্বয়ং শব্দ; অতএব গুরুশব্দ দ্বারা সিদ্ধিপ্রদ ও পাপনাশক শব্দই উক্ত হইলেন। আচার্য্য শব্দের অর্থ কুলার্ণবগ্রহে এইপ্রকার নির্দিষ্ট হইয়াছে,— যিনি স্বয়ং আচরণপূর্বক শিষ্যকে আচারে স্থাপন করেন এবং যিনি শাস্ত্রার্থ প্রকাশ দ্বারা অজ্ঞান নাশ করেন, তিনিই গুরুশব্দবাচ্য।

বিশুদ্ধবংশজাত স্বয়ংও বিশুদ্ধ, পবিত্রাচারপরায়ণ, আশ্রমী, ক্রোধরহিত, বেদবিৎ, সর্কশাস্ত্রবিৎ, শ্রদ্ধাবান্, অসুয়ারহিত, প্রিয়বাক্য, প্রিয়দর্শন, শুচি, সুবেশ, তরুণ, সর্কভূতহিতে রত, বুদ্ধিমান্, অনুদ্ধতমতি, পূর্ণ, তত্ত্ববিচারক, বাৎসল্যাদিগুণযুক্ত, অর্চনাপরায়ণ, কৃতজ্ঞ, শিষ্যবৎসল, নিগ্রহানুগ্রহক্ষম, হোম-মন্ত্রপরায়ণ, বিচারপ্রণালীর জ্ঞানসম্পন্ন, শুদ্ধাত্মা ও রূপানু ব্যক্তির গুরুগোরবের উপযুক্ত। যিনি স্বীয় ইষ্টদেবতার উপাসনাপরায়ণ, শাস্ত্র, দান্ত, অধ্যাত্মবেত্তা, বেদাধ্যাপক, বেদশাস্ত্রার্থজ্ঞানসম্পন্ন, উদ্ধার ও সংহারে সন্মর্থ, ব্রাহ্মণোত্তম, যন্ত্র ও মন্ত্রের তত্ত্বজ্ঞ, সংশয়চ্ছেত্তা, রহস্যবেত্তা, পুরস্চরণকারী, হোমমন্ত্রসিদ্ধ, প্রয়োগ-কুশল, তপোনিরত, সত্যবাদী ও গৃহস্থ, তিনিই গুরুকরণের যোগ্য। যিনি শিষ্যের নিকট হইতে সেবা, ষণ ও ধনাদি লাভ করিতে ইচ্ছা করেন, তিনি গুরুকরণের যোগ্য নহেন। পরন্তু যিনি রূপাসিদ্ধ, সর্কগুণপূর্ণ, সর্কপ্রাণীর হিতকারী, নিস্পৃহ, সর্কবিষয়ে সিদ্ধ, সর্কবিজ্ঞাবিশারদ, সর্কসংশয়চ্ছেত্তা ও আলস্য-রহিত, তিনিই গুরুপদবাচ্য হইবেন। নারদপঞ্চরাত্রে উক্ত হইয়াছে,— পঞ্চরাত্র-বিধানোক্ত পঞ্চকালের জ্ঞানসম্পন্ন ব্রাহ্মণই সর্কবর্ণের গুরু হইবেন। তদভাবে শাস্ত্রচিত্ত, ভগবন্ময়, বিশুদ্ধাস্তঃকরণ, সর্কজ্ঞ, শাস্ত্রজ্ঞ, সৎক্রিয়াপরায়ণ এবং মন্ত্র, গুরু ও দেবতার সাধনসম্পন্ন ক্ষত্রিয়ও গুরুপদের যোগ্য হইবেন। ক্ষত্রিয়-গুরু ক্ষত্রিয়, বৈশ্য ও শূদ্রের দীক্ষাপ্রদানে অধিকারী। উক্তলক্ষণাক্রান্ত ক্ষত্রিয়ের অভাব হইলে, তাদৃশ বৈশ্যও বৈশ্য এবং শূদ্রের গুরু হইতে পারেন। তদভাবে শূদ্রও শূদ্রজাতির গুরু হইতে পারেন। স্বদেশেই হউক বা বিদেশেই হউক বর্ণোত্তম গুরু পাওয়া গেলে, শুভার্থী ব্যক্তি হীনবর্ণকে গুরু করিবেন না। বর্ণোত্তম গুরুর সদ্ভাবে হীনবর্ণকে গুরু করিলে, ইহলোক ও পরলোক নষ্ট হইয়া থাকে। অতএব শাস্ত্রোক্ত আচার সর্কথা পরিপালনীয়। ক্ষত্রিয়, বৈশ্য বা শূদ্র ষোড়শবর্ণকে শিষ্য করিবেন না ইহাই শাস্ত্রীয়াচার। পদ্মপুরাণেও উক্ত হইয়াছে,— মহাভাগবতশ্রেষ্ঠ ব্রাহ্মণই সর্কবর্ণের গুরু হইবেন। তিনি শ্রীহরির শ্রায় সকলেরই পূজ্য হইবেন। মহাকুলপ্রসূত, সর্কযজ্ঞে দীক্ষিত এবং সহস্রশাখাধ্যায়ী ব্যক্তিও যদি বৈষ্ণব না হইলে, তবে তাঁহাকে গুরু করিবে না। যিনি বিষ্ণুমন্ত্রে দীক্ষিত, ও বিষ্ণুপূজাপরায়ণ, তিনিই বৈষ্ণব, আর তদিতর ব্যক্তিই অবৈষ্ণব।

নিষিদ্ধ গুরুলক্ষণ—

বহুভোজী, দীর্ঘসূত্রী, বিষয়াদিলোলুপ, হেতুবাদরত, ছষ্ট, অবাচ্যবাচক, গুণ-

নিন্দক, অরোমা, বহুরোমা, নিন্দিতাশ্রমসেবী, কালদস্ত, কৃষ্ণোষ্ঠ, তুর্গন্ধিষাস-  
যুক্ত, দুষ্টলক্ষণসম্পন্ন, বহুপ্রতিগ্রহাসক্ত ব্যক্তি জৈশ্বরতুল্য হইলেও শিষ্যকে  
শ্রীভ্রষ্ট করিয়া থাকেন।

#### শিষ্যালক্ষণ—

শুদ্ধবংশজাত, শ্রীমান্, বিনীত, প্রিয়দর্শন, সত্যবাক্য, পবিত্রচরিত্র, বুদ্ধিমান্,  
দম্ভরহিত, কামক্রোধত্যাগী, গুরুভক্ত, দেবতাভক্ত, নীরোগ, পাপরহিত, শ্রদ্ধাযুক্ত,  
দেবতা, ব্রাহ্মণ ও পিতৃলোকের পূজাপরায়ণ, যুবা, সংঘতেচ্ছিয়, দয়ালু প্রভৃতি  
সদৃশগুণযুক্ত ব্যক্তিই দীক্ষার অধিকারী হইবেন।

#### নিষিদ্ধশিষ্যালক্ষণ—

অলস, মলিন, ক্লিষ্ট, দাস্তিক, কুপণ, দরিদ্র, কুণ্ঠ, কুষ্ট, বিষয়াসক্ত, ভোগ-  
লালস, অহুয়াপরায়ণ, মৎসর, শঠ, পরুষবাদী, অজ্ঞায়রূপে ধনোপার্জনকারী,  
পরদাররত, জ্ঞানীর শত্রু, অজ্ঞ, মগ্নিতমানী, ভ্রষ্টব্রত, কষ্টবৃত্তি, পরচ্ছিদ্রাশ্বেষী,  
পরপীড়ক, বহ্বাশী, ক্রুরকর্মা, হুরাশ্রা ও নিন্দিত ব্যক্তি দীক্ষায় অনধিকারী।  
যাহাদিগকে অকার্য্য হইতে নিবৃত্ত করিতে পারা যায় না বা যাহারা গুরুর  
শাসন সহ করিতে পারে না, তাহারাও শিষ্যত্বের অযোগ্য। যদি কেহ লোভ  
প্রযুক্ত তাদৃশ ব্যক্তিকে শিষ্য করেন, তবে তিনি দেবতার ক্রোধভাজন, দরিদ্র ও  
স্ত্রীপুত্রবিহীন হইয়া অস্তে নরকযাতনা ভোগ করিয়া তীর্থাগ্‌ঘোনিতে জন্মগ্রহণ  
করেন।

#### গুরুরাশ্রয়পরাশ্রয়—

গুরু ও শিষ্য একবৎসর পর্য্যন্ত একত্র বাস করিয়া পরস্পর পরস্পরকে পরীক্ষা  
করিবেন। এইরূপ পরীক্ষার পরই দীক্ষাদান ও দীক্ষাগ্রহণ কর্তব্য।

#### শ্রীগুরুমাহাত্ম্য—

শ্রীভগবান্ বলিয়াছেন, গুরুকে আমার স্বরূপই জানিবে, কদাচ অবজ্ঞা  
করিবে না; গুরুকে মনুষ্য ভাবিয়া তাঁহাতে দোষারোপ করিবে না, কারণ,  
গুরু সর্বদেবময়।

গুরুর সন্নিধানে যে শিষ্য অকৃত্যে পূজা করেন, তাঁহার সেই পূজা নিফল  
হয় এবং তিনি নরকে গমন করিয়া থাকেন। গুরুর সেবা করিলে, সর্বপাপের  
ক্ষয়, পুণ্যসঞ্চয় ও সর্বকার্য্যের সিদ্ধি হয়। যাহা কিছু নিজের প্রিয় বস্তু,  
তাহাই শিবিশাঠ্যবর্জিত হইয়া শ্রীগুরুদেবকে অর্পণ করিবেন। এইরূপে যিনি  
শ্রীগুরুর পূজা করেন, তাঁহার অগণ্য পুণ্য সঞ্চয় হইয়া থাকে।

**গুরুসেবাবিধি—**

প্রতিদিন গুরুদেবের জলকুম্ভ, কুশ, পুষ্প ও যজ্ঞকাষ্ঠ সংগ্রহ করিবেন। তাঁহার অঙ্গমার্জ্জন, চন্দনলেপন, গৃহমার্জ্জন, ও বস্ত্রপ্রক্ষালন করিবেন। তাঁহার নির্মালা, শয্যা, পাছকা, আসন, ছায়া ও বেদী লঙ্ঘন করিবেন না। তাঁহার দন্তকাষ্ঠ আহরণ ও তাঁহাকে নিজকৃত্য নিবেদন করিবেন। সর্বদা তাঁহার প্রিয় ও হিতে রত থাকিবেন, এবং তাঁহার আজ্ঞা না লইয়া কুত্রাপি গমন করিবেন না। গুরুসন্নিধানে কদাচ পাদপ্রসারণ করিবেন না। তাঁহার সন্নিধানে জুস্তগ, হাশ্ব, কণ্ঠাচ্ছাদন ও আশ্ফাটন করিবেন না। গুরুপুত্র, গুরুপত্নী ও গুরুর আত্মীয়বর্গের প্রতিও গুরুবৎ আচরণ করিবেন। অসাক্ষাতেও শ্রীশব্দাদি ব্যতিরেকে কেবল গুরুর নামাক্ষর উচ্চারণ করিবেন না। তাঁহার গতি, বাক্য ও কার্যের অনুকরণ করিবেন না। গুরুর গুরু সন্নিহিত থাকিলে, তাঁহাকেও গুরুর ত্রায় পূজা করিবেন। গুরুর আজ্ঞা না লইয়া পিতাদি গুরুজনকেও অভিবাদন করিবেন না। অকারণে বা অভক্তিপূর্বক গুরুর নাম গ্রহণ করিবেন না। যখন গ্রহণ করিবেন, তখন 'ওঁশ্রীঅমুক বিষ্ণুপাদ' এই প্রকারেই নামোচ্চারণ করিবেন। কখন মোহবশতঃ তাঁহাকে কোনরূপ আজ্ঞা করিবেন না এবং কদাচ তাঁহার আজ্ঞা লঙ্ঘন করিবেন না। গুরুদেবকে নিবেদন না করিয়া ভোজন করিবেন না বা তাঁহার ভক্ষ্যদ্রব্যও ভোজন করিবেন না। তাঁহার আগমনকালে অগ্রসর হইবেন ও গমনকালে পশ্চাৎ পশ্চাৎ গমন করিবেন। তাঁহার সম্মুখে শয্যা বা আসন গ্রহণ করিবেন না। যে কিছু নিজের প্রিয়বস্তু, শ্রীগুরুকে নিবেদনপূর্বক পশ্চাৎ ভোজন করিবেন। গুরু কর্তৃক তাড়িত বা পীড়িত হইয়াও তাঁহার অপ্ৰিয় আচরণ করিবেন না। তাঁহার বাক্যে অবহেলা করিবেন না। ধন ও প্রাণ দ্বারা কায়মনোবাক্যে তাঁহার প্রিয়াচরণ করিবেন।

চরাচর জগতের মোহনার্থ কোন কোন পুরাণ ও আগমাদি কল্প পর্য্যন্ত তত্ত্বদেবতাকে পরদেবতা বলিয়া কীর্তন করিলেও, সকলশাস্ত্র বিচার করিয়া সিদ্ধান্তে এক ভগবান্ বিষ্ণুই পরদেবতা বলিয়া নিশ্চিত হইয়া থাকেন।

**শ্রীবৈষ্ণবমন্ত্রমাহাত্ম্য—**

মনুষ্য শ্রীগুরুর অনুগ্রহে শ্রীবৈষ্ণবমন্ত্ররাজাদি জপ করিতে করিতে সর্বৈশ্বর্য লাভানন্তর শ্রীবিষ্ণুর পরম পদ প্রাপ্ত হইয়া থাকেন। যাহারা সহস্র বৎসর

বিপুল তপস্যা করেন, তাঁহারাই বিষ্ণুমন্ত্র জপ করিয়া থাকেন এবং তাঁহারাই লোকপাবন হয়েন। সমস্ত প্রধান প্রধান মন্ত্রের মধ্যে বিষ্ণুমন্ত্রই শ্রেষ্ঠ। বিষ্ণুমন্ত্রের মধ্যে অবার কৃষ্ণমন্ত্রই শ্রেষ্ঠ। কৃষ্ণমন্ত্র ভোগ ও মোক্ষ উভয়ই সাধন করিয়া থাকেন। কৃষ্ণ সচ্চিদানন্দবিগ্রহধারী পরব্রহ্ম। তদীয় মন্ত্রের স্মরণমাত্র ভোগ ও মোক্ষ সিদ্ধ হইয়া থাকে। কৃষ্ণমন্ত্রের মধ্যে আবার শ্রীকৃষ্ণের গোপলীলা-সূচক মন্ত্রই শ্রেষ্ঠতর এবং তন্মধ্যে অষ্টাদশাক্ষর মন্ত্রই শ্রেষ্ঠতম।

### অধিকারিনির্ণয়—

তান্ত্রিক মন্ত্রের দীক্ষাদানে সাধ্বী স্ত্রীর এবং স্মবুদ্ধি শূদ্রাদিরও অধিকার আছে(১)। তবে স্বপ্নগন্ধ ও স্ত্রীদত্ত মন্ত্রে সংস্কার অপেক্ষিত হয়। তদুভয়ই সংস্কার

(১) মহর্ষিভরদ্বাজপ্রোক্ত সংহিতাতে ও শ্রীহরিভক্তিবিলাসধৃত নারদপঞ্চরাত্রে উক্ত হইয়াছে “ন চ হীনবয়োজাতিঃ প্রকৃষ্টানামনাপদি”। অনাপৎকালে হীনবয়ঃ বা হীনজাতি উচ্চজাতির এবং অপকৃষ্ট ব্যক্তি উৎকৃষ্ট-গুণসম্পন্ন ব্যক্তির গুরু হইতে পারিবেন না। অপিচ “বর্ণোক্তঃমহতচ গুরৌ সতি বা বিশ্রতেহপি চ। স্বদেশ-তোহথবাশ্রম নেদং কার্যং শুভার্থিনা।” “বিদ্যমানে যঃ কুর্যাৎ যত্র তত্র বিপর্যায়ম্। তশ্চেদায়ত্রনাশঃ শ্রাৎ প্রাতিলোমাং ন দীক্ষয়েৎ।” স্বদেশে হউক অথবা বিদেশে হউক পূর্বোক্ত গুণযুক্ত বর্ণশ্রেষ্ঠগুরু বিদ্যমান থাকিলে শুভার্গী ব্যক্তি হীনবর্ণ ব্যক্তিকে গুরু করিবেন না। বর্ণোক্তম গুরুর সন্তাবে হীনবর্ণকে গুরুত্বে বরণ করিলে শিষ্যের ইহলোক পরলোক উভয়ই নষ্ট হইয়া যায়। অতএব শাস্ত্রীয় আচার সর্বথা প্রতিপালনীয়। ক্ষত্রিয়, বৈশ্য বা শূদ্র স্নোৎকৃষ্টবর্ণকে শিষ্য করিবেন না ইহাই শাস্ত্রীয় আচার। কিন্তু “স্বজাতীয়েন শূদ্রেণ তাদৃশেন মহামতে। অনুগ্রহাভি-ষেকৌচ কার্যো শূদ্রশ্চ সর্বদা ॥” হে মহামতে তাদৃশ লক্ষণাক্রান্ত ব্রাহ্মণাদির অভাব হইলে সদগুণশালী শূদ্রও স্বজাতীয় শূদ্রকে অনুগ্রহ, অভিষেকাদি করিতে পারেন” শ্রীহরিভক্তিবিলাসধৃত এই শ্লোকটির অভিপ্রায় আপৎকালসম্বন্ধে বুঝিতে হইবে। অর্থাৎ আপৎকালে সাধু শূদ্র শূদ্রান্তরকে অনুগ্রহ ও অভিষেক করিতে পারেন। অন্যথা উহা সার্বকালিক হইলে “ন শূদ্রায় মতিং দত্তাৎ নাপি শূদ্রঃ কদাচন” ( তন্ত্র ) এবং “ন শূদ্রো নাস্তরোদ্ভবঃ” ( ভরদ্বাজ সং ) ইত্যাদি শাস্ত্রবাক্যের সহিত মহাবিরোধ উপস্থিত হয়। ভরদ্বাজ সংহিতাতে আরও উক্ত হইয়াছে—

“স্মিয়ঃ শূদ্রাদয়শ্চৈব বোধয়েয়ুর্হিতাহিতম্।

যথার্থমাননীয়াশ্চ নাইন্ত্যাচার্য্যতাং কচিৎ ॥”

( ভরদ্বাজ সং ১ অঃ-৪২ শ্লোক )

সাধ্বীস্ত্রী ও সাধু শূদ্র অন্তকে হিতাহিত উপদেশ করিতে পারিবেন—ইহারা যথাযোগ্য মাননীয় কিন্তু ইহারা আচার্য্য হইতে পারিবেন না। এই নিমিত্তই শ্রীহরিভক্তি বিলাসের ৪র্থ বিলাসে ১৪৪ শ্লোকের টীকায় প্রভুপাদ শ্রীমৎসনাতন গোস্বামী “বৈষ্ণবাং প্রায়ো ব্রাহ্মণাদেব জ্ঞেয়ং, পূর্বং গুরুলক্ষণে তথা লিখনাৎ”।

দ্বারা শুদ্ধ হইয়া থাকে । গুরু মন্ত্রদানে সিদ্ধসাধ্যাদি, স্বকুলাশুকুলত্ব, বালপ্রোচত্ব, স্ত্রীপুংনপুংসকত্ব, রাশিনক্ষত্রমেলন, স্পৃশ্যপ্রবোধকাল ও ঋগধনাদি বিচার করিবেন । কেবল স্বপ্নলক্ষ ও স্ত্রীদত্ত মন্ত্রে, মালামন্ত্রে, ত্র্যক্ষর ও একাক্ষর মন্ত্রে ঐ সকল বিচার করিতে হইবে না । সর্কৈশ্বৰ্য্য-মাধুর্য্যপূর্ণ-শ্রীকৃষ্ণচন্দ্রের গোপালমন্ত্রে কিছুই বিচার করিতে হইবে না ; কারণ গোপালমন্ত্র গোপাললীল শ্রীকৃষ্ণচন্দ্রের তুল্য শক্তিশালী । এই নিমিত্ত গোপালমন্ত্রের অরিদোষ, ঋগধন-বিচার বা রাশাদিবিচার প্রয়োজন হয় না ।

#### মন্ত্রসংস্কার—

জনন, জীবন, তাড়ন, বোধন, অভিষেক, বিমলীকরণ, আপ্যায়ন, তর্পণ, দীপন ও গুপ্তি এই দশটি মন্ত্রসংস্কার । কৃষ্ণমন্ত্র বলবান্ বলিয়া উক্ত দশবিধ সংস্কারের কোন সংস্কারই অপেক্ষা করেন না ।

#### দীক্ষার নিত্যতা—

দ্বিজাতির যেমন উপনয়ন না হইলে বেদাধ্যয়নাদিতে অধিকার হয় না কিন্তু উপনয়ন হইলেই অধিকার হয়, তদ্রূপ অদীক্ষিত ব্যক্তির মন্ত্রেও দেবার্চনা-দিতে অধিকার হয় না কিন্তু দীক্ষিতেরই অধিকার হয় ; অতএব সর্কৈশ্বৰ্য্যেই দীক্ষিত হইবেন ।

#### দীক্ষাকাল—

চৈত্রমাসে দীক্ষা বহুতুঃখপ্রদা হয় । বৈশাখে রত্নলাভ, জ্যৈষ্ঠে মরণ, আষাঢ়ে বহুনাশ, শ্রাবণে ভয়, ভাদ্রে প্রজাহানি, আশ্বিনে সর্কৈশ্বৰ্য্য, কার্তিকে ধনবৃদ্ধি,

প্রায় বৈষ্ণব ব্রাহ্মণগুরু হইতেই মন্ত্রগ্রহণ করিবে ; কারণ পূর্বে গুরুলক্ষণে তাহাই উপদেশ করা হইয়াছে—এইরূপ মত প্রকাশ করিয়াছেন । প্রভুপাদকৃত টীকায় ব্রাহ্মণশব্দের পূর্বে “প্রায়ো” শব্দটি ব্যবহৃত হওয়ায় ও ভরদ্বাজ সংহিতায় “অনাপদি” শব্দের প্রয়োগ থাকায় আপৎকালে যে সাধু শূদ্র শূদ্রাতরকে দীক্ষা দিতে পারেন তাহা অবগত হওয়া যায় । আপৎকাল বলিতে ইহাই বুঝিতে হইবে যে যখন ক্ষীণ-পুণ্য জীবের দুর্দৃষ্টবশতঃ স্বদেশে বা বিদেশে তাদৃশ লক্ষণাক্রান্ত ব্রাহ্মণাদি ত্রৈবর্গিকের অভাব ঘটে, অথবা স্বদেশে বা বিদেশে তাদৃশ লক্ষণাক্রান্ত ব্রাহ্মণাদিবর্গ বিদ্যমান থাকিলেও যদি তাঁহারা শূদ্রাদিকে দীক্ষাদানে অনিচ্ছুক হন অথবা যদি স্বজাতীয়শয়-সম্পন্ন বা স্নেহসম্পন্ন না হন তাহা হইলে তাহাই শিষ্যের নিকট সম্যক্ আপৎকাল । তখনই তাদৃশ-লক্ষণাক্রান্ত সাধু শূদ্র স্বজাতীয় শূদ্রকে স্বাহাপ্রণব বর্জিত ( লুপ্তবীজ দশাক্ষর গোপালমন্ত্র ও সপ্তদশাক্ষর অন্নপূর্ণামন্ত্র ব্যতীত ) তান্ত্রিক মন্ত্র প্রদান করিতে পারিবেন । কিন্তু ইহাও স্মরণ রাখিতে হইবে যে তাদৃশ আপৎকাল না হইলে অর্থাৎ স্বদেশ বা বিদেশে লক্ষণাক্রান্ত ব্রাহ্মণাদি বর্গ বিদ্যমান থাকিলে কল্যাণকামী ব্যক্তি কখনও কোনরূপ বৈপরীত্যাচরণ করিবেন না ॥

অগ্রহায়ণে শুভ, পৌষে জ্ঞানহানি, মাঘে মেধাবৃদ্ধি, ফাল্গুনে সর্ষবশুভ হইয়া থাকে। রবি, বৃহস্পতি, সোম, বুধ ও শুক্রবারে দীক্ষা প্রশস্ত। রোহিণী, শ্রবণা ধনিষ্ঠা, উত্তরাষাঢ়া, উত্তরফল্গুনী, উত্তরভাদ্রপদ, পুষ্যা ও শতভিষা নক্ষত্রে দীক্ষা প্রশস্ত। অশ্বিনী, রোহিণী, স্বাতি, বিশাখা, হস্তা ও জ্যেষ্ঠা নক্ষত্রেও দীক্ষা হইতে পারে। দ্বিতীয়া, পঞ্চমী, ষষ্ঠী, সপ্তমী, দশমী, ত্রয়োদশী ও পূর্ণিমা তিথিতে দীক্ষা প্রশস্ত। শুভ, সিদ্ধ, আয়ুষ্মান্, ধ্রুব, প্রীতি, সৌভাগ্য, বৃদ্ধি ও হর্ষণ যোগ দীক্ষাতে প্রশস্ত। বৃষ, সিংহ, কন্যা, ধনু ও মীন লগ্ন দীক্ষাতে প্রশস্ত। বব, বালব, কোলব তৈতিল ও বণিজ করণ দীক্ষাতে প্রশস্ত। চন্দ্র ও তারা অনুকূল হইলে শুক্রদিনে শুক্রপক্ষে গুরু ও শুক্রের উদয়ে সন্মুখে দীক্ষা গ্রহণ কর্তব্য। সন্তীর্ণে চন্দ্রসূর্য্য-গ্রহণে এবং শ্রাবণী পূর্ণিমা ও চৈত্রশুক্রাচতুর্দশীতে মাসাদিশুদ্ধির অপেক্ষা নাই। সদগুরু অতিদুর্ভাগ, কোনভাগে সদগুরুর লাভ হইলে, তাঁহার আজ্ঞামাত্র দীক্ষিত হইবেন, দেশকালাদি বিচার করিবেন না। গ্রামেই হউক, অরণ্যেই হউক বা ক্ষেত্রেই হউক, দিবসেই হউক বা রাত্ৰিতেই হউক, সদগুরুর লাভ হইলেই দীক্ষা গ্রহণ করিবেন।

#### দীক্ষা প্রয়োগ—

শিষ্য পূর্বদিন সংযত করিয়া পরদিন নিতাক্রিয়া সমাপনান্তর স্বস্তিবাচন পূর্বক দীক্ষার সঙ্কল্প করিবেন। সঙ্কল্প যথা—

ওমশ্চেত্যাদি অমুকগোত্রঃ শ্রীঅমুকঃ অমুককামঃ অমুকদেবতারাঃ অমুকা-  
ক্ষরমন্ত্রগ্রহণমহং করিষ্যে।

সঙ্কল্পের পর গুরুদেবকে বরণ করিবেন। বরণ যথা—

ওঁ সাধু ভবানাস্তাম্। ( শিষ্যোক্তি )

ওঁ সাধবহমাসে। ( গুরুর উক্তি )

ওঁ অর্চয়িষ্যামো ভবন্তম্। ( শিষ্যোক্তি )

ওঁ অর্চয়। ( গুরুর উক্তি )

পরে শিষ্য অক্ষত, পুষ্প, বস্ত্র ও অলঙ্কারাদি দ্বারা গুরুকে অর্চনা করিয়া তাঁহার দক্ষিণ জায়ু ধরিয়া পাঠ করিবেন—বিষ্ণুরোঁং তৎসদগু ইত্যাদি অমুক-  
গোত্রঃ শ্রীঅমুকঃ অমুকমন্ত্রোপদেশকর্মণি অমুকগোত্রম্ অমুকপ্রবরং শ্রীঅমু-  
কম্ এভির্গন্ধাদিভিরভ্যর্চ্য গুরুত্বেন ভবন্তমহং বৃণে। গুরু বলিলেন—ওঁ  
যথাজ্ঞানং করবাণি।

অনন্তর গুরু আচমন, মণ্ডপের দ্বারদেশে সামান্যার্থ্যস্থাপন, অর্ঘ্যস্থাপিত  
জল দ্বারা নিজশরীর, পূজোপকরণ ও দ্বারদেশের অভ্যক্ষণ, দ্বারদেবতার অর্চন,

মণ্ডপমধ্যে প্রবেশ, বাস্তুপূর্ক্বাদির অর্চন, বিঘ্নোৎসারণ ও আমনগ্রহণ করিয়া মণ্ডপ শোধন করিবেন। পরে পাত্রাসাদন, দীপপ্রজ্জালন, গুর্বাদিবন্দন, করশোধন, দশদিগ্‌বন্ধন, ভূতশুদ্ধি, প্রাণায়াম ও ত্রাসাদি করিয়া পূজাপদ্ধতি অনুসারে ইষ্টদেবতার ধ্যান এবং মানস ও বাহ্য উপচার দ্বারা অর্চন করিবেন। পরে যথাবিধি সংস্থাপিত ঘটে মূলদেবতার সর্বাদ্বের উদ্দেশে মূলমন্ত্র দ্বারা পঞ্চ পুষ্পাজলি দিয়া যথাশক্তি মূলমন্ত্র জগপুরুঃসর উক্ত জগ সমর্পণ ও যথোক্তবিধানে হোম করিয়া শিষ্যকে অগ্নিসম্মিধানে উপবেশন করাইবেন। পরে মঙ্গলাচরণ পূর্ক্বক মূলমন্ত্র দ্বারা শোধিত ঘটস্থ জল দ্বারা শিষ্যকে অভিষেক করিয়া আত্মদেবতাকে শিষ্যসংক্রান্ত চিন্তা ও তদুভয়ের ঐক্য ভাবনা করিয়া গন্ধাদি দ্বারা অর্চনা করিবেন। পরে “হং ফট্” মন্ত্র দ্বারা শিষ্যের শিখা বন্ধন পূর্ক্বক তাঁহার মস্তকে হস্তপ্রদানমন্ত্র মূলমন্ত্র ১০৮ বার জপ করিয়া “অমুকমন্ত্রং তে দদামি” এই বাক্য বলিয়া শিষ্যের হস্তে জল দিবেন। শিষ্য বলিবেন, “দদম্”। পরে গুরু ঋষ্যাদিযুক্ত মন্ত্র শিষ্যদেহে ত্রাস করিয়া তাঁহার দক্ষিণকর্ণে ৮ বার জপ করিবেন। পরে শিষ্য গুরু, তদন্তমন্ত্র ও মন্ত্রদেবতার ঐক্য ভাবনা করিয়া উক্ত মন্ত্র ১০৮ বার জপ করিয়া মন্ত্রদেবতার করে উক্ত জপ সমর্পণান্তর গুরুর চরণে দণ্ডবৎ পতিত হইবেন। তখন গুরু “উত্তিষ্ঠ বৎস মুক্তোহসি সম্যাগাচারবান্ ভব। কীর্তিঃ শ্রীঃ কান্তিরতুলা বলারোগ্যং সদাস্তু তে ॥” এই বাক্যটি পাঠ করিয়া শিষ্যকে উত্থাপন করিবেন। পরে তিনি স্বশক্তিরক্ষার্থ উক্ত মন্ত্র শতবার জপ করিবেন। পরিশেষে শিষ্য গুরুর অর্চনান্তর কুশ তিল ও জল লইয়া “বিষ্ণুরোং তৎসদগ্‌ ইত্যাদি ক্লুতৈতৎ অমুকমন্ত্রগ্রহণপ্রতিষ্ঠার্থং দক্ষিণামিদং অমুকগোত্রায়ামুকদেবশর্ম্মণে গুরবে তুভ্যমহং সম্প্রদদে” বলিয়া দক্ষিণা দিয়া শরীর, অর্থ ও প্রাণাদি সমস্ত শ্রীগুরু-চরণে নিবেদন করিবেন। অনন্তর অচ্ছিদ্রাবধারণ করিয়া গুরুদেবকে ভোজন করাইবেন এবং তদবশিষ্ট স্বয়ং ভোজন করিয়া মন্ত্রৈকশরণ হইয়া সুখে কাল-যাপন করিবেন।

দীক্ষিত ব্যক্তির পূজাতে নিত্যতা—

দীক্ষিত ব্যক্তি যদি প্রতিদিন মন্ত্রদেবতার অর্চনা না করেন, তবে তাঁহার সকল কর্ম্মই নিষ্ফল হয়, এবং ইষ্টদেবতা তাঁহার অনিষ্টসাধন করিয়া থাকেন।

সদাচার। সদাচার ব্যতিরেকে কাহারও কিছু সিদ্ধ হয় না, অতএব সদাচার অবশ্যাপেক্ষীয়। নির্দোষ সাধুগণের আচারকেই সদাচার বলা যায়।



## নিত্যকৃত্যে নিশান্তকৃত্য—

নিশান্তে কৃষ্ণনাম কীর্তন করিতে করিতে জাগরণ ও ধরিত্রীদেবীর প্রণতি-  
পুরঃসর শয্যাভ্যাগ করিবেন। পরে হস্তপদাদি প্রক্ষালনানন্তর রাত্রিবাস পরিত্যাগ  
ও বসনান্তর পরিধানপূর্বক আচমন ও উপবেশন করিয়া শ্রীগুরুর স্মরণ  
করিবেন। এইরূপে যুগেশ্বরী পর্য্যন্ত স্মরণ ও প্রণামাদি করিয়া শ্রীহরিনাম-  
মহামন্ত্র জপ করিতে করিতে নিশান্তলীলা স্মরণ করিবেন। তদনন্তর শৌচ  
ও দস্তধাবন করিয়া আচমন করিবেন। পরে স্নান ও স্নানান্ততর্পণ করিয়া  
সম্প্রদায়ানুসারে তিলকমালাদি ধারণপূর্বক ভগবৎপ্রবোধনাদি কর্মসকল  
সম্পাদন করিবেন।

## প্রাতঃকৃত্য—

পুষ্পাঘাহরণ, তুলসীচয়ন, সন্ধ্যাবন্দন, ইষ্টদেবতার অর্চন ও প্রাতর্লীলা স্মরণ  
করিবেন।

## পূর্বাঙ্ককৃত্য—

শ্রীগুরুসেবা ও পূর্বাঙ্কলীলা স্মরণ প্রভৃতি করিবেন।

## মধ্যাহ্নকৃত্য—

মধ্যাহ্নস্নান, মধ্যাহ্নসন্ধ্যা, হোম, বৈশ্রদেব, বলিপ্রদান, স্নাত্তিসংকার,  
নিত্যশ্রাদ্ধ, গোত্রাসদান ও মধ্যাহ্নলীলা স্মরণ প্রভৃতি করিবেন।

## অপরাঙ্ককৃত্য—

শাস্ত্রালোচনা ও অপরাঙ্কলীলা স্মরণ প্রভৃতি করিবেন।

## সায়ংকৃত্য—

সায়ংসন্ধ্যাবন্দনাদি ও সায়ংলীলা স্মরণাদি করিবেন।

## প্রদোষকৃত্য—

মন্ত্রজপ, স্তবপাঠ ও প্রদোষলীলা স্মরণাদি করিবেন।

## রাত্রিকৃত্য—

রাত্রিলীলা স্মরণাদি করিবেন।

## পক্ষকৃত্য—

যিনি উক্তপ্রকারের নিত্য শ্রীকৃষ্ণপূজামহোৎসব করিতেছেন, তিনি উভয়  
পক্ষের হরিবাসরে বিশেষরূপে উক্ত মহোৎসব সম্পাদন করিবেন।

হরিনামের ব্রতবিশেষ। ব্রত কাহাকে বলে? কেহ কেহ বলেন, সঙ্কল্পই  
ব্রত। কেহ কেহ বলেন, দীর্ঘকাল অনুপালনীয় সঙ্কল্পই ব্রত। আবার কেহ

কেহ বলেন, স্ব-কর্তব্য-বিষয়ক নিয়তসঙ্কল্পই ব্রত। সঙ্কল্প জ্ঞানবিশেষ। অতএব ভাবপক্ষে, অর্থাৎ বিধিপক্ষে 'এইটি আমার কর্তব্য' এই প্রকার এবং অভাবপক্ষে, অর্থাৎ নিষেধপক্ষে 'এইটি আমার অকর্তব্য' এই প্রকার জ্ঞানই সঙ্কল্প শব্দের অর্থ। এই নিমিত্তই অভিধানে মানস কৰ্ম সঙ্কল্পশব্দের অর্থ অভিহিত হইয়াছে। বস্তুতঃ, সঙ্কল্পবিষয়ক কৰ্মবিশেষই ব্রতশব্দের অর্থ। ঐ কৰ্ম প্রবৃত্ত্যাঙ্ক ও নিবৃত্ত্যাঙ্ক ভেদে দ্বিবিধ। দ্রব্যবিশেষ ভোজন ও পূজন প্রভৃতি প্রবৃত্তিরূপ কৰ্ম, এবং উপবাসাদি নিবৃত্তিরূপ কৰ্ম। নিবৃত্তিরূপ কৰ্ম আবার নিত্য, নৈমিত্তিক ও কাম্য ভেদে ত্রিবিধ। একাদশাদি ব্রত নিত্যকৰ্ম; চান্দ্রায়ণাদি ব্রত নৈমিত্তিক কৰ্ম; আর বিশেষ বিশেষ দিনে উপবাসাদি ব্রতরূপ বিশেষ বিশেষ কৰ্ম কাম্য কৰ্ম।

একাদশীব্রত নিত্য। বিধিবাক্য দ্বারা প্রাপ্তি, নিষেধবাক্য দ্বারা প্রাপ্তি, অকরণে প্রত্যবায়শ্রবণ এবং করণে শ্রীভগবতোষণরূপ ফলশ্রবণ হেতু একাদশী-ব্রতকে নিত্যব্রত বলা হয়। সামান্যতঃ বিহিত ও নিষিদ্ধের অতিক্রমে দোষ-শ্রবণ হেতু বিধিপ্রাপ্ত ও নিষেধপ্রাপ্ত বিষয়ের নিত্যত্ব সিদ্ধ হইলেও শাস্ত্র-কর্তারা, যাহার অকরণে প্রত্যবায় শ্রবণ করা যায়, তাহার নিত্যত্বই মুখ্য বলিয়া থাকেন; ইহাই সাধারণ নিয়ম; কিন্তু বিষ্ণুপরায়ণ জনগণের পক্ষে যাহাতে শ্রীভগবতোষণরূপ ফলবিশেষ শ্রবণ করা যায়, তাহার নিত্যত্বই মুখ্য নিত্যত্ব জানিতে হইবে। অথবা যাহাতে শ্রীভগবতোষণরূপ ফলবিশেষ শ্রবণ করা যায়, তাহা সকল লোকের পক্ষেই মুখ্যতর নিত্য। শুরু ও কৃষ্ণ উভয়-পক্ষীয় একাদশীব্রতই নিত্য। সংক্রান্ত্যাদিতেও একাদশীব্রত নিত্য। সূত-কাদি অশৌচেও একাদশী নিত্য। শ্রাদ্ধবিষয়েও একাদশী নিত্য। একাদশী-ব্রতে ব্রাহ্মণাদি সকল বর্ণের সকল লোকই অধিকারী।

ব্রতদিননির্ণয়। একাদশী সম্পূর্ণা ও বিদ্ধা ভেদে দ্বিবিধ। বিদ্ধা একাদশী আবার পূর্ববিদ্ধা ও উত্তরবিদ্ধা ভেদে দ্বিবিধ। প্রতিপৎ প্রভৃতি তিথি-মকল রবির এক উদয় হইতে আরম্ভ করিয়া অপর উদয় পর্যন্ত থাকিলে, উহাদিগকে সম্পূর্ণা তিথি বলা হয়। হরিবাসরের পক্ষে অর্থাৎ একাদশীর পক্ষে কিন্তু ঐরূপ নিয়ম নহে। একাদশী সূর্যোদয়ের পূর্বে দুই মুহূর্ত্ত থাকিলে, তবে উহা সম্পূর্ণা হয়। দিন বা রাত্রির পরিমাণের পঞ্চদশ ভাগের এক ভাগের নাম মুহূর্ত্ত। তাদৃশ দুই মুহূর্ত্তকাল যদি রবির উদয়ের পূর্ব হইতে একাদশী আরম্ভ হয়, তবে সেই একাদশীকে সম্পূর্ণা একাদশী বলা হয়।

অনুষ্ঠান উহা বিদ্ধার মধ্যে গণ্য। পূর্ববিদ্ধা অর্থাৎ দশমীবিদ্ধা একাদশী সকলেরই পরিত্যাজ্য। দশমীবিদ্ধা একাদশী সন্দিগ্ধা, সংযুক্তা ও সঙ্কীর্ণা ভেদে ত্রিবিধা। সূর্যোদয়ের পূর্বে যদি তিনদণ্ডব্যাপিনী একাদশী হয়, তবে তাহাকে সন্দিগ্ধা একাদশী বলা হয়। সূর্যোদয়ের পূর্বে যদি দুইদণ্ডব্যাপিনী একাদশী হয়, তবে তাহাকে সংযুক্তা একাদশী বলা হয়। আর সূর্যোদয় হইতে আরম্ভ করিয়া ষষ্টিদণ্ডব্যাপিনী যে একাদশী, তাহাকে সঙ্কীর্ণা একাদশী বলা হয়। ধর্মফলাভিলাষী ব্যক্তি এই ত্রিবিধা দশমীবিদ্ধা একাদশীকেই ত্যাগ করিবেন। দশমীবিদ্ধা একাদশী সর্বথা পরিত্যাজ্য। কোন কোন স্থলে দশমীবেধবিহীনা সম্পূর্ণা একাদশীরও ত্যাগের ব্যবস্থা দেখা যায়। একাদশী বর্দ্ধিত হইয়া দ্বাদশীর দিনে, দ্বাদশী বর্দ্ধিত হইয়া ত্রয়োদশীর দিনে, অথবা অমাবস্যা ও পূর্ণিমা বর্দ্ধিত হইয়া প্রতিপদের দিনে গমন করিলেই দশমীবেধবিহীনা সম্পূর্ণা একাদশীকে ত্যাগ করিতে বলেন। তন্মধ্যে একাদশী বর্দ্ধিত হইয়া দ্বাদশীর দিনে গমন করিলে যে দশমীবেধবিহীনা সম্পূর্ণা একাদশীকে ত্যাগ করিয়া দ্বাদশীতে ব্রত করা কর্তব্য, তাহা অবৈষ্ণবেরাও অস্বীকার করেন না। অপরাপর তিথিমলের আয় একাদশীর তিথিমল যে অগ্রাহ্য নহে, পরন্তু গ্রাহ্য, তাহা সর্ববাদি-সম্মত। তিথি কখন ষষ্টিদণ্ডের অধিক হইয়া পরদিনে গমন করিয়া থাকে। ঐ পরদিনগামিনী তিথিকে তিথিমল বলা হয়। তিথিমল সর্বথা পরিত্যাজ্য কিন্তু একাদশী তিথির মল পরিত্যাজ্য নহে, পরন্তু গ্রাহ্য।

অতঃপর দ্বাদশী প্রভৃতির বৃদ্ধিতেও যে একাদশী ত্যাগের ব্যবস্থা আছে, তাহাই প্রদর্শিত হইতেছে।

“শুদ্ধং বৃদ্ধিমুপৈতি চেক্করিদিনং ভদ্রা ন সোমীলনী  
 ভদ্রেবাভ্যধিকা ন হর্ষাহরিয়ং বজ্জল্যভিখ্যা সতী ।  
 নন্দাদিত্রিতয়াস্বয়ে তু মহতী শ্রাৎ ত্রিম্পৃহা দ্বাদশী  
 পূর্বে পর্কণি নির্গতে পরদিনে শ্রাৎ পক্ষবর্দ্ধিত্যপি ॥  
 আদিত্যেন জয়াচ্যুতেন বিজয়া পুষ্টেণ পাপাপহা  
 রোহিণ্যা চ জয়স্তিকাপি চতস্বৃক্ষং দিনাদে ভবেৎ ।  
 পূর্ণং চোনমথাধিকং চ হরিভাধিক্যে তু ভাস্তভূজিঃ  
 ঋক্ষাধিক্যসমত্বয়োস্ত দিনতঃ প্রাগ্ভে চ পশ্চাদব্রতম্ ।  
 হিত্বা বৈষ্ণবমস্তস্বমিতরেষু ক্ষেযু ভদ্রাতিথে-  
 স্তত্রার্বাগপি তৎপ্রথগুণ ইহৈবান্নি ব্রতে পারণম্ ।

অন্তিমরধিকা তিথি যদি ভতো ভাস্তেন বৃদ্ধৌ তিথে-

রস্তুঃ পারণকং ভবেদিতি মহাষ্টদ্বাদশীনির্ণয়ঃ ॥”

শুক্রা একাদশী বৃদ্ধি পাইয়া যদি পরদিন কিঞ্চিন্মাত্র দৃষ্ট হয়, অথচ দ্বাদশীর বৃদ্ধি না হয় তবে ঐ দ্বাদশীকে উন্মীলনী মহাদ্বাদশী বলা হয়। একাদশীর বৃদ্ধি না হইয়া কেবল দ্বাদশীর বৃদ্ধি হইলে ঐ দ্বাদশীকে বঞ্জুলী মহাদ্বাদশী বলা হয়। একাদশী, দ্বাদশী ও ত্রয়োদশীর যোগ হইলে, উক্ত যোগদিবসকে ত্রিস্পৃশা মহাদ্বাদশী বলা হয়। পূর্ণিমা ও অমাবস্যা ষষ্টিদণ্ডের অধিক হইয়া পরদিনে গমন করিলে, তত্ত্বৎপক্ষীয়া দ্বাদশীকে পক্ষবর্দ্ধিনী মহাদ্বাদশী বলা হয়। আর শুক্লপক্ষের দ্বাদশী পুনর্বসুযোগে জয়ানামী মহাদ্বাদশী, শ্রবণাযোগে বিজয়ানামী মহাদ্বাদশী, পুষ্যাযোগে পাপনাশিনীনামী মহাদ্বাদশী এবং রোহিণী-যোগে জয়ন্তীনামী মহাদ্বাদশী বলিয়া উক্ত হইলেন। এই অষ্টমহাদ্বাদশী উপস্থিত হইলে, শুক্রা একাদশীকে ত্যাগ করিয়া দ্বাদশীতেই উপবাস কর্তব্য। একাদশী বর্দ্ধিত হইয়া দ্বাদশীর সহিত মিশ্রিত হইলে, ঐ দ্বাদশীমিশ্রিতা একাদশীতে উপবাস করিতে হইবে। তৎপক্ষে দ্বাদশীর বৃদ্ধি বা অবৃদ্ধির অপেক্ষা নাই। দ্বাদশীর বৃদ্ধি না হইলে, একাদশীমিশ্রা দ্বাদশী উন্মীলনী মহাদ্বাদশী বলিয়া উপোষ্যা হইবেন। দ্বাদশীর বৃদ্ধি হইলে, একাদশীমিশ্রা দ্বাদশী একাদশী বলিয়াই উপোষ্যা হইবেন। একাদশীর বৃদ্ধি না হইয়া কেবল দ্বাদশীর বৃদ্ধি হইলে, একাদশীর পরবর্ত্তিনী ষষ্টিদণ্ডাখিকা দ্বাদশী বঞ্জুলী মহাদ্বাদশী বলিয়া উপোষ্যা হইবেন। দ্বাদশীর মল অগ্রাহ্যই থাকিবেন। প্রথমে অল্পমাত্র একাদশী, মধ্যে ক্ষীণা দ্বাদশী ও অন্তে ত্রয়োদশী হইলে, ঐ যোগদিবস ত্রিস্পৃশা মহাদ্বাদশী বলিয়া উপোষ্যা হইবেন। অমাবস্যা বা পূর্ণিমা ষষ্টিদণ্ডাখিকা হইয়া প্রতি-পদের দিন বৃদ্ধি পাইলে, তত্ত্বৎপক্ষীয়া দ্বাদশী পক্ষবর্দ্ধিনী মহাদ্বাদশী বলিয়া উপোষ্যা হইবেন। কিন্তু ত্রয়োদশীর ক্ষয় ঘটিলে, পক্ষবর্দ্ধিনীস্থলেও দ্বাদশীতে উপবাস না হইয়া একাদশীতেই উপবাস হইবে। কারণ, ঐ স্থলে দ্বাদশীতে উপবাস করিলে, নৃসিংহচতুর্দশীর অনুরোধে পারণেরও লোপ অথবা পারণের অনুরোধে চতুর্দশীত্রতের লোপ হইতে পারে। আর শুক্রাশুক্র যে কোন মাসের শুক্রা দ্বাদশীতে পুনর্বসুর যোগে জয়া, শ্রবণার যোগে বিজয়া, রোহিণীর যোগে জয়ন্তী ও পুষ্যার যোগে পাপনাশিনী মহাদ্বাদশী হয়। উক্ত চারিটি মহাদ্বাদশীই উপোষ্যা। কিন্তু ঐ সকল নক্ষত্র সূর্য্যোদয় বা সূর্য্যোদয়ের পূর্ব হইতে প্রবৃত্ত হওয়া চাই। উহারা সূর্য্যোদয়ের পর প্রবৃত্ত হইলে মহাদ্বাদশী

হইবে না। ঐ সকল নক্ষত্র যদি সূর্য্যোদয়ের সময় হইতে প্রবৃত্ত হয়, তবে দিনমানাপেক্ষায় অধিক বা সমান বা ন্যূন হইলেও মহাঘাদশী হইবে। আর যদি সূর্য্যোদয়ের পূর্বে প্রবৃত্ত হয়, তবে দিনমানাপেক্ষা অধিক বা সমান হইলেই হইবে, ন্যূন হইলে হইবে না। তন্মধ্যে জয়া, জয়ন্তী ও পাপনাশিনী স্থলে সূর্য্যাস্ত পর্য্যন্ত ঘাদশী থাকা চাই; বিজয়া স্থলে অস্ততঃ বেলা দেড় প্রহর পর্য্যন্ত ঘাদশী থাকা চাই। দেড় প্রহর পর্য্যন্ত ঘাদশী না থাকিলে, ত্রয়োদশীর ক্ষয়ে চতুর্দশীতে পারণ ঘটবার সম্ভাবনা; চতুর্দশীতে পারণ কিন্তু কেহই স্বীকার করেন না। উপবাসদিবস তিথি ও নক্ষত্র বর্জিত হইয়া পরদিবসে গমন করিলে, তিথির আধিক্যে নক্ষত্রান্তে ঘাদশীর প্রথম পাদ পরিত্যাগপূর্ব্বক তিথিমধ্যেই পারুণ হইবে; আর নক্ষত্রাধিক্যে তিথি ও নক্ষত্র উভয়েরই মধ্যে পারণ করিতে হইবে; কারণ ঘাদশী তিথির লজ্বন নিষিদ্ধ। পারণদিবসে যদি ঘাদশী না থাকে, এবং রোহিণী ও শ্রবণা বৃদ্ধি পায়, তবে নক্ষত্রমধ্যেই পারণ হইবে। আর যদি পুনর্বসু ও পুষ্যা বৃদ্ধি পায়, তবে নক্ষত্রান্তে পারণ করিতে হইবে।

মাসকৃত্য—

\* অগ্রহায়ণ হইতে আরম্ভ করিয়া প্রতিমাসের মাসকৃত্যসকল যথাবিধি পালন করিতে হইবে।

ফাল্গুনকৃত্যে শিবরাত্রিব্রত—

যদিও শিবরাত্রিব্রত বৈষ্ণবদিগের আবশ্যিক নহে, তথাপি সদাচার হেতু লিখিত হইতেছে। শিবরাত্রিব্রতের পরিত্যাগে ভগবৎপূজার ফল হয় না বলিয়া ভগবৎপ্রীত্যর্থ বৈষ্ণবগণও শিবরাত্রিব্রত পালন করিবেন। শুদ্ধা চতুর্দশী সকলেরই উপোষ্যা। উহা বিদ্ধা হইলে, প্রদোষব্যাপিনী চতুর্দশীকেই গ্রহণ করা কর্তব্য। কারণ, শিবভক্তগণ তাদৃশী চতুর্দশীরই সমাদর করিয়া থাকেন। এই নিমিত্তই উক্ত হইয়াছে—শিবভক্তগণ প্রদোষব্যাপিনী চতুর্দশীকেই গ্রহণ করিবেন। তাদৃশী চতুর্দশীতে উপবাসের বিধান হেতু জাগরণও বিহিত হইয়াছে। পশুিতগণ রাত্রির প্রথম চারি দণ্ডকে প্রদোষ বলিয়া থাকেন। যদি দুই দিন চতুর্দশী প্রদোষব্যাপিনী হয়, তাহা হইলে, প্রদোষ ও মহানিশা এই উভয়-ব্যাপ্তির অনুরোধে, প্রথম দিন উপবাস করিতে হইবে, এই যে বিধান, ইহা বৈষ্ণবেতরপক্ষে; কারণ, বৈষ্ণবগণ কখনই বিদ্ধাব্রত করিবেন না, ইহাই সাধুদিগের মত; অতএব বৈষ্ণবেরা তাদৃশ স্থলেও পরদিন অবিক্রা চতুর্দশীতেই

উপবাস করিবেন। শিবরাত্রিতে বৈষ্ণবগণ ত্রয়োদশীবিদ্ধা চতুর্দশীকে সর্বথা পরিবর্জন করিবেন। শিবরাত্রিতে ত্রয়োদশীযুক্তা চতুর্দশী তিথি সর্বদা পালন করিবেন, এই যে বচন, ইহা সকাম-বৈষ্ণব-বিষয়ক; নিষ্কাম বৈষ্ণবগণ বিদ্ধাব্রত সর্বথা পরিবর্জন করিবেন। এই নিমিত্তই স্কন্দপুরাণে পরাশর মুনি বলিয়াছেন—হে রাজন্, শিবচতুর্দশী পরদিন অমাবস্তার সহিত যোগ হইলে, বৈষ্ণবগণ ঐ পরদিনই উপবাস করিবেন। কারণ, উক্ত ব্রতই শ্রীশিবের প্রিয়; তাঁহারা কখনই ত্রয়োদশীযুক্তা চতুর্দশীতে উপবাস করিবেন না।

কেহ কেহ বলেন,—“শিবরাত্রিতে ভূতং” এবং “মাঘাসিতং ভূতদিনং” এই দুই বচন পরদিন-প্রদোষব্যাপি-চতুর্দশ্যপবাস-বিষয়ক, অর্থাৎ প্রদোষব্যাপিনী চতুর্দশী দুইদিন হইলে, বৈষ্ণবগণ পূর্ববিদ্ধা ত্যাগ করিয়া পরবিদ্ধাতেই উপবাস করিবেন, ইহাই উক্ত বচনদ্বয়ের অভিপ্রায়। কিন্তু উক্তপ্রকার ব্যবস্থা সম্ভব হয় না; কারণ, উক্ত বচনদ্বয়ের ঐপ্রকার অভিপ্রায় হইলে, “উপৈতি যোগং যদি পঞ্চদশ্যা”—যদি পঞ্চদশীর সহিত যোগ হয়—এইরূপ বিশেষোক্তির প্রয়োজন দেখা যায় না, অর্থাৎ পঞ্চদশীর সহিত চতুর্দশীর নিত্যসংযোগ হেতু উহা বিশেষ করিয়া বলিবার কোন কারণ দেখা যায় না; বিশেষতঃ, উক্ত অভিপ্রায় স্বীকারে “প্রদোষব্যাপিনীসাম্যেহপ্যাপোষ্যং প্রথমং দিনম্” এই কারিকার সহিত বিরোধ ঘটে; কারণ, কারিকার অভিপ্রায়, প্রথম দিন উপবাস কর্তব্য, এবং প্রমাণবচনের অভিপ্রায়, প্রথম দিন উপবাস অকর্তব্য। অতএব উক্ত বচনদ্বয় পরদিন-প্রদোষব্যাপি-চতুর্দশ্যপবাস-বিষয়ক না হইয়া পূর্বদিবসীয়-ত্রয়োদশীবিদ্ধা-চতুর্দশ্যপবাস-নিষেধ-বিষয়কই হইতেছে। এই পক্ষে বিশেষ বলও দেখা যায়। প্রথম বচনের “বিবর্জয়েৎ” ও দ্বিতীয় বচনের “কুর্ধ্যাৎ” এই উভয় নঞেরই পর্য্যাদাস(১) অর্থ না হইয়া প্রসজ্যপ্রতিষেধ অর্থ হওয়াই

(১) পর্য্যাদাস ও প্রসজ্যপ্রতিষেধভেদে নঞের অর্থ দ্বিবিধ। এই জন্যই পর্য্যাদাসও প্রসজ্যপ্রতিষেধের স্বরূপ এইস্থলে প্রদর্শিত হইল।

প্রাধান্তস্ত বিধেত্র প্রতিষেধেপ্রধানতা।

পর্য্যাদাসঃ স বিজ্ঞেয়ো যত্রোত্তরপদে ন নঞ্।

অপ্রাধান্তং বিধেত্র প্রতিষেধে প্রধানতা।

প্রসজ্যপ্রতিষেধোহসৌ ক্রিয়য়া সহ যত্র নঞ্।

শ্রীমদ্রামায়ণঃ ।

যেস্থলে বিধির ( বিধের কর্মের ) প্রাধান্ত ( সাক্ষাৎ বিধির সহিত অন্বয় ) ও নিষেধের ( নঞের ) অপ্রাধান্ত ( বিধ্যর্থের সহিত অন্বয়াভাব ) এবং উত্তরপদের

সঙ্গত। উক্ত নঞ-ধ্বয়ের পর্য্যাদাস অর্থ হইলে, চতুর্দশীর ক্ষয়স্থলে বৈষ্ণবেরও বিদ্বোপবাসের প্রসক্তি হইয়া পড়ে; কিন্তু উহাদের প্রসজ্যপ্রতিষেধ অর্থ হইলে প্রসজ্যপ্রতিষেধার্থক নঞের নিষেধেই তাৎপর্য্য হেতু চতুর্দশীর ক্ষয়স্থলেও বৈষ্ণবের বিদ্বোপবাসের প্রসক্তি ঘটে না। পূর্বপক্ষে বিদ্বোপবাসপ্রসক্তির অস্বীকারে অমাবস্তা-সংযোগ-ব্যবস্থা হেতু চতুর্দশীক্ষয়স্থলে ব্রতের লোপপ্রসঙ্গ হয়। অতএব ঐপ্রকার ব্যবস্থা বৈষ্ণবসম্মত নয় বলিয়া উপেক্ষণীয়। আবার কেহ কেহ বলেন,—চতুর্দশী শুদ্ধা হইলে, বৈষ্ণব ও অবৈষ্ণব উভয়েই ঐ শুদ্ধা চতুর্দশীতেই উপবাস করিবেন। আর যদি ঐ চতুর্দশী বিদ্ধা হয়, তবে অবৈষ্ণবগণ প্রদোষব্যাপিনী চতুর্দশীতেই উপবাস করিবেন। উভয়দিনে মুহূর্ত্তান্যন-প্রদোষ-ব্যাপ্তি-স্থলে অধিক-কাল-ব্যাপিনী গ্রহণ করিবেন। প্রদোষ-ব্যাপ্তির সমতায় পূর্বদিন গ্রহণ করিবেন। কারণ, পূর্বদিন প্রদোষ ও নিশীথ এতদুভয়ব্যাপিনী হওয়ায় পূর্বদিনই ব্রতযোগ্য হইতেছে। উভয়দিনই প্রদোষব্যাপিনী না হইলে, যে দিন নিশীথব্যাপিনী হইবে, সেই দিনই গ্রহণ করিবেন। বৈষ্ণবগণ পূর্বদিন মুহূর্ত্তের অন্যান্য ত্রয়োদশী থাকিলে এবং পরদিন মুহূর্ত্তের অন্যান্য চতুর্দশী থাকিলে, পরদিন গ্রহণ করিবেন। তদুভয়ের একতরের অভাব ঘটিলে, পূর্বদিন গ্রহণ করিবেন। এই বিষয়েই ত্রয়োদশীযুক্ত চতুর্দশীতে উপবাসের বিধায়ক এবং

( লিঙাদি পদের ) সহিত নঞের অস্বয় হয় না তাহাকেই পর্য্যাদাস নঞ বলা হয়। নঞ অন্তোত্তাভাববাচক।

যেস্থলে বিধির ( বিধেয় কর্মের ) অপ্রাধান্য ( বিধির সহিত সম্বন্ধের অভাব ) ও নিষেধের ( নঞেরই ) প্রাধান্য ( বিধার্থের সহিত সাক্ষাৎ সম্বন্ধ ) এবং ক্রিয়ার সহিত ( লিঙ পদের সহিত ) নঞের অস্বয়—এইরূপ নঞের নাম প্রসজ্য-প্রতিষেধ। ইহাদের ক্রমিক উদাহরণ যথা—‘রাত্রৌ শ্রাদ্ধং ন কুর্ধ্যাৎ’ অর্থাৎ রাত্রিভিন্ন কালে শ্রাদ্ধ করিবে। এস্থলে শ্রাদ্ধকরণরূপ বিধেয় কর্মের ‘করিবে’ এই বিধির সহিত সাক্ষাৎ অস্বয়। কারণ এই নঞ দ্বারা ‘রাত্রিভিন্নকালে শ্রাদ্ধ করিবে’—এইরূপ শ্রাদ্ধসম্বন্ধে কর্তব্যতা জানা যাইতেছে এবং ‘ন’ এই নঞের ভেদরূপ অর্থ হওয়ায়, নঞের বিধির সহিত সাক্ষাৎ অস্বয় নাই; কিন্তু রাত্রিভিন্ন অমাবস্তাদির সহিত উহার সাক্ষাৎ অস্বয়। এবং উক্তর পদের সহিত অর্থাৎ লিঙ পদের সহিত নঞের অস্বয় নাই। অতএব একরূপস্থলে পর্য্যাদাস নঞের গ্রহণ করিবে। ‘নাতি-রাত্রৌ ষোড়শিনং গৃহ্ণাতি’—অতিরাত্রৌ ষোড়শী গ্রহণ করিবেনা—এই স্থলে বিধেয়কর্ম ষোড়শি-গ্রহণের ‘করিবে’ এই বিধির সহিত সাক্ষাৎ অস্বয় নাই; কিন্তু ‘ষোড়শি-গ্রহণ নিষেধেরই’ বিধির সহিত সাক্ষাৎ অস্বয়। এবং নিষেধ-বাচী ‘ন’ এই পদটির ‘করিবে’ এই লিঙ ক্রিয়াপদের সহিতই সাক্ষাৎ অস্বয়; অতএব এইরূপ স্থলে প্রসজ্য-প্রতিষেধরূপ নঞের গ্রহণ হইবে।

প্রদোষব্যাপিনী চতুর্দশীতে উপবাসের বিধায়ক বচনের সমন্বয় করিতে হইবে। যদি অমাবস্তার ক্ষয় হয়, তবে ত্রয়োদশীবেধ ও পঞ্চদশীযোগ হইলেও অমাবস্তাতে পারণবিধির অনুরোধে পূর্বদিনই ব্রত করিবেন। আর যদি চতুর্দশীর ক্ষয় হয়, তবে উক্ত কারণ বশতঃ সেই ক্ষয়দিবসেই ব্রত করিবেন। পারণ সর্বপ্রকার উপবাসেই চতুর্দশীর অন্তে অমাবস্তাতেই করিতে হইবে। কারণ, অমাবস্তাতেই পারণের বিধান দেখা যায়; প্রতিপদে পারণের বিধান দেখা যায় না। পরদিন সূর্য্যাস্ত পর্য্যন্ত চতুর্দশী থাকিলে, চতুর্দশীতেই পারণ করিবার বিধান আছে। কিন্তু শুদ্ধ বৈষ্ণবগণ কোনক্রমেই বিক্রোপবাস স্বীকার করেন না।

চৈত্রকৃতে শ্রীরামনবমী—

শ্রীরামনবমী শুদ্ধা গ্রাহা ও পূর্ববিদ্ধা ত্যাজ্যা। একাদশীব্রতভঙ্গের সম্ভাবনা ঘটিলে, পূর্ববিদ্ধাও গ্রাহ্য হইবেন।

নৃসিংহচতুর্দশী—

নৃসিংহচতুর্দশীও শুদ্ধাই গ্রাহা। কেহ কেহ বলেন, চতুর্দশীক্ষয়ে পূর্ববিদ্ধাও গ্রাহ্য হইবেন। কিন্তু শুদ্ধ বৈষ্ণবগণ তাহা স্বীকার করেন না।

ভাদ্রকৃতে জন্মাষ্টমী—

শ্রাবণী পূর্ণিমার পর যে কৃষ্ণাষ্টমী, তাহাকেই জন্মাষ্টমী বলা হয়। ঐ জন্মাষ্টমী ভাদ্র মাসেই ঘটে বলিয়া উহাকে ভাদ্রকৃত্যের অন্তর্গত করা হইয়াছে। জন্মাষ্টমীব্রত নিত্য। উহাতে উপবাস কর্তব্য। ঐ অষ্টমী রোহিণীযুক্ত হইলে, মহাফল হয়, অর্থাৎ কেবল অষ্টমীতে উপবাস অপেক্ষা রোহিণীযুক্ত অষ্টমীতে উপবাস করিলে ফলাতিশয় হয়। ঐ রোহিণী যদি অর্ধরাত্রে অষ্টমীর সহিত সংযোগ পায়, কিম্বা রোহিণীযুক্ত অষ্টমীতে সোমবার বা বুধবারের লাভ হয়, অথবা তাদৃশী অষ্টমী যদি নবমীসংযুক্ত হয়, তাহা হইলেও মহাফলা হইয়া থাকে। কিন্তু ঐ রোহিণী প্রভৃতির যোগ না হইলেও কেবল অষ্টমীতেই উপবাস করিতে হইবে; কারণ অষ্টমীতে উপবাসই বিধি, রোহিণ্যাদির যোগ কেবল বৈশিষ্ট্যবোধক। অষ্টমীতে উপবাস না করিলে, ব্রতলোপ ঘটয়া থাকে। ঐ অষ্টমী উদয়ে সপ্তমীবিদ্ধা হইলে, সর্বথা ত্যাজ্যা। রোহিণী নক্ষত্রের যোগ বা সোমাদি বারের যোগ হইলেও সপ্তমীবিদ্ধা অষ্টমীতে উপবাস কর্তব্য নহে। সপ্তমীবেধরহিতা অষ্টমী না পাইলে, নবমীতেও উপবাস হইবে। সপ্তমীবেধরহিতা অষ্টমী পাইলে, নক্ষত্রাদির যোগ হউক, বা না হউক, ঐ দিবসই উপবাস হইবে। যদি ঐ সপ্তমীবেধরহিতা শুদ্ধা অষ্টমী রবির উদয় হইতে প্রবৃত্ত হইয়া



বৃদ্ধিক্রমে পরদিনে গমন করে, এবং পরদিবস যদি অষ্টমী মুহূর্তের ন্যূন বা অনূন কাল ব্যাপিয়া অবস্থান করে, এবং নক্ষত্র ও বারের যোগ না হয়, তবে পূর্বদিন উপবাস হইবে। আর পরদিবস নক্ষত্র ও বারের যোগ হইলে, যোগ-দিবসই উপবাস হইবে। শুক্রাষ্টমী দুই দিবস হইলে, যে দিন অর্ধরাত্রে রোহিণী পাইবে, সেই দিন উপবাস হইবে। দুই দিনই অর্ধরাত্রে রোহিণী পাইলে পূর্বদিন, না পাইলে পরদিন উপবাস হইবে। তবে যদি পূর্বদিন বারযোগ পায়, তাহা হইলে পূর্বদিনই উপবাস হইবে। পারণদিনে তিথির বৃদ্ধিক্রমে অষ্টমী থাকিলে, তিথ্যন্তে পারণ, নক্ষত্রের বৃদ্ধিক্রমে নক্ষত্র থাকিলে, নক্ষত্রান্তে পারণ হইবে। কেহ কেহ বলেন, ব্রতেই যখন নক্ষত্রের অপেক্ষা নাই, তখন পারণে নক্ষত্রের অপেক্ষা কেন? তিথিঘটিত ব্রতে তিথিরই অপেক্ষা। উপবাসদিনে অষ্টমী ষষ্টিদশাঙ্কিকা হইয়া বৃদ্ধিক্রমে, পরদিনে গমন করিলেও অল্পক্ষণই থাকে, পরদিনের কৃত্য করিতে করিতেই উক্ত তিথিমল শেষ হইয়া যায়; অতএব উৎসবান্তেই পারণের বিধান হইয়াছে। এই মতে তিথি ও নক্ষত্র উভয়ের বৃদ্ধি হইলেও উৎসবান্তে বা তিথ্যন্তেই পারণ উক্ত হয়, উভয়ের অন্তে পারণ উক্ত হয় না।

শ্রবণদ্বাদশী। শ্রবণদ্বাদশী মাসকৃত্যের অন্তর্গত। মাসকৃত্য মলমাসে হয় না। অতএব শুদ্ধ ভাদ্রের শুক্রা দ্বাদশী শ্রবণানক্ষত্রযুক্তা হইলে, তাহাকে শ্রবণদ্বাদশী বলা হয়। শ্রবণদ্বাদশী উপস্থিত হইলে, এবং উহা মহাদ্বাদশীলক্ষণাক্রান্তা না হইলে, কেহ কেহ সমর্থপক্ষে একাদশী ও দ্বাদশী এই দুইটি ও অসমর্থপক্ষে একটি অর্থাৎ যোগাদর বর্ষতঃ কেবল দ্বাদশীতে উপবাসের ব্যবস্থা করিয়া থাকেন। শুদ্ধ বৈষ্ণবগণ কিন্তু তাহা স্বীকার করেন না। তাঁহারা বলেন, শ্রবণদ্বাদশীও যখন মহাদ্বাদশীলক্ষণাক্রান্তা না হইলে উপোষ্যা হয়েন না এবং মহাদ্বাদশী উপস্থিত হইলে যখন একাদশী ত্যাগ করিয়াও মহাদ্বাদশীতেই উপবাস করিতে হয়, তখন শ্রবণদ্বাদশীতেও তাহাই না হইবে কেন? দ্বাদশীতে শ্রবণানক্ষত্রের যোগ না হইয়া কেবল একাদশীতেই যদি উগর যোগ হয়, তবে একাদশীতে উপবাসী থাকিয়া দ্বাদশীতে পারণ করিতে হইবে। ঈদৃশী একাদশী শ্রবণেকাদশী বলিয়া উক্ত হয়েন। কিন্তু ঐ শ্রবণাযুক্তা একাদশীর রাত্রি প্রভৃতি কোন সময়েও যদি দ্বাদশীর সহিত শ্রবণার যোগ না হয়, তবেই উক্ত যোগদিবসকে শ্রবণেকাদশী বলা হইবে। অন্যথা ঐ যোগদিবসের উপবাসকে শ্রবণেকাদশী উপবাস না বলিয়া বিষ্ণুশৃঙ্খলযোগের উপবাস বলা

হইবে। কারণ, একাদশী, দ্বাদশী ও শ্রবণা একদিনে হইলে, ঐ যোগদিবসকে বিষ্ণুশৃঙ্খল যোগ বলা হয়। বিষ্ণুশৃঙ্খল উপস্থিত হইলে, উহার বিশেষত্ব হেতু বৈষ্ণবগণ ঐ দিবসই উপবাস করিয়া থাকেন। বিষ্ণুশৃঙ্খল যোগ দুইপ্রকার। একাদশীর সহিত শ্রবণস্পৃষ্ট দ্বাদশীর যোগ প্রথম অর্থাৎ সামান্ত এবং শ্রবণস্পৃষ্ট একাদশী ও শ্রবণস্পৃষ্ট দ্বাদশীর পরস্পর যোগে দ্বিতীয় অর্থাৎ বিশেষ বিষ্ণুশৃঙ্খল যোগ হয়। উভয়ত্রই যোগদিবসই উপোষ্য। পরদিবস মহাদ্বাদশী ঘটিলেও বিষ্ণুশৃঙ্খলযোগে যোগদিবসই উপোষ্য হইবেন। পরদিবস মহাদ্বাদশী না ঘটিলে, পূর্বদিন শ্রবণানক্ষত্রের যোগ হউক বা না হউক পূর্বদিনই উপোষ্য হইবেন। কারণ, পূর্বদিন শ্রবণার যোগে বিষ্ণুশৃঙ্খল হইলে বিষ্ণুশৃঙ্খল বলিয়া এবং বিষ্ণুশৃঙ্খল না হইলে শ্রবণৈকাদশী বলিয়া উপোষ্য হইবেন; আর পূর্বদিন শ্রবণার অযোগে মহাদ্বাদশী ব্যতিরেকে একাদশীর আত্যাভ্যন্ত বিধায় একাদশী বলিয়াই উপোষ্য হইবেন। বিষ্ণুশৃঙ্খলযোগদিবস বুধবার পাইলে, উহাকে দেবচন্দ্রভিযোগ বলা হয়। উক্ত যোগের অধিকতর মাহাত্ম্য। 'মহাদ্বাদশীস্থলে উপবাসদিনে বৃদ্ধি বশতঃ তিথি ও নক্ষত্রের পরদিবস নিক্রমণে নক্ষত্রান্তে তিথিমধ্যেই পারণ হইবে। নক্ষত্রের আধিক্যে বা সাম্যেও তিথি ত্যাজ্য হইবেন না। তিথ্যভাবে ত্রয়োদশীতেই পারণ হইবে। প্রথমবিষ্ণুশৃঙ্খলস্থলে তিথি ও নক্ষত্র উভয়ের নিক্রমণে তিথ্যাধিক্যে নক্ষত্রান্তে এবং নক্ষত্রাধিক্যে বা তৎসাম্যেও দ্বাদশশ্রুতিক্রম দোষাবহ বলিয়া তিথিমধ্যেই পারণ হইবে। তিথি ও নক্ষত্র উভয়ের রাত্রি পর্যন্ত ব্যাপ্তিতে রাত্রিপারণ নিষিদ্ধ বলিয়া দিবাভাগে যথাকালেই পারণ হইবে। দ্বিতীয়বিষ্ণুশৃঙ্খলস্থলে দ্বাদশীতে উপবাস ও ত্রয়োদশীতে পারণ হইবে। এইস্থলে দ্বাদশীর ক্ষয় হয় বলিয়াই ত্রয়োদশীতে পারণের বিধান জানিতে হইবে। শ্রবণদ্বাদশীতে উপবাসদিবসে এবং বিষ্ণুশৃঙ্খলস্থলে পারণদিবসেই বামনদেবের উৎসব হইবে। বামনব্রতে উপবাসের বিধান নাই, কেবল উৎসবই কর্তব্য। কি শ্রবণদ্বাদশী কি প্রথমবিষ্ণুশৃঙ্খল উভয়ত্রই বিদ্ধাত্যাগ কর্তব্য। দ্বিতীয়বিষ্ণুশৃঙ্খলে বিদ্ধাত্যাগ অসম্ভব। কারণ, ঐ তিথিকেও বিজয়াই বলা হয়।

কার্ত্তিককৃত্যে দ্যুতপ্রতিপৎ বা গোবর্ধন পূজা—

কার্ত্তিকমাসের শুক্লা প্রতিপদের নাম দ্যুতপ্রতিপৎ। ঐ দ্যুতপ্রতিপৎ পরবিদ্ধা ত্যাজ্য ও পূর্ববিদ্ধাই গ্রাহ্য।

রাসযাত্রা। যে দিন প্রদোষে মুহূর্ত্তের অন্যান পৌর্ণমাসী হইবে, সেই দিনই

রাসযাত্রা আরম্ভ হইবে। উত্তরদিনে প্রদোষ মুহূর্তের অন্তর্ন পূর্ণিমা হইলে পরদিন, এবং উত্তরদিন প্রদোষে মুহূর্তের অন্তর্ন পূর্ণিমা না হইলে পূর্বদিন যাত্রারম্ভ হইবে। কেহ কেহ বলেন, যে দিন রাকানাম্নী পূর্ণিমা, সেই দিনই যাত্রারম্ভ কর্তব্য। পূর্ণিমা দ্বিবিধ; অনুমতি ও রাকা। যে পূর্ণিমায় সূর্যাস্তের পূর্বে কলাহীন চন্দ্রের উদয় হয়, সেই পূর্ণিমাতে অনুমতি পূর্ণিমা বলা যায়; আর যে পূর্ণিমায় সূর্যাস্তের পর পূর্ণচন্দ্রের উদয় হয়, সেই পূর্ণিমাতে রাকা পূর্ণিমা বলা যায়। যে দিন অপরাহ্ন-ত্রিমুহূর্ত-ব্যাপিনী পূর্ণিমা হয়, সেই দিনকেই রাকা পূর্ণিমা বলা যায়। দিনমানকে পাঁচ ভাগ করিয়া তাহার চতুর্থ ভাগকে অপরাহ্ন বলা হয়। অপরাহ্নের পরিমাণ তিন মুহূর্ত বা ছয় দণ্ড। অতএব দিবা আঠার দণ্ডের পর যদি ছয় দণ্ড পূর্ণিমা থাকে তবে সেই পূর্ণিমাতে রাকা পূর্ণিমা বলা যায়; কারণ, সেই দিবসই পূর্ণচন্দ্রের উদয় হয়। কেহ কেহ বলেন, যে দিন অভিজিৎসময়ব্যাপিনী পূর্ণিমা, সেই দিনই যাত্রারম্ভ হইবে। অভিজিৎসময় বলিতে দিবসের অষ্টম মুহূর্ত বা মধ্যাহ্ন। আবার কেহ কেহ বলেন, রাসযাত্রাতেও পূর্ববিদ্ধা তিথি বর্জনীয়। বস্তুতঃ রাকা পূর্ণিমার গুণাধায়কত্বনিবন্ধন প্রথম মত এবং অমূলকত্ব বিধায় অপর দুইটি মত অনাদরনীয়।

অধিমাसे तु संप्राप्ते सूत्रा गोपीप्रियं हरिम्, सुवर्णक्षायसंयुक्तं त्रयस्त्रिंशदपूपकम्।  
दद्यात् वेदविदुषे श्रोत्रियाय कुटुम्बिने नश्रुत्यकरणे शीघ्रं पुण्यं द्वादशमासजम् ॥

মলমাস প্রাপ্ত হইলে, গোপীপ্রিয় শ্রীকৃষ্ণকে স্মরণ করিয়া সুবর্ণ ও ঘৃতসংযুক্ত ত্রয়স্ত্রিংশটি পিষ্টক বেদজ্ঞ কুটুম্বিত ব্রাহ্মণকে প্রদান করিবেন। এইরূপ না করিলে, দ্বাদশমাসজনিত পুণ্য ক্ষয় হইয়া যায়।

### প্রকাশানন্দের সহিত মিলন।

প্রভু এইবার দুইমাস পর্যন্ত কাশীধামে থাকিয়া সনাতনগোস্বামীকে শিক্ষা প্রদান করিলেন। চন্দ্রশেখরের সঙ্গী পরমানন্দ নামে একজন কীর্তনীয়া ছিলেন। তিনি প্রতিদিন প্রভুকে কীর্তন শুনাইতেন। প্রভু সনাতনগোস্বামীকে শিক্ষাপ্রদান ও পরমানন্দের কীর্তন শ্রবণ করিয়াই কালযাপন করিতেন, সন্ন্যাসীদিগের সহিত মিলিতেন না। সন্ন্যাসীরা প্রভুর নানাপ্রকার নিন্দা

করিতেন। তাঁহারা বলিতেন, সন্ন্যাসী হইয়া ভাবকের স্থায় নৃত্যগীত করে, বেদান্তপাঠ করে না, মূৰ্খ সন্ন্যাসী নিজধর্ম জানে না, কীর্তন করিয়া বেড়ায়। প্রভু শুনিতেন, শুনিয়া হাসিতেন, কিছুই উত্তর করিতেন না। চন্দ্রশেখর, তপন-মিশ্র ও মহারাষ্ট্রীয় বিপ্র কিছু অতিশয় দুঃখবোধ করিতেন। তাঁহাদের মনের দুঃখ মনেই থাকিত, প্রভুকে কোন কথাই বলিতে সাহস হইত না। শেষে একদিন মহারাষ্ট্রীয় বিপ্র মনে মনে ভাবিলেন, প্রভুর স্বভাব 'এইরূপ যে তাঁহাকে যে দেখে, সেই ঈশ্বর বলিয়া মানে। আমি যদি কোনপ্রকারে সন্ন্যাসীদিগের সহিত প্রভুর মিলন ঘটাইতে পারি, তবেই সন্ন্যাসীরা প্রভুর ভক্ত হয়, এবং তাহু হইলেই আগারও মনের দুঃখের অবসান হয়। এইপ্রকার ভাবিয়া তিনি সন্ন্যাসীদিগকে নিমন্ত্রণ করিয়া প্রভুকেও নিমন্ত্রণ করিবার নিমিত্ত গমন করিলেন। এদিকে তপন মিশ্র ও চন্দ্রশেখর প্রভুর নিকট যাইয়া বলিতে লাগিলেন,—“প্রভো, আপনি সন্ন্যাসীদিগকে উপেক্ষা করিতেছেন, আমরা কিন্তু আপনার নিন্দা সহ্য করিতে পারিতেছি না। হয় আপনি সন্ন্যাসীদিগকে রূপা করুন, না হয় আমরা জীবন তাগ করি।” প্রভু শুনিয়া পূর্ববৎ ঈষৎ হাসিলেন, কোন কথাই বলিলেন না। এই সময়েই মহারাষ্ট্রীয় বিপ্র আসিয়া প্রভুর চরণে ধরিয়া বলিলেন, “প্রভো, আমার একটি প্রার্থনা আছে, প্রসন্ন হইয়া তাহা পূরণ করিতে হইবে। আমি সন্ন্যাসীদিগকে নিমন্ত্রণ করিয়াছি। আপনি সন্ন্যাসীদিগের সহিত মিলেন না জানি, তথাপি আপনাকে লইয়া যাইতে ইচ্ছা করি।” প্রভু হাসিয়া মহারাষ্ট্রীয় বিপ্রের নিমন্ত্রণ অঙ্গীকার করিলেন। সন্ন্যাসীদিগকে রূপা করিবেন বলিয়াই প্রভু এই নিমন্ত্রণ-ঘটনা ঘটাইলেন।

প্রভু নির্দিষ্ট দিবসে যথাসময়ে মহারাষ্ট্রীয় বিপ্রের ভবনে গমন করিলেন। যাইয়া দেখিলেন, সন্ন্যাসিগণ বসিয়া আছেন। প্রভু তাঁহাদিগকে নমস্কার করিয়া পাদপ্রক্ষালনস্থানে যাইয়া পাদপ্রক্ষালনপূর্বক ঐ স্থানেই উপবেশন করিলেন। প্রভু উপবিষ্ট হইয়া এক অপূৰ্ণ শক্তির আবিষ্কার করিলেন। ঐ শক্তিতে আকৃষ্ট হইয়া সন্ন্যাসিগণ আসন ছাড়িয়া উঠিলেন। সন্ন্যাসিগণের প্রধান প্রকাশানন্দ সরস্বতী প্রভুর নিকট আগমনপূর্বক প্রভুকে সম্মান করিয়া বলিলেন, “শ্রীপাদ, সত্ৰামধ্যে আগমন করুন; আমরা সকলে যে স্থানে বসিয়াছি, আপনিও সেই স্থানেই উপবেশন করুন; এই অপবিত্র পাদপ্রক্ষালন-স্থান আপনার উপবেশনের যোগ্য নহে।” প্রভু বলিলেন, “আমি হীনসম্প্রদায়, আপনাদিগের সহিত একাসনে উপবেশনের অযোগ্য।” প্রভুর বিনয়মধুর

বাক্যে মোহিত হইয়া, প্রকাশানন্দ তাঁহার হস্তধারণপূর্বক সতামধ্যে লইয়া বসাইলেন। পরে বলিলেন, “আমি শুনিয়াছি, তুমি কেশব ভারতীর শিষ্য, তোমার নাম শ্রীকৃষ্ণচৈতন্য, তুমি সম্প্রদায়ী সন্ন্যাসী, এইখানেই রহিয়াছ, অথচ আমাদিগের সহিত দেখা সাক্ষাৎ কর না কেন? তুমি সন্ন্যাসী, বেদান্ত-পঠনই সন্ন্যাসীর ধর্ম, তুমি সেই ধর্ম ছাড়িয়া কতকগুলি ভাবক লইয়া সঙ্কীর্ণন করিয়া বেড়াও, ইহারই বা কারণ কি? তোমার প্রভাব নারায়ণের তুল্য দেখিতেছি, তুমি কেন হীনাচার কর?” প্রভু বিনয়নম্রবচনে উত্তর করিলেন, “আমি মূর্খ, মূর্খ বলিয়া গুরু আমাকে এইরূপই আদেশ করিয়াছেন; আমি গুরুর আদেশেই এইরূপ আচরণ করিয়া থাকি।”

প্রভু কহে শ্রীপাদ শুন ইহার কারণ ।  
 গুরু মোরে মূর্খ দেখি করিলা শাসন ॥  
 মূর্খ তুমি তোমার নাহি বেদান্তাধিকার ।  
 কৃষ্ণমন্ত্র জপ সদা এই মন্ত্র সার ॥  
 কৃষ্ণনাম হৈতে হবে সংসারমোচন ।  
 কৃষ্ণনাম হৈতে পাবে কৃষ্ণের চরণ ॥  
 নাম বিনু কলিকালে নাহি আর ধর্ম ।  
 সর্বমন্ত্রসার নাম এই শাস্ত্রমর্ম ॥”

“গুরুর আদেশে আমি অনুরূপ কৃষ্ণনামই গ্রহণ করি। নাম লইতে লইতে মন ভ্রান্ত হইয়া গেল। ধৈর্যধারণ করিতে পারিলাম না,—উন্মত্ত হইলাম। উন্মত্ত হইয়া কখন নাচি, কখন কাঁদি, কখন হাসি। কৃষ্ণনামে উন্মত্ত হইলাম, জ্ঞানাচ্ছন্ন হইল। এই অবস্থায় একদিন মনে করিলাম, গুরুকে জিজ্ঞাসা করি, আমার এ কি দশা ঘটিল? জিজ্ঞাসাও করিলাম। গুরু বলিলেন,—‘কৃষ্ণনামরূপ মহামন্ত্রের স্বভাবেই তোমাকে উন্মত্ত করিয়াছে’।

“কৃষ্ণনাম মহামন্ত্রের এই ত স্বভাব ।  
 যেই জপে তার কৃষ্ণে উপজয়ে ভাব ॥  
 কৃষ্ণবিষয়ক প্রেম্য পরমপুরুষার্থ ।  
 যার আগে তৃণতুল্য চারি পুরুষার্থ ॥  
 পঞ্চম পুরুষার্থ প্রেমানন্দামৃতসিদ্ধ ।  
 মোক্ষাদি আনন্দ যার নহে এক বিন্দু ॥

কৃষ্ণনামের ফল প্রেমা সর্বশান্ত্রে কয় ।  
 ভাগ্যে সেই প্রেম তোমার করিল উদয় ॥  
 প্রেমার স্বভাব করে চিত্ত-তনু-কোভ ।  
 কৃষ্ণের চরণপ্রাপ্তে উপজয় লোভ ॥  
 প্রেমার স্বভাবে ভক্ত হাসে কান্দে গায় ।  
 উন্মত্ত হইয়া নাচে ইতি উতি ধায় ॥  
 শ্বেদ-কল্প-রোমাঞ্চাশ্র-গদগদ-বৈবর্ণ্য ।  
 উন্মাদ-বিষাদ-ধৈর্য-গর্ভ-হর্ষ-দৈন্ত ॥  
 এত ভাবে প্রেমা ভক্তগণেরে নাচায় ।  
 কৃষ্ণের আনন্দামৃতসাগরে ভাসায় ॥  
 ভাল হৈল পাইলে তুমি পুরমপুরুষার্থ ।  
 তোমার প্রেমেতে আমি হৈলাম কৃতার্থ ॥  
 নাচ গাও ভক্ত সঙ্গে কর সঙ্কীৰ্ত্তন ।  
 কৃষ্ণনাম উপদেশি তার ত্রিভুবন ॥”

### শ্রুতির মুখ্যার্থ

প্রভুর উক্ত বিনয়মধুর বাক্যগুলি শ্রবণ করিয়া সন্ন্যাসিগণের চিত্ত আর্দ্র হইল, মন ফিরিয়া গেল । প্রকাশানন্দ বলিলেন, “তুমি যাহা বলিলে, সকলই সত্য ; যাহার ভাগ্যোদয় হয়, সেই কৃষ্ণপ্রেম লাভ করিয়া থাকে । তুমি কৃষ্ণে ভক্তি কর, তাহাতে আমরাও অসম্বষ্ট নহি । কিন্তু তুমি যে বেদান্ত শ্রবণ কর না, ইহার কারণ কি ? বেদান্তশ্রবণে দোষ কি ?” প্রভু হাসিয়া বলিলেন, “আপনারা যদি ছুঃখ না ভাবেন, তবেই আমি কিছু নিবেদন করিতে পারি ।” প্রকাশানন্দ বলিলেন, “তোমার প্রভাব নারায়ণের সদৃশ, বাক্যগুলি অমৃততুল্য শ্রবণসুখকর এবং রূপ নয়নমনোহর । তোমার কথায় আমাদের কোনরূপ ছুঃখোদয়ের সম্ভাবনা নাই । তোমার যাহা মনে লয়, তাহাই বলিতে পারি ।”

প্রভু বলিতে লাগিলেন,—

মনুষ্যমাত্রই ভ্রমাদি-দোষ-চতুষ্টয়-দৃষ্ট । এমন মনুষ্যই দেখা যায় না, যাহার  
 ভ্রম, প্রমাদ, বিপ্রলিপ্সা ও করণাপটব এই চারিটি দোষের মধ্যে কোন  
 একটি দোষও নাই । মনুষ্যের পদে পদেই ভ্রম প্রমাদ দেখা যায় । আবার

মহুশ্ব স্বার্থের দাস বলিয়া তাঁহার বিপ্রলিপ্সা বা বঞ্চেচ্ছাও অবশ্যস্তাবিনী। তার পর, তাঁহার ইন্দ্রিয় সকলের অপটুত্বরূপ করণাপাটবও দৃষ্ট হইয়া থাকে। সুতরাং তাদৃশ দোষগ্রস্ত মহুশ্বের প্রত্যক্ষাদি প্রমাণসকল অলৌকিক ও অচিন্ত্যস্বভাব ব্রহ্মবস্তুর স্পর্শ করিতে না পারিয়া সদোষই হইতেছে।

মহুশ্বের ভ্রনাদি-দোষ-যোগ-হেতু তদীয় প্রত্যক্ষাদি পরমার্থে প্রমাণ না হইলেও পরব্রহ্মের প্রমাণ নাই এমন নয়। জিজ্ঞাসিত পরব্রহ্ম সর্বাভীত, সর্বাশ্রয়, সর্বাচিন্ত্য ও আশ্চর্য্যস্বভাব বস্তু। তাঁহার প্রমাণও তাদৃশই হওয়া উচিত। সর্বপুরুষপরম্পরায় লৌকিক ও অলৌকিক সর্ববিধ জ্ঞানের নিদান বলিয়া যাহাকে অপ্রাকৃত বাক্য বলা যায়, সেই স্বতঃপ্রমাণ বেদই একমাত্র স্বপ্রকাশ-পরমব্রহ্ম-বিষয়ে, প্রমাণ।

স্বয়ং নারায়ণও বেদব্যাসরূপে এইপ্রকার অভিমতই প্রকাশ করিয়াছেন—

“তর্কাপ্রতিষ্ঠানাদপ্যনুখানুমেষমিতি চেদেবমপ্যানিশ্চোক্ষপ্রসঙ্গঃ।” ব্রহ্মসূ. ২।১।১১

তর্কের প্রতিষ্ঠা নাই বলিয়াও তর্কমূলক ব্রহ্মকারণবাদের পরিবর্তে বেদমূলক ব্রহ্মকারণবাদই আশ্রয় করা উচিত। যদি কেহ বলেন, যে রূপ তর্কের অপ্রতিষ্ঠা না হয়, সেইরূপ তর্কই আশ্রয় করা হউক; তাহা হইলেও, তর্কের অপ্রতিষ্ঠারূপ দোষের হস্ত হইতে নিষ্কৃতি পাওয়া যায় না; কারণ, প্রতিষ্ঠিত তর্কের স্থিরীকরণও তর্কসাপেক্ষ।

“অচিন্ত্যাঃ খলু যে ভাবা ন তাংস্তর্কেণ যোজয়েৎ।

প্রকৃতিভ্যঃ পরং যচ্চ তদচিন্ত্যস্ত লক্ষণম্ ॥” মহাত্মা।

অচিন্ত্য বিষয়সকলে তর্ক প্রয়োগ করা উচিত নয়। যাহা প্রকৃতির অতীত, তাহাই অচিন্ত্য।

“শাস্ত্রযোনিহ্মাৎ।” ব্রহ্মসূ. ১।১।১৩

শাস্ত্রই পরব্রহ্মের প্রমাণ, অতএব যুমুকু ব্যক্তিসকল শাস্ত্র ত্যাগ করিয়া কেবল অনুমান দ্বারা পরমেশ্বরকে বিদিত হইতে ইচ্ছা করিবেন না।

“শ্রুতেস্ত্ব শব্দমূলহ্মাৎ।” ব্রহ্মসূ. ২।১।২৭

অচিন্ত্যবিষয়ে শ্রুতিই প্রমাণ, অতএব তদ্বিষয়ে অসামঞ্জস্যের আশঙ্কা করা অনুচিত।

“পিতৃদেবমহুশ্বাণাং বেদশ্চকুস্তবেশ্বর।

শ্রেয়স্বনুপলক্ষেহর্থে সাধ্যসাধনয়োরপি ॥” ভা. ১১।

হে ভগবন্, তোমার বাক্যরূপ বেদই স্বর্গ ও মোক্ষাদি অপ্রত্যক্ষ বিষয়ে এবং সাধ্যবিষয়ে ও সাধনবিষয়ে পিতৃপুরুষদিগের, দেবতাদিগের ও মনুষ্যদিগের শ্রেষ্ঠ চক্ষু অর্থাৎ প্রমাণ। তাঁহারা উক্ত চক্ষুর সাহায্যে সাধন দ্বারা সাধ্য বস্তু প্রত্যক্ষ করিয়া উক্ত প্রমাণকে সার্থক করিয়াছেন।

সর্বপ্রমাণমুকুটমণি বেদের ত্রিবিধ প্রস্থান; শ্রুতিপ্রস্থান, স্মৃতিপ্রস্থান ও স্মৃতিপ্রস্থান। মন্ত্র ও ব্রাহ্মণ সকল শ্রুতিপ্রস্থান। মীমাংসা যুগলের নাম স্মৃতিপ্রস্থান। আর ইতিহাস ও পুরাণ সকলই স্মৃতিপ্রস্থান। শ্রুতিপ্রস্থানে কর্ম ও ব্রহ্ম উক্ত হইয়াছেন। স্মৃতিপ্রস্থানে কর্ম ও ব্রহ্ম বিচারিত হইয়াছেন। আর স্মৃতিপ্রস্থানে শ্রুতিপ্রস্থান ও স্মৃতিপ্রস্থানের অর্থ অবধারিত হইয়াছেন। অতএব শ্রুতিপ্রস্থান, স্মৃতিপ্রস্থান ও স্মৃতিপ্রস্থান তিনটিই একার্থপ্রতিপাদক। শ্রুতির ও স্মৃতির মুখ্যার্থই গ্রাহ। স্মৃতিতে তদুভয়ের মুখ্যার্থই প্রতিপাদিত হইয়াছে। শঙ্করাচার্যের ভাষ্যে শ্রুতির ও স্মৃতির মুখ্যার্থ ত্যাগ করিয়া গৌণার্থই প্রতিপাদিত হইয়াছে। তদ্বিষয়ে আচার্যেরও কোন দোষ দেখা যায় না। আচার্য ঈশ্বরের আজ্ঞানুবর্তী হইয়াই শ্রুতির ও স্মৃতির মুখ্যার্থ ত্যাগ করিয়া গৌণার্থ কল্পনা করিয়াছেন। বহির্মুখ অমুরদিগের বুদ্ধিমোহনার্থই পরমেশ্বর আচার্যকে গৌণার্থকল্পনের আজ্ঞা করিয়াছিলেন, এবং তদনুসারেই আচার্য গৌণার্থ কল্পনা করিয়া মায়াবাদভাষ্য রচনা করিয়াছিলেন। তদ্বারা বহির্মুখ অমুরদিগের বৈদিক সম্প্রদায় হইতে বহিষ্করণরূপ উদ্দেশ্যের সিদ্ধি হইলেও, মায়াবাদভাষ্যের শ্রবণে অন্তর্মুখ জনগণের সর্বনাশ অনিবার্য।

ব্রহ্মশব্দের মুখ্যার্থ দ্বারা অসমোঙ্ক-চিদ্বেদ-পরিপূর্ণ শ্রীভগবানই বোধিত হইলেন। অসমোঙ্ক-চিদ্ভূতি-বিশিষ্ট শ্রীভগবানের দেহও চিন্ময়। পুরুষস্বত্ত্বমন্ত্রে যে ত্রিপাদিভূতি উক্ত হইয়াছে, তাহাই শ্রীভগবানের চিদ্ভূতি। শ্রুতিতে শ্রীভগবানের চিদ্ভূতির স্মৃতি-চিদ্ভূতিও উক্ত হইয়াছেন। ঐ সকল শ্রুতির মুখ্যার্থ ত্যাগপূর্বক গৌণার্থ কল্পনা করিয়া তদ্বারা শ্রীভগবানের চিদ্ভূতি ও চিদ্ভূতি অস্বীকার করা কি সাহসের কাণ্ড হয় নাই? যাহা ভিন্নদেশীয় ও ভিন্নকালীয় ভক্তগণ আবহমানকাল ভক্তিভাবিত হৃদয়ে অভিন্নভাবে অনুভব করিয়া আসিতেছেন, তাহা লৌকিক প্রত্যক্ষের অবিষয় বলিয়া কি অস্বীকার করা যুক্তিসঙ্গত হইতে পারে? দিবাক্ষ পেচক সূর্যকে দর্শন করে না বলিয়া সূর্যের অস্তিত্ব কি অস্বীকৃত হইবে? সাধারণ মনুষ্যসকল ভুবলোক, স্বলোক, মহলোক, জনলোক, তপোলোক ও সত্যলোক এবং তত্তলোকবাসী পিতৃদেবাদি



দর্শন করেন না বলিয়া কি ঐ সকল অস্বীকৃত হইয়া থাকে? ঐ সকল যদি অস্বীকৃত না হয়, তবে ভক্তিমাত্রবেদ্য নিত্যলোক সকল, নিত্য পরিকরসকল, নিত্য বিগ্রহ ও নিত্যলীলা সকলই বা অস্বীকৃত হইবেন কেন? শ্রীভগবানের ধাম, পরিকর ও বিগ্রহাদি প্রাকৃত বলিয়া মনে করা বা প্রচার করা অপরাধের মধ্যেই গণ্য। অসুরসকলই শ্রীভগবানের শ্রীবিগ্রহাদি প্রাকৃত বলিয়া মনে করে ও প্রচার করে।

শক্তিতত্ত্বরূপ জীবকে শক্তিমদীশ্বরের সহিত অভেদ জ্ঞান করা, পরিণামবাদে দোষারোপ পূর্বক বিবর্তবাদ স্থাপনের চেষ্টা করা, প্রণবের মহাবাক্য আচ্ছাদনপূর্বক তত্ত্বমশ্রুতি প্রাদেশিক বাক্য সকলের মহাবাক্য প্রচার করা, জ্ঞানবিশেষরূপা ভক্তির প্রাধান্য অস্বীকারপূর্বক জ্ঞানসামান্তের প্রাধান্য স্থাপন করা ও প্রেমরূপ পরমপুরুষার্থের উল্লেখ না করিয়া মোক্ষরূপ পুরুষার্থের উৎকর্ষ বর্ণন করা কি দোষাবহ নহে? এই সকল দূষিত মতের সংস্থাপন করিতে যাইয়াই আচার্য্য মায়াবাদী হইয়াছেন। সংসারকে মায়াময়—মিথ্যা না বলিলে, এই সকল মত সংস্থাপন করা যায় না। যায় না বলিয়াই আচার্য্য প্রত্যক্ষ 'পরিদৃশ্যমান সংসারের অপলাপ করিতেও কুষ্ঠিত হইবেন নাই। বস্তুতঃ বিশ্ব কি কাল্পনিক? জীবই কি ব্রহ্ম? ঐ ব্রহ্ম কি নিগুণ? তাদৃশ-ব্রহ্ম-ভাবাপত্তিই কি জীবের পুরুষার্থ? জ্ঞানই কি ঐ পুরুষার্থের সাধন?—না, তাহা কখনই হইতে পারে না। এই প্রতিক্রম অল্পভূয়মান বিশ্বসংসারকে স্বপ্নবৎ, ইন্দ্রজালবৎ, রজ্জুসর্পবৎ, শুক্লিরজতবৎ ও মরুমরীচিকাবৎ মিথ্যা বলিয়া—অবস্তুরূপে ধারণা করিব কিরূপে? স্রষ্টি যাহার স্রষ্টি, স্থিতি ও প্রলয় নির্দেশ করিতেছেন, সূত্র যাহার স্রষ্টি, স্থিতি ও প্রলয় বিচার করিতেছেন, ইতিহাসপুরাণ যাহার স্রষ্টি, স্থিতি ও প্রলয় বর্ণনা করিতেছেন, তাহাকে কি কখন মিথ্যা বা অবস্তুরূপে বলা যাইতে পারে? যাহা বস্তুতঃ অসৎ, যাহা নাই, তাহার আবার স্রষ্টিই বা কি, স্থিতিই বা কি, প্রলয়ই বা কি? সত্যস্বরূপ ব্রহ্ম যাহার নিমিত্ত ও উপাদান, সেই বিশ্বসংসার কখনই অলীক হইতে পারে না। এই ব্রহ্ম বিশ্বের নিমিত্ত ও উপাদান উভয়ই। একই ব্রহ্মের নিমিত্তোপাদানত্ব অসম্ভব নহে। ব্রহ্মের বিচিত্র-শক্তিযোগ-হেতু উভয়রূপত্বই সম্ভব হয়। ব্রহ্ম অপরিণামিনী স্বরূপশক্তি দ্বারা বিশ্বের নিমিত্তকারণ এবং পরিণামিনী মায়াশক্তি দ্বারা বিশ্বের উপাদান-কারণ হইবেন। অপরিণামি-ব্রহ্মবস্তুর নিমিত্তকারণত্ব সম্ভব হইলেও উপাদান-কারণত্ব অসম্ভব; কারণ, উপাদানকারণ পরিণামী, একরূপও বলা যায় না;

ব্রহ্মের উপাদানত্ব বিশেষভূত ব্রহ্মে বাধিত হইলেও, শক্তিমদ্ব্রহ্মের শক্তিতে পর্য্যবসিত হইয়া, অবাধিতই হইতেছে, অর্থাৎ ব্রহ্মবস্তু অপরিণামি হইলেও, শক্তিমদ্ব্রহ্মের বিশেষণীভূতা শক্তির পরিণামে তুদত্তিন্ন ব্রহ্মের পরিণাম সিদ্ধ হওয়ার, উপাদানত্ব সিদ্ধ হইতেছে। ব্রহ্মের যুগপৎ কার্য্যাকারে পরিণাম এবং অপরিণতস্বরূপে অবস্থান আপাততঃ বিরুদ্ধ বোধ হইলেও, অচিন্ত্যশক্তি-যোগ হেতু মায়াশক্তি দ্বারা কার্য্যাকারে পরিণাম ও স্বরূপশক্তি দ্বারা অপরিণত-স্বরূপে অবস্থান সঙ্গতই হইতেছে। জগৎ ব্রহ্মের শক্তিবিশেষ। একদেশস্থিত অগ্নির প্রসারিণী জ্যোৎস্নার ন্যায় কুটস্থ ব্রহ্মের—কেন্দ্রস্থানীয় ব্রহ্মের বৃত্ত-স্থানীয় প্রসারিণী শক্তিই জগৎ। ব্রহ্ম সত্য, ব্রহ্মশক্তি সত্য, ব্রহ্মশক্তিপরিণাম-ভূত জগৎও সত্য। ব্রহ্মশক্তিপরিণামভূত জগৎ কখনই মিথ্যা হইতে পারে না।

মায়াবাদী বলেন, জীবই ব্রহ্ম। ব্রহ্মের মায়ানামী একটি অনাদি অনির্বচনীয় মোহিনী শক্তি আছে। ঐ শক্তির দুইটি বৃত্তি; আবরণ বৃত্তি ও বিক্ষেপ বৃত্তি। আবরণবৃত্তি দ্বারা আবৃত হইয়া জীব আপনাকে ব্রহ্ম হইতে ভিন্ন মনে করেন এবং বিক্ষেপবৃত্তি দ্বারা বিক্ষিপ্ত হইয়া এই বিশ্বভ্রম দর্শন করেন। জীবের এই বিশ্বভ্রম মায়াই অঘটনঘটন। ঐ জীবও অপর কেহ নহেন, ব্রহ্মই। ব্রহ্ম ভিন্ন অপর বস্তুই যখন নাট, তখন জীব ব্রহ্মই, অপর হইতে পারেন না। ব্রহ্মই নিজ মায়া দ্বারা মোহিত হইয়া জীব হয়েন। একই ব্রহ্ম সমষ্টি মায়া দ্বারা মোহিত হইয়া ঐন্দ্রজালিকস্থানীয় ঈশ্বর হয়েন এবং ব্যষ্টি মায়া দ্বারা মোহিত হইয়া ঐন্দ্রজালমুগ্ধস্থানীয় জীব হয়েন। ব্রহ্মই ঈশ্বর হইয়া সৃষ্টি, স্থিতি, প্রলয় ও জীবের বন্ধমোক্শের ব্যবস্থা করেন এবং জীব হইয়া সৃষ্টাদি ও বন্ধমোক্শ অনুভব করেন। বন্ধজীবের দৃষ্টিতে মায়া ও তৎকার্য্য বাস্তবিক। যুক্তিদৃষ্টিতে উহা অনির্বাচ্য, অর্থাৎ স্পষ্ট প্রতীয়মান বলিয়া নাই বলা যায় না এবং নিত্য বাধিত বলিয়া আছেও বলা যায় না। শাস্ত্রদৃষ্টিতে উহা তুচ্ছ—অলীক। অতএব ব্রহ্মের জীবভাব ও ঈশ্বরভাব উভয়ই মিথ্যা। বিশ্ব, বিশ্বের সৃষ্টাদি, জীবের বন্ধমোক্শ, পুরুষার্থ ও তৎসাধনাদি সমস্তই মিথ্যা। এইরূপে সমস্ত মিথ্যা হইলেও, মায়াবাদ শূন্যবাদ নহে; কারণ, এক নিত্য-শুদ্ধ-বুদ্ধ-মুক্তস্বরূপ ব্রহ্ম আছে। ঐ ব্রহ্ম সত্তামাত্র, নিঃশব্দ ও নির্বিশেষ।

মায়াবাদীর এই যে মত, ইহা প্রচ্ছন্ন বৌদ্ধমতই। বৌদ্ধ বলেন, বিশ্ব অসৎ। মায়াবাদী বলেন, মায়া ও তৎকার্য্য সমস্তই মিথ্যা। বৌদ্ধ শূন্য হইতে সৃষ্টাদি

কল্পনা করেন। মায়াবাদী সত্তামাত্র ব্রহ্ম হইতে সৃষ্টাদি কল্পনা করেন। স্ম-  
বিচারে সত্তামাত্র ব্রহ্মেরও শূন্যতাই দেখা যায়। অতএব বৌদ্ধবাদ ও মায়াবাদ  
একই হইতেছে।

### মায়াবাদ খণ্ডন।

অতঃপর ঐ মায়াবাদ কতদূর বিচারসহ, তাহাই দেখা যাউক। মায়াবাদী  
বলেন,—সত্তামাত্র ব্রহ্মের মায়াকৃত আবরণ অসম্ভব। অসম্ভব হইলেও মেঘ দ্বারা  
আদিত্যমণ্ডলের আবরণের ন্যায় মায়া দ্বারা ব্রহ্মের আবরণ আবৃতদৃষ্টি-দর্শকের  
সম্মুখে অনুভূত হইয়া থাকে। যেমন মেঘাচ্ছন্নদৃষ্টি-পুরুষ সূর্য্যকে মেঘাচ্ছন্ন বোধ  
করেন, তেমনি মায়াবৃত্ত জীব ব্রহ্মকে মায়াবৃত্ত বোধ করিয়া থাকেন। এই বোধ  
জন্মিলেই জীবের প্রকৃত আত্মবোধ অপসৃত হইয়া যায়। আত্মবোধ অপসৃত  
হইলেই অনাত্মাতে আত্মার বোধ হইতে থাকে। এই বোধ ভ্রমাত্মকই। ইহার  
অপর নাম অধ্যাস। এই অধ্যাস অনাদি। বীজাকুরের ন্যায় পূর্ব পূর্ব অধ্যাস  
হইতে পর পর অধ্যাস উৎপন্ন হইয়া থাকে। উক্ত অধ্যাসবশতঃ দেহাদির  
ইষ্টানিষ্টকে আত্মার ইষ্টানিষ্ট বোধ করায় জীবের কর্মপ্রবৃত্তি ও তজ্জন্ম ফলভোগ  
সিদ্ধ হয়। এই ভোগের পরিহারার্থ আত্মতত্ত্বজ্ঞানের প্রয়োজন হইয়া থাকে।  
আত্মতত্ত্বের উপদেশার্থই শাস্ত্রের প্রবৃত্তি। শাস্ত্র স্বরূপতঃ বাধিত হইলেও  
ব্যবহারদণ্ডাতে উহার বাধা নাই। মোক্ষের পূর্ব পর্য্যন্ত শাস্ত্র ও তদনুগত  
ব্যবহারের কোন বাধা হইতে পারে না।

তন্মতে সংসার অধ্যাস্ত। সংসার অধ্যাস্ত হইলে, উক্ত অধ্যাসের অধিষ্ঠান  
দেখাইতে হয়। শুক্লরজতস্থলে শুক্লরূপ অধিষ্ঠানেই রজতের অধ্যাস হইয়া  
থাকে। বিবর্তবাদীর সংসারের অধিষ্ঠান কিন্তু অন্বেষণ করিয়া পাওয়া যায় না।  
যদি বলেন, আত্মাতে অনাত্মার অধ্যাস যখন বলা হইয়াছে, তখন আর অধ্যাসের  
অধিষ্ঠান অন্বেষণ করিতে হইবে কেন? বেশ কথা, আত্মাই সংসারাদ্যাসের  
অধিষ্ঠান। আত্মা ত ব্রহ্মই, অতএব ব্রহ্মই অধ্যাসের অধিষ্ঠান। স্বয়ং ব্রহ্ম  
যদি অধ্যাসের অধিষ্ঠান হইলেন, তবে তিনি কি নিজমায়ায় মুগ্ধ হইলেন  
না?—অবশ্যই হইলেন। যাহাতে ভ্রম থাকে, তিনিই ভ্রাস্ত হ'য়েন। ঐন্দ্র-  
জালিক ব্রহ্ম নিজের ইন্দ্রজালে নিজেই মুগ্ধ হইলেন। বস্তুতঃ ঐন্দ্রজালিক কিন্তু  
নিজের ইন্দ্রজালে নিজেই মুগ্ধ হইলেন না, অপরকেই মুগ্ধ করিয়া থাকেন। দাষ্টা-

-স্তিক স্থলে ব্রহ্ম ভিন্ন আর কেহই নাই। অতএব ব্রহ্ম অপর কাহাকেও না পাইয়া নিজের ইচ্ছাজালে নিজেই মুগ্ধ হইলেন। আবার যে অধিষ্ঠানে অল্প কিছু অধ্যাস হয়, অধ্যাসের কালে সেই অধিষ্ঠানের সামান্য জ্ঞান থাকিয়া বিশেষ জ্ঞান না থাকার প্রয়োজন হয়। 'শুক্তি আছে' এই প্রকার সামান্যতঃ শুক্তির জ্ঞান থাকিয়া, যে সকল বিশেষ জ্ঞান থাকিলে, শুক্তিকে শুক্তি বলিয়া জানা যায়, সেই সকল বিশেষ জ্ঞান না থাকিলেই, শুক্তিকে রজত বলিয়া ভ্রম হইতে পারে, অন্তথা পারে না। তদ্রূপ সংসারের ভ্রমে 'ব্রহ্ম আছেন' এই প্রকার সামান্যতঃ ব্রহ্মের জ্ঞান থাকিয়া, যে সকল বিশেষ জ্ঞান থাকিলে, ব্রহ্মকে ব্রহ্ম বলিয়া জানা যায়, সেই সকল বিশেষ জ্ঞান না থাকিলেই, ব্রহ্মকে জগৎ বলিয়া ভ্রম হইতে পারে, অন্তথা পারে না। বিবর্তবাদী কি ব্রহ্মের এই প্রকার সামান্যতঃ স্বরূপজ্ঞান ও বিশেষতঃ স্বরূপধর্মের জ্ঞান স্বীকার করিবেন? নির্বিশেষ বস্তুর বিশেষজ্ঞান অসম্ভব। ব্রহ্মের বিশেষ জ্ঞান অসম্ভব বলিয়া অধিষ্ঠানও সম্ভব হয় না। পূর্ব পূর্ব জ্ঞান দ্বারা কল্পিত ব্রহ্ম উত্তরোত্তর অজ্ঞানের অধিষ্ঠান হইলে, স্বয়ং ব্রহ্মই কল্পিত হইয়া পড়েন। বিশেষতঃ শুক্তিরজতস্থলে সত্য রজতই শুক্তিতে আরোপিত হইতে দেখা যায়, অসত্য রজত আরোপিত হয় না, হইতেও পারে না। অধ্যাস সংস্কারকেই অপেক্ষা করে, সংস্কারের বিষয়কে অপেক্ষা করে না; অতএব সংস্কারের বিষয়টি সত্য হউক বা মিথ্যা হউক তাহাতে কিছু আসে যায় না; উত্তর দিক্কে পূর্বদিক্ বলিয়া সংস্কার হইলে যখন তখন উত্তর দিক্কে পূর্বদিক্ বলিয়া বোধ হইয়া থাকে, ঐ বোধে পূর্বদিকের সত্যত্ব অপেক্ষিত হয় না—এরূপও বলা যায় না; কারণ, মূলে পূর্বদিকের সত্যত্ববোধ না থাকিলে, কখনই উত্তরদিক্কে পূর্বদিক্ বলিয়া বোধ হইতে পারে না। এই সকল কারণে সংসারের ব্যবহারিকী সত্তা স্বীকারেও অভীষ্ট সিদ্ধ হয় না; কারণ যে ব্যবহারের সিদ্ধির নিমিত্ত সংসারের ব্যবহারিকী সত্তা স্বীকার করা হইতেছে, অসত্য সংসার দ্বারা কি সেই ব্যবহার সিদ্ধ হইতে পারে? মিথ্যা রজত কল্পনা করিয়া কি কখন শুক্তিতে রজতভ্রম আনয়ন করা যায়? কেবল ব্যবহার-সিদ্ধির নিমিত্ত অনাদি ভ্রম স্বীকার করিয়া লইলেও, অন্ধপরম্পরাত্মায়ে অনবস্থাদোষের দুর্বারত্ব নিবন্ধন, তদ্বারা অভীষ্ট সিদ্ধ হয় না। এক ব্যক্তি একধণ্ড পিত্তল লইয়া অপর এক ব্যক্তির হস্তে দিয়া বলিলেন, "ইহা সুবর্ণ।" দ্বিতীয় ব্যক্তি উহা লইয়া প্রথম ব্যক্তিকে জিজ্ঞাসা করিলেন, "ইহা সুবর্ণ কে বলিল?" প্রথম ব্যক্তি উত্তর

করিলেন, “অমুক অন্ধ বলিয়াছে ইহা সুবর্ণ।” দ্বিতীয় ব্যক্তি পুনশ্চ জিজ্ঞাসা করিলেন, “সেই অন্ধকে ইহা সুবর্ণ কে বলিল?” প্রথম ব্যক্তি বলিলেন, “আর এক অন্ধ।” এইরূপ প্রশ্নোত্তরপরম্পরার মূলে যদি একজন চক্ষুহীন ব্যক্তিকে না পাওয়া যায়, তবে কি ঐ পিত্তলখণ্ড সুবর্ণ বলিয়া ব্যবহৃত হইতে পারে? তর্কপরিহারার্থ ক্রয়বিক্রয়রূপ ব্যবহারের সিদ্ধি স্বীকার করিয়া লইলেও, উহার রাসায়নিক প্রয়োগ বা দানফল সম্ভব হইতে পারে না। পিত্তলখণ্ড দ্বারা সুবর্ণঘটিত মকরধ্বজ প্রস্তুত হইতে পারে না বা সুবর্ণদানের ফল লাভ হইতে পারে না। মরু মরীচিকায় কখনই তৃষ্ণার নিবৃত্তি হইতে পারে না। অধিকন্তু সংসারের সত্তা বা কার্যকারিতা উভয়ই দৃষ্ট হইতেছে। যাহার সত্তা ও কার্যকারিতা দৃষ্ট হয়, তাহা কি কখন মিথ্যা বলিয়া গণ্য হইতে পারে? এই সংসার জীবের আত্মজ্ঞানোৎপত্তির পক্ষে অনথ্যাসিদ্ধিশূন্যনিয়তপূর্ববর্তি—অব্যভিচারিকারণ। দেহের—উপাধির অস্তিত্বজ্ঞান ভিন্ন আত্মজ্ঞান অসম্ভব। আত্ম-স্তিত্বজ্ঞানে দেহের—উপাধির—সংসারের অস্তিত্বজ্ঞান অপরিহার্য। দেহের অস্তিত্বজ্ঞান ভিন্ন দেহাতিরিক্ত আত্মার অস্তিত্বজ্ঞান জন্মিতে পারে না। আত্ম-স্তিত্বজ্ঞানে সংসারের সত্তা ও কার্যকারিতা উভয়ই দেখা যায়। সৃষ্টির পূর্বেও কোন না কোন অবস্থায় সংসারের সত্তা অশু স্বীকার্য। যাহা অসৎ, তাহার উৎপত্তি হয় না, হইতে পাবে না। শশবিষাণের বা আকাশকুম্বের উৎপত্তি কেহই স্বীকার করেন না। যদি বলেন, যাহা সৎ তাহারই কি উৎপত্তি হইতে পারে?—আমরা বলি পারে। পরিণামি সৎবস্তুর পরিণামই তাহার উৎপত্তি। পরিণামেই উৎপত্তিশব্দের তর্কার্থ। বিবর্ত বুঝাইতে উৎপত্তিশব্দের প্রয়োগ হয় না। সংসার উৎপত্তির পূর্বে, প্রলয়ের পরে ও স্থিতিকালে ব্রহ্মরূপ অধিষ্ঠানেই অধিষ্ঠিত হইয়া প্রকাশ পাইয়া থাকে। তবে শুদ্ধ ব্রহ্মরূপে মায়িক সংসারের অধিষ্ঠান অনুমান করাও সম্ভব হয় না। সংসারকে কল্পনাময় বলাও যেরূপ দোষাবহ, শুদ্ধ ব্রহ্মরূপে মায়িক সংসারের অধিষ্ঠান স্বীকার করাও সেইরূপ দোষাবহ। মায়িক সংসারের সহিত শুদ্ধ ব্রহ্মের আধারাধেষ্যভাব স্বীকার করা যায় না। সংসার শুদ্ধ ব্রহ্মের সঙ্কল্প দ্বারাই বিধৃত রহিয়াছে। এরূপ হইলেও, আমরা অজ্ঞতাবশতঃ শুদ্ধব্রহ্মরূপে সংসারসম্বন্ধের—সংসার-ধারকের আরোপ করিয়া থাকি। শুদ্ধ ব্রহ্মরূপে সংসারের ও শুদ্ধ জীবরূপে দেহের এবং সংসারে শুদ্ধ ব্রহ্মরূপের ও দেহে শুদ্ধ জীবরূপের সম্বন্ধারোপই বিবর্তের স্থল। এই উভয়স্থলকে লক্ষ্য করিয়াই শাস্ত্রের কোথাও বিবর্তবাদের

প্রয়োগ হইয়া থাকে। বস্তুতঃ সংসার কল্পনাময় নহে, সংসারসম্বন্ধই কল্পিত—  
আরোপিত—অধ্যাত্ত। এই অধ্যাত্ত সম্বন্ধের প্রতি সাধকের বৈরাগ্যোৎপাদনার্থ  
কোথাও কোথাও সংসারকে মিথ্যা বলা হইয়াছে।

শ্রুতিতে যে একবিজ্ঞানে সৰ্ববিজ্ঞানের প্রতিজ্ঞা করিয়াছেন, ঐ প্রতিজ্ঞাও  
বিবর্তবাদের পোষকতা করেন না। অতএব বেদান্তসূত্রের দ্বিতীয় অধ্যায়ের  
প্রথমপাদের চতুর্দশ সূত্রের বিচারে বিবর্তবাদস্থাপনের প্রয়াস কি আচার্য্যের  
ব্যর্থ হয় নাই? ঐ সূত্র কি বলিতেছেন?—“তদনন্তত্বমারম্ভণশব্দাদিত্যঃ”—  
উপাদেয় জগৎ, জীবশক্তিয়ুক্ত ও প্রকৃতিশক্তিয়ুক্ত উপাদানভূত ব্রহ্ম হইতে ভিন্ন  
নহে; কারণ, “বাচারম্ভণং বিকারো নামধেয়ম্” প্রভৃতি বেদবাক্য জগৎকে ব্রহ্ম  
হইতে অভিন্নই বলিয়াছেন। এই নিমিত্তই পিতা আরুণি উপাদানভূত ব্রহ্মের  
জ্ঞানে উপাদেয় নিখিল জগতের জ্ঞান হয় বলিয়াছেন। পুত্র শ্বেতকেতু পিতার  
উপদেশের অর্থ গ্রহণে অসমর্থ হইয়া প্রশ্ন করিলে, পিতা পুনশ্চ বলিলেন, “সৌম্য,  
যেমন একমাত্র মৃৎপিণ্ডকে জানিলে, ঘটপটাদি সমস্ত মৃন্ময় পদার্থই জানা হইয়া  
যায়; কারণ, কার্য্যমাত্রই রূপনামাত্মক বাগ্-ব্যবহার, মৃত্তিকাই সত্য; ব্রহ্মবিষয়েও  
তদ্রূপ উপদেশ, অর্থাৎ এক ব্রহ্মকে জানিলেই সমস্ত পদার্থ জানা হয়।” এই ত  
সূত্রের তাৎপর্য্য। এই সূত্রে তর্কবল আশ্রয়পূর্ব্বক বিবর্তবাদ স্থাপন করিতে  
যাওয়া কি বিড়ম্বনা নয়? জগৎ ব্রহ্মেরই প্রকৃতি, জগৎ ব্রহ্মেরই শক্তি। ইহা  
বিবিধ-বৈচিত্র্যময় হইলেও, ব্রহ্মশক্তি বিধায় শক্তিমদ্ ব্রহ্ম হইতে ভিন্ন নয়। এই  
শক্তি ও শক্তিমানের একাত্মতাকে লক্ষ্য করিয়াই শ্রুতি “ঐতদাত্মাং” শব্দ প্রয়োগ  
করিয়াছেন। “এতৎ ব্রহ্ম আত্মা নিয়ন্তা স্থাপয়িতা প্রবর্তয়িতা ব্যাপকঃ আশ্রয়ঃ  
চ যন্ত তৎ এতদাত্মাং তন্ত ভাবং ঐতদাত্মাং”—ব্রহ্ম এই সংসারের আত্মা অর্থাৎ  
নিয়ন্তা, স্থাপয়িতা, প্রবর্তয়িতা, ব্যাপক ও আশ্রয় বলিয়াই ইহাকে ঐতদাত্মা বলা  
হইয়াছে। ব্রহ্মের সত্তা স্বতন্ত্রা এবং সংসারের সত্তা পরতন্ত্রা। ব্রহ্ম স্বাধীন এবং  
ব্রহ্মশক্তিভূত জীবজড়াত্মক জগৎ ব্রহ্মাধীন। জগৎ ব্রহ্মের অধীন বলিয়াই জগতের  
সত্তা পরতন্ত্রা বলা হয়। ঐ পরতন্ত্র সত্ত্ব আবার কূটস্থ ও বিকারি ভেদে দ্বিবিধ।  
যিনি ক্ষেত্রজ্ঞ, তিনিই কূটস্থ এবং জগৎ বিকারি। কূটস্থ ক্ষেত্রজ্ঞও আবার  
জীব ও ঈশ্বর ভেদে দ্বিবিধ। অতএব জীব, ঈশ্বর ও জগৎ সমস্তই ব্রহ্মাধীন;  
ব্রহ্মই স্বাধীন। স্বাধীন ব্রহ্মকে লক্ষ্য করিয়া অভেদশাস্ত্র সকলের এবং ব্রহ্মাধীন  
জীব, ঈশ্বর ও জগৎকে লক্ষ্য করিয়া ভেদশাস্ত্র সকলের প্রবৃতি। ক্ষেত্রজ্ঞ ঈশ্বর ও  
জীবের মধ্যে ঈশ্বর ব্রহ্মের স্বাংশ এবং জীব বিভিন্নাংশ। স্বাংশ স্বরূপের মধ্যে

এবং বিভিন্নাংশ শক্তির মধ্যে গণ্য হইল। জীব ও জগৎ উভয়ই ব্রহ্মের শক্তি, ব্রহ্ম হইতে স্বতন্ত্র—ভিন্ন নহেন। এইরূপে জগৎকে ব্রহ্মশক্তি বলিলেই যখন সকল বিরোধের পরিহার হইতেছে, তখন উহাকে ব্রহ্মের বিবর্ত বলিয়া 'ন স্মাৎ' করিবার—উড়াইয়া দিবার প্রয়োজন কি? 'আমি আছি' এই জ্ঞানও যখন জগতের সত্যত্বকে অপেক্ষা করিতেছে; কি বালক, কি যুবা, কি বৃদ্ধ, কি প্রবৃত্ত, কি সাধক, কি সিদ্ধ, কেহই যখন জগৎকে পরিত্যাগ করিয়া আত্মজ্ঞান লাভ করিতে পারেন না; জগতের সাধন্যা-বৈধন্যা দ্বারাই যখন আত্মজ্ঞান লাভ করিতে হয়; জগৎ আছে বলিয়াই যখন আমি জগতের সহিত আমার সাদৃশ্য ও বৈসাদৃশ্য বিচার করিয়া জগৎ হইতে আমাকে পৃথক্ করিয়া লইয়া 'আমি আছি' এইরূপ বাক্য প্রয়োগ করিতেছি এবং আত্মার অস্তিত্বে বিশ্বাস স্থাপন করিতেছি; মুক্ত পুরুষও যখন জগতের সত্তা স্বীকার না করিয়া বদ্ধ জীবের উপদেশাদিতে প্রবৃত্ত হইতে পারেন না; জগৎ মিথ্যা হইলে যখন উহার সহিত বন্ধমোক্ষ-ব্যবস্থাও মিথ্যা হইয়া যায়; তখন জগৎকে মিথ্যা বলিয়া ফল কি? কি শ্রুতি, কি স্মৃতি, কি স্মায় কৃত্রাপি যখন বন্ধমোক্ষব্যবস্থার মিথ্যাত্ব স্বীকৃত হয় না, তখন যিনি বন্ধমোক্ষ-ব্যবস্থার মিথ্যাত্ব বলিবেন, অথচ স্বয়ং বন্ধমোক্ষের বিচারে প্রবৃত্ত হইবেন, তিনি কি লোক-সমাজে উপহাসাস্পদ হইবেন না?

### জীবই কি ব্রহ্ম?

প্রথম প্রশ্ন মীমাংসিত হইল। জগৎ মিথ্যা, ইহা স্থির হইল। অতঃপর দ্বিতীয় প্রশ্নের আলোচনা করা যাউক। দ্বিতীয় প্রশ্ন, জীবই কি ব্রহ্ম? এই প্রশ্নের উত্তর—জীবই ব্রহ্ম নহেন, ব্রহ্মই জীব। ব্রহ্ম শক্তিমৎ, জীব ব্রহ্মের শক্তি; শক্তি ও শক্তিমান্ পরস্পর ভিন্ন নহেন। এইরূপে জীব ব্রহ্ম হইতে ভিন্ন না হইলেও, অণুত্ব-বৃহত্ত্বাদি-বিরুদ্ধ-ধর্ম-বিশিষ্টরূপে, আশ্রিত জীব হইতে আশ্রয় ব্রহ্মের ভেদ অবশ্য স্বীকার্য। শ্রুতিতে জীবকে অণু ও ব্রহ্মকে বৃহৎ বলিয়াছেন। কোথাও জীবকে অংশ, ফুলিফ ও প্রতিবিম্ব প্রভৃতি বলিয়াছেন, আবার কোথাও বা জীবকে ব্রহ্মের সহিত অভিন্নও বলিয়াছেন। অতএব শ্রুতিতে জীবকে ব্রহ্ম হইতে ভিন্ন ও অভিন্ন উভয়ই বলিয়াছেন, এই কথাই বলিতে হয়। বেদান্তসূত্রেও বিচারপূর্বক উক্ত ভেদাভেদই মীমাংসিত হইয়াছে। স্মৃতিতেও শ্রুতি ও স্মায়ের মতই প্রতিধ্বনিত হইয়াছে। ফলতঃ

অংশের সহিত অংশীর, অণুর সহিত বিভূর, প্রতিবিশ্বের সহিত বিশ্বের, শক্তির সহিত শক্তিমানের যেরূপ তাদাত্ম্য অর্থাৎ অচিন্ত্য-ভেদাভেদ স্বীকৃত হয়, জীবের সহিত ব্রহ্মেরও সেইরূপই অচিন্ত্য-ভেদাভেদ বুঝিতে হইবে। জীব ব্রহ্ম হইতে অভিন্ন হইলে, জীবের সৃষ্টিকর্তৃত্বাদি জগদ্ব্যাপার নিষিদ্ধ হইত না; আবার জীব ব্রহ্ম হইতে ভিন্ন হইলে, তদুভয়ের ঐক্যও উক্ত হইত না। জীব-ব্রহ্মের অভেদবাদ নাস্তিকতার পোষক এবং ভেদবাদ অজ্ঞতার পরিচায়ক।

শক্তি ও শক্তিমানের অচিন্ত্যভেদাভেদ শাস্ত্রসঙ্গত ও যুক্তিযুক্ত। কুর্মপুরাণে উক্ত হইয়াছে,—

“শক্তিশক্তিমতোর্ভেদং পশুস্তি পরমার্থতঃ ।

অভেদঞ্চানুশ্চিন্তি যোগিনস্তত্ত্বচিন্তকাঃ ॥”

তত্ত্বজ্ঞ যোগী সকল শক্তি ও শক্তিমানের পরস্পর ভেদ ও অভেদ উভয়ই দর্শন করিয়া থাকেন। শক্তি শক্তিমানে তাদাত্ম্যসম্বন্ধে অবস্থান করে; কারণ, শক্তিমান্ শক্তির আত্মা, অর্থাৎ নিয়ন্তা, স্থাপয়িতা, প্রবর্তয়িতা, ব্যাপক ও আশ্রয়। শক্তি শক্তিমান্ কর্তৃক নিয়মিত, স্থাপিত, প্রবর্তিত, ব্যাপ্ত ও অধিষ্ঠিত হইয়াও বহি হইতে বহিঃশিখার ন্যায় শক্তিমান্ হইতে অভিন্ন। শক্তি ও শক্তিমানের এই যে ভেদাভেদভাব উহা স্বরূপতঃ অচিন্ত্য অর্থাৎ তর্কের অগোচর। অতএব “তত্ত্বমসি” প্রভৃতি শ্রুতির বলে জীবব্রহ্মের অত্যন্ত অভেদ কল্পনা করা সঙ্গত হয় না। “তত্ত্বমসি” প্রভৃতি শ্রুতিসকল যেমন অভেদ নির্দেশ করেন, তেমনি “হা সুপর্ণা” প্রভৃতি শ্রুতিসকল স্পষ্টাক্ষরে ভেদও নির্দেশ করিয়া থাকেন।

“হা সুপর্ণা সযুজা সখায়! সমানং বৃক্ষং পরিষম্বজাতে তয়োৱন্যাঃ পিঙ্গলং স্বাদ্বত্যানশ্চগ্নোহভিচাকশীতি। সমানে বৃক্ষে পুরুষো নিমগ্নোহনীশয়া শোচতি মুহমানো জুষ্টং যদা পশুতানুমীশমস্ত মহিমানমেতি বীতশোকঃ।” মুণ্ডক

জীব ও ঈশ্বর এই দুইটি পক্ষী সহযোগে সখিতাবে দেহরূপ একটি বৃক্ষ আশ্রয় করিয়া আছেন। তন্মধ্যে জীবরূপ পক্ষী নানাবিধ সুখদুঃখরূপ কর্মফল ভোগ করিয়া থাকেন। আর ঈশ্বররূপ পক্ষী ফলভুক্ না হইয়া প্রদীপ্তভাবেই অবস্থান করেন! দেহরূপ এক বৃক্ষে সংস্থিত ও মাগ্যর বশীভূত হইয়া জীব অশেষশোকভাজন হইলেন। পরে যখন আপনা হইতে ভিন্ন ঈশ্বরকে নিজের উপাস্তরূপে এবং আপনাকে তাঁহার উপাসকরূপে দর্শন করেন, তখন তিনি পরমেশ্বরের মহিমা অধিগত হইয়া শোকরহিত হইলেন।



এই মুণ্ডকশ্রুতির তাৎপর্য পর্যালোচনা করিলে, জীব যে ঈশ্বর হইতে ভিন্ন, তাহাই স্পষ্ট অবগত হওয়া যায়। শ্রুতি-তাৎপর্য-জ্ঞান-কারণ-রূপ উপক্রমাদি ষড়্‌বিধ লিঙ্গ দ্বারা ভেদই নির্ণীত হইতেছে।

১। উপক্রম—“দ্বা সুপর্ণা।”  
উপসংহার—“অনুমীশম্।”

২। অভ্যাস বা পুনঃ পুনঃ প্রতিপাদন—“দ্বা”, “তয়োরনুঃ,” “অনশ্ননুঃ।”

৩। অপূর্বতা—--অণুত্ব-বৃহত্ত্বাদি-বিরুদ্ধ-নিত্যধর্মাবচ্ছিন্ন—--প্রতিযোগিতাবে ভেদের শাস্ত্র ব্যতিরেকে শৌকিক প্রমাণান্তর হইতে অপ্ৰতীতি।

৪। ফল অর্থাৎ প্রয়োজন—“বীতশোকঃ।”

৫। অর্থবাদ—“তস্ম মহিমানমেতি।”

৬। উপপত্তি অর্থাৎ যুক্তি—“অনশ্ননুঃ।”

উক্ত শ্রুতিটি কঠোপনিষদের “ঋতং পিবন্তৌ” প্রভৃতি শ্রুতিটির সমানার্থক। কঠশ্রুতিতেও মুণ্ডকশ্রুতির ত্রায় ভেদবোধনার্থ দ্বিবচনেরই প্রয়োগ হইয়াছে। পৈঙ্গিরহস্তব্রাহ্মণে উক্ত মন্ত্রটির এইরূপ ব্যাখ্যা দেখা যায়।—

“তয়োরনুঃ পিঙ্গলং স্বাদ্বতীতি সস্বম্ অনশ্ননুতোহভিচাকশীতি অনশ্ননুতো-  
হতিপশুতি জস্তাবেতৌ সস্বক্ষেত্রজ্ঞাবিতি”—তদুভয়ের মধ্যে যিনি স্বাদু কর্মফল  
ভোজন করেন, তিনি সস্ব এবং যিনি ভোজন না করিয়াও সর্কতোভাবে ঐ  
ভোজন দর্শন করেন, তিনি ক্ষেত্রজ্ঞ; সস্ব ও ক্ষেত্রজ্ঞ উভয়ই জ্ঞানসম্বিত।—  
“তদেতৎ সস্বং যেন স্বপ্নং পশুতি অথ যোহয়ং শারীর উপদ্রষ্টা স ক্ষেত্রজ্ঞঃ”—  
যাহার সহিত বা যদ্বারা স্বপ্ন দর্শন হয়, তাহাই সস্ব এবং যিনি অন্তর্ধামী, তিনিই  
ক্ষেত্রজ্ঞ।

এই প্রকার ব্যাখ্যান দৃষ্টে কেহ কেহ বলেন, সস্ব শব্দের অর্থ অন্তঃকরণ; কিন্তু তাহা সঙ্গত হয় না; কারণ, অন্তঃকরণ অচেতন; অচেতন অন্তঃকরণের ফলভোক্তৃত্ব অসম্ভব। এই নিমিত্তই ভগবান্ শঙ্করাচার্য্য মুণ্ডকোপনিষদের ভাষ্যে ক্ষেত্রজ্ঞ শব্দের অর্থ লিঙ্গোপাধি আত্মা এবং সস্বশব্দের অর্থ সত্ত্বোপাধি ঈশ্বর এই কথাই বলিয়াছেন। বৈষ্ণবাচার্য্যগণের মতে সস্বশব্দের অর্থ জীব এবং ক্ষেত্রজ্ঞ শব্দের অর্থ মুখ্য ক্ষেত্রজ্ঞ পরমাত্মা বা ঈশ্বর। যিনি যাই বলুন, সস্ব শব্দের অন্তঃকরণ অর্থ অপ্রামাণিক। অতএব “দ্বা সুপর্ণা” শ্রুতির দ্বৌ শব্দ জীবাত্মা ও পরমাত্মার বোধক ইহাই স্থির। ইহা স্থির হইলে, তদুভয়ের ভেদও অন্বিবার্য্য।

অস্তর্ধামিত্রাক্ষণেও ষড়্‌বিধতাৎপর্যালোকোপেত বাক্য ভেদপক্ষেই প্রমাণ হইতেছেন।

উপক্রম—“বেথং ত্বং কার্ধ্যাস্তর্ধামিগম্”

উপসংহার—“এষ তে আত্মাস্তর্ধামী”

অভ্যাস—“এষ তে আত্মা”

অপূর্বতা—অস্তর্ধামিত্বের শাস্ত্র ব্যতিরেকে অপ্রাপ্তি।

ফল—“স বৈ ব্রহ্মবিৎ”

অর্থবাদ—“তচ্চেৎ ত্বং...মুর্দ্ধা তে বিপতিষ্যতি”

উপপত্তি—“যশ্চ পৃথিবী শরীরম্” ইত্যাদি।

উক্ত ব্রাক্ষণে একবিজ্ঞান দ্বারা সর্ববিজ্ঞানপ্রতিজ্ঞানস্তর “যত্র ত্বশ্চ সর্ব-মাঐশ্বরাভূৎ” ইত্যাদি বাক্য দ্বারা অভেদেই উপসংহার করা হইয়াছে। একপ বলা যায় না; কারণ, ইন্দ্রাদি দেবতাসকলের জ্ঞানফল হইতে ব্রহ্মজ্ঞানের ফলাধিক্যই একবিজ্ঞানশ্রুতির অর্থ বলিয়া উপসংহারবাক্যের অর্থ এইপ্রকার হইবে—“সুষুপ্তিতে সূক্ষ্মশরীরের লয় হেতু আত্মাই জ্ঞানসাধন এবং আত্মাই জ্ঞেয় হইলেন। অতএব তখন আর কাহা দ্বারা কাহাকে দেখিবেন? তখন আপনাদ্বারাই আপনাকে দেখিবেন। তখন আত্মের কর্তা, করণ ও কর্মের অভাব হেতু আত্মাই কর্তা, করণ ও কর্ম হইলেন।” উপসংহারবাক্যের এইপ্রকার অর্থ না করিলে, “ভেদে নৈনমধীয়তে” এই সূত্রের সহিত বিরোধ ঘটে; কারণ এই সূত্রে অস্তর্ধামিত্রাক্ষণের ভেদপরত্বই উক্ত হইতেছে।

### পরিচ্ছেদ ও প্রতিবিশ্ব বাদ।

নির্বিশেষ চিন্মাত্র ব্রহ্ম অদ্বয় তত্ত্ব। ঐ ব্রহ্মে সদসদ্বিলক্ষণ বলিয়া অনির্বচ-নীয় একটি অজ্ঞান দৃষ্ট হয়। উক্ত অজ্ঞানের দুইটি বৃত্তি; বিজ্ঞা ও অবিজ্ঞা। ব্রহ্ম বিজ্ঞাবৃত্তিক অজ্ঞানের সম্বন্ধে বিজ্ঞোপহিত ঈশ্বরভাব এবং অবিজ্ঞাবৃত্তিক অজ্ঞানের সম্বন্ধে অবিজ্ঞোপহিত জীবভাব প্রাপ্ত হইলেন। স্বরূপজ্ঞানদ্বারা অজ্ঞানের নিবৃত্তি হইলে, উক্ত ঈশ্বরভাব ও জীবভাব এই উভয়ভাবই অপগত হইয়া থাকে। তখন ব্রহ্ম নির্বিশেষ চিন্মাত্রসত্তারূপেই অবস্থান করেন। তদবস্থায় জীবের ও ব্রহ্মের পরস্পর ভেদ থাকে না। ইহাই বিবর্তবাদীর মত। এই মতে ব্রহ্মের ষুগপৎ ও অকস্মাৎ জীবরূপে মান্নাবরূপে ও ঈশ্বররূপে মান্নামুক্ত

অপরিহার্য। ব্রহ্মের যুগপৎ ও অকস্মাৎ জীবরূপে মায়াবদ্ধ ও ঈশ্বররূপে  
 মায়ামুক্ত কি সম্ভব হয়? যদি বলেন, উপাধিগত-তারতম্য-বশতঃ পরিচ্ছেদের  
 ও প্রতিবিশ্বের স্রীতি অনুসারেই জীবেশ্বরের বিভাগ সম্ভব হইবে, অর্থাৎ বিজ্ঞা  
 দ্বারা পরিচ্ছিন্ন বা সমষ্ট্যুপহিত মহান্ ব্রহ্মখণ্ড ঈশ্বর ও অবিজ্ঞা দ্বারা পরিচ্ছিন্ন  
 বা বাষ্ট্যুপহিত অল্প ব্রহ্মখণ্ড জীব এবং বিজ্ঞাতে প্রতিবিশ্বিত বা সমষ্ট্যুপহিত  
 ব্রহ্মই ঈশ্বর ও অবিজ্ঞাতে প্রতিবিশ্বিত বা বাষ্ট্যুপহিত ব্রহ্মই জীব, এইরূপ  
 জীবেশ্বরবিভাগ সম্ভব হইবে—তাহা বলিতে পারেন না; কারণ, এইপ্রকার  
 পরিচ্ছেদ বা প্রতিবিশ্ব উপপন্নই হয় না। যে উপাধি দ্বারা ব্রহ্মের পরিচ্ছেদ  
 স্বীকার করা হইতেছে এবং যে উপাধিতে ব্রহ্মের প্রতিবিশ্ব স্বীকার করা  
 হইতেছে, সেই উপাধি বাস্তব কি অলীক? উপাধি বাস্তব হইলে, সর্বাঙ্গী  
 ব্রহ্মের উপাধিস্পর্শ অসম্ভব হয়। আর নির্ধর্মক, ব্যাপক ও নিরবয়ব ব্রহ্মের  
 প্রতিবিশ্বযোগও তদ্রূপই; কারণ, নির্ধর্মক বস্তুর উপাধিসম্বন্ধের অসম্ভাবনা  
 বশতঃ, ব্যাপক বস্তুর-বিশ্বপ্রতিবিশ্বভেদভাবের অসম্ভাবনা বশতঃ এবং নিরবয়ব  
 বস্তুর দৃশ্যত্বের অসম্ভাবনা বশতঃ প্রতিবিশ্বযোগ সম্ভব হয় না। যাহা রূপাদি-  
 ধর্মবিশিষ্ট, যাহা পরিচ্ছিন্ন ও যাহা সাবয়ব, তাহারই প্রতিবিশ্ব দৃষ্ট হইয়া থাকে।  
 আকাশস্থ উপাধিপরিচ্ছিন্ন জ্যোতিঃপদার্থাংশেরই প্রতিবিশ্ব দর্শন করা যায়,  
 আকাশের প্রতিবিশ্ব দর্শন করা যায় না; কারণ, আকাশ অদৃশ্য বস্তু।  
 বিশেষতঃ পরিচ্ছেদ ও প্রতিবিশ্ব বাস্তব হইলে, জীবব্রহ্মের সামানাধিকরণের  
 বোধমাত্র, অর্থাৎ “আমি ব্রহ্ম” ইত্যাকার অভেদবোধ হইবামাত্র উক্ত ভেদবুদ্ধির  
 ত্যাগ হইতে পারে না। দরিদ্রবাস্তি আপনাকে রাজা বোধ করিলেই প্রকৃত  
 রাজা হইতে পারে না। ব্রহ্মানুসন্ধানের প্রভাবেই জীব ব্রহ্ম লাভ করেন,  
 এরূপও বলা যায় না; কারণ, তৎপক্ষে মায়াবাদীর নিজমতেরই ক্ষতি দেখা  
 যায়। মায়াবাদী ব্রহ্মের কোন প্রভাবই—কোন শক্তিই স্বীকার করেন না।  
 উক্ত দোষের বারণার্থ উপাধির মিথ্যা স্বীকারে, পরিচ্ছেদ ও প্রতিবিশ্বের  
 অনুপপত্তি বশতঃ মিথ্যা অনিবার্য হইয়া পড়ে। ঘটাকাশাদিস্থলে ঘটপরিচ্ছিন্না-  
 কাশরূপ ও ঘটাস্থপ্রতিবিশ্বিতাকাশরূপ যে দুইটি দৃষ্টান্ত প্রদর্শিত হয়, ঐ  
 দুইটি দৃষ্টান্ত বাস্তবোপাধিময়, অতএব ঐ দুইটি দৃষ্টান্তের প্রদর্শন দ্বারা স্বপ্ন-  
 দৃষ্টান্তোপজীবী মায়াবাদীর সিদ্ধান্ত সিদ্ধ হয় না; কারণ, মিথ্যোপাধিদৃষ্টান্তস্থলে  
 সত্য ঘটঘটাস্থুর প্রদর্শন সম্ভব হয় না। উপাধির মিথ্যা ব্রহ্মের পরিচ্ছেদ  
 ও প্রতিবিশ্ব উভয়ই মিথ্যা হয়। দার্শনিক স্থল মিথ্যা। যে দৃষ্টান্ত প্রদর্শন

করা হইতেছে, তাহা সত্য। অঘটমানা মিথ্যার সহিত সত্য ঘটমানের সাদৃশ্য ঠিক হয় নাই। যাহাদের পরস্পর সাদৃশ্য হয় না, তাহারা কখনই দৃষ্টান্তদাষ্টান্তিক-ভাবে প্রাপ্ত হইতে পারে না। অতএব মায়াবাদীদিগের পরিচ্ছেদ ও প্রতিবিশ্বের কল্পনা অজ্ঞতার পরিচায়ক। পরিচ্ছেদবাদ ও প্রতিবিশ্ববাদ উভয়ই অসিদ্ধ। যাহা স্বয়ং অসিদ্ধ, তদ্বারা অস্ত্রের প্রতিপাদন হইতে পারে না। অতএব স্বরূপেরও সামর্থ্যের ভেদ বশতঃ জীব ও ঈশ্বরের পরস্পর ভেদই প্রাপ্ত হওয়া যাইতেছে; ঈশ্বরের স্বরূপ ও সামর্থ্য জীবের স্বরূপ ও সামর্থ্য হইতে ভিন্ন ইহাই প্রাপ্ত হওয়া যাইতেছে।

পরিচ্ছেদবাদ ও প্রতিবিশ্ববাদের নিরাসে, বিবর্তবাদের প্রাণ যে একজীববাদ তাহাও নিরস্ত হইতেছে। পরিচ্ছেদাদি বাদদ্বয়ের প্রত্যাখ্যানে, ব্রহ্ম ও অবিদ্যা এই দুইটি বস্তুর প্রাপ্তি হইতেছে। এক্ষণে দৃষ্ট হইতেছে যে, ব্রহ্ম চিন্মাত্র বস্তু বলিয়া তাঁহাতে অবিদ্যার যোগ অসম্ভব; যাহাতে অবিদ্যার যোগ সম্ভব হয় না, তাহা অবশ্য শুদ্ধ; ঐ শুদ্ধ ব্রহ্মই অবিদ্যার যোগে অশুদ্ধ হইয়া জীব হইতেছেন; আবার ঐ শুদ্ধ ব্রহ্মই জীবগত অবিদ্যা দ্বারা কল্পিত মায়ার আশ্রয় হইয়া ঈশ্বর হইতেছেন এবং ঐ শুদ্ধ ব্রহ্মই ঈশ্বরগত মায়ার বিষয় হইয়া জীব হইতেছেন; অতএব বিরোধ পূর্কবস্থাতেই থাকিয়া যাইতেছে। শুদ্ধ ব্রহ্মে অকস্মাৎ অবিদ্যাসম্বন্ধ হইতেছে। তাদৃশ জীব কর্তৃক কল্পিত মায়ার আশ্রয় হইয়া ব্রহ্মই ঈশ্বর হইতেছেন। তাদৃশ ঈশ্বরের মায়াকর্তৃক পরাভূত হইয়া ঐ ব্রহ্মই জীব হইতেছেন। শুদ্ধ চিন্মাত্র বস্তুতে অবিদ্যা, অবিদ্যাকল্পিত ঈশ্বরে বিদ্যা, বিদ্যাবস্তুও মায়িকত্ব প্রভৃতি উক্তি সকলের সামঞ্জস্য হয় না। একজীববাদে এই প্রকার দোষ সকল দেখা যায়।

যদি বলেন, পরিচ্ছেদত্ব ও প্রতিবিশ্বত্বের প্রতিপাদক শাস্ত্র সকলের গতি কি হইবে? তাহার উত্তর এই যে, ঐ সকল শাস্ত্র গোণী বৃত্তি দ্বারাই সার্থক হইবে। ঐ সকল শাস্ত্র পরিচ্ছেদ ও প্রতিবিশ্বের সাদৃশ্য দ্বারা গোণীবৃত্তিতেই প্রবৃত্ত হইবে। “অম্বুদগ্রহণাত্তু ন তথাত্মম্” এবং “বুদ্ধিহ্রাসভাক্তুমস্তর্ভাবাত্তম-সামঞ্জস্যাদেবম্” এই দুইটি পূর্কোত্তরপক্ষময় শ্রায় দ্বারাই ঐ সকল শাস্ত্রের প্রবৃত্তি। তন্মধ্যে পূর্কপক্ষময় শ্রায় দ্বারা উক্ত বাদদ্বয়ের খণ্ডন এবং উত্তরপক্ষময় শ্রায় দ্বারা উক্ত বাদদ্বয়ের গোণীবৃত্তিতে ব্যবস্থাপন বুঝিতে হইবে। উক্ত শ্রায়দ্বয়ের অর্থ যথা—“যে রূপ অম্বু দ্বারা ভূখণ্ডের পরিচ্ছেদ হয়, তদ্রূপ উপাধি দ্বারা কি ব্রহ্মপ্রদেশের পরিচ্ছেদ হয়?—না, অম্বু দ্বারা ভূখণ্ডের শ্রায় উপাধি

দ্বারা ব্রহ্মপ্রদেশের অর্থাৎ ব্রহ্মাংশের গ্রহণ হইতে পারে না ; কারণ, বাহ্য অগৃহ, তাহার গ্রহণ অসম্ভব, অতএব উপাধি দ্বারা ব্রহ্মের পরিচ্ছেদ স্বীকার করা যায় না। যেরূপ অমৃত সূর্যের প্রতিবিম্ব গৃহীত হয়, তদ্রূপ উপাধিতে ব্রহ্মের প্রতিবিম্ব গৃহীত হইতে পারে না ; কারণ, ব্রহ্মবস্তু সূর্যের স্তায় পরিচ্ছন্ন নহেন, পরন্তু ব্যাপক। ব্যাপক বস্তুর প্রতিবিম্ব সম্ভব হয় না ; অতএব ব্রহ্মের উপাধিতে প্রতিবিম্ব স্বীকার করা যায় না। এইরূপে উক্ত শাস্ত্রদ্বয়ের মুখ্যবৃত্তিতে প্রবৃত্তি অসম্ভব হইলেও 'দেবদত্ত সিংহ' ইত্যাদি বাক্যের স্তায়, গোণীবৃত্তিতে প্রবৃত্তি অসম্ভব হয় না। বুদ্ধিশালিত্ব ও হ্রাসশালিত্বরূপ গুণাংশ লইয়াই উহাদের গোণীবৃত্তিতে প্রবৃত্তি হইয়া থাকে। যেরূপ মহৎ ও অল্প ভূখণ্ড এবং যেরূপ রবি ও তৎপ্রতিবিম্ব বৃদ্ধি ও হ্রাস ভজন করে, তদ্রূপ ঈশ্বর ও জীব মহত্ত্ব ও অল্পত্ব এবং বৃদ্ধি ও হ্রাস ভজন করিয়া থাকেন, এবং তদংশেই শাস্ত্রের তাৎপর্য দেখা যায়। অতএব দৃষ্টান্ত ও দাষ্টান্তিকের সামঞ্জস্য প্রযুক্ত শাস্ত্রদ্বয়ের সঙ্গতি হইতেছে।

তথাপি যদি কেহ আপত্তি করেন, জীব ও ব্রহ্ম ভিন্ন ও অভিন্ন এইপ্রকার বিরোধের সমন্বয় কি ? তদুত্তরে বক্তব্য এই যে, সংসারদশায় ব্রহ্মের যে শক্তি বা সামর্থ্য উপাধি দ্বারা পরিচ্ছিন্ন হইয়া অসংসারি ও শক্তিমৎ ব্রহ্ম হইতে ভিন্নরূপে প্রতীত হইলেন এবং মোক্ষদশায় উপাধিপরিচ্ছেদের অভাব হেতু অভিন্নরূপে প্রতীত হইলেন, তিনিই জীব ; অতএব তাদৃশ জীবের ব্রহ্ম হইতে ভেদ ও অভেদ উভয়ই সম্ভব হইতেছে। জীবের চিদংশত্বনিবন্ধন উপাধিপরিচ্ছেদও অসম্ভব বলা যায় না ; কারণ, মায়াশক্তিদ্বারা জীবশক্তির অভিভবকেই জীবের উপাধিপরিচ্ছেদ বলা হয়। শক্তিদ্বয়ের পরস্পরাভিভাবকতা বিজ্ঞানসম্মতা। যদি বলেন, জীবের উপাধিপরিচ্ছেদনিবন্ধন জীবব্রহ্মের ভেদ সিদ্ধ হইলেও, তদুভয়ের অভেদ সিদ্ধ হইতে পারে না ; কারণ, অভেদের সিদ্ধিতে জীবের স্তায় ব্রহ্মেরও সংসারিত্বের আপত্তি হয়, অর্থাৎ জীব ও ব্রহ্ম পরস্পর অভিন্ন হইলে জীবের সংসারিত্বে ব্রহ্মেরও সংসারিত্বের আপত্তি হয় তাহা বলিতে পারেন না ; কারণ, বিবিধশক্তিসম্বিত ব্রহ্মের শক্তিশেষের অভিভবে কৃত্বন্ন ব্রহ্মের অভিভব অসম্ভব। দর্শনাদি-বিবিধ-সামর্থ্য-সম্বিত মানবের দর্শনাদি কোন একটি শক্তির অভিভবে মানবের অভিভব কেহই স্বীকার করেন না। একটি কোষাণুর সামর্থ্যের অভিভবে সমস্ত দেহের অভিভব কেহই স্বীকার করিবেন না। আবার ব্রহ্মশক্তিশেষ দ্বারা ব্রহ্মশক্তিশেষের অভিভব দোষাবহও

হয় না। এইরূপ শক্তিপূরস্বারে জীব একই। জীব এক হইয়াও উপাধির তারতম্যবশতঃ বহু হয়েন। যেমন একই মূলপ্রকৃতি ক্ষোভতারতম্যে চতুর্বিংশতি তত্ত্বের আকারে প্রকাশিত হয়, যেমন একই মূলশক্তি স্পন্দনতারতম্যে তাপ, আঘোক, শঙ্ক, চুষকাকর্ষণ, বিদ্যুৎ, কেন্দ্রাবিমুখাকর্ষণ, ও কেন্দ্রাভিমুখাকর্ষণ ভেদে সপ্ত আকারে প্রকাশিত হয়, তদ্রূপ একই জীবশক্তি মায়াভিভববশতঃ উপাধিতারতম্যে বহুজীবরূপে প্রকাশিত হইয়া থাকেন।

### ব্রহ্ম সগুণ না নিগুণ ?

তৃতীয় প্রশ্ন ব্রহ্ম সগুণ না নিগুণ ? প্রকৃতির গুণ লইয়া সগুণ-নিগুণ-বিচারে ব্রহ্ম নিগুণ বলিয়াই সিদ্ধান্তিত হইবেন ; আর অপ্রাকৃত গুণ লইয়া সগুণ ও নিগুণ বিচার করিলে, ব্রহ্ম সগুণ বলিয়াই সিদ্ধান্তিত হইবেন ; কারণ, শ্রুতি একই ব্রহ্মকে সগুণ ও নিগুণ উভয়ই বলিতেছেন। ব্রহ্ম প্রকৃতিগুণরহিত হইয়াও অপ্রাকৃতগুণবিশিষ্ট, ইহাই শ্রুতির তাৎপর্য। সগুণ ও নিগুণভেদে ব্রহ্ম দ্বিবিধ, ইহা শ্রুতির অভিপ্রায় নহে ; কারণ ব্রহ্ম শব্দের অর্থ স্বরূপতঃ ও গুণতঃ নিরতিশয় বৃহৎ ; গুণরহিত ব্রহ্মই অসিদ্ধ। এইরূপে ব্রহ্ম সগুণ হইলেও, প্রাকৃতগুণবিশিষ্ট নহেন ; ব্রহ্মে সত্ত্ব রজঃ ও তমঃ এই প্রাকৃত গুণত্রয় স্বীকৃত হয় না। ব্রহ্মে স্বাভাবিকী অর্থাৎ স্বরূপানুবন্ধিনী জ্ঞানবলক্রিয়া স্বীকৃত হইলেও, সত্ত্বাদিগুণত্রয় অস্বীকৃত হয় না। বিষ্ণুপুরাণে উক্ত হইয়াছে,—

• “হ্লাদিনী সন্ধিনী সশ্বিৎ ত্রয়োকা সর্বসংশ্রয়ো।

হ্লাদতাপকরী মিশ্রা ত্বয়ি নো গুণবর্জিতে ॥” ১।১২।৬৯

তুমি সর্বাশ্রয়। একই স্বরূপশক্তি তোমাতে হ্লাদিনী, সন্ধিনী ও সশ্বিৎ এই তিন আকারে প্রকাশ পাইয়া থাকেন ; কারণ, তুমি সচ্চিদানন্দস্বরূপ। হ্লাদ-তাপকরী মিশ্রা ত্রিগুণাত্মিকা মায়াশক্তি তোমাতে অর্থাৎ তোমার শুদ্ধস্বরূপে অবস্থান করেন না, কিন্তু তোমারই শক্তিবিশেষরূপ জীবের আশ্রয়েই অবস্থান করিয়া থাকেন।

এক্ষণে এইরূপ একটি প্রশ্ন উত্থাপিত হইতে পারে যে, ব্রহ্ম সগুণ হইলে, নিগুণ শ্রুতি সকলের গতি কি হইবে ? তাহার উত্তর এই—নিগুণ শ্রুতি সকল কোথাও নিষেধ দ্বারা কোথাও সামান্যধিকরণ্য দ্বারা সগুণ পরম বস্তুর উদ্দেশ্য করিয়া সার্থক হইবে। “অস্থূলমনু” প্রভৃতি শ্রুতি সকল নিষেধ দ্বারা

এবং “সর্বং খন্দিৎ ব্রহ্ম” ও “তৎস্বমসি” প্রভৃতি শ্রুতিসকল সামানাধিকরণ্য দ্বারা সগুণ পরম বস্তুর উদ্দেশ্য করিয়া সার্থক হইবে। বস্তুতঃ নিগুণ শ্রুতিসকলেরও গুণবিধানেই তাৎপর্য জানিতে হইবে। যে সকল শ্রুতিকে আপাততঃ গুণের নিষেধকারিণী বলিয়াই বোধ হয়, তাহারাও গুণের নিষেধ করে না, পরন্তু প্রাকৃত গুণের নিষেধ দ্বারা অপ্রাকৃত গুণের বিধানই করিয়া থাকে। যেমন অনুদরী কণ্ঠা বলিলে, কণ্ঠার উদরের নিষেধ করা হয় না, পরন্তু বৃহৎ উদরের নিষেধ দ্বারা অল্প উদরের বিধানই করা হয়, তদ্রূপ “অপানিপাদঃ” প্রভৃতি শ্রুতিবাক্যদ্বারা ব্রহ্মের প্রাকৃত পানিপাদের নিষেধ দ্বারা অপ্রাকৃত পানিপাদের বিধানই করা হইয়া থাকে। নিষেধকারিণী শ্রুতিসকলের নিষেধবাচক নঞের অর্থ বিচার করিলে, এইরূপই তাৎপর্য নিশ্চয় হয়; কারণ ঐ সকল শ্রুতিতে প্রায়ই মুখ্যার্থে নঞের প্রয়োগ হয় নাই, ঐ সকল শ্রুতির নঞ্ সকল প্রায়ই সমাসে গুণীভূত হইয়া গিয়াছে। অতএব “অস্থূলমনু প্রভৃতির শ্রুতির অর্থ অস্থূলত্বাদিগুণবিশিষ্ট।”

শ্রুতিতে ব্রহ্মের দুইটি লক্ষণ উক্তি হইয়াছে;— স্বরূপলক্ষণ ও তটস্থলক্ষণ। “সত্যং জ্ঞানমনস্তং ব্রহ্ম” ইত্যাদি শ্রুতি সকলে ব্রহ্মের স্বরূপলক্ষণ উক্ত হইয়াছে, এবং “যতো বা ইমানি ভূতানি জায়ন্তে” ইত্যাদি শ্রুতি সকলে ব্রহ্মের তটস্থ লক্ষণ উক্ত হইয়াছে। মায়াবাদীর মতে, ঐ দুইটি সগুণ বা সবিশেষ ব্রহ্মের লক্ষণ; নিগুণ বা নির্বিশেষ ব্রহ্ম অলক্ষণ, অনির্দেশ্য। তাঁহাদের মতে ঐ অলক্ষণ, অনির্দেশ্য ব্রহ্মই স্বয়ং কুটস্থ থাকিয়াই উপাধিপরিস্ফিষ্ট হইয়া সলক্ষণ ও নির্দেশার্থী সগুণ বা সবিশেষ ব্রহ্ম হইয়েন। কিন্তু শ্রুতি সকলের তাৎপর্য পর্যালোচনা করিলে, সেরূপ বোধ হয় না। নিগুণ ব্রহ্ম ও সগুণ ব্রহ্ম পৃথক্ তত্ত্ব, ইহা শ্রুতির তাৎপর্য নহে। নিগুণ বা নির্বিশেষ বস্তুর অস্তিত্বে প্রমাণাতাব। কি প্রত্যক্ষ, কি অনুমান, কি শব্দ, নিগুণ বা নির্বিশেষ বস্তুর অস্তিত্বে প্রমাণ হইতে পারে না। প্রমাণমাত্রই সবিশেষবস্তুবিষয়ক। “দ্বৈ বাব ব্রহ্মণো রূপে” ও “তস্মিন্ দৃষ্টে পরাবরে” প্রভৃতি শ্রুতিসকল স্পষ্টাক্ষরেই বলিতেছেন যে, নিগুণ ও সগুণ ব্রহ্ম দুইটি তত্ত্ব নহেন, পরন্তু একই তত্ত্ব। একই তত্ত্বের নিগুণ ও সগুণ দুইটি রূপ। একই ব্রহ্ম আবির্ভাবভেদে সগুণ বা সবিশেষভাবে ও নিগুণ বা নির্বিশেষভাবে প্রকাশ পাইয়া থাকেন। সগুণ বা সবিশেষ ও নিগুণ বা নির্বিশেষ ব্রহ্ম পৃথক্ তত্ত্ব হইলে, শ্রুতির উক্তি অসঙ্গত হইত। সবিশেষ বা সগুণ ও নির্বিশেষ বা নিগুণ ব্রহ্ম পৃথক্ তত্ত্ব হইলে, বেদান্তে নির্বিশেষ বস্তু জিজ্ঞাসা করিয়া সবিশেষ বস্তুর

লক্ষণ নির্দেশ পূর্বক তাঁহাকেই জীবের প্রাপ্য বলিয়া উপসংহার করিতেন না, এবং প্রাপ্তিগত বা ফলগত তারতম্যও নির্দেশ করিতেন না। একই অদ্বয় তত্ত্ব যে আবির্ভাবভেদে, সবিশেষভাবে ও নির্বিশেষভাবে প্রকাশ পান, তাহা স্মৃতিতেও স্পষ্টাক্ষরেই উক্ত হইয়াছে ;—

“বদন্তি তত্ত্ববিদস্তত্ত্বং যজ্জ্ঞানমদ্বয়ম্ ।

ব্রহ্মেতি পরমায়েতি ভগবানিতি শব্দ্যতে ॥” ভা ১।২।১১

তত্ত্বজ্ঞ ব্যক্তিসকল অদ্বয় জ্ঞানকেই তত্ত্ব বলিয়া থাকেন। ঐ তত্ত্ব কোথাও ব্রহ্ম, কোথাও পরমায়া ও কোথাও ভগবান্ বলিয়া অভিহিত হইলেন।

জ্ঞান--চিদেকরূপ ; চিদেকস্বরূপ বস্তু। অদ্বয় জ্ঞানই একমাত্র তত্ত্ব। জ্ঞানকে অদ্বয় বলিবার কারণ তিনটি ; প্রথম, জ্ঞানের ত্রায়, অপর স্বয়ংসিদ্ধ বস্তুর অভাব। চিদেকরূপ জীবচৈতন্য, ও অচিদেকরূপ প্রকৃতিকালাদি জ্ঞানের ত্রায় স্বয়ংসিদ্ধ বস্তু নহে। দ্বিতীয়, জ্ঞানের স্বশক্ত্যেকসহায়ত্ব। তৃতীয়, ঐ পরমাশ্রয় জ্ঞান ব্যতিরেকে জীবাদি শক্তি সকলের অসিদ্ধত্ব। তত্ত্ব শব্দের অর্থ পরমস্বরূপ। ঐ তত্ত্ব বা পরমস্বরূপের তাৎপর্য্য বস্তুর সারে, অর্থাৎ বস্তুর সারই বস্তুর তত্ত্ব বা পরমস্বরূপ। জ্ঞানই বস্তু। পরম সুখই জ্ঞানের সার। অতএব পরমসুখরূপ জ্ঞানসারই অদ্বয় জ্ঞান। অদ্বয় জ্ঞান পরম পুরুষার্থ বলিয়াই পরমসুখ হইলেন। উহা স্বয়ংসিদ্ধ। যাহা স্বয়ংসিদ্ধ, তাহার নিত্যত্ব স্বাভাবিক। অতএব এক নিত্য স্বয়ংসিদ্ধ, পরমসুখরূপ তত্ত্বই কোথাও ব্রহ্ম কোথাও পরমায়া ও কোথাও ভগবান্ বলিয়া অভিহিত হইলেন, ইহাই উক্ত স্মৃতির তাৎপর্য্য।

মনুষ্যানন্দ হইতে প্রাজাপত্যানন্দ পর্য্যন্ত আনন্দসকল যাহাদের পক্ষে তুচ্ছ হইয়া যায়, সেই ব্রহ্মানন্দানুভবনিমগ্ন জ্ঞানী পরমহংসগণের নিশ্চল চিত্ত, সাধন-বলে বিষয়াকারতারহিত হইয়া, যে অখণ্ডানন্দস্বরূপ তত্ত্বের সহিত তাদাত্ম্যাপন্ন হয়, এবং তাদাত্ম্যাপন্ন হইয়াও, সাধনকালে স্বরূপশক্তি ও তদ্বৈচিত্র্য্য সত্ত্বেও অবিবিক্ত-শক্তিশক্তিমত্তা-ভেদে সামান্ততঃ লক্ষিত, অতএব সিদ্ধিকালে, তদ্রূপেই স্মৃতিত, সেই এক অখণ্ডানন্দস্বরূপ তত্ত্বের ঐ স্বরূপশক্তি ও তদ্বৈচিত্র্য্যসকল গ্রহণ করিতে সমর্থ হয় না। জ্ঞানী পরমহংসগণের চিত্ত, যাহার স্বরূপশক্তি ও তদ্বৈচিত্র্য্যসকল গ্রহণ করিতে না পারিয়া, যাহাকে সামান্ততঃ লক্ষিত ও স্মৃতিত অবিবিক্ত-শক্তিশক্তিমত্তা-ভেদভাবই প্রতিপাদন করিয়া থাকে, সেই জীবশক্তিতাদাত্ম্যাপন্ন তত্ত্বই ব্রহ্মশব্দ দ্বারা অভিহিত হইলেন। তিনিই আবার



পূর্বোক্ত ব্রহ্মানন্দ ও ষাঁহাদের ভগবদনুভবানন্দের অন্তর্ভূত হইয়া তুচ্ছ হইয়া যায়, সেই ভগবদানন্দানুভবনিমগ্ন ভক্ত পরমহংসগণের বিবিক্ত-শক্তিশক্তিমত্তা-ভেদে অনুভবের পক্ষে একমাত্র সাধকৃতম ও ভগবৎস্বরূপানন্দশক্তিবিশেষাত্মিকা ভক্তি দ্বারা বিভাবিত অন্তরিন্দ্রিয় ও বহিরিন্দ্রিয় সকলে নিজ স্বরূপশক্তি দ্বারা কোন এক বিশেষ রূপ ধারণপূর্বক অপর শক্তিবর্গের মূলাশ্রয় শ্রীভগবদ্ভূত বিরাজিত ও বিবিক্ত-শক্তিশক্তিমত্তা-ভেদে পরিষ্কুরিত এবং তদ্ভূতপেই প্রতিপাদিত হইয়া থাকেন। অতএব যিনি জ্ঞানী পরমহংসগণের সম্বন্ধে অবিবিক্ত-শক্তিশক্তিমত্তা-ভেদে লক্ষিত ও স্কুরিত হইয়া তদ্ভূতপেই প্রতিপাদিত এবং জীবশক্তিতাদাত্ম্যাপন্ন ব্রহ্মশক্তি দ্বারা অভিহিত হইয়েন, তিনিই আবার ভক্ত পরমহংসগণের সম্বন্ধে বিবিক্ত-শক্তিশক্তিমত্তা-ভেদে লক্ষিত ও স্কুরিত হইয়া তদ্ভূতপেই প্রতিপাদিত এবং পরিপূর্ণসর্বশক্তিসম্বিত ভগবৎশক্তি দ্বারা অভিহিত হইয়েন। আর সেই তদ্ভূত যোগী পরমহংসগণের সম্বন্ধে মায়াশক্তির অন্তর্ধামিরূপে লক্ষিত ও স্কুরিত হইয়া তদ্ভূতপেই প্রতিপাদিত এবং মায়াশক্তি-প্রচুর-চিচ্ছক্তাংশ-বিশিষ্ট পরমাত্মশক্তি দ্বারা অভিহিত হইয়েন। জ্ঞানিগণ ষাঁহাকে জীবশক্তির সহিত একীভূত নির্বিশেষ ব্রহ্মরূপে দর্শন করেন, যোগিগণ তাঁহাকেই মায়াশক্তির অন্তর্ধামী সর্বিশেষ পরমাত্মরূপে দর্শন করেন, এবং ভক্তগণ তাঁহাকেই পরিপূর্ণসর্বশক্তিসম্বিত সর্বিশেষ ভগবৎস্বরূপে দর্শন করেন। তিনই এক, একই তিন। তিনই নিগুণ বা নির্বিশেষ এবং তিনই সগুণ বা সর্বিশেষ।

### পুরুষার্থ কি ?

চতুর্থ প্রশ্ন, ব্রহ্মভাবাপত্তিই কি জীবের পুরুষার্থ? পুরুষার্থশব্দের অর্থ পুরুষের প্রয়োজন। ঐ প্রয়োজন মুখ্য ও গৌণ ভেদে দ্বিবিধ। সুখপ্রাপ্তি ও দুঃখনিবৃত্তি পুরুষের মুখ্য প্রয়োজন। আর উক্ত প্রয়োজনের যাহা সাধন, তাহাই গৌণ প্রয়োজন। ইহলোকে এবং স্বর্গাদিতে পুরুষের সুখপ্রাপ্তি ও দুঃখনিবৃত্তিরূপ প্রয়োজন সিদ্ধ হইতে পারিলেও, আত্যন্তিক সুখলাভ ও আত্যন্তিক দুঃখপরিহার ব্রহ্মভাবাপত্তি ভিন্ন অন্য কুত্রাপি দৃষ্ট হয় না বলিয়াই ব্রহ্মভাবাপত্তিকেই পুরুষের মুখ্য প্রয়োজন বলা যায়। ব্রহ্মভাবাপত্তি শব্দের অর্থ ব্রহ্মসাক্ষাৎকার। ঐ ব্রহ্মসাক্ষাৎকার আবার নির্বিশেষ ব্রহ্মসাক্ষাৎকার ও সর্বিশেষ ব্রহ্মসাক্ষাৎকার

ভেদে দ্বিবিধ। ব্রহ্মবস্তু পরমানন্দস্বরূপ। জীবসকল তদীয় হইয়াও তজ্জ্ঞান রহিত বলিয়া মায়াকর্তৃক পরাভূত হইয়া তৎস্বরূপজ্ঞানের লোপ ও মায়াকল্পিত উপাধির, আবেশ হেতু অনাদি সংসারদুঃখে নিমগ্ন। জ্ঞানোদয়ে ব্রহ্মতত্ত্বের সাক্ষাৎ-কাররূপ ব্রহ্মভাবাপত্তিই জীবের পরমানন্দলাভ। ঐ পরমানন্দলাভ ও তৎসাধনীভূত জ্ঞানই জীবের পুরুষার্থ। দুঃখনিবৃত্তি উহার অবাস্তুর ফল। জ্ঞানোদয়ে অজ্ঞান নিবৃত্ত হইলে, দুঃখ আপনা হইতেই নিবৃত্ত হইয়া যায়। উহা নিবৃত্ত হইয়া পুনশ্চ উৎপন্ন হয় না বলিয়াই উহাকে আত্যন্তিকী নিবৃত্তি বলা যায়। তন্মধ্যে মায়াবৃত্তি অবিচার নাশের পর, কেবল ব্রহ্মতত্ত্বের অস্পষ্টস্বরূপলক্ষণ যে বিজ্ঞান, তাহার আবির্ভাবের নাম নির্বিশেষব্রহ্মসাক্ষাৎকার বা ব্রহ্মসাক্ষাৎকার; ঐ ব্রহ্ম-তত্ত্বের স্পষ্টস্বরূপলক্ষণ বিজ্ঞানানন্দের আবির্ভাবই সবিশেষব্রহ্মসাক্ষাৎকার বা ভগবৎসাক্ষাৎকার। উভয়ই মোক্ষ। উক্ত দ্বিবিধ মোক্ষের প্রত্যেকটি আবার উপাসনাবিশেষানুসারে দুইপ্রকারে সিদ্ধ হইয়া থাকে। একপ্রকার—উপাসনার দ্বারা সর্বলোক ও সর্বাৱণ অতিক্রমের পর সিদ্ধ হয় এদং অন্য প্রকার—উপাসনা দ্বারা স্বস্থানে থাকিয়াই সিদ্ধ হয়। অতএব মোক্ষ উৎক্রান্তদশায় ও জীবদশায় উভয়ত্রই সিদ্ধ হয়, ইহাই বলিতে হইতেছে। তন্মধ্যে ব্রহ্মসাক্ষাৎকারলক্ষণা মুক্তিতে সুষুপ্তির গায় অবস্থা লাভ হইয়া থাকে। আর ভগবৎসাক্ষাৎকার-লক্ষণা মুক্তিতে জাগ্রতের গায় অবস্থা লাভ হইয়া থাকে। এই শেষোক্ত মুক্তি আবার সালোক্যাदिভেদে পঞ্চবিধ। শ্রীভগবানের সহিত সমানলোকে অর্থাৎ বৈকুণ্ঠাদি নিত্যধামে বাস হইলে, তাহাকে সালোক্য বলা যায়। বৈকুণ্ঠাদিধামের নিত্যত্ব শ্রুত্যাৱিসম্মত। “ব্রহ্মসদনের উর্দ্ধে পরমোৎকৃষ্ট বিশুদ্ধ সনাতন জ্যোতির্ময় বিষ্ণুপদ আছে।” লোকে উহাকে পরব্রহ্ম বলিয়া জানেন। শ্রীভগবানের সহিত সমান ঐশ্বর্যের লাভ হইলে, তাহাকে সাষ্টি বলা যায়। শ্রীভগবানের সমীপে গমনাধিকার লাভ হইলে তাহাকে সামীপ্য বলা যায়। শ্রীভগবানের সহিত সমান নিত্যরূপের লাভ হইলে, তাহাকে সারূপ্য বলা যায়। শ্রীভগবানের রূপের নিত্যত্ব শ্রুত্যাৱিশাস্ত্রসম্মত। আর শ্রীভগবানের শ্রীবিগ্রহে প্রবেশ হইলে, তাহাকে সাযুজ্য বলা যায়। ব্রহ্মসায়ুজ্য ও ভগবৎসায়ুজ্যে প্রভেদ এই যে, ব্রহ্মসায়ুজ্যে সুষুপ্তির গায় অস্পষ্ট স্মৃতি এবং ভগবৎসায়ুজ্যে স্বপ্নবৎ অনতিস্পষ্ট স্মৃতি হইয়া থাকে। সালোক্যাদি মুক্তিচতুষ্টয় আবার সেবাসহিত ও সেবারহিত ভেদে প্রত্যেকেই দুই দুই প্রকার হইয়া থাকে। উভয়প্রকারেই জাগ্রদবস্থার গায় অকুণ্ঠ হইয়া থাকে। শ্রুতিতেই উক্ত হইয়াছে,—

“স বা এবং পশুশ্বেবং মদ্যান এবং বিজ্ঞানমাত্মরতি রাঅক্রীড় আঅমিথুন  
আআনন্দঃ স স্বরাড়্ ভবতি সর্কেষু লোকেষু কামচারো ভবতি ।”

তিনি এইপ্রকার দর্শন, মনন ও বিজ্ঞান লাভ করিয়া আঅরতি, আঅক্রীড়,  
আঅমিথুন ও আআনন্দ হইলেন । তিনি স্বরাট্ হইলেন । সকল লোকেই তাঁহার  
যথেষ্ট গতি হইয়া থাকে ।

মুক্তিমাাত্রই গুণাতীত এবং আবৃত্তিরহিত । নিগুণ ভূমবিজ্ঞাতে মুক্তের  
স্বচ্ছানুসারে নানাবিধ রূপের প্রাকট্য শ্রবণ করা যায় ।

শ্রুতি বলিতেছেন, “ন স পুনরাবর্ততে ।”—তিনি আর প্রত্যাবর্তন করেন না ।

সূত্র বলিতেছেন—“অনাবৃত্তিঃ শব্দাৎ ।”—তাঁহার পুনরাবৃত্তি হয় না, তদ্বিষয়ে  
শ্রুতিই প্রমাণ ।

স্মৃতি বলিতেছেন,—

“তস্মৈ নমোহস্ত কাষ্ঠায়ৈ যত্রাস্তে হরিরীশ্বরঃ ।

যদগত্বা ন নিবর্তন্তে শাস্তাঃ সন্ন্যাসিনোহমলাঃ ॥”

যে দিকে শ্রীহরি অবস্থান করেন, সেই দিক্কে নমস্কার । সেই দিকে গমন  
করিয়া শাস্ত, নির্মল সন্ন্যাসিগণ আর প্রতিনিবৃত্ত হইলেন না ।

“আত্রাক্তভুবনাল্লোকা পুনরাবর্ত্তিনোহর্জুন ।

মাং প্রাপ্যৈব তু কোন্তেষু পুনর্জন্ম ন বিদ্বতে ॥” গী ৮।১৬

হে অর্জুন, ব্রহ্মলোক পর্যন্ত চতুর্দশ ভুবনের যে কোন লোকে গমন করা  
হউক পুনরাবৃত্তি অবশ্যস্তাবিনী । কিন্তু আমাকে লাভ করিলে পুনর্বার জন্ম  
হয় না ।

“যদগত্বা ন নিবর্ত্তন্তে তদ্ধাম পরমং মম ।” গী । ১৫।৬

যে স্থানে গমন করিলে, আর পুনরাবৃত্তি হয় না, তাহাই আমার পরম ধাম ।

“তমেব শরণং গচ্ছ সর্বভাবেন ভারত ।

তৎপ্রসাদাৎ পরাং শাস্তিং স্থানং প্রাপ্যাসি শাস্বতম্ ॥” গী ১৮।৬২

সর্বতোভাবে আমার শরণাপন্ন হও । আমার প্রসাদে পরাশাস্তি ও নিত্য  
ধাম লাভ করিবে ।

### পুরুষার্থলাভের উপায় কি ?

শেষ প্রশ্ন হইতেছে, ঐ পুরুষার্থলাভের উপায় কি ? - জ্ঞানই উহার একমাত্র উপায়। ঐ জ্ঞানশব্দের তাৎপর্য জীবব্রহ্মের অভেদানুসন্ধানে নহে, পরন্তু ভক্তভজনীয়ত্বানুসন্ধানে। জীব আপনাকে সেবক ও শ্রীভগবানকে সেব্য ভাবিয়া যে জীবব্রহ্মের স্বরূপানুসন্ধান করেন, সেই স্বরূপানুসন্ধানাত্মক জ্ঞানই পুরুষার্থলাভের অদ্বিতীয় উপায়। এই জ্ঞানের নামান্তর ভক্তি। অতএব ভক্তিই পুরুষার্থলাভের একমাত্র উপায়।

পরন্তু এক—অদ্বিতীয়। উহা এক হইয়াও, উপাসকের সাধনানুরূপ যোগ্যতা অনুসারে, আবির্ভাবের ভেদে ব্রহ্ম, পরমাত্মা ও ভগবান্ এই তিন শব্দ দ্বারা অভিহিত হইয়েন; অর্থাৎ জ্ঞানযোগীর সম্বন্ধে নিগুণ ব্রহ্মাকারে আবির্ভূত হইয়া ব্রহ্মশব্দ দ্বারা অভিহিত হইয়েন, অষ্টাঙ্গযোগীর সম্বন্ধে অন্তর্ধামিত্বাদি কতিপয়-গুণবিশিষ্ট পরমাত্মাকারে আবির্ভূত হইয়া পরমাত্মশব্দ দ্বারা অভিহিত হইয়েন, এবং ভক্তিযোগীর সম্বন্ধে পরিপূর্ণসর্বশক্তিসম্বিত শ্রীভগবদাকারে আবির্ভূত হইয়া ভগবচ্ছব্দ দ্বারা অভিহিত হইয়েন। উক্ত পরন্তুবিষয়ক জ্ঞানের অভাব বশতই জীবের পরমেশ্বরবৈমুখ্য ঘটে। ঐ বৈমুখ্যই জগতের ছিদ্র এবং ঐ ছিদ্র দ্বারাই জীবশক্তিতে মায়াশক্তির প্রবেশ বা সঞ্চারণ হয়। বৈমুখ্যলক্ষচ্ছিদ্রা মায়া নিজাংশভূতা জীবমায়া ও গুণমায়া দ্বারা জীবকে পরপর আবরণ করিয়া থাকেন। আবরণশব্দে দেশতঃ, কালতঃ ও বস্তুতঃ পরিচ্ছেদই বোধিত হয়। দেশতঃ পরিচ্ছেদবশতঃ জীবের বিভূ পরন্তুত্বের বিস্মৃতি এবং কালতঃ পরিচ্ছেদ বশতঃ নিত্য আত্মত্বের বিস্মৃতি ঘটিয়া থাকে। এইরূপে বিস্মৃতাত্মত্ব জীব গুণমায়া দ্বারা আবৃত হইয়েন। বস্তুতঃ পরিচ্ছেদই গুণমায়াকৃত আবরণ। ঐ আবরণ বশতঃ জীবের আত্মবিপর্যায় ঘটে। আত্মবিপর্যায় শব্দের অর্থ আত্মার অনাত্ম-বস্তুতে অধ্যাসবশতঃ দেহে আত্মাভিমান ও তদভিনিবেশ। দেহ স্থূল ও সূক্ষ্ম ভেদে দুইটি। সূক্ষ্মশরীর আবার কারণাত্মক ও কার্যাত্মক ভেদে দুইটি। কারণাত্মক সূক্ষ্মশরীরের নাম কারণশরীর। কার্যাত্মক সূক্ষ্মশরীরের নাম সূক্ষ্মশরীর বা লিঙ্গশরীর। কারণশরীর সত্ত্বগুণপ্রধান এবং জ্ঞানশক্তির অতি-ব্যক্তিস্থান। সূক্ষ্মশরীর রজোগুণপ্রধান এবং ইচ্ছাশক্তির অতিব্যক্তিস্থান। স্থূল-শরীর তমোগুণপ্রধান এবং ক্রিয়াশক্তির অতিব্যক্তিস্থান। আত্মার জ্ঞানশক্তির প্রকাশবশতঃ কারণশরীরে, ইচ্ছাশক্তির প্রকাশ বশতঃ সূক্ষ্মশরীরে এবং ক্রিয়া-

শক্তির প্রকাশবশতঃ স্থূলশরীরে আত্মাভিমান জন্মে, অর্থাৎ 'ঐ সকল শরীরই আমি' এই প্রকার জ্ঞান জন্মে। উক্ত জ্ঞানের দৃঢ়তাই তদভিনিবেশ। উহাকে তন্ময়তা বলিলেও বলা যাইতে পারে। অভিনিবেশই ভয়ের হেতু। ভয়শব্দ দ্বারা সংসারভয় বোধিত হয়। সুখ ও দুঃখ লইয়াই সংসার। সংসার জীবের বন্ধন। সংসারবদ্ধ জীব বিষয়বাসনাবশে বিষয়গ্রহণে প্রবৃত্ত হইয়া পর্যায়ক্রমে সুখ ও দুঃখ ভোগ করিয়া থাকেন। ভোগে জীবের স্বাধীনত্ব নাই। জীব প্রাক্তন কর্মের সম্পূর্ণ অধীন। প্রাক্তনকর্মবশে বিষয়বিশেষের সহিত সংযোগ বা বিয়োগ ঘটে। উক্ত সংযোগ এবং বিয়োগই আবার তৃষ্ণার বা বিতৃষ্ণার মূল। তৃষ্ণার ফল আকর্ষণ ও বিতৃষ্ণার ফল বিক্ষেপ। ঐ আকর্ষণ এবং বিক্ষেপই অবস্থাবিশেষে চিত্তের প্রসাদ বা অবসাদ উৎপাদন দ্বারা সুখের বা দুঃখের আকারে পরিণত হয়। সুখ বা দুঃখ চিত্তের বৃত্তিবিশেষ। সুখরূপা বৃত্তি প্রবৃত্তিজনিকা এবং দুঃখ রূপা বৃত্তি নিবৃত্তিজনিকা। মনুষ্য বুদ্ধিপূর্বক যে কিছু কর্ম করেন, তাহাই দুঃখরূপা বৃত্তির পরিহার ও সুখরূপা বৃত্তির লাভের নিমিত্ত। দুঃখহানি এবং সুখলাভই মানবের উদ্দেশ্য হইলেও, ঐ উদ্দেশ্য সকল সময়ে সফল হইতে দেখা যায় না। উদ্দেশ্য সফল না হওয়ার কারণ মানবের জ্ঞানশক্তির সঙ্কীর্ণতা। মানব জ্ঞানবান্ এবং তাঁহার জ্ঞানোৎপাদনযন্ত্রও অসাধারণ। অপর কোন কোন জীবের যেরূপ কেবল সংস্কারমাত্রই আছে, তাঁহার তাহা নহে; তাঁহার কার্যে জ্ঞানবত্তারই পরিচয় পাওয়া যায়; তাঁহার জ্ঞানোৎপাদনযন্ত্রও কেবল সংস্কারের আশ্রয় নহে, পরন্তু সম্পূর্ণ বিচারপটু; তিনি ঐ যন্ত্রের সাহায্যে মানসিক অবস্থাসমূহের বিশ্লেষণ, বিভক্ত অবস্থাসকলের পরস্পর সাদৃশ্য-নিসাদৃশ্য অবধারণ-পূর্বক ব্যষ্টিসমষ্টিভাবে বস্তুবিচারকরণ ও বিচারিত বস্তুসকলের পৌর্ক্যপর্য্য সম্বন্ধ নির্ণয় দ্বারা কারণ নির্ধারণপূর্বক উক্ত বিচারকার্যের উপসংহার করিতে পারেন। এই সকল সত্য হইলেও, মানবের জ্ঞানশক্তি যে সঙ্কীর্ণ, তাহা অস্বীকার করা যায় না। মায়াচিত্ত-জ্ঞানযন্ত্রোক্ত মানবীয় জ্ঞান যে যথেষ্ট প্রসার বা পূর্ণবিকাশ লাভ করিতে পারে না, তাহা স্থির। মানবের জ্ঞান অজ্ঞানাবৃত হইয়া সঙ্কীর্ণ অবস্থাতেই থাকিয়া যায়; পূর্ণ বিকাশ প্রাপ্ত হয় না। জ্ঞানের পূর্ণবিকাশ দেহে আত্মাভিমান ও তদভিনিবেশের অপগম ভিন্ন ঘটে না। দেহে আত্মাভিমান ও তদভিনিবেশের অপগমই চিত্তশুদ্ধি। চিত্তশুদ্ধিতেই জ্ঞান-শক্তির প্রসারতা এবং জ্ঞানশক্তির প্রসারতাতেই মোক্ষ সিদ্ধ হয়। অজ্ঞানকৃত স্বরূপাবরণাদিজনিত দুঃখরূপ সংসারবন্ধনের বিনিবৃত্তিপূর্বক স্বরূপাদি-

সাক্ষাৎকার-জনিত পরমানন্দের লাভই মোক্ষ। ঐ মোক্ষ উপায়সাধ্য। কৰ্ম মোক্ষের উপায় নহে। কি নিষিদ্ধি, কি বিহিত কোন কৰ্মকেই মোক্ষের উপায় বলা যায় না। নিষিদ্ধ কৰ্মের আচরণে নরকাদি অনিষ্টই ঘটে। বিহিত কৰ্ম দ্বারা তাদৃশ অনিষ্টের সম্ভাবনা না থাকিলেও, তদ্বারা মোক্ষ সিদ্ধ হয় না, স্বর্গাদিভোগই সিদ্ধ হইয়া থাকে। মোক্ষ জ্ঞানৈকসাধ্য। কৰ্মযোগকে কেহ কেহ মোক্ষের উপায় বলেন বটে, কিন্তু তাহা মোক্ষের সাক্ষাৎ উপায় নহে। কৰ্মযোগদ্বারা চিত্তশুদ্ধির পর জ্ঞানোদয়েই মোক্ষ শ্রবণ করা যায়। কৰ্মযোগ পরম্পরাসম্বন্ধে মোক্ষসাধক। পরম্পরায় মোক্ষসাধক-কৰ্মযোগ দ্বিবিধ;— ভগবদাজ্ঞাবোধে তৎপ্রীতিসম্পাদনার্থ কৰ্মকরণ ও কৃতকৰ্মের ফল তদুদ্দেশে অর্পণ। উভয়ই নিকাম। উভয়ই নিকাম হইলেও, প্রথমটিতে ফুলের প্রতি লক্ষ্য অর্থাৎ সাগ্রহ দৃষ্টি থাকায় এবং শেষটিতে তাহা না থাকায়, শেষটির অপেক্ষাকৃত উৎকর্ষ জানিতে হইবে। উক্ত দ্বিবিধ কৰ্মযোগের নামান্তর আরোপসিদ্ধা ভক্তি। উহারা ভক্তি না হইয়াও ফলগত সাদৃশ্য দ্বারা ভক্তিত্বের আরোপ হেতু আরোপসিদ্ধা ভক্তি নামে উক্ত হয়।

উক্ত দ্বিবিধ কৰ্মযোগ যথা—

“যৎ করোষি যদশ্নাসি যজ্জুহোষি দদাসি যৎ ।

যত্তপশ্চাসি কোন্তেয় তৎ কুরুষ মদর্পণম্ ॥

শুভাশুভফলৈরেবং মোক্ষ্যসে কৰ্মবন্ধনৈঃ ।

সন্ন্যাসযোগযুক্তাত্মা বিমুক্তো মামুপৈষ্যসি ॥”

শ্রীমদ্ভগবদ্গীতা ৯ অধ্যায় ২৭-২৮ শ্লোক ।

যে কিছু কর, যাহা কিছু ভোজন কর, যাহা কিছু হবন কর, যাহা কিছু দান কর, যে কিছু তপস্বী কর, সেই সকল যাহাতে আমাতে অর্পিত হয় সেইরূপ কর। এইরূপ করিতে করিতে কৰ্মার্ণরূপ সন্ন্যাসযোগ-যুক্তাত্ম হইয়া শুভাশুভ-ফলক কৰ্মবন্ধন হইতে মুক্ত হইবে এবং বিমুক্তির পর আমাকে লাভ করিবে।

জ্ঞান সাক্ষাৎ মোক্ষসাধক হইলেও, ভক্তিবর্জিত কেবল-জ্ঞান মোক্ষ উৎপাদন করিতে পারে না।

“নৈকৰ্ম্ম্যমপ্যচ্যুতভাববর্জিতং

ন শোভতে জ্ঞানমলং নিরঞ্জনম্ ।

কুতঃ পুনঃ শব্দভদ্রমীশ্বরে

ন চার্পিতং কৰ্ম যদপ্যকারণম্” শ্রীমদ্ভাগবত ১ স্কন্ধ ৫ম অধ্যায় ।

শুভাশুভকর্মলেপরহিত ব্রহ্মের সহিত একাকার অতএব অবিচ্ছাধ্য অঙ্গনের নিবর্তক যে নির্ভেদ জ্ঞান, তাহাও যদি ভগবদ্ভক্তিবর্জিত হয়, তবে তাহা কোন-রূপেই শোভা পায় না, অর্থাৎ তাহা ভগবৎসাক্ষাৎকার ঘটাইতে পারে না। জ্ঞানেরই যখন ঈদৃশী দশা, তখন সাধনকালে ও ফলকালে দুঃখপ্রদ যে কাম্যকর্ম বা অকাম্যকর্ম, তাহা ঈশ্বরে অর্পিত না হইলে কি কখন শোভা পাইতে পারে ?

তবে যে জ্ঞানকে কোথাও কোথাও স্বরূপানুভবের সাধন বলা হইয়াছে, তাহা কেবল-জ্ঞানকে নহে। ভক্তিবর্জিত জ্ঞান স্বরূপানুভব সাধন করিতে অক্ষম। স্বরূপানুভবের সাধনীভূত জ্ঞানের নামান্তর সঙ্গসিদ্ধা ভক্তি। উহা ভক্তির সাহচর্য্যে অর্থাৎ ভক্তির সঙ্গে থাকিয়া মোক্ষফল উৎপাদন করে বলিয়াই উহাকে সঙ্গসিদ্ধা ভক্তি বলা হয়।

শ্রীমদ্ভগবদ্গীতায় উক্ত হইয়াছে,—

“চতুर्विधा भक्तौ मां जनाः सुकृतिनोऽर्जुन ।

आर्तौ जिज्ञासुरर्थार्थी ज्ञानी च भवतर्षभ ॥

तेषां ज्ञानी नित्यायुक्त एकभक्ति विशिष्यते ।

प्रियो हि ज्ञानिनोऽत्यर्थमहं स च मम प्रियः ॥

उदारः सर्व एवैते ज्ञानी आत्माव मे मतम् ।

आस्थितः स हि युक्तात्मा मामेवानुत्तमां गतिम् ॥”

৭ অধ্যায় ১৬—১৮ শ্লোক ।

“ब्रह्मभूतः प्रसन्नात्मा न शोचति न कङ्कति ।

समः सर्वेषु भूतेषु मद्भक्तिं लभते पराम् ॥ ”

भक्त्या मामभিজानाति यावान् वर्षास्मि तद्धृतः ।

ततो मां तद्धृतो ज्ञात्वा विशते तदनन्तरम् ॥”

১৮ অধ্যায় ৫৪—৫৫ শ্লোক ।

সুকৃতিশালী ব্যক্তির আর্ত, অর্থার্থী, জিজ্ঞাসু ও জ্ঞানী ভেদে চতুর্বিধ। তন্মধ্যে সর্বদা মমিষ্ঠ, অনন্তভক্তিযুক্ত, জ্ঞানী ব্যক্তিই শ্রেষ্ঠ। আমি জ্ঞানীদিগের অতিশয় প্রিয়, এবং জ্ঞানীও তদ্রূপ আমার প্রিয়। আর্তাদি চতুর্বিধ ভক্তই উদারস্বভাব। কিন্তু আমার মতে জ্ঞানীই আত্মার সদৃশ প্রিয়; কারণ, জ্ঞানী মদেকচ্ছিত হইয়া আমাকেই সর্বোৎকৃষ্ট গতি বলিয়া নিশ্চয় করিয়াছেন।

যিনি শুদ্ধ জীবাশ্মরূপের সাক্ষাৎকার লাভ করিয়াছেন, এবং তন্নির্মিত যিনি প্রসন্নচিত্ত হইয়াছেন, তিনি আর শোক করেন না, আকাঙ্ক্ষাও করেন না, পরন্তু

সর্বভূতে সমদর্শী হইয়া পরা মন্তুক্তি লাভ করিয়া থাকেন। পরা ভক্তি দ্বারা আমার স্বরূপ, গুণ ও বিভূতি অনুভব করা যায়। আমার স্বরূপাদির অনুভব হইলে, মনুষ্য আমার সহিত মিলিত হইয়া থাকে।

জ্ঞানবিশেষরূপা শুদ্ধা ভক্তিই একমাত্র মোক্ষোপায়। উহা সাক্ষাৎ মোক্ষজনিকা। উহা কর্মজ্ঞাননিরপেক্ষভাবেই মোক্ষফল উৎপাদন করিয়া থাকে। ঐ শুদ্ধা ভক্তির নামান্তর স্বরূপসিদ্ধা ভক্তি। ঐ স্বরূপসিদ্ধা ভক্তি যথা—

“মন্যনা ভব মন্তুক্তো মদ্যাজী মাং নমস্কুরু।

মামেবৈষ্যসি যুক্তৈবমাআনং মৎপরায়ণঃ ॥”

গী ৯ অধ্যায় ৩৪ শ্লোক।

মন্যনা, মন্তুক্ত ও মদর্চনপর হও; আমাকে নমস্কার কর। এইরূপে দেহ ও মন আমাতে অর্পণপূর্বক মৎপরায়ণ হইয়া আমাকেই প্রাপ্ত হইবে।

শরণাপত্তি স্বরূপসিদ্ধা ভক্তি বলিয়া অভিহিত হইলেও, উহার দুঃখনিবারণে তাৎপর্য থাকায়, উহাকে সাক্ষাৎ মোক্ষসাধিকা বলিয়া স্বীকার করা যায় না। উহা মোক্ষপ্রতিবন্ধক পাপ সকল দূর করিয়াই নিরস্ত হইয়া থাকে। শরণাপত্তি যথা—

“সর্বান্ ধর্ম্যান্ পরিত্যজ্য মামেকং শরণং ব্রজ।

অহং ত্বাং সর্বপাপেভ্যো মোক্ষয়িষ্যামি মা শুচঃ ॥”

১৮ অধ্যায় ৬৬ শ্লোক।

সর্বধর্ম পরিত্যাগপূর্বক একমাত্র আমার শরণাপন্ন হও। আমি তোমাকে সমুদায় পাপ হইতে মুক্ত করিব; তুমি শোক করিও না।

একমাত্র শুদ্ধা ভক্তিই সাক্ষাৎ মোক্ষজনিকা। এই নিমিত্তই গীতায় উক্ত হইয়াছে,—

“সর্ব গুহ্যতমং ভূয়ঃ শৃণু মে পরমং বচঃ।

ইষ্টোহসি মে দৃঢ়মিতি, ততো বক্ষ্যামি তে হিতম্ ॥

মন্যনা ভব মন্তুক্তো মদ্যাজী মাং নমস্কুরু।

মামেবৈষ্যসি সত্যং তে প্রতিজ্ঞানে প্রিয়োহসি মে ॥”

গী ১৮ অধ্যায় ৬৪—৬৫ শ্লোক।

সর্বাপেক্ষা গুহ্যতম আমার পরম বাক্য পুনশ্চ শ্রবণ কর। তুমি আমার প্রিয়, আমার বাক্য দৃঢ় বলিয়া নিশ্চয় করিতেছ, অতএব তোমার হিত বলিব। তুমি মচ্ছিত্ত, মন্তুক্ত ও মদর্চনপরায়ণ হও; আমাকে নমস্কার কর; এইরূপ



করিলে, আমাকেই প্রাপ্ত হইবে। তোমার শপথ, আমি প্রতিজ্ঞা করিয়া বলিতেছি, তুমি আমার প্রিয়।

ঐ শুদ্ধা ভক্তি আবার সাধন ও সাধ্য ভেদে দুইপ্রকার। তন্মধ্যে সাধ্য শুদ্ধা ভক্তির আবার দুইটি অবস্থা; ভাবাবস্থা ও প্রেমাবস্থা। উহা জ্ঞানাতিরিক্ত কোন বস্তু নহে। উহা জ্ঞানবিশেষ। উহা জ্ঞানের সারাংশ। উহা জ্ঞানের সারাংশ হইয়াও চিত্তবৃত্তি নহে; উহা আত্মার স্বাভাবিকী বৃত্তি। তবে যে উহাকে কোথাও কোথাও চিত্তবৃত্তি বলা হইয়াছে, সে কেবল আত্মার অন্তঃকরণ-তাদাত্ম্যাপত্তি লক্ষ্য করিয়া। আত্মার জ্ঞানসাররূপ বৃত্তিবিশেষের অঙ্কুরাবস্থার নাম ভাব এবং ভাবের পরিপাকাবস্থার নাম প্রেম। ঐ প্রেম আবার মিশ্র ও কেবল ভেদে দ্বিবিধ। মিশ্র প্রেম শ্রীভগবানের ঐশ্বর্যানুভবের এবং কেবল-প্রেম মাধুর্য্যানুভবের সর্ধন। কেবল-প্রেমই প্রেমের পরাকাষ্ঠা। কেবল-প্রেমের নামই পরম প্রেম। পরম প্রেমই পরমপুরুষার্থের সাধন। সাধ্য ও সাধনের অভেদে উহাই পরমপুরুষার্থ।

প্রভুর কথা শুনিয়া সন্ন্যাসিগণ চমৎকৃত হইলেন। সন্ন্যাসীদিগের প্রধান প্রকাশাম্বল বলিলেন, “শ্রীপাদ, তুমি যাহা বলিলে, তদ্বিষয়ে আমরাদিগের কোন-রূপ বিবাদ নাই। আমরা কল্পিত অর্থ জানিয়াও সম্প্রদায়ের অনুরোধে আচার্য্যের উদ্ভাবিত অর্থ মান্ত করিয়া থাকি। তুমি বেদান্তের যেরূপ অর্থ করিলে, তাহাতে তোমাকে সাক্ষাৎ নারায়ণ বলিয়াই বোধ হইতেছে। আমরা তোমাকে না জানিয়া যে কিছু অপরাধ করিয়াছি, তাহা ক্ষমা কর।” প্রভু সন্ন্যাসীদিগকে ক্ষমা করিলেন। প্রভুর প্রসাদ লাভে তাঁহাদিগের মন ফিরিয়া গেল। তাঁহারা সকলেই মায়াবাদ ছাড়িয়া শ্রীকৃষ্ণের চরণ আশ্রয় করিলেন। তাঁহারা কৃষ্ণনাম গ্রহণ করিতে করিতে প্রভুকে লইয়া ভিক্ষা করিলেন। ভিক্ষার পর প্রভু নিজের বাসায় আগমন করিলেন। চন্দ্রশেখরবৈद्य ও তপনমিশ্র শুনিয়া পরম আনন্দ লাভ করিলেন। অপরাপর সন্ন্যাসীসকল শুনিয়া প্রভুকে দর্শন করিবার নিমিত্ত আগমন করিতে লাগিলেন। প্রভু যখন বিশ্বেশ্বর দর্শন করিতে বা স্নান করিতে যান, তখন লক্ষ লক্ষ লোক তাঁহার অনুগমন করেন। এইরূপে সমস্ত বারাণসী কৃতার্থ হইল।

“সন্ন্যাসী পণ্ডিত করে ভাগবত বিচার।

বারাণসীপুরী প্রভু করিল নিস্তার ॥”

### প্রকাশানন্দের পরিবর্তন ।

একদিন প্রকাশানন্দের এক শিষ্য সন্ন্যাসীর সভামধ্যে বলিতে লাগিলেন,—  
 “শ্রীকৃষ্ণচৈতন্ত সাক্ষাৎ নারায়ণ । তিনি সে দিন বেদান্তসূত্রের যে সকল মুখ্যার্থ  
 ব্যাখ্যা করিলেন, তাহা অতীব মনোরম । শঙ্করাচার্য্য শ্রুতির ও শ্রায়ের মুখ্যার্থ  
 ত্যাগ করিয়া যে গৌণার্থ কল্পনা করিয়াছেন, তাহা আমাদিগের মনে না লাগিলেও  
 কেবল সম্প্রদায়ের অনুরোধে মান্ত করিয়া থাকি । কিন্তু শ্রীকৃষ্ণচৈতন্তের কথাই  
 সার কথা । উপক্রমাদি ষড়্‌বিধ লিঙ্গদ্বারা শ্রীভগবানকেই শাস্ত্রের প্রতিপাদ্য  
 বলিয়া বুঝা যায় । সেই পরিপূর্ণসর্বশক্তিসমন্বিত শ্রীভগবানকে সত্ত্বামাত্র বলিয়া  
 প্রচার করিলে, তাঁহার পূর্ণতার হানি করা হয় । ব্রহ্মাংশভূত জীবকে ব্রহ্ম  
 বলিয়া সংসার জয় করা যায় না । ভক্তি বিনা মুক্তি হয় না । শ্রীভগবানের  
 চিহ্নক্তির বিলাস অস্বীকার করিয়া ও তাঁহার চিহ্নগ্রহকে মায়িক মনে করিয়া  
 অবশ্য অপরাধী হইতে হয় । এই কলিকালে এক কৃষ্ণনামই সারাৎসার ।”  
 শিষ্যের কথা শুনিয়া প্রকাশানন্দ বলিলেন, “তুমি যাহা বলিলে, তাহা সত্য ।  
 আচার্য্য অদ্বৈতবাদস্থাপনের প্রয়াসী হইয়া বেদান্তসূত্রের গৌণার্থ কল্পনা করিয়াছেন ।  
 গৌণার্থকল্পনা ব্যতিরেকে কেবল মুখ্যার্থ দ্বারা বিশুদ্ধ অদ্বৈতবাদ স্থাপন করা  
 যায় না । আচার্য্য ব্রহ্মের শক্তি স্বীকার করিয়াছেন । তিনি যে শক্তি স্বীকার  
 করিয়াছেন, তাহা শক্তিবর্গসাধারণী । তবে বৈষ্ণবগণ যদ্বারা ব্রহ্মের ভগবত্তা  
 স্থাপনা করেন, সেই স্বরূপশক্তি তিনি স্পষ্টভাবে স্বীকার করেন নাই । স্পষ্টতঃ  
 স্বীকার না করিলেও জীবের অনাদিত্ব স্বীকারে ব্রহ্মের স্বরূপশক্তিরও নিত্যত্ব  
 প্রকারান্তরে স্বীকৃত হইয়াছে । কারণ, স্বরূপশক্তির স্বীকার ব্যতিরেকে কূটস্থ  
 শুদ্ধ ব্রহ্মের সঙ্গতি হয় না । ব্রহ্ম স্বয়ং মায়াক্রিয়া দ্বারা জীব হইয়াও স্বরূপশক্তি  
 দ্বারাই কূটস্থ ব্রহ্মস্বরূপে অবস্থান করিয়া থাকেন । স্বরূপশক্তির অস্বীকারে ব্রহ্মের  
 কূটস্থস্বরূপে অবস্থানের উপপত্তি করা যায় না । তবে তিনি স্বরূপশক্তির বৈচিত্র্য  
 স্বীকার না করিয়া ঐ স্বরূপশক্তিকে ব্রহ্মাভিন্না বলিয়াই নির্দেশ করিয়াছেন ।  
 আচার্য্যের এইরূপ করিবার বিশেষ কারণ আছে । স্বরূপশক্তির বৈচিত্র্য স্বীকার  
 করিলে, শুদ্ধাদ্বৈত রক্ষা পায় না । বৈচিত্র্যময়ী স্বরূপশক্তির দ্বারা ব্রহ্মের যে  
 ভগবত্তা, সেই ভগবত্তা স্বীকার করিলে, স্বগতভেদের অনিবার্য্যতা বশতঃ  
 অদ্বৈতবাদ রক্ষা করা যায় না । গ্রন্থকর্ত্তারা নিজমত স্থাপন করিতে যাইয়া  
 প্রায়ই এইপ্রকার পন্থা অবলম্বন করিয়া থাকেন । জৈমিনি কর্ম্মের স্থাপনা

করিতে যাইয়া পূর্বমীমাংসায় ঈশ্বরকে কন্ঠের অঙ্গ বলিয়াছেন। কপিল সাংখ্যমত স্থাপন করিতে গিয়া পুরুষের কর্তৃত্ব অস্বীকারপূর্বক প্রকৃতিকেই কর্ত্রী বলিয়া নির্দেশ করিয়াছেন। নৈয়ায়িকেরা পরমাণুকেই বিশ্বের কারণ বলিয়া থাকেন। পতঞ্জলি অস্তর্ধামী পরমাত্মাকেই সর্বেশ্বর বলিয়া প্রচার করিয়া থাকেন। আচার্য্যও তদ্রূপ নির্বিশেষ ব্রহ্মকেই জগতের হেতু বলিয়া ব্যাখ্যা করিয়াছেন। বস্তুতঃ তর্কদ্বারা ঈশ্বরতত্ত্ব নির্ণীত হইতে পারে না। তর্কের প্রতিষ্ঠা নাই। শ্রুতি ও স্মৃতিসকল সকলকালেই বিভিন্ন মত প্রচার করিয়া থাকেন। তর্ক দ্বারা ঐ সকল মতের সমন্বয় করা যায় না। তর্ক দ্বারা গুহানিহিত ধর্মের মর্ম উদ্ঘাটন করা যায় না। মহাজনের পদবীর অনুসরণ ব্যতিয়েকে প্রকৃত পথ পাওয়া যায় না।” মহারাষ্ট্রীয় বিপ্র সন্ন্যাসী-দিগের এই সকল আলাপ শ্রবণ করিয়া প্রভুর নিকট যাইয়া নিবেদন করিলেন। প্রভু শুনিয়া ঈষৎ হাসিয়া বিন্দুমাধব দর্শনে গমন করিলেন।

প্রভু বিন্দুমাধব দর্শনে প্রেমাবিষ্ট হইয়া নৃত্য করিতে লাগিলেন। চন্দ্রশেখর, তপনমিশ্র, পরমানন্দ ও সনাতনগোস্বামী প্রভুর সহিত নৃত্য ও কীর্ত্তনে প্রবৃত্ত হইলেন। চারিদিকে শত শত লোক আসিয়া তাঁহাদিগকে বেষ্টন করিয়া হরিধ্বনি করিতে আরম্ভ করিলেন। এই হরিধ্বনি শুনিয়া প্রকাশানন্দও শিষ্য-বর্গের সহিত ঘটনাস্থলে উপস্থিত হইলেন। তিনি উপস্থিত হইয়া প্রভুর নৃত্য, দেহমাধুর্য্য ও কম্পাদি সাত্ত্বিকবিকারসকল দর্শন করিয়া শিষ্যগণের সহিত সবিস্ময়ে ‘হরি হরি’ ধ্বনি করিতে লাগিলেন। লোকসমাগমে প্রভুর বাহুস্পৃষ্ঠি হইল। তখন তিনি নিজভাব সংবরণ করিলেন। প্রকাশানন্দ আসিয়া প্রভুর চরণবন্দন করিলেন। তদর্শনে প্রভু বলিলেন, “করেন কি? আপনি পূজ্যতম জগদ্গুরু, আমি আপনার শিষ্যতুল্য, আপনি কি আমার বন্দনা করিতে পারেন? শ্রেষ্ঠ ব্যক্তি কখন হীনের বন্দনা করিতে পারে না। আপনি ব্রহ্মসম, আপনার বন্দনায় আমার সর্বনাশ হইবে। যদিও আপনি সকলকেই ব্রহ্মতুল্য দর্শন করিয়া থাকেন, তথাপি লোকশিক্কারোধে আপনি আমাকে বন্দনা করিতে পারেন না।” প্রভুর দীনতা দেখিয়া প্রকাশানন্দ বলিলেন, “আমি ইতিপূর্বে আপনাকে অনেক নিন্দা করিয়াছি। সেই সকল অপরাধের ক্ষমাপনার্থ আমি আপনার চরণস্পর্শ করিতেছি।” প্রভু বলিলেন, ‘বিষ্ণু বিষ্ণু’ আমি হীন জীব; আপনি আমাকে বন্দনা করিয়া অপরাধী হইবেন এবং আমাকেও অপরাধী করিবেন।” প্রকাশানন্দ বলিলেন, “আপনি হীন জীব নহেন, পরন্তু সাক্ষাৎ

নারায়ণ। আপনি লোকশিক্ষার্থ আপনাকে দাস বলিয়া অভিমান করিলেও, আপনি আমাদিগের পূজ্য। আপনাকে নিন্দা করিয়া আমি অপরাধী হইয়াছি। এক্ষণে আপনাকে বন্দনা করিয়া উক্ত অপরাধ হইতে মুক্ত হইতে অভিলাষ করি।” তিনি এইপ্রকার কথার পর, প্রভুকে আর কিছু বলিতে না দিয়া, তাঁহাকে বসাইয়া সবিনয়ে বলিলেন, “প্রভো, আপনি যেদিন আচার্য্যের মায়াবাদে দোষারোপ করিয়া যে বেদান্তসূত্রের ব্যাখ্যা করিয়াছিলেন, তাহা শুনিয়া আমার চমৎকার বোধ হইয়াছে। আপনি ঈশ্বর, আপনার অচিন্ত্যশক্তি; আপনাতে সকলই সম্ভবে। কৃপা করিয়া সজ্জপে সমুদায় বেদান্তের নিগূঢ় অর্থ প্রকাশ করুন, আমরা শুনিয়া কৃতার্থ হইব।” প্রভু বলিলেন, “আমি তুচ্ছ জীব, বেদান্তের কি ব্যাখ্যা করিব?” স্বয়ং সূত্রকারই বেদান্তের ভাষ্য রচনা করিয়া রাখিয়াছিলেন। শ্রীমদ্ভাগবত মহাপুরাণই বেদান্তসূত্রের অকৃত্রিম ভাষ্য। প্রণবের অর্থ গায়ত্রী। গায়ত্রীর অর্থ চতুঃশ্লোকী ভাগবত। ঐ চতুঃশ্লোকী ভাগবত ব্রহ্মা নারদকে উপদেশ করেন। নারদ আবার উহা বেদব্যাসকে উপদেশ করেন। বেদব্যাস ঐ নারদোপদিষ্ট চতুঃশ্লোকীকে বিস্তার করিয়া শ্রীমদ্ভাগবত মহাপুরাণ প্রণয়ন করেন। শ্রীমদ্ভাগবত সমগ্র বেদের, উপনিষদেরও বেদান্তসূত্রের ভাষ্যস্বরূপ। যে ঋক্ হইতে যে বেদান্তসূত্রের আবির্ভাব হইয়াছে, সেই বেদান্তসূত্রের অনুরূপ শ্লোক আবার শ্রীমদ্ভাগবতে নিবদ্ধ হইয়াছে। অতএব বেদ, উপনিষদ ও সূত্রের যাহা অভিপ্রায়, শ্রীমদ্ভাগবতেরও তাহাই অভিপ্রায় জানিতে হইবে। শ্রীমদ্ভাগবতের যাহা সম্বন্ধ, অভিধেয় ও প্রয়োজন, বেদ ও বেদান্তেরও তাহাই সম্বন্ধ, অভিধেয় ও প্রয়োজন। চতুঃশ্লোকীতে ঐ সম্বন্ধ, অভিধেয় ও প্রয়োজন নির্ণীত হইয়াছে।”

### চতুঃশ্লোকী ভাগবত।

শ্রীভগবান্ উবাচ।

“জ্ঞানং পরমগুহ্যং মে যদ্বিজ্ঞানসমম্বিতম্।

সরহস্তং তদক্ষণং গৃহাণ গদিতং ময়া ॥” ভা ২।২।৩০

সৃষ্টির আদিতে নিজ নাভিকমলস্থ তদ্বিজ্ঞানস্থ ব্রহ্মাকে লক্ষ্য করিয়া শ্রীভগবান্ বলিতেছেন,—

হে ব্রহ্মন্, আমার সহিত শাস্ত্রের সম্বন্ধ বিধায় আমিই সম্বন্ধ তত্ত্ব, মৎপ্রাপ্তির

উপায়স্বরূপ আমার জ্ঞান ও বিজ্ঞানই সাধনভক্ত্যাধা বিধেয়লক্ষণ অভিধেয় তত্ত্ব ; আর উক্ত বিধেয়লক্ষণ সাধনের ফলভূত মৎসেবাপ্রদ প্রেমই প্রয়োজন তত্ত্ব । আমি ঐ তিন তত্ত্বই তোমাকে উপদেশ করিতেছি । প্রথমতঃ জ্ঞান বলিতেছি । ঐ জ্ঞান আত্মার স্বরূপ ও অহঙ্কাররূপে সদা সর্বগোচর হইলেও, বিশেষবোধের নিমিত্ত উপদেশার্থ হইয়াছে । উপদেশ ব্যতিরেকে অধিগত জ্ঞানেরও বিশেষবোধ হইতে পারে না । ঐ জ্ঞান মদ্বিষয়ক শব্দজ্ঞান বলিয়া উপদেশের অযোগ্যও নহে । অতএব তুমি প্রথমতঃ মদুপদিষ্ট মদ্বিষয়ক শব্দবোধরূপ পরোক্ষজ্ঞান গ্রহণ কর । উহা পরমশুভ হইলেও আমি তোমাকে বলিতেছি । আবার আমি তোমাকে মদ্বিষয়ক বিজ্ঞান অর্থাৎ বৃত্তিব্যাপ্য অনুভবরূপ অপরোক্ষ জ্ঞান এবং উক্ত জ্ঞানের সহায়ভূত সাধনাজ্ঞ এবং সাধনের ব্যাপারস্বরূপ বা ফলভূত প্রেমও প্রদান করিতেছি ।

“বাবানহং যথাভাবো যদ্রূপগুণকর্মকঃ ।

তথৈব তত্ত্ববিজ্ঞানমস্ত তে মদনুগ্রহাৎ ॥” ভা ২।৯।৩১

আমার অনুগ্রহ ভিন্ন মদীয় পরিমাণ বা বিভূতি, লক্ষণ, রূপ, গুণ ও কর্মের তত্ত্ব কেহই বিদিত হইতে পারেন না । অতএব আমার অনুগ্রহে তোমার ঐ সকল তত্ত্বের অপরোক্ষজ্ঞান লাভ হউক ।

“অহমেবাসমেবাগ্রে নাশ্চদ্ যৎ সদসৎপরম্ ।

পশ্চাদহং যদেতচ্চ যোহবশিষ্যেত সোহস্মাহম্ ॥” ভা ২।৯।৩২

সৃষ্টির পূর্বে কেবল আমি ছিলাম, অন্য কিছুই ছিল না । কার্য্য, কারণ ও তদতীত যাহা কিছু, সে সকল আমিই । কার্য্যভূত জগৎ আমার গুণমায়ার প্রকাশ । কারণভূত আধার আমার জীবদায়ার প্রকাশ । কাল আমার ক্রিয়াশক্তির প্রকাশ । তদুভয়ের অতীত জীবসকল আমার প্রকাশাপ্রকাশসামর্থ্যরূপা তটস্থশক্তি । স্বরূপশক্তিসকল আমার প্রকাশসামর্থ্যরূপা অন্তরঙ্গা শক্তি । ব্রহ্ম সূর্যাস্থানীয় আমার মণ্ডলস্থানীয় নির্বিশেষ প্রকাশ ; পরমাত্মা আমার সবিশেষ প্রকাশাংশ । আমার মণ্ডলবহিষ্চরপরমাণুস্থানীয় জীবসকলের অন্তরালবর্তিনী ছায়ারূপা মায়ী আমার আবরণসামর্থ্য বা স্বরূপাপ্রকাশসামর্থ্য । কেহই আমা হইতে অতিরিক্ত নহে । প্রলয়ের পরও কেবল আমি থাকি, অপর কিছুই থাকে না । পরিদৃশ্যমান বিশ্বও আমিই । আবার প্রলয়ে যাহা অবশেষ থাকে, তাহাও আমিই ; কারণ, আমা ভিন্ন আর কিছুই নাই । আমি প্রাকৃত ও অপ্রাকৃত উভয় দেশ ব্যাপিয়া ওতপ্রোতভাবে অবস্থান করিয়া

ধাকি ; আমার দেশতঃ পরিচ্ছেদ নাই। আমি সৃষ্টির পূর্বে, প্রলয়ের পর এবং তদন্তয়ের মধ্যবর্তী সমস্ত কাল ব্যাপিয়া অবস্থান করি, আমার কালতঃ পরিচ্ছেদ নাই। মায়াদি শক্তিসকল আমার বিভূতি। ব্রহ্ম ও পরমাত্মা আমার অবির্ভাববিশেষ। আমি মধ্যমাকার হইয়াও বিভূ। আমার রূপ সর্ববিলক্ষণ ও অনন্ত। আমার গুণও তদ্রূপ। আমার কৰ্ম্ম সৃষ্টিলীলা, দেবলীলা ও নরলীলায় নিত্য পরিব্যক্ত।

“ঋতেহর্থং যৎ প্রতীয়েত ন প্রতীয়েত চাঅনি ।

তদ্বিচ্ছাদাঅনো মায়াং যথাভাসো যথা তমঃ ॥” ভা ২।২।৩৩

আমা ব্যতিরেকে অর্থাৎ আমা হইতে ভিন্নভাবে যাহার প্রতীতি অর্থাৎ প্রকাশ, অথচ আমার আশ্রয় ব্যতিরেকে আপনাতে যাহার প্রতীতি অর্থাৎ প্রকাশ নাই, যাহা আলোক ও অন্ধকারের অথবা তদন্তয়ের স্তায় প্রতীত হয়, তাহাই আমার শক্তিবর্গসাধারণ মায়ার লক্ষণ। আর পরমার্থভূত আমা ব্যতিরেকে যাহার প্রতীতি, অর্থাৎ আমার প্রকাশে অপ্রকাশ বশতঃ আমার বহির্ভাগেই—মদ্বিমুখ জীবের আশ্রয়েই—যাহার প্রতীতি, এবং আপনাতে যাহার প্রতীতি নাই, অর্থাৎ মদাশ্রয়তঃ ভিন্ন যাহার স্বতঃ প্রকাশ নাই, তাদৃশলক্ষণান্বিত বস্তুকেই আমার ছায়ারূপা মায়া বলিয়া জানিবে। শেষোক্তা মায়ার দুইটি রূপ। একটির নাম আভাস, অপরটির নাম তমঃ। তন্মধ্যে আভাস বা প্রতিচ্ছবির স্তায় স্বভাববশতঃ আভাস এই নাম এবং তমঃ বা তমঃপ্রায় বর্ণশাবল্যের স্তায় স্বভাববশতঃ তমঃ এই নাম জানিতে হইবে। আভাসরূপা মায়ার অপর নাম জীবমায়া, আর তমোরূপা মায়ার অপর নাম গুণমায়া। এই দুই মায়া হইতে মুক্ত হইলেই জীব আমার সাক্ষাৎকার লাভ করিয়া থাকেন। এই সম্বন্ধতত্ত্ব নির্ণীত হইল।

“এতাবদেব জিজ্ঞাস্তুং তত্ত্বজিজ্ঞাসুনাঅনঃ ।

অন্বয়ব্যতিরেকাভ্যাং যং স্তাং সর্বত্র সর্বদা ॥” ভা ২।২।৩৫

আত্মার তত্ত্বজিজ্ঞাসু ব্যক্তি—যে একমাত্র বস্তু অন্বয়ও ব্যতিরেকে অর্থাৎ যুগপৎ অস্থিতভাবে ও অনস্থিতভাবে কেন্দ্রস্থ বস্তুর স্তায় সাক্ষিস্বরূপে সদা সর্বত্র বিদ্যমান বলিয়া উপপন্ন হইয়েন, অর্থাৎ শাস্ত্রযুক্তিদ্বারা পরোক্ষে ও ভক্তি দ্বারা অপরোক্ষ অনুভূত হইয়েন, সেই বস্তু কি এবং তৎসাক্ষাৎকারের উপায়ই বা কি— তাহাই জিজ্ঞাসা করিবেন। জিজ্ঞাসা করিলেই জানিতে পারিবেন, ভক্তিই ঐ উপায়। ধর্ম্মাদি দেশ, কাল ও পাত্রাদির বিচারসাপেক্ষ ; ভক্তি দেশ, কাল ও

পাত্রাদির বিচারনিরপেক্ষ। ভক্তির সর্বদেশকালাদিব্যাপ্তি হেতু উহাই তস্ব-  
জিজ্ঞাসু ব্যক্তির জিজ্ঞাস্ত হইতেছে। ভক্তি দ্বারাই পরমপুরুষার্থের সিদ্ধি  
হইয়া থাকে। এই অভিধেয় ও প্রয়োজন নিরূপিত হইল।

“যথা মহাস্তি ভূতানি ভূতেষু চাবচেষু।

প্রবিষ্টান্ প্রবিষ্টানি তথা তেষু ন তেষু হম্ ॥” ভা ২।২।৩৪

যেমন প্রকৃত্যাদি ক্ষিত্যন্ত মহাভূতসকল উৎকৃষ্ট বিরাড়্ দেহ ও অপকৃষ্ট  
নিজদেহ প্রভৃতি সমস্ত ভূতভৌতিক শরীরে পরিণামতঃ প্রবিষ্ট হইয়াও  
অপরিণত অবস্থায় ঐ সকলে অপ্রবিষ্ট আধারস্বরূপে অবস্থান করে, আমিও  
তদ্রূপ বিবিধ শক্তি ও অংশ দ্বারা ঐ সকলে প্রবিষ্ট হইয়াও অপ্রবিষ্ট কূটস্থ  
অবস্থায় সর্বাংশস্বরূপে অবস্থান করিয়া থাকি। সাধনভক্তি দ্বারা সাধ্য  
প্রেমরূপ পুরুষার্থের লাভে জীব আমাকে এইরূপেই অনুভব করিয়া থাকেন।

নিরন্তর এই শ্রীমদ্ভাগবতের অর্থ বিচার করিলেই শ্রুতির ও সূত্রের অর্থ বোধ  
হইবে। কৃষ্ণনাম করিলেই অনায়াসে মোক্ষের সহিত প্রেম লাভ হইবে।  
এই পুঁথ্যস্ত বলিয়া প্রভু নীরব হইলেন। প্রকাশানন্দ প্রভুর চরণে ধরিয়া সঙ্কীর্ণন  
করিতে বলিলেন। প্রভু কীর্ণন আরম্ভ করিলেন। সন্ন্যাসিগণ প্রভুর কীর্ণনে  
যোগ দিলেন। কীর্ণনের আনন্দে বারাণসীপুরী টলমল করিতে লাগিল।  
সন্ন্যাসিগণ কৃতার্থ হইলেন। এইরূপে সন্ন্যাসিগণকে কৃতার্থ করিয়া প্রভু  
নীলাচলে যাইবার ইচ্ছা করিলেন। তপনমিশ্র প্রভৃতি ভক্তগণ তাঁহার সমভি-  
বাহারী হইতে ইচ্ছা করিলে, তিনি তাঁহাদিগকে নিষেধ করিলেন এবং সনাতন  
গোস্বামীকে শ্রীবৃন্দাবনে যাইতে আদেশ করিয়া স্বয়ং বলভদ্র ভট্টাচার্য্যের সহিত  
বনপথে নীলাচলে প্রত্যাগমন করিলেন। তাঁহার আগমনসংবাদ প্রাপ্ত হইয়া  
ভক্তগণ চরণদর্শনার্থ অগ্রসর হইলেন। নরেন্দ্রসরোবরের নিকট প্রভুর সহিত  
ভক্তগণের মিলন হইল। প্রভু পুরী ও ভারতীর চরণবন্দন করিলেন। তাঁহারা  
প্রভুকে আলিঙ্গন করিলেন। অপরাপর ভক্তগণ প্রভুর চরণবন্দন করিলেন।  
প্রভু পৃথক্ পৃথক্ সকলকেই আলিঙ্গন করিয়া প্রেমাভিষ্ট হইলেন। পরে প্রভু  
ভক্তগণের সহিত নিজ বাসায় গমন করিলেন। সার্কভৌম ভট্টাচার্য্য প্রভুকে  
নিজভবনে লইয়া ভিক্ষা করাইবার ইচ্ছা করিলেন। প্রভু বলিলেন, “তুমি  
মহাপ্রসাদ আনাও, আজ এইখানেই সকলে মিলিয়া প্রসাদ পাইব।” ভট্টাচার্য্য  
মহাপ্রসাদ আনাইলেন। প্রভু ভক্তগণের সহিত নিজবাসাতেই ভিক্ষা করিলেন।

# অন্ত্যলীলা

## ভক্তসমাগম

প্রভু শ্রীবৃন্দাবন হইতে নীলাচলে প্রত্যাগমন করিয়াছেন এই সংবাদ পাইয়া গোড়ীয় ভক্তগণ প্রভুর শ্রীচরণদর্শনার্থ উৎকণ্ঠিত হইলেন। কুলীনগ্রামের, শ্রীখণ্ডের, নদীয়ারও অপরাপর স্থানের ভক্তগণ অদ্বৈতাচার্যের সহিত মিলিত হইয়া নীলাচলে যাইবার উদ্যোগ করিতে লাগিলেন। শচীদেবী শুনিয়া আনন্দিত হইলেন। ভক্তগণ গমনের জন্ত প্রস্তুত হইলে, শিবানন্দ সেন পূর্ববৎ সকলের রক্ষণাবেক্ষণের ভার গ্রহণ করিলেন। ভক্তগণ আনন্দে হরিধ্বনি করিতে করিতে নীলাচলাভিমুখে যাত্রা করিলেন। শিবানন্দ পথে সকলের রক্ষণাবেক্ষণ করিতে করিতে চলিতে লাগিলেন। একটি কুকুর শিবানন্দ সেনের সঙ্গ লইল। শিবানন্দ তাহাকেও যত্নসহকারে পালন করিয়া লইয়া যাইতে লাগিলেন।\*

একদিন একস্থানে নদী পার হইবার সময় উড়িয়া নাবিক কুকুরটিকে নৌকায় উঠাইল না। কুকুর নদীর অপরপারেই থাকিয়া গেল, শিবানন্দ মনে বড় দুঃখ পাইলেন। পরে তিনি দশপন কড়ি দিয়া কুকুরকে পার করাইয়া সঙ্গ লইলেন। আর একদিন শিবানন্দের ভৃত্য কুকুরটিকে অন্ন দিতে ভুলিয়া যাওয়ায়, কুকুর অন্ন পাইল না। শিবানন্দ শুনিয়া অতিশয় দুঃখিত হইলেন। পরে তিনি রাত্রিতে কুকুরকে খাওয়াইবার জন্ত অনুসন্ধান করিলেন। অনেক অনুসন্ধানেও কুকুরকে পাওয়া গেল না, শিবানন্দ সেদিন দুঃখে উপবাসী রহিলেন। পরদিন প্রভাতেও কুকুরকে পাওয়া গেল না। সকলেই বিস্মিত হইলেন এবং উৎকণ্ঠিতচিত্তে নীলাচলে চলিয়া আসিলেন। তাঁহারা নীলাচলে আসিয়া পূর্ব পূর্ব বৎসরের শ্রায় প্রভুর সহিত মিলিত হইলেন। প্রভু তাঁহাদিগকে লইয়া জগন্নাথ দর্শন ও মহাপ্রসাদ ভোজন করিলেন। তদনন্তর সকলেই পূর্ববৎ নিজ নিজ বাসায় গমন করিলেন। শেষে একদিন ভক্তগণ দেখিলেন, সেই কুকুরটি প্রভুর অনতিদূরে বসিয়া আছে। প্রভু তাহাকে প্রসাদী নারিকেল-শস্ত্র ফেলিয়া দিতেছেন, কুকুর উহা ভক্ষণ করিতেছে ও 'কৃষ্ণ কৃষ্ণ' বলিতেছে। দেখিয়া ভক্তগণ যার-পর-নাই বিস্মিত হইলেন। শিবানন্দ কুকুরকে দেখিয়া



প্রণাম করিলেন এবং দৈন্ত করিয়া নিজ অপরাধ ক্ষমা করাইতে লাগিলেন। তার পর আর সেই কুকুরকে দেখা গেল না। সে সিদ্ধদেহ লাভ করিয়া শ্রীবৈকুণ্ঠে গমন করিল।

### শ্রীরূপগোস্বামীর নীলাচলে আগমন

এদিকে শ্রীরূপগোস্বামী কনিষ্ঠ বল্লভের সহিত প্রয়াগ হইতে মথুরায় আগমন করিলেন। মথুরায় আসিয়াই তাঁহার সুবুদ্ধিরায়ের সহিত দেখা হইল। গোড়েশ্বর হুসেন সা মহিষীর প্ররোচনায় যবনের জল মুখে দিয়া সুবুদ্ধিরায়ের জাতিনাশ করিলে, তিনি বিষয় ত্যাগ করিয়া বারাণসীতে চলিয়া আসিলেন। বারাণসীতে আসিয়া তত্রত্য পণ্ডিতমণ্ডলীর নিকট প্রায়শ্চিত্তের ব্যবস্থা প্রার্থনা করিলেন। পণ্ডিতগণ মরণাস্ত্র প্রায়শ্চিত্তের ব্যবস্থা করিলেন। সুবুদ্ধিরায় শুনিয়া কিছু খিন্ন হইলেন। ভাগ্যক্রমে সেই সময় মহাপ্রভু বারাণসীতে আগমন করিলেন। সুবুদ্ধিরায় তাঁহাকে পাইয়া নিজের অবস্থা সমস্তই নিবেদন করিলেন। প্রভু শুনিয়া বসিলেন, “মরণাস্ত্র প্রায়শ্চিত্ত তামসিক, তুমি শ্রীবৃন্দাবনে যাইয়া নিরন্তর কৃষ্ণনাম কর, তাহা হইলেই পাপমুক্ত হইবে। এক নামাতাসে পাপদোষের খণ্ডন হইবে, অপর নাম লইতে লইতে শ্রীকৃষ্ণের চরণ প্রাপ্ত হইবে।” সুবুদ্ধিরায় তদনুসারে শ্রীবৃন্দাবন যাত্রা করিলেন। পথে অযোধ্যা, নৈমিষারণ্য ও প্রয়াগ প্রভৃতি তীর্থে তাঁহার কিঞ্চিৎ বিলম্ব হইল, সুতরাং মথুরায় আসিয়া প্রভুর দর্শন পাইলেন না, শুনিলেন, প্রভু শ্রীবৃন্দাবন হইয়া প্রয়াগে গমন করিয়াছেন। তিনি শ্রীবৃন্দাবনে প্রভুর দর্শনলাভে বঞ্চিত হইয়া বিশেষ ক্ষুব্ধ হইলেন। পরে বন হইতে শুষ্ক কাষ্ঠ আনিয়া বিক্রয় করিয়া তদ্বারা নিজের জীবিকা নির্বাহ এবং উহারই কিছু কিছু সংগ্রহ করিয়া তদ্বারা বৈষ্ণবসেবায় রত হইলেন। ইতিমধ্যে শ্রীরূপগোস্বামী মথুরায় আগমন করিলেন। সুবুদ্ধিরায় তাঁহাকে লইয়া দ্বাদশবন দর্শন করাইলেন। শ্রীরূপগোস্বামী একমাস শ্রীবৃন্দাবন অবস্থানান্তর জ্যেষ্ঠ সনাতনের অনুসন্ধানার্থ গঙ্গাতীরপথে পুনশ্চ প্রয়াগে প্রত্যাগমন করিলেন। সনাতন গোস্বামী রাজপথে শ্রীবৃন্দাবন যাত্রা করিয়াছিলেন, অতএব শ্রীরূপগোস্বামীর সহিত দেখা হইল না। তিনি মথুরায় উপস্থিত হইয়া সুবুদ্ধিরায়ের মুখে শুনিলেন, শ্রীরূপগোস্বামী কনিষ্ঠ বল্লভের সহিত প্রয়াগে চলিয়া গিয়াছেন। শ্রীরূপগোস্বামী প্রয়াগে আসিয়া সনাতন গোস্বামীকে না পাইয়া বারাণসীতে

আগমন করিলেন। বারাণসীতে আসিয়া শুনিলেন, সনাতন গোস্বামী শ্রীবৃন্দাবন গমন করিয়াছেন, এবং প্রভুও দুই মাস থাকিয়া সনাতন গোস্বামীকে শিক্ষা দিয়া ও কাশীপুরীর সন্ন্যাসীদিগকে কৃতার্থ করিয়া বনপথে নীলাচলে গমন করিয়াছেন। এ সকল শুনিয়া শ্রীকৃষ্ণগোস্বামী আর কালবিলম্ব করিলেন না, দ্রুত গৌড়ে চলিয়া আসিলেন। গৌড়ে আসিয়া বল্লভের গঙ্গালাভ হইল। শ্রীকৃষ্ণগোস্বামী গৌড় হইতে নীলাচলে আগমন করিলেন। তিনি যখন শ্রীবৃন্দাবনে ছিলেন, তখনই তাঁহার কৃষ্ণলীলাময় নাটক রচনা করিবার অভিলাষ হয়। শ্রীবৃন্দাবনেই উক্ত নাটকের মঙ্গলাচরণ নান্দীশ্লোক লিখেন। পথে আসিতে আসিতে নাটকের ঘটনা চিন্তা করিয়া তাহার একটি কড়চাও প্রস্তুত করেন। পরে তিনি উড়িষ্যার পথে সত্যভামাপুর নামক গ্রামে একরাত্রি বাস করেন। ঐ রাত্রিতেই স্বপ্ন দেখেন, সত্যভামা দেবী আদেশ করিতেছেন,—

“আমার নাটক পৃথক্ করহ রচন।

আমার রূপাতে নাটক হবে বিলক্ষণ॥”

স্বপ্ন দেখিয়া শ্রীকৃষ্ণগোস্বামী বুঝিলেন, আনি রসপুষ্টির নিমিত্ত ব্রজলীলা ও পুরলীলা একত্র করিয়া একখানি নাটক রচনা করিতেছিলাম; দেবী আমাকে আদেশ করিলেন, ঐ একখানি নাটক ভাঙ্গিয়া ব্রজলীলা হইতে পুরলীলা পৃথক্ করিয়া দুইখানি নাটক রচনা করিতে। প্রায়িকীলীলায় শ্রীকৃষ্ণের ব্রজপরিকর ও পুরপরিকর ভিন্ন ভিন্ন। পরিকরসকল ভিন্ন হইলে, শ্রীকৃষ্ণ ব্রজ হইতে যখন পুরে গমন করেন, তখন ব্রজবাসীদিগের যে বিরহ উপস্থিত হয়, শ্রীকৃষ্ণের ব্রজে পুনরাগমন ভিন্ন সেই বিরহের অবসান না হওয়ায়, রসের পুষ্টি হয় না। এই নিমিত্তই ভাগবতগণ সিদ্ধান্ত করিয়া থাকেন যে, শ্রীকৃষ্ণ অপ্রকটপ্রকাশে শ্রীবৃন্দাবন ত্যাগ না করিয়া সদাই ব্রজে ক্রীড়া করেন, এবং প্রকটপ্রকাশে শ্রীবৃন্দাবন ত্যাগ করিয়া ব্রজ হইতে পুরীতে গমন ও পুরী হইতে ব্রজে প্রত্যাগমন করিয়া থাকেন। শ্রীকৃষ্ণ যখন ব্রজ হইতে পুরীতে গমন করেন তখন ব্রজে বিরহ উপস্থিত হয়। ঐ বিরহ তিনমাস থাকে। ঐ বিরহজনিত ক্লান্তির উদ্দেশ্যে ব্রজবাসীদিগের চিত্ত যখন অত্যন্ত অধীর হইয়া যায়, তখন শ্রীকৃষ্ণ উদ্ধবাদি দ্বারা নিজ সমাচার প্রেরণের সহিত ব্রজে আবির্ভূত হইয়া থাকেন। তাঁহার আবির্ভাব হইলে, ব্রজবাসীগণ তাঁহার পুরগমনবৃত্তান্ত স্বপ্ন বলিয়াই অনুভব করেন। পরে শ্রীকৃষ্ণ ব্রজে আগমনানন্তর মাসদ্বয় প্রকট বিহার পূর্বক নিত্যলীলায় অবস্থান করেন। তৎকালে, অর্থাৎ যখন শ্রীবৃন্দাবনলীলা

অপ্রকট হয়, তখন পুরলীলা প্রকট থাকে। কিন্তু শ্রীমদ্ভাগবতে ইহার স্পষ্ট বর্ণনা না থাকায় ব্রজোপাসকের নিরতিশয় কষ্ট হয়। ঐ কষ্টের বারণার্থই আমি কাদাচিৎকী লীলা অবলম্বনে নাটক রচনা করিতেছি। কাদাচিৎকী লীলায় ব্রজপরিকর ও পুরপরিকর একই; অতএব এই লীলায় শ্রীকৃষ্ণ ব্রজ হইকে পুরে আগমন করিলেও, ব্রজবাসীরা পুরেই শ্রীকৃষ্ণকে প্রাপ্ত হইয়া বিরহসস্তাপ হইতে মুক্তি পাইয়া থাকেন। এইরূপে রসেরও যথেষ্ট পোষণ হয়। কিন্তু সত্যভামা দেবী আমাকে দুইখানি নাটক করিয়া ব্রজলীলার ব্রজে ও পুরলীলার পুরেই পরিসমাপ্তি করিতে আদেশ করিতেছেন। প্রায়িকীলীলার অনুসরণ ভিন্ন ব্রজলীলার ব্রজে পরিসমাপ্তি করা যায় না। অতএব প্রায়িকীলীলার অনুসরণে ব্রজলীলাময় নাটক রচনা করিব এবং কাদাচিৎকী লীলার অনুসরণে পুরলীলাময় অপর একখানি নাটক রচনা করিব। পরে তাহাই নিশ্চয় করিয়া তদ্বিষয় চিন্তা করিতে করিতে নীলাচলে উপনীত হইলেন। প্রথমেই হরিদাস ঠাকুরের সহিত দেখা হইল। হরিদাস ঠাকুর রূপগোস্বামীকে বিশেষ রূপা করিলেন, এবং বলিলেন, আমি প্রভুর মুখে তোমার নীলাচলে আসিবার কথা শুনিয়াছি।” এই সময়ে প্রভু উপনভোগ দর্শন করিয়া পূর্ব পূর্ব দিনের ত্রায় ঐ স্থানে আগমন করিলেন। রূপগোস্বামী প্রভুকে দেখিয়া দণ্ডবৎ পতিত হইলেন। হরিদাস ঠাকুর বলিলেন, “প্রভো, রূপ প্রণাম করিতেছেন।” প্রভু হরিদাসের সহিত মিলনের পর রূপগোস্বামীকে আলিঙ্গন করিলেন। পরে তাঁহাদের দুইজনকে লইয়া উপবেশন করিলেন। প্রভু রূপগোস্বামীকে কুশল জিজ্ঞাসা করিলেন। রূপগোস্বামী সনাতন গোস্বামীর শ্রীবৃন্দাবন গমন এবং বল্লভের গঙ্গালাভ প্রভৃতি সমস্তই সংক্ষেপে নিবেদন করিলেন। প্রভু রূপগোস্বামীকে হরিদাস ঠাকুরের নিকট অবস্থান করিতে বলিয়া বাসায় গমন করিলেন। পরদিন ভক্তগণের সহিত রূপগোস্বামীর পরিচয় করিয়া দিলেন। রূপগোস্বামী একে একে ভক্তগণের চরণ বন্দন করিলেন। ভক্তগণও তাঁহাকে একে একে আলিঙ্গন দিলেন। পরে প্রভু ভক্তগণকে বলিলেন, “তোমরা সকলে কায়মনে রূপের প্রতি রূপা ও শক্তিসঞ্চার কর। রূপ তোমাদিগের রূপায় ভক্তিরস প্রচার করিবে। কিয়ৎকণ কথাবার্তার পর প্রভু চলিয়া গেলেন। রূপগোস্বামী প্রভুরও ভক্তগণের বিশেষ স্নেহভাজন হইলেন। প্রভু প্রতিদিন যে কিছু প্রসাদ পাঠাইয়া দেন, তাহাই রূপগোস্বামী ও হরিদাস ঠাকুর ভোজন করেন। ক্রমে গুণ্ডিচামার্জন ও বন্যভোজন হইয়া গেল। একদিন প্রভু রূপগোস্বামীকে বলিলেন,—

“কৃষ্ণকে বাহির নাহি করিহ ব্রজ হইতে ।

ব্রজ ছাড়ি কৃষ্ণ কভু না যান কাঁহাতে ॥”

এই কথা বলিয়া প্রভু মধ্যাহ্নানাদি করিতে চলিয়া গেলেন । রূপগোশ্বামী শুনিয়া কিছু বিস্মিত হইলেন । তিনি ভাবিলেন, স্বপ্নাদেশ ও সাক্ষাৎ আদেশ একরূপই হইতেছে । স্বপ্নে সত্যতামা দেবী পুরলীলা পৃথক্ করিয়া বর্ণনা করিতে বলিয়াছেন, সাক্ষাতে প্রভুও ব্রজলীলার ব্রজেই সমাপ্তি করিতে আদেশ করিতেছেন । অতএব দুইটি প্রস্তাবনাই করিতে হইল । পরে তাহাই করিলেন । দুইটি প্রস্তাবনা করিয়া দুইখানি নাটকের একখানিতে, ব্রজলীলা ও অপরখানিতে পুরলীলা লিখিতে লাগিলেন । এদিকে রথযাত্রা আসিয়া উপস্থিত হইল । রূপগোশ্বামী রথোপরি জগন্নাথদেবকে দর্শন করিলেন । রথাগ্রে প্রভুর নর্তনকীর্তনও দেখিলেন । প্রভু কীর্তন করিতে করিতে পূর্ববৎ নিম্নলিখিত শ্লোকটি পাঠ করিলেন ।

“ধঃ কৌমারহরঃ স এব হি বরস্তা এব চৈত্রকুপা-

স্তে চোন্মীলিতমালতীসুরভয়ঃ প্রোঢ়াঃ কদম্বানিলাঃ ।

সা চৈবাস্মি তথাপি তত্র সুরভব্যাপারলীলাবিধৌ

রেবারোধসি বেতসীতরুতলে চেতঃ সমুৎকণ্ঠতে ॥” পদ্মাবল্যাম্ ৩৮৬

প্রভু ষে কেন সহসা এই শ্লোকটি পাঠ করিলেন, তাহা অপর কেহই বুঝিলেন না । স্বরূপ নৌসাই প্রভুর অভিপ্রায় বুঝিয়া তদনুরূপ পদ গাইতে লাগিলেন । রূপগোশ্বামীও প্রভুর অভিপ্রায় বিদিত হইয়া নিম্নলিখিত শ্লোকটি রচনা করিলেন ।

“প্রিয়ঃ সোহয়ং কৃষ্ণঃ সহচরি কুরুক্ষেত্রমিলিত-

স্তথাহং সা রাধা তদিদমুভয়োঃ সঙ্গমসুখম্ ।

তথাপ্যস্তঃ খেলনধুরমুরলীপঞ্চমজুষে

মনো মে কালিন্দীপুলিনবিপিনায় স্পৃহয়তি ॥” পদ্মাবল্যাম্ ৩৮৭

হে সহচরি, কুরুক্ষেত্রে আসিয়া আমার প্রিয় সেই শ্রীকৃষ্ণের সঙ্গতি লাভ করিলাম, আমিও সেই রাধা, আমাঙ্গিগের পরস্পরের মিলনসুখও তথাবিধ ; কিন্তু মুরলীর মধুর পঞ্চমস্বরে নিনাদিত যমুনাতীরস্থ নিকুঞ্জকাননে গমন করিতেই আমার মন সমুৎসুক হইতেছে ।

রূপগোশ্বামী শ্লোকটি ভালপদ্রে লিখিয়া ঘরের চালে ওঁজিয়া রাখিয়া দান করিতে গেলেন । ইতিমধ্যে প্রভু আসিয়া চালে গৌড়া শ্লোকটি লইয়া

পাঠ করিতে লাগিলেন। প্রভু শ্লোকটি পাঠ করিয়া প্রেমাবিষ্ট হইলেন। এইসময়ে রূপগোস্বামী নান করিয়া বাসায় আসিলেন। তিনি প্রভুকে দেখিয়া হৃৎকম্প প্রকাশিত করিলেন। প্রভু তাঁহার পৃষ্ঠে হস্ত দিয়া বলিলেন, “রূপ, তুমি আমার মনের গূঢ়ভাব কিরূপে বিদিত হইলে?” এই কথা বলিয়া প্রভু রূপগোস্বামীকে গাঢ়রূপে আলিঙ্গন করিলেন। অনন্তর ঐ শ্লোকটি লইয়া স্বরূপ গোসাঁইকে দেখাইলেন, এবং রূপগোস্বামী কিরূপে তাঁহার মনের ভাব বিদিত হইলেন, তাহা পরীক্ষা করিতে বলিলেন। স্বরূপ গোসাঁই বলিলেন, “ইহা আর পরীক্ষা করিব কি? তোমার রূপাতেই রূপ তোমার মনের ভাব বিদিত হইয়াছে, অন্তথা তোমার মনের ভাব বিদিত হইবার সম্ভাবনা কোথায়?” প্রভু বলিলেন, “হাঁ, আমার সহিত রূপের দেখা হয় এবং সেই সময়েই আমি ইহাকে যোগ্যপাত্র জানিয়া রূপা করিয়াছিলাম। আমি তৎকালে শক্তিসংস্কারপূর্বক ইহাকে কিছু উপদেশও করিয়াছিলাম। তুমিও ইহাকে রসতত্ত্ব উপদেশ করিও।”

ক্রমে চাতুর্মাশ অতিক্রান্ত হইল। গোড়ের ভক্তগণ গোড়ে ফিরিয়া গেলেন। রূপগোস্বামী পুরীতেই থাকিলেন। তিনি একদিন বাসায় বসিয়া নাটক লিখিতেছেন, এমন সময়ে প্রভু আসিয়া উপস্থিত হইলেন। প্রভুকে দেখিয়া রূপগোস্বামী উঠিয়া প্রণাম করিলেন। প্রভু তাঁহাকে আলিঙ্গন দিয়া আসন গ্রহণ করিলেন। উপবেশনের পর প্রভু “রূপ, কি পুস্তক লিখিতেছ?” বলিয়া উহার একখানি পত্র তুলিয়া লইলেন। রূপের হস্তাকর মুক্তার সদৃশ পরিষ্কার—পরিচ্ছন্ন। প্রভু হস্তাকর দেখিয়া সুখী হইলেন এবং যথেষ্ট প্রশংসাও করিলেন। পরে নিম্নলিখিত শ্লোকটি পাঠ করিয়া প্রেমাবিষ্ট হইলেন

“তুণ্ডে তাণ্ডবিনী রতিং বিতনুতে তুণ্ডাবলীলকয়ে  
কর্ণক্ৰোড়কড়ম্বিনী ঘটয়তে কর্ণকুদেভ্যঃ স্পৃহাম্ ।  
চেতঃপ্রাক্ৰমসঙ্গিনী বিজয়তে সর্বেন্দ্রিয়াণাং কৃতিং  
নো জানে জনিতা কিয়ন্তিরমৃতৈঃ কৃষ্ণেতি বর্ণদ্বয়ী ॥”

বিদগ্ধমাধবে ১।৩৩

জানি না, কৃষ্ণ এই বর্ণ দুইটি কত অমৃত ধারা রচিত হইয়াছে। এই দুইটি বর্ণ যখন মুখে নৃত্য করে, তখন অনেক মুখ পাইবার অভিলাষ হয়; শ্রবণমধ্যে আবহুরিত হইলে, অসংখ্য শ্রবণ লাভের অভিলাষ জন্মে; আর চিত্ত-প্রাক্ৰমে সজত হইলে, নিখিল ইন্দ্রিয়ব্যাপারকেই পরাজয় করিয়া থাকে।

শ্লোক শুনিয়া হরিদাস ঠাকুর আনন্দে নৃত্য করিতে লাগিলেন। পরে তিনি শ্লোকার্থের প্রশংসা করিয়া বলিলেন, “আমি শাস্ত্রে ও সাধুজনের মুখে কৃষ্ণনামের অনেক মহিমাই শ্রবণ করিয়াছি, কিন্তু এরূপ ত কখন শুনি নাই।” প্রভু রূপগোশ্বামীকে ও হরিদাস ঠাকুরকে আলিঙ্গন দিয়া বাসায় চলিয়া গেলেন।

আর একদিন প্রভু সার্কভৌম ভট্টাচার্য্য, রামানন্দ ও স্বরূপের সহিত শ্রীরূপের বাসায় উপস্থিত হইলেন। প্রভুকে আগত দেখিয়া রূপগোশ্বামী ও হরিদাস ঠাকুর উঠিয়া প্রণাম করিলেন। প্রভু ভক্তগণের সহিত পিঁড়ার উপর উপবেশন করিলেন। রূপগোশ্বামী ও হরিদাস ঠাকুর পিঁড়ার উপর উঠিলেন না, নিম্নেই বসিলেন। প্রভু উপবিষ্ট হইয়া রূপকে উক্ত শ্লোক দুইটি পাঠ করিতে বলিলেন। রূপগোশ্বামী লজ্জাবশতঃ পাঠ করিতে পারিলেন না, মৌন ধারণ করিলেন; স্বরূপ গোসাঁই স্বয়ং শ্লোক দুইটি পাঠ করিলেন। রামানন্দ ও সার্কভৌম শুনিয়া বিশেষ মুখ পাইলেন এবং শ্লোক দুইটির অনেক প্রশংসাও করিলেন। পরে রামানন্দরায় বলিলেন, “কোন্ গ্রন্থ রচনা হইতেছে? বাহার ভিতরে এরূপ সিদ্ধান্তের খনি, সেই গ্রন্থের নাম কি?” স্বরূপ গোসাঁই বলিলেন, “শ্রীকৃষ্ণলীলাবিষয়ক নাটক। এই নাটকে পূর্বে ব্রজলীলা ও পুরলীলা একত্র বর্ণিত হইতেছিল। প্রভুর আদেশানুসারে সম্প্রতি ইহা বিদগ্ধমাধব ও ললিতমাধব নামে দুইভাগে দুইখানি নাটকের আকারে রচিত হইতেছে।” রামানন্দ রায় শুনিয়া নান্দীশ্লোক, ইষ্টদেবের বর্ণন, পাত্রসন্নিধান, প্ররোচনা, প্রেমোৎপত্তির কারণ প্রভৃতি নাটকীয় কতকগুলি বিষয় জিজ্ঞাসা করিলেন। রূপগোশ্বামী প্রভুর আজ্ঞানুসারে একে একে সকলগুলি শুনাইলেন। শুনিয়া রামানন্দ যথেষ্ট প্রশংসা সহকারে বলিতে লাগিলেন, “ইহা ত কবিত্ব নয়, পরম অমৃতের ধার; ইহা নাট্যকারের সিদ্ধান্তের সার। প্রভুর কৃপা ব্যতিরেকে জীবের কি এরূপ বর্ণনশক্তি হইতে পারে?” প্রভু বলিলেন, “আমি ইহাঁর সহিত মিলনে ইহাঁর গুণে অতীব তুষ্ট হইয়াছি। এক্ষণে তোমরা সকলে এরূপ বর দাও, যাহাতে ইনি নিরন্তর ব্রজলীলারস বর্ণন করিতে সমর্থ হইয়েন। ইহাঁর যিনি জ্যেষ্ঠ, তাঁহার নাম সনাতন, তিনিও পরম বিজ্ঞ। রায়, তোমার জ্ঞান তাঁহারও বৈরাগ্যের রীতি অতিশয় অদ্ভুত। তাঁহাতে দৈন্ত, বৈরাগ্য ও পাণ্ডিত্য প্রভৃতি একাধারে বর্তমান। আমি এই ছই তাইকে শক্তিসংগর করিয়া শ্রীকৃষ্ণাবসে পাঠাইলাম। ইহাঁরা বৃন্দাবনে থাকিয়া ভক্তিশাস্ত্র প্রচার করিবেন।” রামানন্দ

বলিলেন, “তুমি ঈশ্বর, বাহা ইচ্ছা তাহাই করিতে পার ; তুমি কাঠের পুতুলকেও নাচাইতে পার। তুমি আমার মুখ দিয়া যে সকল রস প্রকাশ করিয়াছিলে, ইহার লিখনেও সেই সকল রসই দেখিতেছি। তুমি ভক্তগণের প্রতি রূপা করিবার নিমিত্ত ব্রজরস প্রচার করিতে অভিলাসী হইয়াছ। যাহার দ্বারা উহা প্রচার করিতে ইচ্ছা করিবে, তাহার দ্বারাই প্রচার করিতে পারিবে। জগৎ তোমার অধীন।” রামানন্দের কথা শেষ হইলে, প্রভু রূপগোস্বামীকে আলিঙ্গন করিয়া সকল ভক্তের চরণবন্দন করাইলেন। ভক্তগণ রূপগোস্বামীকে আলিঙ্গন প্রদান করিলেন।

ক্রমে দোলযাত্রার সময় নিকটবর্তী হইল। রূপগোস্বামী দোলযাত্রা দর্শন করিলেন। দোলযাত্রার পর প্রভু রূপগোস্বামীকে বলিলেন, রূপ, তুমি শ্রীবৃন্দাবনে যাইয়া ব্রজরস প্রচার কর, এবং একবার সনাতনকে আমার নিকট পাঠাইও।” রূপগোস্বামী প্রভুর ও ভক্তগণের চরণগ্রহণ করিয়া গোড়দেশ হইয়া শ্রীবৃন্দাবনে গমন করিলেন।

### প্রভুর আবেশ ও আবির্ভাব।

জীবোদ্ধারার্থ শ্রীগৌরসুন্দরের অবতার। তিনি অবতীর্ণ হইয়া তিন প্রকারে জীব সকলকে উদ্ধার করিতে লাগিলেন। কোথাও সাক্ষাৎ দর্শনদান দ্বারা, কোথাও যোগ্য ভক্তের দেহে আবিষ্ট হইয়া, কোথাও বা স্বয়ং আবির্ভূত হইয়া জীবগণের উদ্ধার সাধন করিতে লাগিলেন। অম্বুয়া নামক স্থানে নকুল ব্রহ্মচারী নামক এক ভক্ত বাস করিতেন। প্রভু সেই নকুল ব্রহ্মচারীর শরীরে আবিষ্ট হইলেন। প্রভুর আবেশে নকুল ব্রহ্মচারী প্রেমাবিষ্ট ও বিবিধ সাত্ত্বিকভাবে অলঙ্কৃত হইয়া লোকসকলকে উদ্ধার করিতে লাগিলেন। শিবানন্দ সেন এই ব্যাপার লোকমুখে শ্রবণ করিয়া সত্য সত্যই ব্রহ্মচারীতে প্রভুর আবেশ হইয়াছে কি না পরীক্ষা করিবার নিমিত্ত মনে করিলেন, আমি স্বয়ং কোন কথা জিজ্ঞাসা না করিলেও নকুল ব্রহ্মচারী যদি আমার ইষ্টমন্ত্র বলিতে পারেন, তবে আমি তাঁহাতে প্রভুর আবেশ হইয়াছে বলিয়া বিশ্বাস করিব। এইরূপ স্থির করিয়া শিবানন্দ ব্রহ্মচারীর ভবনে গমন করিলেন। যাইয়া দেখিলেন, লোকে লোকারণ্য। শিবানন্দ নকুল ব্রহ্মচারীর সহিত দেখা না করিয়া ঐ লোকের ভিড়ের ভিতরই অবস্থান করিতে লাগিলেন। হঠাৎ একজন লোক আসিয়া বলিল,

“এখানে শিবানন্দ সেন কে আছেন আসুন, তাঁহাকে ব্রহ্মচারী ডাকিতেছেন।” শিবানন্দ শুনিয়া সবিস্ময়ে ব্রহ্মচারীর নিকট উপস্থিত হইলেন। শিবানন্দকে দেখিয়াই ব্রহ্মচারী বলিলেন,—

“গৌরগোপাল মন্ত্র তোমার চারি অক্ষর।

অবিখাস ছাড় যেই করেছ অন্তর ॥”

শিবানন্দ শুনিয়া স্তম্ভিত হইলেন এবং ব্রহ্মচারীকে অনেক স্তবস্তুতি করিয়া বিদায় লইলেন।

শ্রীবাস পণ্ডিতের কীর্তনে, নিত্যানন্দ প্রভুর নর্তনে এবং রাঘব পণ্ডিতের ও শচীদেবীর মন্দিরে প্রভুর প্রায়ই আবির্ভাব দৃষ্ট হইত। একবার শিবানন্দের ভবনেও প্রভুর আবির্ভাব হইয়াছিল। উক্ত আবির্ভাবের বৃত্তান্ত এইরূপ— এক বৎসর পুরী হইতে বিদায়ের কালে প্রভু ভক্তগণকে বলিলেন, আগামী বৎসর তোমরা এখানে আসিও না, আমিই গোড়ে যাইব। প্রভুর আজ্ঞানুসারে ভক্তগণ ঐ বৎসর ক্ষেত্রে গমন করিলেন না। প্রভুরও কিন্তু গোড়ে আগমন হইল না। ভক্তগণ প্রভুর আগমন না হওয়ায় বিশেষ দুঃখিত ও চিন্তাম্বিত হইলেন। একদিন জগদানন্দ ও শিবানন্দ বিষমভাবে বসিয়া আছেন, এমন সময়ে প্রত্যয় ব্রহ্মচারী আসিয়া উপস্থিত হইলেন। প্রভু ইহঁাকে নৃসিংহানন্দ বলিয়া ডাকিতেন। নৃসিংহানন্দ জগদানন্দ ও শিবানন্দকে বিষম দেখিয়া তাঁহাদের বিষাদের কারণ জিজ্ঞাসা করিলেন। তাঁহারা বলিলেন, প্রভুর এ বৎসর গোড়ে আসিবার কথা ছিল, কিন্তু আগমন হইল না, এই নিমিত্তই আমরা বিষাদগ্রস্ত হইয়াছি।” নৃসিংহানন্দ বলিলেন, “আমি প্রভুকে আনিব, তোমরা বিষাদ ত্যাগ কর।” পরে তিনি তাঁহাদিগকে প্রভুর নিমিত্ত পাকের আয়োজন করিতে বলিলেন। পাকের আয়োজন হইলে, নৃসিংহানন্দ পাক সমাধা করিয়া তিনটি ভোগ সাজাইলেন। ঐ তিনটি ভোগের একটি মহাপ্রভুর, একটি জগন্নাথের ও তৃতীয়টি নিজের নৃসিংহদেবের। এইরূপে ভোগ সাজাইয়া নৃসিংহানন্দ ধ্যানে বসিলেন। দেখিলেন, প্রভু আবির্ভূত হইয়া তিনটি ভোগই নিঃশেষে ভোজন করিলেন। নৃসিংহানন্দ পুরমানন্দিত হইয়া বলিলেন, “শিবানন্দ, প্রভু পানিহাটা হইয়া তোমার গৃহে আগমন করিয়াছিলেন; ঐ দেখ, ভোগ খাইয়া চলিয়া গিয়াছেন।” শিবানন্দ দেখিলেন, সত্য সত্যই পাত্র শূন্য; কিন্তু তথাপি প্রভু অসিয়াছিলেন বলিয়া বিখাস করিতে পারিলেন না। পরবৎসর ক্ষেত্রে যাইয়া প্রভুর মুখে এই বৃত্তান্ত শ্রবণ করিয়া বিস্ময়াবিষ্ট হইলেন।



## ছোট হরিদাসের দণ্ড ।

ভগবান্ আচার্য্য নামক এক পরম বৈষ্ণব প্রভুর চরণে আশ্রয় লইয়া পুরীতেই বাস করিয়াছিলেন। তাঁহার একটি কনিষ্ঠ ভ্রাতা ছিল। উহার নাম গোপাল আচার্য্য। গোপাল কাশীতে বেদান্ত অধ্যয়ন করিতেন। গোপাল বেদান্ত অধ্যয়ন করিয়া পুরীতে আগমন করিলে, ভগবান্ আচার্য্যের ভ্রাতার নিকট বেদান্ত শ্রবণের অভিলাষ হইল। স্বরূপ গোসাঁইর সহিত ভগবান্ আচার্য্যের সখ্যতা ছিল। ভগবান্ আচার্য্য একদিন স্বরূপ গোসাঁইকে বলিলেন, গোপাল বেদান্ত পড়িয়া কাশী হইতে আসিয়াছে, একদিন প্রভুর সমক্ষে তাহার মুখে বেদান্ত শুনবার ইচ্ছা করিতেছি, তুমি কি বল ?” স্বরূপ গোসাঁই শুনিয়া বলিলেন, “তোমার বুদ্ধিব্রষ্ট হইয়াছে, বৈষ্ণব হইয়া, মায়াবাদ শ্রবণ করিবার ইচ্ছা হইয়াছে, উহাও আবার প্রভুর সমক্ষে। মায়াবাদী সেব্যসেবকতাব ত্যাগ করিয়া আপনাকেই ঈশ্বর ভাবিয়া থাকে। উহা বৈষ্ণবের পক্ষে অপরাধ। প্রভু কেন মায়াবাদ শুনবেন ? ঐ অভিপ্রায় মন হইতে নিঃশেষে তাড়াইয়া দাও।” স্বরূপ গোসাঁইর কথা শুনিয়া আচার্য্য নীরব হইলেন। অতঃপর প্রভুকে একদিন নিমন্ত্রণ করিলেন। গৃহে ভাল তণ্ডুল না থাকায়, আচার্য্য প্রভুর কীৰ্ত্তনীয়া হরিদাসকে ভাল তণ্ডুল আনিবার নিমিত্ত প্রভুর তত্ত্ব শিধি মাইতির ভগিনী মাধবীদেবীর নিকট প্রেরণ করিলেন। হরিদাস বাইয়া আচার্য্যের নাম করিয়া তণ্ডুল আনয়ন করিলেন। পাক সামাধা হইলে, প্রভু আসিয়া ভোজনে বসিলেন। উত্তম তণ্ডুলের অন্ন দেখিয়া, প্রভু জিজ্ঞাসা করিলেন, “আচার্য্য, এই তণ্ডুল কোন্ স্থান হইতে আনাইলেন ?” আচার্য্য বলিলেন, “মাধবী দেবীর নিকট হইতে। প্রভু পুনশ্চ জিজ্ঞাসা করিলেন, “কে আনয়ন করিল ?” আচার্য্য বলিলেন, “প্রভুর কীৰ্ত্তনীয়া হরিদাস। প্রভু আর কিছু বলিলেন না। ভোজন করিয়া বাসায় আসিয়া গোবিন্দকে বলিলেন, “ছোট হরিদাসকে আর এখানে আসিতে দিবে না।” হরিদাস হুঃখে তিন দিন উপবাস করিলেন। তখন স্বরূপাদি ভক্তগণ প্রভুকে হরিদাসের দণ্ডের কারণ জিজ্ঞাসা করিলেন। প্রভু বলিলেন, “বৈরাগী হইয়া প্রকৃতির সহিত সস্তাবণ করে। বলবান্ ইন্দ্রিয় স্থনিরও মন হরণ করিয়া থাকে। ভক্তগণ প্রভুর মনের অবস্থিয়া তখন আর কিছুই বলিলেন না। তাঁহার। অপর একদিন হরিদাসের অপরাধ কমা করিবার নিমিত্ত প্রভুকে অনেক অনুন্নয় করিলেন, কিন্তু কোন কল

হইল না, প্রভুর কৃপা হইল না। আরও ছই একদিন ঐরূপ চেষ্টা করা হইল, কিন্তু সকল চেষ্টাই বিফল হইয়া গেল। অগত্যা হরিদাস পুরী ত্যাগ করিয়া প্রয়াগে চলিয়া গেলেন।

একদিন স্বরূপাদি ভক্তগণ সমুদ্রে স্নান করিতে গিয়া অদূরে হরিদাসের কণ্ঠস্বর শ্রবণ করিয়া সেই দিকে দৃষ্টিনিক্ষেপ করিলেন। মানুষ দেখা গেল না, কিন্তু হরিদাসের কণ্ঠস্বর শুনা যাইতে লাগিল। কেহ বলিলেন, “হরিদাস বোধ হয় আত্মঘাতী হইয়া ভূতঘোনি প্রাপ্ত হইয়াছে।” কেহ বলিলেন, “তাহা কি সম্ভব, যে এত নাম করিত, সেও কি কখন ভূত হইতে পারে?” সে দিন এই-রূপেই কাটিয়া গেল। শ্রীবাসাদি ভক্তগণ প্রয়াগ হইতে প্রত্যাগত এক বৈষ্ণবের মুখে হরিদাস প্রয়াগে জলে ডুবিয়া দেহত্যাগ করিয়াছে শুনিয়া বিস্ময়াবিত হইলেন। পরে তাঁহারা পুরীতে আসিয়া ঐ কথা প্রচার করিলেন। প্রভু শুনিয়া বলিলেন, “স্বকর্মফলভুক্ পুমান্। প্রকৃতিসম্ভাবী সন্ন্যাসীর ইহাই প্রারশ্চিত্ত।” ভক্তগণ শুনিয়া অবাক হইলেন।

### দামোদরের নদীয়াগমন।

একটি উৎকলবাসী ব্রাহ্মণবালক প্রভুর নিতান্ত অনুরাগত হইয়াছিল। সে নিত্যা প্রভুকে প্রণাম করিতে আসিত। তাহার পিতা ছিল না, বিধবা জননী ছিল। সেই ব্রাহ্মণবালকটি দেখিতে অতিমুন্দর, প্রভু তাহাকে বিশেষ স্নেহ করিতেন। বালকটির প্রতি প্রভুর তাদৃশ স্নেহ দামোদরের ভাল লাগিত না। ঐ বালকটির মাতা বিধবা ও অল্পবয়স্কা, পাছে বালকটির প্রতি স্নেহ দেখিয়া লোকে প্রভুর চরিত্রে দোষারোপ করে, এই নিমিত্তই দামোদর উহাকে প্রভুর নিকট আসিতে নিষেধ করিতেন, বালকটি কিন্তু নিষেধ না মানিয়াই প্রতিদিন আসিত। শেষে দামোদর কিছু বিরক্ত হইয়া একদিন প্রভুকে ঐ কথা বলিলেন। প্রভু শুনিয়া সন্তুষ্ট হইয়া আর একদিন দামোদরকে বলিলেন, “দামোদর, তুমি নদীয়ার ঘাইয়া মাতার নিকট অবস্থান কর, ইহাই আমার ইচ্ছা। তোমার জ্ঞান সাবধান লোক আর নাই। তুমি যখন আমাকেই সতর্ক করিয়াছ, তখন মাতার রক্ষণাবেক্ষণে তুমিই সমর্থ।” প্রভুর আদেশে দামোদর নদীয়ার ঘাইয়া শচীদেবীর রক্ষণাবেক্ষণে নিযুক্ত হইলেন, এবং সর্বদা প্রভুর চরিত্র শ্রবণ করাইয়া তাঁহার আনন্দবিধান করিতে লাগিলেন।

## কলিযুগের নিস্তারোপায় ।

অতঃপর প্রভু এক দিন হরিদাস ঠাকুরকে বলিলেন, “হরিদাস, এই কলিকালে স্নেহ ও ধনই অধিক, তাহারা প্রায়ই ছুরাচার ও গোত্রাঙ্কণ-হিংসাকারী, তাহাদের উদ্ধারের উপায় কি হইবে? হরিদাস বলিলেন, “প্রভো, কলিকালের লোক যেমন ছুরাচার, সাধনও তেমনি প্রবল, নামাভাসেই জীব নিস্তার পাইবে।”

“নামৈকং যশ্চ বাচি স্বরণপথগতং শ্রোত্রমূলং গতং বা

শুদ্ধং বাশুদ্ধবর্ণং ব্যবহিতরহিতং তারয়ত্যেব সতাম্ ।

তচ্চেদেহদ্রবিণজনতালোভপাষণ্ডমধ্যে

নিক্শিপ্তং শ্রাম ফলজনকং শীঘ্রমেবাত্র বিপ্র ॥” হরিভক্তিবিলাসধৃত

পাদে ১১।২৮০

একটিমাত্র নাম যাহার মুখে উচ্চারিত হয়, বা যাহার স্বরণপথে উপস্থিত হয়, বা কর্ণমূল প্রাপ্ত হয়, উহা শুদ্ধ, অশুদ্ধ, ব্যবধানযুক্ত বা বর্ণরহিত হইলেও যে জীবের উদ্ধারসাধন করিবে, ইহা নিশ্চিত। তবে যে উহাকে অনেকস্থলেই সফল হইতে দেখা যায় না, তাহার কারণ আছে। ঐ নাম যদি দেহ, ধন ও জনসংগ্রহের নিমিত্ত বা অপর কোনরূপ লোভপ্রযুক্ত উচ্চারিত হয়, তবে উহার ফল সত্ত্বর দৃষ্ট হয় না। সত্ত্বর দৃষ্ট না হইলেও উহার ফল অবশ্যস্তাবী।

“কলে দৌষনিধে রাজমস্তি হেকো মহান্ গুণঃ ।

কীর্তনাদেব কৃষ্ণশ্চ মুক্তবন্ধঃ পরং ব্রজ্যে ॥” ভা ১২।।৫১

কলি বিবিধ-দোষ-দূষিত হইলেও, উহার একটি মহান্ গুণ এই যে, কলিকালে একবার কৃষ্ণনাম করিলেই জীব মায়াবন্ধন হইতে মুক্ত হইয়া পরব্রহ্মকে প্রাপ্ত হইয়া থাকেন। নিরপরাধে নাম লইলে এইরূপই হইয়া থাকে। সাপরাধেরও উপায় আছে। সাপরাধ ব্যক্তিও নামের শরণাপন্ন হইলেই মুক্ত হইতে পারে।

“সর্ক্যাপরাধকুদপি মৃত্যতে হরিসংশ্রয়াৎ ।

হরেরপ্যপরাধান্ যঃ কুর্ধ্যাদ্ধিপদপাংশনঃ ॥

নামাশ্রয়ঃ কদাচিৎ শ্রাৎ তরত্যেব, স.নামতঃ ।

নামোহপি সর্কসুহৃদো হুপরাধাৎ পতত্যধঃ ॥

নামাপরাধকুর্নানাং নামাশ্চেব হরস্ত্যযম্ ।

অবিশ্রান্তপ্রযুক্তানি তাস্ত্বেবার্থকরাণি চ ॥” পদ্মপুরাণে বর্ণ ৪ ৪৮।৪৪-৪৬

যিনি সকল অপরাধে অপরাধী, তিনি শ্রীহরির চরণাশ্রয় করিলেই মুক্ত



হয়েন। আর যে নরাধম শ্রীহরির চরণে অপরাধ করে, সেও কদাচিৎ নামাশ্রয়েই ঐ অপরাধ হইতেও মুক্ত হইতে পারে। ঈদৃশ পরমসুহৃৎ নামের নিকট যে অপরাধী, তাহার পতন অবশ্যজ্ঞাবী। কিন্তু তাদৃশ পতিষ্যমাণ ব্যক্তি যদি নামের শরণাপন্ন হইয়া অবিশ্রাস্ত নাম করে, তবে সেও পতন হইতে রক্ষিত ও শ্রীহরির চরণলাভে কৃতার্থ হয়। নাম যে সকল জীবকেই কৃতার্থ করেন, তাহা বলা বাহুল্য; নামাভাস হইতেও জীব কৃতার্থতা লাভ করিয়া থাকেন। শ্রীমদ্ভাগবতে অজামিল তাহার সাক্ষী।

হরিদাস ঠাকুরের সিদ্ধান্ত শ্রবণে প্রভু অস্তুরে আনন্দিত হইয়া পুনর্বার ভক্তি করিয়া প্রশ্ন করিলেন,—

“পৃথিবীতে বহু জীব স্থাবর জঙ্গম।

ইহা সবার কি প্রকারে হইবে মোচন ॥”

হরিদাস ঠাকুর উত্তর করিলেন,—“প্রভো, তোমার রূপায় স্থাবর-জঙ্গম সকলও নিস্তার পাইয়াছে। তুমি যে উচ্চস্বরে কীর্তন করিয়াছ, তাহার শ্রবণেই উহাদের নিস্তার হইয়াছে।”

### সনাতনগোস্বামীর নীলাচলে আগমন।

রূপগোস্বামী যে সময়ে নীলাচল হইতে গোড়ে গমন করিলেন, সেই সময়েই সনাতন গোস্বামীও মথুরা হইতে নীলাচল অভিমুখে যাত্রা করিলেন। তিনি একাকী বনপথে মথুরা হইতে নীলাচলে আগমন করিলেন। আগমনকালে বারিধণ্ডের পথে উপবাসে ও জলের দোষে তাঁহার সর্কশরীরে কণ্ডু উৎপন্ন হইল। কণ্ডুর উৎপত্তিতে তিনি মনে মনে ভাবিলেন, আমি একে নীচজাতি, তাহাতে আবার চর্মরোগগ্রস্ত, অতএব এই পাপময় দেহ আর রাখিব না, রথচক্রে ইহাকে ত্যাগ করিব। এইরূপ ভাবিতে ভাবিতে তিনি পুরীতে উপনীত হইয়া হরিদাস ঠাকুরের বাসা প্রাপ্ত হইলেন। তিনি হরিদাস ঠাকুরের নিকট উপস্থিত হইয়া তাঁহার চরণবন্দন করিলেন। হরিদাস ঠাকুর তাঁহাকে স্নেহালিঙ্গন প্রদান করিলেন। অনন্তর সনাতনগোস্বামী মহাপ্রভুর চরণদর্শনের নিমিত্ত অতিশয় উৎকণ্ঠিত হইলেন। কিন্তু তাঁহার বাসায় যাইয়া চরণদর্শন করিতে সাহসী হইলেন না। তিনি মনে করিলেন, মহাপ্রভুকে দর্শন করিতে যাইলে, যদি অগ্নাধের কোন সেবক হঠাৎ আমার অঙ্গ স্পর্শ করেন, তবে আমার

অপরাধ হইবে। এই ভাবিয়া তিনি গমনবিষয়ে নিরস্ত হইলেন। হরিদাস ঠাকুর বলিলেন, “প্রভু এখনই এই স্থানে আগমন করিবেন।” বলিতে বলিতেই মহাপ্রভু উপনভোগ দর্শন করিয়া কতিপয় ভক্তের সহিত ঐ স্থানে আগমন করিলেন। তাঁহাকে আগর্ত দেখিয়া হরিদাস ঠাকুর ও সনাতন গোস্বামী দণ্ডবৎ প্রণাম করিলেন। প্রভু হরিদাস ঠাকুরকে উঠাইয়া আলিঙ্গন করিলেন। হরিদাস ঠাকুর বলিলেন, “প্রভো সনাতন আপনাকে প্রণাম করিতেছেন।” প্রভু সনাতন গোস্বামীকে দেখিয়া প্রীতিসহকারে আলিঙ্গন করিতে গেলেন। সনাতন গোস্বামী “প্রভু আমাকে স্পর্শ করিবেন না, স্পর্শ করিবেন না” বলিতে বলিতে পশ্চাদিকে গমন করিলেন। প্রভু তাঁহার কথা না শুনিয়া বলপূর্বক আলিঙ্গন করিলেন। সনাতন গোস্বামীর অঙ্গের কণ্ডুকেদ প্রভুর শ্রীমুখে লাগিল। প্রভু সনাতন গোস্বামীকে আলিঙ্গন করিয়া ভক্তগণের নিকট তাঁহার পরিচয় দিলেন। পরে তাঁহাকে রূপগোস্বামীর গোড়ে গমন ও বল্লভের গঙ্গা-প্রাপ্তির কথা বলিয়া হরিদাস ঠাকুরের বাসাতেই থাকিতে আদেশ করিয়া নিজ-বাসায় গমন করিলেন। গোবিন্দ প্রসাদ লইয়া আসিলে সনাতন গোস্বামী হরিদাস ঠাকুরের সহিত ঐ প্রসাদ পাইলেন।

সনাতন গোস্বামী হরিদাস ঠাকুরের বাসাতেই থাকেন, জগন্নাথ দর্শন করিতে যান না, দূর হইতে মন্দিরের চক্র দেখিয়াই প্রণাম করেন, এবং প্রভু প্রতিদিন যে কিছু প্রসাদ পাঠাইয়া দেন, তাহাই ভোজন করেন। প্রভু যখন তাঁহাদের বাসায় আগমন করেন, তখনই তাঁহার সহিত কৃষ্ণকথার আলাপ করেন। এইভাবেই কয়েকদিন কাটিয়া গেল। একদিন প্রভু আসিয়া বলিলেন, “সনাতন, দেহ ত্যাগ করিলে কৃষ্ণকে পাওয়া যায় না, ভজনেই পাওয়া যায়। দেহত্যাগে যদি কৃষ্ণপ্রাপ্তি হইত, তবে কোটি দেহ ত্যাগ করিতাম। দেহ-ত্যাগাদি তমোধর্ম। রজোধর্ম বা তমোধর্ম দ্বারা কৃষ্ণপ্রাপ্তি হয় না, ভক্তি দ্বারাই প্রেমের উদয়ে কৃষ্ণপ্রাপ্তি হইয়া থাকে; অতএব কুবুদ্ধি ত্যাগ করিয়া শ্রবণকীর্তনে রত হও, অচিরেই কৃষ্ণপ্রেমরূপ অমূল্য ধন লাভ হইবে।” সনাতন গোস্বামী শুনিয়া বিস্মিত হইলেন। তিনি ভাবিলেন, প্রভু আমার মনের গতি বুঝিয়া আমাকে দেহ ত্যাগ করিতে নিষেধ করিতেছেন। পরে বলিলেন, “প্রভো, তুমি যখন যাহাকে ষেক্রপে নাচাও, সে তখন সেইরূপেই নাচিয়া থাকে; আমি নীচ পামর, আমাকে বাঁচাইলে আপনার কি লাভ হইবে?” প্রভু বলিলেন, “সনাতন, তোমার এই দেহ যখন তুমি আমাকে সমর্পণ করিয়াছ, তখন আর

তোমার ইহাতে অধিকার নাই; আমি তোমার এই শরীর দ্বারা অনেক কার্য সাধন করিব; আমি এই দেহ দ্বারা ভক্তি প্রচার করিব।” এই কথা বলিয়া প্রভু উঠিয়া গেলেন।

একদিন প্রভু যমেশ্বর টোটার গমন করিলেন। ভক্তের অহুরোধে সেদিন সেইস্থানেই প্রভুর ভিক্ষা হইল। প্রভু মধ্যাহ্নকালে ভিক্ষার সময় সনাতন গোস্বামীকে ডাকিতে লোক পাঠাইলেন। জ্যেষ্ঠ মাসের রৌদ্র, তাহাতে আবার মধ্যাহ্নকাল, সমুদ্রতীরের বালুকা সকল উত্তপ্ত হইয়া অগ্নিবৎ হইয়াছে। তথাপি সনাতন গোস্বামী সিংহদ্বারের পথে না যাইয়া সমুদ্রতীরপথেই প্রভুর নিকট গমন করিলেন। তাঁহাকে আসিতে দেখিয়া প্রভু জিজ্ঞাসা করিলেন, “সনাতন, তুমি কোন্ পথে আগমন করিলে?” সনাতন গোস্বামী বলিলেন, “সমুদ্রতীরপথে।” প্রভু বলিলেন, “এ সময়ে সমুদ্রতীরপথে না আসিয়া সিংহদ্বার দিয়া শীতলপথে আসিলেই হইত।” সনাতন গোস্বামী বলিলেন, “সিংহদ্বারপথে আমার গমনাগমনের অধিকার নাই।” প্রভু শুনিয়া বিশেষ সন্তুষ্ট হইয়া বলিলেন,—

“যতপি তুমি হও জগৎপাবন !  
তোমাঙ্গ্পর্শে পবিত্র হয় দেবমুনিগণ ॥  
তথাপি ভক্তস্বভাব মৰ্যাদার রক্ষণ ।  
মৰ্যাদাপালন হয় সাধুর ভূষণ ॥  
মৰ্যাদালঙ্ঘনে লোকে করে উপহাস ।  
ইহলোক পরলোক দুই হয় নাশ ॥  
মৰ্যাদা রাখিলে তুষ্ট হয় মোর মন ।  
তুমি ঐছে না করিলে করে কোন্ জন ॥”

এই কথা বলিয়া, সনাতন গোস্বামী নিষেধ করিলেও প্রভু তাঁহাকে বলপূর্বক আলিঙ্গন করিলেন। প্রভুর শ্রীঅঙ্গে সনাতন গোস্বামীর গাত্রের কণুর রস লাগিল। সনাতন গোস্বামী মনে বিশেষ দুঃখ পাইলেন।

সনাতন গোস্বামী এই দুঃখের কথা একদিন জগদানন্দের নিকট ব্যক্ত করিলেন। জগদানন্দ শুনিয়া বলিলেন, “তুমি রথযাত্রা দেখিয়া শ্রীবৃন্দাবনে চলিয়া যাও, এবং সেই স্থানেই বাস কর। প্রভুরও আঞ্জা তোমরা দুই তাই শ্রীবৃন্দাবনেই বাস কর।” সনাতন গোস্বামী বলিলেন, “আপনার উপদেশই ভাল বোধ হইতেছে, আমি শ্রীবৃন্দাবনেই যাইব।” পরে তিনি

প্রভুকেও ঐ কথা শুনাইলেন। প্রভু শুনিয়া বলিলেন, “জগদানন্দের যেমন বুদ্ধি, তেমনি কথা; সেদিনকার জগা, তোমাকেও উপদেশ করিতে আরম্ভ করিল।” সনাতন গোস্বামী বলিলেন, “আমার বিবেচনায় জগদানন্দই পরম-সৌভাগ্যবান্, জগদানন্দই আপনার স্নেহরূপ সুধারস পান করেন; আর আমাদিগকে আপনি গৌরবরূপ নিম্বরস পান করাইতেছেন।” প্রভু ঈষৎ লজ্জিত হইয়া বলিলেন,—

“জগদানন্দ প্রিয় আমার নহে তোমা হৈতে ।  
 মৰ্যাদালজ্বন আমি না পারি সহিতে ॥  
 কাঁহা তুমি প্রাণাধিক শাস্ত্রেতে প্রবীণ ।  
 কাঁহা জগা কালিকার বটুক নবীন ॥  
 আমাকেও বুঝাইতে তুমি ধর শক্তি ।  
 কত ঠাঞি বুঝায়াছ ব্যবহার ভক্তি ॥  
 তোমারে উপদেশ কবে না যায় সহন ।  
 অতএব তারে আমি করিয়ে ভৎসন ।  
 বহিরঙ্গজ্ঞানে তোমা না করি স্তবন ।  
 তোমার গুণে স্তুতি করায় ঐছে তোমার গুণ ॥  
 যতপি কারও মমতা বহুজনে হয় ।  
 প্রীতিস্বভাবে কাঁহো কোন ভাবোদয় ॥  
 তোমার দেহে তুমি কর বীভৎসতাজ্ঞান ।  
 তোমার দেহ অঁমায় লাগে অমৃত সমান ॥  
 অপ্ৰাকৃত দেহ তোমার প্রাকৃত কভু নয় ।  
 তথাপি তোমার তাতে প্রাকৃতবুদ্ধি হয় ॥  
 প্রাকৃত হইলেও তোমার বপু নারি উপেক্ষিতে ।  
 ভদ্রাভদ্রবস্তুজ্ঞান নাহিক প্রাকৃতে ॥”

“তোমার এই দেহ অপ্ৰাকৃত । এই দেহে রোগের সম্ভাবনা নাই । তথাপি কৃষ্ণ আমাকে পরীক্ষা করিবার নিমিত্ত নিজমায়ায় তোমার এই দেহে কণ্ড উৎপাদন পূৰ্ব্বক তোমাকে আমার নিকট পাঠাইয়া দিয়াছেন । দেখিতেছেন, আমি তোমার কণ্ড দেখিয়া ঘৃণা করি কি না । আমি যদি ঘৃণা করিয়া তোমাকে আলিঙ্গন না করিতাম, তবে আমি অপরাধী হইতাম ।”

এই কথা বলিয়া প্রভু পুনশ্চ সনাতন গোস্বামীকে আলিঙ্গন করিলেন ।

এই আলিঙ্গনে দেহ রোগমুক্ত ও পূর্কবৎ স্কন্দর হইল। তখন প্রভু তাঁহাকে বলিলেন, “সনাতন, তুমি এবৎসর এই স্থানেই থাক, পরে আমি তোমাকে শ্রীবৃন্দাবনেই পাঠাইব।” হরিদাস ঠাকুর বলিলেন, “প্রভো, আপনার লীলা মনুষ্যবুদ্ধির অগম্য; আপনি সনাতনকে বনপথে আনিয়া কণ্ডু উৎপাদন পূর্কক পরীক্ষা করিয়া আপনিই আবার ইহাকে নীরোগ করিলেন।” প্রভু একটু হাসিয়া চলিয়া গেলেন।

দোলঘাত্তার পর প্রভু সনাতনগোস্বামীকে শিক্ষা দিয়া শ্রীবৃন্দাবন যাইতে আদেশ করিলেন। সনাতনগোস্বামী প্রভু যে পথে শ্রীবৃন্দাবনে গমন করিয়াছিলেন, সেই পথেই গমন করিলেন। এদিকে শ্রীকৃপগোস্বামীও গোড়দেশে তাঁহাদের যে কিছু বিষয়-সম্পত্তি ছিল তাহা কুটম্বগণের মধ্যে যথাযোগ্য বিভাগ করিয়া দিয়া নিশ্চিন্ত হইয়া শ্রীবৃন্দাবনে পুনরাগমন করিলেন। দুই ভাই মিলিয়া লুপ্ততীর্থে উদ্ধার ও ভক্তিগ্রন্থ সকলের প্রচার করিতে লাগিলেন। অনন্তর বল্লভের পুত্র শ্রীজীবগোস্বামীও নিত্যানন্দ প্রভুর নিকট আজ্ঞা লইয়া শ্রীবৃন্দাবনে আগমন পূর্কক পিতৃব্যাহয়ের সহিত মিলিত ও গ্রন্থপ্রচারকার্যে ব্রতী হইলেন।

### প্রহ্লাদমিশ্র।

একদা প্রহ্লাদমিশ্র নামক প্রভুর এক ভক্ত প্রভুর চরণসমীপে উপস্থিত হইয়া নিবেদন করিলেন, “প্রভো, আমি অতিদীন ও অধম গৃহস্থ, বহুভাগে আপনার হুল্লভ চরণ পাইয়াছি, সদয় হইয়া কৃষ্ণকথা বলিয়া আমার বাসনা পূর্ণ করুন।” প্রভু বলিলেন তোমার কৃষ্ণকথা শুনিবার অভিলাষ হইয়াছে, এ অতিভাগ্যের কথা; কিন্তু আমি কৃষ্ণকথা বলিতে জানি না, রামানন্দের মুখে শ্রবণ কর।” প্রভুর আদেশ পাইয়া প্রহ্লাদমিশ্র রামানন্দরায়ের ভবনে গমন করিলেন। রামানন্দ রায়ের ভৃত্য মিশ্রকে বসিতে আসন প্রদান করিয়া বলিল, “এখন রায়ের সহিত সাক্ষাৎ হইবে না।” মিশ্র জিজ্ঞাসা করিলেন, “তিনি এখন কি করিতেছেন?” ভৃত্য বলিল, “তিনি এখন দুইটি স্কন্দরী যুবতীকে নৃত্য ও গীত শিক্ষা করাইতেছেন; তাঁহার সহিত সাক্ষাৎ করিতে হইলে আপনাকে এই স্থানে কিছুকাল অপেক্ষা করিতে হইবে।” ভৃত্যের কথা শুনিয়া মিশ্র সেই স্থানেই বসিয়া রহিলেন। এদিকে রামানন্দ রায় সেই দুই যুবতীকে সেব্যবুদ্ধিতে স্বহস্তে তৈলাদিমর্দন, স্নান, বস্ত্রালঙ্কারাদি পরিধান, নৃত্যগীতাদি



শিক্ষা ও প্রসাদ ভোজন করাইয়া মিশ্রের নিকট আগমন করিলেন। তিনি যথাযোগ্য সম্মান করিয়া তাঁহাকে আগমনের কারণ জিজ্ঞাসা করিলেন। মিশ্র কিন্তু বেলা অধিক হইয়াছে দেখিয়া বলিলেন, “আপনার সহিত দেখা করাই প্রয়োজন।” রামানন্দও অধিক কিছু না বলিয়া সমাদর পূর্বক তাঁহাকে বিদায় করিলেন।

পরদিন মিশ্র প্রভুর নিকট আগমন করিলে, প্রভু জিজ্ঞাসা করিলেন, “রামানন্দের নিকট যাওয়া হইয়াছিল কি?” মিশ্র বলিলেন, “আজ্ঞা হাঁ, আমি তাঁহার নিকট গিয়াছিলাম, কিন্তু তিনি কাৰ্য্যান্তরে ব্যস্ত ছিলেন বলিয়া কোন কথা হয় নাই।” প্রভু পুনশ্চ জিজ্ঞাসা করিলেন, “রামানন্দ কি কাৰ্য্যে ব্যস্ত ছিলেন?” মিশ্র রামানন্দের ভৃত্যের মুখে যাহা শুনিয়াছিলেন, তাহাই আনুপূৰ্ব্বিক নিবেদন করিলেন। প্রভু শুনিয়া বলিলেন, “আমি সন্ন্যাসী, আপনাকে বিরক্ত বলিয়াই মনে করি, প্রকৃতির দর্শন দূরে থাকুক, প্রকৃতির নাম শুনিতেও আমার চিত্তে বিকার জন্মে; আর রামানন্দ সূন্দরী তরুণী দেবদাসীর অঙ্গসকল দর্শন ও স্পর্শ করিয়াও নির্বিকার থাকেন, ইহা অত্যন্ত আশ্চর্যের কথা। রামানন্দের রাগমার্গে ভজন। রাগমার্গের ভজনের অধিকার রামানন্দেরই আছে, অন্যের ইহাতে অধিকার নাই। এই নিমিত্তই আমি রামানন্দের মুখে কৃষ্ণকথা শ্রবণ করিয়া থাকি। তোমার যদি কৃষ্ণকথা শুনিবার অভিলাষ হইয়া থাকে, তবে পুনশ্চ রামানন্দের নিকট গমন করিয়া নিজের অভিলাষ জানাইবে।” প্রভুর আদেশে মিশ্র পুনর্বার অবসরকালে রামানন্দের নিকট গমন করিলেন। রামানন্দ মিশ্রকে দেখিয়া প্রণতিপুরঃসর আগমনের কারণ জিজ্ঞাসা করিলেন। মিশ্র বলিলেন, “প্রভু আমাকে কৃষ্ণকথা শুনিবার নিমিত্ত আপনার নিকট প্রেরণ করিয়াছেন।” রামানন্দ শুনিয়া আনন্দ সহকারে বলিলেন “আমার নিতান্ত ভাগ্য যে, প্রভু আপনাকে আমার নিকট কৃষ্ণকথা শুনিতে পাঠাইয়াছেন। কি কথা শুনিবেন, আজ্ঞা করুন।” মিশ্র বলিলেন, “আপনি বিদ্যানগরে প্রভুকে যাহা শুনাইয়াছিলেন, আমার তাহাই শুনিবার অভিলাষ।” রামানন্দ শুনিয়া বলিতে আরম্ভ করিলেন। বলিতে বলিতে রসামৃতসিক্ত উথলিয়া উঠিল। আপনি প্রশ্ন করিয়া আপনি সিদ্ধান্ত করিতে লাগিলেন। বেলা তৃতীয় প্রহর হইল, কথার শেষ হইল না। বক্রা ও শ্রোতা উভয়েই প্রেমাবেশে দিবসের অবসান জানিতে পারিলেন না। এমন সময়ে ভৃত্য আসিয়া বেলায় অবসান জানাইলেন।

তখন রামরায় কথার বিরাম করিয়া মিশ্রকে বিদায় দিলেন। মিশ্র কৃতার্থ হইয়া গৃহে গিয়া স্নানভোজনাদি সমাপনপূর্বক সন্ধ্যাকালে প্রভুর চরণদর্শনান্তর রামরায়ের বৃত্তান্ত নিবেদন করিলেন। প্রভু শুনিয়া পরমানন্দিত হইলেন।

### বঙ্গীয় কবি

ভগবান্ আচার্য্যের পরিচিত একজন বঙ্গদেশীয় ব্রাহ্মণ পুরীতে আসিয়া আচার্য্যের গৃহে বাসা করিলেন। তিনি একখানি নাটক রচনা করিয়াছিলেন উহা তিনি প্রথমে ভগবান্ আচার্য্যকে শুনাইলেন। অনেক বৈষ্ণবও প্রভুর চরিত্রসম্বন্ধীয় উক্ত নাটকখানি শ্রবণ করিলেন। শুনিয়া সকলেই নাটকখানির প্রশংসা করিলেন। পরে সকলেই ঐ নাটকখানি প্রভুকে শুনাইবার ইচ্ছা করিলেন। প্রভুর একটি নিয়ম ছিল কেহ কোন গ্রন্থ প্রভুকে শুনাইতে ইচ্ছা করিলে উহা প্রথমে স্বরূপ গোসাঁইকে শুনাইতেন। স্বরূপ গোসাঁই শুনিয়া অনুমোদন করিলে, তবে উহা প্রভুকে শুনান হইত। তদনুসারে ভগবান্ আচার্য্য স্বরূপ গোসাঁইকে উক্ত নাটকখানি শুনিবার নিমিত্ত অনুরোধ করিলেন। স্বরূপ গোসাঁই, পাছে রসভাস শুনিতে হয়, এই ভয়ে প্রথমতঃ অস্বীকার করিলেন। পরে আচার্য্যের বিশেষ অনুরোধে শ্রবণ করাই স্থির হইল। একদিন কয়েকজন ভক্তের সহিত স্বরূপগোসাঁই নাটকখানি শুনিতে বসিলেন। গ্রন্থকার স্বয়ং পাঠ করিতে লাগিলেন,—

“বিকচকমলনেত্রে শ্রীজগন্নাথসংজ্ঞে  
কনককুচিরিহাঅনুতাং যঃ প্রপন্নঃ ।  
প্রকৃতিজড়মশেষং চেতয়ন্মাবিরাসীৎ  
স দিশতু তব ভব্যং কৃষ্ণচৈতন্যদেবঃ ॥”

শ্লোক শুনিয়াই ভক্তগণ প্রশংসা করিতে লাগিলেন। স্বরূপ গোসাঁই বলিলেন, “শ্লোকটির ব্যাখ্যা কর।” গ্রন্থকার ব্যাখ্যা করিলেন,—

যিনি স্বভাবজড় এই অশেষ বিশ্বের চৈতন্যসম্পাদনের নিমিত্ত বিকসিতকমল-নয়ন শ্রীজগন্নাথের দেহে আত্মস্বরূপে আবির্ভূত হইয়াছেন, সেই কনককাস্তি শ্রীকৃষ্ণচৈতন্যদেব তোমার মঙ্গল করুন।

ব্যাখ্যা শুনিয়া স্বরূপ গোসাঁই ঈষৎ ক্রষ্ট হইয়া বলিলেন, “আরে মুর্থ, তোমার কি জগন্নাথ, কি মহাপ্রভু, এই দুইয়ের কাহাণ্ডেও বিশ্বাস নাই? পূর্ণানন্দ চিৎস্বরূপ

জগন্নাথদেবকে জড় বলিলে এবং ষড়ৈশ্বর্যপূর্ণ স্বয়ং-ভগবান্ শ্রীমন্নহাপ্রভুকেও জীব বলিলে ! আরও এক কথা, পরমেশ্বরে দেহদেহিভেদ করিলে ! এই সকল অপরাধে তোমার দুর্গতি অবশ্যস্তাবিনী।” ষাহারা ইতিপূর্বে শ্লোকটির প্রশংসা করিতেছিলেন, তাঁহারা এখন স্বরূপ গোসাঁইর কথা শুনিয়া অবাক হইলেন। গ্রন্থকর্তারও লজ্জায় ও ভয়ে বাক্যক্ষুণ্ণ হইল না। তখন স্বরূপ গোসাঁই পুনশ্চ বলিলেন, “আর তোমার নাটক শুনাইতে হইবে না। শ্রীগোরাক্ষের চরিত্র শ্রীকৃষ্ণচরিত্র হইতেও গূঢ়, তুমি তাহার কি বর্ণনা করিবে ? অগ্রে বৈষ্ণবের নিকট শ্রীভাগবত পাঠ করিয়া সিদ্ধান্ত বুঝ, পরে প্রভুর চরিত্র বর্ণনা করিতে সমর্থ হইবে। দারুভঙ্গ শ্রীজগন্নাথ শ্রীভগবানের আত্মস্বরূপ এবং শ্রীগোরাক্ষ তাঁহা হইতে অভিন্ন। শ্রীজগন্নাথ স্থাবররূপে এবং শ্রীগোরাক্ষ জঙ্গমরূপে আবির্ভূত। প্রকৃতিজড় সংসারের উদ্ধারার্থই ঈদৃশ অবতার। ভগবান্ স্থাবররূপে একস্থানে থাকিয়া এবং জঙ্গমরূপে ইতস্ততঃ গতয়াত করিয়া সংসারের উদ্ধারসাধন করিতেছেন। তুমি এক অভিপ্রায়ে শ্লোক রচনা করিয়াছ, সরস্বতী তোমার শ্লোকের অপর অর্থ প্রকাশ করিতেছেন। অতএব তোমার এইরূপ বর্ণনার ভাগ্যকেও আমি প্রশংসা করি।” স্বরূপ গোসাঁইর কথা শুনিয়া গ্রন্থকার ভক্তগণের চরণে ধরিয়া দৈন্ত প্রকাশ করিতে লাগিলেন। ভক্তগণ তাঁহাকে রূপা করিয়া মহাপ্রভুর চরণোপাস্তে উপস্থিত করিলেন। তিনি এইরূপে কৃতার্থ হইয়া প্রভুর চরণাশ্রয় পূর্বক নীলাচলেই বাস করিতে লাগিলেন।

### রঘুনাথ দাসের নীলাচলে আগমন।

একদিন প্রভু স্বরূপাদি ভক্তগণের সহিত বসিয়া আছেন, এমন সময়ে রঘুনাথ দাস আসিয়া উপস্থিত হইলেন। রঘুনাথ দূর হইতেই প্রভুকে দণ্ডবৎ প্রণিপাত করিলেন। মুকুন্দ দত্ত দেখিয়া বলিলেন, “রঘুনাথ আসিয়াছে।” প্রভু রঘুনাথকে নিকটে ডাকিলেন। রঘুনাথ আসিয়া প্রভুর চরণধারণ করিলেন। প্রভু রঘুনাথকে উঠাইয়া আলিঙ্গন দিলেন। পরে রঘুনাথ একে একে সকল ভক্তের চরণবন্দন করিলেন। সকলেই রঘুনাথকে আলিঙ্গন করিলেন। তখন প্রভু বলিতে লাগিলেন, “কৃষ্ণকুপাই সর্বাপেক্ষা বলবতী, রঘুনাথকে বিষয়গর্ভ হইতে উদ্ধার করিলেন।” রঘুনাথ বলিলেন, “আমি কৃষ্ণ জানি না, আপনিই আমাকে করুণা করিয়া উদ্ধার করিলেন।” প্রভু রঘুনাথকে নিতান্ত ক্রীণ ও

মলিন দেখিয়া স্বরূপ গোসাঁইকে বলিলেন, “আমি রঘুনাথকে তোমার করে সমর্পণ করিলাম, তুমি ইহাকে পুত্ররূপে বা ভৃত্যরূপে অঙ্গীকার কর; আমা-দিগের তিনজন রঘুনাথ, ইনি হইলেন স্বরূপের রঘুনাথ।” স্বরূপ গোসাঁই “প্রভুর যেমন আজ্ঞা” এই কথা বলিয়া রঘুনাথকে আলিঙ্গন করিলেন। পরে প্রভু গোবিন্দকে বলিলেন, “রঘুনাথের পথে অনেক কষ্ট হইয়াছে, কয়েকদিন ইহাকে বিশেষ যত্ন করিবে।” তদনন্তর রঘুনাথকে স্নান ও জগন্নাথ দর্শন করিতে বলিয়া প্রভু মাধ্যাহ্নিক কৃত্য সমাপন করিতে উঠিয়া গেলেন। রঘুনাথ স্নানান্তর জগন্নাথ দর্শন করিয়া প্রভুর অবশেষ ভোজন করিলেন। পাঁচদিন এই প্রকারেই কাটিয়া গেল। ষষ্ঠ দিবস রঘুনাথ পুষ্পাজলি দর্শন করিয়া তিষ্কার্থ সিংহদ্বারে দাঁড়াইয়া থাকিলেন। নিষ্কিঞ্চন ভক্তগণ সমস্ত দিবস নাম-কীর্তন করেন, এবং সন্ধ্যাকালে সিংহদ্বারে দাঁড়াইয়া গাগিয়া খান। রঘুনন্দন তাহাই করিতে লাগিলেন। গোবিন্দ প্রভুকে রঘুনাথের আচরণ বিদিত করিলেন। প্রভু শুনিয়া সানন্দে বলিতে লাগিলেন,—

“ভাল কৈলা বৈরাগীর ধর্ম আচরিলা।

বৈরাগীর ধর্ম সদা নাম সঙ্কীর্তন।

গাগিয়া খাইয়া করে জীবন রক্ষণ ॥

বৈরাগী হইয়া য়েবা করে পরাপেক্ষা।

কার্যসিদ্ধি নহে কৃষ্ণ করেন উপেক্ষা ॥

বৈরাগী হইয়া করে জিহ্বার লালস।

পুৰমার্থ যায় আর হয় রসের বশ ॥

বৈরাগীর কৃত্য সদা নামসঙ্কীর্তন।

শাক পত্র ফল ম্লে উদর ভরণ ॥

জিহ্বার লালসে য়েই ইতি উতি ধায়।

শিক্ষোদরপরায়ণ কৃষ্ণ নাহি পায় ॥”

রঘুনাথ সমস্ত দিন নামকীর্তন করেন, সন্ধ্যাকালে তিষ্কারা জীবিকানির্ভাহ করেন। প্রভুকে দর্শন ও প্রণাম করেন, সম্মুখে কোন কথাই বলেন না। একদিন স্বরূপ গোসাঁই বলিলেন, “অপনি প্রভুকে জিজ্ঞাসা করুন, আমার কি কর্তব্য?” স্বরূপ গোসাঁই প্রভুকে বলিলেন, “রঘুনাথ বলিতেছে, আমার কি কর্তব্য, তাহা আমি জানি না, প্রভু নিজমুখে আমাকে উহা উপদেশ করুন।” প্রভু বলিলেন, “আমি স্বরূপকেই তোমার উপদেষ্টা করিয়া দিলাম। সাধ্যসাধন-

তব্ব তুমি স্বরূপের নিকট হইতেই শিক্ষা করিবে। স্বরূপ যত জানে, আমি তত জানি না। তথাপি যদি আমার আজ্ঞা শুনিতে অভিলাষ হইয়া থাকে, আমি সজ্জকপে দুই একটি কথা বলিতেছি শুন।”

“গ্রাম্যবার্তা না শুনিবে গ্রাম্যবার্তা না কহিবে।

ভাল না থাইবে আর ভাল না পরিবে ॥

অমানী মানদ কৃষ্ণনাম সদা লবে।

ব্রজে রাধাকৃষ্ণ সেবা মানসে করিবে ॥”

রঘুনাথু শুনিয়া প্রভুর চরণবন্দনা করিলেন। প্রভু তাঁহাকে আলিঙ্গন করিয়া পুনশ্চ স্বরূপের করে সমর্পণ করিলেন।

অতঃপর রথযাত্রা উপলক্ষে গোড়ের ভক্তগণ নীলাচলে আগমন করিলেন। প্রভু পূর্ববৎ রথাগ্রে নর্তনকীর্তন করিলেন। তদর্শনে রঘুনাথের চমৎকার বোধ হইল। রথের পর রঘুনাথ গোড়ীয় ভক্তগণের সহিত মিলিত হইলে, আচার্য্য প্রভু রঘুনাথকে যথেষ্ট রূপা করিলেন। শিবানন্দ সেন বলিলেন, “রঘুনাথ, তোমার পিতা তোমার অল্পসন্ধানার্থ দশজন লোক পাঠাইয়াছিলেন। ঝাঁকরাতে আমাদিগের সহিত তাহাদিগের দেখা হয়। তাহারা আমাদিগের সমভিব্যাহারে তোমাকে না পাইয়া বাটীতে ফিরিয়া গিয়াছে।”

অনন্তর গোড়ের ভক্তগণ গোড়ে প্রত্যাগমন করিলে, রঘুনাথের পিতা রঘুনাথের সমাচার জানিবার নিমিত্ত শিবানন্দের বাটীতে একজন লোক পাঠাইলেন। ঐ লোক শিবানন্দের মুখে রঘুনাথের পুরীতে অবস্থিতি ও প্রবল বৈরাগ্যের কথা শুনিয়া গিয়া রঘুনাথের পিতাকে জানাইলেন। রঘুনাথের বৈরাগ্যের কথা শুনিয়া তাঁহার মাতা ও পিতা অতিশয় দুঃখিত হইলেন। পরে তাঁহারা চারিশত মুদ্রার সহিত একজন ব্রাহ্মণ ও দুইজন ভৃত্যকে শিবানন্দের নিকট প্রেরণ করিলেন। যাইবার সময় তাঁহাদিগকে বলিয়া দিলেন, “তোমরা শিবানন্দের নিকট রঘুনাথের সমাচার লইয়া তদুদ্দেশে গমন করিবে।” তদনুসারে তাঁহারা শিবানন্দ সেনের সহিত সাক্ষাৎ করিয়া রঘুনাথের পিতার অভিপ্রায় জানাইলেন। শিবানন্দ শুনিয়া বলিলেন, “তোমরা এখন পুরীতে যাইতে পারিবে না। আমি আবার যখন যাইব, তখন তোমাদিগকে সঙ্গে করিয়া লইয়া যাইব। সম্প্রতি তোমরা ফিরিয়া যাও।” তাঁহারা ফিরিয়া যাইয়া রঘুনাথের পিতাকে শিবানন্দের আদেশ শুনাইলেন। বর্ষান্তরে শিবানন্দ পুরীগমনকালে সেই চারিশত মুদ্রার সহিত ব্রাহ্মণ ও ভৃত্যদ্বয়কে সঙ্গে লইলেন। তাঁহারা ক্ষেত্রে পৌছিয়া মুদ্রা

লইয়া রঘুনাথের সহিত দেখা করিলেন এবং তাঁহাকে তাঁহার পিতার আদেশ শুনাইলেন। রঘুনাথ শুনিয়াও উক্ত মুদ্রা গ্রহণ করিলেন না। অগত্যা ঐ ব্রাহ্মণ ও ভৃত্যদ্বয় মুদ্রা লইয়া পুরীতেই অবস্থান করিতে লাগিলেন। রঘুনাথ তাঁহাদিগের অনেক অনুরোধে উক্ত মুদ্রা হইতে কিছু কিছু গ্রহণ করিয়া মাসে দুইদিন প্রভুকে ভিক্ষা করাইতে আরম্ভ করিলেন। তাহাতে রঘুনাথের প্রতি-মাসে আটপণ কোড়ি ব্যয় হইত। তিনি এইরূপে দুইবৎসর পর্য্যন্ত প্রভুকে ভিক্ষা করাইয়া শেষে তাহাও ত্যাগ করিলেন। রঘুনাথ প্রভুর নিমন্ত্রণ বন্ধ করিলে, প্রভু স্বরূপ গোসাঁইকে জিজ্ঞাসা করিলেন, “রঘুনাথ আমার নিমন্ত্রণ বন্ধ করিল কেন?” স্বরূপ গোসাঁই বলিলেন, “বোধ হয়, বিষয়ীর অন্ন প্রভুকে দেওয়ায় তাহার মন প্রসন্ন হয় না।” প্রভু বলিলেন, “ভুল হইল, আমি রঘুনাথের উপরোধে নিমন্ত্রণ লইতাম, সে আপনা হইতে নিমন্ত্রণ বন্ধ করিল, আমিও তুষ্ট হইলাম। বিষয়ীর অন্ন খাইলে, মন মলিন হয়, মলিন মনে কৃষ্ণের স্মরণ হয় না। এইরূপ নিমন্ত্রণে দাতা ও ভোক্তা উভয়েরই চিত্ত অপ্রসন্ন হইয়া থাকে।”

এই ঘটনার পর হইতেই রঘুনাথ সিংহদ্বারে ভিক্ষা ত্যাগ করিয়া ছত্রে যাইয়া ভিক্ষা করিতে লাগিলেন। এই বৃত্তান্ত প্রভুর কর্ণগোচর হইল। প্রভু শুনিয়া বলিলেন, “সিংহদ্বারে ভিক্ষাবৃত্তি বেষ্ঠার আচার; রঘুনাথ এই আচার ত্যাগ করিয়া ছত্রে ভিক্ষা দ্বারা ধখালাতে উদরপূরণ করিতেছে শুনিয়া সুখী হইলাম।” শঙ্করানন্দ সরস্বতী শ্রীবৃন্দাবন হইতে গুঞ্জমালা ও শিলা আনিয়া প্রভুকে দিয়া-ছিলেন। প্রভু ঐ মালা ও শিলা তিনবৎসর পর্য্যন্ত নির্জের নিকট রাখিয়া-ছিলেন। রঘুনাথের বৈরাগ্যাচরণে প্রসন্ন হইয়া ঐ শিলা ও মালা রঘুনাথকে প্রদান করিলেন। উহা দিয়া প্রভু রঘুনাথকে বলিলেন, “রঘুনাথ, তুমি এই শিলাকে শ্রীকৃষ্ণের বিগ্রহ ভাবিয়া আগ্রহ সহকারে সেবা কর। তুমি সাত্ত্বিক-ভাবে জল ও তুলসীমঞ্জরী দ্বারা এই শিলার সেবা করিলে, অচিরেই শ্রীকৃষ্ণ-প্রেম লাভ কবিবে।” রঘুনাথ তদবধি সানন্দে উক্ত শিলার পূজা করিতে লাগিলেন। স্বরূপ গোসাঁই রঘুনাথকে উক্ত শিলার নিমিত্ত একখানি কাষ্ঠাসন, দুইখানি বস্ত্রখণ্ড ও একটি জলের কুঁজ প্রদান করিলেন। রঘুনাথ সাক্ষাৎ ব্রজেন্দ্রনন্দন জ্ঞানে শিলার পূজা করিতে লাগিলেন। একদিন স্বরূপ গোসাঁই বলিলেন, “রঘুনাথ, আট কোড়ির খাজাসন্দেশ দিয়া পূজা করিলেই ভাল হয়।” রঘুনাথ তাহাই করিতে লাগিলেন। রঘুনাথের অদ্ভুত বৈরাগ্য—ছিন্ন বসন

পরিধান, নীরস বস্ত্র ভোজন, সাড়ে সাতপ্রহর পর্য্যন্ত শ্রবণ, কীৰ্ত্ত ও স্মরণ এবং চারিদিককালমাত্র আহারনিদ্রাদি। তিনি ক্রমে ছত্রে ঘাইয়া ভিক্ষাও ত্যাগ করিলেন। পসারীরা যে কিছু অবিক্রীত প্রসাদায় ফেলিয়া দেয়, বাহা দুর্গন্ধ বশতঃ গন্ধতেও খায় না, তাহাই কুড়াইয়া আনিয়া জলে ধুইয়া কিঞ্চিৎ লবণ দিয়া ভক্ষণ করিতে আরম্ভ করিলেন। একদিন স্বরূপ গোসাঁই রঘুনাথকে ঐ প্রকার ভোজন করিতে দেখিয়া হাসিতে হাসিতে উহার কিঞ্চিৎ মাগিয়া ভোজন করিলেন। ভোজন করিয়া বলিলেন, “রঘুনাথ, তুমি প্রতিদিন এইরূপ অমৃত ভোজন কর, আমাদিগকে দাও না।” এই বিষয় আবার প্রভুও গোবিন্দের মুখে শুনিলেন। শুনিয়া একদিন প্রভু আসিয়া রঘুনাথকে বলিলেন, “রঘুনাথ, তুমি না কি উৎকৃষ্ট বস্ত্র ভোজন কর? তাহা তুমি আমাকে দাও না কেন?” এই কথা বলিয়া প্রভু স্বয়ং একগ্রাস তুলিয়া লইয়া ভোজন করিলেন। অপর গ্রাস লইতে ইচ্ছা করিলেন, স্বরূপ গোসাঁই “ইহা তোমার যোগ্য নয়” বলিয়া প্রভুর হাত ধরিয়া ফেলিলেন, লইতে দিলেন না। প্রভু বলিলেন, “প্রতিদিনই প্রসাদ ভোজন করি, কিন্তু এরূপ অমৃততুল্য প্রসাদ ত আর কখনই পাই নাই।” “রঘুনাথের বৈরাগ্য দেখিয়া প্রভু বিশেষ সন্তোষলাভ করিলেন।

পুনর্বার রথযাত্রা আসিল। গোড়দেশ হইতে প্রভুর ভক্তগণ আগমন করিলেন। এই সময়ে প্রয়াগ হইতে বল্লভভট্টও পুরীতে আসিয়া উপস্থিত হইলেন। বল্লভভট্ট প্রভুর নিকট আসিয়া তাঁহার চরণবন্দন করিলেন। প্রভু তাঁহাকে ভাগবতবুদ্ধিতে আলিঙ্গন করিয়া নিকটে বসাইলেন। বল্লভভট্ট আসন গ্রহণপূর্ব্বক সবিনয়ে বলিতে লাগিলেন,—“আমার বহুদিন হইতে আপনাকে দর্শন করিবার ইচ্ছা। আজ জগন্নাথের রূপায় আমার ঐ অভিলাষ পূর্ণ হইল, আপনাকে দর্শন করিলাম। যিনি আপনার দর্শনলাভ করেন, তিনি নিতান্ত ভাগ্যবান। আমি আপনাকে সাক্ষাৎ ভগবানের তুল্যই দেখিয়া থাকি। যিনি আপনাকে স্মরণ করেন, তিনি নিশ্চয় পবিত্র হইবেন। আপনার স্মরণেই যখন পবিত্র হওয়া যায়, তখন আপনার দর্শনে যে পবিত্র হইলাম, তাহা বলা বাহুল্য। কৃষ্ণনামসঙ্কীৰ্ত্তনই কলিকালের ধর্ম্ম। কৃষ্ণশক্তি ব্যতিরেকে ঐ ধর্ম্ম প্রবর্ত্তিত হইতে পারে না। আপনি যখন ঐ ধর্ম্ম প্রবর্ত্তন করিতেছেন, তখন আপনি অবশ্য

কৃষ্ণশক্তি ধারণ করেন। আপনি জগৎ ভরিয়া কৃষ্ণপ্রেম প্রচার করিয়াছেন। যিনি আপনাকে দর্শন করেন, তিনিই কৃষ্ণপ্রেমানন্দে ভাসমান হইবেন। কৃষ্ণশক্তি বিনা কি কখন এই প্রকার সম্ভব হয়? কৃষ্ণই একমাত্র প্রেমদাতা। শাস্ত্রে উক্ত হইয়াছে,—

“সন্ত্যবতারা বহবঃ পঞ্চজনাভশ্চ সৰ্বতোভদ্রাঃ ।

কৃষ্ণাদন্তঃ কো বা নতাস্বপি প্রেমদো ভবতি ॥” লঘুভা পৃঃ ৫।৩৭

“পঞ্চজনাভ নারায়ণের বহু বহু অবতারই আছেন এবং তাঁহারা সকলেই সৰ্বপ্রকারেই মঙ্গলময় বটেন; কিন্তু এক শ্রীকৃষ্ণ ভিন্ন আর কে আছেন, যিনি তরুণতাকেও প্রেম প্রদান করিতে পারেন?”

প্রভু শুনিয়া বলিলেন,—“আমি মায়াবাদী সন্ন্যাসী, কৃষ্ণভক্তির কিছুই জানি না। অদ্বৈতাচার্য্য সাক্ষাৎ ঈশ্বর, তাঁহার সঙ্গেই আমার মন নির্মল হইয়াছে। তিনি সৰ্বশাস্ত্রে বিশেষতঃ ভক্তিশাস্ত্রে অদ্বিতীয় পণ্ডিত, এই নিমিত্তই তাঁহার নাম অদ্বৈতাচার্য্য। তাঁহার সদৃশী বৈষ্ণবতা আর কাহাতেও দেখি নাই। তাঁহার করুণায় স্নেহেরও কৃষ্ণভক্তি লাভ হয়। নিত্যানন্দ অবধূত কৃষ্ণপ্রেমের সাগর, সদাই ভাবোন্মত্ত। সার্বভৌম ভট্টাচার্য্য ষড়্দর্শনবেত্তা ও জগদগুরু। রামানন্দরায় কৃষ্ণভক্তিরসের খনি। তিনি রাগমার্গের মধুর ভক্ত। দামোদর স্বরূপ মূর্তিমান্ প্রেমরস। তাঁহার প্রেম ব্রজদেবীর প্রেমের স্নায় শুদ্ধ ও ঐশ্বর্যাগন্ধহীন। হরিদাস ঠাকুর মহাভাগবত। তিনি প্রতিদিন তিনলক্ষ নাম গ্রহণ করিয়া থাকেন। এতদ্ভিন্ন আচার্য্যরত্ন, আচার্য্যানিধি, গদাধর পণ্ডিত, জগদানন্দ, দামোদর, শঙ্কর, বীক্রেশ্বর, কাশীশ্বর, মুকুন্দ, বাসুদেব ও মুরারী প্রভৃতি অপরাপর ভক্তগণ আছেন। তাঁহাদের সঙ্গেই আমি কৃষ্ণভক্তি লাভ করিয়াছি।” বনভট্ট আপনাকে ভক্তিসিদ্ধান্তের আকর বলিয়া অভিমান করিয়া থাকেন। এই নিমিত্তই প্রভু ভঙ্গী করিয়া এই সকল কথা বলিলেন। ভট্ট শুনিয়া কিঞ্চিৎ নম্রভাবে বলিলেন, “এই সকল বৈষ্ণব কোন্ স্থানে থাকেন? আমার ইহঁদিগকে দর্শন করিতে নিতান্ত বাসনা হইয়াছে।” প্রভু বলিলেন, ইহঁারা প্রায়ই গোড়দেশে অবস্থিতি করেন, কেহ কেহ উৎকলেও থাকেন। সম্প্রতি রথযাত্রা উপলক্ষে সকলেই এইস্থানে সমবেত হইয়াছেন। এইস্থানেই স্থানে স্থানে বাসা করিয়া আছেন। এইস্থানেই ইহঁদিগের সহিত মিলন হইবে।” ভট্ট শুনিয়া সপরিবার প্রভুর নিমন্ত্রণ করিয়া উঠিয়া গেলেন। পরদিন প্রভু সপরিবারে বনভট্টের বাসায় উপস্থিত হইলেন। প্রভু একে একে সকলের সহিত বনভ



ভট্টের মিলন করাইয়া দিলেন। বল্লভভট্ট বৈষ্ণবগণের অদ্ভুত তেজ দর্শন করিয়া আশ্চর্য্য বোধ করিতে লাগিলেন। তাঁহার বিদ্যাগর্ভ কিঞ্চিৎ খর্ব্বতা লাভ করিল। তিনি প্রভুর ভক্তগণের নিকট আপনাকে খত্বোতের তুল্য দেখিতে লাগিলেন। পরে প্রচুর মহাপ্রসাদ আনাইয়া প্রভুকে সগণে পুরিতোষরূপে ভোজন করাইলেন।

অনন্তর রথের দিন প্রভু পূর্বপূর্ব বৎসরের শ্রায় ভক্তগণের সহিত রথাগ্রে নর্ত্তন ও কীর্ত্তন করিলেন। বল্লভভট্ট প্রভুর অলৌকিক ভাবাবেশ, সৌন্দর্য্য, প্রভাব, নর্ত্তন ও কীর্ত্তনাদি সন্দর্শন করিয়া ইনিই সাক্ষাৎ শ্রীকৃষ্ণ বলিয়া নিশ্চয় করিলেন। অতঃপর একদিন প্রভুর নিকট যাইয়া বলিলেন, “আমি ভাগবতের একখানি টীকা প্রণয়ন করিতেছি, উহার কোন কোন স্থান প্রভুকে শুনাইতে ইচ্ছা করি।” প্রভু বলিলেন, “আমি ভাগবতের অর্থ বুঝিতে পারি না; আমি ভাগবতার্থ শ্রবণে অনধিকারী বলিয়া কৃষ্ণনাম গ্রহণ করি। রাত্রিদিন নাম করিয়াও নির্দিষ্ট সংখ্যা পূরণ করিতে পারি না।” বল্লভভট্ট বলিলেন, “ঐ টীকাতেই কৃষ্ণনামেরও অর্থব্যাখ্যা কিছু বিস্তৃতভাবেই করিয়াছি, আপনি তাহাই শ্রবণ করুন।” প্রভু বলিলেন, “কৃষ্ণনামের অর্থ, শ্রামসুন্দর যশোদানন্দন, উহার অপর কোন অর্থ জানিও না, মানিও না। কৃষ্ণনামের যদি অণু কোন অর্থ থাকে, আমার তাহাতে অধিকার নাই।” এইরূপে প্রভু বল্লভভট্টকে উপেক্ষা করিতেন। ভট্ট কিঞ্চিৎ বিমনা হইয়া বাসায় চলিয়া গেলেন। প্রভুর উপেক্ষা দেখিয়া আর কেহই ভট্টের ব্যাখ্যান শ্রবণ করিতে ইচ্ছা করিলেন না। ভট্টের তাহাতে কিছু অপমান বোধ হইল। তিনি নিজের সম্মান পুনঃ প্রতিষ্ঠিত করিবার নিমিত্ত ইচ্ছা করিলেন। শেষে নিজকৃত ব্যাখ্যান শুনাইবার নিমিত্ত স্বরূপ গোসাঁইর নিকট অনেক অমুনয়বিনয়ও প্রকাশ করিতে লাগিলেন। স্বরূপ গোসাঁই উভয় সঙ্কটে পতিত হইলেন। ভট্টের অমুরোধ ছাড়াইতে পারেন না, প্রভুর ভক্তগণ পাছে কিছু বলেন ভাবিয়া উহা রক্ষা করিতেও পারেন না। ভট্ট প্রত্যহই প্রভুর নিকট আগমন করেন। প্রভুর ভক্তগণের সহিত বিচার করিতেও প্রয়াসী হন। কিন্তু বিচারের সুযোগ হয় না, তিনি যাহা বলেন, বলিবামাত্র তাহা অর্ধেতাচার্য্য খণ্ডন করিয়া ফেলেন। শেষে একদিন তিনি অর্ধেতাচার্য্যকে বলিলেন, “জীব প্রকৃতি, কৃষ্ণ পুরুষ, পতিব্রতা নারী কখনই পতির নাম গ্রহণ করেন না, আপনারা কিন্তু যখন তখন কৃষ্ণনাম গ্রহণ করিয়া থাকেন, ইহা কিরূপ ধর্ম্ম?” অর্ধেতাচার্য্য উত্তর করিলেন, “আপনার

সম্মুখে মূর্ত্তিমান্ ধর্ম্মই বসিয়া রহিয়াছেন, উনিই ইহার উত্তর প্রদান করিবেন।” তখন প্রভু বলিলেন, “স্বামীর আজ্ঞাপালনই পতিব্রতার ধর্ম্ম ; কৃষ্ণের আজ্ঞাতেই জীব কৃষ্ণনাম গ্রহণ করিয়া থাকেন।” প্রভুর কথায় ভট্ট নির্বাক্ হইলেন। শেষে আর একদিন ভট্ট সগর্বে প্রভুকে বলিলেন, “শ্রীধরস্বামী ভাগবতের টীকা করিয়াছেন বটে, কিন্তু তাঁহার টীকার একস্থলের সহিত অন্তস্থলের একবাক্যতা হয় না। আমি ঐ সকল দোষ পরিহারপূর্ব্বক আর একখানি টীকা প্রণয়ন করিতেছি।” প্রভু ঈষৎ হাসিয়া বলিলেন, “যিনি স্বামীকে মানেন না, তিনি বেষ্ণার মধ্যেই গণ্য হইবেন।” ভট্ট লজ্জায় অধোবদন হইয়া উঠিয়া গেলেন। প্রভু ভট্টের অনুচিত গর্বের শোধনের নিমিত্তই এইরূপ আচরণ করিলেন। এইবার প্রভুর উদ্দেশ্যও সফল হইল। ভট্ট বুঝিলেন, প্রভু তাঁহার শোধনের নিমিত্তই এইরূপ আচরণ করিলেন। প্রভু পূর্বে তাঁহাকে যথেষ্ট কৃপা করিয়াছিলেন এবং এখনও করেন, অথচ পুনঃ পুনঃ উপেক্ষা ও অবমাননা করিতেছেন, ইহা—তাঁহারই মঙ্গলের জন্ত, তাঁহার অযথা বিদ্ভাগর্ক খর্ব্ব করিবার নিমিত্ত। প্রভুর যেমন ইন্দ্রের মঙ্গলার্থ ই তাঁহার গর্ক খর্ব্ব করিয়াছিলেন, তদ্রূপ তাঁহার মঙ্গলের নিমিত্তই তাঁহার গর্ক খর্ব্ব করিতেছেন। ভট্ট যখন নিজের মঙ্গল হৃদয়ঙ্গম করিলেন, তিনি যখন নিজের কল্যাণ স্পষ্ট বুঝিলেন, তখন আর স্থির থাকিতে পারিলেন না ; সত্বর প্রভুর নিকট যাইয়া তাঁহার চরণে ধরিয়া অপরাধ ক্ষমাপনের জন্ত প্রার্থনা করিতে লাগিলেন। প্রভু তখন প্রসন্ন হইয়া বলিলেন, “তুমি পরমভাগবত ও মহাপণ্ডিত, তোমাতে অনুচিত গর্ক থাকা উচিত হয় না ; শ্রীধরস্বামী জগদ্গুরু, তাঁহার অনুগ্রহেই শ্রীভাগবতের অর্থবোধ হইয়া থাকে ; অতএব তাঁহাকে অমান্য না করিয়া তাঁহার অনুগত হইয়া শ্রীভাগবতের ব্যাখ্যা কর, সকলেই তোমার ব্যাখ্যা সাদরে গ্রহণ করিবে। তুমি নিরন্তর হইয়া কৃষ্ণনাম গ্রহণ কর, কৃষ্ণ অচিরেই তোমাকে কৃপা করিয়া চরণ দিবেন।” বল্লভভট্ট বালগোপালমন্ত্রের উপাসক ছিলেন। তাঁহার ইচ্ছা হইল, কিশোরগোপালের ভজন করিবেন। তিনি প্রভুকে অপর একদিন সগণে ভিক্ষা করাইয়া গদাধর পণ্ডিতের নিকট কিশোরগোপালের মন্ত্র গ্রহণের অভিপ্রায় জানাইলেন। প্রভু তৎক্ষণাৎ তদ্বিষয়ের অনুমোদন করিলেন। বল্লভ ভট্ট প্রভুর আদেশ লাভ করিয়া গদাধর পণ্ডিতের নিকট গমনপূর্ব্বক দীক্ষিত ও কৃতার্থ হইল।

## রামচন্দ্রপুরী ।

একদিন প্রভু পরমানন্দপুরীর সহিত বসিয়া আছেন, এমন সময়ে মাধবেন্দ্র পুরীর শিষ্য রামচন্দ্রপুরী আসিয়া ঐ স্থানে উপস্থিত হইলেন। প্রভু তাঁহাকে আসিতে দেখিয়া গাত্রোথান ও তাঁহার চরণবন্দন করিলেন। তিনিও প্রভুকে আশিষ্ট দিয়া আসন গ্রহণপূর্বক কিয়ৎক্ষণ ইষ্টগোষ্ঠী করিলেন। জগদানন্দ পুণ্ডিত আসিয়া রামচন্দ্রপুরীকে নিমন্ত্রণ করিলেন। পরে তিনি মহাপ্রসাদ আনাইয়া তাঁহাকে প্রচুর পরিমাণে ভোজন করাইলেন। রামচন্দ্রপুরীর ভোজনানন্তর স্বয়ং দাঁড়াইয়া থাকিয়া জগদানন্দকে আপনার ভুক্তাবশেষ সমস্তই ভোজন করাইলেন। জগদানন্দের ভোজন সমাধা হইলে, পুরীগোসাঁই তাঁহাকে বলিলেন, “পণ্ডিত, তোমার স্বভাব আমি বড় ভাল দেখিতেছি না, তুমি আমাকে অল্পরোধ করিয়া প্রচুরপরিমাণে ভোজন করাইয়াছ, সন্ন্যাসী যদি এরূপ প্রচুর পরিমাণে ভোজন করে, তবে তাহার ধর্ম রক্ষা হয় না; তারপর, তুমি নিজে প্রচুর পরিমাণেই ভোজন করিলে—এত অধিক ভোজন করা ভাল নয়, অধিক ভোজনে দারিদ্র্য ঘটে।” জগদানন্দ শুনিয়া অবাক হইয়া রহিলেন। রামচন্দ্র পুরী বিশ্বনিদ্বক ও মহাদান্তিক। তিনি অন্তের নিকট দান্তিকতা প্রকাশ করিবেন সে বড় বিচিত্র নয়, গুরুর নিকটেই দান্তিকতা প্রকাশ করিতেন। শ্রীপাদ মাধবেন্দ্রপুরীর অন্তর্ধান সময়ে শ্রীপাদ ঈশ্বরপুরী প্রাণপণে গুরুসেবা করিতেছিলেন। সেই সময়ে রামচন্দ্রপুরী গিয়া মাধবেন্দ্রপুরীকে বলিলেন, “মৃত্যুকালে মথুরা পাইলু না বলিয়া কাঁদিতেছেন কেন? আপনি স্বয়ং পূর্ণ ব্রহ্মানন্দ, আপনাকেই স্মরণ করুন, চিদ্ব্রহ্মের আমার রোদন কেন?” রামচন্দ্র পুরীর কথা শুনিয়া শ্রীপাদ মাধবেন্দ্রপুরী বিশেষ দুঃখিত হইলেন, এবং বলিলেন, “রে পাপিষ্ঠ, তুমি আমার সম্মুখ হইতে বিদায় হও, কোথায় আমি কৃষ্ণকৃপা পাইলু না বলিয়া কাঁদিতেছি, আর তুমি কি না সেই সময়ে আসিয়া আমাকে অধমব্রহ্মজ্ঞান উপদেশ করিতেছ।” অনন্তর পুরীগোসাঁই নিম্নলিখিত শ্লোকটি পাঠ করিতে করিতে দেহত্যাগ করিলেন।

“অগ্নি দীনদয়ার্জ নাথ হে মথুরানাথ কদাবলোক্যসে ।

হৃদয়ং স্বদলোককাতরং দয়িত ভ্রাম্যতি কিং করোম্যহম্ ॥” পদ্মাবল্যাম্ ৩৩৫

এইরূপ যাহার প্রকৃতি, তিনি যে স্বয়ং ভোজন করিয়া এবং অপরকে ভোজন করাইয়া শেষে নিন্দা করিবেন, তাহা বড় অধিক কথা নয়।

রামচন্দ্রপুরী প্রভুর নিকট থাকিয়া সতত প্রভুর ছিত্রাভাসকান করিতে লাগিলেন। প্রভুর নিমন্ত্রণকারীর চারিপদ কোড়ি ব্যয় হয়। ঐ চারিপদ কোড়ির দ্রব্য প্রভু, তাঁহার ভৃত্য গোবিন্দ ও কাশীধর এই তিনজনে মিলিয়া ভোজন করিয়া থাকেন। সুতরাং রামচন্দ্রপুরী প্রভুর অত্যাহাররূপ ছিত্র পাইলেন না। শেষে একদিন তিনি প্রভুর বাসায় পিপীলিকার সঞ্চার দেখিয়া, প্রভু গোপনে মিষ্টান্ন ভোজন করেন, এইরূপ অসুমান করিয়া, লোকের নিকট প্রভুকে মিষ্টান্নভোজী বলিয়া নিন্দা করিতে লাগিলেন। আর মধ্যে মধ্যে প্রভুর ভক্তগণের নিকটও বলিতে আরম্ভ করিলেন, “সন্ন্যাসী হইয়া মিষ্টান্ন ভোজন করিলে কি তাহার ইন্দ্রিয়বারণ হইতে পারে?” এই কথা লোক-পরম্পরায় প্রভুর কাণে উঠিল। প্রভু শুনিয়া কিছু সঙ্কচিত হইয়া নিজভৃত্য গোবিন্দকে বলিলেন,—

“আজি হৈতে ভিক্ষা মোর এই ত নিয়ম।

পিণ্ডা ভোগের এক চৌঠি পাঁচ গুণায় বাঞ্ছন ॥”

গোবিন্দ ভক্তগণের নিকট প্রভুর আদেশ জানাইলেন। শুনিয়া ভক্তগণের মস্তকে অকস্মাৎ বজ্রপতন হইল। সকলেই রামচন্দ্রপুরীকে তিরস্কার করিতে লাগিলেন। এই সময়ে এক বিপ্র আসিয়া প্রভুকে নিমন্ত্রণ করিলেন। গোবিন্দ বলিলেন, “এক চৌঠির অন্ন ও পাঁচগুণায় বাঞ্ছন আনয়ন করুন; তন্নির প্রভু আর কিছুই গ্রহণ করিবেন না।” গোবিন্দের কথা শুনিয়া সেই নিমন্ত্রণকারী বিপ্র মস্তকে করাঘাত সহকারে হাহাকার করিয়া উঠিলেন। পরে গোবিন্দের কথাবাহুরূপ কাব্য করিলেন। প্রভু আনীত ঐশাদের অর্দ্ধাংশমাত্র ভোজন করিয়া অপরাধ গোবিন্দ ও কাশীধরের জন্ত রাখিয়া দিলেন। ভক্তগণ দুঃখে অর্দ্ধাশন করিতে লাগিলেন। রামচন্দ্রপুরী শুনিয়া প্রভুর নিকট যাইয়া বলিলেন, “তোমাকে অতিশয় ক্ষীণকলেবর দেখিতেছি। শুনিলাম, তুমি নাকি অর্দ্ধাশন করিতেছ, ঐদৃশ শুষ্কবৈরাগ্যের প্রয়োজন কি? সন্ন্যাসী ইন্দ্রিয়তর্পণ না করিয়া কোনরূপে উদরভরণ করিবেন। এইরূপ করিলেই জ্ঞানযোগ সিদ্ধ হইয়া থাকে।” গীতাতেই উক্ত হইয়াছে,—

“যুক্তাহারবিহারশ্চ যুক্তচেষ্টশ্চ কৰ্ম্মশ্চ ।

যুক্তস্বপ্নাববোধশ্চ যোগো ভবতি দুঃখহা ॥ ৬।১৭

প্রভু বলিলেন, “আপনি শুরু, আমি শিষ্য; আমার পরম ভাগ্যা, আপনি উপযাচক হইয়া আমাকে শিক্ষা প্রদান করিতেছেন।” প্রভুর কথা শুনিয়া

রামচন্দ্রপুরী চলিয়া গেলেন। কয়েকদিন থাকিয়া পুরীগোসাঁই তীর্থপর্যটনে গমন করিলেন। ভক্তগণ আপনাদিগের জীবন পাইলেন।

প্রভু কৃষ্ণপ্রথমরূপে নীলাচলে বাস করিতে লাগিলেন। অন্তরে ও বাহিরে কৃষ্ণের বিরহচরিত। দেহ ও মন সদাই নানাভাবে আকুলিত। দিবাতাগে নৃত্য, কীর্তন ও জগন্নাথদর্শন করেন, রাত্ৰিতে স্বরূপ গোসাঁই ও রামানন্দের সহিত নিভৃতে বসিয়া রসাবাদন করেন। তাঁহাকে যে দেখে, সেই ক্রমে ভক্তসিতে থাকে।

### গোপীনাথ পট্টনারক ।

একদিন অকস্মাৎ একজন লোক আসিয়া প্রভুকে বলিল, “প্রভো, রাজার আদেশে গোপীনাথ পট্টনারকের প্রাণদণ্ড হইতেছে, আপনি রক্ষা না করিলে তাঁহার রক্ষা হয় না। রায় ভবানন্দ সবংশে আপনার সেবক, তাঁর পুত্রের জীবন-রক্ষা আপনার উচিত হইতেছে ॥” প্রভু শুনিয়া বলিলেন, “রাজা গোপীনাথের প্রাণদণ্ডের আদেশ করিলেন কেন?” আগন্তুক ব্যক্তি বলিল, “গোপীনাথ পট্টনারক রাজার কর্মচারী, রাজধন অপচয় করিয়াছেন। তিনি রাজস্ব আদায় করিয়া রাজার অনেক অর্থ বাকী ফেলিয়াছেন, রাজা ঐ অর্থ প্রার্থনা করায় ক্রমে ক্রমে আদায় দিতে সম্মত হইয়াছেন। সম্প্রতি তিনি নিজের কয়েকটি ঘোটক বিক্রয় করিয়া ঐ বাকী অর্থ হইতে অংশতঃ আদায় দিতে চাহেন, রাজাও তাহাতেই সম্মত হইয়া ঘোটকের মূল্য অবধারণ করিবার নিমিত্ত নিজের এক পুত্রকে প্রেরণ করেন। তিনি ঘোটকের উচিত মূল্য হইতে কিছু কম মূল্য অবধারণ করেন। রাজপুত্রের খতাব, তিনি প্রায়ই ঘাড় ফিরাই এবং উর্দ্ধমুখে বার বার এদিক ওদিক তাকান। ঘোড়ার মূল্য কম করার গোপীনাথ উপহাস করিয়া বলেন, ‘আমার ঘোড়ার ত ঘাড় উচ্চ ও উর্দ্ধনৃষ্টি নয়, তবে কেন মূল্য এত কম করা হইয়াছে?’ রাজপুত্র শুনিয়া ক্রুদ্ধ হইয়া চলিয়া যান এবং রাজাকে জানাইয়া গোপীনাথের প্রাণদণ্ডের আদেশ করান। তদনুসারে গোপীনাথকে চাকে চড়ান হইয়াছে। বাকী রাজস্ব আদায় না দিলে, ঐরূপেই গোপীনাথের প্রাণদণ্ড করা হইবে। এখন প্রভুই একমাত্র রক্ষাকর্তা।” প্রভু বলিলেন, “রাজা গোপীনাথের নিকট বাকী আদায় করিবেন, আমি সন্ন্যাসী, তাহার কি ঐর্ষ্যবিধাস করিব?” প্রভুর উপেক্ষা দেখিয়া স্বরূপ গোসাঁই প্রভুতি প্রভুর

ভক্তগণ গোপীনাথের জীবনরক্ষার জন্য প্রভুর চরণে ধরিয়া পড়িলেন। প্রভু কিছু বিরক্ত হইয়া বলিলেন, “আমাকে ধরিলে কি হইবে? তোমরা সকলে মিলিয়া প্রভু জগন্নাথকে ধর, তিনি সকলই করিতে, না করিতে ও অন্তথা করিতে সমর্থ।”

এই সময়ে হরিচন্দন মহাপাত্র ঘাইয়া রাজাকে নিবেদন করিলেন, “রাজন্, গোপীনাথ আপনার ভৃত্য, প্রাণদণ্ডের অযোগ্য। তাহার নিকট রাজস্ব বাকী, প্রাণদণ্ড করিলে কি হইবে? সে খোড়া কয়েকটি দিতে চায়, উচিত মূল্য লওয়া হউক, অবশিষ্ট রাজস্ব ক্রমে আদায় হইবে।” রাজা বলিলেন, “আমারও তাহাই অভিপ্রায়, অর্থের জন্য প্রাণ লইব কেন? তুমি যাও, খোড়ার মূল্য করিয়া লও এবং গোপীনাথকে ছাড়িয়া দাও।” এখানে গোপীনাথ চাঙ্গে আরোপিত হইয়াও নির্ভয়ে একমনে কৃষ্ণনাম করিতেছিলেন। তিনি দুই হস্তে মংখ্যা করিয়া মধ্যে মধ্যে নিজের অঙ্গে এক একটি অঙ্কপাত করিতেছিলেন, হরিচন্দন আসিয়া তাঁহাকে মুক্ত করিয়া দিলেন।

গোপীনাথ প্রাণদণ্ড হইতে রক্ষা পাইলেন, প্রভু তাহা শুনিলেন। তিনি শুনিয়া কাশীমিশ্রকে বলিলেন, “মিশ্র, আমি আলালনাথে ঘাইয়া থাকিব; নানা উপদ্রবে আমার বড়ই অশান্তি বোধ হইতেছে। ভবানন্দের গোষ্ঠী রাজকর্ম করে, রাজার অর্থ লুটিয়া যায়; রাজা নিজের রাজস্ব আদায় করিতে চান, লোকের মধ্যে লোকে আমাকে বিরক্ত করে; অতএব আমি আর এখানে থাকিতে ইচ্ছা করি না।” কাশীমিশ্র বলিলেন, “আপনি মনে কোত করিবেন? আপনি ভয়ানক, আপনার সহিত বিষয়ী কি সম্বন্ধ আছে? আপনার সহিত আমাদিগের যদি কিছু সম্বন্ধ থাকে, সে কেবল পরমার্থ-সম্বন্ধ। তথাপি যদি কেহ বিষয়ের সম্বন্ধ লইয়া আপনার নিকট আইসে, সে নিতান্ত মূঢ়। আপনার জন্য রামানন্দ বিষয় ত্যাগ করিলেন, সনাতন বিষয় ত্যাগ করিলেন, রঘুনাথ বিষয় ত্যাগ করিলেন, আর আমরা কি আপনার সহিত বিষয়ের সম্বন্ধ করিব? বাহাকে চাঙ্গে চড়ান হইয়াছিল, সেই গোপীনাথেরও তাদৃশ অভিপ্রায় নয়। সেও আপনার সহিত বিষয়সম্বন্ধ করিতে চায় না। তবে তাঁর হৃদয়ে হৃদয়ী হইয়া অপর কেহ আপনাকে তাহার কথা নিবেদন করিয়া থাকিবে। তাহাও সতর্ক করিয়া দেওয়া হইবে, আর যেন এরূপ কর্ম না হয়। বাহাকে রক্ষা করিবার ইচ্ছা হইবে, আপনি স্বয়ংই তাহাকে এইবারের মত রক্ষা করিবেন। ইহার জন্য আপনাকে আলালনাথে ঘাইতে হইবে না।

কাশীমিশ্র এই বিষয় রাজা প্রতাপরুদ্রকেও কথাপ্রসঙ্গে শুনাইলেন। প্রতাপরুদ্র শুনিয়া বলিলেন, “ইহার অন্য প্রভু কেন পুরী ত্যাগ করিবেন? ভবানন্দ আমার প্রিয়। তাহার পুত্রেরাও আমার অনুগত। আমি গোপীনাথকে চাঙ্গে চড়াইতে আদেশ করি নাই। গোপীনাথ বড়জানাকে উপহাস করিয়াছিল বলিয়া বড়জানা তাহাকে ভয়প্রদর্শন করিবার নিমিত্তই চাঙ্গে চড়াইয়াছিল, প্রাণদণ্ড করিবার নিমিত্ত নহে।” রাজা প্রতাপরুদ্র এই কথা বলিয়া গোপীনাথের নিকট প্রাণ্য অর্থ সমস্তই ছাড়িয়া দিলেন এবং গোপীনাথের বেতন দ্বিগুণ করিয়া দিলেন। সকলে শুনিয়া ভক্তের প্রতি প্রভুর পরোক্ষে রূপা বুঝিয়া আশ্চর্য্যান্বিত হইলেন।

প্রভু লোকমুখে গোপীনাথের প্রতি রাজার প্রসাদ শ্রবণ করিয়া অন্তরে আনন্দিত হইলেন, এবং কাশীমিশ্রকে ডাকাইয়া বলিলেন, “মিশ্র, তুমি আমাকে রাজার নিকট প্রতিগ্রহ করাইলে?” কাশীমিশ্র প্রণতিপুরঃসর বলিলেন, “আপনি কেন রাজার নিকট প্রতিগ্রহ করিবেন? রাজা স্বয়ং ইচ্ছাপূর্ব্বকই এইরূপ করিয়াছেন। আরও তিনি বিশেষ করিয়া বলিয়াছেন, প্রভু যেন মনে না করেন, আমি মহাপ্রভুর অনুরোধ বশতঃ গোপীনাথ পট্টনায়ককে ঋণ হইতে মুক্ত করিলাম, আমি ভবানন্দের প্রতি আমার যে ভালবাসা আছে তৎপ্রযুক্ত স্বেচ্ছাপূর্ব্বকই এইরূপ করিলাম।”

অতঃপর রায় ভবানন্দ পঞ্চপুত্রের সহিত প্রভুর নিকট আসিয়া চরণে ধরিয়া বলিতে লাগিলেন, “প্রভো, আপনি গোপীনাথকে বিপদে রক্ষা করিলেন সত্য, কিন্তু রামানন্দকে ও বাণীনাথকে যেমন নির্বিষয় করিয়াছেন, তদ্রূপ না করিলে প্রকৃত রূপা করা হইল না, ইহা রূপার আর্ভাসমাত্র। আপনি আমাদের প্রতি সেইরূপ শুদ্ধ রূপা করুন, যাহাতে আমরা নির্বিষয় হইতে পারি।” প্রভু বলিলেন, “তোমরা যদি সকলেই সন্ন্যাসী হইবে, তবে তোমাদিগের কুটুম্বসকলের ভরণ-পোষণাদি কে করিবে? তোমরা বিষয়েই থাক বা বৈরাগ্যই কর, আমার জন্ম-জন্মান্তরের দাস থাকিবে। কিন্তু একটি কপা, রাজার মূলধন রাজাকে দিয়া লভ্যমাত্র ভোগ কর, এবং ঐ প্রাপ্ত ধন ধ্বংসকর্মে ব্যয় কর, অসহায় করিও না। রাজদ্রব্যের অপচয় করিও না; কারণ, রাজদ্রব্যের অপচয় করা মহাপাপ।

## প্রভুর ভৃত্য ও ভক্ত

বৎসর অতীত হইল। পুনর্বার রথযাত্রা আসিল। প্রভু যদিও নিত্যানন্দকে গোড়েই থাকিতে আদেশ করিয়াছিলেন, তথাপি তিনি সেই আদেশ না মানিয়াই প্রভুর চরণদর্শনলাগলে প্রতিবৎসরই রথযাত্রার সময় আসিয়া থাকেন। তিনি এই বৎসরও অষ্টোতাচার্যের সহিত যাত্রা করিলেন। প্রভুর ভক্তগণ প্রভুর জন্ম তাঁহার প্রিয় খাণ্ডদ্রব্যসকল প্রস্তুত করিয়া সঙ্গে লইলেন। তাঁহারা পুরীতে আসিয়া ঐ সকল দ্রব্য গোবিন্দের হস্তে সমর্পণ করিলেন। গোবিন্দ উহা প্রভুর ভোজনের সময় দিবেন বলিয়া ভোজনগৃহের এক কোণে রাখিয়া দিলেন। ঐ দিন জগন্নাথ নরেন্দ্রসরোবরে নৌকারোহণে জলবিহার করিলেন। প্রভু ভক্তগণকে লইয়া জগন্নাথের জলবিহার দর্শনের পর কিছুক্ষণ নর্ভন ও কীর্তন করিলেন। পরে আপনারাও জলক্রীড়া করিয়া বাসায় আসিয়া মহাপ্রসাদ ভোজন করিলেন। পরদিন প্রভাতে উঠিয়া ভক্তগণকে লইয়া জগন্নাথের শয্যাখান দর্শন করিয়া কীর্তন আরম্ভ করিলেন। সমস্ত ক্ষেত্রবাসী প্রভুর সেই কীর্তন দর্শনার্থ আগমন করিলেন। রাজপরিবারগণ অট্টালিকার ছাদোপরি আরোহণ করিয়া প্রভুর কীর্তন দেখিতে লাগিলেন। স্বরূপগোসাঁই প্রভুর আদেশানুসারে “জগন্মোহন পরিমুণ্ডা যাও”—হে জগন্মোহন, তোমার নির্মূল্যন ঘাই—এই উড়িয়াপদ গাইতে লাগিলেন। লোক সকল চারিদিক হইতে মুহুমুহু হরিধ্বনি করিতে লাগিলেন। কীর্তনের কোলাহলে ত্রিভুবন কম্পিতে লাগিল। প্রভু টেলা তৃতীয় প্রার পর্যন্ত এইরূপ কীর্তন করিলেন। নিত্যানন্দ প্রভু কীর্তনীয়াগণকে শ্রান্ত দেখিয়া প্রভুকে জানাইয়া কীর্তন বন্ধ করিলেন। প্রভু সগণে সমুদ্রে স্নান করিয়া প্রসাদ পাইয়া গম্ভীরার দ্বারে শয়ন করিলেন। গোবিন্দ প্রভুর পাদসন্ধান করিতে আসিয়া প্রভুকে দ্বার জুড়িয়া শয়ন দেখিলেন। তিনি প্রতিদিন ভোজনের পর প্রভু শয়ন করিলে কিছুক্ষণ তাঁহার পাদসন্ধান করিয়া পরে নিজে ভোজন করিয়া থাকেন। আজ প্রভুকে দ্বারদেশে শয়ন দেখিয়া কিরূপে গৃহে যাইয়া তাঁহার পাদসন্ধান করিবেন তাহাই চিন্তা করিতে লাগিলেন। পরে প্রভুকে পথ ছাড়িয়া দিতে বলিলেন। প্রভু উত্তর করিলেন, “আমার অত্যন্ত শ্রম বোধ হইয়াছে, নড়িতে পারিতেছি না।” তখন গোবিন্দ সেবার বাধ হয় দেখিয়া অগত্যা প্রভুর একখানি বহির্দ্বার লইয়া প্রভুর চরণোপরি আচ্ছাদন দিয়া ঐ চরণ লঙ্ঘন পূর্বক গৃহমধ্যে প্রবেশ করিলেন।



প্রবেশানন্তর প্রভুর পাদসম্বাহনে প্রবৃত্ত হইলেন। প্রভু নিদ্রা গেলেন। দণ্ড দুই কাল এইভাবেই কাটিয়া গেল। অনন্তর প্রভুর নিদ্রাতঙ্গ হইল। নিদ্রাতঙ্গ হইলে, প্রভু দেখিলেন, গোবিন্দ তখনও তাঁহার পাদসম্বাহন করিতেছেন, ভোজন করিতে যান নাই। তদর্শনে প্রভু কৃত্রিম কোপ প্রকাশপূর্বক বলিলেন, “অদিবসী, এখনও প্রসাদ পাইতে যাও নাই?” গোবিন্দ উত্তর করিলেন, “প্রভু হার জুড়িয়া শুইয়া আছেন, যাইতে পথ পাই নাই।” প্রভু বলিলেন, “আমিতে পথ পাইয়াছিলে ত?” গোবিন্দ শুনিয়া নিরুত্তর, ভাবিলেন, আদিবার সময় সেবার বাধ হয় বলিয়া আদিয়াছিলাম, যাইবার সময় নিজের ভোজনের নিমিত্ত প্রভুকে লজ্বন করিয়া অপরাধী হইতে পারি না। ভক্তের ইহাও এক অপূর্ব লীলা, প্রভুর সেবার জন্ত অপরাধ ভাবেন না, নিজের কার্যের জন্ত অপরাধের ভয় করিয়া থাকেন। প্রভু গোবিন্দের মনের ভাব বুঝিয়া পথ ছাড়িয়া দিলেন। গোবিন্দ তখন প্রসাদ পাইতে গেলেন।

অনন্তর প্রভু পূর্ব পূর্ব বৎসরের দ্বার ভক্তগণকে লইয়া গুণ্ডিচা মন্দির মার্জিন, বনভোজন, রথাগ্রে নর্তনকীর্তন, হেরাপঞ্চমী ও জন্মাষ্টমী প্রভৃতির যাত্রা দর্শন করিলেন। ভক্তগণ মধ্যে মধ্যে উত্তমোত্তম মিষ্টান্ন প্রসাদ আনিয়া প্রভুর জন্ত গোবিন্দের হস্তে প্রদান করেন; গোবিন্দও প্রভুর ভোজনের সময় ‘অমুক তক্ত অমুক দ্রব্য দিয়াছেন’ বলিয়া প্রভুকে নিবেদন করেন; প্রভু গ্রহণ করেন না, কেবল বলেন, ‘রাখিয়া দাও।’ এইরূপে মিষ্টান্ন রাখিতে রাখিতে যত করিয়া গেল। একদিন গোবিন্দ প্রভুর ভোজনকালে বলিলেন, “ভক্তগণের মধ্যে যিনি দ্রব্য আনিয়া দেন, আপনাকে নিবেদন করি, আপনি গ্রহণ করেননা, রাখিয়া দিতেই বলেন; রাখিতে রাখিতে যত করিয়া গেল। ভক্তগণ মধ্যে মধ্যে আবার আমাকে জিজ্ঞাসা করেন, প্রভুকে ‘অমুক বস্তু দিয়াছিলে?’ আমি তখন তাঁহাকে কি উত্তর দিব ভাবিয়া পাই না। সময়ে সময়ে মিথ্যা কথাও বলিতে হয়। প্রভু কহিলে, ‘কিঞ্চিৎ কিঞ্চিৎ অঙ্গীকার করিলে আর আমাকে মিথ্যা কথা বলিতে হয় না।’ প্রভু শুনিয়া জীবৎ বিরক্তি সহকারে বলিলেন, “আন, কে কি দিয়াছে আন।” গোবিন্দ একে একে বস্তুর মনে হইল নাশ করিয়া করিয়া প্রভুকে দিতে লাগিলেন। প্রভুর দণ্ডের মধ্যে শতজনের ভক্ষ্যদ্রব্য খাইয়া ফেলিলেন। মিষ্টান্ন ভোজন শেষ হইলে, প্রভু গোবিন্দকে জিজ্ঞাসা করিলেন, “আর কিছু আছে?” গোবিন্দ বলিলেন, “রাঘব পণ্ডিত গোড়দেশ হইতে ঝালি ভরিয়া বাহা আনিয়া-ছিলাম, তাহাই আছে।” প্রভু শুনিয়া হাসিয়া বলিলেন, “উহা আমায় থাক,

পরে দেখা বাইবে।” অপর একদিন প্রভু ভোজনে বসিলেন; স্বরূপ গোসাঁই ঐ রাঘব পণ্ডিতের ঝালি হইতে কিছু কিছু লইয়া প্রভুকে পরিবেশন করিলেন। প্রভু খাইয়া ঐ সকল দ্রব্যের অনেক প্রশংসা করিতে লাগিলেন। স্বরূপগোসাঁই কোন কোন দিন রাত্তিকালেও রাঘবের ঝালি হইতে কোন কোন দ্রব্য লইয়া প্রভুকে খাওয়াইলেন। চাতুর্মাস্যের চারিমাস গোড়ের ভক্তগণ প্রভুকে নিজ নিজ বাসার নিমন্ত্রণ করিয়া ইচ্ছামত ভোজন করাইতে লাগিলেন। একদিন শিবানন্দ সেনের স্ম্যেষ্ঠ পুত্র চৈতন্যদাস প্রভুকে নিমন্ত্রণ করিয়া দধি ও অন্ন ভোজন করাইলেন। ভোজনাশ্তে বাসার ঘাইবার সময় প্রভু শিবানন্দকে বলিলেন, “তোমার এই দ্বিতীয় পুত্রটির নাম কি?” শিবানন্দ বলিলেন, “রামদাস।” প্রভু আবার বলিলেন, “এবার তোমার যে পুত্র জন্মিবে, তাহার নাম হইবে হরিদাস।” শিবানন্দের পত্নী গর্ভিণী ছিলেন। প্রভু তত্ক্ষণেই ঐ কথা বলিয়া চলিয়া গেলেন। চাতুর্মাস্য অতীত হইলে, গোড়ের ভক্তগণ গোড়ে প্রত্যাগমন করিলেন। প্রভু উড়িয়ার ভক্তগণের সহিত যথেষ্ট বিহার করিতে লাগিলেন।

### হরিদাস ঠাকুরের নির্ধাণ।

একদিন গোবিন্দ প্রসাদ দিতে যাইয়া দেখিলেন, হরিদাস ঠাকুর শয়ন করিয়া রহিয়াছেন এবং তদবস্থাতেই মন্দ মন্দ নামকীর্তন করিতেছেন। গোবিন্দ দেখিয়া বলিলেন, “ঠাকুর উঠ, প্রসাদ গ্রহণ কর।” হরিদাস ঠাকুর বলিলেন, “আজ আমার নামের সংখ্যা পূরণ হয় নাই, প্রসাদ পাইব না, কণামাত্র দাও গ্রহণ করি।” এই বলিয়া তিনি আনীত প্রসাদের কণামাত্র গ্রহণ করিলেন। পরদিন প্রভু আসিয়া জিজ্ঞাসা করিলেন, “হরিদাস, তোমার অসুখ হইয়াছিল, কেমন আছ?” হরিদাস ঠাকুর উত্তর করিলেন, “আমার শরীর অসুস্থ নয়, কিন্তু মন অসুস্থ হইয়াছে, নামের সংখ্যা পূরণ করিতে পারিতেছি না।” প্রভু শুনিয়া বলিলেন, “তুমি বৃদ্ধ হইয়াছ, সংখ্যা কমাইয়া দাও।” হরিদাস ঠাকুর বলিলেন, “প্রভো, আমি অতি হীন পামর, তুমি আমাকে অস্বীকার করিয়া নরক হইতে বৈকুণ্ঠে উঠাইলে, স্নেহকে শ্রদ্ধার ভোজন করাইলে। তুমি ঈশ্বর, স্বতন্ত্র, কাহা ইচ্ছা হয়, তাহাই করিতে পার। এখন আমার একটি বাঞ্ছা পূর্ণ কর, তোমার চরণকমল দেখিতে দেখিতে ও তোমার নাম লইতে লইতে দেহত্যাগ করি,—

এইমাত্র নিবেদন।” প্রভু বলিলেন, “তোমার আবার দেহত্যাগ কি? তোমার দেহ সিক্তদেহ; বিশেষতঃ তোমাদিগকে লইয়াই আমার সকল; তুমি আমাকে ত্যাগ করিয়া যাইবে, ইহা উচিত হয় না।” হরিদাস ঠাকুর বলিলেন, “প্রভো, তোমার চরণে আমার এইমাত্র নিবেদন, আর ছলনা করিও না। তুমি সত্বর লীলা সম্বরণ করিবে বোধ হইতেছে; অতএব অবশ্য আমার আশা পূর্যাইবে, কাল মধ্যাহ্নকালে আসিয়া এই অধমকে দর্শন করিবে।”

প্রভু হরিদাস ঠাকুরকে আলিঙ্গন দিয়া মধ্যাহ্নকৃত্য করিতে চলিয়া গেলেন। পরদিন যথাসময়ে ভক্তগণকে সঙ্গে লইয়া হরিদাস ঠাকুরের নিকট আগমন করিলেন। হরিদাস ঠাকুর অগ্রে প্রভুর চরণবন্দন করিয়া পরে সকল বৈষ্ণবের চরণধূলি গ্রহণ করিলেন। প্রভু বলিলেন, “হরিদাস, সমাচার কি বল?” হরিদাস ঠাকুর উত্তর করিলেন, “তোমার কৃপাই আমার সমাচার।” প্রভু অঙ্গনে কীর্তন আরম্ভ করিলেন। হরিদাস ঠাকুর প্রভুকে সম্মুখে উপবেশন করাইয়া তাঁহার শ্রীচরণ দর্শন ও শ্রীকৃষ্ণচৈতন্য নাম উচ্চারণ করিতে করিতে ভীষ্মের ত্রায় দেহত্যাগ করিলেন। প্রভু হরিদাস ঠাকুরের দেহ ক্রোড়ে লইয়া প্রেমাবেশে নৃত্য করিতে লাগিলেন। কিয়ৎক্ষণ পরে স্বরূপ গোসাঁই প্রভুকে সাবধান করিলেন। পরে ভক্তগণ হরিদাস ঠাকুরের দেহ উঠাইয়া লইয়া কীর্তন করিতে করিতে সমুদ্রতীরে গমন করিলেন। তাঁহারা হরিদাস ঠাকুরের দেহটি লইয়া বালুকামধ্যে প্রোথিত করিয়া সমাধি স্থান বেষ্টনপূর্ক নর্তন ও কীর্তন করিতে লাগিলেন। অনন্তর হরিদাস ঠাকুরের দেশোপরি বালুকা চাপাইয়া তত্পরি একটি বেদী বাধাইলেন। এইরূপে হরিদাস ঠাকুরকে সমাহিত করিয়া প্রভু ভক্তগণের সহিত সমুদ্রে স্নান করিলেন। স্নানান্তর কীর্তন করিতে করিতে জগন্নাথের সিংহদ্বারে আসিয়া উপস্থিত হইলেন। সিংহদ্বারে আসিয়া প্রভু হরিদাস ঠাকুরের মহোৎসবের নিমিত্ত অঞ্চল পাতিয়া প্রসাদ ভিক্ষা করিতে লাগিলেন। পসারী সকল আনন্দে প্রচুর প্রসাদ আনয়ন করিলেন। স্বরূপ গোসাঁই তাঁহাদিগকে নিষেধ করিয়া প্রভুকে বাসার পাঠাইয়া দিলেন। পরে তিনি চারিজন মুটে করিয়া প্রচুর প্রসাদ লইয়া ভক্তগণের সহিত প্রভুর বাসার আসিলেন। এদিকে বাণীনাথ এবং কাশীমিশ্র অনেক প্রসাদ পাঠাইয়া দিলেন। প্রভু বৈষ্ণবগণকে ভোজনে বসাইয়া স্বয়ং ঐ প্রসাদ পরিবেশন করিতে আরম্ভ করিলেন। স্বরূপ গোসাঁই বলিলেন, “আপনি পুরী গোসাঁই ও ভারতী গোসাঁইকে লইয়া প্রসাদ অধীকার করুন; আপনি প্রসাদ না পাইলে, কেহই ভোজন করিবেন না;

আপনাকে পরিবেশন করিতে হইবে না, আমরাই পরিবেশন করিতেছি।” প্রভু অগত্যা ভোজন করিতে বাসিলেন। স্বরূপ গোসাঁই ও কাশীধর প্রভৃতি ভক্তগণ পরিবেশন করিতে লাগিলেন। এইরূপে হরিদাস ঠাকুরের বিজয়মহোৎসব সমাধা হইল।

### রথযাত্রার গোড়ীর ভক্তগণ।

আবার রথযাত্রা আসিল। গোড়ের ভক্তগণ প্রভুকে দর্শন করিবার নিমিত্ত যাত্রা করিলেন; শিবানন্দ সেন উড়িষ্যার পথের সন্ধান বিশেষ জানেন, সকলকে সঙ্গে হইয়া গমন করিতে লাগিলেন। একদিন একস্থানে যাত্রী সকলকে ঘাটিতে আটক করিয়া রাখিল। শিবানন্দ নিজে আটক থাকিয়া যাত্রীদিগকে ছাড়াইয়া দিলেন। শিবানন্দের আসিতে কিছু বিলম্ব হইল। নিত্যানন্দ প্রভু চটিতে পৌছিয়া বাসা না পাইয়া শিবানন্দকে অনেক গালাগালি করিতে লাগিলেন। পরে শিবানন্দ আসিলে, তাঁহার পত্নী নিত্যানন্দ প্রভুর গালাগালি শুনিয়া অতিশয় দুঃখ প্রকাশ করিতে লাগিলেন। শিবানন্দ পত্নীকে প্রবোধ দিয়া স্বয়ং নিত্যানন্দ প্রভুর নিকট উপস্থিত হইলেন। প্রভু বাসা না পাইয়া ক্রোধাত্মক কাতর হইয়া গাছতলায় বসিয়া ছিলেন, শিবানন্দ আসিলেই তাঁহাকে চরণপ্রহার করিলেন। শিবানন্দ প্রভুর চরণপ্রহারে দুঃখের পরিবর্তে সুখ বোধ করিয়া প্রভুকে বাসা দেওয়াইয়া তাঁহার সান্ত্বনা করিলেন। শিবানন্দের সঙ্গে শ্রীকান্ত নামে তাঁহার একটি অন্নবয়স্ক ভাগিনেয় ছিল। সে জানিত, শিবানন্দ মহাপ্রভুর ভক্ত। মহাপ্রভুর ভক্তকে নিত্যানন্দ প্রভু পাদপ্রহার করিলেন, তাহা তাহার সহ হইল না। শ্রীকান্ত ক্রোধে ও অভিমানে নিত্যানন্দ প্রভুর সঙ্গ পরিত্যাগপূর্বক একাকী আসিয়া অগ্রে প্রভুর চরণ দর্শন করিল। তাহার গাত্রে একটি গাত্রাবরণ ছিল। সে ঐ গাত্রাবরণ উন্মোচন না করিয়াই প্রভুর চরণবন্দন করিল। প্রভুর ভক্তগণ তদর্শনে বলিয়া উঠিলেন, “শ্রীকান্ত, গাত্রাবরণ উন্মোচন করিয়া প্রভুর চরণ লও।” প্রভু বলিলেন, “শ্রীকান্ত পথে বড় দুঃখ পাইয়া আসিয়াছে, উহার যেমন মনে লয়, সেইরূপ করুক।” ভক্তগণ শুনিয়া অবাক হইলেন।

অনন্তর শিবানন্দাদি গোড়ের ভক্তগণ আসিয়া একে একে প্রভুর চরণবন্দন করিলেন। পরমেশ্বর নামে একজন মোদকবিক্রেতা নদীয়ার প্রভুর বাটীর নিকটেই থাকিতেন। পরমেশ্বর প্রভুকে বাস্তুব্যহার মোদক খাওয়াইতেন।

এবার সেই পরমেশ্বর ভক্তগণের সমভিব্যাহারে প্রভুকে দর্শন করিতে আসিয়া-  
ছিলেন। পরমেশ্বর আসিয়া প্রভুর চরণবন্দন করিলে, প্রভু তাঁহার কুশল  
জিজ্ঞাসা করিলেন। পরমেশ্বর বলিলেন, “মুকুন্দার মাতাও আসিয়াছে,”  
প্রভু শুনিয়াও কোন কথাই বলিলেন না।

### জগদানন্দ।

প্রভু গৌড়ের ভক্তগণকে লইয়া পূর্ব পূর্ব বৎসরের ছায় অনেক আনন্দ  
করিলেন। এই যাত্রায় জগদানন্দ প্রভুর নিমিত্ত কিছু সুগন্ধি চন্দনাদি তৈল  
আনয়ন করিয়াছিলেন। তিনি উক্ত তৈলের কলসটি গোবিন্দকে দিয়া বলিলেন,  
“এই তৈল প্রভুর মস্তকে দিবে; ইহা মস্তকে দিলে, বায়ু ও পিত্তের উপশম হইয়া  
ধাকে।” গোবিন্দ উহা গ্রহণ করিয়া প্রভুকে নিবেদন করিলেন। প্রভু শুনিয়া  
বলিলেন, “সন্ন্যাসীর তৈলে অধিকার নাই, উহা জগন্নাথকে দীপ জ্বালাইতে দিবে,  
তাহা হইলেই জগদানন্দের পরিশ্রম সফল হইবে।” গোবিন্দ সে দিন আর  
কোন কথাই বলিলেন না। কয়েকদিন পরে আবার ঐ তৈলের কথা প্রভুকে  
জানাইলেন। প্রভু কিছু বিরক্ত হইয়া বলিলেন, “তোমরা কি লোকাপবাদেরও  
ভয় রাখ না? আমি সুগন্ধি তৈল মাথিয়া পথে বাহির হইলে, লোকে আমাকে  
কি বলিবে?” গোবিন্দ ভয়ে আর কোন কথাই বলিলেন না। পরদিন প্রভু  
স্বয়ংই জগদানন্দকে বলিলেন, “পণ্ডিত, তুমি গৌড় হইতে আমার নিমিত্ত সুগন্ধি  
তৈল আনিয়াছ, আমি কিন্তু উহা ব্যবহার করিতে পারিব না; উহা জগন্নাথকে  
দীপ জ্বালাইতে দাও।” জগদানন্দ শুনিয়া বলিলেন, “আমি তৈল আনিয়াছি,  
কে তোমাকে বলিল?” এই কথা বলিয়াই তিনি তৈলের কলসটি গৃহ হইতে  
বাহিরে আনিয়া ভাঙ্গিয়া ফেলিলেন, এবং বাসায় যাইয়া অভিমানে গৃহের দ্বার  
রুদ্ধ করিয়া গৃহমধ্যেই অবস্থান করিতে লাগিলেন। জগদানন্দ অভিমানে অন্ন-  
পান ত্যাগ করিলেন। এই ভাবেই দুই দিবস অতিবাহিত হইল। তৃতীয়  
দিবসে প্রভু স্বয়ং জগদানন্দের দ্বারে আসিয়া বাহির হইতেই বলিলেন, “পণ্ডিত,  
উঠ, উঠিয়া পাক কর, আজ আমি এই স্থানেই ভিক্ষা করিব।” জগদানন্দ  
অমনি উঠিয়া প্রভুর নিমিত্ত পাক করিলেন। প্রভু মধ্যাহ্নে আসিয়া ভোজন  
করিতে বসিলেন। তিনি ভোজন করিতে করিতেই বলিলেন, “পণ্ডিত, ক্রোধা-  
বেশের পাকের কি এইরূপ অমৃততুল্য আশ্বাদ হয়?” জগদানন্দ কোন কথাই

বলিলেন না, প্রভুকে ইচ্ছানুসারে ভোজন করাইতে লাগিলেন। ভোজনের পর প্রভু গোবিন্দকে আদেশ করিলেন, “গোবিন্দ, তুমি এইখানেই থাক, পণ্ডিত ভোজনে বসিলে, আমাকে ইহার সংবাদ জানাইবে।” গোবিন্দ বসিয়া রহিলেন। জগদানন্দ বলিলেন, “গোবিন্দ, তুমি যাইয়া প্রভুর সেবা করিয়া আইস, ইত্যবসরে আমিও ভোজন করিতেছি।” গোবিন্দ প্রভুর পাদসম্বাহন করিতে গমন করিলেন। প্রভু গোবিন্দকে দেখিয়া জিজ্ঞাসা করিলেন, “পণ্ডিত কি ভোজন করিয়াছে?” গোবিন্দ বলিলেন, “না, তিনি এখনও ভোজন করেন নাই।” প্রভু বলিলেন, “তবে তুমি চলিয়া আসিলে কেন? আবার যাও, পণ্ডিত ভোজনে বসিল কি না দেখিয়া আইস।” গোবিন্দ তাহাই করিলেন। তিনি যাইয়া দেখিলেন, পণ্ডিত ভোজনে বসিয়াছেন। দেখিয়া প্রভুকে সমাচার দিলেন। প্রভু শুনিয়া নিরুদ্ধবেগ হইলেন। গোবিন্দ প্রভুর পাদসম্বাহন করিতে লাগিলেন। পরে প্রভু নিদ্রিত হইলে, জগদানন্দের বাসায় গিয়া প্রসাদ পাইলেন।

বৈরাগ্যের কঠোরতায় প্রভুর শরীর দিন দিন অতিশয় ক্লান্ত হইতে লাগিল। জগদানন্দ প্রভুকে সেই ক্ষীণ কলেবরে ভূমিশয্যায় শয়ন করিতে দেখিয়া বিশেষ কষ্ট বোধ করিলেন। তিনি ভাবিয়া চিন্তিয়া একটি তুলান্তরা বালিশ প্রস্তুত করাইয়া প্রভুর উপাধানার্থ গোবিন্দের হস্তে প্রদান করিলেন, এবং স্বরূপ গোসাঁইকে বলিয়া দিলেন, প্রভুর শয়নকালে তুমি নিজে উহা তাঁহার মস্তকে দিবে। স্বরূপ গোসাঁই তাহাই করিলেন। প্রভু দেখিয়া গোবিন্দকে বলিলেন, “উহা ফেলিয়া দাও।” পরে স্বরূপ গোসাঁইকে বলিলেন, “তোমরা অতঃপর আমাকে খাটপালকে শয়ন করাইবে।” স্বরূপ গোসাঁই বলিলেন, “তুমি বালিশ অঙ্গীকার না করিলে, জগদানন্দ হুঃখ পাইবেন।” প্রভু বলিলেন, “জগদানন্দ হুঃখ পাইবেন বলিয়া কি আমি সন্ন্যাসী হইয়া বিষয় ভোগ করিব?” স্বরূপ গোসাঁই আর কিছুই বলিলেন না, জগদানন্দের সহিত পরামর্শ করিয়া শুষ্ক কলাপাত কুচাইয়া তাহাই প্রভুর বহির্বাসে জড়াইয়া বালিশ করিয়া দিলেন। অনেক যত্নে প্রভু ঐ বালিশ অঙ্গীকার করিলেন। জগদানন্দ অন্তরে অন্তরে দক্ষ হইতে লাগিলেন। শেষে তিনি স্থির করিলেন, পুরীতে থাকিব না, শ্রীবৃন্দাবনে যাইব। শ্রীবৃন্দাবনে যাওয়াই স্থির করিয়া প্রভুকে জানাইলেন। প্রভু শুনিয়া বলিলেন, “আমার প্রতি রাগ করিয়া বৃষ্টি মথুরায় যাইয়া তিথারী হইবে?” জগদানন্দ বলিলেন, “আমার অনেক দিন হইতেই শ্রীবৃন্দাবন দর্শনের বাসনা হইয়াছে।”

প্রভু কিন্তু তদ্বিষয়ে অনুমোদন করিলেন না। জগদানন্দ অনন্তোপায় হইয়া স্বরূপ গোসাঁইকে বলিলেন, “তুমি অরুণোদয় করিয়া আমার শ্রীবৃন্দাবন দর্শনের বাসনাটি পূর্ণ কর।” স্বরূপ গোসাঁই অবসর বুঝিয়া প্রভুকে বলিলেন, “জগদানন্দের অনেকদিন হইল শ্রীবৃন্দাবন দর্শনের নিতান্ত বাসনা হইয়াছে। আপনার আজ্ঞা না হওয়ার বাইতে পারিতেছে না। তিনি যেমন নদীয়ায় বাইয়া শচীমাতাকে দেখিয়া আসিলেন, তেমনি একবার বৃন্দাবনও দেখিয়া আসুন।” জগদানন্দ ফিরিয়া আসিবেন শুনিয়া প্রভুর অনুমতি হইল। প্রভু জগদানন্দকে ডাকিয়া বলিলেন, “পণ্ডিত, বারানসী পর্য্যন্ত নির্ভয়ে যাইবে। বারাণসী হইতে বাহির হইয়া দেশওয়ালী লোকের সঙ্গ লইবে, পথে চোরের ভয় আছে। মথুরায় যাইয়া সনাতনের সঙ্গেই থাকিবে। মথুরার স্বামীদিগকে দূর হইতে প্রণাম করিবে, তাঁহাদের সঙ্গ করিবে না, তাঁহাদিগের সহিত আচার ব্যবহার মিলিবে না। শ্রীবৃন্দাবনে অনেকদিন বাস করিবে না, সত্বর চলিয়া আসিবে। গোবর্দ্ধন পর্ব্বতের উপর আরোহণ করিবে না। আর সনাতনকে বলিবে, আমার জন্ত যেন স্থান ঠিক করিয়া রাখে, আমিও শীঘ্রই যাইতেছি।”

জগদানন্দ প্রভুর অনুমতি পাইয়া বনপথে যাত্রা করিলেন। বারাণসীতে তপনমিশ্র ও চন্দ্রশেখরের সহিত সাক্ষাৎ হইল। বারাণসী হইতে মথুরায় গমন করিলেন। সনাতন গোস্বামী জগদানন্দ পণ্ডিতকে সঙ্গে করিয়া একে একে দ্বাদশ বন দর্শন করাইলেন। সনাতন গোস্বামী ভিক্ষা করিয়া জগদানন্দের পাকের আয়োজন করিয়া স্বয়ং মাধুকরী করেন। একদিন জগদানন্দ সনাতন গোস্বামীকে নিমন্ত্রণ করিলেন। ঐ দিন মুকুন্দ সরস্বতী নামক একজন সন্ন্যাসী সনাতন গোস্বামীকে একখানি বহির্বাস প্রদান করিয়াছিলেন। সনাতন গোস্বামী ঐ বহির্বাসখানি মাথায় বাধিয়া জগদানন্দের বাসার দ্বারদেশে উপস্থিত হইলেন। জগদানন্দ রাক্ষা বস্ত্র দেখিয়াই প্রেমাবিষ্ট হইলেন। তিনি উহা প্রভুর প্রসাদ মনে করিয়া বলিলেন, “সনাতন, তুমি ঐ বস্ত্র কাহার কাছে পাইলে?” সনাতন গোস্বামী বলিলেন, “মুকুন্দ সরস্বতীর নিকট।” জগদানন্দ রত্নন করিতেছিলেন, উঠিয়া সনাতন গোস্বামীকে প্রহার করিতে উত্তত হইলেন। পরে যখন বোধ হইল, অস্ত্রায় কন্দ করিতেছি, তখন কিছু লজ্জিত হইয়া বলিলেন, “সনাতন, তুমি প্রভুর একজন প্রধান ভক্ত হইয়া অস্ত্র সন্ন্যাসীর বস্ত্র ধারণ করিয়াছ?” সনাতন গোস্বামী বলিলেন, “বৈষ্ণবের রক্তবস্ত্র পরিধান করা উচিত নয়, আমি ইহা অস্ত্র কাহাকেও দিব। যে কারণে ইহা ধারণ করিয়া-

ছিলাম, তাহা প্রত্যক্ষ করিলাম। তোমারই যথার্থ চৈতন্যনিষ্ঠা।” অনন্তর হুইজনে শ্রীচৈতন্যের বিরহে কিয়ৎক্ষণ রোদন করিয়া প্রসাদ পাইলেন। জগদানন্দ হুইমাস বন্দাবনে বাস করিয়া পুনশ্চ পুরীতেই আগমন করিলেন। সনাতন গোস্বামী আসিবার সময় রাসস্থলীর ধূলি প্রভুকে তেঁট দিয়াছিলেন। প্রভু উহা পরমানন্দে গ্রহণ করিলেন।

### প্রভুর অদ্ভুত ভাবাবেশ।

একদিন প্রভু যমেশ্বর টোটার গমন করিতেছিলেন। পথপার্শ্বে কিয়ৎদূরে একটি দেবদাসী গুর্জরী রাগ আলাপ করিয়া স্তমধুর স্বরে একটি গীতগোবিন্দের পদ গান করিতেছিল। প্রভু দূর হইতেই ঐ গীত শ্রবণ করিয়া ভাবাবিষ্ট হইলেন। স্ত্রী কি পুরুষ গান করিতেছে সে বোধ রহিল না। আবেশে গানকারীর সহিত মিলিবার নিমিত্ত উর্দ্ধ্বাসে দৌড়িলেন। শিল্পের কাঁটার সর্কশরীর ক্ষতবিক্ষত হইয়া গেল। সঙ্গে গোবিন্দ ছিলেন। প্রভুকে দৌড়িতে দেখিয়া গোবিন্দও তাঁহার পশ্চাৎ পশ্চাৎ দৌড়িলেন। প্রভু গানকারিণীর নিকট উপস্থিত হইবার পূর্বেই গোবিন্দ তাঁহাকে ধরিয়া ফেলিলেন, এবং বলিলেন, “স্ত্রীলোক গান করিতেছে।” স্ত্রীলোক শুনিয়াই প্রভুর বাহুফুর্টি হইল। তখনই ফিরিয়া পথে উঠিলেন। উঠিয়াই বলিলেন, “গোবিন্দ, আজ তুমি আমার জীবন রক্ষা করিলে। স্ত্রীস্পর্শ হইলে, নিশ্চয় আমার মরণ হইত। আমি তোমার এই ঋণ পরিশোধ করিতে পারিব না।” গোবিন্দ বলিলেন, “জগন্নাথই রক্ষা করিলেন, আমি কোন্ ছার।” প্রভু বলিলেন, “তুমি নিরন্তর আমার সঙ্গে থাকিয়া আমাকে এইরূপ সতর্ক করিবে।” এই কথা বলিতে বলিতে প্রভু গন্তব্যস্থানে উপনীত হইলেন। এই ঘটনা শ্রবণ করিয়া স্বরূপাদি ভক্তগণের মনে মহান্ ভয় জন্মিল।

### রঘুনাথ ভট্ট।

তপন মিশ্রের পুত্র রঘুনাথ ভট্ট প্রভুকে দর্শন করিবার নিমিত্ত বারাণসী হইতে নীলাচলে যাত্রা করিলেন। তাঁহার সমভিব্যাহারে একজন ভৃত্য ছিল। পথে রামদাস বিশ্বাস নামক একজন কায়স্থের সহিত তাঁহার আলাপ হইল। রামদাসও নীলাচলে যাইতেছিলেন। রামদাস শ্রীরামচন্দ্রের ভক্ত ও ব্যাকরণাদি



শাস্ত্রে ব্যুৎপন্ন ছিলেন। তিনি পরম বৈষ্ণব ও সংস্কারবিরক্ত ছিলেন, অষ্টপ্রহর রামনাম জপ করিতেন। তিনি পথে রঘুনাথ ভট্টের অনেক সেবা করিতে লাগিলেন। রঘুনাথ ভট্ট তাঁহার সেবা গ্রহণ করিতে কিছু কুণ্ঠিত হইতেন, তিনি তাহা শুনিতেন না। এইরূপে তাঁহারা নীলাচলে উপস্থিত হইলেন। রঘুনাথ ভট্ট নীলাচলে পৌঁছিয়া প্রভুর বাসায় যাইয়া তাঁহার চরণদর্শন করিলেন। প্রভু তাঁহাকে আলিঙ্গন করিয়া তপনমিশ্রের কুশল জিজ্ঞাসা করিলেন। পরে শ্রীগোবিন্দ দ্বারা তাঁহাকে একটি বাসা দেওয়াইলেন। রঘুনাথ ভট্ট নিত্য প্রভুর চরণ দর্শন করেন ও মধ্যে মধ্যে প্রভুকে নিমন্ত্রণ করিয়া স্বয়ং পাক করিয়া ভিক্ষা করান। এইরূপে আটমাস চলিয়া গেল। আটমাসের পর প্রভু রঘুনাথ ভট্টকে বলিলেন, “রঘুনাথ, তুমি দারপরিগ্রহ করিও না, বাটীতে যাইয়া বৃদ্ধ মাতাপিতার সেবা কর ও বৈষ্ণবের নিকট শ্রীভাগবত অধ্যয়ন কর। পুনর্বার নীলাচলে আসিয়া আমার সহিত সাক্ষাৎ করিবে।” এই কথা বলিয়া প্রভু তাঁহাকে বিদায় দিলেন। অগত্য রঘুনাথ ভট্ট প্রভুকে ছাড়িয়া গমনের ইচ্ছা না থাকিলেও কাদিতে কাদিতে স্বরূপাদি ভক্তগণের নিকট বিদায় গ্রহণপূর্বক বারাণসীতে প্রত্যাগমন করিলেন।

অনন্তর রঘুনাথ প্রভুর আজ্ঞানুবর্তী হইয়া চারি বৎসর পর্য্যন্ত মাতাপিতার সেবা করিলেন। চারি বৎসরের পর তাঁহারা কাশীধাম প্রাপ্ত হইলে, তিনি পুনর্বার নীলাচলে প্রভুর নিকট আগমন করিলেন। এবারও পূর্ববৎ আটমাস থাকিয়া প্রভুর চরণ দর্শন করিলেন। আট মাসের পর প্রভু রঘুনাথ ভট্টকে শ্রীবৃন্দাবনে যাইয়া বাস করিতে আদেশ করিলেন। রঘুনাথ প্রভুর আদেশানুসারে শ্রীবৃন্দাবনে যাইয়া সনাতন গোস্বামীর ও রূপ গোস্বামীর আশ্রয় গ্রহণ করিলেন।

### মহাপ্রভুর প্রলাপ।

অতঃপর প্রভু রাধাভাবে পরমাবিষ্ট হইলেন। শ্রীকৃষ্ণের বিরহে গোপীদিগের বিশেষতঃ শ্রীরাধিকার যে দশা হইয়াছিল, প্রভুরও দিন দিন সেই দশা উপস্থিত হইতে লাগিল। তিনি শ্রীকৃষ্ণ-বিরহ-ভাবাবেশে নিতান্ত কাতর হইয়া নিরন্তর বিবিধ শ্লোক পাঠ সহকারে বিলাপ করিতে লাগিলেন। ঐ সকল বিলাপ নিম্নলিখিতপ্রকারে বর্ণিত হইয়া থাকে।

“প্রেমচ্ছেদরুজ্জোহবগচ্ছত্তি হরি নায়ং ন চ প্রেম বা  
স্থানাস্থানমট্বেতি নাপি মদনো জানাতি নো দুর্কলাঃ ।  
অন্তো বেদ ন চান্যদুঃখমখিলং নো জীবনং বাশ্রয়ং  
দ্বিত্রাণ্যেব দিনানি ষৌবনমিদং হা হা বিধেঃ কা গতিঃ ॥” জগন্নাথবল্লভ নাটকে ৩৪।৯  
তদর্থ যথা শ্রীচৈতন্যচরিতামৃতে—

“উপজিল প্রেমাকুর,           ভাজিল যে দুঃখপুর,  
কৃষ্ণ তাহা নাহি করে পান ।

বাহিরে নাগররাজ,           ভিতরে শঠের কাজ,  
নরনারী-বধে সাবধান ॥

সখি হে, না বুঝিয়ে বিধির বিধান ।

সুখ লাগি কৈল প্রীত,           হৈল দুঃখ বিপরীত,  
এবে যায় না রহে পরাণ ॥

কুটিল প্রেমা অগেয়ান,       নাহি জানে স্থানাস্থান,  
ভাল মন্দ নারে বিচারিতে ।

ক্রুর শঠের গুণ-ডোরে, হাতে গলে বান্ধি মোরে,  
রাখিয়াছে, নারি উকাশিতে ॥

যে মদন তনুহীন,           পরদ্রোহে পরবীণ,  
পাঁচ বাণ সন্ধে অনুরূপ ।

অবলার শরীরে,           বিক্রি করে জরজরে,  
দুঃখ দেয়, না লয় জীবন ॥

অন্তের যে দুঃখ মনে,       অন্ত তাহা নাহি জানে,  
সত্য এই শাস্ত্রের বিচার ।

অন্যজন কাঁহা লিখি,           না জানয়ে প্রাণসখী,  
যাতে কহে ধৈর্য্য করিবার ॥

কৃষ্ণকৃপা পারাবার,       কভু করিবেন অঙ্গীকার,  
সখি, তোর এ ব্যর্থ বচন ।

জীবের জীবন চঞ্চল,       যেন পদ্মপত্রের জল,  
তত দিন জীবে কোন্ জন ॥

শত বৎসর পর্য্যন্ত,           জীবের জীবন অন্ত,  
এই বাক্য কহ না বিচারি ।

নারীর যৌবন ধন,           যারে কৃষ্ণ করে মন,  
সে যৌবন দিন ছই চারি ॥

অগ্নি বৈছে নিজ ধাম,           দেখাইয়া অভিরাম,  
পতঙ্গীরে আকর্ষিয়া মারে ।

কৃষ্ণ ঐছে নিজগুণ,           দেখাইয়া হরে মন,  
পাছে হুঃখসমুদ্রেতে ডারে ॥

এতেক বিলাপ করি,           বিবাদে শ্রীগৌরহরি,  
উষাড়িয়া হুঃখের কপাট ।

ভাবের তরঙ্গ বলে,           নানারূপে মন চলে,  
আর এক শ্লোক কৈল পাঠ ॥”

“শ্রীকৃষ্ণরূপাদিনিষেবণং বিনা

ব্যর্থানি মেহহাস্তখিলেক্সিয়ান্যলম্ ।

পাষণ্ডশঙ্করমভারকাণাহো

বিভর্ষি বা তানি কথং হতব্রপঃ ॥”           গোস্বামিপাদোক্তশ্লোকঃ

“বশীগানামৃতধাম,           লাবণ্যামৃতজন্মস্থান,

যে না দেখে সে চাঁদবৃন্দন ।

সে নয়নে কি বা কাজ,           পড়ুক তার মুণ্ডে বাজ,

সে নয়ন রহে কি কারণ ॥

সহি হে, শুন মোর হতবিধি বল ।

মোর বগু চিত্ত মন,           সকল ইন্দ্রিয়গণ

কৃষ্ণ বিনা সকল বিফল ॥

কৃষ্ণের মধুর বাণী,           অমৃতের তরঙ্গিনী,

তার প্রবেশ নাহি যে শ্রবণে ।

কাণাকড়িছিদ্রসম,           জানিহ সে শ্রবণ,

তার জন্ম হইল অকারণে ॥

স্বপ্নপ্রায় কি হেরিহু,           কি যা আমি প্রলাপিহু,

তোমরা কিছু শুনিয়াছ দৈন্ত ?

শুন, মোর প্রাণের বাক্যব ।

নাহি কৃষ্ণপ্রেম ধন,           দরিদ্র মোর জীবন,

দেহেজ্বর বৃথা মোর সব ॥

পুনঃ কহে হায় হায় ! শুন, স্বরূপ রামরায়,

এই মোর হৃদয় নিশ্চয় ।

শুনি করহ বিচার, হয় নয় কহ সার,

এত বলি শ্লোক উচ্চারয় ॥”

“কৈঅবরহিদং পেম্মং ন হি হোই মানুষে লোত্র ।

জই হোই কস্ম বিরহো বিরহে হোস্তুম্মি কো ভীঅই ॥”

অকৈতব কৃষ্ণপ্রেম, যেন জাম্বুনদ হেম,

সেই প্রেমা নুলোকে না হয় ।

যদি হয় তার যোগ, না হয় তার বিয়োগ,

বিরহ হৈলে কেহ না জীবয় ॥

এত কহি শচীমুত, শ্লোক পড়ে অদ্ভুত,

শুনে দৌহে একমন হঞা ।

আপন হৃদয়কাজ, কহিতে বাসিয়ে লাজ,

তবু কহি লাজবীজ খাঞা ॥”

“ন পেমগক্কোহস্তি দরাপি মে হরৌ

ক্রন্দামি সৌভাগ্যভরং প্রকাশিতুম্ ।

বংশীবীলাশ্রাননলোকনং বিনা

বিভস্মি যৎ প্রাণপতঙ্গকান্ বৃথা ॥” শ্রীচৈতন্যোক্তঃ শ্লোকঃ ।

“দূরে শুদ্ধ প্রেমবন্ধ, কপট প্রেমের গন্ধ,

সেহো মোর কৃষ্ণ নাহি পায় ।

তবে যে করি ক্রন্দন, স্বসৌভাগ্য প্রখ্যাপন,

কয়ি ইহা জানিহ নিশ্চয় ॥

যাতে বংশীধ্বনিসুখ, না দেখি সে চাঁদমুখ,

যতপি সে নাহি আলম্বন ।

নিজ দেহে করি প্রীতি, কেবল কামের রীতি,

প্রাণকীটের করিয়ে ধারণ ॥

কৃষ্ণপ্রেম সুনির্মল, যেন শুদ্ধ গঙ্গাজল,

সেই প্রেমা অমৃতের সিক্ত ।

নির্মল সে অনুরাগে, না লুকায় অণু দাগে,

শুক্লবস্ত্রে যৈছে মসীবিন্দু ॥

## শ্রীশ্রীগৌরসুন্দর

শুদ্ধ-প্রেম-সুখ-সিক্ত,      পাই আর এক বিন্দু,  
সেই বিন্দু জগৎ ডুবায় ।\*

কহিবার যোগ্য নয়,      তথাপি বাউলে কয়,  
কহিলে বা কে বা পাতিয়ায় ॥

এইমত দিনে দিনে,      স্বরূপ রামানন্দ সনে,  
নিজ ভাব করেন বিদিত ।

বাহিরে বিষজালা হয়,      ভিতরে আনন্দময়,  
কৃষ্ণপ্রেমের অদ্ভুত চরিত ॥

এই প্রেমার আশ্বাদন,      তপ্ত ইক্ষু চর্ষণ,  
মুখ জলে না যায় ত্যজন ।

সেই প্রেমা যার মনে,      তার বিক্রম সেই জানে,  
বিষামৃতে একত্র মিলন ॥”

“পীড়াভিনবক্কালকটকটুতাগর্কশ্চ নির্বাসনো

নিশ্চন্দন মুদাং সুধামধুরিমাহঙ্কারসঙ্কোচনঃ ।

প্রেমা সুন্দরি নন্দনন্দনপরো জাগর্তি যশাস্তুরে

জায়ন্তে স্ফুটমশ্চ বক্রমধুরাস্তেনৈব বিক্রাস্তয়ঃ ॥” বিদগ্ধমাধবে ২।৩০

“যে কালে দেখি জগন্নাথ,      শ্রীরাম-সুভদ্রা-সাথ,  
তবে জানি আইলাঙ কুরুক্ষেত্র ।

সফল হৈল জীবন,      দেখিহু পদ্মলোচন,  
জুড়াইল তহু মম নেত্র ॥

গরুড়ের সন্নিধানে,      রহি করে দরশনে,  
সে আনন্দের কি কহিব বলে ।

গরুড়স্তম্ভের তলে,      আছে এক নিম্ন খালে,  
সে খাল ভরিল অশ্রুজলে ॥

তঁাহা হৈতে ঘরে আসি,      মাটির উপরে বসি,  
নখে করে পৃথিবী লিখন ।

হা হা কাঁহা বৃন্দাবন,      কাঁহা গোপেন্দ্রনন্দন,  
কাঁহা সেই বংশীবদন ॥

কাঁহা সে ত্রিভঙ্গ ঠাম,      কাঁহা সেই বেণুগান,  
কাঁহা সেই যমুনাগুলিন ।

কাঁহা রাসবিলাস, কাঁহা নৃত্য গীত হাস,  
কাঁহা প্রভু মদনমোহন ॥

উঠিল নানা ভাবাবেগ, মনে হইল উদ্বেগ,  
ক্ষণমাত্র নারে গোড়াইতে ।

প্রবল বিরহানলে, ধৈর্য্য হৈল টলমলে,  
নানা শ্লোক লাগিলা পড়িতে ॥”

“অমৃতধনানি দিনাস্তুরাণি হরে তদালোকনমস্তুরেণ ।

অনাথবন্ধো করুণৈকসিক্কো হা হস্ত হা হস্ত কথং নয়ামি ॥”

কৃষ্ণকর্ণামৃত ১৪১

“তোমার দর্শন বিনে, অধন্য এই রাত্রি দিনে,  
এই কাল না যায় কাটন ।

তুমি অমাখের বন্ধু, অপার-করুণা-সিন্ধু,  
রূপা করি দেহ দরশন ॥

উঠিল ভাব চাপল, মন হইল চঞ্চল,  
ভাবের গতি বুঝন না যায় ।

অদর্শনে পোড়ে মন, কেমনে পাব দরশন,  
কৃষ্ণ ঠাঞি পুছেন উপায় ॥”

“ত্বচ্ছৈশবং ত্রিভুবনাস্তু তমিত্যবেহি  
মচ্চাপলঞ্চ তব বা মম বাধিগম্যম্ ।

তৎ কিং করোমি বিরলং মুরুলীবিলাসি

মুগ্ধং মুখাশ্চ মুদীক্ষিতুমীক্ষণাভ্যাম্ ॥” কৃষ্ণবর্ণামৃতে ৩২

“তোমার মাধুরীবল, তাহাতে মোর চাপল,  
এই ছই তুমি আমি জানি ।

কাঁহা করে কাঁহা যাও, কাঁহা গেলে তোমা পাও,  
তাহা মোরে কহ ত আপনি ॥

নানা ভাবের প্রাবল্য, হইল সন্ধি শাবল্য,  
ভাবে ভাবে হৈল মহারণ ।

ঔৎসুক্য চাপল্য দৈন্য, রোষামর্ষ আদি সৈন্য,  
প্রেমোন্মাদ সবার কারণ ॥

মস্ত গজ ভাবগণ, প্রভুর দেহ ইক্ষুবন,  
গজযুদ্ধে বনের দলন ।

প্রভুর হৈল দিব্যোন্মাদ, তনু মনের অবসাদ,

ভাবাবেশে করে সম্বোধন ॥”

“হে দেব হে দয়িত হে ভুবনৈকবন্ধো

হে কৃষ্ণ হে চপল হে করুণৈকসিন্ধো ।

হে নাথ হে রমণ হে নয়নাভিরাম

হা হা কদা নু ভবিতাসি পদং দৃশো মে ॥” কৃষ্ণকর্ণামৃতে ১৪০

“উন্মাদের লক্ষণ, করায় কৃষ্ণক্ষুরণ,

ভাবাবেশে উঠে প্রণয়মান ।

সোল্লুষ্ঠ বচন রীতি, মান গর্ভ ব্যাজস্তুতি,

কভু নিন্দা কভু বা সম্মান ॥

তুমি দেব ক্রীড়ারত, ভুবনের নারী যত,

তাহে কর অভীষ্ট ক্রীড়ন ।

তুমি মোর দয়িত, মোতে বৈসে তোমার চিত,

মোর ভাগ্যে কৈলে আগমন ॥

ভুবনের নারীগণ, সদা কর আকর্ষণ,

তাহা কর সব সমাধান ।

তুমি কৃষ্ণ চিত্তহর, ঐছে কোন্ পামর,

তোমাতে বা কে না করে মান ॥

তোমার চপল মতি, একত্র না হয় স্থিতি,

তাতে তোমার নাহি কিছু দোষ ।

তুমি ত করুণাসিন্ধু, আমার প্রাণের বন্ধু,

তোমায় মোর নাহি কভু রোষ ॥

তুমি নাথ ব্রজপ্রাণ, ব্রজের কর পরিভ্রাণ,

বহুকার্যে নাহি অবকাশ ।

তুমি আমার রমণ, সুখ দিতে আগমন,

এ তোমার বৈদগ্ধ্যাবিলাস ॥

মোর বাক্য নিন্দা মানি; কৃষ্ণ ছাড়ি গেলা জানি,

শোন মোর এ স্তুতি বচন ।

নয়নের অভিরাম, তুমি মোর ধন প্রাণ,

হা হা পুনঃ দেহ দরশন ॥

সুস্ত কম্প প্রস্বেদ, বৈবর্ণ্য অশ্রু স্বরভেদ,  
 দেহ হৈল পুলকে ব্যাপিত ।  
 হাসে কান্দে নাচে গায়, উঠি ইতি উতি ধায়,  
 ক্ষণে ভূমে পড়িয়া মূর্ছিত ॥  
 মূর্ছায় হৈল সাক্ষাৎকার, উঠি করে হুঙ্কার,  
 কহে, এই আইলা মহাশয় ।  
 কৃষ্ণের মাধুরীগুণে, নানা ভ্রম হয় মনে,  
 শ্লোক পড়ি করয়ে নিশ্চয় ॥”

“মারঃ স্বয়ং নু মধুরহ্যতিমগুলং নু  
 মাধুর্যমেব নু মনোনয়নামৃতং নু ।  
 বেণীমৃজো নু মম জীবিতবল্লভো নু  
 কৃষ্ণোহয়মভ্যদয়তে মম লোচনায় ॥” কৃষ্ণকর্ণামৃতে ।৬৮

“কি বা এই সাক্ষাৎ কাম, হ্যুতিবিষ মুক্তিমান্,  
 কি মাধুর্য স্বয়ং মূর্ত্তিমন্ত ।  
 কি বা মনোনেত্রোৎসব, কি বা প্রাণবল্লভ,  
 সত্য কৃষ্ণ আইলা নেত্রানন্দ ॥

গুরু নানা ভাবগণ্, শিষ্য প্রভুর তনু মন,  
 • নানা রীতে সতত নাচায় ।

নির্বেদ বিষাদ দৈন্ত্য, চাপল্য হর্ষ ধৈর্য্য মন্যু,  
 এই নৃত্যে প্রভুর কাল যায় ॥ •

চণ্ডিদাস বিদ্যাপতি, রায়ের নাটক গীতি,  
 কর্ণামৃত শ্রীগীতগোবিন্দ ।

স্বরূপ রামানন্দ সনে, মহাপ্রভু রাত্রিদিনে,  
 গায় শুনে পরম আনন্দ ॥”

প্রভু একদিন নিদ্রাবস্থায় স্বপ্ন দেখিলেন, ত্রিভঙ্গসুন্দর, মুরলীবদন, পীতাম্বর,  
 বনমালাধারী, মদনমোহন শ্রীকৃষ্ণ গোপীমণ্ডলে মগ্নিত হইয়া রাসলীলা  
 করিতেছেন । শ্রীকৃষ্ণ মধ্যস্থলে শ্রীরাধার সহিত নৃত্য করিতেছেন এবং অপরা-  
 পর গোপীগণ তাঁহাদিগকে পরিবেষ্টন করিয়া নৃত্য করিতেছেন । প্রভু তদর্শনে  
 শ্রীবৃন্দাবনে শ্রীকৃষ্ণকে প্রাপ্ত হইলাম এই জ্ঞানে আবিষ্ট হইয়া রসাস্বাদন করিতে  
 লাগিলেন । এদিকে প্রভু অনেকক্ষণ নিদ্রা যাইতেছেন দেখিয়া শ্রীগোবিন্দ প্রভুকে



জাগাইলেন। প্রভু জাগরিত হইয়া বাহুজ্ঞানের উদয়েচ্ছিত হইলেন। অভ্যাস বশতঃ নিত্যকৃত্য সমাপন করিয়া যথাকালে জগন্নাথ দর্শন করিলেন। তিনি পূর্ববৎ গরুড়স্তম্ভের পশ্চাদ্ভাগে দাঁড়াইয়া জগন্নাথ দর্শন করিতেছিলেন। একটি উৎকলবাসিনী রমণী লোকের ভিড়ে জগন্নাথদর্শনে অসমর্থ হইয়া গরুড়ের উপর আরোহণপূর্বক অজ্ঞাতসারে প্রভুর স্বক্ষে পা দিয়া দাঁড়াইয়া জগন্নাথ দেখিতেছিল। গোবিন্দ দেখিতে পাইয়া ঐ রমণীকে ভৎসনা করিতে লাগিলেন। প্রভু বলিলেন, “গোবিন্দ, উহাকে কিছু বলিও না, ও আপন ইচ্ছামত জগন্নাথ দর্শন করুক।” শ্রীলোকটি কিন্তু নিজের ঘোরতর অপরাধ বৃত্তিতে পারিয়া তৎক্ষণাৎ ভূতলে অবতরণপূর্বক আর্তি প্রকাশ করিতে লাগিল। প্রভু তদর্শনে বলিলেন, “আহা! জগন্নাথ আমাকে তোমার মত আর্তি দিলেন না।” প্রভু এতক্ষণ স্বপ্নদৃষ্ট শ্রীবৃন্দাবনলীলাই দর্শন করিতেছিলেন। অতঃপর বোধ হইল, কুরুক্ষেত্রে আগমন করিয়াছেন। তখন কিছু বিঘ্ন হইয়া বাসায় আগমন করিলেন। বাসায় আসিয়া ভূতলে বসিয়া নখ দ্বারা ভূমিলেখনে প্রবৃত্ত হইলেন। নয়নের নীরে মৃত্তিকা কর্দমময়ী হইতে লাগিল। দেহের স্বভাবে স্নানভোজনাদিও করিলেন। ক্রমে রাত্রি আসিল। স্বরূপ ও রামানন্দ আসিয়া মিলিলেন।

“প্রাপ্তরত্ন হারাইয়া, তার গুণ সোঙরিয়া,

মহাপ্রভু সস্তাপে বিহ্বল।

স্বরূপ রায়ের কণ্ঠ ধরি, কহে হা হা হরি হরি,

ধৈর্য্য গেল, হইল চাপল ॥

শুন বান্ধব, কৃষ্ণের মাধুরী।

যার লোভে মোর মন, ছাড়িলেক বেদধর্ম্ম,

যোগী হঞা হইল ভিখারী ॥

কৃষ্ণলীলা মঙ্গল, শুদ্ধ শঙ্খ কুণ্ডল,

গড়িয়াছে শুক কারিকর।

সেই কুণ্ডল কাণে পরি, তৃষ্ণা-লাউ-খালি ধরি

আশা-ঝুলি কান্ধের উপর ॥

চিন্তা-কাথা উড়ি গায়, ধূলি-বিভূতি-মলিন কায়,

হা হা কৃষ্ণ! প্রলাপ উত্তর।

উদ্বিগাদি দশা হাতে, লোভের ঝুলনি মাথে,

ভিক্ষাভাবে ক্ষীণ কলেবর ॥

ব্যাসশুকাদি যোগীগণ, কৃষ্ণ আত্মা নিরঞ্জন,

• ব্রজে তার যত লীলাগণ ।

ভাগবতাদি শাস্ত্রগণে করিয়াছে বর্ণনে,

• সেই তর্জা পড়ে অমুক্ণে ॥

দশেক্সিয় শিষ্য করি, মহাবাউল নাম ধরি,

শিষ্য লঞা করিল গমন ।

মোর দেহ স্বসদন, বিষয়ভোগ-মহাধন,

সব ছাড়ি গেলা বৃন্দাবন ॥

বৃন্দাবনে প্রজাগণ, যত স্থাবর-জঙ্গম,

• বৃক্ষ-লতা গৃহস্থ আশ্রমে ।

তার ঘরে ভিক্ষাটন, ফল-মূল-পত্রাশন,

এই বৃত্তি করে শিষ্যসনে ॥

কৃষ্ণ গুণ রূপ রস, গন্ধ শব্দ পরশ,

যে সুধা আশ্বাদে গোপীগণ ।

তা' সবার গ্রাস-শেষে আনি পঞ্চেক্সিয়-শিষ্যে,

সে ভিক্ষায় রাখয়ে জীবন ॥

শূত্র-কুঞ্জ-মণ্ডপ-কোণে, যোগাভ্যাস কৃষ্ণধ্যানে,

• তাঁহা রহে লঞা শিষ্যগণ ।

কৃষ্ণ আত্মা নিরঞ্জন, সাক্ষাৎ দেখিতে মন

• ধ্যানে রাত্রি করে জাগরণ ॥

• মন কৃষ্ণবিয়োগী, দুঃখে মন হৈল যোগী,

সে বিয়োগে দশ দশা হয় ।

সে দশায় ব্যাকুল হঞা, মন গেলা পলাইয়া,

শূত্র মোর শরীর আলয় ॥

কৃষ্ণের বিয়োগে গোপীর দশ দশা হয় ।

সেই দশ দশা হয় প্রভুর উদয় ॥”

প্রভু চিন্তা, জাগর ও উদ্বেগাদি দশ দশায় ব্যাকুল হইতে লাগিলেন ।  
রামানন্দ রায় মধ্যে মধ্যে ভাবামুরূপ শ্লোক পাঠ করিতে লাগিলেন । স্বরূপ  
গোসাঁই শ্লোকামুরূপ পদ সকল গান করিতে লাগিলেন । এইরূপে অর্দ্ধ-  
রাত্রি অতিবাহিত হইল । রামানন্দ প্রভুকে গঙ্গীরার ভিতর শয়ন করাইয়া

গৃহে গমন করিলেন। স্বরূপ গোসাঁই ও গোবিন্দ প্রভুর দ্বারদেশে শয়ন করিয়া রহিলেন। প্রভু শয়ন করিলেন, নিদ্রা হইল না, উচ্চ করিয়া নাম কীর্তন করিতে লাগিলেন। কিয়ৎক্ষণ পরে কীর্তনের শব্দ শুনিতে না পাইয়া স্বরূপ গোসাঁই কপাট খুলিয়া দেখিলেন, প্রভু ঘরের ভিতর নাই। প্রভুকে ঘরের ভিতর না দেখিয়া স্বরূপ গোসাঁই বিস্ময়াবিত হইয়া গোবিন্দকে ডাকিলেন। পরে দীপ জালিয়া দুই জনে প্রভুর অন্বেষণার্থ বহির্গত হইলেন। ইতস্ততঃ অন্বেষণ ফলিতে করিতে সিংহদ্বারের উত্তরদিকে যাইয়া প্রভুকে প্রাপ্ত হইলেন। প্রভুকে পাইয়া আনন্দ হইল বটে, কিন্তু তাঁহার অবস্থা দেখিয়া তাঁহারা ভীত হইলেন। প্রভু পড়িয়া আছেন, সংজ্ঞা নাই। অঙ্গসন্ধিসকল শিথিল হওয়ায় শরীর পাঁচ ছয় হাত দীর্ঘ হইয়া পড়িয়াছে। নয়ন উত্তান এবং মুখ দিয়া ফেন ও লালা নির্গত হইতেছে। স্বরূপ গোসাঁই উচ্চ করিয়া নাম শুনাইতে লাগিলেন। অনেক ক্ষণের পর প্রভুর সংজ্ঞা হইল, হরি বোল বলিয়া গর্জিয়া উঠিলেন। অঙ্গসন্ধিসকল সংলগ্ন হইলে, শরীর পূর্ববৎ প্রকৃতিস্থ হইল। তখন প্রভু সিংহদ্বার দর্শন করিয়া বিস্মিত হইলেন। স্বরূপ গোসাঁইর দিকে চাহিয়া বলিলেন, “আমি এখানে কেন?” স্বরূপ গোসাঁই বলিলেন, “প্রভু বাসায় চলুন, সেইখানেই বলিব।” এই কথায় পর স্বরূপ গোসাঁই প্রভুকে বাসায় লইয়া আসিয়া যথাবৎ বৃত্তান্ত নিবেদন করিলেন। প্রভু শুনিয়া বলিলেন, “আমার ত কিছুই স্মরণ হয় না। আমি চারিদিকেই শ্রীকৃষ্ণকে দেখিতেছি। আবার ক্ষণে ক্ষণে বিছাতের ছায় অস্তহিত হইতেছেন।” এমন সময় জগন্নাথের পানিশঙ্খ বাজিয়া উঠিল। প্রভু স্নান করিয়া জগন্নাথ দর্শন করিতে গমন করিলেন।

আর একদিন মহাপ্রভু সমুদ্রতীর দিয়া যাইতে চটক পর্বত দেখিয়া গোবর্দ্ধন শৈল জ্ঞানে আবিষ্ট হইলেন। আবিষ্ট হইয়াই তদভিমুখে ধাবিত হইলেন। প্রভু বায়ুবেগে গমন করিতেছিলেন, গোবিন্দ পশ্চাতে থাকিয়াও তাঁহাকে ধরিতে পারিলেন না। তিনি প্রভুকে ধরিতে না পারিয়া চীৎকার করিতে লাগিলেন। গোবিন্দের আর্তস্বর শুনিতে পাইয়া স্বরূপ গোসাঁই প্রভৃতি প্রভুর ভক্তগণ শব্দলক্ষ্যে দৌড়িয়া আসিলেন। এদিকে যাইতে যাইতে প্রভুর স্তম্ভ হইল, আর দৌড়িতে পারিলেন না। কদম্বকোরকের ছায় সর্বশরীর কণ্টকিত হইয়া উঠিল। কাদিতে কাদিতে কাঁপিতে কাঁপিতে পড়িয়া গেলেন। গোবিন্দ “তখন প্রভুর নিকটে আসিয়া করোয়ার জল দ্বারা সিঞ্চন ও বহির্বাস দ্বারা ব্যজন করিতে লাগিলেন। ক্রমে স্বরূপাদি ভক্তগণও আসিয়া উপস্থিত

হইলেন। উচ্চকীর্তন ও জলসেচনাदि করতে করিতে প্রভুর কিছু বাহুক্ষুতি হইল। তখন তিনি স্বরূপ গোসাঁইর দিকে চাহিয়া বলিলেন, “আমি গোবর্দ্ধনের সমীপে যাইয়া দেখিলাম, কৃষ্ণ গোচারণ করিতেছেন। তিনি গোচারণ করিতে করিতে গোবর্দ্ধনের উপর উঠিয়া বাঁশী বাজাইলেন। তাঁহার বাঁশীর শব্দ শুনিয়াই রাধা ঠাকুরাণী আগমন করিলেন। রাধা ঠাকুরাণীর সৌন্দর্যের কথা কি বলিব! দেখিতে দেখিতেই শ্রীকৃষ্ণ তাঁহাকে লইয়া গিরিকন্দরমধ্যে প্রবেশ করিলেন। শ্রীরাধার সখীগণ ফলফুল তুলিতে লাগিলেন। ইতিমধ্যে তোমরা যাইয়া আমাকে এখানে ধরিয়া আনিলে। আমাকে ধরিয়া আনিয়া বড়ই দুঃখ দিলে। শ্রীকৃষ্ণের লীলা আমার আর দেখা হইল না।” এই কথা বলিয়া প্রভু রোদন করিতে লাগিলেন। এই সময় পুরী গোসাঁই ও ভারতী গোসাঁই আসিয়া উপস্থিত হইলেন। তাঁহাদিগকে দেখিয়া প্রভুর সম্পূর্ণ বাহুক্ষুতি হইল। তখন প্রভু তাঁহাদিগকে বন্দনা করিলেন। তাঁহারাও প্রভুকে প্রেমালিঙ্গন প্রদান করিলেন। অনন্তর প্রভু তাঁহাদিগকে জিজ্ঞাসা করিলেন, “আপনারা এতদূর আগমন করিলেন কেন?” তাঁহারা বলিলেন, “তোমার নৃত্য দেখিতে আসিলাম।” প্রভু কিঞ্চিৎ লজ্জিত হইয়া ভক্তগণের সহিত স্নান করিতে গেলেন। স্নানান্তে বাসায় আসিয়া ভক্তগণকে লইয়া ভোজন করিলেন।

এইরূপ ভাবাবেশেই প্রভুর অষ্টপ্রহর অতিবাহিত হইতে লাগিল। তিনি কখন সম্পূর্ণ আবিষ্ট, কখন অর্দ্ধ বাহু ও কখন সম্পূর্ণ বাহু দশায় অবস্থান করেন। স্নান ভোজনাदि দেহের স্বভাবেই নির্ঝাহ হইয়া থাকে। একদিন জগন্নাথকে দর্শন করিতে করিতে প্রভুর সাক্ষাৎ ব্রজেন্দ্রনন্দন বলিয়াই জ্ঞান হইল। তখন শ্রীকৃষ্ণের পঞ্চগুণ যুগপৎ স্ফুরিত হইয়া প্রভুর পঞ্চ ইন্দ্রিয়কে আকর্ষণ করিতে লাগিল। প্রভু সংজ্ঞাহীন হইয়া ভূতলে পতিত হইলেন। এই সময়ে জগন্নাথের উপনভোগ সরিল। ভক্তগণ প্রভুকে ধরিয়া বাসায় লইয়া আসিলেন। প্রভু সংজ্ঞালাভ করিয়া স্বরূপ ও রামানন্দের কণ্ঠ ধরিয়া বক্ষ্যমাণপ্রকারে বিলোপ করিতে লাগিলেন।

“কৃষ্ণ রূপ শব্দ স্পর্শ, সৌরভ্য অধর রস,

যার মাধুর্য্য कहने না যায়।

দেখি লোভী পঞ্চ জন, এক অশ্ব মোর মন,

চড়ি পাঁচে পাঁচ দিকে ধায় ॥

সখি হে, শুন মোর দুঃখের কারণ।

## শ্রীশ্রীগৌরসুন্দর

মোর পঞ্চেন্দ্রিয়গণ, মহালম্পট দম্যুগণ,

সবে কহে, হর পরধন ॥

এক অক্ষ এক ক্ষণে, পাঁচে পাঁচ দিকে টানে,

এক মন কোন্ দিকে যায় ।

এক কালে সবে টানে, গেল ঘোড়ার পরাণে,

এত দুঃখ সহনে না যায় ॥

ইন্দ্রিয়ে না করি রোষ, ইহা সবার কাঁহা দোষ,

কৃষ্ণরূপাদি মহা আকর্ষণ ।

রূপাদি পাঁচে পাঁচে টানে, গেল পাঁচের পরাণে,

মোর দেহে না রহে জীবন ॥

কৃষ্ণরূপায়তসিন্ধু, তাহার তরঙ্গবিন্দু,

সেই বিন্দু জগৎ ডুবায় ।

ত্রিজগতে যত নারী, তার চিত্ত উচ্চ গিরি,

তাহে ডুবায় আগে উঠি ধায় ॥

কৃষ্ণবচনমাধুরী, নানারসনন্দধারী,

তার অন্বেষ কহনে না যায় ।

জগৎ-নারীর কাণে, মাধুরীগুণে বান্ধি টানে,

টানাটানি কাণের প্রাণ যায় ॥

কৃষ্ণ-অঙ্গ সুশীতল, কি কহিব তার বল,

ছটায় জিনে কোটীন্দু চন্দন ।

সশৈল নারীর বক্ষঃ, তাহা আকর্ষিতে দক্ষ,

আকর্ষয়ে নারীগণ-মন ॥

কৃষ্ণাঙ্গ-সৌরভ্যভর, মৃগমদ-মদহর,

নীলোৎপলের হরে গর্ভধন ।

জগৎ-নারীর নাসা, তার ভিতরে করে বাসা,

নারীগণে করে আকর্ষণ ॥

কৃষ্ণের অধরায়ুত, তাহে কর্পূর মন্দম্মিত,

স্বমাধুর্যে হরে নারীমন ।

অন্তর ছাড়ায় লোভ, না পাইলে মনঃক্ষোভ,

ব্রজনারীগণের মূলধন ॥

এত কহি গৌরহরি,      দুই জনের কণ্ঠ ধরি,  
কহে শুন স্বরূপ রাম রায় ।

কাঁহা করেঁ কাঁহা যাও, কাঁহা গেলে কৃষ্ণ পাও,  
হুঁহে মোরে কহ সে উপায় ॥

একদিন মহাপ্রভু স্নান করিতে যাইয়া পথে এক পুষ্পের উদ্যান দর্শন করিয়া  
শ্রীবৃন্দাবনবোধে তন্মধ্যে প্রবেশ করিলেন । প্রবেশমাত্র প্রেমাবিষ্ট হইলেন ।  
অনন্তর আবেশভরে রাসে শ্রীকৃষ্ণের অন্তর্ধানের পর গোপীগণের স্মার  
শ্রীকৃষ্ণাশ্রমেণে প্রবৃত্ত হইলেন ।

“আত্র পনস পিয়াল জন্মু কোবিদার ।  
তীর্থবাসী সবে কর পর-উপকার ॥  
কৃষ্ণ তোমার ইঁহা আইলা,—পাইলে দর্শন ।  
কৃষ্ণের উদ্দেশ কহি রাখহ জীবন ॥  
উত্তর না পাঞা পুনঃ করে অনুমান ।  
এ সব পুরুষজাতি কৃষ্ণসখার সমান ॥  
এ কেন কহিবে কৃষ্ণের উদ্দেশ আমায় ।  
এই স্ত্রীজাতি লতা আমার সখীপ্রায় ॥  
অবশ্য কহিবে কৃষ্ণ পাইয়াছে দর্শনে ।  
অত অনুমানি পুছে তুলস্যাঙ্গিগণে ॥  
তুলসি মালতি যুথি মাধবি মল্লিকে ।  
তোমার প্রিয় কৃষ্ণ আইলা তোমার অন্তিকে ॥  
তুমি সব হও আমার সখীর সমান ।  
কৃষ্ণোদ্দেশ কহি সবে রাখহ পরাণ ॥  
উত্তর না পাঞা পুনঃ ভাবেন অন্তরে ।  
এই কৃষ্ণদাসী ভয়ে না কহে আমারে ॥  
আগে মৃগীগণ দেখি কৃষ্ণাঙ্গগন্ধ পাঞা ।  
তার মুখ দেখি পুছে নির্ণয় করিয়া ॥  
কহ মৃগি রাধা সহ শ্রীকৃষ্ণ সর্বথা ।  
তোমায় স্মৃথ দিতে আইল নাহিক অশ্রুথা ॥  
রাধাপ্রিয়সখী মোরা নহি বহিরঙ্গ ।  
দূর হৈতে জানি তাঁর যৈছে অঙ্গগন্ধ ॥

রাধাকনকমে কুচকুম্বে ভূষিত । ৩  
 কুম্বেকুন্দমালাগন্ধে বায়ু সুবাসিত ॥  
 কুম্বে ইহঁ। ছাড়ি গেলা এহো বিরহিনী ।  
 কি উত্তর দিবে এই না শুনে কাহিনী ॥  
 আগে দেখে বৃক্‌গণ পুষ্পফলভরে ।  
 শাখা সব পড়িয়াছে পৃথিবী উপরে ॥  
 কুম্বে দেখি এই সব করে নমস্কার ।  
 কুম্বেগমন পুছে তারে করিয়া নির্দার ॥  
 প্রিয়ামুখে ভূক পড়ে তাহা নিবারিতে ।  
 লীলাপদ্য চালাইতে হয় অন্তর্চিতে ॥  
 তোমার প্রণামে কি করিয়াছে অবধান ।  
 কি বা নাহি করে কহ বচন প্রমাণ ॥  
 কুম্বেয় বিয়োগে এই সেবক দুঃখিত ।  
 কি উত্তর দিবে ইহার নাহিক সম্বিত ॥  
 এত বলি আগে চলে যমুনার কূলে ।  
 দেখে তাঁহা কুম্বে হয় কদম্বের তলে ॥  
 কোটিমন্ত্রধর্মথন মুরলীবদন ।  
 অপার সৌন্দর্য্য হরে জগন্মেনমন ॥  
 সৌন্দর্য্য দেখি ভূমে পড়িলা মূর্ছিত হঞা ।  
 হেনকালে স্বরূপাদি মিলিলা আসিয়া ॥”

প্রভু শ্রীকুম্বেয় অন্বেষণ করিতে করিতে মূর্ছিত হইয়া ভূমিতে পতিত  
 হইলেন। এই সময়ে স্বরূপাদি ভক্তগণ আসিয়া অনেক যত্নে প্রভুর চৈতন্য  
 সম্পাদন করিলেন। প্রভু সংজ্ঞা পাইয়া ইতস্ততঃ দৃষ্টিনিক্ষেপসহকারে  
 বলিতে লাগিলেন,—“কুম্বে কোথায় গেলেন? এই দেখিলাম, আর কেন  
 দেখি না?”

“নবঘনসিদ্ধবর্ণ, দলিতাঙ্গনচিকণ,  
 ইন্দীবর নিম্বি সুকোমল ।  
 যিনি উপমার গণ, হরে সবার নয়ন,  
 কুম্বেকান্তি পরম প্রবল ।  
 কহ সখি, কি করি উপায় ?

কৃষ্ণাভূত বলাহক, মোর নেত্র চাতক,  
মা দেখি পিয়াসে মরি যায় ॥

সৌদামিনী পীতাম্বর, স্থির নহে নিরন্তর,  
মুক্তাহার বকপাঁতি ভাল ।

ইন্দ্রধনু শিখিপাখা, উপরে দিয়াছে দেখা,  
আর ধনু বৈজয়ন্তী মাল ॥

মুরলীর কলধ্বনি, মধুর গর্জন শুনি,  
বৃন্দাবনে নাচে ময়ূরচয় ।

অকলঙ্ক পূর্ণকল, লাবণ্যজ্যোৎস্না বলমল,  
চিত্রচন্দ্রের তাহাতে উদয় ॥

লীলামৃত বরিষণে, সিন্ধে চৌদ্দ ভুবনে,  
হেন মেঘ যবে দেখা দিল ।

ছুর্দৈব ঝঙ্কাপবনে, মেঘ নিল অন্তস্থানে,  
মরে চাতক পীতে না পাইল ॥

পুনঃ কহে হায় হায়, পড় পড় রামরায়  
কহে প্রভু গদগদ আখ্যান ।

রামানন্দ পড়ে শ্লোক, শুনি প্রভুর হর্ষ শোক,  
আপনি প্রভু করেন ব্যাখান ॥

“বীক্ষ্যালকাবৃতমুখং তব কুণ্ডলশ্রী-

গণ্ডস্থলাধরসুধং হসিতাবলোকম্ ।

দত্তাভয়ঞ্চ ভূজদণ্ডযুগং বিলোক্য

বক্ষঃশ্রিয়ৈকরমণঞ্চ ভবাম দাস্ত্রঃ ॥”

তা ১০।২৯।৩৯

“কৃষ্ণ জিনি পদ্ম-চাঁদ, পাতিয়াছে মুখফাঁদ,  
তাহে অধর মধুস্মিত চার ।

ব্রজনারী আসি আসি, ফাঁদে পড়ি হয় দাসী,  
ছাড়ি লাজ পৃতি ঘর দ্বার ॥

বাকুব কৃষ্ণ করে ব্যাধের আচার ।

নাহি মানে ধর্ম্মাধর্ম্ম, হরে নারী-মৃগ-মর্ম্ম,  
করে নানা উপায় তাহার ॥



গণ্ডস্থল ঝলমল,                      নাচে ককরকুণ্ডল,  
 সেই নৃত্যে হরে নারীচয় ।  
 সন্মিত কটাক্ষবাণে,              তা সবার হৃদয়ে হানে,  
 নারীধে নাহি কিছু ভয় ॥  
 অতি উচ্চ সুবিচার,      লক্ষ্মী-শ্রীবৎসর অলঙ্কার,  
 কৃষ্ণের যে ডাকাতিয়া বক্ষ ।  
 ব্রজদেবী লক্ষ লক্ষ,              তা' সবার মনোবক্ষ,  
 হরি দাসী করিবারে দক্ষ ॥  
 সুবলিত দীর্ঘার্গল,                      কৃষ্ণভুজযুগল,  
 ভুজ নহে কৃষ্ণ সর্পকায় ।  
 দুই শৈল ছিদ্রে পৈশে,              নারীর হৃদয়ে দংশে,  
 মরে নারী সে বিষজালায় ॥  
 কৃষ্ণকরপদতল,                      কোটিচন্দ্র সুশীতল,  
 জিনি কর্পূর বেণামূল চন্দন ।  
 একবার যারে স্পর্শে,              স্বরজালা বিষ নাশে,  
 যার স্পর্শে লুক্ক নারীগণ ॥”

অনন্তর প্রভু স্বরূপ গোসাঁইকে বলিলেন, “স্বরূপ, একটি গীত গাও ।”  
 স্বরূপ গোসাঁই গাইতে লাগিলেন,—

“রাসে হরিমিহ বিহিতবিলাসং ।

স্মরতি মনো মম কৃতপরিহাসম্ ॥”      গীত গো ২।৩

গান শুনিয়া প্রভু প্রেমানন্দে নৃত্যারম্ভ করিলেন । কিছুক্ষণ নৃত্য হইলে,  
 রামরায় প্রভুকে বসাইয়া শ্রমাপনোদনপূর্বক স্নানার্থ সমুদ্রতীরে লইয়া গেলেন ।  
 প্রভু স্নানানন্তর গৃহে প্রত্যাগমন ও ভোজন করিলেন । ভোজন সমাধা হইলে,  
 গোবিন্দ প্রভুকে শয়ন করাইয়া পাদসম্বাহন করিতে লাগিলেন । ভক্তগণ নিজ  
 নিজ বাসায় গমন করিলেন ।

প্রভুর যখন এইরূপ আবেশ চলিতেছে, সেই সময়েই আবার রথযাত্রা  
 উপস্থিত হইল । তদুপলক্ষে গোড় হইতে প্রভুর অনেক ভক্ত আগমন করিলেন ।  
 রঘুনাথ দাসের এক জ্ঞাতি পরম বৈষ্ণব ছিলেন । তাঁহার নাম কালিদাস ।  
 ঐ কালিদাসও এবার আগমন করিলেন । কালিদাসের বৈষ্ণবোচ্ছিতে ঈদৃশ  
 বিশ্বাস যে, তিনি জাত্যাদিবিচার না করিয়া সকল বৈষ্ণবেরই উচ্ছিষ্ট গ্রহণ

করিতেন। কোন নীচজাতীয় বৈষ্ণব তাঁহাকে উচ্ছিষ্ট প্রদানে অসম্মত হইলে, তিনি গোপনে যে কোন উপায়ে হউক তাঁহার উচ্ছিষ্ট গ্রহণ না করিয়া ছাড়িতেন না। মহাপ্রভু এই কালিদাসকে যথেষ্ট রূপা করিলেন। মহাপ্রভু কাহাকেও নিজপাদোদক প্রদান করিতেন না। অন্তরঙ্গ ভক্তগণ কোন না কোন ছলে তাঁহার পাদোদক গ্রহণ করিতেন। মহাপ্রভু জগন্নাথ দর্শন করিতে যাইয়া সিংহদ্বারের উত্তরদিকে পাদপ্রক্ষালন করিয়া শ্রীমন্দিরে উঠিতেন। তিনি যেখানে পাদপ্রক্ষালন করিতেন, সেইখানে একটি গর্ত ছিল; তাঁহার পাদপ্রক্ষালন-জল ঐ গর্তমধ্যে পতিত হইত, কেহই পাইতেন না। একদিন গোবিন্দ ঐ স্থানে প্রভুর পাদপ্রক্ষালন করিয়া দিতেছেন, এমন সময়ে কালিদাস আসিয়া হাত পাতিলেন। কালিদাস হাত পাতিয়া এক দুই করিয়া ক্রমে তিন অঞ্জলি পাদোদক পান করিলেন। তিন অঞ্জলি পানের পর প্রভু তাঁহাকে নিষেধ করিয়া বলিলেন, “ইহাই যথেষ্ট হইয়াছে, আর একপ করিও না।” প্রভু পাদপ্রক্ষালনান্তর নৃসিংহদেবের স্তব পাঠ করিয়া শ্রীমন্দিরে উঠিয়া জগন্নাথ দর্শন করিলেন। পরে বাসায় আসিয়া ভোজন করিলেন। কালিদাস প্রভুর অবশেষ পাইবার আশায় বহির্দ্বারে দাঁড়াইয়া থাকিলেন। প্রভু গোবিন্দ দ্বারা কালিদাসকে ভুক্তাবশেষ দিয়া কৃতার্থ করিলেন।

এই বৎসর শিবানন্দ পুরীদাস নামক কনিষ্ঠ পুত্রকে সঙ্গে করিয়া আসিয়াছিলেন। তিনি একদিন পুরীদাসকে লইয়া প্রভুর চরণবন্দন করাইলেন। প্রভু পুরীদাসকে বলিলেন, “পুরীদাস, কৃষ্ণ বল।” পুরীদাস কিছুই বলিলেন না। শিবানন্দ পুরীদাসকে কৃষ্ণ বলাইবার জন্য অনেক যত্ন করিলেন, কিন্তু ফল হইল না, পুরীদাস নীরবই রহিলেন। তখন প্রভু বলিলেন, “আমি স্থাবরজঙ্গম সকলকেই কৃষ্ণনাম লওয়াইলাম, কিন্তু পুরীদাসকে কৃষ্ণনাম লওয়াইতে পারিলাম না।” স্বরূপ গোসাঁই শুনিয়া বলিলেন, “তুমি পুরীদাসকে স্বয়ং কৃষ্ণনামরূপ মহামন্ত্র উপদেশ করিলে, পুরীদাস ঐ মহামন্ত্র পাইয়া মনে মনে জপ করিতেছে, ইহাই আমার অমুমান হয়।” প্রভু আর কিছুই বলিলেন না। ঐ দিন ঐ ভাবেই গেল। আর এক দিন শিবানন্দ পুরীদাসকে লইয়া আসিলেন। প্রভু পুরীদাসকে দেখিয়া বলিলেন, “পুরীদাস, শ্লোক পড়।” সপ্তম বৎসরের বালক, অধ্যয়ন নাই, কিন্তু পড়িতে লাগিলেন—

“শ্রবসোঃ কুবলয়মঙ্কো রঞ্জনমুরসো মহেন্দ্রমণিদাম ।

বৃন্দাবনরমণীনাং মণ্ডনমখিলং হরির্জয়তি ॥” কর্ণপুরকৃতে আর্ধ্যাশতকে (১)

যিনি শ্রীবৃন্দাবনরমণীগণের শ্রবণযুগলের কুবলয়, নয়নের অঞ্জন ও বক্ষঃস্থলের ইন্দ্রনীলমণিময় হার প্রভৃতি অখিলভূষণস্বরূপ, সেই 'শ্রীহরি অতিশয় জয়যুক্ত হইতেছেন।

শ্লোক শুনিয়া পুরীদামের প্রতি প্রভুর রূপা বুঝিয়া স্বরূপাদি ভক্তগণ অপার বিশ্বয়সাগরে নিমগ্ন হইলেন।

গৌড়ের ভক্তগণ রথযাত্রা দর্শন করিয়া গৌড়ে প্রতিগমন করিলেন। তাঁহারা ষতদিন ছিলেন, প্রভুর কিছু বাহুস্কৃতিও হইত। তাঁহারা চলিয়া গেলে, প্রভু আবার সম্পূর্ণ আবিষ্ট হইলেন। এই পূর্ণ আবিষ্ট অবস্থাতেই প্রভু একদিন জগন্নাথ দর্শন করিতে গেলেন। সিংহদ্বারে যাইয়া দ্বাররক্ষককে জিজ্ঞাসা করিলেন, “কৃষ্ণ কোথায়?” দ্বাররক্ষক উত্তর করিলেন, “কৃষ্ণ এইস্থানেই অবস্থান করিতেছেন। প্রভু তাঁহার হস্তধারণ করিয়া বলিলেন, “চল, আমাকে কৃষ্ণদর্শন করাও।” দ্বাররক্ষক প্রভুকে লইয়া গরুড়স্তম্ভের পার্শ্বে দাঁড়াইয়া বলিলেন, “ঐ দেখুন।” প্রভু নয়ন ভরিয়া জগন্নাথদেবকে দর্শন করিতে লাগিলেন। এই সময়ে ‘গোপালবল্লভ’ নামক ভোগ লাগিল। ভোগ সরিলে, জগন্নাথের সেবকগণ প্রভুকে মালা পরাইয়া হস্তে কিঞ্চিৎ প্রসাদ দিয়া বলিলেন, “কিঞ্চিৎ আশ্বাদন করুন।” প্রসাদ আশ্বাদন দূরের কথা, গন্ধেই মন মোহিত হইয়া গেল। প্রভু এক কণিকামাত্র জিহ্বায় দিয়া সমস্তই গোবিন্দের অঞ্চলে প্রদান করিলেন। কণামাত্র প্রসাদ আশ্বাদন করিয়াই প্রভু পুলকিত হইলেন। নয়নযুগল হইতে অশ্রুধারা প্রবাহিত হইতে লাগিল। প্রভু নিজ ভাব স্মরণ করিয়া বাসায় চলিয়া আসিলেন। সন্ধ্যার পর সার্বভৌম ও রামানন্দাদি ভক্তগণকে এবং পুরীগোসাঁই ও ভারতীগোসাঁইকে অবশিষ্ট প্রসাদগুলি কণিকা কণিকা করিয়া বাঁটিয়া দিলেন। প্রসাদের অলৌকিক মাধুর্য আশ্বাদন করিয়া সকলেই প্রেমাবিষ্ট হইলেন। রামানন্দ প্রভুর ইঙ্গিত বুঝিয়া পাঠ করিতে লাগিলেন,

স্বরতবর্দ্ধনং শোকনাশনং স্বরিতবেপুনা স্তুত্ব চূড়িতম্।

ইতররাগবিস্মারণং নৃণাং বিতর বীর নস্তেহধরামৃতম্ ॥” ভা ১০।৩১।১৪

“তমু মন করে ফোভ,                      বাঢ়ায় স্বরতলোভ,

হর্ষ আদি ভাব বিকাশয়।

পাসরায় অন্ত রস,                      জগৎ করে আত্মবশ,

লজ্জা ধর্ম্য ধৈর্য্য করে ক্ষয় ॥

নাগর, শুন তোমার অধরচরিত।

মাতঙ্গ নারীর মন,                      জিহ্বা করে আকর্ষণ,  
     বিচারিতে সব বিপরীত ॥  
 আছুক নারীর কাজ,                      কহিতে বাসিয়ে লাজ,  
     তোমার অধর বড় ধুই রায় ।  
 পুরুষে করে আকর্ষণ,                      আপনা পিয়াইতে মন,  
     অন্য রস সব পাসরায় ॥  
 সচেতন বহু দূরে,                      অচেতনে চেতন করে,  
     তোমার অধর বড় বাজীকর ।  
 তোমার বেণু শুষ্কেকন,                      তার জন্মায় ইন্দ্রিয় মন,  
     তারে আপনা পিয়ায় নিরন্তর ॥  
 বেণু ধুই পুরুষ হঞা,                      পুরুষাধর পিঞা পিঞা,  
     গোপীগণে জানায় নিজ পান ।  
 অয়ে শুন গোপীগণ,                      বলে পিঙো তোমার ধন,  
     তোমার যদি থাকে অভিমান ॥  
 তবে গোরে ক্রোধ করি,                      লজ্জা ধর্ম ভয় ছাড়ি,  
     ছাড়ি দিমু করসিঞা পান ।  
 নহে পিমু নিরন্তর,                      তোমাতে মোর নাহি ডর,  
     অন্তে দেখো তুণের সমান ॥  
 অধরামৃত নিজস্বরে,                      সঞ্চারণা এই বলে,  
     আকর্ষয়ে ত্রিজগত-জন ।  
 আমরা ধর্ম ভয় করি,                      রহি যদি ধৈর্য্য ধরি,  
     তবে আমার করে বিড়ম্বন ॥  
 নীবি খসায় গুরু আগে, লজ্জা ধর্ম করায় ত্যাগে,  
     কেশে ধরি যেন লঞা যায় ।  
 আনি করে তব দাসী,                      শুনি লোক করে হাসি,  
     এই মত নারীরে নাচায় ॥  
 শুক বাশের কাঠি খান,                      এত করে অপমান,  
     এই দশা করিল গোসাঞি ।  
 না সহি কি করিতে পারি,                      তাহে রহি মৌন ধরি,  
     চোরার মাকে ডাকি কাঁদিতে নাই ॥

অধরের এই রীত,                      আর শুনহ কুনীত,  
সে অধর সনে যার মেলা ।

সেই ভক্ষ্য ভোজ্য পান,                      হয় অমৃত সমান,  
নাম তার হয় কৃষ্ণফেলা' ॥

সে ফেলার এক লব,                      না পায় দেবতা সব,  
এই দস্তে কে বাঁ পাতিয়ায় ।

বহু জন্ম পুণ্য করে,                      তবে স্কৃতি নাম ধরে,  
সেই জন তার লব পায় ॥

কৃষ্ণ যে থায় তাষুল,                      কহে তার নাহি মূল,  
তাতে আর দস্ত পরিপাটি ।

তার যে বা উদগার,                      তারে কয় 'অমৃতসার',  
গোপীর মুখ করে আলবাটি ॥

এ তোমার কুটিনাটি,                      ছাড় এই পরিপাটি,  
বেণুধারে কাহে হর প্রাণ ।

আপনার হাসি লাগি,                      নহ নারীর বধভাগী,  
দেহ নিজধরামৃত দান ॥”

“গোপ্যঃ কিমাচরদগ্নং কুশলং স্ম বেণু-  
দামোদরাধরসুধামপি গোপিকানাম্ ।  
ভুঙ্ক্তে স্বয়ং মদবশিষ্টরসং হৃদিক্তো ।  
হৃষ্যত্চোহশ্র মুমুচু স্তরবো বথার্থ্যাঃ ॥”

ভা ১০।২।১২

এই ব্রজেন্দ্রনন্দন,                      ব্রজের কোন কন্ঠাগণ,  
অবশ্য করিবে পরিণয় ।

সে সঙ্ঘকে গোপীগণ,                      ধারে মানে নিজধন,  
সেই সুধা অন্ম লভ্য নয় ॥

গোপীগণ, কহ সব করিয়া বিচারে ॥

কোন্ তাঁর্থে কোন্ তপ,                      কোন্ সিদ্ধমন্ত্র জপ,  
এই বেণু কৈল জন্মান্তরে ॥

হেন কৃষ্ণাধরসুধা,                      যে কৈল অমৃত মুদা,  
যার আশায় গোপী ধরে প্রাণ ।

এই বেণু অযোগ্য অতি,                      স্থাবর পুরুষ জাতি,  
 সেই সুখা সদা করে পান ॥  
 যার ধন না কহে তারে,                      পান করে বলাৎকারে,  
 পি'তে তারে ডাকিয়া জাগায় ।  
 তার তপস্তার ফল,                      দেখ ইহার ভাগ্যবল,  
 ইহার উচ্ছিষ্ট মহাজনে খায় ॥  
 মানসগঙ্গা কালিন্দী,                      ভুবনপাবন নদী,  
 কৃষ্ণ যদি তাতে করে স্নান ।  
 বেণুঝুটাধররস,                      হঞা লোভে পরবশ,  
 সেইকালে হর্ষে করে পান ॥  
 এহো নদী রহু দূরে,                      বৃক্ষ সব তার তীরে,  
 তপ করে পর-উপকারী ।  
 নদীর শেষ রস পাঞা,                      মূল দ্বারে আকর্ষিয়া,  
 কেন পিয়ে বৃষ্টিতে না পারি ॥  
 নিজাকুরে পুলকিত,                      পুষ্পহাস্ত বিকসিত,  
 মধু-মিষে বহে অশ্রুধার ।  
 বেণুকে মানি নিজ জাতি,                      আর্ষ্যের যেন পুত্র নাতি,  
 বৈষ্ণব হৈলে আনন্দবিকার ॥  
 বেণুর তপ জানি যবে,                      সেই তপ তারি তবে,  
 এত অযোগ্য আমরা যোগ্য নারী ।  
 যা না পাঞা হুঃখে মরি,                      অযোগ্যপিয়ে সহিতে নারি,  
 তাহা লাগি তপস্তা বিচারি ॥”

একদিন মহাপ্রভু স্বরূপ ও রামানন্দের সঙ্গে কৃষ্ণকথারূপে অর্ধরাত্রি অতি-  
 বাহিত করিলেন । প্রভুর যখন যে ভাবের উদয় হইতে লাগিল, স্বরূপ গোসাঁই  
 তখন সেই ভাবের অনুরূপ বিদ্যাপতি ও চণ্ডিদাসের পদ সকল গান করিতে  
 লাগিলেন । রামানন্দ রায়ও প্রভুর ভাবানুরূপ শ্লোকসকল পাঠ করিতে  
 লাগিলেন । মধ্যে মধ্যে প্রভুও এক-একটি শ্লোক পাঠ করিয়া তদর্থ দ্বারা  
 প্রলাপ করিতে লাগিলেন । এইরূপে রাত্রি দ্বিতীয় প্রহর অতীত হইলে,  
 স্বরূপ ও রামানন্দ প্রভুকে শয়ন করাইয়া গমন করিলেন । গোবিন্দ গম্ভীরার  
 দ্বারে শয়ন করিয়া রহিলেন । প্রভু শয়ন করিয়াও নিজা না যাইয়া উচ্চস্বরে

কীর্তন করিতে লাগিলেন। তিনি হঠাৎ বেণুধ্বনি শ্রবণ করিয়া ভাবাবেশে গৃহ হইতে বাহির হইয়া গেলেন। গৃহের দ্বার যেমন রুদ্ধ ছিল, তেমনি রহিল। প্রভু বাহির হইয়া সিংহদ্বারের দক্ষিণভাগে যেখানে তেলেঙ্গা গাভি সকল থাকে, সেইখানে যাইয়াই অচেতন হইয়া পড়িলেন। এখানে গোবিন্দ প্রভুর সাড়াশব্দ না পাইয়া ঘরের কপাট খুলিয়া দেখিলেন, প্রভু ঘরে নাই। তখন তিনি স্বরূপ গোসাঁইকে ডাকিলেন। স্বরূপ গোসাঁই আসিয়া শুনিলেন, প্রভু ঘর হইতে কোথায় চলিয়া গিয়াছেন, তাঁহাকে পাওয়া যাইতেছে না। তখন তিনি দীপ জালিয়া অপর কয়েকজন ভক্তের সহিত প্রভুর অন্বেষণে বহির্গত হইলেন। অন্বেষণ করিতে করিতে দেখা গেল, প্রভু সিংহদ্বারের দক্ষিণপার্শ্বে তেলেঙ্গা গাভীগণের নিকট সংজাহীন হইয়া পড়িয়া আছেন। হাত ও পা পেটের ভিতর প্রবেশ করায় আকারটি কৃষ্ণের ন্যায়, দেখা যাইতেছে। মুখে ফেন, অঙ্গে পুলক ও নেত্রে অশ্রুধার বহিতেছে। গাভিসকল প্রভুর অঙ্গ আশ্রয় করিতেছে। তদর্শনে ভক্তগণ গাভিগুলিকে সরাইয়া প্রভুর চৈতন্যসম্পাদনের জন্ত অনেক যত্ন করিলেন, কিন্তু চৈতন্যোদয় হইল না। তখন তাঁহারা প্রভুকে উঠাইয়া ঘরে আনিলেন। ঘরে আসিয়া উচ্চৈঃস্বরে কীর্তন করিতে আরম্ভ করিলেন। কিয়ৎক্ষণ পরে প্রভুর চৈতন্য হইল। চৈতন্য হইলেই শরীর পূর্ববৎ হইল। প্রভু উঠিয়া বসিলেন। বসিয়া স্বরূপ গোসাঁইর দিকে দৃষ্টি করিয়া বলিলেন, “স্বরূপ, তুমি আমাকে কোথায় আনিলে? আমি বেণুর শব্দ শ্রবণ করিয়া শ্রীবৃন্দাবনে গিয়া-ছিলাম। গিয়া দেখিলাম, শ্রীকৃষ্ণ গোচারণ করিতে করিতে বাঁশী বাজাইতে-ছিলেন। তাঁহার ‘বাঁশীর শব্দ’ শুনিয়া শ্রীমতী রাধিকা আগমন করিলেন। শ্রীকৃষ্ণ তাঁহাকে লইয়া কুঞ্জভাস্তরে প্রবেশ করিলেন। আমিও তাঁহাদের পশ্চাৎ পশ্চাৎ গমন করিলাম। যাইতে যাইতে কুঞ্জমধ্যে গোপীগণের কণ্ঠধ্বনি ও ভূষণাদির শিঞ্জিত শ্রুতিগোচর হইতে লাগিল। শ্রবণ উল্লাসিত হইয়া উঠিল। অকস্মাৎ তোমরা যাইয়া আমাকে ধরিয়া আনিলে। আর সেই সকল শব্দ শুনা গেল না। উঃ! কৃষ্ণভূষণ প্রাণ যায়; শ্লোক পাঠ কর।” স্বরূপ গোসাঁই পাঠ করিতে লাগিলেন,—

“কা স্ত্যজ তে কলপদামৃতবেণুগীত-

সম্মোহিতার্থ্যচরিতাম্ চলত্রিলোক্যাম্ ।

ত্রৈলোক্যসৌভগমিদঞ্চ নিরীক্ষ্য রূপং

যদ্গোদ্বিজক্রমমুগাঃ পুলকান্তবিল্রন ॥” ভা ১০।২২।৪০

“হৈল গোপীভাবাবেশ, কৈল রাসে পরবেশ,  
কৃষ্ণের শুনি উপেক্ষা-বচন ।

কৃষ্ণের পরিহাসবাণী, তাগে তাহা সত্য মানি,  
রোষে কৃষ্ণে দেন ওলাহ্নন ॥

•নাগর, কহ তুমি করিয়া নিশ্চয় ।

এই ত্রিজগৎ ভরি, আছে যত যোগ্য নারী,  
তোমার বেণু কাঁহা না আকর্ষয় ॥

কৈলে জগতে বেণুধ্বনি, সিদ্ধমন্ত্রাদি যোগিনী,  
দুতী হঞা মোহে নারীমন ।

মহোৎকর্থা বাড়াইয়া, আর্ধ্যপথ ছাড়াইয়া,  
আনি তোমায় করে সমর্পণ ॥

ধর্ম হরি বেণু দ্বারে, হানি কটাক্ষ কামশরে,  
লজ্জা ভয় সকল ছাড়াও ।

এবে মোরে করি রোষ, কহ পরিত্যাগে দোষ,  
ধার্মিক হঞা ধর্ম শিখাও ॥

অন্য কথা অন্য মন, বাহিরে অন্য আচরণ,  
এই সব শঠ পরিপাটী ।

তুমি জান পরিহাস, হয় নারীর সর্বনাশ,  
•ছাড়হ এ সব কুটিনাটী ॥

বেণুনাদ অমৃত ঘোলে, অমৃতসম মিঠা বোলে,  
• অমৃতসম ভূষণশিঞ্জিত ।”

তিন অমৃতে হরে কাণ, হরে মন হরে প্রাণ,  
কেমনে নারী ধরিবেক চিত ॥

এত কহি ক্রোধাবেশে, ভাবের তরঙ্গে ভাসে,  
উৎকর্থামাগরে ডুব মন ।

রাধার উৎকর্থাবাণী, পড়ি আপনে বাখানি,  
কৃষ্ণমাধুর্য করে আশ্বাদন ॥”

“কণ্ঠের গন্তীর ধ্বনি, নবঘনধ্বনি জিনি,  
যার গানে কোকিল লাজায় ।

তার এক শ্রুতি কণে, ডুবায় জগতের কাণে,  
পুনঃ এক বাছড়ি না আয় ॥



## শ্রী শ্রীগোবিন্দ

কহ সখি, কি করি উপায় ।  
 কৃষ্ণ রস শব্দ শুনে, হরিল অমার কাণে,  
 এবে না পায় তৃষ্ণায় মরি যায় ॥  
 নুপুর কিঙ্কণী ধ্বনি, হংস সারস, জিনি,  
 কঙ্কণধ্বনি চটক লাজায় ।  
 একবার যেই শুনে, ব্যাপি রহে তার কাণে,  
 অল্প শব্দ সে কাণে না যায় ॥  
 সেই শ্রীমুখভাষিত, অমৃত হৈতে পরামৃত,  
 স্নিতকপূর তাহাতে মিশ্রিত ।  
 শব্দ অর্থ দুই শক্তি, নানারস করে ব্যক্তি,  
 প্রত্যক্ষরে, নন্দ্যবিভূষিত ॥  
 সে অমৃতের এক কণ, কর্ণ-চকোর-জীবন,  
 কর্ণ-চকোর জীয়ে সেই আশে ।  
 ভাগ্যবশে কভু পায়, অভাগ্যে কভু না পায়,  
 না পাইলে মরয়ে পিঙ্গাসে ॥  
 যে বা বেণু কলধ্বনি, একবার তাহা শুনি,  
 জগন্নারী চিত্ত আউলায় ।  
 নীবিবন্ধ পড়ে থসি, বিনামূলে হয় দাসী,  
 বাউলি হঞা কৃষ্ণপাশে ধায় ॥  
 যে বা লক্ষ্মী ঠাকুরানী, তেঁহো যে কাকলি শুনি,  
 কৃষ্ণপাশ আইসে প্রত্যাশায় ।  
 না পায় কৃষ্ণের সঙ্গ, বাড়ে তৃষ্ণাতরঙ্গ,  
 তপ করে তবু নাহি পায় ॥  
 এই শব্দামৃত চারি, যার হয় ভাগ্য-ভারি,  
 সেই কর্ণ ইহা করে পান ।  
 ইহা যেই নাহি শুনে, সে কাণ জন্মিল কেনে,  
 কাণাকড়ি সম সেই কাণ ॥  
 করিতে ঐছে বিলাপ, উঠিল উদ্বৈগ ভাব,  
 মনে কাঁহো নাহি আলম্বন ।  
 উদ্বৈগ বিষাদ মতি, উৎসুক্য ত্রাস ধৃতি স্মৃতি,  
 নানাভাবে হইল মিলন ॥

ভাবশাবল্যে রাধার উক্তি, লীলাশুকে হৈল স্মৃতি,  
সেই ভাবে পড়ে এক শ্লোক ।

উন্মাদের সামর্থ্যে, সেই শ্লোকের করে অর্থে,  
সে অর্থ না জানে সব লোক ॥

“কিমিহ কৃণুমঃ কণ্ঠ ক্রমঃ কৃতং কৃতমাশয়া  
কথয়ত কথামন্তাং ধৃতামহো হৃদয়েশয়ঃ ।

মধুরমধুরশ্বেরাকারে মনোনয়নোৎসবে

রূপণরূপণা কৃষ্ণে তৃষ্ণা চিরং বত লম্বতে ॥” কৃষ্ণকর্ণামৃতে । ৩২

“এই কৃষ্ণের বিরহে, উদ্বেগে মন স্থির নহে,  
প্রাপ্ত্যুপায় চিন্তন না যায় ।

যে বা তুমি সখীগণ, বিষাদে বাউল মন,  
কারে পুছে কে কহে উপায় ॥

হা হা সখি, কি করি উপায় ।

কাঁহা করে কাঁহা যাও, কাঁহা গেলে কৃষ্ণপাও,  
কৃষ্ণ বিনা প্রাণ মোর যায় ॥

ক্ৰণে মন স্থির হয়, তবে মনে বিচারয়,  
বলিতে হৈল নতিভাবোদগম ।

পিঙ্গলার বচন স্মৃতি, করাইল ভাবমতি,  
তাতে করে অর্থ নির্ধারণ ॥

দেখি এই উপায়ে, কৃষ্ণ-আশা ছাড়ি দিয়ে  
“ আশা ছাড়িলে সুখী হবে মন ।

ছাড় কৃষ্ণকথা অধন্য, কহ অন্ত কথা ধন্য,  
যাতে কৃষ্ণের হয় বিস্মরণ ॥

কহিতেই হৈল স্মৃতি, চিন্তে হৈল কৃষ্ণস্মৃতি  
সখীকে কহে হইয়া বিস্মিতে ।

চাহি বারে ছাড়াইতে, সেই শূণ্ডা আছে চিতে,  
কোন রীতে না পারি ছারিতে ॥

রাধাভাবের স্বভাব আন, কৃষ্ণে করায় কামজ্ঞান,  
কামজ্ঞানে ত্রাস হৈল চিতে ।

কহে, যে জগৎ মারে, সে পশিল অন্তরে,  
এই বৈরী না দেয় পাসরিতে ॥

ঔৎসুক্যের প্রাধাত্তে, জিতি অল্প ভাবসৈন্তে,  
উদয় কৈল নিজ রাজ্য মনে ।

মনে হৈল লালসু, না হয় আপন বশ,  
হুঃখ মনে করেন ভৎসনে ॥

মধুর হাশুবদন, মনোনেত্ররসায়ন,  
মন মোর বাম দীন, জল বিনা যেন মীন,  
কৃষ্ণ বিনা ক্রমে মরি যায় ।  
কৃষ্ণে তৃষ্ণা দ্বিগুণ বাড়ায় ॥

হা হা কৃষ্ণ প্রাণধন, হা হা পদ্মলোচন,  
হা হা দিব্যসদৃশসাগর ॥

হা হা শ্যামসুন্দর, হা হা পীতাম্বরধর,  
হা হা রাসবিলাসনাগর ॥

কাঁহা গেলে তোমা পাণ্ড, তুমি কহ তাঁহা মাণ্ড,  
এত কহি চলিল ধাইয়া ।

স্বরূপ উঠি কোলে করি, প্রভুরে আনিল ধরি,  
নিজস্থানে বসাইল লঞা ॥

ক্রমে প্রভুর বাহু হইল, স্বরূপে আঁজা দিল,  
স্বরূপ কিছু কর মধুর গান ।

স্বরূপ গায় বিদ্যাপতি, শ্রীগীতগোবিন্দগীতি,  
শুনি প্রভুর জুড়াইল কাণ ॥

শরৎকালের জ্যোৎস্নাময়ী রজনীতে প্রভু প্রায়ই স্বরূপাদি ভক্তগণের সহিত উদ্যানে উদ্যানে ভ্রমণ ও প্রেমাবেশে নর্তন কীর্তন করিতেন। একদিন স্বরূপাদি ভক্তগণ প্রভুর সন্নিকটে ছিলেন না, কিছু দূরে অবস্থিতি করিতেছিলেন। প্রভু একটি যুইফুলের বাগানের যেখানে ছিলেন, সেই স্থান হইতেই সমুদ্র দর্শন করিলেন। চন্দ্রকিরণে সমুদ্রজল সাগরের লীলবর্ণ জল দেখিয়া প্রভুর যমুনা বলিয়া বোধ হইল। তৎক্ষণাৎ নৌড়িয়া গিয়া সমুদ্রের জলে ঝাঁপ দিলেন। ঝাঁপ দিয়াই সংজ্ঞাহীন হইলেন। সমুদ্রের তরঙ্গ প্রভুর সেই সংজ্ঞাহীন দেহঘটিকে কখন নিমগ্ন ও কখন নিমগ্ন করিতে লাগিল। এদিকে স্বরূপাদি ভক্তগণ প্রভুকে নির্দিষ্টস্থানে না পাইয়া ইতস্ততঃ অন্বেষণ করিতে লাগিলেন। তাঁহারা ক্রমশঃ অনেকানেক উদ্যান, গুপ্তিগামন্দির ও চটক পর্বত প্রভৃতি স্থানদকল অন্বেষণ করিয়া শেষে সমুদ্রতীরে গমন করিলেন। সমুদ্রতীরেও প্রভুকে না পাইয়া প্রভু

অন্তর্ধান করিয়াছেন ইহাই মনে করিলেন। তাঁহারা প্রভুর বিরহে কাতর হইয়া নানাবিধ অনিষ্টাশঙ্কা করিতেছেন এমন সময়ে দেখিলেন, এক ধীবর জাল ফেঁদে করিয়া নাচিতে নাচিতে গাইতে গাইতে তাঁহাদের অভিমুখে আসিতেছে। ধীবরের অলৌকিক চেষ্টাসকল দেখিয়া স্বরূপ গোসাঁই বলিলেন, “ধীবর, তুমি তোমার পথে কোন মনুষ্যকে দেখিয়াছ কি?” ধীবর উত্তর করিল, “না, মানুষ দেখি নাই। আমি সমুদ্রে জাল ফেলিতেছিলাম, অকস্মাৎ একটা মৃত মানব আমার জালে পড়িল। আমি উহাকে মৎস্য অনুমান করিয়া জাল উঠাইলাম। জাল উঠাইয়া দেখিলাম, মৎস্য নয়, মৃতদেহ। তখন জাল হইতে মৃতদেহটি খসাইতে লাগিলাম। মৃতস্পর্শে আমার শরীরে ভূত প্রবেশ করিল। তদবধি শরীর মুহুমূহু কাঁপিতেছে, চক্ষু দিয়া জল পড়িতেছে, সর্বশরীর রোমাঞ্চিত হইতেছে। আমরা রাত্রিতেই মৎস্য ধরিয়া বেড়াই। নৃসিংহ-স্বরূপে আমরাদিগের ভূতপ্রেতের ভয় থাকে না। কিন্তু এই ভূ-টা নৃসিংহ-স্বরূপে আরও অধিক বল করিতেছে, তাই আমি ওঝার নিকট যাইতেছি। তোমরা এদিকে যাইও না, আমি মৃতদেহটা ঐ দিকেই ত্যাগ করিয়া আসিয়াছি।” স্বরূপ গোসাঁই ধীবরের কথা শুনিয়া সমস্ত বুঝিলেন, এবং ধীবরকে বলিলেন, “ধীবর, তোমাদের আর ওঝার নিকট যাইতে হইবে না, আমিই তোমার আরোগ্য বিধান করিতেছি।” এই কথা বলিয়া তিনি মন্ত্রপাঠ সহকারে ধীবরকে তিনটি চড় মারিয়া নির্ভয় করিলেন। একে প্রভুর স্পর্শে প্রেমাবেশ হইয়াছে, তাহার উপর ভূতের ভয়, সুতরাং ধীবর অতিশয় বিহ্বল হইয়াছিল, স্বরূপ গোসাঁইর কৌশলে ধীবর প্রকৃতিস্থ হইল। ধীবরকে প্রকৃতিস্থ দেখিয়া স্বরূপ গোসাঁই বলিলেন, “ধীবর, তুমি যাহাকে ভূত মনে করিতেছ, তিনি ভূত নহেন, মহাপ্রভু। তাঁহাকে কোথায় রাখিয়া আসিলে, আমরাদিগকে দেখাও।” ধীবর বলিল, “গোসাঁই, তিনি মহাপ্রভু নহেন, ভূতই; মহাপ্রভুকে আমি কতবারই দর্শন করিয়াছি; মহাপ্রভুর দেহ কি পাঁচ ছয় হাত?” স্বরূপ গোসাঁই শুনিয়া বলিলেন, “মহাপ্রভু প্রেমের বিকারে, কখন কখন পাঁচ ছয় হাত হইয়া থাকেন।” তখন ধীবর আশ্বস্ত হইয়া তাঁহাদেরগকে সঙ্গে করিয়া মহাপ্রভুর নিকট লইয়া গেল। তাঁহারা যাইয়া দেখিলেন, মহাপ্রভু মৃতপ্রায় পড়িয়া আছেন। শরীর জলে শাদা ও বালুকাময় হইয়াছে। তাঁহারা মহাপ্রভুকে আর্জ কোপীন ত্যাগ করাইয়া শুক বসন পরিধান করাইলেন। পরে অঙ্গের বালুকা দূর করিয়া বহির্বাসের উপর শয়ন করাইয়া উচ্চঃস্বরে নামকীর্তন করিতে লাগিলেন। নাম শুনিতে শুনিতে

ভাঁহার "চৈতন্য হইল, অস্তর্দশার অশগমে অর্ধবহু দশা উপস্থিত হইল। তখন  
প্রভু বলিতে লাগিলেন, "আমি কালিন্দীতীরে, বাইরা" দেখিলাম শ্রীকৃষ্ণ  
গোপীগণের সহিত জলবিহার করিতেছেন। একজন সখী আমাকে ভাঁহাদিগের  
সেই জলবিহাররঙ্গ দেখাইতে লাগিলেন। ঐ জলবিহাররঙ্গ যেরূপ দেখিলাম  
তাঁহা শ্রবণ কর।"

"পটুবস্ত্র অলঙ্কারে, সমর্পিয়া সখীকরে,  
সুন্দর শুক্লবস্ত্র পরিধান।  
কৃষ্ণ লঞা কান্তাগণ, কৈল জলাবগাহন,  
জলকেলি রচিল সুঠাম ॥  
সখি হে, দেখ কৃষ্ণের জলকেলিরঙ্গ।  
কৃষ্ণ মত্ত করিবর, চঞ্চল-কর-পুঙ্কর,  
গোপীগণ-করিণীর সঙ্গে ॥  
আরম্ভিল জলকেলি, অন্তোন্তে জল ফেলাফেলি,  
ছড়াছড়ি বর্ষে জলধার।  
কভু জয় পরাজয়, নাহি কিছু নিশ্চয়,  
জলযুদ্ধ বাড়িল অপার ॥  
বর্ষে স্থির তড়িৎগণ, সিঞ্জে শ্যাম নবঘন,  
ঘন বর্ষে তড়িত উপরে।  
সখীগণের নয়ন, তৃষিত চাতকগণ,  
সে অমৃত মুখে পান করে ॥  
প্রথম যুদ্ধ জলাঞ্জলি, তবে যুদ্ধ করাকরি,  
তার পাছে যুদ্ধ মুখামুখি।  
তবে যুদ্ধ রদারদি, তবে যুদ্ধ হৃদাহৃদি,  
তবে যুদ্ধ হৈল নথানখি ॥  
সহস্রকর জল সেকে, সহস্রনেত্রে গোপী দেখে,  
সহস্রপদ নিকট গমনে।  
সহস্র মুখে চুষনে, সহস্র বপু সঙ্গমে,  
গোপীনন্দ্র শুনে সহস্র কাণে ॥  
কৃষ্ণ রাধা লয়ে বলে, গেলা কণ্ঠময় জলে,  
ছাড়ি দিল বাঁহা অগাধ পানি।

তিহো কৃষ্ণকণ্ঠ ধরি, ভাসে জলের উপরি,  
 গজোৎখাতে যৈছে কমলিনী ॥  
 যত গোপসুন্দরী, কৃষ্ণ তত রূপ ধরি,  
 সবার বস্ত্র করিল হরণ ।  
 যমুনাজল নির্মল, অঙ্গ করে বলমল,  
 মুখে কৃষ্ণ করে দরশন ॥  
 পদ্মিনীগতা সখীচয়, কৈল কারো সহায়,  
 তার হস্তে পত্র সমর্পিল ।  
 কেহ মুক্তকেশপাশ, আগে কৈল অধোবাস,  
 স্বহস্তে কেহ কাঁচুলি করিল ॥  
 কৃষ্ণের কলহ রাধাসনে, গোপীগণ সেইক্ষণে,  
 হেমাঙ্গবন গেল লুকাইতে ।  
 আকণ্ঠ বপু জলে পৈণে, মুখমাত্র জলে ভাসে,  
 পদ্মে মুখে না পারি চিনিতে ॥  
 হেথা কৃষ্ণ রাধাসনে, কৈল বে আছিল মনে,  
 গোপীগণ অশ্বেষিতে গেলা ।  
 তবে রাধা স্কন্ধমতি, জানিয়া সখীর স্থিতি,  
 সখীগণে আসিয়া মিলিলা ॥  
 যত হেমাঙ্গ জলে ভাসে, তত নীগাজু তার পাশে,  
 আসি অঙ্গি করয়ে মিলন ।  
 নীগাজু হেমাঙ্কে ঠেকে, যুদ্ধ হয় পরহেতে,  
 কৌতুক দেখে তীরে গোপীগণ ॥  
 চক্রবাক মণ্ডল, পৃথক্ পৃথক্ যুগল,  
 জল হৈতে করিল উদগম ।  
 উঠিল পদ্মমণ্ডল, পৃথক্ পৃথক্ যুগল,  
 চক্রবাকে কৈল আচ্ছাদন ॥  
 উঠিল বহু রক্তোৎপল, পৃথক্ পৃথক্ যুগল,  
 পদ্মগণে করে নিবারণ ।  
 পদ্ম চাহে লুঠি নিতে, উৎপল চাহে রাখিতে,  
 চক্রবাক লাগি হুঁহার রণ ॥

## শ্রীশ্রীগৌরসুন্দর

পদ্মোৎপল অচেতন, চক্রবাক সচেতন,  
চক্রবাকে পদ্ম আশ্বাদয় ।  
ইহা দু'চার উঁটা স্থিতি, ধর্ম হৈল বিপরীতি,  
কৃষ্ণরাজ্যে ঐছে স্থায় হয় ॥  
মিত্রের মিত্র সহবাসী, চক্রবাকে পদ্ম লুঠে আসি,  
কৃষ্ণরাজ্যে ঐছে ব্যবহার ।  
অপরিচিত শত্রু মিত্র, রাখে উৎপল এ বড় চিত্র,  
এ বড় বিরোধ অলঙ্কার ॥  
অতিশয়োক্তি বিরোধাতাস, দুই অলঙ্কার প্রকাশ,  
করি কৃষ্ণ প্রকট দেখাইল ।  
যাহা করি আশ্বাদন, আনন্দিত মোর মন,  
নেত্র কর্ণধূগ জুড়াইল ॥  
ঐছে চিত্র ক্রীড়া করি, তীরে আইলা শ্রীহরি,  
সঙ্গে লঞা সব কাস্তাগণ ।  
গন্ধভৈল মর্দন, আগলকী উদ্বর্তন,  
সেবা করে তীরে সখীজন ॥  
পুনরপি কৈল মন, শুকবস্ত্র পরিধান,  
রত্নমন্দিরে কৈল আগমন ।  
বৃন্দাকৃত সস্তার, গন্ধ পুষ্প অলঙ্কার,  
বস্ত্রবেশ করিল-রচন ॥  
বৃন্দাবনে তরুণতা, অদ্ভুত তাহার কথা,  
বার মাস ধরে ফুল ফল ।  
বৃন্দাবনে দেবীগণ, কুঞ্জদাসী যত জন,  
ফল পাড়ি আনিল সকল ॥  
উত্তম সংস্কার করি, বড় বড় ধানি ভরি,  
রত্নমন্দির পিণ্ডার উপরে ।  
ভক্ণের ক্রম করি, ধরিয়াছে সারি সারি,  
আগে আসন বসিবার তরে ॥  
এক নারিকেল নানাভাতি, এক আম্র নানাভাতি  
কলা কোলি বিবিধ প্রকার ।

পনস খর্জুর কমলা,                      নারঙ্গ জাম সন্তারা,  
দ্রাক্ষা বাদাম মেওয়া ষত আর ॥

খন্ডুম্বজ ক্ষীরনী তাল,                      কেশর পানিফল যুগাল,  
বিষ্ণু পীলু দাড়িম্বাদি ষত ।

কোনো দেশে কারো খ্যাতি,                      বৃন্দাবনে সব প্রাপ্তি,  
সহস্র ভাতি লেখা যায় কত ॥

গন্ধাজল অমৃতকেলি,                      পীযুষগ্রন্থি কর্পূরফেলি,  
সরপুপী অমৃত পদ্মচিনি ।

খণ্ড ক্ষীরসার বৃক্ষ,                      ঘরে করি নানা ভক্ষ্য,  
রাধা যাহা কৃষ্ণ লাগি আনি ॥

ভক্ষ্য পরিপাটি দেখি,                      কৃষ্ণ হৈলা মহাসুখী,  
বসি কৈল বহুভোজন ।

সঙ্গে লঞা সখীগণ,                      রাধা কৈল ভোজন,  
হুঁহে কৈল মন্দিরে শয়ন ॥

কেহ করে ব্যজন,                      কেহ পাদসম্বাহন,  
কেহ করায় তাঙ্গুল ভক্ষণ ।

রাধাকৃষ্ণ নিদ্রা গেলা,                      সখীগণ শয়ন কৈলা,  
দেখি আমার সুখী হৈল যন ॥

তুমি সব ইহা লঞা আইলা ।

কাঁহা যমুনা বৃন্দাবন,                      কাঁহা কৃষ্ণ গোপীগণ,  
সেই সুখ ভঙ্গ করাইলা ॥”

বলিতে বলিতে প্রভুর সম্পূর্ণ বাহু হইল । প্রভু স্বরূপ গোসাঁইকে দেখিয়া সমুদ্রতীরে আগমনের কারণ জিজ্ঞাসা করিলেন । স্বরূপ গোসাঁই আত্মপূর্বিক সমস্ত ঘটনাই নিবেদন করিলেন । পরে প্রভুকে স্নান করাইয়া বাসায় লইয়া গেলেন ।

রথযাত্রার পর প্রভু গোঁড়ের ভক্তগণের সহিত জগদানন্দকে নদীয়ার জননীর নিকট প্রেরণ করিয়াছিলেন । জগদানন্দ শচীমাতার সমাচার লইয়া পুনর্বার নীলাচলে আগমন করিলেন । আদিবার সময় অষ্টৈতাচার্য্য প্রভুকে নিবেদন করিবার নিমিত্ত জগদানন্দকে একটি প্রহেলিকা বলিয়াছিলেন । জগদানন্দ আসিয়া ঐ প্রহেলিকাটি প্রভুর নিকট যথাবৎ বলিলেন । প্রহেলিকাটি এই ;—



“বাউলকে কহিও লোক হইল বাউল ।  
 বাউলকে কহিও হাট্টোনা বিকার চাউল ॥  
 বাউলকে কহিও কামে নাহিক আউল ।  
 বাউলকে কহিও ইহা করিয়াছে বাউল ॥”

প্রহেলিকা শুনিয়া প্রভু ঈষৎ হাস্য করিলেন । ভক্তগণের মধ্যে কেহ কিছুই বুঝিতে পারিলেন না । স্বরূপ গোসাঁই প্রভুকে প্রহেলিকার অর্থ জিজ্ঞাসা করিলেন । প্রভু বলিলেন, “আচার্য্য আগমশাস্ত্রোক্ত পূজার বিধি ভালরূপ জানেন । তিনি পূজার্থ দেবতার আবাহন করিয়া, পূজা সমাধা হইলে, পুনর্বার দেবতাকে বিসর্জন করিয়া থাকেন । তাঁহার প্রহেলিকার গূঢ় অর্থ আমিও বুঝিলাম না ।” ভক্তগণ বিস্মিত হইলেন । স্বরূপ গোসাঁই বুঝিয়া বিমনা হইলেন । প্রভুর দিব্যোন্মাদ দিন দিনই বৃদ্ধি পাইতে লাগিল । একরাত্রি প্রভু স্বরূপ ও রামানন্দের সহিত কৃষ্ণলীলারস আশ্বাদন করিতে করিতে ভাবাবিষ্ট হইয়া এইপ্রকার প্রলাপ করিতে লাগিলেন,—

“ক নন্দকুলচন্দ্রমাঃ ক শিখিচন্দ্রকালকৃতিঃ  
 ক মঙ্গুরলীরবঃ ক নু সুরেন্দ্রনীলছাতিঃ ।  
 ক রাসরসতাণ্ডবী ক সখি জীবরক্ষৌষধি-  
 নিধি র্মম সুহৃৎসমঃ ক বত হস্ত হা ধিগ্-বিধি ॥” ললিতমাধবে ৩২৫

“ব্রজেন্দ্রকুলদুগ্ধসিদ্ধ, কৃষ্ণ তাহে পূর্ণ ইন্দু,  
 জন্মি কৈল জগৎ উজোর ।

যার কাঙ্ক্ষামৃত প্রিয়ে, নিরস্তর পিয়া জীয়ে,  
 ব্রজজনের নয়নচকোর ॥

সখি হে, কোথা কৃষ্ণ করাও দর্শন ।

কণেক যাহার মুখ, না দেখিলে ফাটে বুক,  
 শীত্র দেখাও না রহে জীবন ॥

এই ব্রজের রমণী, কামার্কতপ্ত কুমুদিনী,  
 নিজ করামৃত দিয়া দান ।

প্রফুল্লিত করে যেই, কাঁহা মোর চন্দ্রে সেই,  
 দেখাও সখি, রাখ মোর প্রাণ ॥

কাঁহা সে চূড়ার ঠাম, কাঁহা শিখিপুচ্ছের উড়ান,  
 নবমেঘে যেন ইন্দ্রধনু ।

পীতাম্বর তড়িদ্ভ্রুতি, মুক্তামালা বকপাঁতি,  
নবাসুদ ঙ্গিনি শ্রামতনু ॥

একবার যার নয়নে লাগে, সদা তার হৃদয়ে জাগে,  
কৃষ্ণতনু বেন আব্রআঠা ।

নারীর মনে পশি যায়, যত্নে নাহি বাহিরায়,  
তনু নহে সেয়াকুলের কাঁটা ॥

জিনিয়া তমালছাতি, ইন্দ্রনীলসমকাস্তি,  
সেই কাস্তি জগৎ মাতায় ।

শৃঙ্গাররসসার ছানি, তাতে চন্দ্রজ্যোৎস্না আনি,  
• জানি বিধি নিরমিল তায় ॥

কাঁহা সে মুরলীধ্বনি, • নবাত্রগর্জিত জিনি,  
জগদাকর্ষে শ্রবণে যাহার ।

উঠি ধায় ব্রজজন, তৃষিত চাতকগণ,  
আসি পিয়ে কাস্ত্যমৃতধার ॥

মোর সেই কলানিধি, প্রাণরক্ষা-নহৌষধি,  
সখি মোর তেঁহো সুহৃৎসম ।

দেহ জীয়ে তাঁহা বিনে, দিক্ এ ভীবনে,  
• বিধি করে এত বিড়ম্বন ॥

যে জন জীতে নাহি চায়, তারে কেনে জীয়ায়,  
• বিধি প্রতি উঠে ক্রোধ শোক ।

বিধিরে করে ভৎসন, কৃষ্ণে দেয় ওলাহন,  
পড়ি এক ভাগবতের শ্লোক ॥”

“অহো বিধাতস্তব ন কচ্চিদ্রম্যা সংযোজ্য মৈত্র্যা প্রণয়ন দেহিনঃ ।

তাংশাকৃতার্থান্ বিঘ্নজ্জ্যপার্থকং বিচেষ্টিতং তেহর্ভকচেষ্টিতং যথা ॥”

ভা ১০।৩২।১২

“না জানিস্ প্রেমমর্শ্ব, • বৃথা করিস্ পরিশ্রম,  
তোর চেষ্টা বালক সমান ।

তোর যদি লাগি পাইয়ে, তবে তোরে শিক্ষা দিয়ে,  
আর হেন না করিস্ বিধান ॥

আরে বিধি, তো বড় নিষ্ঠুর ।



এইপ্রকারে অর্দ্ধরাত্রি অতিবাহিত হইল। রামানন্দ প্রভুকে শয়ন করাইয়া গৃহে গমন করিলেন। স্বরূপ গোসাঁই গম্ভীরার দ্বারেই শুইয়া রহিলেন। কিয়ৎক্ষণ পরে গৃহের মধ্যে গৌঁ গৌঁ শব্দ হইতে লাগিল। স্বরূপ গোসাঁই গোবিন্দকে দ্বীপ জ্বালিতে বলিলেন। দ্বীপ জ্বালা হইলে, স্বরূপ, গোসাঁই গৃহের ভিতর যাইয়া দেখিলেন, প্রভুর মুখে কয়েক স্থানে ক্ষত হইয়াছে, রক্ত নির্গত হইতেছে, প্রভু মাটিতে পড়িয়া গৌঁ গৌঁ শব্দ করিতেছেন। তখন তাঁহারা দুইজনে মিলিয়া প্রভুকে পুনশ্চ শয্যা শয়ন করাইয়া কিঞ্চিৎ সুস্থ করিলেন। প্রভু সুস্থ হইলে, স্বরূপ গোসাঁই বলিলেন, “প্রভুর মুখে ক্ষত হইল কেন?” প্রভু বলিলেন, “নামকীর্তন করিতে করিতে আমার মন কেমন আকুল হইয়া উঠিল, বাহিরে যাইতে ইচ্ছা করিলাম, দ্বার অনুসন্ধান করিয়া পাইলাম না, তার পর কি হইয়াছে জানি না।” পরদিবস হইতে শঙ্কর পণ্ডিতকে প্রভুর পদতলে শয়ন করাইবার ব্যবস্থা করা হইল। শঙ্কর পণ্ডিত প্রভুর চরণ নিজী বক্ষঃস্থলে ধরিয়া রাখেন। প্রভু আর অজ্ঞাতসারে, শয্যাত্যাগ করিতে বা উঠিয়া বাহিরে যাইতে পারেন না। এইভাবেই কয়েকদিন কাটিয়া গেল।

বৈশাখী পূর্ণিমার রাত্রিতে প্রভু ভক্তগণসমভিব্যাহারে জগন্নাথবল্লভ নামক উদ্যানের মধ্যে প্রবেশ করিলেন। উদ্যানের প্রফুল্লিত তরুণতাসকল দেখিয়া এবং বিহঙ্গমগণের আলাপ শ্রবণ করিয়া প্রভুর ভাবাবেশ হইল। তিনি আবিষ্ট অবস্থাতেই স্বরূপ গোসাঁইকে গান করিতে বলিলেন। স্বরূপ গোসাঁই গাইতে লাগিলেন,—

“ক্লান্তলবঙ্গলতাপরিশীলনকোমলমলয়সমীরে । •

মধুকরনিকরকরদ্বিতকোকিলকৃজিতকুঞ্জকুটীরে ॥

বিহরতি হরিরিহ সবসবসন্তে ।

নৃত্যতি যুবতিজনেন সমং সখি বিরহিজনশ্চ ছরন্তে ॥”

শ্রীগীতগোবিন্দ ।

প্রভু গীত শুনিয়া আনন্দে নৃত্য করিতে করিতে সম্মুখে শ্রীকৃষ্ণকে দেখিয়া তদভিমুখে ধাবিত হইলেন। শ্রীকৃষ্ণ ঈষৎ হাসিয়া অন্তর্ধান করিলেন। শ্রীকৃষ্ণের অঙ্গগন্ধে উদ্যান ভরিয়া গেল। প্রভু মুচ্ছিত হইলেন। কিয়ৎক্ষণ পরে অর্দ্ধবাহ লাভ করিয়া প্রলাপ করিতে আরম্ভ করিলেন।

“কুরঙ্গমদজিদ্‌বপুঃ পরিমলোন্মিকৃষ্টাঙ্গকঃ

স্বকান্দনলিনাষ্টকে শশিযুতাজগন্ধপ্রথঃ ।

মদেন্দুবরচন্দনা গুরুহৃগন্ধিচর্চাচিঁতঃ

স মে মদনমোহনঃ সখি তনোতি নাসাম্পৃহান্ ॥”

শ্রীগোবিন্দলীলামৃত । ৮৬

“কস্তুরিকা-নীলোৎপল, তার যেই পরিমল,  
তাহা জিনি কৃষ্ণ-অঙ্গ-গন্ধ ।

ব্যাপে চৌদ্দ ভুবনে, করে সর্ব আকর্ষণে,  
নারীগণের আঁখি করে অন্ধ ॥

সখি হে, কৃষ্ণগন্ধ জগৎ মাতায় ।

নারীর নাসাতে পৈশে, সর্বকাল তাঁহা বৈসে,  
কৃষ্ণপাপ ধরি লঞ লইয়া যায় ॥

নেত্র নাভি বদন, করযুগ চরণ,  
এই অষ্ট পদ্য কৃষ্ণ-অঙ্গে ।

কর্পূরলিপ্ত কমল, তার যেই পরিমল,  
সেই গন্ধ অষ্ট পদ্য সঙ্গে ॥

হেমকলিত চন্দন, তাহা করি ঘর্ষণ,  
তাহে অগুরু কুসুম কস্তুরী ।

কর্পূর সঙ্গে চর্চা অঙ্গে, পূর্ব অঙ্গ গন্ধ সঙ্গে,  
মিলি যেন করে ডাকা চুরি ॥

হরে নারীর তনু মন, নাসা করে ঘূর্ণন,  
ধসায় নীবী ছুটার কেশবন্ধ ।

করিয়া আগে বাউরী, নাচার জগৎ-নারী,  
হেন ডাকাতি কৃষ্ণ-অঙ্গ-গন্ধ ॥

সে গন্ধের বশ নাসা, সদা করে গন্ধের আশা,  
কভু পায় কভু নাহি পায় ।

পাণ্ডা পিয়ে পেট ভরে, তবু পিণ্ডো পিণ্ডো করে,  
না পাইলে তৃষ্ণায় মরি যায় ॥

মদনমোহনের নাট, পসারি গন্ধের হাট,  
জগন্নারী গ্রাহক লোভায় ।

বিনা মূল্যে দেয় গন্ধ, গন্ধ দিয়া করে অন্ধ,  
ঘর যাইতে পথ নাহি পায় ॥

এইগত গোর হরি,                      মন কৈল গন্ধে চুরি,

• ভৃঙ্গপ্রায় ইতি উতি ধায় ।

যায় লতা-বৃক্ষ-পাশে,                      কৃষ্ণ ফুরে সেই আশে,

• কৃষ্ণ না পায় গন্ধ মাত্র পায় ॥”

বাহু পাইয়া আঁবার স্বরূপ গোসাঁইকে গান করিতে বলিলেন । স্বরূপ গোসাঁই গাইতে লাগিলেন,—

রতিসুখসারে গতমভিসারে মদনমনোহরবেশম্ ।

ন কুরু নিতম্বিনি গমনবিলম্বনমনুসর তং হৃদয়েশম্ ।

ধীরসমীরে যমুনাতীরে বসতি বনে বনমালী ।

পীনপয়োধর-পরিসরমর্দনচঞ্চলকরযুগশালী ॥

নামসমেতং কৃতসঙ্কেতং বাদয়তে মূহু বেণুম্ ।

বহু মনুতে নহু তে তনুসঙ্গতপধনচলিতমপি রেণুম্ ॥

পততি পতত্রে বিচলতি পত্রে শঙ্কিতভবহুপযানম্ ।

রচয়তি শয়নং সচকিতনয়নং পশুতি তব পস্থানম্ ॥

মুখরমধীরং ত্যজ মঞ্জীরং রিপুমিব কেলিষু লোলম্ ।

চল সখি কুঞ্জং স্তুতিমিরপুঞ্জং শীলয় নিলনিচোলম্ ॥

• উরসি মুরারেকপহিতহারে ঘন ইব তরলবলাকে ।

তড়িদিব পীতে রতিবিপরীতে রাজসি স্কৃতবিপাকে ॥

বিগলিতবসনং পরিহৃতরসনং ঘটয়ঞ্জঘনমপিধানম্ ।

• কিসলয়শয়নে পঙ্কজনয়নে নিধিমিব হৃষনিধানম্ ॥

হরিরভিমানী রজনিকরদানিমীয়মপি যাতি বিরামম্ ।

কুরু মম বচনং সত্বররচনং পুরয় মধুরিপুকামম্ ॥

শ্রীজয়দেবে কৃতহরিসেবে ভগতি পরমরমণীয়ম্ ।

• প্রমুদিতহৃদয়ং হরিমতিসদয়ং নমত স্কৃতকমনীয়ম্ ॥” গীত গো । ৫।৮-১৫

ক্রমে প্রাতঃকাল হইল । ভক্তগণ প্রভুকে লইয়া বাসায় গেলেন ।

### মহাপ্রভুর শিক্ষাষ্টক \*

একদিন প্রভু বলিলেন, “স্বরূপ\* ও রাম রায় শ্রবণ কর ; কলিতে নাম-সঙ্কীৰ্তনই পরম উপায় । কলিকালে যিনি সঙ্কীৰ্তনপ্রধান বক্তা দ্বারা শ্রীকৃষ্ণের

\* “ধরাপুং কৰ্ম্মনিষ্ঠৈর্নচ সমধিগতং যত্তপোধ্যানযোগৈ  
বৈরাটৈগ্যন্ত্যাগতশ্চ স্তুতিভিরপি ন যৎ তর্কিতঞ্চাপি কৈশ্চিৎ ।

আরাধনা করেন, তিনিই সুমেধা এবং তিনিই শ্রীকৃষ্ণের চরণ লাভ করিয়া থাকেন।

“কৃষ্ণবর্ণং ত্রিরাষ্ণং সাজোপাস্ত্রপার্বদম্।

যজ্ঞৈঃ সঙ্কীৰ্ত্তনপ্রায়ৈ র্বজন্তি হি সুমেধসঃ ॥” ভা। ১১।৫।৫২

শ্রীগোবিন্দপ্রেমভাজামপি ন চ কলিতং যদ্রহস্যং স্বয়ং তৎ

নামৈব প্রাতুর্নাসীদবতরতি পরে যত্র তং নৌমি গৌরম্ ॥ চৈতন্যচন্দ্রামৃতে

‘কর্মানিষ্ঠ যোগিগণ তপশ্চা, ধ্যানযোগ, বৈরাগ্য, সন্ন্যাস বা স্তবাবলীদ্বারাও যাহা লাভ করিতে বা সম্যক্ অবগত হইতে সমর্থ হন নাই, মহামতি জ্ঞানবাদিগণও যাহা তর্কের গোচর করিতে যোগ্য হন নাই, অধিক কি যাহার আবির্ভাবের পূর্বে শ্রীগোবিন্দপ্রেমভাজন বৈষ্ণবাচার্য্যগণও যে রহস্য প্রকাশ করেন নাই, কিন্তু যে পরমপুরুষ ব্রহ্মাণ্ড মধ্যে অবতীর্ণ হইলে শ্রীভগবান্নামদ্বারা সেই রহস্য (ভগবৎপ্রেম) স্বয়ং প্রাতুর্ভূত হইয়াছিল সেই পরমপুরুষ শ্রীগৌরাজ দেবকে আমি নমস্কার করি।

কলিযুগপাবনাবতার স্বয়ং-ভগবান শ্রীকৃষ্ণচৈতন্য মহাপ্রভু স্বীয় প্রকটাখ্য নিত্যলীলার অপ্রকটের কিয়দ্বিবসপূর্বে জগন্মঙ্গলার্থ যে আটটি শ্লোক উপদেশ করিয়াছিলেন, বৈষ্ণব সম্প্রদায়ের সাধুগণ তাহাকেই শিক্ষাষ্টক বলিয়া থাকেন। “চেতোদর্পণমার্জ্জনং” ইত্যাদি শ্লোকটি তাহারই আদিম। শ্রীকৃষ্ণনামসঙ্কীৰ্ত্তন যে সর্বদুঃখনিবৃত্তিপূর্বক পরম-সুখ-স্বরূপ কৃষ্ণপ্রেমের আবির্ভাবক ক্রমসোপান-ক্রমে তাহাই এই শ্লোকে উপদিষ্ট হইয়াছে। শ্রীভগবানের নাম, রূপ ও লীলার উচ্চৈশ্বরে কখনকে কীৰ্ত্তন বলে। “নামলীলাগুণাদিনামুচ্চৈর্ভাষা তু কীৰ্ত্তনম্।” (ভক্তির পূঃ)। উক্ত কীৰ্ত্তন বহুজনকর্তৃক এককালে গীত হইলে সঙ্কীৰ্ত্তন নামে কথিত হয়। শ্রীকৃষ্ণনাম শ্রীকৃষ্ণ হইতে অভিন্ন, নিত্য-শুদ্ধ-সুখ-স্বরূপ। শাস্ত্রেও এইরূপ উল্লেখ আছে—“নামচিন্তামণিঃ কৃষ্ণশ্চৈতন্যরসবিগ্রহঃ। পূর্ণঃ শুদ্ধো নিত্যমুক্তোহভিন্নত্বায়ামনামিনোঃ। (ভক্তিরসামৃতধৃত পাণ্ডে)। নাম নিখিল পুরুষার্থের হেতু বলিয়া চিন্তামণি ও চৈতন্য-রস-রূপ সাক্ষাৎ শ্রীকৃষ্ণ। নাম ও নামী অভিন্ন এই কথা বলায় পরমেশ্বরের শ্রীকৃষ্ণরামাদিরূপে প্রপঞ্চে অবতারের গায় শ্রীকৃষ্ণাদিনামরূপে সাধকের ইচ্ছিয়াদিতে অবতারও শাস্ত্রসম্মত। শ্রীকৃষ্ণাদি-নাম যে স্বরূপাভিন্ন তাহা শ্রুতিতে উক্ত হইয়াছে যথা—ওঁ আশ্র জানন্তো নাম চিদ্বিবক্তন্থ মহন্তে বিষ্ণো স্মতিং ভজাগহে অর্থাৎ হে বিষ্ণো তোমার নাম চিৎস্বরূপ অতএব স্বপ্রকাশ; সুতরাং তোমার নামমাহাত্ম্য সম্যগ্ রূপে অবগত না হইয়াও যাহারা এই নাম পুনঃ পুনঃ উচ্চারণ করেন তাঁহারাও নামের কৃপায় ক্রমশঃ ভাব-লক্ষণা বা প্রেম-লক্ষণা সচ্চিদানন্দময়ী ভক্তিলভ করেন।

শব্দের সঙ্কেত দ্বিবিধ—একটি অজ্ঞানিক বা নিত্য ও অপরটি আধুনিক। পরমেশ্বর বেদাদিশব্দাকারে অভিধেয় বস্তুর সহিত যে বাচ্য-বাচক-রূপ সঙ্কেত

“নাম-সঙ্কীৰ্তনে হয় সৰ্বানর্থ-নাশ ।

সৰ্ব-শুভোদয় কৃষ্ণে প্রেমের উল্লাস ॥”

তথাহি পদ্মাবল্যাম্—

“চেতোদৰ্পণমার্জনং ভবমহাদাবাগ্নিনিৰ্বাপণং

শ্রেয়ঃকৈরবচন্দ্রিকাবিতরণং বিজ্ঞাবধুজীবনম্ ।

আনন্দাসুধিবর্জনং প্রীতিপদং পূর্ণামৃতাস্বাদনং

সৰ্বাত্মনপনং পরং বিজয়তে শ্রীকৃষ্ণসঙ্কীৰ্তনম্ ॥” পদ্মাবল্যাম্ ৫২

নিৰ্বাচন করিয়াছেন ঐ সঙ্কেতকে নিত্য সঙ্কেত বলে । বিভিন্নদেশীয় মনুষ্যগণ স্বীয় দেশকালোচিত ব্যবহারোপযোগী বস্তুর বাচকরূপে যে সঙ্কেত আবিষ্কার করিয়াছেন তাঁহার নাম আধুনিক সঙ্কেত । মহামতি জগদীশকৃত শব্দশক্তিপ্রকাশিকাগ্রন্থেও দ্বিবিধ সঙ্কেত স্বীকৃত হইয়াছে যথা—“আজানিকশ্চাধুনিকঃ সঙ্কেতো দ্বিবিধো মতঃ । নিত্য আজানিকস্তত্র যা শক্তিরিতি গীয়তে” ॥ কাদাচিৎকস্বাধুনিকঃ ইত্যাদি । পূৰ্বোক্ত নিত্য-সঙ্কেত প্রাকৃত ও অপ্রাকৃত ভেদে দ্বিবিধ । তন্মধ্যে মায়িক-বস্তুর বাচকরূপে সৃষ্টিকাল হইতে মহাপ্রলয় ও মহাপ্রলয়াবসানে পুনরায় সৃষ্টাদিক্রমে পূৰ্বকল্পানুযায়ী মায়িক বস্তুর বাচক সঙ্কেতকে প্রাকৃত-নিত্য-সঙ্কেত বলে । যথা—আকাশ, বায়ু, অগ্নি প্রভৃতি শব্দসঙ্কেত । এবং যে শব্দসঙ্কেত বাচ্য চিন্ময়বস্তু হইতে অভিন্ন হইয়া চিন্ময়বস্তুর বাচক হয় তাহাকে অপ্রাকৃত-নিত্য-সঙ্কেত বলে । যথা—ভগবন্নাম বা মন্ত্রাদিরূপ সঙ্কেত । সুতরাং শ্রীরামকৃষ্ণাদি-বাচক শব্দের সহিত সৰ্বশক্তিসমন্বিত পরতত্ত্বরূপ বাচ্য ভগবানের যে অভেদ সম্বন্ধ সেই অভেদ সম্বন্ধে শ্রীকৃষ্ণ-নাম ও স্বয়ং-শ্রীকৃষ্ণ যে অভিন্ন তাহা শ্রুতি, স্মৃতি ও সদাচার-সঙ্গত । এই নিমিত্তই শ্রুতিতে—“নাম চিদ্বিবক্তন্থ মহঃ” ইত্যাদি ও স্মৃতিতে “অভিন্নত্বান্নামনামিনোঃ” এইরূপ উপদেশ করিয়াছেন । এবং এই নিমিত্তই শাস্ত্রে ‘ষস্য দেবে চ মন্ত্রে চ’ ইত্যাদিরূপে ও শ্রীমদ্রূপগোষামিপ্রভৃতি সাধুগণ “বাচ্যং বাচকমিত্যুদেতি ভবতো নাম স্বরূপত্বয়ম্” ইত্যাদিরূপে উপদেশ করিয়াছেন ও প্রভাস-খণ্ডে কৃষ্ণাদিনামকে সকল বেদফলরূপ ভগবৎ-স্বরূপাকারে প্রতিপাদন করিয়াছেন । যথা—

“মধুর-মধুরমেতন্মঙ্গলং মঙ্গলানাং

সকলনিগমবল্লীসংফলং চিৎস্বরূপম্ ।

সকদপি পরিগীতং হেলয়া শ্রদ্ধয়া বা

ভৃগুবর নরমাত্রং ত্বারয়েৎ কৃষ্ণনাম ॥

নারদপঞ্চরাত্রেও অষ্টাক্ষরমন্ত্রকে উপলক্ষণ করিয়া “ব্যক্তং হি ভগবানেব সাক্ষান্নারায়ণঃ স্বয়ম্ । অষ্টাক্ষরস্বরূপেণ মুখেষু পরিবর্ততে ॥” এইরূপ উপদেশ করিয়াছেন এবং শ্রীমদ্ভাগবতে ভগবান্ নারদঋষি “মন্ত্রমূর্ত্তিমূর্ত্তিকম্”, যোগসূত্রে “তস্মৈ বাচকঃ প্রণবঃ”, মাণ্ডুক্যোপনিষদে “প্রণবং হীশ্বরং বিজ্ঞাৎ”



যাহা মানসমুকুরের মালিন্য অপসারণ করে, যাহা সংসাররূপ দাবানলের নিবারক, যাহা পরকশ্রেয়ঃসাধনস্বরূপ কুমুদকুলের 'নক্ষকে জ্যোৎস্নাসদৃশ, যাহা

গীতাশাস্ত্রে “ওমিত্যেকাক্ষরং ব্রহ্ম” শ্রীমদ্ভাগবতে “নামোচ্চারণমাহাশ্রাং হরেঃ পশুত পুত্রকাঃ । অজামিলোহপি যেনৈব মৃত্যুপাশাদমুচ্যত ॥” ইত্যাদি উপদেশ করিয়াছেন । স্মৃতরাং শ্রীকৃষ্ণাভিন্ন কৃষ্ণনামের অচিন্ত্য-প্রভাব শ্রুতি, স্মৃতিও সদাচারানু-মোদিত । করুণাময় শ্রীকৃষ্ণচৈতন্য মহাপ্রভু যে শ্রীকৃষ্ণ-সঙ্কীৰ্ত্তন উপদেশ করিয়াছিলেন তাহা বাচ্য ভগবান শ্রীকৃষ্ণ হইতে বাচক ভগবান কৃষ্ণনামের করুণা অধিক তাহাই জানাইবার নিমিত্ত । কারণ তিনি শাস্ত্রাচার্য্যরূপে পদ্মপুরাণে বলিয়াছেন “সৰ্বাপরাধকৃদপি মুচ্যতে হরিসংশ্রয়াৎ । হরেরপ্যপরাধান্ যঃ কুৰ্ব্বাদ্ দ্বিপদ-পাংসনঃ ॥ নামাশ্রয়ঃ কদাচিত্ স্যাৎ তরত্যেব স নামতঃ । পদ্মপু স্বর্গ ৪৮ । এবং

“বাচ্যং বাচকমিত্যুদেতি ভবতো নামস্বরূপদ্বয়ম্,  
পূৰ্ব্বশ্রাৎ পরমেব হস্ত করুণং তত্রাপি জানীমহে ।  
যস্তস্মিন্ বিহিতাপরাধনিবহঃ প্রাণী সমস্তাদ্ ভবে  
দাস্ত্যে নেদমুপাস্য সোহপিহি সদানন্দান্বুধৌ মজ্জতি ॥

( শ্রীরূপপ্রণীত নামস্তোত্রে )

অর্থাৎ হে নামন্ । আপনি বাচ্য বিভূসচ্চিদানন্দ-বিগ্রহ পরমেশ্বর এবং বাচক কৃষ্ণ গোবিন্দ প্রভৃতি শব্দ এই দ্বিবিধ স্বরূপে প্রকাশ পাইতেছেন । কিন্তু আমরা ঐ বাচ্য বিভূ পরমেশ্বর-স্বরূপ হইতে বাচকস্বরূপ কৃষ্ণাদি নামকেই পরম-করুণ বলিয়া মনে করি । কারণ বাচ্য বিভূস্বরূপে কৃতাপরাধ জীব যদি মুখে বাচক নামের উচ্চারণ করে তাহা হইলে তিনি সৰ্বাপরাধ-বিমুক্ত হইয়া আনন্দ-সমুদ্রে ( ভগবৎ প্রেমানন্দে ) নিমগ্ন হন । স্মৃতি শাস্ত্রে ভগবান্ ইহাই অনুমোদন করিয়াছেন, যথা—“মম নামানি লোকেহস্মিন্ শ্রদ্ধয়া যস্ত কীৰ্ত্তয়েৎ । তস্মাপরাধকোটাষ্ট ক্রমাম্যেব ন সংশয়ঃ । এই নিমিত্ত ভক্তিসন্দর্ভে শ্রীজীবপ্রভু “যেন জন্মশতৈঃ পূৰ্ব্বং বাসুদেবঃ সমর্চিতঃ । তনুখে হরিনামানি সদা তিষ্ঠন্তি ভারত ॥”—এই শাস্ত্রাস্তরীয় বচনকে প্রমাণস্বরূপ উদ্ধৃত করিয়াছেন ।

যুগধর্ম্মরূপেও শ্রীকৃষ্ণসঙ্কীৰ্ত্তন যে অতি প্রশস্ত তাহা “হরেনাম হরেনাম হরেনামৈব কেবলম্ । কলৌ নাস্ত্যেব নাস্ত্যেব নাস্ত্যেব গতিরশ্রুত্যা ॥ (বৃহন্নারদীয়ে ৩৮।১২৩) “কলৌর্দৌষনিধে রাজয়ন্তি হে কো মহান্ গুণঃ । কীৰ্ত্তনাদেব কৃষ্ণস্য মুক্তসঙ্গঃ পরং ব্রজ্যেৎ ॥ কৃতে যজ্ঞায়তো বিষ্ণুং ত্রেতায়াং যজ্ঞতো মঠেঃ । দ্বাপরে পরিচর্য্যায়াং কলৌ তদ্ধরিকীৰ্ত্তনাৎ ॥ ভা ১২।৩।৫১—৫২) “ধ্যায়ন্ কৃতে যজন্ যজ্ঞেস্তুেতায়াং দ্বাপরেহর্চয়ন্ । যদাপ্নোতি তদাপ্নোতি কলৌ সঙ্কীৰ্ত্ত্য কেশবম্ ॥ (বিষ্ণুপু ১।৩।১৭) “কলিং সভাজয়ন্তাৰ্থা গুণজ্ঞাঃ সারভাগিণঃ । যত্র সঙ্কীৰ্ত্তনেনৈব সৰ্ব্বার্থোহপি লভাতে ॥ ভা ১১।৫।৩৬ । “কৃষ্ণকৃষ্ণেতি কৃষ্ণেতি স্বপন্ জাগন্ ব্রজংস্তথা । যো জয়তি কলৌ নিত্যং কৃষ্ণরূপী ভবেদ্ধি সঃ ॥ অতীতাঃ পুরুষাঃ সপ্ত ভবিষ্যাশ্চ চতুর্দশ ।

পরমবিভারূপ বধুর প্রাণস্বরূপ, যাহার শ্রবণে স্মৃৎসাগর উদ্বেল হইয়া উঠে, যাহা পদে পদে পূর্ণায়ত্ত আশ্বাদন করাইয়া থাকে, যাহা আত্মাকে সৰ্বতো-  
ভাবে স্নান করাইয়া অভূতপূৰ্ব-আনন্দ প্রদান করে, সেই শ্রীহরিসঙ্কীৰ্ত্তন  
জয়যুক্ত হইতেছেন।

নরস্তারয়তে সৰ্বান্ কলৌ কৃষ্ণেতি কীর্তনাৎ ॥” দ্বারকামাহাত্ম্যে । “মহাভাগবতা  
নিত্যং কলৌ কুৰ্বন্তি কীর্তনম্ । স্বান্দে ।” “যদভ্যর্চ্য হরিং ভক্ত্যা ক্লৃতে  
ক্রতুশতৈরপি ফলং । ফলং প্রাপ্নোত্যবিকলং কলৌ গোবিন্দকীর্তনাৎ ॥ বিষ্ণুরহস্যে ।  
“হরে রাম হরে রাম রাম রাম হরে হরে । হরে কৃষ্ণ হরে কৃষ্ণ কৃষ্ণ  
কৃষ্ণ হরে হরে ॥ ইতি ষোড়শকলং নাম্নাং কলিকল্মষনাশনম্ । নাতঃ পরতরো-  
পায়ঃ সৰ্ববেদেষু দৃশ্বতে ইতি ষোড়শকলাবৃত্তশ্চ পুরুষস্মাবরণম্ । ততঃ  
প্রকাশতে পরং ব্রহ্ম” ইত্যাদি ( কলিসত্ত্বরূপোপনিষদি ) উপযুক্ত শাস্ত্রবচন-  
সমূহ হইতে বিশেষরূপে অবগত হওয়া যায় । হে রাজন্ দোষনির্ধি  
কলির একটা মহাগুণ এই যে মনুষ্য কৃষ্ণকীর্ত্তন হইতেই মায়ামুক্ত হইয়া  
পরমেশ্বরকে প্রাপ্ত হন ॥ যে কলিতে কীর্ত্তনদ্বারা সৰ্বস্বার্থ লাভ হয়, গুণজ্ঞ সার-  
ভাগী আর্ঘ্যগণ সেই কলিকে সম্মান করিবার থাকেন ॥ সত্যযুগে বিষ্ণু ধ্যান,  
ত্রৈতায় যজ্ঞানুষ্ঠান ও দ্বাপরে পরিচর্যাকারী ব্যক্তির যে ফললাভ হয়, কলিযুগে হরি-  
কীর্ত্তন দ্বারা সেই ফললাভ হইয়া থাকে ॥ মহাভাগবত শ্রীশুকদেব এই নিমিত্ত  
দ্বিতীয় স্কন্ধে কীর্ত্তন-মাহাত্ম্য বর্ণনা করিয়াছেন “এতন্নির্বিদ্যমানানামিচ্ছতামকুতো-  
ভয়ং । যোগিনাং নৃপ নির্ণীতং হরেনামানুকীর্ত্তনম্ ॥” ভা । ২। ১। ১১।

অর্থাৎ হে নৃপ বিষয়ী মুমুকু ও মুক্ত যোগীদিগের সম্বন্ধে এই শ্রীহরিনাম-  
কীর্ত্তন পরম-শ্রেয়স্কর । বিষ্ণুপুরাণে শ্রীমৈত্রেয়ের প্রতি ভগবান পরাশর কীর্ত্তনের  
মহাত্ম্য বর্ণনা করিয়া বলিয়াছেন—

“বস্মিন্শস্তমতিন্ঘাতি নরকং স্বর্গোহপি যচ্চিস্তনে,  
বিঘ্নো যত্র নিবেশিতাভ্রমনসো ব্রাহ্মোহপি লোকোহল্লকঃ ।  
মুক্তিং চেতসি যঃ স্থিতোহমলধিয়াং পুংসাং দদাত্যব্যয়ঃ,  
কিং চিত্তং যদঘং প্রঘাতি বিলয়ং তত্রাচ্যতে কীর্ত্তিতে । বিষ্ণু পু । ৬। ৮। ৫ ।

এই হেতু বেদাদিমর্ঘ্যাদাসংস্থাপক শ্রীগৌরানন্দদেব শ্রীকৃষ্ণকীর্ত্তনকে ক্লেশঘ  
ও পরম শুভদরূপে বর্ণনা করিয়াছেন । অর্থাৎ শ্রীকৃষ্ণ-সঙ্কীৰ্ত্তন সংসাররূপ  
দাবাগ্নিনির্বাণক । পরমেশ্বর বিভূ-সচ্চিদানন্দ, জীব অণু-সচ্চিদানন্দ ।  
“মহাস্তং বিভূমাশ্বানং মত্বা ধীরো ন শোচতি” ( কঠ উ ) এষোহপুরাশ্বা  
চেতসা বেদিতব্যঃ” ( মুণ্ডক উ ) ইত্যাদি শ্রুতি হইতে উহা অবগত হওয়া যায় ।  
জীব স্বরূপতঃ জ্ঞানানন্দাদিসমম্বিত হইলেও নিজের অণুত্ব ও বহিষ্চরত্বহেতু  
স্বাপ্রয়কৃত বিভূ-সচ্চিদানন্দের জ্ঞানাতাবপ্রযুক্ত অনাদিকাল হইতেই পরমেশ্বর  
বিমুখ । ঐ পরতত্ত্ববিমুখতাই জীবের ছিদ্র অর্থাৎ মায়াদেবী জীবের ঐ পরমেশ্বর-

“সকীর্তন হৈতে পাপ-সংসার-নাশন ।

চিত্তশুদ্ধি সর্ব-ভক্তি-সাধন-উদগম ॥

বিমুখতা সহ করিতে না পারিয়া তাহার স্বরূপকে আবরণ করে অর্থাৎ মায়া পরতন্ত্রবৈমুখ্যরূপ ছিদ্র দ্বারা জীবে প্রবেশ করিয়াই তাহার স্বরূপ-বিস্মৃতি ঘটায় । অণুসচ্চিদানন্দরূপিণী কৃষ্ণসেবিকা তটস্থশক্তি জীবে ভূতাবেশক্রমে স্বরূপজ্ঞান আবৃত হইলে মায়া সঙ্কাদিগুণাঙ্কিকা-বিক্ষেপিকাবৃত্তিদ্বারা অস্বরূপাবেশ সম্পাদন করেন । ঐ অস্বরূপাবেশই জীবে দেহাত্মাভিমান । উক্ত দেহাত্মাভিমানই জীবে সংসারবন্ধন ; ঐ সংসারবন্ধনই দুঃখের নিদান । শ্রীমদ্ভাগবতের একাদশস্কন্ধে নবযোগেন্দ্রোপাখ্যানে এইরূপই উপদিষ্ট হইয়াছে—

“ভয়ং দ্বিতীয়াভিনিবেশতঃ শ্ৰী,

দীশাদপেতশ্চ বিপর্যায়োহস্মৃতিঃ ।

তন্মায়য়াতো বুদ্ধ অভিজ্ঞেৎ তং,

ভক্ত্যৈক্যেশং গুরুদেবতাত্মা ॥ ভা ১১।২।৩৭।

পরমেশ্বরবিমুখ-জীবে মায়াদ্বারা স্বরূপের বিস্মৃতি জন্মে এবং তজ্জন্য দেহাদিতে আত্মাভিমান উৎপন্ন হয়, দ্বিতীয়বস্তুর যে দেহেন্দ্রিয়াদি তাহাতে অভিনিবেশ হইলেই ভয় জন্মে । অতএব জ্ঞানিব্যক্তি শ্রীগুরুদেবে দেবতাবুদ্ধি ও প্রিয়তাবুদ্ধি স্থাপনপূর্বক ভক্তিসহকারে পরমেশ্বরের ভজন করিবেন । প্রজাবৎসল রাজা যেরূপ অপরাধী প্রজার দণ্ডবিধানদ্বারা ভবিষ্যৎ কল্যাণ বিধান করেন, পরমেশ্বরও তদ্রূপ বহির্মুখ জীবকে মায়াদ্বারা বন্ধনপূর্বক দণ্ডার্থব্যক্তির ন্যায় তাহার পরম মঙ্গলের নিমিত্ত বিবিধ সংসারদুঃখ প্রদান করিয়া থাকেন । কোন কোন বৈষ্ণবচার্য্য বলেন “ইন্দ্রো যাতোহবসিতস্য রাজা,” পরাস্য শক্তিবিবিধৈব শ্রয়তে স্বাভাবিকী জ্ঞানবলক্রিয়াচ” “স বো স্বামী ভবতি” বিষ্ণুশক্তিঃ পরা প্রোক্তা ক্ষেত্রজাখ্যা তথাপরা । অবিজ্ঞাকর্ষসংক্রান্তা তৃতীয়া শক্তিরিষ্যতে ॥” ইত্যাদি শ্রুতি স্মৃতি হইতে জানা যায় শ্রীভগবান্ স্থাবরজঙ্গমাত্মক নিখিল জগতের রাজা, স্বরূপশক্তিগণ তাঁহার পটমহিষীস্থানীয়া, জীবশক্তিগণ পত্নীস্থানীয়া, মায়াশক্তি বহির্দ্বারসেবিকা দাসীস্থানীয়া । “ভর্তৃঃশুশ্রবণং স্ত্রীণাং পরো ধর্মোহুমায়া ॥” ভা. ১০।২২ । স্ত্রীলোকের নিকপটভাবে পতিসেবাই পরমধর্ম । অতএব স্বরূপশক্তিরূপা পটমহিষীগণের আনুগত্যস্বীকারপূর্বক পরম-পতির সেবা করা জীবশক্তিরূপা পত্নীর একান্ত কর্তব্য । কিন্তু স্ত্রীজাতির স্বভাব সপত্নীর আনুগত্য স্বীকার না করা । অন্তর্দিকে বিভূচ্ছক্তির আনুগত্য ব্যতীত অণুজীবশক্তির ঈশপতির প্রেম ও সেবানন্দপ্রাপ্তি একান্ত অসম্ভব । পতিপ্রেমরহিতপত্নী যেরূপ ব্যভিচারিণী হয়, অণুজীববন্ধন ও স্বরূপশক্তির আনুগত্যভাবহেতু পরম-পতিপ্রেমরহিত জীবশক্তি ও তদ্রূপ পরমপতিবিমুখতারূপ ব্যভিচারবতী হয় । এইজগতে পতিবিমুখা ব্যভিচারিণী নারী যেরূপ দণ্ডনীয় বলিয়া গণ্য চিদ-

কৃষ্ণ-প্রেমোদগম প্রেমামৃত-আশ্বাদন ।  
 কৃষ্ণ-প্রীতি সেবামৃত-সমুদ্রে মজ্জন ॥  
 উঠিল বিবাদ দৈন্ত পড়ে আপন শোক ।  
 যাহার অর্থ শুনি সব যায় ছুঃখ শোক ॥”

বিভূতিতেও তদ্রূপ পরমপতির পত্নীস্থানীয়া জীবশক্তির বিমুখতারূপ-ব্যভিচার তাহার মহাদণ্ডের হেতু হয় ।

বহির্দ্বার-সেবিকা প্রভুভক্ত-দাসী যেরূপ প্রভূপত্নীর ব্যভিচার সহ করিতে না পারিয়া ব্যভিচার-নিবৃত্তির নিমিত্ত প্রভুর ইচ্ছানুসারে নানাবিধ উপায় উদ্ভাবন করেন ও বিবিধ দণ্ডের বিধানকরতঃ ব্যভিচার-দোষ-নিবৃত্তি করিয়া প্রভূপত্নীর সত্য রক্ষা করেন তদ্রূপ মায়াশক্তিরূপা ভগবদাসী জীবশক্তিরূপ-ভগবৎপত্নীর বিমুখতারূপ-ব্যভিচার সহ করিতে না পারিয়া প্রভূ-পরমেশ্বরের ইচ্ছানুকূলে স্ববৃত্তি-আবরিকা-শক্তি-দ্বারা তাহার স্বরূপাবরণ ও স্ববৃত্তি-বিক্ষেপিকা-শক্তি-দ্বারা দেহাশ্রাতিমান এবং ব্রহ্মাণ্ডরূপ-কারাগৃহসমূহ উদ্ভাবন করিয়া থাকেন । বহির্দ্বার-জীবশক্তির প্রতি মারাত্মক তাদৃশ দণ্ডই ‘সংসার’। অনাদিকাল হইতে জীব সংসারে পুনঃ পুনঃ জন্ম মৃত্যু, প্রভৃতি ক্লেশ ভোগ করিতে করিতে যখন বহু সৌভাগ্যে সাধু-গুরু-কৃপায় স্বরূপ-শক্তির বৃত্তিভূত ভক্তিদেবীর ‘অনুগ্রহ’ লাভ করেন তখনই তিনি ভগবদ্-বহির্দ্বার-রহিত হইয়া মায়াদণ্ডরূপ সংসার-কারাগার হইতে মুক্তিলাভ করেন এবং তখনই তিনি স্বরূপশক্তিরূপা সপত্নীর আনুগত্য-স্বীকারে পরম-পতি পরমেশ্বরের প্রেম-সেবা লাভ করিতে যোগ্য হন । জীবের অনাদি-বহির্দ্বার-সমকালত্বনিবন্ধন কর্ম ও অনাদি । ঐ স্বকর্ম-নিবন্ধ-শরীর-পরিগ্রহই সংসার । উক্ত অনাদি-কর্ম-প্রবাহ-নিবন্ধন অনাদি শরীর-সত্ত্বের সহিত জীবের সম্বন্ধ অবশ্যস্বাভাবী । স্বাদৃষ্টোপনিবন্ধ-শরীরপরিগ্রহই আধ্যাত্মিকাদি দুঃখত্রয়ের কারণ । আধ্যাত্মিক, আধিতৌতিক ও আধিদৈবিক এই ত্রিবিধ দুঃখকে দুঃখত্রয় বা ত্রিতাপ বলে । যে দুঃখ দেহ ও মনকে অবলম্বন করিয়া উৎপন্ন হয় তাহাকে আধ্যাত্মিক দুঃখ বলে । উক্ত আধ্যাত্মিক-দুঃখ শারীর ও মানস ভেদে দ্বিবিধ । বায়ু, পিত্ত ও কফরূপ ত্রিধাতুর বৈষম্যবশতঃ যে রোগাদি উৎপন্ন হয় তাহাকে শারীর-আধ্যাত্মিক দুঃখ বলে ও মনকে অবলম্বন করিয়া প্রিয়-বিরোগ, অপ্রিয়-সংযোগাদিরূপ যে দুঃখের উদ্ভব হয় তাহাকে মানস-আধ্যাত্মিক দুঃখ বলে । জরায়ুজ, অণ্ডজ, স্বেদজ ও উদ্ভিজ্জরূপ চতুর্বিধ ভূত-গ্রাম হইতে হে দুঃখের উদ্ভব হয় তাহাকে আধিতৌতিক দুঃখ বলে । দস্যু, ব্যাঘ্র, মশক, মৎসুগ প্রভৃতি হইতে জাত দুঃখই উক্ত আধিতৌতিক-দুঃখ নামে প্রসিদ্ধ । দৈব-প্রেরণায় শীত, গ্রীষ্ম, বর্ষা, বজ্রাঘাত ও ভূতাবেশাদি হইতে যে দুঃখ জন্মে তাহাকে আধিদৈবিক দুঃখ বলে । যদিও সমস্ত দুঃখই মানসিক দুঃখের অবাস্তর তথাপি লোকের জ্ঞানের সুবিধার জন্য একই দুঃখের ত্রিবিধ ভেদ-নির্দেশ । বোধসৌকর্যের জন্য স্মারদর্শনে সবার উক্ত দুঃখকে একত্রিশতিরূপে বিভাগ করিয়াছেন । যাহাই হউক উক্ত

তথাহি পত্নাবল্যাম্—

“নাম্যাকারি বহুধা নিজস্বশক্তি-

স্তত্রাপিতা নিয়মিতঃ স্বরণে ন কালঃ।

এতাদৃশী তব কৃপা ভগবন্ মমাপি

হৃদৈবমীদৃশমিহাজনি নাহুরাগঃ ॥” পত্নাবল্যাং ৩১।

হে ভগবন্, তোমার ঈদৃশী করুণা যে, তুমি বিভিন্ন লোকের বিভিন্ন বাহা-  
অর্থে বহু নামের প্রচার করিয়াছ, আর ঐ সকল নামে তোমার নিজের  
সকল শক্তিই নিহিত করিয়া রাখিয়াছ। আবার সেই সকল নামের স্বরণে  
কালনিয়মও কর নাই। সকল সময়েই নাম লইতে পারা যায়। কিন্তু আমার  
এমনি ছয়দৃষ্ট যে, সেই নামে অহুরাগ জন্মিল না।

হুঃখরাশিই শ্রীকৃষ্ণচৈতন্যপ্রোক্ত শিলাষ্টকের প্রথম শ্লোকান্তর্গত “ভবমহা-  
দাবাগ্নিরূপে” নির্দিষ্ট। দাবাগ্নি শব্দের অর্থ দৈব-প্রেরণায় গ্রীষ্মাদিকালে বনমধ্যস্থ  
বায়ুবিচালিত বৃক্ষের ষষ্ঠাদিকন্ত অগ্নি-বিশেষ। উহা যেরূপ চতুর্দিকে প্রজলিত  
হইয়া বনমধ্যস্থ সমস্ত প্রাণীকে দগ্ধ করে তদ্রূপ অনাদি ভগবদ্বহির্মুখতা-  
নিবন্ধন দেহাদিরূপ সংসারও তাপত্রয়দ্বারা জীবকে দগ্ধ করে। ভগবৎপ্রেরণায়  
অকস্মাৎ প্রচুরপরিমাণে বৃষ্টি হইলে যেরূপ দাবাগ্নিপীড়িত প্রাণিসমূহ দাবাগ্নি-  
তাপ হইতে রক্ষা প্রাপ্ত হইয়া শান্তি লাভ করে তদ্রূপ ভগবৎকৃপায় শ্রীকৃষ্ণ-  
সঙ্কীর্ণরূপ সুধা-ধারা আধ্যাত্মিকাদি-তাপত্রয় নিবৃত্ত করিয়া জীবকে শান্তিদান  
করেন। কৃষ্ণসঙ্কীর্ণ ভবমহাদাবাগ্নিনির্ধাপক। “ভবমহাদাবাগ্নি নির্ধাপণম্”  
ইহা দ্বারা ভগবান্-শ্রীকৃষ্ণসঙ্কীর্ণ যে ক্লেশ তাহাই সামান্তরূপে প্রদর্শন  
করিলেন। ক্লেশ ত্রিবিধ—পাপ, পাপবীজ ও অবিজ্ঞা। পাপ আবার দ্বিবিধ—  
প্রারব্ধ ও অপ্রারব্ধ। তন্মধ্যে ফলোন্মুখ পাপকে প্রারব্ধ ও অফলোন্মুখ পাপকে  
অপ্রারব্ধ বা সঞ্চিত বলে। বিহিতের অকরণ, নিবৃত্তির সেবন ও ইন্দ্রিয়ের  
অনিগ্রহ এই ত্রিবিধ আকারে পাপের উৎপত্তি হইয়া থাকে।

বিহিতস্তানমুষ্ঠানানিন্দিতস্ত নিষেবণাৎ।

অনিগ্রহাচ্ছেদ্রিমাণাং নরঃ পতনমুচ্ছতি ॥” যাজ্ঞ সং ৩।২।২২

বিহিতের অনমুষ্ঠান কথা—

মুখবাহুরূপাদেভ্যঃ পুরুষশ্রমৈঃ সহ।

চন্দ্রায়ো জজিরে বর্ণাঃ ঐর্নৈর্বিপ্রাদয়ঃ পৃথক্ ॥

ব এবাং পুরুষং সাক্ষাদ্ অপ্রতবমীশ্বরম্।

ন তদন্ত্যবজানন্তি হানাদ্ভ্রষ্টাঃ পতন্ত্যধঃ ॥ তা ১।৫।২-৩

অর্থাৎ ব্রহ্মার মুখ প্রভৃতি অঙ্গ হইতে সন্ধ্যাদিগুণ ও ব্রহ্মচর্যাদি আশ্রমের সহিত  
পৃথক্ আশ্রমাদি চারি বর্ণ উৎপন্ন হইয়াছে। ইহাদের মধ্যে যে সকল ব্যক্তি সাক্ষাৎ

“অনেক লোকের বাহা অনেক প্রকার ।  
কৃপাতে করিল অনেক নারের প্রচার ॥  
ধাইতে শুইতে যথা তথা নাম স্মর ।  
কাল দেশ নিয়ম নাহি সর্কসিদ্ধি হয় ॥

স্বীয়-জনক ঈশ্বরকে ভজনা করেন না—পরহু অবজা করিয়া থাকেন, তাঁহারা হান-  
-ভ্রষ্ট হইয়া অধঃপতিত হইলেন । নিম্নিতের নিষেধ যথা—

যৈঃ কৃতা চ গুরুনিন্দা বিভোঃ শাস্ত্রশ্চ নারদ ।  
নাপি তৈঃ সহ বস্তব্যং বক্তব্যং বা কথঞ্চন ॥

অর্থাৎ হে নারদ ! যে সকল ব্যক্তি গুরুনিন্দা, ভগবানের নিন্দা ও শাস্ত্র-নিন্দা  
করে, তাহাদের সহিত কৃদাচ অবস্থিতি বা কথোপকথন করিবে না ।

ইন্দ্রিয়ের অনিগ্রহ যথা—

“ন ভক্ষয়েন্নশ্চমাংসং কুর্শ্শুকরকাংস্তথা ।”

মৎস্ত, মাংস কুর্শ ও শূকর ভোজন করিবে না ।

কীর্তনরূপা ভক্তি প্রারদ্ধাদি সর্কবিধ পাপের নিবর্তিকা । যথা—

“স্তেনঃ সুরাপো মিত্রক্রগ্ ব্রহ্মহা গুরুতন্নগঃ ।

স্ত্রী-রাজ-পিতৃ-গোহস্তা যে চ পাতকিনোহপরে ॥

সর্কেষামপাঘবতামিদমেব স্তুনিষ্কৃতম্ ।

•নামব্যাহরণং বিষ্ণো যতস্তদ্বিষয়া মতিঃ ॥” ( ভা ৬২১২—১৮ )

স্বর্ণচোর, মণ্ডপায়ী, মিত্রদ্রোহী, ব্রহ্মহা, গুরুপত্নীগামী স্ত্রীহত্যাকারী,  
গোবধকারী এবং এতদ্ভিন্ন যত অতিপাতকী মহাপাতকী, অনুপাতকী,  
বা উপপাতকী আছে তাহাদের সকলেরই শ্রীবিষ্ণুর নামোচ্চারণই শ্রেষ্ঠ প্রায়শ্চিত্ত ।  
যেহেতু নামোচ্চারণ হইতে ভগবান বিষ্ণুর নামোচ্চারণ পুরুষবিষয়ক মতি হয় অর্থাৎ  
শ্রীবিষ্ণু মনে করেন এই নামোচ্চারণকারী ব্যক্তি আমারই পুরুষ অর্থাৎ তত্ত্ব, অতএব  
ইহাকে সর্কতোভাবে রক্ষা করা আমার কর্তব্য । পাপ সামান্ত ও বিশেষ ভেদে  
দ্বিবিধ । সামান্ত পাপ আবার শারীর, বাচিক ও মানস ভেদে ত্রিবিধ ।

অদত্ত বস্তুর গ্রহণ, অবৈধ হিংসা, পরদারসেবা প্রভৃতিকে শারীর পাপ বলে ।

পুরুষ বাক্য, মিথ্যাভাষণ, পরোক্ষে পরদোষ-প্রকাশ ও অসম্বন্ধ-প্রলাপ  
প্রভৃতিকে বাচিক পাপ বলে ।

লোভপরবশতঃ পরদ্রব্যের চিন্তা, মনে মনে অস্ত্রের অনিষ্ট-চিন্তা, অসৎ  
বিষয়ে অভিনিবেশ প্রভৃতিকে মানস পাপ বলে ।

ভগবান মনু নিজ সংহিতায় যেরূপ পাপের ফলে জীবের বায়ুশ অধোগতি লাভ  
হইয়া থাকে তাহা এইরূপভাবে প্রকাশ করিয়াছেন ।

শারীরজৈঃ কৰ্ম্মদোষৈর্বাতি স্মারভাং নরঃ ।

বাচিকৈঃ পক্ষিয়োনিতাং মানসৈরভ্যজিতান্ ॥

সর্বশক্তি নামে দিল করিয়া বিভাগ ।

আমার দুর্দেব নামে নাহি অনুরাগ ॥

যেৰূপে লইলে নাম প্রেম উপজয় ।

তাহার লক্ষণ শুন স্বরূপ রাম রায় ॥”

প্রায়শ্চিত্তমকুর্বাণাঃ পাপেষু নিরতা নরাঃ ।

অপশ্চাত্তাপিনঃ কষ্টান্নিরয়ান্ যাতি দারুণান্ ॥ যাজ্ঞ সং ।

মানুষ শারীর পাপদ্বারা বৃক্ষাদি স্থাবর দেহ, বাচিক পাপদ্বারা পক্ষিযোনিষু এবং মানসপাপদ্বারা হীনজাতিষু প্রাপ্ত হইয়া থাকে । পরিতাপহীন পাপনিরত ব্যক্তিগণ প্রায়শ্চিত্ত না করিলে কষ্টদায়ক দারুণ নরকে গমন করে ।

বিমাতৃগমন, কন্যাগমন, পুত্রবধূগমন, এই তিনটীকে অতিপাতক বলে । অতিপাতকে মহাপাতকের দ্বিগুণ প্রায়শ্চিত্ত ।

ব্রহ্মহত্যা, সুরাপান, স্বর্ণচৌধ্য, গুরুপত্নী-গমন, ও আনুকূল্যসহকারে দীর্ঘকাল ধরিয়া ইহাদের অনুষ্ঠাতৃগণের সহিত সংসর্গ—এই পাঁচটীকে মহাপাতক বলে । স্বোৎকর্ষপ্রচারার্থ মিথ্যান্ভাষণ, রাজসকাশে মৃত্যুজনক অন্তের দোষোদঘাটন, গুরুসম্বন্ধীয় মিথ্যাকথন—ইহারা ব্রহ্মহত্যার অনুপাতক । ব্রাহ্মণাদির অনভ্যাস-হেতু বেদী, পুরাণ, ইতিহাসাদির বিস্মরণ, বেদপুরাণাদি শাস্ত্রের নিন্দা, সাক্ষ্যস্থলে মিথ্যাকথন, মিত্রবধ, লশুন, গাঁজর, ছত্রাক প্রভৃতি গর্হিত-দ্রব্যের ও বিষ্ঠা-মূত্রাদি অভক্ষ্য-বস্তুর ভোজন মত্তপানের অনুপাতক । গচ্ছিত-বস্তুর অপহরণ, স্বর্ণ, রৌপ্য ভূমি, হীরক, মণি প্রভৃতির অপহরণ সুবর্ণচৌধ্যের অনুপাতক । সহোদরা ভগিনী, কুমারী-চণ্ডালী, বহুপত্নী প্রভৃতিতে রেতঃসেক গুরুপত্নীগমনের অনুপাতক । অনুপাতককে সমানপাতকও বলে । গোহত্যা, ভ্রাতৃত্য ( যথাকালে উপনীত না হওয়া ) সামান্ততঃ চৌধ্য, সামর্থ্য থাকিতে পিতৃঋণ, ঋষিগণ দেবঋণ প্রভৃতি ঋণের অপরিশোধ, অধিকারিব্রাহ্মণের অনগ্রিকতা, ব্রাহ্মণাদিজাতির মাংসাদি নিষিদ্ধ-বস্তুর বিক্রয়, পরিবেদন ( জ্যেষ্ঠ অবিবাহিত থাকিতে কনিষ্ঠের বিবাহ ) প্রতিনিয়ত বেতন-প্রদানপূর্বক অধ্যয়ন, ও বেতনগ্রহণপূর্বক অধ্যাপনা, পরদ্বীপগমন, পরিবিক্রিতা, অনাপৎকালে অর্থের কুসীদ-গ্রহণ, লবণ প্রস্তুত-করণ, স্ত্রী, শূদ্র, বৈশ্য ও ক্ষত্রিয় হত্যা, নাস্তিকতা, ব্রতলোপ ( ব্রহ্মচারীর স্ত্রীসংসর্গ ) স্ত্রীপুত্রাদি বিক্রয়, ধাতুচৌধ্য, তাত্ৰাদি কুপ্যহরণ, গবাদি-পশুহরণ, পতিত প্রভৃতি অঘোষ্য-বাজন, অপতিত পিতামাতা গুরুপ্রভৃতিকে পরিত্যাগ, উত্তম জলাশয় বা উত্তানাди-বিক্রয় কুমারীর নামে কলঙ্ক রটান, পরিবেত্ত-বাজন, পরিবেত্তাকে কন্যাদান, পরক্ষতিকর-কৌটল্য, সঙ্কলিত-ব্রত-ত্যাগ, কেবলমাত্র স্বোদরভরণার্থ-রন্ধন, মত্তপায়ী নিজ স্ত্রীর সহিত সংসর্গ, ব্রাহ্মণাদির বেদাদি শাস্ত্রের অনধ্যয়ন, আহিতাগ্নির পরিত্যাগ, পুত্রের উপনয়নাদি সংস্কারের অকরণ, পিতৃব্য মাতুলাদিকে বিনাদোষে পরিত্যাগ, রন্ধনার্থ জীবিত বৃক্ষের ছেদন, পত্নীর চরিত্রনাশদ্বারা জীবিকানির্বাহ, বশীকরণাদি দ্বারা জীবিকা-নির্বাহ, যানী প্রভৃতি মর্দকঘন্ত্র-পরিচালন, মৃগয়া প্রভৃতি ব্যসনাসক্তি,

তথাহি পত্নাবল্যাম্—

“তৃণাদপি সুনীচেন তরোরপি সহিষ্ণুনা ।

অমানিনা মানদেন কীর্তনীয়ঃ সদা হরিঃ ॥” পত্নাবল্যাম্ ৩২

তৃণ হইতে নীচ, তরু হইতে সহিষ্ণু এবং অমানী ও মানদ হইয়া সদা শ্রীহরিকে কীর্তন করিতে হইবে ।

আত্মবিক্রয়, ব্রাহ্মণাদির শূদ্রসেবা, নিকৃষ্ট-বাক্তির সহিত মিত্রতা, সর্বর্ণা-কণ্ঠা পরিগ্রহ না করিয়া হীনবর্ণা-বিবাহ, আশ্রমরাহিত্য, অনাপৎকালে পরামর্ষারা জীবিকানির্ভাহ, নাস্তিক-শাস্ত্রাধ্যয়ন, সুবর্ণাদির খনিতে নিযুক্ত হওয়া প্রভৃতির প্রত্যেকটিকে উপপাতক বলে ।

দণ্ডাদি দ্বারা ব্রাহ্মণপীড়ন, লশুন প্রভৃতি অশ্রেয় বস্তুর ও মত্তের আচ্ছাণ, কোটীলা, পশু-মৈথুন বা পুংমৈথুন ইত্যাদি পাপকে জাতিভ্রংশকর পাপ কহে । গ্রাম্য ও আরণ্য-পশু-হিংসাকে সঙ্করীকরণ কহে, স্নেহাদির নিকট হইতে ধনগ্রহণ, অনাপৎকালে বাণিজ্যকরণ ও কুসীদজীবন, অসত্যভাষণ, শূদ্রসেবা প্রভৃতিকে অপাত্তীকরণ-পাপ কহে । শ্রীকৃষ্ণসঙ্কীৰ্তন এই সমস্ত পাপ বিনষ্ট করে । শ্রীমদ্ভাগবতে শ্রীভগবান্ উক্তবকে এইরূপ বলিয়াছেন যথা—“যথাগ্নিঃ সূসুমিদ্ধার্চিঃ করোত্যেধাংসি ভস্মসাৎ । তথা মদ্বিষয়া ভক্তিরুদ্ধবৈনাংসি কৃৎস্নশঃ” ॥ ভা ১১। ১৬।১৮ । অর্থাৎ হে উক্তব ! প্রজ্জলিত-অগ্নি যেমন কাষ্ঠরাশিকে ভস্মসাৎ করে, মদ্বিষয়া ভক্তিও তদ্রূপ নিখিল পাপরাশিকে বিনষ্ট করে । বৃহস্পতির পুরাণেও ভগবান্ নারদ ঋষি এইরূপ বলিয়াছেন যথা—“নরাণাং বিষয়াকানাং মমতাকুলচেত-সাম্ । একমেব হরেনাম সৰ্বপাপবিনাশনম্ ॥” তথা চ পাণ্ডে “হত্যাযুতং পানসহস্র-মুগ্রং গুৰ্ব্বদনাকোটিনিষেবণঞ্চ । স্তেয়াত্বনেকানি হরিপ্রিয়েণ গোবিন্দনাম্না নিহতানি সত্ত্বঃ ॥ এইরূপ বিভিন্ন শাস্ত্রে নামের নিখিল-পাপ-হারিষ্ণু-গুণের বিষয় অবগত হওয়া যায় । যত যেমন আয়ুষ্কর বলিয়া অভেদে যুতকে আয়ু বলা হয় তদ্রূপ পাপ ও ক্রোধের হেতু বলিয়া পাপকেই ক্রোধ বলা হইয়া থাকে । যাহা দুঃখের কারণ তাহাই পাপ ; আর যাহা সুখের হেতু তাহাই পুণ্য । মহর্ষি পতঞ্জলি স্বীয় যোগসূত্রে তদ্রূপই অনুমোদন করিয়াছেন । যথা—“তে হ্লাদপরিতাপ-ফলাঃ পুণ্যাপুণ্যহেতুত্বাৎ” । (যোগসূত্র ২।১৪।) জন্ম, আয়ু ও ভোগ পুণ্যদ্বারা সম্পাদিত হইলে সুখের কারণ হয় ও পাপ দ্বারা সম্পাদিত হইলে দুঃখের কারণ হইয়া থাকে । অতএব কৃষ্ণসঙ্কীৰ্তনরূপ ভক্তি যে অপারকপাপ নাশকরতঃ তৎকার্য ক্রোধ বিনষ্ট করে তাহা পূর্বোক্ত শাস্ত্র-প্রমাণ-সমূহ হইতে অবগত হওয়া যায় । অতঃপর শ্রীকৃষ্ণসঙ্কীৰ্তন যে প্রারক-পাপ নষ্ট করে তাহা শ্রীমদ্ভাগবতের ও পদ্মপুরাণের বাক্য উদ্ধৃত করিয়া দেখান হইতেছে । যথা—

“যন্নামধেয়শ্রবণানুকীৰ্তনাৎ,

যৎ প্রহরণাৎ যৎ স্মরণাদপি কচিৎ ।



“উত্তম হঞা আপনাকে মানে তৃণাধম ।  
 হুই প্রকারে সহিষ্ণুতা করে বৃক্ষসম ॥  
 বৃক্ষ যেন কাটিলেও কিছু না বোলয় ।  
 শুকাইয়া মৈলে করে পানি না মাগয় ॥

খাদোহপি সত্ত্বঃ সর্বনায় কল্পতে,  
 কৃতঃ পুণ্ড্রো ভগবন্তু দর্শনাৎ” ॥ ( ভা ৩৩৩৬ ) ।

দেবী দেবহুতি বলিয়াছিলেন হে ভগবন্! ( কপিল ) তোমার নাম-  
 শ্রবণ ও কীর্তন, তোমাকে নমস্কার, তোমাকে স্মরণ ইত্যাদি ভক্তির মধ্যে  
 যে কোন একটা অঙ্গ যাজন করিলে কুকুরভোজী চণ্ডালও যখন সত্ত্বই  
 ব্রাহ্মণাদির স্তায় যজ্ঞকরণসামর্থ্য লাভ করে তখন যে ব্যক্তি তোমাকে  
 সাক্ষাৎ করিয়াছে সে যে সত্ত্বই পরিত্র হইবে তদ্বিষয় আর বলিবার কি আছে  
 অর্থাৎ অবশ্যই কৃতার্থ হইবে। এতদ্বারা ইহাই অবগত হওয়া যায় যে চণ্ডালাদি  
 দুর্জাত্যারম্ভক-পাপসমূহকে কৃষ্ণভক্তি সত্ত্বই বিনষ্ট করে। তবে এস্থলে বক্তব্য  
 যেমন শৌক-ব্রাহ্মণকুমারের ব্রাহ্মণকুলে জন্মবশতঃ দুর্জাত্যারম্ভক-পাপ না  
 থাকিলেও যাবৎ উপনয়নাদি-দ্বারা সাবিত্র্য-জন্ম লাভ না হয় তাবৎ পর্য্যন্ত তাহার  
 যজ্ঞাধিকারযোগ্যতা আসে না, তদ্রূপ কৃষ্ণভক্ত চণ্ডালাদি জাতির ভক্তি  
 দ্বারা দুর্জাত্যারম্ভক প্রারম্ভ-পাপ বিনষ্ট হইলেও সদাচার্য্য-বশতঃ সাবিত্র্যজন্ম  
 লাভ না করা হেতু যজ্ঞাধিকার-যোগ্যতা জন্মে না। পুনশ্চ “অষ্টবর্ষং ব্রাহ্মণমুপনয়ীত”  
 ইত্যাদি শাস্ত্রে দুর্জাত্যারম্ভক-পাপহীন সুজাত্যারম্ভক পুণ্যযুক্ত ব্রাহ্মণ-কুমারের  
 প্রতি ষে রূপ উপনয়নাদি-সংস্কারের বিধান দেখা যায় তাদৃশ পাপহীন পুণ্যবান্  
 কৃষ্ণভক্ত চণ্ডালাদি জাতির সম্বন্ধে সেরূপ উপনয়নাদির বিধান বা তদ্রূপ সদাচার  
 দৃষ্ট হয় না। সূত্রাৎ ব্রাহ্মণাদি চাতুর্বিধ্যবিভাগের ক্রম-পর্যায়ত্ব-নিবন্ধন, ব্রাহ্মণে-  
 তর ভক্তগণের পক্ষে ব্রাহ্মণ-জন্মলাভ যে জন্মান্তর-সাপেক্ষ তাহা সাধুজন-স্বীকৃত।  
 ভক্তিরসামৃতসিকু গ্রন্থের উপর্যুক্ত শ্লোকের টীকায় প্রভুপাদ শ্রীজীব গোস্বামী  
 এরূপ সিদ্ধান্তই প্রদর্শন করিয়াছেন। অনুসন্ধিৎসু ব্যক্তির তাহা দর্শনীয়।  
 দৃষ্টান্তরূপে বিহুর, উদ্ধব, গুহকাদিতরুচরিত্র অনুধাবন করিলে সকলেরই  
 বেশ হৃদয়ঙ্গম হইবে যে তরুর শীর্ষস্থান অধিকার করিয়াও তাহারা স্ব স্ব  
 জাতিগত মর্যাদা উল্লঙ্ঘন করেন নাই। এতদ্বিষয়ে ভগবান্ শ্রীরামানুজা-  
 চার্য্য-প্রভুর পিতৃবন্ধু সিদ্ধ-বৈষ্ণব-মহাজনের নিকট শ্রীরামানুজস্বামীর মন্ত্র-  
 প্রহণাভিলাষপ্রসঙ্গে শ্রীনায়কের উপদেশ এবং মহাতারতম্ব অনুশাসনপর্বে  
 ইন্দ্র-মতঙ্গ-সংবাদ অনুসন্ধান করিলে এবিধ গূঢ় শাস্ত্ররহস্যের সুমীমাংসা সম্বন্ধে কোন  
 সন্দেহ থাকে না। অতএব “সত্ত্বঃ সর্বনায় কল্পতে” ইহার ব্যাখ্যায় শ্রীজীবপ্রভু কমল-  
 শীতপত্র-বেধ-স্তায় প্রদর্শন করিয়া কিঞ্চিৎকাল-বিলম্ব (জন্মান্তর) স্বীকার করিয়াছেন।  
 যাহাই হোক যে প্রারম্ভ-পাপ ভোগতির কিছুতেই ক্ষয় হয় না ( “মা ভুক্তং ক্ষীয়তে

যেই যে মাগয়ে তারে দেয় আপন ধন ।

ঘর্ম্ম বৃষ্টি সহে আনের করয়ে রক্ষণ ॥

উত্তম হঞা বৈষ্ণব হবে নিরভিমান ।

জীবের সম্মান দিবে জানি অধিষ্ঠান ॥

কর্ম্ম করুকোটিশতৈরপি”), যাহা অবশ্যই ভোগ করিতে হইবে ( “অবশ্যমেব ভোক্তব্যং কৃতং কর্ম্ম শুভাশুভম্” ), যাহার গুরুত্ব কর্ম্মবাদী ও জ্ঞানবাদী সাধকগণও সম্বরে স্বীকার করেন অর্থাৎ কর্ম্মও জ্ঞানযোগ প্রারক্কেতর সকল পাপ বিনষ্ট করিতে সমর্থ হইলেও যে প্রারক্কেপাপ নাশ করিতে সমর্থ হয় না—ভগবদ্ভক্তি সেই সাধনাস্তর-অবিনাশ-প্রারক্কেপাপকেও সমূলে ধ্বংস করিয়া থাকেন। শ্রীমদ্ভপ-গোশ্বামী স্বীয় “সুবাবলীতে” শ্রীকৃষ্ণভক্তির প্রারক্কেনাশকত্বগুণ সুস্পষ্ট করিয়া লিখিয়াছেন। যথা—“মুদুব্রহ্ম-সাক্ষাৎকৃতিনিষ্ঠ্যাপি বিনাশমায়াতি বিনা ন ভোগৈঃ। অর্পৈতি নাম ক্ষুরণেন তত্তে প্রারক্কেকর্মেতি বিরোতি বেদঃ ॥ হে নামন্ নিশ্চল ব্রহ্মসাক্ষাৎকারদ্বারাও ( ভোগব্যতিরেকে ) যে প্রারক্কে কর্ম্ম বিনষ্ট হয় না, সেই প্রারক্কে কর্ম্ম শ্রীকৃষ্ণনামাদি-উচ্চারণ-দ্বারা বিনষ্ট হয়। ইহা বেদশাস্ত্র স্পষ্ট করিয়া নির্দেশ করিয়াছেন, যথা—“তস্তোদ্বিত্তি নাম, স এষ সর্কেভ্যঃ পাপেভ্য উদিত উদৈতি হর্বে সর্কেভ্যঃ পাপ ভ্যো ২ এবং বেদ” ইতি শ্রুতিঃ। অর্থাৎ শ্রীভগবন্না-মোপাসনাদ্বারা সর্কেপাপনিবৃত্তি হয় ( প্রারক্কেপ্রারক্কে-সর্কেপাপ বিনষ্ট হয় )। এই জন্মই ভগবান বাদরায়ণ ব্রহ্মসূত্রে “অতোহন্ত্যাপিহে কেষামুভয়োঃ” ব্রহ্মসূ। ( ৪।১।১৭ ) অর্থাৎ শ্রীভগবন্মৈকান্তিক-পরমভক্তগণের বিনা ভোগেই প্রারক্কে-কর্ম্মরূপ পুণ্যপাপের বিনাশ হয়। তবে যে “তস্ত তাবদেব চিরম্” ইত্যাদি শ্রুতিতে প্রারক্কে কর্ম্মের ভোগনাশস্বীকারবিষয়ক বাক্য দৃষ্ট হয় তাহা ঐকান্তিক-ভক্ত-বিষয়ক নহে। উহা ভক্তের বাক্তি-বিষয়ক বৃত্তিতে হইবে; অতএব ভক্তির প্রারক্কেনাশকতা শাস্ত্রসঙ্গত। তবে যে কোন কোন স্থলে ভক্তের ও প্রারক্কে কর্ম্মভোগ দেখা যায় তাহা শ্রীভগবানের ইচ্ছাধীন বৃত্তিতে হইবে অর্থাৎ বৃক্ষমণ্ডনবিদ্ মালী যজ্ঞপ বৃক্ষের মৌষ্ঠবসম্পাদনার্থ তাহার শাখাপল্লবদির ছেদনরূপ-কার্যদ্বারা তাহাকে কথঞ্চিৎ দুঃখ প্রদান করিয়া থাকে, তজ্জপ শ্রীভগবানও ভক্তের দৈন্ত্যত্বিকাবুদ্ধির বর্জনার্থ তাদৃশ প্রারক্কে কর্ম্ম ভোগ করাইয়া থাকেন ইহাই বৃত্তিতে হইবে।

শ্রীকৃষ্ণ-সকীর্্তনরূপ-ভক্তি যে পাপবীজও নাশ করেন তাহা শ্রীভগবতের বর্ষ কৃষ্ণে দৃষ্ট হয় যথা—তৈস্তান্ত্রাণি পুরন্তে ত্রপোদানব্রতাদিভিঃ। নাধর্ম্মজং তদক্ক্ষয়ং তদপীশজিষু সেবয়া ॥ তা ৬।২।১৭। তপস্তা, দান ও ব্রতাদিরূপ প্রারশ্চিত্ত দ্বারা পাপসমূহ বিনষ্ট হয় কিন্তু অধর্ম্মজ যে স্তম্ভ পাপসংহার বা বীজ তাহা নষ্ট হয় না। তাহা কেবল কৃষ্ণাজিষু সরোজের কীর্্তনাদিরূপ ভক্তিদ্বারা শুদ্ধ হইয়া থাকে। পাপ ও পাপবীজসকল কেবল জীবের স্তম্ভ শরীরকে আশ্রয় করিয়া থাকে। জীব

এইমত হঞা যেই কৃষ্ণনাম লয় ।  
 শ্রীকৃষ্ণচরণে তার প্রেম উপজয় ॥  
 কহিতে কহিতে প্রভুর দৈন্ত বাড়িলা ।  
 শুদ্ধভক্তি কৃষ্ণ ঠাঞি মাগিতে লাগিলা ॥  
 প্রেমের স্বভাব যাহা প্রেমের সম্বন্ধ ।  
 সেই মানে কৃষ্ণে মোর নাহি ভক্তিগন্ধ ॥”

কৰ্মানুসারে ধ্বংস দেহান্তর প্রাপ্ত হন তখন তাহার সূক্ষ্ম-শরীরের সহিত শুভাশুভ কৰ্ম ও অনুগমন করে । মুক্তির প্রাক্কাল-পর্যন্ত উক্ত কৰ্মসকল বিদ্যমান থাকে । যতকাল পর্যন্ত সাধনাদ্বারা জীবের ঐ কৰ্মসকল বিনষ্ট না হয় ততকাল জীব কৰ্মাধীন হইয়া পুনঃ পুনঃ জন্মমূর্ত্যরূপ দুঃখপ্রবাহে পতিত হন । জীবের পাঞ্চ-ভৌতিক দেহ সৰ্বদাই যে কালকৰ্মাদির অধীন তাহা যুধিষ্ঠিরের প্রতি ভগবান্ নারদের উপদেশ হইতে ও সৰ্বদা ইচ্ছার প্রতিঘাত বা জগতের বৈচিত্র্যাদ্বারা অবগত ‘হওয়া’ যায় । বদ্ধ-জীবের কৰ্মসকল পরমেশ্বরের প্রেরণায় উদ্ভূত হইয়া যখন ফলোন্মুখ হয় তখনই জীব তদনুসারে জাতি আয়ু ও ভোগ প্রাপ্ত হন । ভগবান্ নারদের উপদেশ যথা :—কালকৰ্ম-শুণাধীনো দেহোহয়ং পাঞ্চভৌতিকঃ । ভা ১:১১৪।৪৬। অতএব কৰ্মসমূহ বিনষ্ট না হওয়া পর্যন্ত জীবের ক্লেশনিবৃত্তি অসম্ভব ; কারণ অস্বাধীন ও কৰ্মানু-সারে লব্ধ-ভোগ জীবের দুঃখ অবশ্যস্তাবি । সাধনা দ্বারা পাপ ও পাপ বীজ বিনষ্ট হইলেও যতকাল তৎকারণীভূত অবিদ্যা-নিবৃত্তি না হয় ততকাল পুনরায় পাপাদির সম্ভাবনা থাকায় আত্যন্তিক দুঃখ-নিবৃত্তি অসম্ভব । এই নিমিত্তই পরমকারুণিক ভগবান্ সনৎকুমার ভক্তির অবিদ্যানাশকতা সম্বন্ধে শ্রীভাগবতে একটি শ্লোকে উপদেশ করিয়াছেন যথা—“যৎপাদপঙ্কজপলাশবিলাসভক্ত্যা, কৰ্মাশয়ং গ্রথিত-মুদুগ্রথয়ন্তি সন্তঃ । তদ্বয় রিক্তমতয়ো যতয়ো নিরুদ্ধশ্রোতোগণাস্তমরণং ভজ বাসুদেবম্ ॥ ভা ৪।২২।৩২ । অবিদ্যা, অস্মিতা, রাগ, দ্বেষ ও অভিनिবেশ এই পাঁচটি ক্লেশ বস্তুতঃ অবিদ্যারই প্রকার-ভেদ । প্রারব্ধ, অপ্ৰারব্ধ ও পাপবীজ এই তিন প্রকার পাপও ঐ ক্লেশেরই অন্তর্গত । অতএব অবিদ্যার বিনাশে সৰ্বদুঃখ-নিবৃত্তি সৰ্ববাদিসম্ভব । ভক্তিশাস্ত্রে যে অনর্থনিবৃত্তিকে ভক্তির ফলরূপে নির্দেশ করিয়াছেন তাহাও ক্লেশনিবৃত্তির অন্তঃপাতী । মাধুর্য-কাদম্বিনী গ্রন্থে ঐ অনর্থকে চতুর্কো বিভক্ত করিয়াছেন যথা—দুঃখতোখ, স্নেহতোখ, অপরাধোখ ও ভক্ত্যুখ । তন্মধ্যে দুঃখভিনিবেশ, রাগ, দ্বেষ, প্রভৃতি ক্লেশসকলকেই দুঃখতোখ অনর্থ বলা হয় । ভোগাভিনিবেশ প্রভৃতি বিবিধ অনর্থের নামই স্নেহতোখ অনর্থ । অপরাধোখ অনর্থদ্বারা নামাপরাধসকলকেই গ্রহণ করা হইয়াছে । শাস্ত্র দশবিধ নামাপরাধ নির্বাচন করিয়াছেন । যথা—বৈষ্ণবনিন্দাদি-বৈষ্ণবাপরাধ, শিব বিষ্ণুরই অবতার অতএব তাহাকে স্বতন্ত্র বা পৃথক্ ঈশ্বর বলিয়া জ্ঞান,

তথাহি পড়াবল্যাম্—

“ন ধনং ন জন্মং ন সুন্দরীং কবিতাং বা জগদীশ কাময়ে ।

মন জন্মনি জন্মনীশ্বরে ভবতাদ্ভক্তির্হেতুকী ত্বয়ি ॥” পড়াবল্যাম্ ৯৫ ।

হে জগদীশ, আমি ধন, জন্ম, সুন্দরী নারী বা কবিত্বশক্তিও প্রার্থনা করি না, কেবল জন্মে জন্মে তোমাতে অহেতুকী ভক্তি প্রার্থনা করি ।

শ্রীগুরুদেবে অবজ্ঞা বা মনুষ্য বুদ্ধি করা, বেদপুরাণাদি-শাস্ত্র-নিন্দা, নামের অর্থবাদ অর্থাৎ শাস্ত্র নামের যেসমস্ত অচিন্ত্য-প্রভাব নির্দেশ করিয়াছেন তাহাতে অবিশ্বাস অর্থাৎ একরূপ শক্তি নামে নাই পরন্তু ঐগুলি প্রশংসা-সূচক-বাক্য-মাত্র এই প্রকার বিবেচনা করা, নামের কুখ্যাখ্যা বা কষ্ট কল্পনা করিয়া নামের কদর্থ করা, নাম-বলে পাপে প্রবৃত্তি, অর্থাৎ ( উপস্থিত পাপ কর্ম করি পরে নাম-প্রভাবে সমস্তপাপ নষ্ট হইয়া যাইবে এইরূপ বিবেচনা করিয়া পাপকর্মে প্রবৃত্তি ) দান, ব্রত প্রভৃতি শুভকর্মের সহিত নামকীর্তনাদিকে সমান মনে করা, শ্রদ্ধাহীন জনে নামকীর্তন করিতে উপদেশ দেওয়া এবং নামমহাত্ম্য শ্রবণ করিয়াও তুর্দৈব-বশতঃ নামে অপ্ৰীতি । ভগবান সনৎকুমার পদ্মপুরাণে যে দশবিধ নামাপরাধ নির্দেশ করিয়াছেন তাহাটী নিম্নে প্রদর্শিত হইল । সনৎকুমারের বাক্য যথা—

সত্যাং নিন্দা নম্নঃ পরমমপরাধং বিতনুতে,

যতঃ খ্যাতিং যাতং কথমু সহতে তদ্বিগর্হাম্ ।

শিবস্ত্রীবিষেণ ইহ গুণনামাদিকমলং,

ধিয়াভিন্নং পশ্যেৎ স খলু হরিনামাহিতকরঃ ॥

গুরোরবজ্ঞা শ্রুতিশাস্ত্রনিন্দনং তথার্থবাদো হরিনাম্নি কল্পনম্ ।

নাম্নো বলাদ্ যস্য হি পাপবুদ্ধির্নবিদ্যতে তস্য যমৈহিশুদ্ধিঃ ॥

ধর্মব্রতত্যাগছতাদিসর্বশুভক্রিয়াসাম্যমপি প্রমাদঃ ।

অশ্রদ্ধধানে বিমুখেহপ্যাশুগতি যশ্চোপদেশঃ শিবনামাপরাধঃ ॥

পদ্মপু স্বর্গখ ৪৮।৪৭-৪৯ ।

উক্ত পদ্মপুরাণেই ভগবান্ সনৎকুমারের উক্তিতে প্রকাশ পায় যে নামাপরাধী ব্যক্তি যদি শ্রীনামের শরণাপন্ন হইয়া অবিশ্রান্ত নামোচ্চারণ করেন তবে তিনি নিশ্চয়ই পতন হইতে রক্ষা প্রাপ্ত হইয়া শ্রীহরিচরণলাভে কৃতার্থ হইয়া থাকেন । যথা—

“নামাপরাধযুক্তানাং নামান্তেব হরন্ত্যযম্ ।

অবিশ্রান্তপ্রযুক্তানি তান্তেবার্থকরাণি চ ॥” পদ্মপু স্বর্গখ। ৪৮।৪৬ ।

এস্থলে আরও বক্তব্য এই যে নামাপরাধসমূহ প্রাচীনই হোক আর নূতনই হোক যদি জ্ঞানকৃত না হইয়া ফলরূপ-সিদ্ধদ্বারা অনুমিত হয় তবেই অবিশ্রান্তপ্রযুক্তনামদ্বারা ভক্তিনিষ্ঠা জন্মিলে সেই অপরাধ ক্রমশঃ উপশম প্রাপ্ত হইয়া থাকে । এস্থলে “নাম” শব্দটা ভক্ত্যঙ্গ-মাত্রের উপলক্ষক । শ্রবণকীর্তনাদিরূপ যে কোন

“ধন জন নাহি মাগো কবিতা সুন্দরী ।  
 শুদ্ধভক্তি দেহ মোরে কৃষ্ণ কৃপা করি ॥  
 অতিদৈন্ত্রে পুনঃ মাগে দাস্ত্রভক্তি দান ।  
 আপনারে করে সংসারী জীব অভিমান ॥”

ভক্ত্যঙ্গ অবিশ্রান্তপ্রযুক্ত হইলেই ক্রমশঃ অজ্ঞানকৃত-অপরাধসকল  
 বিনাশ প্রাপ্ত হইয়া থাকে । কিন্তু যদি উক্ত নামাপরাধসকল জ্ঞানকৃত হইয়া  
 থাকে তবে কোন কোন স্থলে তদ্বিষয়ে বিশেষ ব্যবস্থা পরিদৃষ্ট হয় । সাধু  
 নিন্দা ও গুরুদেবের প্রতি অবজ্ঞা দশবিধ নামপরাধের মধ্যে গুরুতর অপরাধ ।  
 কারণ এবন্নিধ অপরাধীর অধঃপতন অতিদ্রুত ও অবশ্যস্তাবী । সুতরাং যখন  
 শুধু নিন্দাই এবন্নিধ ধ্বংসের কারণ তখন তাহাদের প্রতি দ্রোহ যে কিরূপ  
 মহানর্থকর তাহা সুধীমাত্রই বুঝিতে পারিতেছেন । এই নিমিত্ত ভক্তি-সন্দর্ভে  
 শ্রীমজ্জীবপ্রভু সাধু-নিন্দা ও গুরুদেবাবজ্ঞাবিষয়ে সাধকগণকে বিশেষ-সাবধানতা  
 অবলম্বন করিতে উপদেশ দিয়াছেন । “নিন্দাং কুর্কন্তি যে মূঢ়া বৈষ্ণবানাং  
 মহাত্মনাম্ । পতন্তি পিতৃভিঃ সার্কিং মহারৌরবসংজ্ঞিতে ॥ ( স্কান্দে, মার্কণ্ডেয়-  
 ভাগীরথ-সংবাদে ) । “আয়ুঃ শ্রিয়ং যশো ধর্ম্মং লোকানাশিষ এব চ । হস্তি শ্রেয়াংসি  
 সর্বাণি পুংসো মহদতিক্রমঃ । ( ভা ১০।৪।৪৫ ) । যে সকল মূঢ় ব্যক্তির মহাত্মা  
 বৈষ্ণবদিগের নিন্দা করে তাহারা পিতৃগণের সহিত মহারৌরব-নরকে পতিত  
 হয় । মহাত্মাগণের প্রতি অত্যাচার পুরুষের আয়ু, শ্রী, যশ, ধর্ম্ম, পরলোক  
 ও ঐহিক-উন্নতি—সমস্ত-কল্যাণই বিনষ্ট করিয়া থাকে । দেবদ্রোহ হইতে  
 গুরুদ্রোহ কোটি গুণ অধিক দোষাবহ । “দেবদ্রোহাদ্ গুরুদ্রোহঃ কোটি-কোটি-  
 গুণাধিকঃ । ( কুর্ম্ম পুঃ উ । ১৬।১৮ ) ।

“যে গুরুদ্রোহিণো মূঢ়াঃ সততং পাপকারিণঃ । ।  
 তেষাঞ্চ যাবৎ স্কৃতং দুষ্কৃতং শ্রান্ন সংশয়ঃ ॥”  
 “অধিক্শিপ্য গুরুং মোহাৎ পরুষং প্রবদন্তি যে ।  
 শূকরত্বং ভবত্যেব তেষাং জন্মশতেষপি ॥”  
 “যে গুরুজ্ঞাং ন কুর্কন্তি পাপিষ্ঠাঃ পুরুষাধমাঃ ।  
 ন তেষাং নরকক্লেণনিস্তারো মুনিসত্তম ॥” ( অগস্ত্যসংহিতা)  
 হরৌ রুষ্ঠে গুরুস্নাতা গুরৌ রুষ্ঠে ন কশ্চন ।  
 তস্মাৎ সর্বপ্রথমেণ গুরুমেব প্রসাদয়েৎ ( তন্ত্রে ) ॥  
 বোধঃ কলুষিতস্তেন দৌরাত্ম্যং প্রকটীকৃতং ।  
 গুরুর্ধেন পরিত্যক্তস্তেন ত্যক্তঃ পুরা হরিঃ ॥  
 উপদেষ্টারম্নায়াগতং পরিহরন্তি যে ।  
 তান্ মৃতানপি ক্রব্যাদাঃ কৃতঘ্নামোপভূঞ্জতে ॥

হরিভক্তিবিলাসধ্বতব্রহ্মবৈবর্তে ।

তথাহি পঢ়াবল্যাম্—

“অয়ি নন্দনতনুজকিঙ্করং পতিতং মাং বিষমে ভবাম্বুধৌ ।

রূপয়া তব পাদপঙ্কজস্থিতধূলিসদৃশং বিচিস্তয় ॥” পঢ়াবল্যাম্ ৭১

হে নন্দনন্দন, আমি তোমার কিঙ্কর, বিষম ভবসাগরে নিমগ্ন; আমাকে তোমার পাদপদ্মস্থ ধূলিকণার স্মরণ ভাবিয়া নিজদাস্ত্রে অঙ্গীকার কর ।

প্রতিপত্ত গুরুং যন্ত মোহাদ্ বিপ্রতিপত্তে ।

স কল্পকোটিং নরকে পচাতে পুরুষাধমঃ ॥ হরিভক্তিবিলাসে ।

অর্থাৎ নিবস্তুর পাপকর্মা যে সকল মূর্খগণ শ্রীগুরুর প্রতি দ্রোহ আচরণ করে তাহাদের যৎকিঞ্চিৎ পুণ্য থাকে তাহাও নিশ্চয়ই পাতকরূপে পরিণত হয়। যে ব্যক্তি মোহবশতঃ গুরুদেবকে ভৎসনাপূর্বক পরুষবাক্য বলে সে শতজন্ম শূকরযোনি প্রাপ্ত হয়। হে মুনিসত্তম! যে সমস্ত পাপিষ্ঠ নরাধমেরা শ্রীগুরুর আদেশ প্রতিপালন করে না, তাহাদের নরক-যন্ত্রণা হইতে পরিত্রাণের কোন উপায় নাই। শ্রীহরি কুপিত হইলে শ্রীগুরু উদ্ধারকর্তা হন কিন্তু শ্রীগুরু কুপিত হইলে কেহই রক্ষা করিতে সক্ষম হন না। যে ব্যক্তি শ্রীগুরুকর্তৃক পরিত্যক্ত হন ভগবান্ হরি তৎকর্তৃক অগ্রেই পরিত্যক্ত হইয়া থাকেন। তাহার হিতাহিত-জ্ঞানাধারই কলুষিত হইয়াছে ও তাহাব দোষাত্মা প্রকটীকৃত হইয়াছে বুঝিতে হইবে। যে সকল ব্যক্তি বেদ-সঙ্গত শ্রীগুরুদেবকে পরিত্যাগ করে সেই সকল কৃতঘ্ন-ব্যক্তির মৃত্যুর পর নরকে গমন করিলে মাংসাশী পশুপক্ষিগণও তাহাদের কলুষিত-মাংস ভোজন করে না। যে ব্যক্তি প্রথমে কাহাকেও গুরু বলিয়া স্বীকার করিয়া পুনর্বার সেই গুরুদেবকে পরিত্যাগ করে সেই নরাধম কল্পকোটিকালব্যবৎ নরকে পচিতে থাকে। ভগবান্ অত্রি বলিয়াছেন “একমপ্যক্ষরং যন্ত গুরুঃ শিষ্যে নিবেদয়েৎ । পৃথিব্যাং নাস্তি তদ্দ্রব্যং যদ্বজ্জা হৃৎস্বী ভবেৎ ॥ একাক্ষরং প্রদাতারং যো গুরুং নাভিমমৃত্তে । শূনাং যোনিশতং গচ্ছা চাণ্ডালেষপি জায়তে ॥ অত্রিসং ২।১১ । গুরুদেব যদি শিষ্যকে একটি মাত্রও অক্ষর প্রদান করিয়া থাকেন পৃথিবীতে এমন কোন দ্রব্য নাই যাহা তাহাকে প্রদান করিলে শিষ্য ঋণমুক্ত হইতে পারেন। একাক্ষর-প্রদাতা গুরুকেও যে ব্যক্তি সম্মান না করে সে শতবার কুকুরজন্ম প্রাপ্ত হয় ও শেষে চণ্ডাল-জাতিতে জন্মগ্রহণ করে। দৈবাৎ এইরূপ অপরাধ ঘটিলে—হায় আমি কি পামর! সাধু ও গুরুচরণে অপরাধী হইলাম—এই প্রকার অনুতপ্ত হইয়া অগ্নিতপ্তব্যক্তি যেমন অগ্নিতেই শাস্তিলাভ করে তদ্রূপ সাধু ও গুরুচরণের সন্নিধানে উপস্থিত হইয়া বহুবিধ স্তুতি ও প্রণতি দ্বারা তাহাদের প্রসন্নতা উৎপাদনের নিমিত্ত আন্তরিক প্রযত্ন কর্তব্য।

“তোমার নিত্যদাস মুঞি তোমা পাসরিয়া ।  
 পড়িয়াছো ভবান্নবে মায়াবদ্ধ হঞা ॥ ১  
 রূপা করি কর মোরে পদধূলি সম ।  
 তোমার সেবক করে তোমার সেবন ॥  
 পুন অতি উৎকণ্ঠা দৈন্ত হৈল উদগম ।  
 কৃষ্ণ ঠাঞি মাগে প্রেম নামসঙ্কীৰ্তন ॥”

ষট্‌সন্দর্ভান্তর্গত শ্রীভক্তিসন্দর্ভে শ্রীগোষ্ঠামিপাদ “মহদপরাধস্ত ভোগ এব নিবর্তকস্তদনুগ্রহো বা” নামকৌমুদীগ্রন্থের এই পাঠটি উদ্ধৃত করিয়া তাহাই সপ্রমাণ করিতে চেষ্টা করিয়াছেন। যদি কেহ কখনও গুরুরাদিকে ঐরূপে প্রসন্ন করিতে না পারেন তবে বহুদিন যাবৎ তাহার অভিলষিত-কাধাসমূহের অনুষ্ঠান করিতে থাকিবেন। অপরাধের অতি গুরুত্ববশতঃ উদগতেও ক্রোধের নিবৃত্তি না হইলে, অনুতাপসহকারে কেবল নামসঙ্কীৰ্তন ও ভক্ত্যঙ্গসমূহের যাজনা করিতে থাকিবেন। নাম অনন্তশক্তির আধার—অবশ্যই তিনি কোন না কোন সময়ে অনুতপ্ত ব্যক্তিকে উদ্ধার করিবেন। কিন্তু যিনি সাধু বা গুরুচরণকে অনাদরপূর্বক অপরাধনিষ্কৃতিলাভের নিমিত্ত কেবলমাত্র ভগবান্নাদিকেই পরমোপায় ভাবিয়া আশ্রয়গ্রহণ করেন তাহার পূর্ষাপরাধ তো বিনষ্ট হয় না—পরন্তু পুনর্বার নামাপরাধ ঘটয়া থাকে। সাধু গুরু ব্যক্তি ক্রোধপ্রকাশপূর্বক অপরাধ গ্রহণ না করিলেও অপরাধী ব্যক্তির তচ্চরণে পতিত হইয়া স্বীয় অপরাধের ক্ষমা প্রার্থনা করিবেন। কেন না যদিও “ন বিক্রিয়া বিশ্বসুহৃৎসথস্য সামোন বীতাভি-মতেস্তবাপি। মহদ্বিমানাং স্বরুতাক্চি মাদৃণ্ড্ নজ্জ্যত্যাংরাদপি শূলপাণিঃ। (ভা ৫।১০।২৫। হে মহাশয়! আপনি বিশ্বসুহৃৎ ও সখা সূতবাং সর্ষত্র সমদর্শন; আপনার দেহাদিতে আত্মবুদ্ধি নাই—তথাপি আমি আপনার নিকট যে অপরাধ করিয়াছি তদ্বারা যদিও আপনার কোনরূপ চিত্তবিকার হয় নাই তথাপি মাদৃশ ক্ষুদ্র ব্যক্তি যদি শিবতুল্যও হয় তাহা হইলেও ভবদ্বিধ মহাপুরুষের অপমানে শীঘ্রই ধ্বংস প্রাপ্ত হইবে। “সেৰ্যং মহাপুরুষপাদপাংশুভিঃ নিরস্ততেজঃ সূতদেব শোভনম্।” ভা ৪।৪।১৪। অর্থাৎ যদিও সাধুগণ আত্মনিন্দা সহ করেন কিন্তু তাঁহাদের পাদরেণু সকল তাহা সহ করিতে পারেন না। ঐ চরণধূলি ঈর্ষাসহকারে উক্ত নিন্দাকারীর তেজসমূহকে নিরস্ত করিয়া দেয়।

যতকাল পর্য্যন্ত অপরাধরূপ-অনর্থনিবৃত্তি না হয় ততকাল পর্য্যন্ত সঙ্কীৰ্তন-রূপ-কৃষ্ণভক্তির অনুশীলনসত্ত্বেও সংসাররূপ-মহাদাবাগ্নি নির্ধাপিত হয় না, প্রেমলাভ তো একান্ত অসম্ভব। অতএব নামাপরাধশূন্য হইয়া নামসঙ্কীৰ্তনই একান্ত কর্তব্য। কৃষ্ণকীৰ্তনভক্ত্যুৎ অনর্থসমূহকে নষ্ট করে। উক্ত অনর্থ-নিবৃত্ত হইলে সাধক নিষ্ঠাসহকারে ভক্তির অনুষ্ঠানে যোগ্য হন। অবিচ্ছিন্ন সংসাররূপ

তথাহি পড়াবল্যাম্—

“নয়নং গলদক্ষধারয়া বদনং গদগদরুদ্ধয়া গিরা ।

পুলকৈ নিচিতং বপুঃ কদা তব নামগ্রহণে ভবিষ্যতি ॥” পড়াবল্যাম্ ২৪

প্রাণ্ডে, কবে তোমার নাম লইতে লইতে আমার নেত্র দিয়া আনন্দাশ্রু বিগলিত হইবে, মুখে বাক্য রুদ্ধ হইয়া আসিবে এবং সর্বাঙ্গ পুলককদম্বে বিভূষিত হইবে ?

মহাদাবাগ্নির মূল কারণ । অবিদ্যাই দেহাদিতে আত্মবুদ্ধিহারা রাগ-দেবাদির উৎপাদিকা হয় । “অবিদ্যা ক্ষেত্রমত্তরোমাং” বোগহৃত ২।৪ । অবিদ্যা অস্মিতা, রাগ, দ্বেষ ও অভিনিবেশ এই চারিটার উৎপত্তি-স্থান । সূত্রাং কৃষ্ণনামসঙ্কীর্ণনে অবিদ্যার বিনাশের সঙ্গে-সঙ্গে উক্ত সকলপ্রকার অনর্থ আশ্রয় হইতে বিলয় প্রাপ্ত হয় । সূত্রাং কি প্রকারে ভগবান্নামাবলী উক্ত অবিদ্যার নাশকরতঃ ভবমহাদাবাগ্নি নির্দাপণ করেন শ্রীমন্মহাপ্রভু “চেতাদর্পণমার্জ্জনং” এই শ্লোকাংশ দ্বারা বিস্তার করিয়া প্রদর্শন করিয়াছেন । যাবৎকাল পর্যন্ত জীবের দেহাভ্যতিরিক্ত আত্মস্বরূপ প্রতিভাত না হয় ততকাল পর্যন্ত দেহাদিতে আত্মবুদ্ধিনিবন্ধন দুঃখোৎপত্তি অবশ্যস্তাবিনী । উক্ত দেহ আবার স্থূল, সূক্ষ্ম ও কারণ ভেদে ত্রিবিধ । বৈষ্ণোবাচাধাগণ কারণশরীরকে সূক্ষ্মশরীরের অবান্তররূপ নির্দেশ করিয়া শরীরদ্বয় স্বীকার করিয়াছেন । তন্মধ্যে পঞ্চাকৃত-পঞ্চভূতোখ অন্নময়কোষকে স্থূলশরীর বলে । উক্ত স্থূলশরীর আবার চতুদশভূবনায়ুক ব্রহ্মাণ্ডান্তর্বত্তী লোকভেদে পার্থিব, জলীয়, তৈজস, বায়বীয় ও শাব্দভেদে পঞ্চবিধ । তন্মধ্যে মর্তলোকে পার্থিব, বরুণলোকে জলীয়, স্বর্গলোকে তৈজস, প্রেতলোকে বায়বীয় ও ব্রহ্মলোকে শাব্দশরীর । সকলপ্রকার স্থূলশরীর পাঞ্চভৌতিক হইলেও তত্তৎ-ভূতের আধিক্যবশতঃ পঞ্চাধি নাম প্রয়োগ হইয়া থাকে । স্থূলশরীরের স্বরূপ গর্ভোপনিষদে যেরূপ নির্দেশ আছে তাহা এইরূপ—“পঞ্চাত্মকং পঞ্চসু বর্তমানং ষড়াশ্রয়ং ষড়্-গুণযোগযুক্তম্ । তং সপ্তধাতুং ত্রিমলং দ্বিঘোনিং চতুর্বিধাহারময়ং শরীরম্ ॥ ক্ষিপ্তাপতেজমরুদ্যোম এই পঞ্চাত্মক—ধারণ, পিণ্ডীকরণ, প্রকাশন, বাহন ( বিস্তার ) ও অবকাশপ্রদান এই পঞ্চবিধ কন্মো বর্তমান—মধুর, অন্ন, লরণ, তিক্ত, কটু ও কষায় এই ষড়্-বিধ বসের আশ্রয়ভূত—ষড়্জ, ঋষভ, গান্ধার, মধ্যম, পঞ্চম, ধৈবত ও নিষাদ এই সপ্তস্বরের উদ্ভবস্থান—শুক্ল, রক্ত, কৃষ্ণ, ধূম্র, পীত, কপিণ ও পাণ্ডুর এই সপ্তবর্ণের আধার—রস, রক্ত, মাংস মেদ, স্নায়ু, অস্থি, মজ্জা ও শুক্র এই সপ্তধাতুবিশিষ্ট—বায়ু পিত্ত কফ এই ত্রিমলযুক্ত—স্ত্রী ও পুরুষ চিহ্ন-চিহ্নিত ও চর্ক্যা, চোষা, লেহ ও পেয় এই চতুর্বিধ আহারের বিকারভূত শরীরকে স্থূলশরীর বলে । এই স্থূল শরীরকে অন্ন-রস-ময়-কোষ বলে । শ্রোত্র, ত্বক, চক্ষু, জিহ্বা ও নাসিকা এই পাঁচটা জানেন্দ্রিয়—বাক্ পাণি, পাদ, পায়ু ও উপস্থ এই পাঁচটা কন্মেন্দ্রিয়—প্রাণ, অপান, সমান, উদান ও ব্যান



“প্রেমধন বিনা ব্যর্থ দরিদ্র-জীবন ।

দাস করি বেতন মোর দেহ প্রেমধন ॥

রসান্তরাবেশে হৈল বিরহস্ফুরণ ।

উদ্বেগ বিষাদ দৈন্ত্য করে প্রলাপন ॥”

এই পঞ্চপ্রাণ-মন ও বুদ্ধি এই সপ্তদশ-অবয়ববিশিষ্ট শরীরকে সূক্ষ্মশরীর বা লিঙ্গ শরীর বলে । যথা—“বুদ্ধিকর্মেন্দ্রিয়প্রাণপঞ্চকৈর্মনসা ধিয়া । শরীরং সপ্তদশভিঃ সূক্ষ্মং তল্লিঙ্গমুচ্যতে । পঞ্চদশী ১।২৩ । প্রাণময়, মনোময়, বিজ্ঞানময় এই কোষ-ত্রয়ের সমবায়ই সূক্ষ্মশরীব । অবিদ্যাকে আনন্দময়-কোষ বা কারণ শরীর শরীর বলে । পূর্বোক্ত ত্রিবিধ শরীর বা পঞ্চকোষ সকলই মায়ার কার্য । জীবের মায়াকায়া-শরীবত্রয়ে আত্মবুদ্ধিবশতঃ বিষয়েন্দ্রিয়-সংস্পর্শজ যে ভোগ তাহাই দুঃখোৎপত্তির কারণ । প্রতিকূলভাবে যে বিষয়ানুভব তাহাই দুঃখ । ভগবান্ শ্রীকৃষ্ণ গীতাশাস্ত্রে বলিয়াছেন “যে হি সংস্পর্শজা ভোগা দুঃখযোনয় এব তে । আত্মভবনঃ কোন্তেয় ন তেষু রমতে বৃধঃ ॥” ( ৫।২২ । ) বিষয়েন্দ্রিয়ের সন্নিকর্ষবশতঃ যে ভোগ উৎপন্ন হয় উহা দুঃখের কারণ । ঐ ভোগসকল যাতায়াতশীল অতএব পণ্ডিত ব্যক্তি উহাতে আসক্ত হন না । অজ্ঞ ব্যক্তির প্রকৃতির কার্য জড়েন্দ্রিয়নিষ্পাত্ত কৰ্মসকলকে অজ্ঞতানিবন্ধন স্বনিষ্পাত্ত-বোধে অভিমানবশতঃ দুঃখভোগ করিয়া থাকেন । এই জন্মই পার্থসারথি ভগবান্ হরি বলিয়াছেন “প্রকৃতেঃ ক্রিয়মাণানি গুণৈঃ কৰ্ম্মাণি সৰ্ব্বশঃ । অহঙ্কারবিমূঢ়াত্মা কৰ্ত্তাহমিতি মনতে” ॥ ( ৩২৭ ) অতএব যখন পুরুষের দেহাচ্যতিরিক্তি অজড় আত্মবিষয়ক অপরোক্ষজ্ঞান জন্মে তখনই তিনি প্রাকৃতিক দেহদৈহিক-ব্যাপারে অভিমান-পরিত্যাগপূৰ্ণক অর্থাৎ ( জড়-ইন্দ্রিয় জড়-বিষয় গ্রহণ করিতেছে— অজড় আত্মা এতদতিরিক্ত, আমি কখনও বিষয় গ্রহণ করি না—এইরূপ নিরভিমান হইয়া ) কৃতার্থ হইয়া থাকে । শ্রীভগবান্ ও অর্জুনকে এইরূপ উপদেশ প্রদান করিয়াছেন—“তত্ত্ববিত্ত্বু মহাবাহো গুণকৰ্ম্মবিভাগয়োঃ । গুণা গুণেষু বর্তন্ত ইতি মত্বা ন সজ্জতে” ॥ ৩।২৮ । হে মহাবাহো ! গুণ-কৰ্ম্ম-বিভাগের তত্ত্ববিৎ ( অর্থাৎ ইন্দ্রিয়বর্গ ও তৎকৰ্ম্মসমূহ হইতে আত্মভেদজ্ঞ ব্যক্তি ) শ্রোত্রাদি-ইন্দ্রিয়সমূহ ইন্দ্রিয়াধিষ্ঠাতৃ-দেবতা-কর্তৃক প্রেরিত হইয়া শব্দাদি-বিষয়ে প্রবর্তিত হয় এইরূপ অবগত হইয়া কৰ্ম্মে আসক্ত হন না । শ্রীমদ্ভগবদ্গীতা-পাঠে অবগত হওয়া যায় যে দেহ, ইন্দ্রিয় ও বিষয় এই ত্রিবিধ জড়-বস্তু হইতে যতদিন আত্মবুদ্ধি নিবৃত্ত না হয় ততদিন আত্মান্তিক-ক্লেশ-ধ্বংসের প্রতি দেহাচ্যতিরিক্ত সচ্চিদানন্দ আত্মার অপরোক্ষানুভূতি একান্ত অপেক্ষিত । সেই জন্মই করুণাময় শ্রীগৌরান্ মহাপ্রভু কৃষ্ণনাম-সঙ্কীৰ্ত্তন যে চিত্তদর্পণের মালিন্য অপসারিত করে প্রথম শ্লোকে তাহাই প্রদর্শন করিলেন । দেহাচ্যতিরিক্ত অজড় জীবাত্মসাক্ষাৎকার-সহকৃত-পরমাত্মসাক্ষাৎকারের একমাত্র যোগ্যস্থান বিশুদ্ধচিত্ত । চিত্তশুদ্ধি-ব্যতীত কাহারও আত্মসাক্ষাৎকারের যোগ্যতা নাই । এই নিমিত্ত শ্রুতি ও স্মৃতিতে উক্ত

তথাহি পত্নাবল্যাম্—

“যুগায়িতং নিমেষেণ চক্ষুষা প্রাবৃষায়িতম্ ।

শূন্যায়িতং জগৎ সৰ্ব্বং গোবিন্দবিরহেণ মে ॥” পত্নাবল্যাম ৩২৮

হায় হায় ! গোবিন্দবিরহে নিমেষকালও আমার পক্ষে যুগের ত্যায় বোধ হইতেছে ; নেত্র দিয়া বর্ষাকালীন বারিধারার ত্যায় অশ্রুধারা বিগলিত হইতেছে । সমস্ত জগৎ শূন্যময় দেখিতেছি ।

হইয়াছে “দৃশ্যতে ত্বগ্রয়া বুদ্ধ্যা স্কন্দয়া স্কন্দদর্শিত্তিঃ” ( কঠ ১।৩।১২ ) স্কন্দদর্শিগণ পরমেশ্বরানুগ্রহে বিশুদ্ধবুদ্ধি-দ্বারা তাঁহাকে দর্শন করিয়া থাকেন । “ন সংদৃশে তিষ্ঠতি রূপমশ্রু, ন চক্ষুষা পশ্যতি কশ্চিদেনমু । হৃদা মনোয়া মনসাভিকপ্তো য এনং বিদুবমৃতান্তে ভবন্তি ।” ( কঠ ২।৩।২ ) শ্রীভগবানের সম্যক্ জ্ঞানোপযোগী রূপ নাই অর্থাৎ তিনি সম্যকরূপে জ্ঞানের বিষয়ীভূত হন না । তাহাকে কেহই চক্ষু দ্বারা দর্শন করিতে সমর্থ হয় না ; কারণ তিনি অধোক্ষজ, ইন্দ্রিয়জন্য-জ্ঞানের অতীত । তিনি কেবল বিশুদ্ধচিত্ত দ্বারা অনুভূত হন । যাঁহারা এই পরমপুরুষের অপরোক্ক অনুভব করেন তাঁহারা মুক্ত হইয়া থাকেন । “যথাদর্শে তথাঅনি” ( কঠ ২।৩।৫ ) দর্পণে যেমন মুখাবলোকন হইয়া থাকে বিশুদ্ধচিত্তে তদ্রূপ আত্মাবলোকন হইয়া থাকে । “মনসৈবানুদ্রষ্টবাম্” বিশুদ্ধ-মনদ্বারা আত্মাকে দর্শন করিবে । “মনসৈ-বেদনাপ্তবাম্” বিশুদ্ধ মনদ্বারা আত্মাকে প্রাপ্ত হইবে ।

“ত্বং ভক্তিয়োগপরিভাবিতহৃৎসরোজ,

আস্মে শ্রুতেক্ষিতপথো ননু নাথ পুংসাম্ ।

যেদ্ যদ্ ধিয়া ত উরুগায় বিভাবয়ন্তি,

তত্তদ্বপুঃ প্রণয়সে সদনুগ্রহায়” ॥ ( ভা ৩।২।১১ )

হে নাথ—বেদাদিশাস্ত্র-শ্রবণ-দ্বারা যাহার পথ অবলোকন করিতে হয়—সেই বেদবেত্ত পরমপুরুষ তুমি ভক্তগণের ভক্তিয়োগ-দ্বারা যোগাতাপ্রাপ্ত বিশুদ্ধ-হৃদয়ে আবিভূত হও । ঐ সমস্ত ভক্তগণ ভক্তিভাবিত-বিশুদ্ধবুদ্ধি-দ্বারা তোমার নিত্যসিদ্ধ বে যে রূপ চিন্তা করেন তুমি তাহাদের অনুগ্রহার্থ সেই সেই চিত্তপু প্রকটিত করিয়া থাক । দেহাঘতিরিক্ত জীবাত্মা ও পরমাত্মার সাক্ষাৎকার-দ্বারা ক্লেশের মূলীভূতা অবিদ্যা নিবৃত্তা হন—কারণের ধ্বংসে কার্যের ধ্বংস অবশ্যস্তাবী । অতএব কৃষ্ণসঙ্কীৰ্তন যে সমূলে সংসার-দুঃখ-নিবর্তক তাহা ‘চেতাদর্পণমার্জনং ভবমহা-দাবাগ্নানর্ক্যাপণম্’ ইত্যাদি শ্লোকের প্রথম-পাদদ্বারা প্রদর্শিত হইল । অধুনা উক্ত শ্লোকের দ্বিতীয়-পাদদ্বারা সঙ্কীৰ্তনরূপা ভক্তি যে সৰ্ব্বশুভদাত্রী তাহা প্রদর্শিত হইতেছে । “শ্রেয়ঃ কৈবরচন্দ্রিকাবিতরণম্” শ্রীকৃষ্ণসঙ্কীৰ্তন পরম-শ্রেয়ঃস্বরূপ কুমুদের সম্বন্ধে জ্যোৎস্নাসদৃশ অর্থাৎ চন্দ্রের উদয়ে যেমন কুমুদ প্রস্ফুটিত

“দিবস না যায় ক্ষণে হৈল যুগ সম ।  
বর্ষামেঘ প্রায় অক্ষর বরিষে নয়ন ॥  
গোবিন্দ-বিরহে শূন্য দেখি ত্রিভুবন ।  
তুষানলে পোড়ে যেন না যায় জীবন ॥

হয় তদ্রূপ কৃষ্ণসঙ্কীর্ণরূপ-ভক্তির উদয়ে সর্ববিধ শুভরূপ কুমুদপুষ্প প্রস্ফুটিত হয় । ভক্তির শুভদাতৃত্ব গুণ-সম্বন্ধে শ্রীমদ্ভাগবতে এইরূপ উক্ত হইয়াছে

“যস্মাস্তি ভক্তির্ভগবতাকিঞ্চনা ।  
সর্বে গুণৈস্তত্র সনাসতে সুরাঃ ॥  
হরাবভক্তস্য কুতো মহদগুণা ।

মনোবথেনাসতি ধাবতো বহিঃ” ॥ ( ভা—৫।১৮।১২ )

যে ব্যক্তির ভগবান্ শ্রীকৃষ্ণে অকিঞ্চনা ( নিষ্কামা ) ভক্তি জন্মে, সর্ববিধ সদগুণের সহিত ব্রহ্মরূপাদি দেবভাগ্য তাহার শরীরে অবস্থান করেন । হরিভক্তিবিবর্জিত ব্যক্তির মনোরথ দ্বারা অসৎ-রাহ-বিষয়ে ধাবমানচিত্তে মহদগুণ ( অমানিত্বাদি সদগুণাবলী ) কোথা হইতে আসিবে ? “শুভানি প্রীগনং সর্বজগতামনুরক্ততা । সাদগুণ্যং সুখমিত্যান্যান্যাতানি মনীষিভিঃ ॥ ( ভক্তিরস পৃঃ ১।১৮ ) সর্বজগতের প্রীতিবিধান, সর্বজগৎকর্তৃক অনুরক্ততা, সদগুণ ও সুখ ইত্যাদিকে পণ্ডিতগণ শুভ বলিয়া থাকেন । মনুষ্য জন্ম লাভ করিবার পর হইতেই দেবতা, ঋষি, পিতৃলোক ও বিভিন্ন প্রাণিনিবহের নিকট ঋণী হইয়া থাকেন । কারণ নানা জন্মে নানাবিধ উপায়ে তাহারা আমাদের বহুবিধ হিতসাধন করিয়া থাকেন । যতকাল পর্য্যন্ত জীব ঐ সমস্ত ঋণজাল হইতে মুক্ত না হন ততকাল তাহাদের প্রকৃতির রাজ্যহইতে মুক্তিলাভ অসম্ভব । শ্রীভগবান্ সাক্ষরূপ । প্রাকৃতপ্রাকৃত সর্বজগৎ তাহারই শক্তির বৈচিত্র । তাহার প্রীতিতে স্থাবর-জঙ্গমাশ্রুক সর্বজগতের প্রীতি অবশ্যস্বাভাবী । শ্রীকৃষ্ণ-প্রীতিজনক নাম-সঙ্কীর্ণ সাধনভক্তির অন্ততম প্রধান-অঙ্গরূপে নির্দিষ্ট হওয়ায় উহা সর্বজগতের প্রীতিবিধান ও সর্বজগতের চিত্তাকর্ষণ করিতে সমর্থ হন । বৃক্ষের মূলে জলসেচন করিলে তাহার স্কন্ধ, শাখাপল্লবাদি সকলই যেমন তৃপ্ত হয়—প্রাণকে উপহার প্রদান করিলে সর্বেন্দ্রিয় বেরূপ তৃপ্তিলাভ করে—তদ্রূপ অচ্যুত শ্রীকৃষ্ণের পূজাদ্বারা প্রাকৃতপ্রাকৃত নিখিল-বস্তুর সন্তোষসাধন হইয়া থাকে । যথা তরোমূলনিষেচনেন তৃপ্যন্তি তৎস্কন্ধ-ভূজোপশাখাঃ । প্রাণোপহারাচ্চ যথেন্দ্রিয়াণাং তথৈব সর্কার্হণমচ্যুতেজ্যা ॥ ( ভা ৪।৩১।১৪ ) পদ্মপুরাণেও এইরূপ উপদিষ্ট হইয়াছে “যেনার্চিতো হরিস্তেন তর্পিতানি জগন্ত্যপি । রজ্যন্তি জন্তব স্তত্র জঙ্গমাঃ স্থাবরা অপি ॥” অর্থাৎ যিনি শ্রীহরিকে অর্চনা করেন, তিনি সর্বজগৎকে তৃপ্ত করেন, স্থাবর-জঙ্গমাশ্রুক সর্বপদার্থও তাহাতে অনুরক্ত হইয়া থাকে । শ্রীমদ্ভাগবতের একাদশস্কন্ধে যোগীন্দ্র করভাজন বলিয়াছেন “দেবষিভূতাপ্তনৃণাং পিতৃণাং ন কিঙ্করো নায়মৃগী চ রাজন্ । সর্কাঅুনা যঃ শরণং শরণ্যং গতো

কৃষ্ণ উদাসীন হইয়া করে পরীক্ষণ ।

সখী লব কহে কৃষ্ণে কর উপেক্ষণ ॥

এতেক চিস্তিতে রাধার নিশ্চল হৃদয় ।

স্বাভাবিক প্রেম ভাব কবিল উদয় ॥

মুকুন্দং পরিহৃত্য কর্ত্তম্ ॥” (ভা ১১।৫।৪১) অর্থাৎ যিনি সর্বকৃত্য পরিত্যাগপূর্বক সর্বাশ্রয়ণীয়-শ্রীমুকুন্দচরণে সর্বতোভাবে শরণ লইয়াছেন তিনি দেবতা, ঋষি, নির্দোষ-হিতকারি-মানব ও পিতৃলোক-প্রভৃতি কাহারও নিকট কোন প্রকারে ঋণী বা আত্মাবহ নহেন। অতএব এই সমস্ত শাস্ত্রবাক্যহইতে অবগত হওয়া যায় যে কৃষ্ণসঙ্কীৰ্ত্তনরূপা ভক্তি সর্ব-প্ৰীতিদায়িনী। বিষয়-বিতৃষ্ণা, ভগবদ্-বিষয়ক সতৃষ্ণত্ব, ভগবদ্ভজনানুকূল্য, দুঃস্থব্যক্তির প্রতি কৃপা, অপরাধীর প্রতি ক্ষমা প্রাণিহিতকারিতা, সরলতা, সর্বজীবে শ্রীকৃষ্ণাধিষ্ঠানজ্ঞানে সমবুদ্ধি, বিপদে ধৈর্য্য, অমানিমানদত্ব, অমানিষ্ণ, নির্বিষ্ণকারত্ব, সর্বসুভগত্ব-প্রভৃতিকে সদ্গুণ বলা হয়। এই সমস্ত-সদ্গুণ সর্বশুভদায়িনী ভক্তির একটা লক্ষণ। যে হৃদয়ে মহারানী ভক্তির আবির্ভাব হয় এই সমস্ত সদ্গুণও সতত সহচরীর ন্যায় তথায় অবস্থান করে। “সর্বৈশু গৈশুত্র সমাসতে সুরাঃ”। (ভাগবত)। এই নিমিত্ত শ্রীভগবান উক্তবের নিকট ভক্ত যে সর্বসদ্গুণাশ্রয় তাহা কীর্ত্তন করিয়াছেন। “কৃপালুর-কৃতদ্রোহস্তিতিক্ষুঃ সর্বদেহিনাম্। সত্যসারোহনবত্বাত্মা সমঃ সর্বোপকারকঃ ॥ কাটমেরহতধীর্দাস্তো মৃত্তঃ শুচিরকিঞ্চনঃ। অনীহো মিতভুক্ শান্তঃ স্থিরো মচ্ছরণো মুনিঃ ॥ অপ্রমত্তো গভীরাত্মা ধৃতিমান্ জিতষড়্গুণঃ। অমানী মানদঃ কল্পো মৈত্রঃ কারুণিকঃ কবিঃ ॥ (ভাঃ ১১।১১।২২-৩১) অর্থাৎ কৃপালু, সর্বজীবের প্রতি দ্রোহরহিত, পরাপরাধ-সহিষ্ণু, সত্যনিষ্ঠ, অসূয়াদি-দোষরহিত, শত্রুমিত্রাদিতে সমবুদ্ধি, সর্বোপকারী, কাম্যবিষয়দ্বারা অক্ষুণ্ণচিত্ত, বহিরিন্দ্রিয়-নিগ্রহশীল, কোমল-হৃদয়, পবিত্র, অকিঞ্চন, ভগবদ্বিশ্বাস-নিবন্ধন যোগক্ষেমাদির নিমিত্ত চেষ্টাশূন্য, পবিত্র-পরিমিতাহারী, অন্তরিন্দ্রিয়-নিগ্রহ-সম্পন্ন, স্বধর্মনিষ্ঠ, ভগবচ্ছরণাপন্ন ও ভগবন্মননশীল, সাবধান, নির্বিষ্ণকার, বিপদে ধৈর্য্যশীল, শোকমোহাদি বা ক্ষুধা তৃষ্ণাদিতে অনাকুল, অভিমানরহিত, সর্বজীবের সম্মানকারী, অন্তকে প্রবোধ-দানে সমর্থ, অবঞ্চক, বিশ্বদুঃখ-দুরীকরণার্থ সর্বদা আকুলচিত্ত, তত্ত্বজ্ঞ মহা-পুরুষগণই আমার (ভগবানের) সম্মত ভক্ত। শ্রীমদ্ভগবদ্গীতাতেও ভগবান দৈবাসুর-সম্পদযোগের যে লক্ষণ প্রদর্শন করিয়াছেন তন্মধ্যে প্রথমটী অর্থাৎ দৈবসম্পদ ভগবদ্ভক্ত-বৈষ্ণবের ও অত্রটী অর্থাৎ আসুর-সম্পদ অবৈষ্ণবের। কারণ বিষ্ণুধর্ম্মে উক্ত হইয়াছে “দ্বৌ ভূতসর্গে ১ লোকেহস্মিন্ দৈব আসুর এবচ। বিষ্ণুভক্তিপরো দৈব আসুরস্তদ্বিপর্য্যয়ঃ” ॥ অর্থাৎ এই জগতে দৈব ও আসুর ভেদে দ্বিবিধ স্বভাবের প্রাণীর আবির্ভাব হইয়া থাকে; তন্মধ্যে বিষ্ণুভক্ত দৈব ও তাহার বিপরীত আসুর। দৈব প্রকৃতি সম্বন্ধে শ্রীভগবান গীতাশাস্ত্রে সবিশেষ উপদেশ করিয়াছেন; সেগুলি এই—

ঈর্ষা উৎকর্ষা দৈন্ত প্রৌঢ়ি বিনয় ।  
 এত ভাব এক ঠাঞি করিল উদয় ॥  
 এত ভাবে শ্রীরাধার মন স্থির হৈল ।  
 সখীগণ আগে প্রৌঢ়ি শ্লোক যে পড়িস ॥  
 সেই ভাবে প্রভু সেই শ্লোক উচ্চারিল ।  
 শ্লোক উচ্চারিতে তৈছে আপনি হইল ॥”

অভয়, চিত্তশুদ্ধি, জ্ঞানোপায়ভূত শ্রবণ-মননাদিতে নিষ্ঠা, দান, দম, ( বাহ্যেন্দ্রিয় সংযম ) যজ্ঞ, স্বাধ্যায় ( বেদাদি অধ্যয়ন ) তপ, আর্জব, ( সরলতা ) অহিংসা, সত্য ( পরক্ষতিশূন্যার্থভাষণ ) অক্রোধ, তাগ, শান্তি, ( মনঃসংযম ) অপৈশুন ( পরোক্ষে পরানর্জনক-বাক্য অকথন ) সর্বভূতে দয়া, অলোভ, কোমল-হৃদয়তা, শাস্ত্রবিরুদ্ধ-কর্ম্মে লজ্জা, নিরর্থক-কর্ম্মাকরণ, ক্ষমা, ধৃতি, শৌচ, অদ্রোহ, পর-  
 ৭৬ ব্যাভ্রের ভগবান প্রাপ্তকৈ সাধনান্যে নিরতিমান!— এই সমস্ত পীড়নজনক কর্ম্মাকরণ, নিজের পূজ্যত্ব সম্বন্ধে নিরতিমান!— এই সমস্ত দৈবী-সম্পদের অভিব্যক্তির দ্বারা সাধকের নিরপরাধ-নাম-কীর্তনের শুভফল অনুমিত হইয়া থাকে। নামাপরাধ-রহিত ভক্ত যখন ভগবান্নাম-সংকীর্তনে অভিলাষী হন তখন স্থূল ও সূক্ষ্ম জগতে যে সমস্ত ব্যাপার সংঘটিত হয় তাহা নিম্নে প্রদর্শিত হইল।

“বেপস্তে ছুরিতানি মোহমহিমা সম্মোহমালম্বতে,  
 সাতক্শং নখরঞ্জনীং কলয়তি শ্রীচিত্রগুপ্তঃ কৃতী ।  
 সানন্দং মধুপর্কসম্ভৃতিবিধৌ বেধাঃ করোতুগুণমং;  
 বক্তুং নাম্ন তবেশ্বরভিলাষিতে ক্রমঃ কিমন্তং পরম্ ॥” পদ্মাবল্যাম্ । ২০।

অর্থাৎ হে ঈশ্বর তোমার নাম-কীর্তন করিতে অভিলাষ করিলে কীর্তনেচ্ছু-  
 ব্যক্তির সূক্ষ্মশরীরস্থ স্বাধিষ্ঠাত্রী-দেবতার সহিত গাপসকল কল্পিত হইতে থাকে,  
 দেহদৈহিক-বিষয়ে গমতাতিশয্য সম্মোহ প্রাপ্ত হয়, প্রাণীর পুণ্যাপা-লিখনে অধিকৃত  
 সূনিপুণ চিত্রগুপ্ত পাপিগণ-নাম-মধ্যে ভ্রমক্রমে পূর্ক-লিখিত সেই নামোচ্চারকব্যক্তির  
 নাম কর্তনার্থ আতঙ্কসহকারে নখরঞ্জনা ( নরুণ ) ধারণ করেন; পরন্তু উক্ত মহাত্মা  
 অচিরকাল-মধ্যে বিদেহ-কৈবল্য প্রাপ্তার্থ ভাগবতী-তনু গ্রহণপূর্বক অর্চিরাদিমার্গে  
 যখন সত্যলোক ভেদ করিয়া ভগবান্নামাভিমুখে অগ্রসর হন তখন বিধাতা স্বয়ং উক্ত  
 মহাপুরুষের পূজার নিমিত্ত সানন্দে মধুপর্কধারণ-বিষয়ে উদ্ভুক্ত হন। অতএব  
 হে প্রভো! তোমার শ্রীনামের অচিন্ত্য-প্রভাবে বিষয় আমরা অধিক আর কি  
 বলিব? পূর্বে শুভশব্দের অন্তর্গত যে সুখ-শব্দটির প্রয়োগ হইয়াছে—  
 তাহা বৈষয়িক, ব্রাহ্ম ও ঐশ্বর ভেদে ত্রিবিধ। ঐশ্বর-সুখ আবার  
 পরমাত্মসুখও ভগবৎ-সুখ ভেদে দ্বিবিধ। নির্বিশেষ-ব্রহ্মসুখ অপেক্ষা  
 যে কিঞ্চিদ্বিশেষ-পরমাত্মসুখের উৎকর্ষ এবং পরমাত্মসুখাপেক্ষা যে পরিপূর্ণ-বিশেষ-  
 বিশিষ্ট ভগবৎসুখের উৎকর্ষ তাহা শ্রীমদ্ভাগবতীর “ব্রহ্মেতি পরমাত্মেতি

তথাহি পণ্ডাবল্যাম্—

“আশ্লিষ্য বা পাদরতাং পিনষ্টুমা-  
মদর্শনান্মর্ষহতাং করোতু বা  
যথা তথা বা বিদধাতু লম্পটৌ  
মৎ প্রাণনাথস্ত্ব স এব নাপরঃ ॥”

পণ্ডাবল্যাম্ ৩৪১

হে সখি, সেই শ্রীকৃষ্ণ আমাকে আলিঙ্গনপূর্বক চরণরতা কিঙ্করীই করুন, বা মহাকণ্ঠে নিপাতিত করিয়া নিষ্পেষিতই করুন, অথবা দর্শন না দিয়া মর্ষহতই

ভগবানিতি শব্দ্যতে”—এবমিধ ক্রমোক্তি ও শুক-সনকাদি আত্মারাম-গুরুবর্গের অপরোক্ষানুভূতি হইতে সুস্পষ্ট অবগত হওয়া যায়। তন্মধ্যে বহিস্মুখ-জীবের কাম্য বিষয়েন্দ্রিয়-সম্বন্ধ-জন্ম অনুভব-বিশেষের নাম বৈষয়িক-সুখ। ঐ সুখ আপাততঃ রমণীয় হইলেও পরিণামে দুঃখজনক হইয়া থাকে। এইজন্ম যোগসূত্রে প্রাকৃতিক সুখকেও দুঃখের মধ্যে গণনা করা হইয়াছে। “পরিণাম-তাপসংস্কার-দুঃখৈ-গুণবৃত্তি-বিরোধাত্ত দুঃখমেব সর্বং বিবেকিনঃ”। • ( যোগসূত্র ২।১৫ ) বিবেকী মহাত্মার পক্ষে বিষয়েন্দ্রিয়সম্বন্ধজ অনুভবমাত্রই দুঃখের কারণ; কারণ ভোগের পরিণাম সুখকর নহে—ইহাতে ক্রমশঃ ভোগভঙ্গ্যই বুদ্ধি প্রাপ্ত হয় এবং ভোগকালেও বিরোধী-ব্যক্তির প্রতি বিদ্বেষ জন্মে ও উত্তরোত্তর ভোগ-জন্ম-সংস্কার বুদ্ধিপ্রাপ্ত হইতে থাকে। সজ্ঞাদিগুণব সুখ-দুঃখ-মোগাদিরূপ-বৃত্তিসকলও পরস্পর বিরোধী সুতরাং তদ্বারা কিছুতেই চিত্ত স্থির হইতে পারে না। এই নিমিত্ত শ্রীমদ্ভাগবতে একাদশস্কন্ধে নবযোগেন্দ্র-উপাখ্যানে দৃষ্ট হয়—

“কর্মাণ্যারভমাণানাং দুঃখহতৈা সুখায় চ ।  
পশ্চৎ পাকবিপর্যাসং মিথুনীচারিণাং নৃণাম্ ॥  
নিত্যাতিদেন বিত্তেন দুর্গভেনাত্মমৃতানা ।  
গৃহাপত্যাশুপশুভিঃ কা প্ৰীতিঃ সাধিতৈশ্চলৈঃ ॥  
এবং লোকং পরং বিদ্বান্ধ্বরং কর্মনির্মিতম্ ।  
সতুল্যাতিশয়ধ্বংসং যথা মণ্ডলবর্তিনাম্ ॥ ( ভা ১১।৩।১৮-২০ )

অর্থাৎ—দুঃখ-নিবৃত্তি ও সুখপ্রাপ্তির নিমিত্ত সংসারে মিথুনভাবে (সস্ত্রীকভাবে) বিদ্যমান কর্মসকলের অনুষ্ঠাতা মনুষ্যাগণের কর্মফলের বৈপরীত্য দর্শন করিবে। নিত্য দুঃখপ্রদ, অত্যন্তায়াস-লভ্য, নিজ-মৃত্যুরূপ-বিত্তদ্বারা-নিষ্পাত্ত গৃহ, অপত্য, সুহৃদ্বান্ধবাদি ও গো, অশ্ব প্রভৃতি পশু দ্বারা কি সুখ হইবে? খণ্ডমণ্ডলাধি-পতি-ব্যক্তিগণের যেমন সমকক্ষ ও সান্তিশয় ব্যক্তির প্রতি অস্বয়া এবং ধ্বংস-হেতু ভয় আছে, তেমনই কর্মনির্মিত অতএব নখর স্বর্গাদি লোকেও ভয় আছে জানিতে হইবে। দৃষ্ট ও আনুশ্রবিক-বিষয়-সকল অনিত্য ও দুঃখপ্রদ হইলেও যাহারা অত্যন্ত বিষয়-সুখলোলুপ তাহাদিগের রুচি জন্মাইবার নিমিত্ত পরমকারুণিক শাস্ত্রকারগণ

করুন, কিম্বা তিনি স্বয়ং বহুনারীবল্লভ হইয়া যেখানে সেখানে যে কোন রমণীর সহিত বিহারই করুন, তিনিই আমার একমাত্র প্রাণনাথ, অপর কেহ আমার প্রাণনাথ নহে।

ভগবচ্চরণ-ধ্যানে যে বৈষয়িক সুখও লাভ হয়—অথবা বিষয়ের মধ্যে বর্তমান থাকিয়াও শ্রীভগবানের অর্চনা করিলে যে শ্রীভগবৎ-কৃপা লাভ করা যায় এরূপ প্রলোভনকর-বাক্যসমূহের প্রয়োগ করিয়াছেন। যথা—

“অকামঃ সর্ককামো বা মোক্ষকাম উদারধীঃ।

“তীব্রেণ ভক্তিযোগেন যজেত পুরুষং পরম্” ॥ ( ভা ২।৩।১০ )।

“সত্যং দিশত্যর্থিতমর্থিতো নৃণাং

নৈবার্থদো যৎপুনরর্থিতা যতঃ।

স্বয়ং বিধত্তে ভজতামুনিচ্ছতা-

মিচ্ছাপিধানং নিজপাদপল্লবম্ ॥ ( ভা ৫।১২।২৬ )

অর্থাৎ অকাম সর্ককাম বা মোক্ষকাম-ব্যক্তি তীব্র-ভক্তিযোগ দ্বারা পরম-পুরুষ শ্রীবিষ্ণুর ভজনা করিবেন। যদিও শ্রীভগবান্ প্রার্থিত হইয়া সকাম ব্যক্তিদিগের প্রার্থিত-বিষয় যথার্থই প্রদান করেন—তদ্বিষয়ে কোন ব্যভিচার নাই, তথাপি করুণাময় পরমেশ্বর সকামী অজ্ঞ-ব্যক্তিকে তাহা প্রদান করিয়াই নিবৃত্ত হন না, কারণ তদ্বিষয়ে অপূর্ণকাম-উপাসক কাঙ্ক্ষিত-বস্তুর নিমিত্ত পুনরায় তৎসকাশে প্রার্থী হন। কামনা-অনন্ত, উপভোগের দ্বারা উহা কখনও শাস্ত হইবার নহে—“ন জাতু কামঃ কামানামুপভোগেন শাম্যতি। ( ভা ২।১২।১২ ) পুত্রবৎসলা মাতার ন্যায় শ্রীভগবান স্বপাদপল্লবমাধুর্যানভিজ্ঞ-সকাম-ব্যক্তিকে প্রার্থিত-বিষয়-সুখ প্রদানানন্তর সর্ককাম-পুরুষ নিজ অভয়-পাদপল্লবও প্রদান করিয়া থাকেন। মহাত্মা ধ্রুবের প্রতি শ্রীভগবদনুগ্রহ এতদ্বিষয়ে উজ্জল দৃষ্টান্ত। শ্রীভগবানের কৃপাশক্তির অচিন্ত্য-প্রভাবে রাজ্যালিপ্সু ধ্রুবের সকাম-হৃদয় পরিবর্তিত হইয়া কিরূপ বিশুদ্ধ-নিষ্কামভাব প্রাপ্ত হইয়াছিল তাহা সকলেই অবগত আছেন। ভক্তবাঞ্ছা-কল্পতরু শ্রীভগবান তাঁহাকে বরদান করিতে উদ্বৃত্ত হইলেও তিনি বলিয়াছিলেন—

“স্থানাভিলাষী তপসি স্থিতোহহং,

ত্বাং প্রাপ্তবান্ দেবমুনীন্দ্রগুহম্।

কাচং বিচিন্ময়পি দিব্যরত্নং,

স্বামিন্ কৃতার্থোহস্মি বরং ন যাচে ॥”

( হরিভক্তি সুখোদয়ে ৭।২৮ )।

\* অর্থাৎ লোকে যেমন কাচথণ্ডের অন্বেষণ করিতে করিতে দিব্যরত্ন প্রাপ্ত হয় তদ্রূপ সার্বভৌম-পদরূপ প্রাকৃত-স্থানের অভিলাষী আমি আপনার

যথা রাগ—

আমি কৃষ্ণ-পদ-দাসী            তেঁহো রসসুখরাশি,  
আলিঙ্গিয়া করে আত্মসাত ।  
কি বা না দেন দরশন, না জানে আমার তনু মন,  
তবু তেঁহো মোর প্রাণনাথ ॥

তপস্যায় নিযুক্ত হইয়া দেবমুনীন্দ্র-গুহ ( দুর্লভ ) আপনাকে প্রাপ্ত হইয়াছি ।  
ভগবান আমি কৃতার্থ হইয়াছি; অতঃ কোন বর-প্রার্থনা করি না ।

“যা বৈ সাধনসম্পত্তিঃ পুরুষার্থচতুষ্টয়ে ।  
তয়া বিনা তদাপ্নোতি নরো নারায়ণাশ্রয়ঃ ॥

( পরমাশ্রমন্দর্ভূত মোক্ষধর্ম-বচনে )

“সর্কাসামেব সিদ্ধীনাং মূলং তচ্চরণার্চনম্ ॥” ( ভা ১০।৮।১।২ ) ।

অর্থাৎ যে ভক্তির উদয়ে ধর্ম, অর্থ, কাম ও মোক্ষ তুচ্ছ হয় সেই ভক্তি দ্বারা সকামী ব্যক্তি যে বৈষয়িক-সুখ লাভ করিবেন ইহা কৈমত্যান্ধায় দ্বারা প্রাপ্ত হওয়া যায় । চতুর্দশভুবনান্তর্কর্তী মনুষ্যলোক হইতে আরম্ভ করিয়া ব্রহ্মলোকপর্যন্ত দৃষ্টান্তশ্রবিক ( ঐহিক ও পারলৌকিক ) সুখ-সমূহ বৈষয়িক-সুখমধ্যে গণ্য । ঐ সমস্ত-সুখ ভক্তি-সাধনা-দ্বারাও লভ্য । জ্ঞান-যোগিগণ যে নির্বিশেষ ব্রাহ্মসুখকে পরমার্থ বলেন তাহাও ভক্তিলভ্য । যথা—

• “মদীয়ং মহিমানঞ্চ পরং ব্রহ্মেতি শব্দিতম্ ।  
বেৎশ্চশ্রুগুহীতং মে সংপ্রশ্নৈর্বিবৃতং হৃদি ॥” ( ভা ৮।২৪।৩৮ )

ভগবান মৎশ্রুদেব সত্যব্রত-নামক-রাজর্ষিকে বলিয়াছিলেন পরব্রহ্ম-শব্দবাচ্য যে আমার নির্বিশেষ-বিভূতি, যৎসম্বন্ধে তুমি আমাকে প্রশ্ন করিয়াছ আমারই অনুগ্রহে বিশুদ্ধচিত্তে তুমি তাহা অবগত হইতে পারিবে ।” এই নিমিত্ত রসামৃত-ধৃত-তন্ম্—

“সিদ্ধয়ঃ পরমাশ্চর্যা ভুক্তিমুক্তিঞ্চ শাস্বতী ।  
নিত্যঞ্চ পরমানন্দং ভবেদ্ গোবিন্দভক্তিতঃ ॥

অর্থাৎ গোবিন্দ-ভক্তি হইলে পরমাশ্চর্যজনক অগ্নিমাди অষ্টসিদ্ধি, সর্ববিধ ভুক্তি, শাস্বতী ব্রহ্মসুখানুভূতিরূপা মুক্তি ও শ্রীভগবদনুভবাত্মক পরমানন্দ-লাভ হইয়া থাকে । শ্রীমদ্ভাগবতে ও উক্ত হইয়াছে—

“যৎ কস্মভির্ষত্পসা জ্ঞানবৈরাগ্যতশ্চ যৎ ।  
যোগেন দানধর্ম্মেণ শ্রেয়োভিরিতরৈরপি ॥  
সর্বং মন্তুক্তিযোগেন মন্তুক্তো লভতেহঙ্গসা ।  
স্বর্গাপবর্গং মদ্ধাম কথঞ্চিদ যদি বাঞ্জতি ॥” ( ভা ১।১।২০।৩২-৩৩ )

শ্রীভগবদনুভবানন্দের পরমোৎকর্ষ বহুশাস্ত্রে বহুস্থানে দৃষ্ট হয় ।



সখি হে, শুন মোর মনের নিশ্চয় ।  
 কি বা অমুরাগ করে, কি বা ছুঃখ ছিয়া মারে,  
 মোর প্রাণেশ্বর কৃষ্ণ অস্ত্র নয় ॥ ৬ ॥  
 ছাড়ি অস্ত্র নারীগণ মোর বশ তনু মন,  
 মোর সৌভাগ্য প্রকট করিয়া ।  
 তা সবারে দেন পীড়া, আশা সনে করে ক্রীড়া,  
 সেই নারীগণে দেখাইয়া ॥

“নিরস্তাতিশয়াহ্লাদসুখভাবৈকলক্ষণা ।  
 ভেষজং ভগবৎপ্রাপ্তিরেকাস্তাত্যস্তিকী মতা ॥

অনুত্তমসুখভাবৈক-লক্ষণা ভগবৎ-প্রাপ্তি ছুঃখরূপ-ভবরৌণের সম্বন্ধে ঐকান্তিক  
 ও আত্যস্তিক ঔষধ স্বরূপ । দশম স্কন্ধে নাগ-পত্নী-স্তবেও এতদ্রূপ উক্ত হইয়াছে—

“ন নাকপৃষ্ঠং ন চ পারমেষ্ঠ্যং,  
 ন সার্কভৌমং ন রসাধিপত্যং ।  
 ন যোগসিদ্ধিরপুনর্ভবং বা,  
 বাঙ্গতি যৎপাদরজপ্রপন্নাঃ ।”

অর্থাৎ হে ভগবন্ ! তোমার শরণাপন্ন সাধকগণ নাকপৃষ্ঠ অর্থাৎ স্বর্গাধিপত্য,  
 পারমেষ্ঠ্য অর্থাৎ সত্যলোকাধিপত্য, সার্কভৌম অর্থাৎ একচ্ছত্র-বসুন্ধরাধিপত্য,  
 রসাধিপত্য অর্থাৎ অতলাদি-সপ্ত অধোভুবনাধিপত্য বাঙ্গ করে না । অগ্নিাদি-  
 যোগসিদ্ধি অথবা অপুনর্ভব মুক্তিও প্রার্থনা করেন না । ভাগবতীয় এই শ্লোক ও  
 অস্ত্রান্ত শাস্ত্রীয়বাক্য হইতে অবগত হওয়া যায় যে পূর্বোক্ত ব্রাহ্মসুখ ও পরমাত্মসুখ  
 সর্বশ্রেষ্ঠ-সুখস্বরূপ-ভগবৎ-পদারবিন্দানুভবানন্দের অবাস্তুরিতরূপে, ভক্তি-রূপাবলে  
 জীব লাভ করিতে পারে । এই নিমিত্ত ভগবান্ শ্রীকৃষ্ণচৈতন্য-দেব কীর্তনরূপা  
 ভক্তির মাহাত্ম্যাবর্ণন-প্রসঙ্গে তাহার শুভদণ্ডের বিষয় কীর্তনার্থ “শ্রেয়ঃ  
 কৈরবচন্দ্রিকাবিতরণং” এবম্বিধ বিশেষণ-বাক্য ব্যবহার করিয়াছেন । অনন্তর  
 শ্রীকৃষ্ণসঙ্কীৰ্তন যে বিদ্যাবধুজীবন শ্রীগৌরান্দের এই শ্লোকের দ্বিতীয়-পাদে  
 তাহাই প্রদর্শন করিতেছেন । কারণ ভগবদ্-বিষয়িনী মতি বা সংসারমোক্ষকারিণী  
 বিদ্যা যতকাল না হৃদয়ে আবির্ভূতা হয় ততদিন জীবের ছুঃখনিবৃত্তি বা শুভপ্রাপ্তি  
 অসম্ভব । বিদ্যাশব্দে শাস্ত্রাচার্য্য-উপদেশজ্ঞা-মতি ও পরতত্ত্বানুভূতি এতদুভয়ই  
 লক্ষিত হইয়া থাকে । তন্মধ্যে প্রথমটী পরম্পন্নায় পরমপুরুষার্থ জননী ও দ্বিতীয়টী  
 সাক্ষাৎ তজ্জননী । শাস্ত্রজ্ঞান ভগবদ্ভক্তির দ্বায়ভূত—শাস্ত্রজ্ঞান ব্যতিরেকে ভগবদ্বিষয়ক-  
 প্রবৃত্তি অসম্ভব । দেবর্ষি নারদ শ্রীমদ্ভাগবতের প্রথমস্কন্ধে উপদেশ করিয়াছেন—

ইদং হি পুংস স্তপসঃ শ্রুতশ্চ বা  
 স্মিষ্টশ্চ স্কৃতশ্চ চ বুদ্ধদত্তয়োঃ ।

কি বা তেঁহো লম্পট, শঠ ধুষ্ট সকপট,

• অন্ম নারীগণ করি সাথ ।

মোর দিতে মনঃপীড়া, মোর আগে করে ক্রীড়া,

• তভু তেঁহো মোর প্রাণনাথ ॥

অবিচ্যুতোহর্থঃ কবিভির্নিরূপিতো

যত্নমঃশ্লোকগুণানুবর্ণনম্ ॥ ( ভা ১।৫।২২ )

উত্তমঃশ্লোক শ্রীভগবানের গুণানুকীৰ্তনই পুরুষের তপশ্চা, বেদাধ্যয়ন, শোভনযজ্ঞ, স্তোত্রপাঠ, জ্ঞান ও দানের অক্ষয় ফল । অধ্যাত্ম-শাস্ত্রজ্ঞান-সম্পন্ন ব্যক্তির পরমপুরুষার্থ-লাভ যে অবশ্যস্বাভাবী তাহা পদ্যপুরাণে সুস্পষ্টভাবে উপদিষ্ট হইয়াছে—“অধ্যাত্ম-বিদ্যাগত-মানসশ্চ মোক্ষো ধ্রুবো নিত্যাহিংসকশ্চ ।” শ্রীভগবান গীতাশাস্ত্রেও ইহাই অনু-মোদন করিয়াছেন—“অধ্যাত্ম-জ্ঞান-নিত্যত্বং তত্ত্বজ্ঞানার্থ-দর্শনম্” শ্রুতিতে আরও উক্ত হইয়াছে । যে “যোনিমন্তে প্রপদ্যন্তে শরীরত্বায় দেহিনঃ । স্থাগুমহেহনুসংযন্তি যথাকর্ম যথাশ্রুতম্ ॥ ( কঠ ২।২।৭ ) শুভাশুভ কর্মসমূহ স্বরূপ সদসদ্ জন্মলাভের হেতু হয় শাস্ত্রীয়-জ্ঞানও তদ্রূপ শুভাশুভ-জন্মের প্রতি কারণ হয় । “নাবেদ-বিন্মনুতে তং বৃহত্তম্ ॥” “তস্বোপনিষদং পুরুসং পৃচ্ছামি ॥” ইত্যাদি শ্রুতি দ্বারা বিধি-নিষেধমুখে অবগত হওয়া যায় যে শাস্ত্রজ্ঞান-ব্যতীত ঈশ্বরানুভূতি অসম্ভব আর শাস্ত্রজ্ঞানদ্বারাই তিনি পরম্পরায় বেদ ।

অত্রি-শ্রুতিতে এই নিমিত্তই “ক্রিয়াহীনশ্চ মূর্থশ্চ” ইত্যাদি শ্লোকে শাস্ত্র-জ্ঞান-রহিত বিপ্রেের সম্বন্ধে মরণান্তাশোচ অর্থাৎ সর্ববিষয়ে অনধিকার নির্দেশ করিয়াছেন । কিন্তু এস্থলে বক্তব্য এই যে উক্ত শাস্ত্রজ্ঞান যদি ভগবদ্ভক্তি-শূন্য হয় তবে তাহাও নিরর্থক ।

“ভগবদ্ভক্তিহীনশ্চ জাতিঃ শাস্ত্রং জপস্তপঃ ।

অপ্রাণশ্চেব দেহশ্চ মণ্ডনং লোকরঞ্জনম্ ॥” ( মাধুর্যাকাদম্বিনীধৃত ) ।

শ্রীমদ্ভাগবতে শ্রীভগবান বলিয়াছেন “বিত্তং স্বতীর্থীকৃতমঙ্গ বাচং ময়া হীনাং রক্ষতি দুঃখদুঃখী ।” ( ভা ১।১।১১২ ) যাহাদের ধন সংপাত্রে গুস্ত হয় নাই বা যাহাদের বাক্যে আমার কথাপ্রসঙ্গ নাই তাহারা দুঃখের পর দুঃখকেই আলিঙ্গন করিয়া থাকে ।

ভজনানুকূল-শাস্ত্রজ্ঞান উত্তম-ভক্তির কারণ হয় । কারণ উত্তম-ভক্তের লক্ষণে প্রদর্শিত হইয়াছে যে

“শাস্ত্রে যুক্তৌ চ নিপুণঃ সর্বথা দৃঢ়নিশ্চয়ঃ ।

প্রৌঢ়শ্রদ্ধোহধিকারী যঃ স ভক্তাবৃত্তমো মতঃ ॥ ( ভক্তিরসামৃত )

যিনি শাস্ত্রযুক্তিতে সুনিপুণ, সর্বথা দৃঢ়নিশ্চয়—প্রৌঢ়শ্রদ্ধ তিনিই উত্তম-ভক্ত । গুরুপদিষ্ট-বেদপুরাণাদি-শাস্ত্রানুসারে সাধনভক্তির অনুষ্ঠানের সঙ্গে সঙ্গেই যে

না গণি আপন দুঃখ,           সবে বাঞ্ছি তাঁর সুখ,  
 তাঁর সুখে আমার তাৎপর্য্য । ”  
 মোরে যদি দিলে দুঃখ,           তাঁর হৈল মহাসুখ,  
 সেই দুঃখ মোর সুখবর্ধ্য ॥

ভগবদ্জ্ঞান প্রকাশিত হয় তাহা একাদশস্কন্ধে কবির্যোগীন্দ্রের উপদেশ হইতে পাওয়া যায়। যথা—

“ভক্তিঃ পরেশানুভবো বিরক্তি-  
 রনৃত্র চৈষ ত্রিক এককালঃ ।  
 প্রপত্তমানস্ত যথাস্ততঃ স্যু-  
 স্তৃষ্টিঃ পুষ্টিঃ ক্ষুদপায়োহনুঘাসম্” ॥ ’

( ভা ১১।২।৪২ )

অর্থাৎ ভোজনকারী ব্যক্তির প্রতিগ্রাসেই যেমন তুষ্টি, পুষ্টি ও ক্ষুন্নিবৃত্তি হইয়া থাকে ভগবদ্ভজনকারী ব্যক্তিরও তদ্রূপ সমকালে, ভক্তি, পরেশানুভব, ও মায়িক-বস্তুতে বৈরাগ্যের আবির্ভাব হইয়া থাকে ।

“বাসুদেবে ভগবতি ভক্তিযোগঃ প্রযোজিতঃ ।  
 জনয়ত্যাশু বৈরাগ্যং জ্ঞানঞ্চ যদহৈতুব-ম্” ॥ ( ভা--১।২।৭ ) ।

ভগবান্ বাসুদেবে ভক্তিযোগ প্রযোজিত হইলে শীঘ্র বৈরাগ্য ও শুষ্ক-তর্কগোচর অহৈতুক-জ্ঞানের আবির্ভাব হইয়া থাকে ।

অতএব যে বিচারুপা-বধু ইতঃপূর্বে ভক্তির অভাবে মৃতপ্রায় হইয়াছিলেন ( অচৈতন্যাবস্থায় মায়াশয়্যায় শয়ন করিয়াছিলেন ) “অধুনা তিনি কৃষ্ণকীর্ত্তরূপ মৃত-সঞ্জীবনী-প্রভাবে “সঞ্জীবিতা হইলেন অর্থাৎ অপরোক্ষ-ভগবদানুভবরূপা গুহ-বিছাকাতে প্রাচুর্ভূতা হইলেন । বিছাদেবী প্রথমে সাধকের বিশুদ্ধহৃদয়ে কৃষ্ণ-কীর্ত্তন-দ্বারা সত্ত্বপ্রধান-মায়াবৃত্তিরূপে প্রাচুর্ভূতা হইয়া পরে ভাবাবস্থায় তাঁহাকেই দ্বারকরিয়া সন্নিদাখ্যাস্বরূপশক্তিবৃত্তিরূপে প্রকাশিতা হন । স্বরূপশক্তিই যে বিভিন্ন-মার্গীয় সাধকের কল্যাণার্থ বিবিধাকারে আবির্ভূত হইয়া থাকেন তাহা বিষ্ণুপুরাণীয় লক্ষ্মীস্তবে বর্ণিত হইয়াছে—“যজ্ঞবিছা মহাবিছা গুহবিছাচ শোভনে । আঅবিছাচ দেবি ত্বং বিমুক্তিফলদায়িনী ॥ ( বিষ্ণুপু ১।২।১১৮ ) হে দেবি ! সর্বাশয় হেতু তুমি যজ্ঞবিছা ( কর্ম ) মহাবিছা ( অষ্টাঙ্গযোগ ) গুহবিছা ( ভক্তি ) ও আঅবিছা ( জ্ঞান ) রূপে বিবিধমুক্তি-ফলদাত্রী । উক্ত বিছা-বধুলাভে ভক্ত জীবনুক্ক হন, পরে প্রারক্ষয়বশতঃ দেহাস্তে অর্চিরাদিমার্গে ভগবদ্ধামে গমনকরিয়া পরমানন্দলাভে কৃতার্থ হন । ব্রহ্মসূত্রের নিম্নাঙ্কীয় বেদান্তকৌস্তভপ্রভা-নামক ভাষ্যের আতিবাহিকাধিকরণে ভক্তের অর্চিরাদিমার্গে ভগবতী গতি সুস্পষ্টরূপে উপদিষ্ট হইয়াছে—

যে নারীকে বাঞ্ছে কৃষ্ণ, তার রূপেতে সতৃষ্ণ,

•তারে না পাইয়া কাহে হয় দুঃখী ।

মুঞি তার পায়ে পড়ি, লঞা যাউ হাতে ধরি,

• ক্রীড়া করাঞা তাঁরে করেঁ। সুখী ॥

“বিদ্বান্‌ বিনিক্রম্য সুষুম্নয়া তয়া নাড্যা সমারুহ্য সবিত্ত্বরশ্মীন্‌ ।  
ততশ্চ বহিঃ প্রথমং প্রযাতি ততো দিনং পক্ষমুপৈতি শুক্লম্‌ ॥  
তথোত্তরং প্রাপ্য বৃধোহয়নং ততঃ সন্যৎসরং দেবনিবাসবায়ুম্‌ ।  
সূর্য্যঞ্চ সোমঞ্চ ততশ্চ বৈছ্যাতং জলেশমিল্কঞ্চ ততঃ প্রজাপতিম্‌ ॥  
স তত্রতত্রাখিললোকপাতৈঃ সমর্চিতে বাতি সমস্তলোকানু ।  
অতীত্য দেবৈশ্চ সমাগতৈরসৌ হুমানবৈষাতি সরিৎসরাং বৃধঃ ॥  
বিহার্য লিঙ্গং পরদেবভায়াং সঙ্কল্পমাত্রেণ তরেচ্চ তাং নৃদীম্‌ ।  
ততোহকৃতং বিগ্রহমভূাপেত্য হুলঙ্কতো ব্রহ্মসমৈশ্চ ভূষণৈঃ ॥  
দ্বাঃশ্চৈঃ সমাগম্য পরম্পরং মুদা হলৌকিকং স্থানমসৌ প্রপশুন্‌ ।  
সমাগতো ভাগবতৈশ্চ মার্গে সমানশীলৈর্ভূগবৎপ্রপন্নৈঃ ॥  
ততশ্চ পশুন্‌ মণিমণ্ডপেহসৌ সূণাসহস্রাদিবিরাজমানে ।  
দিব্যে মহারত্নময়ে মহাত্মা সিংহাসনস্থং পুরুষোত্তমং হরিম্‌ ॥  
লক্ষ্যাদিযুক্তং পরমেশিতারমাদিত্যবর্ণং তমসঃ পরাৎপরম্‌ ।  
স্বনন্দমুখ্যৈশ্চ সুদর্শনাদিভিন্মস্কৃতং স্বাঞ্জলিসম্পূটৈশ্চ ।  
সহস্রসূর্য্যাদি-প্রভাতিরঙ্করছাভিঃ কিরীটাদি-সমস্তভূষণৈঃ ।  
বিভূষিতাঙ্গং জগতাং পতিং গুরুং বেদাস্তবেণ্ডং ক্রহিণাদিবন্দ্যম্‌ ।  
মুক্তোপস্থপ্যাঞ্চ মুমুক্শুম্‌গ্যাং বিশ্বশ্রহেতুং জগতৈকজীবনম্‌ ।  
• বিজ্ঞানমানন্দময়ং স্বরূপং স্বভাবতোহপাস্তসমস্তহেয়ম্‌ ।  
সমস্তকল্যাণগুণাকরং প্রভুং বিজ্ঞানমূর্ত্তিং পরধামসংস্থম্‌ ।  
দৃষ্ট্বা মুকুন্দং ভগবন্তমাগুং কৃষ্ণং সদানন্দময়ং বরেণ্যম্‌ ।  
দূরান্নমস্কৃত্য পদারবিন্দয়োনামো নমো ভূয় উদাহরণুদা ।  
ততশ্চ কৃষ্ণেন কৃপাদ্র'য়াদৃশাবলোকিতঃ শ্রীমুখপঙ্কজেন সঃ ।  
গিরা পরানন্দনিদানভূতয়া সস্তাবিতো যাতি হি ব্রহ্মভাবম্‌ ।  
পুনর্নসংসারগতিং সমেতি বৈ বিমুক্তমার্গাল এষ মুক্তঃ ।”

( ব্রহ্ম সূ ৪।৩।৪ )

অর্চিরাদিমার্গের এইরূপ ক্রম শ্রীবিষ্ণুপুরাণেও দৃষ্ট হয়—

‘মুক্তোহর্চির্দিনপূর্ব্বপক্ষষড়্‌ দঙ -মাসাক-বাতাং শুভদ,

শ্লোবিছ্যদ্বরণেক্রধাতৃসহিতঃ সীমাস্তসিদ্ধাপুতঃ ।

শ্রীবৈকুণ্ঠমুপেত্য নিত্যমজড়ং তস্মিন্‌ পরব্রহ্মণঃ

সায়ুজ্যং সমবাপ্য নন্দতি সমং তেতৈনব ধন্যঃ পুমান্‌ ॥”

উপর্যুক্ত শ্লোকসমূহের তাৎপর্য এই যে জীবনুক্ত-পুরুষ বিদেহ-কৈবর্ত্য-

কাস্তা কৃষ্ণে করে রোধ, কৃষ্ণ পায় সন্তোষ,  
সুখ পায় তাড়ন-ভৎসনে ।  
যথাযোগ্য করে মান, কৃষ্ণ তাতে সুখ পান,  
ছাড়ে মান অল্প সাধনে ॥

কালে সুষ্মানাড়ীদ্বারা নির্গত হইয়া প্রথমে অর্চিরভিমানিনী দেবতা, পরে দিনাভিমানিনী দেবতা, পরে শুক্লপক্ষাভিমানিনী দেবতা, পরে উত্তরায়ণাভিমানিনী দেবতা, পরে বৎসরাভিমানিনী দেবতা, পরে বায়ুভিমানিনী দেবতা, ক্রমে সূর্য্য, চন্দ্র, বিদ্যাৎ, বরুণ, ইন্দ্র ও প্রজাপতিকে প্রাপ্ত হইয়া থাকেন, তদনন্তর ব্রহ্মাণ্ডের সপ্তাবরণ ভেদ করিয়া কারণ-সমুদ্রে আপ্ত হইয়া উহাতে লিঙ্গ-শরীর ও কারণ-শরীর পরিত্যাগ করতঃ নিত্যচিদ্বিভূতিরূপ-শ্রীবৈকুণ্ঠ-ধাম প্রাপ্ত হন ও পরব্রহ্ম-শ্রীহরির সহিত মিলিত হইয়া তাঁহার সেবানন্দ লাভ করিয়া ধন্য হইয়া থাকেন । প্রভুপাদ শ্রীসনাতন-গোস্বামী স্বীয় বৃহদ্রাগবতামৃতগ্রন্থে সাধারণ-ভাবে পারলৌকিক-গতি-সম্বন্ধে যে নির্দেশ করিয়াছেন তাহা এস্থলে প্রদর্শিত হইল ।

“কামিনাং পুণ্যকর্তৃণাং ত্রৈলোক্যং গৃহিণাং পদম্ ।  
অগৃহাণাং চ তস্যোর্দ্ধং স্থিতং লোক-চতুষ্টয়ম্ ॥  
ভোগাস্তে মুহুরাবৃত্তিমেতে সর্কে প্রযাস্তি হি ।  
মহরাদিগতাঃ কেচিন্মুচ্যস্তে ব্রহ্মণা সহ ॥  
কেচিৎ ক্রমেণ মুচ্যস্তে ভোগান্ ভুক্ত্বাচ্চিরাদিষু ।  
ভক্তা ভাগবতা যে তু সকামাঃ স্বেচ্ছয়াখিলান্ ॥  
ভুঞ্জানাঃ সুখভোগাস্তে বিশুদ্ধা যাস্তি তৎপদম্ ।  
বৈকুণ্ঠং হ্রতং মুক্তৈঃ সান্দ্রানন্দ-চিদাত্মকম্ ॥  
নিকামা যে তু তদ্ভক্তা লভস্তে সচ্ছ এব তৎ ॥”

( বৃহদ্রাগবতামৃত ২।১।১০-১৪ । )

সকাম-গৃহাসক্ত-ব্যক্তি-সকল স্বস্বপুণ্যকর্মফলের তারতম্যানুসারে মর্ত্ত, পাতাল বা স্বর্গ এই লোকত্রয়ের মধ্যে বিভিন্ন স্থানে গমন করিয়া বিভিন্ন বিষয় উপভোগ করিয়া থাকেন । যাহারা নৈষ্ঠিক-ব্রহ্মচর্য্য, বানপ্রস্থ বা সন্ন্যাস গ্রহণ করেন সেই সকল গৃহাসক্তিরহিত-ব্যক্তির স্বর্গের উর্দ্ধতন-প্রদেশবর্ত্তি মহঃ, জন, তপঃ ও সত্য এই লোক-চতুষ্টয় প্রাপ্ত হইয়েন । কিন্তু তাদৃশ সকাম সাধকগণ স্বকৃত-পুণ্যানুসারে স্বর্গাদিলোকপঞ্চকের মধ্যে যে কোন লোকেই গমন করুন না কেন ভোগাস্তে তাহাদিগের মর্ত্তলোকে পুনরাবৃত্তি অবশ্যস্তাবিনী । এই নিমিত্ত শ্রীভগবান্ গীতাশাস্ত্রে “আব্রহ্মভবনাল্লোকাঃ পুনরাবর্ত্তিনোহর্জুন । মামুপেত্য তু কোস্তেয় পুনর্জন্ম ন বিদ্যতে” ॥ ( ৮।১৬ ) এইরূপ উপদেশ করিয়াছেন । স্মৃতিতেও “তদ্যথেষু কস্মচিতো লোকঃ ক্ক্ষীয়তে, এবমেবামুত্র পুণ্যচিতো লোকঃ ক্ক্ষীয়তে । ( ছা উ ৮।১৬ ) “অন্তবদেবাস্ত তদ্ভবতি” ( বৃহঃ উঃ ৩।৮।১০ )

সেই নারী জীয়ে কেনে, কৃষ্ণ-মর্শ নাহি জানে,

তবু কৃষ্ণে করে গাঢ় রোষ ।

নিজস্বখে মানে লাভ, পড়ুক তার শিরে বাজ,

• কৃষ্ণের মাত্র চাহি যে সন্তোষ ॥

এইরূপে তত্তল্লোক-সকলের অনিত্যত্ব-বিষয়ক-বাক্যসকল দৃষ্ট হয়। তবে যদি কোন ভাগ্যবান পূর্বপুণ্যফলে মহরাদিলোকে অবস্থানকালে প্রাপ্ত-ভোগে বিমুগ্ধ না হইয়া সাধন-দ্বারা জ্ঞান-বৈরাগ্যাদির আবির্ভাবশতঃ তত্তল্লোকের ভোগকে অকিঞ্চিৎকর বিবেচনা করতঃ তাহাতে বিতৃষ্ণ হন, তবে তাহারা প্রাকৃতিক-প্রলয়ে ব্রহ্মার আয়ুর অবসানে ব্রহ্মার সহিত মুক্তিলাভ করেন। বেদান্ত পরিভাষা ধৃত বিষ্ণু-পুরাণ-বচনে ও এইরূপ উপদিষ্ট হইয়াছে—

ব্রহ্মণা সহ তে সর্বৈ সংপ্রাপ্তে প্রতिसঞ্চরে ।

পরস্যাস্তে পরাত্মানঃ প্রবিশন্তি পরং পদম্ ॥

যাহারা নিবৃত্তিপরায়ণ ও জ্ঞানবৈরাগ্য-সম্পন্ন তাঁহাদের মধ্যে কেহ কেহ যদি আর্চরাদি-মার্গে স্বর্গাদিলোকে গমন করিয়া তত্তল্লোকের ভোগে আসক্ত না হন তবে তাহারা প্রারঙ্-ক্ষয়-পর্যন্ত দেবশরীরে কেবলোকে অবস্থান করতঃ দিবাভোগ-সমূহ উপভোগ করিতে করিতে মুক্তিধাম প্রাপ্ত হন। যাহারা ভগবদ্ভক্তি-সম্পন্ন হইয়াও দুর্দৈববশতঃ সকাম হইয়া পড়েন তাহারাও ভগবদ্ভক্তির অচিন্ত্য-প্রভাবে স্বেচ্ছানুসারে পারলৌকিক-দিব্যসুখ ভোগকরিতে করিতে বিমুগ্ধচিত্ত হইয়া উত্তরোত্তর উন্নতি-সহকারে নির্কাম-পদ অতিক্রম করিয়া পরিশেষে মুক্তগণেরও দুর্গভ সান্দ্রানন্দ-চিদাত্মক-বৈকুণ্ঠলোক প্রাপ্ত হন। যাহারা নিষ্কাম ভক্ত তাঁহাদিগের আর পরম-সুখের অন্তরায় লোকান্তরের অনিত্যভোগস্বার্থে মত্ত হইয়া রুখা সময় নষ্ট করিতে হয় না। তাঁহারা উৎক্রমণকালে চিন্ময়-ভাগবতীতনু গ্রহণ করিয়া সগুই সচ্চিদানন্দ-বৈকুণ্ঠধাম প্রাপ্ত হন। ঐশ্বর্য্য-ভক্তিমার্গের ইহাই পরমা গতি। তবে যাহারা শ্রীগুরু-গোবিন্দের রূপায় শ্রীবৃন্দা-বনীয় ভাবলোভে মাধুর্য্য-ভক্ত তাহারা রাগানুগীয়-কৃষ্ণপ্রেম-প্রভাবে বৈকুণ্ঠেরও উপরিতন শ্রীকৃষ্ণলোক বা গোলোকধাম প্রাপ্ত হইয়া নিত্য-সিদ্ধব্রজলীলা-পরিকরের সহিত বিচিত্র-লীলানন্দানুভব করিয়া কৃতার্থ হইয়েন। ইহাই প্রাপ্তির চরমাবস্থা।

শ্রীকৃষ্ণসঙ্কীর্ণনপ্রভাবে যখন জীব কৃষ্ণকনিষ্ঠ হন তখন তাহার ভক্তিপরিভাবিত-হৃৎপদ্মে ক্রমশঃ রুচি, আসক্তি, ভাবও প্রেমের আবির্ভাব হয়। তখন মহাভাব-স্বরূপিণী শ্রীরাধাও রসরাজ-বিগ্রহ-শ্রীকৃষ্ণচন্দ্রের লীলামাধুর্য্য নিত্য নূতন-ভাবে উন্মেষিত হইয়া তাহাকে আনন্দসমুদ্রে নিমগ্ন করে, তখনই তাহার সম্বন্ধে “রসো বৈ স রসং হেবাং লক্কানন্দী ভবতি” “আনন্দা ব্রহ্মেতি ব্যজানাৎ” “একাকী ন রমতে সধ্বিতীয়মৈচ্ছৎ” ইত্যাদি শ্রুতিরহস্ত উদ্ধৃক্ত হইয়া থাকে। তখনই তাহার

যে গোপী মোর করে ঘেষে, কৃষ্ণের করে সন্তোষে,  
কৃষ্ণ যারে করে অভিলাষ ।  
মুঞি তার ঘরে ঘাঞা, তার সেবাদাসী হঞা,  
তবে মোর সুখের উল্লাস ॥

নিকট ব্রহ্মানন্দ-পর্যন্তও তুচ্ছীকৃত হইয়া থাকে । শাস্ত্রোক্ত বিঘ্নদুঃখভূতিই তাহার উচ্ছল দৃষ্টান্ত । যথা—

“ব্রহ্মানন্দো ভবেদেষ চেৎ পরাঙ্কি গুণীকৃতঃ ।  
নৈতি ভক্তিসুখাস্তোষেঃ পরমাণুতুলামপি ।” ভক্তিরসাম্ পূ।১।২৫ ।  
“তৎসাক্ষাৎকরণাঙ্কাদবিশুদ্ধাক্ষিস্থিতস্য মে ।  
সুখানি গোপদায়ন্তে ব্রাহ্মাণ্যপি জগদ্গুরো ॥”  
ভক্তিরসামুৎসৃষ্টতহরিভক্তিসুখোদয়ে ।

দূরবগমাত্তত্ত্বগিমায়তবাত্তনো-  
শরিতমহামৃতাক্ষিপরিবর্ত্তপরিশ্রমণাঃ ।  
ন পরিগমন্তি কেচিদপবর্গমপীশ্বর তে  
চরণসরোজহংসকুলসঙ্গবিশৃষ্টগৃহাঃ ॥ ভা ১০।৮৭।১৭ ।  
“নৈকাত্মতাং মে স্পৃহয়ন্তি কেচি-  
ন্মৎপাদসেবাভিরতা মদীহাঃ ।  
যেহ্নোক্ততো ভাগবতাঃ প্রসহ  
সভাজয়ন্তে মম পৌরুষাণি ॥ ভা ৩।২৫।৩৪ ।  
বরং দেব মোক্ষং ন মোক্ষাবধিং বা  
নচাত্মং বৃণেহহং বরেশাদপীহ ।  
ইদং তে বপুর্নাথ গোপালবাণং  
‘সদা মে মনস্ত্রাবিরাস্তাং কিমর্ত্তৈঃ ॥

ভক্তিরসামুৎসৃষ্টতপদপুরাণে ।

যদি ব্রহ্মানন্দকে দ্বিপরাঙ্কি-সংখ্যা-দ্বারা গুণ করা যায় তাহা হইলেও ঐ ব্রহ্মানন্দ ভক্তি-সুখসমুদ্রের পরমাণুর তুল্যও হয় না । প্রহ্লাদ ভগবান্কে বলিয়াছিলেন হে জগদ্গুরো ! তোমার সাক্ষাৎকাররূপবিশুদ্ধানন্দসমুদ্রে-নিমগ্ন আমার ব্রহ্মানন্দও গোপদের তুল্য বোধ হইতেছে ।

শ্রুতিগণ বলিলেন হে ঈশ্বর দুজ্জৈয়-ভগবত্তত্ত্বজ্ঞাপনার্থ আবির্ভাবিতসচ্চিদা-  
নন্দ-মূর্ত্তি তোমার চরিত্ররূপ-মহাসমুদ্রে পরিভ্রমণবশতঃ বিগত-সংসারশ্রম ও  
তোমারচরণপদ্মে অনুরক্ত-ভাগবত-পরমহংসগণের সংসর্গে ত্যক্ত-গৃহস্থাশ্রম  
কোন কোন মহাভাগ-ভক্ত মুক্তিও বাঞ্ছা করেন না । ভগবান্ কপিলদেব  
দেবহুতিকে বলিয়াছিলেন হে মাতঃ ! মৎপাদসেবাভিরতা ও মদর্থসর্বাচরণ যাহারা  
ঋত্ম্পর মিলিত হইয়া আমার অলৌকিক-বিক্রম-সকলকে সম্মান করেন সেই  
ভগবত্তত্ত্বগণ আমার নিকট নির্ভেদব্রহ্মানুভবলক্ষণমোক্ষও বাঞ্ছা করেন না ।

কুষ্ঠী বিপ্রে'র রমণী, পতিব্রতা-শিরোমণি,

পতি লাগি কৈল বেঞ্জার সেবা ।

স্তম্ভিলে স্বর্ঘ্যের গতি, জীয়াইতে মৃত পতি,

• তুষ্ট কৈল মুখা তিন দেবা ॥

হে দেব ! বরদেবের আপনার নিকট মোক্ষফলপ্রদ ধর্ম বা মোক্ষ বা অন্ত  
- কোন পুরুষার্থরূপ কোন বরই প্রার্থনা করি না । হে নাথ কেবলমাত্র এই গোপাল-  
বালক শ্রীকৃষ্ণমূর্তি আমার মনোমধ্যে সদা আবির্ভূত হউন, আমার অন্ত কোন বস্তুর  
প্রয়োজন নাই । “স্বমুখনিভূতচেতা স্তদ্বাদস্তাত্ত্বাভাবোহপ্যজিত-রুচিরঙ্গীলাকৃষ্টসারঃ  
( ভা ১২।১২।৬৯ ) ।

“তস্তারবিন্দনয়নশ্চ পদারবিন্দ-

কিঞ্জঙ্কমিশ্রতুলসীমকরন্দবায়ুঃ ।

অন্তর্গতঃ স্ববিবরণে চকার তেষাং,

সংক্ষেভমক্ষরজুষামপিচিত্ততন্থেঃ ॥ ( ভা ৩।১৫।৪৩ ) ।

আআরামাশ্চগুনয়ো নিগ্রহা অপূরুক্রমে ।

কুর্ষন্তাহৈতুকীং ভক্তিমিথস্তৃতগুণো হরিঃ ॥ ভা ১।৭।১০ ।

“মুক্তা হেনমুপাসতে” ( শ্রুতিঃ ) ইত্যাদি শাস্ত্রবাক্যহইতে ব্রহ্মানুভবি-  
পরম গুরু-শ্রীশুকসনৎকুমারাদি-মহাজনেরাও যে ভগবল্লীলা-মাধুর্য্যে আকৃষ্ট  
হইয়াছিলেন তাহা শ্রবণ করা যায় । শ্রীভগবানের সৈরাচরণ বা শক্তিবর্গ-  
সম্বন্ধে জগৎ-বৃত্তিস্থুরণকে লীলা বলে । তন্মধ্যে সচ্চিদানন্দময়ী-স্বরূপশক্তির  
সহিত যে নিত্যধামের নিত্যক্রিয়া তাহাকে নিত্যলীলা বলে । উহা আবার  
প্রকটরূপা ও অপ্রকটরূপাভেদে দ্বিবিধ । প্রপঞ্চাভিব্যক্তনিত্যালীলাকে প্রকটরূপা  
নিত্যালীলা ও প্রপঞ্চানভিব্যক্ত নিত্যধামস্থনিত্যালীলাকে অপ্রকটরূপা নিত্যলীলা বলা  
হয় । যখন অখিলরসামৃত-মূর্তি-শ্রীকৃষ্ণের লীলামাধুর্য্যাসিকু-নিগম-ভাগবতপরমহংস-  
গণের বা নিত্যভগবৎপার্ষদবর্গের অনুগত-সাধক লীলারসবৈচিত্র্য আন্বাদন করেন  
তখনই চন্দ্রোদয়ে সিন্দুর ত্রায় প্রেমোদয়ে তাহার আনন্দাশুধি বর্দ্ধিত হইতে  
থাকে ; এই নিমিত্তই বিশ্বপাবনশ্রীমন্নহাপ্রভু কৃষ্ণসঙ্কীর্ণনকে “আনন্দাশুধিবর্দ্ধনং”  
এই বিশেষণে বিভূষিত করিলেন । অখিলরসামৃত-বিগ্রহ-শ্রীকৃষ্ণ ও তাঁহার  
নাম অভিন্নহেতু অসকল কীর্তন-প্রভাবে যখন নাম অখিলরসামৃতস্বরূপে  
আবির্ভূত হন তখনই বিভাবানুভাবাদিসন্মিলনে পরমরসাত্মক-শ্রীকৃষ্ণের অখিল-  
রসাত্মকত্ব আন্বাদন-যোগাতা প্রাপ্ত হন ।

“মল্লানামশনির্নাং নরবরঃ স্ত্রীনাং স্মরো মূর্তিমান্

গোপানাং স্বজনোহসতাং ক্ষিত্তিভূজাং শাস্তা স্বপিত্রোঃ শিশুঃ ।

মৃত্যুর্ভোজপতেবিরাড়বিদ্রবাং তত্ত্বং পরং যোগিনাং

বৃষ্ণীনাং পরদেবতেতি বিদিতো রঙ্গং গতঃ সাগ্রজঃ ॥ ভা ১।৪৩।১৭ ।

শ্রীকৃষ্ণ অগ্রজ বলদেবসহ রঙ্গমধ্যে প্রবিষ্ট হইলে, তত্রত্য বিভিন্ন-প্রকৃতি



কৃষ্ণ মোর জীবন,                      কৃষ্ণ মোর প্রাণধন,  
 কৃষ্ণ মোর প্রাণের পরাণ ।  
 হৃদয় উপসে ধরেঁ,                      সেবা করি সুখী করেঁ,  
 এই মোর সদা রয়ে ধ্যান ॥

লোক-সকল তাঁহাকে বিভিন্নভাবে দর্শন করিতে লাগিলেন । মল্লগণ তাঁহাকে বজ্রসদৃশরোদ্ভ, সাধারণ মথুরাবাসিগণ তাঁহাকে অদ্ভুত-মনুষ্য, সাধারণী মথুরাবাসিনীগণ শৃঙ্গার-রসবিশিষ্ট মূর্তিমান্ কন্দর্প, শ্রীদামাদি-গোপবালকগণ তাঁহাকে হাশ্বরস-বিশিষ্ট বয়শ্ৰু; অসৎ-রাজন্যবর্গ তাঁহাকে বীররসবিশিষ্ট শাসনকর্তা, বসুদেব ও দেবকী তাঁহাকে করুণরস-বিশিষ্ট শিশু, কংস তাঁহাকে ভয়ানক মৃত্যু, অস্ত্র ব্যক্তিগণ তাঁহাকে বীভৎস-বিরাটপুরুষ, যোগিগণ তাঁহাকে শান্ত-পরমাত্মা, ভক্ত যাদবগণ তাঁহাকে ভক্তিরস-বিশিষ্ট পরদেবতা-স্বরূপে দেখিতে লাগিলেন । শ্রীভাগবতের উক্ত শ্লোকে শ্রীকৃষ্ণের অখিলরসাত্মকত্ব উপদিষ্ট হইয়াছে ।

শ্রীকৃষ্ণ-সঙ্কীৰ্ত্তন দ্বারা যে ভক্তের সাধনকালে ভাব ও প্রেমের অবস্থায় আনন্দা-সুধিবর্ধন হয় তাহাঁ শ্রীমদ্ভাগবতাদিশাস্ত্রে স্পষ্টাক্ষরেই নির্দেশ করিয়াছেন—

“এবংব্রতঃ স্বপ্রিয়-নামকীৰ্ত্ত্যা,  
 জাতানুরাগো দ্রুতচিত উচৈঃ ।  
 হসত্যথো রোদিতি রৌতি গায়  
 তান্মাদবমৃত্যতি লোকবাহুঃ ॥ ( ভা ১১।২।৪০ ) ।

এইরূপ শবণকীৰ্ত্তনাদিরূপ-ব্রতধারী নিজপ্রিয়-শ্রীকৃষ্ণের নাম-কীৰ্ত্তনাদি দ্বারা জাতানুরাগ অতএব শিথিল-হৃদয় সাধক-পুরুষ প্রেমের উদয়ে উন্মত্তের ন্যায় লোকাপেক্ষারাহিত হইয়া উচ্চস্বরে কখনও হাশ্ব, কখনও রোদন, কখনও চীৎকার, কখনও গান, কখনও নৃত্য করিয়া থাকেন । ভক্ত সাধনানুরূপ প্রেমের অভিব্যক্তিতে কখনও অনুকম্পা-ভূতরূপে, কখনও সখারূপে, কখনও পিত্রাদিরূপে এবং কখনও প্রিয়রূপে অভিমানী হইয়া তত্তৎ-সচ্চিদানন্দ ময়-লীলারস আশ্বাদন করিয়া কৃতার্থ হইয়েন, এবং বাহু ও তদনুরূপ-চেষ্ঠা-প্রকাশ করিয়া থাকেন ; তাদৃশী চেষ্ঠাই তাঁহাদের হাশ্ব-ক্রন্দনাদি ।

“খং বায়ুগ্নিং সলিলং মহীঞ্চ,  
 জ্যোতিংষি সঙ্গানি দিশো দ্রুমাदीন্ ।  
 সরিৎ সমুদ্রাংশ্চ হরেঃ শরীরং,  
 যৎ কিঞ্চ ভূতং প্রণমেদনন্তঃ ॥” ( ভা ১১।২।৪১ ) ।

ভক্ত তখন আকাশ, বায়ু, অগ্নি, পৃথিবী, জ্যোতিষচক্রসকল, ভূতসমূহ, দশদিক্, বৃক্ষাদি-সকল, নদীসমূহ, সপ্ত-সমুদ্র এবং এতদ্ভিন্ন যত কিছু স্থাবর-জঙ্গমাত্মক পদার্থ, সকলকেই শ্রীহরির অধিষ্ঠান বিবেচনা করিয়া অনন্তভাবে শ্রীংগাম করিয়া থাকেন ।

মোর সুখ সেবনে, কৃষ্ণের সুখ সঙ্গমে,

•অতএব দেহ দেউ দান।

কৃষ্ণ মোরে কাস্তা করি, কহে মোরে প্রাণেশ্বরী,

মোর হয় দাসী অভিমান ॥

সিদ্ধদশায় প্রেমের অভিব্যক্তিতে ভগবদুক্ত সর্বজগৎ ভগবন্ময় দর্শন করিয়া থাকেন। তৎকালে তাঁহার অন্তরে বা বাহিরে তদিতর কোন বস্তু প্রতিভাত হয় না। কেবল পরমানন্দময়-ভগবান্-শ্রীকৃষ্ণের ছোতমান-অনন্তরূপ-লাবণ্যরাশি নিরন্তর তাঁহার বহিরন্তর ব্যাপিয়া ভাসিতে থাকে। অখিল-রসামৃত-ভগবদানন্দ-সিন্ধুর সুধাস্বাদ-মুগ্ধ জীবনুক্ত-ভক্ত তখন তৃপ্ত, স্নিগ্ধ, ও আনন্দী হন এবং বিদেহ-কৈবলাকালে নিত্যানন্দরূপিণী ভাগবতী-তনু প্রাপ্তির অনন্তর সাক্তানন্দস্বরূপ শ্রীকৃষ্ণলোকে গমন করতঃ বিচিত্র-লীলারসে মগ্ন হন। ইহাই শ্রীকৃষ্ণচৈতন্য-মহাপ্রভু-প্রোক্ত-শিক্ষাষ্টক-শ্লোকের “আনন্দাশুধিবর্দ্ধনং” পাদাংশের তাৎপর্য। আনন্দাশুধিবর্দ্ধনই কৃষ্ণ-সঙ্কীর্ণনের পরম-ফল। অবশিষ্ট “প্রতিপদং পূর্ণামৃতাস্বাদনং ও “সর্বাশুস্পন্দনং” বিশেষণদ্বয় উহার পূর্ববৃত্তরূপ আনুসঙ্গিক ফল। কারণ শ্রীকৃষ্ণ সঙ্কীর্ণনরূপা-ভক্তি সাধক-হৃদয়ে আবির্ভূতা হইয়া যখন হৃদয়কে স্বাভিব্যক্ত-দিবারস দ্বারা মূপিত ও স্নিগ্ধ করেন তখন শ্রীনাগের “সর্বাশুস্পন্দনং” বিশেষণটি এবং নাম-প্রভাবে বিশুদ্ধচিত্ত সাধক যখন স্বভাব-মধুর শ্রীকৃষ্ণ-নামের অখিলরসাত্মকত্ব-আস্বাদনের সামর্থ্য লাভ করেন তখনই তাঁহার “প্রতিপদং পূর্ণামৃতাস্বাদনং” বিশেষণটির যথার্থ্য উপলব্ধি হয়। তদ্বিষয়ে মহাজনগণ-বরণ্য শ্রীচণ্ডীদাস-ঠাকুর-মহাশয়, সর্বভক্ত-শিরোমণি-শ্রীরাধারানীর মুখহইতে যে সুলালিত-ভাব-রাশিপ্রকাশ করিয়াছেন তাহার কিয়দংশ নিম্নে প্রদর্শিত হইল “সখি কেবা শুনাইল শ্রাম নাম, কানের ভিতব দিয়া মরমে পশিল গো, আকুল করিল মোর প্রাণ। না জানি কতেক মধু, শ্রাম নামে আছে গো,—বদন ছাড়িতে নাহি পারে। জপিতে জপিতে নাম অবশ করিল তনু, কেমনে পাইব বল তারে’।

শ্রীকৃষ্ণ-নাম-সঙ্কীর্ণন যে ভক্তকে নামের প্রতিপদে পূর্ণামৃতাস্বাদন প্রদান করেন তদ্বিষয়ে উপদেশামৃত-নামক গ্রন্থের শ্লোক-বিশেষ উদ্ধৃত হইল—

“শ্রাৎ কৃষ্ণনাম-চরিতাদি-সিতাপ্যবিছা-

পিত্তোপতপ্তরসনশ্র ন রোচিকা নু।

কিস্বাদরাদনুদিনং খলু সৈব জুষ্টা

স্বাদী ক্রমাদ্ভবতি তদগদমুগহস্তী ॥”

ইহার নির্গলিতার্থ নিম্নে প্রদান করা হইল—

পিত্তদগ্নরসনায় স্বভাব-মধুর-মিশ্রিখণ্ড তিক্ত বোধ হয়, কিন্তু উক্ত মিশ্রিখণ্ডের পুনঃ পুনঃ সেবনে পিত্তরোগ উপশমিত হইলে মিশ্রিখণ্ডের স্বাভাবিক-মাধুর্য্য যদ্রূপ যথাযথ অনুভূত হয় তদ্রূপ শ্রীকৃষ্ণ-নাম স্বরূপতঃ নিত্য পূর্ণসুখময় হইলেও অনাত্ম-বিচারোগগ্রস্ত-ব্যক্তির চিত্তে আপাততঃ রুচিকর হয় না—কিন্তু অনুক্ষণ

কান্ত-সেবা সুখপুর, সঙ্গম হইতে সুমধুর,  
তাতে সাক্ষী লক্ষ্মী ঠাকুরাণী ।  
নারায়ণের হৃদে স্থিতি তবু পদসেবায় মতি,  
সেবা করে দাসী অভিমানী ॥

আদরসহকারে শ্রীকৃষ্ণনামানুশীলন-দ্বারা অবিচার নিবৃত্তি হইলে পরম-মঙ্গলময়-  
শ্রীকৃষ্ণনামের স্বাভাবিক-রসমাধুর্যা পরিপূর্ণরূপে আশ্বাদিত হইয়া থাকে । এই নিমিত্ত-  
প্রভুপাদ-শ্রীমদ্রূপগোষ্ঠাঙ্গী বিদগ্ধমাধব নামকগ্রন্থে নাম-মাধুর্য-বর্ণন-প্রসঙ্গে  
লিখিয়াছেন—

“তুণ্ডে তাণ্ডবিনী রতিং বিতনুতে তুণ্ডাবলী-লক্ষয়ে  
কর্ণক্রোড়-কডম্বিনী ঘটয়তে কর্ণকুদেভ্যঃ স্পৃহাম্ ।  
চেতঃপ্রাঙ্গণসঙ্গিনী বিজয়তে, সর্বেশ্চিয়াণাং কৃতিম্  
নো জানে জনিতা কিয়ন্তিরমৃতৈঃ কৃষ্ণেতি বর্ণদয়ী ॥” ( বিদগ্ধমাধব ১।৩৩ ) ।

কৃষ্ণ এই দ্বাক্ষর নাম যখন মুখে তাণ্ডব নৃত্য করিতে থাকে তখন তুণ্ডাবলী  
( অসংখ্যবদন ) লাভ করিবার নিমিত্ত অনুরাগ বৃদ্ধি প্রাপ্ত হয় ও যখন কর্ণক্রোড়ে  
ঐ নাম জাতাকুর হয়, তখন অর্কুদ অর্কুদ কর্ণলাভের নিমিত্ত স্পৃহা জন্মে, এবং  
যখন উল্লি চিত্ত-প্রাঙ্গণের সঙ্গিনীরূপে আবির্ভূতা হয় তখন সমস্ত ইন্দ্রিয়গণের  
ব্যাপার সমূহকে জয় করে অর্থাৎ সে সময় শুদ্ধচিত্তে অষ্টসাত্ত্বিকভাবের  
আবির্ভাব-বশতঃ ইন্দ্রিয়-সমূহের ব্যাপার-সকল অগ্ৰথাভাবে ধারণ করে ।  
সুতরাং জানি না—কত অমৃতস্বরূপে কৃষ্ণ এই বর্ণদয় আবির্ভূত হইয়াছে ।”

অতএব শ্রীমন্নামহাপ্রভু-উপদিষ্ট শ্রীকৃষ্ণ-সংকীৰ্ত্তন-দ্বারা যে সর্বানর্থ-নিবৃত্তি-  
পূর্বক পরম-পুরুষার্থ-প্রাপ্তি হয় তাহা বহু শ্রতিস্মৃতি হইতে সুস্পষ্টরূপে অবগত  
হওয়া গেল । এতদনুকূলে কতিপয় নাম-মাহাত্ম্যচক প্রমাণ নিম্নে দেওয়া  
হইল ।

নামৈকশরণ মহাভাগবতগণ কেবলমাত্র নামকীৰ্ত্তন-প্রভাবেই পরমগতি প্রাপ্ত  
হন যথা—

“সর্বধর্মোজ্জ্বিতা বিষ্ণোর্নামমাত্রৈকজল্পকাঃ ।

সুখেন যাং গতিং যান্তি ন তাং সর্বেহপি ধার্মিকাঃ ॥(পাদ্মে উ।৭।১২৯) ।

বিষ্ণুধর্মো ক্ষত্রবন্ধুপাথ্যানে নিরুপায় ক্ষত্রবন্ধুকে তাহার শ্রীগুরুদেব সর্বাবস্থাতে  
নামকীৰ্ত্তন উপদেশ করিয়া কৃতার্থ করিয়াছিলেন যথা—

“উত্তিষ্ঠতা প্রস্বপতা প্রস্থিতেন গমিষ্যতা ।

গোবিন্দেতি সদা বাচাং ক্ষুভৃটপ্রস্থলিতাদিষু ॥

এবং দেবর্ষি নারদ ধর্মব্যাধকে

“ন দেশনিয়মস্তত্র ন কালনিয়মস্তথা ।

নোচ্ছিষ্টাদৌ নিষেধোহস্তি হরেনামনি লুক্কক ॥ ( বিষ্ণুধর্মো )

এই রাধার বচন, শুদ্ধ প্রেমের লক্ষণ,  
 আশ্বাদয়ে শ্রীগৌররায় ।  
 ভাবে মন নহে স্থির, সাত্ত্বিকে ব্যাপে শরীর,  
 • মন দেহ ধারণ না যায় ॥

এইরূপ উপদেশ করিয়াছিলেন । এবং চঞ্চল-চিত্ত শিষ্যকে শ্রীবৈষ্ণবাচার্য্য

“অপ্যত্রচিত্তঃ ক্রুদ্ধা বা যঃ সদা কীর্ত্তয়েক্করিম্ ।  
 সোহপি বন্ধক্ষয়ানুক্তিং লভেচ্ছেদিপতির্ঘথা ॥ ( ব্রাহ্মে ) ।

এইরূপ অভয়-বাক্য উপদেশ করিয়াছিলেন । তবে এস্থলে বক্তব্য এই যে সাধক-ব্যক্তির সম্বন্ধে সদাচারবর্জিত হরিভক্তিকেও শাস্ত্রে উৎপাতরূপ নির্দেশ করিয়াছেন যথা—

“শ্রুতিস্মৃতিপুরাণাদিপঞ্চরাত্রবিধিং বিনা ।  
 ত্রৈকান্তিকী হরেভক্তিরুৎপাতায়ৈব কল্পতে ॥ ( ব্রহ্মসামলে ) ।  
 “নাচরেদ্ যস্ত নিদ্বৈহপি লৌকিকং ধর্ম্মমগ্রতঃ ।  
 উপপ্লাবচ্চ ধর্ম্মস্য গ্ৰানির্ভবতি নারদ ॥  
 ( নারদ পঞ্চরাত্রে ) ।

ভগবন্মামস্বরগাদ-দ্বারা পরম-পাবিত্রতা-লাভ উপদিষ্ট হইলেও যেমন সাধুগণ অবগাহনস্নানাদিরূপ সদাচার প্রতি পালন করেন তদ্রূপ ভক্তমাত্রই ভক্তির অনুকূলে সদাচার প্রতিপালন করিবেন এবং পুনঃ পুনঃ ভক্ত্যানুশীলন-দ্বারা কৃতার্থ হইবেন । এই সম্বন্ধে শাস্ত্রবাক্য যথা—

“অপবিত্রঃ পবিত্রোবা সর্কীবস্থাং গতোহপি বা ।  
 যঃ স্মরেৎ পুণ্ডরীকাক্ষং স বাহ্যভ্যন্তরং শুচিঃ ॥”

সাপরাধ-জীবের পুনঃ পুনঃ ভক্ত্যানুশীলনব্যতিরেকে অনর্থ-নিবৃত্তি-পূর্বক ভগবৎ-প্রাপ্তি অসম্ভব । এই নিমিত্তই শ্রীভগবান্ উক্তবকে

“প্রোক্তেন ভক্তিযোগেন ভজতো মাসকুণ্মুনে ।  
 কামা হৃদযা নশ্চস্তি সর্কে ময়ি হৃদি স্থিতে ॥

ভা ১১।২০।২৯।

এইরূপ উপদেশ করিয়াছিলেন ও শ্রীকৃষ্ণ-দ্বৈপায়ন ব্রহ্মসূত্রে “আবৃত্তিবসকুপ-  
 দেশাৎ”৪।১।১ । এবং ভগবান্ সনৎকুমার “অবিশ্রান্ত প্রযুক্তানি তাম্বেবার্থকরাণি চ”  
 বলিয়াছেন । তবে যে কোন স্থলে একবারমাত্র ভগবন্মাদি-প্রভাবে জীবের উদ্ধার  
 শাস্ত্রে দৃষ্ট হয় উহা ভ্রমাদিত বহির্ভায়ে প্রচ্ছন্ন-জাতিস্মর ও নামাদ্যপরাধহীন-  
 ভাগ্যবান্ ব্যক্তি বিষয়ক বৃত্তিতে হইবে । অতএব ভবমহাজলধি হইতে পরিত্রাণ-

ব্রজেশ্বর-শুক-প্রেম, যেন জাম্বুনদ হেম,  
 আত্মমুখের যাহা নাহি গন্ধ ।  
 স্বপ্রেম জানাচ্ছে লোকে, প্রভু কৈল এই শ্লোকে,  
 পদ কৈল অর্থের নির্বন্ধ ॥

লাভার্থ সদাচারানুষ্ঠান-সহকারে সতত নামসঙ্কীর্ণন মনুষ্যমাত্রেরই একমাত্র কর্তব্য । এই নিমিত্তই ভগবান্ শ্রীকৃষ্ণ-চৈতন্যদেব ও তদীয় নিত্যপার্ষদবর্গ পোনঃপুন্যভাবে সদাচারসহকৃত ভজনানুষ্ঠান করিয়া জগৎকে শিক্ষা দিয়াছিলেন এবং এই নিমিত্তই পূর্বাচার্য্য মহামতি ব্যাসতীর্থও নিখিল-শাস্ত্রবারিধি-মস্থন করিয়া নামের বিশ্বমাঙ্গল্য ঘোষণা করিয়াছেন । যথা —

“বিষ্ণোনা মৈব পুংসাং শমলমপহরৎ পুণ্যমুৎপাদয়চ্চ  
 ব্রহ্মাদিস্থানভোগাদ্ বিরতিমথ গুরোঃ শ্রীপদদম্বভক্তিম্ ।  
 তত্ত্বজ্ঞানঞ্চ বিষ্ণোরিহমৃতিজননলাস্তিত্বীজঞ্চ দক্ষ ।  
 সম্পূর্ণানন্দবোধে মহতি চ পুরুষে স্থাপয়িত্বা নিবৃত্তম্ ॥

( পদ্মাবল্যাম্ ১২৪ )

অর্থাৎ বিষ্ণুর নাম জীবের পাপ হরণ করিয়া ( ভক্তানুকুল ) পুণ্য উৎপাদন করে ; ব্রহ্মলোকের ভোগেও বিরক্তি উৎপাদন করাইয়া শ্রীগুরুচরণে ভক্তি আনয়ন করে, জন্ম ও মৃত্যুর কারণীভূত-অবিচারবীজ দক্ষ করিয়া শ্রীবিষ্ণুব তত্ত্বজ্ঞান প্রদান কবে ও বিভূ-সচ্চিদানন্দ-শ্রীবিষ্ণুসমীপে ( ভগবদ্ধামে ) প্রতিষ্ঠিত করিয়া পরিশেষে নিবৃত্ত হন ।

গুরুঃ শাস্ত্রং শ্রদ্ধা রুচিরনুগতিঃ সিদ্ধিরিতি মে  
 যদেতৎ তৎসর্বং চরণকমলং রাজতি যয়োঃ ।  
 রূপাপুরস্পন্দনপিতনয়নাস্তোজ-যুগলৈঃ  
 সদা রাধাকৃষ্ণাবশরণগতী তৌ মম গতিঃ ॥

যাহাদের পাদপদ্মে আমার গুরু, শাস্ত্র, শ্রদ্ধা, রুচি, অনুগতি ও সিদ্ধি ( পরমানন্দের পরমসীমা শ্রীকৃষ্ণ স্মৃতি ) এই সমস্তই বিরাজ করিতেছেন, সর্বদা রূপা-সমুদ্রের পরিস্পন্দনে স্পিত-নয়নাস্তোজ-যুগল নিরাশ্রয়ের পরমগতি সেই শ্রীরাধাকৃষ্ণ আমার একান্ত গতি ।

“যদত্র সৌষ্ঠবং কিঞ্চিৎ তদ্ গুরোরেষ মে নহি ।  
 যদত্রাসৌষ্ঠবং কিঞ্চিৎ তন্মমৈব গুরোনহি ॥”

এই টিপ্পনীতে যাহা কিছু সৌষ্ঠব (সদৃশ) তাহা আমার শ্রীগুরুদেবের—আমার নহে, যাহা কিছু দোষ আছে তাহা আমার—শ্রীগুরুদেবের নহে ।

ইতি সিদ্ধান্তবোধিনী টিপ্পনী সমাপ্তা ।

অতঃপর একদিন রথাগ্রে নৃত্য করিতে করিতে প্রভুর পদনখে আঘাত লাগিল। উক্ত আঘাতকে ছল করিয়া প্রভু লোকলীলা সংবরণের অভিলাষ করিলেন। রাত্রিতে কিঞ্চিৎ জরভাব প্রকাশ পাইল। প্রভু প্রাতঃকালে জগন্নাথকে দর্শন করিতে গেলেন; আর ফিরিলেন না। কেহ বলেন, আকাশ-পথে প্রয়াণ করিলেন। কেহ বলেন, প্রভু জগন্নাথের শ্রীবিগ্রহেই নিজবিগ্রহকে অন্তর্ধাপিত করিলেন। আবার কেহ কেহ বলেন, তিনি গোপীনাথের শ্রীবিগ্রহেই অন্তর্হিত হইলেন।



বৈষ্ণবাচার্য্য

শ্রীপাদ গৌরসুন্দর ভাগবতদর্শনাচার্য্য সম্পাদিত

নিম্নলিখিত পুস্তকাবলী

শীঘ্রই প্রকাশিত হইবে।

- ২। পীঠক ভাষ্য বা সিদ্ধান্তরত্ন
- ৩। শ্রীমদ্ভগবদ্গীতা ( বলদেব ভাষ্য, ভাষ্যানুবাদ ও তাৎপর্য্যসহ )
- ৪। শ্রীশ্রীশ্যামসুন্দর
- ৫। লঘুভাগবতামৃত ( টীকাধর সমলঙ্কৃত )
- ৬। হরিভক্তি-বিলাস-সার
- ৭। শ্রীভাষ্য ( চতুঃসূত্রী ) শ্রুতপ্রকাশিকা টীকা ও অনুবাদ সহ
- ৮। ভক্তিরগ্রন্থপঞ্চকম্ ( সানুবাদ ভাগবতামৃতকণা, ভক্তিরসামৃত-  
সিদ্ধু বিন্দু, উজ্জল-নীলমণি-কিরণ, রাগবত্বে চন্দ্রিকা ও মাধুঘা-কাদম্বিনী )
- ৯। পুরুষসূত্র ( সটীক )
- ১০। শ্রীসূত্র ( সটীক )

এবং অন্যান্য ভক্তি-গ্রন্থাবলী।

মুগ্ধবোধীর সূত্রপাঠ

( ধাতুপাঠ, সূত্র লক্ষণ-সহকৃত ) বাহির হইয়াছে। মূল্য মাত্র ১০।









